

清
實
錄

宣宗成皇帝實錄(四)

卷二〇四至卷二六一
道光十二年至十四年

清實錄

第三六冊

中華書局影印

清 實 錄

(第 三六 冊)

宣 宗 實 錄 (四)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 · 62 1/2 印張

1986 年 10 月第 1 版 1986 年 10 月北京第 1 次印刷

印數 0,001——1,500 冊

統一書號: 11018 · 1355—36 定價: 47.00 元

清實錄第三六冊目錄

宣宗成皇帝實錄(四)

卷二〇四	道光十二年正月	一
卷二〇五	道光十二年二月上	一七
卷二〇六	道光十二年二月下	三一
卷二〇七	道光十二年三月上	四四
卷二〇八	道光十二年三月下	五九
卷二〇九	道光十二年四月上	六九
卷二一〇	道光十二年四月下	八三
卷二一一	道光十二年五月上	九八
卷二一二	道光十二年五月下	一二六
卷二一三	道光十二年六月上	一三三
卷二一四	道光十二年六月下	一五二
卷二一五	道光十二年七月上	一八二
卷二一六	道光十二年七月下	二〇五
卷二一七	道光十二年八月上	二三一
卷二一八	道光十二年八月下	二三五
卷二一九	道光十二年九月上	二五二
卷二二〇	道光十二年九月下	二七七
卷二二一	道光十二年閏九月上	二九三
卷二二二	道光十二年閏九月下	三〇六
卷二二三	道光十二年十月上	三二三
卷二二四	道光十二年十月下	三三六
卷二二五	道光十二年十一月上	三五五
卷二二六	道光十二年十一月下	三六八
卷二二七	道光十二年十二月上	三八四
卷二二八	道光十二年十二月下	三九八
卷二二九	道光十三年正月上	四二三
卷二三〇	道光十三年正月下	四三八
卷二三一	道光十三年二月上	四五六
卷二三二	道光十三年二月下	四六九
卷二三三	道光十三年三月上	四八四
卷二三四	道光十三年三月下	五〇〇
卷二三五	道光十三年四月上	五一〇
卷二三六	道光十三年四月下	五三一
卷二三七	道光十三年五月	五三八

宣宗實錄

卷二三八	道光十三年六月上	五六〇
卷二三九	道光十三年六月下	五七〇
卷二四〇	道光十三年七月上	五八六
卷二四一	道光十三年七月下	六〇二
卷二四二	道光十三年八月	六一八
卷二四三	道光十三年九月	六三四
卷二四四	道光十三年十月	六五八
卷二四五	道光十三年十一月	六八二
卷二四六	道光十三年十二月上	七〇三
卷二四七	道光十三年十二月下	七二五
卷二四八	道光十四年正月	七二九
卷二四九	道光十四年二月	七四六
卷二五〇	道光十四年三月	七六七
卷二五一	道光十四年四月	七八七
卷二五二	道光十四年五月	八一一
卷二五三	道光十四年六月	八三一
卷二五四	道光十四年七月	八五五
卷二五五	道光十四年八月	八七九
卷二五六	道光十四年九月上	八九九
卷二五七	道光十四年九月下	九一四
卷二五八	道光十四年十月上	九二九
卷二五九	道光十四年十月下	九四一
卷二六〇	道光十四年十一月	九五六
卷二六一	道光十四年十二月	九七三

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四

蘇林監官經定日滿此居住官奉太極仁閣大學士文淵閣閣學部事務一書房總辦翰林院掌院學士蘇林

天府府官經定日滿此居住官奉太極仁閣大學士文淵閣閣學部事務一書房總辦翰林院掌院學士蘇林

七書房總辦翰林院掌院學士蘇林

內務府府官經定日滿此居住官奉太極仁閣大學士文淵閣閣學部事務一書房總辦翰林院掌院學士蘇林

醫院總辦官經定日滿此居住官奉太極仁閣大學士文淵閣閣學部事務一書房總辦翰林院掌院學士蘇林

上詣

道光十二年壬辰春正月己酉朔

上詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○御乾清宮賜親藩等宴○賞奈

曼扎薩克郡王阿宛都瓦第扎布敦漢郡王
幹咱巴拉紫韁命阿巴噶扎薩克郡王阿爾
塔什第在乾清門行走○庚戌

上御紫光閣賜蒙古王貝勒貝子公額駙台吉

及外藩使臣等宴並賞賚有差○辛亥

高宗純皇帝忌辰遣官祭

裕陵○

上詣

奉先殿

壽皇殿行禮○諭內閣朕於三月初五日啓鑾

初八日祇謁

東陵禮成後於十一日駐蹕南苑十六日回圓

明園所有應行事宜著各該衙門照例敬謹

豫備○壬子

上詣

大高殿行禮○幸圓明園奉

皇太后居綺春園○詣

安佑宮行禮○貸直隸大名元城二縣上年被

水被旱被雹災民口糧命平糶滄玉田二州縣倉穀○展賑安徽懷寧桐城宿松望江貴池銅陵東流當塗蕪湖繁昌無為廬江巢鳳陽懷遠靈璧鳳臺泗五河和含山二十一州縣及屯坐各衛上年被水被旱軍民一月並加賞懷寧鳳陽盱眙泗桐城宿松蕪湖和含山青陽建德懷遠靈璧鳳臺天長全椒壽十七州縣及屯坐各衛軍民一月口糧○貸河南商邱鹿邑永城三縣上年被雹被風被水災民倉穀○緩徵山東鄒平長山德平陽信汶上陽穀曹聊城莘濟寧魚臺齊河惠民海豐濱利津霑化嘉祥高苑十九州縣並臨清東昌二衛上年被水村莊本年上忙正雜額賦○貸陝西葭綏德清澗米脂四州縣上年被霜被雹災民籽種○是日立春順天府進土牛春山寶座○癸丑上詣綺春園問皇太后安○諭內閣向來盛京五部侍郎及各

省將軍都統副都統城守尉總管等有年班輪替進京之例嗣後著自到任之日起扣滿三年奏請陞見俱毋庸年班進京至直隸總督古北口提督每遇鑒輅巡幸時得以扈從召見其年班進京之例亦著停止○甲寅諭內閣長齡等奏各城移改大臣應行更換印信並補給伯克圖記請敕部頒發一摺此次奏定移改各城大臣除參贊大臣移駐葉爾羌原領印信毋庸更換外其葉爾羌辦事大臣印信准其封貯存庫如遇參贊大臣帶印公出即著幫辦大臣鈐用喀什噶爾幫辦大臣改為喀什噶爾辦事領隊大臣和闐領隊大臣改為和闐辦事大臣俱應行頒給印信裁汰和闐幫辦大臣改為葉爾羌領隊大臣應行頒給圖記著禮部鑄造頒發至喀什噶爾阿奇木伯克伯什克勒木阿奇木伯克阿爾琥阿奇木伯克烏帕爾阿奇木伯克均於十年賊匪滋事時遺失圖記著禮部一併鑄

造補行頒給該部知道○諭軍機大臣等前因有人參奏兩淮候補運判童瀛黃緣至省城審案經陶澍保舉儘先補用該員在省把持公事聲名狼籍等情當經降旨交朱士彥等訪查具奏茲據奏該員分發兩淮即經前督臣調赴審案實不始於陶澍至在省有無不協之處揚郡亦無所聞惟該員分發未久即得儘先人多缺少不能貼服等語該運判在省審案前此曾否承審臬匪李二一案並

實錄卷一百四

此外承審各案有無物議不難察訪而知乃該尚書等既稱該員在省審案有無不協之處揚郡並無所聞何以知該員因得儘先人皆不能貼服究竟該員在省審案何事不能服眾應否留於該省候補均未切實聲敘著朱士彥等再行詳查明確據實具奏毋稍含混將此諭令知之尋奏童瀛審訊臬匪李二一案獨著勞績督臣陶澍保舉儘先補用並非由黃緣而得此外發審案件均能認真不

聞物議未便即予廢棄報聞○又諭據朱士彥等奏訪察江蘇安徽兩省災務查有江蘇淮安府鹽城縣知縣孔昭杰開報戶口不能認真安徽安慶府宿松縣知縣藍桂報災遲延池州府青陽縣知縣彭輔周遺漏災區甲數均屬辦理不善等語著陶澍等查明各該縣有無前項情弊如實有辦理不善之處著據實參奏再此外尚有玩視賑務之員一併嚴參又據奏此次江蘇安徽災區較廣紳士

實錄卷一百四

等隨同地方官稽查勸捐助賑俱屬急公慕義向來捐資助賑三百兩以上議敘給予頂帶有職人員給予加級紀錄一千兩以上給予職銜其辦理捐賑事宜亦予議敘惟地方官勸賑之時常恐人數之少議敘之時每嫌人數之多更有各衙門書吏意存婪索層層駁查以致經年累月不能上達殊不足以示獎勵請飭督撫嚴禁書吏稽遲早為查辦等語地方紳士捐辦賑務出力自應早為奏請

恩施豈容書吏等有意延擿著陶澍等分飭督賑大員及各府州縣查明捐資三百兩以上並無身家不清及出力之紳士例應議敘者於賑務告竣之日即行加結申送上司覈實具奏毋得任聽書吏意存挑剔稍稽時日以重賑務將此各諭令知之尋奏孔昭杰開報戶口稍涉拘泥尚無別項情弊藍桂報災日月尚未遲逾亦無隱匿情事彭輔周遺漏災區甲數實因未能悉心釐剔並非有心諱

匿業經勒令休致請免置議報聞○又諭據前任江西巡撫吳光悅奏南康府星子縣屬蓼花池為諸水之匯年久失修沙淤日積經署南康府事南昌府同知霍樹清勘度地勢應於池口東北挑去淤沙疏通溝道並於溝旁起築避沙壑壩添建閘板計需工費銀四千兩該縣有解存救生田租一項請於此內動給銀四千兩以為挑疏工費並動支銀一千四百兩發交典商按年一分生息同前任

南康府知府狄尚綱原捐租穀以為每年挑除新淤之用俾數千畝農田得以永資捍衛等語所奏為農田水利起見自應趕緊挑疏著吳邦慶莅任後即行查明辦理將此諭令知之○又諭據長齡等奏遵旨覈議具奏一摺此次酌減滿漢防兵二千五百名各城文武員弁亦大加裁減統計舊額新增各大臣官員兵丁書識等歲需糧料合併西四城額徵各色糧石通融撥用已足供支毋庸採買津貼又據和闐阿奇木伊斯瑪依爾等呈請歲捐糧一千二百石供添兵口食烏什阿奇木木薩等呈請在寶興屯工地內捐資建築回城令屯兵歸城操演每歲額交糧石即由回戶照數交納又西四城歲徵賦錢六千七百餘串除搭放外每年存贖普爾錢五千餘串現據該將軍等減定暫添防兵五千餘名需餉不過十萬兩若將存贖賦錢以二百二十文合銀一兩折算可充經費銀二萬三千

餘兩。此項存贖賦錢。向係各城備貯充公。按年報銷。用款不一。不皆散在兵眾。若將五千餘串錢文。全數搭放兵餉。則散有常期。城市錢源。益加充裕。不致錢貴銀賤。至安鑪鼓鑄。祇阿克蘇一城。普爾錢文。行用止在回疆。非內地可比。額鑄之錢。與歲俱增。輾轉流通。總不出八城地面。現駐喀什噶爾征兵一萬數千人。並未因此錢價騰貴等語。既據該將軍等查明。均係實在情形。俱照所議辦理。總在

實錄卷二百

九

撫綏得宜。以收長治久安之策。將此由五百里諭知長齡。玉麟並諭壁昌知之。○揚威將軍大學士長齡等奏喀什噶爾善後大局已定。酌撤滿漢征兵歸伍。報聞。○貸江西南昌新建豐城進賢。新昌鄱陽萬年。星子。都昌建昌安義德化。德安瑞昌。湖口彭澤。十六縣上年被水災民籽種。○貸湖北江夏武昌咸寧嘉魚漢陽黃陂漢川孝感。沔陽黃岡黃梅廣濟江陵。公安。石首監利蒲圻興國大冶雲夢。

二十州縣並屯坐各衛上年被水軍民籽種。○貸湖南武陵龍陽沅江安鄉華容桃源澧乾州鳳凰九廳州縣及岳州衛上年被水軍民籽種。並貸華容縣及岳州衛軍民一月口糧。○貸甘肅渭源寧遠靜寧隆德安化碾伯兩當七州縣上年歉收貧民籽種口糧。○貸貴州桐梓縣上年歉收貧民籽種。○乙卯世祖章皇帝忌辰遣官祭

實錄卷二百

十

孝陵。○諭軍機大臣等。昨降旨將各省將軍都統副都統等員。奏請年班進京之例停止。均於到任之日起。扣滿三年。奏請陛見。惟盛京城守尉察哈爾總管例不奏事。著於到任三年後。由該將軍都統代為奏請。陛見。將此各諭令知之。○步軍統領著英等奏。拏獲紅陽教會匪孟孟六等。請交刑部。得旨著軍機大臣富俊會同刑部審訊。其在逃之龐五著趕緊嚴拏。務獲歸案究辦。○以御前侍衛道慶署武備院卿。○丁巳以校勘方略事竣。予主事

顧英等選補議敘有差○戊午享

太廟遣定親王奕紹恭代行禮○

上詣

時應宮

昭顯廟拈香○還宮○遣官祭

太歲之神○貸江西司庫道庫銀造黃河口

官剝船從漕運總督吳邦慶請也○以次辛

祈穀於

上帝自是日始齋戒三日○己未諭內閣前據

實錄卷二百四

鍾靈奏蘆商併引辦鹽已有成效請定案永

遠遵行當降旨交戶部議奏茲據禧恩等奏

稱自道光元年試辦後已歷多年實有成效

著准其永遠遵行以歸節省蘆商經此次施

恩調劑轉運益臻充裕嗣後每年應完引課

著該鹽政實力督徵務須年清年款以收引

銷課裕之實效儻該商人等於併引加斤之

外私行夾帶鹽斤影射滋弊即著查明嚴叅

懲辦以杜弊混○庚申

上詣

南郊齋宮齋宿○山東巡撫訥爾經額奏遵旨

酌裁兗州鎮屬兵一百二十名登州鎮屬兵

一百二名曹州鎮屬及撫標兵一百四十六

名下部知之○以捐修安徽涇縣城垣書院

予知縣王友仁等加銜議敘有差○辛酉祈

穀於

上帝

上親詣行禮○辛圓明園○詣綺春園問

實錄卷二百四

皇太后安○以浙江杭州嘉興湖州三府屬上

年被災命免各商船米稅○壬戌

上御奉三無私殿賜親藩等宴○諭內閣魏元

烺奏保舉堪勝陸路水師總兵之副將一摺

福建省督標中軍副將黃其漢浙江陸路樂

清協副將崇福俱著准其送部引見陸路臺

灣北路協副將葉長清著毋庸送部引見水

師閩安協副將沈鎮邦甫於上年五月到任

資俸甚淺業經該署督聲明且念一時水師

乏人著照所請姑准其送部引見該部知道
○癸亥。

上詣

安佑宮行禮○御正大光明殿賜朝正外藩等
宴作樂賜酒如除夕儀○御山高水長賜王
公大臣蒙古王貝勒貝子公額駙台吉及外
藩使臣等食○濬江蘇丹徒丹陽二縣運河
從巡撫程祖洛請也○甲子。

上御正大光明殿賜大學士尚書等宴○乙丑。

實錄卷一百四

十一

實授沈維鏞都察院左副都御史以大理寺
卿王楚堂署都察院左副都御史○丙寅諭
軍機大臣等據有麟等奏本年正月十四日
寅刻。

景陵宮門外西餉餉房南次間後檐失火當即
率領弁兵立時救熄計燒後檐席排一架熏
焦檐椽十九根飛檐一丈三尺檐頭面寬五
尺詰詢失火之由咸稱實不知情恐係過路
人遺失火種等語試思

陵寢重地非外間閒雜多人之處可比理宜敬

謹小心照管何至有餉餉房失火之事而又
無失火之由奏辦甚屬草率且是日應辦祭
品天尚未明官役未到何能失火據稱火由
席排燒起自係在外遺失火種尤屬不近情
理著特登額詳細查訊失火根由並是日值
班巡守各官兵員名據實具奏毋任伊等飾
詞狡展稍涉含混至有麟等請將章京富勒
章阿交部嚴加議處總管塔興阿議處及有

實錄卷一百四

十二

麟溥喜鍾昌自請察議之處著俟特登額奏
到時再降諭旨將此諭令知之○又諭本日
據軍機大臣等奏訊據王老頭子供稱伊聽
從河南涉縣人申老敘習白陽教念十字經
此外尚有飛龍寺等處會匪甚不安分係聞
老得告知等語迨問老得到案訊據供稱伊
曾入大乘會擬軍於道光二年釋回五年間
聞知鉅鹿縣北三四里王家莊人蕭老尤即
姬三白係大乘會內蕭老明之姪指稱有同

會人在京帶信。囑為斂錢幫助。伊同姜老梅並山東冠縣韓家樓人韓豐年即韓老長。送錢入會。有鉅鹿縣沙井村人杜爾盛。韓家莊人周庭桂即周老明。並不知村名人張書紳。幫蕭老尤令伊立誓。印給手模。給伊黃紙條。上寫忠臣一箇等字。鈐用圖書。伊攜回燒燬。嗣蕭老尤令伊張貼教匪謠言。伊不肯。即與姜老梅韓豐年。並鉅鹿縣屯頭村人孫效吟。冠縣梨園屯人閻老志。投入清河縣豆家務村人尹老須會內。伊送給尹老須銀兩。親見尹老須耳有白毫。臂有肉龍。自稱南陽佛。建蓋房屋。稱為飛龍寺。後伊復與王老頭子認識。引進袁勤等入會。上年七月會遇唐八九月間。伊與頤老毛送給書信。約俟今年正月再見。呈首蕭老尤等劣跡等情。並據張老慶亦稱。稔知蕭老尤素有張貼匿名揭帖之事。等語。上年六七月間。河南山東查獲匿名揭帖。敘述尹老須父子聚眾謀叛語多狂悖。恐

即係蕭老尤編造。至尹老須及子尹明仁。雖經琦善飭查嚴審。係因掘藏致富。並無習教不法交結匪人之處。而閻老得等現據供認。送給尹老須銀兩入會。親見尹老須耳有白毫。臂有肉龍。自稱南陽佛。歷歷如繪。是否該犯等挾嫌妄指。抑竟係尹老須等從前恃無質證。飾詞狡卸。亟應徹底根究。以期水落石出。著琦善訥爾經額查照單開該犯等年貌。將蕭老尤即姬三白。杜爾盛。周庭桂即周老明。張書紳。尹老須。尹明仁。孫效吟。韓豐年。即韓老長。閻老志。密速掩捕。毋任一名聞風。脫。並將蕭老尤等家探查簿籍圖書等物。同尹老須案卷宗。飛速解京。提同嚴訊懲辦。其前提未到之頤老毛。王老玷。趙五斤。兒陳祥。李靠山。兒劉長青。張老盛。俱著嚴拏。速解歸案辦理。至申老敘。既在直隸傳徒。其原籍入教之人。亦必不少。現據趙順青等供申老敘於嘉慶十九年病故。家住涉縣馬步村。伊二

子務農度日。著楊國楨嚴密訪拏究辦。以淨根株。將此各諭令知之。○浙江巡撫富呢揚阿奏。兼管鹽政一年以來。共徵完引課七十餘萬。較之往年尚無短缺。而積引滯壓課款糾牽。亟須逐一釐剔。設法輸補。得旨。通盤籌畫。盡心力而為之。如日後兩浙鹽務弊端。必惟汝是問。懍之勉之。○以浙江丁力拮据。展緩各幫船應交借欠銀米。○丁卯。

上御山高水長。賜王公大臣蒙古王貝勒貝子。

實錄卷一百一

七

公額駙台吉及外藩使臣等食。○諭內閣。長齡等奏。調任領隊大臣。並隨征出力侍衛。懇請鼓勵一摺。額爾古倫。前因在阿克蘇進兵遲延革職留任。茲據長齡等奏。該員現經調補喀什噶爾領隊大臣。有管理回務訓練兵丁之責。非本駐防地方可比。所有該員革職留任處分。著加恩准其開復。哈豐阿之子藍翎侍衛德恩。隨同進征奮勇出力。著加恩賞給五品銜。仍作為藍翎侍衛。以示獎勵。該部

知道。○諭軍機大臣等。長齡等覆奏。疊奉訓諭一摺。覽奏俱悉。此次暫添防兵。既據該將軍等查明。每歲需餉不過十萬兩。各城額徵糧料足數供支。既無須採買。即可不致擾累回眾。著即照所請辦理。並於回戶中挑選兵丁食糧充伍。抽撤換防兵額。其應撤征兵七千餘名。亦著分起撤回。仍著壁昌等察看情形。隨宜辦理。朕前此降旨。因各城添設文員流弊滋多。竟可概不議增。此次請將巡檢一

實錄卷一百一

六

併裁撤。仍遵舊制。所辦是。其請暫留哈豐阿郭繼昌二員演習操防。俾壁昌專辦地方事宜。哈豐阿郭繼昌俱著准其留駐。督同各將弁派撥操防。勤加訓練。俟通商事定。再奏明各回本任。其從前齊慎駐兵處所。既據查明在烏什卡外。該處久已平靜。自未便再往紮營。轉令布魯特等疑懼。現在烏什有防兵一千七百餘名。足壯聲威。該將軍請就西四城留防兵數。通融分設。較卡外紮營更為得力。

著照所請行。仍准留周悅勝唐倭。二員分投巡防彈壓。俾聲勢益為聯絡。設遇緩急。相機應援。出奇截擊。至喀什噶爾英吉沙爾和闐兵數。據該將軍等查明驟難減撤。著俟通商後。再將喀什噶爾換防總兵裁撤。並將各城換防官兵次第刪減。喀什噶爾現無籌辦事件。長齡等即赴葉爾羌。巴爾楚克一帶。會同履勘。後在阿克蘇暫駐。候旨遵行。將此由六百里諭令知之。○揚威將軍大學士長齡等奏查勘喀什噶爾等城。應行修築。並添建滿城衙署兵房。即將叛產變價興工。下部知之。又奏遵查明巴什阿哈胡里。又稱明伯克係霍罕管事頭人。滋事梗化。皆其主謀。今既照常貿易。明巴什有利可圖。自不致如前倔強。從此卡內卡外可期靜謐。報聞。○封喀什噶爾

龍神為惠保靈佑龍神。並修建廟宇。從揚威將軍大學士長齡請也。○刑部尚書陳若霖

年老休致。以刑部左侍郎戴敦元署尚書。○以承辦伊犁軍需出力。予主事職銜錫拉善等加銜升敘有差。○戊辰

上詣綺春園問

皇太后安。○命都察院左副都御史順天學政

劉彬士來京。署刑部左侍郎。○命詹事府少

詹事帥承瀚提督順天學政。○己巳

孝穆皇后忌辰遣官祭

賓宮。○諭內閣。戶部奏議覆楊遇春請將留駐

肅州聽差官兵支給鹽菜口糧。並調赴肅州

聽差官兵支給盤費二款。該部並未辦有成

案。難以覈准。請旨定奪。此項官兵兵丁。既據

該督聲稱調赴肅州差遣。距本營較遠。兵丁

自須給予鹽菜口糧。其官兵皆係微末之員。

力難自給。亦須給予盤費。均著加恩准其支

銷。○又諭寶興等奏籌議吉林旗人捕打牲

畜地界章程一摺。前據富俊奏。吉林旗人向

以捕打牲畜為業。演習槍馬。請酌改逃旗條

例當經降旨嗣後吉林所屬旗人初次逃走仍照舊例被獲者鞭一百一年以內自行投回者免罪一年以外投回者鞭六十其二次逃走者無論投回拿獲俱行銷檔為民俾旗人得以從容操演鳥槍赴山捕打牲畜克成國家勁旅此為吉林酌改辦理他省不得援以為例其吉林所屬閒山並准旗人於左近山內隨時捕打所得牲畜聽其售賣所買之人給與照票無庸查禁並令寶興等將何地

實錄卷一百四

三

准其打牲何地不准打牲查明妥議具奏茲據奏稱吉林捕打進貢牲畜圍場並打牲烏拉採捕蜂窩場及松花江西岸輝法河北岸一帶向係封禁業經設有卡倫官兵防守毋庸另議其餘閒曠山場均設有卡倫請仍循舊例凡旗人攜槍出卡捕打牲畜者毋庸查禁如有攜帶民人不領照票偷挖人蔞私砍木植者嚴行查拏治罪等語著照所議辦理責成該將軍等隨時嚴飭各卡倫官兵認真

清 實 錄 道光十二年正月

稽查每年遠派協領佐領等官帶同兵役春秋巡查二次僅有偷越人犯嚴拏懲治並將坐卡倫官兵暨攜帶之旗人一併叅辦其認買鹿角筋皮商人飭令報驗給發路票知照盛京將軍府尹山海關副都統等衙門毋庸截拏該將軍等即通行所屬各城一體遵辦以示朕軫念旗人生計修明武備至意○庚午諭內閣御史那瑪善奏官雇民車請禁差役擾害一摺順天府直隸各州縣遇有公務

實錄卷一百四

三

雇備車輛自應照例給與草料腳價豈容差役任意勒索從中剋扣若如該御史所奏近日雇備車輛之時押車人等百計剋扣以致車戶不敷食用視官雇為畏途又州縣飭役雇車每於足數之外加倍雇覓內有不願前往者賄求差役縱放該役等藉以飽其慾壑更有溫飽之家聞有官車先期向雇車之役豫為賄囑以圖免雇此等情弊不可不嚴行查禁著順天府府尹直隸總督遇有雇備車

一一

輒嚴飭該州縣認真經理毋許差役藉端滋擾如有前項情弊即嚴行懲辦毋稍寬縱○山西巡撫阿勒清阿奏遵旨酌裁撫標兵十七名太原鎮屬兵一百五十名大同鎮屬兵二百九十七名下部知之○以兵部右侍郎鐵麟吏部右侍郎申啓賢知貢舉○辛未孝聖憲皇后忌辰遣官祭泰東陵○

上詣

實錄卷二百四

二二

恩慕寺

恩佑寺行禮○諭內閣直隸馬蘭鎮泰寧鎮所屬各營額設兵丁關繫

陵寢重地與各標營情形不同所設兵額俱著毋庸裁減該部知道○又諭本年輪應查閱湖北湖南雲南貴州營伍之期湖北湖南著即派盧坤雲南貴州著即派阮元逐一查閱務各認真簡校如查有訓練不精軍實不齊者即將廢弛之將弁據實叅劾毋得視為具

實錄卷二百四

三

文○又諭奕綸等奏請將歷年用膳息銀援案發商生息等語廣恩庫自道光七年起所收易州解交樹價息銀共積存二千三百四十兩零著照所請准其將銀三百四十兩零存庫以備換補樹株之用其餘銀二千兩著交易州知州發商按一分生息自道光十三年起每年於正月月底如數解交該衙門知道○以甘肅按察使惠豐為湖南布政使廣東鹽運使慶林為甘肅按察使○以雲南督標中軍副將它克它布為普洱鎮總兵官○壬申諭內閣陶澍奏降調道員委令會辦淮鹺等語准北鹽引滯銷各岸前據該督奏准於海州所屬之中正板浦臨興三場要隘設局抽稅及販運價值給票事宜必需熟悉鹺務之員責成經理以期行之有濟江蘇降調淮揚道鄒錫淳著准其前往淮北督同監掣分司各員察勘情形會同地方官確細籌辦其一切給票抽稅章程仍與該署運司俞德澗

會議妥辦。○又諭盧坤等奏請暫留候選同知沈志尹辦理湖北隄工等語。湖北隄工修築事宜正在需人幫辦。該督等所請為要工起見尚無不可。總不得藉此開一鑽營倖進之路。即工竣之日亦不能妄希格外邀恩也。○湖廣總督盧坤等奏湖北被水各屬潰缺隄工分別借項修理。嚴除書差董事勾串侵漁之弊。僉委員不實心經理。即撤叅懲辦。得旨不可空言塞責。如有辦理不善者必須從嚴究治。懲一儆百。不准姑息。又奏酌擬修築隄工章程。批。所議尚屬周妥。但要行之以實。不可徒託空言。勉之又勉。令出惟行。弗惟反刻。不可忘。○命工部尚書穆彰阿馳往東陵會同馬蘭鎮總兵官特登額查辦事件。○以理藩院尚書博啓圖兼署工部尚書。○以大學士富俊兼署鑲白旗滿洲都統。○賞和孝公主子福恩委散秩大臣。○准江蘇前任四川銅梁縣知縣貴逢甲重赴恩榮宴賞。知

實錄卷二百四

五

州銜前任浙江溫州鎮總兵官李景冒重赴鷹揚宴。賞一品銜。○命陝甘總督楊遇春撥銀四萬六千兩有奇解往伊犁。備本年閏月加餉。○命湖北荊州府萬城隄工改歸知府承辦。並貸寶武局錢修江陵公安監利三縣隄壩。從總督盧坤等請也。○癸酉諭內閣陶澍等奏叅緝捕不力。致要犯拒捕脫逃之知府縣營一摺。此案江蘇武進縣已革生員莊午可係奉旨緝拏要犯業經潛回本籍該地方官自應密速掩捕。乃該府縣營等玩視公事。並不妥密設法。慎速查拏。致釀拒捕重案。被拒之後。又不奮勇追擒。以致要犯仍復脫逃。實屬無能可惡。常州府知府恆泰武進縣知縣程士偉常州營遊擊珠爾恭阿俱著撤任。摘去頂帶。勒限一月。責令協同署任。將要犯莊午可及要夥駱駝和尚暨附從夥犯按名嚴緝務獲。如限滿不獲。即著奏請革職。併治以應得之罪。決不寬貸。○四川學政黃琮

實錄卷二百四

六

奏謝恩摺內年月書寫違式請交部議處得旨年月書寫違式何關緊要所請交部之處著加恩寬免其學政本任之事務要謹慎公平如有不善朕不能寬恕也○以戶部左侍郎江蘇學政汪守和為禮部尚書吏部尚書潘世恩兼署工部尚書命內閣學士廖鴻荅提督江蘇學政○以內閣學士聯順署京營右翼總兵○盛京副都統額勒登因病休致調歸化城副都統祥康為盛京副都統以工

實錄卷二百四

三

部左侍郎惠顯為歸化城副都統○禮部議准湖南巡撫吳榮光疏報採訪茶陵州貞節婦女劉湯氏等三百九口請建總坊旌表從之○甲戌

上詣綺春園問

皇太后安○朝鮮國王李琿遣使表賀

萬壽冬至元旦三大節賞賚筵宴如例○南掌

國王召蟒塔度臘遣使表賀

萬壽並貢方物賞賚筵宴如例○暹羅國王鄭

福遣使表貢方物賞賚筵宴如例○調兵部左侍郎裕誠為工部左侍郎刑部左侍郎凱音布為兵部左侍郎盛京戶部侍郎鄂順安為刑部左侍郎盛京工部侍郎嵩惠為盛京戶部侍郎盛京刑部侍郎裕泰為盛京工部侍郎兼管奉天府府尹事盛京兵部侍郎常文為盛京刑部侍郎以都察院左副都御史德興為盛京兵部侍郎○調吏部右侍郎申啓賢為戶部左侍郎兵部右侍郎湯金釗為

實錄卷二百四

三

吏部右侍郎以署都察院左副都御史大理寺卿王楚堂為兵部右侍郎○以鑲黃旗參領王蘭為正黃旗蒙古副都統○乙亥

上詣

大高殿行禮○還宮○以祭

社稷壇自是日始齋戒三日○丙子諭軍機大

臣等本日據特登額覆奏

景陵宮門外西餉餉房失火一摺已明降諭旨將左右翼值班章京明安等革職交穆彰阿

等嚴訊矣

陵寢重地。非外間閒雜多人之處。可比理宜敬謹。小心看守。乃本日據特登額查出本月初九日酉刻。先有東膳房被火熏焦情形。尤堪驚詫。初九日酉刻。甫經日入。自尚有人看守。何遽被火熏焦。甚屬可疑。此事有麟等斷無不知。何以未據奏聞。是否該總管塔興阿匿未稟報。抑係有麟等知而不奏。殊出情理之外。若使早經奏辦。則該甲兵等警心照料。何

實錄卷一百四

三十一

至有十四日餽餼房失火之事。有麟等形同木偶。所司何事。顯有消弭含混情弊。至十四日失火。勢難再行諱飾。始行具奏。是日是否丑刻起火。寅刻救熄。或尚有不實之處。穆彰阿等亦須明查暗訪。務得確情。昨據鍾昌面奏。餽餼房外。係屬走道。恐係道路人遺失火種等語。朕思餽餼房外。即係走道。亦不應貼近餽餼房。南次間後檐。自即係口門內。人有心縱火。且

景陵宮門外餽餼房。係往

孝陵

孝東陵道路。此等縱火人犯。不論何地。不拘何時。皆可逞其伎倆。若使

隆恩殿等處。稍有疏虞。尚復成何事體。穆彰阿等必應嚴切根究。務令水落石出。將縱火人犯。從重治罪。不許稍有含混。其總管塔興阿。郎中三德。均有應得之咎。並著於定案時。一併叅處。有麟等如查有隱飾情弊。俱著嚴叅。

實錄卷一百四

三十二

毋稍瞻徇。將此諭令知之。○以戶部左侍郎敬徵。署經筵講官。申啓賢。充經筵講官。○以工部尚書朱士彥。為武英殿總裁官。○丁丑。孝儀純皇后忌辰。遣官祭

裕陵。○諭內閣。御史豫益奏。請嚴禁奸商拆賣房舍一摺。奸商拆賣房舍。從前例禁甚嚴。自應隨時查禁。至該御史所奏。遇有應修房舍。必呈報該管地方官驗明。方准修葺。工竣再行查驗。恐自此紛紛報驗。轉致胥役滋擾。實

屬室礙難行。該御史所奏著毋庸議。○軍機大臣等奏審明孟六等學習紅陽會按律定擬得旨。此案孟六先經拜谷老為師。入紅陽會燒香念經治病傳徒。迨谷老病故後復敢在家供奉飄高老祖圖像聚眾拜會實屬目無法紀著發往烏魯木齊為奴遇赦不赦在逃之龐五著步軍統領衙門順天府五城暨直隸總督一體查拏務獲究辦嗣後各項習教為首人犯有應行遇赦不赦者著刑部酌定章程具奏尋奏嗣後白陽白蓮八卦紅陽等項邪教為首之犯無論罪名輕重恭逢恩赦不准查辦並逐案聲明遇赦不赦字樣其為從之犯亦俱不准援減從之以故鎮國將軍綿崑子奕樞降襲輔國將軍

實錄卷二百四

五

大清宣宗效天符運立中體正至文聖武智勇仁慈儉勤孝敏成皇帝實錄卷之二百四

實錄卷二百四

五十二

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五

張蔭桓奏為請卹日講學士張蔭桓等事。臣等查蔭桓等係前經奏請卹恤之故。應請卹恤。以昭優異。伏乞聖鑒。謹奏。

天府府尹事。蔭桓等係前經奏請卹恤之故。應請卹恤。以昭優異。伏乞聖鑒。謹奏。

七倉。蔭桓等係前經奏請卹恤之故。應請卹恤。以昭優異。伏乞聖鑒。謹奏。

內務府大臣。蔭桓等係前經奏請卹恤之故。應請卹恤。以昭優異。伏乞聖鑒。謹奏。

蔭桓等係前經奏請卹恤之故。應請卹恤。以昭優異。伏乞聖鑒。謹奏。

林

道光十二年壬辰二月戊寅朔祭

大社

大稷

上親詣行禮諭軍機大臣等本日據盧坤及

海凌阿由驛馳奏湖南江華縣錦田徭匪糾

眾滋事起程前往督辦各一摺上年十二月

二十九日江華縣錦田鄉徭人趙金隴聚集

九冲徭人五六百人在雨河口等處劫殺男

婦二十餘名口經遊擊王俊帶兵往捕格殺

徭匪男婦十四名口拏獲徭匪五名本年正

月初五六日徭匪復至洪江寨黃竹寨傷斃

兵丁一名及書差民人男婦共四十五名口

又總兵鮑友智正月初十日馳抵江華查明

徭匪趙金隴聚集長塘坪各寨糾眾約有千

餘均給紅布數尺裹首為號該總兵飛飭營

縣派撥弁兵鄉勇將各冲路口概行防堵陸

續拏獲應援奸匪二十餘人徭民向稱安靜

自入版圖以來百數十年從未滋事今事起

倉猝定有起釁激變之由是否與毗連村民

懷有夙讎抑被漢奸盤剝窮極變生必須將

為首要犯趙金隴生擒嚴訊其因何糾眾搶

劫務得確情並將抗拒殺人之徭匪盡法懲

辦先行出示曉諭散其脅從不得稍涉張皇

致滋擾累其安分徭人仍設法撫綏俾免驚

擾吳榮光已於十九日帶同長沙協副將嵩

齡前往查辦但湖南省城甚為緊要不可無

大員彈壓盧坤現已帶兵赴彼吳榮光著即

折回省城無庸前往海凌阿現已在彼督辦

朕思羅思舉久歷行陣較更得力並著盧坤酌量檄令該提督迅速前往至擒獲之猺匪盤生堂所供趙金隴提劍作法銜水變火結草變牛顯有妖言煽惑情事總須趁此勢未燎原迅就撲滅或四面兜擒聚而殲旃勿令竄往他處方為妥善其廣東廣西毗連處所現又飛飭該督撫提鎮於交界地方一律防堵其各府州縣凡有猺民雜處地方一律嚴密防範妥為撫綏俾免煽惑勾連別生枝節以致滋蔓儻須添撥弁兵即於湖南就近營分酌調以期捷速而免糜費將此由五百里各諭令知之○又諭本日據盧坤等奏上年十二月二十九日湖南永州府江華縣錦田鄉有猺人趙金隴聚集五六百人在兩河口等處劫殺男婦二十餘名口本年正月初五六日猺匪復至洪江寨黃竹寨搶劫傷斃兵丁一名及書差男婦共四十五名口旋經總兵鮑友智馳抵該處查明趙金隴聚集長塘

坪各寨糾眾約有千餘均給紅布數尺裹首為號該總兵飛飭營縣防堵現在盧坤海凌阿均已馳往該處查辦等語猺匪聚眾滋事甚屬可惡當經降旨諭令盧坤等密速勦捕務絕根株因思兩廣與湖南接壤誠恐該匪等有乘間竄入及暗中勾結情事著李鴻賓朱桂楨祁項劉崇慶蘇兆熊各於所屬與湖南連界地方嚴密防堵毋稍疏虞儻有猺匪竄入勾結立即按名查拏究辦總期匪徒淨絕邊圉救綏切不可稍事張皇致滋擾累將此由五百里各諭令知之○又諭本日據嵩溥奏藩司孔昭虔患病不能護理撫篆請俟鍾祥到黔令其護理再行起程來京等語孔昭虔已明降諭旨令其開缺回籍調理貴州藩司將麟慶補授鍾祥著仍遵照前旨迅速前赴江西藩司新任嵩溥著暫緩來京俟新任貴州藩司麟慶到任將印信交其護理再行來京陸見可也將此諭令知之○河東河

道總督林則徐奏遵旨酌裁河標兵三十三名下部知之○調山東按察使經額布為河南按察使以江蘇蘇松太道蘇廷玉為山東按察使修山東加河捕河上河三廳開座從河道總督林則徐請也己卯以舉行仲春經筵遣官告祭

奉先殿

傳心殿

上御文華殿經筵直講官博啓圖潘世恩進講

實錄卷一百五

五

中庸故至誠無息不息則久講畢

上宣御論曰誠者聖人之本聖人有作天下觀至德之光昭仰太和之格被但見其與天地無終極耳顧孰知其神明內守者成性存存恆久不已而何有於虛假又何有於間斷哉中庸言至誠無息而繼之以不息則久蓋言至誠而求之於息此析而言之者也言至誠而要之於久又統而言之者也數往知來而泯乎離合之跡則緝熙敬止愈形其穆穆矣

窮本觀變而渾夫絕續之端則欽明文思益覺其安安矣吾見至誠之真實无妄充塞無間者無在而可以息言也亦無在而不可以久言也日月得天而能久照四時變化而能久成聖人久於其道而天下化成所以不息者無息之實也久者不息之積也而要皆於無息之功驗之於至誠之道知之故曰聖誠而已矣直講官舒英李宗昉進講書經今出惟行弗惟反以公滅私民其允懷講畢

實錄卷一百五

六

上宣御論曰君者出令者也臣者行君之令而致之民者也欲令行禁止則必思所以行之欲民心悅服則必求所以懷之此周王合有官君子而同訓之也今出於君而百司庶府自下條教於其屬亦何莫非令易曰渙汗其大號言號令如汗汗出而不反者也使出令未能踰時而反是反汗也如是而令出欲其行不綦難乎夫下令如流水之原令順民心故易行而難反儻不謹於未令之先則必反

於既令之後日變月易朝更幕改凡此者皆不公之為害也不公則權宜以便其私矣不公則委曲以遂其私矣此非以公滅私者不可所謂滅私者必蕩滌其邪穢消融其渣滓而矯其偏僻之私見更絕其好惡之私心若火之燎于原不可嚮邇其猶可撲滅而況私之必不能勝公乎以天下之公理滅一己之私情私則萬殊公則一致示天下以必誠必信與天下以共見共聞則有行無反矣王者

宣宗實錄卷二〇五

七

無私令之慎也兆民允懷令之行也禮曰發號施令而民悅謂之和其至公矣乎禮成上幸文淵閣賜講官及聽講諸臣茶復賜宴於本仁殿○幸圓明園○詣綺春園問

皇太后安○諭軍機大臣等本日據吳榮光由三百里馳奏湖南江華縣錦田騷匪糾眾滋事起程前往督辦一摺騷匪趙金隴聚集騷人於上年十二月二十九日在兩河口等處劫殺男婦二十餘名口本年正月初五六日

復至洪江寨黃竹寨傷斃兵丁一名及書差民人男婦共四十五名口昨經盧坤海凌阿馳奏業已降旨令該督等妥速辦理矣吳榮光既已帶同長沙協副將嵩齡前往查辦盧坤亦現已帶兵赴彼因思湖南省城甚為緊要且新任藩司惠豐到任尚須時日省城不可無大員彈壓吳榮光著仍遵前旨與盧坤會面後即將應辦事宜交盧坤辦理迅速折回湖南省城至另片奏江華縣林先樑家信

宣宗實錄卷二〇五

八

內稱訊之擒獲之騷匪盤生堂等供稱該犯等與趙金隴均係廣東過山騷來至江華長塘地方居住上年趙金隴糾邀伊等本年正月初四日幫扶起事到錦田破城殺官給有紅帕一條趙金隴能提劍作法銜水變火結草變牛又有女將是其妹子嫁與廣東八排騷王姓不能過來復聞被官訪拏等不到初四日起事又查得趙金隴抗拒官兵時身穿黃袍團補服繡有金隴王三字領賊各騷身

穿黃馬褂。餘賊頭裹紅巾等語。是該匪等蓄謀已久。實屬罪大惡極。該督等必須將首犯趙金隴生擒嚴訊。並將抗拒殺人之搖匪盡法懲辦。並究明起釁根由。勿令竄往他處。至兩廣督撫等。昨已降旨令其一律防堵。本日復降旨令將趙金隴之妹及八排搖王姓一併查拏。以淨根株。將此由五百里各諭令知之。○又諭昨據廬坤等奏湖南江華縣錦田鄉搖匪糾眾滋事一案。因兩廣與湖南接壤。當經降旨令李鴻賓等於該處連界地方嚴密防堵。茲據吳榮光奏擒獲搖匪盤生堂等供稱。該犯等與趙金隴均係廣東過山搖。來至江華縣長塘地方居住。上年臘月。趙金隴自稱金隴王。糾約伊等。本年正月初四日。幫扶起事。到錦田破城殺官。給有紅帕一條。趙金隴能提劍作法。銜水變火。結草變牛。又有女將是其妹子。嫁與廣東八排搖王姓。不能過來。後聞被官訪拏等。不到初四日起事。即

於臘月二十九日。糾集五六百人。連日搶劫兩河口等處。並據該府查得趙金隴抗拒官兵時。身穿黃袍團補服。繡有金隴王三字。領賊各搖身穿黃馬褂。餘賊頭裹紅巾。能使邪術。有驗。有不驗等語。搖匪趙金隴係廣東過山搖。來至湖南江華長塘地方居住。膽敢糾眾幫同起事。欲於正月初四日到錦田破城殺官。並有女將是其妹子。嫁與廣東八排搖王姓。不能過來。因聞被官訪拏。即於臘月二十九日。糾眾劫搶。是否係廣東地方官得信查拏。抑係營員訪有其事。欲行拏獲。不能嚴密迅速。以致趙金隴聞風先期滋事。並恐趙金隴等因湖南查拏緊急。潛赴廣東。必應妥速查辦。著李鴻賓等派委妥員前往該處密速掩捕。務將趙金隴之妹及八排搖王姓擒獲。詳加根究。據實具奏。至趙金隴抗拒官兵時。身穿補服。繡有金隴王三字。其平時蓄有逆謀。已屬顯然。該地方官豈竟毫無聞見。並

著查明具奏。所有廣西與湖南交界地方。難保無猖匪竄入。著祁墳加意妥為防範。不可稍涉張皇。致滋擾累。將此由五百里諭知李鴻賓。朱桂楨。並諭祁墳知之。○以太常寺卿朱為弼。為宗人府府丞。○庚辰遣官祭文昌帝君廟。遣官祭黑龍潭。

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

潭

昭靈廣濟普澤龍王之神○遣官祭圓明園

惠濟祠

河神廟 以太僕寺卿寶善為光祿寺卿光祿寺卿寬明為太僕寺卿 辛巳諭內閣兵部奏駁刪各直省營驛馬價銀兩屢催未完

此項銀兩案關每年奏銷。豈容任意延宕。以致愈積愈多。所有江南等省各年分應繳前項銀兩。著各該督撫按照單開數目迅速解

交。毋得再有拖延。以清款項。○又諭岳良奏請借司款。委員赴四川領運倉穀等語。上年江西被水較廣。民食未能充裕。前經奏請委員赴四川採買。運回平糶。嗣經鄂山奏准。動撥水次各廳州縣倉穀十萬石。以備江西領運。茲據岳良查明。該省米價增昂。必應廣為籌備。著照所請。即委員前赴四川。將指撥各廳州縣倉穀。運回江西。分發平糶。所有應還四川穀價及借動庫項。統俟糶竣後分別解還歸款。委員盤費。運腳。即在閒款內暫行借動。該部知道。○雲貴總督阮元等奏遵旨酌裁雲南督撫提鎮協各營馬步守兵八百四十五名。貴州撫提鎮協各營馬步守兵七百四十八名。下部知之。○調正紅旗蒙古副都統那丹珠為正白旗滿洲副都統。以刑部右侍郎恩銘兼正紅旗蒙古副都統。以正藍旗滿洲副都統奕顯兼正白旗護軍統領。○賞休致盛京副都統額勒登全俸。貸江西鄱

陽德化二縣修築圩隄銀○免雲南銅廠民
欠無著工本銀○壬午諭內閣據御史范承
祖奏本年二月初三日北新倉輪放正白旗
大檔甲米掣得第一張字廠梗米當將米樣
封送該旗查照定於初四日關領旋據監督
巴揚阿德裕稟稱該旗人員到倉聲稱米色
不好不願支領恐花戶書吏等有撓和勒索
情弊著派申啓賢裕誠即行前往該倉查訊
具奏○又諭李鴻賓等奏查禁鴉片煙來源

一摺鴉片煙來自外洋必應遏止來路現據
該督等查明載運銷售各路嚴定章程絕其
洋面私售之由著照所請嗣後夷人來粵貿
易該督等剴切出示曉諭各夷並嚴飭洋商
向各夷開導勿將煙土夾帶貨艙儻經查出
不准該夷開艙賣貨立即逐回並嚴諭以貨
船之外毋許另設船隻以杜私入之源仍於
省河禁止走私快艇潮瓊各屬商船不得攏
近零丁洋面並著直隸閩浙等省各督撫嚴

飭海口各地方官凡出洋販買船隻逐一給
與牌票查驗出入貨物毋許仍前偷販情弊
該督等務當隨時查禁有犯必懲不得日久
生懈○又諭前據吳光悅奏署九江道觀瑞
在任短收盈餘銀兩請俟補缺後分限完繳
當交戶部議奏茲據奏稱奏定章程各監督
攤賠銀兩統令於闌滿奏報之日起限照數
完繳該撫自當飭令該署道遵照辦理何得
以未經補缺為詞另行起限與奏定章程不

符著吳邦慶嚴飭候補道觀瑞即將短收盈
餘銀兩於闌滿奏報之日起分作三年全數
完繳毋任懸宕如逾限不完即照新定章程
辦理○癸未諭內閣據申啓賢等奏查訊北
新倉放米情形張字廠天堆米色與該章京
呈出米樣尚非大相懸殊惟灰土微多著該
倉監督認真篩颺開放其廠內靠牆近地處
所米色較黑著倉場侍郎督同該倉監督將
廠內之米全行運出查看辦理花戶王成玉

若無攬和灰土情弊何至避匿著步軍統領順天府五城迅速拏交刑部審訊至本月初三日係該倉放米之期該御史范承祖何以不到著都察院堂官傳詢該御史因何不到緣由據實具奏尋奏該御史初三日親自到倉闔廩初四日前赴本倉放米行至半途接據監督稟稱該旗委員以米色不好不願支領即回寓繕摺呈遞取有該御史親供存案報聞○以通政使司通政使文慶為都察院

左副都御史旌表守正捐軀廣東曲江縣民張芳連妻許氏除直隸寶坻縣誤報升科地一項八畝額賦撫卹日本國遭風難夷如例○甲申

孝淑睿皇后忌辰遣官祭

昌陵○遣官祭

先醫之神諭內閣穆彰阿等奏嚴訊景陵宮門外西餉餉房失火一案將值班章京等分別定擬一摺此案該值班章京等於

陵寢重地並不敬謹小心看守以致東膳房後檐榻板被火熏焦西餉餉房後席排復行失火所有縱火人犯應即嚴拏務獲從重究辦茲據穆彰阿等嚴訊該章京甲兵人等並查傳與該官兵挾嫌形跡可疑之人連日研審均無知情縱火之事請將該官兵等先行擬結已革章京明安富勒章阿俱著照擬各杖七十徒一年半照例折枷鞭責發落總管塔興阿郎中三德於東膳房後熏焦痕跡既經查明並不呈報俱著交部嚴加議處有麟溥喜鍾昌疏於防範所奏西餉餉房失火時刻不實有意含混東膳房被火熏焦又未能立時覺察均有應得之咎惟溥喜於正月初九日東膳房被火熏焦一節稱於十九日往見鍾昌向伊告知至鍾昌得自何人聞於何日因何並不會銜陳奏是否僅止告知溥喜抑並告知有麟均著鍾昌明白回奏有麟溥喜鍾昌應得處分俟鍾昌覆奏後再行降旨其

縱火人犯著特登額嚴飭旗營官兵並地方官弁一體上緊嚴密偵緝務獲究辦餘俱照所擬完結該部知道○又諭本日據梁中靖奏沴氣為寒恐刑獄冤抑請施寬恤以舒陽和一摺殊屬非是上年京師得雪二三尺外省亦俱得雪二三尺三四尺不等為數十年來所未有洵屬豐年之兆此皆仰賴昊蒼默佑實深寅感但天道遠人道邇朕亦不敢窺測至入春以來一月有餘甫交驚蟄節

候尚早天氣未寒較之前數年不甚懸殊梁中靖迺謂陰寒不解恐來收歉薄已屬自相矛盾至謂現在恆寒為洪範之咎徵妄指查拏邪教株連冤抑所致不知政體無故妄言天道不和是誠何心從來稂莠不去嘉禾不生愚民念經燒香求藥治病例有專條原非概置重典至於習教傳徒妖言惑眾此等莠民愈聚愈多必致滋生事端國家例禁恭嚴不得不隨時懲辦至各省督撫大吏步軍統

領順天府五城有奉旨密拏之犯或辦理不善以致擾累平民一經朕別有訪聞亦斷不肯加以寬貸若一味姑息竟欲因噎廢食則涓涓不絕將成江河勢必養癰貽患伊於胡底儻有蠢動再行重辦為害更烈所傷實多惟懲一儆百俾吾民各安耕鑿之天所不得不更多乎即如上年交刑部會審之案所拏各犯或係被人告發或係科道糾參或係該犯等供出俱係習教匪徒有不得不辦之勢該犯等亦並非耕作之人然猶哀矜庶獄特令隨訊隨結無干概予省釋何嘗肯拖累無辜株連婦女而待梁中靖以無稽之言瀆請耶梁中靖讀書而不明理聾瞶之言何足深責朕亦不肯加以處分惟除莠即以安良防患未萌無使滋蔓此正朕為民除害同享太平之至意經正民興蒸蒸日上朕實有厚望焉將此通諭中外知之○諭軍機大臣等本日據穆彰阿等奏嚴訊

景陵宮門外西餽餽房失火一案。將值班官兵等分別定擬。已明降諭旨。照所擬完結。並將摺內所指情節。令鍾昌明白回奏矣。惟思

陵寢重地。致有餽餽房等處失火之事。雖業將該官兵等嚴加懲處。而縱火人犯。反令漏網。殊屬不成事體。著特登額。仍嚴飭旗營官兵。並地方員弁。將縱火人犯。明查暗訪。迅即偵緝務獲。盡法懲治。以昭儆戒。不得因此案已結。稍有疏懈。致使遠颺方為不負委任。將此

諭令知之。○乙酉。諭軍機大臣等。本日據庫倫辦事大臣倫布多爾濟等奏。有被張逆擄出卡外之民人朱田趙李盛榮田關馬添喜吳二啓劉起鳳年登喜等七名。逃往俄囉斯。經俄囉斯送至庫倫。已有旨諭倫布多爾濟等解至甘肅省城交楊遇春審訊矣。楊遇春俟朱田趙等到省。即詳細詢問該民人等於道光六年經張逆擄至霍罕。後拘囚何處。曾給回子使喚。係何名姓。係張逆何項親屬。該

民人等是否從逆。至道光七年緣何逃回。霍罕曾否遣人來追。此兩年間該民人等在霍罕定知該處一切情形。是否尚有該逆餘黨意圖窺伺。該督當諭令毋稍畏懼。將實情供吐。詢明後詳晰據實具奏。候旨辦理。將此諭令知之。○雲貴總督阮元等奏。滇省地處煙瘴。發配軍犯較多。請將鹽課溢餘項內。籌給口糧。得旨。鹽課溢餘銀兩。固非正款。可比。然獲罪發遣之人。亦得錢糧養贍。其事是否可行。他處可否不致效尤。著軍機大臣會同戶部刑部議奏。尋議發配人犯。轉得養贍有資。無以勸善。良而昭炯戒。且各省紛紛效尤。不惟事體未協。亦非慎重帑項之道。應毋庸議從之。○命兵部右侍郎鐵麟。王楚堂。馳往直隸。密雲縣審案。○丙戌。

上詣綺春園問

皇太后安。○諭內閣。本日據鍾昌覆奏。

景陵宮門外東膳房被火。熏焦。因訪查未確。不

及會銜具奏請交部嚴加議處此案有麟等先已疏於防範迨具奏西餉房失火時刻不實有意含混又於東膳房被火重焦應奏不奏實屬錯謬有麟溥喜鍾昌著交宗人府吏部一併嚴加議處以示懲儆○諭軍機大臣等本日據鍾昌明白回奏已明降諭旨將有麟溥喜鍾昌交宗人府吏部嚴加議處矣朕思

景陵宮門外西餉房後有小木橋一座以通往來有此橋座未免紛至雜沓殊多未便自當拆去遇有謁

陵及

大祭等期再行支搭較為穩妥嗣後

陵寢重地特登額務須嚴飭該章京披甲等加

意巡防且

景陵與寶華峪相近尤須小心看守晝夜巡查毋許稍形疏懈致有意外之虞將此諭令知之○旌表守正捐軀陝西咸寧縣民李庭選

婁商氏○丁亥祭

先師孔子遣協辦大學士吏部尚書文孚行禮○諭內閣鄧廷楨奏拏獲要犯莊午可等語江蘇武進縣革生莊午可前因查拏緊急逃赴安徽現經署宣城縣知縣龔裕跟蹤偵訪將要犯莊午可並伊弟莊蘭普及同逃之駝背和尚王大順等一併拏獲甚屬可嘉鄧廷楨著交部議敘署宣城縣知縣龔裕著以知州即用該犯莊午可等著該撫派委委員

解赴江蘇交陶澍程祖洛嚴審按律定擬具奏尋奏訊明莊午可糾眾拒捕殺傷兵役屬實按律即行正法餘犯分別定擬下部議尋議上得旨史席大僧名相俱著即處絞將洪祖依擬應絞著監候歸於本年秋審情實辦理餘依議○諭軍機大臣等前據富僧德泰查明打牲處所無餉牲丁拮据情形請將歷年應交貂皮五千餘張內量減一千餘張以紓丁力當交軍機大臣議奏茲據奏該將軍

所稱於無餉牲丁二千七百餘名內揀擇一千二百名責令與食餉牲丁一體捕貂每年即可減交貂皮一千餘張等語殊未明晰著富僧德將現在應交貂皮之食餉牲丁若干名及入冊無餉牲丁若干名現年應交貂皮五千有零計數若干張可減貂皮一千有零計數若干張詳細查明具奏俟奏到再降諭旨將此諭令知之○賞都察院左都御史昇寅花翎移建南河山盱廳信壩於夏家橋從河道總督張井請也修安徽無為州銅陵縣江壩從巡撫鄧廷楨請也戊子孝康章皇后忌辰遣官祭孝陵○諭內閣訥爾經額奏已故前署蘭山縣知縣王枚之子王鳳煒逗留訐控牽涉知府得受陋規一摺山東沂州府知府熊遇泰著暫行解任交訥爾經額徹底根究實則叅辦虛則坐誣毋許稍涉含混並訊明如有串謀圖詐之人即從嚴懲治以儆刁風尋奏訊明

王鳳煒因向熊遇泰求索資助不遂挾嫌誣控應依誣告人徒罪加所誣罪三等律杖九十徒二年半革去未入流照例折責充徒熊遇泰訊無得受陋規情事請免議飭令回任下部議從之○己丑遣官祭關帝廟遣官祭昭忠祠諭軍機大臣等向來直隸總督古北口提督馬蘭泰寧兩鎮總兵每遇朕謁陵時於行在進獻活鹿鹿嗣後俱著停止將此諭令知之○庚寅諭軍機大臣等陝甘總督陝西巡撫所貢珍珠毛皮一千張嗣後著改為羊皮八百張發去皮樣交該督撫照辦將此各諭令知之旌表守正捐軀直隸蠡縣民張見幅女香姐○撫卹琉球國遭風難夷如例○辛卯諭內閣本日據吏部等衙門奏嚴議有麟等於陵寢重地並不小心防範迨具奏西餽餽房失火時刻不實有意含混又於東膳房被火熏

焦應奏不奏實屬錯謬不知重輕著照議有麟溥喜俱著降為入八分輔國公鍾昌著實降四級調用以示懲儆○又諭富呢揚阿奏請將截留撥抵漕米分別作正開銷及帶運歸款一摺上年浙江烏程等縣被水成災南糧多有蠲緩不敷俸糈之用當經該撫奏准截留漕米二萬三千八百餘石撥抵支放茲據查明烏程歸安德清武康四縣蠲缺南糧正耗米一萬一千六百八十七石零無從徵

補著准其援照成案在於截漕米石內照數作正開銷其緩徵南糧正耗米一萬二千一百一十三石零准其分年帶徵仍搭解運通歸還漕款該部知道又諭富呢揚阿奏被水各屬漕糧米色未能一律純潔請照成案辦理一摺上年浙江省杭嘉湖三府屬有漕州縣被水歉收補種秈梗現兌漕糧米質柔嫩未能飽湛兼有青腰白臍自係實在情形據該撫奏請照案辦理著准將仁和錢塘海

寧嘉興秀水嘉善海鹽平湖石門桐鄉長興安吉等十二州縣漕糧紅白兼收秈梗並納俾小民便於輸將隨收隨兌依限開行該撫仍飭各州縣認真批揀篩剔不得藉詞濫收並著各照戶部倉場先行搭放該部知道○實授戴敦元刑部尚書調倉場侍郎史致儼為刑部左侍郎工部右侍郎那丹珠署刑部左侍郎劉彬士為倉場侍郎工部左侍郎裕誠為右侍郎兼管錢法堂事務盛京刑部侍

郎常文為工部左侍郎以盛京副都統祥康為盛京刑部侍郎○以兵部左侍郎凱音布兼正白旗滿洲副都統○以頭等侍衛英隆為盛京副都統以承辦吐魯番軍務出力賞甲喇章京阿參木五品頂帶瑪魯普蘇捫章京愛依特巴海花翎蘇捫章京墨里特巴海等藍翎餘議敘有差予喀什噶爾陣亡前鋒小旗瑪爾洪阿巴燕岱伊里和恩世職卹賞○禮部議准江西巡撫吳光悅疏報採

訪臨川縣貞節婦女王涂氏等三百十四口。請建總坊旌表從之。○壬辰諭內閣鄉會試為掄才大典。必須整肅場規。嚴防弊竇。方足以端士習而拔真才。上年給事中劉光三陳奏科場士子恃眾玩法。亟宜嚴加整頓。當令大學士軍機大臣會同禮部議覆。該給事中。所陳十條。尚屬周密。本年會試屆期。立法伊始。除知貢舉遵照前降諭旨。先期出示。嚴切曉諭外。恐不肖士子尚不免恃符藐法。作奸

宣宗實錄

主

犯科。用再剴切誥誡各省士子。務各滌慮洗心。恪遵功令。點名時。魚貫而入。毋得仍前混行擁擠。如有遲誤。靜候補點。其不遵約束。肆行喧鬧者。著彈壓總兵拏究。已接籤者。不許復出。轍門已領卷者。不准復出。號舍如有懷挾。立即懲辦。誤帶者。雖免治罪。仍不准其入場。其八旗士子。令彈壓副都統親身巡查。不准越號。並著責成。按檢王大臣稽查接談。換卷。彈壓副都統兩翼在城。總兵會試知貢舉

遵照妥辦。如不實力奉行。著監試御史據實指名奏。本年鄉試。即照此次會試一律辦理。朕開科取士。以備國家任使。此日之舉子。即異日之考官。豈容魚目混珠。俾邀錄。取一輕貸。毋謂訓誡之不早也。將此通諭知之。○湖南巡撫吳榮光奏。查明漕務積弊。嚴行禁革。得旨。所辦甚好。一律嚴加整飭。無恤其他。○以國子監司業奎照為理藩院右侍郎。○

宣宗實錄

主

調青州副都統國祥為盛京副都統。盛京副都統英隆為青州副都統。○直隸提督齊慎因病解任。以大名鎮總兵官薛陞為提督。督標中軍副將海凌為大名鎮總兵官。○貸湖南洞庭水師營駐劄災區兵丁一月餉銀。

通後經倉場衙門叅奏除運丁照例治罪外並將該管官一併懲處不貸○又諭據御史景斌奏稽查右翼前鋒統領四旗護軍統領事務每於挑缺時赴教場監看內印務筆帖式一項弓力較輟者居多即有勉強用硬弓者大半不能中的此項筆帖式除前鋒校護軍校之外別無升階請照景運門內火器營領辦筆帖式之例於各旗營印務筆帖式二員之外添設領辦筆帖式一員俟三年期滿

實錄卷二百六

二

如果始終奮勉該管官出具考語咨行吏部遇有本旗各衙門筆帖式缺出即行銓選等語弓箭乃旗人分內應習之事該筆帖式等辦理行文繕摺事務雖不能如兵丁等常川操演亦宜隨時習練以資得力若如該御史所奏因其無暇私操弓力較輟不能升補前鋒校等職請添設領辦筆帖式俾得量邀升轉是始因弓力較輟終歸於另開升路未免更張舊制為該員等倖進地步且恐各處紛

紛效尤瀆請亦屬不成政體該御史所奏著不准行○又諭楊遇春奏請補改復舊制之總兵副將及酌擬留撥原裁官兵一摺甘肅涼州為西路重鎮前因上屆軍需改鎮為協將該處總兵移駐喀什噶爾莊浪副將移駐涼州涼標中軍遊擊移駐莊浪並裁該鎮兵一千名茲據該督奏現在涼州總兵既由喀什噶爾改歸原處著准將涼州原裁兵一千名內督標所留三百名毋庸再行撥還其餘

實錄卷二百六

三

七百名分別已裁未裁仍歸該鎮原營俾資操防以符舊制所有涼州鎮總兵員缺准其以周悅勝補授仍留喀什噶爾換防其涼州鎮篆即著現署該處副將之甘肅提標參將托克通阿代辦至前改之莊浪協著一併復回即以軍營新升之涼州協副將伍魁英調補所遺現任莊浪營遊擊李選齡本係涼州鎮標中軍遊擊移駐並著仍歸原營所需涼州鎮總兵莊浪協副將涼州鎮標中軍遊擊

印信關防著該部即行鑄造頒發餘俱著照所議辦理該部知道○諭軍機大臣等據給事中劉光三奏江西江蘇安徽等省皆藉川湖之米去歲豐收地方不多未必即能偏給臺灣風汛靡常亦難深恃聞浙江嘉興湖州等府素多藏穀之家他處紳民亦多積貯宜飭地方官勸諭各紳民自曩所積穀石除備本家食用外盡數出糶其有誼敦桑梓情願減價者事竣後通計所減錢數之多寡量加

實錄卷之六

四

獎勵不願減者勿強並出示嚴諭貧民有強糶者立刻鎖拏治罪再一切雜糧皆可度荒地方官當設法籌款交付殷實紳民招商承領其轉運工食腳力量為貼補令其分往各處收買循環糶糶米價亦可少平等語該給事中所奏係為籌備民食起見當此青黃不接之時如果辦理妥協有恃無恐豈不甚善惟勸糶與勸賑不同儻地方官辦理不善或竟有抑勒平糶及書吏藉端索詐情弊則貧

民未必得食而富民轉至立貧其籌款交殷實紳民招商承領一節若不得其人亦恐啓奸販囤積及不肖官吏虧帑累民諸弊著陶澍盧坤程祖洛鄧廷楨富呢揚阿吳邦慶楊懌曾按照該給事中所奏各體察本省情形可行則行不可則止毋稍存遷就之見致令別滋事端將此各諭令知之○賞土默特貝勒郡王銜瑪呢巴達喇子二等台吉德勒克色楞花翎在乾清門行走○撥熱河道庫銀

實錄卷之六

五

挑挖旱河從總管松齡等請也○甲午諭內閣軍機大臣等議奏龍泉峪吉地酌派弁兵建設堆撥一摺龍泉峪後龍山勢風水攸關著穆彰阿敬徵阿爾邦阿於到工時帶同通曉堪輿之人詳細勘度在於附近村落平陽無礙風水之處建蓋堆撥以昭慎重餘依議○喀喇沁貝勒托恩多因病賞假並開所管各缺仍留御前行走以吏部左侍郎奕經管上虞備用處事御前侍衛前鋒統領蘇清阿

管善撲營事○旌表逼嫁捐軀江蘇太倉州民鍾狀沅妻蔡氏○貸湖南華容縣被水官民各垸修費○緩徵湖南鳳凰乾州永綏古丈坪保靖瀘溪麻陽七廳縣上年被水被蟲屯田租穀○乙未以江蘇巡撫程祖洛為閩浙總督河東河道總督林則徐為江蘇巡撫江西巡撫吳邦慶為河東河道總督廣西布政使周之琦為江西巡撫福建按察使鄭祖琛為廣西布政使湖南督糧道鳳來為福建按察使○贈故閩浙總督孫爾準太子太師予祭葬諡文靖並賞其子舉人慧惇進士一體殿試兵部主事慧翼員外郎○丙申春分朝

日於東郊遣豫親王裕全恭代行禮○諭軍機大臣等本日據盧坤吳榮光等奏籌辦猖匪情形各一摺據稱永州鎮鮑友智會同知府李銘紳先期進剿逆猖雖有殺獲未能兜擒以致逆首趙金隴與其夥黨逃往大竹山又

有潛逃廣東八排之語復據鮑友智擒獲之男婦供稱趙金隴弟兄先欲逃奔廣東至連州交界被兵截回現欲往九嶷山並據拏獲之逆猖盤福秀所供相符現在盧坤計已到彼督辦並飛調羅思舉帶領精兵一千名前往統計前後所調官兵共有四千餘名足數防剿該首逆既有潛往八排經官兵截回竄入九嶷山之信著李鴻賓等一律派選兵弁馳往緝拏九嶷界連廣西並著蘇兆熊親往該處與湖南連界地方嚴密防堵勿令竄入致滋勾結蔓延總期先擒首逆解京正法淨絕根株毋稍疏虞將此由五百里各諭令知之○命長蘆鹽政鍾靈留任一年○丁酉諭軍機大臣等據盧坤奏報剿敗逆猖奔竄情形請飭調帶兵大員前往勦捕以期迅速藏功又據吳榮光等奏查明鎮守先期進剿逆猖雖有殺獲未能兜擒首逆以致逃竄裏脅將各員叅辦並現在添調官兵堵捕緣由各

一摺覽奏均悉。湖南江華縣錦田鄉被猖匪滋擾。經遊擊王俊等帶領弁兵鄉勇由黃竹寨直搗賊巢。焚燬追殺賊匪三十餘名。復進攻殺賊四十餘人。擒獲二人。餘皆逃散。燬其房屋衣糧。遂與遊擊李方玉兩路進攻。長塘賊匪併力抵敵。官兵施放槍礮。復用火彈拋擊賊廠火發。立時延燒殆盡。計殺斃燒斃賊匪約三百餘人。首逆趙金隴與其夥黨奔逃。擒獲猖匪。供稱首逆逃往大竹山。又有潛逃

廣東八排之語。又據鮑友智擒獲男婦八人。供稱趙金隴弟兄先欲逃奔廣東八排。至連州交界被兵截回。現往九嶷山。並據逆猖盤福秀供。伊係趙金隴手下藍旗大將。管領百人。被官兵打敗。即將藍旗丟棄逃走。趙金隴無處可走。總想竄入九嶷山躲藏。與猖婦盤李氏等供詞相符。現經該撫等派令官兵速赴大竹山。擒捕復派長沙協副將嵩齡等前往藍山九嶷等處堵捕。據報猖匪竄入藍山

境之五水。猖山到處搶劫。裏協至二三千人。欲入九嶷山安頓巢穴。現竄入江華所屬之麻岡地方。搶劫黃河魯觀洞等處。俱已派兵防堵。此等烏合之眾。不難迅速剪除。現經該督飛調湖北提督羅思舉。迅即挑選將備。帶領熟練精兵一千名。馳往剿辦。統計前後所調官兵共有四千餘名之多。足敷防剿。湖南省城不可無大員彈壓。吳榮光著仍遵前旨。於面晤盧坤後。即行交代起程回省。所有應

用一切軍火器械。寬為製備。後路糧餉亦須源源接濟。務派妥員認真經理。以專責成。不可稍有遲誤。盧坤此時自己行抵該處。著即督同海凌阿等及早剿滅。免滋蔓延。並將首要各犯一併就擒。毋任遠竄。至首犯趙金隴務要生擒解京。盡法處治。以彰國憲。該逆有潛往八排之信。已諭令李鴻賓等派員馳往緝拏。並令廣西提督蘇兆熊前往該處與湖南交界處所堵守。以防該匪竄入。該撫等所

叅輕進及防堵不力之鎮守等官。已另有諭旨。分別降調。又盧坤另片奏。前由陝省派往湖北之守備仇懷璫。千總程芝。王集賢。現飭令該員等。帶同該督標弁兵。押解檣礮五十尊。噴筒三百桿。迅速解至永州備用。並將該督標精銳礮手槍手二百名。令武昌城守營參將文興。德安營守備劉克勤。帶領迅赴湖南。以資進剿。俱著照所請辦理。將此由五百里諭令知之。○以右春坊右庶子祁寓藻署日講起居注官。○湖南永州鎮總兵官鮑友智。以勦賊輕進防堵不力。降遊擊。隨營效力。以雲南維州協副將曾勝。為永州鎮總兵官。○戊戌。諭內閣。琦善奏。守備把總互相稟訴等語。此案守備鄭文浩。於關支餉米等事。如果一無情弊。該把總姚士俊。何敢公然稟揭事關冒領糧餉。虛實均應根究。至姚士俊等如何勾串訛詐。咆哮公堂。亦應確切究明。宣化鎮左營守備鄭文浩。著解任。把總姚士俊。

黑獻之著。一併斥革。交琦善提同案證。訊明定擬具奏。尋奏。訊明姚士俊等係懷疑稟揭冀圖抵制。請分別問擬杖徒。下部議從之。○己亥。上御勤政殿聽政。○命戶部左侍郎敬徵。右侍郎阿爾邦阿。查勘秦陵應修寶城等工。○以詹事府詹事姚元之。為內閣學士。兼禮部侍郎銜。光祿寺卿郭尚先。為大理寺卿。三品頂帶。前任南河副總河潘錫恩。為光祿寺卿。詹事府少詹事奕澤。為詹事。○命翰林院修撰吳其濬。提督湖北學政。編修池生春。仍在南書房行走。○庚子。上詣綺春園。問皇太后安。○諭內閣。據程祖洛奏。上年江蘇被水各州縣酌請口糧。摺內將成災十分九分八分七分句下。極次貧民四字。及貧生兵屬一律辦理八字。遺漏繕寫。自行檢舉。奏請更

正等語。除該撫現已飭屬查照原詳分別辦理外。程祖洛著交部議處。○又諭寶興等奏審擬已革同知虧那倉庫錢糧。並解任副都統借用銀兩各緣由一摺。此案已革吉林伯都訥理事同知松奎。於經徵一切正雜錢糧。並不依限解庫完交。輒任意墊那虧短。經寶興等查明除實欠在民墊修倉廩各款。並任所衣物銀錢作抵外。實虧銀六千五百六十餘兩。松奎著照擬杖一百。流三千里。看押勒追。限滿能否全完。再行分別辦理。解任副都統碩德身任大員。不知廉介。率屬屢向該管同知借用銀兩收受餽送。致該革員那移庫項。實屬有玷官箴。碩德著即行革職。發往軍臺效力贖罪。所借銀兩勒限追繳。其任所資財及本旗家產著一併查抄。至向來屬員經保舉後或犯贓私。出考大員例有應得處分。碩德係玉麟保舉副都統。玉麟著交部照例議處。以為濫保者戒。佐領凌善奇成阿防禦

富青阿倉官烏勒琿達年滿倉官蘇成筆帖式西林達借用銀穀亦屬不合。俱著交部議處。尋議上得旨。玉麟著加恩改為降四級留任。八年無過。方准開復。佐領凌善奇成阿防禦富青阿倉官烏勒琿達年滿倉官蘇成筆帖式西林達均著照部議革職。○諭軍機大臣等。羅思舉奏挑帶官兵遵赴湖南協剿。匪一摺。前據盧坤等奏江華縣匪趙金龍聚眾滋事。因思羅思舉久歷戎行。降旨著該督酌量檄令前往。茲據該提督奏接准咨會當即調派參將劉允孝等六員挑派提標兵六百名。鄖陽鎮標兵四百名。於二月十八日起身兼程前赴軍營。會同相機剿辦。此等烏合之眾。不難迅就剪除。惟聞首逆趙金龍有逃往大竹山及廣東八排。並往九嶷山安頓巢穴之信。應即妥速掩捕。計此時盧坤等早已馳抵該處。羅思舉到彼後。務當會同籌商設法剿辦。將首要各犯悉數就擒。並將首逆

趙金隴生擒解京盡法懲治不可任其奔逃四竄無蹤尤不可令其到處輿聲愈聚愈眾致勞兵力而糜軍餉該提督係朕特派之員總宜相機妥辦立即藏事以副委任將此由四百里諭令知之○又諭本日據長齡等覆奏臺奉諭旨一摺覽奏均悉現在籌辦善後事宜必須熟商久安長治之模為一勞永逸之計其添兵固守一節係屬權宜之策所奏官兵減撤日少回兵挑選益多操演又復精銳設被誘脅轉屬藉寇以兵於邊防有損無益所慮甚為遠到此次議添兵糧歲需經費祇在十萬兩以內一二年間再察看情形隨時減撤從此天威遠振即使張逆之子長成卡外諸夷亦不敢從中慫恿復萌覬覦著俟西四城元氣漸復將回兵舊額補足認真教演以備調遣無庸再為加增以防後患俱照所議行屯田一事現據長齡等查喀什噶爾大營駐紮處所田地名喀拉赫依計延袤二

百頃有奇現今已招之五百餘人分認種耕將來逃散回戶歸來即以現存叛產照數撥給嗣後再有承種民人於大河拐一帶附近荒地酌量分撥葉爾羌境內毛拉巴什賽克三一帶荒地俟巴爾楚克接連樹窩子等處築堡設汛後廣為招徠其修渠引水牛具籽種按則徵收各事宜須試種一年由壁昌詳議章程均著照所奏辦理惟添兵全在加意操防屯田亦屬廣為開墾總須實力奉行多一兵得一兵之力墾一項收一項之糧僅添兵不過虛糜糧餉屯田不過敷衍目前設有緩急仍須內地徵兵調餉尚復成何事體玉麟係伊犁將軍有統轄之責壁昌係葉爾羌參贊大臣有總理八城之任必應隨時認真稽查遇有訓練不精耕作不力即據實嚴參懲辦僕扶同隱飾經朕別有訪聞則惟玉麟壁昌等是問懍之慎之將此由五百里諭知長齡玉麟並諭壁昌知之○調伊犁參贊大

臣布彥泰為塔爾巴哈台參贊大臣塔爾巴哈台參贊大臣常德為伊犁參贊大臣賞烏魯木齊協領烏珍泰副都統銜為葉爾羌領隊大臣○以廣西潯州協副將蘇勒當阿為右江鎮總兵官○戶部議准陝甘總督楊遇春疏報烏魯木齊所屬頭屯塔西河二所墾種地六百畝照例升科從之○緩徵江蘇句容江浦六合甘泉儀徵蕭銅山豐沛碭山邳宿遷睢寧贛榆十四州縣並淮安大河揚州徐州四衛上年被水災區舊欠額賦○辛丑以哈密辦事大臣敦良為齊齊哈爾副都統○壬寅諭內閣朕此次恭謁東陵啓鑒後著派惇親王綿愷定親王奕紹大學士富俊盧蔭溥留京辦事○又諭工部奏請派員查勘景陵宮門外西餉餉房後檐被燒席排熏焦檐椽及東膳房後檐榻板熏焦情形照估修理此項工程即著有麟溥喜鍾昌敬謹賠修完

整無庸派員查勘○癸卯孝昭仁皇后忌辰遣官祭景陵○諭內閣申啓賢等奏鑲白旗閒散劉廷顯呈稱伊弟劉廷旺之子劉俊在恆親王瑩地當差被總管李榮因失去祭器私傳劉廷旺拷打以致因傷斃命案關私拷致斃人命虛實必應徹底根究李榮是否係奕奎家總管現在逃匿何處著奕奎查明將該犯送交刑部審辦按律定擬具奏尋奏訊明李榮身充總管因疑劉廷旺偷竊祭器輒毆傷劉廷旺身死請將李榮依律擬絞監候從之○又諭蔣澍等奏請借項挑挖宿州運糧河道分年攤徵歸款一摺安徽宿州運糧河道承洩江蘇河南兩省各邑山湖下注之水北高南窪每逢汛水漲發附近田廬輒多淹漫據該督等委員確切查勘應將運糧河加挑寬深並去尾閘灘嘴陡灣更於城河南北多添橋孔俾引眾水暢流入滄共需土方工價銀二

萬五千七百二兩零著准其在於司庫存貯正項銀內借給興辦所借銀兩著分限六年於該州民田內按數攤徵還款該督等即飭令乘時妥速興辦毋許草率偷減以資宣洩而衛民生該部知道○又諭耆英等奏查出門領門吏等私將官房借人居住自應從嚴懲辦阜成門城門領雅凌阿門吏善成保俱著革職以示懲儆其私將官房借給旗人居住之門甲門軍巴達拉等四十一名著鞭責發落私將官房借與民人居住之門甲門軍廣順等五名著鞭責革退同民人李二等均杖八十加枷號兩箇月在該門示眾失察之正陽門城門領富亮德山宣武門城門領哈豐阿扎勒綱阿朝陽門城門領德陞薩勒炳阿阜成門城門領東亮德勝門城門領和明額珠林太安定門城門領德泰雙安俱著交部議處左翼翼尉興泰副翼尉秋前保委翼翼尉藍慶右翼翼尉伊拉清阿副翼翼尉圖薩布

委翼尉蘇魯禮俱著交部察議嗣後各門官房著步軍統領等隨時派員稽查不拘次數務須認真查察毋稍疏懈有無容留他人棲止之處統於年終具奏一次儻該官兵等膽敢仍前借人居住一經查出即行嚴叅治罪○命禮部左侍郎桂齡御前侍衛奕紀乾清門侍衛倭什訥恭詣東陵查看紅椿○甲辰遣官祭賢良祠○旌表守正捐軀直隸大名縣民劉黑妻李氏○修浙江東西兩塘石塘柴埽各工從巡撫富呢揚阿請也○乙巳諭內閣此案宗室興達因王六向伊索欠爭鬧糾同回民馬二等將王六毆傷身死現據刑部會同宗人府訊明屍親鄰證等供俱相符惟傳訊興達忽認忽翻供情閃爍著革去奉恩將軍世職即提同人證研審確情按律定擬其在逃之馬二滿子著嚴飭該坊查拏務獲歸案審辦尋奏訊明興達毆傷王六身死屬實請革去宗室擬絞

監候由宗人府團禁從之○諭軍機大臣等據御史達鏞奏新疆換防章程宜籌經久請飭加變通一摺內稱新疆喀什噶爾各城舊設防兵六千餘名自上年奏准添兵以來統計滿漢官兵一萬數千名除滿洲兵由伊犁烏魯木齊調撥外餘則均由陝甘輪派此項防兵雖出自各營原額然往來鹽菜口糧軍裝馬乾長支借支以及坐糧等項較之在營當差所需幾倍以關內關外兩處錢糧計之是費二萬餘人之餉始得一萬餘人之用陝甘營汛各處分防均資彈壓今西路輪換之兵既比舊制加增而本省存營之兵又需百分裁二若值換防之期後班已去前班未來此時各汛額兵豈不更少至於防所營兵均於兩省均分無論遠道奔馳不無疲敝即盡稱精銳而到防不過數年於回疆地勢夷情豈能諳悉此項防兵可不比年年由內地輪換查上屆軍興出力之民勇曾經各城奏報

此輩既經行陣又悉回情若使充兵自當踴躍再伊犁滿洲營近年曾以生齒日繁請增甲兵未經議准而新例駐防餘丁又准挑補綠營若將伊犁鎮屬抽撥一兩營前往南路駐防較之關內稍省行糧且本有旗人可補空缺既屬兩便亦可常行若前項抵補陝甘防兵尚有未足似應就目下防兵及征兵中擇其年壯技嫻現無老親及家有次丁者派充駐防以上應食名糧查有每年換防之往來車馬鹽菜口糧等款似可抵發若有不敷再由原營裁撥仍將該兵家屬官為資送到防數年之後各有室家一切差操勇於自衛其得力必倍於客兵如果善後事竣西路無須多兵該處地饒土曠不難散遣歸農惟是資送兵丁家口創行之始為費必多然較之頻年輪派似屬一勞永逸至陝甘營分既不換防則現在所有萬餘分坐糧除撥補防所外尚可存留本省挑補兵丁以實營伍等語

該御史所奏係因更換防兵糜費酌請變通以為經久之計是否可行著長齡楊遇春體察情形悉心籌議長齡現在阿克蘇暫駐俟有旨飭令回京時道經甘肅與楊遇春面商妥籌再行據實具奏將此各諭令知之○旌表逼嫁捐軀河南鄆陵縣民趙鳴岐妻丁氏

○丙午遣官祭

歷代帝王廟○諭內閣戶部奏浙江省漕白二十一幫借支司道各庫銀兩積欠至五十

宣宗實錄

十一

餘萬兩之多節經該撫奏定期分年完繳自應趕緊扣清乃該省於甫經定限之案即請分限帶銷並於甫經分限之款又請遞年展緩徒懸坐扣之名並無歸補之實似此年復一年伊於胡底著該撫迅將各幫積欠銀五十餘萬兩詳查案據嚴行整飭務遵奏定限期照數完繳並自本年為始不許再行藉詞調劑奏請展緩以杜各旗丁等僥倖覲覲之漸俾欠款不致懸宕以清帑項○諭軍機

大臣等御史范承祖奏掘棺重案延不究辦一摺據稱江蘇吳縣孔傳鈺舊有墳地係前明工部侍郎孔鏞賜塋於道光八年被墳丁錢錦雲等掘毀右邊附葬九棺之地盜賣與楊何等姓孔傳鈺赴縣呈控後同縣差金鑠即林雙查明墳板骨殖拋棄池中並據地保潘鳳山親見王勝玉等在池內盜取墳板四塊扛擡欲賣當時喝退即將墳板交現年地保金士元看明收管等情報縣乃該縣任意

宣宗實錄

十一

耽延不為嚴究疊控蘇州府皆批縣查辦又控藩臬衙門皆批府查辦該府並不審問亦不催結等語案關盜掘九棺必應迅速懲辦以儆兇徒該地方官何得任意延擱以致五年之久尚未訊結著陶澍等查明如果屬實即行嚴究確情按律定擬具奏將此諭令知之尋奏訊明錢錦雲等雖無毀掘拋棄情事惟將孔傳鈺等塋旁山地賣與楊何兩姓占賣顯然又於被控後將石板捺棄屢審不承

訟延數載應照例問擬杖枷歷任府縣行提人證未到均非延不審辦應請免議下部議從之○旌表守正捐軀山西趙城縣民高龍娃妻關氏○除安徽無為州沙壓衛地七頃二十三畝額賦○丁未

上詣綺春園問

皇太后安○諭內閣陶澍等奏撤任知府縣營不勝繁要之任請分別改簡勒休一摺前因要犯莊午可拒捕脫逃降旨將該府縣營摘

實錄卷二百六

五

去頂帶撤任勒限緝拏該員等於未經奉旨之先即協同印委各員將莊午可等犯全行拏獲尚知愧奮自應免其叅革惟常州地方事本殷繁士習民風亟宜及時整頓該員等才難治劇未便仍留本任致有貽誤常州府知府恆奏武進縣知縣程士偉俱著送部引見再降諭旨常州營遊擊珠爾恭阿不諳營務畏蒞無能著即勒令休致該部知道○又諭程祖洛奏漕糧米色未能一律乾潔一摺

江蘇蘇松等屬應徵熟田漕糧因上年雨水過多受傷較重該省地土卑溼積潦之餘倉廩又未能十分乾燥春氣發生上鬱下蒸米質發熱在所不免且恐長途盤運經霉過夏再受損傷勢難久貯著該部即知照倉場本年蘇松各屬運到熟田漕糧即另廠收貯先行搭放○以江蘇蘇松常鎮道屬上年被水減緩庫款短絀貸司庫銀五萬兩協濟各幫運費

實錄卷二百六

五

大清宣宗效天符運立中體正至文聖武智勇仁慈儉勤孝敏成皇帝實錄卷之二百六

大清宣宗效天符運立中體正至文聖武智勇
仁慈儉勤孝敏成皇帝實錄卷之二百七

監林德官理處自攝起至宣宗太子太保體仁閣大學士文淵閣領事學士都察院掌印給事中翰林院掌印給事中
天府府事務處加五級紀錄十八次臣等謹將宣宗皇帝聖訓恭錄上書以昭勸懲謹將宣宗皇帝聖訓恭錄上書以昭勸懲
七倉大臣等會同四庫館纂修加一級隨帶加六級軍功加三級紀錄五次臣等謹將宣宗皇帝聖訓恭錄上書以昭勸懲
內務府大臣等會同四庫館纂修加一級隨帶加六級軍功加三級紀錄五次臣等謹將宣宗皇帝聖訓恭錄上書以昭勸懲
監院等處事務處加十八級臣等謹將宣宗皇帝聖訓恭錄上書以昭勸懲加六級紀錄二十次臣等謹將宣宗皇帝聖訓恭錄上書以昭勸懲

道光十二年壬辰三月戊申朔旌表守正捐

軀河南鄧州民楊浩女小女○己酉

上詣

大高殿行禮○還宮○諭內閣湖南提督海凌
阿因江華縣逆強趙金隴聚眾滋事率同寶
慶協副將馬韜帶領官兵進剿行至池塘墟
地方官兵奮勇爭先殺賊無數該匪放槍抵
禦馬韜被傷墜馬陣亡海凌阿衝入賊羣勦
殺因山徑崎嶇雨水路滑墜馬亦被戕害此
次該提督等雖未探明賊情遽行迎剿不免

輕進惟此等鬼蜮逆強竟傷提督大員深堪
髮指海凌阿等究係為國捐軀盡心王事朕
心實為悼惜允宜立沛殊恩以酬忠藎海凌
阿馬韜應得卹典著兵部察例具奏並查明
該員等子嗣奏請恩施仍著盧坤等確查該
員等是何旗籍迅即派委妥員送柩旋回至
被害之遊擊王國華守備吳鑑及傷亡兵丁
著盧坤等咨部一併照例賜卹用示朕嘉獎
忠貞至意○諭軍機大臣等本日據盧坤等

由五百里馳奏提督進剿被害並現在嚴堵
要隘籌辦糧餉一摺覽奏俱悉提督海凌阿
在寧遠下灌地方遣寶慶協副將馬韜領兵
前進至池塘墟地方馬韜被槍陣亡海凌阿
揮兵衝入賊羣勦殺連發數矢因路滑墜馬
被戕鬼蜮逆強竟傷提督大員深堪髮指揮
淚覽之朕心悼惜之至已明降諭旨將該提
督等賜卹並交部旗查明該提督等有無子
嗣立沛殊恩以酬忠藎該督等即飭各文武

於各要隘督兵固守。毋稍疏縱。並著於生擒各逆犯中。嚴訊該提督副將究係何人所傷。一經擊獲。即盡法處治。以伸國法而紓憤懣。至陣亡遊擊守備弁兵等。並著該督等查明咨部。一併照例賜卹。所奏兵糧軍火。均關緊要。用費較繁。不得不寬為籌備。既據藩司恩特亨額稟稱。庫貯項下可籌備三十萬兩。並於附近水次各鄰縣派碾倉穀。陸續運解。其永州及省城設局支銷。著照所請行。但不得

張大其事。致啟浮冒之弊。至該匪烏合之眾。除跳擲外別無他技。現在江華寧遠藍山常寧各地界有猺山寨。遊竄掠食。並圖裹脅。自以堅壁清野為上策。尤須廣行出示。散其黨羽。無令裹脅日多。致成滋蔓。其附近各土猺寨。著撫諭安帖。土猺等亦令其自相團練保衛。其各要隘嚴密防堵。各鄰縣團練鄉勇。俾猺匪無食可掠。無人可裹。方為妥善。羅思舉現選精兵一千名備調。可謂老練精於用兵。

者。一俟兵力既足。即四面兜圍。一鼓殲除。至新任藩司惠豐據楊遇春奏留辦理秋審。到任尚需時日。前任藩司恩特亨額因丁憂開缺。現當軍興之際。籌撥糧餉。豫備器械。及設局委員各事宜。自未便遽易生手。恩特亨額著暫留湖南藩司之任。辦理軍需。俟軍務完竣。再回京守制。至鎮筸綏靖兩鎮。均係苗疆重地。未便更易。現在湖南提督員缺。請調齊慎所見原是。但伊業經告病。余步雲久歷戎

行。身經百戰。就近調任。必可得力。已另降諭旨。令其挑選精兵一千名。帶同得力將弁。迅速前來。羅思舉未到之先。著盧坤兼署。羅思舉到永州。即著羅思舉兼署。計余步雲到彼。當亦不遠。余步雲接印後。與羅思舉相機商辦。勦力同心。自當及早戡定。所請湖南岳常澧道梁恩照署寶慶府候補知府呂恩湛。水經廳同知常慶。湖北德安府知府方長慶。漢陽府同知邵勦。襄陽府同知周鳴鸞。俱准其

帶往辦理軍需事宜。其丞倅州縣佐雜均准該督量才派委。期於數用而止。不准多派。以為將來議敘地步。其逆首趙金隴。困獸反噬。傷我大員。國法不容。神人共憤。仍遵照前旨。設法生擒解京。盡法懲治。其從逆各搖匪。亦須兜圍勒捕盡殺乃止。以彰天討而快人心。將此由六里里諭知盧坤。吳榮先併諭羅思舉知之。○又諭本日據盧坤等由五百里馳奏。湖南江華縣逆搖趙金隴聚眾滋事。提督海凌阿率領副將馬韜等帶兵進剿。被害陣亡。當即明降諭旨。將余步雲調補湖南提督。余步雲接奉此旨。著即於就近所轄貴州各營內挑選精兵一千名。並選派曾經行陣得力將弁數員帶領。迅速馳赴江華軍營。與總督盧坤並前經調往之湖北提督羅思舉會同籌商。迅即相機妥為勦辦。務將首逆趙金隴生擒解京。並將匪黨悉數勦洗。以彰國憲而快人心。該提督係朕特簡之員。且熟練軍

情。久經戰陣。自當相機擒剿。不致躁率輕進。俾奏膚功。用副委任。其貴州提督員缺。已著唐文淑補授。余步雲即將提督印務交嵩溥委員暫署。迅速起程。毋稍遲緩。將此由六百里諭令知之。○協辦大學士兩廣總督李鴻賓等覆奏。拏獲會匪多名。訊明首犯胡亞豹六。起意糾夥。歃血訂盟。又共毆致死多人。應照結盟為首例。擬絞立決。張亞東等三十名。均照聽從結盟為從例。擬發極邊煙瘴充軍。黃亞保等六名。照被脅勉從結拜例。擬杖一百徒三年。下部議從之。○調貴州提督余步雲為湖南提督。以福建漳州鎮總兵官唐文淑為貴州提督。調四川北鎮總兵官松青為漳州鎮總兵官。以甘肅鎮海協副將周佐勝為川北鎮總兵官。○除陝西宜羌州屬陽平關營被水地九十六畝有奇額賦。○撫卹琉球國遭風難夷如例。○庚戌諭內閣。瑚松額等奏查明發遣宗室祥佑撥入宗室

營居住一案。署左戶司掌印協領烏爾袞奏尚無情弊。惟具稿行文。在伊暫帶印鑰之後。未將情節聲明。請一併交部議處。瑚松額常文。並協領烏爾袞奏。俱著交部議處。鐵麟前以陳奏遲延。自請交議。著加恩寬免。○諭軍機大臣等。寄諭湖廣總督盧坤。湖南巡撫吳榮光。本日召見。新選湖南永州府知府林倬奎。其人尚可。惟計該員到任。正當騷匪平定之時。一切撫卹事宜。恐未熟諳。著該督等留心察看。僕與該地方不甚相宜。即著於湖南各屬知府中。揀員對調。將此各諭令知之。○以兵部右侍郎鐵麟。為國史館清文總校官。○旌表守正捐軀直隸易州民葛義學妻王氏。○辛亥。

上耕藉詣
先農壇行禮。更服至耤田所。
躬耕三推。復加一推。
御觀耕臺。命豫親王裕全。惠郡王綿愉。成郡王

載銳各五推。吏部左侍郎奕經。戶部右侍郎李宗昉。禮部右侍郎陳用光。兵部尚書那清安。刑部尚書戴敦元。工部左侍郎吳椿。都察院左副都御史文慶。通政使司通政使龔守正。大理寺卿文蔚。各九推畢。順天府府尹率農夫終畝。賞賚農夫耆老如例。○詣關帝廟拈香。○諭內閣。前據御史卞士雲奏。江蘇淮揚所屬下游州縣。向有私梟勾結船載運私鹽。設立馬頭銷售。並有屯戶過載架護名目。當交陶澍等嚴行查辦。茲據奏。淮揚各屬上年被水成災。窮民乘坐船船。四出乞食。間有捎帶鹽斤。偷賣餬口。梟匪乘機誘雇。內載私鹽。外坐婦女。裝點災民。計圖偷越。經該督等飭屬巡拏。前後獲犯四百三十餘名。私鹽六十九萬餘斤。並拏獲包攬船船各犯。嚴加懲辦。私鹽失所倚賴。咸知儆惕。至觀音門近在省城。並無梟匪設立馬頭。暨屯戶過載等名目等語。此項船船。窮民乘坐。捕魚

覓食。行蹤無定。梟匪勾結。載私實於釐務。大有關繫。嗣後著倣照沿江漁船之例。將船戶姓名籍貫年貌及男婦大小口數查明填給印牌懸掛艙口。以便稽覈。該督等仍當督飭各屬認真查察。有犯即懲。以杜梟私而肅釐政。○又諭李鴻賓等奏請將被控串詐斃命之在籍主事革審一摺。此案廣東東莞縣孀婦黃葉氏呈控在籍主事葉蔭芝串誘黃顯憫將伊子黃成通田屋偽造契紙。按借該主

事銀兩。勒贖詐擾。以致黃成通被詐不甘。自縊殞命。案關在籍職官詐斃人命。必應徹底根究。以成信讞。葉蔭芝著即革職。交該督撫

九

提同案內各人證嚴審確情。按律定擬具奏。尋奏訊明葉蔭芝串詐斃命屬實。依例擬絞下部議。從之。○又諭林則徐奏勘明料埭被燒。飭廳賠補足數。並分別降革飭審一摺。虞城上汛十六堡於該河督驗料時失火被燒五十六埭。所有守廠之記名外委兵丁韓松

茂李鳳舞殷朝臣俱著嚴行審訊。其駐守該汛之額外外委吳相臨著斥革。分防外委張奇亮先行降補額外外委。同承買之記名外委兵丁袁秉禮等一併歸案提集質訊。務期水落石出。不許含混。並著該撫嚴拏放火正犯務獲懲辦。商虞廳通判沈賜恩業經林則徐飭令賠補足數。並經查明成色鮮明。尺寸出額。著加恩免其交議。該營協備杜曰讓巡查不力。本應著賠。惟該廳業已賠完。著免其

實錄卷二百七

十

再賠。仍俟訊明所管弁兵有無知情縱火情弊。另行覈辦。○又諭林則徐奏查驗各廳料物完竣。請將廳員撤任。責令翻堆賠補一摺。河工稽料為修防第一要務。即為各廳第一弊端。上年朕特派大臣前往豫東查出虛鬆殘朽等弊。將各該員降革示懲。自應稍知儆惕。茲據該調任河督奏到任以來講求訪問。有門埭灘埭底廠及併埭戴帽各名目。非抽拔拆視難知底裏。所有南北兩岸十五廳各

垛現經查明上南同知羅綬所辦最為高大結實。曹考睢寧商虞三廳次之餘尚如式。惟蘭儀同知于卿保所辦料內拆至蔡家樓一處。垛底潮溼。雖查未微爛。究恐晾乾之後斤重有差。辦理殊為未善。向來河督查驗料垛。從未有如此認真者。良由因循怠玩所致。揆諸天理人情。深可慨歎。于卿保著照所請即行撤任。免其革去頂帶。責成接任之員。逐垛斥晾。如晾乾有所折耗。仍著落于卿保賠補。

實錄卷二百七

十一

俟補完之後。另行察看。量予補用。其曹河糧河二廳料垛。查係堆手粗疏。尚非偷減弊混。已據兗沂曹道徐受荃查驗翻堆。著即飭該道覈實驗報。毋任廳員弊混。○又諭富僧德奏查明布特哈處應交貂皮。及可減貂皮各數一摺。前據富僧德奏請量減。無餉牲丁應交貂皮。當交軍機大臣議奏。因原摺聲敘未明。復經降旨令富僧德詳細查明。再降諭旨。茲據該將軍覆奏。著照所請。准其於八旗無

餉牲丁內。挑選壯健嫻習騎射者一千二百名。作為定額。責令採捕貂皮。此外無俸世職官四十八員。無餉牲丁一千五百二十七名。准其裁減。此項官丁名下。應交貂皮一千五百七十五張。並著免其交納。以示體恤。○又諭耆英等奏直隸給咨會試之劉繼賢。查於上年賞給副榜。並未恩賜舉人。其因何錯誤之處。著琦善查明據實覆奏。照例辦理。尋奏劉繼賢因報錄人誤遞舉人報條。信以為實。

實錄卷二百七

十二

呈請給咨會試。並非有心假冒。請將未及詳查之清苑縣王仲槐。照轉之藩司顏伯燾。交部分別察議。下部知之。○河東河道總督林則徐奏。謝授江蘇巡撫。恩得旨。知人難得人尤難。汝當知朕之苦衷。一切勉力而行。毋負委任。朕有厚望焉。又奏豫東商虞廳料垛被燒。臣當即親至燒料處所。履勘情跡。批如此勤勞。弊自絕矣。作官者皆當如是。河工尤當如是。吁。若是者鮮矣。○廣西提督蘇兆熊奏。

帶兵防堵湖南搖匪。得旨務須嚴密防堵。相機勦辦。勿任其到處裹脅為要。勉之。○壬子清明節。遣官祭

永陵。

福陵。

昭陵。

昭西陵。

孝陵。

孝東陵。

實錄卷二百七

十二

景陵。

泰陵。

泰東陵。

裕陵。

昌陵。○遣官祭

孝穆皇后殯宮。○遣官祭

端慧皇太子園寢。○

上啓鑒恭謁

東陵。○免蹕路經過地方本年額賦十分之三。

○是日。駐蹕煙郊行宮。○癸丑。以吏部尚書潘世恩為會試正考官。刑部尚書戴敦元。工部尚書穆彰阿。朱士彥為副考官。○以大學士盧蔭溥兼署吏部尚書。兵部尚書王宗誠兼署工部尚書。都察院左都御史白鎔兼署翰林院掌院學士。○是日。駐蹕白澗行宮。○甲寅。諭內閣。惇親王綿懃失察。韓三等聚賭一案。著交部察議。印務參領和倫驍騎校倭和竈王保慶德克勤。舒隆阿等。均著交部議處。

實錄卷二百七

十四

○又諭。林黃氏守正不污。用柴擲毆。圖姦罪人何景星。不期誤傷伊夫林阿。接致斃。較之尋常與人鬪毆。誤斃夫命之案。情節尤為可憫。且林阿接貪利無恥。與林黃氏夫婦之義已絕。該部請照尋常因鬪誤殺旁人之律。擬以絞監候。秋審緩決一次。後即予減等。著照所議辦理。○以湖北按察使栗毓美為河南布政使。甘肅甘涼道朱樹為湖北按察使。○是日。駐蹕隆福寺行宮。○乙卯。

上恭謁	昭西陵	孝陵	孝東陵	景陵	裕陵俱未至碑亭。即降輿慟哭。步入隆恩門詣	寶城前行禮。躬奠哀慟。王以下文武大臣官員均隨行禮。○諭軍機大臣等本日據李鴻賓	等奏現在堵捕猺匪情形。並拏獲匪夥。究出湖南另有首匪一摺。據稱連山綏猺廳三江協先後稟報黃瓜冲聚有猺人三四百名行劫。又有余高汎及良溪寨上吉村等處均有猺人十百為羣。搶劫民村牛米。官兵追捕被猺匪格殺汎兵章如鳳一名。現在李鴻賓等檄調南韶連鎮標等營兵七百名。委南韶連鎮得志等帶往。並委署臬司慶林咨會提督劉榮慶迅速堵剿。並將連州拏獲之趙金錄
-----	-----	----	-----	----	----------------------	--	---

實錄卷二百七

十五

趙惲學黃經周馮沅堂等四名及馮沅堂之幼子馮亞二嚴審。據供稱係趙金隴從堂弟。俱是湖南新田縣猺人。嘉慶年間遷住江華縣。因有湖南長寧縣猺人李德明住在石寶山。素善符咒。自稱為猺王。知趙金隴亦能書符醫病。道光十一年四五月間。李德明遣人送信趙金隴。令其糾邀猺人前往石寶山幫助滋事。趙金隴旋即分囑猺人轉向眾猺糾約。該犯及趙惲學黃經周俱聽糾入夥。隨同焚劫馮沅堂。訊係糾約不從。被趙金隴燒燬房屋。併伊子擄掠。伊乘間脫逃等語。該督等前奏逆猺滋事。僅稱趙金隴弟兄煽亂。肆逆並未奏及有李德明自稱猺王在石寶山倡亂之事。著查明該匪蹤跡。嚴緝務獲。盡法處治。以杜後患。現在羅思舉計已到彼。余步雲接奉諭旨。自己帶兵星馳前往勦辦。以期指日翦除。所有吳榮光等前奏趙金隴之妹嫁與廣東八排猺王姓。並據奏捉獲趙福德一

實錄卷二百七

十六

名。訊出趙金隴之子趙福金。趙福銀。趙金旺之子趙福才等語。茲據李鴻賓等奏提訊趙金錄供稱。趙金隴係新田縣人。與廣東八排瑶言語不通。向不結為姻親。趙金隴現祇存胞弟趙金旺。該匪生有二子。福寶。福良。女兒兩箇。並無姊妹。何以不相符合。著確切訪查。認真躡緝。毋任竄匿。是為至要。將此由五百里各諭令知之。○又諭本日據李鴻賓等奏堵捕楚粵各瑶匪情形。並將拏獲之匪夥

實錄卷二百七

十七

親提審訊。各一摺。該督等現雖派委兵丁七百名前往勦堵。但恐兵力太單。僅有挫失。不但損威。且益助其猖獗之勢。自應酌為添調。以期得力。固不可輕率前進。亦不可稍涉疏懈。致令裹脅蔓延。所有黃瓜冲。余高汛。及良溪寨上。吉村等處要隘地方。加意防緝。截楚

等查拏。該督等亦須嚴切根究。查拏務獲。趙金隴之妹。嫁與八排瑶王姓。雖據該督等查無其人。仍當切實詳究。再行密訪。不可為地方官回護。致留萌孽。所請派往連州一帶督辦之慶林。得志鳳靈等各員。准其馳往。飭令妥速勦堵。將搶劫拒捕各瑶匪首從按名擒獲。勿令被此竄逃。互相勾結。是為至要。李鴻賓應否親往督辦。自行相度情形。酌量辦理。又另片奏暫留升任臬司慶林在粵著准其暫留。俟瑶匪辦竣。再令起程。至臬司現辦秋審。想楊振麟當已到任。將此由五百里各諭令知之。○賞看守煙郊等處行宮弁兵半月錢糧。○是日回鑾。駐蹕桃花寺行宮。○丙辰命盛京將軍瑚松額馳驛來京。以正藍旗滿洲副都統奕額署盛京將軍。○以兵部右侍郎鐵麟署正白旗護軍統領。○貸庫倫辦事大臣修理官房養廉銀。○是日駐蹕白澗行宮。○丁巳祭

實錄卷二百七

十六

先驚之神。

皇后親詣行禮。○諭內閣敬徵等奏遵旨查勘工程一摺。前因

泰陵寶城等工。奕綸等奏請修理。當降旨派敬徵等前往敬謹查勘。茲據覆奏

寶城牆身外皮東面隙閃一段。按照上下收分寸。懸線丈量。其隙出處所。自四寸至一二寸不等。甃塊間有酥釀脫落。橫長計十五丈一尺。又西北面隙閃一段。其隙出處所。自六

實錄卷二百七

十九

寸至三四寸不等。甃塊裂縫酥釀較多。至新舊接縫之處。計橫長九丈七尺。此二段工程著照該侍郎等所請將牆身外皮拆修三進。並添銳鐵錫拉扯。歸安押面石。於今歲備料。明春隨拆隨修。儻於拆砌時。牆身內另有別項情形。著承修大臣詳細勘明。奏請飭辦。至現在甃塊酥釀裂縫之處。著該管大臣飭易州工部妥為抹飾拘抵。歸於歲修項下開銷。勿致雨水浸入。以資鞏固其

明樓下門內連楹木植。據該侍郎等勘得連楹

東邊底面油飾爆裂。木植露有剝朽情形。尚不甚重。礙難更換。請別補油飾。亦著該管大

臣即時修補。歸於歲修項下開銷。○協辦大

學士兩廣總督李鴻賓等奏遵旨查拏會匪

前據御史馮贊勳。以會匪勾連數省。奏奉飭

拏。今貴州省會匪馬紹湯供稱。鈔寫逆詞。係

廣東船戶吳老二傳授。復告知廣東係二房

名洪太宗。尤應嚴緝。當經委員分往訪拏。並

實錄卷二百七

二十

無吳老二等蹤跡。復據陽春縣營稟報。亦無陽春廟及洪太宗其人。查乾隆年間閩省查辦添弟會。供出廣東有洪二和尚。即洪二房。又拏獲洋盜陳辦等。挖出添弟會字。內開二房在廣東省城。名李色弟。均經前督撫飭訪。實無其人。該御史馮贊勳。前獲圖樣。有李色弟名字。自係從前舊圖。又道光八年四川省咨緝會匪梁才等案。內稱二房祖洪大洪。與馬紹湯所供洪太宗。音略相同。既稱二房祖

似係相沿傳習。非現今會匪之名。臣等仍惟有隨處密訪。將結會首匪緝獲重辦。俾淨根株。得肯認真查緝。不准稍有實不盡。○修山東恩縣攔水挑水等壩。從巡撫訥爾經額請也。○是日。駐蹕煙郊行宮。○戊午。

孝賢純皇后忌辰。遣官祭

裕陵。

上詣

元靈宮。

宣宗實錄卷二百七

三

永慕寺行禮。○諭內閣。琦善奏。拏獲職員欲遞奏章。訊錄供詞具奏一摺。山西平定州職員張鉞所遞奏章。因固關本州志書恭載。

聖祖仁皇帝詩二首。欲於固關坡平定州二處

刻石立碑。

聖祖仁皇帝御製詩集久已頒行宇內。

巡幸各詩章。經各該處鐫泐。敬謹立碑。無須另

為摹勒。姑念所言尚無純繆。張鉞著免其治

罪。即遞解回山西原籍。交地方官嚴加管束。

母許出外滋事。○命署盛京將軍奕額迅速馳驛前往。○除直隸懷來縣被水官地十五畝租銀。○是日。駐蹕舊衙門行宮。翼日如之。○己未。

上詣

關帝廟拈香。○行圍。○諭內閣。程祖洛奏。驗收徒陽運河挑撈工程。並將壩座衝開。不行稟報之知府。叅奏一摺。徒陽運河。為江浙漕船經由要道。上年輪屆小挑。經該撫飭令署

宣宗實錄卷二百七

三

鎮江府知府劉鈴督辦。工竣後該撫驗收。因沿江大壩衝開。以致壩內進水。雖據查明所挑寬深丈尺尚均如式。漕船亦無阻滯。惟壩座被衝。該署府並不隨時稟報。實屬怠玩。署鎮江府知府劉鈴著摘去頂帶。責令催趲江浙漕艘。俟重運過竣。如無阻滯。再行奏請開復。儻稍有淺澀。即行嚴叅示懲。該部知道。○又諭。張人傑因在奉天地方向木商張彥青買定變價入官木植。付給定錢。尚未交木。張

彥青復商同石均等串通領催保增等將木植運至天津變賣。並保增等盜賣官木等情。屢在盛京將軍等衙門呈控。尚未結案。輒在道旁叩關。自應治以應得之罪。惟張彥青是否將該犯買定木植。復行變賣。及保增等另有盜賣官木情事。均應徹底根究。張人傑著行在兵部即行解往盛京。交該署將軍會同刑部提集人證。研訊明確。照例辦理。尋奏保增訊無盜賣官木情事。張彥青因張人傑不能交足原價。奉官押令另行變賣。湊交例價。並非勾串盜賣。現在張人傑業已身故。無庸置議。下部知之。○給安徽青陽縣被水災民一月口糧。○庚申。

上行圍。○諭內閣長齡等奏軍餉餘賸銀兩酌撥分貯一摺。上年五月。因回疆籌撥軍餉。經戶部撥銀二百萬兩。解貯甘肅藩庫。就近支撥。嗣據該將軍等咨明陝甘總督先撥銀一百萬兩。陸續運解在途。現在善後事宜均已

完竣。防兵調到。即可全撤。征兵大營暫時供支。已足數用。此項節省銀兩。該將軍等酌商分撥各城。以資儲備。著照所請。葉爾羌撥銀三十萬兩。如善後尚有需用之處。交璧昌即由此項內動支。毋許稍有虛糜。所賸銀兩。儘數封貯葉爾羌庫內。阿克蘇撥銀二十萬兩。伊犁撥銀三十萬兩。烏魯木齊撥銀二十萬兩。均作為儲備專款。如有急需。必須奏明。方准動支。不得濫行那用。其現存甘肅軍餉銀

一百萬兩。交陝甘總督飭令該藩司全數封貯司庫。作為新疆備用另款。非有要需。不准奏請調撥。以資儲備。而重邊防。○又諭玉麟等奏伊犁例派塔爾巴哈台換防。請兼用烏魯木齊官兵。並請撤換防塔爾巴哈台之伊犁所屬察哈爾額魯特改用巴爾魯克蒙古各事宜一摺。據奏伊犁惠遠城。已燕岱錫伯索倫四營。例派塔爾巴哈台換防官兵二十七員。兵九百七十九名。請於此項換防官兵內。

改由烏嚕木齊協派官十員。兵四百名。將伊犁例派官兵原額照數酌減。既可以均戍。役而伊犁存營滿洲官兵稍為加多。實於差防有益。又伊犁所屬之察哈爾額魯特兩營例派塔爾巴哈台換防官四員。兵三百一十九名。歲需鹽菜銀六千八百七十餘兩。口糧十七萬五千餘斤。請將此項官兵全行停止。節省鹽菜銀兩。在於該處巴爾魯克遊牧之察哈爾額魯特哈薩克內酌添官兵。抵充伊犁

實錄卷二百七

三五

派往之蒙古官兵差使。並以此項換防鹽糧酌派巴爾魯克官七員。兵六百餘名。每年尚餘賸銀一百八十餘兩。口糧三萬餘斤。既省經費。於操防亦屬得力。俱著照所請。分別奏咨辦理。○又諭湖南提督海凌阿寶慶協副將馬韜以迎勦逆獍趙金隴墜馬陣亡。前經降旨交兵部議卹。茲據那清安等察例具奏。惟該提督等為國捐軀。實深悼惜。海凌阿著加恩賞給一等輕車都尉世職。襲次完時。給

與恩騎尉世襲罔替。馬韜著加恩賞給騎都尉世職。襲次完時。給與恩騎尉世襲罔替。海凌阿查無子嗣。著該旗查明應行承襲之人。照例辦理。馬韜世職著雲貴總督查明子嗣。奏請承襲。餘俱照該部所議賜卹。用示朕渥沛恩施。篤酬忠藎至意。○諭軍機大臣等。長齡等奏霍罕遣使懇求通商。籌酌辦理一摺。此次霍罕伯克遣夷目遞稟。照議允准。至所稱該伯克情願抱經盟誓。永遠翊戴。此言未

實錄卷二百七

三六

可盡信。惟善後大局章程已定。喀什噶爾總要商量長治久安之策。妥為防範。萬一有事。斷不宜輕易帶兵出卡。其如何嚴密布置。並葉爾羌等城如何聲勢聯絡。務使彼此緩急足恃。若赴援稍遲。致有失誤。定以軍法從事。決不寬貸。又弔噶爾拜等供稱霍罕屢被俄羅斯欺壓。該伯克意欲帶兵前往理論。由那林及哈薩克愛曼一帶經過。僮布嚕特等播造謠言。懇祈勿聽等語。霍罕與俄羅斯遠在

卡外。蠻觸相爭。原可置之不問。惟不許擾及邊界。伊犁將軍等總當豫為防備。固不可稍存大意。尤不宜輕率追捕。致起釁端。並著玉麟知照常德一體遵辦。哈豐阿郭繼昌二員著暫留該處。俟明春察看情形。再行酌量。哈琅阿應否留於該處。或即可飭回。著長齡等商酌定議。長齡現在善後事宜已竣。著即起程回京。路過甘肅。仍遵前旨。與楊遇春妥商南路換防官兵酌量變通事宜。據實具奏。玉麟著即赴烏魯木齊。審訊郭勒明阿案。俟事竣。仍回伊犁將軍本任。將此由六百里各諭令知之。○旌表守正捐軀山東濮州民馬智女高馬氏。○是日。駐蹕圓河行宮。翼日如之。

實錄卷二百七

三

○辛酉。諭內閣。鄧廷楨奏。恭希圖冒領賑銀之知縣。請旨革審一摺。所參甚是。安徽當塗縣知縣趙汝和。自冬賑辦竣。復以該縣有聞賑歸來各戶口。應行補賑。約需銀六千五百五十三兩零。並稱先向各典鋪那用。按口散

放。應請給發歸款。該撫以補賑易滋冒領情弊。必由府道確覈。方准給領。該員既不稟府覆查。又不將細冊呈覈。當向該員確切根究。並飭府嚴查。旋據該府稟稱。查詢各委員。此項補賑。僅止府學教授張啟圖。縣學訓導嚴保泰。放過錢約各一百千文。縣丞周鐸。放過錢十三千六百文。巡檢藍新綸。承查散放。約有二十名口。統計各委員查放錢文。為數無多。該員輒請發銀六千餘兩。其希圖冒領。已

實錄卷二百七

三

屬顯然。且恐所放冬賑。亦有浮濫情弊。趙汝和著革職拏問。交鄧廷楨提同經書人等徹底查究。務須嚴行審訊。不准稍有含混。按律定擬具奏。尋奏。趙汝和辦理補賑。並無冒濫虛捏。惟不照例先造細冊。由府覈轉。業經革職。應無庸議。下部議。尋議。例載。官員被參革職。審係全虛。該督撫切實聲明。准其開復。不得概稱毋庸議。完結。趙汝和革職處分。應請開復。仍交部議處。從之。○又諭。鄧廷楨奏上

居戊子科江南鄉試。輪應安徽巡撫入闈監臨。陳明住居省會。請旨改派。本年監臨又係安徽輪值。仍奏明請旨等語。本年壬辰科江南鄉試。著派林則徐入闈監臨。○賞御前侍衛蘇清阿黃馬褂。○旌表守正捐軀湖南湘潭縣民蕭洪程妻謝氏。○壬戌。

上行團。○諭軍機大臣等。吳榮光奏請省城設局派員。並懇酌撥銀兩一摺。此次逆搖滋事。不過么麼小醜。烏合成羣。虛坤既已馳赴該

處。一俟兵力齊備。即可四面兜擒。此時羅思舉計已到彼。一鼓作氣。不難剋期竣事。無令曠日持久。致成滋蔓。至設立公局。辦理需員。亦不過酌派數員。足資差遣。期於數用而止。何得遇事張皇。現據奏派派道府同知知縣等。人數眾多。無論該員等本任內各有應辦地方事宜。紛紛更調。不免推諉貽誤。似此設立軍需總局。濫派多員。無非張大其詞。為該員等將來議敘地步。事竣後該督等即剴章

入告。朕亦不能俯允所請。至奏撥鄰省藩庫銀三十萬兩。已降旨交戶部速議具奏。又請揀發同知二員。知縣四員。亦明降諭旨。交該部揀選。即速帶領引見。候旨發往矣。所撥銀兩。該督等務須嚴飭局員。認真撙節。覈實經理。斷不許稍有冒濫。致蹈從前軍營惡習。又片奏請留藩司恩特亨額穿孝一月等語。前已降旨令該藩司暫留。著准其穿孝一月。仍回藩司本任。協同臬司辦理軍需。俟軍務將

次完竣。或接辦有人。即飭令回旗守制。將此各諭令知之。○賞南苑苑丞苑副章京馬甲銀幣有差。○賞看守南苑各行宮苑戶等一月錢糧。海戶等銀一千兩。○是日。駐蹕新衙門行宮。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百七

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八

張作霖官軍開闢日滿鐵道法字太子太師張作霖仁人學士文淵閣領閣學管理戶部事務上書勸諭紳情檢校院學士張作霖
張作霖官軍開闢日滿鐵道法字太子太師張作霖仁人學士文淵閣領閣學管理戶部事務上書勸諭紳情檢校院學士張作霖
九月丙午署鐵道部一等秘書院院內閣學士文淵閣領閣學管理戶部事務上書勸諭紳情檢校院學士張作霖
七倉大臣程家齊會同理藩部等將加一級軍功等三級紀錄等次各員沙納納爾圖等官開闢日滿鐵道文淵閣領閣學
內務部大臣張作霖開闢日滿鐵道內七倉大臣管理宗人府銀庫左其細官等 聖旨著交開閣學等處轉達各該部知道欽此
醫院設辦處官務部等事十八日阿寶阿刺通奏奏經呈請官共部之書隨事加一級紀錄二十次日開院時等奉

道光十二年壬辰三月癸亥

上還圓明園○詣綺春園問

皇太后安。○以太常寺卿德春為通政使司通政使。○甲子。諭內閣。盧坤奏帶兵將備行走遲延。請分別革懲等語。湖南永州右營遊擊李方。至於新田縣戒嚴之時。業經帶兵前往。即應星馳堵禦。乃因路徑梗塞。繞道行走。復至永郡稟見。該督請示。實屬任意延挨。李方玉著即革職。先行枷號。示眾候歲事之日。發往新疆充當苦差。以為玩視軍務者戒。署桂

陽營守備王楷繞道遲延本應一體治罪姑念其趕至新田。隨同追賊尚知畏懼著革去頂帶。暫免枷示留營差遣。如再不奮勉出力。即當重治其罪。○諭軍機大臣等本日據盧坤由驛馳奏逆獠分股竄擾派撥兵勇堵禦並催調官兵剋期圍剿情形一摺覽奏俱悉逆獠趙金隴自藍山池塘墟抗拒官兵後復敢乘機糾結勢益猖獗經該督分派官兵在各要隘堵禦俟羅思舉一到即會商進剿設

計生擒以為一舉殲除之計其常寧祁陽桂陽新田嘉禾道州江華藍山寧遠等處俱有官兵防守布置均極周密受其常寧縣知縣范上組所稟殺斃身佩鐵劍之平天大王趙生良一名並生擒雷振祥等九名獠婦李盤氏等二名桂陽州知州王元鳳所稟生擒趙文武等三名趙生良趙文武是否係該逆趙金隴親屬除趙生良業經戮斃外正可就生擒各犯嚴切根究因何聚眾謀叛緣由務令據

實供吐以期水落石出勿任狡倖至所調兵數前據吳榮光奏計已七千一百餘名又經降旨令余步雲調貴州兵一千名計日當可到永州兵力不可謂不厚至永州軍需總局及衡州後路糧臺並各路腰撥臺站派員過多反致推諉祇須派撥明幹妥員分司辦理毋許稍有貽誤計羅思舉此時當已到永州余步雲月內亦可趕到該督惟當與該提督等督率員弁兵勇相機會剿勿令竄至廣東

廣西致成滋蔓亦不可令其盤踞山洞致我兵入山搜捕轉墮奸計務須誘至山外一鼓作氣聚而殲旃尤當遵照前旨生擒首逆解京盡法懲治以彰國憲而快人心將此由五百里諭知盧坤羅思舉余步雲並諭吳榮光知之○裁甘肅馬蓮井州判狄道固原寧隴西安定中衛六州縣訓導各缺從總督楊遇春請也○予湖南勦辦獠匪陣亡知縣王鼎銘祭葬世職○貸甘肅皋蘭金靖遠隴西

伏羌。湟。七廳州縣災民口糧。乙丑。

上詣

安佑宮行禮。○諭內閣前據陶澍奏鹽務奏銷屆期請稍寬時日並察看准北未盡事宜分別裁辦當交戶部議奏茲據奏稱兩淮鹽務疲乏已久現在銷鹽雖多均係已丑以前已經納課之引與新綱無涉其新鹽發運陡值各省被水轉運遲滯亦係實在情形自應量予展緩惟奏銷寬展一日即占礙下綱一日

之引該督遽請展限半年恐新綱難以接辦著予限四箇月展至本年六月內造報奏銷至楚西各岸均屬暢銷該督即迅飭各商及時捆運其次年如何提前以復原限之處並著確定限期據實具奏至兩淮例入奏銷課項共銀二百十餘萬兩此外加斤正課並應解帑利及外支外銷各款當大加釐剔之後俱應按款造報現在辛卯本綱將屆一年期滿並著該督速即分晰造冊報部以備查覈

其准北未盡事宜亦著迅速妥議章程分別辦理○又諭甘肅茶商畢新興呈控各處私販採買湖茶含糊納稅由別途運入陝甘新疆售賣又西海蒙古地方嚴禁暢賣茶封以致引滯課絀等情控關私販病商必應嚴行緝禁至所稱新疆裁革私茶收稅可以增引裕課並西海蒙古各地方禁賣茶封於民食官引均有滯礙是否係實在情形著楊遇春確切查明認真辦理茶商畢新興著該部照

例解往備質○准大通橋車戶承買黑豆二萬石津貼車價○丙寅諭內閣楊遇春等奏查辦黃河南北蒙番事宜一摺據奏青海二十九旗內扎薩克喇嘛察罕諾們汗一旗應查戶口細數緣該諾們汗身故該圖薩拉克齊年幼不能護理將印信暫行收貯所有該旗現存之戶逃往各族一時未能清查著准其暫緩造冊飭令該旗將逃戶收回再行查辦○又諭楊遇春等奏酌議察罕托洛亥駐

防官兵請按二年更換一摺此項換防官兵前經該督等議請一年期滿統歸四月一班更換茲據查明同時全換其新到之兵一切情形未能熟悉自應酌為變通著照所請所有該處防兵一千名仍分作兩班按二年更換今歲四月更換之際著即留一半至十三年四月作為二年期滿其今歲四月到防弁兵應計至十四年始到班滿之期俾資熟手○以甘肅防河鎮靜予陝西副將馬鳴謙等

議敘○戊辰諭內閣吳邦慶奏散放賑米不協輿情之知縣撤任查訊一摺江西上年截留漕米分撥災區賑濟茲據吳邦慶奏建昌縣知縣張紹良將所撥米八千石應給該處災民尚未散竣以致紛紛控訴飭查該員呈遞清摺係按被災重輕覈散米石多寡與災民所控該縣係按糧戶散米無糧貧民轉不得賑卹情節既屬互異及查散米印簿所載不論有糧無糧儘此米數哀多益寡一體

均勻分派又與所呈清摺不符其中顯有情弊必應徹底查明以重賑務張紹良著即撤任交周之琦督同藩司鍾祥確切查訊務期水落石出不准稍有含混僅有侵扣冒銷等弊即據實嚴叅按律懲辦尋奏張紹良僅止散米三百餘石無扣發侵冒情弊惟散放稽遲又不將酌改永豐一鄉不論有糧無糧一體哀益均派之處豫為曉示以致士民懷疑呈訴實屬辦理不善請革職下部知之○又

諭佈勒亨奏玉田縣等五處官兵請旨不必每歲查閱俟屆軍政之年查閱一次等語凡駐防兵丁無論多寡該管官員果能隨時妥為訓練必可悉臻精銳原定章程甚屬妥善即如玉田縣等處兵丁統計不過五百名且相距匪遙該副都統屆期帶領官兵數名輕騎周歷各該處數日之間即可操演完畢而兵丁亦不至甚勞若屆五年軍政之期始行查閱一次該官兵等技藝必至漸就廢弛佈

勒亨任意妄改舊章。所奏甚屬非是。佈勒亨著傳旨嚴行申飭。○諭軍機大臣等。據李鴻寶等奏廣東連山一帶匪徒解散。仍於楚粵交界各處派兵防堵。一摺。覽奏均悉。廣東連山廳屬黃瓜冲等處。間有匪徒搶劫。業經該督等調撥各營官兵前往防剿。此時均已聞風畏懼。羣相解散。該處八排匪人俱屬安靜。其搶劫各匪。實係八排外各冲散匪。該督等分別良莠。自應出示剴切曉諭。以官兵齊集。

廣東省

八

專為拏辦匪。凡屬良善。均毋驚恐。妥為撫馭。俾安眾心。至連山搶劫各匪。現雖潛匿。仍恐被楚匪誘脅。或與彼潛通消息。不可不於各隘口僻徑。逐處嚴防。堵絕往來要路。現經該督等前後調兵共三千六百餘名。又團練鄉勇一千餘名。兵力不為不厚。務當嚴飭將備兵弁。分投堵禦。毋令楚匪乘間竄入。不得稍有疏懈。並該督等現飭督標暨高州鎮標籌備兵丁。以資調撥。應俟盧坤咨調到。

粵。僅需協。勦。再遠派得力員弁。管帶前往。至廣西富川。賀縣。灌陽。全州一帶。與湖南接壤。現經提督蘇兆熊等駐彼督辦。務飭一併嚴密巡防。實力堵緝。將此各諭令知之。○已。已。禮部以宗室會試中額請得旨。取中三名。○旌表守正捐軀安徽宿州民杜明金妻董氏。山西夏縣民傅立身妻黃氏。○貸黑龍江茂興。墨爾根等二十六處被災驛丁置辦牛具銀。○庚午。

實錄卷二百八

九

上詣綺春園問

皇太后安。○總管內務府大臣禧恩等奏。兩淮積欠淺價銀九十六萬四千餘兩。除養育兵丁錢糧四萬二千九百兩。即於本年交納。其餘分作五年。按數歸補。以濟經費。而紓商力。從之。○命戶部尚書禧恩。盛京將軍瑚松額。馳往湖南查辦事件。○戶部議准陝甘總督楊遇春疏報。中衛縣開墾大沙坑地八頃。照例升科。從之。○辛未。漕運總督蘇成額奏。浙

江嘉興湖州幫丁例支本色米款以蠲緩不敷支放請折給價銀從之○湖廣總督盧坤奏遵旨酌裁湖北督撫提三標鄖陽宜昌二鎮等營兵三百五十三名惟湖南界連兩粵滇黔苗徭雜處且現有江華徭匪滋事均資調防所有兵額暫請緩裁報聞○以協辦大學士吏部尚書文孚兼署戶部尚書○以睿親王仁壽署鑲黃旗領侍衛內大臣都察院左都御史昇寅署正黃旗滿洲都統大學士

實錄卷二百八

十

富俊署正紅旗滿洲都統○以正紅旗漢軍都統載銓署管理鑾儀衛事理藩院尚書博啟圖署管理圓明園八旗內務府三旗官兵事○改廣東崖州營參將為崖州水陸副將定為外海水師煙障題調邊缺海口協都司為崖州協陸路中軍都司定為陸路煙障題調缺均駐崖州城海口協副將為海口營參將駐海口海口協右營守備為海口營中軍守備均仍為外海水師題缺添設崖州協陸

路外委二員水師外委四員撥督標營把總一員外委一員兵一百名陸路提標營把總一員外委一員兵六十名瓊州左右二營把總一員外委一員兵六十名海安營兵二十五名海口營兵十五名統歸崖州協管配操防從協辦大學士兩廣總督李鴻賓請也○以查辦鹽務出力予湖北知縣王啓炳等加銜升用有差○貸湖北督撫兩標及武昌城守營上年駐劄災區兵丁倉穀○壬申諭軍

實錄卷二百八

十一

機大臣等吳邦慶奏滙陳不諳河務下情一摺朕因熟悉河務之員深知屬員弊竇或意存瞻顧不肯認真稽查吳邦慶並非河員出身正可釐剔弊端毋庸徇隱況該員曾任河南藩司東河近在咫尺雖未經親身到工一切事宜諒有聞見該河督惟當不避嫌怨破除情面督率所屬於修防要務悉心講求務合機宜以副委任俟周之琦鍾祥二員有一人到江西省城即迅速交卸兼程前赴新任

母得再以其不諳河務為辭也。將此諭令知之。○又諭陶澍奏訪獲習教匪徒，究出匪黨散處地方，分別查拏，提省究辦一摺。所辦甚好。習教傳徒，久干例禁。近來匪徒故態復萌，實堪痛恨。必應密速查拏，認真辦理，以期淨絕根株。所有現獲之張義法、劉光貴、盧廣、必徐幫俊、李喜五犯，著即提赴省城嚴審確情，從重究辦。其在逃之魏中沅及習教孫老聚即飛咨直隸、河南督撫嚴密查拏，歸案究辦。至

實錄卷二百八

七

籍隸直隸鉅鹿縣孟家莊人孟老藏前因王老頭子傳徒案內供出已查拏該犯到案交軍機大臣會同富俊及刑部嚴審。其張義法等所供白雲菴及慈雲菴二處託名女媧氏婢女並尼姑金玲、蘇大人即大王爺實在下落已飭步軍統領確訪嚴拏務獲歸孟老藏案內審辦矣。將此各諭令知之。尋奏訊明張義法、徐幫俊、盧廣必、拜師習教旋即悔悟。李喜等訊止坐功運氣。張義法、徐幫俊業已病

故應毋庸議。盧廣必於傳習邪教為從發遣例土量減擬徒。李喜等照例擬杖下部議。尋議李喜等均經拜師習教與僅止坐功運氣不同。擬杖係屬錯謬。應均照例量減擬徒。餘如該督等所擬完結從之。○禮部以會試中額請得旨滿洲取中八名、蒙古取中三名、漢軍取中五名、直隸取中二十一名、奉天取中二名、山東取中十七名、山西取中九名、河南取中九名、陝甘取中六名、江蘇取中十七名。

實錄卷二百八

七

安徽取中十二名、浙江取中二十一名、江西取中十六名、湖北取中九名、湖南取中六名、福建取中九名、廣東取中九名、廣西取中六名、四川取中六名、雲南取中七名、貴州取中五名。○先是密雲副都統佈勒亨因藍翎長玉山誤差私逃，奏飭拏旋據玉山來京以知縣藍田散放兵米弄弊等情呈控。命兵部右侍郎鐵麟等馳往訊結。奏入得旨密雲副都統佈勒亨於散放兵米時不候該縣申覆

遽令兵丁關領致屬員藉詞京控。佈勒亨著照部議罰俸六箇月。不准抵銷。餘依議。○以故甘肅洮州廳土司魯蓋臣子慶榮襲職。○旌表守正捐軀河南信陽州民魏翼妻吳氏。○展長蘆山東嶧商應交引鹽加價限期。○展賑湖北江夏漢川兩縣災民一月。○癸酉諭內閣。戶部奏請飭催途次銅斤一摺。滇省委員領運京銅。據該侍郎等查明庚寅年正運二起許應元正運三起胡兆蓉正運四起。

實錄卷二百八

古

常明加運一起聶光謙加運二起陳桐生等均已先後行抵江蘇省境。迄今日久。尚未據咨報渡黃。著兩江山東直隸各督撫派委道府大員會同沿途文武員弁查明各該運銅船現在行抵何處。實力催趲。務令遵照定限迅速抵京交納。毋許延誤。○江蘇學政廖鴻荃奏留心訪察士習。擬按行各屬。剴切曉諭。不敢稍事姑息。得旨。一切從實秉公。慎勿稍形疲玩。又奏。如武進劣生莊午可若早革究。

示懲。何致釀成巨案。可見寬縱之過。所損實多。批。水懦民玩。正謂此也。○廣西巡撫祁項等奏防堵猺匪情形。得旨。嚴密堵緝。斷不可令其闖入本境。勉力無忽。○命貝子濟克默特帶領侍衛十員往奠故貝勒托恩多。茶酒並賞銀五百兩治喪。予祭葬如例。○旌表守正捐軀直隸玉田縣民馬才母宋氏河南固始縣民金康妻黃氏。○再撥廣東廣西司庫銀十萬兩發商生息。備廣西緝捕經費。從協。

實錄卷二百八

古

辦大學士總督李鴻賓等請也。○甲戌諭軍機大臣等。據余步雲奏。遼帶貴州兵一千名起程前赴永州。勦辦等語。該提督熟練軍情。久經戰陣。現在湖南奏報已調兵七千一百餘名。合之所帶貴州兵已逾八千之數。兵力不為不厚。該提督抵永州後。務當相機進剿。固不可曠日持久。致滋蔓延。亦不可冒昧輕進。稍有挫失。一切事宜會同羅思舉悉心商酌。和衷共濟。一鼓作氣。迅奏膚功。尤須遵照。

前旨。生擒首逆解京。盡法處治。並將匪黨悉數。勦洗勿留。後患用副委任。將此由五百里諭令知之。○乙亥。諭內閣。琦善奏。勘報盜案不實。先經撤任之知州。請旨革職一摺。直隸磁州知州沈旺生。於廣西右江鎮把總李宏先呈報盜案。並不悉心勘訊。嚴緝賊盜。輒以勘無失事形跡。及李宏光捏報等情。率行具稟。旋經豫省拏獲盜犯。訊據賊供確鑿。當經降旨撤任提訊。茲據該督訊明。該員雖無諱

飾情事。惟於盜劫重案。勘報不實。未便稍事姑容。沈旺生著革職。以為規避諱飾。玩視捕務者戒。○又諭。琦善奏。旗人部控地畝原告狡不輸服。請解部質訊一摺。順承郡王地畝坐落涿水縣地方。自有檔冊契據。四至段落可稽。當時何以將各個侵種官地。全行收租。又復全行出賣。扎拉芬又稱府地係蘇明經管。其如何錯誤緣由。著戶部就近傳到蘇明確訊。斷結以杜爭端。尋戶部奏。交直隸總督

委員勘明。由部覈查。順承郡王原報冊檔。止有地六十畝。佃戶張得成。將毗連官地私墾。捏稱王府之地。以致扎拉芬誤將官地出賣。應將勘明地六十畝。歸原買高涇管業。多賣價銀退還。私墾地畝入官。分別飭遵。擬結從之。○諭軍機大臣等。嵩溥奏。遵旨暫緩進京。轉回貴州任事一摺。前該撫奏請。未京展覲。曾降旨令俟新任藩司麟慶到日。將印信交其護理。再行來京。茲據該撫奏稱。於奉到諭

旨之日。即由澧州折回嵩溥。著暫緩進京。所有地方應辦事件。並本年鄉試監臨。俟完竣後。再行起程。再貴州與湖南接壤。現在猖匪滋事。該處交界地方。不可不嚴密堵禦。著嵩溥妥為防範。勿稍疏懈。將此諭令知之。○追予國初殉節知縣孫如芝。吏目鄭亮世職。○貸湖南乾州鳳凰永綏。古丈坪保靖五廳縣上年被水屯丁口糧籽種。○丙子

上詣綺春園問

皇太后安○諭內閣李鴻賓等奏參防緝要犯不力之知縣請旨先行摘去頂帶一摺此案廣東署曲江縣縣丞侯錫齡雇船巡緝至該縣屬石灰坪地方遇客民王榮甫所雇鄒亞三船隻買有零鹽飭役搜查王榮甫疑係假冒職官與同船現逃之羅恆興向該縣丞理論拖拉過船喝令船戶水手幫毆用刀戳斃推跌落水署曲江縣知縣王曾澍於戕官首犯王榮甫並不嚴密防範致該犯拾刀自斃已屬疏忽又不將幫兇羅恆興及船戶水手一併逮獲其拏獲到案之余亞四現無實證亦難定為下手正兇似此玩視捕務之員必應嚴示懲儆王曾澍著先行摘去頂帶勒限上緊緝獲要犯羅恆興等歸案訊辦儻再延宕即著一面革職一面從重嚴叅治罪尋總督盧坤等奏王曾澍於限內將本案罪應斬絞首從各犯業經拏獲僅止聽從販私並未下手殺傷罪止擬軍之羅恆興等三名未獲

且拏獲另案斬梟盜犯十四名功過尚足相抵請開復原官交部議處從之諭軍機大臣等現在湖南猖匪滋事調集官兵勦辦據該省奏稱調兵七千一百餘名並降旨令余步雲遴帶貴州兵一千名合計已逾八千之數兵力不為不厚自己足敷堵剿惟該處山深路險或須分投兜截尚應籌調兵力亦未可定著鄂山於四川各營內挑選精兵一千五百名並選派曾經行陣得力將升數員管帶該督務須不動聲色豫先妥密籌備俟續奉諭旨飭調再令起程將此諭令知之○又諭現在湖南逆匪滋事調集官兵勦辦據該省奏稱調兵七千一百餘名並降旨令余步雲遴帶貴州兵一千名合計已逾八千之數兵力不為不厚自己足敷堵剿惟該處山深路險或須分投兜截尚應籌調兵力亦未可定著寶興挑備吉林精兵五百名富僧德挑備黑龍江精兵五百名並選派曾經行陣得

大清宣宗敕天符運立中體正至文聖武智勇
仁慈儉勤孝敏成皇帝寶錄卷之二百八

出外總督官限日歸赴。奉法王太子太保臣國大學士文淵閣學士管理戶部事務上奏辦理。除翰林院掌院學士原管內
天府府尹事務等項。五旗紀綱十八次。○貴州總督官經廷議官吏部尚書羅爾琿深察軍機處管理所管庫城內官員欠員慎密之
土倉大臣齊世昌四庫館書務和一二級職等。六級職等功加三級紀錄五次。○坤甸駐劄官兵文淵閣提舉國內各官應遵舊
內務府大臣羅山滿洲都統穆保內七倉大臣管理衙門所限年立其始官學。查辦官圖明閱等或情提督等某路老謝慶為次
署院通解成字番冊等。十八級臣阿靈阿副理官經廷議官吏部尚書羅爾琿。六級紀錄二十次。○周祖培等奏

欽此

道光十二年壬辰夏四月丁丑朔享

太廟遣惇親王綿愷恭代行禮○以甘肅省城糧價增昂命撥狄道州倉糧平糶○戊寅諭內閣奉

皇太后懿旨。彤貴人晉封為彤嬪。所有應行事
宜。著各該衙門察例具奏。○又諭程祖洛奏
勒限整飭營伍一摺。設兵原所以衛民。精強
惟資乎訓練。若因風氣柔弱。遂任其技藝生
疏。豈不虛糜糧餉。據程祖洛奏稱。江蘇地方
人柔力軟。兵丁器藝多有未嫻。曾經督率將

備。勒限操演。旋因升任。未及如限辦理。著林則徐於到任後。隨時督飭認真操練。先由該將備等驗送。該撫確加考覈。儘未能長進。即先將該將備等嚴叅示懲。務期兵成勁旅。餉不虛糜。勿負朕整飭戎行之至意。○又諭。那彥寶等奏。叅疏防。探夷疊搶之廳營文武各員一摺。四川越嵩廳屬捫扒支夷上年焚搶新基姑汎弁兵房屋人口一案。甫經懲辦之後。膽敢復出焚搶。據該將軍等查明。兩月共

實錄卷二〇九

二

有二十五起。止據該廳營申報七起。其餘十八起。尚未具報。且於陳沅家被搶之案。毫無覺察。僅拏獲徐萬山案內聽糾熟夷三名。其首要各犯均未緝獲。該廳營文武於探夷重務。既不能嚴密巡防於前。又復延不報緝。實屬玩延。署越嵩廳通判大竹縣知縣林丹雲。署越嵩營參將督標右營遊擊王進忠。著先行摘去頂帶。留於地方協緝。逾限無獲。即著一面革職。一面嚴叅治罪。署建昌鎮總兵

懋功。協副將開明。建昌道文綸。署寧遠府知府。試用知府呂廷慶。著交部分別議處。其被搶各案。著該將軍等嚴飭新任越嵩廳營文武。查明按起申報。督同各土司上緊緝拏。務獲究辦。儘逾限不獲。照例查叅。○又諭。前據御史范承祖奏。江蘇昭文縣已革漕書張仁扶。朦朧舞弊等情。當交程祖洛查拏懲辦。茲據奏稱。查明張仁扶所捐監生。訊無違礙。亦無另有盤踞把持勾串舞弊劣跡。惟於革卯

實錄卷二〇九

三

後。因現充漕戶各書向其諮詢公事。不知避嫌。歛跡。即與干預無異。張仁扶即張星燦。著革去監生。杖八十。加枷號兩箇月。滿日折責發落。前任昭文縣知縣著查取職名。交部議處。餘照所擬完結。該部知道。○以緝獲要犯莊午可。予江蘇主簿章恩榮等升敘有差。○以勦捕四川烏坡廠滋事兇夷及不法土司。予守備張富等開復議敘有差。以隨同出力土舍安泰。然承襲沙罵土司。○己卯。

上奉

皇太后幸慎德堂進膳。○步軍統領衙門奏緣案發往吉林之覺羅寶祥堅欲乞假逗留得旨覺羅寶祥係搶奪車驛逞刁不認實發吉林交該將軍嚴行管束之犯膽敢於起解時抗違不服實屬怙惡不悛藐法已極此風斷不可長寶祥著嚴加鎖鑰仍交兵部即日起解不許片刻逗留並著沿途督押員弁小心防範無任別滋事端其北營外委單玉升著加恩免其棍責。○以江西各屬米價增昂命再平糶倉穀並貸進賢萬年星子都昌建昌安義湖口七縣上年被水災民籽種口糧。○庚辰諭內閣有麟等奏參開堂執法之委署驍騎校請交部審辦一摺此案委署驍騎校達凌阿於挑缺時因步箭僅中一枝未經揀選輒敢當堂喧鬧經有麟等派員訊問此次挑缺有何不公之處據達凌阿供稱不能獲選難對眾人並無別情等語達凌阿著斥革

解交刑部審辦。至管束不嚴之各該上司除懸缺未補及另有差派之該旗章京烏勒登額毋庸議外所有兼轄之翼長胡遜布恆通著一併交部察議。○諭軍機大臣等前據嚴烺奏豫省上南等廳險工酌拋碎石當以東河歷年拋護碎石歲料防險等項並未節省降旨交林則徐悉心體察情形覆奏茲據奏稱詢之年老兵民僉稱既辦碎石每遇險工緊急潰埽塌隄力加拋護功效甚著至東河採運碎石比南河方價倍蓰難以多辦而其化險為平頻歲安瀾之效未嘗不資於此惟何以未能省料之故詰詢員弁兵夫據稱統計兩岸隄工長至二十餘萬丈隄前有埽者不過六千八百餘丈埽前有石者甫及二百七十餘丈河面寬闊溜勢變遷購料防險諸費即難概省等語此項東河碎石工程起於道光二年嚴烺試辦僅拋兩段而止自道光五年至十一年已拋碎石共用銀六十五萬

餘兩。上冬估辦上南三廳方價七萬四千餘兩。尚不在此數內。覈之。歷年採辦歲料及請撥防險銀兩。均未減少。碎石既增。歲料自宜節省。歲料不省。碎石豈不虛糜。吳邦慶並非河員出身。無所用其回護。著於交卸後。迅赴新任。與林則徐見面詳細詢問。悉心體察情形。如果估拋碎石。化險為平。以後歲料漸可節省。照運河各廳臨湖隄工。兼用碎石。歲銷錢糧無多。豈不甚善。若年復一年。徒添出碎

實錄卷二百九

六

石費用。則是於歲料外又增一項開銷。國家經費有常。豈能供此無底之橐。至林則徐奏稱工員果悉機宜。善揣溜勢。則於工之將生未生。豫築挑壩。使溜向外趨。埽即可省。一壩得力。可護數段之工。所省無算。所奏不為無見。著吳邦慶於到任後。實心實力。講求利弊。破除情面。不可任聽工員。致滋浮冒。總期無枉費之工。無妄開之費。方為不負委任。懍之慎之。將此諭令知之。○禮部議准安徽巡撫

鄧廷楨疏報採訪六安州貞節婦女趙周氏等二千九十八口。宿州司蔡氏等一千一百八十六口。請各建總坊旌表。從之。○旌表守正捐軀山東滕縣民婦殷宋氏女白鴨妮。○辛巳。諭軍機大臣等。李鴻賓奏據左江鎮道等稟報。太平南關外越南界內之諒山地方。該國王將諒山鎮改設巡撫。換用諒山高平巡撫關防。探聞該處聚兵屯糧。開平道路。建塘立卡。無論土著客民。三丁抽一。五丁抽二。

實錄卷二百九

七

令其演習技藝。又將向開金銀二廠封閉。專留鐵廠等語。越南素稱恭順。此時忽將設立總兵改設巡撫。難保無巨測情事。現據李鴻賓等飛飭該鎮道府等。加撥弁兵。暗為布置。並飭左江鎮文哲璋侯貢使行抵南寧。即藉巡邊之名。隨行到關。督率員弁。妥慎豫防。並飭派幹員改裝易服。赴沿邊關隘。確切訪查。該國聚兵演技。有無別情。總須不動聲色。慎密防閑。先期籌備。相機妥辦。切不可輕露端

倪使彼轉生疑惑。尤不可稍涉大意。致有疏虞。一俟查訪確實。是否另有別情。即據實奏聞。將此密諭李鴻賓並諭祁墳蘇兆熊知之。○諭總管內務府大臣等。養心殿首領太監竊運庫貯綢緞。應得之罪。業經審明定案。惟該太監等所竊贓物。係夾帶他物攜出。各該門首領太監等漫無覺察。原應一併懲治。姑念事屬年久。著免其究辦。嗣後各門首領太監等。凡有出入攜帶物件。必應詳加稽察。毋得仍前疏慢。如再有私行偷竊運出情事。一經發覺。惟該門首領太監等是問。嗣後宮內圓明園各門首領太監等。務當一體凜遵。毋得日久視為具文。致干罪戾。並著各錄一通。於各該門永遠懸掛。○協辦大學士兩廣總督李鴻賓等奏遵旨籌議崖州善後事宜。漢奸入黎盤剝。及攢充糧總。浮收勒索。最為黎人之害。應申明定例嚴禁。至黎人設立黎總崗長哨管。原所以專責成。應飭大小各黎村

公同充選。如有黎丁不遵管束。及漢奸放債滋擾。許立即捆送究治。黎人犯事。除劫奪謀殺重情。向由地方官飭差協拏外。其餘情罪稍輕。即著落黎總等交出審究。概不許差役擅入勾拘。藉端索擾。黎人食鹽及牛羊器具等物。應准其照常售買。不得擡價阻買。以杜弊端。至鐵器除應用外。如鳥槍利刃。近於軍械者。俱不准賣給。並不准鐵匠代為製造。黎俗不通。有無田無溝洫。應出示曉諭。責令黎

總崗長等。諭以通力合作。多開溝渠。庶旱澇有備。歲豐境謐。得旨著照所議實力奉行。○壬午。以故雲南景東廳屬土知府陶熊子德增襲職。○禮部議准浙江巡撫富呢揚阿疏報採訪浦江縣貞節婦女朱氏等三百五十三口。請建總坊旌表。從之。○癸未。

上詣

時應宮。

昭顯廟拈香。○還宮。○諭軍機大臣等。盧坤

等奏防堵要隘連勦撲卡逆獠多名並布置進剿情形各一摺據奏該逆獠趙金隴始由新田楊家鋪竄至桂陽州交界之白水洞地方屢敢衝突州屬之排前墟卡隘經該州王元鳳會營督率抵禦殲斃獠匪多名並頭裹紅巾手執紅旗賊目一名賊遂退至楊家鋪官兵復於茶園坪截殺賊匪百餘人該匪復由上流崗貓兒十三灣越嶺入山追至半山擊斃賊匪一百餘人又在白水洞口截殺四

實錄卷二百九

十

百餘人賊復撲卡殲斃三十餘人前後奪獲槍刀器械無數至新田縣毛栗山獠人趙文鳳曾被該逆勾結經武岡州知州王景章曉諭安撫解散過半餘匪俱竄至白水洞現據該督分飭員弁加意防堵查該獠匪被官兵兜圍不能四出遊竄往來於新田之上流崗楊家鋪常寧之羊泉黃崗桂陽之白水洞茶樓等處約共四五千入賊勢已熾惟南路之藍山寧遠江華俱為入粵門戶該處隘口較

多尤須嚴密防範羅思舉於三月初十日已抵永州與盧坤商議該提督由中路進兵既可遏其南路又可與派往北路領兵之署總兵霍隆武聲勢聯絡首尾相應又經該督添調永順協副將祥福沅州協副將馬天保帶兩路夾攻使賊腹背受敵並於附近旁通祁陽道州零陵之翻山小路節節隄防布置甚為周密該處兵力既已厚集正當察看道路

實錄卷二百九

十一

情形乘勢進剿不宜曠日持久坐失事機羅思舉既抵永州盧坤與之詳酌熟商計出萬全即應激勵將士一鼓作氣將該逆獠先加痛剿不必俟余步雲到彼致有遲延計余步雲亦不日可到該督等務當和衷共濟勦力同心生擒首逆趙金隴解京懲治並將該逆趙金隴之兄弟子姪及家屬人等一併查明按名拏獲毋使漏網又另片奏荊州備調兵一千名毋庸調往等語此項馬隊兵丁與該

處情形。山深路窄。馳騁不宜。且荊州為湖北重鎮。總督提督俱經帶兵出省。該處亦不可無大員控制。所見甚是。所有荊州兵一千名。著不必調往。以重地方。將此由四百里各諭令知之。○又諭。昨派禧恩等馳赴湖南。已於本月初二日起身前往。約計行程。想已到河南境內。本日據盧坤等奏。連勦撲卡逆。及籌議進兵情形。當即降旨。令該督等妥辦矣。羅思舉業已到彼。余步雲亦不日可到。該省

實錄卷一百九

三

兵力已厚。不難相機進剿。剋日奏功。禧恩等馳抵永州。務當與該督等熟商。生擒首逆解京。盡法懲治。並該逆趙金龍兄弟子姪及家屬人等。一併查明。按名拏獲。毋使漏網。所有盧坤等摺片二件。並本日所降諭旨一道。鈔給閱看。將此由四百里報便諭令知之。○命大理寺卿文蔚。光祿寺卿潘錫恩。前往楊村查驗續增剝船。○除直隸寧河縣水衝灘地熟地九頃二十五畝有奇額賦。○以常寧祀

天於

圓丘。自是日始。齋戒三日。○甲申。宗人府奏。前任熱河都統二等鎮國將軍裕恩。前因腿疾回旗調理。應否隨旗上朝。免其停俸。得旨。裕恩著隨旗上朝。免其停俸。○調山海關副都統存華。為寧夏副都統。熊岳副都統左廷桐。為山海關副都統。寧夏副都統和福。為熊岳副都統。○旌表守正捐軀山西稷山縣民王法榮妻毛氏。○乙酉。

實錄卷一百九

三

上詣

南郊齋宮齋宿。○諭軍機大臣等。蘇成額等奏首進漕船渡黃。並催提在後幫船一摺。本年江浙重運幫船。至四月初旬渡黃。共六百二十六隻。計十七幫。比較上三次日期。均遲。隨後幫船。據報渡江者甚少。漕船為天庾正供。必應加緊趲催。盤驗北上。以次渡黃。本年首進幫船。既因估挑徒陽運河。二月間甫經啓壩。以致渡黃較前俱遲。至在後各幫。自當銜

尾連橋。迅速接進。何以渡江船隻甚屬寥寥。著陶澍等於重運經由地方。嚴飭文武員弁。不分晝夜。實力提催。毋任再有遲滯。儻後進幫船在途停延滋事。係該漕督專責。自問當得何罪。其沿途催趲稍有不力。陶澍等咎亦難辭。務當添派妥幹各員。設法迎提。俾隨後幫船迅即抵壩。無誤渡黃定限。是為至要。至倒塘灌放。本非漕運正辦。本年清水高黃水既在二尺以外。似可啓禦黃壩。將後進幫船接放。較之灌塘既省一番周折。亦可不致稽延時日。於事機尤為順利。著張井察看情形。悉心籌計。一面趕緊妥辦。一面據實奏聞。將此諭知陶澍張井。林則徐富呢揚阿。並諭蘇成額知之。○又諭。東河河工歲需銀兩。已有定額。後又添撥大汛防險銀三十萬兩。又有另案請撥之費。近又辦拋碎石工程。遞年加增。多糜帑項。國家經費有常。安能供此無底之素。吳邦慶係甫經到任。正當體察情形。其

實錄卷二百九

古

有枉費之工。可省則省。況該員並非河員出身。釐剔弊端。更無所用。其回護。務須激發天良。破除情面。不可顧慮屬員抱怨。稍涉畏難。亦不必過恤人言。謂初任河工。有意見長討好。該河督當以國事為重。悉心詳詢。實力講求。即係必需要工。亦應分晰詳查。覈減具奏。切勿任聽工員因仍浮冒。惟期工歸撙節。帑不虛糜。以副朕特加委任至意。儻因循疲玩。而不肯實心辦公。自問當得何罪。懍之慎之。將此諭令知之。○又諭。昨據張井奏循例請撥大汛工需銀一百五十萬兩。為南河大汛另案各工之用。已交戶部速議具奏矣。現屆大汛經臨。所有搶辦各工需用銀兩。自應早為籌備。惟國家經費有常。亦宜極力撙節。豈可年年按時奏請。習為故事。著該河督悉心體察情形。於應辦各工。詳加覈實。可省則省。務須激發天良。破除情面。不可任聽工員因仍浮冒。總期無枉費之工。亦無妄開之費。以

實錄卷二百九

五

期此後歲撥銀兩漸次減省方為不負委任
將此諭令知之○丙戌常寧祀

天於

園丘

上親詣行禮○幸圓明園○詣綺春園問

皇太后安○丁亥諭內閣據戶部奏自道光十
年分以來陸續撥給各省軍需賑卹河工各
項銀兩加以被災省分緩免錢糧並兩淮短
徵鹽課統計一二年間多出少入已逾二千

實錄卷二百九

七

餘萬兩雖現在酌撥尚無支絀惟不能不先
事豫防寬為籌備等語國家經費有常自宜
加意節用量入為出著各督撫責成各藩司
於一切工程河工及各項借墊雜支銀兩務
須大加撙節覈實動用毋得任意開銷至各
該省經徵錢糧總須認真督催按期撥解並
將上年該部奏准飭催之節年未完積欠及
咨催各項應解未解銀兩迅速趕緊催徵完
報分別入撥解部經此次降旨後儘再催徵

不力仍前延宕該督撫即將該藩司及徵收
各員據實嚴叅按律懲辦若完報入撥後或
為數短絀著戶部即將該督撫指叅懲處決
不寬貸將此通諭知之○諭軍機大臣等據
步軍統領奏江蘇鹽城縣民人王梓庵呈控
該縣監生王俊三等串通書差冒領賑濟錢
文毆傷伊父等情已明降諭旨交該撫審訊
矣此案該民人所控王俊三等串通書差許
為伊家代領賑錢伊父王雨霖向討不給王

實錄卷二百九

七

俊三轉令伊子王桂年等將伊父毆傷並王
俊三等冒領賑錢至七百餘戶之多地方遇
有偏災不惜帑金賑濟必期實惠及民總在
辦理各員實心實力查察弊端豈容奸胥蠹
役任意侵吞以致窮黎多有向隅案關冒領
賑錢多至七百餘戶並有串差肆毆等情如
果屬實大干法紀必應徹底嚴究著林則徐
提集人證詳細研訊按律懲辦並將辦理不
善之員據實嚴叅以重賑務將此諭令知之

尋奏訊明王俊三等並無冒領賑錢。毆傷王雨霖情事。查係王榮華商同王梓庵冒王俊三等之名。收用捐項錢文。後因事敗。慮及到案。王榮華唆使王梓庵京控抵制。王榮華。王梓庵。應依律發邊充軍。下部議從之。○以都察院左都御史昇寅為滿洲繙譯會試正考官。工部右侍郎裕誠為副考官。○戊子。諭內閣。長齡等奏。卡外諸夷進卡貿易。懇恩一體免稅等語。現在霍罕免罪通商。並邀恩免

稅。其貿易諸夷事同一律。嗣後葉爾羌。喀什噶爾。卡外各部。落暨布魯特等進卡貿易。著加恩一體免稅。以廣仁施。而示體恤。○又諭。長齡等奏。遵旨籌議設立駝廠章程一摺。前據長齡等奏。請將阿克蘇軍需局收到內地置買協濟官駝。挑選二千五百隻。分撥葉爾羌等處設廠牧放。諭令妥為辦理。茲據籌議章程具奏。著准其就各城原撥數內量為裁減。於葉爾羌。巴爾楚克共撥駝八百隻。每屆

出廠時。以四百隻分交各軍臺兵丁運送。布棉。以四百隻分撥該兩城兵丁運送。糧石。柴薪。統由經牧章京管理。喀什噶爾撥駝二百隻。以備兵丁馱運。柴薪。阿克蘇撥駝五百隻。運送冰嶺。布棉。硝磺。所有各城派牧兵丁。作為廠兵。免其差操。各廠駝隻。照伊犁特穆爾廠之例。不取孳生。亦不准倒斃。除運送官物。仍給盤費外。空閒之日。准各廠兵自行營運。定以限制。不得潛越庫車以東。所得腳資。即

實錄卷二百九

十九

添補繩索鞍廐。不准另行開銷。每屆年終。各城將存駝數目。咨報參贊查覈。勿任日久滋弊。俾不致有累回眾。以期隨時調用。而實軍儲。至其餘駝一千隻。即著咨交烏魯木齊都統收明。按照舊例。飭令一體牧養聽撥。○又諭。理藩院領催巴哩等。需索外藩領俸錢文。前經降旨。交刑部會同軍機大臣。查英嚴審。並將理藩院郎中松瑞解任。聽候傳訊。茲據會同審訊具奏。理藩院郎中松瑞。於給發蒙

古俸緞折米印票。並不當堂監放。輒派令並非承行之巴哩。私自散放。已屬更易舊章。巴哩向領俸人等索討銀兩。係指稱司員飯帳不敷。令其抵欠。松瑞果有在吉祥館食飯之事。巴哩等現供抵還飯帳。係伊等藉端指撞。委非松瑞授意。殊難憑信。必應徹底根究。松瑞著革職歸案嚴審。務期水落石出。至巴哩等朋謀索詐。已經議有成數。其所供均無入手之贓。自因領俸人等均已回旗。恃無質證。任意狡展。且貝勒瑪呢巴達喇所屬之旗。應領羊酒盤費米石銀兩。業據陳忠元供認冒領。剋扣。難保無另有侵蝕別情。必應查詢明確。以成信讞。著理藩院飛咨各盟長。查明四十八旗。歷年呈進羊酒應領盤費米石銀兩。是否均已具領。並傳集本年來京領俸人等。逐一訊明。如有被巴哩詐騙錢文之人。即將贓數。並何地交付何人接受之處。錄取確切詳晰供詞。並將被詐贓數較多之人。摘傳一

刑部議奏

三

二名。迅速解部質對明確。治巴哩等以應得之罪。其並未詳訊率行取結之王會司員外郎鍾靈著俟定案時一併附參。尋奏。松瑞訊無授意需索情事。惟不當堂散放印票。致巴哩藉端需索。業已革職。應毋庸議。巴哩應比照書役人等勒索至一百二十兩者絞監候。例。贓未入手減一等。惟該犯因索詐不遂。復敢逞兇毆罵。應酌加一等發附近充軍。陳忠元等按律問擬。率行取結之王會司員外郎鍾靈交部察議。從之。○又諭。刑部議奏。吉林將軍寶興等審擬已革伯都訥同知松奎。虧那倉庫錢糧一案。該將軍等原奏內稱。戶書孫榮科。訊止收存銀兩。並無別情。請免置議。經刑部詳覈案情。戶書徵收銀兩。例應隨收隨交。松奎革職離任。自有接任之員。亦應將續收銀兩。稟官貯庫。何得以未奉提交。私自收存。積至一千六百餘兩之多。尚待依限追出。顯有侵那情弊。必應徹底根究。該戶書供

刑部議奏

三

內較該革員所供銀數不符亦應查訊明確。著寶興再行提案研鞫。務得確情。妥擬具奏。不得稍涉含混。致滋疏縱。尋奏飭提戶書孫榮科據供民欠錢糧。易銀交納。業經稟明本官提審時短供銀五錢零三釐。茲已如數交明。提質松奎所供相符。孫榮科雖無侵那情弊。惟銀數至一千六百餘兩之多。未能隨徵隨交。究屬不合。應依不應重律。擬杖八十。折責革役下部知之。○又諭據寶興等奏。審訊

伯都訥民人方曰義以伊弟方曰凝被控押

三

在巡檢衙門。懇孫兆亨向該巡檢易開泰說合。給付銀兩。及貼寫苑保林衙役李信等錢文。將伊弟釋放。李信等供認得贓屬實。易開泰僅止供認因已革同知松奎向伊借銀。曾轉向鋪戶孫兆亨等商借。所借是否係方曰義之銀。實不知情。及提經手付贓之孫兆亨質對。業經方曰義保出逃。即據眾供確鑿。將此案人犯定擬具奏。當交刑部覈議。茲據

盧蔭溥等奏查方曰義託孫兆亨求情之日。正易開泰代松奎借銀之時。銀數又相脗合。該役人等俱經供認。是易開泰供非受賄。顯係避重就輕。且孫兆亨在保脫逃。其因畏罪遠颺。亦屬顯然。至易開泰所供向孫兆亨等各鋪戶商借銀兩。並未取有各鋪戶等供結。殊難憑信。即供稱孫兆亨借伊銀兩。不知是否出自方曰義。其所指證之王希賢等。均係曾向伊情託之人。更難保無扶捏避就情弊。

案關職官得贓。且經手付贓。要證尚未到案。

三

何得草率擬結。著交寶興親提全案人證。並嚴拏在逃之孫兆亨。務獲。秉公詳審。將刑部所駁各情節。向該犯等逐層研究。務得確情。不准仍前含混。按律妥擬具奏。○諭軍機大臣等據祁墳奏。探明越南諒山鎮地方改設巡撫。因管轄七州。操演兵丁。係循照舊例。該國貿易客商。年終按戶取銀二兩。今加倍收銀四兩。貼補新兵口糧。並非屯糧。至高平新

開道路。設立塘卡。為稽查盜匪。遞送公文。起見。其另有通諒山鎮大路。令兵丁剷剔荆榛。因貢使將次回國。該國金銀廠仍行開採。照常抽課。業飭左江鎮文哲瓊。馳赴鎮南關查看。邊牆堅固。居民安堵。委無別項情事。各等語。越南素稱恭順。現據該撫查明。該國設立巡撫等事。係為自行整飭地方起見。實無他意。惟邊防要地。必當加意防閑。認真查察。不得有懈。周巡。切勿稍涉張皇。使彼轉生疑惑。

實錄卷三十九

五

尤須嚴禁內地匪徒。及一切遊民。潛出關外。別滋事端。著李鴻賓等督飭派守各官兵。實力稽察。嚴密守禦。並著祁項蘇兆熊就近明查暗訪。隨時防範。以重邊防。是為至要。將此各諭令知之。○以署鑲黃旗護軍統領福敬兼署正白旗漢軍副都統。○以承辦軍務出力。古城領隊大臣蘇明阿等下部優敘。賞阿克蘇沙雅爾七品密拉普伯克邁瑪第敏。七品明伯克薩木薩克。三品頂布魯特比邁瑪

第里喀喇沙爾和碩特貝子車丹多爾濟和闐阿奇木伯克伊斯瑪依爾長子阿布都邁里普次子邁瑪特阿皮斯。四品伊什罕伯克喀里雅哈。第四品阿奇木伯克阿瓦斯邁瑪特花翎。回子畢拉爾等藍翎。餘加銜升敘有差。○己丑。旌表守正捐軀直隸阜城縣民楊九錫女存姐。○庚寅。諭軍機大臣等。慶保等奏。接准李鴻賓咨。會據各員弁探報。楚省猺匪滋事。現在厚集兵力。痛加勦捕。該匪等計窮勢蹙。自必潰散。狂奔。嚴計嚴防。要隘需兵必多。已於駐防各旗兵丁內。挑備精兵一千五百名。聽候調撥等語。本日據李鴻賓等奏到防堵猺匪情形。已有旨諭令遵照妥辦。該將軍等所挑駐防官兵一千五百名。此時似無庸調撥。著聽候該督咨照到日。再行辦理。將此諭令知之。○又諭李鴻賓等奏添兵堵捕猺匪情形。及審辦逆夥奸匪一摺。覽奏均悉。湖南逆猺趙金龍滋事。小沖散猺破其煽

實錄卷三十九

五

感近因添兵圍捕。雖解散藏匿。仍密探趙逆
行止。意存觀望。現已於山口要隘加派弁兵
防堵。俟大兵到齊。按拏勦戮。諒不致另有逃
竄。如有竄匪。務即拏獲辦理。此次該省共調
兵五千八百餘名。又鄉勇一千餘名。兵力不
為不厚。既據李鴻賓等拏獲趙金隴。遣來探
信。李學問等供認從逆。焚劫並稱趙金隴遣
令潛赴廣東交界。查探各隘口官兵多寡。欲
圖竄入等語。是該逆窺伺廣東。欲圖誘約排
搖。其處心積慮已久。現值湖南大兵攻勦。聚
而殲旃。惟因獸猶關。難保其不東奔西竄。李
鴻賓等務須分派官兵。實力防捕。先將搶劫
各犯逐一訪明拏獲。勿留餘孽。並於楚粵交
界各要隘添足兵丁。星羅密布。使逆黨無可
窺伺。即湖南擒渠之後。餘匪亦不致竄入。方
為妥善。其趙金隴之妹。嫁與八排王姓一節。
雖查係子虛。尚須認真訪查。不可稍存大意。
現在湖南強匪回繞新田寧遠嘉禾常寧桂

陽等處。與廣東之德慶封川樂昌乳源及廣
西懷集富賀灌陽等州縣。皆係毗連。在在需
加意防堵。廣州為扼要適中之地。李鴻賓在
省調度。四面周布。策應較速。甚為妥協。祁墳
蘇兆熊亦須飭將弁等嚴密防堵。勿令一名
闖入。此為至要。至慶保等奏備挑駐防兵丁
一千五百名。聽候調撥。已另降諭旨。令其聽
李鴻賓等徵調之信。現在該省所調兵勇。將
及七千。此項兵丁似可不必。將此由四百里
諭知李鴻賓朱桂楨劉榮慶並諭祁墳蘇兆
熊知之。○辛卯。以本年鄉試考試應開列試
差人員於正大光明殿。○命前任雲南騰越
鎮總兵官阿精阿馳往湖南軍營。

矣

八三

新編大正

昭陵○

上詣綺春園問

皇太后安。○以雨澤愆期。命二十二日於

黑龍潭。

覺生寺設壇祈禱。○諭內閣琦善奏直隸解

發各省人犯請飭湖南等省照依舊章。挨次

留禁一摺。所奏是。直隸切近京畿。路居四達。

所有解發京控原告及軍流人犯。必須逐程

轉遞。方不致有擁擠。茲據奏河南安陽等縣

以凍河漫水及湖南徭匪滋事。將人犯一併

截回。查從前立定章程。各州縣如遇水阻。即

飛咨鄰省截留解犯。不准擅自知會。其應解

人犯由發水最近州縣分別留禁。此次逆徭

滋事。係在湖南永州府屬地方。與河南中隔

湖北一省。相距甚遠。著河南湖北湖南各督

撫察看情形。如實有道路難行之處。即照舊

定章程。先由湖南附近永州各州縣分別監

獄大小。將監犯酌禁一二十名。再令各上站

挨次留禁。由該州縣開具犯名。事由申報。該

省上司咨部查考。一俟前路疏通。即行起解。

如有州縣擅用公文私信知會上站截留。著

即據實嚴參。以肅政體。○諭軍機大臣等。據

盧坤等奏酌議軍需應付事宜一摺。覽奏均

悉。省城設局。有鮑步墀等六員。其永州總局

派員祇期敷用。所辦是。現在所調湖南南北兩

省官兵八千一百餘名。余步雲又帶貴州兵

一千名。其軍需一切款目繁雜。除可以節省

概行刪除外。所奏因地制宜量予變通者五

條。朕詳加披閱。尚屬可行。著照所請。副將以

下等官及馬步守各兵。照例載行裝銀數。概

予減半借給。其各營官兵。無論進剿留防。准

其一律按例支給鹽菜口糧。至隨同官兵。勦

堵之鄉勇。亦著一體支給。並製給號衣器械。

以資防禦。其江華新田寧遠常寧藍山嘉禾

桂陽各州縣。均須逐處安設糧臺。雇用站夫

及隨營長夫。自應於遠處州縣雇募。以防奸

詐。每夫一名。給安家銀二兩。沿途行走。日給

路費銀二分。每三十名。設夫頭一名。給予工食口糧。令其管束。至運送軍火糧餉器械。除水路外。其自衡州至永州。及永州至道州。江華寧遠新田等州縣。必得改由陸運。自衡至永。以七十里為一站。每站給夫價銀五分。口糧米一升。其自永州至道州。江華寧遠新田藍山嘉禾桂陽常寧八州縣。以四十里為一站。自到站當差之日起。每名每站。支給夫價銀八分。口糧米一升。回空口糧折銀八分。閒空之日。每日給米一升。不給工價。其隨營長夫。照站夫例。給予工價口糧。其逃出難民。無論大小男婦。著加恩照賑濟水旱災民之例。逐名散給口糧。本折兼放。並搭蓋棚廠。暫資棲止。其被賊焚燒房屋。著俟逆擒平定之後。查明有力無力。給與修費。國家經費有常。此係朕體恤該省情形。量予施恩。該督等務嚴飭辦理各員。激發天良。覈實經理。毋許稍有浮冒。儻有侵蝕及混行開銷之處。一經朕別

有訪聞。該督等自問當得何罪。懍之慎之。將此由四百里各諭令知之。又諭本日據盧坤等馳奏。酌議軍需應付事宜。開列清單呈覽。業經降旨准行。國家經費有常。不可不力圖節省。著禧恩等到彼後。即將該督等辦理各條。確切查明。有無浮冒之處。以昭覈實。原摺原單。著鈔寄閱看。將此由四百里諭令知之。○又諭陶澍奏。接據南贛鎮總兵張佑漢等稟報。湖南猺匪滋事。該鎮道已剗飭所屬

文武。於交界各處防堵。俟漕船督催抵壩。如未全靖。即當親赴江西。相機堵剿等語。江西南安文英龍泉永新各營。均與湖南接壤。現在大兵勦捕。難保不東奔西竄。著該督飛飭南贛鎮總兵張佑漢。督率弁兵。嚴密防堵。毋任猺匪一名竄入。仍隨時探聽。儻賊勢披猖。該督即於所轄提鎮大員中。飛調一員。赴彼協同堵剿。此時該督毋庸前往江西。仍趕赴清江浦。會同張井蘇成額。督率放塘渡黃務。

須以速補遲。毋誤重運。此為至要。將此諭令知之。○又諭據戶部奏稱。前於道光二年六月。准軍機處奏。明將各省歷年密奏摺件。因帑項攸關。部中無從查覈。發交戶部鈔錄備案。查前任兩廣總督百齡等密奏內。稱廣東省各屬支用捕費及那墊無著。共有例不准銷銀一百四萬二千六百餘兩。在於通省各官名下。每年按成扣廉歸繳。自嘉慶十六年起。至道光四年底。已扣完一成。養廉銀十六萬四千七百六十兩。二成。養廉銀三十八萬四千兩。零尚有應扣三成。養廉。續據前任兩廣總督阮元奏。明減半扣捐。於道光五年起。至道光十年止。已扣完銀十四萬八千五百九十餘兩。尚未扣銀十六萬四百餘兩。又應著追銀十八萬八千六百餘兩。內除免追銀一千四百餘兩外。已完銀五萬三千四百二十八兩。零。尚未完銀十三萬四千餘兩。並據該督奏。除仍追銀一萬七千五百餘兩。尚有

無著應追攤廉。接扣銀十一萬六千五百餘兩。應俟減半三成捕費扣足後。再行接續扣解。又州縣墊解民欠糧銀四十八萬九千六百八十三兩。因奉豁免。無從催徵。亦經前任兩廣總督阮元等密奏。令各州縣分限攤捐完款。自嘉慶二十四年起。至道光八年止。業已按數扣完清款。以上捕費民欠二項。統計銀一百五十三萬餘兩。內已經扣解並追完共銀一百二十四萬餘兩。查此項奏明扣追銀兩。皆係從前各屬那動。已徵應解之款。係屬公項。均應存貯司庫。既據歷次密奏。按年扣追。分別隨同正項錢糧提解司庫。並飭各屬領回歸款。惟所完銀兩。解存藩庫歸還何款。其各屬領回。亦係應行批解之項。均應分別款目。造報候撥等語。著李鴻賓等嚴飭藩司確切查明。此項扣追各款。現在存貯司庫若干。各屬領回後。曾否批解司庫。及應追銀兩逐款造具詳細清冊。迅速報部。並將已經

扣追解司銀兩。應入撥者。即行造入撥冊。應備支者。即行列入本款實存。其尚未屆限歸還銀兩。嗣後按年扣繳追完。亦將歸入何款。應撥應存。分晰造冊報部。又另片奏廣東省歷年買補缺穀。及提存穀價津貼各銀兩。從前因係密奏。部中難以稽查。著該督等嗣後每年提解津貼銀兩若干。買補缺穀若干。動用原存穀價若干。隨同該省常平倉動存穀石各冊。詳悉報部。以憑稽考。而歸覈實。將此諭令知之。○甲午。

上御勤政殿聽政。○諭內閣。朕本日御門辦事。兵部右侍郎王楚堂入班錯誤。著交部議處。○諭軍機大臣等。盧坤等奏官兵堵剿嚴密。逆獠無可竄逃。指日擒渠奏凱一摺。據稱白水洞楊家鋪兩股賊匪。會合常寧黃崗。同竄至羊泉地方。該處街長數里。賊即盤踞固守。三月二十二日。蜂擁攻奪羊泉營卡。經都司郭宏升等帶領兵勇追殺斬獲首級十

七顆。傷斃無算。奪獲礮械等件。盧坤飛飭官兵嚴申戒備。羅思舉令官兵齊赴該處層層兜圍。於二十九日三鼓乘其不備。冒雨進兵。街前街尾兩下夾攻。逆獠四五千。居中併力死守。經官兵殲斃一百餘人。羅思舉親督將弁盡力圍攻。四晝夜。設法燒斃。逆獠不少。又每日殲斃約共八九百人。據委員李銘紳等擒獲綠袍頭目黎阿四等。供稱趙金隴現以被圍。欲乘空竄往兩粵。已飭將弁四面堵

剿。惟功在垂成。需用大礮攻擊。現飛催趕運。此時賊勢已如釜魚。阱獸。一俟大礮轟開牆壁。即可一鼓作氣。掃數殲除。等語。現在逆獠困守羊泉。該處街長數里。地處平衍。非山崗險要可比。僅恃民房石牆。以為負隅之計。不難迅就翦滅。計此刻余步雲業已到彼。所需大礮火藥鉛丸等項。亦可解到。該督等惟當乘此賊勢窮蹙之時。併力轟擊。務須將該逆趙金隴及其眷屬一併生擒。解京。盡法懲治。

以彰國憲而快人心。切不可稍涉疏懈。致令乘空逸出。竄入兩粵。坐失事機。該督等迅即妥速藏事。立奏膚功。朕專盼捷音之至。將此由四百里諭令知之。○又諭據盧坤等奏官兵堵剿嚴密。逆黨無可竄逃。一摺。當即降旨令該督等妥辦矣。此時強匪兩股會合。同竄至羊泉地方。官兵四面兜圍。無可逃躲。俟運到大礮。攻開牆壁。不難指日擒渠。著禧恩等到彼後。與該督等妥籌辦理。務將首逆趙金隴生擒解京。並將趙金隴之兄弟子姪家屬人等。按名查拏。勿使漏網。其隨同滋事之餘匪。著按拏勦洗。不可令其東奔西竄。致留餘孽。是為至要。將此由四百里諭令知之。○禮部以滿洲繙譯會試中額請得旨。取中三名。○大學士富俊奏請挑選考驗各官。均以六力弓較射。兵部綠營堂考一體照辦。並明定章程。以示勸懲。下部議。尋議挑選兵丁。與考驗官弁不同。兵丁以勇力為上。至挑選官弁。

及考驗軍政。必以守潔行端。辦事勤慎。弓馬嫺熟者。方登上考。請嗣後考驗時。如有挽強中靶者。即列為上選。其餘仍請照舊辦理。總以中靶為合式。兵部綠營堂考人員。亦即照此出考。辦理。至軍政賞罰。卓異人員。內有弓馬平常者。照舊辦理。其應行留任人員。如有馬步俱屬可觀。記有雙圈者。給與紀錄一次。其馬步平常。記有雙直者。即行文該旗大臣。令其勒限訓練。先將本員罰俸六箇月。以示懲儆。從之。○以宗人府府丞朱為弼為都察院左副都御史。詹事府少詹事帥承瀚為太常寺卿。翰林院侍讀學士何彤然為詹事府詹事。○以翰林院侍講學士祁寯藻充日講起居注官。右春坊右贊善朱襄署日講起居注官。○乙未。賞會試年老舉人馬秉鈞等十七名。司業編修檢討學正職銜有差。○丙申。諭內閣。王老頭子即王法中。先經聽從已故之申老敘。學習白陽教。復創為旗門。即佛門。

之說。傳徒多人。並斂錢來京。煽惑藐法已極。王老頭子即王法中著照例擬絞。即行處決。已革馬甲唐八即尼莽阿身係旗人。輒因圖借銀錢。聽從王法中入教。並寫給閭老得等詩扇。迨閭老得等以獅子卧佛。呼哈二將軍。旗大人等詞。妄加比擬。既不呈首。復將書信收藏伊女衣內。實屬喪心昧良。任意妄為。若因其年逾六十。照為從例擬軍。未免輕縱。唐八即尼莽阿著銷除旗檔。發往新疆給官兵

為奴。遇赦不赦。再加枷號三箇月。該犯非尋常案犯可比。其子孫著一併銷除旗檔。以示懲儆。○又諭科道風聞言事。原應以重大事件入奏。於國計民生俾有關繫。方為不負厥職。所有會匪王老頭子即王法中等習教一案。係給事中隆勛於上年冬間訪聞奏請拏辦。茲據軍機大臣等會同刑部審出該犯等拜師傳徒。斂錢惑眾實情。分別定擬。復究出尹老須。姬三白等犯。習教重情。尚在研訊。此

等匪徒。任其潛匿煽惑。日久蔓延。為害閭閻不小。若非隆勛奏請懲辦。該犯等反得倖逃法網。實非戢暴安良之道。且所關甚鉅。消惡於未萌。實有裨於國家。非淺足見隆勛於此種重大案件。頗能留心訪察。不愧言官。殊堪嘉尚。隆勛著加恩超擢太常寺卿。以示獎勵。○山東按察使蘇廷玉奏沿途情形。得旨諸事以誠以實。外官一切惡習。均當屏除。否則即係自暴自棄矣。勉慎行之。○以大學士曹

振鏞。富俊。吏部右侍郎湯金釗。戶部右侍郎李宗昉。刑部右侍郎恩銘。工部左侍郎吳樞。理藩院右侍郎奎照。都察院左都御史白鎔。為殿試讀卷官。○以失察馬甲唐八習教。前任鑲藍旗都統文孚。現任都統惇親王綿懌。副都統阿勒罕。保下部分別嚴議處。○修山東運河。上河下河。加河各廳土石埽工。並減水閘座。從前任河道總督林則徐請也。○命碾運山東倉穀。接濟江南。上年被水各屬

災民。丁酉。

上奉

皇太后幸慎德堂進膳。○策試天下貢士馬學

易等二百六人於保和殿。制曰。朕繼膺大寶。

統御寰區。中外乂安於茲十有二載。仰荷

昊蒼眷佑。

列聖垂庥。敕命時幾。兢兢業業。深念亮功熙績

之道。去奢崇儉之模。厚生藏富之規。布憲頒

條之要。期臻上理。延訪維殷。爾多士拜獻先

資。對揚伊始。冀聆謏論。式贊嘉猷。唐虞官人

申言載采。成周分職。重戒惟勤。官禮所載。八

瀟八成。六敘六計。所以治官府。正羣吏者。至

詳且備。能晰言之歟。漢史言綜覈名實。吏稱

其職。有合於董正治官之旨。然上求實效。而

下務虛名。以拘守繩墨為慎。以奉行條律為

勤。勵翼之謂何。其遂稱庶官無曠歟。夫詢在

事。考在言。而宅俊之克知灼見者。則在心。任

職之吏。豈徒以奉令承教為賢歟。任賢勿貳。

去邪勿疑。帝者之盛軌也。上以誠待下。則下

當以誠事上。朕權衡黜陟一秉至公。内外大

小臣工。宜何如敬慎法廉實心任事。以克副

釐工熙績。澄敘官方之意歟。尚儉者開福之

原。堯不以土階為陋。而舜怵戒於塗髹。禹卑

宮。文王卑服。尚已。嗣是衣從弋。綈貢罷縑。綸

往跡流傳。其儉德不猶可溯歟。去奢去泰。上

下所同。古人臣勵羔羊素絲之操。如趙抃守

成都。一鶴一琴。程瑄令鹽城。一馬一僕。其高

節清標。非臣下所當矜式歟。夫鏤鑑朱紘。玉

纓瓊弁。自昔所譏。乃積習相沿。敝化奢麗。以

致不能養廉。將何以重誠風愆。儆於有位歟。

蟋蟀山樞。民風近古。今則閭閻不免踰禮。將

何以挽其澆漓。俾還淳而返樸歟。朕躬行節

儉。為天下先。時以黜華崇實之意。訓迪臣民。

何由而使風氣日臻醇茂歟。積貯者生民之

大命。倉人遺人之瀦。具在周官。漢耿壽昌設

常平倉。增價減價。因時以濟民之緩急。意非

不善。然出入在官。易滋流弊。若社倉義倉二者。係民間自為經理。不更有以輔常平之不及歟。義倉起於隋。長孫平當社立倉。豐則取之。歉則散之。社倉行於宋。朱子夏貸冬償。主守則屬於鄉之行義。收斂則請於郡之長官。二者豈非久遠之利歟。乃日久弊生。倉正不無偷賣。州縣不無那移。胥吏不無侵蝕。甚至日就虧缺。僅贍空廩。將何以整頓舊規。使良法及時興復歟。夫倉以社義為名。宜聽小民

輸納。苟州縣有抑勒侵那諸弊。而大吏不加懲辦。無以肅吏治。又何以厚民生歟。法令者治之具。而非制治清濁之原。周禮官灋治要。官成治凡。綱舉目張。無一切苛碎繁重之政。繁然明白。庶事所由康歟。繫辭言易簡而天下之理得。蓋本顯明之理。以立要約之法。則人皆易知而易從。漢代蕭規曹隨。較若畫一。猶得行簡臨民遺意。嗣後簿書日積。科條日增。庶司顧慮既深。救過不暇。將何以折衷一

是。裁定明文。俾吏胥無從高下歟。夫徒法不能以自行。一弊未除。一弊已伏。如經徵考成。過嚴則緣墊欠而適成虧帑。承緝處分太重。則因諱飾而轉致養奸。科指猥多。冊籍重複。苟非汰其叢雜。歸於簡明。何由蠲滌煩苛。以昭示法守歟。凡厥四端。董迪以肅官治。敦樸以開化原。積貯以阜民生。簡覈以防吏蠹。皆立政之大綱。經邦之要道也。多士學于古訓。通知時事。以敷奏為明試。務收實用。毋撫膚

辭。朕將親覽焉。○新授河東河道總督江西巡撫吳邦慶奏。遵旨勘明贛州府設廠抽稅。窒礙難行。緣南贛二府。久歸粵鹽引地。自不能仍行設立稅廠。如於贛州准粵界內設廠。而淮界水陸分途。四通八達。已難到處設廠。且必至藉稅衝淮。淮界日形迫促。淮引愈見銷滯。將以杜弊而反有害。報聞。○以鑲白旗蒙古副都統鐵麟。兼署正白旗護軍統領。○以失察王法中傳教步軍統領耆英。左翼總

兵奕經右翼總兵桓格右營參將龐廷獻遊擊趙天德專汛守備趙永瑞下部分別嚴議議處○戊戌以甘霖渥沛

上詣

黑龍潭神祠拈香改祈為報遣定親王奕紹詣

覺生寺惠郡王綿愉詣清漪園

龍神廟慶郡王綿懋詣靜明園

龍神廟祀謝○旌表守正捐軀四川崇寧縣

民錢忠貴妻萬氏○修安徽和州圩埂從巡

撫鄧廷楨請也○己亥引見己丑科散館及

補行散館人員得旨此次散館之修撰李振

鈞編修朱蘭業經授職其清書二甲庶吉士

鄧瀛漢書二甲庶吉士李嘉端全慶桂文燦

張集馨羅繞典朱其鎮王慶雲李熙齡徐廣

綏彭舒萼李國杞徐雲瑞陶澐步際桐朱淳

徐繼畲倭仁陳光亨俱著授為編修清書三

甲庶吉士孫葆元袁玉麟許尚德俱著授為

檢討慶勛張沆度蘇孟暘劉良駒張寶璿馬沅司徒照沅澍夏恆朱逢辛何俊金安瀾郭景僖錫麟白讌卿俱著以部屬用宗室恩來著以宗人府筆帖式用姚振啓潘紹烈金熾福李從圖馬福安崔燾楊景穆通阿嚴保庸何榮章俱著以知縣即用○以右春坊右庶子胡達源右贊善朱襄充日講起居注官○予喀什噶爾陣亡八品筆帖式色凌阿祭葬世職○旌表守正被戕山西平陸縣民王胎

毛妻王氏○庚子

上詣

大高殿行禮○還宮○御乾清宮召讀卷官入

親閱定進呈十卷甲第○諭內閣聯順奏駐

防官兵應支俸餉米石請循例辦理一摺直

隸東安縣駐防營應支俸餉米石著該督仍

遵定例嚴飭東安縣知縣派撥書差前赴天

津領運存貯縣倉按季開放毋庸派委領催

赴津會領以歸舊制○予故致仕刑部尚書

陳若霖祭葬。○辛丑。

上御太和殿傳臚。賜一甲吳鍾駿朱鳳標季芝昌三人進士及第。二甲趙德濟等一百人進士出身。三甲趙長齡等一百三人同進士出身。○幸圓明園。○旌表守正捐軀廣東鶴山縣民馮超倫妻呂氏。○壬寅。以鑲黃旗漢軍都統耆英兼署鑲白旗滿洲都統。○癸卯。諭軍機大臣等。前據張井奏請撥大汛工需銀一百五十萬兩。當交戶部速議具奏。復降旨。

以國家經費有常。令該河督極力撙節。不可年年按時奏請。習為故事。任聽工員因仍浮冒。茲據奏自該河督調任後。所有歲搶修及常年另案工程用款。遞次減少。惟上年江淮並漲。堰圩等廳處處危險。用項過多。本年殘缺隄埝。必須汛前一律趕修。而此後清黃水勢消長。更難逆料。河庫已無存款。不得不據實具奏等語。河工歲搶修及另案用款。每年該河督奏請。朕無不飭部籌撥。惟現當經費

短絀之時。若不隨時節省。年復一年。伊於胡底。儻將來無款可籌。即按年奏請。朕亦不准。如數動撥。該河督務當恪遵前旨。激發天良。悉心籌覈。於應辦各工。可節省者。隨時節省。其不應辦者。不可任聽工員。憑憑為開銷浮冒地步。總期工無枉費。款不妄開。俾絲毫皆歸實用。而嗣後歲撥銀兩。漸次減省。方為實心辦事。克副委任。懍之慎之。將此諭令知之。○以甘肅安西協副將張國相為山東曹州

鎮總兵官。○甲辰。

上詣綺春園問

皇太后安。○乙巳。諭內閣。本日盧坤等由五百里馳奏。攻剿逆獠大獲勝仗。一摺。覽奏欣慰。逆獠趙金隴等。逼聚羊泉地方。經我兵四面圍攻。各逆謀欲突圍竄往廣東。我兵加意嚴防。該逆等於牆上四面穴孔。施放槍礮。多被中傷。我兵用礮牌前進。內有鎮軍營兵丁田景仁等。鳳凰廳練勇韓永奇等四十餘人。從

平地縱跳上房。前敵受傷墜地。後勁仍復登牆。拋擲火彈。擊斃逆匪約千餘人。該逆等起意詐降。經羅思舉派總兵霍隆武等帶領弁兵分堵羊泉西北兩面。羅思舉親率副將祥福等自街東進攻。參將王錫朋等自街南進攻。槍礮火毯同時並舉。燒斃逆獍不計其數。該逆等仍敢放槍抵敵。我兵奮勇爭先。冒險直入。約斃逆獍一千餘名。生擒頭目唐發林等多名。餘逆閉門拒守。羅思舉激勵弁兵。即

有奮不顧身之都司郭宏升呂耀宇守備王桐。何有福。田宏才把總趙如勝外委賈良璽等帶領弁兵練勇。爭搗賊巢。斫門熬火。攻破十餘宅。殺逆獍四五百人。該匪情急圖竄。且戰且逃。我兵腹背夾攻。殺斃二千餘人。生擒首逆趙金隴之子趙幅金趙滿仔及趙金隴之弟趙金旺。頭目趙文鳳李德明等連逆黨五十餘人。奪獲大礮七位。刀槍器械三千餘件。自四月初六日起。至十六日止。計擒殺逆

逆六千餘人。餘匪不及十分之一。首逆計日可以生擒。勦辦甚屬可嘉之至。盧坤羅思舉余步雲俱著先行交部從優議敘。並頒賞盧坤白玉翎管一箇。白玉搬指一箇。小刀一把。黃鑲珊瑚豆大荷包一對。小荷包四箇。羅思舉白玉翎管一箇。白玉搬指一箇。小刀一把。大荷包一對。小荷包四箇。余步雲白玉搬指一箇。小刀一把。大荷包一對。小荷包四箇。以

示嘉獎。該將弁兵勇等因連日陰雨。俱站立雨水泥淖中。朕心深為軫念。並發出玉柄小刀九把。象牙柄小刀十一把。大荷包十對。小荷包二十箇。著盧坤等分賞。尤為出力將弁兵丁。其被脅男婦千餘人。著令眼同認明。是否。有趙金隴在內。訊明分別辦理。其盧坤片奏軍需總局款目繁多。請將解餉過楚之廣東知州銜候補知縣楊德壘留辦軍務等語。楊德壘著准其暫留永州差遣委用。○諭軍機大臣等。本日據盧坤等由五百里馳奏攻

勦逆獠大獲勝仗楚省獠匪指日蕩平。又另片具奏接准劉榮慶函稱粵省散排逆獠復出滋擾。撫則不散。勦則兵單。前調官兵三千六百名。尚不敷派遣。現又添調官兵二千名。查趙金隴等逆黨內。惟所糾之廣東散排逆獠。最為兇悍。今復竊發。必應厚集兵力。方可一鼓殲除。現在楚省所調官兵。果敢精銳者甚多。廣東既須添兵。自應毋分畛域。撥兵前往協勦。一面密囑羅思舉余步雲於軍功告

竣後。酌備精兵二千名。就近屯劄聽候調遣等語。著李鴻賓等察看情形。如有應需楚兵之處。即飛咨盧坤等。以便選派將弁帶兵前往協勦。迅速藏事。將此由五百里各諭令知之。○又諭本日據盧坤等由五百里馳奏勦辦逆獠大獲勝仗一摺。當即降旨令該督等妥辦矣。此時禧恩等計已馳抵永州。該處勦辦事宜。業將告厥其一切會商事件。即與該督等公同商辦。務臻周妥。將此附報由五百

里諭令知之。○又諭本日據盧坤等由五百里馳奏攻勦逆獠大獲勝仗一摺。勦辦甚屬可嘉之至。已明降諭旨將盧坤等先行交部從優議敘矣。逆獠趙金隴與散獠八九百人。在楊姓大房內固守。計日內當已就擒。務須遵照前旨。將該逆生擒解京。盡法懲治。其現獲趙逆之子趙幅金趙滿仔其弟趙金旺頭目趙文鳳李德明及其黨羽戰手擇其著名兇悍緊要者俱著派幹員小心迅速解京以

備訊問。所奏鎮單營兵丁田景仁等鳳凰廳練勇韓永奇等四十餘人內前敵傷亡兵勇即著查明奏請賜卹其尤為出力之兵勇同奮不顧身之都司郭宏升呂耀宇守備王桐何有福田宏才把總趙如勝外委賈良璽俱著該督等據實保奏候旨施恩。其新任永州鎮總兵曾勝即著馳赴羊泉隨同羅思舉余步雲悉心籌勦。務須妥速竣竣。其盧坤另片奏廣東散排逆獠復出滋擾。現酌備精兵二

千名如須楚兵協勒即選派得力將領帶赴連州聽候調遣所見甚好已另降諭旨令李鴻賓等酌量辦理該督等聽候廣東移咨到日即行派往又另片奏臨陣易帥恐非所宜令羅思舉稍緩交印並咨明余步雲暫借永州鎮總兵印信所見是著依議行將此由五百里諭令知之○以翰林院編修陸建瀛為雲南鄉試正考官杜受田為副考官檢討林士傳為貴州鄉試正考官戶部主事何其興

為副考官○丙午諭內閣三載賓興為掄才大典各直省主試經朕特加簡任宜何如滌慮洗心認真校閱務求為國得人順天同考官及會試同考官俱係翰詹科道部屬該員等甲第本高又經朕親加校試尚無荒謬之人充選所以得人較盛各直省同考官則年老舉人居多勢不能振作精神悉心閱卷即有近科進士亦不免經手簿書錢穀文理日就荒蕪各省督撫雖照例考試簾官仍恐視

為具文全恃主試撿閱落卷庶可嚴去取而拔真才士子握槩懷鉛三年大比一經屈抑又須三年考試或竟有終身淪棄者豈不可惜該主試俱係科甲出身試回思未第之先芸窗誦讀與多士何異若祇就薦卷照常挑選而於落卷漠不關情設身處地於心何忍嗣後各直省督撫務將簾官認真考校不得以年老荒謬之員濫行充數其典試各員必須將闈中試卷全行校閱不得僅就薦卷取

中方為不負委任現屆簡放雲南貴州考官之時剴切詳明特申誥誠儆各省正副考官草率從事一經朕別有訪聞即將該主試嚴懲不貸將此通諭知之○又諭陶澍奏查禁回空軍船夾帶私鹽並嚴堵川私潞私一摺各省軍船回空沿途裝載私鹽侵銷引地最為淮網之害上年節次降旨飭令經過各省督撫漕督鹽政諸臣督飭所屬節節盤查嚴防透漏糧私得就肅清本年軍船北上轉瞬

回空誠恐夾帶之風息而復起於兩淮綱食
各岸大有關繫著直隸總督山東巡撫長蘆
鹽政嚴飭各屬於軍船經過之處仍照上屆
章程嚴密稽查不准私鹽售賣上船如有土
梟風客囤積鹽斤跟幫上載務即訪拏究治
並著漕運總督嚴諭押空員弁隨時防範遇
有私帶鹽斤立即起除淨盡並治以應得之
罪儻該員弁等不能實力查禁抑或有心徇
庇即行嚴加叅處至潞私由河南南陽等府

充斥襄樊下游安陸荊門胥被侵灌川私由
夔關而下直達宜昌荊州尤為楚岸大害自
應認真堵截俾淮引得以疏銷著四川總督
河南巡撫嚴飭夔州南陽各府於各境內實
力認真查禁勿任偷越並著湖廣督撫選派
明幹文武員弁分投於川豫接壤要隘堵截
查拏以靖私源而利官運諭軍機大臣等
禧恩等奏湖北途次詢悉拏獲逆獐家屬情
形一摺覽奏均悉昨據盧坤等由五百里馳

奏生擒趙金隴之子趙幅金趙滿仔及趙金
隴之弟趙金旺頭目趙文鳳李德明等並無
趙金隴之妻在內此次禧恩等奏拏獲軍師
李姓是否即係李鴻賓等所奏素善符咒住
在石寶山之李德明日內禧恩等當即可馳
抵永州務須查明該逆親屬趙金隴之妻曾
否亦被拏獲及軍師李姓並確訊起釁根由
據實具奏所有交查事件並著詳細查明陸
續奏聞計此時當已生擒趙金隴解京該處

尚有應辦軍務及一切善後事宜著禧恩等
與盧坤羅思舉余步雲和衷商辦布置周妥
剋日蒞功以副委任將此由五百里諭令知
之○命工部尚書朱士彥理藩院右侍郎奎
照教習庶吉士○授一甲一名進士吳鍾駿
為翰林院修撰二名朱鳳標三名李芝昌為
編修○以拏獲匪犯賞安徽遊擊趙承德花
翎儘先升用○以江蘇揚州府屬上年被水
較重命再出倉穀接濟災民

大清宣宗效天符運立中體正至文聖武智勇
仁慈儉勤孝敏成皇帝實錄卷之二百十

大清宣宗效天符運立中體正至文聖武智勇
仁慈儉勤孝敏成皇帝實錄卷之二百十一

監外機密處總辦日講起居注官太子太保禮部尚書兼翰林院掌院學士等官等
天府府署事務總辦加五級紀錄十八次著賞給總辦官銜並著賞給總辦官印信等因欽此
七品大臣楊雲龍著加一級隨帶加一級功加三級紀錄五次並著賞給總辦官銜並著賞給總辦官印信等因欽此
內務府大臣張曾敭著加一級隨帶加一級功加三級紀錄五次並著賞給總辦官銜並著賞給總辦官印信等因欽此
醫館總辦處事務總辦加十八級並著賞給總辦官銜並著賞給總辦官印信等因欽此
欽此

道光十二年壬辰五月丁未朔諭內閣魏元

煥奏夷船因風漂泊請將防範不力之將弁
摘去頂帶一摺閩省南北洋面向惟琉球國
船隻准其往來其餘夷船概不准其停泊茲
據該署督奏稱有英咭喇國夷船一隻漂泊
五虎洋面該省向來不與外夷貿易豈容令
其就地銷售貨物即因遭風損壞損索亦應
趕緊修理迅速斥逐出境該管將弁在壺江
等洋巡緝未能先事豫防實屬疏忽閩安協
副將沈鎮邦署閩安左營都司陳顯生俱著

先行摘去頂帶。勒令趕緊驅逐。如辦理不善。即行嚴叅。並著該署督查明該夷船出境日期。據實具奏。○署閩浙總督魏元烺奏。遵旨酌裁福建水陸各營兵一千一百四十五名。浙江馬步守兵六百六十三名。下部知之。○戊申。旌表守正捐軀河南澠池縣民宋山遂妻曹氏。○己酉。

孝誠仁皇后忌辰。遣官祭。

景陵。○庚戌。

上詣綺春園問。

皇太后安。○引見新科進士。得旨。一甲三名吳鍾駿。朱鳳標。李芝昌。業經授職外。趙德濟。王立中。姚福增。劉榮桂。陳本欽。單懋謙。瑞常。朱楷。高人鑑。張星燦。花沙納。汪振基。潘鐸。嚴良訓。邵燦。王朝傑。宗室慶安。戴熙。郭利賓。駱秉章。舒興阿。方城。勞崇光。吳光業。羅傳球。楊仁。黃廷珍。陳鼎雲。胡增瑞。許乃安。蔡錦泉。桑春。榮周。銘恩。李湘。蒼張道進。李方。陳熾。朱慶祺。

郭柏蔭。宗室善燾。趙縉。賈臻。原珏。沈玉麟。鍾保。夏廷楨。吳珩。陳慶鏞。陸應穀。李星沅。趙長齡。曹楫。堅李錦。業汪道森。俱著改為翰林院庶吉士。辛師雲。葉抒清。劉鎔。溫肇。江劉仲璠。陳毓。桐。胡光瑩。莊心省。鄭錫文。馬兆增。阿彥達。錢步文。金衍照。鄧謙光。趙霖。黃大臯。陳秉鈞。王正誼。沈琦。楊踞奎。陳廷吉。譚顯相。王璵。陳書。曾李翔。汪潤。魏大綱。張銘謙。王應奎。趙似祖。孫岷源。郭錫恩。黃措。沈鈞。薛鳴皋。佟元。

那琇。陳山。嶺。宋紹芬。丁芑詒。倪崧。宗室常祿。李燕昌。馬學易。宗室惠霖。顏錫惠。任為琦。顧瞻。王茂蔭。周際雲。崔倜。梁卓英。歐陽豐。張澧翰。張廷瑞。孟先穎。武興緒。俱著分部學習。楊元慶。宋文榜。步際遠。丁琳。楊殿邦。趙致和。馮燕譽。盧先駱。黃其表。程燦。策黃維。同魯慶元。徐大綸。張淑京。李書耀。翟奎光。饒拱辰。卞撫辰。吳翼泰。郭思儀。黃鳳樓。謝卿謀。范泰。初鶴年。陳官义。許道藩。李兆董。樹堂。王松。宋培之。

世綸。陳文笏。舒學魏。周秉文。李銘。張夢蒼。黃文瑄。宗元。醇。朱庭。蔡沈。毓。富。汪自修。孫。警。李鑑。崔國政。陳穎。函。盛。朝輔。徐煥。垣。金鎮。劉炳青。王有成。曹樹奎。邱以德。馬國翰。林發森。陳仁淳。武訪。疇。金鼎年。馬官龍。楊曉昉。方為楷。張燭。岳逢陽。張壙。國治。劉光第。夏雲岫。馬曉林。王聯。掌。宋良。俱著交吏部掣籤。分發各省。以知縣即用。候補員外郎許祥光。著以六部員外郎即行選用。餘著歸班銓選。○展緩山西河東。醴商。應徵河工經費銀。○貸山西大同。靈邱。廣靈。三縣上年歉收。兵民倉穀。並緩臨汾。右玉。霍。靈石。四州縣買補節年平糶倉穀。及借碾兵米。○辛亥。禮部議准。前任江蘇巡撫程祖洛。疏報。採訪靖江縣貞節婦女湯氏等七百六十六口。湖南巡撫吳榮光。疏報。攸縣劉氏等四百九口。浙江巡撫富呢揚阿。疏報。蘭谿縣鄭俞氏等六百六十五口。請各建總坊旌表。從之。○旌表守正捐軀河南鄧

州民楊浩女小女。○壬子。上幸靜明園。詣

龍神廟拈香。○諭內閣。戶部。覈議阿勒清阿奏。查明蒲灘實在情形一摺。河東永濟縣南北二灘地畝。每年應完錢糧。著照部原議。確查糧數。花名具題。請豁。該地鹵退泥淤。即可墾復升課。以重糧額。所有積存鹽土。既難變價入官。應如何嚴禁灘民。不致再行私曬。著該撫酌覈妥辦。毋滋流弊。其令民墾地。給予經費一節。既據該撫親往查勘。督同該道府等熟計詳籌。著自本年為始。每年計需墾費銀九千餘兩。准其在商捐生息項下動支。俟限滿三年。即行停止。其每年動支銀兩。務須覈實散給。該撫即明定章程。妥為經理。並將每年散給經費若干。墾復地畝若干。於年底先行奏報一次。仍將該處有無外來游民曬私情弊。嚴飭該管各官實力查禁。於年終取具切實印結。送部。毋任含混。統俟三年限滿。

覈計歷年給過銀數及墾復地畝確數一併彙奏造冊報部查覈。惟此次准予墾費係屬權宜辦理。嗣後不得援以為例。著該撫嚴飭該道府等覈實妥辦。毋得徒託空言。儻三年屆滿。公項業已支銷。墾地迄無成效。所有給過墾費銀兩。即著落該撫及道府等將應得養廉全數扣出攤賠歸款。毋許藉詞稍有延宕。仍查取各該員職名。分別交部議處。該撫務當認真督辦。以重責成而嚴考覈。○又諭。

前因文孚等奏。正白旗滿洲世襲騎都尉兼佐領廣林。訴稱上年襲職未能入選。心懷屈抑。請派員查辦。當經降旨交那清安昇寬查明具奏。茲據奏詳查該旗揀選時。係按照應揀各房分排列次序。並無錯謬。廣林旋亦悔懼。認係懷疑妄訴。要無別情。廣林著交部議處。以示懲儆。○又諭。廬坤等由六百里加緊馳奏。連日焚勒逆獠。數蕩乎首逆趙金隴業已殲斃。一摺。覽奏欣慰。此次湖南江

華縣逆獠趙金隴聚眾滋事。傷及大員官兵。深堪痛恨。經朕調派羅思舉等前往勦辦。並令廬坤親往會剿。昨據奏報。該逆等逼聚羊泉地方。被我兵四面圍攻。自四月初六日起。至十六日止。計擒殺逆六千餘人。餘匪不及十分之一。業已勢窮力蹙。茲據奏。二十一等日。羅思舉親率副將祥福等帶領弁兵由東南面。余步雲親率副將張必祿等帶領弁兵由西面。總兵曾勝等帶領官兵由北面。

合力進攻。用火彈火藥擲入賊巢。斃賊不計其數。二十三日。仍用火焚攻。斃逆數百人。投出男婦幼孩一百餘名。二十四日。復挑選湖北湖南各營果銳兵勇一齊進攻。槍礮兼施。直至未刻。將賊眾所踞房屋概行燒燬。焚斃逆獠無數。又誅殺生擒多人。二十五六等日。官兵逐細搜尋。賊匪實已全殲。並無一名漏網。當就生擒各犯。及趙金隴子弟詳加訊問。均稱該逆已死於羊泉街內。且自羊泉圍困。

以來先後獲賊數千名。並無一人供稱首逆逃竄之語。其為趙金隴被職。尚屬可信。該逆罪大惡極。必應生擒解京。盡法懲治。方足以彰國憲而快人心。今據稱職斃未能生擒。不滿朕望。惟盧坤等此番勦辦該逆。一切機宜俱臻妥速。且調度有方。深堪嘉尚。盧坤羅思舉俱著加恩賞戴雙眼花翎。並賞給一等輕車都尉世職。余步霄著加恩賞加太子少保銜。仍交部從優議敘。以示獎勵。其總兵副將

以下各員著該督等擇其實在尤為出力者酌量保奏。候朕施恩。其餘將弁兵丁及在事出力文員並著細覈等第。奏請分別鼓勵。所有羊泉陣亡千把總三員。兵一百五十八名。受傷官二十二員。兵五百九十二名。即著分別題咨照例辦理。發去雙眼花翎二枝。著盧坤羅思舉祇領。將此通諭中外知之。○諭軍機大臣等。據盧坤等由六百里加緊馳奏。連日焚勦各獠。掃蕩平首逆趙金隴業已職

斃一摺。已明降諭旨分別加恩矣。該督等攻勦逆獠。一切機宜俱臻妥速。調度有方。深堪嘉尚。惟首逆趙金隴未獲生擒。不滿朕望。究竟該逆是否職斃。務須詳細查明得一實在確據。庶不致日後又生枝節。又前據禧恩等奏已拏獲趙金隴之妻。該督等並未奏及其拏獲與否。著該督等詳查究明實在下落。至此次起釁根由。並各該地方官應得處分。即行查明據實具奏。無稍諱飾。其已獲趙金隴

之子弟著詳訊供詞。迅速派委妥員解京。又另片奏派撥精銳官兵二千名。聽候廣東調遣等語。前已諭知李鴻賓等察看情形。如廣東兵力厚集。足敷勦捕。即著飭令歸伍。無庸派員帶赴。至廣東連州交界扼要處所。仍責成將弁等嚴密防範。將此由六百里各諭令知之。○又諭本日據盧坤等由六百里加緊馳奏。連日焚勦逆獠。掃蕩平首逆趙金隴業已職斃一摺。已明降諭旨分別加恩矣。盧

坤等勦辦逆猖。一切機宜。俱臻妥速。惟首逆趙金隴未獲。生擒。不滿朕望。究竟趙金隴是否職斃。必須得一確據。庶不致日後另生枝節。禧恩等想已馳抵永州。務須詳查確切。並趙金隴之事。是否拏獲。及拏獲軍師李姓是否即係李德明。著同起釁根由。一併查明據實具奏。至生擒趙金隴之子弟。著迅速解京。該處尚有一切善後事宜。禧恩等當與盧坤、羅思舉、余步雲、妥商辦理。所有盧坤等摺片。

二件。本日諭旨二道。著鈔給閱看。將此附報。由六百里諭令知之。○戶部議駁福州將軍薩東阿奏福州滿營原給養贍不敷。請撥馬價銀兩發商生息添補。並添給各佐領下清書學生膏火紙筆各費。查福州駐防孤寡養贍。歲需銀四千七百餘兩。其八旗官學生歲支月課銀二百四十兩。道光十年又添設書院銀五百兩。體恤已為周至。該將軍自應訓以節儉。俾生計充裕。不得遽議增添。致滋糜

費。所請應毋庸議。從之。○陝西巡撫史譜奏。遵旨酌裁馬步守兵二十二名。下部知之。○予福建出洋淹斃兵丁陳得瑞賞卹如例。受傷外委陳相坤、兵丁葉應登等三十一名升賞有差。○癸丑諭內閣。奕穎奏參疏縱不法旗丁各員。請分別革職議處一摺。此案程明貴、鄒洪富。以內務府當差。敲丁擅將旗兵等首報荒地。開墾霸種。不容官為查丈。迨經派委內務府該管驍騎校福隆阿會同界官防

禦希布科。拏究。復敢鳴鑼聚眾。放槍威嚇。男婦各持器械喧鬧。若不從嚴究治。成何事體。希布科久經署理該界事務。難保無縱容包庇情事。著先行革職。俟緝獲程明貴等到案審訊。如有弊端。再行照例治罪。福隆阿係程明貴等本管之員。易於緝拏。乃以持械拒捕為詞。張大其事。希冀卸責。顯有瞻徇袒護情弊。著先行交部議處。該將軍即速派明幹妥員。督同福隆阿前往嚴緝務獲。儻再疏縱。即

行奏參從重懲辦。○論軍機大臣等。昨據盧坤等由六百里加緊馳奏。連日焚剿逆獠。掃數蕩平。覽奏欣慰。此次湖南江華縣逆獠趙金隴聚眾滋事。傷及大員官兵。深堪痛恨。經朕調派羅思舉等前往剿辦。並令盧坤親往會剿。該逆等逼聚羊泉地方。我兵合力進攻。用火彈火藥擲入賊巢。自四月二十一日起。至二十六日止。除焚斃外。誅殺生擒逆匪多名。聚而殲旃。並無一名漏網。已明降諭旨分別加恩矣。又據另片奏。廣東連山獠匪尚在滋擾。現飭永州鎮總兵曾勝挑選精兵一千六百名。親赴各要隘嚴密堵禦。又派鎮軍等營精銳官兵二千名。並選勇敢將領。交該總兵親自管帶。駐劄江華藍山。與廣東連州交界扼要處所。聽候調遣等語。粵省獠匪。實與趙金隴聲勢相倚。撫則不散。剿則兵單。今聞趙逆殲斃。自應膽落。亟應及早懲辦。以淨根株。前調官兵三千六百名。又添調官兵二千

名。楚省又備協勦官兵二千名。兵力不為不厚。現未據該督等奏到辦理情形。曠日持久。虛糜糧餉。成何事體。著該督等悉心體察。如該獠就撫。自當殲厥渠魁。赦其脅從。朕亦不為已甚。儻必須進剿。即飛咨盧坤。將精兵二千名。選派將弁帶領前往協剿。迅速藏事。及早撤兵。以靖邊圉。而節糜費。其廣西富川賀縣灌陽全州一帶。與湖南接壤。前據祁項蘇兆熊等商調兵丁共三千八百餘名。並雇覓壯勇二千餘名。分布隘口。實力堵緝。此時首逆已殲。湖南全就肅清。著祁項蘇兆熊體察情形。如無需防堵。即著撤兵。以節浮費。其壯勇亦須妥為安置。勿令又生枝節。將此由四百里諭知李鴻賓。朱桂楨。劉榮慶。並諭祁項蘇兆熊知之。○又諭。本日據耆英等奏。昌平州民任四。張淳等。呈控滄州民人劉鳳三。冒充太監子孫。霸占公中廟宇一案。已降旨交琦善審擬具奏。此案前於道光十一年間。

劉鳳三以僧人普珍盜典廟地。控經步軍統領衙門。咨送順天府轉飭昌平州斷結。茲該民人任四等四十餘人。聯名呈控劉鳳三捏稱太監後嗣霸占公中廟宇。在州控告。轉加刑於無罪之人。閭閻均為不平。而劉鳳三又以任四等不遵州斷。鳴鑼聚眾攔截各情。赴案控訊。案關村民聚眾在京城地面喊控。且羣相聚訟。恐釀事端。必應嚴行根究。方足以折服眾心。著琦善悉心斟酌。如須提省審辦。

即行提省。或因人數過多。恐滋拖累。著即派委明幹大員。前往秉公審訊。務得確情。毋稍徇隱。再此案前經順天府飭屬審斷。此次不得再派順天府屬官員。將此諭令知之。尋奏。派委候補道金洙馳往昌平州。訊得劉鳳三所稱太監劉滄洲。即伊嗣祖劉江。係屬臆度之詞。拆毀養後羣房二十餘間。希圖漁利。應革去監生。比照冒認他人屋一間。答五十例。計拆毀二十二間。應杖七十。徒一年半。已革。

捕役任四。因劉鳳三折運慈濟菴木料。邀眾攔阻。復赴步軍統領衙門聯名越訴。聚眾喊控。實屬藐法健訟。應照違制律。加等擬以杖徒。餘分別定擬。下部議從之。○命盛京工部侍郎裕泰。查辦邊外科爾沁旗墾荒地畝。○甲寅諭內閣。富俊奏。謹抒管見一摺。國家尚儉去奢。原以挽澆風而臻上理。然亦須化之以漸。若一味束縛馳驟。尚復成何政體。富俊前請申明舊例。嚴禁僭用服色。業經降旨准

行。此次復請將條款出示曉諭。朕詳加披閱。亦屬會典所有。至請嚴飭步軍統領衙門。順天府。五城嚴拏違禁服用者治罪。並請剝拔入官。以備變價獎賞捕人。則是開棍徒訐告之風。而啓吏胥擾累之弊。所請一品文武大臣。賞給家人虛金頂一箇。尤屬非是。惟名與器。不可假人。此輩地處寒微。不過給使令之役。即大為防閑。猶恐倚勢作威。若准其戴用金頂。

何所顧忌。必至特符滋事而後已。其所稱窒礙觀瞻之處。實屬自相矛盾。所奏斷不可行。著毋庸議。○前任河東河道總督林則徐奏。河標四營礮位無多。茲添造天門礮十六位。烏戢礮十六位。施放得力。得旨。所辦甚好。○裁東河泉河通判缺。從前任河道總督林則徐請也。○裁山東泰安武定兗州曹州沂州東昌青州萊州登州九府司獄。臨清州稅課大使各缺。從巡撫訥爾經額請也。○濬江西

星子縣蓼花池淤沙。從前任巡撫吳邦慶請也。○以江安蘇松江西各幫上年屯田歉收。准緩應交本年餘米。○以江西大庾縣上年被水歉收。撥吉安贛州兩府屬倉穀平糶。○乙卯諭內閣。前據刑部奏。審擬趙寶兒夥竊廣安門外護城河開墾一案。當降旨照依該部所議辦理矣。因思京城地面各項工程。在在均關緊要。若不隨時查察。何以重要工而杜奸究。此後除廣安門開墾仍責成該營守

備及南城副指揮留心稽察外。所有各處一應要工。著各該管衙門。嚴飭管理各員認真巡查。遇有偷挖損壞等事。立即從嚴究治。毋稍延宕寬縱。儻仍漫不經心。嗣後如有偷竊之案。即將管理各員一併奏參。○又諭富呢揚阿奏。浙江漕船全幫出境日期一摺。各省辦理新漕。理應早兌早開。上年曾經降旨令有漕各省督撫。督飭各糧道認真催趲。務於四月初十日以前全數趕至清江。剋期抵壩。

以便渡黃北上。茲據該撫奏。該省漕船全幫於四月十八日始行挽入江南境內。所有辦理未能迅速之糧道宋其沅。著交部議處。富呢揚阿著一併交部察議。○諭軍機大臣等。本日軍機大臣會同富俊及刑部審擬尹老須即尹資源習教煽惑一案。已明降諭旨將尹老須等明正典刑矣。其解到之齊老營由忠馬維程二麻子。或年貌不符。或住址稍異。案犯亦不能供指。仍遞回查明保釋。前經行

提之劉景業。李克昌。狄文奎。狄漢。符凝。旺馬士成。馬士標。陳正業。陳標。賀學密。著訥。爾經額。陶澍。林則徐。將該犯等迅速解部。質明另結。此案尹老須習教傳徒。至數千人之多。所有現犯。供出轉邀入教之顧文表等人數眾多。未便紛紛提訊。且案內名單。早經銷燬。犯供又不能悉指姓名。恐尚不免遺漏。著琦善、訥爾經額。按照刑部單開各犯供出姓名住址。就近查拏。根究辦理。再劉功徒弟。南北各有八股。除查明頭目傅老嶺。宋文光。羅庭英。吳得榮。劉老騰。五名犯案治罪。田薰忠。張淙。禹王輝。九王金玉。董老維。葛老亮。張洛東。七名先經病故外。惟孫老書一犯。僅認習教傳徒二人。恐其尚有徒眾。至吏三省。供出轉傳未到案之張世彥。張老明。梁復初。劉淙。誠李可貴等。亦難保無轉傳情事。著與未獲之王知仁。金老貫。二名。併交琦善。訥爾經額查辦。以淨根株。毋貽後患。將此各諭令知之。○軍

機大臣會同刑部奏審擬王法中結會傳徒案內。究出尹老須聚眾習教一案。得旨此案尹老須即尹資源。接管劉功離卦教。自稱南陽佛。創立朝考等場。黑風等劫名目。神奇其說。煽惑至數千人之多。勾結至三省之遠。狂悖已極。尹老須即尹資源。著即凌遲處死。仍傳首犯事地方。以昭炯戒。尹明仁。聽從伊父習教多年。實屬世濟其惡。尹明仁著即處斬。韓老吉。蕭滋。依議應斬。著監候。入於本年朝審情實辦理。其失察之地方官。及查辦不實各員。著吏部查取職名。分別議處。○陝甘總督楊遇春。奏野番投誠。請援照舊章。酌給番目土夫。旦。百戶頂帶。並令該番揀選明白。懂事之老民。充補百總。什總。遞加管束。報聞。○以查辦番案出力。賞甘肅土千總楊萬士五品頂帶。通丁馬魁六品頂帶。○以四川羅江縣漢龐統祠。水旱祈禱靈應。列入祀典。從總督鄂山請也。○丙辰。諭內閣。御史陳焯奏請

整飭吏治一摺。所奏是。從來稂莠不去。嘉禾不生。而莠民中。惟會匪之惑人最甚。州縣一有見聞。即認真查辦。自可淨絕根株。近來不肖州縣。非但不肯查拏。更復多方掩飾。即訪出會匪名目。該督撫意存消弭。遂令匪徒有恃。滋生厲階。即如趙金隴逆黨六七千人。其中豈無會匪。乃地方官專以強匪滋事為詞。幸免失察之咎。各直省大率類此。嗣後各督撫。務須嚴飭所屬留心訪察。遇有會匪。即嚴

密查拏。毋許諱飾。除莠即以安良。而會匪自絕矣。近日京控事件。每有山僻兇徒聚眾毆斃之案。地方官因其地僻人眾。不敢緝拏。往往案懸數載。致令僕僕來京具控。國家設官分職。本以戢奸宄而安善良。若漏網可容。覆盆莫雪。彼無知之民。習見其事。已萌去良為暴之意。而一二點桀之徒。設法勾引。千百為羣。動釀巨案。此吏治所以日壞。兇殘罔知所儆也。著各督撫。屬嚴拏兇頑羣毆等案。按

律懲辦。不得存化大為小之見。則國法森嚴。火烈難犯。良民各安耕鑿矣。州縣遇有緝拏案件。不能不用胥役。而會匪梟徒。土豪巨盜。皆能賄通胥役。其尤黠者。令黨羽潛充盤踞。遇事諱飾。地方官清謹自守。尚不免為其所欺。况簞簋不飭。從事苞苴。以胥役為爪牙。則得錢賣放之弊。不在吏而在官。尚復何所顧忌。著各督撫嚴飭州縣。遇有查拏人犯。限日務獲。如有賄縱。盡法處治。獲案後尤宜虛衷

研鞠。務得確情。毋任吏胥變亂黑白。則虛堂懸鏡。不至譁張為幻矣。至於奸民巢穴。多在交界處所。此嚴彼寬。彼嚴此寬。地方官遇事推諉。不肯認真。遇有奸盜。延擱不辦。而匪徒潛藏其間。毫末不扎。將尋斧柯。弊有不可勝言者。其安徽潁亳。與河南毗連。鹽梟最易充斥。儻不認真查拏。必致釀成巨案。各省交界似此者。亦復不少。著各督撫留心稽察。遇有奸邪。密咨鄰境。不分畛域。嚴拏務獲。勿令漏

網則積習立破。奸宄無所匿矣。朕勤恤民隱。惟日孜孜。常思懲兇頑於已著。禁邪慝於未萌。法紀肅而吏不為奸。淵藪靖而罔干予正。總在督撫大吏體朕之心為心。以民之事為事。正已率屬。賢者知所勸。不肖者知所懲。吏治蒸蒸。日臻上理。實有厚望焉。將此通諭中外知之。○諭軍機大臣等。昨據楊遇春等奏。貴德卡外思昂拉千戶所管八大族住牧循化卡外地面。內有楊弄。古弄。弄鐵。哇。合爾。哇。東什當水。乃害各番。聚集多人。騎馬持械。各路強劫。當即飭委署循化同知州判夏曰瑚等。帶領撒拉回民一千名。漢土弁兵三百名。前往彈壓。該番等膽敢抗拒。槍斃撒拉回民二名。該署同知等督率漢土官兵開槍轟擊。打斃番賊六名。燒燬房屋數十間。番賊等逃竄入山。經撒拉回民就近擒捕。殺斃番賊十五名。帶傷逃跑者十餘名。經該文武各員。派委土千總楊萬士等。喚出該族總管千戶。

奏稿卷五

七

觀木卻令。諭令獻出積匪。並拒敵番賊二十名。出具永不為匪。槍劫甘結等語。朕聞撒拉回民賦性獷悍。時常械鬪。素非安靜之徒。向來卡外小有不靖。從未派令前往拒敵。誠以用其力而不稍示以恩。必生怨望。若遽加以獎勵。而若輩自恃為國出力。其恣肆又有不可勝言者。且回性貪婪。恐未易滿其覬覦之意。儻此端一開。將來該回番等互相尋釁仇殺。尤不成事。流弊所滋。不可不防之於始。此案事屬既往。姑勿深究。至此次派用撒拉回民。是否係恆敬一人主見。抑曾與該督往返札商。著楊遇春確察情形。有無滋弊。及究係何人主見之處。據實明白覆奏。將此諭令知之。○考試應開列試差滿漢二品以下京堂各官於上書房。○以故奉恩將軍煥明孫緝御。蘇松額孫崇豐各襲職。○旌表守正被戕山東淄川縣民張建翠女占妮。○丁巳上詣綺春園問

皇太后安。○禮部議准陝西巡撫史譜疏報採訪渭南興平耀盤屋醴泉延川定邊安塞鳳翔汧陽隴麟遊城固畧陽寧羌西鄉褒城定遠鎮安長武永壽二十一廳州縣遭寇殉難士民孝子貞節婦女二千二十七名。請各建總坊旌表從之。○戊午論內閣那丹珠等奏上年盛京牛莊及奉天省頭二運粟米黑豆起卸完竣一摺。據稱牛莊委員帶來木斛與部頒鐵斛比較每斛計少九合。業已照案

通用。奉天委員所帶木斛收受米豆數目並無短少。著即咨明盛京將軍嗣後牛莊委員隨帶木斛務須木質堅實比較畫一毋得再有參差。又另片奏牛莊及奉天二運黑豆顆粒堅實尚堪久貯惟粟米一項受潮較重雖經節晾乾潔色尚灰暗恐難久貯。所有牛莊及奉天粟米並委員賠補米共一萬四千九百九十二石零著於輪值該倉支放甲米之時先行開放以重倉儲。○又諭那丹珠等奏

軍白糧經紀年前豫領先漕銀兩請緩發二成一摺。向來軍糧經紀年前豫領銀一萬五千兩白糧經紀年前豫領銀四千六百七十五兩以為備辦轉運之用。該經紀等年前支領太多每至次年扣項無出嗣後此項年前豫發銀兩著緩發二成計緩發銀三千九百三十五兩留於次年找給如有扣項即行分別扣找以清款項。○己未遣官祭

關帝廟。○諭內閣給事中邵正笏奏國子監考到錄科闕防不密請飭嚴加查禁以除積弊一摺。國學為造士之區錄科為進賢之始自宜關防慎密嚴絕弊端據該給事中奏稱近科以來考到錄科每有託人頂替代倩並賄囑胥役於該衙門左近窩藏槍手往來傳遞之事自應隨時查禁著國子監堂官於俊秀貢監考到錄科之期認真稽察如有前項弊端即行懲辦毋稍姑容。○又諭給事中邵正笏奏兩淮船板等船私鹽侵害浙鹺請飭

妥議章程協力堵緝一摺。據稱江省常州鎮江等府毗連大江為浙西引鹽門戶。順治年間於京口地方設立官廳盤驗鹽船。嚴拏夾帶私鹽。立法至善。乃日久視為具文。兵役得規故縱。以致浙西引地絀銷。兼之上年江省奏開沿江孟瀆德勝漂港三河。便於舟楫往來。即有江北梟徒。駕駛艚板黑魚腮等船。裝載私鹽。絡繹進口。更有地方棍徒勾引招接。私設秤手行家到處販賣。一遇官役查拏。冒

稱災民肆行強橫。反向官鹽商鋪索賄搶奪。因此商無轉輸。店多閉歇。始於常鎮兩府蔓延蘇州松江太倉各屬。浙西引地自上年七月以來。缺銷十餘萬引。絀課數十餘萬兩。且三河對峙。淮鹽呂四等場。梟販片帆飛渡。尤為便捷。請飭江浙文武大員會同覈議等語。著陶澍程祖洛林則徐富呢揚阿悉心妥議。或照京口盤鹽廳之例。在於沿江隘口移駐一二員弁。專司盤驗。或於三河之中酌擇一

河通行舟楫。其餘二河以及支港概釘木柵。不准通舟。或修建閘座。派委妥員司其啓閉。以資捍禦。此外如鎮屬丹徒丹陽各口濱臨大江。淮私直達。亦著籌畫堵截。章程具奏。又據稱常鎮二府鹽行浙省地屬江南。與松所事同一律。必須地方官協力巡查。並著陶澍等督率員弁一體認真緝私。如有稍分畛域膜視浙疆。准浙江巡撫據實奏請。將該上司一體議處。至淮場漏私營弁有故縱情弊。尤

須嚴加考覈。其浙商亦毋許藉詞諉卸。停運懈巡。總期於鹽務大有裨益。尋奏孟瀆德勝漂港三河原為通潮灌田。擬請於漂港河之圩塘港口門用黃石三條釘堵。每石中間三尺。俾潮汐可通。以資灌溉。其餘各口既難堵塞。計惟建閘設卡。派員啓閉稽查。查三河案內奏准建閘一座。現議在孟瀆河小河口馬橋地方建立。其德勝河魏村港舊有石閘。可以修整完固。應照舊歸河工案內辦理。孟瀆

河新開之起陂港口籌款建閘一時難以並舉應請於要隘處所設卡派兵巡緝是該三河雖有四口而一口堵閉不准通舟兩口建閘設卡以資捍禦其無閘之口添卡防緝立法似為周備至丹陽丹徒各口濱臨大江私販尤易出沒應於各隘口飭營防堵設卡查驗並添派兵役設立巡船互相稽察再查積慣匪梟悉皆兇悍之徒一遇撻拏動輒持械拒捕若非攜帶鳥槍不足以資堵禦而壯聲勢所有常鎮二屬巡江兵役應倣照江西省道光四年奏准成案酌帶鳥槍僅遇大夥私梟准其施放得旨依議認真辦理○軍機大臣會同刑部奏審擬王法中結會傳徒究出另案教匪蕭老尤偽造敕寶張貼揭帖一案得旨此案蕭老尤即吉三白先經聽從已正法之孫維儉傳習大乘教於具結免罪後復敢起意興教商令在逃之李如陵偽造敕寶張貼揭帖種種逆詞任意編寫且牽列良民

誣以謀逆平空陷害狂悖已極蕭老尤即吉三白著即凌遲處死仍傳首犯事地方以昭炯戒逆犯李如陵著直隸總督嚴飭勒緝務獲解部另結其失察之各地方官著吏部查取職名分別議處○山東道御史王協夢奏京城估計各工銀兩請照盛京工部估銷冊將行取各項物件數明例價歸入錢糧總數內計算又工程行取物料請先事關支不准令商匠墊辦下部議尋議該御史請將例價載入估冊係為慎重工程起見請嗣後營繕虞衡都水各司及太常寺等衙門行取物料均如所奏辦理至在京尋常各工原無墊辦名目應令承辦各員於開工之始先事關支儻遇亟需修辦各項如該御史所奏恐多貽誤請仍照舊辦理從之○庚申命於黑龍潭

覺生寺設壇祈雨

上詣

黑龍潭神祠拈香。遣惇親王綿愷詣覺生寺。定親王奕紹詣清漪園。

龍神廟。密雲縣。

白龍潭。惠郡王綿愉詣靜明園。

龍神廟拈香。○諭軍機大臣等。據陶澍奏。江西省上年被水歉收。今歲青黃不接。糧價稍昂。南客贛州兩府地瘠民貧。風氣尤悍。疊經該府等酌議平價設法勸糶。並就近借穀接濟。乃地方棍徒。乘此歲荒。挾制官長。竟敢集

眾擁入府堂。肆行喧鬧。現飭速拏懲辦等語。上年江西省被水災區。節經降旨加恩賑濟。並地方官設法平糶。為民籌食。已屬不遺餘力。何以南安贛州兩府。偶值糧價稍昂。即有棍徒聚眾擁入府堂喧鬧之事。該處民氣强悍。棍徒藉荒挾制。目無法紀。此風斷不可長。必應嚴行懲辦。著陶澍周之琦。即飭藩臬兩司督率該府縣營汛將首從各犯。按名查拏務獲。從嚴懲治。毋任漏網。以靖地方而肅法

紀。將此各諭令知之。尋奏訊明南安府屬棍

徒伍哩沅。贛州府屬棍徒郭二仔。起意糾眾擁至府堂喊嚷。合依喧鬧公堂為首例。擬斬立決。餘犯依為從例。辦理下部議從之。○兩江總督陶澍奏。籌議淮北試行票鹽章程。民販納稅請票。應自十引至百引以上為一票。每鹽四百斤為一引。於板浦中正臨興三場適中處。建立局廠。由運司遴委妥員。每局一人於三六九日。各照票引鹽。眼同民販逐包

稱驗。再於水陸交通之海州房山。大伊山。吳家集。設立三卡。由運司委員督查。如有查出多帶。惟局員是問。卡員亦不得稽留需索。其餘經過各關。及鹽捕衙門。驗票放行。毋得援累稽延。至臨興場所屬唐生。興莊。柘汪。三疇。向設青口食鹽店。今既改行票鹽。應即裁撤。如有地棍土豪。私立鹽關索費。包送。應嚴飭地方文武認真查拏。如有私梟偷渡黃河。應責成黃河北岸之邳北。宿北。桃北。外北。山安。

海安南岸之睢南宿南桃南外南海防海阜等十二廳營督率文武汛官即將渡船水手加重治罪。暢岸運商如有願認旁近滯岸者其暢岸應仍按原引完課以免虛占票地轉致暢岸缺銷至文武衙門往往私設陋規書役更多需索一經民販訐告或別經發覺即嚴行究辦以除積弊而肅鹽政從之。○廣西巡撫祁項奏遵旨審擬永淳縣民人王奉詳等拜會滋事一案查王奉詳編造盟誓邀集

陳亞由等十八人結拜弟兄焚表推為會首農添產勞旌仔陳亞由各自為首邀集多人斂錢結拜一次並無盟誓陳亞由又出拜會歌詞一本勞旌培即向借鈔嗣在外索詐被獲提訊屬實勞旌培向陳亞由鈔存狂悖歌詞會簿希圖惑眾斂錢應照謀叛不分首從皆斬律擬斬立決王奉詳農添產勞旌仔三犯各自行起意不序年齒結拜一次皆屬匪黨渠魁應照謀叛未行律均擬絞監候秋後

處決李沈彰等八犯先後聽從結拜均依為從例各擬杖流甘有朋等九犯均係被脅勉從應於為從上減等問擬杖徒逸犯陳亞由等嚴飭該府縣緝獲另結下部議從之。○以直隸清苑縣官虧旗租報作民欠請豁革前任布政使降補道員屠之申職。○辛酉諭內閣給事中王璋慶奏題調要缺請照例以候補正途人員題補一摺州縣為親民之官欲期經正民興必得理繁治劇之才教養有方

乃可收實效而臻上理如該給事中所奏外省候補人員各班擁擠遇有題調缺出輒藉詞入地相需曲為之說將佐雜奏請升補轉將候補人員概從抑置致要缺州縣漸為佐雜升階殊於吏治大有關係此等佐雜微員不過職司奔走有何經濟即才堪造就非地方熟手未能操刀而使割何以知其人地相宜乎至於河工佐雜職任修防於地方更未閱歷遽處以政務殷繁之任措理未必能周

且拔補一開。各督撫得以意為高下。易啓黃緣鑽刺之門。此風斷不可長。嗣後各直省督撫。遇有題調要缺。仍照例先儘正途候補人員題補。不准以佐雜應升人員超越。如實係候補無人。方准以佐雜應升之員補用。仍著於摺內切實聲明。毋許稍有含混。儘所保佐雜各員。將來有貪酷劣跡。一經發覺。惟該督撫是問。將此通諭知之。○又諭御史邵甲名奏請嚴禁地方官吏相沿陋習一摺。州縣衙門設立胥吏。藉資奔走之勞。而防範稍疏。弊端滋起。如該御史所奏積弊相沿者有二。曰傳紙。曰坐差。傳紙之弊。民間遇有控訴。不候放告日期。輒出使費。將呈紙豫行傳入。其使費視案情輕重為多寡。求准買批。是非淆混。而原被告之匿不投審者。藉此得遂其拖累之計。至坐差之弊。遇有催查事件。或傳集案證。胥役等出資打點。指名求派。其費自數千至一二十千不等。票差時本官即坐派該役。

無論久暫。不復更易他人。該役等惟利是圖。遇案則翼其不結。以包庇捺攔為把持之術。即尋常催查。勢必多方訛索。以盈其欲壑。此等積習。在潔清自好者。自能力加裁革。而貪鄙之徒。藉口補苴。恣意勒索。皆在所不免。著各直省督撫。嚴飭各州縣。務須肅清積弊。持正辦公。其有似此官役交通藉端牟利陋習。隨時認真訪查。從嚴懲辦。不准稍事姑容。以肅政體。而飭官方。○以候補國子監祭酒程

恩澤為廣東鄉試正考官。翰林院編修邢福山為副考官。編修汪世樽為廣西鄉試正考官。張琴為副考官。大理寺卿文蔚為福建鄉試正考官。工科給事中邵正笏為副考官。

毋庸計缺。到京後即以原銜對品遇缺補用。如有降調者。仍照舊例補用。如因叅罰處分回京者。按三缺後補用。至外任地方官員。遇有迴避令回京當差之員。如由郎中或員外郎簡放者。仍以原銜郎中員外郎扣留補用。如此明定章程。於銓補各缺。庶昭遵守。而該員等補缺亦有准期。至由卿員簡放外任。緣事回京者。候旨遵行。從之。○福建巡撫魏元烺奏省城糧價稍昂。有刁民施六害等。糾搶

實錄卷三十三

二

米鋪。赴臣衙門擊鼓。稱米店葉英擡價遏糶。喊嚷喧鬧。其時參將福喜趕至。施六害楊三。逞兇向福喜擲石。當經拏獲首從各犯。訊據施六害等供稱。先後向盈豐米店買米。因店主葉英兌換破錢。口角有嫌。起意攪鬧。洩忿。即商允楊三。並添糾多人。搶米屬實。嗣經查拏畏懼。赴巡撫衙門喊冤。希冀掩其搶奪之罪。施六害合依刁民聚至四五十人。鬧堂塞署。逞兇毆官為首例。擬斬立決。梟示。楊

三。依同謀聚眾。轉相糾約下手毆官者例。擬斬立決。當即恭請王命。將施六害斬決梟示。楊三三斬決。餘照為從辦理。店主葉英並無擡價閉糶。應免置議。下部議從之。○癸亥。皇后千秋節。宮內行禮如儀。停止筵宴。及在外福晉命婦進內行禮。○諭內閣。昇寅奏。考試教習士子。抗不聽點。請整飭場規一摺。考取教習。以備訓課。該士子等自宜敦品勵行。恪遵功令。方足樹師儒之望。乃竟於入場時恃

實錄卷三十三

三

眾擁入。不候點名。顯有槍冒情弊。似此不知檢束。希圖倖進。安望能教育人才。即期滿錄用職官。亦難期其官箴恪守。於士習官方。大有關繫。不可不亟加整飭。著禮部即行知主考監試各員。於覆試時。嚴行考覈。其已經錄取各士子。限兩日內。取具同鄉京官印結。彙齊咨送。定期招覆。並令出結各員。當堂識認。如有冒名入場。及覆試文字不符正場者。立即扣除。儻不得妥卷。儘可缺額。毋庸濫取充

數。昇寅奏請於應取若干名之外。多取數十名。殊可不必。至所請每屆順天鄉試後。於貢班薦卷中挑取數十名。會試後。於舉班薦卷中挑取數十名。以備咸安宮等處官學。及國子監八旗教習之用。著禮部覈議具奏。嗣後凡遇貢院考試。著都察院衙門。奏派滿漢堂官各一員。專司稽查。如有士子不遵功令。承管各衙門因循疏懈。著即據實奏。以肅場規。而端士習。上年給事中劉光三。陳奏科場

宣宗實錄卷二二

四

各條。經軍機大臣等會議。奏准遵行。已屬周備。此後鄉會試時。著承辦各衙門。務須實力奉行。毋得視為具文。儻有因循滋弊之處。一經發覺。必將承管之員。懲處不貸。○諭軍機大臣等。禧恩等密奏。馳抵衡州。得悉搖逆全行撲滅。及沿途訪查大概情形。一摺。覽奏均悉。首逆趙金隴滋事。盧坤等調兵轉餉。現已嚴事辦理。實屬妥速。朕已分別施恩。惟趙逆不能生擒。未滿朕望。現據禧恩等沿途訪查。

有該逆匪乘雨夜兩次圖竄之語。雖係傳聞異詞。究竟羊泉之役。是否該逆圖竄。即經官兵截住。並未竄出。儻雨夜昏黑。如有竄出賊匪。即難保無趙金隴在內。且盧坤所稱受傷陣亡者。不下五六百人。是該逆困獸猶鬪。已可概見。必不肯坐守羊泉。甘心燒斃。恐不免有逃竄情事。至羅思舉稱趙金隴實係殲斃。所有奔竄匪犯。均經趕殺。並無一名漏網。儻別有趙逆滋事。情甘認罪。該提督身在行間。

宣宗實錄卷二二

五

其言似屬可信。但再能得一確據。更為放心。試思軍興以來。朕宵旰焦勞。隨時指示機宜。務令勿留餘孽。儻將來仍有一趙金隴。尚復成何事體。至趙金隴之子趙幅金。供稱四月初九日。官兵攻入羊泉街內。伊兄弟同時被獲。見趙金隴被官兵砍倒在地。而餘犯又稱初九日以後。趙金隴尚在該處。楊姓大房居住。情節已屬不符。著禧恩等飛提四月二十三四等日。在羊泉生擒男婦各要犯。嚴訊確

情。務期水落石出。總須還一切實憑據。不許稍有含混。其軍需應付事宜。前據盧坤等酌議。業經降旨准行。著禧恩等於交查事件。辦理完竣後。即赴長沙省城。調取案卷。按款覈實。詳查具奏。以副委任。將此由四百里諭令知之。○甲子。

上詣綺春園問

皇太后安。○諭軍機大臣等。據都察院奏。吉林長春廳民婦鄧王氏。直隸昌黎縣民人高泳

實錄卷一百三

六

太。先後呈控官盜交結。嚴刑陷害等情。已明降諭旨。交該將軍等審訊矣。此案該民婦所控伊家被賊搶去驢馬。控經該廳審實。有捐職土豪齊憲表。包庇盜匪。賄串不究。反將事主嚴押索詐。伊夫鄧金幅。赴步軍統領衙門呈控。咨交吉林將軍查辦。差役往齊憲表家拏獲賊盜三名。齊憲表與該同知商謀賄買罪賊馬斌。杜二毛。認贓。迨經覆審。該二賊當堂供出賄買情弊。齊憲表復與問官通同朦

蔽。將鄧金幅等嚴行拷逼認誣。又高泳太控稱齊憲表。因挾伊父高騰飛控告之嫌。賄囑問官刑逼鄧金幅。指稱教唆。將高騰飛酷打誣服等情。案關棍徒賄結官員。窩庇盜賊。虐害良善。如果屬實。大干法紀。不可不徹底根究。著寶興。倭楞奏。親提人證。秉公研訊。務得確情。按律懲辦。毋得稍有朦混。致受欺蔽。以除奸慝。而儆官邪。將此諭令知之。尋奏。訊得齊憲表。委無賄買罪贓。囑官刑逼情事。惟該

實錄卷一百三

七

犯私戴金頂。照律擬杖徒。鄧金幅以被竊驢馬。赴京越控。高騰飛以齊憲表恐係窩竊。向告致鄧金幅一併添砌。均擬枷杖。下部議。從之。○乙丑。諭內閣。給事中王璋慶奏。請飭嚴查保甲一摺。從來邪教之興。固由地方官教化不明。而奸宄之得以潛藏。鄉愚之受其煽惑。總緣地方官耽於安逸。於編查保甲一事。不知實力奉行。遂致日久有名無實。即如王法中。尹老須。蕭老尤等。犯涸跡城市。暨不畏

法而各該地方官皆漫無覺察。竟同聾瞶。如果平時認真編查。遇有奸匪。立即拏辦。懲一儆百。何至蔓延日眾。流毒無窮。若不嚴行申誡。則一味怠玩。因循吏治。民風將不可問。嗣後著各直省督撫。嚴飭所屬州縣。督率保長人等。於城市村鎮戶口。按名查造清冊。發給門牌。詳載姓名生業。仍隨時挨戶覈對。勸諭化導。俾安恆業。儻有不安分之徒。即行拏究。並於春秋二季農暇之時。將遷移戶口。詳加

宣宗實錄卷二二

八

改換。責令該管道府。每年抽查一次。以昭覈實。至京師為首善之區。戢暴安良。尤關緊要。並著都察院。順天府。嚴飭五城御史。督率司坊官及京縣地方官。一體詳查。按戶懸挂門牌。毋得稍有懈弛。庶習教匪徒。無所託足。閭閻自臻靜謐。儻此次誥誡之後。仍前玩視。不知整頓。致令教匪潛藏煽惑。一經發覺。必將各該地方官重懲不貸。將此通諭知之。○丙寅。諭內閣。據那丹珠等奏本年南糧鎮江首

幫船隻行走遲滯。現值運河水淺。各幫船必須全行起剝。始能抵壩。所需船隻較多。請飭添備剝船。方敷輪轉。著直隸總督。迅飭天津通永二道。多集民夫。趕緊疏挖深通。並添備剝船。趕赴楊村。以資調撥。其楊村以上河形愈窄。所有軍船在楊村起空。即飭令就近回空。仍令弁丁押送剝船赴通交兌米石。並飭坐糧廳查明起空軍船。行至楊村以上者。即一體回空。以期迅速。無稍延緩。○以福建省

宣宗實錄卷二二

九

城糧價增昂。命撥各府屬倉穀平糶。○撫卹琉球國遭風難夷如例。○丁卯。

上詣

大高殿行禮。○還宮。○署鑲黃旗護軍統領福敬。正藍旗蒙古副都統署正藍旗滿洲副都統八十。年老休致。以刑部右侍郎恩銘署鑲黃旗護軍統領。內閣學士奕紀署正藍旗滿洲副都統。理藩院右侍郎奎照兼正藍旗蒙古副都統。○以祈雨。

三壇齋戒一日○戊辰

上詣

天神壇遣惇親王綿愷詣

地祇壇惠郡王綿愉詣

太歲壇祈雨

御製祝文曰春澤承

麻方云共慶夏霖譬序倍暢淵衷復值逆猺逞惡不獲已而誅夷邪匪潛滋必應除而完治雖國法之難容實

實錄卷三十三

天和之有犯皆由德薄不能感化才疏未克財

成以致乾旱恆暘虞稼穡多槁之歎赫炎不雨憫人民无妄之災敬思水旱之不齊總因政治之多失嗚呼自

天申之赦眇躬而萬民是惠列地利也昭

靈貺而三輔均霑步禱

神壇心憂節屋抒微忱而早蘇民困亟叩甘

膏企

恩波而速斂風威仰希

神鑒○遣慶郡王綿愷詣

宣仁廟

凝和廟成郡王載銳詣

昭顯廟

時應宮拈香○辛圓明圓○己巳夏至祭

地於

方澤遣睿親王仁壽恭代行禮○

孝恭仁皇后忌辰遣官祭

景陵○諭內閣京師入夏以來雨澤稀少近設

實錄卷三十三

壇祈禱並親祀

天神壇虔申叩禱尚未速沛甘霖宵旰焦思

時深殷盼朕惟清理庶獄亦感召和甘之一端向來軍流以下人犯間予減等發落上年

恩旨各省辦理減等今因京畿望澤再沛思

施除積賊人犯不必查辦並各省軍流以下

人犯此次毋庸一律辦理外著刑部將直隸

一省及部中審擬軍流等罪已未到配官常

各犯詳查案情擇其情稍可原者無論遠年

近年。迅即開單具奏。候朕量加寬宥。國家明刑。弼教。意本期於無刑。而犯罪之人。久羈縲絀。紛紛株繫。桁楊相望。皆足上千

天和。至刑部收禁人犯。尤當審度案情。其問徒以下。輕罪人犯。以及干連待質例。應取保候審。今往往一概收禁。以致囹圄積滯。疾病顛連。甚或遭瘵斃之慘。朕甚憫焉。著刑部查明。現在監禁人犯。此內凡輕罪及傳案待質者。立即清理省釋。毋稍稽滯。尋常案件。並著即

實錄卷三十三

三

行完結。庶冀祥和。俞應。速沛甘膏。該部即遵諭行。○展緩江蘇上元。江寧。句容。高淳。山陽。清河。六縣毗連災區上忙額賦。並展緩山陽。清河。二縣舊欠額賦。及河灘學租。○庚午。諭內閣。前據昇寅奏。考試教習士子。抗不聽點。顯有槍冒情弊。當降旨令主考監試各員。於覆試時。嚴行考覈。如文字不符正場者。立即扣除。本日據汪守和等奏。會同御史嚴加覆試。除未投印結七名。臨點不到一名外。其筆

跡不符者。咸安宮官學二名。景山官學三名。宗室官學二名。覺羅官學三名。八旗官學四名。又默寫原卷字句不符者。咸安宮官學一名。可見昇寅所奏屬實。此次主考監試各員。認真辦理。甚屬可嘉。試思該士子等。如果平日敦品勵行。認真力學。何至一經覆試。即紛紛敗露。至十五名之多。至未投印結。及臨點不到各生。其為槍冒更不待言。姑念積習相沿。不自今始。朕亦不為已甚。俱著扣除。嗣後

實錄卷三十三

三

凡有大小考試。主考監試提調等官。俱宜認真辦理。整肅場規。嚴定去取。毋博一己寬厚之名。而墮朝廷之法紀。該士子等亦當知愧知奮。恪遵功令。毋再行險徼幸。致干嚴究。將此通諭知之。○辛未。

上詣綺春園問

皇太后安。○諭內閣。戶部奏。喀什噶爾改設領隊大臣。請酌定養廉銀數。喀什噶爾領隊大臣一員。著照和闐英吉沙爾領隊大臣之例。

歲支養廉銀六百兩。加增養廉銀二百兩。○又諭御史鮑文淳奏請汰漕委冗員嚴禁需索一摺。漕督衙門設立委員。原為催趲船行。簽盤米色。乃日久弊生。幫丁困於漕署之陋規。需索於州縣。州縣累於幫丁之加費。浮取於閭閻。近來幫丁領運。往往藉漕署規費名目。於酌給津貼外。勒索幫費。船數較多。費盈鉅萬。以致州縣兌漕時。非令書吏借貸。即截串豫徵地丁。甚至藉口彌補。或折色增價。或斛收加倍。民間所納糧石。一經官算。輒形不足。藉漕尾之名。肆追呼之擾。是州縣因幫丁之需索。不得不取償於百姓。而百姓之陰受其害者。不可勝言。至漕船過淮盤驗。標弁委員。及書役長隨人等。皆有陋規。盤驗徒有虛名。規費則為實害。甚或藉名催趲。營求派差。紛駐河干。皆視糧艘為利藪。積習相沿。該漕督不過以此為調劑屬員之方。不知漕委多用一人。即多一人之需索。於漕務民生。均有

實錄卷一百三

五

關礙。著該漕督破除情面。認真查察。無得被人朦蔽。遷就了事。務使盤驗各項積弊。一律肅清。其標弁委員除酌留定數以資差委外。餘俱概行裁汰。儻仍意存見好。調劑閒員。不思塞弊源而蘇丁困。別經發覺。惟該漕督是問。並著有漕各省分督撫。轉飭糧道嚴禁幫丁需索。州縣浮收。如不能實力奉行。仍滋擾累。著即嚴行奏參。毋稍寬縱。將此通諭知之。○諭軍機大臣等。李鴻賓奏。擒匪土匪串通窮獠搶劫。連次按捕。並親往查辦一摺。覽奏均悉。前因楚獠趙金龍滋事。廣東調往各兵防堵楚獠。多派西路分駐隘口。東路各汛兵單。擒匪遂乘機窺伺。糾約乏食窮獠。赴村搶劫。四月初六日。擒匪二三百人。至倒流汛焚搶。經汛兵抵禦。傷斃擒匪數十名。十三日。擒匪復聚。仍向倒流汛毗連之竹子坪搶劫。經副將王登科派兵攻擊。槍斃擒匪五名。十八日。官兵屯住鐵坑。聞後山新寨擒匪聚眾。兵

實錄卷一百三

五

勇合力圍拏。槍斃強匪二十餘名。奪獲鳥槍等件。燒燬新寨。強房一百餘間。又於二十四日。經官兵入山搜捕。先將老寨。強匪房屋盡行燒燬。官兵踰山陟險。行至大木根地方。見強匪數百人。經礮轟散。旋又趕來。先後擊斃七十八人。餘匪退入山崗。東路強匪將次肅清。惟西路黃瓜冲等處。強匪。二月中雖已解散。至今出沒無常。遣人查探。仍然意圖搶劫。自應實力圍捕。現在調往連州兵丁共六千名。兵力不為不厚。况湖南逆強。已於羊泉全行殲斃。該強定已聞風膽落。所有防堵要隘各兵。正可撤回。歸併西路。協力擒捕。該督現在行抵連州。即著督率提鎮。激勵將備兵丁。一鼓作氣。聚而殲旃。勿留餘孽。以靖地方。朕計日以待。務須趕緊妥速。嚴事。毋稍遲延。干咎。至摺內稱訪明房姓。唐姓。沈姓。各冲。皆有頑徒。糾邀夥黨。但無為首大頭目。又有土匪無賴。捏造謠言。互相傳播。恐嚇眾心。此等匪

徒。總有頭目為之統領。現據該省擒獲糾搶強匪房二等三名。造謠土匪吳學明等七名。立行正法。正可就該犯等生供。及續行擒獲各犯。嚴切根究。務得為首正犯。緝拏懲治。毋許稍有含混。又另片奏提督劉榮慶。率據將弁等稟報。謊稱強匪一千餘人。及二三千人之多。與慶林稟報互異。此等張皇謊報。最為軍營惡習。著該督查明。如劉榮慶僅止輕信人言。其咎尚小。儻係任意添請重兵。並有疏玩情弊。其咎甚重。即著據實嚴參。其南韶連鎮總兵得志。遷延遲緩。勦捕不能得力。已明降諭旨。將該鎮撤任。仍留連州協緝。如果知愧知奮。再行據實具奏。新授南韶連鎮總兵阿精阿。已諭令速赴新任矣。將此由四百里諭令知之。○又諭。前據魏元煊奏。審辦施六害等聚眾搶奪閩堂一案。已批交部議矣。茲據御史徐培深奏。該省審辦此案。多有不實。據稱福建省城米價。向祇每升制錢二十餘

文本年春間漸次增長。有開設盈豐字號米鋪。與買米人爭論價值。互相嚷鬧。肆行搶奪。將經過詢問之理事同知坐轎拉碎。府縣前往彈壓。畏其勢眾退避。中軍出諭。竟被掌批其頰。隨擁至撫署。自轅門毀及煖閣。將撫署扁額坐轎執事等項燒燬。該撫出令官役擒獲六人。人聲沸騰。直欲進內奪犯。將軍聞警。帶兵到彼撫慰。署臬司王耀辰。稟將所獲六犯釋放。始得稍定。將軍復與該犯等約信。許

實錄卷一百三

六

以減價。每升以制錢三十文為率。眾始稍退。風聲一倡。城廂內外米鋪。無不搶奪一空。次日尚有數百人向撫署擲瓦石。該撫召兵自衛。始行全退。因議設廠平糶。併訪拏滋事之施六害楊三三等。正法其餘。照例問擬。數與該撫原文情節頗屬不實。不盡。如該撫所稱事起倉猝。何至頃刻之間。聚集數千人。況以省會之中。釀此巨案。地方官不能覺察。於平日又不能彈壓於臨時。乃該撫以事起倉

猝。為地方官開脫處分。而被搶之數十家置之不問。亦屬疏漏等語。事關聚眾搶奪。燬署閹堂。如該御史所奏屬實。是該撫化大為小。姑息釀患。於海疆重地。大有關係。其虛實不可不徹底根究。著程祖洛到閩後。即將此案確實情形。嚴密查覈。務期水落石出。不准稍有含混。其地方失察文武。應否寬免處分之處。著一併查明具奏。徐培深原摺。著鈔給閱看。將此諭令知之。○福建道御史梁萼涵奏

實錄卷一百三

十九

滿漢教習各省拔貢及繙譯文童繙譯錄科各小場。凡在貢院考試者。請俱做照大場規條酌量辦理。下部議。尋議嗣後滿漢教習及各省拔貢。在貢院考試者。一體由步軍統領衙門。於東西轅門點名處各派武弁一員。兵丁十五名。先期冊送點名御史查覈。繙譯文童繙譯錄科。仍照舊奏派副都統彈壓。至按檢向由五城五營揀派捕役。請於例派外。多派十餘名。號軍請由該管官照應用人數。冊

送監試御史點驗入場。如人數短少。將該管官叅處從之。○戶部議准。兩江總督陶澍等奏。籌定堵緝粵私章程。○萬安縣所轄之良市口。為粵私入淮門戶。應增設大卡。派委文武各一員。帶兵二百名駐劄。原設現瀾羅塘二卡官兵。應即移駐良市口。其吉安府城外原委該營官兵。無關緊要。應行裁撤。另由贛標各營。派委守備或千總各一員。兵五十名。並委文職丞倅一員。巡役二十名。均駐良市

宣宗實錄卷二二

三

口會同查拏。以杜私販繞道之弊。○龍泉縣之湯村塘。為攸縣私鹽經過。應添派守備或千總一員。兵二十名。佐雜一員。巡役十名。駐劄巡堵。○泰和縣之白羊坳。係粵私經過。尤為緊要。原設弁兵無多。勢難兼顧。應酌委守備或千總一員。添兵二十五名。並派佐雜一員。巡役十名。分路巡緝。○贛縣茅店。係潮橋東江二埠私船經由之區。應設立官卡。酌派守備或千總一員。外委一員。帶兵四十名。周

宣宗實錄卷二二

三

流巡緝。○贛縣所屬之攸鎮大湖江等處。逼近淮界。私鹽充斥。不特占礙淮綱。亦屬有妨粵引。應責成贛南道。將粵省雄贛埠運鹽過關時。覈實查驗。其轉發各該處。亦令報數呈驗。仍咨查粵省。是否與派撥鹽數相符。查明覈辦。○各處鄰私。如果認真查拏。則梟販何至肆行無忌。請嗣後每季將各縣所銷引目。及所獲私鹽。覈其多少之數。分別記過記功。於年終咨部分別議敘。議處。如有任聽兵役。勾串賄庇。及承審鹽案。含糊輕縱者。專案叅究。從之。○追予殉節捐軀江蘇宜興荆溪。一縣元吳江。吳清明任皞臣。入祀忠義祠。從前任巡撫程祖洛請也。○禮部議准。前任江蘇巡撫程祖洛疏報。採訪宜興荆溪二縣貞節婦女陳蔣氏等三千一百二十二口。請建總坊旌表。從之。○壬申。

上幸萬壽山。詣

廣潤祠拈香。○諭內閣。前因京師雨澤稀少。

清理庶獄以期感召和甘降旨令刑部辦理減等。茲據該部酌議減等章程奏請辦理著直隸總督熱河都統順天府府尹查明應准查辦各犯無論已未起解到配分別官犯常犯逐項造冊咨部覈辦仍一面行令配所各督撫將軍都統等將直隸省及在京問刑衙門審擬遣軍流罪以下到配各犯迅飭所屬趕緊造具清冊扣除往返程途統限一月內飛咨該部照例辦理○又諭吏部將擬准捐復降捐人員開單具奏朕詳加披閱除陸襄一員准其降捐州同補用外其貴正元黃進學二員雖俱係因公獲咎但思地方緝捕最關緊要貴正元於江西武寧縣縣丞任內領解銅本銀兩中途被竊革職留於地方協緝一年之久犯無弋獲黃進學於山東平原縣典史任內承緝盜犯僅止緝獲夥犯一名時越年餘仍未將首夥各犯全行獲辦該員等事前既疏於防範事後又不能上緊緝拏其

實錄卷二百五

五

實錄卷二百五

五

聞革無能概可想見此等人員若概准其捐復地方官不知儆惕必至捕務日漸廢弛緝捕不力則盜賊愈多何以除奸究而安良善貴正元黃進學俱著不准捐復以示懲儆○又諭陶澍等奏革職知府官聲素好請降捐通判仍留安徽補用嵩溥奏因公降調同知請捐復留黔各一摺前任安徽池州府知府劉澍因承審休寧縣民潘蔚昆自戕後投河身死一案不能虛衷研鞫究出實情奏參革職原任貴州丹江通判准升普安直隸同知劉錫榮因署大定府任內有土目祿汶沈毆傷張幃泰身死一案督催提審遲延部議降調該員等應否降捐捐復均應赴部遞呈由部覈明分別准駁請旨乃劉澍等並不到部呈請輒由該督撫具奏且劉澍自參革至今四年之久不肯回籍何至聽其任意逗留所稱該員歷署池州太平廬州安慶等府任內勤求吏治任事實心前後甚屬剴謬顯係該

督撫瞻徇情面。為屬員討好起見。所有劉澐請降捐通判。劉錫榮請捐復原官之處。俱著不准行。嗣後各直省有應行降捐捐復之員。均著赴部具呈。聽部覈辦。毋得再由各該督撫奏請。以杜徇私而肅官常。將此通諭知之。○又諭武忠額等奏請旨飭催兩淮應解息銀一摺。兩淮應解察哈爾牧羣息銀。上年該都統等因解項未到。籌款墊發。降旨允准。並嚴飭兩江總督迅速解交。不准再有玩延。茲

實錄卷二百三

五

據武忠額等奏。積年拖欠銀兩。仍未遵旨起解。該處應領各項。無款可墊。恐誤辦公。此項息銀。為該處牧羣應領急需。且特旨飭催之後。置若罔聞。仍不依限起解。疲玩已極。若竟貽誤辦公。尚復成何事體。著陶澍即嚴飭兩淮運司。將欠解道光十年十二年息銀。務於本年夏季趕緊解交。其道光十三年應解息銀。亦務於本年冬季解到直隸藩司。發交口北道庫。以備支放。嗣後每年息銀。總當如限

實錄卷二百三

五

解交。不准藉詞延宕。致干重咎。○刑部議駁。山西巡撫阿勒清阿奏。陽曲縣民婦馬武氏。呈控武在安等挾嫌謀殺一案。請飭交該撫研訊。得旨。此案馬武氏因母妹二命被殺。正兇未獲。屢次將伊母舅梁庭柱誣控。服屬小功。自應將該氏酌量示懲。雇工郝五所供。郭富淋與馬武氏姦情。前後互異。並郝五與馬武氏平日有無主僕名分。亦應提訊。且武梁氏被砍時。如穿係棉衣。斷難傷及膚體。是否於砍死後。始行穿衣。並屍衣有無砍破痕跡。均未詳敘。其馬武氏家中。曾否雇人使令。現在有無奴婢。至伊幼子馬淋。鑰當時在場。目擊所有兇犯人數。及被殺情形。或能供指一二。武梁氏等被殺後。尚有失物情形。難保非盜劫情事。現經刑部層層駁詰。著阿勒清阿將指出各情。逐細研訊。明確按律定擬具奏。尋奉奉駁各條。逐層研訊。武梁氏屍身衣服。實有砍破形跡。其馬武氏家中。向不雇人使

令亦無買有奴婢馬淋鍾年僅五歲實不能指出兇手與被殺情形被殺後失物形跡訊據鄉地鄰佑僉供是讎非盜此案馬武氏誣控伊母舅梁度柱殺害訊屬子虛究因痛親懷疑所致郝五與馬武氏並無主僕名分其混供馬武氏與郭富淋有姦係畏刑所致應各按例問擬正兇嚴緝另結下部議從之○協辦大學士兩廣總督李鴻賓奏遵旨酌裁廣東馬步守兵一千一百五十名廣西馬步

卷之二

七

守兵三百三十五名下部知之○雲南鄉試正考官陸建瀛丁憂以翰林院編修費開綬為雲南鄉試正考官○以緝匪出力予安徽把總芮永森等升補有差○癸酉諭內閣御史琦琛奏請飭平反冤獄禁止拖累滋擾一摺京外大小詞訟虛實攸關自應悉心研鞫以期無枉無縱其原被干證不能不提同質訊至無干牽連之人於案情無甚關涉者若任書差紛紛傳禁必致輾轉拖累實為閭閻

之害著刑部步軍統領順天府五城及各直省督撫嚴飭屬員凡遇審理案件如有干連之人無關緊要者不得任意傳訊如已傳到案速即審結俾省擾累而免淹滯將此通諭知之○又諭御史姚慶元徐培深奏被誘習教之犯請援照成案准其首悔免罪各一摺奸匪創立邪教為首者必應盡法處治其為從各犯拜師傳徒斂錢惑眾亦屬法所難宥至鄉愚無知妄希邀福輾轉被誘情有可憫

卷之二

五

從前辦理習教各案原准其自首具結改悔免罪以示法外之仁如嘉慶十六年間直隸審辦大乘教將改悔免罪各犯果能認真查辦何至有十八年林逆之事無如該地方官並不實心查辦有名無實致令釀成巨案貽害閭閻本年審辦王法中尹老須蕭老尤等案業將首犯明正典刑餘犯分別照例問擬而各犯等供出被誘之人多至數千牽連三省其中情節輕重不一自應交各該督撫飭

屬認真查辦。惟地方官紛紛查拏。勢必良莠不分。即安分之家。亦難免於騷擾。而胥役等藉端需索。訛詐諸弊。尤所不免。著各該督撫於此次查拏。供出各犯。將情節較重者。按律懲治。被誘可原者。分別定擬。一案到官。即速審結。毋任稍有延宕。並出示徧行曉諭。嚴飭各該地方官。禁止胥吏差役人等。毋許藉此騷擾。拖累無辜平民。並不得從中需索。將實在習教者。得錢賣放。反將善良之家。恐嚇訛

詐。儻有此項情弊。許受累之人。指名控告。即將該胥役等從重治罪。並將該地方官嚴叅懲辦。該督撫等務當實力整頓。毋稍姑容。用副朕詰暴安良至意。將此通諭知之。○以刑科給事中徐法績為湖南鄉試正考官。翰林院編修胡鑑為副考官。○甲戌。以哈密幫辦大臣廖福署辦事大臣。○乙亥。諭內閣。京師入夏以來。雨澤稀少。節過夏至。大田望澤尤殷。前經兩次設壇虔祈。復於本月二十二日

親禱

三壇。甘霖未霈。朕心甚為焦灼。特親撰祝文。擇於六月初五日躬祀。

社稷壇。摠誠步禱。初二日先期進宮齋戒。齋戒之日。戴緯帽。穿常服。不掛朝珠。閱視祝版時。有執事人員。戴雨纓帽。穿青褂。禮畢。仍依齋戒服色。初五日係應穿補褂之日。祭後著穿常服。掛朝珠。所有應行典禮。各衙門即照例敬謹豫備。○又諭著英奏。察吏省刑。以召祥

和。一摺。朕勤求上理。惟日孜孜。立政用人。無不一本大公。諄諄訓示。凡屬大小臣工。各宜體一公字。恪恭厥職。方為稱任。本年入夏以來。雨澤愆期。風威不斂。據該尚書奏稱。緣地氣不能上騰。陰陽間隔。致召恆暘。臣道符乎地道。總由庶司百職。日漸廢弛之故。如所稱剛愎喜事。模稜畏事。或名實不符。或表裏未一。當局每依違兩可。遇事則輕重失倫。甚至奔競成風。黨援互市。種種積弊。俱所不免。若

不嚴加甄覈。則象成蒙蔽。致戾和甘。誠堪深慮。著通諭在京部院旗營各衙門堂官。仰體朕大公無我之心。務矢公忠。於所屬文武各員內。實心考察。嚴行澄汰。如有年老衰邁。疾病疲敝。及怠玩曠職。闡茸無能。並前項各弊。隨時認真查覈。據實叅劾。毋使濫竽充數。更不可彼此觀望。稍有瞻徇姑容。庶幾各司公勤。稱職庶事。清和咸理。地氣上應。甘澍普霑。朕有厚望焉。至明刑所以弼教。審理庶獄。果係重大之案。原不容草率顛預。其尋常案件。必須依限斷決。以免拖累。定例纂詳。該尚書請嗣後在京各問刑衙門。將現審各案。每月開具畧節。註明收審月日。各於月終具奏一次。並將月摺飭交該科道。與每月註銷清冊覈對。詳查逾限遺漏。按季覆奏之處。著大學士軍機大臣會同妥議具奏。尋議上。得旨。大學士軍機大臣會議者。英具奏察吏省刑一摺。嗣後刑部辦理案件。無論奏題咨案。著每

月將現審若干案。開具畧節。註明收審月日。於月終具奏一次。併著將月摺交該科道。於每月註銷清冊。逐件覈對。按限詳查。如有遲延逾限。及遺漏舛錯之處。著據實劾叅。即無前項情事。亦著按季覆奏一次。其收審日期。應以人犯到部。及傳提到案之日為始。不得俟該司坊申報。弋獲無期。文書到部。始行起限。至犯病扣限。署照外省之例。不得過一箇月。以杜規捏。此外宗人府。戶部現審處。步軍統領。及順天府。五城所屬各衙門。嗣後一切現審章程。均著照刑部例限。一體遵辦。餘俱著照所議辦理。○工部等部議覆直隸總督琦善奏。籌議排造剝船加展年限。酌改發商變價章程。查直隸原續官剝船隻。均定限十年排造一次。請展至十五年為滿料。所請滿料船隻。發商變價。查該商等應繳造船經費。屢催未解。此項變價銀兩。未便任令先行具領。應飭勒限嚴行提解。並請嗣後江廣等省。

按成造屆期。即由直隸總督長蘆鹽政籌款解徵成造。不得仍前動用地丁銀兩。以重正款而免懸墊。從之。○以翰林院侍講翁心存為四川鄉試正考官。編修李鴻為副考官。○修命太常寺少卿程德楷。在上書房行走。○修浙江東西兩塘柴埽坦水各工。從巡撫富呢揚阿請也。○除甘肅平羅縣沙壓地七頃八十一畝有奇額賦。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百十二

大清宣宗效天符運立中體正至文聖武智勇
仁慈儉勤孝敏成皇帝實錄卷之二百十三

天府府軍事孫思邈加五級紀錄十八次臣賈絳繼職官經選漢官史部尚書錄監漢書都統官管理新書史部內官史大臣傳敘內
監傳敘官官經選日攝起居注官太子太傅韓仁祖漢大學士又調領開闢官管理史部事務上書為師傳敘院掌學士兼管順
七倉大臣稽察內閣四譯館事務加一級隨帶加不級軍功加三級紀錄五次北少卿經選漢官史部尚書經選漢官史部尚書經選
內務府大臣鎮江總滿洲都統稽察內大臣大臣管理宗人府錄庫左翼副官官 聖壽宮閤閣子處稽察總管奉臚庫房
醫院院辦處事務隨帶加十八級臣阿璽阿勒騰魯官經選漢官兵部尚書隨帶加六級紀錄二十次臣周鼎培等奉

軟修

道光十二年壬辰六月丙子朔諭軍機大臣

寶錄卷二百十三

等魏元娘奏夷船驅逐遠颺請將原叅之福建閩安協副將沈鎮邦署閩安左營都司陳顯生開復頂帶已降旨准行矣據稱三月十九日有啖咭喇國夷船一隻在大練洋面向漁船用米換魚並給予書本查閱夷書紙片字畫似係內地式樣恐有奸民為之翻刻提訊漁戶楊妹妹等供稱船內之人言語不通所給書本伊等目不識丁不知是何書並無勾引接濟情事等語該撫業將夷書呈繳查

閱紙片字畫直係內地手筆。何似之有。且書內語句多不成語。該撫所奏無非上下朦混規避而已。至漁戶既皆目不識丁。為何送給書本。此皆辦事不實之處。其所稱並無勾引接濟。尤不足信。顯係該漁戶勾引接濟。從中圖利。要緊在此。必應究實。閩省向來不准外夷貿易。該夷船雖由遭風漂泊。豈可令其就地銷售貨物。並送給夷書。難保無生心覬覦之事。著程祖洛到閩後。悉心查訪。務得確情。

實錄卷三十三

二

如實有內地奸民勾引接濟。貪圖獲利。即行嚴加懲辦。嗣後毋許該夷船在洋停泊。必須驅逐淨盡。並嚴禁內地奸民圖利交接。務令弊絕風清。以靖洋面。應如何明定章程之處。即著妥議一併具奏。將此諭令知之。○丁丑。

上詣

大高殿行禮。

時應宮拈香。○還宮。○貨江蘇淮安衛被水屯丁籽種。○以祈雨。

社稷壇。自是日始齋戒三日。○戊寅。諭軍機大臣等。本日據禧恩。瑚松額。並盧坤具奏。根究首逆趙金隴。殲斃情節。及拏獲逆屬各摺。披閱所奏。大略相同。此次焚勦羊泉。該逆確否殲斃一節。最為緊要關鍵。既據研訊。生擒各犯。及羅思舉面稱各情形。其為該逆實係殲斃。似尚可信。惟此中必須根求確實。憑據如所稱羅思舉交出騎馬木菩薩像一具。係四月初九日兵丁熊生發。鄭昌榮。在羊泉街殺

實錄卷三十三

三

一。搖匪時繳獲。並候補同知李銘紳呈出羊泉街屋內。獲有木印一顆。帶鈴劍刀一口。經逆子趙幅金等比認。確係伊父隨身攜帶之物。定為該逆。於初九日在羊泉街內砍傷致斃。而趙幅金等亦供。初九日見伊父被兵丁拏住砍倒。究竟該兵丁熊生發等當時所殺。搖匪身穿何樣衣服。是否青緞圍花長衣。及圍補袍服。繡有字樣。其年紀若干。有鬚無鬚。是何面貌。定必詳認。尚能記憶。著即向該兵

丁等訊問明確。並提逆子趙幅金等訊明。伊父被砍時所穿何衣。及年紀面貌。若一一脗合。則該逆殲斃始無疑義。至盧坤奏稱。已將逆子趙幅金。趙幅銀。趙老三。趙滿仔。逆女趙三妹。逆媳黃氏。逆弟趙金旺。李德明。即李幅明。鄧廷興。共九名口。委員解京。而禧恩等摺內。稱尚有趙文鳳之妻趙盤氏。及弟趙文彪。係從逆應行緣坐之犯。應否一併解京。著即奏明辦理。此外有無逆屬竄出。務即詳細訪拏。毋致稍留餘孽。再此次該逆滋事。雖訊無激變起釐別情。惟該逆先殺會匪及書差男婦多人。可見平時受奸民欺侮。蠢役嚇逼。結怨已深。不能因該逆業經謀反。概置不問。著盧坤即將失察之該管地方文武員弁。查取職名。奏明交部分別議處。其有徭各廳縣。如實有擾累確情。即著指名嚴參。其各屬有無會匪。著該督撫督屬訪拏懲辦。毋任諱飾。至一切善後事宜。並軍需應付各條款。著禧恩

實錄卷二百三

四

等即會同妥商辦理。據實具奏。又另片奏。五月初間。有粵徭數起。約共數百人。竄至藍山江華二縣之爛泥坳醜沖地方。經署藍山縣孔憲典。拏獲趙文榮等二名。訊係避難徭民。又據總兵曾勝稟稱。內有攜帶槍械之人。恐係匪徭等語。著禧恩等詳細查訊。如實係避難徭民。即飭酌給口糧。遞回廣東本籍安插。若係逃竄徭匪。即迅速妥辦。毋令漏網。現在廣東徭匪滋事。既須厚集兵力。分路進剿。著派曾勝帶領官兵二千名。飛速前往。聽候李鴻賓調遣。至楚粵交界各要隘。並著嚴飭余步雲加意防堵。勿令粵徭竄入。再另片奏。降調總兵鮑友智。前於逆徭滋事之始。一經聞信。即往撲剿。我兵得以誘至山外合力圍攻。未始非該員早破賊巢之力。且隨營效力。殺獲亦有微勞等語。著禧恩等再行察看。應如何獎勵。酌量具奏。將此由四百里各諭令知之。○吏部議駁。駐藏辦事大臣興科等奏。駐

實錄卷二百三

五

藏辦事兵書。援例改設吏書。並請照新疆各	城之例。議敘等語。查定例。正額書吏。不容擅	自增益。駐藏大臣衙門辦理文案。向由營兵	挑選承辦。今請改設書吏四名。不特與例未	符。且恐轉滋弊端。該大臣又以兵書吏。請照	新疆書吏免考之例。留辦年滿。歸即用班銓	選。誠恐該營兵。覲觀優敘。紛紛習辦文案。轉	致弓馬荒疏。所請應毋庸議。從之。○己卯。新	授河東河道總督吳邦慶奏。東河險工。俟抵	任後。履勘具奏。得旨。但係應辦之工。務須親	身查勘。驗收。慎勿憚勞。庶可得一實字。勉之	又。勉。○庚辰。	上步詣	社稷壇祈雨。	御製祝文曰。	龍渚親祈。未承	賜祐。	神壇步禱。罔獲
---------------------	-----------------------	---------------------	---------------------	----------------------	---------------------	-----------------------	-----------------------	---------------------	-----------------------	-----------------------	----------	-----	--------	--------	---------	-----	---------

垂慈時已過。乎夏至。倍切焦憂。麥無望於秋	成。彌廬耕作。仰油然之勢。乍合長空。惕颺起	之威。欲終一月。皆由臣誠敬。不能上通。修治	未臻至善。頃雖霖霖微霑。未蒙浹洽。仍籲滂	沱大沛。溥荷瀰漫。懷旰宵而莫知。所措重祈	禱而再罄斯誠。	右壇步叩。速昭龍潤之祥。	蒼昊虔祈。早占月離之叶。曰。蒙曰。懽。畏	上天之威。無時敢釋。如悛如楚。憫下民之困。有	感能通。敬祈	恩施霽霽。	惠洽京畿。洗焦枯而既霑。既足。助長養而宜穀	宜人。兢業摠誠。恐憂待	命。○幸圓明園。○命頭等侍衛貴成。仍在乾清	門行走。○辛巳。	上詣綺春園問	皇太后安。○諭內閣。玉麟奏。遵旨審擬印房主	事列款稟。許一摺。前據烏魯木齊都統成格。
----------------------	-----------------------	-----------------------	----------------------	----------------------	---------	--------------	----------------------	------------------------	--------	-------	-----------------------	-------------	-----------------------	----------	--------	-----------------------	----------------------

奏印房主事郭勒明阿心存忿懟。列款挾制。當降旨撤任。交王麟親提嚴訊。茲據奏所稟各款。訊屬全虛。雖據訪查該員平日尚無劣跡。一經查訊。即知悔罪。惟以隨同辦事之員。輒敢列款砌詞。希圖挾制。此風斷不可長。郭勒明阿著即革職。交該旗嚴加管束。○諭軍機大臣等。京師入夏以來。甚形亢旱。現在節過夏至。望澤彌殷。月前兩次設壇並親禱三壇。小雨廉纖。未慰農望。昨經躬祀。

宣宗實錄卷二二三

八

社稷壇虔誠步禱。風威雖斂。尚未渥沛甘霖。朕甚懼焉。因思致旱之由。必有所自。本年辦理王法中。吉三白。尹老須。孟老藏等案。節經各該省緝拏犯證。委員差役紛紛四出。擾及閭閻。亦難保其必無百姓皆吾赤子。若一身習教。累及一家。一家習教。累及一鄉。即此恐已上干

天和。朕夙夜兢兢。遇災而懼。思除莠本以安良。若莠未必除。良善轉因之擾累。朕心非特有

所不忍。實有所不敢。現在渠魁已明正典刑。嗣後除實在逆情已露有確實憑據。為國法所不宥。仍行嚴辦外。其前次令該督撫查拏案內餘犯著琦善。陶澍。訥爾經額。楊國楨。林則徐。鄧廷楨。善體朕意。妥為辦理。無枉無縱。此等無知愚民。本應平日化導。俾父詔其子。兄勉其弟。薰其德而善良。及觸罹法網。始行懲治。已非朕移風易俗之本懷。若復概行波及。拖累株連。試問於心安乎。早既太甚。蒿目

宣宗實錄卷二二三

九

時艱。有可以上格

天心者。朕必見之施行。以冀和甘速沛。轉歉為豐。該督撫等務副朕敬

天恤民之至意。將此由四百里各諭令知之。○軍機大臣會同刑部奏。審擬李紅德引進李吳氏入教一案。得旨。此案李紅德聽從韓興習教。復引進李吳氏入教。經李吳氏拜為引師。據軍機大臣等會同刑部。審將李紅德李吳氏均照邪教為從例。發回城為奴。聲明不

准減等。惟念李吳氏係李紅德之妻。與實在傳徒有間。現在清理庶獄期內。李紅德李吳氏均著加恩。改為杖一百。徒三年。李吳氏照律收贖。○又奏。習教從犯。屢訊堅不承認。先將首犯定擬。得旨。張景山著照例發邊遠充軍。不准援減。即交兵部定地發配。折責安置。遇赦不赦。其蕭呈王。惻隱二名。據供並無入教及不法情事。張景山又不能確切指證。均著加恩。即行省釋。毋庸交順天府查辦。○壬

宣統二年三月

十

午。諭內閣。京師入夏以來。甚形亢旱。節過夏至。風日炎燥。深切憂勞。月前兩次設壇。並親

禱

三壇。小雨廉纖。未蒙優渥。昨經躬祀

社稷壇。虔誠步禱。風威雖斂。仍未渥沛甘霖。朕甚懼焉。因思致旱之由。必有所自。應

天以實不以文。恐懼修省。在平時即當夙夜維寅。以召和甘而消稔沴。至遇災而懼。已屬補救於臨時。況敢以規為瑱乎。朕一日萬幾。兢

兢業業。不敢自信一無闕失。今者恆賜示儆。惟應省愆。修政以期仰格

天心。本日閱給事中劉光三摺。所奏亦為弭災起見。著在京各衙門。例准奏事人員。於恆賜之由。請雨之事。國計民生之大。用人行政之宜。據誠直言。各抒所見。有可以上感

天和者。朕必見之施行。以冀和甘速沛。轉歉為豐。惟不得撫拾浮詞。空談塞責。布告在廷。咸喻朕意。○又諭。自古帝王覺世牖民。修道立

宣統二年三月

十

教。祇此君臣父子之經。禮義廉恥之訓。朝廷以是為修明。師儒即以是為講習。無二教也。自邪說誣民。公然創立教名。私相授受。其始不過一二莠民。潛滋煽誘。愚民惑於禍福。輾轉傳習。流毒無窮。如王法中旗門即佛門。尹老須昇單書丁諸說。不值一喙。而愚民無知。被其蠱惑。遂至出錢入教者。以千百計。蔓延三省。若使地方官留心查拏。立時懲辦。淨盡本屬易事。乃漫無覺察。形同木偶。聽其煽惑。

數十年。一經破案。則同罹法網。貽害多人。求福轉以速禍。深堪憫惻。地方官平日所司何事。不亦有覲面目乎。朕勤恤民隱。思日孜孜。總其成於上。而分其任於督撫。督撫亦總其成。而分其責於州縣。知縣能知一縣之事。知州能知一州之事。訪有敗類。芟夷蕝崇。絕其本根。勿使能殖。莠何由生。朕亦得收身使臂。臂使指之效。似此痿痺不仁。相沿積習。尚復成何事體。近閱給事中劉光三。御史琦璫各

實錄卷二二三

三

摺。所奏均不為無見。嗣後著各直省督撫。務須體朕察吏安民之意。剴切出示。徧諭愚民。俾知迪吉逆凶。各安耕鑿。毋再妄言禍福。結會傳徒。致干罪戾。至真空家鄉。無生父母。數語。從前林清黨羽。坐此誅夷殆盡。今尹老須亦因此罹極刑。其子其徒。均不能邀寬典。語不吉祥。莫此為甚。愚民何苦學習。速行改悔。勿至噬臍。地方官僅能於習教等案。自行查出懲辦。即著寬免處分。如不能隨時認真查

辦。別經發覺。即嚴叅從重懲處。各該督撫。遇有不肖州縣。破除情面。勿稍瞻徇。地方查拏。會匪盜賊等事。訪有端倪。即認真辦理。斷不可回護。平日失察之咎。設法消弭。務令經正民興。邪說不作。潛移默化。同享太平之福。朕實有厚望焉。經此次訓誡之後。若仍前玩泄。致令養癰貽患。抑或拖累無辜。擾害閭閻。一經科道叅劾。或朕別有訪聞。則惟該督撫是問。恐不能當此重咎也。將此通諭中外知之。

實錄卷二二三

三

○又諭壁昌奏戴頂翎布魯特缺出。請將伊子承襲原品頂翎等語。布魯特四品頂翎庫曲克。五品頂翎巴依木拉特。均有軍務勞績。庫曲克之子邁瑪舒庫爾。著准其承襲四品頂翎。巴依木拉特之子阿斯瑪圖拉。著准其承襲五品頂翎。○又諭壁昌等奏。從前喀什噶爾阿奇木伯克。除每年應得養廉普爾錢外。尚恩賞普爾錢十串等語。著照所請。喀什噶爾阿奇木伯克。作霍爾敦。於每年應得養

廉外。加恩仍照舊例賞給普爾錢十串。以資辦公。○諭軍機大臣等。本日據富呢揚阿奏。英咭喇國夷船。由閩至浙。飄至鎮海。欲赴寧波海關銷貨。當飭該管道府。明白曉諭。不准該夷船通商。咨會提鎮督令分巡各弁兵前往驅逐。該夷船掛帆開行。放洋而去。又飛咨江南。山東。直隸督撫。飭屬巡防。毋令闖入。並將未能先事豫防之備。弁等奏請交部議處等語。英咭喇夷船。向不准其赴閩浙貿易。今

值南風司令。竟敢乘便飄入內洋。希圖獲利。自不可稍任更張。致違定例。雖經該省驅逐出境。難保其不此逐彼竄。著琦善。陶澍。訥爾經額。林則徐。嚴飭所屬巡防將弁。認真稽查。儻該夷船闖入內洋。立即驅逐出境。斷不可任其就地銷貨。並嚴禁內地奸民。及不肖將弁等。圖利交接。務使弊絕風清。以肅洋政。將此各諭令知之。○甘肅涼州鎮總兵官周悅勝。謝授缺恩。得旨。訓練操防。關繫甚重。務宜

加倍認真。不可稍有懈怠。○給塔爾巴哈台新設換防滿兵駝價銀。○撫卹朝鮮國遭風難夷如例。○癸未。

上御勤政殿聽政。○戶部左侍郎兼管順天府府尹事申啓賢等奏。酌擬保甲條款。一。清戶口。以便稽查也。凡編門牌。無論城鄉遠近。戶定以三。曰居戶。鋪戶。廟戶。口定以四。曰男大口。男小口。女大口。女小口。凡男大口一名。皆開載住址籍貫本業。並某人之子孫弟姪。女

大口。則開明姓氏年歲。係某人之妻母嫂妹。男小口。女小口。均開明名字年歲。係某人之子女弟妹。末併載明東西鄰某。其有生育嫁娶病故。責令本戶隨時告知甲長。甲長告知鄉地。鄉地按月報明本管官。註冊查覈。船戶居岸者。彙入戶內。以船為家者。即於該船黏貼門牌。一體稽查。一。嚴比伍。以覈奸隱也。城廂分四街為四保。四保為四伍。在鄉村者。村自為保。均令十家為甲。每月輪流作為甲長。

其有傳習邪教。窩賊窩倡。私鑄錢文。私藏軍器等項。知而不舉。一犯到官。將同甲之人。甲長鄉地。一律責懲。同保同甲。首告得實。即予優獎。至各處破廟荒墳。以及畸零單戶。最易藏奸。於編查保甲時。另冊存記。該州縣不時查察。如有窩藏奸宄。從重懲辦。○散冊簿。以免滋擾也。順天府屬州縣。該牧令勢不能親身挨戶編查。書役不免紛擾鄉地。亦不免需索。莫若每村造空白冊簿。該牧令延訪各村誠實紳富。散給冊簿。令其挨戶填寫名口。各紳富同村居住。知之素悉。覈察亦易。城廂亦延紳富書之。該牧令抽查無訛。即可繕寫門牌。○省繁文。以杜需索也。州縣設立門牌。上司必須查覈。若由州縣申四路同知。同知申霸昌道。道申順天府尹。每處造冊一分。筆墨既繁。經費亦大。勢必書吏開需索之門。莫若令州縣造冊一分。逐層申解。鈐蓋印信。其冊發還。仍存州縣署內。若有查覈之時。

不難立即弔取。祇此一分。費用無多。即由該州縣捐廉編造。僅有藉名派費。訪出叅辦。得旨。朕詳加披閱。各條均屬周妥。第行法惟視乎人。為政貴持以久。嗣後應嚴飭該地方官認真稽查。實力奉行。毋得日久生懈。視為具文。仍致有名無實也。○以經徵引課出力。予長蘆鹽運使陳崇禮議敘。○旌表守正捐軀陝西郃陽縣民胡牛兒妻劉氏。○甲申。諭內閣。朕昨日御門辦事。禮部尚書汪守和。趙跪。越次隨即退歸本班。所有自請交議之處。著加恩寬免。○又諭。本年近京一帶。麥收歉薄。糧價增昂。現在節交小暑。尚未得沛甘霖。朕廑念農田。焦勞宵旰。連日披閱通政司參議陳鴻御史姚慶元所奏各摺。內有請豫籌賑糶一條。食為民天。自應思患豫防。以免臨時支絀。著直隸總督順天府府尹。豫查倉儲實貯確數。並留心訪察何處可以採買。何項可以動支。詳加籌畫。以備將來賑糶之需。俟甘

澍優霑。秋成可期。豐稔再行停止。○又諭。御史袁元俊奏。雨澤愆期。請飭各督撫整飭吏治。民風一摺。國家設立百官。分司庶職。大法小廉。上行下效。理有固然。在外各地方官之賢否。政治之得失。全在督撫大吏。各矢公忠。隨時認真查辦。方足以資整頓。若如該御史所奏。湖南逆瑤趙金隴滋事。製辦器械。鑄造槍礮。地方官毫無覺察。皆平日苟且因循。養癰貽患。又如直隸尹老須等習教傳徒之案。

書奏各官等

煽惑三省。勾結數千人。地方官未能究出實情。安速完結。廣東惠州。廉州等府。會匪煽布。並有包攬鴉片煙行戶。坐收其利。肆行無忌。江西南安。贛州二府。查辦會匪。未能淨盡。轉將並未入會搶劫之平民。偶犯罪愆。加重問擬。以圖塞責。福建漳州。泉州等府。械鬪各案。不能實力緝兇。益長兇悍。更如順天府將步軍統領等衙門交審案件。轉批所屬數月不為親提訊結。至於江南宿遷。山東茌平。東阿。

河南安陽。湯陰等縣。屢有搶劫之案。未將失察地方官參辦。雲南貴州四川等省。罌粟遍地。賊匪結黨擾害。該督撫均不實力查禁。凡此地方之不能整飭。實由吏治之相習因循。暗為彌縫。巧為掩飾。著各該督撫激發天良。盡心乃職。毋以一己好惡之私。徇情舉劾。總之州縣之賢否。必驗之輿情。道府之賢否。即驗之屬吏。庶幾大小相維。彰瘝悉歸。至當。民隱上達。化澤下究。朕有厚望焉。將此通諭知

書奏各官等

之。○又諭。前據昇寅奏。考試教習士子抗不聽點。請整飭場規。並請每屆順天鄉試。於貢班薦卷中。挑取數十名。會試後。於舉人薦卷中。挑取數十名。當交禮部覈議具奏。茲禮部查明鄉會試薦卷中。挑取教習。格礙難行。著仍照例辦理。惟士子等不肯按名聽點。總由槍代人等希冀朦混。嗣後入場之期。著步軍統領衙門。於點名處添派派員役彈壓。其有抗不聽點者。即行嚴拏懲辦。士子領卷後。即令

認明生號。各自歸號。毋許稍有紊亂。封門後。監試御史逐號查察。如有亂號之人。照例究治。以肅場規。○諭軍機大臣等。據御史邵甲名奏。請飭理。徭同知赴任。以專責成。一摺。湖南永州府為民徭雜處之區。額設理徭同知。分駐江華。稽查彈壓。在在均關緊要。茲據該御史奏稱。自嘉慶十九年以後。理徭同知一缺。輟轉委署。署任各員。於徭地情形。尚未周悉。安能望其認真查察。整頓地方。本年逆徭滋事。即在該處。經大兵殲剿。迅就肅清。控馭撫綏。所責尤鉅。若如該御史所奏。本任同知非奉差遠出。即留省辦公。鮮有蒞任者。國家設官分職之謂何。其可不顧名思義耶。著盧坤等查明理徭同知現係何人。是否未經蒞官。即嚴飭速赴本任。以專責成。嗣後斷不准藉詞延不赴任。或兼攝代理。致相推諉。儻仍蹈曠官積習。經科道奏聞。或別經發覺。不但將該員重處示懲。該督撫亦不能當此重咎。

也將此各諭令知之。○以因病告替奉恩將軍嘉瑞子繼信。故奉恩將軍綿岐孫載岱。各襲職。○以故二等輔國將軍綿命子三等奉國將軍奕峻。降襲奉恩將軍。○裁直隸天津府海防同知。宣化府同知。廣平府通判。大名府通判。河間府泊河通判。新安縣知縣。管河縣丞。典史。教諭。訓導。霸州。清河。管河州判。晉州州判。武清縣要兒渡管河縣丞。雄縣管河縣丞。高陽縣管河縣丞。武清縣東陽村管河主簿。任邱縣管河主簿。正定縣兼河主簿。故城縣鄭家口巡檢。行唐縣兩嶺口巡檢。交河縣新橋巡檢。延慶州永寧巡檢。保安州訓導各缺。從總督琦善請也。○乙酉。諭內閣。給事中周貽徵奏。請飭查外官徇蔽不職。以飭吏治。一摺。據稱外省積弊。上下通同一氣。無論尋常事件。顛倒是非。即欽交案件。亦任意拖延。通融消化。地方以幸免為常。上官以無事為福。甚或上司被屬員挾制。瞻徇回護。莫可

如何更有現任上司屬員拜認師生凡事略分言情無所顧忌遇有贓款敗露及審辦錯謬倉庫虧空等事不但加叅劾贓款則假詞代為捏飾案件則供詳聽其抽換虧空則飭屬均為攤補等語官官相護為外省向來綱習朕隨時誥誡奚啻至再至三如該給事中所奏竟有督撫屬員通同掩飾拜認師生夤緣結納等事蒙蔽不公最為吏治之害在京大員及科道各官均有言事之責其有訪知各省大小官員內似此不能恪恭厥職不容清議確有指據者著即據實直陳毋稍容隱並著各直省督撫於所屬官員凡有貪酷不法玩泄不振及衰老疾病等項迅速秉公查覈奏聞儻有應辦不辦之案應叅不叅之員將來別經發覺必將此時未經甄覈之上司嚴行懲處不貸將此通諭知之○又諭御史者網奏請飭查降革人員懇予恩施免致廢棄一摺用人為行政之要朕綜覈庶政一

本大公凡文武大小官員其有咎屬因公或失察累議覈其情節較輕量從末減原未嘗因一眚擯棄終身惟寬宥之典思出自上豈容臣下建言售其沽名市恩之計近因京師亢旱降旨求言苟有裨於國計民生用人行政朕必立見施行惟不得撫拾浮詞空談塞責所降諭旨甚明茲據該御史奏稱近年以來獲咎降革各員雖經肆赦未能普沾恩澤請飭交吏兵二部查辦冀施法外之仁試思遇災修省當如何憂勤惕厲求所以默感天和凡清理庶獄整飭吏治籌備民食諸大端或特旨飭辦或因奏允行若該御史所奏因亢旱而加恩廢員從來弭災之術有如是之曲徇人情者乎求得此等之言何益政事何能感召身列言官不能直陳利弊仰副朕意一味徇私乞恩意存見好於人以為為據誠應詔令人慨歎而已該御史所奏實屬紕繆不可行○又諭御史梁萼涵奏海濱搶船惡

習請旨嚴行飭禁一摺。山東榮成縣。切近海濱。東南北三面。均有海口數處。江浙閩廣等省商船。貿易來往。偶遇大風。商船在洋內毀壞。商人全行淹沒。一切雜貨。隨浪漂至海邊。此係無主之物。近海居民。爭相檢取。例所不禁。惟有船已近岸。忽遭大風。吹至淺灘者。俗謂之搶灘船。此等船隻。雖不能毫無損傷。而商人俱在貨物俱全。乃近海居民。一聞有搶灘之船。遂蜂擁而來。將船隻硬行劈破。一切

貨物銀錢船板等件。霎時搶盡。此種惡習。斷不可長。著山東巡撫嚴飭地方官出示曉諭。如有仍前貪利故違者。嚴拏重懲。並恭錄諭旨懸示海濱。俾無知愚民。咸知懍遵。庶遠商不致受累。而民風可期挽回。再地方偶遇荒歲。本地棍徒。往往糾眾向殷實之家借貸穀糧。不允所請。則肆意搶奪。亦不可不防其漸。著一併飭禁。以挽澆風。○又諭鄧廷楨奏。釋回習教案內遣犯。延不歸籍。請分別查辦。一

摺。所奏甚是。邪教煽惑愚民。最為世道人心之害。前回城各遣犯。經該將軍等奏請。念其稍效微勞。准令免罪釋回。其邪教案內人犯。亦在奏准之列。實冀該犯等。漸除舊惡。勉為良民。如果感激恩施。痛改前非。業經該將軍等。給與路照。自必心戀故土。趕緊回籍。茲據該撫查明。安徽省釋回遣犯十餘名。僅張臣柱等三名到籍。其餘各犯。迄今並無蹤跡。難保其不潛匿異地。故智復萌。儻鄉愚一經誘惑。是該犯等。甫邀法外之恩。轉使多人陷於法中。為害甚鉅。安徽一省如此。他省亦恐不免。除釋回各犯內。其尚知畏法。已經回籍者。各督撫嚴飭該管地方官。隨時稽察。嚴加管束。其延未歸籍。或仍在配所。或匿在中途。不可不分別查辦。著陝甘總督。並直省各督撫。確切查明。釋回各省邪教案內遣犯。如已得有路照。在中途逗留。即係自外生成。不思悛改之徒。一經查獲。即由拏獲地方。仍照原犯

罪名發遣不准釋回。以杜滋蔓而靖地方。○又諭鄧廷楨覆奏。查明安徽省江面沙洲。無礙水道一摺。前據給事中邵正笏奏。近年長江一帶。沙洲日增。多被居民占墾。以致阻遏水道。請飭各督撫於瀕臨江湖地方。委員詳細履勘。當降旨令江蘇。安徽。江西。湖廣。各督撫認真妥辦。酌議具奏。茲據鄧廷楨奏。勘明皖省所轄江面。均極寬廣。沿江洲地。尚無壅遏之虞。所有大文冊載老洲。久經報部升科。

新漲洲地。亦俱升科入冊。並無私築土塘石壩。及豪強占墾。為害地方情事。該省情形如此。自毋庸議及剷除。以杜紛擾。惟是江灘壩漲靡常。此後難保無豪強沙棍。占壑霸種。以致阻礙水道。該撫當督飭所屬隨時稽察。責成地方官認真查禁。有犯必懲。如查有囤占壅遏情弊。惟地方官是問。據實奏辦。毋稍徇隱。○諭軍機大臣等。有人奏山西巡撫不能振作。吏治廢弛。請飭查辦一摺。巡撫庸一

省重任。必應公正無私。為官民表率。即地方事務。因時制宜。原有通變章程。總不容偏執已見。若如所奏山西巡撫阿勒清阿。性情疲輒。任事茫無主意。本年正月。該撫奏泰陽曲縣知縣李聯蒙。家人招搖撞騙一案。係該縣藉案勒索。事敗退贓。乃該撫飾稱係捐修城樓。已經批駁之銀。裝點入奏。半年尚未辨結。緣該縣與該撫拜認師生。恃有倚仗。肆意貪墨。該撫既濫保在前。意存諱飾。故於奏參之

後。又欲為之開脫。遲回遷就。輒逾數月。又如陽曲縣農民趙進義等。控告錢糧聚眾數百人。在撫署放礮擲鐵。毆擊該撫。並不究辦。小事缺不服。咆哮撫堂。擊鼓該撫。並不究辦。小事則反復推駁。拖累稽延。重案則一味姑容。概從寬縱。其辦理蒲灘鹽地。聽信商人恣憑妄事。更張上年查辦時。委員帶領民夫數百人。前往永濟南北二灘平畦騷擾。幾釀巨案等語。著長齡於路過山西時。將李聯蒙一案。查

訊明確。是否該撫有意存諱飾等情。並農氏趙進義。把總劉正。有無在撫署逞刁之事。查明據實具奏。至蒲灘鹽地。既經該撫議令地畝散給經費。曾降旨准行。長齡路經該處。並著查明該地可否開墾。私曬能否杜絕。詳晰妥議奏明辦理。所有長齡前經帶至軍營各員。人數眾多。除酌留數員帶赴山西省城審案外。其餘各員。即飭令先行回京。所有原叅山西吏治廢弛一摺。著鈔給閱看。將此由四百里諭令知之。○丙戌。諭內閣。申啓賢等奏。豫籌捕蝗一摺。本年京師亢旱。畿輔一帶近水地方。葦植叢生。易滋蝗蝻。必應豫為撲除。以淨萌孽。茲據申啓賢等奏。飭查寧河縣文安縣等處。間有蝻孽蠕動。雖為數無多。立時撲捕淨盡。該二縣既有蝻孽萌動。順天府屬各州縣。及直隸天津河間等府。近水地方。恐亦在所不免。著順天府府尹。暨直隸總督。嚴飭所屬地方官。履勘撿查。並設廠收買蝻種。

其未經出土者。尤當撿捕淨絕。消患未萌。僅有撲捕不力之員。責成該管道廳。揭報嚴叅。不准稍存回護。○又諭。嗣後貢院考試文鄉會試。及繙譯鄉會試。著都察院衙門。奏派滿漢堂官各一員。專司稽查。考試教習拔貢。及其餘考試。俱著奏派堂官一員。○諭軍機大臣等。據梁章鉅奏。喚咭喇國夷人。乘坐大船一隻。夾板小船一隻。約共百餘人。由浙省鎮海乘風駛至江省大洋邊境。二十日停泊江南羊山洋面。現經該護撫派委太湖協副將鮑起豹。候補知府程銓。馳赴海口。協同該鎮道驅逐。不任逗留。並督飭該管營縣於各出口處。嚴密稽查。毋使偷漏交接。其疏防各營縣員弁。另行叅辦等語。所辦甚好。喚咭喇夷船。向不准其赴江浙等省貿易。今值南風司令。飄入內洋。希圖獲利。前經閩浙兩省驅逐出境。茲又突入江南洋面。情殊可惡。斷不容任其片刻停泊。稍滋事端。著林則徐嚴飭

所屬營弁嚴密巡防。認真稽察。如有夷船進泊。立即驅逐出境。並責成地方官一體嚴查。出示曉諭沿海居民。毋許與之交接。如有內地奸民。及不肖將弁。冀圖獲利。私與勾結。即嚴行懲辦。將此諭令知之。○都察院奏。據安徽靈璧縣民人馬道生。以圖占弟妻串殺斃命。具控得旨。此案著交鄧廷楨親提人證卷宗。秉公嚴訊。按律定擬具奏。原告民人馬道生。著該部照例解往備質。各州縣審斷不公。

致令屬民上控。全在該管上司親提審斷。庶不致有冤抑。前經通諭各省督撫。京控奏咨各案。原告在京結稱。曾赴本省上司衙門控告幾次者。查明如未親提。即將違例之員嚴行叅處。今馬道生來京呈控命案。結稱三次呈控知府衙門。並未親提審訊。如果屬實。玩視命案已極。著該撫確切查明。如該民人實係控府三次均未親提。即將該府據實嚴叅。毋稍瞻徇。嗣後各省上控之案。該管上司不

行親提。仍蹈玩泄故習。一經發覺。必將違例之員。交部嚴加議處。決不寬貸。尋奏。已故鳳陽府知府汪霽。於馬道生初次具控。係批縣訊詳。迨二次呈催。業經批准親提。因人證未齊。是以未經審訊。茲訊得馬道生總麻服弟馬大祿。因姦毆傷胞弟馬二祿身死。查姦婦吳氏。係馬二祿誘拐丐女。捏稱夫婦。馬大祿依律擬杖流下部議。從之。○丁亥。

上詣

黑龍潭祈雨。○遣惠郡王綿愉。詣密雲縣白龍潭祈雨。○諭內閣。近因天時亢旱。朕修省祈禱。宵旰弗遑。疊降諭旨。清理庶獄。本日閱鴻臚寺卿多恆所奏。據稱致旱之由。滯獄為甚。儻有沈寃莫釋。必當立為昭雪。默感天和。著刑部及在京問刑各衙門。將已未結各案。就其中情節可矜者。悉心推求。即予平反。毋令淹滯。至外省大小控案。竟有經時累月。輾轉延宕。甚至如上年直隸深州民人田蘭

馨京控一案。閱三十年之久。始行訊明。奏結。他省似此者。亦所不免。不獨案犯久繫囹圄。多至瘁斃。且難保無含冤負屈。及拖累無辜情事。覆盆莫雪。深可矜憫。著各督撫嚴飭司道府州縣。將現在刑獄。逐一清釐。有積案久經未結者。勒限審詳。有一案牽涉多人者。速為開釋。果能平反冤獄。承審各官。遇有應得處分。亦必量予寬免。儻奉行不力。即查叅示懲。毋稍徇隱。○又諭京師入夏以來。雨澤稀

少。朕親撰祝文。先後躬詣

三壇。

社稷壇。虔誠步禱。尚未渥沛甘霖。節過小暑。農田待澤尤殷。朕心益深焦灼。宜再申虔禱。用迓和甘。著禮部即速查議具奏。尋奏查向例孟夏後。早則祈

天神

地祇

太歲壇。次祈於

社稷壇。次祈於

太廟。皆七日一祈。不雨。或小雨不足。還從各

壇祈禱如初。旱甚。乃

大雩祀

皇天上帝於

圓丘。恭照

大雩典禮。係特旨舉行。非臣部所敢奏請。臣等

敬謹公同酌議。請

皇上告祭

方澤。虔申祈禱。從之。○又諭直省道府廳州縣人員。平日立品居心。官聲輿論。該督撫見聞所及。隨時察看。自必知之最悉。著各於所屬道府廳州縣中。有實在潔己愛民。誠心辦公。眾口交稱者。由該督撫出具切實考語。秉公具摺保奏數員。候朕簡用。該督撫務當各矢公忠。據實保舉。勿許稍有瞻徇冒濫。用副朕求賢佐治之至意。○諭軍機大臣等。本日據盧坤等奏。請將勦平逆。奮勇出力之將弁

兵勇及在事文武各員弁開單懇恩分別鼓勵一摺。朕詳披單內人數未免過多。亦覺過優。必應量為覈實。且據該督等奏稱將各該員酌擬等差。並註明事實。業經面商禧恩。瑚松額。意見相同。何以此奏未列銜名。是否禧恩。瑚松額。另有意見。著禧恩等將單內各員詳加覈定。據實具奏。至此次沿途承辦軍火糧餉。兵差過境之各州縣彈壓應付。經理無誤。並著詳查奏明。分別鼓勵。又盧坤等前奏

實錄卷一百三十三

四

婦蕩逆後。所有難民。已經地方官妥為撫卹。遷移逃避者。亦逐漸歸來。離羊泉一二里外之田。積水充盈。秧苗茂盛。即緊靠羊泉者。亦各補插將完。秋收可期。豐稔等語。該地方情形。是否如此。照常安堵。著一併查明具奏。外。將盧坤等奏單二件。鈔給閱看。將此由四百里附報諭令知之。○以軍營出力。予湖南參將薩勒哈善等。超擢有差。○戊子。上詣綺春園問。

皇太后安。○諭內閣。前因御史韓大信奏。運河淤淺。請將後到漕糧。酌卸北倉。當交倉場侍郎察看辦理。茲據那丹珠等查奏。現在漕運情形。尚可無庸議截。北倉等語。該侍郎等仍當隨時體察。如將來必須截卸北倉。著即知會直隸總督派員查明。或有應行補葺之處。迅速妥辦。以重漕運。○又諭陳嵩慶奏。請將直隸承審尹老須一案各員。從嚴懲辦。一摺。尹老須係上年河南山東查獲逆帖指稱謀

實錄卷一百三十三

四

反之犯。若使上年交查時。早經訊出實情。從此根究。即可完結。乃直隸地方官。僅憑一面之詞。省釋。並取具安分良民甘結。是該管各官失察之咎。尚輕。承審不實之咎。更重。前據御史裘元俊。徐培深。均經叅奏。琦善並未具摺引咎請罪。所奏甚是。朕意。俟該督奏到時。再降諭旨。迄今未據奏聞。殊屬延玩。著琦善即將應議各員。查明迅速具奏。尋奏上。得旨。前降旨。令琦善即將承審尹老須一案。應議

各員迅速具奏。茲據奏歷任失察此案之地
方官。及查辦不實各員。均有處分。因拘泥一
併查叅。以致遲延。又未將督審不實。先行具
摺請罪。悚懼愧悔。自請從重治罪。並查明專
委查辦不實。及承審轉審各員。一併附叅。琦
善。李德立。張學詩。辛文泚。徐寅第。俱著交大
學士軍機大臣會同吏部刑部各堂官。從重
議罪。其失察此案。歷任各地方官。應議職名。
著該督趕緊查明彙冊送部覈議。○以戶部
右侍郎李宗昉。為浙江鄉試正考官。陝西道
御史韓大信。為副考官。國子監祭酒羅家彥。
為江西鄉試正考官。吏部員外郎許球。為副
考官。翰林院編修賈克慎。為湖北鄉試正考
官。京畿道御史卞士雲。為副考官。○己丑
上詣綺春園問
皇太后安。○諭內閣京師入夏以來。甚形亢旱。
現在節過小暑。迫不可待。風日炎燥。深切憂
勞。前經親禱

三壇復躬祀

社稷壇虔誠步禱。小雨廉纖。未蒙優渥。朕敬

天之威。軫軫民之依。中心如焚。倍形焦灼。特親撰

祝文。擇於本月十八日。敬舉告祭

方澤典禮。虔申步禱。十五日先期進宮。撤膳虔

齋。思過待

命。以期

皇祇眷佑。立沛甘霖。庶回百穀之生。而蘇萬民

之命。所有應行典禮。各該衙門即照例敬謹

豫備。其齋戒閱視祝版告祭服色。均照步禱

社稷壇禮行。應否設立

配位之處。著軍機大臣會同禮部堂官速議具

奏。尋奏。伏查告祭

方澤典禮。例無明文。應請做照

大雩典禮。不設

列祖配位。所有樂章。照

方澤大祀。惟減去進俎樂一成。其餘典禮。均請

照

大雩禮行。從之。○減宗室覺羅保昆魁呢賀秀
斌。穆騰額。恩榮。春明。黃二。即慶順。多慶。玉香。
福崇。祥安。希清。吉黃。六。即玉桂。額哲本。桂倫。
富隆阿。尚敦。常山。哈郎阿。軍流折圜罪。○庚寅。

上詣

大高殿行禮。○還宮。○諭內閣。御史和豐泰。請
整飭政務一摺。各部院等衙門。為政務總匯。
關繫綦重。堂官總其成。司員分其責。凡遇公

實錄卷二百十三

吏

事。自當擇其老成練達者。悉心講求。力除積
弊。方合實心任事之道。若該御史所奏遇事
委之司員。而司員但憑書吏檢查例案。其中
難保無朦混滋弊。即有能辦事之員。不過循
例具稿。其餘隨同呈堂畫諾。於公事有何裨
益。著各部院堂官。於所屬司員。及筆帖式等
隨時認真察看。遇事確切講求。擇人任使。總
當以留心公事為重。不得僅取奔走應對。以
回堂畫稿。區別勤惰。致蹈奔競鑽營惡習。各

堂官尤當破除情面。崇實黜華。用端趨嚮。庶
幾人才振興。政務整肅。以副朕諄諄誥誥至
意。○以吏部右侍郎湯金釗。署戶部右侍郎。
兼管錢法堂事務。○以祈雨告祭
方澤。自是日始。齋戒三日。

實錄卷二百十三

吏

大清宣宗效天符運立中體正至文聖武智勇
仁慈儉勤孝敏成皇帝實錄卷之二百十三

余高汛一帶搶掠若使及早撲滅何至分作三路屯聚至六七處之多其中路猖匪經劉榮慶帶領總兵余得彪分為五路抄圍自己至酉未能得手堵卡暫息以備次早再剿至二更時候有匪撲卡經余得彪截斃數人兵丁向藥桶取藥該匪等自山頭將火包拋入致火藥轟發草木延燒弁兵站立不住紛紛墜巖尤堪駭異此必有奸匪乘夜劫營出我兵不意以致墮賊奸計傷亡多員實堪憤恨

所奏東路沿途山路被匪它斷此又明係數月之久惟事防堵將弁等未嘗親發一矢俾匪徒得以從容先期將要路它斷山徑無處通行雖殲斃六百餘名所得實不償所失試思該省調集官兵已六千名兵力不為不厚五月以前因楚豫尚未撲滅粵省未敢防剿兼行致該匪它路不能前進即繞山越險其門前又係懸巖置柵壘石堵築高堅槍礮驟難打進兵貴神速豈有觀望鄰省賊匪撲滅

再行進剿之理李鴻賓即不知兵亦何至束手無措一至於此其所奏稍寬時日殊不成話該督等既已玩泄於前豈宜復遷延於後前據禧恩瑚松額盧坤奏派新授南韶連鎮總兵阿精阿帶領現未回營之貴州鎮草道標等營兵勇五百名再令曾勝分兵五百名交參將興安泰帶領先赴連州聽候調遣曾勝俟辦理逃匪完竣後再帶精兵一千名赴粵策應等語現已降旨令余步雲署理廣東

提督余步雲久歷戎行該督等俟余步雲到粵即會同相機迅速剿辦聚而殲旃勿留餘孽稍贖前愆毋再遲延干咎懷之慎之又李鴻賓另片奏劉榮慶不嫺戰陣且年將七十兩耳重聽近又染瘴似此年老無能豈復能勝專閫重任劉榮慶已明降諭旨勒令休致其應得處分俟事竣補參余步雲未到粵以前著蘇兆熊暫行署理廣西尚有防堵事宜不可無大員彈壓俟余步雲接印後即回廣

西提督本任所奏廣西省調兵三千八百餘名鄉勇二千餘名陸續撤回並將鄉勇妥為安置俱著照所請行。儻廣東省須用廣西兵勇即酌量調用可也。將此由五百里諭令知之。又諭本日李鴻賓等奏分路勦捕獠匪。因中路卡房火藥焚燒與東西兩路將弁兵丁均有傷亡。現仍設法勦辦一摺。據稱三路進兵賊獠匪六百餘人。中路都司王珍東路遊擊謝國榮西路遊擊史鵠均因燒傷石傷槍傷致斃。中路弁兵因火燒斃及墜巖跌斃者約五十餘員名。傷亡者約二十餘員名。東西兩路傷亡弁兵約共十餘員名等語。粵東獠匪恃居高山負隅自固非痛加勦辦不可。該省現當用兵喫緊之時帶兵大員必須素嫻戰陣者始克勝任。已明降諭旨令余步雲前往署理廣東提督其湖南提督仍著羅思舉暫行兼署。余步雲久歷戎行自能相機勦辦。著接奉諭旨後即行速赴新任與李鴻

賓會商妥辦迅速藏功以副委任。前據禧恩等奏派新授南韶連鎮總兵阿精阿帶領現未回營之貴州鎮草道標等營兵勇五百名再令曾勝分兵五百名交參將興安泰帶領先赴連州聽候調遣。曾勝俟辦理逃匪完竣後再帶精兵一千名赴粵策應等語。此時想已分派起程。其余步雲前次所帶貴州兵一千名儻未經撤回歸伍即將此項兵丁全數帶往。如現已酌撤回黔即著禧恩等飛咨李鴻賓儻尚須兵力再另挑湖南北精兵令其帶往以資得用。至廣東現在勦辦務須嚴飭將弁實力防堵勿任獠匪竄入一名此為至要。將此由五百里各諭令知之。予廣東勦辦獠匪陣亡遊擊謝國榮史鵠火藥轟斃都司王珍祭葬世職。戶部議准浙江巡撫富呢揚阿疏報大嵩石堰黃巖下砂四場塗田墾地塗地一百三十四頃三十一畝有奇照例升科從之。○壬辰遣睿親王仁壽詣

宣仁廟

凝和廟慶郡王綿慈詣

昭顯廟

時應宮拈香○諭內閣御史容和奏叅刑部

審辦失當各案一摺近因天時亢旱朕隨時

修省以冀默感

天和屢降諭旨省刑恤獄刑部為天下刑名總

匯稍不詳慎即輕重失當問刑官自應悉心

秉公毋得心存偏刻濫刑監禁拖累無辜茲

據該御史奏刑部承審保明訛賴陳姓一案

賊未入手應從寬酌減罪名承審官擬以發

遣並不照盛暑停遣之例辦理失之過重又

花戶王四一案到案並非本人該部嚴訊四

十餘日熬審跪鍊始另拏本人實係牽連無

辜又芮九訛詐一案既無實據應即省釋承

審官嚴訊四十餘日芮九現已監斃遷延拖

累多人案尚未結著該部堂官迅將各案確

切查明據實具奏○又諭昨降旨令各督撫

於所屬保奏數員出具切實考語原以治在

得人務取實心任事著有成效者始足以拔

真才而昭覈實茲閱御史范承祖梁萼涵等

所奏均稱督撫保舉屬員不得僅以空言入

奏必有政蹟卓然在人耳目方免真偽混淆

濫竽充數督撫於所屬各員果能一秉大公

破除情面隨時察看其才識之短長遇事稽

覈其辦理之當否實有操守廉潔才猷卓著

素為民情愛戴者一登薦牘眾論翕然是督

撫所舉既公不獨賢者知勸即中材以下亦

識所趨嚮爭自濯磨吏治人心始有裨益若

所舉不當無論徇情濫舉一經發覺定例處

分褫嚴斷難寬貸即所保並無瞻徇冒濫苟

名實不符致騰物議殊失以誠事君為國得

人之道其各勉之慎之○又諭周之琦奏緝

捕經費不敷懇請借款生息以資津貼一摺

江西南安贛州二府所屬廳縣缺苦政繁匪

徒充斥每遇要案籌辦無資以致情弊多端

前經蔣攸銑等奏請將節省巡河經費及鹽務充公項下餘銀並撫臣司道各捐銀兩津貼經費自己足數辦公即或近年以來會匪命盜等案愈繁應再酌加津貼計亦所需無幾乃該撫奏請於九江關額徵盈餘項下借銀十二萬兩發商按年生息分別貼補南安贛州所屬餘息仍作本交商生息俟十年後提還原借餘息永遠生息等語所奏非是國家經費有常關稅盈餘亦屬正項豈容任意借撥為津貼所屬捕費之用從來無此辦理況前於道光十年甫經奏准給費該撫惟當督飭所屬整頓捕務並嚴飭廳縣於此項經費覈實開銷毋任有捏報充數之弊自能辦理裕如即或不敷亦應於閒雜款酌籌何得率行懇請關稅借款所奏著不准行○又諭前因逆獠趙金隴滋擾事起湖南在廣東界屬毗連即有一二搶掠匪徒亦不過被其勾結當湖南進剿之時即降旨交李鴻賓妥辦

若果先事豫防經此數月之久一切調度自必得宜何至任其蔓延致匪徒得以肆啓狡謀先將要路它斷用兵之道貴在神速該督聞信即應迅赴該處趕緊督辦乃因循姑待直至四月間奏請前往五月十三日始抵連州且據奏稱俟湖南逆獠匪辦竣後再行籌辦尤屬有意觀望坐失事機又據奏劉榮慶年將七旬兩耳重聽勦辦未能得力此等衰庸之員早應叅劾何得久事姑容濫玷專閫及至統兵前進又聽其一籌莫展不能迅速戴功李鴻賓即不知兵於地方匪徒既不能實力查辦於前而委任統兵復不得人種種錯謬厥咎甚重著交部嚴加議處劉榮慶既經前抵連州即當妥為籌辦乃身膺提督大員竟束手無策咎實難辭昨已降旨勒令休致著一併交部嚴加議處尋議上得旨李鴻賓照溺職例議以革職實屬咎所應得惟逆匪尚須勦捕調兵籌餉正在喫緊之時李鴻賓

著拔去花翎改為革職留任以觀後效劉榮慶昨已降旨勒令休致著照部議革職○以惇親王綿懌署鑲黃旗滿洲都統○癸巳

上至

地壇門外步詣

方澤祈雨

御製祝文曰伏思天下之廣不免水旱難齊即偶遇愆陽缺雨銜誠致禱均蒙立沛甘霖咸叨

澤貺今歲入夏以來經月不雨非常亢旱臣雖憂懼難名亦無補救步禱

三壇

社稷未荷

殊恩總緣臣愆尤日積不戒於驕侈即有敗度敗禮之行或一念之差有干

天罰或用人行行政逞己見而失正當茲當

垂慈示警雖深自咎悔已云無及謹齋戒祈禱

步叩

方澤欽惟

后土皇地祇

德配

上天

功昭下土當茲旱既太甚之時序逢小暑之後萬姓嗷嗷百穀難望君為輕民何辜嗚呼愧悚交加莫知所措敬祈

后土皇地祇赦臣已往許以自新立沛

恩膏以拯萬姓臣無任憂惕慚悔之至○幸圓

明園○詣綺春園問

皇太后安○諭內閣本年京師亢旱畿輔一帶近水地方易滋蝗蝻必應豫為撲除前經降旨著順天府府尹暨直隸總督嚴飭所屬地方官實力搜捕現在甘澍尚未優霑恐蝻孽潛滋在所不免著再嚴飭各該地方官親自履勘若有蝗蝻即設廠收買其未經出土者尤當搜除淨絕消患未萌儻有撲捕不力之員即行嚴叅懲處至直隸順天府所屬各州

縣是否近有得雨地方不礙耕作其未經得雨之區被旱輕重著該督等體察情形據實具奏再倉儲實貯確數前經降旨令該督等詳加籌畫仍著逐一確查何處可以採買何處可以動支以備將來賑糶之用至部庫存貯銀兩及京倉例支米石舊存若干外省應解應運若干餘存若干著該部詳查奏明辦理○甲午遣定親王奕紹詣泰山祈雨

御製祝文曰京師自入夏以後恆暘告愆雲起風隨甘霖未沛二麥既已無望百穀何以用成宵旰焦憂省躬思過親禱

三壇

社稷壇未蒙

靈貺敬復步禱

方澤為民請命當早既太甚之日思靡

神不舉之文恭讀嘉慶十九年

皇考仁宗睿皇帝

岱宗感應記仰見興雲致雨不崇朝而徧天下

神功丕顯自古為昭今特遣定親王奕紹齋大藏香十炷敬謹代躬致祭親撰祝文用摠誠悃並令升香後虔焚默達伏祈

明神降鑒速

賜恩膏轉歉為豐以甦民困不勝悚惕亟切

待

命之至○直隸總督琦善奏報省城得雨得

肯朕三次步禱叩求奈精誠不能上達甘霖

未獲雖焦憂萬狀亦不能補救萬一坐觀民

瘼愧悚交加虔希

上天赦予之罪佑我羣黎速沛

恩膏以拯民命○以催徵新賦全完予直隸布

政使顏伯燾議敘○乙未諭內閣富俊奏年

力就衰並因天時亢旱自陳奉職無狀懇請

休致秦漢以來往往有因災異策免三公之

事詩書不載唐虞三代固未之聞我朝設立

大學士即古之三公。居是職者。亦未嘗因水旱愆青。陳情乞罷。大學士贊治綸扉。當此恆暘不雨。宵旰焦憂。尤當實心為國。佐朕勤勤求理。以冀默感。

天和何事遽求引退。自即便逸為耶。至奏稱年已八旬有四。精力衰邁。試思滿漢諸臣。擢用為大學士者。雖不盡論年資。亦必數歷既久。宣力有年。年齒雖高。朕方倚畀。而臣下轉藉詞乞身。亦非以誠事君之道。此端斷不可開。

富俊自請休致之處。著不准行。○又諭御史范承祖奏。衛弁取巧。懇缺請飭部議定章程。一摺。據稱衛弁將屆應升營缺。輒營謀上司保留。奏請將來以漕標都司升補。及漕標缺出。仍以營弁補用。而保留之衛弁。竟無一人升補。現任興武衛守備任錫五。江淮衛守備牛斗南。揚州衛守備劉燦。先後均經該督保留。此項員弁。應如何升補之處。是否有取巧。懇缺情弊。著該部查明具奏。尋奏上得旨。據

兵部查明任錫五等。俱經該督保留。專以漕標都司升用。自應遇有缺出。即行題補。乃出缺時。該部行文該督。又以人地不宜。咨覆是名。雖留於漕標升用。實則仍留衛守備本任。顯有取巧。懇缺情弊。任錫五。牛斗南。劉燦。奏留本任升補。漕標都司之處。著即註銷。歸部論俸。推升嗣後。衛守備遇有催漕出力。奏留漕標升用者。著先行開缺。給與升銜。在營候補。俟有缺出。即行題補。以杜趨避。而肅官方。

○又諭盧坤等奏。參革知州自揣年力強健。不甘廢棄。情願自備資斧。留於襄陽等屬。幫同緝捕等語。前任隨州參革知州徐步雲。於隨州任內。客民周俊英等六家。同日被搶。僅將二案詳報。參奏革職。嗣經訊明。因金光太等於喊梟後。遣人補報。未開失單。差傳又不赴案。是以未將同日被搶情由。一併聲明。尚無抑勒諱飾情弊。此等人員。業經議以革職。自應早日飭令回籍。豈容任其遷延觀望。藉

事黃緣前因劉湜參革後四年之久不肯回籍陶澍等奏請降捐通判特旨駁斥乃該督等仍以徐步雲熟悉地方情形輒令會同偵緝盜匪並聲請俟所獲各犯審擬完結再行酌量辦理顯係該督等瞻徇情面為屬員見好乞恩地步冀圖起復此風斷不可長徐步雲著即飭令回籍毋得聽其任意逗留○又諭本日慶山等因剿滅強匪恭遞慶賀一摺朕思似此殲除強匪無關緊要而各省亦並無因此事遞摺之人乃慶山等恭遞慶賀專摺殊屬冒昧不曉事體慶山那當阿成順俱著傳旨申飭○戶部等部議奏陝甘總督楊遇春等奏陝甘兩省滿營紅白賞銀查係按季支給惟兵丁每季所出紅白事件多寡無定若按季支給則兵丁所獲即有多寡之殊請嗣後每季應領額銀於季首支領時照例定銀數十中留二統俟年終覈計各按出事之兵均勻找領儻有不敷亦按出事之兵名

下攤補等語覈與奏定章程少有變通於帑項尚無增添應如所奏辦理從之以審案緝捕勤奮予湖北知縣阮克峻等加銜即補有差○以湖南安鄉平江二縣糧價增昂命撥湘陰瀏陽湘潭三縣倉穀平糶○丙申上幸靜明園詣

龍神廟拈香○諭軍機大臣等本日據御史舒德奏稱通州所屬各村莊有失業饑民聚集多人赴鋪戶勒借糧穀經地方官率領兵

役開導向各鋪戶商議借給糧米數百石始各俵分而散是否實有其事著順天府府尹即速查明據實具奏順天府及直隸所屬各州縣未經得雨地方被旱輕重情形必當豫為確勘妥籌撫卹之方其應緩應賑之區及實在貧乏人戶嗷嗷待哺急不可待者該府尹總督務須實力稽查悉心體察及早妥為籌畫迅速奏聞儻經理未善致令乏食貧民為饑餓所迫稍釀事端惟該府尹總督是問

恩旨通商免稅該夷使畏威懷德感激出於至誠覽奏欣慰霍罕既經悔罪輸誠自當赦其已往准令入卡貿易並免課稅哈琅阿等即嚴飭本城回商向該夷商頭目公平定價與內地商民妥為交易並嚴禁官役人等從中干預別滋事端壁昌總理八城回務是其專責尤宜隨時隨事悉心稽察務期杜絕弊端永綏邊圉儻經理不善將來又有苛求剋扣貪婪不法情事致啓釁端惟該參贊是問

憑據旋因生意折本。回至原籍。起意糾人結拜添弟會。描寫號片。斂錢並可出外搶劫。即邀允黃亞岡等三十八人。拜盟屬實。平四應照不法匪徒。潛謀糾結。為首律擬斬立決。黃亞岡等僅止一時聽從入會。並未轉糾黨羽。俱按例發遣新疆。梁阿香聞拏投首。楊阿梅等五犯。被脅勉從。均減等問擬下部議。從之。

○以理藩院右侍郎奎照。順天府府尹徐鏞。監臨順天鄉試。禮部議准。安徽巡撫鄧廷

槓疏報。採訪亳州貞節婦女楊薛氏等四百三十七口。請建總坊旌表從之。旌表守正捐軀順天宛平縣民趙貴妻朱氏。守正被戕。山東莒州民孫思幅童養媳陳小丫姐。○丁酉。諭內閣。本日兵部奏海洋失事。久未定案。題叅請旨飭查一摺。據稱崇明縣事主孫翼如。在洋被劫一案。又事主范學珍。在洋被劫一案。江南浙江各執一面之詞。互相推諉。迄今案懸莫結。海洋失事。自當以初報地方為

準。即或有呈報不實。派員會勘。亦當親歷失事洋面。確定地址。彼此會銜通稟。方成信讞。此二案。事閱七年之久。尚無專緝之人。顯係該督等各存袒護之心。既諉卸於前。復爭執於後。並不認真辦理。任聽各屬員巧飾規避。玩愒偷安。似此縱容耽延。殊屬不成事體。且恐將來巡弁紛紛效尤。各為避就。延宕之計。不復認真緝捕。於巡洋要務。大有關係。著陶澍程祖洛各派明幹大員。勒限會同詳審。將

事主前後供詞各異。及委員並不詳勘各情節。提集人證卷宗。逐一研究。定案叅奏。務期水落石出。勿再遷延。致干重咎。尋奏孫翼如一案。初報在陳錢山西北洋面被搶。應照初報歸於江省叅緝。其范學珍一案。原報在茶山被搶。嗣據查明實在盡山之東洋面。即據實呈明更正。應照續報歸浙省嚴緝辦理。下部知之。○又諭。昨據哈喇阿等奏霍罕伯克邁買底里遣使進表。送出裏脅喀什噶爾回

子八十餘名。攜帶貨物馬匹羊隻進卡。經哈喇阿等宣示恩旨。通商免稅。當將表文給伊薩克閱看。並令譯出。與哈喇阿等所奏相符。該霍罕畏威懷德。感激出於至誠。從此邊圉可期綏靖。因思松筠曾經奏及霍罕通商。邊境即安靜無患。松筠在西陲最久。所奏不為無見。上年松筠因蔣兆璠稟訴徐寅第案內牽涉。以三品銜休致。朕不以人廢言。且念其究係三朝老臣。松筠著加恩賞還頭品頂帶。

署正黃旗漢軍副都統以示朕眷念耆臣之意○諭軍機大臣等昨據哈琅阿等奏霍罕伯克邁買底里遣使進表已降旨准其通商免稅並諭該參贊毋許苛求剋扣貪婪不法杜絕弊端永綏邊境矣朕思夷情叵測該霍罕即懷德畏威出於至誠恐其中尚有別情或者外示恭順包藏禍心斷不可不豫為防備壁昌等務須遵照長齡議定章程於各卡倫密加防範一切訓練巡緝當如霍罕未臣服時不可因幣重言甘稍存大意儻竟乘間竊發則我兵一呼即至四面響應有備無患正可痛加剿戮奪其桀驁不馴之氣切勿因循玩泄以致變生措手不及該參贊等坐失事機可能當此重咎耶將此由四百里各諭令知之○又諭寄諭大學士揚威將軍長齡昨據哈琅阿等奏霍罕伯克邁買底里遣使進表並送出裏脅喀什噶爾回子八十餘名攜帶貨物馬匹羊隻進卡經哈琅阿等宣示

恩旨通商免稅並將該伯克表文譯出清漢文進呈當傳到伊薩克另行譯出據稱該伯克恭順情形與哈琅阿等所奏相符已降旨准令入卡貿易免納課稅復諭哈琅阿嚴飭回商夷商公平定價妥為貿易毋許官役人等從中干預有苛求剋扣貪婪不法情事致啟釁端朕思夷情反覆未可因該伯克一時恭順深信不疑稍有疏懈本日復諭令壁昌等隨時體察留心防範不可稍存大意以致

變生措手不及所有諭旨二道並傳知霍罕伯克諭帖暨哈琅阿等原奏同譯出該伯克表文一併鈔給閱看將此諭令知之○以前任廣東布政使桂良署江蘇布政使○戊戌遣官祭

火神廟○諭內閣御史馮贊勳奏請嚴辦廣東賊匪一摺廣東瀕海通洋向多盜匪疊經查辦此風總未淨絕如該御史所奏近日賊黨縱橫膽敢掘人墳墓攫取衣物甚至劫人

屍棺公然勒贖各府皆有而省城及首府所屬州縣為尤甚似此明目張膽無所顧忌地方官形同木偶毫無見聞所司何事著李鴻賓朱桂楨嚴飭各屬實力嚴辦總期有犯必懲毋任兇徒一名漏網以除強暴而挽頹風○刑部議奏湖廣總督盧坤等題民婦聶劉氏與賀應方等通姦商同謀毒本夫聶文祥身死案情未確請飭交該督等再行研究得旨此案聶文祥之妻聶劉氏與賀應方並已死之雇工李么通姦賀應方戀姦情熱央允李么將劉氏勾出同逃迨劉氏不允李么因與賀應方商同將聶文祥致死設法拐逃李么旋用砒霜將聶文祥毒斃其商同謀命之時別無證佐而李么生前又堅不招承所稱李么起意祇係賀應方一面之詞即謂毒藥確有來歷下毒經人見聞亦焉知非李么之聽從賄囑代為加功何得執為賀應方並未造意之據且賀應方圖拐不成因而謀命志

在必得何遽舍之遠行難保非事發畏罪託名狡卸至田間耳目昭彰何能從容下毒砒塊驟難融化何能一攪即勻劉氏如果實不知情到案不應遽行承認縱謂圖陷他人豈肯自甘重罪是所供伊夫被殺並未同謀尤難憑信案關謀殺親夫自應詳細研鞠以成信讞現經刑部層層駁詰著盧坤楊懌曾再行親提全案犯證將指出各情逐一研訊務得確情按律妥擬具奏尋奏研訊聶文祥被毒身死時賀應方實不在家並非因李么已故託名遠出狡卸李么貪圖該犯給錢因謀拐不成用藥桑蟲所賸砒末下毒不待臨時始行融化劉氏僅祇事後知情質之屍父聶兆信亦稱伊子委非伊媳劉氏同謀毒斃李么業已病故聶劉氏依律擬絞監候秋後處決賀應方擬杖流下部議從之○山東道御史王協夢奏順天貢院請覈定保固年限並仍歸大宛二縣修理下部議尋議順天貢院

向由大宛兩縣修理乾隆年間改定章程一千兩以下工程歸兩縣辦理一千兩以上工程另派大臣查估承修此項工程並不經由工部惟錢糧較昔誠屬加增一應工程俱應結實嗣後應令覈實奏報摺節估修驗收稍有不符即叅奏著賠錢糧自歸節省查號舍並無樑柱勢難保固每逢鄉試修整即與定限無異若改定期限轉恐滿限即議拆修更滋浮費所請應毋庸議至順天府報修貢院

向在五月是以隨估隨修嗣後應令二月內查明辦理從之○大學士楊威將軍長齡等議駁御史達鏞條奏變通新疆換防章程一伊犁滿營生齒日繁駐防餘丁例挑綠營請抽撥一兩營往南路駐防以旗人挑補空缺查現在綠營生齒亦繁焉有空缺若餘丁抽撥南疆多則本境空虛少則無濟於事且合計一二營兵數不能滿抵防禦未免徒事更張○防兵征兵內擇無老親及有次丁者派

充駐防查防兵征兵內其家無老親者難保必有次丁其有次丁者亦不肯拋離父母若紛紛查詢轉致有所藉口徒費周章○該兵家屬官為資送數年後差操勇於自衛其得力必倍於客兵查向來防兵皆單身赴防若改駐防則長途攜眷受累難堪錢糧安能按家口增益各城內亦無隙地可建房屋其柴薪皆遠取百里外向係五兵輪運共爨若改眷兵祇能各顧各家勢難復事差操至調遣

防兵無室家之累隨調即可隨發駐防有內顧之憂不能多派分撥是駐防實不如換防之得力○善後事竣西路無須多兵不難散遣歸農查回疆可耕之地盡是回人本業其餘或不能引溉或須分撥招民試種如將兵丁散遣攜眷從耕毫無養贍又無力移歸即與罪遣無異該御史所奏均屬窒礙難行奏入諭軍機大臣等本日據長齡等議駁御史達鏞新疆換防章程請加變通一摺前據該

御史奏更換防兵糜費請為經久之計。朕即覺其不可行。本日長齡等指駁四條。朕詳加披閱。所議俱是。該御史所奏著毋庸議。長齡現已自蘭州起程。著於路過山西時將交審案件訊明。即行來京復命。將此諭知長齡並諭楊遇春知之。○湖廣道御史馮贊勳奏請復設巡察官。觀風整俗。得旨著大學士軍機大臣會同吏部都察院妥議具奏。尋議該御史請照雍正年間設巡察官徧行各府專司

巡察其地方呈詞督撫已審結而翻控者准其親提審訊。惟各省督撫悉由灼知慎簡受恩既重。數歷亦久。若盡委其任於巡察。是未示信任於重臣。而專寄耳目於新進。設奉使非人。私謁苞苴。皆所不免。是畀以糾劾官吏之權。適足開饋遺逢迎之漸。所請應毋庸議。從之。○宗人府奏。臣衙門現審案件俱會同刑部戶部辦理。請仍照向例。由主稿衙門每月開具現審節畧。註明收審日期。於月終會

同具奏一次。並由主稿衙門交該科道於每月註銷清冊。逐件覈對。按限詳查。以昭覈實。而歸畫一。從之。○以吏部右侍郎湯金釗為江南鄉試正考官。翰林院檢討龔文煥為副考官。編修王玥為陝西鄉試正考官。趙光為副考官。○己亥。

上詣綺春園問

皇太后安。○諭內閣。前因京師亢旱。朕躬祀

天神壇。

社稷壇。本月十八日復步禱。

方澤祈雨。竭誠籲懇。均蒙濃雲四布。微雨飄灑。尚未渥沛甘霖。現在節屆大暑。迫不可待。朕心彌形焦灼。敬稽乾隆二十四年。

皇祖高宗純皇帝恭行

大雩之禮。朕夙夜戰兢。省躬思過。特親撰祝文。

擇於六月二十八日敬舉

大雩典禮。摠誠步禱。為民請命。以祈

天祐。二十五日。即進宮撤膳虔齋。敬謹待

命齋戒之日戴緯帽穿常服不掛朝珠二十七日閱視祝版恭詣

天壇齋宿戴雨纓帽穿青褂二十八日禮成後穿常服不掛朝珠所有應行典禮各該衙門即照例敬謹豫備○又諭本年入夏以來京畿一帶甚形亢旱麥收歉薄糧價增昂朕廑念農田焦勞宵旰前經降旨令直隸總督順天府府尹豫查倉儲實貯確數及何處可以採買何處可以動支詳加籌畫並准將各王

公官員認買豆石扣留以備將來賑糶之用現在節屆大暑尚未獲沛甘霖自應亟籌接濟著倉場侍郎於倉貯糧石內可以動撥若干發交五城分設廠座減價平糶以濟民食此係加惠窮黎之事該城御史務妥為經理並著都察院堂官隨時前往各廠嚴密稽查如有奸胥市儈冒領囤積居奇立即嚴拏懲辦其設廠定期並撥用何項米石及如何減價之處該部查照向例迅速妥議具奏○又

諭給事中孫善寶奏豫籌接濟民食等語今

歲豫東二省麥收尚好商販自運糧石北來售賣於畿輔民食不無裨益著直隸總督通飭各地方官出示曉諭遇有北上商船所過開座關隘不准留難如值水淺之處並飭地方官量為疏通俾得通行以資接濟○諭軍機大臣等寄諭直隸總督琦善本年京師亢旱畿輔一帶二麥歉收現在節屆大暑未沛甘霖乏食窮黎亟宜妥為安輯前經降旨交該督將倉儲實貯確數詳加查覈並何處可以採買何處可以動支以備將來賑糶之用本日據耆英等奏近日東直朝陽等門日進貧民百餘人及數十人不等請豫籌彈壓又據給事中阿成奏外來饑民攜男負女沿街乞食等語直隸地方入夏以來農田未得透雨小民素鮮蓋藏亟於謀食地方官果能早為籌畫設法撫綏不使一夫流離失所該民人等亦何至輕去其鄉四散乞食是該督不

能率屬妥籌實心辦理已可概見且京師糧價本昂若再聽流民聚處食指日繁易啓商賈居奇之漸並恐愈聚愈眾日久別滋事端尚復成何事體著該督嚴飭所屬速行妥議章程認真經理無許任意延宕儻辦理不善嗣後附近窮黎再有結隊成羣來京覓食甚或擾累地方及為匪不法情事惟該督是問將此諭令知之○又諭本年畿輔一帶久形亢旱麥收歉薄小民口食維艱前經降旨交

申啓賢等將順天所屬各州縣倉貯確數並何處可以採買何處可以動支詳加查覈以備賑糶之用本日據耆英等並給事中阿成各奏稱近日京城外來乞食流民成羣結隊等語京畿附近地方二麥歉收現屆大暑仍未獲沛甘霖乏食窮黎自應豫行籌畫俾安鄉里何以現在窮民紛紛來京就食是該地方官辦理不善已可概見著該府尹等嚴飭所屬速行妥議救荒良策次第舉行勿使一

夫流離失所奔走遠來儻不能實力奉行再有附近饑民來京乞食甚或藉口謀生別滋擾累及為匪不法情事該府尹等不能當此重咎也將此諭令知之○又諭有人奏奏紹興差役幕友紳士皆為庫書羽翼已革庫書潘鳴臯徐燮堂尤為罪魁潘鳴臯問徒遇赦令親戚子姪輩王耀如等三四十人充當各房書吏及各班頭役雜役每遇公事潘鳴臯先入署關說然後令其子姪輩逼索賄銀稍

不如意即遭拘繫徐燮堂於道光八年山陰縣職員周沄與周張氏爭繼一案徐燮堂糾同捐納道員章長齡率眾抄搶經劉彬士訪聞斥革該縣張霄極意庇護將從前被控各案盡行抽換又囑院幕任覺村寢其事徐燮堂被革令妻弟任炳南出名充當庫書伊在身後主持破人家產不一而足徐燮堂曾充阜隸其二子違例報捐職官其差役最悍者山陰則秋十錦駱志信父子謝三皆為潘鳴

臯心腹會稽則薛魁。即妄拏任肇基為任松
宇者。其次則車耀。潘光宗。潘大耳。皆為徐燮
堂心腹。今惟薛魁因案獲罪。餘仍唆訟無所
不至。即使訊明斥革。而不日更名復充。幕友
如趙朗夫。徐福堂。宋三洲。陳厚齋。孫益堂。或
偷漏消息。或出賣批詞。或寢擱案件。或開脫
罪囚。所得贓銀。盈千累萬。紳士如捐納道員
章長齡。捐五品銜平大治。王惟賓。捐六品銜
鍾南喬。皆與潘鳴臯。徐燮堂為密友。又告病
臯司李。雲前因為紹興佐雜。飲錢祝壽。經王
祚愷告發。解聞質訊。仍未斂跡。終年干預公
事。關說訟案。過付贓私。李雲常挾妓宴飲於
趙姓花園。有香店之婦淫醜。夙著。李雲與其
夫王文澄。往來甚密等語。浙省吏治廢弛。庫
吏專恣。差役暴橫。幕友勾通。紳士干預。如果
屬實。大干法紀。此案著交程祖洛。於路過浙
江時。會同何凌漢。將摺內所指各情節。逐款
確切訊明。嚴行懲辦。以除民害。而挽澆風。毋

許存化大為小之見。何凌漢接奉此旨。著趕
緊辦理。錄科事竣。即會同程祖洛認真查辦。
毋許稍有瞻徇。儻顛預了事。經朕別有訪聞。
惟程祖洛何凌漢。是問恐不能當。此重咎也。
原摺著鈔給閱看。將此各諭令知之。尋奏訊
明庫書徐燮堂。並無充過阜隸。其子並非違
例朦朧。惟妻弟任炳南。接充庫書。仍係徐燮
堂暗中代辦。又於周淦與周栗爭繼一案。照
料訟案。得有酬謝。應從重發。極邊煙瘴充軍。
幕友趙朗夫。於周栗爭繼涉訟。得贓照例發
近邊充軍。任炳南容留徐燮堂。隱身辦事。徐
福堂於就館處所。銷賣布匹。並差役車耀秋。
十錦駱元。謝三。於控案各受飯食錢文。俱各
按律問擬。潘鳴臯尚無另犯不法劣跡。徒役
未滿。仍行發配。庫書王耀如。糧書潘治平。潘
召棠。戶書徐廷椿。俱係徐燮堂。潘鳴臯。弟姪
親戚。一併斥革。與已經退卯之徐廷舉。徐載
揚。飭縣存記。永遠不准更名復充。捐職道員

章長齡五品銜平大治主惟賓六品銜鍾南喬並無關說得賊確據宋三洲孫益堂亦未在本本地作幕陳厚齋擬批呈詞係屬照例潘大五潘光宗訊非徐燮堂心腹均毋庸議幕友任覺村查訊尚無寢擱案件情事仍與案内幕友均不准在本省各衙門就館告病在籍臬司李鴻訊無交結干謁別情惟在趙姓花園聽唱宴飲即與扶妓飲酒無異應請旨革職下部議從之又諭有人奏上年十一

月間貴州思南府安化縣屬小溪地方張姓因田土細故與訟兩造業已講和被該縣總差頭李世富遣子李全前往訛詐因其兇惡素著人多避匿李全竟入內室戲人婦女當被拒傷李世富聞信即糾約府縣惡差一百二十名並棍徒數十人持械而往分營駐劄向張姓之遠近四鄰挨戶搜拏擄掠財物燒燬民房八所被害之家其婦女奔匿林內輒跟蹤撲入無論大小強行姦污騷擾旬日該

處民人赴縣稟告輒被阻遏適鎮遠鎮總兵經過眾民喊稟該總兵將李世富拏交該縣僅令賠償財物而糾眾搶奪拆燒民房強姦婦女重情置之不問又另片奏安化縣差役李占先自號儒差因田姓訟案持票傳提該役乘坐四人肩輿隨帶散役數十將案内人證拘集拷打索錢名為講盤子每人各許出制錢一百千文尚未過付齊全適有田姓比鄰文生員簡鵬聞走探望即有乘間逃走者

李占先喝令將該生鎖頸用木柴兇毆至於吐血旋縛置倉內斷其飲食勒令該生交出逃走之人滿其所許錢數始行釋放該生具控府縣亦置之不理等語差役倚官作勢擾害地方可惡已極至於糾眾劫擄強姦良婦鎖毆生員窮兇極惡尤駭聽聞該府縣既不能禁止於事前又復庇護於事後如所奏屬實是地方官形同木偶一任此輩恣意荼毒毫無忌憚小民何以為生著高溥督同臬司

李文耕。即將所奏各情節。確切根究。嚴行辦理。具奏。復回護。瞻徇。有意消弭。經朕別有訪聞。恐該撫等不能當此重咎也。將此諭知。嵩溥。並傳諭李文耕知之。○又諭。朕聞上年十一月間。貴州安化縣有差役李世富與伊子李金。糾約府縣惡差。及棍徒多人。在小溪地方。擄掠民人財物。拆燒民房。強姦婦女。肆行騷擾。莫敢誰何。適值該總兵巡閱經過。眾民喊稟。該總兵將李世富拏交該縣審辦。此

事因何啓釁。是何情節。該縣如何辦結。該民人等既經向該總兵喊稟。該總兵自必詳悉確情。著孫掄元密行據實具奏。不可稍有不實不盡。致干咎戾。將此傳諭知之。尋奏。巡閱營伍有民婦張王氏等呈控李世富等查詞內差棍滋擾情節重大。備文移交思南府查拏究辦。報聞。○給事中孫善寶奏請飭查各衙門缺分壅滯叢明酌辦。得旨。著吏部查明具奏。尋奏。各衙門缺分。均不甚壅滯。惟主事

則班次既多。以人合缺。實不止於倍蓰。現查六部各項主事。共三百二十一員。內分部進士一百八十八員。補缺未免太遲。查各部郎中。本係三年截取。嗣於嘉慶八年。改為二年截取。蓋以升途稍寬。則主事可無壅滯。查知府選例。雙月一內班。一外班。一捐班。單月一應補。一捐納。一京升。內班京升二項。皆郎中與御史相間輪用。現在各部郎中二年截取後。又非四五年不能得選。占缺既久。故主事

仍形擁擠。查單月本無京升。嘉慶七年奏准增入。自毋庸再行置議。至雙月正班內班。係用內升八員。本屬三缺得一。但郎中御史相間輪用。計六缺始用一人。得缺較遲。請嗣後雙月用至內班時。郎中御史接用為一班。查現在內升當用御史。先用御史一人。次用郎中一人。下次到班。先用郎中一人。次用御史一人。以次遞算。量為酌劑。於選法無礙。庶主事可期漸次疏通矣。從之。○庚子。

上詣

大高殿行禮

時應宮拈香○還宮○諭內閣申啓賢等奏京畿久旱民食維艱各州縣出借義倉穀石即日散放不虞乏食接濟固貴因時倉儲亦須樽節刻下平糶似可稍緩等語該府尹等通盤籌畫所奏不為無見惟念本年畿輔地方麥收歉薄現已節屆大暑尚未獲沛甘霖民間素少蓋藏嗷嗷待哺若再緩為平糶是

使拮据之貧民食價昂之糧石殊不足以示體恤而濟民艱本日復據御史那瑪善奏請開倉平糶安集窮黎朕軫念民依迫不及待不忍一夫失所著該府尹等速將平糶章程妥為籌議奏明辦理毋稍玩延並著嚴飭所屬各員認真經理務期實惠及民毋任吏胥舞弊用副朕加惠災黎之至意○諭軍機大臣等朕聞江西有大乘教其教首在福建崇安縣星村地方供奉觀音因有石菩薩銅將

軍渾名其夥黨由鉛山散入江西各縣擾害地方不可不嚴行懲辦著程祖洛魏元烺即遣委幹員至崇安縣星村地方將該教首密速掩捕從重究辦並究出夥黨移咨江西密拏務獲勿任遠颺漏網儻該督撫存化大為小之見或竟任該教首潛逃自問能當此重咎耶將此諭令知之尋奏訊得大乘教匪黃鈞澄兩次至福建崇安縣星村地方傳徒騙錢因平日不能言語人呼為石菩薩伊子黃

海鑫被人毆傷不死人呼為銅將軍黃鈞澄依律發回城為奴究出夥黨俱各按律問擬下部議從之○又諭御史鮑文淳奏請飭設法招商以濟運務據稱兩淮鹽務自去年辛卯開綱後截至今年四月僅徵收課項二百餘萬兩尚有三分之二即使竭力催徵而以前證後未必能於數月內如額全完不知前此陶澍有何把握而以展限八月為請辛卯綱如此下綱可想而知若輾轉遞緩占礙稽

延漫無限制。帑項出入。憑何筭現。聞揚地私梟稍已斂戢。岸銷亦旺。無如實運商人僅存十餘家。較前更少。商人惟利是圖。果協其情。勢必趨之若鶩。今幸有可轉之機。而新商來者甚屬寥寥。舊商且至日少。或辦理仍有未能盡善之處等語。准揚賑務自經整頓。漸有起色。商人等自應樂於承充。何以一年以來。仍復見少。該督於現在全局情形。是否確有把握。如招商未見樂趨。亟宜就近體察。督

同運司設法招徠。辦運者多。催徵自易。總期國課不致久懸。奏銷無誤。期限悉心妥辦。以副委任。是為至要。將此諭令知之。○又諭。御史鮑文淳奏。江西省匪類甚繁。各有頭目。多藏交界處所。如清江新淦交界之匪首。在甸下地方。名張義老。崇仁豐城交界之匪首。在萬人坑地方。名老萬。臨川崇仁宜黃交界之匪首。在龍骨渡地方。名黃鬍子。各有夥黨。每年一會。派散諸處。明劫暗竊。持贓勒贖。肆行

擾害。附近紳士畏其兇橫。於會日饋遺求安。則外戶可以不閉。又有大乘教。教首在福建。其黨由鉛山散入各縣。同前擾害。又有邊錢會。類皆惡丐。恃眾強乞。甚至捆劫。事主輪姦婦女。前年清江縣報案未辦。至添弟會。千刀會。則由南贛蔓延閩粵。夥黨尤多。專以搶劫販私為事。此等兇徒。斷無久而安靜之理。應令該撫籌議緝捕章程。應需經費若干。於雜款酌籌。從容部署。漸次肅清等語。江西吏治

廢弛。會匪充斥。自應認真整頓。實力查拏。著陶澍周之琦。將該御史所奏著名首犯。嚴拏務獲。從重究辦。無使一名漏網。以除積惡。而安善良。如果經費不敷。仍遵前旨。於雜款酌籌可也。將此各諭令知之。○又諭。有人奏。廣東潮州府屬荒旱過甚。米價昂貴異常。幾至人相食。連州一帶。現因賊匪擾害。用兵勦辦。潮州地近海濱。素多盜賊。且民風強悍。習於械鬪。恐匪徒乘機煽惑。勾結饑民。與連州表

裏為害請飭酌量賑撫等語各省地方偶遇水旱偏災督撫大吏自當體察情形一面加意撫卹一面奏聞潮州府屬荒旱米貴幾至人相食是否實有其事如果屬實該督撫豈竟毫無聞見何以並未具奏抑係該府州縣匿災不報事關民瘼不可不嚴行查辦著李鴻賓朱桂楨即將該地方被災情形並地方官有無諱匿情事迅速查明據實覆奏儻稍有諱飾將來別經發覺或致滋生事端該督撫自問能當此重咎耶將此諭令知之尋奏潮州各屬本年雨水較多雜糧歉收已飭令各該州縣開倉平糶查歉收各屬係一隅中之一隅為時亦屬無幾早稻豐稔並未成災業於五月內附奏在案現查得貧民均各相安地方官亦無諱匿不報至潮屬相距連山徭境一千餘里並無匪徒勾結仍不時督飭員弁防緝匪徒使地方安輯報聞○以禮部右侍郎陳用光署戶部右侍郎兼管錢法堂

事務○旌表守正捐軀山東德平縣民孫士明女留姐○以大雩祀天於圜丘自是日始齋戒三日○辛丑諭內閣本年畿輔一帶久形亢旱麥收歉薄昨降旨飭查倉儲豫籌接濟並禁囤積等弊以平市價用期實惠及民俾安生業茲據御史祥福所奏亦為貧民籌食起見著步軍統領衙門順天府五城飭屬妥籌實心經理毋使一夫失所儻有不安本分之徒以就食為名尤當詳加區別安置得宜勿令藉端滋事其近京被旱各州縣糧價增昂各該地方官務當確查糧數嚴禁奸商漁利囤積隱匿及不肯零星糶賣以致小民艱於口食併禁胥吏人等串通舞弊儻查有前項弊端即從嚴懲辦以儆奸蠹而濟民食○又諭奕澤奏請嚴密稽察平糶事宜一摺本年夏令亢旱誠恐食價增昂

前經降旨令直隸總督順天府尹等豫查倉儲確數並令倉場侍郎於倉貯糧石內可以動撥若干發交五城籌議減價平糶如有奸胥市儈冒領囤積居奇著都察院堂官隨時前往嚴密稽查茲據奕澤奏稱平糶之時奸商雇覓男婦老幼令其代為零買積少成多把持壟斷且受雇之人畧加盤詢決不承認既未便將承買之良民嚴切究詰若多派官役查禁又恐藉端索詐轉滋紛擾自係實

在情形著該管承辦官員於平糶時認真稽察務須弊絕風清貧民均霑實惠毋徒以出示曉諭空文塞責○諭軍機大臣等寄諭盛京將軍奕顥河南巡撫楊國楨現在天時亢旱直隸地方麥收歉薄貧民覓食維艱必應豫籌賑糶之用據琦善奏該省倉儲恐不敷動撥當於就近鄰省籌辦著奕顥等查明奉天河南兩處是否可以協濟所屬地方收成若何何處可以採買並能採買若干石體察

情形迅速具奏將此各諭令知之○又諭現在天時亢旱二麥歉收直隸附近京師一帶乏食貧民往往四出就食朕思山海關以外歲屢豐收此時小民扶老攜幼紛紛出關就食該鄉愚等一時不能領得該州縣印票勢所不免該副都統當隨時稽察勿令匪徒竄跡其間如果係實在貧民為覓食起見自未便加之禁止著左廷桐飭屬留心體察並另立檔案將該貧民等姓名籍貫人數詳細載

明照向來辦過章程即行驗放俾各遂其謀生之願將來年穀順成此等貧民仍須復其邦族則按籍而稽尤覺易於查察免致流離失所矣將此諭令知之○又諭本日據琦善奏查明直隸各屬缺雨情形並豫為籌計等語本年天時亢旱麥收歉薄小民覓食維艱自應早籌倉儲以備將來賑糶之用據該督查明各屬常平倉穀除豁缺動缺之外以司冊數計應存穀四十八萬餘石而覈實計之

恐尚無此數其社倉義倉兩項應存穀四十
七萬餘石而氣頭廠底之類亦不免歲有折
耗自應於鄰近省分酌籌濟用現已諭知河
南奉天兩省各查明該處收成若何是否可
以協濟迅速具奏屆時酌量辦理至各屬地
方貧民誠恐藉覓食為名別滋事端甚而糾
眾搶奪流為盜賊者亦或不免該督總當隨
時飭屬查察加意撫綏不可徒託空言務須
亟籌善策以副朕宵旰焦勞之至意將此諭

令知之○裁河南浙川縣知縣湯陰縣宜溝
驛驛丞缺改南陽府同知為浙川廳撫民同
知駐浙川縣定為繁難題缺懷慶府通判為
簡缺浙川縣典史為浙川廳照磨兼司獄事
南陽縣縣丞為荊子關分防縣丞駐荊子關
歸浙川廳管轄從巡撫楊國楨請也○兩江
總督陶澍等奏裁江蘇各標營馬步戰守兵
七百七十三名安徽一百九十三名江西二
百五十六名下部知之○緩徵直隸三河薊

玉田通武清寧河大興宛平昌平順義遵化
固安永清十三州縣被旱村莊新舊額賦○
壬寅

上乘馬至

天壇門外步詣

南郊齋宮齋宿○癸卯

上自齋宮步詣

圜丘行

大雩禮

御製祝文曰嗚呼

皇天世不有非常之變不敢舉非常之典今歲

亢旱異常經夏不雨豈但稼穡人民倏罹災

患即昆蟲草木亦不遂其生臣忝居人上有

治世安民之責雖寢食難安焦憂悚惕終未

獲沛甘霖日前

社稷壇

方澤致齋期內均蒙濃雲四布微雨飄灑而不

能暢施仰見

天心仁愛。總緣臣臯日深鮮誠鮮敬。不能上感天心而叨

鴻貺。敬稽乾隆二十四年

皇祖高宗純皇帝恭行

大雩之禮。臣於萬不得已仰溯

成規。戰兢干冒。省躬思過。冀可仰邀

赦宥。抑臣祀事不敬。驕侈之心不覺萌而萌與

日久。怠於庶政。不能憂勤惕厲。與出言不謹

有干譴責。與賞功罰臯。輕重不得其平。與重

起陵園。勞民傷財。與任官不得其當。以致政

有叢脞。與刑罰不得其平。含冤無所控告。與

懲辦邪教。濫及無辜之人。與官吏欺朦。民隱

不能上達。與西陲連次用兵。未免殺戮之慘

而務邊功。與南省災民。賑撫不得其宜。委於

溝壑者。眾與楚粵逆。徭勦撫不當。以致民遭

塗炭。與凡此者。皆臣思慮所及。宜加黽勉。省

改其思慮所不及者。蓋有之矣。伏祈

皇天赦臣愚蒙。許臣自新。無辜萬姓。因臣一人

是累。臣臯更難追矣。夏徂秋至。實難再逾。叩

禱

皇天速施解作之

恩。立沛神功之雨。以拯民命。稍贖臣愆。嗚呼

皇天其鑒之。嗚呼

皇天其惠之。臣不勝憂懼惶恐之至。○詣

闕帝廟拈香。○幸圓明園。○詣綺春園。問

皇太后安。○諭內閣。朕於本月二十七日恭詣

天壇齋宿。摠誠籲禱。是日戌刻。濃雲四布。雷電

交作。澍雨立霑。本日據順天府奏報得雨二

寸。禮成後。策騎還園。欣看積水。戴塗。此皆仰

賴

上天垂佑。朕欽感之餘。倍深寅畏。所有在

壇裏事之耆莠。舒英。色克。精額。元祿。及太常寺

堂官。並各執事人員。俱著加恩。賞加一級。連

貴恭讀祝文。嫺熟從容。聲音朗暢。著賞加二

級。並加賞羽緞一板。大卷紗二匹。帽緯二匣。其歌章作樂之樂舞生等。節奏和諧。疾徐合

度俱各賞給兩月錢糧。○甲辰諭內閣昨降旨飭令稽覈倉儲以備賑糶茲據戶部奏平糶減定價數倉場奏實貯備撥糧數順天府奏京城內外分廠出糶暨籌議章程各摺在京五城正副十廠著撥給米五萬石平糶梗米每石制錢一千七百文稷米每石制錢一千文每人每日准糶米自一二升至二斗止不得逾數其大興宛平之黃村采育定福莊孫河沙河盧溝橋龐各莊七廠著撥給稷米

二萬石加撥黑豆二萬石平糶稷米即照戶部此次減定之數每石制錢一千文黑豆仍照原定認買之數每石制錢七百文定期出糶又通永霸昌二道所屬之通州薊州三河昌平平谷密雲順義七州縣被旱較重著撥給粟米三千石白麥三千石黑豆二萬石平糶粟米每石減定制錢一千三百文白麥每石減定制錢一千五百文黑豆每石亦照原定認買之數制錢七百文分廠出糶所有應

撥糧石著倉場侍郎查照成案即於京城十一倉內照數動撥該府尹等即刊刻謄黃編行曉諭責成監糶各員恪照所議章程妥為設廠經理不得撓和糠土及私增糶價剋減升斗並囑戶官買吏胥勒索諸弊儻查有經理不善即指名嚴叅懲辦不准稍有徇隱務期實惠及民用平市價又據御史徐培深奏順天府所屬被旱較重地方請飭查極貧之戶賑糶並施等語著該府尹等即飭各州縣

一面平糶一面迅速查明極貧戶口確數覈實賑濟毋使流離失所用副朕勤恤民隱至意○又諭給事中富兆泰王公官員應領季俸請折給豆石一摺國家祿糈所頒固有常經即偶遇偏災籌備賑糶亦有歷屆成案如該給事中奏請將本年秋季在京王公及文職五品以上武職四品以上各官應領稷米倉米抵給豆石其稷米倉米留貯倉儲以備賑糶之用無論現在倉儲足數給撥即定例

王公官員應領季俸。輒以豆石抵給。則米價豈不益昂。所奏毋庸議。○諭軍機大臣等。本日據禧恩等奏。詳查逆猺案內審訊各情節。並粵猺竄入楚境。迅即撲滅。擬事竣前赴連州各摺覽奏均悉。據禧恩等提到兵丁熊生發等。訊明在羊泉街殺斃之猺匪。所指面貌各情節。似與逆猺趙金隴年紀面貌尚屬脗合。且各處按捕零匪。並無該逆藏匿蹤跡。其為實係斃斃之處。似屬可信。該逆之妻趙盤

氏已被官兵勒斃。趙幅銀妻子。現飭屬嚴拏。此外並無逆屬竄出。趙文鳳之弟趙文彪。趙文鳳之妻趙盤氏。毋庸解京。應即照律擬罪。至所稱粵猺三四百人一起。在蘭山之爛泥坳至江華之濠江沖聚集裏脅。已有二千餘人。由大小林崗沖劫掠。欲斷錦田糧道。經禧恩等飛檄文武員弁。於各隘防堵。余步雲曾勝二十一日先後俱到錦田。飭令參將興安秦帶兵五百名。自背江口至濠江堵截。猺匪

聚眾衝出。直撲營卡。該參將令弁兵施放槍礮。立斃數賊。賊目領眾上前。我兵急催槍礮。又斃賊二十餘名。並將賊目擊斃。二十三日副將張必祿。參將王錫朋。興安秦帶領得力備弁。在前探剿。余步雲曾勝督率大隊弁兵。繼進。賊匪順濠江沖山頂跟追四十餘里。至銀匠沖地方。猺匪占據三處山頭。我兵用礮轟擊。被土埂間隔。賊勢下壓。張必祿。王錫朋率領備弁奮力上攻。曾勝督同興安秦等。向

賊占石山仰擊。余步雲率黔楚大隊弁兵。向賊占左山抄殺。立斃猺匪三四十名。又刺殺數十名。該匪抵死抗拒。貴州兵丁羅亨祿帶旗登山。連斃二賊。余步雲曾勝乘勢督兵直前攻撲。殺斃紅白旗手二名。張必祿指令兵丁擊殺身穿黃色馬褂賊目十數名。王錫朋親執長矛。扎斃紅旗頭目一名。並獲旗一面。上寫有兩廣總兵趙文興字據。賊勢奔退。逃竄。我兵向前追殺。斃賊不計其數。有割耳級

呈驗者三百二十餘名。生擒男婦一百餘名。奪獲槍矛無數。陣亡兵丁四名。帶傷弁兵六十九員名。尚有賊匪一百二十人。欲由葛藤沖竄回廣東。經防堵大橋之都司色成額守備楊昌凱攔頭勦殺十餘名。擒獲男婦五十餘名。其餘向麻岡沖一帶逃竄。復飭將弁嚴加擒捕。據張必祿王錫朋稟報在麻江地方帶領鎮軍兵丁將該匪趙仔青暨該匪之妻子女二人一併擒獲。趙仔青業於訊明後凌遲處死。其妻楊氏及其子趙狗兒女趙三妹並生擒男婦由盧坤歸入逆犯案內。分別照例辦理各等語。此次粵匪趙仔青竄入楚境沿途裹脅至二千餘人之多。往來遊奕俱在深山密箐。勦捕較難。禧恩等咨會余步雲並飭曾勝會同防捕兜剿。旬日之內將該匪大股殲除。並將首匪趙仔青生擒正法。餘匪亦悉就殲。擒辦理尚屬迅速。業經明降諭旨將盧坤等交部議敘。王錫朋等加恩升補。至未獲

之匪趙仔青數十人逃竄。著即查拏務獲。勿致漏網。湖南官兵如此奮勇勤勞。粵省則庸懦不堪。可惡之至。設若湖南督提鎮將等亦如粵省之無能。則叢爾匪不知欲釀出何許事端。粵省當逆。匪趙金隴滋事時。並不速為籌辦。以致匪滋蔓竄入湖南境界。已屬玩延。現在連州等處匪仍復跳梁。尚未戢事。禧恩瑚松額請前赴該處妥籌勦撫之策。所見甚是。抵粵後即確查該省辦理情形。何以數月之久尚復蔓延如此。從嚴叅辦。又另片奏提督羅思舉請前往廣東帶兵協勦等語。前經降旨令羅思舉暫行兼署湖南提督。湖南地方緊要。且恐粵匪竄入楚境。須相機防堵。設法兜剿。羅思舉著仍遵前旨毋庸前往。降調總兵鮑友智著准其帶赴廣東以備差遣。至請將鮑友智開復原官。前已有旨。將盧坤等保奏原單交禧恩等覈議具奏。將此由五百里各諭令知之。○刑部議覆戶部

左侍郎兼管順天府府尹事申啓賢等奏請減追贓期限。據稱軍流徒犯因追贓無力完繳題咨豁免後又須聽候部覆輾轉羈候幾及二年且舊發之犯未解新發之犯續來獄囚擁擠病亡堪虞請減限期等語係為清理因園起見請嗣後京外追贓人犯除監守盜及搶奪竊盜之贓並過失殺人應追埋葬銀兩仍照本例辦理其有還官贓物十兩以上向例監追一年減為監追半年力不能完者

五十九

按季請旨定奪其入官贓二十兩以上給主贓三十兩以上亦俱減為監追半年不及前數減為監追三箇月力不能完俱著免追至命案內減等人犯應追埋葬銀兩例應監追三箇月即減為一箇月限滿力不能完咨請豁免定地發配毋庸聽候部覆其應監追半年者在內由刑部在外由督撫於歲底彙題一次再辦留養之犯一經地方官查驗屬實即行發落毋庸守候部文均應如所奏辦理

從之。以職除猺匪迅速予湖廣總督盧坤等議敘升補有差

六十

大清宣宗效天符運立中體正至文聖武智勇仁慈儉勤孝敏成皇帝實錄卷之二百十四

大清宣宗效天符運立中體正至文聖武智勇
仁慈儉勤孝敏成皇帝實錄卷之二百十五

監修總裁官經筵日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務簡繁加五級紀錄十八次陞會稽縣令官歷遷攝官史部尚書錄事總攝軍部總管理新營度城內官房大臣稽察內

內務府大臣錄自旗滿洲都統轉奉內七倉大臣管理宗人府銀庫在員的官票 庚子年閏四月辛酉日發給御茶膳房御藥房太

醫院進科或事務隨事加十八級。臣阿靈阿副總戎官經官議官兵部兩書隨事加六級紀錄二十次。臣周柱堉奉

教修

道光十二年壬辰秋七月乙巳朔享

太廟遣惇親王綿愷恭代行禮○諭內閣申啓
賢等奏分別勸懲各事宜一摺據稱本年畿
輔缺雨業經加恩緩徵平糶閭閻自己無虞
失所惟是京城內外及附近州縣近有不安
本分之徒藉口災荒強行告貸並有冒充饑
民搶奪糧石之事此等刁民自應嚴加懲辦
又據稱薊州等屬紳士富民有情願捐輸助
糶助賑者地方偶遇偏災有穀之家能推其
贏餘嘉惠桑梓任卹可風自應亟為獎勵著

步軍統領順天府五城及直隸總督隨時稽察如有刁悍之徒不安分守法靜候賑糶藉端滋事即嚴行懲辦治以應得之罪不稍寬貸其有樂善好施情願捐輸助糶助賑者覈其捐數照例優加議敘奏明辦理又據另片奏援案請將官員秋季俸米先期支放可使糧食愈充市價日就平減等語所有應放官員本年秋季俸米著即於七月先期開放該部知道○又諭昨降旨飭令五城分廠平糶

以濟民食。茲據御史程煥采奏請。查賑兼行。俾極貧之戶。餬口有資。向來五城飯廠。俱自十月起。至次年三月二十日止。本年著施恩。加賑一月。於閏九月初一日起。散至次年三月二十日止。該巡城御史等。督飭司坊官員。實心經理。務期貧民均霑實惠。○諭軍機大臣等。據哈琅阿等奏。查明夷回商民貿易。安靜一摺。前因霍罕悔罪輸誠。准其免稅通商。並賞還茶葉變價銀兩。及抄沒安集延田產。

茲據哈喇阿等奏茶葉變價銀兩已如數給領田產一項現飭作霍爾敦查明籌贖尚有各城查獲安集延田產變價之款行知各城阿奇木伯克一併籌贖該參贊即飭該夷等具領分別領回管業此項銀兩仍准於喀什噶爾備貯項下動用覈實具奏哈喇阿業已啓程回京其哈豐阿郭繼昌二員著仍遵前旨暫留喀什噶爾統帶征兵以資彈壓俟征兵全撤防兵全到訓練熟習後壁昌察看情形咨會玉麟再行奏請飭令各回本任又另片奏伊犁錫伯營馬甲沙特洪阿前因遇賊受傷被縛出卡乘間逃回與甘心從逆者不同准免治罪仍著遞回伊犁交該旗嚴加管束不准再挑差使所得具報陣亡賞卹銀兩即向追繳嗣後有似此投回之兵民如查有別情應行奏明辦理儻無別故即照此次成案辦理將此由三百里諭令知之○又諭前據楊遇春等奏貴德卡外恩昂拉番族搶劫

派用撒拉回民彈壓揀捕朕思撒拉回民賦性獷悍向來卡外小有不靖從未派令前往拒敵當降旨令楊遇春將此次派用撒拉回民究係何人主見據實覆奏茲據奏恆敬酌派兵回前往後始行札知該督是此次派用撒拉回民自係恆敬一人主見不知事體之輕重實屬冒昧著傳旨申飭嗣後如有卡外搶劫等案不得派用回民仍令報官查辦以杜流弊將此各諭令知之○命回子郡王伊薩克在乾清門行走○丙午諭內閣前因京師亢旱朕躬祀

天神壇

社稷壇

方澤齋宿期內均蒙濃雲四布微雨飄灑上月二十八日敬舉

大雩典禮先期一日恭詣

天壇齋宿摠誠籲禱是日戌刻雷電交作甘澍立霑次日順天府奏報得雨二寸連日膏澤

疊降續據奏報近畿一帶已有深透及五寸四寸之處昨復雲陰偏晷夜雨霑濡此皆仰賴

昊慈垂佑朕心實深寅感著於本月初七日派睿親王仁壽恭詣

天壇行禮肅親王敬敏恭詣

地壇行禮初八日派鄭親王烏爾恭阿恭詣

社稷壇行禮惠郡王綿愉恭詣

天神壇行禮慶郡王綿懿恭詣

地祇壇行禮成郡王載銳恭詣

太歲壇行禮敬謹報謝用答

靈貺○又諭烏魯木齊回民張虎等行竊民人孫忠銀物計贓逾貫該都統訊擬將起意為首之張虎依竊盜贓一百二十兩以上律擬絞監候並聲明失主孫忠多開元寶二錠領贓後即已他往是否捏報應俟賊犯全獲再行質訊經刑部議駁竊贓一百二十兩以上首犯雖同一絞候而辦理秋審則以計贓已

未逾五百兩為情實緩決之分今張虎糾竊事主孫忠銀物據犯供計贓四百三十八兩零與事主原報不符是否事主冒開或該犯等畏罪誑供抑行竊後輾轉遺失必應查訊明確且此案同夥七人雖王忠虎等在逃未獲而現獲之伊瑪兒楊木沙子無難隔別研鞫事主孫忠已到案領贓自應質明實數何以任其他往即或他往無難飭傳何以必俟賊犯全獲始行質審僅據賊犯疑似之供朦朧定擬何足以成信讞著成格再提集現犯隔別研訊並嚴緝逃犯傳訊事主於被竊及分贓處所確切根究務得贓銀實數另行按律定擬具奏尋奏孫忠已回靖遠縣原籍行提需時經其胞兄孫昌投案供稱孫忠原擬帶元寶六錠碎銀三封臨行時伊恐不時需用留下元寶二錠未向孫忠告知以致誤報並無別故請仍照原擬完結下部議從之○諭軍機大臣等據訥爾經額奏喚咭喇夷船

乘風駛至山東洋面。現在巡防押逐一摺。喚
咭喇夷船。前已駛至福建江蘇浙江等省。曾
經驅逐。已降旨直隸山東等省。如該夷船到
時一律驅逐。茲據奏登州鎮總兵周志林咨
稱。六月十八日。劉公島洋面。有夷船一隻。乘
風駛至。詢係前在江蘇等省被逐之船。帶有
羽毛大呢等物。欲求在該處貿易。並有刊刻
通商事略說二紙。該夷船前經福建江蘇浙
江等省驅逐。尚敢乘風駛至山東。情殊可惡。
斷不容其進泊。致滋事端。該撫現已飛咨該
鎮。親督舟師彈壓。不許夷人上岸。如遇南風。
不准起碇開行。所辦甚是一俟南風稍息。即
飭將弁督押南駛。驅出東境。仍著飛咨兩江
總督。江蘇巡撫。派撥水師將弁。於交界洋面
巡防接護。一體押令南行。並咨直隸總督。飭
令天津水師。在直隸山東交界洋面。認真防
堵。以免乘風闖入。又另片奏該國夷人。定例
在廣東貿易。乃明知故違。此次可以一船徑

至。將來無難多船駛入。若臨時攔截。已覺較
遲。請飭兩廣閩浙各督。妥籌防堵等語。所見
是。已降旨諭令廣東福建兩省督撫等。妥籌
辦理。將此諭令知之。○又諭前因喚咭喇夷
船駛入閩浙各洋。復由浙省鎮海駛至江省。
大洋邊境。當降旨令各該省督撫。嚴飭沿海
員弁。將該夷船立行驅逐。並禁內地民人。向
其圖利勾結。本日據訥爾經額奏。該夷船復
駛入山東洋面。帶有貨物。欲求貿易。該撫飛
飭登州鎮周志林。親往彈壓。即令水師督押
南行。驅出東境。並咨會江省督撫。於交界洋
面。一體巡防接押驅逐。所辦甚是。向來夷船
祇准在廣東貿易。不許闖入內洋。任其就地
銷貨。乃該夷人明知故違。駛經數省洋面。一
船如此。儻後此相率效尤。尚復成何事體。該
夷船必先由粵閩各洋面經過。若果沿海員
弁實力巡堵。不令北駛。何至聽其隨地游奕。
至一經迅駛。闖至江浙各洋。則洋面廣闊。阻

截較難。即多派兵船驅押截回。已屬費力。著程祖洛等悉心妥籌。如何防堵章程。不使該夷船再乘南風駛入江浙各洋。以符定制。並著陳化成督率水師將弁兵丁認真巡邏。隨時稽查。儻有經過閩洋之夷船。即嚴行堵截。毋令北駛。此次押回夷船。該督等嚴飭水師接管驅逐南行。不許片刻停泊。是為至要。將此各諭令知之。○又諭本年喫咭喇國夷船駛至福建江蘇浙江等省。已經各該省督撫

嚴飭沿海將弁驅逐出境。本日又據訥爾經額奏六月十八日。有喫咭喇夷船復駛至山東洋面。並刊刻通商事略說二紙。大意以粵省買賣不公。希冀另圖貿易為言。該夷人情殊可惡。已經訥爾經額嚴飭將弁在彼彈壓。不許居民私相交易。一俟南風稍息。即督押南駛。驅出東境。因思該國夷人向例祇准在廣東貿易。立法恭嚴。乃該夷明知故違。且以廣東買賣不公為詞。是否廣東洋商貿易不

能公平。抑或夷商另有他故。藉端狡詐。著李鴻賓等體察情形。據實具奏。至該夷船駛入內地。必先由廣東洋面經過。如果水師員弁實力巡堵。何至令其北駛。至一經闌入內洋。則洋面遼闊。阻截較難。即多派兵船驅逐截回。或致別生事端。實屬不成政體。著李鴻賓等妥籌防堵章程。並曉諭該夷人以天朝定制。該國夷船祇准在廣東貿易。不准任意駛入內洋。就地銷貨。俾該夷恪遵定例。是為正

辦。並飭李增階督率水師將弁兵丁認真巡邏。隨時稽查。儻有北駛夷船。力行截回。如再有闌入沿海內洋。惟該督等是問。其能當此重咎耶。將此諭知李鴻賓。朱桂楨。李增階。並傳諭中祥知之。○頒賞

皇四子。皇五子。王公大臣。內廷翰林。各省督撫。欽定平定回疆勦擒逆裔方畧各一部。○丁未。以畿輔得雨深透。遣山東巡撫訥爾經額詣泰山祀謝。

御製祝文曰京邑為四方之極感應攸昭

岱宗居五嶽之尊監觀有赫前因時逢溽暑

象微恆暘恭遣親藩虔修秩祀呼吸可通於

帝座代叩

鴻慈惻隱倍切於朕躬幸邀

眷佑輝騰半夜月離畢以占星澤沛崇朝雲

出山而偏雨惟

神光華普照靈爽式憑迎生氣於東方溥釀

膏於朔野沐甘霖而資長養億姓臚歡昭明

德以薦馨香寸衷欽感今特遣內府司員恭

齋香供交山東巡撫訥爾經額敬謹代躬致

祭親製祝辭用摠謝悃並令升香後虔焚上

達伏願期符十日歲稔三秋舉柴望以升中

泰山是仰驗水流而潤下魯邦所詹載展精

禋永祈

歌鑒○諭內閣前因原任伊犁參贊大臣容

安身為統兵大員不知緩急當英吉沙爾喀

什噶爾三城待援甚亟容安庸懦無能坐擁

重兵不趕緊由葉爾羌進發乃令哈豐阿等

繞道和闐前往以致耽延一月之久畏葸不

前貽誤軍務業經問擬大辟解部監禁入朝

審情實辦理實屬罪所應得姑念伊曾祖阿

桂平定西陲經理新疆周詳妥協嗣辦大

小金川又勦捕撒拉爾及石峰堡回匪立就

殄平入任綸扉贊勦樞要二十餘年懋績丕

著有古大臣之風嘉慶年間

賜諡文成並入祀賢良祠道光三年加恩配饗

太廟功加於時實堪嘉獎那彥成雖經獲咎而

在嘉慶年間曾在軍營出力道光年間兩任

總督宣力中外尚無貽誤若使容安觀望遷

延英吉沙爾喀什噶爾三城竟致失事朕必

照軍法嚴辦示懲斷不能曲加寬宥彼時二

城安堵現在霍罕伯克遣使進表極為恭順

一切善後事宜經長齡等妥為辦理朕軫念

蓋臣推恩後裔容安尚可寬一線量從末減

著加恩貸其一死發往吉林充當苦差○又

諭本年畿輔久旱。京城內外河道淤淺。間有全涸處所。若不及早挑挖。一律深通。無以資儲蓄而利宣洩。因思以工代賑。本係救荒良策。此時河身見底。其何處淤墊最多。何處無庸深濬。瞭如指掌。不難一望而知。趁此估計興挑。要工既歸覈實。而貧民亦資餬口。洵屬兩有裨益。著派耆英。朱士彥親詣各處。逐加履勘。即將亟應修理各段。落認真確查。奏明辦理。○諭軍機大臣等。據琦善片。奏直隸奏

銷報存倉穀四十八萬餘石。現經飭查。尚未覆齊。而就報到之七十七州縣。現存實數。覈計已較奏冊短至四成有餘。其未經報到之處。亦可概見。是倉穀之非實貯。情事顯然。其中。有交代未清。尚須覈算者。亦有交價作抵者。逐案查訊。頗需時日。擬俟災務粗定。再行分別查辦等語。本日白銘亦有飭查直隸順天各州縣義倉之請。地方官倉貯穀石。每於交代時。委員監盤。加結申詳。造冊報部。原不

准顆粒短少。若既露有虧短情形。即宜及早根究。免致不肖州縣巧為彌縫。該督正當一面辦理賑卹事宜。一面將各州縣實存穀數。徹底清查。如有虧缺。即據實嚴叅具奏。不可稍有瞻徇。又另片奏。安肅營拏獲賊匪程二禿子等十八名。通州拏獲截搶過路糧車之李玉等五名。均經批飭嚴行訊辦。歷來水旱災歉。每有無賴游民。或盜竊匪徒。藉口災荒。邀約多人。強借強索。甚至搶奪肆行。務須實

力查辦。安良善而懲強惡。是為至要。不可稍存姑息。懍之勉之。將此諭令知之。○以直隸被旱。命免奉天河南山東商船米稅。○戊申。諭內閣。本日據御史徐培深奏。請親行報謝天壇一摺。朕恪遵

成憲。敬

天勤民。凡典禮之所昭垂。皆遵循而無敢廢。敬

稽乾隆二十四年

皇祖高宗純皇帝恭行

大雩之禮先期齋戒在養心殿詣

壇齋宿騎馬不乘禮輿朕詳稽

舊典不敢有違此次因京師亢旱為民請

命以祈

天佑敬舉

大雩典禮先期二日在齋宮省躬思過前月二

十七日騎馬詣

壇齋宿不乘禮輿凡以

祖制煌煌述遵無廢不敢過亦不敢不及也齋

宮虔誠默禱幸蒙

昊慈垂佑二十六二十七二十八等日濃雲四

布雷電交作澍雨立霑朕欽感之餘倍深寅

畏本月初二日並據順天府奏膏澤疊降近

畿一帶已有深透及四五寸之處不敢不行

報謝續冀大霈甘霖原非謂連次陣雨京畿

即已一律深透也此次派睿親王仁壽恭詣

天壇行禮敬謹報謝亦係恭查乾隆二十四年

成例辦理不敢稍踰朕何嘗因倖叨

靈眈遽萌侈心遂爾法宮高拱自耽安逸乎至

御史陳焯奏再申虔禱一摺祭有祈焉有報

焉該御史請以報為祈稽諸禮經亦無是理

朕謹遵

舊禮罔敢踰越正應

天以實不以文之意將此通諭知之○又諭御

史宋劄穀奏請酌定各省審理上控案件章

程一摺地方官收理詞訟果有徇屈抑濫

刑逼勒及延不訊結等情一經民人上控該

管上司自應即行親提究辦儻並無前項情

弊率因上控紛紛提訊恐州縣樂護於上司

更啓刀徒藉詞拖累之漸其應如何詳查例

案妥立章程著吏部刑部覈議具奏尋議嗣

後訊係原問官業經定案或有延不訊結及

羈禁詐贓舞弊情事在督撫處具控即發交

司道或該管巡道審辦在司道處具控分別

發交本屬知府或鄰近府州縣審辦在府州

處具控。即親提審辦。概不准復交原問官並會同審問。委審後復經上控者。即令親提研鞫。不得復行委審。若命盜案件尚未成招。尋常案件尚無堂斷。呈內並無抑勒濫押等情。仍令原問官審理。儻有應親提而委審。或應親提委審而發交原問衙門者。照例議處。從之。○諭軍機大臣等。有人奏浙省釐政日敝。庫款虛懸。酌擬清釐事宜六條。以杜弊端。而裕國課。一。滯銷引目。飭商按綱賠課。以免積

壓。統引。永杜新舊套搭。俾得年清年款。一。裁除浮費。宜酌定年額。永禁加增。一。運庫收支款目。宜分別內外貯庫。以杜混淆。一。正引未曾銷完。不准請配餘引。以杜避就。一。民私商私宜委廉能之員認真查辦。一。整頓鹽務。宜慎選妥商協力辦理。以上各條。著交程祖洛於路過浙江時。將該省鹽務現在情形。悉心體察。督同運司實力清釐。苟可以振廢弛而挽頹靡。即著酌量奏明辦理。原摺著鈔給閱。

看將此諭令知之。尋奏。綱引套搭庫款牽混。係浙省向來積弊。欲正綱分。必先疏通積引。請將辛卯秋冬壬辰春夏四季正引。併作一綱。全行統銷。應完正雜錢糧。從癸巳綱起。分五年賠繳。暫停請領餘引。即將積引作為餘引。俟積引銷完。再領餘引。並革去巡商名目。以節經費。其餘浮費之應裁應留。以前撫臣帥承瀛元年覈定數目為準。下部議從之。○又諭據給事中王瑋慶奏。稱直隸地方連年

尚屬收成。民間富戶自多蓄藏。恐奸商因以爲利。囤積居奇。風聞新城縣附近之白溝河。平時富商皆以囤積爲漁利之計。積貯最富。涿州之新橋馬頭亦爲富商囤積之所。請委員確查。或押令隨時價平糶。或當官發給價值。以爲賑濟之用。其餘各地方。如此三處囤積者。亦復不少。請一併訪查辦理等語。本年畿輔一帶亢旱。自應賑糶兼施。必須早爲籌備。以資接濟。如該給事中所奏。以本地之積

糧供本地之民食。較赴鄰省採買。遠路輓運。自為便捷。著琦善即派委賢員。前往各該處。確查有無囤積糧石。酌量情形。妥為辦理。該督務嚴飭委員。約束胥吏。斷不可以便民之事。稍滋擾累。將此諭令知之。○調署兵部左侍郎桂齡署吏部右侍郎。以內閣學士姚元之署兵部左侍郎。○科布多參贊大臣英惠。因病解任。賞降調倉場侍郎鍾昌頭等侍衛。為科布多參贊大臣。○乙酉。諭內閣。昨日吏

部將滿洲二品廕生分部學習。期滿以主事補用之。庚長一員。帶領引見。因念伊祖托津。以大學士管理部務。宣力有年。人甚謹飭。庚長著加恩准其留部。遇有主事缺出。即補。○庚戌。

上詣綺春園問

皇太后安。○諭內閣。昇寅等奏京畿雨澤愆期。窮黎艱於口食。請賞給米二千二百石。交五城分設十廠。自七月十一日起。開廠煮賑。所

奏係為撫卹災民起見。著加恩照所請行。惟現在溽暑未退。儻辦理不善。致令飯顆蒸變。不堪食用。殊不足以溥實惠而濟民艱。著昇寅等出示曉諭。並嚴飭五城及派出照料之滿漢科道各員。每日散飯。務於清晨以前一律放竣。庶不致有味變之虞。並著隨時體察。如實因天時炎熱。所煮飯粒難免蒸變。即行據實奏明。變通辦理。毋得回護。前奏草率將事。以致有名無實。用副朕軫念災黎之至意。

○又諭申啟賢等奏開廠平糶一摺。前因京師缺雨。民食維艱。特降旨酌撥米豆交順天府分廠出糶。茲據奏稱大興宛平之黃村等七處。定於七月初八日開廠平糶。並遣派監放各員。帶同佐雜。分投前往。妥協經理等語。歉歲糧價昂貴。小民艱於口食。減價出糶。本係救荒良策。承辦各員。儻不能認真查察。致令吏役從中剋扣。奸民冒名支領。乏食窮黎。不得均霑實惠。殊失朕軫念民依之意。著該

府尹等隨時體察。並嚴飭監放各員實心辦理。如查有顛預了事。致滋前項弊端。即行據實嚴參懲處。該府尹等仍帶同該二縣輪赴各廠稽查督辦。務臻周妥。其京外通州等七處平糶事宜。即飭令通永霸昌兩道迅速督辦。毋稍遲滯。○又諭大學士等會奏請將直隸承審尹老須習教一案各員從重治罪。此案尹老須興復邪教。煽惑多人。上年六月間經河南省查獲逆帖。當交該省查辦。如果該

員等細心推鞠。何難究出實情。乃誤聽該犯一面之詞。遽取具安分良民甘結。率行釋放。是該員等既草率勘報於前。復顛預詳結於後。昏愎糊塗。罪無可逭。經大學士等分別議罪。實屬咎所應得。直隸清河縣知縣張學詩身任地方。耳目較近。乃平日毫無覺察。及專委查辦。又不認真訪察。幾至釀成巨案。厥咎甚重。著照議革職。發往新疆效力贖罪。告病大順廣道李德立。於該犯習教不法。已有失

察之咎。迨奉委查辦。又不能查出破案。著照議革職。發往軍臺效力贖罪。以示懲儆。原任清河道前保定府知府辛文泚。承審不實。已革清河道前署臬司徐寅第。審轉不實。俱著照議革職。徐寅第已於另案革職。發往軍臺著免重科。總督琦善於特交重案。不能督屬認真查辦。受人朦蔽。率行具奏。咎無可辭。本應照所議降四級調用。姑念一時簡用乏人。該督究係督審之員。著加恩改為革職留任。

○諭軍機大臣等。李鴻賓等奏設法擒捕。匪屢有殲獲。並分堵要隘。俟楚兵全數到齊。妥籌擒捕一摺。覽奏均悉。此次李鴻賓等先籌掩捕之策。偵知匪徒出搶。豫令官兵壯勇埋伏山坳。扼住要路。奮力衝擊。五月二十九日。擒匪四百餘人。擁至漁沖酒鋪。搬搶兵勇從間道截擊。斃匪三十餘名。六月初三四等日。又赴水竹塘沙坪。搶奪猪牛。兵勇如前截擊。均斃匪十餘名。六月初七日。擒匪潛赴

綏猺廳屬之茂古峒掠取包穀。先派兵將猺匪圍住。有匪六七百人。由茂古峒後山擁殺蘇兆熊。立即槍斃八人。並派守備李瑞截其歸路。抄至茂古汛。擊斃猺匪七八十名。軍寨火燒坪等排。於六月十三日。會集男婦一千四五百人。撲卡蘇兆熊。派參將尚永亮帶兵三百名。湖南永州鎮總兵曾勝來至連山。亦派都司郭宏升帶兵五百名。會剿。轟斃數十人。匪復添聚男婦七八百人。分踞四面山頂。

官兵搶上山梁。斃匪一百餘名。所辦尚妥。惟李鴻賓等請用堅壁清野之法。未免曠日持久。該省自本年二月初間。猺匪即已勾結滋事。已革提督劉榮慶。擁兵觀望。遷延不辦。以致滋蔓。豈宜再有拖延。致令老師糜餉。著禧恩等俟湖南兵到粵。即誘該猺匪至山外平曠處所。先伏精兵截其歸路。一鼓作氣聚而殲旃。此為至要。余步雲到粵。署理廣東提督。蘇兆熊自己遵前旨。回廣西提督本任。將此

由四百里諭知禧恩。瑚松額。李鴻賓。余步雲。並傳諭曾勝知之。○又諭本日據李鴻賓等由驛馳奏。勦捕猺匪情形。已另降諭旨。交禧恩等將該猺匪誘至山外。截其歸路。一鼓殲擒。毋任老師糜餉。李鴻賓等摺內所稱先籌掩捕之策。扼住要路。奮力衝擊。自五月二十九日至六月十三日。斬獲猺匪多名。是否係實在情形。禧恩等到粵。即明查暗訪。據實具奏。毋得扶同徇隱。致干咎戾。李鴻賓等摺著

鈔給閱看。將此由四百里密諭知之。○又諭據給事中。握克精額奏。各省倉庫虧缺。每因交代遲延。通融結報。以致舊虧未補。新虧又起。欲拯其弊。須嚴追舊欠。力杜新虧。所有懸款。宜勒限提解。攤款宜嚴行禁止。捐款宜大加裁減。倉項宜覈實買補等語。州縣倉庫錢糧。關係最重。原不准稍有虧短。著各省督撫。督同藩司。即將該給事中所奏各條。悉心體察。各地方情形。妥籌具奏。辦理。務期剔除積

弊力杜虧缺。是為至要。原摺著鈔給閱看。將此各諭令知之。○以翰林院侍讀學士馮芝為河南鄉試正考官。編修龔維琳為副考官。大理寺卿郭尚先為山東鄉試正考官。國子監司業柏葰為副考官。翰林院編修龍瑛為山西鄉試正考官。內閣中書張延闓為副考官。○以催科勤能。予河南知縣周以所等加銜升選有差。○予喀什噶爾陣亡外委陳世化祭葬世職。兵丁張啓祿等賞卹如例。○展

緩河南陳留杞蘭儀商邱鹿邑安陽臨漳內黃輝延津封邱武陟原武陽武睢濬十六州縣歉收村莊帶徵節年災緩額賦。○辛亥諭內閣本日據工部奏南河辦理另案工程久經奏報完竣。自應將各工段丈尺銀數按照例限逐案分晰開單具奏。造冊送部具題查數。今遲至本年六月。尚未據該河督具奏清單。誠恐工完日久。其未經查驗者無憑測量。易啟虛捏浮開及事後增添等弊。且清單奏

報遲延。則各案不能依限估銷。其中或有覈減之項。該工員得以藉此遲延。為緩追地步。於錢糧大有關繫。著該河督即將道光九年十年十一年所辦另案工程未經開單具奏者。切實覈明。分晰開單具奏。造冊送部具題估銷。嗣後奏報清單。務照例於霜降後具奏。儻仍前遲逾。著該部即行叅奏。以符定制。又另片奏江南河庫所發辦工等項銀兩。自道光元年起至九年止。應扣平餘飯銀計算共

銀三百三十八萬七千二百兩零。今據公項冊造覈計平餘飯銀除已收外。尚短收銀二十二萬一千餘兩。著該河督將此項銀兩迅速查明。俟聲覆到日再行覈辦。○諭軍機大臣等前據訥爾經額奏登州鎮總兵周志林咨稱六月十八日。劉公島洋面有夷船一隻乘風駛至。詢係前在江蘇等省被逐之船。本日又據陶澍等奏五月二十二日有喚咭喇夷人大船一隻。約七八十人。小船一隻。約二

十餘人駛入江南羊山洋面停泊。經該督等飭委巡船押送出境。於六月十一日晚間促令開行。向東南折戩而去。並派蘇松鎮總兵關天培等押赴浙江交界。該鎮報於十二日申刻押護出境。入浙江洋面。仍飛咨前途一體派列巡船押護南行。斷其北駛之路等語。是該夷船已於六月十二日由江境洋面押入浙洋。何以六月十八日仍復北駛入山東境界。著訥爾經額將此情節詳細查明。據實具奏。將此諭令知之。○又諭陶澍等奏喫咭喇國夷船業已押送出境一摺。據稱該夷有大船一隻。約有七八十人。小船一隻。約二十餘人。因被閩浙兩省驅逐。於五月二十二日乘風駛入江南羊山洋面停泊。經該督等飭委巡洋舟師三面迎住。使之不得近岸。兼斷其駛北之路。並令巡船押護至浙省交替。俾挨次由閩折回粵省。該夷船有嘔噀。甲利。略通漢語。求俟風色稍轉。即開船回去。迨六

月十一日晚間風轉西南。即促令開行。旋起旋開。帆向東南折戩而去。並派蘇松鎮總兵關天培等押赴浙江交界。該鎮現報於十二日申刻押護出境。入浙江洋面。仍飛咨前途一體派列巡船押護南行。是該夷船自必由浙至閩。至粵乃本月初二日據訥爾經額奏登州鎮總兵周志林咨稱。六月十八日劉公島洋面有夷船一隻乘風駛至。詢係前在江蘇等省被逐之船等語。陶澍等既奏稱將該夷船押護南行。不任北駛。何以復竄入山東境界。著陶澍等詳查據實具奏。將此各諭令知之。○又諭有人奏河南湯陰縣西鄉鄉村愚民習教傳徒。夜間每有聚會。戴星往來。所用食物為費不貲。一歲之中約有數次。該管地方官不加查察。附近紳民亦不敢舉發。現值天時亢旱。糧食昂貴。並恐該地方或有奸民如王法中等犯散錢惑眾誘人入教之事。此等莠民夜聚曉散。各州縣果能時時留心

查出為首之犯立加創懲。即有被誘愚民亦必知悔。知改。畏罪守法。消患未萌。著楊國楨督同臬司經額布。迅即嚴密查訪。如有前項不法情事。妥速緝拏。認真查辦。據實奏聞。將此諭知楊國楨。並傳諭經額布知之。尋奏委員前往逐戶編查。其居民皆安分守業。並無行蹤詭秘之人。取有各紳耆切結報聞。○准江寧省城義賑餘存銀四萬五千九百三十兩。有奇發商生息。以備荒歉。從總督陶澍請也。○壬子。撥戶部庫銀一百萬兩。運赴直隸。並碾常平倉穀二十萬石。截留江西新漕三十萬石。存貯天津北倉備賑。○癸丑。諭內閣。京畿自入夏以來。雨澤稀少。現在市集糧價增昂。貧民口食維艱。朕心甚為廕念。著於順天府分設廠座七處。平糶米豆。以濟民食。黃村著派朱為弼。溥治。盧溝橋著派蔡炯。嵩源。沙河著派德春。王丙。定福。莊著派龔守正。果良。額孫。河著派隆勛。成剛。龐各莊著派多恆。

明訓采育著派胡達源。陳鴻前往稽查。督同該地方官及監糶之委員妥為經理。此係嘉惠窮黎之事。如有奸胥市僧冒領囤積。立即嚴拏懲辦。其有辦理不善之處。亦即據實具奏。○又諭御史恆青等奏查驗米石。均有發塊攪和。請飭查辦一摺。據稱抽查二進江淮頭幫並大河三幫米石均有發塊。並有將發塊揉碎攪和希圖掩飾情弊。著交倉場侍郎查明將此次米石飭員迅速挑揀運倉。並將因何致有發塊攪和情弊徹底根究。參奏查辦。其續行抵通糧米著飭令坐糧廳詳細查驗。委係乾潔方准運倉。○甲寅。孝懿仁皇后忌辰遣官祭景陵。○諭內閣。前降旨五城分設十廠平糶。以濟民食。著派聯順。陳嵩慶。奎照。道慶。倭什訥。祝麟。文慶。沈維鑄。潘錫恩。奕澤。何彤然。梁中靖。許邦光。恩桂。卓秉恬。受慶。祝慶蕃。丁傑。奎閔。受昌。分赴各廠會同該城御史妥為經

理不得攬和糠土。及私增雜價。剋減升斗。並
國戶冒買吏役勒索諸弊。儻有經理不善。即
指名嚴叅究辦。俾貧民均霑實惠。○山東巡
撫訥爾經額奏。驅逐喫夷船隻。於六月十九
日開向正東大洋。是否南回。抑仍北向。殊難
豫定。飛咨登州鎮再行添派水師。分投巡探
押逐。務得切實下落。得旨。此是汝辦事實心
之處。朕甚嘉焉。○乙卯。諭內閣。朕恭閱雍正
六年六月十七日

皇曾祖世宗憲皇帝實錄內載

諭內閣為政之道。以愛民為本。愛民者必須厚
民之生。雨暘時若。百穀順成。始可登蒼生於
衽席。然感召

天和。必由於民情之舒暢。而民情舒暢。必由於
吏治之克修。從來言吏治者。不外興利除弊
二大端。夫利之所在。小民自必趨事赴功。不
待督率而為者。為上者不過相導之而已。至
於除弊。則小民所不能為之事。而專賴為上

之人。時刻留心體察。破積習以厚民風者也。
蓋地方之害。莫大於貪官蠹役之股削。強紳
劣衿之欺陵。地棍土豪之暴橫。巨盜積賊之
劫奪。此等之人。不能化導懲戒。則百姓不獲
安生。假若為大吏有司者。圖寬大之名。沽安
靜之譽。於貪官蠹役則庇護之。於強紳劣衿
則寬假之。於地棍土豪則姑容之。於巨盜積
賊則疏縱之。雖在己無殘害百姓之實跡。而
留此害民之人。令百姓暗中受其荼毒。無可

控訴。古人云。養稂莠者害禾稼。惠姦宄者賊
良民。如此則民氣何由而舒。

天和何由而致乎。

天以牧民之任授之君臣。而百姓又復敬謹尊
奉。胼手胝足。竭力輸將。以事其上。為君臣者
當共思之。受

天之恩奉

天之命。食民之食。衣民之衣。而乃怠忽優游。不
能鋤姦禁暴。置民間疾苦於度外。上負

穹蒼下負百姓誠天地間之大罪人矣。豈但天理有所不容。即清夜捫心。當如何愧怍。有牧民之責者。各宜撫躬自問。時加警省。慎之勉之。欽此。

聖訓煌煌。至為真切。凡有牧民之責者。允宜敬謹遵循。實力奉行。思所以舒民氣而召

天和。著自督撫以至州縣各衙門。俱恭錄一通。懸諸大堂。庶可觸目警心。隨時懍省。儻於四者之中。偶犯其一。朕言出法隨。必從嚴懲辦。

不少姑容。以期狼莠盡去。嘉禾遂生。民氣安恬。

天心順應。共臻郅治。朕實有厚望焉。將此通諭知之。又諭壁昌等奏審辦和闐糾眾謀逆。戕害伯克之要犯一摺。此案塔瓦克遊手好閒。起意糾人搶劫。假捏玉努斯名目。糾約哈瑪娃子伯哈提等幫助。戕害伯克。逼索駝馬。聲言欲搶和闐。實屬罪大惡極。壁昌等於審明後。將該犯塔瓦克等二十一名。概予凌遲。

並梟首傳示。和闐犯事地方。以彰國法。而昭炯戒。所辦甚是。其被戕之世襲五品頂翎五品採鉛伯克多拉特及六品頂翎之七品明伯克伊斯瑪伊勒。於該犯糾眾滋事時。猝被拘執。詈罵不屈。致被戕害。情殊可憫。及被害之跟役回子烏舒爾。催鉛回子愛瑪特。均照此次被害伯克回子之例。分別給予廕卹。免其差徭。壁昌等即查明該伯克等子弟。奏請恩施。以昭忠蓋。克里雅爾花翎四品阿奇木

伯克邁瑪特。於匪徒糾眾謀逆重案。不動聲色。設計將首從各犯全數弋獲。不致蔓延。頗為能事。邁瑪特著加恩賞給三品頂帶。並著交理藩院從優議敘。○戶部議准協辦大學士兩廣總督李鴻賓等奏。外夷各國均已產鉛。請暫停白鉛出洋。得旨依議。粵東濱臨大海。通洋水道甚多。現在白鉛停止出洋。誠恐日久疏於防範。以致奸商販運。復有偷漏營私等弊。著該督等嚴飭開津要隘地方各官。

隨時認真巡查。遇有私販鉛斤。即照違禁例分別嚴辦。仍於年終取其關廠各官並無出洋白鉛切實印結。送部查覈。並酌定稽查章程。報部覈辦。以垂永久。而杜流弊。○丙辰。諭內閣。前因京城內外河道淤淺。亟應挑挖。深通。派耆英朱士彥詳加履勘。茲據奏請將九門之護城河。就河路分中。將河面挑寬七丈。河底挑寬五丈。均按各橋座之樁板為平。將城內河道自積水潭至御河橋。除河泡積水較深。毋庸挑挖外。其淤淺處所。於中心抽槽。亦以寬六七丈。深二三尺為度。此外各河。均各就河面之寬狹挑修。其河身亦以橋座之樁板為制。至釣魚臺之三里河。現在兩岸積土溜入河身。與路相平。將來雨水下注。恐至漫溢。亦應量為疏濬。著派穆彰阿吳椿督同熟諳司員。覈實估計。奏明辦理。其朝陽門迤南至東便門河道一段。向係大通橋承管。每年例應挑挖。上游既挑。恐下游不能通暢。著

交倉場侍郎察看辦理。○又諭。前因王景周呈控李豹兒私立稅櫃。向各幫抽錢一案。當經降旨。交該漕督就近訪查。據實具奏。茲據蘇成額奏稱。現在重船到通。逐加查察。每船起米。均用本幫水手。間因不敷。雇人替用。亦係旗丁自付錢文。不經差役之手。等語。李豹兒業已病故。有無前項情弊。無可質對。著毋庸議。嗣後該漕督仍飭糧道廳弁。隨時認真稽察。以後重船抵通。起卸米石。如查有私立稅櫃。向各幫抽錢之事。立即拏解嚴究。毋稍姑容。並著直隸總督順天府尹。倉場侍郎。仍遵前旨。嚴行查禁。以杜弊端。○漕運總督蘇成額奏。嚴查江廣安徽回空漕船夾帶私鹽。得旨。務須認真查辦。不可視為泛常。○福建學政張鱗奏。職裏兵部。留心察看營汛。得旨。閩省武備。本不强壯。汝出試各府。須加意訪察。至本省提鎮。有不勝任者。亦應密記。遇便密奏。不可瞻徇。○丁巳。

上詣綺春園問

皇太后安○禮部奏八月初十日

萬壽節應行禮儀得旨照例行禮停止筵宴○直隸總督琦善奏酌籌順天府屬放賑銀米並得雨情形得旨覽奏稍釋憂慮之懷京師自上月二十七日至本月十二日共得雨七八次然尚未深透田苗土地較前潤澤多矣刻下已交秋令惟有仰叩

天恩大沛甘霖一次晚稼即可有望矣又奏常

平倉穀缺額分別覈辦批此時若再不嚴行查辦州縣更無所畏忌矣勉之○盛京工部侍郎裕泰奏遵旨查勘科爾沁旗開墾荒地界址酌擬章程八條一丈量荒地仍以三十六弓為一畝一原交押荒銀兩每頃不及十兩者照數補足有不止十兩者在每年應交大租制錢五千文內坐扣一以一地重複出寫者今後寫之戶與先寫之戶均勻分種一蒙古村屯酌留收放種植界內有典給民人

者追出典契換租種合同扣足典價按則輸租其情願贖回者照土默特民典蒙古地畝例辦理一典出地畝無力回贖照例令民人再種五年四年三年二年抵銷典價年滿日祇准蒙古自種或租給原佃不得再行出典及另招流民一民戶年滿交地後准其自墾界內閒荒向地局領種一蒙古自種熟地不准租給民人界外民開熟地嚴行封禁如有假自種為名影射私招民人者重治其罪一嚴禁攬頭名目寫地者令報本名自向地局交租以五項為限概不准多給下理藩院議行○展緩直隸大城阜城東光滄南皮成安保安龍門冀南宮新河武邑衡水寧晉武強邯鄲磁文安高陽任邱棗強交河寶坻香河霸縣東安良鄉房山涿懷柔密雲灤遷安撫寧昌黎樂亭臨榆清苑安肅定興新城博野望都容城蠡雄祁安新安河間獻肅寧景故城寧津天津青靜海鹽山慶雲正定獲鹿晉無

極豪城邢臺任難澤延慶蔚宣化懷安西寧懷來豐潤易涑水隆平定曲陽深澤獨石口八十二廳州縣被旱村莊舊欠額賦○戊午諭內閣都察院奏查明各省上控未經親提各案開具清單呈覽各州縣審斷不公致令屬民上控該管上司自應親提審斷俾無冤抑前經通諭各省督撫京控奏咨各案該管上司如未親提即將違例之員嚴行叅處何以各省應提不提之件仍有十二案之多殊

屬延玩著各該督撫即查取該管上司各職名速行送部議處嗣後審結各案即於覆奏時一面聲敘甘結虛實一面將職名隨案附叅毋再遲延干咎並著吏部將各省奏咨各案該管上司不行親提處分查明具奏○又諭長齡奏查明蒲灘鹽地情形詳晰籌議一摺山西省蒲灘產鹽處所民曬官銷那引分別不特防範難周更恐易滋流弊自上年查禁私曬鹽引已形暢銷現據該商人等呈請

捐輸永遠代賦津貼是以商力之有餘濟小民之生計著照所議准其將代賦銀五百四十三兩零津貼銀九千一百五十兩零由該商人等按年照數呈交道庫轉發永濟縣按戶分給仍責令蒲州府永濟縣實力稽查俟將來收穫有成再將前項銀兩按畝劃除庶民力不致竭蹶而私曬亦可杜絕洵於裕商便民兩有裨益該部知道○又諭聯順奏請查禁米局囤積一摺現因雨澤愆期米價昂

貴平糶煮賑以濟民食市價當不致增昂第奸商牟利囤積居奇自應嚴行禁止著都察院步軍統領衙門順天府揀派妥員會同查禁毋任稍有影射囤積自奉旨之日起各城內外米店概不准收買零星米石並飭該委員等親身前往實力盤查不許隨帶胥吏僕有辦理不善及借端滋擾等弊除將該委員等從嚴懲辦外其原派之該管上司亦必一併議處決不寬貸○諭軍機大臣等本日據

禧恩等奏查覈軍營出力人員並勦平逆。搖地方安靜一摺。覽奏俱悉。前據盧坤等奏在事文武員弁開單分別鼓勵。朕以人數過多。獎勵較優。降旨令禧恩等覈定。茲據奏逐一考察尚無冒濫。已明降諭旨。照所請加恩鼓勵矣。禧恩等現在辦理善後事宜事畢。定已起程前赴連州。會同李鴻賓辦理。搖匪究竟廣東連州搖匪因何起釁。該省自本年二月初間即已勾結滋事。因何遲至半年尚祇拏

獲一二搶掠餘匪。未能迅速完結。著禧恩等明查暗訪。將李鴻賓如何辦理不善以致滋蔓之處據實具奏。毋稍諱飾。致干咎戾。此時統計先後赴粵兵勇黔楚兩省共三千名。合之廣東徵調各營兵力不為不厚。禧恩等總須遵照前旨。誘該搖匪至山外平曠處所。先伏精兵截其歸路。一鼓作氣聚而殲旃。毋再拖延。致令老師糜餉。是為至要。將此由四百里諭令知之。○又諭前因京師缺雨。朕軫念

民依。降旨酌撥米豆。交順天府分廠平糶。現在定福莊有搶奪糧石之案。此案究竟因何起釁。是否災黎無力糶米以致滋生事端。抑或另有別情。著龔守正果良額明查暗訪。據實具奏。又聞盧溝橋有傷斃人口之事。是否因人多擁擠致傷。著蔡炯嵩濂查明據實具奏。將此各諭令知之。○以勦平湖南逆。搖出力。賞布政使恩特亨額。按察使楊黃道員梁恩照。知府方長慶。呂恩湛。王鳴球。直隸州知

州王元鳳。同知常慶。知縣楊得垣。副將嵩齡。霍隆武。馬天保。參將薩勒哈善。遊擊黃金玉。董偉。陸景哲。馬貴都司。呂耀宇。麻國慶。姜英。守備何有福。劉克勤。仇懷瑛。花翎直隸州知州陳同治等。藍翎副將祥福。參將劉允孝。王錫朋。遊擊郭宏陞。千總伍通標羅玉斌。趙榮陞。巴圖魯名號。復降調總兵官鮑友智等。職餘升補加銜議敘有差。○予湖南隨征病故兵馬司副指揮程聲玉。祭葬卹廕。○旌表守

正捐軀江蘇安東縣民馬如房妻盧氏○己未中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○諭內閣前降旨五城分設十廠自七月十一日起開廠煮賑並責成

派出照料之滿漢科道各員隨時體察儻因天時炎熱所煮飯粒蒸變不堪食用即奏明變通辦理勿致有名無實日來炎熱較甚各廠所煮飯顆恐不免有蒸變之虞著昇寅等即飭科道各員將各廠現在辦理情形查明據實具奏○又諭申啓賢等奏辦理現審案件情形一摺嗣後順天府衙門現審咨交案件有關罪名者註明收審月日及已完未完月終具奏一次交吏科京畿道逐件覈對按

限詳查若有應行扣限於月摺內註明儻無故遲延即據實劾叅其餘無罪可科之案免其列入月摺該府尹等嚴飭承審之員隨到隨結如有逾限者立即查取職名咨部覆議至該衙門遇有咨查各旗冊檔及傳質人證之件著照戶部現在奏定章程於接准咨文之日起限半箇月咨覆如仍任意遲延致逾定限即將該旗指叅照例議處其有原告意存拖累投詞後傳訊不到著照原告兩月不

到案之例註銷。諭軍機大臣等據楊國楨奏酌擬採買協濟直隸賑糶石事宜一摺。前因琦善奏直隸豫籌賑糶倉儲恐不敷動撥。請於鄰省籌辦協濟。當降旨令楊國楨體察情形具奏。茲據稱刻下新穀尚未登場。又近年豫漕改豆。微米為數較多。此次如全購米石恐難期妥速。請將米麥高粱黃豆四項共先購五萬石。於漕需民食均無妨礙。並以省南道遠運費不貲。請於距衛河較近之開歸彰衛懷等屬分投購買。又據查明豫境衛河並無商賈。船隻甚少。若委員赴天津一帶雇覓人地生疏。且虞遲緩。請由直隸派員就近雇備船隻。或兼用楊村官剝押帶來。豫在濬縣道口及衛輝之西關領運。仍豫定存貯之。所以便起卸。庶免輾轉稽遲。自係該省實在情形。著琦善酌量迅速妥為籌畫。奏明辦理。將此諭令知之。尋奏直隸現在情形。毋庸再籌協濟。請即移咨停止。報聞。○添設塔爾

巴哈台所屬各部落委筆帖式一員。領催五名。兵六百五十名。從參贊大臣布彥泰請也。

大清宣宗效天符運立中體正文聖武智勇仁慈儉勤孝敏成皇帝實錄卷之二百十五

大清宣宗效天符運立中體正至文聖武智勇
仁慈儉勤孝敏成皇帝實錄卷之二百十六

臨修職官從前日講起居注官太子太保禮部尚書文淵閣領事理部事務上書房總辦翰林院掌院學士兼官職

天府府署稽察司加五級從九品加六級實積職官總辦稽察司事務都察院御史兼管稽察司事務天府府署稽察司

七倉大臣稽察司四庫館稽察司一級隨帶加六級實功加三級從九品加五級實積職官總辦稽察司事務都察院御史兼管稽察司

內務府大臣稽察司四庫館稽察司七倉大臣稽察司府署稽察司實功實積職官總辦稽察司事務都察院御史兼管稽察司

爵院治總辦稽察司加十八級從九品加六級實功加六級實積職官總辦稽察司事務都察院御史兼管稽察司

教修

道光十二年壬辰七月庚申諭內閣前因定

實錄卷二百十六

上

福莊有擁搶糧石之案降旨令龔守正等查明據實具奏茲據奏稱大興縣知縣胡惠璜於初九日因領糶人數過多赴糶之人多係通州及京營人戶始出示定為各糶各境初十日領糶人戶未知鄰境不准領糶遂致擁搶等語開廠平糶自應先期出示詳為曉諭俾遠近村莊俱各周知該處係初八日開廠何以不安定章程豫行示諭自是辦理不善所致胡惠璜著交部議處申啓賢徐鏞俱著

交部察議○諭軍機大臣等據林則徐奏請

定同考官校閱章程並豫防士子諸弊一摺

本年鄉試將已屆期該撫職任監臨所有考

試簾官自應悉心校閱其入闈各員當不致

以年老荒唐濫行充數惟賓興為掄才大典

前經降旨令各直省主試校閱落卷識以三

年大比一經屈抑又須三年竟有終身淪棄

者該主試均係經朕特加簡任尤當加倍認

真著湯全釗等督率各同考官細心分校不

實錄卷二百十六

二

得僅點數行即行擯棄以致草率從事監臨之責在點名校檢整肅場規主試之責在遴拔真才稽查弊竇均各責無旁貸原摺著鈔給閱看除窒礙難行無庸議外著湯全釗等悉心校閱揆查落卷嚴去取而拔真才方為不負委任將此諭令知之○又諭有人奏江浙浙江近年浮收之弊日甚一日即如湖州府所屬之烏程歸安兩縣烏程歲徵地丁銀十一萬六千兩有奇歸安歲徵地丁銀十萬

四千兩有奇。該縣從無聽民自封投櫃之事。總係折收錢文。現在市價庫平紋銀一兩。約計合制錢一千二三百文。而赴縣完納錢糧。則庫平紋銀一兩。需交制錢二千四百五十文之多。官吏侵漁。閭閻被累。其他府所屬。惟山僻小縣。間或聽民自封投櫃。至缺分較大州縣。浮收勒折。習為固然。牢不可破。況浮收既甚。則應完正課。轉有不敷。致多積欠。是地方官便私適以誤公。而累民即以病國等語。各

刑部奏

三

州縣官徵收錢糧。自應恪遵功令。聽民自封投櫃。何得顯違例禁。任意浮收。以小民有限之脂膏。供官吏無窮之朘削。日甚一日。伊於何底。著林則徐等。嚴禁所屬各州縣違例浮收。儻敢仍蹈故轍。即指名嚴叅。示懲。總當極力挽回。不可稍存畏難之見。如各州縣中有前項情弊。此時再不嚴行懲辦。州縣更無所畏忌矣。勉之慎之。將此各諭令知之。○江蘇巡撫林則徐奏。喚咭喇夷船。寄校江南洋面。

刑部奏

四

責令水師押往浙江。挨次遞送回粵。並訪問喇噴味等。因在廣東爭占馬頭被逐。畏罪不敢回國。咨會粵省。知照該國撤回。以免此逐彼竄。報聞。○命派往順天府五城監糶各員。除奏事外。無庸赴園輪值。○以失察直隸清河縣民尹老須等。習教傳徒。革總督琦善花翎。降三品頂帶。留任。歷任總督布政使。按察使。道府州縣。革職降罰有差。○辛酉。諭內閣。昨降旨。將失察尹老須。蕭老尤等。案歷任直隸各員。照部議。分別革職降罰。均不准抵銷。此等重大案情。地方官若果認真查辦。消患未萌。何至釀成巨案。然尚係因案破案。究出習教傳徒。謀為不軌。重情。蹤跡敗露。不致貽害閭閻。是以僅將該管地方官。照失察。謀逆。分別議處。尚屬從寬辦理。嗣後各督撫等。當督同兩司道府。嚴飭所屬州縣。平時實力編查保甲。剴切諭導。俾比戶善良。各安恆業。如有不安本分之徒。行蹤詭秘。稍露端倪。即應

明查暗訪不動聲色立拏究辦懲一儆百不得自耽安逸任聽胥吏差役藉端騷擾將習教匪徒得錢賣放反將良善之家恐嚇訛詐拖累無辜該管上司尤當隨時飭屬勿任諱飾彌縫顛預了事儻漫無覺察致令此等習教匪徒潛藏煽惑搆成謀逆實事萬一竟有蠢動必將該督撫等從重治罪決不寬貸懷之慎之特此通諭知之○壬戌諭內閣松齡等奏承修繼德堂現已工竣恭請

列聖

聖容供奉吉期著欽天監敬謹擇日具奏屆期著派惇親王綿愷前往代朕敬謹升香行禮○以故喀喇沁貝勒托恩多子德木齊扎布襲爵○戶部議准福建巡撫魏元烺疏報閩侯官漳平鳳山四縣開墾田地五頃二十一畝有奇照例升科從之○癸亥上幸萬壽山詣廣潤祠拈香○諭內閣特登額奏拏獲私入

風水禁地偷打牲畜遺火燒荒之賊犯請解交刑部審辦一摺

陵寢重地理宜敬謹小心守護何至任聽該犯袁九等私入紅椿大道以內偷打牲畜遺失火種以致延燒實為從來未有之事且該犯等膽敢攜帶鳥槍擅入風水禁地尤為藐法可惡已極其全案人犯共二十一名獲犯僅止七名該管各官形同木偶所司何事所有現獲之袁九張三李自有馮孝劉廷俊張二

劉泳和七犯俱著解交刑部嚴行審訊除兵丁彭惠文文春業已責革外十總王勾外委高登舉俱著革職勒限一箇月嚴拏逸犯朱益琢等十四犯務獲解部究辦其中軍遊擊塔克興阿右營守備陳椿標俱著先行交部嚴加議處所有逸犯限內全行拏獲著奏明請旨儻逾限不獲必將特登額交部嚴議王勾等從重治罪決不寬貸○又諭五城開廠煮賑前因天時失熱誠恐所煮飯粒致有蒸

變不堪食用特降旨交昇寅等飭令科道各員將各廠辦理情形查明具奏現在天氣炎蒸未退各廠所煮飯顆數日來如何辦理究竟有無味變之虞朕心實深廕念著派松筠前赴東城鐵麟前赴南城桓格前赴中城戴銓前赴西城敬徵前赴北城即將各廠煮賑實在情形分投確查各行繕摺據實具奏○直隸總督琦善奏謝革職留任恩得旨看汝嗣後辦事何如耳如再遇此等情事朕斷不能稍從寬假也懍之又奏酌擬災賑章程批覽所擬各條尚屬妥備總要行之以實民沾實惠官吏有辦理不善或有侵吞虛冒等弊必應從嚴懲辦以儆其餘斷不准受人欺朦姑息從事儻辦理不善別經發覺惟汝是問懍之勉之又奏省城得雨深透批京師亦於十五日戌刻雷電交作大沛甘霖至十六日寅正方止洵屬深透十八日自卯刻濃雲四布澍雨連綿至午刻勢猶未止此皆仰賴

天恩優渥普被甘膏朕欣感之餘彌增懍畏○江南河道總督張井奏伏汛安瀾湖水報長得旨清水既日見其長本年回空軍船能否開壩放渡臨時相機妥辦又奏河南沁河水勢陡長批加意防護萬不可稍有失誤懍之○予回疆軍營病故甘肅知州丁文鈞祭葬卹廕○甲子

上詣綺春園問

皇太后安○諭內閣前據陶澍等奏請以長洲

縣知縣陳玉成升補泰州知州旋經吏部奏明與例不符降旨不准行是陳玉成係應回本任之員長洲縣知縣並未出缺陶澍等遽請以揀發候補知縣姚瑩補授長洲縣知縣殊屬不合陶澍林則徐著交部照例議處陳玉成著仍回長洲縣本任姚瑩即撤回另補該部知道○諭軍機大臣等前因琦善奏直隸麥收歉薄倉儲不敷動撥當於鄰省籌辦降旨令奕訢等查明奉天現存糧石情形是

否可以協濟茲據奉天粟米實形短少二麥收成亦祇五分有餘並請援照江南採買章程辦理等語京師現得透雨直隸州縣得透雨處所亦復不少惟久旱之後收成恐不免歉薄著奕額等俟秋後察看何處糧食充足何項價值平減據實奏聞候旨遵行將此諭令知之○以故奉恩將軍景鳳子英秀襲職○以江南江寧城守營副將惠善恩為徐州鎮總兵官○以失察直隸任縣民王法中

等習教傳徒歷任總督布政使按察使道府州縣降罰有差○乙丑諭內閣前因天時炎熱五城焚賑恐有蒸變特旨交昇寅等飭令科道將各廠辦理情形具奏復派松筠鐵麟桓格戴銓敬徵分赴各廠確查奏聞茲據松筠等奏稱各廠飯粒均未變味辦理俱尚妥協惟鐵麟奏稱前赴積善寺飯廠時御史富明並未到廠副指揮金世琛未候鐵麟到廠先行散放等情著都察院堂官確切查明據

實具奏○又諭那丹珠等奏二進幫船米石發塊過多請變通辦理一摺各省漕糧本應一律乾潔方於倉貯無礙現在二進幫船米多發塊自係因上年浙江水災雨中收割米質未堅並轉運遲滯堆積日久所致若照例全行篩颺不特有需時日且在後漕船尚多必致回空逾限自應變通籌辦著那丹珠等飭令經紀先將發變成塊之米剔出另貯其餘黏連數粒尚未成塊者著即行起卸以便

剝船輪轉剝運僅抵大通橋時查出仍有大塊即著落經紀賠補其到倉出袋之米責令各倉監督督同花戶勤加風瞭至挑出另貯米塊連飭幫丁照數買換好米賠補交納全完免其治罪如賠不足數著該侍郎等於查驗數幫後彙案嚴叅照例懲辦嗣後漕糧抵通仍照舊章遇有蒸潤發塊者無論結塊大小即行專案嚴叅以符定制斷不准因此次變通辦理援以為例○又諭據那丹珠等奏

察看東便門至朝陽門一路護城河係船糧由大通橋運倉必由之道現在二三進到橋船糧正資水運該處水勢充盈剝船滿載暢行其橋座椿板均在水底此處河底是否低於椿板亦難量測著暫緩挑挖俟運務完竣再行履勘奏明辦理○又諭前據御史恆青奏查驗米石均有發塊攪和情弊當交那丹珠等查辦茲據奏稱查江淮頭幫暨大河三幫米色本屬平常迨經徵過夏沿途起剝未

質受傷又因入袋蒸悶發塊尚無使水攪和等弊所有挑出發塊虧折米石著照道光五年成案著落經紀折銀賠交其承辦經紀著交坐糧廳責處以示懲儆○又諭前據昇寅等奏參歸綏道富珠禮於達爾漢茂明安土默特三旗互爭地界並不親詣履勘僅派屬吏與蒙古人等往查改立界堆以致土默特蒙古等不服當降旨派祥康會同該盟長逐處履勘明確遵照奏案辦理嗣祥康升任盛

京刑部侍郎未及查辦移交新任副都統惠顯辦理茲據奏傳集三旗會同盟長反復曉諭各旗總以土默特入伊等遊牧不能具結此案著派松筠馳驛前往歸化城會同該盟長親詣履勘三旗互爭地界秉公查辦定立界址永杜爭端所有隨帶司員著遊派刑部理藩院司員各一人俱著一併馳驛至惠顯奏盟長巴圖鄂齊爾意存回護未便再令會辦請改派副盟長烏喇特公喇特納巴拉會

辦之處並著松筠到彼體察該處情形奏明辦理○又諭祁墳等奏賀縣地方有猺匪聚集圖往湖南滋事帶領兵壯即時撲滅一摺所辦甚好前因湖南廣東猺匪滋事經祁墳等調派官兵防堵六月間有徙居蒼梧縣早塘冲之湖南九冲猺人盤均華即盤金華邀縣屬白竹磨刀古瓢各冲土猺陳元青盤友奉趙金錄等千餘人在趙金趙元義等家飲酒聚集抗不就撫又裹脅土猺共二千餘

人紅布裹頭手執槍械經同知易中孚偕參將滿承緒等督兵尾追六月二十五日匪見官兵追及即占據河岸放槍抗拒參將滿承緒身先士卒奮力指揮被匪鳥槍中傷左肩甲署守備楊喜右手腕亦受槍傷官兵忿激爭先連環放槍打斃匪百餘人該匪仍恃眾不退時至夜半我兵運到大礮陸續施放至二十六日黎明轟斃匪二百餘人該匪等敗走我兵乘勝追捕又殲斃匪

千餘人生擒男婦三百餘名口奪獲旗幟槍械無算餘匪四竄又經鄉民獲送三百餘名口是夜四鼓匪乘我兵倦乏掙斷繩索互相解放拋擲甓瓦將兵勇打傷我兵四面放槍該匪等抵死抗拒該文武員弁即令兵壯豎梯登屋將該匪盡行殲斃又經文哲璉分撥零匪二百餘人拏獲盤友奉趙金錢即帶赴馬金凹地方查認盤均華屍身詢係桂林營兵丁何金榮隨同本營千總劉尚信殺斃

又據候補知縣史悠辰等先後在水巖壩楓木冲等處殲斃匪十一名擒獲男婦四十四名口其附近安分良民業經妥為曉諭安堵如常辦理均屬妥協參將滿承緒署守備楊喜均著加恩先行賞戴花翎其在事文武員弁奮勇出力勦辦迅速並著該撫查明奏請鼓勵毋許冒濫其陣亡兵丁六名壯丁鄉勇各一名及受傷兵丁壯丁鄉勇七十餘名著該撫確查分別咨部優卹其民人闖作孽

目兵郭安靜及猺頭鳳才田等先事赴官首報實屬向義急公著從重賞犒又另片奏東猺未靖防堵需時間款又無可籌自係實在情形該撫所奏在文職養廉項下動銀三萬兩在司庫封貯項下動支銀六萬兩又於司庫封貯銀內再提銀五萬兩以備支發俱著准其支銷總須撙節動用無得稍有浮冒致滋糜費該部知道○諭軍機大臣等祁項等奏賀縣地方有猺匪聚集圖往湖南滋事帶

兵追捕即時撲滅一摺已明降諭旨令將出力文武員弁奏請鼓勵矣此案緝匪盤均華既係江華縣九冲緝人是否早年移居蒼梧縣早塘抑係近日始由江華潛來勾結如果圖為逆黨趙金龍報復又何以至今始行蟻聚滋事亟應就生擒各犯詳悉訊究並嚴究隨同滋事要緊夥犯名姓下落逆黨盤均華既據查認明確實係殲斃是該匪尚未漏網此外緊要夥犯著該撫派委幹員嚴行究訊

務得確情據實具奏其竄散餘匪尤須嚴密拏拏前因該省不可無大員彈壓降旨令蘇兆熊仍回廣西本任並著該撫會同該提督密速勦捕勿留餘孽以淨根株現在廣東連山排緝未靖派兵勦辦該撫等務督飭各員弁於交界處所嚴行防堵毋使一名竄入是為至要將此由四百里諭令知之○又諭前因翰林院侍讀鄂恆奏請復設天津水師當交兵部議奏茲據奏稱天津水師自雍正三

年至今旋設旋裁已非一次該侍讀自因天津距順天不遠慎重海防保障京都奏請重設水師非專為喫咭喇國夷船起見但該處海口情形今昔不同前任總督那彥成摺內所稱海口數十里外有攔港沙一道現在有無坍塌洋船是否不能進口礙難懸議請飭查覈辦等語著琦善將天津應否添設水師抑或該處原有總兵駐劄陸路弁兵足資防衛之處察看情形從長籌計悉心妥議具奏

將此諭令知之○又諭據奕顯等奏查明存山木植日災風吹雨淋土蝕堪用者甚少即使招商為價甚微而此禁一開勢必百弊叢生溯查道光四五六等年招商變價拏獲私木至十萬餘件之多自七年奏准存山以後迄今五年僅獲私木五萬餘件是招商而私木愈多之明驗請仍遵前旨任其在山存放不准招商變價如有應辦工程即可選用等語著照所請嗣後遇有應辦工程覈其運費

較輕者。即在此項木植內酌量選用。惟邊外山場遼闊。木植在山。著該將軍嚴飭該管官兵等。小心看守。仍責成巡防邊卡及地方各官。實力稽查。儻有疏失。即指名嚴叅懲辦。將此諭令知之。○又諭前據松齡等奏。承修繼德堂工竣。恭請

列聖

聖容供奉吉期。已降旨令欽天監擇日具奏矣。繼德堂現改名綏成殿。所有殿額俟製造完竣。派員齋交松齡等敬謹懸掛。其換下繼德堂舊額。並著敬謹收貯。嗣後該處奏事摺內。繼德堂著即書寫綏成殿字樣。將此傳諭知之。○予葉爾羌陣亡筆帖式色凌阿。祭葬世職。委筆帖式鳳林通事呢雅斯素皮。兵丁郭勒金布等六名賞卹如例。○修浙江鎮海縣單夾石塘。從巡撫富呢揚阿請也。○丙寅諭軍機大臣等。李鴻賓等奏排獠屢經截擊。現派楚省勁兵入林探剿一摺。覽奏均悉。廣東

排獠自六月間在大鵬橋殲斃多名後。又潛出虎叉塘汛。復被官兵截擊。迨楚兵紮營蛇兒嶺。該匪遁跡深林。現經曾勝挑選精兵練勇探捕。其散獠在小鰲寨圍劫。經官兵槍斃多名後。又於長塘汛。望溪嶺等處。槍斃多名。近日行梓排獠老唐戶七等情。願傳諭小沖各獠。自安本分。看此光景。不難迅速撲滅。惟李鴻賓等奏。探明深林中該匪藏匿處所。探拏圍捕。逼令歸排。痛加攻剿。未為妥協。我兵入林探捕。則主客之勢既分。恐致墮賊奸計。前劉榮慶因此生失事機。以致曠日持久。老師糜餉。一誤豈容再誤。禧恩。瑚松額。余步雲此時定已到彼。著仍遵前旨。誘至山外平曠處所。一鼓作氣。聚而殲斃。務須趕緊乘此官兵齊集。設法兜剿。早日撲滅。此為至要。至李鴻賓等奏。調撥廣東兵丁六千名。查明或病或傷。或不服水土。俱隨時撤回。在督標南韶鎮標各營兵丁調換。此等兵丁俱籍隸本省。

何至不服水土。病者甚多。可見該省武備廢弛。兵勇全靠不住。至現調官兵較多。所需口糧。准其於就近州縣碾動倉穀運濟。兵食其軍需銀兩。除前經提用藩庫存款外。即著李鴻賓會同朱桂楨飭司籌款。總須覈實支給。毋許稍有浮冒。將此由四百里諭令知之。○又諭前據御史邵甲名奏請飭理。孫同知赴任。已據盧坤等覆奏矣。有人奏現任理。孫同知王立名。自嘉慶二十五年選授此職。從不

到。濤墟本署逗留省城。營求差委。現在衙署傾欹。吏役星散。以致趙金隴造具軍械。製備礮位。並聞其出入妄用旗幟護衛。該同知無從知覺。上年冬間。聞該孫謀逆。即當緣該撫調署長沙府。通判令其押運進京。以為脫罪地步。該處逆黨蠢動。皆該員曠職所致。請將溺職釀事之理。孫同知王立名查拏究辦等語。王立名因派重運進京。是以委熟悉地方情形之姚熊飛署理。但省城候補丞倅亦多。

何以必須該員押運。王立名是否實有實緣。調署情事著盧坤等回奏。至趙金隴滋事。該管各上司及該府縣等毫無覺察。前經降旨令盧坤查取職名。奏明交部分別議處。將及兩月。尚未據該督奏到。殊屬玩延。著盧坤等迅速查明。一併覆奏。毋再遲延。干咎。將此諭令知之。尋奏王立名於上年五月至省。委赴常德府查災。十月事竣。署長沙府通判。而趙逆起事在十二月。所稱因聞該孫謀逆。當緣

調缺實無其事。現已將職名開參。治以失察之咎。不得以帶印公出為解。報聞。○又諭有人奏各省審辦案件。宜覈明功過。以懲怠玩。而昭激勸。地方積案累百盈千。既有清理之員。必先有壓擱之員。如襄陽縣知縣阮克峻到任甫及年餘。而大小各案件已積至八九百起之多。當其未經審結。而衙蠹之弊。延民生之拖累。已不知凡幾。若查係積自前任。則應將前任叅辦。而後將該員奏請鼓勵。若查

係積自本任。則功過尚不足相抵。亦祇宜計過而不宜計功。乃該督等祇知奏請鼓勵。審辦之員。而於各案積自何任何時。並未查明。奏奏是不惟勸懲不得其平。恐各省府廳州縣。每遇升調有期。先將案件延擱。不特任意安逸。且可留為後任清理邀功地步等語。地方官於應辦案件。必須迅速提訊。隨案審結。斷不准稍有積壓。拖累閭閻。若既於清理積案之員。奏請恩施。而疲玩積壓之員。並不據

實奏。殊不足以昭勸懲。著盧坤即將襄陽縣所積八百餘起案件。確查究係積自何任何時。據實奏參懲辦。將此諭令知之。○直隸總督琦善奏。永定河伏汛平穩。得旨。現當雨水連綿。一切防守。隨時加意。不可稍有疏虞。又奏。南運河水勢暢旺。又恐致滯。批。京師亦於十五日得有透雨之後。陰雨縣縣。至今並未開晴。調順二字。實難矣哉。○丁卯。予捕賊被戕步軍校定福賞卹如例。○戊辰。諭內閣。

佐領宗室綿榜等。於馬甲唐八即尼莽阿與王法中傳習邪教。經兵部將該管之參領佐領族長等分別降革。該都統等前已分別降級留任。均不准抵銷。此等邪教煽惑庸愚。其始不過數人數家。私相傳習。該管各官。當其初經發覺時。或意存寬縱。懼干失察之咎。不行查辦。迨至養癰貽患。不但罹法者國憲難逃。即失察各員。亦必嚴加議罪。斷不能少從末減。此次究出唐八習教一犯。僅將該管失

察各員分別議處。尚屬從寬辦理。著宗人府八旗王公大臣等。嗣後務將各該管之宗室覺羅滿洲蒙古漢軍人等。平時諄諄訓迪。勿為邪惡引誘。爭自濯磨。遷善遠惡。並飭令各該族長參領佐領等。於所管內如有被人所誘。或自陷於邪。稍露端倪。即當認真查拏。據實稟報。該上司即嚴切根究。盡法懲治。以儆其餘。勿稍存姑息之見。庶可以消奸宄而安良善。儻不知防微杜漸。該族長參領佐領等。

於所管內遇有此等情事。或隱匿不報。以致別滋事端。釀成巨案。必將該管各官及統轄上司從重治罪。決不寬貸。懍之慎之。將此通諭知之。○都察院奏請議處未到飯廠監放之御史。得旨。巡視南城御史富明年力就衰。辦理飯廠事務。精神未能周到。著以原品休致。副指揮金世琛尚無不合。著毋庸議。○以理藩院右侍郎奎照監臨順天鄉試。改派光祿寺卿寶善稽查平糶廠務。○命都察院左

副都御史沈維鐫提督安徽學政。○以貴州黎平府屬各廳縣距省寫遠。所有遣軍流徒人犯。命就近由道審轉。移司叢詳。從總督阮元等請也。○旌表守正捐軀山東臨朐縣民宋九霄妻王氏。○己巳。

仁宗睿皇帝忌辰。遣官祭

昌陵。

上詣

安佑宮行禮。○諭軍機大臣等。張井奏洪澤湖

水勢壘漲。駐工督防一摺。淮源旺盛。洪澤湖上年異漲之後。本年夏令。雖間有消長。而豫皖上游雨勢過大。山泉河港並皆漲溢。匯注於湖。該河督於重運尾幫未過邵伯時。即將山盱義禮兩河開放。豫騰湖面。迨六月望後。湖水壘長。復將仁河智壩並林家西滾壩接放。籌備分洩。現在高郵湖水已長至一丈二尺五寸。據該河督親駐湖隄。相機宣洩。俟湖水長至定誌。即將車邏等壩。按照水誌次第

啓放。以資洩水。該河督觀此危險情形。固當竭力相機保護。務保無虞。高郵四壩為減漲入海之路。洩水較靈。惟壩下田禾早稻。雖經收割。但水過之處。小民廬舍不無損傷。此時湖中清水既見壘漲。黃水時長時消。如果日見消落。清高於黃。或可啓放禦黃壩。收以清刷黃之效。較之啓放車邏等壩。豈不更善。是否可行。著該河督體察情形。悉心籌度。總期計出萬全。勉益加勉。又另片奏黃河水勢較

伏汎最大之日。已小二尺六寸。惟來源正旺。仍恐接漲。趕緊於王家莊迤上。搶鑲新埽九十餘丈。八巨港地方。搶鑲新埽八十餘丈。運河兩岸。緯隄。加築子堰。外鑲護埽。內澆裏戩。漸臻穩定等語。長水雖見消落。並加築子堰。鑲護埽。澆裏戩。已臻穩定。然秋汎正長。不時加意防守。毋許稍懈。務當督同道將董率廳營汛弁兵。夫無分晝夜。實力防範。斷不可稍有疏虞。以致虛糜工費。不但湖隄必臻穩固。

運河黃河亦當慎重宣防。隨時妥辦。一切勉力為之。俾河湖運道均有裨益。方為不負委任。將此諭令知之。○改派鴻臚寺卿董淳稽查平糶廠務。○庚午。

上詣綺春園問

皇太后安。○御勤政殿聽政。○諭內閣吏部將則例內載奏交咨交及上控各案該管上司不行親提處分。並道光十年議准各省奏辦提解遲延改歸畫一章程開單具奏。定例已

為周備。嗣後遇有州縣審斷不公。致令小民上控之案。該管上司若不親提訊究。該督撫隨時查訪。即將違例之員。嚴行叅處。其奏交咨交各案。該督撫務當親提案證。嚴訊確情。據實平反。並將不行親提之該管上司。確切查明叅處。不得含混了事。如意存徇隱。致有彌縫掩飾情弊。儻別經發覺。或被人指叅。即將該督撫及該管上司從重議處。決不寬貸。○又諭順天府學教授覺羅興文。因齋送繻

譯錄科二三等試卷遲延。降旨交部議處。該員不聽候部議。輒以無心誤差等詞。曉曉陳訴。此風斷不可長。覺羅興文著降三級調用。不准抵銷。○以大理寺少卿許邦光為光祿寺卿。○命翰林院侍讀許乃普仍在南書房行走。○添撥東河防險銀二十五萬兩。從河道總督吳邦慶請也。○辛未。諭內閣戶部奏烏魯木齊道光六年回疆軍需第三案內。供支官兵各項銀五十七萬三千五百餘兩。口

糧麪二百一萬八千三百餘斤。前經節次咨催。迄今未據造冊報銷。殊屬遲緩。著該都統將前項銀糧迅速造具細冊送部覈辦。再十年回疆各城軍需或由本處報銷或歸甘肅總局報銷。揭報到部。今凱撤已歷年餘。報銷尚未及半。著陝甘總督轉飭各屬趕緊辦理。覈實造報。又另片奏據西安將軍咨稱道光六年西安滿洲營派往回疆凱撤官兵交留各處駝四百四十二隻。除烏什收明變價外。

其餘均未報部。哈密吐魯番皆稱並未收留。西安官兵交留駝隻而西安將軍咨內亦未能指出確交何人之手。彼此互推。殊屬不成事體。著西安將軍陝甘總督哈密庫車阿克蘇吐魯番等處查明前項駝隻各該處是否收留。抑係西安官兵任意捏報。查明報部以重官物而禁冒銷。○壬申諭內閣本日據玉麟等奏勒平逆瑤叩賀。又據鄂山奏瑤匪蕩平叩賀各一摺。湖南逆瑤趙金隴滋事。經官

兵勦捕即時撲滅。此等小醜跳梁。旋即殲除。各省並未具摺賀喜。今玉麟等專摺奏賀。均屬冒昧不曉事體。玉麟常德鄂山俱著傳旨申飭。○又諭玉麟等奏伊犁出征官兵應賠馬匹一摺。伊犁官兵從征南路。經由冰嶺路徑崎嶇。原領馬匹致多倒斃。若照例著賠五分。實屬力有不逮。著照所請。所有伊犁滿漢兵丁應賠騎馬五分。加恩准照八年成案與馱馬一律准銷八分。著賠二分。其民遣壯勇原領馬匹均已倒斃。應行追賠之處。亦著照上屆成案。全行豁免。以示體恤。至前於軍興時奏添伊犁各軍臺馬二百九十四匹。駝二百四十隻。兩載以來。差務較繁。時有運送軍營物件。馬匹倒斃亦多。著照駝隻例均以八分准銷。其從前就近撥給阿克蘇各軍臺供差馬四百一十六匹。著阿克蘇與撥解軍營牛羊一併查明造冊報銷。該部知道。○諭軍機大臣等。本日據申啓賢等奏。自七月十五日

以後各處連得透雨不特萎黃禾稼勃發改觀即補種之蕎麥黑豆蔬菜雜糧亦皆應時長發察看民情均皆盼望秋成不致十分拮据惟是透雨之後高阜之地向憂乾燥此時轉成膏腴低窪之鄉向尚青蔥此時頗虞淹浸情形因時而易苦樂閱日而殊若不逐處清查分別履勘則災之重輕口之大小無由條理釐然甚至無災之區或至冒濫有災之地或反漏遺尤不可不詳細斟酌等語本年

入夏以後雨澤愆期直隸順天各州縣業經琦善查明被災較重之區奏請緩徵並先事籌畫請撥銀未經戶部議奏共撥米四十萬石銀一百萬兩均經降旨允准原係寬為籌備惟現在得有透雨將來如果查辦大賑與前次六月間各州縣所報情形迥不相同不可不確實查勘著琦善即豫飭藩司顏伯燾屆時將直隸順天各州縣是否成災遴委妥幹之員分投確切查辦斷不准經手胥吏捏

報冒濫務使貧民得需實惠帑項不致虛糜如查出弊端即據實叅辦毋稍姑容將此諭令知之尋奏被旱處所請俟秋成後再行查辦得旨所見甚是著依議行○癸酉直隸總督琦善奏永定河南六工上汛漫溢奪溜得旨相機妥辦查看明確即行具奏○甲戌諭內閣楊惲曾奏江河並漲各屬隄段續被漫溢並被水較重之天門縣現委藩司馳往勘辦一摺湖北公安石首等縣因江河水漲隄

塍漫潰間被淹浸天門縣被水較重業經該撫飭令藩司衍慶帶銀前往撫卹著即照例給與口糧俾資接濟以免災黎失所其公安石首等州縣亦經派員前往會勘如須藩司督辦著即飭令馳往務將被淹輕重確切勘明妥為撫卹總期毋濫毋遺實惠及民其城垣衙署倉庫監獄坍塌情形及潰口若干丈尺著督飭趕緊設法搶築仍嚴飭有隄各屬加意防護務保無虞○以喀爾喀郡王多爾

濟喇布坦為庫倫辦事大臣○裁湖北施南府通判保康縣訓導二缺從總督盧坤請也○命御前行走喀爾喀郡王多爾濟喇布坦賜奠故庫倫辦事大臣扎薩克貝子倫布多爾濟茶酒並賞銀五百兩○禮部議准四川總督鄂山疏報採訪通省貞節婦女汪張氏等九百九十九口湖南巡撫吳榮光疏報郴州賀氏等一百四十七口請各建總坊旌表從之○賑建澎湖廳被風災民緩徵新舊額賦

大清宣宗效天符運立中體正至文聖武智勇仁慈儉勤孝敏成皇帝實錄卷之二百十六

[illegible]

道光十二年。壬辰八月。乙亥朔。

寶錄卷二百十七

大高殿行禮。○還宮。○陝甘總督楊遇春覆奏
訊明民人朱田趙因習天主教發遣。李盛榮
等均內地貿易民回。前在喀什噶爾隨同守
城。曾受槍傷。城破被擄。逼脅未從。經張逆送
至霍罕。分給各處回子服役。時被磨折。因先
後乘間逃出。由布噶爾至俄囉斯所屬之噶
林布格爾邊界。經該夷目回明本國王子送
回伊等在霍罕時。言語不通。不知所服役者。

城折徵糧一千石。自本年始仍徵本色。從葉爾羌參贊大臣璧昌請也。○以祭

社稷壇自是日始齋戒三日○丙子遣官祭文昌帝君廟○諭內閣本日據御史扎克丹等奏查勘貢院工程俱已修理完整惟各號舍中間有席箔剝爛處所等語儻秋雨較多號舍滲漏多士難以棲止著順天府多備蘆席以資苫蓋○旌表守正捐軀江蘇山陽縣民李昌年妻董氏○丁丑祭

先師孔子遣大學士盧蔭溥行禮○諭內閣李鴻賓等奏海疆難治要缺人地實在相需請准調補一摺前因朱桂楨奏請以葉承基調補海陽縣知縣陳鳳圖調補揭陽縣知縣當經吏部查明該員與例不符業已降旨斥駁茲據李鴻賓等復以人地實在相需再行請請宣通省中合此二員別無勝任之人且葉承基本任高要縣係衝繁疲難兼四繁缺與所請調海陽縣衝繁難兼三要缺定例顯有不符陳鳳圖歷俸未滿三年亦屬違例若各督撫以意為高下易啓夤緣鑽刺之門於吏治大有關係該督等所奏仍不准行所有海陽縣揭陽縣二缺著該督撫另選合例人員奏請調補○諭總管內務府大臣等朕恭閱乾隆二年正月十二日記載奉旨今日朕奉太后聖母旨意慈寧宮佛堂還有收拾不到之處再太監和尚

尚少幾名似此小事太后聖母如何知道再太后聖母位尊比不得從前陳福張保就該結實辦理禁止小人妄言將此旨傳與陳福張保嚴傳無知小人不可妄言胡說結結實實管著不必奏太后聖母知道等因欽此仰見我皇祖高宗純皇帝聖慮周詳於盡孝盡禮之中深寓防微杜漸之意實為萬世法守朕曷勝欽服著傳諭王得恩田代餘嗣後壽康宮上下人等務要偏行諄囑加意查管凡宮內等處以及外邊事情必應遵照乾隆年間上諭一切不准在太后聖母面前以無作有信口談論非但徒勞聖心而恐有礙日後如稍有不妥朕必重治汝二人之罪再宮內等處及外圍圓明園昇平署總管首領太監非奉旨差往或

皇后等位阿哥公主差往者。概不准到。

壽康宮數春堂去。

壽康宮總管首領太監。非有官差。亦不准到宮。

內圓明園來。宮內責成。乾清宮總管督飭各門首領太監稽查。

壽康宮責成。

慈寧宮

壽康宮總管管門之首領太監稽查。圓明園責成。乾清宮住班總管同本園總管督飭各門。

實錄卷二百一十七

十

首領太監稽查。綺春園責成。

壽康宮總管同本園總管督飭各門首領太監。

稽查。如有為私事來往者。概行阻止。如日久。

懈弛。或別生事端。一經破露。必將失察之人。

治罪不貸。著通行傳諭。敬謹遵行。並著載入。

宮中現行則例。○又諭。從前恬嬪下曾有一。

女子因病出宮。並奏請病好仍著進宮。近又。

有。

皇后下女子一人因病出宮。經。

皇后面奏。此女子進宮八年。甚屬得力。俟病好。仍著進宮。均經允准。近因檢查現行則例。內載。凡已出宮女子。不許復進宮。出入傳宣。內外一切事情。亦不許差人至宮門與本主請安。例載甚明。在。

皇后下病出之女子。俟病好。仍欲令其進內。當差。原無別項情事。況業經病故。恐日後互相效尤。既出復入。必致滋生事端。不可不防。其漸。嗣後各宮女子。有因病出宮者。斷不准。

實錄卷二百一十七

十

奏請病好。仍著進宮。通諭各官知之。仍著載。

入宮中現行則例。○賞江西等省辛卯科鄉。

試年老諸生趙儀吉等七名。舉人副榜有差。

○以疏防直隸永定河南六工漫溢。總督琦。

善下部議處。餘革職留任。及摘頂帶有差。○

戊寅祭。

大社。

大稷。

上親詣行禮。○幸圓明園。○詣綺春園問。

皇太后安。○諭內閣。奕顯奏請緝聚眾抗傳逞強藐法人犯一摺。前因內務府駁丁程明貴。鄒洪富擅將旗兵等首報荒地開墾霸種。不容官為查丈一案。曾經降旨令緝獲程明貴等到案審訊。茲據奏。遵派員弁緝拏。程明貴已先期逃逸。僅獲鄒洪富等。供稱有已革遼陽防禦法林。敕令程明貴與伊赴案訴辦。程明貴不敢投案。乘船逃往天津等情。著奕顯會同祥康提集全案人證。嚴審確情。按律定

實錄卷二百七

七

擬具奏。至程明貴係案中緊要人犯。已革防禦法林。於斥革後復敢不安本分。干預公事。情弊顯然。著一併嚴拏務獲究辦。勿任遠颺。所有沿邊內外地方。飭令文武員弁一體嚴密躡緝。毋致漏網。○修築浙江錢塘縣江干閘口塘工橋座。從巡撫富呢揚阿請也。○己卯。諭內閣。前有人叅奏。山西把總劉正。因調缺不服。咆哮撫堂擊鼓。該撫並不究辦。當降旨令長齡查訊。有無逞刁之事。及另有別情。

據實具奏。茲據訊明。劉正係石樓營把總。前在榆次縣營把總任內。被本管參將稟揭人地未宜。該撫將本缺另以閻化龍補授。劉正恐不能補缺。情急赴撫署伸訴。將堂鼓敲擊。經該撫發交太原府審訊。尚無別情。因伊生母年過八十。家無次子。移營棍責。旋調補今職等語。緣營規制。必須嚴明整肅。方於地方有裨。至把總調缺。更屬常有之事。何得任意控訴。劉正身為營弁。應知禮法。撫署堂鼓。儀

實錄卷二百七

八

制攸關。乃敢擅自敲擊。逞刁已極。僅予棍責發落。殊屬輕縱。劉正著革去把總。發近邊充軍。據供母老丁單。准其照例留養。永不准入伍食糧。○又。諭。前據陶澍等奏。喚咭喇夷船派蘇松鎮總兵關天培等。於六月十二日押出江境南行。斷其北駛。旋據訥爾經額奏。六月十八日有夷船駛入山東洋面。即係江南驅逐之船。當降旨令陶澍等詳查據實具奏。茲據奏該夷船自江境驅逐後。已過浙江盡

山洋面。因深水大洋。江浙兩省兵船不能接替。外洋又不能寄稅。無從押逐。是以仍竄至山東洋面。該鎮等未能將該夷船明白交替。咎有應得。蘇松鎮總兵關天培。奇營遊擊林明瑞。均著交部議處。陶澍。林則徐。未能據實確查。即含混入奏。均著交部察議。又據另片奏。該夷船若再入江境內洋。停泊海口。當密派文武大員。向該夷船嚴行搜查。如有攜帶違禁物件。立即起除。或抗不遵約。嚴示懲

創等語。所見大謬。此事總以不准停泊銷貨為正辦。該夷船定例祇准在廣東口岸貿易。該督撫等遇有此等夷船駛入所轄洋面。懇求就地銷貨。祇當飭委明幹妥員。曉諭該夷人。務須恪遵功令。不准乘風駛入他省洋面。停泊海口。求銷貨物。自屬名正言順。並嚴飭沿海文武大小員弁。隨時稽查。如驅逐夷船。必要明白交替。不可兩省推卸。若因此別生枝節。致啓釁端。則責有攸歸。該督等自問能

當此重咎乎。陶澍等日者不當視為易易。含混入奏。而今亦不必如此張皇。妄逞材能。凡事必應據理而行。豈能自作聰明。以致措施失當。况撫馭外夷。尤當遵守舊章。示以嚴肅。俾無得藉口啓釁。何可率逞私臆。不顧政體。身任封圻者。其當如是耶。陶澍。林則徐。著傳旨嚴行申飭。○又諭。林則徐奏。江蘇各屬交代逾限未清。請剋期釐剔一摺。江蘇錢漕。款目紛繁。甲於他省。各州縣交代。盤查必應按

任按款覈算明確。何得積壓日久。以致輾轉遲延。據該撫查明各屬交代。現在已咨印結未送款冊者四案。已逾二叅冊結未到者二十一案。冊結已咨存庫未清者十九案。均在該撫未到任以前。若此時不俟覈明。概行叅辦。未免無所區別。著該撫即將各案交代。責成兩藩司認真釐剔。實力鉤稽。限於本年九月內將冊結分案造送。並存庫已經解清各處。造具完解細冊彙送。該撫逐案查覈。如款

目並無糾纏。即將冊結咨部。儻有虧那情弊。即將原虧之員。據實奏參。統於十月前辦出。斷不准稍任隱混遲延。所有上年年終應行奏報各屬交代存庫一案。著即展至十月再行具奏。此後各州縣遇有交代。悉令依限出結。造冊詳咨。一面將存庫銀兩提清。另造完解細冊詳送咨部。如有遲逾二參期限。既不結報清楚。又不將前任虧缺據實揭出。即將前後任一併嚴參示懲。○諭軍機大臣等據

長齡奏。審訊已革陽曲縣知縣李聯蒙藉案勒索事。敗退贓大概情形一摺。此案該革員李聯蒙因案向太谷縣八品職銜孫阜昌勒索贓銀至三萬兩之多。迨聞外間嘖有煩言。捏造孫阜昌情願捐修城工呈詞。退回原贓。令其畫押呈遞。現經長齡將案犯親提熱審。孫阜昌已供出實情。質之該革員門丁劉升。及過付贓銀之長隨趙全。俱各吐實。該革員亦經供認。李聯蒙身任職官。乃敢藉案勒索。

多贓實屬貪婪已極。必應徹底懲辦。以肅官箴。而飭吏治。所有該革員應得罪名。不准因其已吞復吐。稍從末減。至前降旨交長齡查辦此案。並將有人參劾原摺鈔給閱看。摺內所稱該革員與撫臣拜認師生。情意深摯。平日恃有倚仗。肆意貪墨。及贓事彰聞。撫臣礙於眾議。始行參劾。又欲為之開脫。不肯深追。遲回遷就。輒逾數月。此種情節。必當詳查確訪。據實具奏。毋得稍有含混諱飾。將此諭令

知之。○裁江蘇華亭縣主簿江寧府鎮江府照磨金壇縣巡檢揚州府檢校五缺。從總督陶澍等請也。○庚辰遣官祭

黑龍潭

昭靈沛澤龍王之神。玉泉山

惠濟慈佑靈護龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園

惠濟祠。

河神廟。○諭軍機大臣等。本日據李鴻賓奏。廣西賀縣。強匪被官兵撲滅。現在搜捕零匪。惟首匪盤均華。尚須查訊一摺。強匪盤均華一犯。前據廣西奏報。被官兵殲斃。業經查認明確。茲據李鴻賓奏。稱接據湖南永州鎮總兵曾勝稟報。轉據嶺東營守備阿臨泰帶領官兵在楚粵交界地方。擊獲強匪。亦供係廣西賀縣首匪盤均華。押交湖廣總督衙門審訊。是否粵西殲斃之犯。確係盤均華。抑楚省現在擊獲之盤均華。另有其人。著禧恩等詳查確實。並行文咨詢盧坤。務須將該犯下落。得有切實證據。方為可信。至所稱賀縣黎頭山。尚有強人聚集。是否確有餘匪。其應如何籌辦。亦須飛咨祁項。蘇兆熊。趕緊撲滅。以淨根株。又另片奏。詳查各營員弁內。實係陣亡者。有千總鍾定揚。把總梁文光。李朝安。三名。傷亡者。候補守備顧錫奎。千總楊龍韜。伍連

芳。把總梁顯剛。外委張榮貴。李成龍。六名。火藥燒斃者。守備羅光燦。千總梁廷彪。把總黃得成。三名。深崖跌斃者。把總楊必發。蔡文元。外委許紹邦。劉國南。張亮高。鍾兆熊。六名。計共十八員。何以與前摺內聲明之數不符。著即查明。是否係燒斃跌斃。難保無諱飾陣亡。含混入奏情弊。其兵丁陣亡傷亡。燒斃跌斃。實在情形。及傷亡名數。著一併詳查奏請分別賞卹。又另片奏。七月初二日以後。經蘇兆

熊會同曾勝。派撥湖南鎮軍兵勇。攢入深林。爬山搜捕。每日俱有擊斃。初八日。官兵由蛇兒嶺移營至礮臺山。有火燒坪。軍寮等排。強匪數百人。分路迎拒。曾勝督令遊擊馬貴等。帶領湖南廣西兵丁。分路兜剿。槍礮兼施。擊斃匪徒一百餘名。帶傷深崖之強匪。亦復不少等語。前經降旨。令禧恩等將李鴻賓所奏。自五月二十九日。至六月十三日。斬獲強匪多名。是否實情。密加查訪。據實具奏。此次該

督所奏軍情著一併查訪明確。迅速由驛具奏。至所稱現在該省調到各營兵丁六千名。湖南撥來兵二千名。續撥鎮草兵練五百名。蘇兆熊帶來廣西兵一千二百名。兵力不為不厚。然行軍之道。貴精不貴多。且該省所調兵丁六千。前據該督查明。或病或傷。或不服水土。隨時撤回調換。可見此項兵勇。平時廢弛已極。臨陣全靠不住。禧恩等到彼。即會同余步雲相機將強匪誘出聚殲。安速竣事。並將調集兵勇名數確切詳查。其實在得力者。留資勦捕。期於敷用而止。儻有疲弱不堪任用。立即撤回。勿致有名無實。虛糜糧餉。是為至要。將此由四百里各諭令知之。○以戶部尚書王鼎為順天鄉試正考官。兵部尚書那清安。都察院左都御史白鎔。刑部左侍郎史致儼為副考官。○以禮部尚書汪守和署戶部尚書。理藩院尚書博啟圖。署兵部尚書。○以正藍旗滿洲都統奕繪署鑲藍旗漢軍都

統鑲白旗滿洲都統穆彰阿。署正藍旗滿洲都統。○裁陝西郿州州同蒲城縣巡檢。寧羌州襄城縣驛丞。延安府沔縣府谷縣訓導七缺。從總督楊遇春等請也。○除直隸通州水衝沙壓官地五畝有奇。租銀。○辛巳諭內閣。朕伯儀親王永璇秉性端醇。持躬恪慎。自幼仰承

皇祖高宗純皇帝恩眷。迨我

皇考仁宗睿皇帝親政之初。晉封親王。

簡畀總理吏部。及旗營各衙門事務。朕御極後。因念王年齒既高。凡遇內廷宴賚召對。特免叩拜。王八十壽辰。懋加賞賚。並將前借王俸未扣銀二萬八千兩全免扣繳。復因王年已八旬有三。特加恩在紫禁城內乘轎行走。於應得王俸外。每年加賞俸銀五千兩。迨王年八十有六。不宜勞勩。免其進坤寧宮喫肉。每次頒給背鍙肉一分。復降旨。嗣後

壽皇殿

安佑官行禮。免其隨往。如遇行禮日期。著於府第內向上行禮。以展誠敬。又降旨。每歲元旦。暨正月十四日。宗親筵宴。均免入宴。屆期頒給果品菜餚一席。王年將九。而精神矍鑠。城內郊外。皆有賜第。儘可隨意安居。從容頤養。長承恩禮。本日聞王偶邁微疴。甫降旨於初九日親詣府第視疾。方冀病勢漸愈。遽聞薨逝。實深震悼。朕伯祇王一人。康強壽考。朕萬眷親親。疊加優異。今王薨逝。近支伯叔中。更無尊行。朕懷益增悲惋。著賞給陀羅經被。派惇親王綿愷。即日帶領侍衛十員。代朕前往賜奠。加恩於例賞外。由廣儲司加賞銀五千兩。經理喪事。朕於十一日親臨賜奠。以示優崇。所有飾終典禮。著各該衙門察例具奏。尋賜祭葬。諡曰慎。○又諭常格奏。酌留印房年滿書吏一摺。庫車印房已滿吏。即選未入流季天祥。前因軍需案內出力。奏准作為已滿吏。由部籤掣。仍按著役日期。扣滿五年。再

行歸部。即選。自應遵照辦理。該大臣輒請將季天祥再留二年。俟留辦期滿。抵作九年役滿吏。不論雙單月歸部。遇缺即選。顯為季天祥得缺地步。微末書吏。不值若是。取巧瀆請。著不准行。○兩江總督陶澍奏。遵旨嚴禁小板書籍。得旨。不可奉文了事。務要認真查辦。懲一儆百。漸清其源。方為實心任事。勉之。○以經理災務周妥。予浙江知縣楊紹震等。加銜升補有差。○貸安徽天長縣幫丁生息銀二萬兩。○壬午。遣官祭闕帝廟。○命本月十二日至十五日。俱穿常服。不穿蟒袍。十二日。十五日。毋庸推班。○癸未。太宗文皇帝忌辰。遣官祭昭陵。○諭內閣。本日據按檢王大臣仁壽等奏。頭場按出誤帶四書之直隸生員沈景顏。李瑞符。戈鏡蟬。周福遐。賈康吉。山東貢生賀澄元。廣西監生秦紹謙。安徽貢生程受易等八

名。照例逐出。又搜出攜帶詩文之直隸生員吳思同。朱孔彰。郭先春。石俊菴。李曾康。生許向辰。山東貢生王之城等七名。當即斥革。枷號示眾。辦理尚屬認真。近來士習日壞。前據科道等條奏防弊之法。經朕降旨准行。並諄諄誥誡。幾於三令五申。該士子宜如何滌慮洗心。奉公守法。乃本科鄉試。仍有吳思同等攜帶詩文之事。該士子以身試法。行險徼幸。習為故常。恬不知恥。若令其倖得科名。通籍後。黃緣鑽刺。更何事不可為。尚望其為朝廷出力耶。從前歷科派出搜檢王大臣。總以毫無弊竇。一奏塞責。可見沽名釣譽。全不實心任事。此次搜檢。尚屬認真。所以鬼蜮伎倆。紛紛敗露。而苟且混入者。仍所難免。三年大比。為士子進身之始。即倖而獲選。清夜捫心自問。豈不可恥。本科二三場。仍當嚴行搜檢。如查有懷挾情弊。即一律懲辦。嗣後該士子等務須恪遵功令。敦品勵行。勉為真才實學。毋

再存倖獲之心。求榮反辱。其搜檢王大臣及都察院堂官派出科道等。總當認真辦理。不可日久生懈。視為具文。將此通諭知之。○甲申。

萬壽節。遣官祭

太廟後殿。○遣官祭

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后殯宮。○遣官祭

顯佑宮。

東嶽廟。

城隍廟。

上詣

安佑宮行禮。○詣綺春園

皇太后前行禮。○御正大光明殿。王以下文武

大臣官員蒙古王公等行慶賀禮。○裁長蘆

滄州運判。興國場大使。山東膠萊運判。登寧

場信陽場大使。五缺。移天津運同駐滄州。從

鹽政鍾靈請也。○准江西安福幫船因風虧

缺米一千四百八十餘石。分年買補。○乙酉。

太祖高皇帝忌辰。遣官祭

福陵。

上臨儀慎親王永璇第賜奠。○諭內閣。朕伯儀

親王。老成醇謹。疊蒙恩禮。恪慎自持。數十年

如一日。本日朕親臨賜奠。悲悅實深。特申優

眷之忱。益篤展親之典。其子貝勒加郡王職

銜。綿壽於百日孝滿後。著承襲郡王。該衙門

不必帶領引見。所有應行事宜。著該衙門察

例具奏。至殯送之旨。著派惠郡王綿愉代朕

前往賜奠。並著送至暫安處。再行賜奠。以示

篤念懿親有加無已之至意。○喀爾喀親王

車登巴咱爾。以母病請假回蘇。噶克省視。允

之。命俟病痊侍養來京。○丙戌。諭內閣。楊國

楨奏。知縣人地未宜。酌請對調。一摺。據稱中

牟縣知縣黃元柱。年逾六旬。於河工修守事

務不甚相宜。請與嵩縣知縣秦時中對調。又

湯陰縣知縣黃樹烈。年逾六十。才具未能開

展。請與宜陽縣知縣施熙對調。黃元柱等。如

果未能稱職。即當據實叅劾。何得以人地未

宜。僅予調簡。試思簡缺亦有刑名錢穀之責。

治理雖為較易。宜哀庸之員。所能勝任。現黃

元柱任內有經徵未完降俸三案。施熙歷俸

未滿三年。秦時中任內有承緝命案三叅處

分。均與調補之例不符。該撫無非見好屬員

為此遷就之舉。所請均不准行。又前降旨令

各督撫於所屬保舉數員。各省俱未奏到。自

係為慎重進才起見。該撫首先保奏至十員之多。所保各員內。即有朕所稔知未必堪膺是舉者。可見所保亦未盡公允。該撫久任河南。於屬員有舉無劾。沽名釣譽。全不認真。豈實心任事之道。著通諭各督撫。嗣後於屬員內。如有才不稱職。年力衰庸。即當據實叅劾。不得以人地未宜藉詞請調。至所保人員。必實有操守廉潔。才猷卓著。素為民情愛戴。一登薦牘。眾論翕然。方為不負所舉。儻該省人員祇能循分供職。並非殊尤出眾。不妨據實直陳。斷不准濫竽充數。用副朕求賢佐治。循名責實至意。○又諭朱士彥等奏。二場查出亂號之順天生員陳元暉。未經領卷先混入場之直隸生員徐最亭。均即逐出。辦理尚屬認真。向來派出稽察接談換卷。有無情弊。從未查出具奏。可見沽名釣譽。討好士子。全不以別釐弊端為事。本年經朕降旨諄諄誥誡。此次稽察。即有混亂場規之生員二名。而苟

且混入者。仍所難免。嗣後該士子等務須恪遵功令。毋以身試法。求榮反辱。其派出之大臣等。總當認真辦理。不可視為具文。日久生懈。○刑部奏趙金龍逆屬押解到京。得旨著軍機大臣會同刑部先行訊取確供具奏。○直隸總督琦善奏酌籌永定河漫口事宜。應俟水落料齊。再行堵築。得旨所奏自係實情。即依議行。辦理善與不善。責全在汝。勉之。○河南巡撫楊國楨奏漳河盛漲情形。得旨諸凡相機妥辦。運道尤不可致令淤墊。務須加意。○丁亥。

上詣

安佑官行禮。○遣官祭昭忠祠。○諭內閣申啓賢奏查出詐稱誤帶四書之山東貢生賀澄元。希圖倖免。情殊詭譎。未便遽予省釋。著即斥革。枷號場前示眾。以為士子不知自愛者戒。○命工部尚書朱士彥左侍郎常文敬勘盛京應修工程。○以吏部尚書潘世恩署工

部尚書○戊子。諭內閣。壁昌奏。新設巴爾楚克後路綠營防兵。量為分撥。駐劄一摺。巴爾楚克新設防兵三千名。現已陸續來防。該處城堡兵房甫經興辦。非一時所能竣事。該參贊查明。請將先到之烏魯木齊等處官兵一千名。酌留巴爾楚克駐劄。其後起續到防兵二千名。酌撥喀什噶爾一千名。葉爾羌一千名。暫行分駐。所需口糧。即由各該城糧餉局就近供支。以歸簡易。俱著照所擬辦理。至該處附近之毛拉巴什賽克三一帶荒地。地高水低。必須設法疏通渠道。著即飭該處總兵唐倬在彼駐劄。將該處招民屯田各事宜。妥為經理。以專責成。○諭軍機大臣等。據吳邦慶奏。查明黃沁廳攔黃堰一道。共長四千六十一丈。向係民築。民修。歸武陟縣攤徵還款。嗣經奏准歸廳經管。歷年工段。逐漸加增。歲修繁重。前河臣張井等會勘籌商。於道光五年。奏准逐年放淤。以冀化險為平。自七年

放淤以後。至十一年五年之內。鑲修動用銀數。較前此實多節省。今似仍可照辦。惟現據詢問。並測量外河灘面高於內地。迥非六年情形可比。一經啓放。恐致掣動大溜。且必侵及沁河隄工。是將來之守沁河隄。仍無異此時之修攔黃堰。而該堰自歸廳以後。若議仍歸民守。恐力有不支。請嗣後官修一千五百四十四丈之外。再有新生埽工。仍照舊章。由縣督辦。按地攤徵等語。黃河形勢。速從靡常。雖無一勞永逸之策。總在隨時體察情形。酌盈劑虛。於工程民田。兩有裨益。勿致虛糜修費。至放淤一事。在從前誠不為無益。此時尤宜加倍慎重。其應否將新生埽工照例攤徵之處。著吳邦慶與撫臣楊國楨。詳細會商。是否可行。悉心妥議具奏。其如何劃分段落幫培堰子及防守各事宜。著責成吳邦慶妥為經理。務須於工程樹藝兩得其宜。是為至要。將此諭知吳邦慶。並諭楊國楨知之。○又諭

前降旨酌撥長蘆開款銀五萬兩。每年賞給八旗建蓋空地房屋。嗣經工部奏改作為修理營房之用。何以總未如數解齊。此項銀兩現在另有撥用之處。必須按年如數動撥。剋期解到。固不可稍有蒂欠。尤不可任意遲延。該鹽政接奉諭旨。迅即確切查明。每年定於何月撥解。何時解到。斷不致短額逾限。以應撥用。據實覆奏。俟奏到時再降諭旨。將此傳諭知之。○緩徵福建澎湖廳被風災民舊欠

實錄卷二十八

辛

雜款銀。○己丑。諭內閣。阿勒清阿奏。已革候選訓導燕懷琳之子燕攀桂。呈請為伊父贖罪等語。燕懷琳身為職官。並不在籍安分候選。輒替人添改呈詞。說事過錢。所得杖徒。並無可原情節。著不准其贖罪。○又諭奎照等奏。查有河間府吳橋縣廩生李景畿。稟稱同縣舉人方熙。有頂冒阜城縣監生劉姓入場情弊。頭二場皆與伊堂弟季芳甸同號。囑勿聲張等語。李景畿。季芳甸著交刑部訊問。確

情據實具奏。其在逃之方熙等。著步軍統領衙門順天府五城一體密速查拏。務獲歸案審訊。尋奏方熙頂替。已據方伯勳。徐最亭。指證確鑿。與李景畿等供俱脗合。得旨舉人方熙。監生劉兆慶。俱著斥革。李景畿等著解交直隸總督。轉發各該處原籍取保候質。並飭屬嚴拏方熙。劉兆慶到案。就近提訊。明確按例懲辦。○給山西朔州被水災民一月口糧。並房屋修費。

實錄卷二十八

未

大清宣宗效天符運立中體正至文聖武智勇仁慈儉勤孝敏成皇帝實錄卷之二百十七

處之處著不准行。至該省自道光十年冬月以後，歷任督撫藩臬於所屬地方毫無覺察。所司何事？著一併查取職名具奏。交部分別議處。○又諭陶澍等奏請補授要缺參將等語。江南六安營參將本係部推之缺，惟念緝捕巡防均關緊要，著照所請准其以趙承德補授。該部知道。○諭軍機大臣等：盧坤等奏拏獲廣西被勦逃竄首夥猺匪飛咨粵省委員押解要證來楚質實辦理，並查辦投誠就撫。猺眾各情形一摺：所辦均屬妥協。前據祁墳奏稱廣西賀縣地方有土猺滋事，即時撲滅，並認明殲斃首匪盤均華屍身等情。茲復據盧坤等奏盤均華被粵西官兵打敗，竄至江華縣屬竹排界山嶺，經派往督防之護永州鎮祥福帶領弁兵督同鄉勇，猺目並廣西富賀營兵丁楊再得將盤均華及其妻女一併拏獲，又獲隨同潛逃之鄭富才、趙明堂父子，當即親提各犯，隔別研訊。盤均華自認在

廣西起意聚眾謀反，欲來湖南圖為猺王，其所供自蒼梧至賀縣糾約人數及起事過渡經官兵追捕勦殺多人各情，與廣西原奏情形大概相同。惟伊由馬金凹逃出後，即竄入楚界被獲，並無在半山寮房煮飯被殺之事。伊左右手指常帶玉石夾銀戒指四箇，被拏時經彼地猺人取去等語。提訊鄭富才、趙明堂等亦僉稱盤均華並未在廣西被殺。案關首逆要犯兩省供情死生互異，不可不確切根究。盧坤現已咨提廣西指認匪屍要證，俟解到時即飭訊真確，並親加覆審，斷不准含混遷就，以昭信讞。其被脅逃難猺民有被盤均華焚燒房屋逼脅隨行者，經官兵勦散逃至湖南就撫者，有聞賊至逃來鄰境避難者，而降猺內之陳有金、黃元富祝得安、趙金星、趙成容等於該首逆逃至竹排沖交界山巖內，即告知猺目趙德玉等轉稟營縣拏獲，尚屬能明順逆情可矜原，俱著照該督等所奏辦。

理其原籍江華赴粵西佃種山地之難。一百二十三名願歸本籍，亦著照該督等所議妥為安置。羅思舉既仍回錦田，著督率各卡隘官兵嚴密防堵，勿任粵東排猺一名闖入。毋稍疏懈。又另片奏盤均華供出昭平縣天洪山有趙隴成趙澄起糾約多人，欲於八九月自行起事一節，已諭令祁墳等加意防範矣。將此由四百里諭令知之。又諭祁墳等奏擒捕賀縣零匪及黎頭山猺人就撫各情。

形一摺覽奏均悉。祁墳等擒捕零匪就現獲各犯訊出黎頭山猺人經盤均華邀同滋事，後來未見出山。旋據署賀縣知縣吳扶曾稟報黎頭山猺人黃得安等十二名出山自行投首，並將防獸鳥槍七十餘桿呈繳。該署縣飭令開具戶口清冊投出猺人一百二戶七百八十五名口。又據昭平縣知縣黃崇祿署蒼梧縣知縣姚開翔等稟報該處猺人聞信投出經昭平縣編具清冊，共計投出猺人五

十六戶四百四十五名口。蒼梧縣投出猺人三十二戶，查明名數造冊經祁墳等飭各該縣將本山猺人編列門牌，其被脅難猺二十五名口押回本沖安置，內有逼脅不從被盤均華焚毀房屋之家量給修費撫卹辦理俱屬妥協。著祁墳等仍飭各該縣赴所屬各猺沖逐戶曉諭俾令各安生業。蘇兆熊現已回廣西提督本任，前赴南鄉紮營督辦。此時連山大兵雲集，正防堵喫緊之時，所有廣東滋

事逆猺經我兵勦殺恐不免紛紛四竄，務將各隘口嚴密防堵，勿使一名竄入。此為至要。此次擒捕零匪人數眾多，未便全行提省，亦未便日久稽誅。現在多容安已回臬司本任，著該臬司前往賀縣會同左江道戚宗彝將歷次擒獲各匪嚴切根究，分別妥辦。仍將緊要夥犯解省訊究，並飭查在逃要犯咨會鄰省飭屬一體嚴拏務獲究辦。毋任一名漏網。又另片奏委員帶同熟識盤均華猺人前赴

湖南識認等語。所有該撫等應得處分。俟盧坤等定案時。再降諭旨。又本日據盧坤奏。鞠犯盤均華。據供。昭平縣小地名天洪山。有猺人趙隴成。趙澄起。伊曾寄信。邀其幫助。趙隴成等回信。已糾有多人。八九月間。自行起事。不肯相幫等語。盤均華既有此供。亟宜密為防範。著祁墳。蘇兆熊。遴派幹員。不動聲色。密速掩捕。以靖地方。勿令再生事端。日久滋蔓。將此由四百里諭知祁墳。並諭蘇兆熊知之。

陝甘總督楊遇春等奏。巴里坤古城濟木薩三處馬廠。孳生日多。不能容牧。酌擬變價留牧章程六條。一。每廠原牧馬二千九百餘匹。現增至四五倍不等。地狹難容。請於每廠各選大兒騾馬六千匹。作為正牧。並帶牧驢馬馬駒三廠共留二萬六千六百二十五匹。挑變口老殘廢碎小馬一萬二百三十五匹。每廠額設牧兵一百二十名。每兵牧馬二十四匹。現雖不敷照料。應請均勻攤牧。毋庸另

添一請變馬匹。飭令廠員挑選稍强者。每匹定價銀三兩。其餘二兩。一馬價隨買隨交。不准拖欠。一口老碎小之馬。按年頂替出廠。分別估變。一。取孳大兒騾馬。不准以馬駒頂補。下部議。尋議牧廠原期孳息繁衍。每廠額限大兒騾馬六千匹。窒礙難行。查歷次疏通挑變。不過十分之一二。嗣後仍照口內成案。每三年均齊挑變一次。每百匹仍不得過六匹。其按年出羣估變。應毋庸議。餘請如所奏辦。

理從之。盛京將軍奕顯等奏。盛京各衙門京察一等人員。升至郎中。別無再進之階。京堂缺出。名次亦在最後。不足以資策勵。請嗣後照在京各衙門之例。併作一班。送部引見。圈出之員。再出具切實考語。覆行引見。候簡下部議。尋議盛京司員。與在京事簡各衙門政務約略相等。定例遵行已久。未便再議升途。所請照在京部院司員京察之例。應毋庸議。從之。○裁安徽徽州府通判蕪湖縣縣丞

二缺從總督陶澍等請也○以湖南勦捕廣東竄徭出力加副將張必祿總兵銜賞守備唐首選千總聶發陳永揚花翎通判陸咸升等藍翎餘升敘選補有差○戶部議准陝甘總督楊遇春疏報靖遠環二縣並王子莊州同所屬開墾地六頃八十九畝有奇照例升科從之○壬辰以通政使司通政使德春為都察院左副都御史○癸巳諭內閣那丹珠等奏本裕豐益二倉應貯粳米數目請酌量

變通一摺本年到通粳米未能一律飽滿在京各倉輪次搭放來年二三月內可以全行放竣惟本裕豐益二倉專支官兵俸餉每歲入倉粳米按月支放須至次年七八月間始可放竣經歷夏令恐不免有徵變之虞兵食攸關自應變通辦理所有本裕豐益二倉除本年新收粳米各派貯四萬餘石外著毋庸再行派貯搭放之米致滋徵變該二倉來年四五六等月應放粳米即以秣米抵放該侍

郎等即於該二倉例貯秣米之外加派秣米各二萬餘石以為該二倉來年四五六等月開放俸餉之用至七月應放粳米著俟來歲新漕到通即先行派運入倉用備支放以符舊制該部知道○又諭御史容和奏本裕倉應收粳米不堪久貯請飭籌辦一摺本年漕糧到通未能一律乾潔茲據該御史奏本裕倉每年應收粳米六萬餘石現在已進倉者二萬數千餘石該倉廩座僅數堆貯每月放

數無多若米皆貯滿並無空閒廩座堪為挑晾恐有徵變之虞所有未進粳米四萬餘石請改派京倉至所稱請將在京十一倉舊貯粳米約運該倉通那籌辦是否可行著該倉場侍郎妥議辦理尋奏查本裕倉尚有空廩十座不患無挑晾之地在京各倉新漕粳米皆須來年三月放竣若本裕一倉獨早未為平允且以京倉米運送該倉則隨米席片松板無出另議腳價格礙難行其粳米不敷開

放之處已奉旨以發抵放所奏均毋庸議從之○諭軍機大臣等前據松筠奏逢次檢查卷宗得有土默特等甘結易於查辦一摺已諭令虛衷勘斷不可因富珠禮結報在前即存遷就之見本日理藩院奏據烏蘭察布盟長公巴圖鄂齊爾呈稱土默特茂明安喀爾喀三旗爭界一案經歸化城副都統會同該盟長查辦伊等並不輸服並稱此案如照乾隆二十八年將軍永柱所定辦理土默特不能心服如照道光六年歸化城衙門所定辦理茂明安等三旗不能心服請將原呈交松筠查辦等語此案前據惠顯奏傳集三旗會同盟長反復曉諭各旗總以土默特入伊等游牧不能具結是以特派松筠前往查辦土默特等彼此互爭斷無兩是之理松筠到彼後務須遵照前旨秉公查辦虛衷勘斷定立界址令各該旗心服永杜爭端不可因富珠禮結報在前豫存成見遷就了事懷之慎之

理藩院摺及所譯巴圖鄂齊爾呈詞俱著發給閱看將此諭令知之○順天府以宗室鄉試中額請得旨取中七名○甲午諭內閣陳玉成著准其升補泰州知州照例送部引見該督等應得處分著加恩寬免至長洲縣知縣復據該督等請以儘先候補知縣姚瑩補授茲據吏部查明姚瑩前奉旨不論班次儘先補用旋出有金壇縣知縣員缺照例以該員補授茲該督等並不查照出缺次序轉將該員請補長洲縣知縣是以應行先補之員補後出之缺與例不符姚瑩著不准其補授長洲縣知縣○又諭琦善奏截留南漕請却貯一十萬石其餘運赴通倉一摺前因直隸省豫籌賑濟之需經該督奏准截留南漕三十萬石却貯天津北倉以備撥用茲據查明各屬自得雨後可望有收其得雨較遲及窪地被淹成災之處無多所有前撥南漕三十萬石著照所請却貯北倉一十萬石儻有不

數或動碾倉穀或搭放折色務須通盤籌畫妥為經理無稍短絀如有贏餘著即於來年青黃不接之時減價平糶其餘二十萬石仍由各該原幫運赴通倉交納以重積貯又諭逆匪趙金隴前在湖南潛蓄異謀聚眾滋事廣東界屬毗連不過小醜被其煽結若果早事攻勦必不至日久蔓延半載有餘尚未戡事李鴻賓始則觀望遷延坐失事機及赴連州督師仍未能相機趕辦妥速完結朕覺

其籌辦不實不善當降旨交禧恩瑚松額確切查明據實具奏茲據禧恩等奏李鴻賓於五月間始抵連州定計分路進剿山深箐密偵探未確即行進兵墮賊設伏奸計將弁兵勇多有傷亡辦理已屬失宜兩月以來雖間有斬獲亦僅一二搶掠匪徒並未搗穴攻巢擒渠斬馘且意主招安強匪正在鳴張非大加懲創安能帖然就撫實屬懦弱無能毫無布置節次所奏軍情與禧恩等所查情形亦

有未符是其含混入奏不肯從實誤事之罪更無可辭又據禧恩等奏該省調至軍營戰兵六千餘名不慣走山沿海各營兵丁多有吸食鴉片煙者兵數雖多難於得力該省營伍皆屬總督統轄如果平素整頓操防實心訓練一兵得一兵之用何至臨陣恆怯有名無實徒致虛糜糧餉且以該省兵丁在該省山路行走尤應熟習何得謂之不慣平日廢弛臨事畏蒞訓馭種種乖方李鴻賓著革職

來京交部治罪已革休致提督劉榮慶營伍乃其專責進勦又不得宜厥罪惟均亦著來京一併交部治罪諭軍機大臣等據禧恩等奏勦辦連山強匪連獲勝仗現擬添兵進攻一摺廣東大掌嶺大古坳陽公岐各排冲強匪六七百人於七月二十二日四路前來直撲營卡經禧恩等分派都司馬全等抵禦攻擊傷斃強匪二十餘人二十五日大木根大橋頭六對冰崗四冲強匪漫山塞嶺直撲

大營總兵曾勝整隊迎敵。復經禧恩等分派都司鄧宏等兩路截殺。將大木根、大橋頭、六對冰崗、四冲賊巢全行燒燬。勦斃獠匪二百餘人。二十七日。曾勝率兵徑取上下坪。並派都司陳連陞等分截六對後山。官兵奮勇搶占賊隊所踞山梁。勦斃獠匪無算。餘匪奔竄。所辦俱好。現在獠匪灰燼之餘。應知畏罪。雖有獠目出山乞降。狼子野心。豈足憑信。必須痛加勦洗。方足以申天討而快人心。惟廣東

兵丁不甚得力。戰兵僅止黔楚精銳三千名。深入勦辦。必須厚集兵力。往來接應。方能得勢。所請再調楚省精兵二千名。著照所請。辦理。盧坤羅思舉接到移咨。想已照數調撥。飛連來連州。禧恩等務當鼓勵士卒。直搗賊巢。將著名頭目按名擒獲。絕其萌孽。散其脅從。永靖邊圉。方為不負委任。將此由四百里各諭令知之。又諭禧恩等奏。察看八排獠匪情形。一摺。據稱於到粵後。即馳赴連山軍營。

周歷查看八排山勢。周環毗連三省。山內獠崗是其巢穴。周圍小冲七八十處。煙戶不下五六萬。良莠各居其半。匪獠專事搶劫。間有漢奸窩踞。該省自本年正月辦理獠匪。劉榮慶帶領防兵三四千名勦捕。兵力不足。彼時各排散獠已被楚省逆獠勾結。咸思蠢動。劉榮慶不能即時分勦。祇就行劫處所抵禦。斃一匪而傷數兵。得不償失。獠匪益無忌憚。李鴻賓於五月十三日到連州。定計進勦。未能

偵探明確。致獠眾設伏。準備總兵余德彪領兵深入。已屆日暮。被獠匪乘夜聲劫。拋擲火彈。將弁兵勇自相踐踏。多有傷亡。實屬辦理失宜。獠匪益肆猖獗。兩月以來。李鴻賓督兵進勦。間有斬獲。亦僅就出山肆掠。獠匪截殺並未深入其阻。且自五月二十二日進山挫折以後。該督意主招安。獠匪正在鴟張。非大加懲創。知所畏懼。安能帖然就撫。該督意圖將就了事。實屬懦弱無能。誤事之罪。已無可

辭現已明降諭旨將李鴻賓革職交部治罪。並將劉榮慶一併治罪。著即飭令來京。兩廣總督已放盧坤。並著連赴連州會同籌辦。盧坤未到任以前。兩廣總督著禧恩署理。又據查現在調集之兵。雖有一萬餘名。廣東本省兵丁居十分之七。向來輟弱不慣走山。且沿海各營兵丁多有吸食鴉片煙者。該省營務廢弛平素整頓操防可想而知。此時自不能得力所請添調湖南湖北勁旅二千名。盧坤

等接到移咨。自己迅速照數調往。著會同余步雲等相機攻剿。務期搗穴擒渠。一鼓奏功。不得再有遲延。以致老師糜餉。至各排沖醜類繁多。如果真心警服。仍俟盧坤到時商同妥籌安撫。以冀迅速藏功。所有該省勦捕耽延之咎大概已悉。至起釁之由。仍著確查據實具奏。將此由四百里諭令知之。○命雲貴總督阮元協辦大學士。仍留總督任。○以湖南巡撫吳榮光兼署湖廣總督。山東巡撫訥

爾經額為湖廣總督。山東布政使劉斯喟護巡撫。江西布政使鍾祥為山東巡撫。浙江按察使陳鑾為江西布政使。浙江鹽運使張岳崧為按察使。○乙未。江西道御史那瑪善奏。京倉僅存米五百餘萬石。連今歲漕糧統計。放至明年年底。所餘無多。皆由各省截漕。而江蘇為尤甚。請嗣後如遇災歉。動支本省常平義倉社倉。或採買鄰境。不得輕議截留漕糧。儻必須截漕支放者。即於次年按數買足。

運通下部議行。○調江西布政使陳鑾為江蘇布政使。署江蘇布政使桂良署江西布政使。○調西安將軍徐錕為福州將軍。寧夏將軍特依順保為西安將軍。以內大臣和世泰為寧夏將軍。○予故福州將軍薩秉阿祭葬。○禮部議准前任江西巡撫吳邦慶疏報採訪萍鄉縣貞節婦女龔柳氏等五百六十三口。請建總坊旌表。從之。○丙申。諭內閣。特登額奏偷牲案內逸犯。限滿未能全獲。自請嚴

議並請將辛弁等交部治罪一摺。此案該犯袁九等膽敢攜帶鳥槍，擅入風水禁地，偷打牲畜，實屬藐法。全案人犯共二十一，名。其袁九等七名並從犯聶伊頭等四名，業經交刑部審辦。茲又據續獲張傑史發二犯著一併解交刑部歸案審辦。其逸犯朱益琢等八名，限滿尚未全數弋獲，特登額著交部嚴加議處。已革千總王勻已革外委高登舉著再勒限一箇月嚴拏逸犯朱益琢等務須趕緊偵緝全獲歸案究辦。儻仍逾限不獲，從重治罪，不能再邀寬貸。尋議上，得旨特登額著加恩改為降四級留任。諭軍機大臣等前據訥爾經額奏喚咭喇夷船乘風駛至山東洋面，該夷船前已駛至福建浙江江蘇等省，疊被驅逐，尚敢乘風駛至山東，情殊可惡。降旨令驅出東境，不准容其進泊，並著飛咨江蘇等省派撥弁兵於交界洋面巡防接護，一體押令南行。惟是洋面遼闊，兵船不能接替，外洋

又不能寄校，誠恐稽察難周。又復乘風北駛，冀圖向山海關等處海口停泊，銷售貨物。向來該夷船祇准在廣東貿易，不許闖入他省。任其就地銷貨，該夷船屢經驅逐，仍復明知故違，駛經數省，一船如此。儻後此相率效尤，尚復成何事體。著奕額左廷桐嚴飭山海關稅務監督翔鳳及該處弁兵妥為防範。如該夷船向海口停泊，即行驅逐，毋任片刻停留。儻有懇求就地銷貨情事，祇當飭委明幹妥員諭以天朝定制如此，務須恪遵功令，自不慮其仍肆狡詐。但不准向該夷船搜查違禁物件，使該夷人有所藉口。即或抗違不聽約束，仍須嚴密防堵，勿令上岸。驅逐截回，認真巡邏，明白交替，斷不許用礮轟擊，以致滋生事端。是為至要。如該監督等不能妥為防範，竟有內地奸民及不肖兵丁與之勾結，私將貨物銷售及辦理不善，致有別啓釁端之處，該監督於稅務稽查是其專責，必將該監督

從重治罪不貸。奕額等自問能當此重咎耶。將此諭知奕額。左廷桐並傳諭翔鳳知之。

丁酉。

世宗憲皇帝忌辰遣官祭

泰陵。

上詣

安佑宮行禮。諭內閣申啓賢等奏通州等州縣續糶米豆請暫緩運糶一摺。前因近畿缺雨糧食昂貴。民食維艱。當降旨賞給京倉粟

米三千石麥三千石。豆二萬石於順天府所屬通州等州縣設廠減價平糶。經該府尹等按照村莊酌量派撥。先後設廠糶放。尚有餘存米麥豆石。俟有續請之處再行撥給。茲據該府尹等查明各州縣惟薊州尚須續領平糶。其通州等七州縣自連得透雨後。早禾晚稼可望有收。民力不致十分拮据。無須續領平糶。所有餘存米麥豆石。除薊州仍須領糶外其餘州縣未領之粟米七百石麥七百石。

豆七千五百石著倉場侍郎留貯在倉。俟來春青黃不接之時該府尹等察看情形。如果尚須接濟再行奏請續撥。諭軍機大臣等。昨據禧恩等奏七月二十日馳赴廣東連州勦辦猺匪連獲勝仗。現擬添兵進攻。惟廣東兵丁不能得力。戰兵僅止黔楚精銳三千名。當降旨准再調湖南湖北勁旅二千名。並將盧坤調補兩廣總督。速赴連州會同禧恩等籌辦。以冀迅速歲功。本日據御史馮贊勳奏

廣東兵丁素多懦怯。一經挫敗。兵氣更餒。又多吸食鴉片煙。筋力疲軟。難期得力。請就近調撥廣西平樂梧州二協兵勇以壯聲威。並據稱平梧二府與連州界屬毗連。兵亦強壯。猺洞情形。是其熟悉。既無遠涉之勞。可奏膚功之捷。著禧恩等體察情形。如須添調。即酌定應調若干。飛咨祁墳蘇兆熊照數調撥。總期於事有濟。不可顧此失彼。尤不可過事鋪張。致糜糧餉。儻已無需。即毋庸議。至廣東全

省營伍皆由李鴻賓統馭乖方。劉榮慶年老衰庸久玷專閫。平日訓練廢弛以致臨事畏葸。恒怯戰兵不慣走山沿海各營兵丁多有吸食鴉片煙庸懦不堪可惡之至。盧坤現經調任兩廣總督通省營伍係總督統轄且伊曾任廣東巡撫地方一切情形素所熟悉務當實力實心隨事振刷一洗該省因循懈玩積習於營伍尤須加意整飭甄汰懦庸激勵勇氣以期日有起色方為不負委任將此各

諭令知之○戊戌

上詣綺春園問

皇太后安○以捐修江蘇邳州

文廟予署知州黃耀明等議敘有差○己亥諭內閣祥端等奏參私行進京曠誤執事之員一摺

陵寢官員原為祭祀典禮而設理宜勤慎供職前因讀祝官順祿遲誤未到即行革職茲據奏贊禮郎色和布並未在該管衙門具呈告

假輒敢私行進京致誤差使非尋常玩愒可比。若援照順祿之案僅予革職不足蔽辜。色和布著革職遇有一切差使俱不准挑選以示懲儆○又諭本日據吳邦慶楊國楨由驛馳奏祥符下汛三十二堡灘水由隄頂漫溢現在竭力搶築各一摺。本年秋汛黃水疊漲八月初九至十七日大雨九晝夜北風湧浪拍岸平隄十八日辰刻祥符下汛三十二堡風浪湧過隄頂人力難施登時塌陷經該撫馳往查看漫水由隄頂下注計寬六十丈惟大溜尚未掣動幸天氣驟晴河水日落缺口業已挂淤現經藩司栗毓美駐工督辦竭力搶築旬日內即可完工。所有吳邦慶楊國楨自請嚴議之處著加恩改為交部議處該道張坦雖遠在商虞督辦險工亦著交部議處下南河同知王掌絲豫河營下南協備韓永福均著先行摘去頂帶交部議處仍責令戴罪督辦趕緊完工所用錢糧照例著令防守

官賠繳。不准開銷。此次漫水。係由陳留杞縣一帶下注。雖據吳邦慶奏並無傷損人口之事。恐民田廬舍不免被淹。該撫仍飭該藩司前往查勘。其應如何撫卹之處。即據實奏明辦理。無稍諱飾。○又諭陶澍等奏江船盜賣引鹽。捏報淹消。請將知縣典史革職究審一摺。此案署安徽銅陵縣候補通判胡邦黼於船戶劉泳泰裝運引鹽全載盜賣。賄串書役。捏報淹消。延不解審。其境內私鹽充斥。經

委員拏獲各犯解縣收審。亦竟毫無覺察。任令脫逃。迨至匪徒聚眾開闢官店。該縣門丁童升復敢向官運委員索賄得贓。該署縣種種膽玩。殊出情理之外。代理典史漆文瀾現經供認分肥。該署縣亦難保無知情庇縱。及得賄等弊。必須嚴行審訊。胡邦黼漆文瀾著一併革職。交該督親提嚴審。斷不准稍有其實不盡之處。懷之慎之。尋奏訊明胡邦黼於船戶劉泳泰盜賣引鹽賄串捏報之案。尚無

庇縱得賄重情。惟未能細加查察。又因劉泳泰患病取保。致令脫逃。復失察丁胥得贓。咎無可辭。業已革職。應毋庸議。漆文瀾訊無受賄情事。惟失察書役事後受財。其咎尚輕。應請開復。照例議處。門丁童升等按律擬發近邊充軍。逸犯劉泳泰嚴緝務獲另結。下部議從之。○兩江總督陶澍奏本年六月辛卯網展限奏銷。雖值水災。較前稍為暢旺。現在趕辦壬辰開網。得旨朕惟知賞功罰過。前鑒不

遠。應如何辦理。方為不負委任。汝自酌之可也。○以辦賑出力。予湖北知府裕謙等議敘有差。○以湖北北京山縣呂家潭江陵縣虎渡汛隄工漫潰。摘通判胡楷等項帶。○庚子遣官祭賢良祠。○以河南武陟十二堡越隄塌陷。摘署同知陸廷禧等項帶。○命御前侍衛蘇清阿賜奠故湖南提督海凌阿茶酒。○辛丑

上奉

皇太后幸如園進膳。諭內閣吏部等衙門議處失察逆猺滋事之文武各員一摺。湖南逆猺趙金隴於道光十年冬間潛蓄異謀。逾年舉事。該地方文武各員若能隨時拏究。消患未萌。何至釀成巨案。動煩兵力。前經降旨。交部將失察各員分別議處。茲據查明具奏。著照所議。所有永州府理猺同知王立名。前署江華縣事試用知縣已奏請以府經歷降補。謝大來。前代理江華縣事道州州判陳家樂。署江華縣事巴陵縣知縣林先標。前代理江華縣巡檢事試用未入流瞿曾軾。署江華縣巡檢事試用未入流馮思濬。前任永州府另案降調知府李銘紳。均著革職。銜永柳桂道高翔麟。著降二級調用。永州鎮標錦田汛左哨千總龍利見。永州鎮左營遊擊王俊署遊擊事候補都司降補守備成喜。均著革職。前護永州鎮總兵事沅州協副將馬天保。降調總兵鮑友智。均著降二級調用。本年直隸失

察尹老須等習教各案。因該犯等均係內地民人。逆謀雖未彰著。惟煽惑至數千人之多。勾結至三省之遠。非尋常失察可比。特將該地方官分別懲處。此案逆猺趙金隴糾眾謀逆。該地方文武各員毫無覺察。以致勞師糜餉。本應從重治罪。姑念該逆究係猺人。與內地民人有間。且一經調集官兵。撙節旋就撲滅。亦無另有起釁別情。是以稍從寬宥。降革示懲。國家馭臣之典。賞功罰過。本屬並行不悖。如盧坤等前次所奏功過相抵之說。殊不足以示勸懲。朕平情執法。一秉大公。所有直隸湖南失察各案。均係酌覈情節。分別辦理。並無畸輕畸重於其間。嗣後各地方官務當隨時查察。有犯必懲。毋得養癰貽患。自干罪戾。懍之慎之。將此通諭知之。又諭御史馮贊勳奏請嚴禁弁兵吸食鴉片煙。以肅營伍一摺。鴉片煙屢經降旨嚴禁。此風總未靜息。固由積習相沿。實緣各省大吏未能實力查

禁近來粵閩等省兵丁吸食鴉片煙者甚多。即將弁中食鴉片煙者亦復不少。相率效尤。恬不為怪。筋力疲輭。營務廢弛。職此之由。即如連州進兵孱弱誤事。尤為可恨。國家設兵衛民。營伍皆成勁旅。無事則人懷敵愾。有事則士盡干城。除戎器以戒不虞。方為有備。無患。似此操防巡哨有名無實。必至一省並無一兵之用。尚復成何事體。粵閩既有此習。其餘各省恐亦不免。著各直省督撫提鎮通飭

實錄卷一百六

元

陸路水師各營將弁務須正己率屬。不得仍蹈故習。經此次嚴禁之後。如將弁私食。即將該將弁揭叅。如兵丁私食。即將該兵丁治罪。並將該管將弁議處。方為不負委任。若泄泄沓沓。故態復萌。一經科道叅奏。或經朕別有訪聞。必將該管督撫提鎮從重懲處。決不寬貸。毋謂誥誡之不早也。將此通諭知之。○諭軍機大臣等上年據御史馮贊勳奏夷船私帶鴉片煙土來粵。竟敢於附近虎門之大魚

山洋面另設夷船囤積。稱為鴉片躉。並有夷目兵船。名曰護貨。勾通土棍暗中包售煙土。呼為大窩口。奸商到店與夷人議價立券。以憑到躉交貨。謂之寫書。又有包攬走漏之船。名曰快鞋。其船星夜遄行。遇有巡丁追邏。竟敢施放槍礮。每年紋銀出洋不下數百萬。流毒無窮。禁煙土在驅逐煙躉。除私帶當嚴治快鞋。快鞋既絕。又必嚴飭巡船。其在洋面交貨者在嚴拏土棍。並嚴禁各夷於貨船外不

實錄卷一百六

十

得另設船隻。其或不遵。將該國貨船一併驅逐等語。當降旨交李鴻賓等確加查覈。以除後患。旋據李鴻賓等奏到查禁鴉片煙章程。當經降旨准行。昨據禧恩等奏廣東沿海各營兵丁尚有吸食鴉片煙者。以致臨陣惶怯。徒糜糧餉。可見該督名為查禁。實未正本清源。殊為可憾。本日又據馮贊勳奏請嚴禁弁兵吸食鴉片煙。以肅營伍。已明降諭旨令各督撫提鎮實力查禁矣。朕思鴉片煙來自外

洋寶聚於廣東。欲清其源。必自廣東始。盧坤曾任廣東巡撫。自當熟悉情形。俟軍務告竣。到省。必須查明鴉片煙因何延入內地之由。即可大為防閑。為拔本塞源一勞永逸之計。馮贊勳兩摺俱著鈔給閱看。如有可採用之處。即著認真查辦。儻另有正本清源之策。亦著盧坤熟籌妥議條奏。朕必見之施行。毋似李鴻賓苟且目前。全不以國計為重。一奏塞責。致貽遠患也。將此諭令知之。○又諭據御

實錄卷二八

至

史馮贊勳奏廣西南寧府屬之宣化縣。所有道光制錢。較之乾隆嘉慶錢文。價值減至一半。竟有不肯使用者。緣地方官徵收錢糧。每銀一兩。從前折收制錢一千三四百文。近則折收一千八九百文。至二千文不等。小民糶穀交易。所用錢文。原係新舊攙雜。州縣任聽丁書銀號人等。朦混舞弊。所有道光制錢。一概不收。藉此刁難勒捐。以行其額外浮收之弊。民間因新錢不能交納。相率禁用。遠近成

風。而各營兵丁。每月所領兵餉。致多窒礙。苦累查左江鎮駐劄南寧。額兵二千餘名。每月搭放不下二三百千文。似此故意勒捐。既多取於閭閻。復有礙於錢法。此皆地方官浮收病民之所致等語。地方官勒折浮收。已干例禁。况又多方刁難。致現行制錢。民間不樂使用。兵民交受其困。錢法不能流通。殊屬大干法紀。著祁墳即確查該縣徵收錢糧有無故意勒捐。並查明此外各地方官有無似此情

實錄卷二八

至

弊。據實具奏辦理。又該御史請飭各府州縣徵收時。有願折錢文交納者。於開徵之先。按照時價合定。每兩徵收制錢若干文。一面通詳撫司。一面出示曉諭。新舊錢文。兼收並用。責成該管道府就近查覈。是否可行。著一併查明具奏。將此諭令知之。尋奏查宣化縣徵收錢糧。間有以錢折納者。均按照時價。聽從民便。新舊制錢。一概收用。實無刁難勒捐。各州縣亦無似此情弊。其各營請領兵餉。隨領

隨用。並無窒礙。至錢價長落。不能豫定。若於開徵時覈定。遇有增減。轉多爭執。應請仍循其舊。得旨。依議。妥為飭辦。○旌表遍嫁捐軀江西臨川縣民梅鼎元妻曾氏。○壬寅。諭內閣。前因土默特等互爭界址一案。交松筠馳往該處。虛衷勘斷。定立界址。茲據奏查明。茂明安扎薩克台吉及達爾漢貝勒等。所爭土默特游牧。有乾隆年間原案原圖。並所設堆記鄂博。舊址顯然。松筠向該台吉等。逐加指

視。始各釋然。心俱輸服。著照所請。飭令該台吉等。按照舊定界址。各守游牧。無相侵越。至四子部落郡王伊什齊當游牧。南接土默特。北係達爾漢貝勒。共三旗地界。俱著查定界址。永杜爭端。其土默特與錫哱圖招延壽寺喇嘛游牧。亦著分設堆記鄂博。以清界址。即飭四旗一廟。永遠遵行。該衙門知道。○諭軍機大臣等。據松齡等奏。酌議盤山等處行宮。裁撤弁兵。那運陳設一摺。已飭該衙門知道。

矣。惟所有陳設。自應運赴熱河分貯各庫。至鋪墊等件。著仍令各該處收貯。毋庸一併運往。其張三營波羅河屯什巴里台中。閫喀喇河屯王家營常山峪兩間房行宮陳設。亦准運赴熱河。此八處鋪墊。仍著該處看管。並著松齡等。將此八處行宮各繪一圖進呈。但將院落房間。詳細繪明。其裝修隔斷等件。著無庸並繪。將此諭令知之。○命署正黃旗漢軍副都統松筠。俟查辦三旗地界完竣。即來京

覆命。○裁江西建昌府九江府通判袁州府撫州府九江府照磨武寧縣新淦縣德興縣巡檢八缺。從巡撫周之琦請也。○癸卯秋分夕。月於西郊。遣肅親王敬敏恭代行禮。

確有何難結。必待眾議沸騰。始行奏請革審。並據奏稱。不敢因奏調首邑。稍存回護。即此已屬瞻徇。及至既經革審。人證具在。親自提究。無難水落石出。又復遲疑遷就。動逾數月。明係欲為開脫。不肯深追。雖據長齡查明該撫與李聯蒙並無營私舞弊情事。該撫平日辦事輒弱。此案顯係被其朦混。徇情庇護。咎無可辭。不勝巡撫之任。阿勒清阿著交部嚴加議處。即來京聽候部議。藩司邱鳴泰臬司

刑部奏

夏修恕冀寧道王志澍太原府知府王世綏未能審出實情。早日結案。亦屬有意迎合。著一併交部議處。○又諭長齡奏訊出籍案索贓。並事後受財之知縣典史。分別定擬一摺。此案山西懷仁縣知縣前署太谷縣王渠於該縣八品職銜孫阜昌買用五臺縣青白石。被楊世選等控告。輒令門丁張四向索贓銀。現據孫阜昌供出給過王渠銀六千兩。典史周舞賜銀二百兩。前署太谷縣試用知縣王

承慶於楊世選等復行訐告。赴孫阜昌家勸驗。事後得受銀一千六百兩。現據長齡查訊得實。試用知縣王承慶著革職發往新疆效力贖罪。贓銀追繳入官。懷仁縣知縣王渠委解湖北餉銀。門丁張四是否隨同前往。著湖北巡撫飭屬將張四嚴拏務獲。同王渠一併委員押解至山西。交新任巡撫提同周舞賜孫阜昌質訊明確。按律定擬具奏。餘著照擬完結。尋奏查王渠已在籍病故。張四弋獲無

刑部奏

期。提訊周舞賜事後受謝屬實。按不枉法贓折半科罪。擬杖流下部議。從之。○以四川布政使尹濟源為山西巡撫。未到任前。以山西布政使邱鳴泰護理。以江西按察使劉重麟為四川布政使。廣東鹽運使程懷璟為江西按察使。○調山西按察使夏修恕為安徽按察使。安徽按察使色卜星額為山西按察使。○戶部議准四川總督鄧山疏報。健為縣開淘鹽井四眼。照例推課配引。從之。○乙巳

上御洞明堂。勾到新疆雲南貴州廣東情實罪犯。停決新疆絞犯一人。雲南斬犯二人。貴州斬犯六人。絞犯七人。廣東斬犯三人。絞犯二人。餘八十四人予勾。○諭軍機大臣等。阿勒清阿奏原議津貼蒲灘貧民三年銀兩。借款動放捐廉歸補一摺。據稱蒲灘鹽地。經長齡議令商人按年捐輸。永遠代賦津貼。惟原奏係三年以後方行代賦津貼。現在三年之內。除該撫與該管道府等分捐三分之二。商捐三分之一。尚有不敷銀九千一百五十兩零。請先在河東道庫商捐銷價生息間款內。自道光十二年起。至十四年止。按年如數動給。仍在巡撫養廉內每年捐銀三千兩。其餘一千五百七十五兩零。在河東道蒲州府監掣同知永濟縣四員養廉內分攤。道光十四年底。前項三年之內津貼銀兩。官捐為止。接續商捐。所有動用銷價生息銀款。分作六年勾捐。計至道光十八年。即可全行歸款。至部議

蠲除之蒲灘地。畝應徵錢糧銀五百四十三兩零。請飭藩司暫為籌款補足地丁原額。俟三年後。即令商人永遠代賦。所有灘地錢糧。無庸請豁。此項津貼銀兩。係捐廉歸補。請免造冊報部覈銷等語。是否可行。著尹濟源到任後。體察情形。悉心妥議。據實具奏。將此諭令知之。○又諭寄諭署盛京將軍奕劻。每年該處進香水梨二千箇。著自明年為始。祇需進二百箇。足敷供獻之用。將此諭令知之。○貸山西山陰縣歉收貧民常平倉穀。○丙午。上詣綺春園問皇太后安。○諭內閣。吉倫泰滿漢文字。均屬生疏。於副都統佐領事務。礙難管理。伊所管鑲藍旗蒙古副都統所署鑲紅旗漢軍副都統事務。均著毋庸管理。所署佐領事務。著該旗照例另行揀員奏署。○諭軍機大臣等。本日據張井由驛馳奏。奸民聚眾強挖官隄。掣動全黃大溜入湖。急籌堵閉一摺。本年淮黃並

漲均經隨時搶護平穩。八月二十一日。龍窩汛十三堡有湖內奸民。駕船攜帶鳥槍器械。攔截行人。捆縛巡兵。將大隄劄空。現在口門已寬九十餘丈。水深三丈以外。大溜已掣七分。勢將全黃入湖。殊出情理之外。據張井就現獲從犯孫在山訊出係民人趙步堂。雇令挖隄。此外認識者。尚有本縣生員陳堂。監生陳端。陳光南。劉開成。及海金周之子。並稱陳端等均有地畝多項。濱臨湖邊。連年被水。欲挖放黃水。希圖地畝受淤等語。現在首犯未獲。所供止圖放淤肥地之語。殊不足信。且奸匪不止此數。自必另有為首之人。別圖不法情事。均應徹底根究。陶澍現赴安徽江西等省。閱伍。何處接奉諭旨。即著迅速折回。將案內人犯嚴審定擬具奏。所有全案逸犯。務須飭屬密速掩捕。細心嚴鞫。盡法懲治。毋任一名漏網。儻有不實不盡。致將來另生事端。惟陶澍是問。再現在黃河勢將全行入湖。並著

陶澍察看水勢。應如何相機鑲築。其本年回空軍船。尤關緊要。是否不至阻滯。著陶澍體察情形。設法令軍船銜尾歸次。毋稍疏虞。將此由四百里諭令知之。○步軍統領衙門奏。拏獲竊賊。並雇竊賊作工之大和莊佃戶。請交刑部審辦。得旨。大和莊已故佃戶孫錦亮之弟孫錦文。及現獲賊犯三名。俱著交刑部歸案審辦。至所稱嗣後將南苑大小各村莊佃戶。及受雇之長短各工人。名姓籍貫造具清冊。每年按季揀派奉宸苑。及內務府官員。分往清查。如查與原冊不符。或有形跡可疑。即行稟明究辦。仍於年終彙奏一次等語。著著英等認真稽覈。實心辦理。不必拘定時日。儻查有前項弊端。隨時奏明嚴懲。毋得日久生懈。視為具文。○烏蘭察布盟長烏喇特公巴圖鄂齊爾緣案革退。以副盟長烏喇特扎薩克鎮國公喇特納巴拉為盟長。○命工部尚書穆彰阿。馳往江南會同總督陶澍查辦

事件○以署鑲紅旗漢軍副都統關福為鑲藍旗蒙古副都統署正黃旗漢軍副都統松筠署鑲紅旗漢軍副都統○以理藩院尚書博啟圖兼署工部尚書吏部尚書文孚署鑲白旗滿州都統御前大臣瑪呢巴達喇署正藍旗滿州都統○以疏防奸民窀穸江南河道總督張井道員王貽象參將張兆遊擊薛朝英下部嚴議革通判田銳等職○命寧夏副都統存華往奠故阿拉善親王瑪哈巴拉茶酒賞銀五百兩並賜卹如例○旌表守正捐軀直隸磁州民高根興妻郭氏○丁未遣官祭都城隍之神○諭內閣國家澄敘官方長以帥屬督撫大吏當正色率下視國事如家事以民心為己心庶得收身使臂臂使指之效近來外省積習屬員一經升調即拜認師生凡事略分言情無所顧忌甚至節壽厚其餽送遷調藉作報酬遇有贓私敗露及審案錯

謬倉庫虧空等事礙於情面不加叅劾甚至贓款代為掩飾案件聽其抽換虧短代為彌縫疲玩因循吏治廢弛職此之由古人公忠體國即誼屬師生尚不肯以私恩廢公義況受爵公朝拜恩私室上司因是而庇護屬吏即以是為揣摩全不以國事為重清夜捫心豈不可恥若舉者以為恩劾者即以為怨朋黨漸開尚復成何政體嗣後直省督撫各宜破除情面認真辦事賢者舉之不肖者劾之一秉大公毋蹈陋習儻不加悛改一經科道叅劾或經朕別有訪聞定將該督撫嚴行懲處斷不寬貸董正治官恪慎厥職小廉大法吏治蒸蒸日上朕實有厚望焉將此通諭知之○又諭吏部議處山西巡撫阿勒清阿等請分別革職降調一摺前任山西巡撫阿勒清阿於已革知縣李聯蒙得受贓銀外間既有傳言無難即時查訊況將此等劣員調補首縣拜認師生迨該革員贓據已露即應自

避嫌疑據實叅劾乃必待眾議沸騰始行奏請革審又不親行提究遲疑遷就動逾數月該撫平日辦事軟弱此案又復徇情庇護實屬咎無可辭阿勒清阿著即照部議革職山西布政使邱鳴泰山西按察使調任安徽按察使夏修恕冀寧道王志澍太原府知府王世紱於此案未能審出實情早日結案實屬有意迎合邱鳴泰夏修恕王志澍王世紱俱著照部議降三級調用不准抵銷○又諭御

史周彥奏慎重海防一摺各省設立水師原以巡歷洋面為重將備卒伍等平日操防果能得力自可遠涉波濤認真巡哨何至有外夷船隻乘風駛入內洋之事如該御史所奏各省提鎮性耽安逸並不親身赴洋以致本年啖咕喇夷船順風揚帆毫無阻隔水師廢弛已可概見嗣後該督撫提鎮等務當嚴飭所屬各按定期巡洋會哨並責成該管巡道臨時查察取結具報僅各鎮不親赴會哨立

即據實揭叅如敢扶同捏飾查出一併叅辦至各營弁兵尤應勤加練習技藝嫻熟庶於洪波巨浪之中履險如夷悉成勁旅不至臨事退縮視洋面為畏途其出洋戰船是否應需修造著飭沿海各地方官據實查明造冊報部又另片奏沿海礮臺額數部中無從稽覈著一併查明築自何年安設何汛舊貯礮位幾尊防守兵丁是否足額詳細造冊報部備查國家設立營制一兵有一兵之用僅仍

畏葸偷安操防疏懈致令水師弁兵虛糜糧餉有名無實別經發覺定將該督撫提鎮等從嚴懲處斷不能倖邀寬典也將此通諭知之○又諭昨因桃源縣奸民聚眾強挖官隄掣動全黃大溜入洪澤湖已降旨將工員田銳等分別革職嚴議矣龍窩汛十三堡兩壩隄工高出水面尚有五尺餘寸是日風又大不至平漫過水隄坡內外一律整齊並無權洞鼠穴情形向來河工失事或因水長風

狂人力難施。此則全係人力創。乃從來所未有之事。深為可恨。該管廳營漫不經心。即隨本道在張家灣等處搶鑲防風。亦應派撥兵夫看守。何至守望僅止寥寥數人。該廳營等形同木偶。僅予革職。不足蔽辜。已革同知銜署桃南廳通判田銳。桃南營守備張順清。龍窩汛千總沈得功。桃源縣南岸主簿王積。蓋著桃源縣知縣劉履貞。把總錢永貴。俱著枷號河干。俟穆彰阿會同陶澍將全案人犯審明。即治該革員等以應得之罪。河道總督張井署淮揚道王貽象。河營參將張兆。淮揚遊擊薛朝英。俱著先行摘去頂帶。聽候部議。仍戴罪在工效力。尋議上。得旨。張井。王貽象。張兆。薛朝英。俱著照部議革職。暫留各該本任。在工效力。俟工竣時再降諭旨。○又諭。朱士彥。奏常文因病在途。缺一摺。所有本年奉天官莊穀石。著朱士彥即行前往監收。其盛京清寧宮大清門應修工程。著到盛京後

會同奕訢敬謹勘估具奏。○調理藩院右侍郎奎照。為工部左侍郎。以奉宸苑卿奕紀。為理藩院右侍郎。○以刑部左侍郎鄂順安。署山西巡撫。江西布政使岳良。署山西布政使。山東鹽運使怡良。為安徽按察使。○以故雲南蒙化廳屬南澗土縣丞阿鍾琳弟鍾璆襲職。○戊申。諭內閣。祥端等奏請暫停考試筆帖式一摺。

東陵本年應行考試候補筆帖式。茲據奏稱。該考試人等各試卷繙譯未臻妥適。該處內務府候補筆帖式。向係一二年方補一缺。且各衙門現有實缺筆帖式十二員。辦理文稿。亦暫不致乏人。著照所請。准其暫停考試。即曉諭應考之人。用功學習。仍督飭該管官嚴加教課。限二年內學有成效。再為考試。○又諭。前據御史舒德泰。已革花戶張英等舞弊。當經降旨交刑部審訊。因張英在逃。尚未據該部奏結。茲據恩銘奏。在車房柵欄內拾獲舒

德書信內有刑部堂司各官得贓舞弊等情。如果實係該御史書寫何不指名參奏。轉於昏夜擲在車房。此與投遞匿名揭帖何異。惟案關職官得贓。虛實均應徹底根究。著派富俊昇寅。申啟賢提集全案人證。秉公嚴訊。所稱真犯隱匿。冒名頂替各情。尤為案內緊要關鍵。著先就現獲各犯。嚴究確情。其案內牽涉各員。儻有應行解任革職者。即著指名參奏。務令水落石出。毋許含混。○以內閣學士

聯順為奉宸苑卿。○己酉。

上御洞明堂。勾到四川情實罪犯。停決斬犯二十二人。絞犯十六人。餘九十二人予勾。○諭內閣琦善奏。勘估永定河南六工堵築漫口。並挑挖引河。約需銀數一摺。永定河南六工漫口處所。經該督體察情形。請於漫口東西兩頭就灘面建立壩基越堵。計西首估築壩基八十九丈。東首估築壩基四十四丈。臨河一面。仍鑲護埽。並添挑水壩。逼溜注引河頭。

所有正壩上下邊埽護埽挑壩。應用正雜料物夫工土方。暨採買秫稻。加添運腳。及漫口以下旱口四處。約需銀三萬七千餘兩。其引河自漫口迤下起。至南七工十九號止。間段估挑。共長八千六百六十九丈。計估口寬十五六丈至五六丈不等。底寬八九丈及十丈至五六丈不等。深一丈二三尺至四五六尺不等。約需銀五萬八千餘兩。通共估需銀九萬五千餘兩。著准其籌款動撥。解赴工次。交

該道收存備用。仍遴委誠實之員專司稽覈。務須力加撙節。將來餘賸若干。著奏明留為善後工程之用。該督親往督辦。務使工堅料實。不准稍有偷減虛糜。工竣覈實報銷。○諭軍機大臣等。本日據張井由驛馳奏黃河非常異漲。各工奇險。疊出分飭道將搶護險工漸定一摺。本年黃河秋汛盛漲。為近年所未有。自桃南龍窩汛十三堡于家灣大隄被決。掣溜入湖。黃水驟落。而桃南北以上各廳。水

勢接續增長。銅沛廳徐城北門工誌椿積存至二丈九尺。兩岸漫灘勢已不能容納。又值陰雨不息。臨黃各工。塌埽潰隄處處危險。該河督因洪湖水勢已長至二丈以外。督令該管各道趕啟吳城七堡及禦黃壩順清河三處俾湖水暢洩入黃。其徐城上下分洩閘壩現已長逾定誌。該道廳先將銅沛廳屬天然閘刷放。黃水停長。其十八里屯滾壩即未開放。所辦頗合機宜。此次黃水被奸民挖隄。大溜全掣入湖。所患洪湖盛漲。宣洩不及。高堰便覺喫重可危。該河督趕啟吳城七堡及禦黃壩順清河三處。俾湖水暢洩入黃。不令高堰喫重。此為正辦。該河督即飭令道將廳營加意防護。務保萬全。不可稍有疏虞。其徐城上下黃水增長處所。刷放天然閘。黃水停長。即不放十八里屯滾壩。亦為妥協。總在該河督相機辦理。應否啟放。隨時細心體察。朕亦不為遙制。所奏邳北廳董家堂汛。經該河督

於春間在岔隄外。自廟山至羊山。估築外越隄。長五百八十丈。足資捍禦。又蕭南廳蕭汛外灘陳家莊。肥家莊二處上接大隄。估築攔壩一道。長六百五十餘丈。攔截灘水。甚為得力。又宿南廳蔡家樓汛。金家莊地方。向無埽工。搶鑲新埽九十餘丈。其餘各廳或舊埽補鑲。或拋石搶護。自八月二十五日以後。險工搶護漸定。覽奏均悉。惟此時距霜降尚有二十餘日。來源仍虞續漲。該河督總須隨時盡力防護。務保無虞。不可稍存大意。又另片奏龍窩汛口門掣溜入湖。甚為平緩。恐上游豫省必有漫溢分溜之虞。豫省八月十八日祥符下汛三十二堡灘水漫隄。本日據楊國楨奏到。大河水落三尺。灘水消退。口門不難斷流等語。此外尚無漫溢之事。又本日據御史馮贊勳奏。龍窩決口。請加意守護一摺。奸民強挖官隄。攜帶鳥槍器械。捆縛巡兵。其潛蓄奸謀。已非一日。今既遠颺。恐黨類仍未解散。

儻偵知文武官兵專意龍窩難保不乘機竊發另起奸謀若仍前兵夫寥寥數人萬一疏虞耗費更甚必須大為之防著該河督及該督一面飭屬嚴拏陳端陳堂等務獲究辦並通飭沿河州縣廳營於所屬各處要隘添派兵夫巡役加意防守毋稍疏懈儻再有疏失該河督等自問能當此重咎耶懍之慎之將此由四百里諭知張井並諭陶澍知之○以故四川建昌道屬巴旺宣慰司羅卜藏那木

扎爾子衮卻策丹普濟州長官司吉榮秋子維祺永寧道屬平夷長官司王元臣子朝桂各襲職○庚戌諭軍機大臣等有人陳奏六安州城北六十里地名單家鋪有土豪張四條聚黨千餘人劫奪商旅淫掠婦女開場誘賭拒捕販私種種不法地方官不敢過問又有霍山縣監生朱文耀兄弟五人勾串鹽匪搶掠藍姓寡婦圖占家產後寡婦逃回控告地方官不為究辦此等淫兇惡棍最為地方

之害如果屬實大干法紀該地方官豈毫無見聞何以不盡法懲治一味姑容疏縱甚至不敢過問養癰貽患實屬廢弛不職著鄧廷楨督同新任臬司怡良將此二案嚴密查訪確情據實具奏勿任聞風遠颺一經拏獲即親提究辦毋許稍有諱飾如該地方官實有姑容疏縱情弊即著一併嚴叅毋稍徇隱將此諭令知之○准回子郡王銜貝勒阿布都爾滿世襲罔替○辛亥

上御洞明堂勾到廣西福建奉天陝甘情實罪犯停決廣西斬犯五人福建斬犯三人奉天斬犯一人陝甘斬犯五人絞犯二人餘七十人予勾○諭內閣李鴻賓劉榮慶俟押解到京交刑部治罪著大學士軍機大臣會同刑部堂官審擬具奏○又諭戶部奏注蘇省辦理平糶事宜與原奏不符請飭查一摺江蘇省崇明縣額定食米因上年秋禾被歉採買維艱該督等奏請截漕糶濟當經該部議覆

奏准於道光十一年熟田漕糧內截撥米二十萬石。按照時價運往發糶。並聲明糶出價銀。該督等提解司庫另款存貯。仍於明歲秋成後察看情形。發銀買補搭運。或屆期毋須買補。將價銀解部。臨時由該部奏明辦理。茲據該部奏稱。查明該撫本年咨報辦理平糶事宜。覈與原奏不符。且原奏指稱崇明縣冬季立需食米。何以遲至本年三月始行糶給商人轉運。是該縣上年冬季並非急需接濟。

復查崇明縣上年冬季月報糧價三兩九錢五分。現在三月摺報二兩五錢。何以懸殊。若此。況截留漕糧。原為災黎起見。如果難以運往。或可稍遲接濟。自應趕緊據實陳明。並將覈定價值。先期具奏。乃事閱半年。於米石糶竣之後。始將價值報部。似此辦理。平糶殊非惠濟災黎慎重帑項之道。且該撫此次所報糧價合銀四十萬兩。與該部前咨該省合銀七十九萬兩之數。大相懸殊。恐其中有不實。

不盡之處。著該督等按照該部所指各情節。確切查明。據實覆奏。毋稍含混。其糶過米石。著仍遵該部前奏。按照價銀如數買補。於今冬一律搭運。著一併詳晰聲明具奏。尋奏截漕之請。雖於上年十一月具奏。而部覆到蘇。已在十二月內。州縣徵收漕米。先求無誤。正漕始能續徵截留之米。災歉之後。輾轉催徵。不能不延至本年三月。崇明孤懸海外。米商赴鄰省買米。腳價甚鉅。該縣所報市價。係連

運腳併計。故見其多。此次截漕。以所截之米。發交商人轉運。其運腳係商人自備。不能併計。且官糶例須減價。不以牟利。而以濟荒。所以異於上年報價。現已設法飭令如數買足。一律搭運。下部知之。○諭軍機大臣等。據禧恩等奏。進剿瑤匪。連獲勝仗。各排沖繳械。乞降現。籌勦撫兼施一摺。勦辦甚屬可嘉。朕心欣悅之至。已另降諭旨。分別加恩矣。據稱各排沖瑤匪。聞大兵雲集。不敢出山抗拒。有軍

寮馬箭等排約會火燒坪大掌嶺里八崗各排。目猺老乞降。現飭臬司楊振麟。劉切宣諭。如果真心投降。必須將滋事首匪擒獻。並將器械彙繳。出具情願。離髮摘環。不敢滋事。甘結。否則仍當進剿。該目等陸續繳出器械。仍未將匪縛送。經禧恩等督兵進剿。連獲勝仗。隨有西路紅泥田等十九冲。猺眾出寨投誠。懇請免剿。禧恩等頒給降猺小旗。派員妥為安置。其大掌嶺排後山猺眾。因我兵

進逼甚為震懼。惟陽公岐一冲。尚有餘匪潛聚。東路各冲。猺人亦願出就撫。禧恩等派臬司慶林等查勘。有貓兒坪老寨及六暗馬頭。繫等十九冲。猺眾頂香跪迎。情願出具保結。並願將從前焚劫之民。汛房間賠修。東路匪。猺房鴨脚四等。俱經六暗冲良猺捆送到官。疊切首匪房八等二十餘名。已擒獲正法。各冲投首自贖。情詞真摯。當派委員弁親入猺寨曉諭。西路十九冲。亦已畏罪歸誠。其餘未

經投出各冲。視大排為進退。大排除行。祥一排。本未被脅。已妥為安撫。外其餘七排。惟軍寮火燒坪。大掌嶺。油嶺。西排人數眾多。良莠不一。馬箭里八崗。橫坑。三排。勢已窮蹙等語。該目等如果震懾。兵威真心警服。將著名各頭目。按名縛獻。即當散其脅從。因以示撫。以收事半功倍之效。盧坤計已到彼。著即商同妥籌安撫。以期迅速。藏功。切不可將就了事。稍涉疏虞。致貽後患。是為至要。李鴻賓。劉榮

慶著禧恩等。派委委員押解來京。劉榮慶如已起身回籍。著咨明沿途湖南湖北等省。該革員行抵何處。即由該省督撫。委員押解來京。將此由四百里諭令知之。○又諭。已革廣東提督劉榮慶。籍隸江蘇泰州。如已回籍。著陶澍等。即派委委員押解來京。交部治罪。將此諭令知之。○欽差大臣戶部尚書禧恩等。奏連山軍營發報。改由湖南宜章郴州。至衡州驛遞。較向由江西等省行走。可近千餘里。

從之。○以進勦廣東連州瑶匪連獲勝仗。欽差大臣禧恩等得旨獎。下部議敘。賞總兵官曾勝子承禧。六品頂帶。藍翎。○旌表守正捐軀陝西安康縣民張玉才妻王氏。○除直隸通州水衝官地一頃八十畝有奇租銀。○壬子。

上詣綺春園問

皇太后安。○諭內閣。前以兩淮鹽務自去年辛卯開網後。截至今年四月徵收課銀尚未完

三分之二。降旨詢問陶澍是否確有把握。無誤限期。茲據奏稱本年奏銷雖已辦竣。綱引尚有存留。計九月初間壬辰甫得開徵。以一年未竣之綱。應兩年必須之款。辦理實屬竭蹶。並滙陳兩淮鹺務疲敝情形。又以職任較繁。請另簡鹽政專司課務。實屬有心取巧。國家設官分職。豈容私意更張。朕以陶澍前任江蘇巡撫。擢任兩江總督。於兩淮鹺務自所熟悉。是以於前此請裁鹽政改歸總督管理

之時。降旨允准。如果淮鹺疲敝。實難整頓。何以於奉命任事之時。未思及此。並無一言陳奏。迄乎兼轄兩年。辦無成效。又思更改。不過以專管兼管其勢甚相懸殊。為此避重就輕之計。非為委卸而何。如此居心辦事。豈公忠體國者之所為。朕綜理庶政。惟知賞功罰過。視乎其人之自取。從前曾燠。張青。選福。珠隆。阿福。森尚。無推諉情事。祇因辦理不善。且立予罷斥。況以總督兼轄鹽政。辦理較易。責無旁貸。何得任意推卸。且據稱請飭下湖廣。江。西。安徽等省各督撫。凡行銷淮引之處。招商領運。該督既有此奏。即照所請。著湖廣等省各督撫一體招徠民商。由地方官給照到揚。承充領運。俾轉運人眾。可期起色。試思行銷淮引之地。除湖廣外。皆其所轄。於緝私辦運。招商等務。本無掣肘。呼應較靈。尚且不能辦理。豈改設鹽政。轉能辦理裕如耶。若如此朝更暮改。不成政體。朕不能為。而朕亦不能對

天下矣。陶澍著傳旨嚴行申飭。該督如有天良。卽振刷精神。勉圖自效。儻辦理不善。有負委任。朕惟有執法從事。治以應得之罪。不能稍為寬貸。曾燠等卽係前車之鑒。懍之慎之。毋自貽誤。致干重咎。○又諭陶澍奏參誤公之運判請勒令休致一摺。所參是海州運判單壯圖。於淮北改試票鹽。輒因無利於己。屢生異議。冀惑眾心。竟置場務於不顧。轉藉催商捆運秋單為名。擅離任所。連旬之久。逗留

揚州。屢經該運司催飭。該員忽藉詞患病。請假託故支延。運判職任分司。場務係其專責。況海州試行票鹽。發運伊始。該員竟敢帶印遠出。經月不歸。場務憑何發運。票商必又趑趄。兼以海州地窪被雨。池蕩受淹。該員既稟請委勘。並不會同勘辦。實屬任意曠延。玩視公務。該督僅請將該員勒令休致。不足示懲。單壯圖著卽革職。以為貽誤辦公。有心推卸者戒。○兩江總督陶澍奏。起程查閱江西安

徽營伍。得旨接奉諭旨。務須趕緊折回。速拏決隄人犯。會同穆彰阿從實從嚴審擬具奏。萬勿耽延。○以福建臺灣鎮總兵官劉廷斌。為廣東陸路提督。調四川建昌鎮總兵官張琴為臺灣鎮總兵官。○癸丑。諭內閣。給事中寅德奏請嚴禁佐雜擅受民詞一摺。據稱風聞通州吏目何應烜。因該州緝拏鴉片煙。有受贓被控之事。河西務巡檢陳景先。今夏亢旱之際。勒發官價。派買米豆。擅行鄧姓不遵。

擅行責押。復將開設布店之崔姓枷號。並攤派商民錢文。勒令代為挂扁。各等款。著琦善卽查明提訊。確情定擬具奏。至佐雜等官。職司緝捕。或管理水利監獄。遇有竊盜賭博案件。尚應申詳州縣辦理。不得擅受詞訟。私行枷責。例禁綦嚴。著各直省督撫一體嚴禁。隨時查辦。如有佐雜等官擅受民詞。濫設刑具。卽行嚴參懲辦。毋得日久視為具文。將此通諭知之。○又諭楊遇春等奏賊番偷渡搶劫。

拒傷官兵。現設法查辦一摺。此次河南賊番加咱等四族。膽敢於噶布古僻靜河沿地方。紮筏偷渡。將附近各旗牧放牲畜肆行搶掠。當經駐防都司甯顯文帶兵往捕。致被拒傷官兵。通統領防兵永安營遊擊冉貴帶兵在卡巡查。遇賊接仗。殺斃數賊。奪獲牛羊三千餘隻。現飭弁兵分路搽緝。遊擊冉貴係統領防兵之員。於賊番偷渡失於防範。未能先事覺察。都司甯顯文帶兵往捕。不知慎重。致傷

官兵。均有應得之咎。著一併交部議處。該督等即飭署河州鎮總兵副將馬鳴謙帶兵五百名。督同循化貴德二廳營酌帶馬步兵三百名。親赴防所。督飭追緝。並著落該管千百戶。勒獻正賊。將搶掠牲畜悉數呈繳。所有拒捕賊番務期按名弋獲。盡法懲治。毋使漏網。冉貴甯顯文。仍責令帶兵上緊搽捕。俟完案後。再同失察之該管千百戶。及傷亡官兵。另行分別辦理。○諭軍機大臣等。朕聞山東學

政盛思本不協士心。本年考試錄遺。頗招物議。該學政已考數棚。聲名若何。考試有無弊竇。穆彰阿現在前往江南。路過山東。於各員謁見之時。無難確切查訪。著即據實具奏。將此諭令知之。○湖南巡撫吳榮光奏續獲三合會首犯李金保。審明聽從張揖。結拜一次。自行起意糾結一次。均與已獲張揖案內各匪所供相符。依律擬斬立決。下部議從之。○除直隸通州水衝入官旗地一項二十畝租

銀。○甲寅。諭軍機大臣等。據御史鮑文淳奏。南河入湖。恐妨運道。請豫籌疏濬。以利轉運一摺。桃源縣奸民強挖官隄。全黃大溜掣動入湖。現據張井奏。趕啟吳城七堡禦黃壩。順清河三處。自不患清水難容。隄堰喫重。惟現在龍窩汛口門掣溜入湖。甚為平緩。總因豫省祥符下汛三十二堡漫口。寬六十丈。尚未斷流。僅豫省合龍。來源續漲。龍窩汛口門尚未堵閉。則黃水入運。運河即不免淤墊。於漕

運大有關繫。昨歲南漕既未全運。加以直隸截留京城。糶賑耗費已多。來歲新漕斷不可誤。著穆彰阿會同陶澍張井察。看水勢情形。俟河隄趕築合龍後。即當設法刷淤。開通運道。僅疏濬需時。糧艘不能無滯。應如何過淺轉運之法。須及早經畫。不致臨事周章。庶南漕不誤轉輸。倉儲可期接濟。將此各諭令知之。又諭寄諭馬蘭鎮總兵官特登額等。據敬徵等奏。拆卸寶華峪東西朝房各工。並請

覈議恭備祭祀事宜一摺。寶華峪東西朝房。神廚庫。省牲亭。妃衙門。饗殿。宮門。均著於閏九月二十七日。起陸續拆卸。其碑亭及禮工部衙署。內務府大小營房。八旗營房。著於明歲擇日拆卸。其各處拆卸木植。統行運至龍泉峪工次。以備建蓋各座之用。至拆工雜料。約需銀八千餘兩。拉運車腳約需銀四萬四千餘兩。准其由內務府廣儲司先行領銀六萬兩。覈實撙節動用。俟拆運工竣。將存賸物

料按款造冊。由該處據實奏銷。至拆卸後。孝穆皇后前四時致祭。祭品可否於

景陵妃衙門備辦。神廚庫內所貯祭器。可否於寶華峪東西配殿內存貯。以備祭祀時就近取用。著妥議章程。奏明辦理。其禮工部衙署內務府大小營房。八旗營房。現住官兵差役人等。應如何暫行歸併安置之處。著即一併豫為妥議。並著於前項各座內各酌留數間。以資住宿。又另片奏寶華峪工程節省餘平

銀三萬兩。前經發交長蘆鹽政。按一分生息。每年解交

東陵內務府籌備庫。以為歲修之用。所有道光十一年以後每年應交息銀。著改解內務府廣儲司銀庫。作為陸續歸補。此次拆運木植動用六萬兩之款。該庫現存此項息銀。著該衙門查明數目。咨報內務府備查。將此諭令知之。○調工部左侍郎奎照。為刑部右侍郎。刑部右侍郎恩銘。為工部左侍郎。兼京營右

翼總兵○命伊犁將軍玉麟來京調西安將軍特依順保為伊犁將軍以理藩院左侍郎桓格為西安將軍○以四川督標副將萬榮為建昌鎮總兵官○以內閣學士姚元之知武舉禮部右侍郎陳用光為武會試正考官都察院左副都御史朱為弼為副考官○乙卯以署鑲紅旗漢軍副都統松筠署理藩院左侍郎都察院左副都御史文慶為內閣學士兼禮部侍郎銜○調正白旗蒙古副都統

奕紀為正黃旗滿洲副都統以正藍旗滿洲參領常恆為正白旗蒙古副都統○修浙江上虞縣呂家埠等處柴塘從巡撫富呢揚阿請也○丙辰

上御洞明堂勾到湖廣浙江情實罪犯停決湖廣斬犯二十二人絞犯五人浙江斬犯四人餘五十四人予勾○諭內閣楊遇春奏新疆等處販茶易茶舊章與官引均無窒礙一摺此案監生畢新興即畢延清前以私販病商

等情赴都察院具控當降旨交楊遇春確查茲據查明畢新興充當茶務總商承引辦課因恐陝省私茶闖入甘境北商夾帶附茶赴新疆售賣並青海蒙番易茶章程恭嚴慮及引茶不能暢銷輒欲變更舊章赴京控訴實屬謬妄念其所呈各款究為疏通引茶起見與捏情告人者有間畢新興著杖八十革去監生仍留充總商責成行茶辦課該督務當隨時查察儻有拖欠情弊即行從嚴懲辦以

肅茶法而重國課○又諭陶澍等奏拏獲搶劫差弁及燒斃人命案內各犯等語前因江蘇宿遷縣地方有浙江齋摺差弁經過被搶當將疏防員弁摘頂勒限嚴緝茲據奏稱該縣營等前後會同拏獲顧大茗顏全池史安五三犯起出書信等件訊據供認搶劫差弁戕傷事主屬實又武進縣曹家村地方民人曹咬大及妻周氏被人活捉燒斃查係前經正法之莊午可餘黨金壇縣尹姓族眾挾仇

報復糾毆焚燒。業經拏獲尹菊茂尹瑞庚尹廣新胡開文等犯。訊據尹菊茂供認在場毆打。尹添興起意將曹咬大夫妻捆縛燒斃等情。查拏尚屬認真。惟案情重大。該督等務須親提各犯嚴審定擬。其未獲之史盤顏景池。並尹添興等兇黨。務即嚴密查訪該犯等逃匿處所。分飭各縣營認真兜捕。按名獲案懲辦。勿使一名漏網。以儆兇頑。○刑部奏已革山西陽曲縣知縣李聯蒙審斷孫阜昌訟案。

勒索得贓至三萬兩之多。復向孫阜昌代作願捐城工呈詞。並串囑案內人證飾詞狡賴。巧避罪名。實屬貪婪藐法。雖於事後風聞物議。即將原贓退還。若准其照例減罪。殊覺情浮於法。應如大學士長齡所議。照官吏受財計贓科罪。有祿人不枉法贓一百二十兩以上律擬絞監候。秋後處決。從之。○裁貴州錦屏縣知縣典史訓導三缺歸開泰縣兼轄。改錦屏縣學教諭為鄉學教諭。設錦屏鄉縣丞。

一員。裁磐石司巡檢缺。從總督阮元等請也。○給江蘇桃源縣被水災民一月口糧。○丁巳諭內閣。成格奏酌留書吏承辦文案等語。烏魯木齊衙門書吏候選從九品楊逢源。候選未入流崔綸。候選經吏部註冊。自應飭令歸部即選。該都統輒稱該書吏等熟諳文案。請再留辦二年。期滿作為九年役滿吏。各以本班不論雙單月遇缺即選。取巧濫請。不過為此著不准行。○諭軍機大臣等。玉麟等

奏領隊大臣巡邊自吹河旋回。遇賊搶劫。現在籌辦情形一摺。覽奏均悉。祇可如是辦理。伊犁領隊大臣西朗阿。滿多布。管帶官兵出巡布魯特邊界。於八月初一日。行抵吹河地方。離霍罕築城處尚有三四站。在塔拉斯河之東。其地名皮斯格克。有霍罕頭人胡什伯克把守。又有阿克胡里收索稅物。該領隊等商定無庸深入。派兵丁三名前往探信。定於次日拔營東轉。乃初一日晚。有布魯特比塔

什坦伯克青格斯來稱霍罕頭人胡什伯克等豫備人馬為抵禦計。並商量搶劫官兵。又稱霍罕頭目庫勒產霍卓帶人由巴雅什買克赴前途會合哈薩克。恐欲截官兵後路等語。領隊等先令駝載啓行。初二日午後。排隊旋行。詎初三日傍晚。駝載甫過哈什塔克達巴罕未出山溝。即遇賊匪乘夜將駝夫殺傷。劫去口糧駝馬羊隻等物。經領隊等趕上斷後而行。及至圖爾根地方。查點我兵及駝夫。

短少十餘名。又受傷兵丁回子十二名。於初八日抵透勒克卡倫外察林河西暫住。經玉麟等酌撥火藥口糧馬匹接濟。並檄巡查哈薩克邊界之領隊大臣夾山。於出卡倫後暫住數日。與西朗阿等遙為聲援。並彈壓附近各哈薩克。俾免驚疑。所辦尚妥。皮斯格克地方寬遠。我兵巡邊不到。已閱三十餘年。久為布魯特住牧。霍罕自以所占乃布魯特地方。不知為伊犁邊界。此時自不便驟與理論。該

領隊等查至吹河。探明彼處情形。即行轉回。尚無不合。惟令駝隻行李。晝夜山行。未能先事豫防。猝被搶劫。實屬疏忽。其跟隨駝載前行之佐領勒爾經額。訥莫轍。巴圖巴拜。防禦托克托布。察隆阿。均曾經軍旅。不知小心防護。致有疏虞。又未能奮力擊賊。其咎較重。領隊大臣西朗阿。湍多布。及惠遠。城佐領勒爾經額。防禦托克托布。巴燕岱。防禦察隆阿。索倫佐領訥莫轍。察哈爾佐領巴圖巴拜。俱著

交部分別議處。此次行劫賊犯。自非霍罕胡什伯克等所使。或即係哈薩克布魯特詭計。該官兵倉猝格抵。未知人名遊牧。又未生擒活口。訊取確供。雖擊斃賊匪百餘名。我兵亦不免傷斃。實屬不成事體。儻派兵出卡緝拏。不惟地方遼闊。難以海捕。更恐驚擾該夷。致開邊釁。該將軍等惟當慎守邊防。特以鎮靜。並設法密諭恭順之哈薩克布魯特等。令其將搶劫賊犯。確切查實具報。其探信兵丁自

皮斯格克旋回。即行據實奏聞。將此由四百里諭令知之。○又諭寄諭閩浙總督程祖洛。前因有人陳奏福建汀州等府書差滋弊。擾害閭閻。種種不法。地方官每受其欺朦。當降旨交孫爾準等嚴密查究。並將摺內指出之同安縣生員呂鳴押覽。廈門民人陳全賣婦賄差二案。及安溪縣之書辦吳珍。廈門廳之陶亨。陳意飭屬拏究。茲據魏元烺奏稱書吏傳供不致有欺朦之弊。班館土地堂等名目。

久干功令。道府各顧考成。無不認真查禁。案涉生監。皆係發學看管。並不交差羈押。亦無私押人犯至數百之多。數年之久。廈防同知並無徵糧之責。該役等何敢以欠糧為詞。截拏鄉民。漳泉兩府屬廳縣下鄉緝犯。多帶書役。或因兇首抗拒。因地制宜。亦非每案皆然。緝私不力。例應按限開叅。豈肯故意延宕。命案屍屬。亦不肯將親屬屍身。任憑用鹽浸泡。差役亦不敢抑勒屍親。不准指告正兇。生員

呂鳴係在家病故。陳全之妻王氏。現在伊家。委無被賣賄差之事。並不知有虎藥之名。吳珍陶亨陳意家資。並無三四十萬之多。陳意陶亨因案索詐。已加等擬軍等語。書役軌法營私。奸宄百出。即有明幹州縣。稍不留心。尚易受其欺朦。況福建地方。言語不通。惟憑書吏傳述供詞。顛倒是非。尤屬難免。該書役等奸猾性成。尚復有何顧忌。若不嚴查重懲。無以淨奸蠹而安閭閻。該督新任閩省。無所用

其回護。著即將原摺所列各款。悉心訪察。務得確情。儘實有其事。即行按律懲辦。毋稍姑容。瞻徇。前有人陳奏原摺。著鈔給閱看。將此諭令知之。尋奏遵查閩人聚族而居。一經犯事。家長族長。藏匿縱放。甚或恃眾拒捕。必多帶兵役。方免滋事。是以有多帶兵役之傳言。生監恃符刁抗。不遵教官約束者。不能不交差收管。並無未革生員。即行鎖禁之事。至人命事件。接踵而至。順途勘驗。動輒逾旬。偶遇

盛暑屍身易變。以海濱浮沙。味鹹性涼。擁護屍身。以免腐爛。此亦不得已權宜之法。其始創之自官。遂有訟師惡棍。遇有路斃屍身。做照海沙擁護之法。而和以鹽藏之隙地。捏造情節。誣告人命。謂之合虎藥。閩省方言各異。書吏傳供。顛倒舞弊。亦所時有。班館名目。實已禁革。土地堂乃土地神祠。大小衙門皆有之。坐落頭門。為聽審遞呈者息足之地。非拘押人證之所。生員呂鳴委係在家病故。陳全之妻王氏。年已望六。亦無被責賄差情事。閩省之病。在於官不執法。必將不肯執法之官。嚴懲一二。使各治其犯法之人。而閭閻庶可安枕矣。得旨。所論周詳至當。務要以次認真整頓。方為不負委任。勉之又勉。○又諭寄諭江西巡撫周之琦。原任侍郎贈尚書銜萬承風。籍隸江西。伊子四人。除業經病故各員外。現在尚有子幾人。孫幾人。著該撫即行查詢明確。據實覆奏。將此諭令知之。○又諭寄諭

兩江總督陶澍。原任翰林院侍講學士。加三品卿銜。秦承業之子。候選員外郎秦繩曾。前經回籍。是否仍來京當差。並該員有無兄弟子嗣。著該督即行詢問明確。據實覆奏。將此諭令知之。○戊午。諭內閣。禧恩等由五百里馳奏分別勦撫。各排沖現經縛獻首匪。率眾投誠。瑤山全境肅清。酌量留撤官兵。並確查起釁根由。地方官辦理耽延。據實奏參。各一摺。辦理妥速。可嘉之至。朕心欣慰。此次瑤匪在大古坳被官兵勦散。餘匪房大第六等竄入陽公岐。及毗連之上腳垠。黃瓜沖等處。員固抗拒。經禧恩等探明。於八月二十二日。派副將張必祿等帶領黔楚廣西弁兵。由左山梁兜擊陽公岐寨後。派副將王錫朋等帶領湖南廣東弁兵。由右山梁抄截前路。余步雲與總兵曾勝等帶兵由中路徑進。禧恩等在後路接應。行至馬頭隘口。瑤匪一二百人。搖旗呼號。思撲我兵。我兵放槍轟擊。立斃十餘

人賊眾奔退。我兵尾追。將及該寨。寨內所藏餘匪。及奔回匪眾。合聚一處。抵死迎敵。我兵奮勇直入。槍礮並發。賊匪滾巖落澗者甚多。擊斃執旗賊目三人。餘由深溝奔潰。當即移兵進剿上腳垠。黃瓜冲等處。即有該冲男婦老幼數百人。跪地乞命。聲稱實係逼脅勉從。情願討限設法。拏送首匪。禧恩等傳諭官兵。暫免攻剿。勒限三日內。縛獻首匪。旋於二十三二十五六七等日。有大掌嶺降。搖帶出陽

公岐等處。搖眾赴營。呈繳槍械。具結乞降。又據軍察馬箭里八崗。火燒坪。油嶺。橫坑。及行祥各排。搖目。搖老。並各小冲。千長人等。同赴大營。呈遞永不滋事連環保結。及各排戶口花名。又據火燒坪。黃瓜冲等。搖眾將迭劫首匪房大第六。盤麻三。李成意一等。三名縛獻。並結稱前飭查拏之首匪。惟唐阿牛二。沈燒酒二名。未獲。恐已被官兵勒斃。容俟寬限訪查。不敢隱匿。禧恩等察其情詞真摯。即宣諭

威德。賞給銀牌花紅。並將縛獻之房大第六。盤麻三。李成意一。並前獲之鄧三。盤文理。盤八。唐四。李一。房六等。及土匪李安達。李成仲等。即在軍前正法梟示。使各搖眾環視行刑。並諭令大小各排冲。俱令雞髮摘環。永為感世。良搖該搖等。俱各伏地叩頭。涕泣改悔。現經委員親入搖寨。編查戶口花名。設立門牌。隨將大營撤出山外。將湖南貴州官兵三千四百餘名。先行撤回。廣西廣東各兵分別遣

令歸伍。酌留廣西兵一千名。廣東兵二千名。分駐連山。上下一帶。交總兵曾勝管帶。以慎巡防。俟冬底春初。再行察看情形。撤回歸伍。其前經奏調湖北官兵。著即停止。禧恩。瑚松額。前經派往湖南查辦江華。搖匪。督兵剿捕。廣西竄入楚境。搖匪。甚為得力。及前往廣東。於該省事閱半載。未能勦辦之搖匪。甫抵連州一月。即能大加懲創。以振國威。各排冲投誠乞命。辦理實為迅速。禧恩著加恩賞戴三

眼花翎。伊本係鎮國將軍。並著封為不入八分輔國公。瑚松額著賞戴雙眼花翎。並賞給一等輕車都尉世職。余步雲前在湖南認真勤辦。及調往廣東奮勇出力。一切機宜俱臻妥協。著加恩賞戴雙眼花翎。並賞給一等輕車都尉世職。曾勝先派帶兵到廣東。屢著勞績。勇敢可嘉。著加恩賞加提督銜。並賞給雲騎尉世職。以示獎勵。其在事出力人員。著查明覈實保奏。候朕施恩。傷亡兵丁。照例咨部辦理。其辦理遲延之文武各官。除李鴻賓。劉榮慶已降旨押解來京交部治罪外。所有軍需例准開銷銀兩內。自五月二十二日起。至八月二十九日止。一切支銷銀款。著落李鴻賓賠繳三成。陽江鎮總兵余得彪著降為水師營都司。留粵候補。撤任南韶連鎮總兵得志著以都司守備降補。署臬司慶林著革去按察使。以道員用。仍交部議處。以示懲儆。失察文武各員。查取職名送部。照例議處。曾勝

著調補廣東南韶連鎮總兵。其高州鎮總兵恆安著送部引見。所遺員缺著阿精阿調補。發去三眼花翎一枝。著禧恩祇領。雙眼花翎二枝。著瑚松額余步雲祇領。將此通諭中外知之。○又諭寶興等奏查明新城局屯田地畝未能開墾各屯一摺。新城局地畝應徵大租。前經奏准搭放伯都訥官兵俸餉。即非開款可比。茲據寶興等查明。此項地畝因連年鑿井無水。認領各佃無力開墾。自係實在情形。著照所請。准將未能開墾之荒地二萬零一百四十二晌。暫行作為禁荒。責成該副都統招募有無認墾之民。年終咨報。以備查覈。該將軍等仍於每年派員前往查勘。如有私開未報情弊。即將該局員嚴參懲辦。所有此項未開地畝之原領銀兩。勒限半年。如數追繳歸款。其從前總辦之協領烏林泰在省追款之已革同知松奎。並七八兩年承辦之佐領法凌阿。吉林保。辦理不善。實屬咎無可辭。

均著交部議處。以為不能實心任事者戒。該副都統福陞於上年甫經到任。今春即行查明咨報。尚無不合。著免其置議。至新城局地畝大租。係搭放伯都訥官兵俸餉之用。嗣後應如何搭放之處。著戶部議奏。尋議。伯都訥每年俸餉。係將該處地丁等銀抵充。今新城局開除大租錢。計銀四千八百三十餘兩。仍請在於該處地丁銀內按數支給。從之。○諭軍機大臣等。本日據禧恩等由五百里馳奏。

分別勦撫。各排沖現經縛獻首匪。率眾投誠。瑤山全境肅清。辦理妥速。可嘉之至。惟廣東營伍廢弛已極。若不力加整頓。豈能日有起色。盧坤計已到彼。務當實心實力。隨時振刷。一洗因循陋習。方為不負委任。其瑤人所呈戶口花名冊。著派委委員。輕騎減從。親入瑤寨。挨戶清查。編列門牌。毋任匪類藏匿。一切善後事宜。著妥籌辦理。務須計出萬全。毋貽後患。至此次辦理軍需各項支放銀兩內。除

各營官兵借支行裝。及用購軍火物料等款。可以撥扣歸還者。准其按年扣抵外。其餘例准作正開銷及例不准銷之款。著該督分別查明。除著落李鴻賓賠繳三成外。將向例不准開銷之款。查照例案。在於本省各官養廉內分限勻攤歸補。將此諭令知之。○又諭本日據禧恩等由五百里馳奏。分別勦撫。各排沖現經縛獻首逆。率眾投誠。並確查排瑤起釁。根由地方各官辦理耽延。各一招。現明降

諭旨。分別加恩。並將總兵余得彪等降補示懲矣。所有此次善後各事宜。自應妥為經理。禧恩等或在該處暫留商辦。盧坤計已到彼。若可將善後各事宜。交伊妥籌辦理。禧恩等即起身回京復命。著禧恩等自行酌量可也。將此由五百里諭令知之。○署理藩院左侍郎松筠奏。勘定土默特茂明安等四旗地界章程十條。一。除原設封堆。重新修理外。請就界連茂明安。達爾漢貝勒。土默特。三旗之克

稠封堆西北。土默特官房之西。添設二堆。西為茂明安牧場。東為土默特牧場。請自克稠封堆稍趨東北之山巔。以及喀喇圖等處。添設封堆。山北為達爾漢貝勒牧場。山南為土默特牧場。重修烏蘭察布源泉地方號堆。東為四子牧場。西為土默特牧場。哈達瑪勒河源。當達爾漢貝勒土默特兩旗適中之處。東為托蘇圖山。西為克稠封堆。以山之南北分界。請立石刻字。以免侵越。各旗於原設號堆之間。酌量適中之處。添設數堆。載入旗檔備查。以杜爭端。移土默特之烏蘭胡都克烏蘭諾爾舊設達爾漢貝勒旗坐卡二處。仍回該旗境內。現錫呼圖呼圖克圖等情願由僧徒內每卡揀派十人防守。嗣後各扎薩克地界之案。俟報明將軍副都統查驗後。轉行報部。如有任意徑行報部者。嚴叅示懲。嗣後各旗於每年秋季。派員定期驗修號堆一次。報明副都統衙門備查。界連

土默特茂明安兩旗之民戶。應於該處多設封堆。詳細劃明。界東在土默特交租。界西在茂明安交租。詳查土默特茂明安兩旗交界處所民戶墾田數目。將土默特遊牧之沙喇哈達巴彥化河以北。並沙喇圖地方開渠之東。均為牧場。渠西河南地畝。仍聽開墾。得旨辦理甚屬詳明。著依議行。以廣東惠潮嘉道龔綬為甘肅按察使。以浙江杭州城守營副將崇福為湖南永州鎮總兵官。以四子部落郡王伊什齊當為烏蘭察布副盟長。旌表守正捐軀安徽阜陽縣民劉起斌妹四姐。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百十九

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十

教修

道光十二年壬辰九月己未

上詣綺春園問

皇太后安。○諭軍機大臣等。據盧坤等奏。逆猺
盤均華。在廣西賀縣聚眾謀逆。偽稱名號。欲
來湖南占奪。徭山田地。甫經起事。即經廣西
省文武各官帶兵追捕。於芳林渡痛剿。敗散。
該逆窮竄湖南邊境。即被擒獲。不致蔓延。是
廣西芳林渡戰功保全甚大等語。所有在事
出力文武各員。自應查明保奏。予以恩施。著
該督到任後。會同祁項。詳細查明。覈實具奏。

盧坤調任兩廣總督。接奉諭旨。自即起程前赴連州。所有善後事宜。著與禧恩瑚松額會商辦理。昨已另諭禧恩等。如無須在彼。即自行酌量回京復命。該督責無旁貸。務須熟籌妥辦。計出萬全。毋貽後患。是為切要。將此諭令知之。○又諭。訥爾經額到任後。著即赴湖南衡州。辦理一切善後事宜。廣東勦辦連州。匪現已全境肅清。羅思舉署湖南提督。駐錦田防堵。計何時可以撤兵回任。著訥爾經額與羅思舉體察情形具奏。將此各諭令知之。○又諭。湖南永州鎮地方。界連兩粵。控制猺夷。現在猺匪甫經平定。巡防彈壓。一切均關緊要。該總兵崇福。向未出兵。於邊防事宜。辦理能否勝任。到任後。著該督留心察看。據實具奏。將此諭令知之。尋奏。該總兵才具明晰。營務熟諳。曾於道光六年。帶兵渡臺。擒犯多名。於行陣亦有閱歷。應令先行赴任。報聞。○兵部以武會試中額請。得旨。滿洲蒙古取

中三名。漢軍取中四名。奉天取中一名。直隸取中五名。陝甘取中五名。廣東取中四名。河南取中四名。山東取中七名。江蘇取中一名。安徽取中一名。山西取中六名。湖北取中一名。湖南取中一名。四川取中三名。廣西取中一名。福建取中一名。浙江取中一名。江西取中二名。雲南取中一名。貴州取中一名。○河東河道總督吳邦慶奏。祥符下汛三十二堡缺口。已於本月初五日圍堵完竣。報聞。○調山西按察使色卜星額。為甘肅按察使。甘肅按察使龔綬。為山西按察使。○以擒獲逆猺盤均華。賞湖南知州張鴻威。署同知姚熊飛。守備楊昌凱。阿臨泰。花翎守備李璋等。藍翎餘升。賞選補有差。○旌表守正被戕浙江昌化縣民章受海母邵氏。○庚申。上御勤政殿聽政。○諭內閣。潘世恩等奏本年順天鄉試中式硃墨卷。覆勘得應議者三卷。其張惠立一卷。據稱原勘官簽出第一場首

藝內亦樂乎疏水曲肱也。句。正本稿本珠卷均無非字。看係添字。筆跡不符。與後比係一手添成。又後二比末珠墨卷皆經塗改。原註塗改字數不符。著禮部堂官即傳該舉人到部。攜帶筆硯。當面寫對筆跡。並將卷內字跡不符。及塗改字數與原註何以不符之處。詢明有無情弊。據實具奏。再行照例覈辦。其陶樹美。何渭。二卷應議之處。均著禮部照例辦理。○又諭趙金隴之子趙幅。金趙幅。銀趙滿仔。並其女趙三妹。其媳趙黃氏。其弟趙金旺。及要犯李德明。即李幅明。鄧庭興。八名。口著大學士軍機大臣會同刑部審訊定擬具奏。○諭軍機大臣等。據潘錫恩奏。全黃入湖。貽害甚鉅。請急籌補救。以挽全局。以利新漕。一摺。著穆彰阿。陶澍。張井。將摺內陳奏各條。詳細查明。妥籌會議具奏。原摺著鈔給閱看。朕思全黃入湖。為從來未有之事。現在龍窩汛十三堡口門寬廣。大溜已掣七分。堵築大工。

至速需十月底竣事。黃水灌湖至二三月之久。洪湖易致停墊。現今黃溜經行。尚不甚覺。將來堵口復故。恐全湖俱成平陸。湖內又無濬法。並恐實應高郵以下運河。兼受其害。於治河全局。誠為可慮。著穆彰阿等。親詣該處履勘情形。妥籌善策。俾湖身下游。俱不致淤墊。是為切要。至本年回空軍船。是否不致阻滯。明歲新漕。尤關緊要。斷斷不可稍遲。以目下情形而論。能否不致有礙漕行。如須早為

籌畫。亦著通盤打算。妥為定議。勿致臨時掣肘。大費周章。天庾正供。儻有遲誤。試問能當此重咎乎。其所請帑銀。於大工全舉。自己足敷堵築之用。國家經費有常。務須撙節支給。勿致虛糜。著陶澍。張井等。嚴飭所屬。務令工歸實用。并密加訪察。如有剋扣及浮冒等弊。即行嚴叅示懲。毋稍徇隱。將此諭令知之。○又諭祁墳奏。越南貢使請酌定進關日期。一摺。越南國以來年係屆應進例貢之期。該國

王呈請酌定何時進關。著該撫即傳知該國王。令該國使臣於來年七月內到京。其應於何時起程之處。該撫按程計算。酌定進關日期。一併知會該國王遵照可也。將此諭令知之。○以詹事府詹事奕澤。為通政使司通政使。○以廣東澄海協副將何岳鍾。為陽江鎮總兵官。○以理藩院尚書博啓圖。為滿洲鑄譯鄉試正考官。右侍郎奕紀。為副考官。國子監司業嵩安。為蒙古考官。○辛酉。

上御洞明堂。勾到江西安徽江蘇情實罪犯。停決江西斬犯三人。安徽斬犯六人。絞犯二人。江蘇斬犯四人。絞犯六人。餘五十九人予勾。○諭內閣。那清安等奏。該旗官卷送考冊籍錯誤。請將佐領參領議處一摺。此次中式舉人毓雲。係御史恆謙之胞姪。例應編入官卷。該旗佐領於送考冊籍內。將毓雲原報官卷誤寫民字號。該參領亦復不加考覈。均屬不合。佐領恆慶及承辦之參領。俱著交部照

例分別議處。嗣後例編官卷。應如何詳慎稽查。不致列入民卷。並送考冊籍。不致遺漏錯誤之處。著禮部妥議具奏。○諭軍機大臣等。林則徐奏。接准張井咨。會奸民聚眾強挖官隄。即由江寧起身前赴沿途查勘水勢情形。並將現獲人犯督同審訊一摺。奸民駕船攜帶鳥槍器械。攔截行人。捆縛巡兵。將大隄剝挖。掣動大溜入湖。殊出情理之外。前據張井就現獲從犯孫在山。訊出係民人趙步堂雇令挖隄。此外認識者。尚有本縣生員陳堂。監生陳端。陳光南。劉開成。及海金周之子。並稱陳端等均有地畝多頃。濱臨湖邊。連年被水。欲挖放黃水。希圖地畝受淤。所供殊不足信。且奸匪不止此數。自必另有為首之人。別圖不法情事。均應徹底根究。該撫到彼。務將全案逸犯。飭屬密速掩捕。勿令聞風遠颺。並著細心嚴鞫。盡法懲治。毋任一名漏網。陶澍前赴安徽等省閱伍。接奉諭旨。自己迅速折回。

該撫俟陶澍到後。將全案人證交陶澍辦理。
該撫再回江蘇本任。將此諭令知之。○命工
部敬謹勘估

天壇

祈年殿並燔柴鑪等工。○壬戌

上幸靜明園詣

龍神廟拈香。○旌表守正被戕湖北沔陽州
民王承貴妻羅氏。○癸亥。諭內閣。壁昌等奏
烏什所屬之布魯特等進卡貿易。可否免稅

等語。烏什卡外所屬之布魯特等。接壤邊卡。
均極恭順。所有進卡貿易之人。著加恩一體
免其納稅。○諭軍機大臣等。本日據張井由
驛馳奏。覆勘龍窩汛口門。籌備堵築情形。並
槍辦桃南北兩廳險工平定。及湖水漲滿。竭
力防護各一摺。覽奏均悉。前據張井奏。八月
二十一日。奸民窺隙。口門寬九十餘丈。此次
將裏頭盤護趕築穩實。九月十三日。張井至
該處緝量口門計寬一百九十餘丈。自係被

黃水刷寬。但甫逾兩旬。何遽刷寬至一百丈
之多。至全黃入湖。石工萬分危險。自應急籌
堵閉。惟節年霜清後。尚有漲盛之時。僅輕率

興工。或致埽段閃失。所費轉大。又回空軍船
催挽南下。現在清水暢出。藉資浮送。口門一
經堵合。勢必黃高於清。所有歷年倒塘築做
之草閘。及攔黃臨清等堰。並收束之禦黃束
清各壩。業經折除開展。斷不能仍辦倒塘。若
引黃濟運。流弊滋甚。前車可鑒。至料物需用

甚多。江境本年各處被水。柴稻收成歉少。購
買不易。張井請俟黃水落定。回空軍船將次
渡竣。購料齊全。趕緊剋期堵合。自係實在情
形。朕亦不為遙制。即著照所請行。現在清水
入黃。至堵合口門時。為期尚有兩月之久。僅
河底竟能刷深。著先將山盱各壩。河悉行趕
堵。仍留禦黃壩各處口門。專讓清水外出。僅
湖水已減。黃勢仍高。即一面堵築漫口。一面
將禦黃壩各處堵閉。以免黃水倒灌。並即趕

緊修復攔黃臨清堰各工。以備來年重運倒塘。斷不許再有遲誤。至所奏于家灣金黃入湖。較上年洪湖異漲。水勢尚大九寸。現在堰盱石工。入水者十居八九。僅恃隄頂子堰。捍禦全湖。時距霜降。尚有決旬。儻來源續長。平漫堪虞。或遇西風。尤虞過水。此次大開清口。不但宣洩湖漲。並可刷滌黃淤。原為正辦。至湖隄洩水處所。除仁義禮三河。及智壩林家西滾壩久經啓放外。其攔湖壩一路洩水較

靈。惟現據張井奏。若再開攔湖壩。下河七邑民田。必普律被淹。其患一。回空漕船。經由高寶即伯諸湖。溜形湍急。尤以吸溜為虞。繙挽艱難。必誤歸次。其患二。將來堵閉。非六七十萬金不可。揚河楊糧東隄。或有姓失。堵築不資。其患三。所奏不為無見。計此時陶澍當由九江折回清江浦。穆彰阿月內當可到工次。著即會同張井。察看情形。權其緩急。是否照所奏。此後湖水仍長。淮揚危在呼吸。與其變

起大隄。不如患生攔壩。仍啓放攔湖壩。以洩清水。若清口暢通。湖水見落。仍固守攔壩。以顧全河大局。穆彰阿等隨時相機妥辦。毋致有意外之虞。是為切要。將此各諭。令知之。○又諭前因粵東排獠滋事。地方官辦理遲延。降旨令禧恩等查明具奏。嗣據奏稱。前署臬司慶林。經良獠捆送匪獠房鴨脚四等到案。又拏復乘機搶奪之土匪劉文才等多名。正可按律懲究。乃未能相機籌辦。西路甫將帖

服。東路復有騷擾。以致辦理耽延等語。該省排獠。自本年正月。經楚獠勾惑煽動。沈肥肉一等犯乘間蜂起。多係無賴散獠。互出剽掠。並無為首總頭。目在內。如果及早認真妥辦。何至曠日持久。釀成事端。慶林於獠匪起事之先。即經派赴軍營。曾否將難辦情形稟知李鴻賓。奉有批示。其招撫一節。是否係李鴻賓主見。抑係慶林稟商。及奉有諭帖。該省文卷。無難檢查。著盧坤到任後。即將各情節確

切查明據實具奏。毋稍徇隱。將此諭令知之。
○復引見京察一等未經記名人員。得旨。許
乃普凌泰封。周仲墀。慶崇阿。恆春。孫曰熙。德
興。霍隆阿。富兆。敬文。俱著交軍機處記名。以
道府用。○以綏遠城軍政年逾六十。官十五
員。精力未衰。命留任。○旌表守正捐軀山東
益都縣民張振來妻張氏。○甲子。諭軍機大
臣等。朕因山東學政盛思本。不協士心。降旨
令穆彰阿於路過山東時。密行查訪。茲據奏
該學政錄科生員。僅錄取十分之四五。貢監
僅錄取十分之二三。旋又補取多名。迨將入
頭場。尚有臨時補出者。物議譁然。致遺取生
監多人。赴該學政署前高聲詈罵。該學政傳
巡捕拏人。輒又中止。其於生員補歲考時。出
題後。甫作起講數句。即諭不必作完。放令出
場等語。已明降諭旨。將盛思本交部嚴加議
處矣。穆彰阿因馳往南河查辦事件。於該學
政歷考各棚。有無弊竇。未及一一訪查。鍾祥

現來京陛見。計程將次。行抵山東。途次接奉
諭旨。即著將盛思本考過各棚。有無弊竇。劣
跡聲名。實在若何。確切查訪。來京時。據實具
奏。毋稍徇隱。含混。穆彰阿摺著鈔給閱看。將
此諭令知之。○又諭。前據陶澍奏。辦理鹽務
實形竭蹶。並恐陳兩淮疲敝情形。又以職任
較繁。請另簡鹽政。專司課務。准驤之敝。已非
一日。商疲課絀。百弊叢生。從前歷任鹽政。專
司其事。辦理不善。朕以陶澍由江蘇巡撫擢
任兩江總督。於驤務自所熟悉。且總督兼鹽
政。呼應較靈。乃自改歸總督管理以來。將及
二載。其於督課招商。緝私。辦運各事宜。究竟
辦理何如。現在驤務。是否有起色。或從此
辦去。將來可望漸次復舊。抑竟仍似曾燠。張
青選。福珠隆阿。福森。諸人在任時。同一疲敝。
著穆彰阿。俟河工事竣。悉心訪察。務得確切
情形。回京據實具奏。將此諭令知之。○泰寧
鎮總兵官貴慶等。奏請調劑旗兵。閱月生計。

得旨。閏月。非始自今年。旗人不止此一處。無非邀譽於眾。受人慫恿。所奏不准行。○以山東學政盛恩。本任性乖張。下部嚴議。命來京。命內閣侍讀學士王丙。提督山東學政。○乙丑。諭內閣。御史慶昌奏。請照例禁止匿名訐告一摺。所奏是。凡投遞匿名文書。告言人罪。見者即行銷燬。例有明文。前恩銘拾獲書信。因牽涉刑部司員。及伊家人等。婪贓舞弊。不敢不據實陳奏。以便徹底根究。嗣後凡九卿

宣宗實錄卷二百一

十四

科道有奏事之責者。除當面投遞呈詞信件。准辦理外。其有拾獲匿名揭帖。及偽託姓名書函等件。概著遵照定例。即行銷燬。毋庸奏請查辦。以杜奸險而戢刀風。○又諭徐錕等奏。請將查報役使。奏回遞延之協領等議處一摺。原任和闐領隊大臣德惠。攜帶喀什噶爾夷回幼孩巴海。回家役使。本有應得之咎。業經病故。著毋庸議。伊子音登額。初不知巴海來歷。一經巴海告知。即行據實稟報。尚無

不合。亦毋庸議。鑲白旗協領塔瑚禮等。未能察出。稟報遲延。著查取職名。交部議處。至巴海是否安分良回之子。著史譜即行解交葉爾羌參贊大臣。確切查明。照例辦理。○予故協辦大學士兩江總督百齡。入祀鄉賢祠。從熱河都統保昌請也。○丙寅。

上詣綺春園問

皇太后安。○諭軍機大臣等。給事中孫蘭枝奏。蠹役訛詐。縣令諱盜。請飭查辦一摺。據稱浙

宣宗實錄卷二百一

十五

江嘉興府屬之石門縣。係水道通津。為各省商販由江南至浙江要路。浙民全賴湖廣江西江南等處。販運米船接濟。近年商販漸稀。糧食昂貴。緣石門縣地處要衝。時有遞解人犯。每捉過往商船裝載。該縣承管船務書吏曹洪。及壯役張文等。藉差訛詐。商販畏懼。裹足不前。其始解犯一名。必捉商船數十。得錢賣放。漸至並無解犯。亦任意訛捉。上年秋間。淮揚災民過境。不論大小輕重船隻。一概妄

拏分遣多人把持南北馬頭並各處汊港雖
昏夜不能越過凡被捉買放每船數百文至
數千文不等重載船隻勒詐一二十千文方
准開行商民畏其兇橫不敢控告上年浙省
收成歉薄外省米船聞風不至米價日騰該
縣知縣李世彬毫無見聞嗣經該署府訪知
交該縣查辦該縣任聽曹洪張文等賡緣消
弭遷延日久並未責革以致眾議沸騰又據
稱李世彬賦性闇懦凡遇公事信任典史李

實錄卷百五

六

鈺該典史氣習浮躁捕務廢弛本年七月二
十九日該縣西門外章姓家有盜匪四五十
人明火持械入室搶劫章姓見勢兇橫即鳴
鑼趕赴縣署喊稟該知縣典史帶同差役登
城探望不敢查拏目擊羣盜劈箱取物並不
查勘緝拏勒令章姓改盜為竊方准呈報旬
日之內該縣城外疊有搶劫案件延擱不辦
有意規避希圖諱飾消弭等語如果屬實殊
屬縱盜殃民有心徇庇著富呢揚阿督同臬

司張岳崧嚴密查訪如有前項情弊即將諱
盜庇差之知縣典史叅辦究懲並將作弊擾
害之吏役曹洪張文等嚴行懲治以安商旅
而衛民生將此諭知富呢揚阿並傳諭張岳
崧知之尋奏訊得章天祿等案委係被竊並
非勒改縣差張文等捉船賣放實有其事張
文照律擬枷杖曹洪分用錢文擬杖折責知
縣李世彬並無縱差諱盜信任典史之事惟
於該役索詐失於覺察請交部議處典史李

實錄卷百五

七

鈺不協輿情請歸於計典內叢叅下部議從
之○以庫丁舞弊革給事中阿成等職下刑
部嚴訊○裁雲南曲靖府水利同知劍川州
彌沙井鹽大使曲靖府大理府永昌府司獄
順寧府知事六缺從總督阮元等請也○給
湖北天門公安石首江陵松滋五縣並荊州
荊石二衛被水軍民一月口糧○丁卯諭內
閣從前乾隆年間逆回布拉呢敦霍集占以
叛伏誅布拉呢敦之子阿布都哈里因年幼

無知貸其一死。賞給功臣為奴。道光三年。朕因其尚屬安靜。加恩照當差回子之例。將伊一家入於正白旗蒙古。賞給差使。七年六月。因張格爾入卡肆逆。法當緣坐。猶不忍概予駢誅。將阿布都哈里及其子孫。分撥雲南廣東廣西福建等省安置。永遠監禁。其眷屬發江寧杭州駐防為奴。節據各該省巡撫具奏。該回子等在監安靜。今張格爾久已明正典刑。阿布都哈里伯巴克俱經病故。查張格爾入卡滋事時。阿布都哈里等並無同謀知情。亦無遙應情事。朕仰體

皇祖高宗純皇帝寬仁之德。念父子兄弟。罪不相及。阿布都色莫特。阿什木馮氏。怕特買楊氏。大妞。俱著加恩准其釋回。派員送來京。仍隸正白旗蒙古旗籍。其阿布都哈里伯巴克之樞並著該省巡撫派人送京。以示朕法外施仁至意。○又諭保昌奏額外驍騎校不安本分。請旨斥革一摺。所奏是。八旗官兵缺

出。應否挑選。自有一定章程。熱河額設委署驍騎校二十名。並無額外驍騎校名目。西凌阿本係犯案發遣釋回之人。雖經賞給額外驍騎校。借補前鋒。改補領催。究係虛銜。輒以前鋒校缺出未經揀選。妄行爭論。復臚列呈詞。嘵嘵瀆訴。實屬不安本分。西凌阿所有額外驍騎校領催。並蒙古學教習。著一併斥革。交該旗嚴加管束。如再滋生事端。即行從重辦理。○以泰寧鎮總兵官貴慶為倉場侍郎。刑部右侍郎奎照為泰寧鎮總兵官。兼總管

內務府大臣。管理

萬年吉地開工事宜。調刑部左侍郎鄂順安為右侍郎。兼正藍旗蒙古副都統。兵部左侍郎凱音布為刑部左侍郎。轉兵部右侍郎。鐵麟為左侍郎。調理藩院。右侍郎奕紀為兵部右侍郎。以奉宸苑卿聯順為理藩院右侍郎。吏部左侍郎奕經署戶部右侍郎。兼管錢法堂事務。貝勒奕繪署管理欽天監事。○戊辰。諭

內閣。前據潘世恩等奏。覆勘得應議舉人張
惠立一卷。添字筆跡及塗改字數不符。當降
旨交禮部堂官。傳到該舉人。詢明有無情弊。
據實覆奏。茲據奏。查傳該舉人到部。面加詳
詰。實係匆忙塗改。繕寫潦草。未將字數覈算。
另行更改。復令當面默寫字跡。與原卷覈對。
尚屬相符。惟該舉人墨卷塗改之處。硃卷均
應照所改字句。謄寫。何以該謄錄將墨卷所
添非字及後二比所塗二句。並旁跨之字。照

樣錄出。著順天府將該謄錄書手傳到。送交
禮部。訊明有無情弊。據實具奏。再行照例覈
辦。○又諭宗室敦善民人芮九。呈控庫丁戴
雲峰舞弊一案。前降旨交刑部嚴審。茲據卓
秉恬奏。此案緊要關鍵。應傳到查庫御史。追
出敦善等與訟息訟各呈詞。以憑審訊。又外
省委員解銀多由銀號包攬代辦。應向各犯
訊明存銀各銀號。傳提嚴審。其宗室全煜家
人王幅。抗不交出。應嚴追全煜。將王幅交出。

以憑審辦。至戴雲峰賄和多项開銷。均有帳
據。應上緊追出。與各犯質對。以上各情節。係
案內緊要關鍵。著刑部提訊各犯時。逐層研
究。應傳提者立即傳提。應刑訊者加以刑訊。
毋令避重就輕。顛預結案。卓秉恬原奏片。著
鈔給刑部堂官閱看。○己巳。遣官祭

歷代帝王廟。○以御前侍衛道慶為內閣學
士。兼禮部侍郎銜。仍兼署武備院卿。乾清門
侍衛倭什訥。為奉宸苑卿。○調鑲白旗蒙古

實錄卷三十三

五

副都統闊凌阿。為廣州漢軍副都統。正紅旗
漢軍副都統舒倫保。為鑲白旗蒙古副都統。
以鑲白旗參領張仙保。為正紅旗漢軍副都
統。○免齊齊哈爾駐劄款區兵丁應交糧石。
並緩徵舊借口糧銀。○庚午。

孝慈高皇后忌辰。遣官祭

福陵。○諭內閣。高溥奏。現審差役擾害索詐情
形。並將庇役諱案之知縣。及延不審辦之知
府。請分別革職解任。質訊一摺。此二案前因

有人陳奏經朕飭該撫督同臬司確查。茲據查明李世富等藉差滋擾詐贓斃命。及李占先與簡鵬因賄和人命先後滋鬧互控各情。恐尚有不實不盡之處。署安化縣知縣胡惠瑛不能禁約衙蠹致李世富等率眾滋擾詐贓斃命。經府飭提並不批解。輒以賠贖了結。且於田隴等毆斃宋大年之案屍父宋添明受賄私和串同差役李占先等捏情攔驗。又不查明虛實率行批准。匿不詳報。實屬謬妄。

署安化縣事永寧州知州胡惠瑛著革職。思南府知府聞人熙近在同城於縣差滋事妄為逼斃人命重案漫無覺察。又不勒提審辦。亦屬玩延。聞人熙著解任。交該撫督同臬司李文耕提同兩案人證秉公徹底究明。嚴行懲辦。其宋大年被毆身死一案並著飭屬開檢屍傷另行審擬。總須水落石出毋稍含混。致干重咎。○諭軍機大臣等據都察院奏廣東揭陽縣孀婦黃邱氏等遭抱告黃榮順以

棍匪糾搶斃命等詞赴該衙門具控。已降旨交盧坤親提審辦矣。此案孀婦黃邱氏等所控該氏等田廬被土棍張仁強占勒贖。張鹿鳴張鷟鳴等復因分贓不飫糾約多匪持械搶劫先後傷斃黃成煥等六命並擄捉多人勒贖。控經府縣置若罔聞。反將屍親黃雲奕等酷押追黃宗解等臺控督撫各衙門飭辦。復被張鹿鳴等賄差朦蔽延不完辦。張總等復將黃邱氏子黃亞潔黃吳氏子黃亞勉擄去酷刑勒斃報縣不為勘驗。反將屍親黃開富押斃等情。案關棍匪糾搶傷斃八命押斃一命且懸擱三載之久。地方官並不嚴拏懲辦。轉將屍親嚴押。如果屬實殊出情理之外。著盧坤親提人證並飭嚴拏各犯到案徹底根究。按律懲辦。毋稍徇隱。將此諭令知之。尋奏提訊此案。因張仁典受黃姓村中房屋住居黃姓不依率眾擄禁張仁家屬逼令遷移以致兩姓挾嫌械鬪黃姓殺死張姓二命。張

姓殺死黃姓七命。正兇除黃三潰等六人。先後病故。均毋庸議。又黃阿坦在逃。張阿月所殺之屍身未獲。應行另結外。現獲之張阿角。按律擬斬監候。黃雲乘係擄捉張仁家屬之犯。並非羈押屍親。應擬杖徒。黃開富因毆差枷示。患病身死。既非屍親。亦非押斃。黃邱氏係孤身丐婦。聽黃俊英買贖。冒名京控。所控殺斃之黃阿潔。前因住屋被焚燒死。並非張姓殺斃。亦非黃邱氏之子。黃俊英黃邱氏俱

擬發邊遠充軍。黃邱氏照例收贖。逸犯張鹿鳴緝獲另結。張仁張鸞鳴均病故。毋庸議。下部議從之。○前任湖廣總督盧坤奏。查湖南界連兩粵。接壤滇黔。苗徭雜處。存在需兵防禦。請免裁兵額。從之。○以捐修四川漢州橋工。予義民張先詔等議叙。○予廣東出洋淹斃總兵官黃建功。祭葬卹廕。○旌表守正捐軀山東蘭山縣民李景春妻張氏。○除直隸承德府水衝地四十三畝有奇額賦。○辛未

上御洞明堂。勾到河南山西情實罪犯。停決河南斬犯七人。絞犯六人。山西斬犯五人。絞犯六人。餘六十八人予勾。○諭內閣特登額奏。偷牲案內逸犯。尚有一名未獲。請將革升治罪一摺。此案續獲之聶俊恒即聶得忠。聶三即聶得旺。小張三等三名。均係聽從袁九張三擅入風水禁地偷打牲畜之犯。著即解交刑部審辦。其逸犯張涼兒限滿未獲。著再勒限一箇月。飭令已革千總王勻已革外委高

登舉趕緊偵緝務獲。歸案究辦。僅仍逾限不獲。從重治罪。不能再邀寬貸。○諭軍機大臣等。據張井奏。桃南廳屬奸民宅隄一案。先經拏獲從犯孫在山。訊出陳端陳堂等有聚眾宅隄情事。嗣訪聞該廳龍窩汛千總沈得功與陳端係兒女姻親。沈得功與陳端等均有湖地被淹。難保無知情故縱等語。此案陳端等聚眾宅隄。本為放淤而起。沈得功既與陳端至戚。又同一被水情形。或竟知情同謀。均

未可定。且桃南營效用百總多係本地民人。何竟毫無聞見。著穆彰阿會同陶澍提該革弁嚴行審訊。並嚴拏陳端陳堂等務獲。從重究辦。總期水落石出。毋枉毋縱。將此諭令知之。○廣州漢軍副都統閻凌阿以衰老休致。調山海關副都統左廷桐為廣州漢軍副都統。正紅旗漢軍副都統張仙保為山海關副都統。以伊犁參贊大臣常德為正紅旗漢軍副都統。○命工部左侍郎恩銘教習庶吉士。○裁南河清江閘閘官。丹徒縣如皋縣興化縣縣丞四缺。從河道總督張井請也。○湖南逆瑤趙幅金趙幅銀趙金旺李德明鄧庭興伏誅。○壬申。孝敬憲皇后忌辰。遣官祭泰陵。○諭內閣。玉麟等奏。拏獲偷盜駝馬之哈薩克賊犯。審明照例辦理一摺。哈薩克拜他納額里克拜。膽敢起意糾合卓勒多拜卓勒岱拜比特。潛入卡倫開齊。偷盜駝馬。情殊可

惡。經玉麟等審明後。即將正賊拜他納額里克拜。正法。將從賊卓勒多拜卓勒岱拜比特擬發煙瘴。所辦甚是。其鄂爾果準等卡倫之滿洲佐領蘇揚阿。雖遺漏賊犯來蹤。而查出去跡。即帶兵丁迅速追至哈薩克遊牧地方。將哈薩克賊犯五名。並所盜馬五十八匹。駝六隻。全行拏獲。著准其功過相抵。○又諭。前據兵部議奏。伊犁領隊大臣西朗阿等出巡被搶一案。請將西朗阿等降一級留任。勒爾經額等降二級調用。本日又據玉麟等奏。西朗阿。滿多布。因輕聽謠言。未候差探確信。遽令駝載先行。以致倉猝遇賊等語。該大臣等出卡巡邊。如果排隊前進。全師啓行。自不致有疏失。乃率令駝載先發。至次日始拔營繼進。推原失事之由。是西朗阿等二人較該佐領等之咎為重。西朗阿。滿多布。著改為降二級調用。不准抵銷。俟差竣回京之日。照例辦理。惠遠城佐領勒爾經額。防禦托克托布巴

燕岱防禦察隆阿索倫佐領訥莫轡察哈爾佐領巴圖巴拜均著加恩改為降一級留任不准抵銷。○諭軍機大臣等玉麟等奏查詢探信兵丁情形檄該領隊等帶兵回城並設法緝賊一摺所議是領隊大臣西朗阿滿多布行抵吹河地方聽信謠言未候差探兵丁確信遽令駝載先行隨後拔營以致倉猝遇賊黃夜搶掠今卡外俱指肆劫之賊為恰帕拉什等處之哈薩克該官兵所見並無霍罕一人其非胡什伯克所使毫無疑竇是前此哈什塔克之被劫竟係西朗阿等輕聽謠言率令駝載先行以致黃夜被劫其咎較佐領勒爾經額等為重本日兵部奏議處該領隊等已明降諭旨將西朗阿等降二級調用俟差竣回京之日照例辦理至未回之兵丁駝夫現已查獲數名又經附近哈薩克收留接濟衣食護送來城數名其未獲兵丁三名駝夫七名或竟係傷斃著仍飭尋覓務得實在

下落該領隊等巡邊時所見布魯特哈薩克均屬恭順乃自吹旋途該哈薩克等竟敢肆行搶劫罪不容誅自應嚴緝務獲惟現在恰帕拉什等部落因畏官兵勦洗均已遠徙若派兵緝捕轉致驚擾附近哈薩克自應設法密諭平時恭順之哈薩克布魯特等令將搶劫賊犯查明縛獻以伸國法至領隊大臣管帶官兵巡布魯特邊界係屬節年成例皮斯格克地方寫遠我兵巡邊不到已三十餘年

此次係查霍罕所築土堡所以遠行查至吹河明年仍須巡邊若又遇賊劫豈不大損國威成何事體著玉麟等妥議明年巡邊應查至何處為止並將該領隊等巡邊應如何加意防範妥議章程具奏將此諭令知之○命哈密辦事大臣賽尚阿留京調烏什辦事大臣薩迎阿為哈密辦事大臣以巴里坤領隊大臣興德為烏什辦事大臣○禮部議准江西巡撫周之琦疏報採訪永新縣貞節婦女

謝劉氏等七百八十一口。請建總坊旌表。從之。○癸酉。

上詣綺春園問

皇太后安。○御洞明堂。勾到山東直隸熱河情實罪犯。停決山東斬犯四人。絞犯四人。直隸斬犯一人。絞犯二人。熱河斬犯二人。絞犯一人。餘七十三人予勾。○以鑲藍旗蒙古副都統關福為巴里坤領隊大臣。正藍旗滿洲副都統巴哈布署鑲藍旗蒙古副都統。○移江蘇沐陽縣錢家集縣丞駐高流鎮。改鑄兼管鹽捕水利條記。增設兵十二名。從巡撫林則徐請也。

大清宣宗效天符運立中體正至文聖武智勇仁慈儉勤孝敏成皇帝實錄卷之二百二十

朕昨臨幸河堤口謁見大臣官太子太師體仁閣大學士王鴻圖領明司管理戶部事務王書房總辦海陵太僕寺卿王壽昌順
 天府辦事務閣等加五級七級十八次吏部實錄總纂官經筵講官吏部西書監丞著漢京師味管理御書房總辦內官為大臣稽察宗
 七次大臣稽察宗會同同知節書務加一級順天府加二級奉功初三及三級此後五次及三次少納經筵王鴻圖提奏閣事於前西書監
 內務府大臣韓甸穆爾圖都統等俱加一次大臣管理宗人府銀庫左翼副管學 宏恩宗室同明宗子義祥提督都統林玉樹樂房
 書院總辦底書務閣等十八人俱加阿拉刺德章書院總辦底書務閣等六部內書務閣等六人加級七級二十次止周親等奉

救修

臣等林則徐奏拏獲窰隄重犯一摺。桃南廳屬奸民聚眾窰隄。現據林則徐奏稱。已將趙步堂劉開成海金周並海金周之子海東樓陸續拏獲。並獲到供出之犯證十餘名。著穆彰阿等嚴行審訊。務得確情。分別究辦。此外有無知情同謀之人。著向該犯等根究。設法緝拏。毋許一名漏網。至陳端陳堂陳光南三名。尤為案中要犯。著按名拏獲。歸案審辦。不得稍有疏縱。將此各諭令知之。○鑄給長蘆

皇曾祖世宗憲皇帝實錄內載

論內閣年來江南河工因總河諸臣經畫有方調度得宜是以湖河莫定民慶安瀾但河防關係重大將來河務必得通曉熟練之人遵循分理斯克繼前功而全河形勢非平日講

寶錄卷二百二十一

2

求親身閱歷。必不能胸有成算。洞曉機宜。即修防堵築。以及估工查料等事。亦非經練熟諳。備悉利弊。必不能隨時損益。有裨工程。是通曉河務之員。不可不豫為儲備也。著每年在各部院揀選賢能勤慎司官二員。帶領引見。派往南河學習河務。酌量委辦估工查料等事。以二年為期。出具考語。咨回本任。如有操守才具實堪任用者。即行保奏留工酌量題補。其不堪學習者。不必拘定二年。於試用

數月後。即咨回原任。另行派員前往學習。如此數年後。通曉熟練者。自不乏員。於河工諸務。大有裨益矣。欽此。

聖訓煌煌。原為慎重河防起見。平日選材分理。期於將來河務得人。所以練習賢員。充繼前功者。意至深遠。朕思內閣翰詹六部各衙門中。不乏才具出眾之員。而河務既未身親。一切修防事宜。斷難熟練。驟膺重任。辦理未必得宜。若先經閱歷。則諸務諳悉。即屬中材。亦

實錄卷二百三十一

三

能學習。是於河防大有裨益。著檢查舊案。當時行之幾年。何時停止。其現在可否循照舊章。揀員派往之處。著大學士會同軍機大臣妥議具奏。○又諭琦善奏。查明天津海口無庸復設水師一摺。天津水師。自雍正三年至今。議設議裁。已非一次。前經降旨著琦善察看情形。妥議具奏。茲據查明天津地處海之西隅。與山東登州奉天錦州遙相拱衛。沙線分歧。非熟習海徑者。無由曲折而至。且海口

二十里外。有攔港沙一道。延袤寬廣。融結天成。儼若海河外衛。該處總兵駐劄處所。距海口甚近。控馭既便。聲勢相通。陸路營伍。即足以資捍衛。所有天津水師。著毋庸復設。以節糜費。惟海疆既藉綠營為保障。弁兵技藝。必須訓練嫺熟。方成勁旅。著琦善督率鎮將認真操演。毋令稍有廢弛。○又諭前據御史周彥奏。戶工兩局。允收滇銅。請嗣後認真挑揀。遇有鐵砂低潮。即將餘銅抽換抵補。如無餘

實錄卷二百三十二

四

銅之運。駁回另解。不准將挑退低銅在京煎煉。當降旨交該部妥議具奏。茲據奏稱。京銅之有無低潮。全係廠地之煎煉。若俟運京之後。始行挑揀。較換。是廠員轉得卸責。未免使運員有所藉口。且以餘銅抵換低銅。事涉偏枯。恐鑪匠人等有刁難勒捐情弊。前於嘉慶年間。曾經奏明停止。有案。至招商煎煉低銅。應需火工銀兩。應係奏明先行。由部借支。行文該省照數追繳。並非商人墊辦。該御史申

明舊例。自為因公杜弊起見。然尚非拔本塞源之要。此時均無庸遽議紛更。惟事關鼓鑄。自應嚴申考成。以重錢法。著雲貴總督雲南巡撫。將嗣後應辦京銅。嚴飭經管廠員加工提煉。不得以礦質衰薄。新炭昂貴為詞。任聽鑪丁率以低潮充數。並飭瀘店及承運各員認真挑揀。毋許含混接收。總期銅色在八成以上。方准起解。儻仍有低潮攪雜。經部局挑出。即將承辦各員一併照例嚴叅示懲。並飭

實錄卷二百三十一

五

該監督等驗明成色合例。方准兌收。不得任聽鑪頭等含混驗收。致滋弊端。其業經起解在途。以及現在到京各運。事在此次奏案以前。著責成戶工兩局監督於交收之時。逐細辨認。如有鐵沙潮銅。另行挑出貯庫。俟積有成數。仍照向例辦理。至運員在途。難保不偷換銅斤。得價售賣。歷來雖無其事。然亦不可不防其漸。著直省各督撫督飭藩臬大員。凡遇銅船過境。務飭地方文武員弁實力巡查。

悉心防護。毋任瞻徇玩視。致滋流弊。一俟銅運到京。著戶工兩部滿漢侍郎同往驗明成色。如果一律純淨。方准兌收。儻監督及鑪匠人等有高下其手。刁難勒指情弊。或有成色低潮。將就兌收者。一經查出。即著奏叅懲辦。○丙子。諭內閣。前據那清安等奏。叅該旗官卷送考冊籍錯誤。請將佐領參領議處。當降旨將嗣後例編官卷。應如何詳慎稽查。不致列入民卷。並送考冊籍。不致遺漏錯誤之處。

實錄卷二百三十一

六

交禮部妥議具奏。茲據查明覆奏。順天府歷屆鄉試試卷。均係照例辦理。立法本極詳備。此次錯誤。實由該旗送考冊籍漏填官卷。以致誤入民卷取中。嗣後旗人應文鄉試者。著各該旗照例將應編官卷各生履歷詳細造冊一面。咨送順天府辦理試卷。一面咨送禮部以備查覈。其參佐領等官承辦造冊。與外省事同一律。嗣後各該旗遇有應編官卷。由本家呈報佐領。由參領詳加查覈。迨冊送順

天府後。其試卷應註明官字。如有混入民卷。取中者。比照各省辦理官卷。朦混出結。及朦混造冊各員處分例。查係本家漏報。將本官革職。本生黜革。查係佐領漏報。將該佐領降二級調用。並將不行詳查之參領降一級調用。如墨卷本有官字。硃卷漏印官字。戳記將承辦之員降一級調用。均著照所議辦理。其各該旗都統副都統於參佐領辦理送考冊籍。均有稽查之責。儻例編官卷遺漏錯誤。俱

實錄卷三十三

七

有應得處分。嗣後應如何處分之處。仍著禮部議奏。○諭軍機大臣等。前據敬徵等奏。請將寶華峪各處房間木植拆卸備用。當降旨交祥端等敬謹辦理。茲據奏稱分別暫留拆卸。開單呈覽。其拆卸木植著敬徵等於運到時選擇備用。將此各諭令知之。○又諭祥端等奏。數議拆卸寶華峪東西朝房等工。並恭備祭祀事宜。各章程覽奏均悉。所有應行拆卸應行暫留。俱著照所議辦理。現在吉地業

已移建。將來應於龍泉峪添設官員兵丁。此時寶華峪各該衙門官員及兵丁等俱著酌量分別減撤補用。其所出各缺即可毋庸另補。總期裁減以節糜費。將此各諭令知之。○又諭據吳邦慶奏。東省微山湖水異漲。減水各路久經全啓。仍屬有長無消。請啓放蘭家山壩以資分洩等語。蘭家山壩道光二年經江南山東兩省會奏。此後如遇微湖盛漲。一面咨明江省。即委員前往挑啓。現在湖水截

實錄卷三十三

八

至九月二十一日。已積長至一丈八尺九寸五分。如遇西風則石工險危。東風則土下汕刷處處堪虞。著陶澍等勘辦。如近日湖水仍未消動。應否趕啓蘭壩以洩盛漲。於兩省運道民生有無裨益。體察情形相機妥辦。是為切要。將此各諭令知之。○又諭吳邦慶奏稱擬於今冬明春將工程次第辦理。就一年用項而論。銀數不免稍多。等語。國家經費有常。以河工歲修等項支用。業已不貲。原期保護

安瀾。即費用亦所勿吝。茲據該河督奏稱。堤
灘緊要。擬俟各廳汛繪圖呈送後。將各工程
於今冬明春次第辦理。所用銀數不免稍多。
該河督身任河防。自宜經畫周詳。修理各工。
如果隱患自此漸消。歲修自此漸省。著有成
效。斯為辦理得宜。斷不可以曾經奏請為詞。
致糜帑項。務於慎重河防之中。寓撙節經費
之意。儻將來工無實效。帑致虛糜。惟該河督
是問。懷之慎之。將此諭令知之。○河東河道

實錄卷二百三

九

總督吳邦慶奏報秋汛安瀾命詣

河神廟祀謝。並下部議。欽出力員弁。升叙有
差。○旌表守正捐軀湖北安陸縣民周家瑞
妻蔣氏。○戊寅。諭內閣。朱士彥等覆奏勘估
工程一摺。盛京清寧宮一座。五間。頭停滲漏。
西次間。西縫。柁頭。斂朽。明間。並西次間。前廊
露明金柱三根。斂朽。又西次間。西縫。後檐柱
一根。樑。帘。閃傷。前後露明檐柱。歪閃。地腳。沈
陷。應行挑換。梁柱。拆蓋。修理。大清門一座。五

間。前後檐柱。歪閃。地腳。沈陷。檐金。二步。架頭
停俱有滲漏情形。應行拆修。前後廊揭瓦。頭
停挑換。枋。桁。添換。椽。望。一律。油飾。見新。著工
部。將該尚書等。勘估。應修各工。細冊。覈算。錢
糧。奏明。敬謹。辦理。並著該將軍。即行。委員。採
辦。大木。以應。工需。其不露明處所。如將來拆
卸。後續。有。情形。由。承修。大臣。奏明。覈辦。○安
徽。巡撫。鄧。廷。楨。奏。潁。州。鳳。陽。廬。州。等。府。及。六
安。州。等。處。有。匪。徒。專。習。火。器。名。為。槍。手。糾。毆

實錄卷二百三

十

者。必。雇。為。保。護。因。此。火。器。傷。人。之。案。層。見。疊
出。嗣。後。此。等。命。案。請。照。舊。例。從。重。問。擬。槍。手
受。雇。應。照。自。號。教。師。例。杖。一。百。流。三。千。里。雖
未。受。雇。而。學。習。已。成。者。應。杖。一。百。徒。三。年。又
潁。州。府。兇。徒。結。夥。傷。人。如。有。槍。手。應。照。舊。例
加。重。三。人。以。上。者。發。極。邊。煙。瘴。充。軍。十。人。以
上。者。發。新。疆。給。官。兵。為。奴。下。部。議。尋。議。該。撫
酌。定。各。條。係。為。因。時。懲。創。起。見。應。如。所。議。辦
理。惟。回。民。結。夥。與。潁。匪。情。罪。相。同。亦。應。一。律

加等問擬嗣後安徽省回民結夥鬪毆除罪在滿徒以下仍按本例從重定擬外如結夥罪應擬軍即將該搶手加等問擬發往雲貴兩廣極邊煙瘴充軍到配加枷號三箇月以示懲儆從之○舉行本年軍政烏魯木齊等處卓異官二員年老官一員分別議敘處分如例年逾六十官四十員精力未衰命留任○己卯諭軍機大臣等本日據張井由驛馳奏于家灣缺口黃水入湖之處前經奏明隄

黃水入湖

土

南湖內及缺口上下十餘里外即係清水計其沙淤不出三四十里灘地之內現又坐船探量仍與前次相倣查看于家灣口門順長至外南廳兵二堡水色黃濁以下至吳城六堡水色淡黃六堡至裏河之東清壩則全係清水毫無淤墊情形是黃水雖係入湖斷不能入運本年回空固可暢行即來年重運亦決不致阻滯回空船隻隨到隨渡截至九月三十日止已入禦黃壩南下計船七百二十

二隻等語前因御史鮑文淳奏南河入湖恐妨運道又據宗人府府丞潘錫恩奏全黃入湖請急籌補救以利新漕節經降旨令穆彰阿等將陳奏各條妥籌會議具奏茲張井查明于家灣缺口黃水入湖計其沙淤不出三四十里灘地之內至東清壩則全係清水毫無淤墊是黃水入湖竟不入運回空已暢行七百二十二隻之多以可轉敗為功來年重運尚無阻滯之患惟回空全竣堵築于家灣

黃水入湖

土

口門合龍後其禦黃壩是否可以不堵竟復舊規抑或尚須暫堵明年重運到滿時仍用倒塘灌運舊法著穆彰阿會同陶澍張井體察現在水勢情形仍遵前旨詳細查明妥籌會議據實覆奏總期加意熟籌於慎重河防之中無誤來年重運方為至善儻來年重運竟有阻滯朕惟該河督是問將此各諭令知之○庚辰

上詣綺春園問

皇太后安。○諭內閣。前據恩銘奏。拾獲御史舒德書信。本與匿名揭帖無異。因案關職官得贓。當派富俊。昇寅。申啓賢。提集人證。嚴訊。傳到該御史面詢。堅稱並無其事。即筆跡亦迥不相同。其書內臚列贓款。經富俊等確切訊究。委係毫無實據。憑空捏造。意圖挾制。險惡已極。著步軍統領順天府五城訪拏。假名投書要犯。從重治罪。刑部辦理此案。尚無輕縱情弊。除王銳。高七。訊係無辜。應行省釋外。張

實錄卷一百二十一

五

銘。楊和中。張二格子。俱著交刑部分別監禁待質。其未獲之張英。蕭文昇。王瑞三。犯張英。或潛回原籍新城縣。蕭文昇。王瑞。或在山東浙江逗留。均未可定。著直隸山東浙江各督撫。暨漕運總督。一體飭屬嚴密查拏。務獲解部訊辦。該犯等聞拏。恐仍回京潛跡。並著步軍統領順天府五城一體查拏。其把總銜番役頭目張文興。贓款無據。惟張英等日久未獲。難保無玩視包庇情弊。張文興著摘去頂

帶。斥革番役頭目。作為閒役。仍勒令嚴拏張英等犯。其順天府五城所派緝捕人役。並著勒限嚴比。務獲究辦。勿視為海捕具文也。○裁浙江紹興府北塘通判。衢州府糧捕通判。杭州府城北務錢塘縣西溪務稅課大使。湖州府紹興府司獄。象山縣趙畎巡檢。建德縣縣丞八缺。從巡撫富呢揚阿請也。○緩徵河南祥符陳留杞。睢太康五州縣被水村莊新舊額賦。給祥符陳留杞。睢四州縣災民一月

實錄卷一百二十一

五

口糧。○撫卹琉球國遭風難夷如例。○辛巳上御洞明堂。勾到新疆雲南貴州廣東廣西情實罪犯。停決新疆絞犯一人。雲南斬犯二人。貴州斬犯二人。絞犯二人。廣東斬犯一人。絞犯一人。廣西斬犯二人。餘七十八人予勾。○除直隸遷安縣水衝官地一頃十畝有奇額賦。○壬午上御閱武樓。閱宗室挑選侍衛馬步射。翼日如之。○癸未禮部奏十月初十日

皇太后聖壽節應行禮儀得旨是照例行禮。奉皇太后懿旨。停止筵宴。其在外福晉命婦進內行禮之處。並著停止。○甲申。諭內閣。前據禮部議覆。各該旗參佐領辦理送考冊籍遺漏錯誤。嗣後比照各省辦理官卷各員處分例。業經照議辦理。其各該旗都統副都統等。均有稽查之責。儻將來應送冊籍有遺漏錯誤之處。自應予以處分。當降旨。仍交禮部議奏。茲據奏稱。嗣後八旗滿洲蒙古漢軍及內務府。儻於例編官卷遺漏錯誤。該都統副都統總管內務府大臣失於查察。請比照外省巡撫學政失於查察例。罰俸一年。著照所議辦理。○宗人府覆奏。宗室考課章程得旨。嗣後左右兩翼宗學在學學生。著仍按宗學向來每月考課之期。由查學滿漢大臣出題。從嚴面試。分別等第。其連次考取優等者。准其記名存檔。俟有本學副管缺出。與不在學應行揀選之宗室人員。由管學之王等一體揀選。

補用。至卓秉恬所奏。不在學之宗室。每月亦俱與考之處。著無庸議。○以故貝勒奕亨子載容降襲貝子。○命故儀慎親王永璇孫奕綱在散秩大臣上行走。○以通政使司副使程德楷為光祿寺卿。○禮部議准。湖南巡撫吳榮光疏報。採訪辰谿縣貞節婦女譚氏等一百二十八口。請建總坊旌表。從之。○乙酉。諭軍機大臣等。據給事中孫蘭枝奏。江浙兩省錢賤銀昂。商民交困。並臚陳受弊除弊各款一摺。近來錢賤銀昂。自甚一日。如該給事中所奏。各州縣經徵地丁銀兩。民間大半以錢折銀。今因錢賤暗中貼耗。日益困窮。又州縣總以銀價昂貴。藉口奏銷之艱。即以杭嘉湖三府而論。每石勒折錢文。逐漸加增。致小民貧累。至江浙鹽務日壞。皆由錢賤不敷運本日絀。又以貴銀納課。以賤錢售鹽。累亦因此。其餘鹽規運費節省耗羨等項。每年不下數百萬餘兩之多。是以日形困乏。其關稅之

多莫如江浙而權稅有絀無贏一由門丁胥吏舞弊一由錢賤銀昂又米麥為日用所需各處商販皆以錢賤暗耗設遇水旱不能仰給他處販運以上五款皆受弊之由至於官局亦有私鑄宜清其源而絕私鑄之來源宜先禁胥役之包庇私鑄藉私販為去路欲斷私販之去路宜先懲關吏之納賄其應查禁小錢即委員亦虛應故事祇增騷擾不如設局收買折中定價至紋銀出洋因奸商攬買

實錄卷二百二十一

七

鴉片用板箱裝貯混充雜貨以致每年出洋紋銀不下數百萬兩之多而沿海文武衙門並海關人等轉多索使費若外洋銀錢銀色頗低而價反浮於足紋之上宜覈實平價不許浮多寬永錢攬入官錢使用尤為錢法之累以上五款皆弊之應除著陶澍等悉心籌議體察情形務當力除積弊平價便民不得視為具文致有名無實原摺著鈔給閱看將此各諭令知之○旌表守正被戕四川新繁

縣民楊志才妻鍾氏○賞廣安門外普濟堂賁賑小米三百石○緩徵山東博興高苑海豐滕河澤單曹朝城鄒城聊城昌邑濟寧金鄉魚臺范疇壽張齊河禹城蒲臺青城鄒樂安新城齊東濟陽臨邑惠民陽信樂陵商河利津霑化濱三十四州縣並臨清德州二衛被水被旱村莊新舊額賦○撫卹朝鮮國遭風難夷如例○丙戌

上詣綺春園問

實錄卷二百二十二

八

皇太后安○御洞明堂勾到四川情實罪犯停決斬犯十五人絞犯二人餘七十八人予勾○諭內閣陶澍等奏江西鹽務亟須整頓請遴員分往疏緝一摺江西鹽務疲敝已久自應亟為整頓該督等酌議倣照舊例略為變通請就江西本省丞倅知縣佐雜中選派分辦著照所請瑞州府銅鼓營同知張玠候補縣丞徐希綸等准其飭委辦理鹽務以專責成如果辦有成效准其分別請旨獎勵儻有因

循玩縱即著嚴叅示懲俾知奮勵其另片奏
饒州府岸銷近年益形缺額有專岸之名無
專岸之實准其援照成案將饒岸額引改攤
通岸網店有力之家一體帶運無須專商賠
墊仍照饒岸科則納課以勵眾商又另片奏
前請於贛縣東河上茅店設卡茲詳勘該處
與該縣東關相距較遠聲勢未能聯絡著准
其將原議茅店卡移建泥灣地方其派委員
弁兵役一切經費仍照原議辦理○又諭前

宣宗實錄卷三二

元

任稽查銀庫工科給事中邵正笏著解任前
任銀庫司庫解任內閣中書豐盛額著革職
邵正笏現出福建試差業已起程著沿途各
督撫派員伴送來京歸案質訊雲南道御史
宗室容和著一併革職歸案嚴究確情按律
定擬具奏○諭軍機大臣等前因直隸雨澤
愆期恐收成不免歉薄降旨令奕訢等俟秋
後察看奉天何處糧食充足何項價值平減
據實奏聞以備採買協濟之用茲據查明該

處秋收分數及糧石價值請援照江南採買
章程辦理本日又據琦善奏報直隸通省秋
禾約收六分有餘雖間有災歉祇係偏隅自
可無須協濟所有奕訢等奏請酌擬採買之
處著無庸議將此諭令知之○又諭據穆彰
阿等奏會勘河湖運道情形並妥籌辦理事
宜一摺覽奏及圖均悉此次龍窩汛決口地
方經穆彰阿等履勘該處黃水入湖即由吳
城七堡仍入黃河其間靠隄之縱橫二三十
里多已受淤係在桃源縣南岸二十圍之內
並非湖身至黃水入湖東至吳城七堡而止
既不能入束清壩即不能灌入運口至吳城
七堡順清河禦黃壩等處清水暢出刷滌黃
淤自七堡以下至海口已刷深四五尺不等
俟湖水再消即可堵閉山盱各壩河俾湖水
專力刷黃兼可堵閉昭關壩及高郵四壩俾
下河田畝早為涸復至潘錫恩所奏堵合復
故全湖俱成平陸據穆彰阿等查明乾隆五

宣宗實錄卷三二

二

十一年桃源司家莊漫口。即在現今口門之上二里。與現在情形無異。想不至淤成平陸。至南河中滿之患。總在桃南桃北外南外北。山安海防六廳。現在桃南決口。黃水入湖。從吳城七堡仍流入黃。自吳城七堡至禦黃壩以下直至海口。凡外南北下汛及山海兩廳百餘里內。已刷滌漸深。而吳城七堡以上。高仰如舊。即在桃南北下汛外南北上汛之間。計程二十餘里。現當正河乾涸。必須趁此機

實錄卷二百三

五

會。著張井估辦抽溝。大加挑浚。俾禦黃壩以上漸就底平。此為至要。其另片奏。回空軍船。截至本月初五日。已渡黃者計一千三百餘隻。於歸次可期。無誤。覽奏稍慰。至來年重運。著陶澍。張井。察看情形。如堵合之後。清水暢出。即可全復舊規。儻仍難暢出。即將束清禦黃二壩及臨清堰等處。趕緊收束修復。仍行灌塘之法。斷斷不許貽誤。將此諭令知之。○又諭陶澍奏。由江西折回清江浦。察看運河

水勢及軍船回空行走情形。覽奏俱悉。此案陳堂陳端等。竟敢明目張膽。攜帶槍械。捆縛巡兵。迴非盜決。河防可比。必應嚴拏重辦。不任一名漏網。其它隄人犯。現已獲二十餘人。尚有陳端陳堂陳光南等未獲。自應趕緊勒拏。務獲嚴辦。乃本日穆彰阿等奏。要犯陳端等尚未弋獲。它隄要犯。自八月二十一起。截至閏九月初六日。閱時已久。一任要犯潛蹤無獲。實屬疲玩之至。陶澍總轄地方。責無

實錄卷二百三

五

旁貸。著傳旨嚴行申飭。將此諭令知之。○又諭本日據陶澍奏。盡商被革。乾俸全裁。從前之每年坐食數千金數百金者。俱多怨恨。兼聞揚人相鬪。紙牌。繪一桃樹。另繪一人為伐樹狀。以寓咀咒。其切齒若此。恐誤全局。請易專管為兼管。以順物情等語。此輩固堪髮指。然為國為公之大臣。祇可屏除不顧。盡心報國。為是應究者。處之以法可也。漢岸浮費太甚。自應提揚審辦。務須秉公覈實。勿使虛糜。

至淮北票鹽業已暢行從前滯岸額引原祇九萬有餘幾於片引不行茲於七八九月內已請票引十萬有零運銷過於原額似此情形淮北票鹽已有起色若得時和年豐淮南綱鹽當可由漸而暢覽奏稍慰該督惟當振刷精神於萬難措手之時勉之又勉俾鹽務漸有起色方為盡心報國之大臣切勿惑於浮議也將此諭令知之○盛京將軍奕額等奏革退莊頭之族中親丁及其子孫請准其考試置地耕種得旨該衙門議奏尋議查明丁檔例案實係准考之人准其考試至革退莊頭作為壯丁者其本身及子孫不准置買地畝至其曾孫方准置買民產從之○鑄給吉林管理雙城堡左翼京旗佐領圖記從將軍寶興請也○旌表守正捐軀山西永寧州民李茂榮妻李氏○緩徵直隸三河薊寧河東安鹽山靈壽蔚宣化龍門懷來涞水遵化玉田定大興宛平武清昌平順義良鄉房山

寶坻香河定興豐潤盧龍唐容城完南皮慶雲延慶赤城易南宮新河安河間獻任邱大名趙隆平寧晉高陽滄鉅鹿四十七州縣被水被旱被霜村莊新舊額賦賑阜平行唐保安霸大城水清雄天津青靜海十州縣災民丁亥上御演武廳閱健銳營操○諭軍機大臣等本日據林則徐奏稱遵旨督拏兇徒逸犯除趙步掌劉開成海東樓先經奏明拏獲外茲復究出張開太梁錦柱金三即金陶方袁綱周玉伶馮萬有馮萬和馮殿山即馮玉張瀛洲張同劉獻廷楊振玉等犯一併拏獲並此外到案人證一共三十餘名業經移交穆彰阿等審辦惟陳端陳堂二犯節飭府縣懸賞勒拏先經獲到載送該犯過湖之船戶劉慶和盧二究出該犯等逃往皖省盱眙縣一帶經署桃源縣知縣徐麟趾密遣丁役關移盱眙縣派差會拏旋查該處有甘二等先後窩留

陳端陳堂在家藏匿。復給盤費輾轉縱逃。已將廿二李七張九成。一併獲案。根究犯蹤。分赴滁州來安。四路追拏。其陳光南一犯。據探與伊父陳鳳山逃往下河阜寧一帶。均經分飭勒緝。並飛咨安徽飭屬查拏等語。聚眾窀隄不法已極。亟應密速追捕。毋任漏網。安徽與江西一水可通。該犯等聞拏緊急。或又另圖逃竄。著林則徐鄧廷楨。周之琦。即督飭所屬懸賞購線。四面兜拏。務獲歸案懲辦。毋使倖逃法網。將此各諭令知之。○又諭。昨據穆彰阿等奏。窀隄人犯陳端陳堂等尚未弋獲。降旨令陶澍飭屬嚴拏。務獲究辦。本日據林則徐奏。督拏各犯除孫在山供出之趙步堂。劉開成。海東樓。已獲外。續究出張開太梁錦桂。金三。即金陶方袁綱。周玉伶馮萬有馮萬和馮殿山。即馮玉張瀛洲張同劉獻廷楊振玉等。並人證共三十餘名。著穆彰阿等先就現獲各犯嚴切根究。其陳端陳堂二犯。據現

實錄卷二百二十一

三十五

獲載。送該犯過湖之船戶劉慶和盧二。究出該犯等逃往安徽盱眙縣一帶。該縣有廿二等先後窩留。聞拏緊急。復又縱逃。已將廿二李七張九成獲案。其陳光南一犯。據探與伊父陳鳳山逃往下河阜寧一帶。已據林則徐分飭掩捕。本日又降旨令林則徐鄧廷楨。周之琦。不分畛域。飭屬嚴拏。務獲歸案究辦。著穆彰阿等提集全案人證。嚴究確情。從重懲辦。以昭炯戒。切勿因全河大局無礙。稍有寬縱。將此諭令知之。○蠲緩山西朔州被水村莊下忙額賦有差。○戊子諭內閣。前因山東學政盛思本任性乖張。致滋物議。當交部嚴加議處。並令鍾祥於山東途次將盛思本考過各棚有無劣跡。確切訪查。茲據奏稱。途次查訪該學政飲酒任意。馭下太寬。甚至編造歌謠。紛紛傳說。聲名實屬平常。惟考過各棚。據該府縣連銜密稟。尚無賄私之處。盛思本著照部議降四級調用。向來各省督撫每於

實錄卷二百二十一

三十六

年終密奏學政聲名。嗣後直省學政如有聲
名平常劣跡昭著者。該省督撫立即叅奏。不
必俟年終密陳。儻意存見好扶同隱飾。經朕
別有訪聞。惟該督撫是問。其籍隸本省之科
道如遇學政聲名狼籍確有賊私實據亦當
隨時奏聞。毋稍緘默。將此通諭知之。

寶錄卷二百二十一

三十一

大清宣宗效天符運立中體正至丈聖武智勇
仁慈儉勤孝敏成皇帝實錄卷之二百二十一

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十二

[illegible]

祭

道光十二年壬辰閏九月己丑。

書卷之三

上御閱武樓。閱挑選侍衛馬步射。○諭軍機大臣等。本日據盧坤密奏。湖北鹽引滯銷。由於商船腳私占礙官引。上年派大冶縣知縣王啓炳管理總卡。比往年溢銷官引十一二萬。及二十餘萬引不等。本年委王啓炳代理江夏縣知縣。該岸即形滯銷。迨王啓炳回卡。引銷復暢。鹽道劉肇紳恐難勝任等語。已明降諭旨。將該道劉肇紳撤任。令該督遴員署理矣。督銷係鹽道專責。何以王啓炳一離總卡。

即形滯銷。自係該道不能破除情面深察弊端所致。訥爾經額甫經到任。無所用其回護。著查明劉肇紳平日居官若何。並將王啓炳離卡後何以滯銷緣由。據實覆奏。毋稍含混。將此諭令知之。尋奏。湖北春季因水災並逆。猺滋事。是以鹽引滯銷。入夏二麥登場。猺匪蕩平。銷鹽復暢。劉肇紳公事認真。尚無得規瞻徇情弊。得旨。劉肇紳著送部引見。○湖南巡撫吳榮光奏。遵旨查勘瀕湖私垵。乾隆年間原定應毀者七十處。尚存十八處。嘉慶年間原定免毀禁修者九十六處。尚存五處。道光七年查出續增一百四十三處。內有礙水道者四十三處。均飭剷毀。此後不准再有增添。得旨依議妥辦。○庫倫辦事大臣多爾濟喇布坦奏。由烏里雅蘇台解到拏獲唐努山烏梁海越邊俄囉斯二名。訊明並未行竊。委員送至恰克圖。交俄囉斯瑪玉爾。又由理藩院送回患病俄囉斯學生怕費葉勒。庫爾良

實錄卷一百三

二

策福。行文固畢。爾納托爾委員護送交明。報聞。○旌表守正被戕山東蘭山縣民劉倫妻楊氏。守正捐軀河南溫縣民王自成妻張氏。○庚寅。上御洞明堂。勾到福建奉天陝甘情實罪犯。停決福建斬犯一人。奉天斬犯一人。陝甘斬犯十一人。絞犯一人。餘四十九人予勾。○諭內閣。禧恩等奏。籌議辦理排猺善後章程。臚列八條呈覽。粵東排猺。賦性剽悍。時為地方之害。此次因趙金隴勾煽匪徒。蔓延滋事。經禧恩等調集官兵。大加勦辦。既懾猺膽。而張國威。惟戢匪雖在一時。而弭患當謀久遠。所有善後章程。應如所請。連山綏猺直隸同知。專管八排猺務。向係由外題補。應揀選熟悉猺情之員。俾收成效。即倣照新改湖南永州理猺同知成案。定為邊疆要缺。俸滿即升。一切猺人詞訟。及民猺互控詞訟。均責令就近審訊。並於應得養廉外。飭司籌款津貼。每歲酌

實錄卷一百三

三

給銀二千兩。以資辦公。至三江扼要地方。設有副將一員。統率都守備弁三十員。兵丁二千名。應責成該副將董率備弁。督飭各營汛兵。隨時緝捕。按月分季。帶兵與界連之湖南廣西各營汛巡查會哨。如有擅離汛地。或失事不報。及縱兵擅入猺寨者。兵則責革。官則揭叅。其向撥把總一員。帶兵一百名。若不洽猺情。即行撤換。如辦理妥協。俟三年期滿。由該廳協察看。詳請升缺。以示鼓勵。猺人至民墟貿易。每為漢奸所欺。嗣後令綏猺廳相度情形。准立猺墟。有願赴民人集場。及民人有願赴猺墟者。應聽其便。至應徵猺糧。統令猺長率領猺戶自行赴廳交納。不准胥吏經手。以免需索。遇有青黃不接時。照舊借給窮猺倉穀。秋收徵還。各排冲匪猺出山擾害良民者。責令猺老千長交出。如徇庇不送。併治猺老千長之罪。猺民山田地畝。從前售賣民人者。聽其照舊執業。契限已滿。仍准猺戶備價

收贖。嗣後猺人產業。祇准與猺人互相買賣。不准民人契買。違者田產斷歸猺人執管。不追原價。烏槍一項。有收藏未繳者。官為給價收買。並禁奸民入寨私販火藥。及不得違例製造鐵器。至猺山居民。無論已未報案。一律調卹。凡被燬房屋。給費修葺。田禾不能及時耕種。給予口糧。以後良猺出入。毋得乘機報復。如有漢奸煽惑滋事。著落各千長等捆縛送官。並禁土匪嚇詐搶掠。以儆刀頑。其原設三十六汛卡房。即勘明地勢。酌量裁併。其原撥守汛之兵。添撥緊要汛地駐劄。收兵力而扼要衝。至應否添建碉臺若干座。著盧坤等委員相度地形。妥為勘估。由本省籌款辦理。猺人向分八大排。七十八小冲錯處。嗣後應編立門牌。以備稽查。仍令八大排內各舉老成知事者。立為猺老千長。由綏猺廳揀選承充。管理一排事宜。餘各小冲。係某大排分支。統歸某大排猺老千長管領。令綏猺同知按

戶給發門牌。將大小丁口備載。並於八大排內每排添設猺練十名。統歸連山廳把總管帶差遣。如有入山藉差嚇詐情事。該千長等到官首告。照例治罪。其猺老千長及猺練等果能辦公無誤。年終由綏猺同知酌給花紅。分別獎賞。以上八條。惟在各地地方官實力奉行。以安民猺而收成效。不得視為具文。致日久生懈。○又諭。吏譜奏勘明興安府城垣。請酌量情形分別修復一摺。興安府猝遭水患。據該撫查勘該處新城。逼處山下。規模狹隘。城垣亦多淋塌。尚須修理。至舊城衝塌一千二百三十七丈六尺。其城門樓洞及城牆城樓。均有衝塌歪斜之處。急宜修復。並據該撫擬將東關衝塌城垣改築為隄。專防東南北三面之水。其東面城牆收歸舊址。以原先仁壽門為界。西北本無餘地。祇可就隄加高培厚。城門存留其五。西留寧遠門。照依原名。改為康阜門。東留仁壽門。南留安康門。北留正

北之通津。及西北之安瀾兩門。其餘各門。均行裁減。東關外大路。仿照西關上下坦坡。用石盤砌。一轉移間。帑項不至多糜。工程可期。經久著照該撫所勘情形。飭員分別趕緊估辦。毋任草率偷減。以資捍衛而重要工。○諭軍機大臣等。本日據朱桂楨奏舊疾日增。懇請開缺調理一摺。現明降諭。旨朱桂楨著賞假三箇月。無庸開缺。其廣東巡撫印務。著盧坤兼署矣。盧坤既兼署廣東巡撫印務。朱桂楨即可安心調理。至朱桂楨病勢若何。精神若何。著盧坤察看據實覆奏。將此諭令知之。尋奏朱桂楨因胃痛舊疾復發。力疾辦公。又兼辦文武兩閫。藥力未能奏效。察其精神內斂。一經病痊。當即銷假任事。報聞。○又諭本日據壁昌等由四百里馳奏善後事竣。懇請鼓勵各員一摺。已明降諭。旨量予恩施矣。又據奏卡外安靜。凱撤征兵。及由伊犁咨領馬匹到城日期各一摺。覽奏俱悉。嗣後此等事

件祇應由馬遞馳奏不必輒發四百里以致徒勞驛站將此諭令知之○以勦辦廣東盜匪出力加總兵官曾勝提督銜賞雲騎尉世職並巴圖魯名號總兵官阿精阿下部議敘副將張必祿以總兵官升用加副將王錫朋總兵官銜賞按察使楊振麟郎中瑞元員外郎管通羣知州秀山同知潘尚楫副將普陀保恆安經文泰參將尚永亮遊擊馬廷凱德年鳳靈都司陳連陞守備鮑翰雄張知純千總田毓俊呂乾曜花翎同知郭際清等藍翎守備楊昌泗千總張志喜巴圖魯名號餘加銜升敘有差予軍營病故參將富倫布守備官忠千總沈承勳把總劉天錫蔡彝卹廕○以辦理回疆善後事竣予員外郎福奎等加銜升選有差○以直隸永定河漫口合龍開復道員張泰運等處分○展緩陝西葭州被雹村莊應徵上年出糶倉穀及籽種銀再給興安府被水災民兩月口糧○辛卯

上御閱武樓閱挑選侍衛馬步射○諭內閣申啓賢等奏請清釐各省常平倉穀以重倉儲一摺常平倉之設原以惠民立法最為良善惟久貯穀石不無朽蠹之虞因之推陳出新亦有出糶之例乃近來各直省州縣於既糶之後並不隨時買補僅以糶價存公屢經交代那新掩舊任意侵吞以致倉庾空虛毫無儲備即穀價亦歸無著設遇緩急其何以濟本年夏間經申啓賢等確查順天各屬倉儲其武清等十州縣尚有存貯於額數不能無虧此外顆粒無存近畿如此各省大概可知著各直省督撫查明各州縣常平倉向貯額數無虧即遵照向例每年推陳出新妥為收貯其有已經出糶而未買補者責令察看年成隨時買補不得任聽吏胥藉名滋擾若有交代那移銀穀俱無者著嚴行勒追照數買補務令實貯在倉至社倉義倉穀石係勸諭民捐亦於閭閻有益並著各直省督撫飭各

州縣隨時勸捐。但不得抑勒擾累。致滋流弊。嗣後各督撫務當認真稽查。遇有虧額。隨時買補。以期倉穀皆歸實貯。若地方官奉行不力。即嚴叅示懲。儻仍視為具文。復蹈前轍。或經朕訪聞。查有虧短。或應動用時顆粒無有。惟該督撫等是問。懍之慎之。將此通諭知之。○又諭前據鍾靈詳查聞款銀兩按年籌撥。當降旨交戶部查覈具奏。茲據奏運庫現無閒款可籌。未便動用入撥正款。該鹽政所請籌撥加價銀兩之處。著無庸議。惟東商每年應完息銀五萬兩。除八年以前未完銀十二萬七千餘兩。業經歸入積欠分別彌補外。自八年調劑後。每年祇應完銀二萬五千兩。該鹽政未能按限徵齊。自八年至十一年。尚有未完銀三萬二千餘兩。著即嚴飭催追完交。嗣後不得再有絲毫稽欠。每年務於三月內報解。四月內解到。即將此項銀兩仍照工部原議作為修理營房之用。其未經解到以前。

不得豫行借用庫銀。以重帑項。俟營房修竣後。併將從前借墊部庫銀兩陸續補還。以免懸宕。○又諭富僧德泰黑龍江官員軍政留任一摺。此次黑龍江軍政官員內現任職官副都統銜總管特松阿等五十五員。世襲職官騎都尉百歲等十一員。年已逾歲。精力未衰。尚能騎射。著照所請。俱准其留任。惟摺內應行聲明該員等年歲俱係六旬有餘。乃富僧德僅將各該員履歷造冊咨送兵部。並未將銜名年歲於摺內聲明。殊屬含混。嗣後著各省將軍副都統等。凡遇軍政官員逾歲留任。銜名年歲。另繕名單具奏。毋稍含混。○貸齊齊哈爾等處駐劄災區兵丁銀穀。○壬辰諭內閣。琦善奏永定河南六工善後緊要工程估需銀數一摺。南六工上汎漫口。業經堵合完竣。惟新築大壩。須建築越隄。並各汎加培隄。趁補還原隄殘缺填墊坑塘等工。據該督勘明均關緊要。自應乘時趕辦。所有估需

銀數除將奏明節省大工銀兩動用外尚不敷銀八千三百一兩零准其在於藩庫籌款撥給支領該督即飭該道等趕緊趲辦務於上凍以前完工報驗不得稍有草率偷減工竣覈實報銷該部知道○又諭成格奏軍需用騰駝隻擬定銷賠分數一摺烏嚕木齊運糧駝隻因沿途戈壁水土惡劣兼之更番迭運負重遠行以致倒斃者多自係實在情形據該部統查明阿克蘇放回駝隻著准其援

照道光六年成案准以四分著賠六分請銷其由內地解來協濟駝隻不過帶解餉鞘料石等物與常川滾運者不同並縣營代牧蒙古駝隻因疲瘦致斃與馱運軍糧者有間著准其倣照前案再為減銷二分以四分報銷六分著賠以示區別又另片奏此項駝隻應行變價歸款請照採買官駝例價均勻搭估酌減十分之三每隻應變價銀一十二兩六錢概令一律估變儻將來變價短少即在承

辦之員名下照數追賠等語著照所議辦理造冊咨部查覈○以武備院卿祝麟為長蘆鹽政長蘆鹽政鍾靈署武備院卿○癸巳諭內閣休致副都統閣凌阿曾出湖北兵一次打仗四十八次殺賊八名受傷一處著賞給半俸以養餘年嗣後若非自行呈請奉旨令其休致人員副將以下仍照例辦理副都統總兵以上著兵部查明該員有無軍功勞績及食俸年分奏明請旨○又諭前因籌辦回

疆善後事宜曾降旨令各直省督撫於綠營馬步守兵暫裁百分之二以所節經費撥解回疆俟各省奏到交戶兵二部覈明具奏茲據兵部奏稱各省已陸續奏到惟陝甘二省前據陝西巡撫奏裁撫標兵丁二十二名其提鎮協營應由陝甘總督彙裁迄今已逾一年之久經該部行催三次尚未奏到著楊遇春即按現在情形並將兵額覈計其應如何暫裁之處迅速具奏俾該部彙總奏辦不許

再有延緩○以內閣學士賽尚阿為國史館蒙古總校官○緩徵河南上蔡陽武原武汝陽泌陽內鄉新蔡商水息通許寧陵鹿邑夏邑永城柘城安陽臨漳內黃考城武陟淮寧西華項城沈邱扶溝商邱輝虞城淇延津封邱濟蘭儀中牟河內三十五縣被水村莊新舊額賦給上蔡陽武原武三縣災民一月口糧○甲午諭內閣王麟等奏拏獲偷盜馬匹之哈薩克賊犯審明照例辦理一摺哈薩克

阿爾克特膽敢起意糾合克托什哈林拜潛入卡倫開齊偷盜馬匹實屬目無法紀情殊可惡經王麟等審明即將正賊阿爾克特正法將從賊克托什哈林拜擬發煙瘴所辦甚是其托里卡倫之雲騎尉倭協泰雖屬遺漏賊犯來蹤而查出去路即行帶兵迅速追出卡外將哈薩克賊犯三名及所盜馬八匹全行拏獲著准其功過相抵○以伊犁錫伯營軍政年逾六十官三十六員精力未衰命留

任○禮部議准江西巡撫周之琦疏報採訪分宜縣貞節婦女嚴劉氏等一百五十二口請建總坊旌表從之○乙未

上詣綺春園問

皇太后安○丙申

上御洞明堂勾到湖廣江西情實罪犯停決湖廣斬犯七人絞犯二人江西斬犯五人絞犯一人餘七十人予勾○諭內閣鄧廷楨奏拏獲土豪張四條並監生朱文耀兄弟等語此

案六安州土豪張四條霍山縣監生朱文耀兄弟等犯擾累地方種種不法前經降旨飭拏茲據奏稱業將該犯張四條即張四一條及夥犯馬友高八孜並奪犯夥黨劉敏姚三孜胡鷺孜等犯拏獲又弋獲朱文耀朱文藻朱文沅藍泳華其監生朱文縝已自投到著鄧廷楨即督同新任臬司怡良提集各案人證卷宗親加研鞫務期嚴究夥黨上緊緝拏毋使一名漏網嚴審實情按律定擬具奏○

又諭嵩溥奏差役擾害地方審明定擬一摺。此案解任貴州思南府知府聞人熙與已革署安化縣事永寧州知州胡惠璣近在同城。乃於該革員諱匿宋大年命案。事後始行詳揭。已屬咎無可辭。且於差役李世雷等詐贓斃命。既不能覺察於先。迨經鎮遠鎮移會並前署臬司批飭親審。復不趕緊審詳。雖經訊明係由胡惠璣未將犯證批解及屢次因公出境所致。究屬催提不力。以致屬員任意延

玩。聞人熙著交部嚴加議處。嵩溥李文耕失於覺察。著一併交部議處。○又諭前據禮部奏。潘世恩等覆勘應議舉人張惠立一卷。添字筆跡及塗改字數不符。傳到該舉人當面默寫字跡。與原卷數對。尚屬相符。當降旨令順天府傳到該謄錄書手。送交該部訊明。有無弊竇。茲據奏。該謄錄劉蒼配於墨卷旁跨塗改之處。遺漏錯誤。隨照墨卷添註更正。並令該謄錄將後比所改二句當堂默寫。數對

筆跡亦屬相符。尚無別項情弊。惟該舉人張惠立墨卷內添註塗改。與原註字數不符。已在十字以外。著罰停會試一科。受卷官未經查明貼出。著照例罰俸一年。○又諭本日據大學士會同軍機大臣議。奏京員揀發河工學習章程。河防關係重大。必得通曉熟練之員。方有裨益。著於內閣翰林六部都察院各衙門。不分滿洲漢人。擇其正途出身清慎勤敏者。每衙門保送一員。咨交吏部帶領引見。

候旨發往東南兩河學習。如不得其人。毋庸濫保。並著定為兩年揀派一次。該員到工後。隨同該河督等專心學習。估工查料及一切疏濬堵築各事宜。不必承辦要工。亦不准經管錢糧。並著該河督量才差遣。周歷河湖隄堰。查勘情形。俾資歷練。其有謬妄滋事者。不但該河督應隨時叅劾。即兩江總督山東河南各巡撫均有兼轄之責。並准其據實劾叅。毋稍瞻徇。其貽勉勤慎尚堪造就者。二年差

疏。著該河督出具切實考語。送部引見。候旨錄用。此係為慎重河務起見。其不諳河務者。准其仍回本任。不准乞恩改補地方。如遇大挑年分。仍照舊例分發試用。著該河督隨時甄別。各該員等務須實心學習。期於熟諳宣防。釐工熙績。以備國家任使。○丁酉。諭內閣。前據給事中邵正笏奏。江湖漲灘。占墾日甚。請飭查辦。當降旨令該督撫等酌議具奏。茲據楊懌曾勘明各屬洲灘情形。酌議覆奏。長

江一帶沙洲日增。阻遏水道。自應亟籌妥辦。惟念由來已久。若紛紛查辦。地方官辦理不善。必致假手吏胥。乘機舞弊。以致利不能興。害不能除。百姓轉受其騷擾。著照所議。寬其既往。嚴禁將來。該撫即督飭濱臨江漢各州縣確查灘地之已升科者。毋許挽築私垸。亦不准以子母相生。影射再報。及私行占墾。其報坍灘地確切勘明。祇准豁糧。不得撥補。洲地亦照此一律辦理。嗣後查有續漲及甫經

淤出洲灘各地。概作官荒。永遠禁止認種升科。著責成各州縣每年親詣所轄江面。周歷查勘一次具報。並出示嚴切曉諭。儻有奸民敢於新漲地內私墾。及種植蘆葦者。嚴拏治罪。查有胥吏勾串混報。一併重究。該州縣徇隱不報。經該管上司覺察。或被爭控到案。即行查明揭參。毋稍寬縱。總期洲灘漲地。不致日增。庶足以資宣洩而衛民生。○諭軍機大臣等。吳榮光奏據湖北臬司朱樹稟稱。河南

省唐縣信陽州。有捻匪滋事。拒傷兵役之案。並聞楚省隨州棗陽地方。亦有捻匪滋擾。請檄武職大員前往會緝。當委湖北提標中軍參將劉允孝前往隨州棗陽一帶會同查辦。又據楊懌曾咨會。河南巡撫移知。探聞信陽捻匪劉二翠張二虛等。遊奕無定。已委安襄鄖荆道文明等。並飭德安府方長慶馳赴棗陽一帶會營查拏。又委督標石營遊擊何可宗。酌帶省標兵丁會緝。當即飛飭該管道府

營員及委員督率員弁兵役認真查辦。並移咨豫省一體會緝。旋據署隨州知州舒昇額代辦安陸縣李彥方稟報緝拏行劫河南桐柏縣不知姓名事主銀物。及搶劫隨州黎漢觀家銀兩匪犯陳尖子魏慶元。王黑等八名。究出夥同行劫首從各犯陳正綱等多名。已飭提各犯分別嚴訊。是否信陽捻匪劉二翠等夥黨。併將現供各犯姓名咨豫楚兩省實力查拏等語。此案前據楊國楨奏。本年六七

月間。有張二虛等在確山等縣行竊拒捕。八九月間。復有捻匪先後竄入唐縣信陽州境內。均經該州縣會營查拏。獲犯陳富劉裕子。張三等。餘匪拒捕逃逸。其信陽拒捕之犯。因追至湖北隨州。該匪等點放烏槍。致斃兵役三名。當就獲犯訊出唐縣拒捕匪犯係劉二翠為首。被拏逃竄。併入張二虛捻內。委臬司經額布馳往信陽一帶。會同南陽鎮段現查拏。並咨湖北巡撫遴派文武大員赴隨州會

辦。此等捻匪均潛匿楚豫交界之隨州棗陽與信陽桐柏犬牙相錯地方。該處山深箐密徑路叢雜。必須兩省會同搜捕。方免此拏彼竄。著訥爾經額楊國楨楊懌曾就現獲各犯嚴切根究。將供出犯名嚴飭各該省文武員弁不分畛域。按名迅速查拏。務要淨絕根株。切勿養癰貽患。將此諭知訥爾經額楊國楨楊懌曾並諭吳榮光知之。○裁湖南岳州府同知常德府永順府通判郴州道州州判。祁

陽縣永隆市東安縣石期市永明縣桃川市邵陽縣黑田鋪黔陽縣安江司桂陽縣鎮安司通道縣播陽司巡檢沅江縣桂東縣通道縣石門縣慈利縣嘉禾縣訓導十八缺。從巡撫吳榮光請也。○給湖北漢川京山二縣被水災民一月口糧。○戊戌諭軍機大臣等。據御史黃爵滋奏。江西盜匪繁多。臚列各條。請飭查辦。江西毗連閩廣。時有會匪滋擾。平時地方官若果認真查辦。何至匪徒猖獗。貽害

善良茲據該御史奏稱每邑中有無習教為匪窩藏盜賊全恃甲長之查報若甲長不端必相隱護宜擇端正有業之戶方准保舉承充設有盜匪不報將該甲長從嚴治罪至佐貳佐雜各官應酌量移駐扼要地界以專責成如錯互接壤之區遇有竊劫各案必互相推諉並於省郡交界責成同知通判等官州縣交界責成縣丞巡司等官務須會同兜捕儻有疏縱牽制一併叅處至於懦弱愚民當時畏其逼脅如事後首報免其治罪並令地方官嚴切曉諭士民勿被誘脅又如州縣之減估盜匪之勒贖即有交通賊匪之差役指贓勒贖概應嚴禁其各營兵丁交通盜匪無所不為應嚴飭武弁認真整頓會匪中糾合黨羽眾多應嚴拏頭目加等治罪不得指乙為甲顛預塞責向來私梟盜匪分為兩途今則合而為一徒緝私梟不如力捕盜匪使盜匪散而私梟可靖以上各條著周之琦體察

情形詳悉妥議認真辦理務期戢奸禁暴以安善良毋稍姑容致養癰貽患該御史原摺著鈔給閱看將此諭令知之○吏部奏失察逆獠滋事之歷任督撫藩臬處分得旨前任湖南按察使夏修恕徐圻現任湖南按察使楊黃前任湖南布政使裕泰吳榮光恩特亨額前署湖南布政使楊黃均著降二級留任夏修恕恩特亨額均著於補官日降二級留任前署湖南按察使胡鑄著降三級留任前任湖南巡撫程祖洛前護理湖南巡撫裕泰現任湖南巡撫吳榮光前任湖廣總督嵩孚前署湖廣總督楊懌曾均著降一級留任嵩孚著於補官日降一級留任前任湖南巡撫蘇成額前任湖廣總督盧坤均著降二級留任以上各員俱無庸查級抵銷○綏遠城將軍彥德等奏查明大青山後原立卡倫地勢與近日竊劫情形酌擬變通章程三條一充

力溝地方為窩匪之所請於胡雅克圖地方

卡倫撤出土默特官一員。兵十五名。移駐察罕庫圖勒及鞏滾特克二處。與滿洲官一員。兵十五名。按月輪替分駐。並飭土默特台吉等添設卡倫一處。官一員。兵十五名。又城北巴彥布拉克地方撤出土默特官一員。兵十五名。移駐默特爾默土。一。大青山後行商失事。請責成卡倫各員追緝。如搶劫鄉村牛馬。應飭歸化廳督率里長保正。協同官兵緝拏。其應得處分。一併按限開參。一。蒙古來城應

照舊例給予執照。以備稽查。該旗有無窩留匪徒。仍令按季呈報。儻有疏漏。即予叅辦。下理藩院議行。○以捐修山東武定府及濰縣文廟書院。予紳士田鳳聰等議敘有差。○貸山東德州衛堵築漫口民堰銀。○己亥。上御洞明堂。勾到浙江安徽江蘇情實罪犯。停決浙江斬犯四人。絞犯二人。安徽斬犯三人。江蘇斬犯二人。絞犯四人。餘四十七人。予勾。○諭內閣。據刑部覆奏御史金應麟奏。直

隸州縣遺漏開送處分。當咨提原卷檢查。旋據王仲槐在該部遞呈。伊止奉保定府委訊。尹老須換銀下落。其習教一節。並未審訊。定案時亦無會稿會行會印等情。現經該部查閱府司原詳。及該督原奏摺稿。均開載保定府督同清苑縣訊明。該督原批內。又有飭委保定府督同清苑縣審辦之語。是王仲槐曾經委審。有案可憑。何以該府原詳。又無王仲槐會稿會行會印之據。至威縣知縣曹謹。不

在承審之列。曾經隨同李德立往查。已有原稟可據。並候補知州熊光禧。亦係曾經委審之員。該督前於奏請處分時。因何將各該員等職名遺漏。並王仲槐呈內各情。是否捏飾之處。著琦善一併查明。據實明白回奏。○又諭吳其濬奏。請飭查因案逗留之訓導等語。湖北竹山縣訓導石應期。誣詳生員劉達年。辱詈師長。經道府提訊。全無實據。該訓導不俟審結。徑行請咨會試。據學政查明。至今並

未回任。若非潛匿京城。即係沿途逗留。著步軍統領直隸河南督撫查明飭回湖北歸案審辦。並著訥爾經額查明該訓導現在曾否到省。即飭原訊之員秉公訊結。○再停吉林採捕東珠三年。○庚子。

上詣

大高殿行禮。○還宮。○以孟冬時享

太廟。自是日始。齋戒三日。○辛丑。諭內閣各省常平倉穀。原為救荒儲備而設。地方偶遇水

旱偏災。自應即行勘報。酌動常平倉穀。妥為賑卹。如倉穀不敷。再行動撥銀兩。本折兼放。俾乏食貧民。藉資餬口。前據楊懌曾奏湖北本年被水較重。勘明天門等縣應行撫卹一月口糧。先後在於司庫借支給發。又查明屯坐各衛應行分別加賑。此外尚有應撫屯坐貧軍及貧生。暨聞賑歸來貧民。與尚未勘定之是否成災監利等縣。懇籌備銀四十萬兩。於鄰省酌撥解楚供支。當交戶部議奏。茲據

戶部奏撥安徽留備地方公用銀五萬兩。漕項銀四萬兩。湖南糧道庫存銀五萬兩。許墅關徵稅銀六萬兩。九江關徵稅銀五萬兩。淮關徵稅銀五萬兩。共銀三十萬兩。災區拯濟民瘼攸關。不容不先為籌備。著安徽湖南江西各撫暨許墅淮安各關監督迅速委員解往湖北。以濟要需。惟據該省道光十一年奏銷冊報。共存常平倉穀九十九萬餘石。米一萬四千餘石。被水各縣及鄰近州縣。均有實

存倉穀。既經勘定應行撫卹。即應早日碾放。免致災民嗷嗷待哺。至於數月之久。何以該撫輒全用穀折銀兩籌撥散給。豈非緩不濟急。著該督撫勘定災區通盤籌畫。如常平倉穀足敷散放。即將所撥銀三十萬兩。另行存貯候撥。仍督飭道府等認真稽查。覈實散給。刊刻謄黃。徧行曉諭。務使災民均霑實惠。其道光十一年冊報常平倉穀數目。是否實貯。著訥爾經額據實確查。如有虧缺虛報情弊。

即行嚴叅懲辦。毋稍徇隱。○又諭那彥寶等奏土司告假赴藏。該管營廳具報遲延。並未遵例給照。請交部議處一摺。德爾格土司策旺多爾濟赴藏念經。並未請領路票。私自啓行。該營廳並未遵照定例。即時具報。呈請咨會駐藏大臣辦理。實屬遲延疏忽。前任阜和協副將調任湖南實慶協副將托精阿打箭鑪廳同知張聘三。俱著交部照例議處。○又諭前據吳其濬奏湖北竹山縣訓導石應期。

因案逗留。當交步軍統領。直隸河南各督撫。查明飭回歸案審辦。茲據步軍統領查該訓導尚在京中逗留。現今查獲。訊取供詞。石應期著該部照例解往湖北。交訥爾經額即飭原訊各員秉公訊結。○諭軍機大臣等本日朱士彥奏南河情形。據稱接到九月初旬家信。云黃河大溜全注洪湖。不獨將來淤墊。現在清口出水二尺餘寸。較從前河南漫口水止有一半。高堰水長至二丈一尺。勢甚危。

險。惟家信在九月初旬。其時吳城七堡未開。是以洪湖喫重。此時既已開放。自必分減。河身刷深四五尺。則清口從前低於河三尺。此時河轉低於清口二三尺。過水可至六七尺。即合龍後。亦不須倒塘。現在已交冬令。一月後。即難興工。黃水雖有分洩之路。恐湖中積水既多。三冬風烈。堪虞。著穆彰阿等將現在口門寬深丈尺。並吳城七堡清口入黃之路。開寬若干。過水若干。三河兩壩消水若干。高

堰現存水若干。並何時可以堵合。合龍之前。高堰如何保護。通盤籌畫。先事豫謀。庶有把握。又另片奏本年二月入都。途遇嚴烺言及現在惟有將黃河改於北岸自桃源以下。以北隄為南隄。另築北隄。其現在清口以下。令讓淮水出口。洗刷於安東地方。會黃由舊河身入海。另於北岸開運河數十里。約需費二百餘萬。可免倒塘灌放等語。改河數十里。非旦夕可辦。且新築隄工事體重大。嚴烺改清

口之議。合計約需三百萬兩。經費亦復不貲。是否可以籌辦之處。著穆彰阿等履勘形勢。詳查利弊。悉心妥議具奏。所有朱士彥原摺片三件。著一併鈔給閱看。將此諭令知之。○又諭有人奏。江西學政鄭瑞玉。平日吸食鴉片煙。考試正場。點名遲至巳午。覆試竟至未正。完場多在三更以後。士子半皆給燭。本年考試南昌。五月半取齊。六月二十日外方考生童守候不堪其苦。又於考試豐城等縣。

時派令官親入號稽查。鎖押生員。併令婢女在大堂伺候。與士子交接遞籤。該省有猖獗官親號舍內生員帶鎖風流學使。大堂上婢女傳籤聯句。其為不協輿情。已可概見等語。著周之琦督同桂良。即照所參情節。查明據實具奏。桂良甫經到任。自無所用其回護。周之琦如能認真查訪。覈實奏。其以前失察之處。朕可稍為寬恕。儻瞻徇情面。稍有不實。不盡則既隱諱於前。又復回護於後。經朕別

有訪聞。恐不能當此欺飾重咎也。將此各諭令知之。○壬寅。諭內閣。據禮部奏。朝鮮國領時憲書。齋咨官齋到該國王咨文一件。查係啖咭喇商船欲向該國交易。該國王恪遵法度。正言拒絕。朝鮮國臣服本朝。素稱恭順。茲以啖咭喇商船駛入古代島洋面。欲在該國地面交易。經該國地方官告以藩臣無外交之義。往復開導。相持旬餘。啖咭喇商船始行開去。該國王謹守藩封。深明大義。據經奉法。

終始不移。誠款可嘉。宜加優賚。著賞賜該國王蟒緞二匹。閃緞二匹。錦緞二匹。素緞四匹。壽字緞二十匹。用示嘉獎。即交該國齋咨官帶往。○又諭穆彰阿等奏。它隄首犯日久無獲。先將糾人同它要從各犯分別定擬一摺。此案張開太等聽從陳端。糾約它隄。該犯陳端與陳堂陳光南因黃水盛漲。希圖放淤。肥地詐稱營弁知情。糾人黃夜它放。以致糜帑害民。尤為可惡。計自八月二十一起。迄今

已逾兩月。此等要犯。日久竟無一名弋獲。深堪憤恨。地方官所司何事。除已革署桃源縣知縣劉履貞係協防之員。與專管河員有間。已革把總錢永貴。於河工並無協防之責。業經革職。初號工竣。免其治罪外。前署淮安府知府塔克興阿。河標右營遊擊三音特古斯。經穆彰阿等請先行摘去頂帶。勒限兩月緝拏。未免寬縱。塔克興阿。三音特古斯。均著先行革職。勒限一箇月幫緝。果能將陳端陳堂。

陳光南。三名要犯。於限內拏獲。尚可稍從末減。若日久無獲。仍當從重治罪。其現任淮安府知府周燾。現署桃源縣知縣徐麟趾。亦俱著勒限一箇月加緊緝捕。限滿無獲。著該督等分別嚴叅。德處陶澍。於所屬地方首犯未獲。不將該管地方官叅劾。著交部議處。林則徐以奉旨緝拏之犯。未能密速掩捕。又不親提嚴鞫。僅以移交塞責。著一併交部議處。並著該督撫一體趕緊嚴緝。務獲勿任一名漏

網。儻日久不獲。定當從重治以應得之咎。決不寬貸。所有案內糾人同究。要從各犯及已革廳營員弁。應得罪名。俱著交刑部覈議具奏。諭軍機大臣等。據穆彰阿奏首犯日久未獲。據實叅奏一摺。已明降諭旨。將陶澍林則徐交部議處矣。此案奸民盜決大隄。即係地方廢弛之故。計自八月二十一起。截至閏九月二十二日止。已逾兩月。此等要犯。日久竟無一名弋獲。尚復成何事體。深堪憤恨。

前據林則徐奏。陳端陳堂二犯。據現獲載送該犯過湖之船戶劉慶和盧二。究出該犯等逃往安徽盱眙縣一帶。該縣有甘二等先後窩留。聞拏緊急。復又縱逃。已將甘二李七張九成獲案。其陳光南一犯。據探與伊父陳鳳山逃往下河阜寧一帶。已據林則徐分飭掩捕。是該犯等尚有下落。何以竟未弋獲。茲據穆彰阿奏。拜摺後。率同司員啓程回京。現尚有交辦事件。想已接奉諭旨。無論行抵何處。

著即折回。會同審訊。且此案亦不可專委該督等審辦。更恐不實也。將此諭令知之。○以查拏西藏番賊。並招撫流民出力。賞四川知縣徐遜同知銜。噶布倫策奪結二品頂帶花翎。○以寧夏滿洲蒙古軍政年逾六十官五員。精力未衰。命留任。○修浙江東西兩塘石工。從總督程祖洛等請也。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十二

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十三

秋修

道光十二年壬辰冬十月癸卯朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵 遣官祭

孝穆皇后殯宮 遣官祭

端慧皇太子園寢 頒道光十三年時憲書

甲辰

上幸圓明園 詣綺春園問

皇太后安 緩徵山東東阿東平陽穀荷澤城

宣宗實錄卷二十三

二

武定陶鉅野鄆城濮觀城嘉祥曹滕聊城鄒平章邱朝城夏津十八州縣暨東昌臨清濟寧三衛被水被旱村莊新舊正雜額賦○乙巳諭內閣前據張井奏節交霜降黃運兩河並堰盱二廳埽石各工搶修防守一律穩固水勢消落等語本年黃河來源較旺疊次長水較上年大至五六七尺不等現在節逾霜降一月有餘水勢消落其龍窩汎決口係桃源縣奸民陳端等盜挖所致畧在疏於防範

而黃水並未淤湖自吳城七堡以下至海口刷深四五尺此皆仰賴

河神默佑朕心益深寅感著發去大藏香十炷交張井虔詣

河神廟代朕敬謹祀謝用答

神庥 又諭陶澍奏兩淮各口岸銷鹽缺額

上年江南江西水災民商交困河南亦因商

運久懸仍前缺銷尚非督銷不力等語所有

江西鹽道及江南河南各州縣道光十一年

宣宗實錄卷二十三

三

銷鹽考覈均免開揭議處至本年淮北改行票鹽其滯岸自七月至閏九月初已請運十五萬引較原額多逾半倍現係初次試行將來考覈缺溢未便照商運舊例辦理著俟試行一二年後察看情形酌議具奏以歸覈實又諭降調按察使以道員用之慶林於辦理強匪案內吏部議降二級調用當降旨交盧坤檢查文卷將該員前後稟辦情形據實具奏茲據奏稱該員於二月內經李鴻賓委

赴連州自三月至五月節次具稟並未將如何難辦情形切實聲明而李鴻賓批示各稟本無專主招撫之見該員亦未稟商如何招撫及奉有諭帖等語此案辦理不善李鴻賓固咎無可辭該員於起事之先即派赴軍營乃未能將切實情形稟詳籌辦以致曠日持久老師糜餉實屬畏葸無能部議尚覺輕縱著改為降四級調用不准抵銷以示懲儆○又諭本日據盧坤由驛馳奏韶州府曲江乳

實錄卷一百三十三

四

源兩縣土盜勾結強匪出掠滋事道府督屬帶兵殲擒多名地方肅清一摺本年七八月間連強未靖鎮兵多經抽調防剿曲江縣土盜周癘瘰頭等潛入強山勾結強匪乘機搶掠該道楊殿邦督屬捕獲三十餘名復捐廉雇練鄉勇千餘名親駐曲江縣適中之桂頭鄉飭署知府汪忠增由乳源進兵使該匪首尾牽制並籌給經費銀二千兩募良強趙得學並精壯鄉勇五十名從僻路直撲大廖坑

督率知縣侯之翰署乳源縣謝嵩齡帶領兵勇良強負木囊土架梁填路而入該匪放槍擲石滾木抵死抗拒曲江兵勇用礮轟擊乳源官兵由後擁進腹背夾攻槍斃數十名生獲逸盜鄧複辛等強匪趙連複等三十餘名餘匪四竄投崖落澗無算千總楊愈將試用從九品馬長庚等率兵勇直入大廖坑水長坑搜獲鳥槍刀械獲取衣糧分犒兵勇將匪巢焚燬割取首級七十一顆提出強匪盤雲

實錄卷一百三十三

五

錢土盜陳考渴等辨認有大廖強目趙潰選及其子趙得流其餘趙石養等皆大廖水長兩坑著名強匪及潛匿土盜曲江鄉勇鍾國富等強目盤安良等各在山內搜獲盜首鄧添一周癘瘰頭即周牛仔所辦甚好被傷兵丁三名鄉勇四名良強三名縣役一名著該督查明咨部賞卹中瑩坑匪首盤得複等尚竄山內鎮標右營都司劉際昌並該府縣分路搜拏乳源鄉勇林文聰鍾幅遠於丹竹坑

遇徭匪兩人奮勇前追被旁出徭匪六人故槍拒傷都司劉際昌督兵接應將徭匪七人打斃生擒徭匪趙有安訊出槍斃各匪姓名該兩縣續獲徭匪盜匪趙老四等十九名都司劉際昌署曲江縣侯之翰獲中瑩坑首夥徭匪盤得頑等五名併垂斃徭匪趙有明乳源縣役協獲逸徭趙端養趙清彩二名計先後斃斃擒獲各犯一百四十六名徭山匪類廓清該道等不動聲色辦理妥速兵勇俱著撤回歸伍歸農懸崖遂谷恐有漏逸著該督懸賞曉示俾人自為捕不得擾及良懦此案人犯眾多無庸解赴連州著盧坤於赴省時取道韶州審辦出力文武員弁據實保奏候朕施恩毋稍冒濫○諭軍機大臣等前據禧恩等奏拜摺後即率同司員起程回京禧恩現丁母憂該尚書勤勞王事不遑將母聞訃自必星奔前進著即到家守制料理喪務以盡人子之情瑚松額著來京覆命將此各諭

宣宗實錄卷三三

六

令知之○命戶部尚書禧恩毋庸管鑾儀衛事以御前侍衛載銓為鑾儀衛掌衛事大臣○禮部左侍郎鑲黃旗滿洲副都統舒芬因病解任轉禮部右侍郎色克精額為左侍郎以內閣學士文慶署禮部右侍郎調正紅旗蒙古副都統恩銘為鑲黃旗滿洲副都統以前鋒參領善英為正紅旗蒙古副都統○調雲南鶴麗鎮總兵官馬金魁為直隸正定鎮總兵官正定鎮總兵官榮玉材為鶴麗鎮總兵官○蠲緩兩淮富安豐梁垛東臺何垛丁溪草堰劉莊伍祐新興廟灣板浦中正臨興十四場被水被旱村莊新舊額賦有差賑板浦中正臨興三場蠹戶並給一月口糧○蠲緩安徽五河宿靈壁鳳臺鳳陽懷遠泗壽建德東流望江太湖青陽涇寧國太平懷寧桐城潛山貴池銅陵當塗繁昌定遠盱眙天長和巢亳南陵合肥阜陽潁上霍邱太和宿松蕪湖無為廬江三十九州縣並屯坐各衛

宣宗實錄卷三三

七

被水被旱村莊新舊額賦有差。賑五河縣軍民給五河宿靈壁鳳凰陽懷遠泗壽建德東流望江十一州縣並屯坐各衛軍民一月口糧。○丙午諭內閣吏兵兩部奏議處山東失察尹老須案內從犯之各地方官分別降調降留罰俸各該員於蕭滋等隨同習教未能先事覺察固有應得之咎。惟尹老須於乾隆六十年在該縣學習離卦教煽惑多人黨羽多藉隸本省直隸地方官毫無聞見以致

實錄卷一百三

八

蔓延其咎較重。是以前經降旨。概予降革示懲。至山東從犯蕭滋孫老書劉述現聞老志曲塘等起於近年不過惑於禍福。隨同習教尚無謀為不軌情事。若使尹老須早經破案該犯等或不至為其所愚。山東失察各官與直隸一律懲處轉不足以昭平允。所有失察習教從犯孫老書等之歷任署任臨清州知州張光熙周履端張廷模周林徐紹薪楊嗣曾汪汝弼葉肇樞馮春暉王鎮陶銘等十一

員失察從犯劉述現等之歷任署任夏津縣知縣陳廷鎮王令份馬振玉宗殿颺楊廷桂葉泰階貴格任士謙喻貴忠方熙潘觀寶程志堅覺羅羅增齡汪封渭鄒景興章寶綸即章頤胡慶元張鍾珽等十八員失察從犯蕭滋等之歷任署任清平縣知縣伍靈阿李孟臯王士銘粟作貢方傳榮鄭澐姚學淳張廷鏡戚澤溥王仲清王秋元陶銘王發越等十三員失察從犯閻老志等之歷任署任冠縣知

實錄卷一百三

九

縣汪星橋朱溶王殊渥李文耕李象溥王楷興謙楊紀堂程輔長張恪王懷曾嵩山陳星景楊麟生音德等十五員失察從犯曲塘之歷任署任高唐州知州汪星橋孫良炳翟笏周雲鳳王元輔李應曾彭應煦周貽綸吳璋蕭架普恆鄭澐崔墳邵元章俞觀堦等十五員部議降二級調用俱著加恩改為降三級留任鄭澐部議共降四級調用著加恩改為降五級留任張光熙周履端周林徐紹薪汪

汝弼宗殿勳楊廷桂喻貴忠潘觀寶程志堅
伍靈阿王士銘栗作貢姚學淳戚澤溥朱溶
興諫李應曾均經另案革職俱著註冊失察
所屬從犯之歷任署任臨清州知州葉肇梅
馮春暉王鎮陶鎔覺羅增齡等五員歷任署
任東昌府知府李文耕劉煜王殊渥馮春暉
等四員俱著照部議降一級留任歷任署任
濟東泰武臨道惠吉何天衢鍾祥恩特亨額
王殊渥斯會昌楊惠元等七員俱著照部議
罰俸一年歷任署任山東按察使石韞玉丁
楷朱錫爵德啓童槐琦善福珠隆阿何天衢
盧元偉訥爾經額賀長齡韓文綺劉斯喟梁
章鉅恩特亨額鍾祥李文耕趙盛奎斯會昌
等十九員歷任署任山東布政使石韞玉丁
楷朱錫爵慶保慶岐福珠隆阿徐忻琦善程
祖洛盧元偉朱桂楨訥爾經額韓文綺梁章
鉅鍾祥賀長齡李文耕劉斯喟等十八員俱
著照部議罰俸九箇月朱錫爵慶岐盧元偉

均經另案革職俱著註冊以上降留罰俸各
員俱不准抵銷又諭陶澍著加恩改為降
四級留任林則徐改為降五級留任此案它
隄要犯非尋常案犯可比迄今兩月有餘首
犯未獲捕務廢弛已極該督等務即密速查
拏儘日久無獲定將該督等從重治罪不貸
又諭奕額等奏審明占種地畝聚眾抗傳
分別定擬一摺牛莊防禦鐘音與遼陽城守
尉宗室明琇奉委查辦地畝未能查出私開
情弊實屬勘辦不實該署將軍等僅請將鐘
音交部查議未免過輕明琇復於緝拏程明
貴時轉令法林開導投案亦屬錯誤鐘音明
琇俱著交部議處○給奉天錦州府被旱被
蟲旗民一月口糧○丁未諭內閣武忠額等
奏同知辦案專擅請解任提審一摺多倫諾
爾同知萬保承審回犯穆全等案捏稱專委
不與該旗理刑官雙福等會辦實屬違例妄
為又承審吳來慶等三案並不悉心研鞫固

執已見出入人罪將應行會畫之案均不與
旗員畫行擅自擬報更屬剛愎自用萬保著
解任即飭口北道委員將各案犯證卷宗及
刑件差役幕友代書人等一併提集解交武
忠額等秉公嚴訊多倫諾爾同知著直隸總
督遴員署理○又諭順義縣知縣朱希賢於
平糶重務並不赴廠監視輒假手門丁書吏
所領升斗既不敷用不再請領竟自私造已
屬辦理不善迨事後聞知夜糶米豆又不立

實錄卷一百三十三

七

時究辦意存回護復失察丁吏舞弊得贓其
咎較重著交部嚴加議處○諭軍機大臣等
據御史周彥奏票鹽之法與場竈起徵名異
實同場竈起徵利於私而不利於商給票行
鹽利於梟而不利於國其可慮有三等語著
穆彰阿陶澍將現在淮北鹽務情形及該御
史所列各條詳加審度該御史既言有三可
慮又云利多害少即移其法於淮南豈非自
相矛盾現在試行尚未定局須通盤籌畫總

期有利無弊不可以目前而忘久遠因鹽務
而累及地方也該御史摺著鈔給閱看將此
各諭令知之○又諭本日據張井奏尚書穆
彰阿已起程北上陶澍因武關在即趕緊回
省等語昨降旨令穆彰阿折回清江浦俟拏
獲首犯陳端辦結後再行回京陶澍一面飭
屬嚴拏陳端等交穆彰阿審辦一面趕緊辦
理武關事務揭曉後仍即赴清江浦會同審
訊可也將此諭令知之○又諭前據穆彰阿

實錄卷一百三十三

七

奏閏九月二十二日拜摺後率同司員起程
回京當經降旨令穆彰阿無論行抵何處迅
即折回清江浦會同陶澍將要犯陳端等務
獲審辦本日據張井奏陶澍因武關在即趕
緊回省已降旨令陶澍武關事竣仍即回清
江浦此案首犯陳端等如已獲案陶澍武關
未竣穆彰阿即先提該犯等督率司員審辦
具奏將此諭令知之○又諭前降旨令訥爾
經額於到任後即赴湖南衡州辦理善後事

宜茲據奏稱湖南善後章程業經擬定入奏似無急需應辦要件而湖北現當請帑賑卹武昌漢陽荊州襄陽德安安陸各府屬十五州縣潰隄計共三千餘丈尚未堵合請先將賑卹堵築兩事籌辦妥協即於查閱湖南營伍之便前往衡州等語已批令依議行矣著訥爾經額將該省應辦事宜會同該撫酌籌妥辦將來前赴湖南時一面奏聞一面起程前往將此諭令知之○命工部尚書朱士彥

實錄卷三十三

古

戶部左侍郎敬徵馳往江南查辦事件○以都察院左都御史白鏐署工部尚書吏部右侍郎桂輪署戶部左侍郎貝勒奕繪署管理欽天監事○裁馬蘭鎮標左右兩營經制外委二員馬兵二十四名守兵五十六名從總兵官特登額請也○濬江蘇桃南北下汛外南北上汛河道從總督陶澍等請也○戊申上詣

安佑宮行禮○諭內閣琦善奏遵旨查明據實

覆奏並自請交議一摺前據刑部覆奏御史金應麟奏奏直隸州縣漏開處分當降旨將王仲槐等三員職名因何開送遺漏王仲槐在該部呈遞各情是否捏飾交該督查明回奏茲據奏稱尹老須匿名揭帖一案李德立張學詩係專委查辦之員辛文泓徐寅第係承審及審轉之員應行開叅王仲槐熊光禧均未會稿會行王仲槐併未會印查係臬司委審牌文保定府漏未轉行到縣王仲槐無從會審惟尹老須之戚趙桂蘭經臬司札飭王仲槐查傳到案並查尹老須換銀下落亦未飭令訊供至首府案件繁多熊光禧係試用人員尹老須到案之初曾代首府訊供一次其如何成招定讞無從主持亦非該督與臬司所專委又威縣知縣曹謹係李德立前赴清河查辦邪教帶往彈壓挖查並未隨同訊供亦未會銜具稟該督將該三員逐細覈查實無承審及查辦確據是以未經一併奏

叅王仲槐在部呈遞各情尚無捏飾該督於查辦習教重案已開叅數十員於王仲槐等三員自無所用其回護惟前次具奏時未將所以未經開叅之故詳晰聲明究屬疏漏琦善著交部議處前任保定府知府辛文泚於臬司委審牌文漏未轉行亦有應得處分業因此案從重革職著毋庸議○又諭蘇成額等奏回空漕船渡黃完竣一摺本年回空漕船業經全數渡黃該漕督等派委員弁分段催趲可期及早歸次至來年新漕必須迅速兌開趁黃水未漲之前完渡著有漕各督撫督飭各糧道早兌早開總令於四月初十日以前全數趲至清江剋期抵壩渡黃無許稍有延誤將此通諭知之○賞福建督糧道富兆副都統銜署正白旗漢軍副都統○命陝甘總督楊遇春撥銀一十九萬八千三百二十六兩有奇解往葉爾羌巴爾楚克和闐喀什噶爾英吉沙爾備道光十三年經費並命

嗣後各城常年應需經費仍歸各城大臣自行奏撥○蠲緩直隸吳橋東光通固安懷柔密雲平谷安肅新城大名保安蔚宣化龍門懷來延慶赤城十七州縣被水被雹村莊新舊正雜額賦有差賑吳橋東光二縣災民○
己酉

上詣綺春園問

皇太后安○諭內閣昨壁昌因

皇太后萬壽恭遞賀摺並遞請朕安摺理應早

日計算程途照常驛遞何得擅發四百里實屬糊塗冒昧不知緩急著交部議處尋議上得旨壁昌著降一級調用不准抵銷該員係新疆大臣著暫停開缺俟事竣回京該部再行具奏請旨○又諭吳邦慶奏濟城以南湖河工程情形一摺本年東省運河水勢浩大及微山湖異漲該河督奏明啓放蘭壩以資分洩茲據奏稱親往查勘泃河廳屬之滕嶧二汛臨湖土石隄工墊壩各段經運河道分

別鑲護均屬合宜。惟湖河水勢尚在外相平湖隄之在水中墊陷者既難得其底裏。恐此後水消殘壩尤甚。已令該道飭廳多購稽石以備擇要修工之用。又運河廳屬之魚臺汎兩岸緯道多在水中浸泡日久。殘壩亦多先將平水漫水隄身壁立基址尚存者設法通緯俟隄頂涸露審擇估辦等語。所有該二廳已辦未辦各工著該河督迅速勘估擇要興修毋誤來年重運。此項工程務須擇節估辦勿任浮冒。○諭軍機大臣等昨據耆英等奏盛京禮部未將冬至承祭三陵職名開送無憑具題當即降旨著太常寺查照向例應開各職名開單具奏現在朕派出奉恩將軍富松阿依力布吉泰三員屆期分詣

永陵

福陵

昭陵敬謹致祭如三人內別有事故即將那當

阿景年另派承祭冬至大祀典禮攸關斷不可有遲誤向例開列承祭職名於祀前四十日咨送太常寺具題係盛京禮部之事此次因何漏送及由何處遲延著奕訢等詳細查明具奏將此由四百里諭令知之。○以東河防汛出力予道員張坦等議敘加銜升補有差。○予故喀爾喀扎薩克圖汗部落鎮國公蘊端達什祭如例。○旌表守正被戕四川眉州民陳其照孫媳王氏。○庚戌添製涼州營馬兵鳥槍二百桿莊浪營一百桿從副都統壽昌等請也。○辛亥。

上奉

皇太后幸同樂園進膳賜內廷王大臣食。○命禮部尚書耆英恭修

泰陵寶城工程。○命吏部尚書潘世恩教習庶

吉士。○以修建葉爾羌城垣衙署兵房完竣

副將任貴邦等下部優敘賞伯克毛拉黑孜滿花翎伊斯拉木等藍翎餘加銜升補有差

○壬子

皇太后聖壽節遣官祭

太廟後殿

奉先殿

上詣綺春園率王公大臣官員行慶賀禮奉

皇太后幸同樂園進膳賜內廷王大臣食○命

乍浦副都統哈興阿來京調荊州右翼副都

統成順為乍浦副都統正紅旗蒙古副都統

善英為荊州右翼副都統○以杭州乍浦兩

處軍政年逾六十官十九員精力未衰命留

任○癸丑以署正白旗漢軍副都統富兆為

正紅旗蒙古副都統○甲寅諭軍機大臣等

前據祁墳奏廣西芳林渡追捕逆黨盤均華

等戰功保全頗大當降旨令該督於到任後

會同祁墳將出力文武各員詳查保奏此時

自己接奉諭旨著盧坤迅速覈實具奏候旨

施恩至廣東錢糧較多布政使吉恆年近六

旬平日辦事精神是否周到按察使楊振麟

雖在廣東多年而臬司甫於今春接印該省

獄訟滋多命盜案件尤鉅該臬司是否勝任

此時盧坤兼署巡撫若兩司不能得力更覺

棘手著盧坤留心察看據實覆奏毋稍瞻徇

將此諭令知之○又諭廣西按察使多容案

朕召對時見其人似老成惟聞辦事姑息輒

弱不能振作伊到任將及一年祁墳諒所深

悉盧坤甫經到任更無所用其回護著留心

察看能否勝任據實覆奏毋稍徇隱將此各

諭令知之○山東巡撫鍾祥奏報到任謝恩

得旨一切政務業經面諭實心實力而行可

也汝在東省服官有年故識故交必有其人

今既授以巡撫重任一概皆當屏除所謂在

官言官各揚其職斷不可遲疑瞻顧誤公事

而汝亦有損慎之戒之○乙卯諭內閣前壁

昌奏請將喀什噶爾等處班滿撤回防兵酌

給鹽菜口糧並西五城換防官兵作為三年

班滿當交戶兵二部速議具奏茲據該部查

明此次班滿撤回之喀什噶爾英吉沙爾舊額防兵自道光七年調赴征剿善後就近留防在戍多年情形不無拮据且隨同守城打仗著有微勞與尋常換防不同該官兵等鹽菜口糧著加恩自肅州以西按軍營例支給肅州以東俱照凱撤之例辦理嗣後換防各兵並此外各城非征兵留防者不得援以為例至喀什噶爾英吉沙爾防兵前經改為三年班滿更換其葉爾羌和闐舊額防兵若仍定以五年未免向隅且巴爾楚克一城初設地方瘠苦調度不免有所趨避所有西五城換防官兵著一律作為三年班次以歸畫一○以盛京兵部侍郎德興兼署戶部侍郎○以江寧京口兩處軍政年逾六十官十七員精力未衰命留任○丙辰諭內閣貴慶等奏整頓倉務一摺各倉額設巡邏弁兵原以嚴防竊匪嘉慶年間劉彬士曾任巡倉御史奏定章程責成管旗大臣派員實力點查毋許

短少雇替其失察倉米被竊之監督亦經吏部按照次數遞加處分定例纂嚴自應各知儆惕乃日久生懈現在步軍統領衙門拏獲竊匪復有偷竊倉米之事似此因循玩忽不可不嚴行整頓嗣後著城內巡倉旗分暨城外巡倉營汛僉派妥員督率該班兵丁實力巡邏毋得視為具文如有倉米被竊該部務將被竊月日訊明傳問該班弁兵是否知情仍治以疏防之罪失察之該監督按照次數遞加議處並著查倉御史不時巡察倉場侍郎一體稽查毋稍疏懈○又諭貴慶等奏查勘護城河請仍照歲挑辦理河沿石岸等處請飭部估修一摺前以朝陽門迤南至東便門河道係大通橋承管每年例應挑挖上游既挑恐下游不能通暢降旨交倉場侍郎察看茲據勘明各處城河均未興工此處亦無庸大加挑濬請仍照年例辦理著照所請准領歲挑銀六百兩責成大通橋監督督率車

戶雇募安人盡心辦理務使挑挖足供一年之運其自朝陽門至大通橋護城河東岸一帶石塊坍塌十分之四五侵占河面必應撈砌又掣解廳以左石岸均已坍塌亦應亟修著工部即行勘估奏明興修○丁巳試中式武舉張金華等七十三人於太和殿前○馬蘭鎮總兵官特登額奏巡查後龍風水情形得旨

東陵竊木偷牲之案層見迭出不可因業已親

奉
上
諭

奉
上
諭

查概置度外尤當刻刻留心密行查訪不准稍有懈怠勉之○以密雲等六處軍政年逾六十官十五員吉林六員精力未衰命留任○蠲緩江蘇桃源海山陽清河銅山蕭沭陽句容江浦六合武進丹徒丹陽金壇溧陽阜寧安東鹽城高郵泰東臺江都甘泉儀徵興化寶應豐沛碭山邳宿遷睢寧鎮洋贛榆長洲元和吳江震澤常熟昭文崑山新陽華亭奉賢崑金山上海南匯青浦川沙宜興荆

溪靖江太倉五十五廳州縣暨太河徐州淮安揚州蘇州太倉鎮海金山八衛被水被旱村莊新舊額賦有差賑桃源海二州縣及大河衛軍民並給桃源海沭陽三州縣及大河衛軍民一月口糧○雙徵福建長樂福清二縣被水村莊額賦

奉
上
諭

奉
上
諭

大清宣宗效天符運立中體正至文聖武智勇仁慈儉勤孝敏成皇帝實錄卷之二百二十三

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十四

監修總裁官親從日攝起居注官太子太保體仁閣大學士文淵閣領閣事掌戶部事務上書房總辦翰林院掌院學士兼管處

天府府事務隨帶加五級紀錄十八次臣賈禎鑒奏官經題請吏部尚書錄其該漢都統管理新營城內官屬大臣稱塞內

七倉大臣稽察會同四譯館事務加一級隨帶加六級軍功加三級死難五次臣花沙納經筵講官文淵閣纂修閣事兵部尚書鑾

內務府大臣錄曰：據滿洲都統稱，奉內七倉大臣管理，字人府銀庫，左翼勅官學，室真宮園明國子府，積蓄倉，奉膳倉，御樂房。

醫院連升庚午拔隨帶加十八級臣阿靈阿前據署官理是葉官失部尚書隨帶加六級紀錄二十次臣周祖培等奉

教修

道光十二年壬辰十月戊午。

實錄卷之五

上詣

安佑宮行禮。○諭內閣。理藩院議覆保昌審訊

土默特貝勒旗塔布囊德沁浩爾洛等呈控

貝勒濟克默特扎布等九款一案。土默特貝

勒旗章京色布精額於披甲那瑪吉拉被擒

詐賊以職官隨同索討實屬卑鄙著革去章

京杖八十鞭責發落不准援免已革塔布囊

達瑪林扎布尚包達郎索欠輒於公廳拳毆

殊屬不合應得杖罪在清刑恩旨以前准其

援免塔布囊德沁浩爾洛等所控各款尚非

平空誣告。惟赴京越訴不干己事。自應加等

問擬德沁浩爾洛齊穆特德穆楚克扎布各

罰四九牲畜。烏呢巴雅爾。以長史派差外出。

輒因家用缺乏向營眾那借錢文且於派收

鑷刀錢文時稱欲多派經營眾央允減少均

屬辦理不善著罰二九牲畜貝勒濟克默特

扎布於所屬披甲被搶詐贓毫無覺察又於

屬下塔布囊呈交廟宇收受經管均有應得

寶錄卷二百二十四

之咎現據該都統奏稱德濟特等呈列十二

款尚未審訊完竣著保昌趕緊集犯訊明定

擬具奏該貝勒有無應議別款一併奏明請

旨塔布囊德沁浩爾洛德穆楚克扎布現復

來京向理藩院控告此案熱河都統未加親

審承審官不為公斷等情著兵部仍將德沁

浩爾洛等解赴熱河交保昌親提詳訊如有

枉縱據實附叅毋稍回護如屬虛誣即將該

塔布囊等從重懲辦以儆刁健○諭軍機大

臣等本年京師夏間亢旱。至七月十五日以後。始得透雨。入冬雨澤亦少。麥苗出土尚稀。畿輔貧民。餬口維艱。往來覓食。在所不免。此時天氣漸寒。誠恐外來遊民。紛紛入城。致有匪類潛藏。不可不隨時查察。著步軍統領。安派員弁。實力巡邏。用資彈壓。斷不可任聽胥吏藉端騷擾。別生事端。至於乏食貧民。為饑寒所迫。朕念切惻。殊深矜憫。著順天府體察情形。妥為籌畫。應如何辦理之處。據實具

實錄卷三十四

三

奏。將此各諭令知之。○又諭前據穆彰阿會同陶澍。審辦龍窩汛十三堡奸民。挖隄一案。定擬具奏。當交刑部議。茲據覆稱。奸民聚眾強挖官隄。掣動全黃大溜入湖。該尚書等訊係在逃之陳端。起意為首。張開泰。趙步堂。二犯聽從糾人。復督同挖。陳明等十三犯。或在場觀看。或幫同挖。或轉為送信。將來嚴拏陳端到案時。照光棍例問擬。正法。河下將張開泰等二犯。依盜決隄岸過水漂沒他

人田廬為首例。擬枷號三箇月。實發煙瘴充軍。陳明等十三犯。依法決。為從例加一等。擬流二千里。惟查律載。共犯罪而首從本罪各別者。各依本條科斷。若罪名並非各別。則引斷不容兩歧。今陳端等聚眾持械。捆縛巡兵。挖放放水。決口寬大。糜帑害民。迥非尋常盜決河防可比。該尚書等聲明。拏獲陳端時。照光棍為首例。正法。固屬允協。第禍固首於造意之犯。而事實成於附和之人。衡情定斷。自

實錄卷三十四

四

應將聽從糾人復督同挖之張開泰等二犯。依光棍為從例絞候。並未糾人亦未捆縛巡兵之陳明等十三犯。依光棍為從例量減滿流。乃該尚書等僅將張開泰等於盜決河防本例上分別加等問擬。一事兩引。與例不符。且詳覈案情。頗多疑竇。原奏所稱陳端起集。遇見陳堂。談及黃河水大意欲糾人挖決。放泥淤地一節。盜決河防罪名甚重。該犯等放泥淤地。希圖不可必得之微利。而輕蹈必

不可逃之王章。不謀於家而謀於市。已非情理。况據供陳端與陳堂在集商謀。被路過之海東樓聽聞。是陳端倡議之始。既已傳播於行人。而該汛弁兵耳目切近。千總沈得功。又係陳端兒女姻親。何至毫無覺察。任令輾轉糾邀。謂它隄僅係陳端造意。該弁兵等均未同謀。殊難憑信。又陳端令張開泰轉邀海東樓等各許給錢二百文。同往它隄一節。人孰不愛其身家。而禍莫烈於蕩析海東樓等多係沿河居民。詎不知決口一開。廬舍必遭漂沒。何以一聞糾約。輒貪些微之雇值。忘蕩析之奇災。人雖至愚。不宜出此。又陳端等同至十三堡。張開泰等督眾創挖。陳端等在兩旁攔截行人。並喝令數人將堡兵楊德田賦捆縛一節。河干堡房林立。聲勢相聯。况秋汛喫緊之時。防範尤當倍力。豈有任其攔截行人捆縛堡兵。附近民夫並不齊集。鄰堡兵丁並不趨護之理。又效用百總張有功。巡見趕至

張家灣。向沈得功報知。沈得功正在張家灣搶險。聞信騎馬趕至決口地方。時已天明。復折回張家灣。搶鑲防風一節。張家灣係在兵九堡。距兵十三堡決口處。不過數堡。而沈得功供於四更聞信。若使立即馳往。各犯未必全逃。何以遲至天明始行趕到。其情已屬可疑。况本汛河隄既經決口。即使勢難搶堵。亦當俟該河督到工聽候查勘。不應遽行折回。若謂張家灣水大隄險。刻難遠離。獨不思十三堡決口既開。水勢奔洩。張家灣相距甚近。何至復有險工。是沈得功所供多不足憑。即難保無知情同謀。事後狡飾情事。朕詳閱所駁。均屬有理。著穆彰阿等再行提案。將所駁各情節研究確情。按律妥擬具奏。將此諭令知之。○以堵築直隸永定河漫口。予同知邵楠等加銜升補有差。○添購直隸永定河備防稽料。仍增歲修稽料運腳銀。從總督琦善請也。○己未。

上詣

大高殿

壽皇殿行禮○奉

皇太后還宮○以雲南鶴麗鎮總兵官榮玉材

母老調為直隸天津鎮總兵官就近迎養調

天津鎮總兵官汪道誠為鶴麗鎮總兵官○

庚申

上詣

皇太后宮問安○詣

實錄卷一百一

七

時應宮拈香○御紫光閣閱中式武舉馬步

射○命儀郡王綿志在內廷行走○乾清門行

走土默特頭等台吉德勒克色楞在御前行

走○命葉爾羌參贊大臣璧昌來京賞阿克

蘇辦事大臣長清提督銜為葉爾羌參贊大

臣以葉爾羌幫辦大臣誠端為阿克蘇辦事

大臣烏什辦事大臣興德為葉爾羌幫辦大

臣正白旗蒙古副都統常恆為烏什辦事大

臣○西寧辦事大臣恆敬因病請假命來京

清 實 錄 道光十二年十月下

賞甘肅西寧鎮總兵官舒通阿副都統銜為

西寧辦事大臣以前任廣西右江鎮總兵官

德楞額為西寧鎮總兵官○裁廣東廉州府

同知肇慶府通判長寧縣始興縣訓導高州

府廉州府司獄南海縣河泊所大使七缺從

總督盧坤等請也○旌表守正捐軀直隸武

強縣民崔聚全女存姐○蠲緩湖南安鄉華

容龍陽沅江澧武陵六州縣並岳州衛被水

村莊新舊額賦有差給安鄉華容三縣災民

實錄卷一百一

八

一月口糧及房屋修費○辛酉

上御箭亭閱中式武舉技勇○御乾清宮引見

中式武舉親定甲乙○諭內閣吳邦慶奏籌

議估拋碎石並酌改舊章一摺前因東河碎

石工程逐年加增降旨交吳邦慶詳查覈減

茲據該河督查明豫東兩省濱黃各廳除歲

修購料無從增減外所有本年添辦防料共

需銀十三萬六十兩著照所請改為四成辦

料六成辦石其無須貯石之廳六成銀兩歸

三三九

併他廳辦石。俟各廳存石二三千方。即將每年專案請石。逐漸蠲減。該河督務嚴飭各廳。此後發辦碎石。無論為專案。為六成。統限伏汛以前。全數碼貯。該河督親往查驗。應拋工段。由該河督暨該管各道勘定。後方准動用。僅有遲延偷減。並擅用石方者。據實叅處。毋稍姑容。○又諭吳邦慶奏豫籌來年備防稽料銀兩。酌分四成辦稽。六成辦石。查明用存料。抵以歸節省一摺。現屆添購來年防料之時。該河督請以四成辦稽。六成辦石。查明開歸河北兩道屬用。贍存工稽五百八十七垛。值銀四萬一千九十兩。免沂道屬用贍存工稽五十五垛。值銀三千八百五十兩。此次應照數減辦。劃還司庫銀兩。豫省十三廳應辦四成備防稽五百六十五垛。零該例幫價銀三萬九千五百六十四兩。六成改稽辦石銀五萬九千三百四十六兩。東省二廳應辦四成備防稽一百七十八垛。該例幫價銀

一萬二千四百六十兩。六成改稽辦石銀一萬八千六百九十兩。俱著於河南山東司庫撥發。趕購稽限年內全完。石限明年伏汛以前全完。僅有辦理遲延。空虛短少。立即嚴叅。毋稍姑容。再東河備防銀兩。又添碎石。節年有增無減。經此次劃抵以後。總期逐年節省。斯為經理得宜。不負委任。僅復增添。斷不能倖邀允准。並將該河督議處不貸。○又諭吳邦慶奏酌辦碎石貯防一摺。豫省蘭儀商虞。下北三廳。現在工段險要。該河督查明拋護碎石。實能化險衛工。亟應酌辦貯防。始能有濟。蘭儀廳請備碎石二千方。商虞廳請備二千方。下北廳請添備二千五百方。共需銀七萬二千一百七十四兩。准於豫省藩庫撥發。各道飭廳趕緊採運。勒限來年伏汛以前辦足。該河督親往驗收。此次添辦碎石。並無估定段落。明年大汛後。如有應拋工段。著該河督勘明動用。得緩即緩。用有餘贍。留為下年

備防。儻現在喫緊之工。往後或竟淤閉。責成該管各道。查明酌撥。他工應用。仍著隨時具奏。該河督總須嚴密稽查。斷不准稍有弊混。一俟酌改添料之六成碎石。積有成數。即將此項專案碎石。逐年遞減。以歸覈實。○諭軍機大臣等。本日據張井奏。挑濬桃南于家灣以下正河。現已插鉞興工。並擬定壩工進占日期一摺。南河挑南北下汎于家灣缺口以下。至外南北上汎吳城七堡以上。舊河高仰。應行挑濬處所。該河督已於十月初七等日。插鉞興工。派淮海道文麟督同挑北廳同知竇汝鈞。中河廳通判江瀚。駐工查催。其于家灣缺口東西兩壩。前已盤頭堅實。現在分別創槽。於十月二十三日。連挑水壩一併進占。朱士彥等抵清江浦。即到工次。常川稽查。不准偷減弊混。務須照估如式辦理。文麟等三員。如有辦理不善。著據實嚴參。將此諭令知之。○命大學士富俊。內閣學士賽尚阿。馳往

盛京查辦事件。以惇親王綿愷署鑲紅旗滿洲都統。大學士長齡署管理三庫事。○以青州德州兩處軍政年逾六十官五員。熟河圍場兩處十一員。荊州五員。精力未衰。命留任。○旌表守正捐軀山東鄆城縣民閻臧保妻董氏。○修河南山東黃河兩岸隄堰壩。餉從河道總督吳邦慶請也。○蠲緩湖北漢川公安。天門。石首。京山。江陵。松滋。武昌。嘉魚。黃陂。孝感。沔陽。鍾祥。潛江。雲夢。應城。監利。枝江。襄陽。宜城。荊門。漢陽。江夏。咸寧。蒲圻。黃岡。二十。六州縣並屯坐各衛被水被旱村莊新舊額賦有差。賑漢川。天門。公安。石首。四縣並屯坐各衛軍民。○壬戌。上御太和殿傳臚。賜殿試武舉一甲李廣。金張。金甲。郝騰蛟。三人武進士及第。二甲鳴起等。十二人武進士出身。三甲馬騰蛟等五十八人同武進士出身。○癸亥。上御懋勤殿。勾到河南山東情實罪犯。停決河

南斬犯三人絞犯三人山東斬犯四人絞犯二人餘五十七人予勾○諭內閣朕於本月二十日升殿百官行禮後新武進士未傳臚之前有三四人在品級山之下自東而西當經降旨查詢本日據都察院堂官糾儀科道鴻臚寺堂官等奏參鴻臚寺序班引領武進士行走錯誤等語朝會大典自應整齊嚴肅該序班職司導引率意走趨非尋常疏忽可比著該寺堂官查明何員即行革退者英多

恆董淳吉勒章阿葉紹本俱著交部議處○又諭已革巡檢易開泰得受銀九十六兩零將毆傷郭高氏發交看管之方曰凝釋放如郭高氏傷經平復方曰凝早應釋放該革員有意刁難致方曰凝行賄求釋情節與強索無異應依監臨強索所部財物准枉法論之律擬以滿流若郭高氏傷未平復方曰凝尚應看管該革員受賄縱放實屬枉法應按枉法贓八十兩律擬絞寶興等於此案緊要情

節未據研究明確輒將易開泰量減擬流以財行求之方曰義擬徒引斷均未允協罪名出入攸關著寶興等再行詳細研鞫按律妥擬具奏尋奏方曰凝責放時郭高氏傷已平復易開泰改依監臨強索所部財物准枉法論律擬杖一百流三千里方曰凝兄曰義以財行求未便科以與者不坐之例請仍照原擬杖一百徒三年下部議從之○又諭玉麟等奏查勘大河隄岸請復歲修舊制一摺伊

犁惠遠城南濱大河從前每歲培修藉資保障嗣因隄岸堅固奏請停止茲經玉麟等查勘該處土性本鬆易致塌卸雖現在大溜北趨距城尚遠而已逼近田廬廟宇儻此後或有漲溢漸逼城垣辦理轉多棘手著照所請該處大河隄岸仍准每歲擇要修補趁此農隙之時辦運料物開春修理責令領隊大臣端多布總司其事協領舒昌阿幫同料理該將軍等不時親往督察務須工歸實用不准

草率偷減。至從前提借滿洲營馬價銀一萬兩發商。以九釐生息。每年得銀一千八十兩。作為歲修之項。如有節省。另款貯庫。仍著循照辦理。以符舊制。○諭軍機大臣等。本日據都察院奏。直隸平山縣孀婦劉趙氏。遣抱告趙澱幅呈控。土豪部京等搶奪孀婦。威逼人命。已明降諭旨。交琦善督同臬司光聰。詣親提審訊矣。土豪部京等膽敢乘該孀婦劉趙氏歸省母家。中途搶去。逼令與部成用之子

部瑞成親伊父兄等控縣傳訊。部京等串通囊役張元凌等。捏造伊姑劉任氏價賣京錢八十千假契。該縣不查虛實。反將伊父掌責。伊祖趙良弼疊經上控。批府提訊。被府書張洛耀押追錢文。致令自縊。似此土棍擾害。該地方官平時即應嚴治。此案疊經上控。何以仍未訊辦。反將原告押逼自盡。著琦善即督同臬司光聰。詣親提嚴訊。務得確情。儻有不實不盡。將來別經發覺。惟該督及該臬司是

問。將此諭知琦善。並傳諭光聰。詣知之。○又諭本日據都察院奏。雲南宣威州武生王庭選等。呈控王庭耀等挾嫌殺斃伊叔州役蘇貴糾搶。砍傷伊姪身死。已明降諭旨。交伊里布督同何煊。親提嚴訊矣。王庭耀等挾嫌將王各二路截殺斃。該州驗明刀斧各傷。何以任聽賄差抽卷。捏稱狗咬斃命。州役蘇貴又糾同王生林等搶劫伊家。將伊族姪王泳明砍傷身死。如果屬實。大干法紀。該武生等在

臬司巡撫衙門俱控告三次。何以總不親提。未將王各二屍傷確驗。亦未將致死王泳明情節嚴究。致王庭選等萬里長途來京呈控。著該撫即督同臬司何煊。親提嚴審。務得確情。毋再回護瞻徇。致干重咎。將此諭知伊里布。並傳諭何煊知之。尋奏王庭選與王庭耀。王生林等有嫌。適王各二夜行被獸咬斃。王庭選用刀戳屍。誣告王庭耀等謀殺。州役蘇貴王開泰等往拏王庭選。王庭選將王開泰

傷斃。反捏稱王開泰父泳明為伊族姪。被王
生林砍死等情。上控王泳明現存訊。無其事。
將案犯分別定擬。下部議從之。○命伊犁將
軍玉麟派員往莫故哈薩克公阿布拉茶酒
賞銀三百兩。以其子阿奇木伯克襲爵。並賞
其弟台吉特那里。二品頂翎。幫辦遊牧事。○
甲子。

上御懋勤殿。勾到山西直隸熱河情實罪犯。停
決山西斬犯四人。絞犯二人。直隸斬犯二人。

絞犯七人。熱河斬犯一人。絞犯一人。餘五十
七人予勾。○諭內閣。前據御史奎麟奏。兵
部辦理武殿試。僅派書吏一名。將派出各員
鈔錄草單。貼於朝房門柱。實屬草率。當降旨
交兵部查奏。茲據奏稱。承辦司員先到午門。
旋即回署辦公。奏派原摺到朝房時。書吏按
圈出姓名。開寫清單。黏貼朝房門柱。雖查明
單內所開並無舛錯。字跡亦尚端楷。惟該司
員先行回署。並未在彼照料。究屬疏忽。著查

取職名。交部察議。嗣後各項考試。承辦衙門
務飭司員親自照料。不得僅派書吏。以昭詳
慎。○又諭內務府。造辦處奏。黑龍江將軍咨
稱。墨爾根城請換子母礮一位。照例由造辦
處庫存撥給等語。著管理造辦處內務府大
臣。將漢軍八旗都統副都統開列名單。奏請
簡派。派出之員。即帶同礮甲試放。必須及遠
有準。方准頒發。嗣後如有奏請更換礮位者。
無論庫存及新鑄。俱著照此辦理。○諭軍機

大臣等。本日據鄧廷楨奏。查拏要犯一摺。陳
端等聚眾窺伺。不法已極。必應趕緊擒獲。現
據該撫奏稱。將先經窩留陳端。陳堂。後又給
資縱逃之甘二。李七。張九成等緝獲。解交江
蘇。並究出來安縣關山地方雷淋芝家。亦有
匪犯情事。經來安縣緝獲雷淋芝。解交泗州。
訊據李七將陳端陳堂。送至伊家匿藏數日。
又送至與李七同夥賣鹽之金士華。金士友
家。此時又逃往江蘇六合儀徵等情。又據署

泗州王恩植稟稱盱眙縣余君壽曾向該州面回陳瑞等有潛匿烏龍岡信息該縣將雷淋芝暫留作線以便指緝烏龍岡是否安徽所屬抑係江蘇陳瑞等既有潛匿該處之信不難迅速跟蹤緝獲且有雷淋芝暫留作線更可向彼盤詰根追該撫即飭屬認真偵緝不許稍有鬆勁又片奏擒匪張二虛劉二翠等在河南信陽州及唐縣拒捕傷兵張二虛係安徽潁州府人恐聞拏緊急潛回原籍等

語著該撫飭屬將張二虛劉二翠並河南信陽州逃犯姓名一體實力會緝毋稍疏縱將此諭令知之○盛京副都統國祥等奏奏哈喇夷船駛至奉天海面派員驅逐得旨所辦俱是務要謹遵前降諭旨不可另生事故○裁貴州普定縣屬江隴土守備一缺從護巡撫麟慶請也○修江西南昌新建二縣圩隄從巡撫周之琦請也○緩徵江西南昌新建進賢星子都昌建昌安義豐城鄱陽萬年湖

口彭澤十二縣被水被旱村莊新舊正雜額賦○乙丑

上詰

皇太后宮問安○諭軍機大臣等前據穆彰阿會同陶澍將它隄一案現獲人犯定擬具奏經刑部議駁降旨交該尚書等再行妥擬現在穆彰阿另有交查之件當即迅速啟行所有它隄一案著交朱士彥敬徵會同陶澍將該部指駁各情節逐款研究確實按律妥擬

具奏不可稍存回護致有不實不盡未獲之陳瑞陳堂等仍著陶澍嚴飭緝拏至改河一事前旨亦交穆彰阿會同陶澍張井查辦穆彰阿啟程後朱士彥係原奏之人未便列銜會議著敬徵會同陶澍張井履勘形勢詳察利弊妥議具奏將此諭令知之尋奏改河情形誠如

聖諭經費不貲非旦夕可辦再四籌商實無把握恐舉未幾而廢即隨之於漕運大有關係

應請毋庸置議報聞○又諭御史瞿溶奏湖北已革恩施縣知縣左章晒來信開載十條均係湖北巡撫楊懌曾武昌府知府裕謙居官劣跡已派穆彰阿前往會同湖廣總督訥爾經額查辦另降諭旨將它隄一案交朱士彥敬徵會同陶澍審辦改河之說係朱士彥條陳交敬徵會同陶澍張井履勘覆奏穆彰阿接奉此旨即帶同司員由清江馳往湖北省城會同訥爾經額將左章晒所開十條按款說明儻左章晒有挾嫌洩忿情事此風斷不可長即從重治以應得之罪若該府等實有不公不法劣跡亦須水落石出不許稍有含混瞿溶原摺及款跡十條俱著鈔給閱看將此諭令知之○丙寅

上御懋勤殿勾到朝審情實罪犯停決斬犯七人絞犯四人餘十八人予勾○以革退湖北忠崗司土千總田詔元弟珍元襲職○蠲緩浙江海寧縉雲宣平餘杭新城建德淳安遂

安壽昌桐廬富陽海鹽武康新昌臨海天台仙居東陽開化分水松陽二十一州縣並杭嚴衛被水被旱被風村莊新舊正雜額賦有差除臨海縣沙淤石壓田地額賦給海寧縉雲宣平三州縣災民一月口糧○蠲緩浙江仁和場被水竈田蕩地新舊額課有差○丁卯

上詣時應宮拈香○諭內閣國祥等奏喀喇夷船業經開導南旋特叅巡查不力之水師各官請交部議處一摺巡查海面為水師專責乃盛京巡查夷船佐領徐士斌等於十月初二日在隍城島遙見夷船一隻當即駕船追逐初十日尚未追至蓋州稽延怠玩已極佐領徐士斌驍騎校韓兆鳳總巡佐領金立綱協巡驍騎校徐廷芝協巡防禦方珍等俱著交部議處仍責成該員等管帶弁兵查明該夷船下落尾追押令出境與鄰省海面巡查

官明白交替。如再有疏懈。即著據實嚴參。○又諭壁昌奏查勘屯田一摺。屯田為安邊便民。足食足兵之良法。前降旨令長齡等妥議辦理。茲據壁昌奏屯田招民。必須得人而理。始易集事。現派已革同知周廷芬帶領紳商周煥章、楊茂林等。在喀拉赫依地方興辦。倡率商戶捐借窮戶牛具籽種。籌辦尚屬妥協。著即派令該革員周廷芬等專辦該處屯田。仍責成糧餉章京福奎總理其事。該城地處

極邊。經營伊始。著明歲試種一年。後自道光十四年起。輕定科則。再令按畝納糧。以紓民力。該城之南舊河故道。著於明歲春融。令該革員等開墾水田八冊辦理。至巴爾楚克之毛拉巴什賽克三一帶荒地甚多。現雖有候選縣丞陳太平在彼承辦。惟該處開渠築壩工費浩繁。並飭該革員周廷芬等帶領有力商戶前往查勘料理。仍著總兵唐偉督催。如果辦理有效。該參贊大臣據實奏聞。量予鼓勵。

勵。○諭軍機大臣等。據國祥等奏。佐領徐士斌等稟報十月初二日。在隍城島遙見西南海面有啖咭喇夷船一隻。行駛甚速。當即駕船追逐等語。啖咭喇夷船。前由福建浙江江蘇山東等省外洋遊奕。又駛至朝鮮國。被該國王驅逐。不與貿易。今復由朝鮮駛至盛京。該夷行蹤詭譎。隨處逗留。殊為可惡。現據國祥等責成佐領管帶弁兵尾追。押令出境。與鄰省海面巡查官明白交替。著琦善、陶澍、程

祖洛、鍾祥、林則徐、富呢揚阿、魏元烺等嚴飭沿海州縣及水師營弁。帶兵駕船。於該夷船過境。立即驅逐。不許停泊登岸。將貨物與民人交易。致生事端。米糧尤不許沿海居民賣給。該夷船一抵廣東。即著盧坤、朱桂楨、中祥等嚴詰該夷船各省遊奕。是何意見。並諭以天朝制度。爾國祇應在廣東貿易。不准私越各省。嗣後務遵定例。不得有違。即飭該國大班管束。令迅速回國。將此各諭令知之。○又

諭據壁昌奏。卡外通商。夷情安靜。將大營糧臺。騰存軍餉銀十萬兩。糧料五萬餘石。作為備貯。本年賦糧足數二年之需。喀什噶爾籌辦事宜已竣。現起程前赴葉爾羌。會同誠端將該城及巴爾楚克。操防籌備各件商辦。明年夏秋。再來喀什噶爾。暫駐數月。以資彈壓等語。前有旨令壁昌回京。長清調補葉爾羌參贊大臣。長清到任後。會同興德將該城及巴爾楚克。後路操防籌備各件。妥為商辦。明年夏秋。著長清體察情形。如須暫駐喀什噶爾。再行奏明前往可也。將此諭令知之。○閩浙總督程祖洛等奏。查辦浙江嘉興湖州二府漕棍衙蠹。得旨。務須認真懲辦。勿稍姑息。不然。敝壞日甚。愈難料理也。勉之。○以亞聖孟子後裔廣均。襲五經博士。○以喀什噶爾修城通商出力。予總兵官周悅勝等議敘升賞有差。○以阿克蘇籌辦軍需出力。予主事銜德紳等優敘。即選有差。○旌表守正捐軀。

直隸雄縣民尹發妻張氏。獻縣民陳五妻劉氏。貴州思南府民婦田吳氏。○禮部議准。江蘇巡撫林則徐疏。報採訪宜興荆溪三縣孝子張應鵬等二十一名。順孫朱裕文一名。請建總坊旌表。從之。○撥盛京戶部銀十萬兩。分貯齊齊哈爾黑龍江墨爾根三城。以備急需。○戊辰。

上御乾清門聽政。○諭軍機大臣等。據穆彰阿奏。兇隄案犯陳堂。陳欽二名。續行拏獲。著朱士彥敬徵。陶澍提同全案研審確情。定擬具奏。現獲陳堂。是否確係查拏之要犯。抑係姓名相同。毋得稍涉含混。未獲之陳端。陳光南。著嚴催該督撫迅速密拏。又前據御史周彥條陳。淮鹽票引一摺。已有旨交穆彰阿陶澍嚴議。穆彰阿現往湖北。著敬徵會同陶澍體察情形。議奏。將此各諭令知之。○又諭據穆彰阿等查明入湖入黃各水勢。並桃南口門。及籌辦堵合情形。據稱于家灣裹頭盤定後。

口門現寬一百九十餘丈。過水二丈餘尺。節
交大雪。黃河來源不旺。入湖之水。有少無多。
而吳城七堡順清河。及禦黃壩外新河三處。
清口。雖經湖水大落。過水稍減於前。尚共寬
一百四十一丈。加以山盱義禮兩河共寬一
百一丈。合計二百四十二丈。過水深丈餘至
三丈餘尺。較之口門進水方數。有贏無絀。高
堰誌。截至十月十八日。存水一丈七尺五
寸。較全黃入湖盛漲之日。已消四尺四寸。察
看消多長少。誠恐分洩過甚。既無以塞下河
之來源。又無以收刷淤之全力。因於林家西
滾壩及智壩仁河堵合後。復將禮字河趕緊
興堵。日內即可完工。儻此後湖水再消。即當
接堵義河。於清口三處。酌量收窄堵閉。以資
蓄水濟運。至高堰山盱兩廳湖隄。前此水漲
之時。石工皆已入水。勢極危險。因關繫全河
大局。未敢啓放。攔湖壩座。加堰搶埽保護。幸
清口展闊深通。湖水旋即遞落。雖此後風信

靡常。掣卸石工。勢所難免。而漲水暢消。石工
後之十餘丈土隄。堪資捍禦。加以沿隄貯有
料石。可備棲護之需。易於保護等語。移影阿
現往湖北。陶澍辦理武闡完竣後。著即赴清
江浦。會同張井。詳細籌商具奏。其于家灣口
門。應俟正河挑有工程。定期堵築。著於天氣
連晴後。齊集人夫料物。加緊趕辦。務於歲內
堵合。即再有雨雪。亦必於春水未生以前。剋
期蒞事。毋致遲誤。將此各諭令知之。○又諭

寄諭閩浙總督程祖洛。本日據平慶由五百
里馳奏嘉義縣迪北閩粵莊民。因強牽牛隻
起釁。旋有閩莊匪徒。造謠煽惑。陳辦等乘機
糾夥。欲攻雙溪口粵莊。臺灣府知府呂志悌
親往彈壓。臺灣鎮劉廷斌。正值帶兵出巡。聞
信。即飭北路協副將葉長春。帶兵馳赴防堵。
並飭安平協副將周承恩。聽候調遣。劉廷斌
趕回捕賊五名。奪獲長矛鐵斧。將兇惡最甚
之矮仔豹。麻高二名。就地正法。同日副將葉

長春路遇賊匪執旗鳴鼓開槍拒捕隨督弁兵施放槍礮斃賊數名奪獲旗鼓各一面賊匪攻毀大墩等莊傷斃男婦擄掠幼孩次日又攻埔姜崙莊劉廷斌帶兵往拏賊復開槍拒捕兵丁用礮擊斃數人餘匪逃散嘉義迪南之佳里興巡檢衙門賊匪入搶衣物殺傷男婦丁役多人並傷斃教讀及弓兵又汛防兵丁一名下加冬汛防被賊圍搶殺斃兵丁一名請遴員調兵來臺勦辦等語臺灣人情

浮動素分氣類現在聚眾屢次拒捕罪大惡極亟應及早殲除該督接到平慶稟報自己籌調兵餉浙省並無要事著迅赴福建省城或酌派得力鎮將帶兵渡臺或親往相機妥辦六年間該處匪徒滋事前任閩浙總督孫爾準馳往廈門調度策應旋即赴臺督辦迅速竣事此次應否如前辦理總在該督確探情形自行酌辦現已降旨令平慶小心防守城池劉廷斌暫留臺灣勦捕張琴無論行抵

何處馳驛速赴臺灣隨同勦辦該督飛飭劉廷斌等將為首結夥匪徒迅速獲辦一面解散脅從撫安良善毋得稍延時日致滋糜費將此由五百里諭令知之○又諭劉廷斌已補授廣東提督現在臺灣勦捕要緊著劉廷斌督飭弁兵將迪北迪南等處賊犯趕緊撲滅毋使滋蔓俟蕩平後再赴廣東提督之任將此由五百里諭令知之○又諭新調臺灣鎮總兵張琴日前呈遞謝摺朕批諭著來見

現據平慶奏臺灣嘉義縣迪北匪徒造謠煽惑聚眾搶掠迪南復有賊匪殺斃巡檢衙門人口及汛防兵丁之事劉廷斌現在帶兵勦捕該總兵著無庸來京陛見無論行抵何處接奉此旨即馳驛速往臺灣隨同勦辦務期安速竣事毋致蔓延將此由四百里傳諭知之○又諭該賊匪東竄西逃恐附和日眾必須南北夾攻以免逃竄劉廷斌既已勦捕嘉義迪北賊匪首尾不能兼顧著平慶督率存

城兵弁晝夜巡防保固城池以鎮人心而嚴捍衛毋得稍有疏懈將此由五百里傳諭知之○以大理寺卿文蔚為都察院左副都御史詹事府少詹事恩桂為詹事○以保定等五處軍政年逾六十官七員精力未衰命留任○賞順天等省鄉試年老諸生黃璇光等三十六名舉人副榜有差○戶部議准江蘇巡撫林則徐疏報金山縣開墾田一項八九畝有奇青浦縣三項九十九畝有奇照例

升科從之○展八旗兵丁借支庫銀限期兩月○己巳諭內閣前據戶部奏烏魯木齊道光六年回疆軍需第三案內尚有未經報銷銀五十七萬三千五百九兩零當降旨飭令趕緊造報迄今將屆半年仍未造冊送部殊屬任意耽延非慎重經費之道著成格嚴飭承辦各員速造細數清冊送部覈銷儻再遲延著該部查取職名據實嚴參從重懲處決不寬貸○諭軍機大臣等昨平慶由五百里

馳奏閏九月二十四日嘉義匪徒陳辦等滋事當降旨令程祖洛迅赴福建或派得力鎮將帶兵渡臺或親往相機妥辦務將為首匪徒迅速擒獲本日據魏元烺奏報接據該鎮道稟即於十月十一日飭司先備餉銀十萬兩委員署海壇右營遊擊陳國榮候補知縣陳國瑞解交臺灣應用飛咨陸路提督馬濟勝管帶本標兵六百名興化營兵四百名檄金門鎮總兵實振彪管帶本標兵三百名水

師提標兵五百名迅渡鹿港直趨嘉義並派曾經出師著績之署副將謝朝恩管帶省標兵五百名長福營兵三百名桐山營遊擊保芝琳管帶連江羅源兩營兵四百名由五虎門對渡阻該匪北竄之路等語所辦似尚妥協程祖洛接奉前旨自己迅赴福建省城著體察臺灣情形如須親往即渡臺督辦可止則止昨據平慶奏臺灣有兵一千六百五十名合之魏元烺所調兵三千名計共四千六

百五十名。兵力不為不厚。此等烏合之眾。諒不難迅就剪除。著程祖洛相機調度。兩路夾攻。毋使滋蔓。所解餉銀十萬兩。當已足敷應用。毋稍糜費。將來得手後。兵丁應撤即撤。該督酌量辦理。朕亦不為遙制。務須安撫善良。解散脅從。將為首滋事各犯全數就擒。盡法處治。以副委任。將此由五百里諭知程祖洛。並諭魏元烺知之。○以寶坻等四處軍政年逾六十。官四員精力未衰。命留任。○庚午諭

內閣楊遇春奏。駐防滿洲營。明歲兵糧不敷。估支暫請加增採買一摺。寧夏滿洲營。歲需兵馬糧料。向在寧夏寧朔三縣倉貯糧內估支。如有不敷。再行採買。嗣經戶部奏定採買章程。滿洲營不得過一萬五千石。茲據該督查明寧夏寧朔二縣倉貯糧石業已全數估撥。並將本年新糧酌量搭估。尚不敷糧二萬七千七百六十七石零。必須採買。以免短絀。自係實在情形。著准其照數採買。以資兵食。

俟該二縣倉貯充裕。即遵照部議辦理。○諭軍機大臣等。本日據魏元烺由五百里馳奏。嘉義縣賊匪戕害府縣。添撥官兵糧餉。馳赴剿辦。一摺。據稱接臺灣鎮劉廷斌稟稱。嘉義賊匪陳辦黃鳳張丙詹通等三股分擾道路。梗塞文報不通。閏九月二十七日。探聞賊匪竄往紅山仔牛朝山等處。該鎮督同北路協副將葉長春追獲六名。連日賊匪又在埔姜崙樣仔脚店仔口各莊焚劫。臺灣府知府呂

志恆署嘉義縣知縣邵用之。護安平協副將周承恩分路追捕。邵用之在店仔口被戕。該鎮即前赴勦捕。惟兵數不敷。請內地派兵渡臺。又稱呂志恆聞邵用之被害。同護副將周承恩帶領兵勇馳往。初二日行至大排竹地方遇賊。眾寡莫敵。呂志恆被害。府印亦失。詢之呂志恆家丁。與興泉永道等稟報相同。現在先已添調漳州鎮標各營兵一千名。又調水師提標兵三百名。金門鎮標兵二百名。海

壇鎮標兵三百名。閩安協標兵二百名。派官帶領俱由蚶江對渡鹿港登岸。聽候陸路提督馬濟勝遣調。又添撥餉銀五萬兩。飭司速委妥員解臺。一面移咨水師提督陳化成。整齊兵械。以備調撥。並委臬司鳳來。馳赴廈門。帶銀就近接應等語。該賊匪分股肆擾。戕害府縣。深堪髮指。昨日魏元烺奏共調兵三千名。合之平慶所奏臺灣有兵一千六百五十名。本日又據魏元烺奏調兵二千名。統計六

千六百五十名。兵力不為不厚。兵餉十五萬兩。當已敷用。前降旨令程祖洛速赴福建。酌量渡臺。此時賊匪三股分擾。必應該督親往相機妥辦。六年間該處匪徒滋事。前任總督孫爾準即往廈門。渡臺策應。該督接到魏元烺函遞及奉前降諭旨。即當兼程前往。應帶兵弁官員。一面添調酌看情形辦理。朕亦不為遙制。魏元烺仍留省城駐鎮。以固人心。臺灣郡城為根本重地。著仍飛飭平慶等妥為

保護。該督等務須安撫善良。解散脅從。將戕害府縣之犯全數擒獲。盡法處治。以慰忠魂。將此由五百里諭令知之。○又諭福州將軍徐錕呈遞謝摺。朕批諭。俟桓格到任。交卸來京請訓。該將軍此時諒已在途。著無論行抵何處。即折回西安。聽候諭旨。將此諭令知之。○又諭玉麟等奏遵旨覈議巡邊章程一摺。本年巡邊遠至吹河。原為往察霍罕築堡情形起見。茲據該將軍等奏稱。現已查明築堡

情形。即不值頻年前往。至巡查布魯特邊界。係屬年例舉行。既有此次喀什塔克遇劫之事。則明歲巡邊更不可少。著照所請。循照向年規制。以查至特木爾圖。渾爾為斷。該將軍等務當查照從前巡邊定額。派定官兵。嚴飭該領隊等用心管帶。出卡後排隊啓行。不得前後參差。仍隨時加意防範。毋致疏虞。以肅軍威。而靖邊界。將此諭令知之。○陝甘總督楊遇春奏遵旨酌裁陝西甘肅馬步守兵一

千九百五十名下部知之。○命都察院左都御史昇寅刑部右侍郎鄂順安馳往西安查辦事件。以鄭親王烏爾恭阿署鑲紅旗漢軍都統。定親王奕紹署正黃旗滿洲都統。兵部尚書那清安署都察院左都御史。○以閩浙總督程祖洛兼署福州將軍。○命烏魯木齊提督哈豐阿來京陛見。○以解送烏魯木齊牛馬。予伊犁防禦伊勒哈布等議敘賞賚有差。○以涼州莊浪兩處軍政年逾六十官一員精力未衰。命留任。○予捕匪被戕福建知府呂志恆。署知縣邵用之。祭葬世職。○蠲緩山西隰山陰岢嵐定襄五臺崞薩拉齊七廳州縣被水被霜被雹村莊額賦有差。貸大同鎮駐劄災區兵丁倉穀。○緩徵甘肅皋蘭渭源金隴西平番寧夏寧朔靈平羅涇鎮原固原張掖秦禮十五州縣歉收村莊新舊額賦。○

上以冬至祀

天於圜丘。自是日始齋戒三日。○辛未。諭軍機大臣等。陶澍等奏淮安府知府周燾等在泗州雙溝地方將要犯陳堂拏獲。署泗州知州王恩植在崔家集地方將陳欽拏獲。陳欽供認聽從海東樓糾同陳瑞陳堂陳明陳光南孫在山等決隄放淤。伊與陳瑞陳堂同逃。陳瑞因有表親曾任山東東阿縣袁杰之子袁雙觀寄居東昌府城外。本是桃源人。投奔前去等語。著鍾祥派委委員至東昌府城外袁雙觀家。將陳瑞密速掩捕。勿稍漏洩。致令遠颺。該犯就獲後。鍾祥一面奏聞。一面派員小心押解清江浦。交陶澍會同朱士彥等歸案審辦。毋稍疏虞。將此由四百里諭令知之。○以成都軍政年逾六十官一員精力未衰。命留任。○予故伊犁將軍明亮。晉昌德。英阿。入祀惠遠城祠。從將軍玉麟等請也。○貸熱河圍場兵丁餉銀。○壬申。

上詣

南郊齋宮廡宿

實錄卷三十四

光

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十四

清 實 錄 道光十二年十一月上

大清宣宗效天符運立中體正至文聖武智勇

仁慈儉勤孝敏成皇帝實錄卷之二百二十五

禁修

道光十二年壬辰十一月癸酉朔冬至祀

天於

圜丘

上親詣行禮遣官祭

永陵

福陵

昭陵

昭西陵

孝陵

孝東陵

三五五

景陵

泰陵

泰東陵

裕陵

昌陵 遣官祭

孝穆皇后殯宮 遣官祭

端慧皇太子園寢 停次日朝賀 詣

皇太后宮問安 甲戌遣官祭

先賢之神 諭內閣前據那彥寶等秦考驗

成都軍政官員防禦濟忠阿年屆六十五歲精力未衰懇請留任已照所請准行惟思成都駐防官員眾多恐尚有逾歲人員當交兵部查覈茲據查出成都咨送冊內有世襲雲騎尉郭爾敏布一員現年七十七歲開註應留字樣此次各省將軍副都統等考驗軍政所有逾歲世襲官員留任之處均經陸續奏到乃那彥寶等僅將郭爾敏布留任報部辦理竟未畫一殊屬非是那彥寶海明著傳旨

嚴行申飭嗣後各省將軍副都統每屆軍政之期如有年逾六十五歲之世襲官員著秉公考驗具奏毋許含混報部諭軍機大臣等有人條奏河南通省錢糧從前並不短少自道光二年間各州縣共短正雜錢糧銀二百四十餘萬兩倉穀二十餘萬石之多吏役人等通同舞弊分肥即或上司查出無非推在民欠上司無可如何相沿日久恐無底止又河南山東等處本年秋成甚豐其所以亦報荒歉之故因各行交易買賣斗行經紀作價不平以致民心不定等語各州縣虧短正雜錢糧銀穀吏胥通同舞弊並有將豐報歉各情如果屬實於國計民生大有關係著穆彰阿於查辦湖北事竣後回京經過河南將所奏各情節嚴密查察務得確情據實具奏將此諭令知之○又諭昨據魏元烺由五百里馳奏嘉義賊匪戕害府縣一摺當即降旨令程祖洛迅速赴閩渡臺策應並令魏元烺

駐省坐鎮矣。本日又據平慶由六百里馳奏。臺灣府知府呂志恆家丁周琳逃回稟稱署嘉義縣知縣邵用之在店仔口莊遇賊向捕因所帶兵役無多被賊戕害伊家主暨護臺灣左營遊擊事都司周進龍前代理嘉義縣事南投縣丞朱懋同在縣城聞信即會帶兵勇追捕行至店仔口附近地方伊家主被賊用長槍戳傷墜馬伊亦被砍昏暈倒地醒後見伊家主屍停地上周都司朱縣丞及賊匪

不知去向又據探差回稱賊夥中有陳辦陳連張丙詹通黃奉等各執旗幟聚散無定每夥約有五六百人不等不知何人為首並云劉廷斌在下加冬一帶進剿殺賊甚多無如附和者眾賊勢未能稍減等語此次賊匪造謠焚搶甚至拒捕戕官實堪髮指前據魏元烺奏先後調兵共五千名合之臺灣一千六百五十名撥餉十五萬兩當足敷用程祖洛接奉屢次降旨當必兼程赴閩渡臺但兵貴

神速所調各處官兵隨到隨往斷不能到齊放洋無論何起先到著劉廷斌即派弁管帶以資勦捕平慶著加意防護郡城並確查護遊擊周進龍縣丞朱懋下落至此次起釁根由著查明一併據實具奏劉廷斌帶兵在嘉義勦辦業已旬餘著將勦辦情形奏聞務使沿途賊匪盡數勦除以通南北道路將此由五百里諭知劉廷斌並傳諭平慶知之○又諭寄諭閩浙總督程祖洛該督前奉諭旨自

己兼程前往所調各路兵丁一時未能齊到自應隨到隨往分起渡臺先為策應臺灣郡城根本重地必須加意保固該匪等亦可聞風震懼解散脅從務將戕害府縣之犯全數擒獲盡法處治以慰忠魂並確查護遊擊周進龍縣丞朱懋下落至該賊匪等起釁根由著該督於過臺時確切查明據實具奏將此由五百里諭令知之○賞八旗兵丁一月錢糧○乙亥命盛京將軍瑚松額馳往福建署

福州將軍、賞己革山西巡撫阿勒清阿、三等侍衛為科布多參贊大臣、以廣西勦辦搖匪功、巡撫祁墳提督蘇兆熊、總兵官文哲琿下部優敘、加祁墳太子少保、賞道員戚宗彝知府興仁同知易中孚、耿省修參將趙光璧、遊擊倭什洪、額馬廷凱、守備胡清泰、王錦繡、李志和、花翎千總康學勝等、藍翎參將滿承緒、烏蘭太、巴圖魯名號餘、加銜升敘有差、禮部議准、江西巡撫周之琦疏、報採訪廬陵縣貞節婦女郭胡氏等二百三十五口、請建總坊旌表、從之、丙子、大學士盧蔭溥因病請解任、得旨再賞假一月、安心調理、修山東運河上河兩廳橋閘石工、從河道總督吳邦慶請也、丁丑、封瑞郡王奕約生母徐氏為側室福晉、以故阿拉善親王瑪哈巴拉子貝子銜囊都布蘇、襲襲爵、戊寅、上詣皇太后宮問安、諭內閣奕額等奏本年冬至

開送承祭三陵職名、查據盛京兵部各驛報、於閏九月初二日戌刻、接到盛京禮部咨送太常寺公文、於初五日午刻、送至山海關內、交臨榆縣遷安驛接收、有各驛印收可憑、並無遲誤、著直隸總督詳細查明、何驛遲延遺失、據實參奏、尋順天府奏查係通州驛遲誤、請將知州倪警、交部議處、從之、諭軍機大臣等、本日據魏元烺由四百里馳奏嘉義賊匪滋事、添派官兵勦辦、加撥餉銀軍火器械、解往備用、一摺、據奏同知王蘭佩稟稱、嘉義地方南至府城北至鹿港一帶道路梗塞、文報不通、探聞臺灣鎮劉廷斌、於初四日在嘉義城外與賊打仗、兵丁死傷甚多、劉廷斌亦受傷、未知駐劄何處、又聞護安平協副將周承恩署澎湖、協副將溫兆鳳、俱於初三日在嘉義與賊打仗、亦有被害之說、嘉義縣城連日被賊攻打、兵民協力守禦、又據廈防廳稟報、有臺灣貢

生陳以寬於初七夜自臺灣府城到廈詢稱探聞賊匪聚有萬餘嘉義縣城被圍甚急離郡城一二十里俱有賊匪府城經文武雇募義勇日夜固守又據臺灣道平慶來稟護臺灣左營遊擊周進龍南投縣丞朱懋不知下落劉廷斌自初三日發稟後並無文報到省等語此次嘉義縣賊匪旬日之間何至聚眾萬餘其中必有附和被脅之人總須散其黨羽無使愈積愈多前據魏元煥奏調兵五千

名合之臺灣一千六百五十名兵力不為不厚本日又據提督馬濟勝奏帶兵二千名於十月十八日赴臺魏元煥又添調省城兵八百名陸路提標兵七百名派委員弁管帶由廈渡臺聽候調遣又續撥銀三萬兩解交鹿港廳收貯並籌撥軍火器械分解臺郡鹿港備用該督接奉前次屢降諭旨自必兼程前往所調各路兵丁一時未能齊到應隨到隨往分起渡臺先為策應保護臺灣府城以固

根本前已降旨令瑚松額署理福州將軍馳驛前往本日又降旨令馬濟勝於渡臺後確探劉廷斌駐劄處所速往會合接應並保護郡城聞乾隆年間勦辦逆匪林爽文等馬隊甚為得力將來朕或派馬隊兵丁赴臺協勦所需馬匹著程祖洛先為籌撥五六百匹豫備在彼免至臨時周章該督等總當相機速辦擒首惡而散脅從毋稍遲延滋蔓將此由五百里諭令知之○又諭馬濟勝奏前赴臺

灣勦賊即日帶印起程一摺據稱現已飭泉州城守營參將馬麟輝等先將標下兵丁配帶軍火器械馳赴蚶江配載船隻一面檄調興化協標兵丁星速赴泉同渡嗣又添調漳州鎮標兵一千名水師提標金門海壇閩安等處兵一千名令寶振彪等管帶均由蚶江對渡鹿港聽候調遣並飭馬麟輝等改赴廈門配渡該提督即於十月十八日起程等語前據平慶奏道路梗塞文報難通劉廷斌在

下加冬一帶殺賊甚多無如附和者眾賊匪未能稍減護左營遊擊都司周進龍代理嘉義縣事南投縣丞朱懋勦賊未知下落本日據魏元煥奏劉廷斌在嘉義城外打仗傳聞受傷該提督渡臺後著即確探劉廷斌現在何處即往接應會合相機勦捕迅速竣事勿令蔓延至臺灣府城尤為根本重地必須加意保固不可稍有疏虞現已飭令程祖洛迅速渡臺並添調兵丁在後策應賊匪自必聞

風解散立就殲除又另片奏請帶文員委辦事件候補縣丞蕭宗瀚候補未入流胡世燦俱著准其帶往將此由五百里諭令知之○又諭福建臺灣府嘉義縣現有匪徒滋事著楊國楨於河南全省兵丁內挑選一千名候旨調遣將此諭令知之○又諭福建臺灣府嘉義縣現有匪徒滋事著桓格於西安馬隊兵丁內挑選三百名候旨調遣將此諭令知之○命署福州將軍瑚松額為欽差大臣鑲

紅旗蒙古都統哈琅阿為參贊大臣帶領御前侍衛巴清德乾清門侍衛華山泰齊克唐阿凱隆阿並巴圖魯侍衛章京等三十員名馳往臺灣勦賊○散秩大臣祿義因疾請停俸得旨著賞給半俸調理○旌表守正捐軀山東沂水縣民孔傳祿妻程氏○己卯諭內閣給事中祥安等奏司付到庫逾限及官生捐項交庫遲延一摺定例解項捐項交庫俱有期限不容稍有遲逾茲據奏稱解官投批以後司付逾限不到往往遲至旬日以外難保無胥吏勒索等弊又官生捐項僅有掛號空冊並不將捐銀按期交庫著戶部將因何遲誤之處確實查明具奏尋奏查各司出付後或逢銀庫放俸放餉不及驗收或傳解官不到尚非有意延擱請嗣後餉鞘進城步軍統領衙門知照三庫檔房及戶部文批到司限三日內付庫該庫標到照舊例五日內驗收於原付註明付回承辦司分發給實收庫

大使廳發給批回均限三日如有勒索許解官稟究如由何處遲延分別查催叅處至官生捐項於收銀前一日將姓名銀數咨庫官生自行投納戶部無從催令上兌應令該庫酌覈辦理從之○又諭保昌奏挑挖旱河等工完竣據實報銷一摺道光十一年十二年熱河挑挖旱河並開通水道用過夫工銀兩著該部照例覈銷向來開通水道夫工銀兩係熱河道知會熱河總管查驗辦理至奏銷

時始將用過銀兩呈報殊不足以昭覈實嗣後著該道豫期估報該都統衙門以憑稽覈而免浮冒○又諭王麟等奏籌辦伊犁旗地佃種收租作為養贍公用並嚴禁弊端一摺伊犁土宇寬廣惠遠城可種地約計六萬畝巴燕岱可種地約計一萬三千餘畝該將軍等所請惠遠城分晰地畝租給回民耕種歲收地租抵放兵丁口食節省銀兩添補孤寡養贍壯丁差操俱著照所議辦理其巴燕岱

地畝得水較難著該將軍等督同該領隊西朗阿分投履勘開挖水道俟招佃得租亦照惠遠城貼補養贍差操以收實用並著責成各協領隨時稽查取具各佐領並無典賣侵肥切結如有前項情弊即將該佐領叅革治罪並將該協領嚴叅懲辦○又諭王麟等奏防兵訓練熟習請令暫留之提鎮各回本任一摺哈豐阿前已有旨令其來京陛見郭繼昌著即回任所有喀什噶爾訓練操防事宜

著移交周悅勝一手接管○諭軍機大臣等昨因福建臺灣府嘉義縣匪徒滋事降旨令楊國楨於河南全省兵丁內挑選一千名聽候調遣該撫接奉此旨即派總兵謝金章副將徐廷彪管帶迅速起程其都守以下員弁著該鎮等自行酌派曾經行陣各員將此由五百里諭令知之○又諭昨降旨令桓格於西安馬隊兵丁內挑選三百名聽候調遣該將軍接奉此旨即派副都統明禪協領忠靈

佐領善明管帶迅速起程並著面商史譜於該省綠營內揀派曾經行陣員弁十數員前往聽候差遣將此由五百里諭令知之○又諭福建臺灣府嘉義縣匪徒滋事著麟慶唐文淑於貴州兵丁內挑選五百名揀派副將張必祿遊擊馬貴等管帶迅速起程將此由五百里諭令知之○又諭福建臺灣府嘉義縣匪徒滋事著鄂山於四川兵丁內挑選一千五百名揀派得力將弁及遊擊包鄉卿候補遊擊馬彥彪都司良友才李黃等管帶迅速起程將此由五百里諭令知之○土默特郡王銜貝勒固倫額駙瑪呢巴達喇因病請展假允之以理藩院尚書博啓圖署正白旗領侍衛內大臣宗人府左宗人綿恩署正紅旗蒙古都統科爾沁扎薩克郡王僧格林沁署管理火器營事正白旗滿洲副都統安福署管理上虞備用處事鑲白旗蒙古都統高喀爾署管理善撲營事大學士長齡署虎槍

統領廣東按察使楊振麟因病賞假以高廉道許乃濟兼署按察使調雲南鶴麗鎮總兵官汪道誠為浙江處州鎮總兵官處州鎮總兵官高明德為鶴麗鎮總兵官○以伊犁屯田豐收子員弁議敘賞兵丁一月鹽菜銀子廣東出洋淹斃守備潘恩祭葬卹廕兵丁鄭煥高等二十六名賞卹如例庚辰上詣

宣仁廟

凝和廟拈香○命禮部尚書耆英為正使署右侍郎內閣學士文慶為副使持節齎冊冊封

彤貴人舒穆魯氏為

彤嬪冊文曰朕惟六宮起化鞠衣佐中間之勤九御修儀蘭殿重內官之選惟徽章之克協斯寵命之攸頒咨爾彤貴人舒穆魯氏質秉柔嘉性成淑慎飭機絲而襄事柘館揚芬佩箴管以分猷

萱幃錫慶茲仰承

皇太后懿旨晉封爾為彤嬪申之冊命爾其恩
承芝檢迓蕃祉以長膺度式椒塗勵芳規而
益懋欽哉○諭內閣和福奏查辦喫咭喇夷
船不力特參隱諱捏報及擅離汛守各員弁
兵役請交部分別議處並自請嚴議一摺蓋
州屬連雲島海口守汛卡官驍騎校富明阿
巡查防範是其專責自應帶領兵役梭織巡
邏何得任意擅離汛守以致夷人登岸入城

蓋州防守尉集成於同城官兵擅離汛守不
能查出揭報於前蓋平縣知縣張攀桂扶同
隱諱病斃夷人及夷人入城會報守汛兵役
盤獲意存規避捏報於後均屬咎無可辭驍
騎校富明阿著革職領催兵等著革役防守
尉集成知縣張攀桂著交部分別嚴加議處
和福著改為交部議處○又諭臺灣嘉義縣
匪徒滋事昨降旨頒給瑚松額欽差大臣關
防哈琅阿授為參贊大臣並派侍衛巴清德

華山泰齊克唐阿凱隆阿馳驛前往再著揀
派曾經出兵之巴圖魯侍衛章京等三十員
名一同馳驛所需車馬照例逐站更替著各
督撫飭委各地方官妥為照料俾得迅速
行毋稍遲誤該侍衛等務須恪守紀律秋毫
無犯倘有騷擾不法著該督撫據實奏奏仍
著瑚松額等隨時申誠嚴明約束不得絲毫
擾累如有違犯奏明嚴行懲辦決不寬貸○
賞欽差大臣瑚松額參贊大臣哈琅阿及侍

衛巴清德等治裝銀有差○以辦賑勸捐出
力予安徽知州高垂慶等升敘有差○以督
辦無為州墾工出力予安徽知州王恩植等
議敘有差○辛巳旌表守正捐軀直隸廣昌
縣民劉義全妻王氏○壬午諭內閣御史徐
培深奏解庫銀兩應令官解官交不得假手
吏胥以杜弊端一摺各省解庫銀兩如皆係
官解官交何至有截留在外虛出實收之弊
嗣後各省及各關解項交庫時著查庫科道

飭令解官眼同劈鞘兌收如解官不自到庫而他人代交者即指名叅辦並查係何人代交即送交刑部究辦○又諭那清安等奏查庫御史年力就衰請旨撤回一摺所奏甚是御史有稽查糾劾之責一切差使自須年力強健方可耳目周察庫務關繫錢糧出入現當整頓之時尤須得人經理給事中祥安年力就衰精神不能周到著即撤回本衙門當差稽查銀庫御史著扎克三去○寶授博啓

圖正白旗領侍衛內大臣添設古北口外豐寧縣屬依瑪圖霍羅地方八品委署驍騎校一員鄉長四名從察哈爾都統武忠額等請也○命惇親王綿悫帶領散秩大臣一員侍衛十員賜奠故土默特郡王銜貝勒固倫額駙瑪呢巴達喇茶酒內務府大臣克蒙額經理喪事予祭葬○癸未

上詣

皇太后宮問安○以兵部尚書那清安署翰林

院掌院學士○以署鑲紅旗漢軍副都統松筠為正紅旗蒙古都統宗人府左宗正敬敏為閤兵大臣大學士長齡為總理行營大臣管善撲營大臣虎槍統領理藩院尚書博啓圖為領燾大臣管中正殿事科爾沁扎薩克郡王僧格林沁管火器營事正白旗滿洲副都統安福管上虞備用處事○免直隸文安天津二縣被淹窪地額賦蠲緩吉林寧古塔伯都訥三姓阿勒楚喀拉林雙城堡七處

歛收旗民應交銀穀有差並貸口糧籽種○甲申諭軍機大臣等本日據平慶由六百里馳奏嘉義逆匪圍攻縣城鎮臣連次接仗及臺灣縣匪犯豎旗滋事當即拏獲正法一摺據奏初七日以後自郡城至嘉義一帶道路照前梗塞與劉廷斌音信難通前委代辦嘉義縣事之署佳里興巡檢施模聞出莊追賊不知去向十一日據探差稟稱十月初三日賊匪圍攻嘉義縣城劉廷斌在下加冬聞信

帶領將備於初四日前往救援沿途與賊接仗數次殺賊甚多弁兵亦有傷亡又據嘉義縣典史張繼昌雇夫齎稟來郡稱劉廷斌於初四日馳抵縣城內外衝擊賊匪退避初五初六初七等日賊匪連日攻城該典史隨同鎮臣竭力守禦用礮斃賊多人初八日賊匪從南北兩路退去縣丞朱懋與呂志恆同時被戕又據探稱賊匪中尚有劉仲劉港黃番婆等各自為首彼此相通逼脅良民入夥距

郡城十數里外劉仲劉港等賊匪數千屯聚窺伺郡城內僅有參將一員守備二員不能帶兵出剿又據彰化縣稟稱境內尚無賊匪但與嘉義壤地相接已雇募鄉勇保護又據鳳山縣稟稱境內尚無北路賊匪竄入惟本地零星賊匪乘勢截搶請添兵防守當即於澎湖兵內酌撥一百名同新到換班兵丁一百二十五名交千總許日高帶往協同巡防又據臺灣縣稟稱郡城迤南舊社莊有賊匪

林海糾人豎旗強封民人穀石當即派同知王衍慶沈欽霖帶兵擒獲陳電林隴黃祥李典四名林海中箭脫逃餘匪四散訊據陳電供稱林海聽陳辦等戕官攻城起意豎旗響應糾約該犯等入夥共有一百餘人於審明後即行斬決梟示又據探稱賊匪眾多道路阻隔該弁兵恐將餉銀軍火遺失不敢輕進現駐該處防守餉銀撤回另行籌運各等語所辦尚屬得宜前已屢次降旨令程祖洛迅

速赴閩渡臺督辦該督自必趕緊前往提督馬濟勝已奏報十月十八日自泉州帶兵二千赴臺計此時總可到臺探聽劉廷斌駐劄何所即會合勦捕昨又頒給瑚松額欽差大臣關防哈琅阿授為參贊大臣並派侍衛巴清德華山泰齊克唐阿凱隆阿馳驛前往揀派曾經出兵之巴圖魯侍衛章京等三十員名一同馳驛又調河南西安貴州四川兵俱令揀派得力將弁管帶迅速起程現在該省

所調兵數已不為不厚。平慶務當督率員弁紳士管帶兵丁鄉勇加意防守臺灣郡城以固根本仍令開通道路若探知劉廷斌馬濟勝駐劉何所並鈔錄諭旨諭劉廷斌馬濟勝知之將此由五百里傳諭知之○又諭臺灣此時望救甚亟該督接奉屢次所降諭旨自己遣程抵閩提臣馬濟勝計已渡臺該督是否渡臺想亦酌量定計昨又頒給瑚松額欽差大臣關防哈琅阿授為參贊大臣並派侍

衛巴清德華山秦齊克唐阿凱隆阿率領巴圖魯侍衛章京等三十員名馳驛前往勦捕並調河南兵一千名西安馬隊兵三百名貴州兵五百名四川兵一千五百名俱令迅速前往合之該省所調兵數兵力不為不厚該督無論何起先到即派弁管帶渡臺會同馬濟勝先行勦辦不必等候各路兵數齊集再右旋白螺在督署恭貯歷經帶往渡海最為吉祥該督此次應仍帶往瑚松額等放洋亦

令帶去俾資護佑將此由五百里諭知程祖洛並諭魏元烺知之○以雲南龍陵協副將邱奉岐為普洱鎮總兵官○撫卹朝鮮國遭風難夷如例○乙酉

聖祖仁皇帝忌辰遣官祭

景陵○濟山東運河並修微山湖隄從河道總督吳邦慶請也○除奉天義州水衝沙壓地四十五頃七十九畝有奇租糧○丙戌諭內閣鍾祥奏查獲藏匿罪人之犯提省審明並

將未能掩捕鄰境逃匪之知州請從嚴懲辦一摺陳端係它隄要犯曾於閏九月間竄至山東東平州知州程輔辰未能留心訪察迨准關往捕業已他竄非尋常疏忽可比程輔辰著交部嚴加議處仍勒令飭差購線偵緝有無弋獲另行辦理袁雙觀知情藏匿要犯著歸案究辦○諭軍機大臣等本日據魏元烺由四百里馳奏嘉義賊匪圍攻縣城鎮臣連次接仗殲賊及郡城拏犯辦理情形一摺

據稱十月二十九日接到劉廷斌初十日嘉義縣城所發印票稱初五至初八日賊眾晝夜用木皮檔竹梯圍攻該鎮親督員弁施放槍礮傷斃賊匪甚多獲爬城賊二名竹梯牛反多件兵勇間有受傷該鎮督飭副將溫兆鳳帶兵四百名出城轟斃賊匪多名生擒一名城外武生何朝仁等追獲賊目張糖即張淙賊匪潰散我兵將初四日陣亡護安平協副將周承恩守備李高然余國章及弁兵屍身四十餘具收埋訊據張淙等供稱聽從賊首詹通張丙執紅旗攻打南門張丙攻城時被礮傷面聞陳辦尚要糾賊攻城等供隨將該犯正法督令各總理分段開挖城濠砍伐附近竹園總理鋪戶俱尚急公此外小夫遊手之輩先經收為義勇那借口糧並致彰化縣由鹿港海道馳信郡城上下引兵前來分路迎擊先通道路各等語此據劉廷斌所稟十月初五至初九等日嘉義地方之情形又

於稟內聲敘十月初六日在嘉義縣城曾將逆匪戕害官兵監犯反獄及匪眾圍城委令嘉義典史張繼昌代理縣事並因隨帶摺紙遺失具稿寄請代繕具奏各緣由三次發稟俱未到省又接臺灣道平慶來稟與昨日平慶奏報相同昨已降旨將平慶奏報各情形及派瑚松額等前往並調取四川貴州河南西安各處兵數諭知該督等迅速抵閩瑚松額等日內亦即起程提督馬濟勝已報二十三日寅刻放洋此時計已渡臺程祖洛目下當早到閩其是否渡臺想亦定計先行勦辦一切軍火器械糧餉務必先期籌畫源源接濟勿致臨時支絀至劉廷斌既發印票何以不行具奏昨已傳諭臺灣道平慶探明馬濟勝劉廷斌駐劄何所鈔錄諭旨諭令該提督等知悉該督總當體察情形無論何起兵先到即派弁管帶渡臺迅速勦辦悉數殲擒以期海疆早靖將此由五百里諭知程祖洛並

諭魏元煥知之 禮部議准護山東巡撫劉
斯崐疏報採訪蓬萊縣節烈婦女郭趙氏等
一百五十口招遠縣楊毛氏等一百八十八
口請各建總坊旌表從之 丁亥以儀郡王
綿志署鑲紅旗蒙古都統 旌表逼嫁捐軀
廣東東莞縣民謝亞煥妻王氏 加賞廣安
門外普濟堂煮賑小米二百石

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十五

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十六

[illegible]

我

道光十二年壬辰十一月戊子月食諭內

閣昨派綿志署理鑲紅旗蒙古都統伊步履較遲嗣後每遇該旗帶領引見著加恩毋庸帶領諭軍機大臣等臺灣匪徒起釁根由屢次據魏元烺等奏報並未聲敘昨已諭令程祖洛詳查具奏著瑚松額等於渡臺後密加訪察究竟因何起釁賊匪拒捕戕官何以同在嘉義起事知府呂志恒知縣邵用之先後被戕又何以同在嘉義地方從前臺灣雖分類械鬪並無抗拒官兵戕害府縣之事是

否該知府等平日不得民情致有激變著瑚松額等詳細查訪不得因該知府等業已被戕稍為回護臺灣文武員弁自鎮道以至州縣如有貪婪不法辦理不善之處即著據實陳奏無得稍有隱飾滋事各賊目為首著名者何人若有如從前林爽文莊大田等務必設法生擒解京懲治其餘從逆各犯亦須盡數殲擒訊明後即行正法毋貽後患將此諭令知之○賞故土爾扈特休致副盟長貝子

沙喇扣肯銀三百兩○己丑諭內閣朕沖齡就傅時原任侍郎贈禮部尚書銜萬承風原任翰林院侍講學士加三品卿銜秦承業先後在上書房課讀盡心講貫深資啓沃即朕之今日尚能兢兢自守者皆兩師傅之功也眷懷舊學特沛恩施萬承風著晉贈太傅其子童生萬方楫著賞給舉人准其一體會試其孫候選府經歷萬長齡著遇缺即選秦承業著晉贈禮部尚書銜其子候選員外郎秦

繩曾著賞加四品卿銜嗣子監生秦象曾著賞給舉人准其一體會試用示朕誼篤師儒有加無已之至意○又諭前據給事中邵正笏奏江湖漲灘占墾日甚請飭查辦當降旨令該督撫等酌議具奏茲據陶澍等勘明各屬沙洲情形酌議覆奏疏通水利攸關弭患衛民江蘇自道光八年奏定章程後新漲沙洲均已分別歸公佃租及隨時剷除禁種既無阻遏水道亦無侵隱霸墾惟日久懈生或

致奸民私行圍築不可不防其漸該督撫等嚴飭各地方官每年於冬令水涸之時親詣濱臨江海河湖處所周歷查看如新漲無礙水道者方准照例歸公召佃升科其有礙水道者概行剷除淨盡具結送司轉呈備查儻查有沙地阻礙水道及隱匿占種情弊除占種之人嚴行治罪外並將該地方官據實查叅毋稍寬縱總期有司實力奉行奸徒知所畏忌庶於水利民生兩有裨益○又諭陶澍

等奏拏獲它隄要犯陳光南等解浦審辦等語。江蘇桃源縣奸民它隄節經降旨令陶澍等嚴緝要犯務獲究辦。茲據該督等奏現將要犯陳光南陳鳳台緝獲並獲陳欽供出之龔海結一犯俱著迅速解至清江浦交朱士彥等會同陶澍嚴訊。惟陳端係它隄首犯迄今未獲著該督等嚴飭各員弁勒限偵緝務獲審辦毋再遲延致干重咎。○又諭朕聞江西學政鄭瑞玉不協輿情降旨令周之琦認真訪查覈實奏。茲據奏稱該學政將亂號生員鎖發提調訊究係屬照例辦理惟場規不能嚴肅致書吏將不應進署之人混行帶入並令官親查號及覆試點名遲至巳午均屬違例等語該學政職司考校自宜整肅場規嚴防弊竇乃不能約束官親書吏覆試士子任意遲延致滋物議豈能勝學政之任鄭瑞玉著交部議處即來京聽候部議周之琦未能先事覺察自請議處之處著加恩改為

交部察議尋議鄭瑞玉降三級調用周之琦罰俸一年從之○升任廣東陸路提督福建臺灣鎮總兵官劉廷斌奏請大兵渡臺勦賊得旨調兵一事已有旨飭派於十一月月半前後由各該省起程矣汝但盡力守禦俟欽差將軍參贊到時此醜不足平也勉之○命翰林院侍講翁心存提督江西學政○緩徵江蘇宿遷縣被水灘地租錢○庚寅命二十二日在

大高殿設壇祈雪○

上詣

皇太后宮問安○諭內閣盧坤奏請調得力將弁數員以資訓練一摺廣東全省營伍訓練廢弛皆由將弁經歷行陣者少兵丁於紮營布壘進止機宜素未熟習以致臨事恒怯該督甫抵粵東整頓營務請於湖廣將弁曾經征調出師人員內酌調數員俾資訓練著照所請湖北黃州協副將薩勒哈善湖南寶慶

協副將王錫朋。均前在軍營打仗出力。准其調往廣東。所遺員缺。該省現有部推英俊。托精阿二員。奏留另補。著即以英俊。托精阿補授。湖南鎮溪營守備洪發科。鎮草左營守備鄧宏右營千總候補守備伍通標岳州營守備徐勇沅洲協千總田毓俊。永定營千總張志剛。湖北鄖陽鎮中營守備羅玉斌。提標前營把總候補守備趙如勝。左營把總候補千總賈良璽。俱准調往。遇有缺出。酌量請補。各

該省即行開缺。此係為整頓廣東營伍起見。他省不得援以為例。至營伍中吸食鴉片煙。最為惡習。必應禁絕。如兵丁有吸食者。即行斥革。將弁有吸食者。即行奏參懲辦。果能如是。方稱有效。該督總當認真整飭。隨時誥誡。法令必行。使將弁等加意講求。日久咸成勁旅。不可徒託空言。有名無實。○兩廣總督盧坤奏辦理綏徭善後事宜。○撫卹連山連陽山三廳州縣被難民人。○舉充徭長徭目。約

束排冲徭眾。給徭長外委頂帶。○委員稽察民徭貿易。○清查徭戶。編列門牌。○移撥三江崗守備駐鐵坑汛。竹子坪外委把總一員。馬槽屯紗帽陂。三江崗山溪。四汛兵三十三名。駐倒流汛。水竹塘額外外委駐竹子坪。虎又塘守備一員。外委把總一員。兵五十名。駐余高汛。余高汛把總駐茂古崗。茂古崗千總駐虎又塘。三江城協防額外外委一員。班瓦汛兵二十名。駐蓮花汛。○裁撤調兵。及軍需

局。量留戍防。○修整坍塌營卡。無庸建立碉臺。得旨所議尚屬周妥。俱如所奏辦理。但須隨時留心。認真稽覈。無論文武。有不稱任者。即行究懲。地方不靖。皆由此等劣員所致也。○懷之。○以大學士長齡為總諸達。○命光祿寺卿程德楷。仍在上書房行走。○以督修英吉沙爾城垣。並添蓋兵房衙署出力。予參將馬天錫等升補。加銜賞賚有差。○修直隸通惠河平下南浦二閘。從倉場侍郎貴慶等請

也。○蠲緩甘肅宜禾縣被霜村莊額賦有差。貸災民六箇月口糧。○壬辰諭內閣。那彥寶等奏越舊廳捫扒夷匪壘搶傷人各案。勦辦完竣。懇將前議各員開復賞還頂帶一摺。越舊廳捫扒支夷上年屢出焚搶。首要各犯均未緝獲。當將疏於防範。及延不報緝之該廳文武各員分別示懲。茲據那彥寶等奏稱。飭屬嚴加巡緝。勦殺夷匪二百餘名。該夷匪等稍知斂跡。復飭令建昌鎮總兵張琴調集漢

土官兵三千餘名。督同員弁土官分投確查。編聯漢番保甲團練巡防。招撫生熟夷眾一萬五千餘戶。選擇頭人遇有奸匪責令縛獻。夷眾感激。樂為效命。其捫扒支夷聞大兵前來。甚為畏懼。誓不敢再出滋事。送出被擄漢民一百一十四名。縛獻夷匪十七名。訊明各案。正犯正法。辦理甚為妥協。所有摘去頂帶留於地方協緝之前署越舊廳通判大竹縣知縣林丹雲前署越舊營參將督標右營遊

擊王進忠俱著賞還頂帶。降二級留任之前署建昌鎮總兵懋功協副將開明降二級調用之前署寧遠府事試用知府呂廷慶降二級留任之建昌道文綸俱著開復處分。以示鼓勵。該土司等承緝職名。免其開叅。鄂山桂涵等疏防處分。加恩寬免。在事員弁擇其尤為出力者酌量保奏。毋許冒濫。印部宣撫土司嶺如龍前未認真查緝。且係此案肇釁之人。著革去土司。照例治罪。此次調集漢土官兵鹽菜口糧及運費等。均係捐辦。並未開銷正項。著免其造冊報銷。○以睿親王仁壽大學士富俊禮部尚書耆英工部尚書穆彰阿御前侍衛戴銓為內大臣。○癸巳皇六子奕訢生。停閱善撲營貫跣。仍賞皮衣銀兩。○以承辦甘肅軍需報銷出力。予知府陳士楨等升敘選補有差。○以告退四川建昌道屬革布什咱安撫司阿蔥諾爾布子那木扎爾丹怎襲職。旌表守正捐軀廣東東安縣民

劉成業養媳謝氏。甲午。以京畿得雪。

上詣

大高殿行禮改祈為報。詣

皇太后宮問安。諭內閣。奕紀奏擅入紫禁城門。擲斷薩瑪房鎖之民人。請將該班章京等。交部嚴議一摺。民人王亮膽敢擅入紫禁城門。擲斷房鎖。不法已極。著交刑部嚴訊。紫禁城門為最緊要重地。該班章京等並未查出。殊屬疏懈。本日東華門進班之章京富呢雅。

杭阿著交部嚴加議處。護軍校護軍等俱著革退。奕紀司鑰長碩哈達亦屬失察。著交部分別議處。散秩大臣一等子瑞齡因病請開缺。允之。命貴州安義鎮總兵官德印來京調廣東高州鎮總兵官阿精阿為安義鎮總兵官。以貴州清江協副將張必祿為高州鎮總兵官。賞阿拉善親王囊都布蘇呢三眼花翎。乙未。諭內閣。兵部等部覈明各省裁減兵數繕單呈覽。內稱合計道光八年回

疆增添防兵鹽菜世職俸餉等項經費。又增口外各城等官養廉。仍有不敷之處。著大學士軍機大臣會同戶兵二部覈議具奏。至廣東廣西所裁馬匹。照例變價銀兩。著彙同裁存餉料等銀。一併報解。其餘各省所裁馬匹。作何辦理。著各該督撫即查明報部覈辦。又諭鑲白旗滿洲都統奏新襲儀郡王綿志應得俸銀外。曾經

特旨每年加賞銀一千兩。可否仍行賞給。請旨

一摺。嘉慶十八年。紫禁城內逆賊滋擾。綿志帶領章京數員及護軍人等首先進內奮勉殺賊。朕所深知。著加恩於應得郡王俸五千兩外。仍每年加賞銀一千兩。又諭玉麟等奏捐建伊犁

文廟。請頒扁額一摺。伊犁自入版圖。凡在祀典。照例興修。以時致祭。惟

文廟未經建立。近來旗民習戎之外。兼知讀書。舊設敬業學。棟宇傾敝。茲據玉麟等鳩工

修建殿廡門祠。規模備具。足供祀事。兩旁增建學舍。仍為敬業學訓課之所。俾遠徼旗民。敬教勸學。有勇進以知方。於治理大有裨益。著照所請。頒給聖協時中扁額。交玉麟等恭懸。用昭宸寓同文之治。此項工程。係該將軍等捐廉倡首。及各領隊總兵。兩城旗員綠營將備廢員紳士量力捐輸。免其造冊報部。春秋祭品。照伊犁各廟祭祀之例。一體報銷。○命署總管內務府大臣達三。前往熱河覆勘。

旱河工程。○以熱河捐設粥廠。予民人葛延福等議敘。○丙申。諭軍機大臣等。申啓賢等奏請撥給粟米。接濟貧民一摺。現降旨著倉場侍郎在京倉照數撥給。飭令妥為散放。此項米石。原係接濟貧民。務須認真經理。俾實惠均霑。方不致有名無實。著琦善遴委妥員。密往查察。如地方官辦理不善。胥吏有侵蝕剋扣等弊。即行指名叅奏。所派之員。務當慎重遴選。不可致令通同隱飾。尤不准先期洩

漏。將此諭令知之。○修直隸通州果渠村壩埽。從總督琦善請也。○撥京倉粟米一萬一千八百石。加賑順天武清三河良鄉房山昌平順義懷柔平谷八州縣災民。○丁酉。

上詣

壽康宮前殿行禮。後殿問

皇太后安。○諭內閣。大學士長齡等會奏請將李鴻賓等從重治罪一摺。已革協辦大學士兩廣總督李鴻賓。辦理連州徭匪。節次所奏

軍情。訊無含混情形。尚非故意遷延。而辦理不善。耽延月日。罪實難逭。至連州督師五路進兵。晝夜遇賊。致傷兵弁。所奏率多粉飾。又兵丁吸食鴉片煙。難於得力。雖隨同稽恩等辦理徭匪完竣。僅罰賠三成軍需銀兩。尚不足以示懲。李鴻賓著從重發往烏魯木齊效力贖罪。已革休致廣東提督劉榮慶。廢弛營務。致兵丁吸食鴉片煙。臨事不能得力。平素毫無整頓。其五路進兵。猝遇賊匪。傷亡兵弁。

伊係統兵大員。厥咎較重。雖年逾七十。不准納贖。著從重發往伊犁充當苦差。○諭軍機大臣等。本日據程祖洛等奏。先赴廈門。相機渡臺。勦辦。並探報提鎮先後抵臺。日期一摺。覽奏俱悉。嘉義以北匪徒陳辦等。因與粵莊爭牛細故。毀莊拒捕。嘉義以南賊匪詹通等。同時響應。搶劫衙署汛防。拒殺兵民。戕害府縣將弁。攻圍縣城。勢甚猖獗。彰化以南。亦有匪徒黃城聚眾。離縣城數里之荊桐腳加犂

莊。均被焚毀。副將葉長春會同該縣李廷璧。保守城池。現在提督馬濟勝。已於十月二十八日收進鹿耳門。總兵實振彪。於十一月初二日由鹿港登岸。臺郡居民安堵。嘉義縣雖屢被賊攻。劉廷斌竭力固守。現計先後調發內地官兵。及臺灣道就近調澎湖兵。併本年撥成班兵。共七千數百餘名。兵力不為不厚。程祖洛到廈門後。著體察臺灣情形。儻馬濟勝等到臺。力能進取。即飭令會同劉廷斌。勦

辦。程祖洛即飛速渡臺。辦理善後事宜。將賊首生擒解京。盡法懲治。再將內地官兵先行陸續撤回。以節糜費。儻賊眾兵單勢難。即行殲除。著飛飭馬濟勝實振彪與劉廷斌。遙為應援。以保守城池為第一要著。毋稍輕率。或有挫失。轉令賊勢鴟張。並著程祖洛暫駐廈門。不必渡臺。朕已派瑚松額為欽差大臣。哈琅阿為參贊。並飛調河南兵一千名。西安滿洲營兵三百名。此二處俱奏報起程。並調四

川兵一千五百名。貴州兵五百名。程祖洛即飛催瑚松額等趕緊遄行。俟大兵到齊。一鼓作氣。聚而殲旃。勿留餘孽。再臺灣四面皆海。若賊勢窮蹙。難保不竄入海中。檢捕更形棘手。著程祖洛豫飭沿海各隘口。多派兵弁。梭織巡邏。嚴密防堵。無任一名漏網。儻有疏虞。惟程祖洛等是問。至程祖洛所奏密札戴雄挑備精兵二三千名。聽候調用。自係尚未奉到節次諭旨。此項兵丁。似不如陝豫川貴等

省官兵之勁勇著體察情形如可不用即檄令停止將此由五百里諭知程祖洛並諭魏元烺知之又諭本日據程祖洛馳奏已於十一月十一日馳抵福建省城日內即可做裝赴廈門馬濟勝等管帶內地兵丁業於十月二十八日及十一月初二日渡臺等語前此調派各省弁兵計此時均可陸續啓程瑚松額等著即迅速前進毋稍遲延所有程祖洛等摺片及寄該督等諭旨一道俱著鈔給閱看將此由五百里諭令知之○戊戌諭內閣本年屆應軍政之期兵部將在京步軍統領總兵護軍統領都統副都統鑾儀使內務府護軍統領在外駐防將軍都統副都統參贊領隊大臣提督總兵開繕履歷清單進呈朕詳加披閱內鑲黃旗蒙古副都統富永正藍旗漢軍副都統六十五內務府鑲黃旗護軍統領壽格江寧將軍巴琿阿廣州將軍慶保福州副都統富亮俱年力衰邁著以原品

休致富永富亮曾經出師應否給俸該部查例辦理陝西固原提督楊芳甘肅提督胡超操練認真又在回疆奮勇出力廣西提督蘇兆熊於廣西芳林渡勦捕強匪辦理有方湖北提督羅思舉勦辦湖南逆強埽蕩蕩平歲事迅速湖南提督余步雲在湖南廣東督辦強匪屢次立功四川提督桂湧訓練有方辦理越舊廳捫扒夷匪責令縛獻夷眾甚為妥協廣東南韶連鎮總兵曾勝勦捕逆強屢著勞績廣西左江鎮總兵文哲璉在芳林渡殲斃強匪多名阻其西竄甚屬奮勇均著交部議敘餘著照舊供職其造冊遲延之將軍奕額副都統富亮提督李增階總兵譚安張大鵬蘇勒當阿溫承弼珠爾杭阿俱交部照例議處將軍徐錕桓格提督唐文淑余步雲羅思舉蘇兆熊總兵曾勝阿精阿文哲璉或甫由軍營凱撤或甫經調補遲延尚屬有因俱著免其議處又諭御史豫泰奏奸商買空

賣空有妨民食。請旨查禁一摺。本年直隸被旱地方。全賴糧價平減。藉裕民食。據該御史奏稱。王田遵化等州縣所管林南倉。平安城子暨開平各鎮。有奸商數十家。設立永泉吉祥富盛源豐福隆益慶字號。邀羣結夥。買空賣空。把持市價。該商狡詐漁利。並無一粒實糧。但憑紙寫。名為批空。增價另售。輾轉壟更。以致糧價日貴。民食愈艱。於窮黎大有關礙。著琦善確查嚴辦。王田等縣如此。他處暨各直省諒亦不免。著各督撫嚴飭所屬州縣。查有奸商買空賣空。即行懲辦。並於各村鎮商賈輻輳之區。剴切出示曉諭。俾知儆懼。以平糧價。將此通諭知之。○協辦大學士吏部尚書文孚等議。奏龍泉峪將來應添設官員兵丁。此時寶華峪仍須照常備辦。酌裁筆帖式四員。牛吏一名。拴馬人十二名。其餘官員兵役。有出缺者。毋庸再補。餘騰官員俟孝穆皇后梓宮奉移龍泉峪時。隨往當差。餘騰

兵役。能否隨往。分別辦理。其由內撥往寶華峪首領太監二名。太監三名。俟奉移有期。內務府請旨遵行。公主園寢。於

孝穆皇后梓宮奉移後。輪派

五陵驍騎校披甲值班看守。祭事歸

景陵內務府衙門承辦。從之。○以正藍旗滿洲副都統巴哈布。為江寧將軍。調荊州將軍慶

山。為廣州將軍。以貴州威寧鎮總兵官蘇勒

芳阿。為荊州將軍。調正紅旗蒙古副都統富

兆。為福州副都統。○予貴州故山東曹州鎮

總兵官劉清。入祀鄉賢祠。從護巡撫麟慶請

也。○以江南糧價較昂。命緩買江安蘇松各

幫丁行月等米。○己亥。諭內閣。朕每年春月。

諏吉謁

陵。歲以為常。本年夏間亢旱。得雨較遲。秋成不

免歉薄。吾民方辛苦墊隘。之是憂。若明年仍

照歲例舉行。蹕路所經。不能不藉資民力。朕

甚憫焉。東作方興。閭閻元氣未復。急應與之

休息敬思

列祖

列宗愛育黎庶之心。何忍以車馬供億。重勞吾民。著暫停前往。想

在天之靈。實鑒此心。仍恐不肖州縣影射科派。吏胥藉端滋擾。著琦善督飭藩司顏伯燾。刊刻謄黃。徧行曉諭。隨時嚴查。如有弊端。即行叅辦。以副朕軫念畿輔災黎至意。○以故喀爾喀土謝圖汗扎薩克貝子倫布多爾濟子

德勒克多爾濟襲爵。○調鑲白旗漢軍副都統聯順為正藍旗滿洲副都統。以乾清門頭等侍衛那桑阿為鑲黃旗蒙古副都統。吉凌阿為正紅旗蒙古副都統。內閣學士文慶兼鑲白旗漢軍副都統。鑲白旗護軍參領孟魁為正藍旗漢軍副都統。○以河南荊子關協副將都勒豐阿為貴州威寧鎮總兵官。○旌表守正捐軀浙江錢塘縣民葉京得妹七姑。貸陝西漢中興安商三府州屬並寧陝孝

義二廳。歉收貧民口糧。以安康縣糧價較昂。撥南鄭城固西鄉三縣倉穀平糶。○庚子。諭軍機大臣等。陶澍等奏十月二十八日。余山直東洋面有夷船一隻。豎立三桅。載有礮械。桅上有旗。寫天竺國商船字樣。該船有說華語之人。據稱天竺係喫咭喇屬國。船內裝載呢羽等物。並稱在直東大洋有江南遭風船隻。經該夷救起水手十二名。現要送交等語。並稱答話之人係前次喫咭喇船內之夷夥

甲利。據云前船已回。此另係劉羅船。殊不可信。該夷狡詐性成。難保不藉此為更換面目之計。且船自北來。甫由奉天折回。又駛至江蘇洋面。恐又闖入他省。著奕訢琦善陶澍程祖洛鍾祥林則徐富呢楊阿魏元煊等分飭沿海文武員弁。夷船到境。立即驅逐。不許停泊登岸。將貨物與民人交易。所需水米。尤不准沿海居民賣給接濟。祇須嚴密防堵。斷不准用礮轟擊。及上船搜查貨物。以致滋生事

端。是為切要。該夷船一抵廣東。著盧坤、朱桂
楨、中祥等諭以天朝制度。祇應在廣東貿易。
務遵定例。不准私越各省。即飭該國大班管
束。飭令迅速回國。至該夷用腳船送出難民
徐勝等十二名。訊均係崇明縣人。在周長發
船充當水手。尚有劉連一人。見寧波船救去。
著陶澍、林則徐確查。崇明縣有無周長發商
船出口之事。據實具奏。將此各諭令知之。尋
陶澍等奏。崇明縣周長發船出口裝載豆石
是實。報聞。○貸江寧駐劄災區八旗官兵兩
月餉銀。○辛丑。諭內閣。盧坤等奏防勦事竣。
酌議善後章程一摺。廣西賀縣。猺匪滋事。勦
捕完竣。善後事宜。自應隨時變通。以期永臻
綏靖。茲據該督等奏稱。猺人生計艱難。每被
地棍遊民欺壓。著責成各該縣。每於季首輕
騎赴山。傳諭各猺目。如有前項人等。立即稟
究。民人侵占猺業者。查明退還。猺人在山外
承佃民業者。照舊耕種納租。若赴墟市交易。

不得任聽奸徒欺詐。猺人涉訟在官。諭令該
猺目等交出。毋許兵差入山拘擾。違者役處
官叅。儻有漢奸赴山勾引為匪者。許該猺目
等稟究。猺人私藏鳥槍。著徧行曉諭。繳官領
價。鐵匠鋪戶。受賄違例鑄造。嚴拿治罪。民人
賣給火藥。照私販硝磺例究治。失察之地方
官。一併嚴叅。尤不得任聽書役人等以查繳
鳥槍為名。藉端索擾。至猺人之安分與否。惟
附近猺山紳民人等。聞見較真。即飭各州縣
文武官員。於附近猺山。選擇公正紳士。誠實
鄉民。隨時曉諭。令各安耕鑿。毋許滋事。儻有
外來匪徒。入山嚇詐。及猺頭不能妥為經管。
致眾猺不服者。該紳民等稟報究辦。並將懂
事良猺隨時獎勵。至猺人性多愚拙。易於煽
惑。著就各冲設立義塾。於附近紳衿中。擇延
品端學正之士。以四子等書訓課猺童。各該
縣隨時親臨查察。其穎秀可教者。優為獎勵。
並恭宣

聖諭廣訓俾猺眾漸知禮法。勉為馴良。數年之後。果能讀書向義。酌量奏明。設立猺童學額。至所請重官守以資治理。選猺目以定賞罰。二款著該部議奏。旌表守正捐軀直隸雄縣民任明義妻趙氏。○壬寅。諭內閣。尹濟源奏蒲灘津貼銀兩。籌款生息歸補一摺。前據阿勒清阿奏請將津貼蒲灘貧民三年銀兩。借款動放。捐廉歸補。並飭司籌補地丁原額。當降旨交尹濟源妥議具奏。茲據奏稱蒲灘禁止私曬。官引暢銷。商網受益。自應以商力之有餘。濟小民之生計。惟三年內商力未復。亦未便遽令商捐。請在河東道庫銷價生息項下暫行借動。提款生息歸補。著照所請。准將津貼蒲灘貧民。自道光十二年起至十四年止。三年共銀二萬七千四百五十二兩零。又代完灘地錢糧銀一千六百二十九兩零。先在商捐銷價生息間款內按年借動。並提出銀三萬兩發商。按月一分生息計至八年。

連閏應得息銀二萬九千餘兩。歸足津貼代賦借動原款。即將本銀三萬兩提回貯庫。又據另片奏。灘民獲有津貼。生計不致拮据。恐閱時既久。故智復萌。且商夥人數眾多。或有作奸牟利之徒。藉官夾私。勾串灘民。乘間曬賣。不可不防其漸。著該撫嚴飭該管文武各官。並委員等嚴密稽查。如有前項情弊。即時破案。儻員弁兵役營私包庇。一併嚴行叅辦。嗣後該省巡撫查閱營伍。及盤覈河東道庫。順道親往查察。如日久弊生。隨時具奏。實力整頓。不得視為具文。又諭本日盧坤奏堵捕外洋盜匪摺內。稱稽查舊案內地民人。因與越南壤地相接。多有越境採捕。該國王嘗咨呈查辦。前任總督亦嘗照會該國辦理等語。李鴻賓身任兩廣總督有年。此等關涉外藩事件。何不奏明辦理。著軍機大臣會同刑部。即提李鴻賓審訊。令其明白登覆。取錄供詞具奏。尋奏傳到李鴻賓。據供前該國王咨。

呈內。僅請飭禁漁船越境採捕。並未指有漁船滋事。當即嚴飭查禁。並照會該國王。查舊案粵省與越南交涉。除朝貢及通市。或侵犯邊界。應行具奏外。偶遇照例事件。均止照會。是以未經陳奏。謹錄供呈覽。報聞。○諭軍機大臣等。據鍾祥奏。江南決隄要犯陳端。前據袁雙觀供。該犯欲往濮州城西武家莊。武姓家投住。查明濮州境內並無武家莊。祇有吳家莊。亦無姓武之人。旋據江南移會該犯實

欲往濮州吳家莊。茲委員訪得濮州吳家莊吳振川。實與陳端交好。十一月初九日。陳端曾在吳振川家告貸。吳振川資助盤費。伴送出境。前往江南投首。現飭文武員弁馳往濮州一帶。分路掩捕。並委提吳振川家屬來省。究追陳端確實蹤跡等語。陳端前由東平州逃往濮州吳家莊。既經吳振川資助伴送。其家屬等自必知其下落。所稱前往江南投首之語。斷不可信。該撫即飛飭文武員弁。密速

掩捕。並提吳振川家屬。親自訊明逃往何處。即跟蹤追緝。獲後派委妥員。將陳端及吳振川一併解往江南。歸案審辦。將此諭令知之。○又諭本日盧坤奏。據報福建臺灣嘉義縣賊匪滋事。分飭文武。不動聲色。戒備巡防一摺。南澳鎮總兵莊芳機。本日已降旨調補瓊州鎮總兵。其南澳鎮總兵之缺。著沈鎮邦補授矣。南澳為閩粵兩省出入門戶。莊芳機著督率舟師。加意巡防。並會同潮州鎮道知府。

鎮靜彈壓。密飭所屬文武。揀派員弁兵役。在水陸要路稽查。如有臺匪竄入。協力兜擒。毋使一名竄匿。莊芳機著俟沈鎮邦到任後。再赴新任。閩省官兵渡臺。一切軍火等項。儻有應需策應之處。該督接到知會。不分畛域。隨宜協濟。是為至要。將此諭令知之。○又諭盧坤奏。廉州瓊州二府所屬外洋。毗連越南處所。聚有盜船。散出劫掠。現飭堵捕。緝擒盜匪多名。務清洋面一摺。據稱廉州府知府張培

春稟報探得越南紅螺沙口白龍尾洋面有匪船三十餘隻。盜匪數百人肆劫越南國現有師船緝捕。難保不竄越內地。該督即咨行水師提督李增階並各該道府等會拏。嗣據代理欽州知州胡燦廷恩勒州判沈炳文稟稱在竹山洋面遇盜。督帶水練兵勇漁船擒獲盜匪阮亞管等三名。格斃四名。合浦縣知縣翁忠瀚稟報召募鄉勇漁船。選派差役巡至南滿外洋。遇盜截拏。該匪放槍抵禦。適龍門師船及廉州營弁欽州兵差追至。格斃張亞四一名。溺斃六名。生擒李亞德等五名。起獲槍刀旗幟。該縣訪詢紳耆。澳甲探得盜蹤在孤懸海外之潤洲。即會同廉州營遊擊區成達詣海口八字山等處演放礮位。以張聲勢。使盜匪不敢登岸。又令兵役漁船在潤洲左近佯作捕魚誘緝。見大蝦蟇盜船豎旗排列槍礮。正在搶劫商船。官兵四面兜捕。格殺盜匪三名。又格傷溺斃五名。將盜匪梁亞有

等擒獲。併獲盜船一隻。及槍礮等械。又於另船生擒藍亞晚等六名。被劫難民六名口。究出大頭目楊就富蓋海老。蓋海老係越南國人。又據李增階咨稱副將李賢等巡至崖州三亞外洋玳瑁洲。與越南夷洋接壤。見匪船三隻。每船約一二十人。當即追捕。記委陳鴻恩等被傷。兵役奮前施放槍礮。打沈匪船一隻。擊斃拒傷水手賊匪一名。溺死者不計其數。生擒朱亞二等十二名。該匪等現聚夷洋甲洲山島護賊。與龍門協所屬竹山不遠。該署鎮已飛飭龍門舟師。購線偵探。聞有匪船三十餘隻。常在馬洲老鼠山甲洲等處踞占。時出遊奕。今被廉州等處擒殺多名。已經喪膽。自不敢深入內地。現覓雇儋州紅魚船。配坐兵丁。行駛洋面誘緝等語。所辦尚屬妥協。惟華夷洋面雖連。而疆域攸分。必須確悉情形。方可計出萬全。盜船在洋行劫。固應嚴密追擒。賊巢越在夷境。應密咨該國嚴飭夷官。

多撥師船。厚集兵力。訂期會剿。俾首尾牽制。併力殲除。肅清洋面。該督即飭李增階會同道府等分頭堵捕。一面檄諭該國王合力同心。剿除淨盡。於內地固為有益。在該國亦免劫掠。盧坤素為曉事。檄文自能措詞得體。務須剴切宣示。令該國王敬服。合力剿捕。迅速肅事。海口出入商船。著嚴行稽查。毋許以軍火米穀濟匪。傷亡弁兵。查明照例辦理。所需經費銀五千兩。准其動撥備用。此等積猾奸民。因壤地相接。越境行劫。若及其黨羽未滅。設法緝拏。何至日久滋蔓。總由李鴻賓辜恩溺職。延不查辦。一至於此。可恨之至。該督檢查舊案。內地人民越境採捕。該國王曾咨呈查辦。前任督臣亦嘗照會該國辦理。李鴻賓從前曾否辦理之處。著一併查明據實具奏。將此由五百里諭令知之。以捐築山東汶上縣馬踏湖隄。予知縣周燦庭議敘。戶部議准。陝甘總督楊遇春疏報烏魯木齊頭屯。

蘆草溝塔西河三所墾種地十六頃五十畝。照例升科。從之。

大清宣宗效天符運立中體正至文聖武智勇仁慈儉勤孝敏成皇帝實錄卷之二百二十六

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十七

聖母昭顯皇后是日崩於宮太子太傅禮仁閣大學士文淵閣總理事務戶部尚書上書房總辦徐承曾奏請
大皇帝聖體尊嚴一五載祀數十八次自寶壽廟歲時親詣宮中書院讀書奉祀宮中書院內官及自備家
七舍大臣皆宜會同稽察每加一載應奉祀三載祀數五次其於沙納呼爾等官亦宜開闢書院內官亦宜稽察
內務府大臣及各省巡撫等官亦宜稽察每加一載應奉祀三載祀數五次其於沙納呼爾等官亦宜開闢書院內官亦宜稽察
聖母昭顯皇后是日崩於宮太子太傅禮仁閣大學士文淵閣總理事務戶部尚書上書房總辦徐承曾奏請
聖母昭顯皇后是日崩於宮太子太傅禮仁閣大學士文淵閣總理事務戶部尚書上書房總辦徐承曾奏請
聖母昭顯皇后是日崩於宮太子太傅禮仁閣大學士文淵閣總理事務戶部尚書上書房總辦徐承曾奏請

道光十二年壬辰十二月癸卯朔諭內閣本

日兵部將各省將軍等保舉堪用都司之防
禦廉春等七員帶領引見已交兵部記名矣
朕思此項人員俱備綠營之選自應令在朕
前射箭觀其技藝之優劣定去取而壯干城
每年冬三月進宮後照例祇令開弓不令射
箭似不足以昭覈實著兵部傳知各省將軍
等嗣後保送堪勝綠營都司等官俱著自春
間開印後起至九月止送部引見候朕閱射
布靶觀其挽強命中之能以拔真才而修武

備○又諭吳邦慶等奏攔黃堰土埽工程劃
分官民修守各專責成一摺前因黃沁廳屬
攔黃堰鑲修工段逐年增加需費繁重降旨
交吳邦慶等將新生埽工應否攤徵並如何
劃分段落會商妥議奏明辦理茲據該河督
等覆奏攔黃堰官修埽壩並埽後堰工共長
一千五百四十四丈民堰共長二千五百一
十七丈現在要工皆在官修段內其民修段
落長丈雖多而應鑲埽工僅止數段餘俱距
河較遠祇須照常辦理儻此後民修段內或
因河勢北卧接生新工所需錢糧請先在司
庫借用歸於河北三府攤徵遇有幫培土工
仍循舊章彙同沁隄估辦等語均著照所議
辦理惟何處應歸官辦何處應歸民修必須
趕緊劃定段落俾免因循推諉民修段內新
生要工所借司庫錢糧歸於河北三府攤徵
之款將來應如何按照缺分繁簡分別成數
多寡並勘立界石慎重防守一切章程著吳

邦慶楊國楨會同詳細妥議具奏尋奏西自裏頭頭埽後身起東至官工尾挑壩後身止堰長一千五百四十四丈應歸官辦其西自青峰嶺腳起至東接官工頭止堰長一百八丈又西接官工尾起東至沁隄尾相接處止堰長二十四百九丈應歸民辦將來民修段內遇有新生埽工動借庫款按照河北三府地糧銀數多寡分年均攤從之○禮部疏請道光十三年元旦應行禮儀得旨是照例行

禮奉

皇太后懿旨停止筵宴其在外福晉命婦進內行禮之處並著停止○以鑲白旗漢軍副都統賡音通阿署鑲藍旗蒙古副都統○戶部議准浙江巡撫富呢揚阿疏報象山縣開墾蕩田一項五十八畝有奇瑞安縣瘠田三十畝有奇照例升科從之○甲辰

上詣

皇太后宮問安○諭內閣載銓奏原任鑒儀使

長慶令伊子藍翎侍衛安惠呈借鑒儀衛庫生息銀二千五百兩自嘉慶二十一年起至道光四年止歸還本銀九百二十八兩零未交本銀一千五百七十一兩零安惠著革退侍衛交該旗都統勒限半年完繳如逾限不完將該革員照例辦理所有未完銀兩著自安惠呈借之日起歷任鑒儀衛堂官分賠歸款至安惠所交銀九百二十八兩零復經鑒儀使佛麟在冠軍使任內借用佛麟著勒限

半年歸還仍交部嚴加議處此項銀兩既係公款豈可私行借用嗣後著不准絲毫借動如再有虧那情事嚴懲不貸尋部議請將佛麟革職得旨著加恩降為藍翎侍衛在大門上行走歷任該管上司該部查取職名議處○又諭魏元烺奏臺灣米船進口稀少省城及漳泉二府糧價增長請委員分赴浙江江西運米協濟一摺福建省城及漳泉二府向賴臺灣米販接濟現值嘉義匪徒滋事商販

不前。糧價漸增。該撫奏請豫為籌備。以免小民食貴之虞。著准其照案辦理。並著浙江江西巡撫俟閩省委員到日。指示米多價賤之處。委員同往。每省各買米十萬石。飭地方官代雇船隻。浙江之米。分運漳泉。江西之米。徑運福建省城。儻該二省一時難以採買。仍照前辦成案。浙江於沿海一帶。江西於附近水次州縣。每省各撥倉穀二十萬石。碾米運閩。價腳等項。於該二省藩庫借給。委員領用。即

在糶價錢文內易銀解還。以期民食有濟。○諭軍機大臣等。本年近畿一帶。災歉較重。民力未免拮据。明年正月至四月。青黃不接之時。勢必嗷嗷待哺。強者或流為盜賊。弱者或轉填溝壑。朕恫瘝在抱。宵旰焦思。著順天府府尹直隸總督。於應行接濟之區。逐細查明。分別輕重。妥議如何辦理。據實具奏。此時節屆季冬。轉瞬即是開春。已屬迫不及待之時。亦難言未雨綢繆之計。該府尹等接奉此旨。

迅速籌辦。勿致臨事周章。用副朕軫念災區至意。將此各諭令知之。○年班御前行走喀喇沁扎薩克貝子瑪哈巴拉。因疾不能來京。命在遊牧處所調理。並賞人淺三兩。交其子年班來京。二等塔布囊錫林達瓦齋。回侍奉。○停閱本年八旗內務府三旗冰技。仍給半賞。○裁福建沙縣長汀縣縣丞。興化府泉州府漳州府延平府建寧府汀州府司獄。福清縣莆田縣浦城縣清流縣永定縣寧德縣福

鼎縣永春州大田縣巡檢十七缺。從巡撫魏元烺請也。○旌表守正捐軀直隸文安縣民王志勉女二明。○乙巳諭內閣。前據御史汪報原奏六安州土豪張四條聚黨劫奪。淫掠婦女。當降旨交鄧廷楨親提究辦。茲據鄧廷楨奏張四條本係逃軍。復敢窩匪疊竊。至二十七案之多。又疊搶犯姦婦女。不法已極。業經審明。請即正法。該御史所奏得實。能為地方除害安良。著加恩交部議敘。○以翰林院

侍講學士保瑞右春坊右中允龍元任充日講起居注官翰林院編修王煜署日講起居注官○免浙江定海縣颶風衝失鹽斤帑本○丙午諭軍機大臣等本日據程祖洛等由五百里馳奏嘉義匪徒圍城攻莊鎮臣連獲勝仗奪回礮位關防民心已定並彰化匪徒戕害官兵情形及籌定勦辦事宜酌添官兵餉銀各摺片覽奏均悉糧餉為行兵緊要魏元烺及程祖洛前後籌撥銀三十萬兩如有不敷該督等於就近省分一面動撥一面奏聞火藥鉛子已降旨令富呢揚阿周之琦迅速辦解至攻破斗六門土城戕害官兵未據查明傷害者何官何名而劉廷斌稟內有被護都司許荆山等擊退之語又另稟獲犯陳太山等供認隨同曾吉等於十月十八九在茅港尾與官兵打仗殺兵搶銀並有官員燒死查臺灣道平慶與臬司鳳來稟似係傳聞之訛又據泉州府傳詢內渡船戶稱蔡長青

陣亡陳雲蛟燒斃與劉廷斌所訊陳太山供詞相同著確切查奏該鎮先後共發八稟均無遺失可幸之至陳辦等既專在嘉義滋事該處為全臺適中之地自應固守臺灣彰化兩城藉以控制鳳山淡水再圖兩路夾攻該督稱馬濟勝帶兵二千名先到後起兵一千五百名尚未全到勦或不足守則有餘斷不可輕率前進或有挫失轉令賊勢鴟張又實振彪帶兵一千三百名已到後起兵五百名因風飄散不知收泊何所副將謝朝恩等帶兵一千二百名由五虎門對渡至八里坌進發遭風不能聚集已分飭各將弁就近徑渡鹿港直抵彰化聽實振彪調遣所稱收集義勇已二萬人恐其中不盡善良若係賊匪混雜不可不慮著妥加斟酌分晰如實係良民方可收為義勇又臺灣遠隔重洋全賴商船濟渡現當大兵雲集若各商船畏避則文報更屬難通著多備船隻一體給價不許刻扣

俾無貽誤。該匪等非竄入內山。即潛遁外海。入山則恐勾結生番。下海即汪洋難捕。務須派撥將領。於沿海要口。嚴密防堵。至先後調臺弁兵。仍查照成案辦理。彰化情形。更為喫重。竇振彪一軍孤單。莫若厚集兵力。為一鼓殲擒之計。至密札戴雄。豫備官兵二三千名。此項兵丁。不能得力。竟可全撤歸伍。所調河南西安貴州兵。已起程。四川兵亦令迅速起程。本日又降旨。令瑚松額等趕緊遄行。程祖

洛到廈門後。體察情形。如馬濟勝等力能進取。即飛速渡臺。辦理善後事宜。儻賊眾兵單。著暫駐廈門。俟瑚松額等到。日大兵一鼓作氣聚而殲旃。凡有勦捕事宜。責成瑚松額。哈琅阿。妥辦。其後路糧餉軍火等事。責成程祖洛。魏元烺。源源接濟。如稍有貽誤。惟程祖洛等是問。副都統富亮業已休致。福州將軍印信。即交瑚松額署理。渡臺亦可帶往。將此由五百里諭令知之。○又諭程祖洛等奏。借撥

浙江江西兩省火藥鉛子。以資接濟一摺。據稱閩省各營火藥硝斤。向赴山東採辦。往返需時。礮斤在該省上杭縣開採。現在採煎尚未成數。鉛子一項。庫存止數。年額領用。茲值嘉義匪徒滋事。已於省標借撥火藥一萬斤。鉛子一萬斤。又備火藥二萬斤。恐尚不敷。查照成案。請於浙江江西各借撥火藥五萬斤。槍鉛子二萬斤。劈山礮鉛子各五千斤。已飛咨兩省辦理等語。火藥鉛子。為行軍利器。著

富呢揚阿。周之琦。迅即如數借撥。委員解閩接濟。不可稍有遲誤。如運到後匪徒已平。即抵作各營應領年額。仍將硝礮鉛斤價銀。扣收報撥。將此由五百里各諭令知之。○又諭嘉義匪徒滋事。前降旨派河南兵一千名。西安馬隊三百名。貴州兵五百名。四川兵一千五百名。前往勦辦。已據楊國楨。桓格。麟慶。將各兵起程日期奏報。四川尚未奏到。此時自己調撥起程。著鄂山。飭令迅速行走。經過省

分著各該撫嚴飭地方官妥為支應毋誤軍行並飛催各帶兵將弁兼程前進不准稍有延緩將此由五百里各諭令知之○又諭本日據程祖洛等由五百里馳奏嘉義賊匪情形一摺前此調派各省弁兵早已起程不日陸續到閩瑚松額等著迅速前往毋稍遲延程祖洛等摺片及寄該督等諭旨一道著鈔給閱看再福州將軍印信已降旨令程祖洛交瑚松額署理渡臺亦可帶往將此由五百

里諭令知之○欽差戶部左侍郎敬徵等覆奏御史周彥條陳淮北票鹽以為與場竈起徵名異實同利梟不利國查票鹽係官為設局民販在局納課買鹽領票迥異場竈起徵之散漫無稽於國並無不利即其人本係梟販而領運有課之鹽非曩時販私可比似別無利梟之處原奏以借官票運私鹽引少鹽多設卡抽驗人眾不服兵役受賄包庇為一可慮查民販俱挨號次到卡抽驗各顧資本

無敢不服苟查察不嚴商販亦有夾帶緝私卡巡豈免賄縱惟有犯必懲自知儆惕原奏又以試行滯岸兩三月內已銷一年之鹽必係侵及暢岸暨淮南引地場稅增銀有限而引地被占負課更多為二可慮查北鹽出場須俟六七月間雙金開閘放趁水趕運冬春例應閉閘故本年七月後請運逾額票鹽成本輕減得價即售故銷數較多票內填註姓名籍貫運鹽引地往銷州縣其未改票鹽口

岸不准請運是暢岸既未侵及距淮南引地更遠原奏又以匪徒占立馬頭械鬪紛爭滯銷之地商仍裹足為三可慮查民販各銷各鹽數月以來皖豫等岸均無爭占至極遠滯岸始則觀望經委員領票運往倡導亦樂附從原奏又以如果利多害少請移其法於淮南誠如

聖諭自相矛盾淮北每綱錢糧三十餘萬淮南正雜各款多至七八百萬既難輕試淮北引

地僅皖豫一角。淮南之湖廣江西口岸。居各省腹中。若行票鹽。勢必四侵鄰境。於各省鹽法有礙。得旨。仍照原議。盡心妥辦。○大學士盧蔭溥。因病復請解任。命再賞假兩箇月。並賞人漫四兩。以戶部尚書王鼎管刑部事。○丁未。命初八日於

大高殿設壇祈雪。○諭軍機大臣等。陶澍等奏夷船驅逐開行。飭舟師押赴浙洋。分別飭查防範一摺。此次喫咭喇夷船。向營船聲稱在

洋搭救商船。將梢蓬折損。求賞木板鐵釘修艙。經蘇松鎮總兵關天培等酌賞。已於十一月十五日起旋開行。著該督等責成該鎮督率將弁兵船押逐。與浙省舟師明白交替。毋許含混。並飛咨浙江省押逐回粵。第夷情狡獪。或於押赴東南深海外洋後。仍復繞越過北著飛咨山東。分飭沿海縣營。嚴行堵截。再此次夷船。比呬嘓咪船小至二丈有餘。檣桅亦少一道。據甲利稱呬嘓咪坐原船回去。伊

搬劉羅船上。其為包攬指引。已屬顯然。呬嘓咪曾否回國。尚未可定。該督等仍飭水師將弁。押送浙省交替。後在洋瞭探。儻復有夷船竄至。立即堵截回南。沿海縣營。隨時防範。仍遵前旨。不許停泊登岸。將貨物與民人交易。米糧尤不許沿海居民賣給。並著咨會廣東。查明呬嘓咪及劉羅船果否回粵。統飭該國大班管束。將此諭令知之。○又諭本日據陶澍等奏。喫咭喇夷船復至江蘇洋面。酌賞木板鐵釘修艙。於十一月十五日開行。飛咨浙江一體押逐回粵。此次夷船。比呬嘓咪船小至二丈有餘。檣桅亦少一道。據甲利稱呬嘓咪坐原船回去。伊搬劉羅船上等語。著盧坤等查明呬嘓咪船。及此次劉羅船果否回粵。該夷船一抵廣東。盧坤等諭以天朝制度。祇准在廣東貿易。務須遵守定例。不准私越各省。即飭該國大班管束。令迅速回國。將此諭知盧坤。朱桂楨。並傳諭中祥知之。○賞休致副

板鐵釘修艙。於十一月十五日開行。飛咨浙江一體押逐回粵。此次夷船。比呬嘓咪船小至二丈有餘。檣桅亦少一道。據甲利稱呬嘓咪坐原船回去。伊搬劉羅船上等語。著盧坤等查明呬嘓咪船。及此次劉羅船果否回粵。該夷船一抵廣東。盧坤等諭以天朝制度。祇准在廣東貿易。務須遵守定例。不准私越各省。即飭該國大班管束。令迅速回國。將此諭知盧坤。朱桂楨。並傳諭中祥知之。○賞休致副

都統富永富亮全俸。○戊申。

孝惠章皇后忌辰遣官祭。

孝東陵○戶部議准陝甘總督楊遇春疏報阜

蘭縣開墾荒地一頃四十一畝有奇。照例升

科。從之。○己酉。

上詣

皇太后宮問安。○予故太子太師閩浙總督孫

爾準。入祀名宦祠。從福建巡撫魏元烺請也。

○庚戌。以雪澤優霑。

上詣

大高殿行禮。改祈為報。○詣

時應宮拈香。○貸山西豐鎮朔右玉代五臺

繁峙六廳州縣被旱被水被霜災民倉穀。○

科爾沁扎薩克土謝圖親王諾爾布林沁等

二人。喀爾喀扎薩克親王車登多爾濟等二

人。阿拉善扎薩克親王囊都布蘇龍巴林扎

薩克郡王那木濟勒旺楚克等二人。喀喇沁

扎薩克都楞郡王布呢雅巴拉。奈曼扎薩克

郡王阿宛都瓦第扎布。教漢郡王幹咱巴拉。

蘇尼特扎薩克郡王齊旺扎布。扎魯特扎薩

克貝勒布木色楞。郭爾羅斯扎薩克鎮國公

揚贊巴拉。於神武門外瞻覲。○辛亥。

上御乾清門聽政。○以黏杆處三等侍衛容照

為大理寺卿。○以鑲藍旗蒙古參領法豐阿

為鑲紅旗蒙古副都統。○賞喀爾喀扎薩克

貝子德勒克多爾濟雙眼花翎。○予故山東

曹州鎮總兵官劉清。入祀名宦祠。從巡撫鍾

祥請也。○壬子。諭內閣。史譜奏額勒渾。莫崇

武。改由內地行走等語。散秩大臣額勒渾。頭

等侍衛莫崇武。致祭阿拉善王事畢。本應取

道口外行走。此次改由內地。雖係自雇車馬。

並未動用驛站。惟改道行走。究屬不合。俱著

交部議處。○以故阿巴噶輔國公那旺多爾

濟子薩木丕勒諾爾布襲爵。○以鑾儀衛冠

軍使德銘。為鑾儀使。○命刑部尚書戴敦元。

都察院左都御史昇寅。白鎔。正白旗滿洲副

都統安福鑲紅旗滿洲副都統吉勒通阿在紫禁城內騎馬。○予故阿巴噶輔國公那旺多爾濟祭如例。○癸丑諭內閣玉麟等奏伊犁官兵留防喀什噶爾班滿請明春由冰嶺更換一摺。此項官兵於道光十年八月由伊犁派赴喀什噶爾應援嗣經揀留防所扣至明春二年有半較之換防班次轉多半年自應及時更換著照所請於惠遠城巴燕岱錫伯索倫四營內各按原額共挑精壯官兵五百名遴派協領一員會同該營長等管帶明春起程由冰嶺行走。到喀什噶爾交該城領隊大臣驗收操防其應撤之官兵五百名令該協領等管帶回營。至此次換防官兵仍分兩班於十四年更換一半十五年更換一半以符舊制。○賞伊犁察哈爾額魯特兩部落被災蒙古貧戶牛馬。○甲寅

上詣

皇太后宮問安。○諭內閣陶澍奏出征備弁兵

丁在途索擾毆斃人命一摺。出征兵丁在途行走該管官應嚴加約束安靜趨程。此次河南第八起官兵行至安徽宿州睢陽驛延不起身河北左營守備馬鳳抱總拜鵬藉稱回教需索銀錢任聽兵丁將該署州家人胡林等差役李萬等毆傷胡林旋即身死又不將傷人兵丁交出殊屬膽玩。此風斷不可長必應嚴辦示懲。著河北鎮總兵謝金章將馬鳳等所管第八起兵丁另派將備帶領馬鳳拜

鵬均著革職無論行抵何處即行扣留勒令交出行兇兵丁一併交該地方官解赴江寧交陶澍嚴審治罪並飭沿途州縣於後起官兵過境妥為彈壓如再有勒索情弊即行奏參嚴辦決不寬貸。○又諭提督銜葉爾羌參贊大臣長清著照副都統職銜給予養廉銀四百兩其隨甲錢糧並照例支給。○諭軍機大臣等據陶澍奏四川派赴臺灣征兵請由江西行走一摺查乾隆嘉慶年間調赴臺灣

之四川官兵。均由江西行走。較之繞道安徽江蘇浙江。計少程途一千七百餘里。自應循照辦理。現經該督飛咨湖北江西福建各督撫。豫備夫馬船隻。俟官兵到境。隨時應付。毋誤軍行。並著飛咨各帶兵將弁。兼程前進。不准稍有延緩。又片奏陝西馬隊三百餘名。應由上江句容境。至丹陽縣登舟。其馬匹應由河岸驛路行走。兵丁及軍裝器械。由舟運送。至浙境交替。已分飭水陸豫備齊全等語。昨

據楊國楨奏。接西安副都統明禪咨。稱赴閩兵丁。自帶營馬三百匹。惟西口馬匹。向慣馳驟平原。南省石路崎嶇。遠道必致疲瘦。進征時仍須另換。而中途徒滋累贅。已解回西安。仍由閩省豫備。該督即飛咨前途。毋庸豫備載馬船隻。將此諭令知之。○戶部議准。浙江巡撫富呢揚阿疏報象山江山遂昌三縣開墾田地山塘十二頃六十六畝有奇。照例升科。從之。○乙卯。諭內閣。納爾經額等奏。被水

州縣。請全放折色一摺。湖北本年漢川等縣。衛被水。經楊懌曾等奏請撥銀支放。當降旨令該督撫勘定災區。通盤籌畫。如常平倉穀足數散放。即將所撥銀兩另行存貯。茲據奏漢川等縣。衛存穀無多。若派撥別屬。各州縣儲備攸關。既不可動用空虛。兼以穀數過多。碾運不易。災民待哺孔殷。概放折色。俾可早霑實惠。著照所請。所有前發撫卹銀。及現在應發加賑等銀。除已動支司庫地丁各項。又

動撥餉銀。俟解到歸還借墊各款外。尚不敷銀二萬四百三十八兩零。准於司庫監餉項下動撥還款。該督等刊刻謄黃。徧行曉諭。嚴飭該管道府。督率印委各員。實心經理。毋任胥役人等剋扣侵冒。以副朕軫念災黎。恩膏逮沛至意。○諭軍機大臣等。有人奏。向來道府辦公。惟資養廉。各省攤扣較多。支領無幾。不得不取給於陋規。自蔣兆璠許徐寅第之案起。州縣刁風頓長。遇有虧短。皆思挾制道

府代為彌縫。抑勒後任。虛出通關。其有關於吏治官方非細。近來道府所延幕友。令州縣公出脩脯。直隸即如此辦理等語。上年因蔣兆璠稟計一案。降旨令各督撫嚴禁陋規。原以該州縣豈能自出己資。無非朘削小民。以為逢迎之計。若如所奏。直隸道府延請幕友。俱係州縣公出脩脯。是否實有其事。如此變易名目。豈即能免屬員訐告之端。著琦善將該省現在如何辦理。確切查明。據實具奏。將

此諭令知之。○又諭有人奏。江蘇銅山縣東岸驛。額設馬一百匹。利國驛。額設馬八十五匹。桃山驛。額設馬七十七匹。安徽鳳陽縣王莊驛。額設馬六十匹。濠梁驛。紅心驛。各額設馬六十五匹。現在每驛所存。不過十餘匹。遇有差事。或下站打越上站。或票拏民驛民車供應。存驛之馬。交家人餵養。聽其剋扣草料。如銅山縣利國驛。管號家人閻姓。綽號閻一刀。尤其著名者。本年七月初間。利國驛馳遞

粵東軍營文報。中途雙馬俱倒。驛夫步行數里。始於腰站得馬乘騎。僅離腰站較遠。豈不耽延時刻。恐各處皆所不免等語。國家設立驛站。關繫甚重。各省額設驛馬。支領馬乾棚廠等銀。並准每年報倒二三四分不等。自宜如數足額。留心餵養。似此剋扣侵冒。額數懸殊。成何事體。該省不肖州縣。因循欺飾。巧於彌縫。一聞上司稽查。上下站俱可通融調集。弊何由除。著陶澍林則徐鄧廷楨。認真稽察。

設法抽查。如有前項弊端。立即嚴參懲辦。毋稍姑容。以清積弊。而肅郵政。將此各諭令知之。○又諭本日據訥爾經額奏。漢川等縣衛撫卹加賑。倉穀不敷。請全放折色。已明降諭旨准行矣。各州縣常平積貯。原以備不時之需。如果實貯無虧。或偶被偏災。本境不敷碾放。猶可借資鄰境。自不致動須折色。該省道光十一年奏銷冊報。各屬常平穀數。是否實貯在倉。著訥爾經額督飭各該道府先行覈

盤具結呈送。該督於出省查閱營伍時。順道抽盤。僅有微爛。虧短據實叅辦。斷不可姑容徇隱。該督到楚未久。無所用其回護。務當破除情面。認真抽查。經此次盤查之後。將來如有虧短。惟該督是問。恐不能當此重咎也。將此諭令知之。○以故喀爾喀扎薩克鎮國公。蘊端達什子噶勒桑端多布輔國公那木濟勒多爾濟子哈斯車林各襲爵。○命前任乍浦副都統哈興阿。以三品頂帶休致。○旌表

遇賊捐軀湖北興山縣軍功九品陳上達妻張氏。○禮部議准。安徽巡撫鄧廷楨疏報。採訪宣城縣貞節婦女唐許氏等三千一百八十口。河南巡撫楊國楨疏報。縣孫蘭姐等八十六口。各請建總坊旌表。從之。○修湖北襄陽府老龍石隄。從總督訥爾經額等請也。○丙辰諭內閣。京城內外河道淤淺。間有全涸處所。前降旨派耆英等履勘。穆彰阿等覈估。經工部奏請興修。尚未派員辦理。因思本年

夏令亢旱。民力拮据。現在節氣較早。明歲二月。即可興工。著派耆英博啟圖恩銘達三再行履勘。擇要興修。於要工既有裨益。貧民亦藉資餬口。用示朕軫念民艱。以工代賑至意。○又諭。昨日御史徐寶善奏。請飭禁私書。請託一摺。內有謁選之吏未行。請託之書已去。及怵於權要。習教徭匪等三案。疆吏掣肘等語。朕詳加披閱。意必實有其人。實有其事。交軍機大臣傳到該御史詢問。令其據實登答。

茲據軍機大臣將該御史親筆登答呈覽。其人其事。毫無指實。均係泛論。御史職任言官。原許風聞陳奏。如內外大臣。有營私亂法。以及朝廷政事闕失。自應據實數陳。直言無隱。何得以莫須有之事。逞其筆端。出於捏造乎。湖南徭匪趙金隴滋事。朕特派禧恩等前往。盧坤調度有方。羅思舉奮勉出力。將逆匪埽數蕩平。盧坤等保舉各員。均經交禧恩等覈議。奉旨准行。廣東連州徭匪滋事。李鴻賓劉

榮慶辦理不善。又派禧恩等由楚赴粵。督率余步雲、曾勝、勒辦迅速。特旨加恩獎勵。諸臣和衷共濟。疆吏並未掣肘。至臺灣匪徒滋事。現派瑚松額等前往。其起釁根由。尚未查明。各路官兵。亦未到齊。更無庸議。該御史妄以揣度之詞。作為切實之語。阻撓國政。搖惑人心。於用人行政。大有關繫。此風斷不可長。徐寶善著交部議處。尋議降三級調用。得旨著加恩回翰林院編修任。○又諭保昌奏派買

熱河駐防不敷兵米。為數較多。請將倉存米石抵撥一摺。據稱熱河本年秋收歉薄。糧價增昂。應買道光十三年駐防不敷兵米。若仍循照舊章。派承德府並平泉等州縣飭發各鋪戶同時買交。商力不免拮据。且採買較多。小民恐有食貴之虞。自係實在情形。著照所請。將官倉存貯郭家屯租米一千一百七十四石零。及府倉現存米一千五百石。一併抵作十三年應買駐防不敷米石。俟一二年後

秋收豐稔。再將府倉米石買補。既於兵糈無礙。而民食商力。均有裨益。其前項不敷兵米七千四百九十四石零。除平泉建昌朝陽赤峯四州縣。仍照舊各買一千石外。承德府應買八百二十石零。即飭該府領價買交。再熱河道應領前項米價銀兩。除郭家屯租米外。准將府倉米石抵撥。即飭將領回銀兩存貯道庫。歸入十四年兵米案內辦理。○諭軍機大臣等。有人陳奏湖北江漢隄工。每年於八

九月水退時修築。以資捍禦。本年水退尚未興修。十月底雲南考官路過荊州安陸等處。目擊情形。道府州縣觀望遲疑。毫無定見。孝感黃陂劫案甚多。地方官置若罔聞。或避重就輕。規避處分。家道稍裕者。多遷城內。其他州縣。類此者恐亦不少。署天門縣知縣呂恂。上年辦理賑務。將合邑民商捐賑銀二萬餘兩。祇發一萬兩。餘皆肥己。督撫捐有被災各州縣棉衣三千件銀兩。該署縣領回。止給草

衣。以棉衣開報。鄉民怨讟。致有謠言等語。江漢隄工。為各州縣保障。該處頻年水患。自應及時修築堅固。以衛民生。何以遲至十月底。尚未興築。著穆彰阿會同訥爾經額確切查明。飭令趕緊修築。毋許草率侵冒。棍徒搶劫。尤為地方之害。孝感黃陂等處。是否有匪徒搶劫。並著查明懲辦。至所稱署天門縣知縣呂洵。侵蝕捐賑等項銀兩。如果屬實。大干法紀。著一併查明具奏。毋稍隱飾。原摺鈔給閱看。將此諭令知之。○以阿克蘇屯田豐收。予員弁議敘。賞兵丁一月鹽菜銀。○減免直隸河間新河隆平寧晉安五州縣積水地畝本年額賦租銀有差。○丁巳諭內閣京師五城飯廠。每年十月初一日起。每廠每日煮米一石。率以為常。本年夏間亢旱。收成歉薄。京外貧民。入城謀食者。較往年加多。所領之飯。不足充腹。現在雖交春令。天氣尚寒。謀生匪易。著封印後五城十廠。均於常賑例外。每廠每

日各加米一石。俟來春三月二十日常賑期滿。再行停止。俾窮黎餬口有資。均霑實惠。儻有無賴匪徒。冒充貧民。藉端搶奪。著各該衙門嚴拏究辦。○諭軍機大臣等。朕聞滁州直隸州知州李士元。形同木偶。神似怔忡。於地方公事。均屬茫然。似此懵懂無能。即使無別項劣跡。豈能勝民社之任。著鄧廷楨詳加察看。據實參奏。毋稍回護。將此諭令知之。尋奏李士元心地誠實。精神未衰。錢糧命案。均無貽誤。惟語操土音。恐於聽斷非宜。請以直隸州州同留皖補用。得旨著送部引見。○兩江總督陶澍等奏。緝獲梟販。得旨鹽務漸有起色。朕心稍慰。然尤當倍加黽勉。慎勿半塗而廢。糧私梟販。緝拏甚屬認真。亦應不遺餘力。方可奏功也。勉之。○以西寧辦事大臣舒通阿。為正白旗漢軍副都統。○是日。癸巳年立春。順天府進土牛春山寶座。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十七

宣宗實錄

卷

大清宣宗效天符運立中體正至文聖武智勇
仁慈儉勤孝敏成皇帝實錄卷之二百二十八

欽此

天符所下事體應加五級紀錄十八次臣等竊維聖訓嚴明臣等不敢不遵

七書大信傳家食月四錄錄加一級隨常加六級軍功加三級紀錄五次臣等竊維聖訓嚴明臣等不敢不遵

內務府大臣銀印總辦內務府事務內七書大信傳家食月四錄錄加一級隨常加六級軍功加三級紀錄五次臣等竊維聖訓嚴明臣等不敢不遵

聖恩隆渥慶典隆崇十八級臣等竊維聖訓嚴明臣等不敢不遵

奏

道光十二年壬辰十二月戊午諭內閣史譜

宣宗實錄

卷

奏支應局員書吏及沿途支應各官請量予

鼓勵等語十年回疆軍興陝西省設立支應

局經理其事此次軍務與上屆情形不同惟

該處為支應總路局員書吏及沿途支應各

官或辦理各項銷案或供支進征凱撤官兵

運送一切尚無貽誤著該撫擇其尤為出力

者酌保數員毋許冒濫○諭軍機大臣等昨

據穆彰阿等奏提訊已革恩施縣知縣左章

晒致書訐訴一案該革員堅不承認當即傳

到御史瞿溶詢問此信得之何人且既與左章炳同年果否係該革員親筆令其據實明白回奏茲據瞿溶奏本年閏九月初八日伊看門家人遞進書信一封回稱有不識姓名人口稱由東直門送來該御史與左章炳雖係同年以前並無書信來往亦未見過伊字跡是否親筆無憑臆度將左章炳名帖一紙信三紙細字鈔單一紙呈覽等語左章炳因虧空被叅是否臚列上司款跡意圖洩忿致書言路或有主使同謀之人抑係他人與伊有隙假名投遞必須審訊明確著穆彰阿等即將該革員書信鈔單查對筆跡如果屬實嚴行根究如筆跡不符即將該革員之姪監生左慶桐伊戚生員張映垣家人盧祥孫福李升隔別研訊自可得其端倪誠恐該革員始則列款致書繼聞特派大員來楚會同該督審辦情虛畏罪意圖狡賴必應切實根究以期水落石出御史瞿溶奏摺著鈔給閱看

左章炳名帖一紙信三紙細字鈔單一紙一併發給閱看將此諭令知之○以故一等子阿拉普坦弟班珠拉拉普齋告休散秩大臣一等子瑞齡子淳綬各襲爵○舉行本年軍政步軍統領衙門卓異官二員直隸卓異官四員熱河卓異官一員才力不及官一員河南卓異官三員不謹官一員年老官三員雲南卓異官五員年老官五員有疾官一員貴州卓異官五員年老官一員有疾官三員四川卓異官五員罷輟官一員年老官三員有疾官一員才力不及官一員陝西卓異官六員有疾官一員甘肅卓異官五員年老官二員才力不及官二員漕標卓異官五員年老官二員罷輟官一員浮躁官一員江南河標年老官二員河東河標才力不及官一員浮躁官一員分別議敘處分如例○予故貝子綿桐祭葬○予故浙江永康縣知縣張吉安陝西潼關廳同知張聰賢貴州鎮遠府知府

凌泰交。入祀名宦祠。江西故江蘇淮徐道余
霽元福建故淡水廳監生鄭崇和湖南故禮
部員外郎謝振定。河南故河內縣舉人夏錫
疇。山東故雲南恩安縣知縣郭圩。陝西故山
東蘭山縣知縣唐若時。雲南臨安府知府張
玉樹。四川故潼川縣生員譚紳。掌雲南道御
史譚言。揭廣西故貴州平遠州知州易鳳廷。
入祀鄉賢祠。從署總督魏元烺。總督楊遇春。
阮元。陶澍。盧坤。巡撫楊國楨。護巡撫劉斯嘯。
總督鄂山。李鴻賓等請也。○以江西豐城縣
地勢低窪。改土隄為石隄。從巡撫周之琦請
也。○修山東曹河廳曹中汛臨黃外灘。從河
道總督吳邦慶請也。○己未。諭內閣尹濟源
奏參疏防盜案各員。請摘去頂帶留任。緝拏
一摺。所奏甚是。山西地處衝途。山谷叢錯。近
年盜劫拒殺之案甚多。皆有失事而無獲。犯
承緝各員。既疏防於平時。又玩泄於事後。捕
務廢弛。莫此為甚。按限開參。不足示儆。所有

本任失事。全未獲犯之解州直隸州知州徐
麗生。臨晉縣知縣朱家學。陽城縣知縣李孔
淳。沁源縣知縣李壽春。大同縣知縣黎中輔。
祁縣知縣國旺。均著摘去頂帶。暫留本任。勒
限半年。緝拏各犯。儘逾限無獲。從嚴參辦。此
後該省盜劫重情。即一體照案辦理。○諭軍
機大臣等。程祖洛奏。探明嘉義賊匪分莊拒
守。提鎮兩路進剿。並暫駐廈門策應。一摺。覽
奏及圖。均悉。彰化首匪黃城。自攻破斗六門
之後。侵入彰化西螺等處。偽稱北路大元帥。
梁辦莊文。黏貼告條。混造年號。詞語狂悖。
大小股首張丙等十二處。在嘉義境內分布
勾結。抗拒官兵。南北兩路文報不通。實堪髮
指。程祖洛因黃綏誥等攜帶銀兩。僅止守備
一員護送。難以放心。飛飭副將王忠貴帶兵
八百名。改道蚶江。與黃綏誥等同渡鹿港。並
催帶領省標各兵之參將靈德。作為後應。所
辦尚妥。竇振彪自彰化前進。已於十一月二

十日進嘉義城馬濟勝在茅港尾殺賊甚多。二十五日行抵離嘉義城五十里之鐵線橋紮營連勝二陣雖係探報傳聞之信惟三路會合夾攻尚是絕好機宜著飛催內地續調官兵星夜東渡參將達明阿等已於澎湖開駕正可為馬濟勝策應該督即遵前旨暫駐廈門催福寧邵武汀州等營兵隨到隨渡並飛咨瑚松額等迅速前進分路接剿不留餘孽解散脅從招集義勇以孤賊勢其單開大股首四名張丙陳連黃番婆詹通偽軍師一名吳歐先聽令股夥三名劉仲劉謀蔡恭小股首八名陳辦吳贊梁信梁辦吳猷吳榮吳昶吳棟偽副軍師一名吳有成彰化首匪黃城除臨陣殲斃外著名首匪必須生擒解京盡法處治斗六門陣亡署縣丞方振聲等及兵丁若干名查明照例賜卹所奏調浙江兵三千名處州鎮總兵高明德為總統等語高明德豈能帶兵浙省兵豈能得力所見差矣

著仍遵前旨停止浙兵無令前往又另片奏原任提督王得祿情願帶兵渡臺等語王得祿曾任水師提督屢著勞績此次請帶兵渡臺並在內地雇備鄉勇五百名殊堪嘉尚該督現委閩安右營都司許遠生等帶領精兵三百名渡埔仔腳一帶港汊驅逐賊船自是甚好機會著傳旨褒獎該提督果能乘其不備疾趨嘉義會同劉廷斌南應馬濟勝北接寶振彪並防賊匪竄海之路朕必加以懋賞又豫籌臺灣兵糧及省城漳泉民食兵糈一摺現在省城及漳泉米價每石已四五千文不等臺灣大兵雲集兵糧及難民口食皆須官為支給已諭知富呢揚阿在浙江沿海州縣漕米內截留十萬石前據魏元琅請赴浙江等省採買米石借碾倉穀各十萬石降旨准行仍著飛咨浙江江西巡撫查明可得若干竭力籌辦江蘇漕米離臺灣較遠恐有風濤之險不准截留所有截留漕米解給臺灣

征兵撫卹難民者。作正開銷。支放內地兵米者。俟明年臺運穀石到時。解還補運。糶濟民食者。將糶價解交該省。於下運買米交幫。其臺灣各官配運兵米遲誤。著程祖洛查明弊端。參辦。至河南西安貴州四川等兵。俱陸續奏報起程矣。將此由五百里諭令知之。○又諭本日據程祖洛由五百里具奏嘉義賊匪分莊拒守。及進剿策應各情形一摺。前調各省弁兵。俱已奏報起程。自可剋期到閩。瑚松額等著迅速前進。到廈門後。無論何省弁兵先到。即管帶渡臺。毋稍遲延。程祖洛摺片。及本日寄該督諭旨。著鈔給閱看。將此由五百里諭令知之。○又諭本日據程祖洛奏臺灣兵糧及福建省城漳泉二府民食兵糈均虞缺乏。前經奏明委員赴浙江江西各採買米十萬石。或借撥倉穀碾運。而浙省因去年被水。今夏缺雨。八月間又風雨為災。各州縣多請碾穀平糶。誠恐存貯無多。難以如數撥運。

不得不豫為籌備等語。著富呢揚阿在浙江沿海州縣本年漕米內截留十萬石。派員迅速解運。其採買碾撥究竟可得若干。並著竭力籌辦。儘數解往以資接濟。將此附報便諭令知之。○以故三等侯英惠子文厚二等男李興爵子維德三等男達興阿子長壽各襲爵。○以廣東勦捕土匪盜匪出力。賞道員楊殿邦遊擊劉際昌花翎千總楊愈將藍翎餘加銜升補議敘有差。○以科布多屯田豐收。子員弁議敘兵丁賞賚有差。○子廣東出洋淹斃守備馮耀宗等祭葬卹廕。○准雲南東川錢局仍復叩額鼓鑄。從總督阮元等請也。○庚申。

上詔
皇太后宮問安。○諭內閣裕誠等奏勤鑪停限將滿請豫籌銅斤一摺。寶源局勤鑪停鑄期限於明年四月屆滿。二月內即應開鑄。而現在局庫存銅一百十萬餘斤。僅敷明年六月

發給八月分之用。在途各運已屆年底尚在川楚江西地面勢難於明年八月以前到局接濟。若不復開動鑪既無別款搭放兵餉若照限滿復開又恐銅斤不敷其應如何籌濟之處著戶部速議具奏並著沿途各督撫專派妥員嚴催各運員趕緊遵行將入境出境日期先期報部查覈無許藉詞阻風守水耽延程限致誤鼓鑄而干重咎○又諭前派達三往熱河查勘旱河工程回京覆命時奏稱

熱河看圍兵丁生計拮据懇請賞給一年口糧俟伊奏准後再給信熱河總管松齡奏請等語若以兵丁生計而論該處滿洲綠營事同一律豈有專賞看圍兵丁之理況熱河地方並非達三職任所司似此任意妄為冒昧越俎跡近專擅實從來所未有姑念年已衰邁老諄糊塗免其交部嚴議著降為四品頂帶休致○諭軍機大臣等據耆英等奏直隸保定府新安縣民馬金寶楊溥來京呈訴新

安縣為九河下游隄長至百餘里必須專員就近照料以資保衛今新安縣知縣員缺裁汰歸併安州知州及州判兼管離隄較遠設遇河水漲發照料難周百姓納糧往返至七八十里不等盜賊爭訟無專員彈壓武舉辛來熊生員高玉衡先後同鄉民千餘人赴保定府暨總督衙門具呈均未准理現在閩邑鄉民願捐穀三千石懇請復設知縣等語直隸新安縣知縣員缺前經該督奏准裁汰該

民人呈訴種種不便是否實在情形著穆彰阿於湖北河南查辦事竣旋京時順道查勘明確據實具奏該民人已明降諭旨飭令回籍聽候查辦將此諭令知之○舉行本年軍政吉林將軍所屬卓異官四員騎射平常官六員年老官一員江寧將軍所屬卓異官三員年老官一員有疾官一員杭州將軍所屬卓異官二員荆州將軍所屬卓異官二員廣州將軍所屬卓異官二員熱河都統所屬卓

異官二員年老官二員察哈爾都統所屬卓異官三員不謹官二員罷輟官三員年老官二員有疾官一員青州副都統所屬卓異官一員河南巡撫所屬卓異官一員年老官一員分別議敘處分如例○以故四川成縣龍茂道屬口外轄慢寨土百戶更頓札舍子索浪吉務雲南雲南縣丞楊天錫子司銓各襲職○辛酉諭軍機大臣等張井奏黃運湖河各工本年水漲殘損請分別估辦一摺

朕詳加披閱如堰圩石工卑矮者亟應加砌倒卸者亟應補修其歷次風掣石工除新工應令各員賠修外舊工必應一律修補並將山圩舊信壩補還石工以資濟運山圩跌損壩河亟應分別修補改挑並於壩下束水隄擇要加幫補還缺口以資減漲義河跌塘過深現係外越堵閉如在原處修復來年斷難竣工勘於該河之南禮字河之北另挑河頭一道河尾仍達義河來年尚可濟急揚河西

岸緯隄應於臨湖一面擇要增培酌拋碎石再於頂上包寬數尺該廳及揚糧廳兩岸甃石土工一律加幫補砌以禦湖浪而衛下河裏河閘工請照舊分別估修中運兩河緯隄應行加幫以利漕運黃河兩岸大隄豐蕭銅沛邳睢宿南北桃南北外南北山安海防十三廳應擇要加幫補築以防汎漲五條據張井擬將堰圩補修風掣石工揚河揚糧加幫東隄土工邳北宿北桃北外北山安海防六

廳培築黃河大隄土工別歸常年另案於歲搶修及例撥銀內動支仍需銀一百六十萬兩請先撥八十萬兩所奏自係應修之工而現在經費不敷難從所請著朱士彥敬徵就近覆勘酌量輕重緩急具奏請旨固不可遲誤要工亦不可致帑項措辦不及該河督摺著鈔給閱看將此諭令知之○又諭壁昌等奏甘省應解喀什噶爾等四城道光十一年二十三年生息銀一萬六千八百兩向由陝

省營運解甘轉解口外。若陝省未經解到甘庫於積存銀兩內墊撥。茲據楊遇春咨稱陝省生息銀兩既未解到。積存項下已准部咨入冊報撥。不准請留。此外再無閒款可撥。如果各城急用。必須司庫墊解。應由該大臣奏明辦理等語。甘省應解各城生息銀兩。向係覈入經費項下統調。以備添放兵丁鹽菜。自應如數解運。俾免支絀。著楊遇春轉飭藩司。嗣後回疆各城生息銀兩。一俟奏明調撥。無

論陝省曾否解到。仍由甘庫積存銀兩內墊撥。並著史譜督飭該省藩司。速將生息銀兩解赴甘省。以便轉解各城。毋再遲逾。將此各諭令知之。○禮部議准。河南巡撫楊國禎疏報。採訪羅山縣貞節婦女羅顧氏等二百八口。請建總坊旌表。從之。○補造福建澎湖水師協標巡洋遭風擊碎戰船。並沈失軍械。從署總督魏元烺請也。○壬戌諭內閣。周之琦奏。請撥鹽務充公銀兩。湊買清查案內缺穀一

摺。江西大庾縣清查案內。應買缺穀九千二百十二石八斗零。存貯司庫。穀價銀五千五百二十七兩零。該縣因例價不敷。力難賠貼。尚未領買。倉穀為儲備要需。必應及早買補。准於鹽務充公項下撥給銀四千兩。以補例價之不足。該撫即飭南安府知府李廷錫。督縣承領存司銀兩。勒限三箇月買足。派員盤驗結報。毋稍遲延。此外各屬與大庾情形不同。未買缺穀。即飭令領價買補。不得援以為

例。○實授文慶禮部右侍郎。松筠理藩院左侍郎。○陝西西安鎮總兵官劉鳳翥因病解任。以神木協副將劉允忠為西安鎮總兵官。○以緝捕出力。予河南知縣王廷棟等升補有差。○展緩浙江仁和錢塘石門桐鄉歸安烏程德清七縣帶徵額賦。○癸亥諭內閣。奕

永陵

啓運殿等處應修各工一摺。

永陵

啓運殿前檐柱脚沈陷情形較重。自應照估興修。所有恭移

神牌並動工興工各吉日吉時。著欽天監敬謹選擇。於明年四月內修理。奏明後行知工部。奏派大臣敬謹承修。○賞河南等省鄉試年老諸生李拔等三十二名舉人副榜有差。○撫卹琉球國遭風難夷如例。○甲子諭內閣。申啓賢等奏江浙漕糧向有旗丁水手應得

餘米及至抵通。又有經紀應得餘米。山東河南例運小米黑豆。其旗丁水手亦有餘賸米豆。向例均准其售賣等語。此項米豆若照市價官為收買。較之採買近省既無搬運之煩。又省舟車之費。著倉場侍郎查明每年餘米數目。除酌留旗丁水手食米外。餘著全行收買。○戶部左侍郎兼管順天府府尹事申啓賢等奏請將捐賑議敘暫為變通。擬捐銀二百兩以上給從九品職銜。四百兩以上給八

品職銜。六百兩以上給六品職銜。其原係生監及職銜較小者。照數加銜。捐米者以市價覈銀從之。○命茂明安貝勒達木丕勒在紫禁城內騎馬。○乙丑

上幸瀛臺。御勤政殿。賜蒙古王貝勒貝子公額駙台吉及外藩使臣等宴。並賞賚有差。○諭內閣御史袁元俊奏請嚴禁南糧米色不純。藉詞先行搭放一摺。近年南糧抵壩。往往因米色灰暗。難以久貯。奏請先行搭放。如該御

史所奏有漕州縣但以折色為事。買米上兌。攪雜糠粃。旗丁等多索兌費。即行收受。甚至沿途盜賣。攪灰和水。運官衛弁。又因得受漕規。任其弊混。以致米質微變。不堪存貯。該大吏等慮及抵通駁斥。藉稱水旱不齊。米質本未飽湛。奏請將新到漕糧先行開放。而舊糧轉貯倉廩。陳陳相因。致滋紅朽。於漕務倉儲大有關係。不可不嚴行飭禁。嗣後著有漕督撫嚴飭各州縣徵收漕米。務須一律乾潔。該

督撫不得豫為地步。奏請先行搭放。並著漕運總督嚴飭各糧道認真查驗。無任丁弁沿途滋弊。重運抵淮。該漕督親往盤量。遇有微變。駁令更換。儻抵通後。經倉場侍郎驗出微變米石。除飭賠補歸倉外。仍將運官衛弁嚴叅懲辦。查驗不實之糧道。從重議處。以肅漕政。而重倉儲。將此通諭知之。○又諭成格奏千總情急自盡。請將千連之正署遊擊解任。質訊一摺。巴里坤鎮標右營千總劉生蓮。自

戕身死。據該屍弟劉生明供稱。該千總派領卹賞銀兩。及置辦烏槍。回營呈交。高遊擊以槍不合式。不肯接收。卹賞項內。司庫扣短使費。責令認賠。該千總又因前署遊擊王國棟。託買女子。墊用公項。以致煩悶。自戕。查與該遊擊高玉連。署遊擊王國棟。覆稱各情。均不相符。案關營員戕命。必應徹底根究。巴里坤中營遊擊高玉連。前署遊擊城守營都司王國棟。著一併解任。交成格提同案內人證。秉

公研究。以成信讞。如惑於救生不救死之說。天可欺乎。懍之。尋奏。劉生蓮所辦烏槍。實不堪用。又動虧卹賞銀兩。畏罪自盡。除追賠外。應免置議。高玉連。王國棟。訊無抑勒威逼。惟不能先事豫防。王國棟於該千總欲為買妾之言。未經峻拒。請交部分別議處。從之。○諭軍機大臣等。有人奏。湖南會同縣典史陸根培。遇事需索。經縣民梁世藻呈告。該管知縣曾有差傳。洪市積秀班。在署私演淫戲。官親何

淳。勒索劉郁文銀一千餘兩。門丁徐五因解馬科派錢文諸款。畏其稟發。代為隱匿。永興縣高亭司巡檢崔倭。擅受李五乃呈詞。被告之李正全。向縣呈訴。該巡檢令弓兵王貴。李光等。押令至署。出錢始放。並將曹允吉。李春雲。曹戊乃。板責收禁。押令出錢。湘鄉縣永豐市縣丞馮宗燁。濫添胥役。勒索生員李濟世等錢文。茶陵州吏目朱德華。在衡州府委用時。借部民李如洋銀兩。無償。同至茶陵。令充

門丁又與李如洋妻吳氏同居署內。李如洋故後。仍不將李吳氏遣出。李吳氏屢次訛索私給銀兩。該州僅押令李吳氏回籍。並不稟究。再湖南寶慶府一帶土匪串同差役。設立私卡一百餘處。勒索搶奪。擾累商民。該府屬新邑迴龍市雙灘村等處。有劉賢吉劉賢澤唐紹舜等設卡糾眾。搭蓋棚廠。勒索民人。陽卓羣等米一百餘石。及劉儉文等錢物。該縣差役李春鄧忠為之庇護。歷控未究。武岡州

湖塘水津渡雞公寨等處。有陳明烈夏本加等糾眾立卡。奪去鄧裕升陳一中等包穀錢文。殺傷民人陳宇訓陽永貞等。該州門丁熊四等通同徇隱。邵陽縣白沙洲至鎌子灣貓兒塘一帶。有曾衛仁申廷仁余入海何明光鄧乾富陳百富韓廖長子雷佳上等分設四五十卡。搶索葉羣望趙超羣周文升朱致和等錢物。勒詐李永年歐陽標彭可慎何秉彝。蔣天元宋明德蕭良貴等錢文。復在該縣早

路書寫示帖。招集一百三十二廟。每廟出錢於宜塘觀立約。青雲山點名。搶奪太平鄉舉人曾宗達家穀石。歷經呈控。僅獲歐陽標案內夏五等數名。該縣差役賀見蕭文陳信等通同一氣。指引余入海等至縣。與夥犯交接。該縣庇役不辦。其餘府城外稅關下洛陽灣至松樹灘一帶。設卡更多。擾累尤甚。等語。國家分職任官。所以除莠安良。勤恤民隱。據奏陸根培崔俊馮宗煒朱德華等擅受民詞。婪

索錢文。及寶慶府屬新邑迴龍市等處。有劉賢吉等設卡勒索。如果屬實。大千法紀。訥爾經額到任未久。無所用其回護。著於查閱營伍之便。明查暗訪。儻寶慶府一帶實有土匪串同差役立卡勒索情事。立拏懲辦。劣員陸根培等如實有婪索確據。即著嚴叅。毋稍徇隱。原摺著鈔給閱看。將此諭令知之。尋奏審明虛實各情。將陸根培等分別革職免議。梁世藻劉賢吉等按律定擬。私卡拆除淨盡。下

部議從之。○廣州將軍慶山奏請赴臺灣勦賊得旨。所奏可嘉。但此時大局未定。未便添派。俟朕再看光景。候旨可也。○以吏部左侍郎奕經充經筵講官。都察院左都御史白鏞署經筵講官。○命乾清門行走喀爾喀親王車登多爾濟在御前行走。哈密回子郡王銜貝勒伯錫爾同子郡王伊薩克在紫禁城內騎馬。賞扎魯特貝勒布木色楞青海貝勒那木喀旺扎勒喀爾喀貝勒音登該魯布雙眼

花翎。○以喀喇沙爾屯田豐收。予員弁議敘。賞兵丁一月鹽菜銀。○四子部落扎薩克郡王伊什齊當扎魯特扎薩克貝勒布木色楞等三人。茂明安貝勒達木丕勒等二人。青海扎薩克貝勒那木喀旺扎勒等二人。喀爾喀貝子蘊丹蓋魯布等七人。鄂爾多斯扎薩克貝子端多布色楞等二人。翁牛特扎薩克鎮國公烏呢濟爾噶勒阿拉善鎮國公普爾普。科爾沁輔國公巴圖等二人。扎哈沁公車德

布達什喀喇沁多羅額駙巴勒丹蘊丹等二人。杜爾伯特二等台吉達錫多爾濟等二人。綽羅斯四等台吉鄂呢濟爾噶勒和碩特四等台吉喇錫棟魯布等二人。土爾扈特四等台吉巴勒桑等二人。土司存多格勒等二十人。朝鮮國使臣徐耕輔等三人。於西苑門外瞻覲。○丙寅。諭內閣。琦善奏京控搶奪孀婦威逼人命一案。請將延玩不職之知縣未能究出實情之知府辦理失當之委員分別

革職議處一摺。平山縣知縣周爾堂於糾眾強搶婦女要案。並不即時拏究。又不訊取供詞。激成上控。實屬泄玩。著即革職。正定府知府關炳審訊多次。未能究出實情。委員候補同知李樹玉。既究出代寫字據。已得端倪。乃不從此根究。亦屬辦理失當。均著交部議處。○諭軍機大臣等。本日據魏元烺由六百里馳奏提臣到臺後連得勝仗。擒獲賊匪股首。餘匪星散。請止各省勁旅一摺。據稱提督馬

濟勝總兵竇振彪自臺灣府城及鹿港馳抵嘉義與提督劉廷斌會合。南北道路已通。賊匪各股首雖黃番婆劉港二犯未知曾否就擒而陳連劉仲詹通三名既經報獲又連獲賊目多名大股聚眾三五千者所存二三百人小股止存百餘人或三五十人各村莊團集丁壯助官獲犯義勇招雇不少所調之兵陸續抵臺。擒捕餘匪已數調遣應將河南四川貴州西安等兵截回等語現已飭令瑚松額抵閩後即行渡臺督同劉廷斌馬濟勝擒捕黨羽務期悉數殲擒並諭程祖洛渡臺辦理善後事宜河南等處官兵自應撤回歸伍以免跋涉侍衛巴圖魯章京等已令瑚松額酌帶數員渡臺餘著哈琅阿管帶回京其馬濟勝函稱十一月二十六日曾有摺稿聲敘續獲勝仗焚燬賊巢擒獲股首詹通各情形該撫接到後想已即行具奏矣將此由五百里諭令知之○又諭本日據魏元烺馳奏提

臣連得勝仗擒獲賊匪股首請停止各省勁旅一摺據奏十二月十一日接馬濟勝十一月三十日印封由鹽水港馳抵嘉義與總兵竇振彪提督劉廷斌會合南北道路已通股首聚眾三五千者刻下所存不過二三百人小股百八十人三五十人不等各村莊團集丁壯助官獲犯綁送軍前股首陳連劉仲業經擒獲陳連解交彰化縣劉仲解交嘉義縣黃番婆劉港二犯聞亦就獲但未解到又鹿港同知王蘭佩稟稱陳連等在茅港尾經馬濟勝疊次擊敗斃匪多名遁至彰化縣屬之內山林圯埔一帶該同知督同義勇及總理林迎祥等拏獲黃城名下先鋒林景和一名並會同彰化縣知縣李廷璧丁役義勇總理等拏獲逆首陳連及陳蛟黃網三名都司洪志高拏獲余海一名該丞又接署安平協副將事艋舺營參將溫兆鳳自嘉義來信云詹通業經拏獲提督馬濟勝以賊黨星散

專事按捕兵勇義民頗數調遣各省調取兵弁尚未抵閩應行截回又馬濟勝函內聲敘十一月二十六日曾有一函並摺稿詳述續獲勝仗各情形尚未遞到飭令查明等語馬濟勝函由蚶江口岸逕遞到省想程祖洛駐在廈門得信稍遲一二日間亦可奏到此時南北道路已通賊匪四處奔逃瑚松額著即渡臺督同劉廷斌馬濟勝悉數殲擒其著名賊目解京懲治餘匪就地辦理善後事宜著

程祖洛渡臺妥辦仍遵前旨會同詳查起釁根由具奏侍衛巴圖魯章京等瑚松額渡臺時如須帶往著酌帶數員餘著哈琅阿管帶回京各省官兵尚未抵閩者截回歸伍將此由五百里各諭令知之○湖廣總督訥爾經額奏兩省文武大員察覈未周請將年終密考緩至明春具奏得旨是明年年底再行密奏○光祿寺卿程德楷因病解任命國子監祭酒程恩澤在上書房行走○命值年河道

大臣奉宸苑卿阿揚阿會同禮部尚書著蕃理藩院尚書博啓圖工部左侍郎恩銘履勘京城內外興修河道○修湖北漢陽府護城石隄並馬頭開壩從總督訥爾經額等請也○貸直隸駐劄災區各營兵丁餉銀○丁卯孝莊文皇后忌辰遣官祭

昭西陵

上詣

壽康宮前殿行禮後殿問

皇太后安○諭內閣富呢揚阿奏按限扣收幫丁積欠庫銀酌緩餘米變價暨帶緩米數一摺浙江漕白二十一幫積欠司道各庫銀兩前經降旨飭令該撫自本年為始遵照奏定限期完繳茲據查明本運屆限所有借欠司道各庫及楊村剝價等款共銀十一萬餘兩業經全數扣收其留南餘米變價抵還縣庫一項姑念本年起運各幫守候灌塘添備關纜費用倍增丁力實形窘迫著照所請留南

餘米變價抵還縣庫一項除帶北濟用外約
購銀五萬九千餘兩加恩暫行給丁濟運俟
下運扣收至湖屬台前等八幫上年減歇在
次本年扣款已多且加裝道光十年十一年
緩徵之米已屬負重若再加裝殊於運行有
礙該八幫應交晚颶初限米二千九百餘石
著准其下運帶交以紓丁力而利重運○又
諭布彥泰奏原借庫項請定限歸款將餘購
賞給參贊大臣作為賞需一摺前任參贊大

臣巴哈布因塔爾巴哈台辦公竭蹶奏准動
項置買貨物為購換哈薩克之用以所獲餘
利辦公本銀俟一二年後陸續歸款惟未定
數目年限非慎重公項之道茲據布彥泰酌
定確數限年歸款著照所請前借庫項五千
兩自本年為始按年歸還五百兩十年埽數
全清每年再以餘購銀三百兩歸入官布鋪
作為本銀以便置貨貿易購換該處地界縣
互幾二千里西面一帶卡倫外皆哈薩克遊

牧其王公台吉阿哈拉克齊等不時來城又
所屬霍伯克賽哩之土爾扈特王公台吉等
來城或差人前來均須酌給賞物費用較多
自應量為津貼前項貿易餘購銀兩除歸本
辦公外每年尚可餘銀一二百兩至數百兩
不等著加恩賞給該參贊大臣以為賞項此
項雖係閒款究屬歲支定額仍著造冊報部
以備稽查○諭軍機大臣等寄諭山西巡撫
尹濟源山西歸綏道福長居官若何才具是

否勝任精神能否周到該撫到任已經數月
著確切查明據實覆奏將此諭令知之尋奏
福長精神強健於地方情形屬員賢否尚為
明晰亦無貪劣情事惟才具未能練達間或
過聽人言旋即改悟報聞○貴州按察使李
文耕年老休致以廣東鹽運使吳傑為貴州
按察使○修築浙江山陰會稽蕭山上虞四
縣柴土簍石塘工從巡撫富呢揚阿請也○
戊辰諭內閣前據琦善奏司庫存銀及續收

地糧耗羨等銀。除支過兵餉及年例應支各項外。實存銀三十五萬餘兩。不敷歲內支項。並來年墊發春夏二季例支各款。懇請籌撥經費銀六十萬兩。當交戶部議奏。茲據覆稱。該省本年秋撥冊報實存銀五十七萬餘兩。除冬撥案內指撥兵餉外。尚計存銀二十七萬餘兩。著即於此項撥銀十五萬兩。又該省官虧續虧兩案。奏明攤捐彌補。計應攤存銀二十萬兩。著於此項再撥銀十萬兩。其餘不

敷銀兩。准其撥用。山西秋撥留協地丁銀十萬兩。長蘆秋撥留協鹽課餘平等銀七萬兩。河東報存道光十二年河工經費銀六萬兩。天津關稅銀七萬兩。臨清關稅銀五萬兩。著該撫鹽政監督等委員解赴直隸藩庫。以供支用。至該省續虧案內各款銀五十七萬一千餘兩。屯糧案內流交作抵銀三萬五千餘兩。未經報部充餉。又初二三次清查案內虧賠各員。已完銀七十二萬九百餘兩。續完銀

十五萬兩。未據造入撥冊。著直隸總督勒限五箇月。全行報撥充餉。如再逾限。嚴叅懲辦。並先取具歷任承辦遲延職名。送部覈議。○又諭現據程祖洛魏元烺。由六百里先後馳奏提督馬濟勝等屢獲勝仗。拏獲賊目多名。餘匪紛紛奔竄。該處兵丁義勇。足敷擒捕。所有四川貴州兩省官兵。無論行抵何處。著沿途各督撫飛咨帶兵各員。妥為管帶歸伍。毋許逗留滋擾。○諭軍機大臣等。據朱士彥等

奏決隄首犯陳端未獲。訊據陳堂等供稱。陳端在山東道上。曾告知伊等。如袁雙觀家不能久住。有江西糧船南前幫旗丁喻晚生。及艾隆仔船上管船人本松。並山東河南交界劉家口子地方。開設合興建功建德長號。四家豆行人趙姓花姓鄭姓。俱相素識。並山東台兒莊一帶煤窯。均可躲避等語。著各該督撫密飭地方官。選派妥役。上緊購線訪拏。毋任遠颺漏網。並嚴飭各該州縣。不得藉此滋

擾。僅不實力查拏。仍令潛蹤藏匿。一經鄰省
躡緝。在該地方拏獲。必將該管督撫及該州
縣等懲處不貸。毋得視為海捕具文。將此各
諭令知之。○又諭本日據程祖洛馳奏。提臣
連得勝仗。擒獲股首賊匪多名。將本省暨浙
省官兵撤回一摺。據稱十二月初六日。接到
臺灣縣陳炳極十月二十一日發稟。內稱都
司蔡長青守備陳雲蛟帶兵前赴軍營。行至
嘉義縣曾文溪地方。遇賊截殺。蔡長青被戕。

礮位烏槍火藥鉛子旗幟軍裝均被搶去。守
備陳雲蛟把總陳高陞及兵丁五百餘人。退
回郡城。其餘弁兵。不知下落。是蔡長青被害
已確。臺灣道平慶既未具奏。又不申稟。是否
有文報在途。現已飛飭確查。復於十二月初
九日。接平慶稟稱十一月十二日。接提臣馬
濟勝函開。賊匪屯聚茅港尾。兵勇前往勦捕。
槍斃多賊。奪獲礮位器械。生擒偽軍師林浴
沂等十餘名。拾獲各營千把外委鈐記六顆。

賊印一顆。旗一面。該匪等書信一匣。又接馬
濟勝十一月三十日嘉義所發信函。稱十一
月二十六日。曾具函將續獲勝仗。焚燬賊巢。
擒獲股首詹通各情形摺稿。寄至該督。該提
督即由鹽水港馳抵嘉義。沿途探訪。僉稱痛
勦之後。賊匪四散奔逃。南北道路已通。並將
股首詹通陳連劉仲等犯拏獲。又鹿港同知
王蘭佩稟稱。拏獲先鋒林景和逆首陳連。及
陳皎黃網三名。都司洪志高拏獲余海一名。

與魏元烺所奏大略相同。此時賊匪星散。必
須追蹤揔捕。沿海各口岸。著多派幹練員弁。
駕船堵禦。埔仔腳等處海汊。務必揔逐。固不
可令該匪等窮竄入山。尤不可令逃遁入海。
該提鎮所帶兵勇。既足敷調遣。其未渡臺之
福寧邵武汀州等營兵。及浙江兵。即應截回。
歸伍。四川貴州兩省官兵。現已降旨撤回。河
南官兵。西安馬隊。著瑚松額等酌量。或應留
若干名。或應全數撤回。一面飛咨辦理。一面

奏聞馬濟勝函稱十一月二十六日摺稿並以前尚有信函程祖洛均未接到著查明因何遲誤又魏元煥調赴八里坌登岸之副將謝朝恩及所帶兵丁至今尚無下落與謝朝恩同時放洋之換班兵丁駛至八里坌港口因潮落不能進港被風漂至廣東洋面至十二月初七日廣東護送回閩現據魏元煥奏馬濟勝已令謝朝恩帶兵往鳳山勦捕其兵丁是否到齊著並詳查具奏瑚松額程祖洛仍遵前旨即速渡臺將所拏各逆犯除業經正法外擇其情節兇惡者派員解京其餘就地處治偽造年號係何字樣何人所用何人起意渠魁究屬何人據實具奏此次劉廷斌督率兵勇守城馬濟勝屢次接仗拏獲要犯均屬奮勇出力兩人勞績著分別等差具奏斷不可稍有朦混擒捕餘匪務須淨絕根株不留餘孽勿致貽患將來並著詳查起釁根由分晰具奏善後事宜程祖洛尤須熟籌妥

議為久安長治之策儻未幾又有肇釁謀逆等情則惟程祖洛是問又另片奏馬濟勝將查探勦辦情形三次具奏廈門並未接遞亦未見別處口岸報馬濟勝奏摺過境著查明此三次配送船隻漂收何處有無別故一併奏聞將此由五百里各諭令知之○又諭據魏元煥奏十二月十二日接到馬濟勝十二月初三日函報擒獲股首黃番婆劉港二名賊夥謝成陳清山二名大賊目戴闊一名匪犯黃水來等六十四名查明前獲劉仲係疊攻嘉義戕害遊擊周承恩之兇要首犯押赴周承恩墳前凌遲立決現獲劉港係在店仔口與詹通等戕害知府呂志恆要犯黃番婆係在府城西關外行劫肇釁謀逆要犯均應凌遲俟該提督前往南路時帶至店仔口等處辦理其餘各犯同劉廷斌擒獲偽帥吳紹柯和尚賴牛偽軍師林世治黃寅偽先鋒邱據並逆夥一百數十名均就嘉義正法鳳山

縣大湖二層行溪一帶有賊竄擾已撥兵一千二百餘名義民四百名交副將謝朝恩督同參將達明阿帶往勦捕又接劉廷斌移送摺稿稱此案起釁根由及奪獲偽印黃色帽罩槍礮賊械俱報經督臣具奏南投縣丞朱懋受傷身故都司周進龍右手中槍落馬救回鈐記遺失此案賊目各處所報不同渠魁究係何人是否已經正法現已飛催確查賊勢既蹙現飭舟師及沿海文武加緊巡查並

咨浙江廣東一體堵捕復經水師提督陳化成派兵飛渡臺灣通洋各港汛查拏截堵等語覽奏均悉瑚松額程祖洛現已諭令渡臺按勦餘匪辦理善後事宜此案渠魁已令確查具奏賊匪勢窮力蹙計無復之恐以海為逋逃淵藪已諭該將軍等通飭水陸官兵截其入海之路並飛咨浙江廣東一體巡防該撫務嚴飭沿海文武員弁實力查拏毋許一名竄入四川貴州官兵已降旨撤回河南官

兵西安馬隊已諭該將軍等酌量或留若干或全數撤回一面飛咨辦理一面奏聞將此由五百里諭令知之○欽差工部尚書朱士彥等奏遵旨覆訊陳堂陳欽張開泰趙步堂等聽從陳端宅隄其初次商謀在新集蘆棚並非民居稠密之地千總沈得功殤女未嫁與陳端威誼已斷該弁兵實不知情被糾各犯本無田廬生業但貪微值餬口蕩析非其所畏宅隄時止兵丁楊德一名在堡當即躲

避所稱捆縛多人施放鳥槍等詞俱係捏飾張家灣距十三堡三十里故沈得功天明始至因決口已難搶堵河督未能即到通判田銳令伊同張家灣搶險謹將刑部所駁穆彰阿等原奏未協各罪名按律定擬仍嚴緝未獲各犯下部議從之○章嘉呼圖克圖請假回游牧省母允之賞其母

御書福壽字並珍玩文綺○貸江蘇劉河鎮江兩營駐劄災區兵丁糧餉銀米○免雲南銅

廠民久無著工本銀○

上以歲暮裕祭

太廟自是日始齋戒三日○己巳命廣西按察使多客安來京以三等侍衛科布多參贊大臣阿勒清阿為廣西按察使副都統銜頭等侍衛孝順岱為科布多參贊大臣○命江蘇撥款買補漕河徐各標並奇兵營災缺兵糧○庚午以歲暮裕祭遣官祭

太廟中殿

後殿○諭內閣本日據馬濟勝劉廷斌由驛馳奏勦捕嘉義賊匪拏獲要犯多名撥兵前赴南路勦捕各摺片覽奏欣慰此次臺灣匪徒聚眾滋事戕害府縣實堪痛恨提督劉廷斌帶兵馳赴嘉義該匪四面圍攻該提督督率守禦沿途打仗殺賊奪獲旗幟器械生擒偽帥吳紹柯和尚賴牛偽軍師林世治黃寬偽先鋒邱據並賊夥一百餘名事經三月之久一切奮勇出力馬濟勝渡臺後在茅港尾屢

獲勝仗生擒股首詹通陳連陳皎黃網林景和拔營進屯鹽水港會同劉廷斌分派弁兵四處截拏獲股首黃番婆賊夥謝成陳清山其股首劉港劉仲經官兵等先後縛送又獲賊目戴闊匪犯黃水來等六十四名逆首張丙黃城賊目廖花匪夥李略等十一名現赴南路勦捕均臻妥速俱屬可嘉之至馬濟勝劉廷斌俱著先行加恩賞戴雙眼花翎並交部從優議敘前任臺防同知代理臺灣府事

王衍慶於防堵機宜辦理周密著加恩賞戴花翎交部從優議敘署漳州鎮標左營遊擊張傳著加恩賞戴花翎興化右營都司李發漳提標右營守備馬起鳳千總何家鳳把總蔡長珍臺灣南路營千總朱鴻恩鎮標中營把總陳兆培外委毛起鳳義首武舉張連捷武生王得蟠張景星林騰瑞總理葉占春提標後營馬兵曾大魁興化左營槍兵何捷高漳州城守營槍兵黃青桂均著加恩賞戴藍

翎發去雙眼花翎二枝著馬濟勝劉廷斌祇領將此通諭中外知之○諭軍機大臣等本日據瑚松額等由四百里馳奏行抵江山縣接撫臣魏元烺函文知臺匪已獲一摺昨據程祖洛魏元烺先後由六百里馳奏提督馬濟勝渡臺後連獲勝仗拏獲各賊目疊經降旨令該將軍即行渡臺督同劉廷斌馬濟勝擒捕餘黨並諭程祖洛渡臺辦理善後事宜計此時該將軍早已抵閩福州將軍印信仍

著署理欽差大臣關防現需渡臺勦捕即帶往鈐用零星餘匪及未獲賊目務須悉數殲擒勿留餘孽將著名賊目情節可惡者派員解京餘匪就地處治地方善後事宜著程祖洛熟籌妥議為久安長治之策並會同詳查起釁根由據實具奏此案賊目各處所報不同渠魁究係何人偽造年號係何字樣何人所用一併詳查具奏侍衛巴圖魯章京等既據該將軍酌留凱隆阿等數員帶赴該處其

餘二十九員即著哈琅阿管帶回京四川貴州官兵昨已降旨撤回河南官兵西安馬隊或留若干或全數撤回該將軍等酌量辦理將此由五百里諭知瑚松額並諭程祖洛知之○又諭劉廷斌守城三月之久督率兵勇堵捕殺賊生擒偽帥吳紹柯和尚賴牛及賊夥一百餘名奪獲偽印等件馬濟勝帶兵渡臺迅速馳抵嘉義與劉廷斌會合擒獲股首劉港詹通劉仲陳連張丙黃番婆等多名一

切守禦勦捕奮勇可嘉之至馬濟勝劉廷斌已降旨先行加恩賞戴雙眼花翎並交部從優議敘矣馬濟勝現赴南路劉廷斌亦赴漳化淡水一帶沿途擒捕務須盡絕根株勿留餘孽現已諭令瑚松額渡臺督勦程祖洛辦理善後事宜諒即先後到彼所獲各賊首除業經正法外其張丙係起意謀逆戕害府縣殺傷將弁兵丁屢拒大隊之最要首犯著即派員解京盡法懲治劉廷斌另摺奏請陞見

著瑚松額程祖洛酌量情形如需該提督勦捕餘匪即著暫留如已歲事即赴廣東提督新任明年冬間再請陛見將此由五百里諭令知之○又諭魏元烺奏勦捕臺灣賊匪恐糧餉尚有不敷請寬為籌備等語自係未接馬濟勝等連獲勝仗賊匪奔竄之信故有此奏現在臺地不過揀捕餘匪各路官兵亦已酌撤所需糧餉除前此奏撥銀三十萬兩外尚存八萬六千一百餘兩自己足敷支給國

家經費有常亦應力加撙節所有司庫存貯閩海關稅盈餘銀九萬二千八百餘兩備公銀三十萬兩本年九月奏報另款存貯緩解監餉銀十萬兩應存貯者仍行存貯應入撥者仍行聽撥毋任糜費將此諭令知之○賞扎嚕特貝勒薩達爾雙眼花翎扎嚕特鎮國公們都巴雅爾阿拉善鎮國公普爾普扎哈沁公車德布達什喀喇沁貝子瑪哈巴拉次子三等塔布囊多爾濟喇布坦花翎○以庫

車辦理軍需出力予章京元福等升擢選補有差○以阿克蘇葉爾羌添建軍臺城堡各工出力予參將李錡等加銜升擢選補賞賚有差○以烏魯木齊所屬庫爾喀喇烏蘇精河屯田豐收予員弁議敘兵丁遣犯賞賚有差○撫卹琉球國遭風難夷如例○辛未裕祭

太廟
上親詣行禮○遣官祭

永陵
福陵
昭陵
昭西陵
孝陵
孝東陵
景陵
泰陵
泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○遣官祭

太歲之神○諭軍機大臣等昨據馬濟勝劉廷斌奏報賊匪解散擒獲股首撥兵赴南路勦捕及劉廷斌單銜奏報勦捕守禦情形係十二月初二日拜發又據馬濟勝等奏續獲逆首張丙黃城分路勦捕情形係十二月初

四日拜發該提督等奏摺是否由廈門行走抑由省城馳遞如係經過省城何日到省原限日行幾百里著瑚松額程祖洛查明具奏不准含混前劉廷斌具稟該督內有差探嘉義以南至郡城一二十里徧處俱有賊匪又程祖洛繪圖入奏茅港尾有匪拒守茅港尾至曾門十里曾門至府城北門外小較場三十里是賊匪已逼近郡城該匪陳辦陳連等於閏九月二十二日焚搶起距十二月初二

日已逾七旬之久前據該道平慶奏將獄囚悉行誅戮以防內應究竟郡城曾否有賊窺伺平慶在郡城如何設法抵禦並著瑚松額程祖洛查明覆奏將此由四百里諭令知之○以故土謝圖汗雅凌太弟車林多爾濟襲爵○琉球國使臣向永昌等二人於午門外瞻觀○壬申

上御保和殿筵宴朝正外藩科爾沁巴林喀喇沁奈曼教漢蘇尼特四子部落扎魯特茂明安喀爾喀鄂爾多斯郭爾羅斯翁牛特阿拉善哈密青海扎哈沁杜爾伯特土爾扈特和碩特綽羅斯王貝勒貝子公額駙台吉等並朝鮮琉球國正副使隨文武大臣以次就坐諸樂並作

上進酒召左翼科爾沁卓哩克圖親王巴圖巴林扎薩克郡王那木濟勒旺楚克蘇尼特扎薩克郡王齊旺扎布右翼喀爾喀扎薩克親王車登巴咱爾科爾沁扎薩克郡王僧格林

沁扎薩克貝子濟克默特至

御座前賜酒成禮○諭軍機大臣等昨據馬濟勝劉廷斌奏賊匪解散擒獲股首撥兵赴南路勦捕一摺內稱馬濟勝前在茅港尾屢獲勝仗攻毀賊巢生擒股首詹通於十一月二十六日由驛奏報劉廷斌於十月初四日至八獎溪遇賊沿途打仗得進嘉義縣城時曾查明此案起釁根由節次書蠅頭小字藏入扁挑專差或由山內或假裝賊夥送彰化縣

加封馳遞請督臣代奏已據彰化縣具報轉遞等語此兩次奏報何以至今未到所書蠅頭小字摺片幾件奏報幾次起釁根由究竟如何著該提督等詳晰據實具奏原遞摺片無論漂失及有無別故即著照舊繕寫補奏毋許遷就含混將此由五百里諭令知之○是年旌表孝子江蘇等省張崇璣等十三名孝義山西等省捐職布政司理問冀國定等四名孝友福建魏洪德等二名孝女江蘇等

省王杏娥等八口孝婦陝西熊姚氏一口義夫安徽捐職從九品印賓暘一名守節合例滿洲馬甲德明額妻烏爾庫吉氏等一百十五口蒙古馬甲杜爾百吉圖妻富察氏等三口內務府三等侍衛扎普棟阿妻聞氏等三口各省駐防閒散依爾登布妻陳氏等二百十七口奉天等省高登科妻李氏等一千四百四十七口夫亡殉節滿洲貝勒二等侍衛德麟妾陸氏一口江蘇等省辭宗江未婚妻張氏等四十三口未婚守志蒙古護軍明住聘妻馬氏一口順天等省宋文鳳聘妻丁氏等三十二口百歲壽氏婦安徽等省倪德榜等二十二名口五世同堂盛京駐防九品頂帶鍾伸保等二家直隸等省監生謝德孝等四十一家七世同居湖北貢生陳履謙一家捐金好義安徽等省候選知縣蔡邦琦等七名口各給銀建坊如例○一產三男直隸

前行走喀爾喀親王車登多爾濟紫韁四子
部落郡王伊什齊當三眼花翎在乾清門行
走鄂爾多斯貝子察克都爾色楞雙眼花翎
○甲戌諭內閣上年除夕保和殿筵宴禮部
堂司各官帶領朝鮮琉球兩國使臣跪領賜
酒將先後班次錯誤茲據耆英等遵旨查明
叅奏實屬疏忽色克精額文慶及該部帶領
之司官著交部分別議處○緩徵直隸霸保
安吳橋行唐大城永清東光天津靜海阜平

青雄三河薊寧河東安鹽山靈壽宣化蔚龍

二

門懷來遵化玉田涞水定通安滄易趙隆平
寧晉武清寶坻香河固安大興宛平房山良
鄉昌平順義懷柔密雲平谷盧龍定興安肅
新城唐完容城高陽河間獻任邱南皮慶雲
大名延慶赤城豐潤南宮新河六十五州縣
上年被旱被水被霜被雹村莊額賦展賑霸
大城永清雄青吳橋東光天津靜海阜平行
唐保安十二州縣災民一月○緩徵山東單

范荷澤曹定陶鄆城城武鉅野濮觀城昌邑
東阿東平鄒滕陽穀壽張鄆城聊城莘濟寧
金鄉嘉祥魚臺博興高苑樂安鄒平齊河禹
城海豐青城蒲臺夏津朝城章邱新城齊東
濟陽臨邑四十州縣並德州東昌臨清濟寧
四衛上年災歉村莊正雜額賦○加賞江蘇
海沔陽桃源山陽阜寧鹽城清河安東高郵
泰東臺興化寶應銅山蕭陽山邳宿遷睢寧
十九州縣及大河淮安徐州三衛上年被水

軍民一月口糧並展賑桃源縣大河衛軍民

三

一月○加賞安徽宿靈璧鳳臺鳳陽懷遠壽
泗七州縣及屯坐各衛上年被水被旱軍民
一月口糧並展賑五河縣災民一月○乙亥
高宗純皇帝忌辰遣官祭
裕陵
上詣
奉先殿
壽皇殿行禮○丙子

上御紫光閣。賜蒙古王貝勒貝子公台吉及外藩使臣等宴。並賞賚有差。○給浙江餘杭新城富陽縉雲四縣上年被旱被水被風災民一月口糧。○給甘肅秦鞏皋蘭隆德華亭五州縣上年被雹被水被旱災民口糧。並貸籽種。○貸山西朔。隰。薩。拉。齊。山。陰。岢嵐。定襄。五臺。崞。交城。嵐。平。魯。十一廳州縣上年歉收貧民倉穀。○貸河南睢。祥符。陳留。杞。商邱。寧陵。永城。鹿邑。虞城。夏邑。柘城。延津。封邱。考城。河內。泌陽。內鄉。汝陽。上蔡。新蔡。淮寧。西華。商水。項城。沈邱。太康。扶溝。息。二十八州縣上年被水災民倉穀。加賞陽武。原武。武陟。三縣災民一月口糧。○給陝西興安府上年被水災民一月口糧。並貸葭州上年被雹災民籽種。○丁丑。諭內閣。本日據程祖洛等先後馳奏著名逆首陳辦。陳連。詹通。張丙等。俱全就獲。其要犯賊夥。覈計疊次報獲。亦復不少。現在按捕零星餘匪。該處所調兵丁及義勇等。已足

敷用。所有前調西安河南官兵。無論行抵何處地方。著沿途各督撫。即飛咨帶兵各員。妥為管帶。迅速歸伍。毋許逗留滋擾。○又諭。程祖洛奏。請將飾詞申訴之守備革職等語。浙江署瑞安協中軍都司事右營守備朱榮鈐。於被揭被控之後。輒以支飾浮詞具稟申訴。著即革職。交富呢揚阿調驗文檄。提集人卷。東公逐一審擬具奏。程祖洛前在杭州時。訪聞該守備朱榮鈐官聲平常。曾經密飭溫處道王維誠確查。乃遲至三月。未據稟覆。是否沿途耽延。著一併查明據實參辦。尋奏。朱榮鈐訊無缺額賣脫。及誑領銀兩。剋扣兵糧情弊。惟經李朝清揭參之後。將十一月十三日奉調之文。改為十月。以掩其怠巡之罪。應照律杖責。溫處道王維誠。於奉文飭查時。適調省辦理武闡提調事務。稽延雖屬有因。業已遲至三月。應交部照例議處。從之。○又諭。程祖洛奏。請將縱容弁兵勒索滋事之遊擊庚

音保等分別革審一摺。此案徵調勦捕臺匪之福寧營兵。內有駐防寧德縣兵。定期不行。需索轎價銀兩。該管遊擊庚音保開送清單。索用轎夫多名。該縣照單付給。該兵丁等又訛搶林世通鹽館及民人黃連清張宜等家錢物。並將哨捕林東海毆傷。管領千總李祥福索借番銀二十圓。又與管領把總張世泰縱兵勒索。把總阮飛鳳並非管領之弁。率以該縣未備損夫。請改行期。又於兵丁訛搶等

情代為支飾

六

庚音保係統轄大員。不知嚴加約束。任令滋事。轉以該縣遲誤軍行為詞。實屬荒謬。所有福寧鎮標右營遊擊庚音保千總李祥福。把總張世泰。阮飛鳳。俱著革職。交魏元烺提集全案人證卷宗。秉公審辦。又另片奏撤回福寧左營兵丁鄭開封等。在福清縣勒折夫價。致將夫頭林德輝毆傷身死等語。所有此案勒索釀命之兵丁鄭開封林進春並約束不嚴之帶兵遊擊高恩顯。管領千

總楊長福等。一併撤回。俱著交魏元烺督同該司等嚴行訊究。分別辦理。○諭軍機大臣等。本日據劉廷斌由四百里奏報生擒逆首陳辦。並拏獲偽帥股首。分別辦理一摺。所辦甚合機宜。朕心嘉悅。此次嘉義紳民。困守五十餘日。兵勇屢次殺賊。奪礮焚巢。官民依繫。若家人父子。該縣紳民深堪嘉尚。著瑚松額。程祖洛查明候旨施恩。所有拏獲偽帥賴和尚。及羅雲章。黃城。暨逆首陳連。及在彰化拏

獲張臨等各犯

七

俱著瑚松額。程祖洛確切查明員弁兵丁義勇。候朕懋賞。其嘉義新南港總理林振賢等。督率莊民林欽瑞等生擒逆首陳辦。可嘉之至。現在四逆俱擒。張丙前已有旨解京。其陳連。陳辦二犯。著即派委要員迅速解京。盡法懲治。以彰國憲而快人心。其詹通一犯。據劉廷斌奏。同張丙一處管押。亦著一併解京。其匪匪應搭捕者。務須盡絕根株。著瑚松額會同劉廷斌。馬濟勝妥為辦理。

其善後事宜最關緊要。本係地方官之責。其焚燬村莊。應安撫者。務須妥為安輯。若不趁此時辦理妥協。將來大兵歸伍。或尚有餘匪竊發。朕惟程祖洛是問。至劉廷斌於該處安輯後。應赴廣東新任。即著劉廷斌自行酌量。察看該處地方安靜無虞。再行起程前往可也。又據程祖洛由六百里加緊奏報。臺匪解散。請停止欽差大臣前往。並撤回各省官兵一摺。所奏俱是。該提督馬濟勝於十一月二

附錄二百元

八

十六日。拜發。擒獲詹通一摺。又劉廷斌摺稿內有。竊獲吳貂等犯。奪獲黃色帽罩等物。曾稟總督代奏。至今未接此稟。即馬濟勝十一月二十六日寄程祖洛信。尚未接到。著程祖洛確查下落。其河南官兵。西安馬隊。本日已明降諭旨。一併迅速撤回歸伍。其參贊大臣哈琅阿。及侍衛巴圖魯。前已降旨撤回。瑚松額。現署福州將軍。並應勒捕零星賊匪。仍著迅速前渡。會同劉廷斌等辦理。至所奏由蚶

江配渡鹿港各官兵餉銀。尚有兵一百名。餉銀六千兩未到。其由五虎門配渡八里坌。有五船在竹塹等處洋面遭風。並遊擊保芝琳等各兵船。尚有漂泊內洋者。已飛飭撤兵歸伍。以節糜費。甚為妥協。其餉銀一項。將來賑卹難民盈餘尚多。毋需籌撥。其火藥鉛子。尚未起解者。即行截留。及臬司鳳來飭令回省。俱著照所請行。又另片奏。前代理臺灣府事同知王行慶。確係能得民心之員。魏元烺將其改簡。恐係輕信屬吏之言。未能得實。朕用人行政。惟知一公字。程祖洛膺茲重任。為國宣勤。彰善癉惡。亦當守一公字。無恤其他。著東公確查。有應參奏者。據實參奏。不准徇隱。至劉廷斌稟稿內。稱縣城以北匪徒陳辦。陳連焚搶情形。及縣城以南逆匪張丙等戕害官兵。及賊匪徧地實情。著程祖洛再行確查具奏。至所稱縣衙竟無一人在署。且俱易服色。此語大奇。是否係無知愚民。驚惶變服避

附錄二百元

九

難抑係有心從賊。或竟有官紳在內。並著程祖洛確切查明。其所稱該逆每至城濠見城上竟有紅面及婦女持刀拋石。近城賊匪一見生畏。二十日西門內堆口。浮起大礮一尊。自是

神助。其紅面及婦女究竟係何神像。亦著程祖洛查明覆奏。其三苞竹莊民吳登科兄弟二人。首先立殺偽元帥陳位首級投繳。尚屬知義。又城東大目根保山仔頂等莊義首林

實錄卷一百三十九

十

應得鄭嗣音羅安然等自備資斧。團集義民。俱著程祖洛查明具奏。候朕施恩。至所稱臺灣盜案。本係一擁而入。辦案必改為把風分別辦理。積習相沿。應如何辦理。以示懲儆之處。著程祖洛體察情形。奏明辦理。將此由五百里諭知瑚松額。程祖洛並諭劉廷斌馬濟勝知之。○調吏部右侍郎湯金釗為戶部左侍郎。工部右侍郎浙江學政何凌漢為吏部右侍郎。兼管順天府府尹事。命來京供職。未

到京前。以戶部尚書王鼎署兼管順天府府尹事。內閣學士姚元之為工部右侍郎。兼管錢法堂事務。仍兼署兵部左侍郎。○命禮部右侍郎陳用光提督浙江學政。○戊寅。諭內閣。前因阮元奏請雲南貴州兩省有應升之本籍遊擊。遇參將缺出。即於該二省內互為調升。當降旨交兵部議奏。茲據奏查定例。福建浙江兩省陸路參將。應題缺出。如本省無合例之員。准其於兩省通融題補。又定例。豫

實錄卷一百四十

上

保註冊之陸路遊擊。有籍隸本省者。雲南與貴州互相調掣。該督所奏。係與定例相符等語。惟總督兼轄兩省者多。如兩江兩廣陝甘湖廣等省。事同一律。該部所稱定例。始自何時。各省辦理。有無兩歧。自應妥立章程。以昭畫一。著該部詳細查明。定議具奏。○貸湖北漢川京山天門江陵公安石首松滋七縣暨屯坐各衛上年被水軍民籽種。○貸江西南昌新建進賢豐城鄱陽萬年星子都昌建昌

安義湖口彭澤十二縣上年被水被旱災民
籽種○貸湖南澧安鄉華容三州縣及岳州
衛上年被水軍民籽種○給兩淮富安安豐
梁垛東臺何垛丁溪草堰劉莊伍祐新興廟
灣十一場上年被水竈戶穀石並給板浦中
正臨興三場竈戶一月口糧○

上帝自是日始齋戒三日○乙卯

世祖章皇帝忌辰遣官祭

宣統二年元月

六

孝陵○諭內閣前因西安駐防候補四品京堂
舒靈阿呈遞封章列款奏揭將軍徐錕當降
旨派昇寅等前往查辦茲據審明定擬具奏
此案調任福州將軍徐錕在西安將軍任內
於額設馬匹尚無短少其料豆餘贖變價錢
文年終散給兵丁係照向來章程辦理並無
餽送朋分情事又舒靈阿所揭徐錕送閱廷
寄驗缺放官俱出協領花沙布之手並飲酒
賦詩看戲聽南詞及修造房屋置買器具俱

官為支應又派佐領等為堂官乘轎出入等
款均無確據惟該將軍以一品大員輒託協
領等轉借盤費銀四千兩又收馬十六匹於
家人得受抽頭錢文毫無覺察昇寅等議以
革職實屬咎所應得惟年未衰老若令其回
京轉得安閒自逸著賞給藍翎侍衛作為駐
藏幫辦大臣即行前往毋許羈延協領伯奇
克圖阿勒金布崇柱塔瑚禮珠隆阿花沙布
忠靈署協領定德饒送徐錕馬匹又於草價
內各那借徐錕銀五百兩雖銀兩馬匹現已
歸還究屬不合俱著交部議處候補四品京
堂舒靈阿以告病在旗人員輒敢干預公事
呈遞封章此風斷不可長且所揭各款惟該
協領等攢湊銀兩餽送馬匹一節尚屬有因
而銀數又不相符實屬險詐舒靈阿著交部
嚴加議處至八旗額設馬匹必應臚壯足額
該營於出青時每圈少拴十匹又不照例餵
養雖據稱事閱多年究屬違例著永遠禁止

惟買補額外馬匹。若仍由兵餉內坐扣。兵力實有未逮。且年終所分餘錢。由來已久。一經裁革。兵丁等未免拮据。著桓格等妥為籌畫。毋許再滋弊端。餘著照所擬完結。○諭軍機大臣等。鄧廷楨奏據江西寧都州知州王泉之稟稱。該員於道光七年接前途來信。朱毛俚在安徽地方勾結山東河南匪徒滋事。上年又接准新建縣轉進賢東鄉安仁崇安石門嘉秀吳江靈璧永城等縣來信。潁州府教匪滋事。業經拏獲王全慰等十二名。其教頭朱毛俚等在逃。應請通飭嚴拏等情。經該撫查明上年潁州府屬並無報獲教匪王全慰之事。又據王泉之稟稱。實係接准來信。潁州府拏獲教匪王全慰均稱。教頭朱毛俚等在逃未獲。稟請覈辦。並准周之琦飭據新建進賢東鄉安仁等縣稟稱。上年九月內。准前途遞到此信。轉至寧都州屬實等語。此案朱毛俚係嘉慶十九年間。江西省審辦逆案逸

犯自通緝以來。總未弋獲。道光七年。阜陽縣民趙中信商同王會隴習教一案。內王更有在河南鹿邑縣朱文友家見過朱毛俚之供。經該撫委員密赴河南確查。並無朱毛俚蹤跡。並訊出朱文友串囑假冒實情。奏結完案。茲據王泉之稟。該犯兩次潛匿潁州。鄧廷楨奏請根查嚴緝。實則難容漏網。虛亦不留疑竇。所見甚是。該撫現委知府周天爵通判金萼會同該府馬志燮該縣朱履密訪嚴拏。務得確實。不准含混。並著陶澍遴委明幹大員。由鳳陽府入境兜查。以杜諱飾。仍恐該犯行蹤詭秘。並著鍾祥楊國楨一體嚴查。無分畛域。實力躡緝。仍不許張皇滋擾。至此項信函。經江西省查明。係由福建崇安縣遞至江西鉛山縣。是已得有頭緒。不難水落石出。仍著魏元烺逐程追溯。以期得實。其王泉之稟內尚牽敘道光四年間。相驗路斃無名男屍。檢獲假票腰牌。顯係朱毛俚在福建偽封官職

等語。亦著周之琦、魏元烺一併查明具奏。將此各諭令知之。○又諭：本日據魏元烺由五百里馳報臺灣南路匪徒解散，擬撤內營官兵一摺。覽奏俱悉。所稱提督馬濟勝錄送奏稿八件，內除十月十八日十二月初二初四等日所發三摺已由馬濟勝自行具奏，又十一月二十六日經程祖洛照稿代繕具奏一件，本日復經魏元烺照稿代繕具奏二件外，其十一月初三二十等日所發二摺，至今並未奏到。該撫既稱俱經轉遞過省，究由何處耽延？何處遺失？著即迅速查明，據實覆奏。並將馬濟勝所寄該撫摺稿八件，均即照錄一分具奏。將此附報便諭令知之。○又諭：本日據馬濟勝由五百里奏報續獲勝仗生擒股首詹通、委員安撫莊民及由嘉義帶兵回郡續獲股首蔡恭、江七及馳赴南路勦捕賊匪各一摺。覽奏俱悉。升任廣東提督劉廷斌在嘉義嬰城固守五十餘日，官民依繫若家人

父子並生擒逆首陳辦，拏獲偽帥賴和尚、黃城等。馬濟勝率二千餘名之兵兩旬之間一鼓作氣無敵不摧，其拏獲詹通、賊匪幾及萬餘。該員以寡擊眾，俟賊匪聲嘶力竭，揮兵迎敵，順風拋擲火彈，謀勇兼全，可嘉之至。此二員厥功俱偉，允宜渥加懋賞。惟該員等工力悉敵，何人尤為傑出？著瑚松額、程祖洛查明具奏。候朕格外施恩。其陳辦、陳連、張丙、詹通四大股俱已生擒，前此拏獲梁辦、莊文一偽示，膽敢偽造年號，深堪髮指。係何股首起意偽造，不難就現獲各犯細心研鞫，以期水落石出。著瑚松額、程祖洛嚴訊據實詳奏。所有此次擒獲股首詹通之同安營參將王明等已明降諭旨先行分別賞給花翎藍翎，內有尤為出力之員，並著瑚松額、程祖洛查明具奏，再加恩賞，以示鼓勵。其幫同截拏之義首義民亦著一體查明獎勵。其拏獲蔡恭、江七等之出力文武官兵紳衿義首亦著分別等

第奏請恩施。至擒獲詹通之武生林騰瑞及在茅港尾打仗七次暨協同府廳丁役等獲蔡恭等之生員陳廷祿並著瑚松額程祖洛查明從優鼓勵。再善後事宜最關緊要。其匪匪應擒捕者務須淨絕根株。試思匪徒起事不止萬餘人。其脅從者固多。其先行從賊見官兵得勝棄械充義民者自復不少。雖不忍概予駢誅。必須妥為揀剔。若不趁此時辦理妥協。將來大兵歸伍。或尚有餘孽乘機竊發。

實錄卷一百一

人

成何事體。朕惟程祖洛是問。懔之慎之。將此由五百里諭知瑚松額程祖洛。並諭馬濟勝知之。○調廣州將軍慶山為福州將軍。以烏魯木齊提督哈豐阿為廣州將軍。甘肅河州鎮總兵官德克金布為烏魯木齊提督。○命西藏辦事大臣興科來京。以駐藏幫辦大臣隆文為西藏辦事大臣。○以擒獲臺灣賊匪詹通等出力。賞參將玉明馬麟輝花翎。把總林振高等藍翎。○庚辰

上詣

南郊齋宮齋宿。○諭軍機大臣等。本日據馬濟勝由驛馳奏。行抵茅港尾地方。連獲勝仗。及再獲勝仗各摺片。覽奏曷勝嘉悅。該提督自臺郡拔營領兵剿賊。行抵嘉義縣屬茅港尾。遙見竹園中有賊旗數面。賊匪二千餘人。旋揮兵勇上前接仗。槍斃賊匪數名。次日該匪劉仲劉港江七蔡恭黃番婆等。賊眾五六千人。四面包圍而來。該提督待其鼓譟疲乏。即分撥兵勇四面攻擊。槍斃疊發。轟斃騎馬賊一名。步賊三百餘名。生擒二十一名。奪獲槍斃器械多件。賊匪潰散。因該處竹園茂密。恐有埋伏。未便深追。足見忠勇素著。兼有謀略者。不失機宜。必能成功。其查點兵勇義民。祇一名身受槍傷。尤屬難得。該匪等糾眾愈多。仍在竹園中三面埋伏。該提督整隊前進。該匪等開礮抵拒。我兵奮力攻擊。斃匪百餘名。奪獲大礮火藥並竹槍器械。不計其數。餘匪

實錄卷一百一

人

散去。我兵追逐十餘里。沿途殺斃賊匪數十名。生擒偽軍師林浴沂等十餘名。並據義民屯丁拾獲澎湖水師各營千把外委遺失鈐記六顆。木偽印一顆。旗一面。木匣一箇。內貯書信十餘張。多係股首蔡恭與劉港。劉仲。黃番婆等。約會往來書信。該提督將各原信存留。俟擒渠時據為質證。可謂精細之至。偽印業經斧碎。鈐記六顆。已經封貯。林浴沂訊供後。即行斬首。梟示。十二日。仍復分兵三路。前赴茅港莊一帶。勦捕。行至鐵線橋地方。該處橋梁狹隘。我兵不能整隊而過。旋據兵民等呈繳首級耳記二十餘具。奪獲槍械百餘件。該匪等敗走。後糾集北路賊匪。陸續南來。十八日。陳連黃城。張丙。劉港。劉仲。江七。蔡恭。黃番婆等。同賊夥一萬餘人。由茅港三面蜂擁而來。該提督督率官兵分路攻擊。傷斃賊匪不計其數。餘匪四散。我兵追勦。共計殺賊三百餘名。內有賊目吳姓一名。為屯番所殺。呈

繳首級。又追至灣裏溪一帶。斃賊一百餘名。生擒三十餘名。溺死者不可勝數。奪獲礮位器械無算。內有蔡四海等十四名。當即訊明正法。其餘被脅平民。均經訊明釋放。該提督勇敢之氣。實堪嘉尚。想彼時該提督惟知報國二字。朕覽奏。不覺墮淚。忠勇若是。天必加護。何患不受懋賞也。將此由四百里諭令知之。○又諭。寄諭福建巡撫魏元烺。昨因提督馬濟勝所奏摺稿。內十一月初三二十等日所發二摺。並未奏到。降旨飭令該撫查明何處耽延。何處遺失。並將摺稿再錄一分具奏。本日馬濟勝摺報。內初三二十等日各摺。均已遞到。無誤。著毋庸再查。亦毋庸再錄摺稿具奏。將此諭令知之。○福建提督馬濟勝奏到臺日期。並查探賊匪情形。得旨。初到之時。所見皆是。故能以少勝眾。不煩內地兵力。而奏膚功。可嘉之至。又奏飭副將謝朝恩等。即帶兵赴彰化協勦。以分賊勢。批。彼時光

景。不知汝何等著急也。可嘉可念。○以直隸河間協副將向尊化為甘肅河州鎮總兵官。○辛巳。祈穀於

上帝。

上親詣行禮。○詣

皇太后宮問安。○諭內閣。周之琦奏。拏獲結拜匪犯。請將失察之縣營寬免。叅處一摺。前經御史鮑文淳奏。江西匪類甚繁。各有頭目。請飭查拏。當降旨。令將該御史所奏著名首犯。

實錄卷二百五

七

嚴拏究辦。茲據奏稱。拏獲張義老等各犯。審明結拜擾害屬實。所有獲犯之各該縣營。辦理尚屬認真。請照歷辦。擔匪成案。將功抵過。免其叅處等語。除莠安良。係地方官專責。此案張義老等聚眾結拜。擾害鄉閭。各該縣營。如果自行認真訪查嚴辦。其失察處分。尚可量為寬免。茲經該御史叅奏。始行訪拏究辦。雖獲犯多名。功過豈足相抵。所有各該縣營失察處分。仍著該撫查取職名。送部議處。餘

著刑部議奏。○以辦賑出力。予兩淮鹽大使徐慶咸等升補有差。○貸江南揚州青山。泰州。掘港。駐劄災區各營兵丁餉銀。○壬午。享太廟。遣定親王奕紹恭代行禮。○

上詣

大高殿行禮。○幸圓明園。○奉

皇太后居綺春園。○詣

安佑宮行禮。○遣官祭

太歲之神。○癸未。

實錄卷二百六

七

上詣綺春園問

皇太后安。○諭軍機大臣等。程祖洛奏。續接鎮臣稟報。獲匪及現辦撫卹一摺。覽奏俱悉。此次臺灣賊匪滋事。所有各處稟報股首之大小姓名。股數之多寡。滋事之月日。彼此互異。即劉廷斌。馬濟勝奏報情形。亦有參差。皆因道路梗塞。傳聞舛訛所致。現在著名逆首。及戕官攻城要犯。俱全數擒獲。即有一二竄匿餘匪。及鳳山滋事遺孽。亦不難於撥淨。著程

祖洛抵臺灣後。與瑚松額即提逆首張丙等。究追實在姓名下落。證以馮濟勝所獲逆匪信札。並查明起釁根由。一面督飭撥捕。一面將張丙等專遣要員迅速解京。盡法處治。以彰國憲而快人心。其打仗陣亡之鹽水港守備張榮森。把總張必思。外委馮兆慶。同歷次打仗陣亡之員弁兵丁義勇等。著程祖洛會同劉廷斌。馮濟勝。查明分別奏請賜卹。其守城獲賊打仗得功之文武員弁兵丁義勇。並著程祖洛查明具奏。候朕施恩。此時大局既定。當以招集流亡。安撫難民。為第一要務。該督已節飭臺灣道府及赴臺灣之興化府知府黃綏誥等。督飭印委各員。隨營分投撫諭。一律歸莊。其被焚無家可歸者。查明瓦草房間數。分別給予銀兩。令其自行搭蓋。並按照戶口給銀撫卹。惟此項賑卹。與災賑不同。尤當分別良莠。著程祖洛先行出示曉諭。責成各莊總董及義首等。確切查明實係良民方

准撫卹。該總董等里巷同居。見聞較切。其始而助賊為匪。繼因畏懼官兵。改充義勇者。仍當治以助賊之罪。若概予撫卹。良莠不分。尚復成何事體。儻或辦理草率。致有冒濫。朕惟該地方官是問。決不寬貸。懍之慎之。將此由四百里諭令知之。○以河南南陽鎮總兵官段琨為江南提督。○濬京師朝陽門外運河。從倉場侍郎貴慶等請也。○甲申。諭內閣。前因盧坤奏請酌調湖廣將弁數員赴粵。專教弁兵。勤加練習。係為整頓營伍起見。當經降旨允行。茲據訥爾經額奏稱。湖南苗獠雜處。地方緊要。副將等官請免調赴粵東等語。該省獠匪甫經戡定。撫綏巡防。諸資熟手。所有湖南沅州協副將薩勒哈善。寶慶協副將王錫朋。現居緊要。准其仍留湖廣。毋庸調往廣東。至所調提鎮標營守備十把總。洪發科等九員。著訥爾經額酌派四五員前赴廣東。以資訓練。○又諭。訥爾經額奏。確查審理積案

之縣令獎勵過當。請撤銷升銜一摺。前因盧坤等以襄陽縣知縣阮克峻完結積案較多。奏請賞加知州銜。旋經降旨令盧坤將襄陽縣所積八百餘案。查係積自何時。何時據實奏參辦理。茲據訥爾經額奏稱。該令在襄陽縣任內。審結自理詞訟四百餘起。承審前任內結外結命盜姦拐竊雜及上控委審等案二百三十起。自理詞訟一百八十起等語。州縣身膺民社。審理案件。是其專責。至命案姦拐等案。例有一定審限。尤應趕緊辦理。阮克峻在襄陽任內。將及兩載。覈計所結自理詞訟。每日審理不及一案。並不為多。其承審各案。多有查銷詳銷。及解赴別處審辦。並該令接審還限。業於本案附參。求其實在審明。辦結不逾例限者。不過十之五六。盧坤等前請賞加知州銜。實屬過當。著即撤銷。前任湖北臬司臬毓善並不詳細查覈。據稟率詳。著交部議處。會詳之藩司行慶著交部察議。盧坤

楊懌曾未經覈明。即據詳入奏。著一併交部議處。其遞積各案之前令關維紀等各員。既據該督查明尚屬有因。並非有心延擱。著免其開參。○兩江總督陶澍等奏。籌定江西省堵緝浙私章程。得旨。共相努力。務收實效。仍須隨時認真稽查。奉行不力者。必當懲辦。不可姑息。○江西巡撫周之琦覆奏。遵議給事中握克精額奏。力除倉庫積弊情形。嗣後各州縣攤款捐款。嚴禁續添。交代時如有短交倉穀。勒限買補。不准作價流抵。至嘉慶年間清查案內。尚有舊虧未完銀七萬五百餘兩。近年災歉頻仍。請再緩三年。照原定章程分別提解歸款。得旨。所議尚屬周到。但須實力奉行。不可所聞無幾。依然如故。諸事之不能整頓。皆因不肯行之以實也。勉之毋忽。○以黑龍江總管常德為伯都訥副都統。○修直隸永定河隄埝。從總督琦善請也。○乙酉。諭內閣。前因阮元奏請雲南貴州兩省有應升

之本籍遊擊遇參將缺出即於該二省內互為調升當交兵部查奏係與定例相符惟總督兼轄兩省者多辦理有無兩歧復經降旨著該部詳查議奏茲據查明雲貴豫保互相調掣及閩浙參將通融題補係歷經議准定例該督所奏與定例相符惟各該總督所轄兩省之中必須均有題缺方可通融題補而直省武職題推額缺多少懸殊參將一項除陝甘二省向係統輪外其兩江兩廣湖廣等省或有題缺或無題缺與雲貴閩浙均有題缺者不同辦理勢難畫一等語所有雲貴兩省籍隸本省應升之遊擊一項遇應題參將缺出著准其照閩浙通融題補及該二省豫保互相調掣之例互為調升其餘各省均不准違例濫請以符定制○又諭西安駐防協領伯奇克圖等於徐銳調任時託借盤費輒於草價內那借銀兩又餽送馬匹經該部各議以革職實屬咎所應得姑念其尚非有事

黃緣事後又經退還協領伯奇克圖阿勒金布崇柱塔瑚禮珠隆阿花沙布忠靈署協領任領定德均著加恩改為革職留任八年無過方准開復塔瑚禮所兼雲騎尉世職著毋庸革退候補四品京堂舒靈阿以告病在旗人員輒敢干預公事呈遞封章所揭各款均無確據實屬險詐若不加以懲創其何以杜刁健而儆官邪舒靈阿著照部議革職以昭炯戒○調貴州威寧鎮總兵官都勒豐阿為河南南陽鎮總兵官○以辦賑勸捐出力予江蘇通判劉文澈等議敘○濬江蘇丹徒丹陽二縣運河從巡撫林則徐請也○丙戌上御奉三無私殿賜親藩等宴○諭軍機大臣等據穆彰阿等奏嚴訊左章炳實未列款致書並續查所列各款均屬虛誣顯係詭託姓名捏揭一摺據稱將原信款單各字跡與左章炳所書履歷供詞覈對迥屬不符即與左慶桐張映垣當堂具寫親供亦絕不相似既

經穆彰阿等嚴審一月有餘。並無端倪。是左章炳並未列款。訐訴尚屬可信。而原列條款內除對聯歌謠及營謀缺分等條。均係子虛其餘昏夜餽送各情節。據左章炳供。非但未見聞。並稱該撫楊惲曾清名夙著。即知府裕謙同知邵勳均屬楚省得力之員。其原列各款。應毋庸議。惟此案以無根之詞。誣訐巡撫大吏及地方官。至十餘員之多。乃復隱匿姓名。詭託他人致書。其鬼蜮伎倆。較之尋常

宣統二年元月

字

匿名揭帖。尤為可惡。著訥爾經額隨事隨時留心查訪。並密向被誣之員詳細推求。再根查事跡。一得端倪。即行密速緝拏。從嚴奏辦。毋使此等奸詭險詐之徒。倖逃法網。將此諭令知之。○丁亥。

上詣

安佑宮行禮。○御正大光明殿。賜朝正外藩等宴。作樂賜酒如除夕儀。○御山高水長。賜王公大臣蒙古王貝勒貝子公台吉及外藩使

臣等食。○賞回子郡王伊薩克三眼花翎。廓爾喀副使訥伽必合薩哈花翎。

宣統二年元月

壬

大清宣宗效天符運立中體正至文聖武智勇仁慈儉勤孝敏成皇帝實錄卷之二百二十九

大清宣宗效天符運立中體正至文聖武智勇
仁慈儉勤孝敏成皇帝實錄卷之二百三十

纂修總纂官日講起居注官太子太傅禮部尚書文淵閣學士等奉
天倉庫等處總辦加五級紀錄十八次臣等稽察各該處庫務
六倉大臣等會同稽察各該處倉庫加六級紀錄五次臣等稽察各該處倉庫
內務府大臣等稽察各該處庫務加七次大臣等稽察各該處庫務
實錄總纂官等奉加十八級臣等稽察各該處庫務加六級紀錄二十次臣等稽察各該處庫務

道光十三年癸巳正月戊子

上御正大光明殿賜大學士尚書等宴○諭內
閣前據蔣立鏞奏湖北隄工地方官未趕緊
興修孝感黃陂搶劫之案甚多署天門縣知
縣呂恂侵蝕捐賑棉衣銀兩各款當降旨交
穆彰阿等查辦茲據奏訥爾經額於到任後
查知各屬官民希冀借帑興修以致觀望遲
延即嚴飭該管道府親詣督勘籌議並勒限
嚴督趕辦春汛以前均可一律完竣至歷年
殘缺隄工須俟水勢歸槽方能集費修築實

非有意遲延孝感黃陂二縣因上年捻匪竄
入搶劫滋擾業經該督等嚴飭營縣盡力擒
捕當時各鄉居民防範綢繆在所不免嗣獲
犯後民情安帖鄉民並非全遷城內州縣遇
有搶劫案件據實具報處分甚輕若一諱匿
轉成私罪即被害之人無不即時上控現檢
查兩縣及各州縣並無被控搶劫案件其無
規避處分諱盜不報之事自屬可信又呂恂
上年代理天門縣事共收紳商捐輸工賑錢
文查明各垸內實在貧民戶口擇其公正紳
士者民將錢文當堂給領每垸給錢自一百
餘千至數十千文不等有花名細冊紳耆領
狀可據其餘錢文為修復各垸潰隄之用均
係紳耆經手俱有工程底帳可查不但該員
毫無沾染且未假手吏胥可保無剋扣之弊
至製備禦寒棉衣草衣係該員捐廉施捨並
未報銷從何侵冒等語穆彰阿係欽派大臣
訥爾經額係新任湖廣總督交查事件均無

所用其回護既據詳查具奏自係實在情形
蔣立鏞所奏著毋庸議○己丑諭內閣前因
張井奏黃運湖河各工上年水漲殘損請分
別估辦以資修防當經降旨交朱士彥敬徵
就近覆勘具奏茲據奏履勘高堰山盱揚河
揚糧裏河各廳工程分別急修緩修賠補各
條朕詳加披閱所有高堰山盱廳屬擬加卑
矮石工應加丈尺間有不符層數亦宜再酌
即准其加砌卑矮工段尚多仍不能一律配

實錄卷三十三

上

平應將賠補各工於本年盛漲前修補完整
至卑矮石工處所請照現在揚河西岸估砌
碎石坦坡高五六尺將海漫石尾壓於坦坡
之下較之加砌稍有撙節著該河督查勘情
形奏明後分年覈辦其林家西滾壩勒令已
革通判張慰祖照例賠修舊信壩外越護壩
著補還石工並照式幫寬土隄使內外隄工
一律齊整其壩後舊料儘可選用仍著確切
覈估智壩仁河石底衝損照舊修復義河跌

塘處所情形較輕兩岸土高結實可靠若改
挑河頭石牆石底均需另行創造且與開山
無異斷難改移應照仁河石底一律填修其
壩下南北束水二隄應補缺口著准補還加
幫工段暫行緩修揚河西岸緯隄衝刷坍塌
情形較重冊造工段丈量相符著照式分年
估辦其越河港起至高甘交界止照舊補還
緯隄土工間段共長三千一百餘丈與上段
隄工相連亦應修補著歸入常年另案款內

實錄卷三十三

下

動用修理揚河西岸倒卸甄石各工新工應
令各員賠修舊工共長一千八百六十餘丈
不能普律加砌既據查明洪澤湖石工土隄
均係碎石包護連年並無掣卸所有補修石
工著即改拋碎石現交春令糧艘將到運辦
均需時日除新工仍令本年賠修外舊工拋
護碎石應令分年估辦嗣後舊工如有倒卸
著該河督均改用碎石保護隨時辦理至揚
河及揚糧兩廳東西各岸土隄並甄石各工

及金灣以下緯道除應賠各工外著仍歸歲修成案辦理。裏河廳屬福興正開東雁翅壩却石工。金門開底間有跌損著確切查勘另估具奏。即於本年趕緊修辦。其惠濟越閘牆縫串水著緩至下年估辦。以上應行修辦各工統計需銀不過三四十萬兩著張井即照該尚書等所奏情形確數銀數奏明辦理。○
庚寅

上詣綺春園問

中書奏事官

皇太后安。○諭內閣寶興等奏請將失察秋種之歷年巡守各官交部議處一摺。近年吉林山禁弛懈不法之徒往往布種栽秧實為淺務之害。茲據該將軍等奏稱現獲民人王樹創夫杜育芳馬篤義等案均係歷年私種秧淺其在俄木和索羅地方者俱已起有實據在琿春地方者亦經行文查明結報所辦甚好至巡守各官並不認真嚴撥非尋常疏懈可比所有歷年失察之巡山守卡各官俱著

查取職名交部議處以示懲儆。○又諭已革同知銜署桃南通判田銳。桃南營守備張順清龍窩汛千總沈德功。桃源縣南岸主簿王積榮防守隄工是其專責乃不能先時豫防致奸民盜挖決口全黃入湖事後復以無據之言冒昧具稟其罪較重僅照失察私越關津律加等杖六十徒一年不足示懲。田銳張順清沈德功王積榮均著發往軍臺效力贖罪以為玩視河防者戒。○諭軍機大臣等盧

中書奏事官

坤奏續據廉州文武及水師各員報獲盜船洋匪並遵旨查覆各情形一摺。覽奏俱悉。洋面匪徒易於嘯聚必須隨時查拏。李鴻賓任內經盧坤查明曾經飭屬查拏有案。是李鴻賓尚非竟不查辦業經另案革職遣戍著毋庸議。提督李增階統率署參將林開疆等巡查合浦縣之潤洲禁山圍拏獲犯沈潰寬等四名又續獲大頭雞等三名署副將高宜勇及署遊擊林鳳儀等會同廉州府巡緝龍門

洋面都司余清擎住賊艘。並盜匪二名。擒獲要犯方彼等九名。長髮夷犯二名。被擄客民二名。計先後截獲盜船五隻。擊沈一隻。生擒盜匪數十名。當場格殺及溺斃者不計其數。惟前獲各犯。訊出盜首楊就富等均未弋獲。並據高宜勇等。勘得龍洋東南一面。屬高雷瓊三府。中有潤洲一島為門戶。其西一面為越南地方。盜船常聚匿狗頭山。必須杜其糧食。軍火接濟。截其越境出劫之路。並訪得盜

廣東省志

船尚有十餘隻。遠匿夷境甲洲狗頭山等處。我兵沙線不熟。難以遠涉。自宜咨會越南。驅逐出巢。惟華夷疆域攸分。必須確悉情形。方可勦捕無遺。該督俟李增階與道府續將如何商定之處。札覆到日。仍遵前旨。檄諭該國王。合力同心。勦除淨盡。於內地有益。在該國亦免劫掠。其檄文尤須措詞得體。不可大意。張皇致開邊釁。又另片奏廣州府屬南海番禺等縣。與肇慶府屬水面皆通。有著名首盜

侯幅滿等聚黨搶掠。經盧坤委副將賴英揚等實力截捕。追獲張武潰等六名。獲船一隻。又追獲胡亞九等匪犯十餘名。交新會縣審辦。又拏獲匪徒鍾昌連等八名。交香山縣收審。又據余得彪等將該犯侯幅滿擒獲。實屬可嘉。並於海洲大亨橫江等處。先後獲陳亞明等二十餘名。惟尚有香山四等未獲。仍上緊緝拏。所辦認真之至。不似李鴻賓如聲如聒也。務須體察情形。實力實心。肅清洋面。以

廣東省志

副委任。將此諭令知之。○以湖南軍需報銷完竣。予通判文煒等議敘。○辛卯

上御山高水長。賜王公大臣蒙古王貝勒貝子公台吉及外藩使臣等食。○壬辰。諭內閣。盧坤等奏籌堵違禁夷船章程一摺。前因啖咭喇夷船駛至閩浙江南山東等處。洋面降旨令該督等妥籌防堵。章程具奏。茲據該督等查明啖咭喇到粵夷船開船輸稅情形。極為綏順。其駛至閩浙江南。又北駛山東。喇哩咪

甲利等船節年到粵夷船內並無前項名目。詢據該大班等亦不知有此船名。其由該國何路駛往江浙山東該大班等亦無從知悉。或係假捏該國船名希圖就地銷貨亦未可定。嘆咭喇夷船不准往浙東等省收泊。定例纂嚴嗣後著責成該省水師提鎮嚴督舟師官兵在近省之外洋至萬山一帶及粵閩交界洋面實力巡查。一遇夷船東駛立令舟師嚴行堵截。並飛咨上下營汛及沿海州縣一

體阻攔。務令折回粵洋收口。儻再有闖入閩浙江南山東等省者。即著將疏玩之提鎮將弁據實嚴叅。分別從重議處。該備弁兵丁等如有賄縱等弊。即行叅革治罪。其由閩省外洋冒稱西洋各國船名徑行駛入閩洋及竄至浙江等省。即著由浙省查詢來歷。咨明閩省查辦。自此次明定章程以後該督等務須嚴飭將弁實力奉行。儻水師官兵巡防稍有未周。洋行各商貿易稍有不公。在關經胥於

減定規費之數稍有溢取。即分別革究。以示懲儆。如查係由粵洋竄入內地洋面。則惟該督等是問。懍之慎之。○諭軍機大臣等。本日據瑚松額等奏到閩日期一摺。覽奏均悉。此時臺灣各股著名匪首均經拏獲。南北兩路俱已肅清。其巴圖魯侍衛之內除瑚松額帶往者。餘著哈琅阿管帶回京。瑚松額仍遵前旨帶欽差大臣關防東渡。會同程祖洛將逆首陳辦。陳連。詹通。張丙等訊明。派委妥員解

京。盡法懲治。其匪徒如有應按捕者務須淨絕根株。無留遺孽。所有臺灣鎮道以下及匪徒起釁緣由與程祖洛明查暗訪。據實奏聞。毋稍瞻徇。將此由四百里諭知瑚松額。並諭哈琅阿知之。○兩廣總督盧坤覆奏察看廣東藩司吉恆明練安詳。臬司楊振麟諳習刑名任事勇往。得旨覽奏均悉。嗣後兩司內如有改易前轍者。仍當據實奏聞。不可回護前言也。識之。又奏察訪廣西臬司多容安性情

和緩屬下不甚嚴憚捕務未見整飭批所奏與朕意相同但人已過世毋庸置議也○癸巳

孝穆皇后忌辰遣官祭

殯宮○諭軍機大臣等有人陳奏潯墅關為商船要道近年關監督以督理織造為名常駐府城並不親臨關口雖有佐雜委員在關彈壓而每日過稅該監督專委家丁辦理名曰總辦該家丁指使籤手差役訛詐商船其所

軍機處

上

得錢文名曰標禮每貨物百擔完正稅十二兩除加飯食火耗及一應使費共銀五兩八錢尚勒索標禮制錢三千四百四十餘文與正稅相等致有一關兩稅之目標禮之外又有查船謝儀自數千文至數十千不等稍不遂意將貨物踐踏再加重罰甚至將商人拘押關亭鎖住船隻習為故常該委員惟知聯絡家丁取好上官不敢查問更有關旁地棍隨同勒索立有投單派帳謝儀上籤船主

等名目自數千文至十餘千不等以致商民裹足關稅虧短等語國家設立關隘所以稽察非常通商裕課該關監督自宜常川到關若如所奏常駐府城僅委家丁總辦該家丁惟利是圖何弊不作以致正稅之外尚有標禮並有查船謝儀其地棍兼有投單等名目尚復成何事體著陶澍林則徐明查暗訪如有前項弊端立即嚴參永遠革除以裕課項而恤商旅該關與府城相距二十餘里該監

軍機處

上

督並不親臨關口所司何事嗣後並著隨時稽查儻豫並仍蹈近年積習惟知養尊處優著該督等參奏毋稍瞻徇將此諭令知之○又諭朕近聞年來潯墅關監督以督理織造為名常駐府城每日過稅專委家丁名曰總辦無弊不作商民裹足關稅虧短國家設官分職各有攸司該關監督有裕課通商之責自宜常川到關若養尊處優專委家丁辦理以致百弊叢生亦安用此監督為耶著傳諭

豫孽嗣後務須常川到關。有弊即懲。毋許沾染近年習氣。儻仍前安居簡出。被人叅奏。或經朕別有訪聞。惟該監督是問。將此傳諭知之。○又諭有人陳奏。上年五月間。福建海澄縣審辦陳振殺死陳恩。陳鄭氏一案。該縣尹元龍將陳振依殺死一家二命例。擬以斬決。臬司該撫因犯供游移。另委閩縣袁職業署侯官縣程績審辦。仍照原擬詳請具題。經刑部查覈案情。陳振所殺陳恩。陳鄭氏皆係有罪之人。應照擅殺絞候。從一科斷。改擬題結。查吏部則例。應擬秋後處決人犯。錯擬立決者。承審官降一級調用。不准抵銷。此案係袁職業等審擬招解具題。由部改擬。並非遵奉部駁。自行改正。按之定例。均有應行降調處分。該撫於接到部覆後。理應開送職名。聽候部議。乃事閱半年。並未來處。聞尹元龍等辦案草率。官聲甚為平常。袁職業調補首縣。程績署任侯官。均屬不協輿情等語。刑名為州

縣要務。審擬錯誤。例有一定處分。此案經部駁正後。已閱半年。何以不將承審各員職名送部議處。至調補首邑。尤須揀擇才猷卓著。官聲素好者。自不致招物議。程祖洛到閩未久。於該省事務。無所用其回護。著俟臺灣善後事竣。回省時。確切查明。此案審擬錯誤各職名。該撫曾否開送。尹元龍等辦案是否草率。官聲何如。袁職業。程績。調任首邑。於輿論能否允協。詳細據實具奏。毋稍瞻徇。將此諭令知之。尋奏。此案承審前任福州府桂芬。誤會律有非死罪三字。將絞候人犯錯擬斬梟。前臬司於巡撫駁審時。止委袁職業。程績。隨同審供。非令其商改罪名。袁職業人尚明幹。程績辦事尚臻妥協。尹元龍原驗通報。詳請提省。未定罪名。現已病故。均毋庸議。所有承審之知府桂芬。初次審轉之前任臬司鄭祖琛。覆審照轉之前署臬司王耀辰。請交部議處。尋議。鄭祖琛。王耀辰。降一級留任。魏元煥。

罰俸六箇月。袁曦業降一級調用。程績於補官日降一級調用。從之。○又諭有人奏稱上年八月間。楊國楨以中牟縣知縣黃元柱年逾六旬。於河防事務不甚相宜。請與嵩縣知縣秦時中對調。湯陰縣知縣黃樹烈年逾六十。才具未能開展。請與宜陽縣知縣施熙對調。曾經奉旨駁斥。黃元柱等衰老情形。該撫既有確見。理應及早劾參。乃半年以來並未參處。又不聞歸入計典。該二員履歷雖開六

旬以外。實已年過七旬。精力不能振作。斷難勝任等語。朕思察吏所以安民。任官尤須覈實。黃元柱等如果年力衰庸。未能稱職。即當據實參奏。乃何以日久未見奏及。抑曾否歸於計典。劾參著楊國楨明白回奏。將此諭令知之。尋奏該二員才具中平。而心地樸誠。均能循分供職。雖年逾六旬。精神尚健。又無別項劣跡。不便以改調在先。遽予參劾。報聞。○賞二等侍衛阿玉璽頭等侍衛在乾清門行

走。○蠲緩廣東連山廳上年被徭擾害村寨額賦有差。○甲午諭內閣。戶部奏廣東省向有南澳等鎮營裁汰外海船兵馬匹截存米石。例應按年變糶。又有裁汰軍標官兵截存米石。無閏之年亦應按年出糶。該省辦理遲逾。經該部屢次行催。仍未遵照一律變糶。造報。茲據查明船兵一項。除嘉慶十六十七兩年米石變糶外。尚有嘉慶七年十一二三四五等年。並十八年以後各年截存米石。未據

造報。其軍標米石。自變糶嘉慶二十年以後。除有閏之年。撥充旗營兵食外。其無閏之年亦未據變糶報部。統計應變米十萬餘石。應變入撥價銀二十萬餘兩。延不造報。似此任意延宕。殊非慎重辦公之道。著兩廣總督廣東巡撫嚴飭藩司查明道光十一年以前應變各案米石銀兩。迅速一律催繳完竣。埽數解司報撥。仍分年造具變糶價銀細冊報部覈辦。儻經此次飭催之後。仍復視為具文。著

將該管司道嚴行叅奏。又據另片奏廣東省題咨案內行查未覆。及逾限未報各案。開單請飭嚴催。著該督撫嚴飭藩司。自奉旨之日起。將新舊未結未報各案。迅即分別造報。登覆。並查取各案遲延職名。隨案送部覈議。儻仍復任意延擱。該部即將該管督撫司道一併嚴叅。以儆延玩。○諭軍機大臣等。據御史徐廣縉奏。請嚴飭州縣督銷鹽引一摺。鹽務銷引之法。莫要於緝私。私鹽日戢。則官鹽自暢。若如該御史所奏。商人自出成本。認銷口岸。多不自經理。止付之商廝店夥。而商廝店夥。又止知各自營私。罔恤商人成本。故商日疲。而課日絀。且雨淮運鹽船戶。不獨無水脚可領。必須向船行花費。始能領運引鹽。借有官引。肆行夾帶。其夾帶之私。即沿途售賣。私不銷盡。鹽不到岸。縱口岸缺鹽。地方官屢次稟催。而商廝店夥。止以在途阻風。稟覆及運鹽到岸。多被船戶攬和沙土。成色低下不堪。

岸夥照引收倉。船內賣騰夾帶私鹽。即為店夥賤售。名曰埽倉。其數無從查察。是商人行鹽。在途則有船戶之夾帶。在岸則有店夥之浮收。行一引之鹽。非三四倍之私。不能商店銷售。必先將私鹽銷盡。始銷官引。官引所以日滯。又現在鳳潁一帶。有請票行鹽者。亦有官為籌運者。如州縣能實力奉行。即滯岸不難銷售。至責令州縣實力督銷之法。莫要於商運不前者。地方官為之籌款運售。岸鹽不銷者。地方官為之派數比銷。儻商運已足。地方官不能實力督催。即分別予以降罰。叅革。如商運不足。地方官能籌款運售。或更能於額外溢銷者。即分別予以記功。加級。州縣自實力奉行。至運鹽到岸之日。儻有積滯。請照潁州府比銷之法。飭令鄉城地保。開具食鹽戶名。除零星小戶不計外。所有鄉城各戶。照戶口派銷。如醬坊醃菜坊。照市面派銷。均由地方官體察辦理。其督銷造報之法。設立冊

票一為地保認銷票一為商店發鹽票地保赴店買鹽時彼此對票商店則憑地保認銷之票報銷地方官則憑商店發鹽之票報銷其零星小戶赴店自行買食者亦併彙入總報報銷得實商店乃不得以銷騰私鹽混作未銷官引則州縣督銷得力各等語是否可行著陶澍體察情形妥議具奏務期於國課民食兩有裨益該御史原摺著鈔給閱看將此諭令知之尋奏兩淮鹽弊不止一端現已將船戶竈戶店夥鹽梟等弊設法杜絕該御史所奏按戶派鹽之法滋擾鄉閭流弊非一斷不可行從之○命都察院左都御史白鎔會同盛京工部侍郎裕泰敬謹修理

永陵

啓運殿工程○喀什噶爾領隊大臣額爾古倫因病賞假以葉爾羌領隊大臣烏珍泰署喀什噶爾領隊大臣葉爾羌協領朝善署領隊大臣○以捐修湖北貢院予試用知縣宋其

洋等議敘○乙未

孝聖憲皇后忌辰遣官祭

泰東陵○

上詣

恩慕寺

恩佑寺行禮○諭內閣琦善奏直隸地方緊要各營將領多有未經行陣之員懇酌調數員開單請簡一摺直隸為畿輔重地據該督奏稱現在大小營員中曾經行陣者甚少必須酌調數員俾資教練自係慎重營伍之道著照所請所有單開之直隸提標中軍參將西經阿應行題補之天津鎮標中軍遊擊尚政棠督標前營遊擊善祿大名鎮順德營遊擊西拉通阿四員俱著調往陝甘補用其肅州鎮甘州城守營參將王國輔濟木薩營參將馬殿甲西安鎮標中營遊擊陳金綬寧羌營遊擊向榮肅州鎮標中營遊擊得坤甘肅提標左營遊擊楊得貴六員俱著調往直隸補

用直隸現止參將一缺遊擊三缺所餘二員著琦善留俟營員出缺時酌量奏補此係畿輔地方尤關緊要他省不得援以為例○又諭前據徐寶善奏直隸道府延請幕友令州縣公出脩脯以資辦公當降旨交琦善確查具奏茲據奏外省大小官員惟恃額設俸廉為辦公之用遇有通省公事例無開銷者不得不於廉俸內行文攤扣多係詳明督撫列入交代其道府延請幕友歲需脩脯向係自出己資並無詳請攤扣他人廉俸案據惟首府廉俸無多其另辦發審案件之幕友專為通省公事由通省公派脩脯各省皆係如此不獨直隸近年為然若責令自出己資在各州縣所省甚微而首府勢必辦公竭蹶自應仍循其舊至上年蔣兆璠訐告徐寅第一案經戴宗沅等確訊實止蔣兆璠一人致送陋規此外各州縣實無餽送之事亦別無訐控之人原奏所稱自屬風聞未確徐寶善所奏

著毋庸議○又諭現在管帶後扈之領侍衛內大臣較少著派仁壽同奕紹福克津輪流管帶長齡雖屬身體康壯惟年已七旬有餘若仍令在公所輪流進班究與年邁之人不甚相宜長齡著加恩免其進班每遇長齡進班之日即著仁壽進班○以都察院左副都御史德春戶部左侍郎湯金釗知貢舉○丙申諭內閣祁墳奏頒發越南國時憲書尚未到粵先將粵省刻本發給該國遵照一摺越南國每年應領時憲書係由禮部發給廣西駐京提塘領出轉交摺差齎帶回粵去年該國應領時憲書遲至十二月尚未齎到經該撫將廣西省遵照部頒道光十三年底本刊刷之時憲書查照定數發交左江道遞送出關轉遞該國王遵照所辦是至此次廣西駐京提塘遞發憲書遲誤殊屬怠玩著兵部即傳該提塘嚴行訊問奏明辦理○又諭本年輪應查閱廣東廣西浙江福建營伍之期並

應補查陝西甘肅營伍廣東廣西著即派盧坤浙江福建著即派程祖洛陝西甘肅著即派楊遇春逐一查閱務各認真簡校如查有訓練不精軍實不齊者即將廢弛之將弁據實參劾毋得視為具文○又諭耆英等奏現在九門護城河並內城河道同時興工並以工代賑開工後貧民赴工就食較多應需米石不少若在北京城米鋪糴買供支先期給價陸續運用恐米價低昂不能豫定且慮奸商

藉口居奇民食益形昂貴請由京倉關領糴米以資工賑之用著照所請准其先領糴米一萬石由戶部酌中定價速行割倉支放其米價銀兩於支領夫價錢糧時照數扣除所請續支一萬石著隨時體察情形應否支領具奏辦理又另片奏挑挖河道應支夫價工料銀十萬六千三百三十五兩零著由戶部支領○諭軍機大臣等上年兵部等部會奏各省裁減兵數合計回疆增添防兵等項經

費及加增各城等官養廉仍有不敷又據壁昌等奏巴爾楚克防兵請分駐葉爾羌喀什噶爾等城各一千名暨奏留丁憂章京各摺片當交大學士軍機大臣會同該部議奏茲據奏稱道光八年奏添兵餉其每年由兩淮撥銀二十萬兩係屬暫時撥解礙難作為專款八年以前每歲原需銀七萬七千九百三十一兩係照向例辦理八年以後葉爾羌和闐喀什噶爾英吉沙爾烏什阿克蘇六城滿

漢兵丁以及伊犁錫伯索倫各營俸餉暨總兵養廉等項每歲增添經費銀二十萬五千八百一兩攤算行裝銀三萬二千五百兩十一年以後該六城並新設之巴爾楚克及伊犁新增各項連前共歲添經費銀二十七萬三千八百七十一兩零攤算行裝銀五萬五百六十兩較原撥經費額數計每歲多需銀三十二萬四千四百三十一兩零除將各省兵數百分裁二項下節省餉乾等銀二十一

萬二百五十八兩零。儘數抵支外。尚不敷銀十一萬四千一百七十三兩零。據壁昌等奏。巴爾楚克祇須駐兵一千名。其餘二千名。分移葉爾羌喀什噶爾駐劄。此項防兵二千名。本不在葉爾羌喀什噶爾原定防兵數內。應將此二千名先行裁撤。每年可節省餉銀及行裝銀共四萬四千八百兩。並請於各城酌量裁兵二千名。每年可再節省餉銀及行裝銀四萬四千八百兩。合之壁昌所奏正賦普爾錢抵銀二萬三千一百六十二兩零。尚不敷銀一千四百一十一兩。查巴爾楚克既僅駐兵一千名。事務較簡。原設換防總兵一員。即改為副將。其餘官弁亦應酌減。於經費又可節省。便可有贏無絀等語。國家經費有帶自應量入為出。前長齡等奏請各城添設防兵。原議一俟霍罕開通貿易。卡外相安。即可陸續裁撤。茲壁昌等奏請將巴爾楚克防兵移駐葉爾羌喀什噶爾。各一千名。既不在原定

防兵數內。該二城所駐兵額已足。操防著長清。即將此項兵二千名先行裁撤。所有壁昌等奏請移駐及添設遊擊都司守備等官之處。著毋庸議。至各城防兵。可否再行酌裁二千名。著長清覈實查明。酌量分別按數裁減。如照數裁撤。其暫撥兩淮每年銀二十萬兩。即行停止。至兵貴精不貴多。全在平時訓練。俾之有勇知方。一兵方可收一兵之用。著長清通行各該城大臣等。務須勤加操練。毋得日久生懈。是為至要。至壁昌等另片奏留葉爾羌丁憂印房掌印章京聯綬。糧餉章京瑞麟。已明降諭旨。准其暫緩回旗矣。將此諭令知之。○以上年畿輔歉收。命發京倉粟米三千石。於大興縣屬定福莊采育黃村宛平縣屬盧溝橋龐各莊清河六處設廠煮賑。○丁酉。上詣綺春園問皇太后安。○以翰林院侍講學士李煌。右春坊

右庶子毛樹棠充日講起居注官○湖北巡撫楊懌曾因病解任以貴州布政使麟慶為湖北巡撫江蘇按察使額騰伊為貴州布政使調安徽按察使怡良為江蘇按察使以安徽盧鳳道蔡世松為按察使○修湖北武昌荊州二府沿江隄岸從總督訥爾經額請也○戊戌諭軍機大臣等本日據劉廷斌奏彰化淡水閩粵兩籍互相焚燬帶兵彈壓令居民歸莊安業情形一摺覽奏俱悉此次劉廷

斌帶兵入彰化內山搜捕據嘉義廩生蘇克誠等拏獲偽帥曾吉廩生王源懋拏獲侯虎遂次南投又拏獲逆夥陳味李烏番黃漂曾求等至林杞埔地方又據兵勇邱登獻等拏獲陳番黃圭黃戰等犯該提督已令各籍頭人互相保結俱各歸莊安業並派副將葉長春帶兵赴彰化迤北葫蘆墩一帶彈壓續據淡水廳稟報廳屬後壠中港閩粵兩籍互相焚莊該提督即自林杞埔拔營隨至後壠中

港等處令兩籍互相具結保護各籍居民歸莊並令各指各籍匪徒隨官兵拏交廳訊不許袒護經該提督訊明先因嘉義有賊各籍雇人守莊嗣聞賊已勦除辭去者因索費不遂致滋事端是兩籍居民皆被好事之徒從中播弄除現獲放火閩人陳忠鄭容二名及奪物之粵民張廣祿劉阿耀二名業經訊辦外其內山賊匪吳阿賢及粵匪李四進並著瑚松額程祖洛嚴拏務獲毋任漏網此外如

有竄匿匪徒著一併嚴拏勿令一名達颺其實在被燬若干戶迅速查明妥為安撫毋令失所至所奏署廣西柳州府議敘四品職銜林平侯議同業殷鋪戶捐資以給貧民並捐洋銀五千圓實屬急公好義著瑚松額程祖洛查明及廩生蘇克誠等奏請恩施又另片奏拏獲黃梁山等十犯斬決梟示又在蔗林搜獲張丙之叔偽副帥張裕一犯訊據張裕供認張丙一切聽其籌畫同張丙戕害府縣

該犯罪大惡極。自應解京盡法懲治。該提督業經令其就近解郡城。同偽帥吳扁、李漢水等。分別凌遲斬決。尚不至兇徒漏網。將此由四百里諭知瑚松額、程祖洛。並諭劉廷斌知之。○又諭朱士秀等。由驛馳奏于家灣正壩合龍一摺。據稱于家灣東西兩壩。於十九日卯刻同時掛纜。趕進合龍門占。至次日辰刻。追壓到底。金門斷流。西壩又有一段墊矮數尺情形。現令趕緊加鑲。並搶做上水閘門邊埽。外拋碎石等語。該尚書等著即督飭工員。趕緊加鑲。追壓堅實。務令涓滴不漏。不得稍有遲誤。致有墊壩之虞。俟工程一律鞏固。再行據實奏聞。將此諭令知之。○朝鮮國王李珣遣使表賀。

萬壽冬至元旦三大節。並貢方物。賞賚筵宴如例。○琉球國王尚灝遣使表貢方物。賞賚筵宴如例。○以巡緝海洋不力。摘福建署副將林松頂帶革把總江壯圖等職。○己亥。諭軍

機大臣等。本日據馬濟勝奏。續獲要犯。並派將領會同平慶帶兵馳赴鳳山。查辦分類焚搶一摺。覽奏均悉。此次賊匪俱係烏合之眾。倉猝間聚至二萬有餘。戕官攻城。詭謀疊出。並敢於大兵進剿時。糾眾抗拒。必有籌畫主謀。暨同惡相濟之犯。該提督會同道府提訊逆首張丙等。究出偽北路元帥蔡臨。偽監軍元帥吳扁等。經謝朝恩帶兵圍拏。該匪等持械拒捕。殲斃賊匪數名。擒獲偽帥蔡臨及股匪陳阿等十二名。又飭寶振彪派撥弁兵。拏獲偽監軍元帥吳扁暨旗首許滔、黃先進。及攻破斗六戕官要犯蔡獸等十八名。此時股首悉數就擒。餘匪將次殲滅。甚為妥速。著瑚松額。趁此兵威。會同馬濟勝、劉廷斌。將餘匪逐一搜捕。毋任一名漏網。其續經訊出助逆匪犯。並著一併查拏。總期淨絕根株。勿留遺孽。致貽後患。其張丙等要犯。該提督因平慶馳往南路查拏兇匪。酌帶弁兵二百名。督同

署知府托渾布等加謹防範所見甚是程祖洛於訊明後即遵前旨派委妥員迅速解京盡法懲治以彰國法而快人心其善後事宜著程祖洛悉心經理所有南北兩路被賊焚搶各莊務飭府縣妥速撫卹其南路鳳山縣粵人焚擾閩莊旋息旋起尤宜迅速查辦北路閩粵居民懷疑搬徙互相焚搶經提督劉廷斌彈壓並於閩粵各堡交界處分駐隊伍居民知官兵可恃相率還回所派之兵概係

實錄卷之三

三

上府籍貫與漳粵民人毫無嫌隙該邑難民均已搭蓋草寮棲止聽候撫卹其淡水之銅鑼灣桃仔園尚有被焚情事昨已據劉廷斌奏親往查辦程祖洛到臺後即剴切曉諭示以禍福懾以兵威總期早靖餘氛各安生業方為不負委任將此由四百里各諭令知之○以順天府府尹徐鏞為大理寺卿○調伊犁領隊大臣西朗阿為喀什噶爾領隊大臣以乾清門侍衛華山泰為伊犁領隊大臣○

命保送河工禮科給事中徐法績戶部主事盧毓嵩兵部主事德克金佈發往東河差遣委用左春坊左贊善朱襄吏部主事曾錫恩工部主事何俊內閣中書黃世鎔發往南河差遣委用○庚子諭內閣御史郭鳴高奏請嚴查保甲一摺保甲為除莠詰奸之良法地方官若果奉行以實奸宄自無所容如該御史奏稱私煎硝磺形跡易見乃至累月積年方始獲案則平日保長甲長漫無查察可知

實錄卷之三

三

又如教匪之案積數十年蔓延三省皆由地方官漫不經心以更換門牌為了事該甲長等見官府不以為意遂相與因循玩忽釀成巨案京城輻輳之區宵小尤易潛匿著步軍統領順天府五城及各督撫飭屬認真查辦取具甲長連名互保甘結地方官仍不時親往巡查儻甲內有奸莠之民別經發覺則保結者連坐該地方官等務須實力奉行不得視為具文稍形疏懈至所稱該甲長等能舉

發別甲奸民酌量獎賞一節恐易啓報復訐告之風窒礙難行著無庸議○又諭御史宗慶奏點派考官拆封請禁止窺探攬越一摺順天鄉試禮部會試點派考官密本向係大學士於午門前拆封眼同稽察御史宣旨唱名凡不入闈者俱應迴避如該御史所奏近年以來每屆拆封之期竟有未經考差及無執事閒人混入其中紛紛擁擠殊非慎重關防之道嗣後考官拆封之日著禮部於午門中間恭設黃案為拆封及接收覈對之用並責成稽察御史認真查察儻有窺探攬越等弊即行據實奏○又諭尹濟源奏陝西塘丁中途被奪公文包袱等語陝省塘丁馬清行至山西聞喜縣馮家莊地方被搶公文包袱現據署絳州知州張循儀等查明被搶屬實該縣知縣蘊秀因何以爭鬧遺失具報難保無諱匿別情自應徹底根究聞喜縣知縣蘊秀著即撤任交該撫行提人證確切查辦

並著該部即將陝西甘肅四川駐京各提塘傳案詢明第一百六十六號所發係何項公文查照原發月日件數即行補給以便各省遵照辦理尋奏蘊秀訊無諱匿情弊惟稟詞未能分晰請交部議處仍嚴緝逸賊從之○以大理寺卿徐鏞仍署順天府尹○甘肅布政使方載豫年老休致以直隸按察使光聰諧為甘肅布政使長蘆鹽運使陳崇禮為直隸按察使○修山西姚暹渠隄堰添設忻州考棚從巡撫尹濟源請也○辛丑孝儀純皇后忌辰遣官祭裕陵○上詣大高殿行禮○還宮○諭內閣本日朱士彥等由四百里馳奏桃南廳于家灣合龍壩工蟄鑲穩定關門邊埽堵閉情形並將在工出力人員懇請鼓勵一摺向來辦理河湖各工遇有潰缺處所委係險工疊出猝不及防人力

難施。事竣後在工人員著有勞績。自應給予議敘。至上年龍窩汛十三堡奸民聚眾強挖官隄。該管各官漫不經心。疏於防護。以致奸民陳端等明目張膽。執持器械。攔截行人。捆縛巡兵。將大隄則挖。殊出情理之外。此次壩工穩定。邊埽堵閉。各該員縱有微勞。亦屬分所應為之事。非歷次大工可比。若濫邀議敘。尚後成何事體。朱士彥等所請懇予鼓勵之處。著不准行。首犯陳端起意糾眾挖隄。日久

實錄卷三

主

未獲殊屬延玩。著陶澍。林則徐嚴飭所屬勒限緝拏。務獲審辦。不得以于家灣業經合龍。河身已復故道。置之度外。如緝捕鬆懈。致要犯日久稽誅。陶澍。林則徐恐不能當此重咎也。張井等若無頂帶。不足以資彈壓。張井著加恩賞給四品頂帶。王貽象。張兆。薛朝英著加恩賞給五品頂帶。均著仍帶革職留任。八年無過。方准開復。該部知道。○又諭麟慶奏錢局鼓鑄需銅。請暫買商銅接濟一摺。貴州

省貴陽大定二府分設錢局。額鑄錢文。除支給物料工伙等項外。餘錢搭放通省兵餉俸廉役食。茲據該署撫查明道光十二年所鑄之錢。係十一年分卯額。已將次鑄竣。覈算現存錢文。僅數十二年冬季並十三年春季兵餉。委員袁敏升採買十二年分滇銅。運到需時。未便停鑄。以待自應豫為籌備。著照所請。准其就近購買商銅。暫辦一年鑄務。以供支放。所需銅價。准於司庫制錢易銀款內先行

實錄卷三

主

借動銀一萬九千兩。分給該府等承領。趕緊買銅供鑄。仍照委員辦運准銷之數報銷。其袁敏升運到滇銅。改作十三年分卯額。以後依次接算造報。該部知道。○諭軍機大臣等。本日朱士彥等奏。桃南廳于家灣合龍壩工穩定。邊埽堵閉一摺。據稱外南順黃壩水誌連日報長。連舊存水深三丈一尺七寸。較量清水尚高黃水一尺五寸。禦黃壩先於十八日堵合。湖水更可蓄高。濟漕會黃。不致短絀。

上年十月曾經降旨飭令有漕各省限於四月初十日以前全數趲至清江趲黃水未漲之前趕早完渡轉瞬重運經臨湖水是否足資浮送清水既高於黃禦黃壩是否可以啓放抑或仍須倒塘灌運必應豫為籌及免致臨事周章著該尚書等體察情形通盤籌畫妥議具奏將此諭令知之

大清宣宗效天符運立中體正至文聖武智勇仁慈儉勤孝敏成皇帝實錄卷之二百三十

大清宣宗效天符運立中體正至文聖武智勇仁慈儉勤孝敏成皇帝實錄卷之二百三十一

朕降旨諭旨日攝部法官太子太保體仁閣大學士劉世明等奏請將部院學士等官職
朕降旨諭旨日攝部法官太子太保體仁閣大學士劉世明等奏請將部院學士等官職
天府府事務處加五級紀錄十八次臣等謹將該部院學士等官職
七次臣等謹將該部院學士等官職
內務府大臣等奏請將該部院學士等官職
朕降旨諭旨日攝部法官太子太保體仁閣大學士劉世明等奏請將部院學士等官職
朕降旨諭旨日攝部法官太子太保體仁閣大學士劉世明等奏請將部院學士等官職

道光十三年癸巳二月壬寅朔春分朝

日於東郊遣豫親王裕全行禮○諭軍機大臣等楊遇春奏請入覲一摺現在回疆一切事宜均經辦定口內口外報銷正案亦已題報全完惟本年係應補查陝西甘肅營伍之期前經降旨派楊遇春查閱藩司方載豫現因年老休致新任藩司光聰詣到任尚需時日伊於甘肅一切情形素未熟諳楊遇春著暫緩來京陛見俟明年冬間再行奏請候旨遵行將此諭令知之○以貴州按察使吳傑為

順天府府尹江蘇常鎮道王瑞徵為貴州按察使○癸卯諭軍機大臣等富呢揚阿奏遵旨截留浙漕併採買米石運閩接濟現在辦理情形一摺前因閩省兵糈民食恐有不敷准程祖洛奏委員前赴浙江江西各採買米十萬石或借撥倉穀碾運並著富呢揚阿於上年漕米內截留十萬石解往接濟茲據該撫奏稱臺灣賊首已經全數就擒大兵凱撤海運已通雖臺地難民尚須撫卹或可無須

十餘萬石之多且接奉諭旨已在各幫軍船受兌新漕之際各船舵水亦均雇定若截運十萬石須減歇船百餘隻舵水二千餘人應繳還工資並資遣回籍辦理實形掣肘現在閩省委員於正月初六日抵杭已將年前購買米二萬石委令運往所有截漕米石著准其截留五萬石委員前赴寧波乍浦或行文江蘇於上海雇備海船迅速運往以資接濟其買米價值准其借動封貯項下存銀六萬

二千餘兩俟閩省解到米價即行歸還原款將此附報便諭令知之○又諭本日據瑚松額奏遵旨前赴臺灣一摺此次賊匪聚眾滋事所有各股首均經陸續拿獲其餘零星匪黨務須悉數殲擒前已降旨令瑚松額趁此兵威會同馬濟勝劉廷斌將餘匪逐一擒捕著仍遵前旨查拏淨絕勿留遺孽致貽後患其善後事宜著程祖洛悉心經理務為長治久安之策並會同瑚松額查明起釁根由據

實具奏至瑚松額另片奏查辦事件需員差委所有臺灣府遺缺知府周彥松溪縣知縣張錫純又盛京防禦輔元等六員名福州鎮紅旗協領特依順等帶旗營軍標各營兵二十六員名均著准其帶赴臺灣以資差遣其鳳山粵人乘機分類疊次攻毀阿里港等處閩莊肆行焚殺及彰化粵籍泉籍互相焚搶業已止息淡水銅鑼灣等處分類尚未止息現經劉廷斌帶兵前往查拏茲臺灣道平慶

奏請前赴南路查辦臺灣居民向分氣類閩粵各莊互相焚燬皆由好事之徒從中播弄以致剽悍者乘機滋擾不可不妄為安插著瑚松額程祖洛悉心籌度秉公辦理先為解散之法務使閩粵居民日久相安方為盡善其滋事首犯必須查拏懲辦以儆兇頑現在南路鳳山地方已有提督馬濟勝劉廷斌等在彼遙為聲援足資彈壓府城重地尤關緊要著瑚松額程祖洛即飭令平慶仍回府城不必前赴南路此次出力各員弁著仍遵前旨秉公查辦奏請恩施其陣亡各官兵義勇等亦著查明奏請賜卹將此由四百里諭令知之○以通政使司副使祁富藻為光祿寺卿○調山海關副都統張仙保為福州副都統以駐藏辦事大臣興科為山海關副都統賞八旗兵丁半月錢糧○以拏獲私硝首犯子棟發兵馬司副指揮鄒培經等先補議敘有差○旌表守正捐軀直隸天津縣民于

三家妻胡氏○禮部議准湖南巡撫吳榮光疏報採訪安化縣貞節婦女王蒲氏等五百九十六口請建總坊旌表從之○甲辰以舉行仲春經筵遣官告祭

奉先殿

傳心殿

上御文華殿經筵直講官耆英白鎔進講中庸執其兩端用其中於民講畢

上宣御論曰自古聖人傳心之要曰惟精惟一

允厥執中中之理無定在而中之用有定衡凡物皆有兩端而莫不有一中執焉而用之如不善其用或以疑似之跡而亂理義之真或以毫釐之差而致千里之謬則所謂執中無權猶執一也此大舜之執兩用中以生兩者化兩而互用焉適得其中以明兩者象兩而專用焉愈得其中蓋兩端者中之所從出也善之所見端也竭兩端而求之於己上下精粗無一毫之不盡執兩端而取之於人大

小厚薄無一善之或遺故萃羣美以並營者
物生有兩也會眾善而歸極者民協于中也
化裁利用守之以有倫有要之規變通宜民
數之以無黨無偏之治擇之審舜之精也行
之至舜之一也而道有不執中者乎此大舜
之知所以為大也直講官奕經湯金釗進講
易經貞固足以幹事講畢

上宣御論曰君子體乾之健以行四德利貞者
性情也性為天生之質正而不邪情為人起

之欲邪正相雜若不以性制情則不能久行
其正易乾卦之文言申明貞者事之幹而曰
貞固者與體仁嘉會利物之旨更有進蓋貞
者正而固也知正之所在而固守之乃足以
為事之幹夫幹如木之幹事如木之枝葉天
惟以中正之氣成就萬物人亦以中正之德
經緯萬事措則正施則行禮所云貫四時而
不改柯易葉者理枝循幹鞏深根不拔之基
議事以制也強材挺幹負偉略不羈之概任

事惟能也且於時為冬冬藏也收斂成實凡
物莫能以傾之於人為智智知也燭照數計
凡事莫能以撓之四時定而成冬有與春交
接之義四德全而為貞有貞下起元之功此
法天之健即所以法天之貞也而不見君子
之堅固而不搖乎無游移遷就之私則事無
叢脞無機械變詐之巧則事無敲邪而要之
得一以貞置善則固者率作興事何事不行
於此知君子者國之幹也禮成

上幸文淵閣賜講官及聽講諸臣茶復賜宴於

本仁殿○遣官祭黑龍潭

昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神○遣官祭圓明園

惠濟祠

河神廟○遣官祭

文昌帝君廟○遣官祭

先醫之神○諭內閣前有人陳奏河南州縣虧短正雜錢糧銀穀吏胥通同舞弊並有將豐報歉各情降旨令穆彰阿回京時密查具奏茲據奏稱沿途地方並無以豐報歉情弊州縣正雜錢糧嘉慶年間兩次清查業已埽數全完道光七年經該撫楊國楨等續查出睢州等十四州縣懸款共二十七萬餘兩勒限彌補已完銀一十九萬餘兩尚未完銀八萬餘兩比較從前積欠不及三分之一其民欠銀六萬餘兩不過百分之一即加價亦止欠銀四十二萬餘兩牙帖稅止欠銀二十一萬餘兩其未完房地稅銀四十二萬餘兩係有著之項現在勒限提解至豫省常義漕蘄等倉額貯穀三百七十七萬餘石除民借穀六萬餘石及由蘄倉撥補常平倉缺穀一十五萬餘石奏明毋庸採買又因公動支並續查漕倉未買豁免穀十二萬餘石均經隨時

買補又參追未完穀三萬餘石外計通省實貯穀二百九十三萬餘石尚未買補穀五十八萬餘石該省倉庫銀穀各州縣官吏均無通同舞弊情事尚屬可信惟楊國楨係由藩司升任巡撫栗毓美現任藩司均屬責無旁貸所有清查彌補未完及地丁積欠加價積欠牙帖積欠房地稅未完共銀一百十九萬餘兩著責成該撫藩等分款按限催解毋任懸宕其未買穀五十八萬餘石亦著隨時酌量遇有豐年即行採買以歸實貯其民欠銀六萬兩及民欠穀六萬石並著該撫留心查察如果實欠在民即酌量催徵儻實係官虧捏報民欠一經查出即著嚴行叅辦毋稍姑容○乙巳諭內閣阮元等覆奏給事中握克精額條奏各省州縣懸款攤款捐款倉項積弊一摺據稱滇省自道光七年起州縣各項錢糧並無帶欠懸款毋庸另議其攤款一條滇省向來偶有歲修工程等項均係自行捐

辦間有攤捐為數無幾節年攤補漸次完竣近年亦無批准攤捐之款現已通飭嚴行禁革其捐款一條滇省每年應扣捐數以額支養廉計算未及三成自督撫司道起按廉扣捐並非專派州縣事屬以公濟公此外開化廣西等一府十州縣缺苦事繁殊形賠累向於各府廳州縣優缺中酌提羨餘以資津貼即該給事中所稱調濟之法應仍循其舊其買補倉項一條滇省除兩次清查奏追未補及參追各員虧缺外現在存價未買共計銀一萬五千四百七十七兩零均經分別飭催領買遇有交代盤折米穀隨時勒限買補等語自係滇省實在情形著該督撫督率藩司糧鹽二道隨時認真稽查如有該給事中所奏前項情弊即行據實嚴參毋稍徇隱○又諭禮部頒發越南國王時憲書向由廣西提塘領出轉交遞摺差弁齋帶回粵發交祇領該提塘候選營守備唐卓齡於領出後遲至

兩月之久並未附便齋帶實屬貽誤唐卓齡著即革職新任提塘武舉孫佳璜於接任後復遲延十有餘日始交差便齋送亦屬不合孫佳璜著於補官日罰俸三箇月○又諭綿懋等奏

雍和宮應放香供錢糧因香燈地租未能如數解到請由廣儲司先行支領所有應支銀四千五百七十二兩零著於廣儲司閒款項下先行給發墊辦此項地租銀兩係應放香供按月支發之用且為數無多何以直隸各該州縣敢於延不完解實屬膽玩著直隸總督嚴飭各該州縣迅速如數完解如再遲延著即嚴參懲處決不寬貸○以國子監祭酒程恩澤為內閣學士兼禮部侍郎銜○

上以祭社稷壇自是日始齋戒三日○丙午諭內閣戶部奏請酌放義倉穀石以惠貧民一摺直隸地方上年雨澤愆期收成歉薄前經降旨於

定福等莊分設粥廠近畿小民自可無虞失所惟念現屆春令米價尚昂各屬地方不無食貴朕軫念民依惻隱在抱自應廣為接濟著直隸總督體察各屬情形即將該省義倉實存穀石就近在於各該州縣村莊分廠煮賑或散給口糧俾貧民餬口有資不致紛紛外出該督即刊刻謄黃徧行曉諭務使實惠及民儻查有官吏假冒侵蝕情弊立即嚴叅究辦毋稍姑容所動穀石事竣報部覈銷統

俟年歲豐稔仍令通行勸捐以實倉貯○諭軍機大臣等慶保奏俟新調廣州將軍慶山到任交代後再行回京等語今已將哈豐阿故為廣州將軍惟哈豐阿到任尚需時日此刻副都統左廷桐尚未到任現在彼處祇有倫忠一人廣州將軍印信暫著慶保署理俟哈豐阿到任慶保交代後再行來京將此諭令知之○命詹事府詹事恩桂內閣侍讀學士王璋慶稽查定福莊粥廠通政使司通政

使龔守正光祿寺少卿嵩濂稽查采育粥廠都察院左副都御史朱為弼詹事府少詹事受慶稽查黃村粥廠大理寺卿容照宗人府府丞潘錫恩稽查盧溝橋粥廠太常寺卿隆勛大理寺少卿卓秉恬稽查龐各莊粥廠太常寺少卿徐忻內閣侍讀學士溥治稽查清河粥廠○以按捕賊匪出力予廣東試用知縣馮晉恩等升補議敘有差○以廣東捐輸軍需賞候選道員伍元華郎中銜盧文錦花

翎餘加銜議敘有差○丁未祭

先師孔子遣慶郡王綿懋行禮○江蘇學政

廖鴻荃奏淮安府徐州府海州上年被災請

緩至道光十四年歲科並試從之○戊申祭

大社

大稷

上親詣行禮○

孝淑睿皇后忌辰遣官祭

昌陵○命貝子綿清敬謹守護

東陵○以捐賑出力陝西道員程琳采等議
敘○貸陝西漢中興安二府暨商寧陝孝義
三廳州上年歉收貧民倉穀○乙酉

上幸圓明園○詣綺春園問

皇太后安○兩江總督陶澍奏拏獲盜決河隄
要犯陳堂等首犯陳瑞聞有逃至保定城外
之信尚未擒獲得肯此皆鬼蜮伎倆不可信
以為實務要刻即拏獲以正刑誅若竟不可
得自汝以下朕決不寬貸也○以廣東南韶

連道楊殿邦為貴州按察使○修江蘇六合
縣雙城果盒二圩隄堤從總督陶澍請也○

庚戌以拏獲鄰境兇犯予前任兵馬司副指
揮江西知縣席伊炳升用○加賑直隸昌平

三河良鄉房山密雲懷柔六州縣上年災民
貸薊州災民籽種○辛亥旌表守正捐軀江

蘇桃源縣民蘇卓青妻梁氏○壬子

孝康章皇后忌辰遣官祭

孝陵○諭軍機大臣等上年據耆英等奏直隸

保定府新安縣民馬金寶楊溥來京呈訴新
安縣為九河下游隄長亘百餘里必須專員
就近照料今新安縣知縣員缺裁汰則照料
難周百姓納糧往返至七十八里不等遇有
盜賊爭訟並無專員彈壓所有閭閻民願
捐穀石懇請復設知縣等語當經降旨令穆
彰阿於湖北河南查辦事竣旋京時順道查
明據實具奏現在該縣民人馬金寶又復在
步軍統領衙門呈控安州知州多派差役各

莊村嚴等不願歸併安州之人並勒令眾民
出具情願歸併甘結又將道士智多民人楊
雙太及來京告狀之楊溥地保鄭姓等一併
拏去解送保定府看押計此時穆彰阿已抵
保定著即將馬金寶等所控各情節悉心詳
查其懇請復設縣令之處是否可行務當秉
公查勘明確據實具奏該縣民人馬金寶已
明降諭旨著兵部迅速遞解保定歸案審訊
將此諭令知之○賞河南壬辰科鄉試年老

諸生崔南鑫等三人舉人副榜有差○緩徵葉爾羌喀什噶爾英吉沙爾三城上年被災同戶糧石○癸丑遣官祭

關帝廟○諭內閣鄧廷楨奏河南兵丁攜帶幼童請飭查辦並將約束不嚴之守備交部議處一摺河南二起官兵沿途攜帶幼童十七名經鳳陽府知府朱士達等全數查出給屬領同出征官兵不准攜帶良民子女例禁嚴該兵丁等所攜幼童是否沿途誘脅抑

係乘間收買必須徹底究辦以肅戎行現在該起官兵業經回伍著楊國楨即行提集各犯秉公查訊從嚴懲辦毋稍徇縱河南營守備聶廷楷職司帶兵約束不嚴著先行交部議處○諭軍機大臣等姚元之奏臺灣營務亟宜整頓一摺臺灣合漳泉潮粵之民而聚處尋釁逞忿勢所不免其俗剽悍浮動好事當無事時有人立市一呼今日搶某處某家頃刻之間從者數百絕不為怪此風斷不可

長南路有鹿耳門北路有鹿港有八里坌無票之人概不准渡弁兵不免賣放之弊一船恆數百人其沿海僻靜處所在在可以偷渡內地游手無賴及重罪逋逃之犯涸跡其間臺民利其傭不取值多樂容之及不足相養乃羣起而為盜是臺灣盜賊之多實由於此地方大吏必須嚴密稽查以杜其源所奏臺灣一鎮設班兵一萬四千六百有奇到臺即住宿倡家日以聚賭為事攬載違禁貨物欺

虐平民官若查拏輒鼓噪欲變甚至械鬪殺人不服地方官申理不聽本管官銓束違禁犯法無所不為而水提金門二標為尤甚又有身列行伍不事訓練每操演時本地別有習武匪徒專為受雇替代設有奸宄滋事即依附為其兇黨種種積弊尤為可惡國家費如許帑金養兵衛民所以戢奸禁暴如該侍郎所奏窩倡聚賭械鬪殺人不服管束尚復成何事體甚至營中操演有受雇替代之弊

則是我兵竟作壁上觀而此輩無藉游民性本獷悍而又習之以戰鬪假之以凶器豈不相率而為盜耶該鎮將等若竟昏庸毫無聞見則為形同木偶或竟知而不辦則是喪盡天良釀成事端罪無可逭程祖洛甫經到任無所用其同護著將摺內所指各情節實力稽查如有前項情弊即著嚴叅從重究辦毋稍姑息此次辦理善後務須大加整頓破除積習安立章程俾海疆得以永靖方為不負

委任姚元之摺著鈔給閱看將此由四百里諭令知之○又諭江蘇桃源它隄要犯陳端日久未獲茲據鄧廷楨奏稱經陶澍派委都司袁夢熊探聞陳端投奔安徽貴池銅陵一帶向有私梟出沒之王家淦等處藏匿或沿江找尋江西糧幫船戶與彼素識之王加寬希圖窩留等語王家淦等處向有私梟淵跡從前雷淋芝到案時原有將陳端送往賣鹽之金士華等家之供是該犯與鹽犯本相往

來且糧船水手人數衆多尤易藏匿著直隸兩江江蘇安徽山東江西各督撫及漕運總督嚴飭所屬於私梟託足之地暨糧船經過地方不動聲色嚴密查拏務期要犯早為弋獲以憑究辦固不可稍有疏懈亦不可別滋擾累致生事端將此各諭令知之○又諭據鄧廷楨奏河南兵丁攜帶幼童請飭查辦並將約束不嚴之守備交部議處一摺已明降諭旨交楊國楨親提審辦矣此次河南二起

官兵沿途攜帶幼童至十七名之多經鳳陽府知府朱士達等全數追出給屬領回該起官兵業已回伍著該撫即查明各犯提省查訊所攜幼童是否沿途誘脅抑係乘間收買必須徹底根究從嚴懲辦以肅戎行上年該省征兵在安徽宿州睢陽驛即有已革守備馬鳳已革把總拜鵬藉端索擾毆斃人命一案該省將驕卒悍營務廢弛已可概見該撫職兼提督統轄全省營伍如果平昔訓練紀

律嚴明何至一經派令出兵。即節次有沿途不法情事。嗣後著該撫大加整飭。務須申明紀律。令該兵丁等有勇知方。堪備干城之選。毋得稍存姑息。輕縱將此諭令知之。○甲寅諭內閣。上年據直隸保定府新安縣民人馬金寶楊溥來京呈訴該縣員缺裁汰。種種不便懇請復設。知縣等情。當經降旨令穆彰阿於旋京時順道查明具奏。茲據奏稱行抵直隸省城。飭傳該民人楊溥訊係馬金寶起意。商同來京具控調查案卷。惟上年六月間有武舉辛來熊等六人在保定府衙門具呈。九月間有生員高玉衡等五人具呈。因新安向有撥運差務。該生等家充船戶。例應承當。今裁縣歸州。欲量求減免。是以赴總督衙門遞呈。委無別故。業具切實甘結。並無鄉民千餘人赴訴之案。該民人等原呈所稱鄉民千餘人赴訴不理一節。竟屬不符。該尚書親赴新安鄉一帶查看界址。該處極遠之張莊等村。

莊至安州城較之至新安城止遠二十里。原呈所稱往返至七八十里不等一節。亦屬不符。各處河道向係廳員專管。州縣僅止協防。現在新安縣管河縣丞裁汰。即以安州管河州判移駐新安。就近彈壓地方。兼管兩處河務。河隄本非知縣專管。既經移駐州判。即與舊設之縣丞專管無異。裁併安州亦與舊設之知縣協防無異。原呈所稱州判離隄較遠一節。更屬不符。至該尚書行抵該處。即有新安四鄉士民陸金台等二百人聯名具呈。僉稱裁縣歸州以來。舊有差徭悉加輕減。遠近鄉村無不樂便。現聞仍欲復設縣缺。闔邑士民實非所願。並無另有以裁缺不便願復舊制中訴者。州縣之設所以牧民。使民情果有未便。原無難因地制宜。仍行復設。現據該尚書查明該處民皆樂業。官無冗員。國計民生兩有裨益。所有該民人呈請復設知縣之處著無庸議。○諭軍機大臣等。本日據穆彰阿

由驛馳奏新安縣民馬金寶等來京呈訴一案。已明降諭旨將呈訴各情毋庸議矣。昨因馬金寶復行來京具控。降旨令穆彰阿歸案審辦。茲據該尚書奏拜摺後即率同司員回京。想前次寄信諭旨此時當已接到。如已折回保定。即俟馬金寶解到審訊完結再行來京。儻已起程將次抵京。著即來園覆命。馬金寶咨交琦善訊辦可也。將此諭令知之。○又諭本日據劉廷斌奏淡水廳南北二路閩粵

互焚房屋大餉未到借項撫卹地方安靜一摺。覽奏俱悉。此次淡水廳民人因雨大無屋未能回家。閩籍俱聚桃仔園艋舺等處。汀州附粵籍者俱在中壠新街等處。其廳南沿海被焚之家俱在後壠中港廳城三處。其案犯吳阿賢張阿三已回內山公管莊。經該提督親率都司楊武鎮等前往圍拏。在該莊獲生番加物有八二名。先行斬決。以絕吳阿賢等遁入內山之路。並獲吳阿賢之父吳阿二。張

阿三之父張阿安。交同知李嗣鄴審訊。至興化府知府黃綏誥等入淡境之舊社泉州厝吞霄後壠中港一帶。有屋者俱已歸家。無屋者漸次搭寮。惟後壠中港兩處沿海歸聚及本處實在貧民缺食者。先給洋銀交總理妥為給發。俟內地餉到按戶撫卹。其廳治迤北之桃仔園東西沿山沿海閩籍漳州粵籍惠潮及附粵之汀州互焚房屋。因大餉未到現在春耕。難民勢難久待。經王衍慶李嗣鄴就

地傳殷紳鋪戶暫借洋銀。先將塹南塹北挨次撫卹。已飭該同知等清查戶口。急為賑撫。所辦尚妥。該廳士民等尚義出於至誠。深堪嘉尚。惟未據將賑撫銀若干兩具奏。著程祖洛到臺後查明借銀若干。俟大餉一到即行歸還。至塹南係閩籍泉州與粵籍互焚。並有受雇之人不受約束互相攻莊。其塹北係閩籍漳州與粵籍及閩籍汀州各築土圍。因南路互焚致生疑懼。雇人防守。至散時勒價不

遂肆行焚燒南北兩處又有自焚而誣賴他人者其放火之犯必應嚴行捕拏究辦著責成兩籍總理各拏各犯無令驚擾總期海疆綏靖長治久安方為不負委任將此由四百里諭知程祖洛並諭劉廷斌知之○乙卯上詣綺春園問

皇太后安○遣官祭昭忠祠○諭軍機大臣等朕聞京城米價日漸增昂每石竟須制錢四千數百文小民日用倍形拮据城外恐市儈

實錄卷三三二

七

囤積居奇或竟有回漕情弊不可不防其漸著者英等於各城門嚴行查禁如有回漕弊端即著嚴拏懲辦將此諭令知之○加賞廣安門外普濟堂煮賑粟米二百石○丙辰遣官祭

歷代帝王廟○諭內閣武忠額等奏請旨飭催兩淮應解息銀一摺兩淮應解道光十三年察哈爾牧羣息銀前經降旨飭令兩江總督豫期解送以資辦公茲據武忠額等奏屢

奉特旨嚴催仍不依限起解現在無款籌墊難資接濟此項息銀為該處牧羣應領急需若再任意延宕必致貽誤辦公著陶澍即嚴飭運司將應解道光十三年分息銀趕緊於三月內如數解交以為該處本年支放各項之用其道光十四年應得息銀務於今歲冬季解到直隸藩司發交口北道庫以備支發嗣後每年息銀仍著按期於歲前冬季豫行解交毋得藉詞延緩致干重咎○又諭馬金

實錄卷三三二

七

寶以鄉曲小民砌詞聳聽此風斷不可長馬金寶著交琦善審訊並著該督即拏辛來熊楊印川等務獲歸案訊辦尋奏武舉辛來熊因裁縣歸州不能干預公事與楊印川邀民人馬金寶等出名前後赴京呈控實屬假公濟私逞刁挾制請將辛來熊革去武舉依例發近邊充軍楊印川係刑書知法犯法應擬杖流馬金寶擬杖徒下部議從之○以捐修書院考棚予山西知縣鍾汪杰等議敘

[illegible][illegible]

泰陵

泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○諭軍機大臣等朱士彥

等奏續勘黃河大隄暨中運兩河緯隄各工

程分別急修緩修一摺據稱現在履勘六廳

情形酌量輕重分繕條款有應緩應修及分

宣宗實錄卷三十三

二

別加幫緩修之處固不可稍有虛糜致經費

不足亦不得概從撙節貽誤要工該尚書等

逐處丈量再四籌議除緩修改歸歲修及另

案辦理外其黃河大隄補還殘缺擇要加幫

並中運兩河緯隄酌為興修統計所需不過

數十萬兩著張井照擬確估奏明候旨辦理

又另片奏查明智壩石牆實屬卑矮應准加

砌其仁河本屬湖尾向係土隄應毋庸加砌

等語著張井一併覈辦原摺片俱著鈔給閱

看將此諭令知之○欽差工部尚書朱士彥

等覆奏遵旨籌議渡黃情形現在各工既經

修復清水尚高於黃所有抵壩軍船即可啟

壩浮送僅日內黃水驟長高於清水亦可照

近年辦理章程倒塘灌放重運定可不誤得

旨隨時相機妥辦可也○以正藍旗漢軍副

都統孟魁署山海關副都統○戊午諭內閣

陶澍等奏籌撥淮揚等屬展賑口糧需用銀

款一摺上年淮揚徐海等屬被災貧民今春

宣宗實錄卷三十三

十

應給展賑及春賞口糧共計二十二州縣衛

地方既廣災民戶口繁多據該督等查明懇

請撥銀三十五萬兩以資接濟著照所請加

恩准其將江寧司庫所存上年災案平糶米

麥糶價銀六萬兩十一年被災協撥賑濟餘

賸銀七萬兩十二年秋撥案內撥存漕價餘

賸銀六萬兩續解蘆課銀一萬兩共銀二十

萬兩照數動撥並於蘇藩司庫封貯款內湊

撥銀十五萬兩俾資散放事竣覈實報銷如

有餘騰。即行報部撥用其餘款收各屬。如有應須酌借籽種口糧及出易平糶之處。該督等臨時酌量辦理。並飭該管道府州督令印委各員趕查戶口。覈實散給務期實惠均霑。仍隨時嚴密訪察。如有胥役侵冒剋扣情弊。立即據實嚴叅究辦。毋稍姑容。○又諭吏部將各省查取職名屢催未覆各案。開單具奏。計有七百七十件之多。此內應議職名事關實降實革者。固不可任其遷延規避。即降留罰俸處分。亦豈可任意久延。該管上司並不實力督催。送部議結。經吏部節次行催。甚有催至十餘次者。尚未咨覆。殊屬延玩。著盛京刑部侍郎。各該府尹直省督撫。各河道總督。漕運總督。盛京將軍。熱河都統。烏魯木齊都統。長蘆鹽政。查照吏部單開件數。迅即查明咨覆。並將開報遲延各員及歷任不行飭催之各該管上司。均按在任月日開揭送部。一併照例議處。毋許再有延宕。○江西巡撫周

實錄卷之三

四

之琦覆奏。江浙兩省銀錢流弊。得旨。妥為辦理。不可有名無實。亦不准藉端滋擾。○命翰林院編修池生春提督廣西學政。○己未諭內閣。成格奏派員前赴內地查辦上屆軍需第三案報銷細數。其業經進口各員請飭陝甘總督轉飭就近督造一摺。前經戶部奏催烏魯木齊辦理。道光六年回疆軍需第三案內供支官兵各項銀五十七萬三千五百餘兩。口糧麵二百一萬八千三百餘斤。銀糧銷冊當即降旨著該都統迅速造具細冊送部覈辦。茲據奏此案銷冊必須查照出口各官兵銜姓花名及起止月日方能造報。口外並無冊檔存案。自應專派原辦之員攜帶各該員前造底冊。馳赴蘭州總局逐起照鈔登填。以免遺漏。現經該都統專派前署吐魯番同知即補知縣福奎星速前往辦理。此外尚有吳恕恆周慶曾伊昌阿三員前報底冊已飭在局書吏各鈔一分一併交與福奎帶往登

實錄卷之三

五

填俾免遲誤又西寧道湯鼎濟木薩縣丞即補知縣吳龍光昌吉縣知縣盧銘瑚前任宜禾縣告病知縣常久俱已先後進口著陝甘總督轉飭蘭州總局督催各該員會同該局官吏上緊查造即將所辦細冊咨送烏魯木齊覆覈彙咨報部覈銷至福奎既稱前署吐魯番同知時並無經收西安滿洲營交留駝隻情事仍著西安將軍陝甘總督哈密庫車阿克蘇等處查明前項駝隻各該處是否收

實錄卷三三二

下

留抑係西安官兵任意捏報查明報部○諭軍機大臣等據那彥寶等奏夷匪漢奸互相勾結分起焚搶調派官兵勦捕一摺據秦寧遠府趙萬廳大樹堡於上年十二月初一初五等日有曲曲烏窩石等支生夷出巢在西羊場並桂皮羅等處焚搶等情時值新任建昌鎮總兵萬榮到省即飭令酌帶弁兵順路查辦並諭該鎮即派勦撫投誠之捫扒等支夷案內大頭人令其前往開導旋據稟覆捫

扒等支夷地界與曲曲烏窩等夷地不通祇責令各固藩籬拏獻逃竄賊匪經該府王衡等拏獲漢奸黃大五等訊明分別正法監禁詎該處附近熟夷勾通漢奸乘機滋擾屢次焚搶經該鎮調集屬兵奮力抵拒屢有殺傷乃該匪等占踞山梁連日攻撲隨商令提督桂涵即調派漢屯官兵二千名親往查辦並委臬司花杰馳往撫卹難民清溪縣城甚為安靜提督桂涵亦趕至清溪適聞該縣所屬松

實錄卷三三二

下

坪土千戶馬林管轄熟夷馬新明等亦在大樹堡相近之馬烈場唐家壩等處焚搶桂涵將現到官兵派往分投擊散嗣因賊匪竄至萬工汛離城較近存城止有兵三百名該匪膽敢蜂擁而至我兵奮力衝殺因人數過單致守備楊宗彪把總屈懷貴被戕並傷害兵丁十數名我兵亦將為首之馬奇英等子管雙喜砍斃其毗連我邊廳所屬義衣坪金口河一帶亦被焚搶因夷地跬步皆山須厚集

兵力。又添調官兵二千一百名。又有明正魚通革什咱巴底巴旺各土司。情願各帶土兵效力。共有一千一百名。桂涵紮營在清溪縣城外之漢源街。萬榮守禦大樹堡。並調派官兵七百餘名。防禦邊等處。十七日聞有賊匪聚在附近漢源街之羊腦山。經桂涵即派將弁帶兵接拏。追至老瓦巖。該夷匪恃險抗拒。我兵三路兜剿。殺死夷匪二百餘人。生擒八人。墜巖燒斃二三百人。奪獲器械甚多。零

實錄卷之三

九

匪逃入老林。又有馬奇英之姪馬應朋與漢奸楊文斌。馬林馬新明等合為一股。賊匪約有三四千餘。聚集几子山。於二十一日奔撲大營。復經桂涵督兵追逐四五十里。賊退三層山梁。用礮擊斃四五十名。又連日拏獲約會各寨滋事及探信放火各夷犯。經臬司花杰訊明。緣土司馬林因伊夷人改土歸流。繳銷印信。主令夷人滋事。希圖復印。又有為首之熟夷馬新明及大田土司馬奇英之姪馬

應朋即馬老陝等。因見漢民所種田土漸成膏腴。欲奪回插種。別無謀逆情形。其隨同馬林滋事之漢奸朱士隴已被官兵殺斃。現將其子朱四么妻朱邱氏拏獲禁押。並搜獲馬林假雕土千戶印信。其為主使無疑。尚有形跡可疑之土司馬奇英暨其子孫並土差等應行候質各犯。分別收禁。俟定案時審辦。各等語。此次夷匪起意滋事。延及越嵩清溪。邊三廳縣境。必須遠捕窮搜。搗其巢穴。現在

實錄卷之三

九

該將軍等調派官兵約有四千餘名。又有土兵二千餘名。兵力已足。務即督飭將弁等迅速剿辦。該匪等所恃山路險要。易於奔竄。當豫派官兵於各要隘防堵。遏其歸路。一鼓殲擒。其馬林馬新明馬應朋等總須設法拏獲。詳訊起釁根由。並將其家藏假雕土千戶印信。令馬林指認。漢奸朱士隴是否被官兵殺斃。務令各犯質證明確。其被戕之守備楊宗彪。把總屈懷貴及兵丁等咨部照例賜卹。該

將軍等如須馳往策應著那彥寶前往鄂山即留駐省城彈壓若未接奉此旨鄂山業已起程前往即著毋庸更動又另片奏副將馬光宇因病痊起用情願效力戎行著暫留軍營以資差遣俟事竣日再行奏明送部照例辦理將此由四百里諭令知之○贈故已革直隸總督那彥成尚書銜子祭葬諡文毅免其子容安充當吉林苦差釋令回旗○庚申諭內閣宗人府奏惇親王綿愷本月初八日

實錄卷三十三

十

前往

社稷壇遲誤之處分議以罰職任俸一年不准抵銷等語惇親王綿愷因著涼稍覺到遲尚非竟未前往者可比所有罰職任俸一年之處著加恩准其抵銷○諭軍機大臣等據琦善奏多倫諾爾地方貧民乏食請撥司庫留備充公銀四萬兩賞給兩月折色口糧一摺已明降諭旨允行矣多倫諾爾地方流民租種蒙古旗地與內地土著農民不同向來遇

有偏災從未辦理賑卹此次該督具奏實屬創始朕念上年直隸被災較廣該處全境歉收姑准所請此項折色口糧既經動撥庫款必須實惠及民不可有名無實該督僅責成口北道散放尚不足以資稽察著再遴派明幹妥員一人前往會同該道確查極貧之戶覈實散給用騰銀兩仍即解還司庫儻有捏冒情弊即行嚴參如稍徇隱經朕訪聞或別經發覺惟該督是問嗣後口外地方偶遇偏

實錄卷三十三

十

災仍當遵守舊章不准妄希恩澤若再援此案率行瀆請朕亦不能允准也將此諭令知之○舉行道光十二年大計直隸卓異官十六員浮躁官二員才力不及官二員不謹官一員年老官四員有疾官二員罷輟官一員奉天卓異官二員年老官一員安徽卓異官七員不謹官二員才力不及官三員年老官一員浙江卓異官十一員不謹官一員才力不及官二員有疾官一員浮躁官一員年老

官七員。福建卓異官十員。罷輟官二員。年老	官四員。有疾官一員。才力不及官一員。浮躁	官一員。不謹官三員。湖北卓異官十員。浮躁	官一員。罷輟官一員。年老官三員。湖南卓異	官十員。才力不及官四員。年老官一員。有疾	官一員。浮躁官三員。不謹官三員。河南卓異	官十二員。罷輟官一員。年老官三員。有疾官	一員。陝西卓異官九員。年老官二員。有疾官	二員。才力不及官二員。浮躁官一員。甘肅卓	異官九員。才力不及官二員。有疾官一員。年	老官四員。浮躁官一員。四川卓異官十五員。	才力不及官二員。年老官七員。有疾官一員。	不謹官三員。浮躁官一員。廣東卓異官十二	員。不謹官二員。罷輟官一員。年老官二員。有	疾官二員。才力不及官二員。浮躁官一員。廣	西卓異官五員。才力不及官二員。罷輟官一	員。年老官三員。有疾官二員。雲南卓異官七	員。罷輟官一員。浮躁官一員。才力不及官二
----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	---------------------	-----------------------	----------------------	---------------------	----------------------	----------------------

員。不謹官一員。年老官二員。有疾官一員。貴	州卓異官七員。年老官二員。有疾官一員。才	力不及官二員。浮躁官一員。罷輟官一員。南	河卓異官一員。年老官一員。東河卓異官三	員。年老官二員。分別議敘處分如例。○舉行	道光十二年軍政。江南卓異官九員。年老官	四員。才力不及官二員。江西卓異官四員。年	老官二員。才力不及官二員。分別議敘處分	如例。○旌表守正捐軀河南洛陽縣民張占	龔妻王氏。○辛酉。以正紅旗蒙古副都統吉	凌阿署鑲紅旗蒙古副都統。禮部右侍郎文	慶署正藍旗漢軍副都統。壬戌。	上詣綺春園問	皇太后安。○諭內閣。此案庫丁戴雲峯。因解官	並不眼同交兌。起意虛立印付。侵盜餉銀。繼	因奎秀等恐虧庫項。未允該犯輒敢飾詞。慫	恫。以致阿成等舞弊得贓。實為此案罪魁。貌	法已極。此而不嚴行懲辦。何以儆奸。盡而肅
-----------------------	----------------------	----------------------	---------------------	----------------------	---------------------	----------------------	---------------------	--------------------	---------------------	--------------------	----------------	--------	-----------------------	----------------------	---------------------	----------------------	----------------------

紀綱。戴雲峯著即處斬。已革給事中阿成。聽信戴雲峯等虛出通關。截留侵蝕。得受贓銀一千兩之多。該革員身任查庫御史。職司風憲。盤點是其專責。乃舞弊即係查弊之人。尤出情理之外。阿成著即處絞。○以禮部尚書汪守和兼署吏部尚書。○癸亥。諭內閣。桓格等奏籌議買補馬匹。並接濟兵丁章程一摺。前因西安八旗買補額外馬匹。由兵餉內坐扣。年終所分餘錢。一經裁革。兵丁恐形拮据。

當經降旨。交桓格等妥為籌畫。茲據該將軍等查明該處兵丁。每月每兵應領餉銀。並米折銀三兩四錢外。尚有乾隆年間由部題准津貼兵丁之草豆折價銀兩。按一年統計。每月約在一兩六七錢不等。此項津貼銀兩。非正額餉銀可比。著准其於此項內。每月每兵存貯銀三錢。統計一年。存銀三兩六錢。以備隨時買補額外倒斃馬匹之需。年底通盤合算。除馬價外。所有下餘銀兩。並買草騰銀。儘

數分給各兵度歲。庶馬匹不至無著。而生計亦資接濟。○以故固倫額駙土默特郡王銜貝勒瑪呢巴達喇子德勒克色楞襲封貝子。○以通政使司通政使龔守正署都察院左副都御史。○以直隸務關路參將劉元勳曾經出師受傷。賞戴花翎。○甲子。

上御勤政殿聽政。○以詹事府詹事恩桂為內閣學士。兼禮部侍郎銜。○乙丑。遣官祭賢良祠。○諭內閣。翁心存奏考試期迫。援照成例。

請將南安贛州兩府暫行歲科併考一摺。江西學政歲科兩試。合計二十八棚。上年因補行正科鄉試。辦理錄遺稍稽時日。准其援照成案。將南安贛州兩府暫行歲科併考。嗣後不得援以為例。○諭軍機大臣等。本日據程祖洛馬濟勝劉廷斌奏。到臺灣擒捕逆案餘匪情形各摺片。覽奏均悉。現在全臺大局據奏逆案餘犯。經提督馬濟勝督飭將弁擒拏。無虞再行竊發。惟南北兩路粵人焚搶閭莊。

甚多。其北路彰化淡水一帶。經平慶札委前任臺防同知王衍慶馳往會同劉廷斌查拏。僅獲吳阿長等九名。餘皆逃散。被害難民皆已歸莊。南路鳳山一帶。旋起旋息。已勒令粵籍頭人交出焚搶殺人首夥各犯。惟止據交出黃流滿等三名。且較遠之區。尚未取結。又據馬濟勝。於上年督飭鎮將營縣續獲偽帥等七十餘名。就地辦結者五十六名。未辦者十八名。而鳳山粵莊中焚搶匪徒。現止獲犯三名。著瑚松額程祖洛。趁此兵力未撤之時。妥為籌辦。現在提督馬濟勝。劉廷斌均尚駐臺。該將軍等務當督飭將弁。令各莊頭人。將首夥各犯。按名交出。盡法懲治。以儆兇頑。儻除惡不力。稍留餘孽。將來撤兵之後。或再滋事端。尚復成何事體。所有各案內餘犯。及分類匪徒。許本莊立時拏解。如藏匿鄰莊。報官覈辦。不得私自往拏。致生別釁。其被脅歸莊之人。不得妄拏。至閩粵被害難民。妥為撫卹。

俾各歸莊得所。無論極貧次貧。加恩賞給三箇月口糧。以資餬口。其起釁根由。前經降旨令該將軍等詳查具奏。現據該督調查逆犯供詞。與該鎮道奏報情形。大略相同。恐尚有不實不盡。著該將軍等會同秉公查訪。務得確切實情。即行具奏。除案犯張丙詹通陳辦陳連著派妥員解京外。其餘俱在犯事地方。分別懲辦。毋庸解京。又據馬濟勝奏。拏獲陳辦解到嘉義。發縣收禁。即有潛匿之犯。無庸

多兵搜拏。擬撤回省標兵丁八百名。又單開勦辦臺匪之出力文武員弁官兵人等。奏請鼓勵。除前任臺防同知王衍慶前經賞戴花翎外。其餘各員。俱著覈實查明。奏請恩施。又劉廷斌片奏。貢生林祥雲捐輸洋銀一萬五千圓。折紋銀一萬餘兩。應如何鼓勵之處。並著該將軍等查明據實具奏。馬濟勝奏。單著鈔給閱看。將此由四百里諭知瑚松額程祖洛。並諭馬濟勝。劉廷斌知之。○加賞順天府

定福莊米育黃村盧溝橋龐各莊清河六處
糶賑粟米五千石添設青白口飯廠並賞涿
州糶賑粟米二千石○除江蘇寶山縣塘占
坍荒民田七十九畝有奇額賦○丙寅諭軍
機大臣等本日據馬濟勝由六百里馳奏赴
鳳山拏辦焚搶匪徒帶兵起程一摺臺灣南
路鳳山縣焚搶案內獲犯無幾現據該提督
奏督兵親赴該處查辦著瑚松額等傳諭該
提督務將此次滋事各匪犯按名拏獲以淨

根株毋許一名漏網尤當申明紀律約束士
卒不得妄拏無辜稍滋騷擾方為除暴安良
之道至該提督奏報事件向未擅發急遞此
次所奏並非緊要軍情何以輒用六百里是
何意見著該將軍等查明緣由據實具奏將
此諭令知之尋奏馬濟勝誤以軍營拜摺總
以六百里為例實屬錯誤請交部議處從之
○山東巡撫鍾祥覆奏給事中握克精額奏
各省倉庫虧缺皆由交代遲延等弊當督同

藩司妥議章程隨時稽查加意防範得旨覽
奏俱悉依議妥行○以辦理票鹽安速予江
蘇知州伍家榕等升補有差 丁卯
孝昭仁皇后忌辰遣官祭

景陵○諭內閣麟慶奏叅庇差釀命之署巡檢
請旨革職拏問並將失察之知州及率准攔
驗之知縣一併解任質審一摺此案署貴州
募役司巡檢事試用未入流熊杰不能約束
差役致令差役周貴以口角爭毆之案將楊
淙賢踢傷迨經喊控又不解州審辦已屬有
心庇縱復將楊淙賢管押杖責難保無濫刑
斃命之事必須徹底究明懲辦熊杰著革職
拏問署永寧州知州梁崑於所屬巡檢擅責
釀命未能先事覺察又不留心稽查以致熊
杰等賄囑私和安平縣知縣周溶輕信屍親
捏詞率准攔驗亦難保無瞻徇情弊梁崑周
溶著一併解任交該撫提同犯證訊明楊淙
賢是否係受刑身死抑死於周貴毆踢並有

無賄和情事務期水落石出以成信獻按律定擬具奏尋奏訊得楊淙賢因差役周貴捏稟經已革巡檢熊杰刑責後復被周貴毆傷斃命請將周貴依例擬絞監候秋後處決熊杰擬杖徒並將失察之署永寧州知州梁崑經信屍親捏詞攔驗之安平縣知縣周溶交部議處下部議從之○又諭陶澍奏漢口鹽岸規費浮濫請將經手各商解交湖北質訊等語准鹽各岸規費業經裁減漢岸亦經刪

實錄卷三十三

手

定茲據陶澍查明道光十一年該岸用數又有浮濫提到經手各商研審所呈數目甚多是否浮用在官抑或商有混冒必須提同質訊明確所有牽涉各衙門均在湖北著將經手各商暨簿冊一併解往湖北交納爾經額就近查傳質訊明確照例定擬具奏以肅鹺政尋奏訊據岸商供稱十一年十月間方奉到裁撤規條是年江水漫溢店屋衝塌賑卹等項不無浮用其費銀六萬八千餘兩情願

按店攤賠即於准商應給辛工等項內分年扣還至十二年後俱照減定章程支發下部知之○以籌辦凱撤官兵妥協予哈密同知德克進泰等選補議敘有差○戊辰諭內閣前據給事中吳敬恆奏江南銅山等縣驛務廢弛當交陶澍等查明據實具奏茲據陶澍林則徐先後奏到違委委員密加抽查尚無缺額及剋扣侵冒情弊國家設立驛站馳遞緊要文報關繫甚重自應按額足數妥為餵

實錄卷三十三

主

養上下站不得通融調集致滋弊竇自此次飭查之後著責成該督撫等隨時認真稽察設法抽查儻各驛站有前項弊端立即嚴叅懲辦若任管驛州縣因循欺飾別經發覺或科道指叅惟該督撫等是問決不寬貸○准大通橋車戶承買黑豆二萬石津貼車價○已已

上詣綺春園問

皇太后安○御含輝樓閱侍衛騎射○諭內閣

魏元烺奏原籌軍務經費有需支解備用請旨動撥一摺前因臺灣軍餉該撫請寬為籌備當經降旨令其力加撙節茲據奏稱原請動撥司庫存貯關稅各款共銀八十七萬八千餘兩內除春秋撥存勝銀三十八萬六千一百餘兩已經動用外現在一切勦撫應用尚須籌備支解所有閩海關稅盈餘並備公及監餉三款共銀四十九萬二千餘兩著准其一併動撥備用事竣覈實報銷如有贏餘

宣統三年三月

奉

即提回歸款分別存貯聽撥毋稍浮冒○諭軍機大臣等前有人陳奏浙暨關稅務積弊正稅之外尚有標禮並有查船謝儀其地棍兼有投單等名目當交陶澍林則徐確查情形茲據奏稱大關之外兼有各處小口凡丈量籤驗等情不能不經胥役之手標禮謝儀等費誠難保其必無然皆久在示禁之條其稅則本視貨物以為輕重並非每貨百擔概完正稅十二兩惟訪聞稅例本有罰料及補

正二項名目皆為漏稅之商而設因罰料例准分賞在關人役恐不肖丁胥希圖利己有抑勒商人將正稅作為罰料之弊等語國家設立關隘原以通商裕課若如該督等所奏是累商即為虧課之由該監督雖張貼告示以家人等如敢舞弊營私准令客商首告試思該商等既受抑勒於先何敢復行呈告以致受累於後告示不過具文豈正本清源之道豫堃到任未久無所用其回護著將關口

宣統三年三月

奉

各種弊端逐一剔除並著悉心妥議章程據實具奏其關署織署輪流駐劄常川稽查毋任吏胥家丁朦蔽該督等仍隨時查訪儻有情弊即據實奏參不許瞻徇將此各諭令知之尋豫堃奏標禮謝儀名目始自銀錢標船此項雖經嚴禁仍恐未能盡除嗣後請每日親自放關如有丈量浮勒照例治罪至罰料一項所以懲奸商之偷漏恐丈量等藉端舞弊嗣後駐關監放乘便抽查如有不實即將

丈量人役。枷責革役。並禁止埠家包攬等弊。得旨。戶部會同內務府具奏。尋議。應令監督親駐關口。客商過關。親自填簿納稅。毋許假手他人。如有丈量偷漏地棍把持。即行懲辦。書吏人等更須裁汰。完役。按年造冊從之。賞御前行走土默特扎薩克貝子德勒克色楞。雙眼花翎。贈陝西彙辦報銷積勞病故同知諸能定。知府銜。旌表守正捐軀山東陽信縣民管懷畛妻王氏。緩徵江蘇秦。上

實錄卷三

五

元。江寧句容高淳江浦六合清河鹽城東臺江都甘泉儀徵興化銅山沛豐睢寧贛榆十九州縣並淮安揚州徐州三衛舊欠額賦。○庚午。諭軍機大臣等。寄諭兩江總督陶澍。有人陳奏南昌府署幕友胡懷符在江西十餘年盤踞府署。舞弄百端。與臬司幕友謝固齋結納。州縣幕友皆伊推薦。胡懷符親戚本家在江西遊幕最多。伊弟胡老五在建昌府署胡老七在安遠縣署伊妹夫章老七亦在南

昌府署。遇有案件。州縣幕友先與胡懷符往返札議。然後具詳。新任州縣到省。伊等薦給門徒。無不延請招搖撞騙。遂成巨富。省城候補佐雜。與胡懷符結納者甚多。每屆冬令。府署必有札委查夜差使。該佐雜即與胡懷符營求此差。探聽殷實鋪戶。至深更時敲門進內。聲言聚賭。或指吸食鴉片煙。豫令差役暗藏賭具及鴉片煙。臨時偽為按出。作證所帶胥役。乘機搬竊物件。鋪戶畏其裁害。私給銀

實錄卷三

五

錢。不敢與較。該省有四大寇。二十八嚙囉名目。如候補從九品胡升聞。由鍾候補縣丞潘鈐景耀為四大寇。候補府經歷范振邦候補按察司知事楊炯為嚙囉。中巨擘。並有丁憂袁州府經歷范基榮。逗留省城勾通內外。播弄一切。實為江西省之害。等語。各省幕友佐雜弊端百出。胡懷符等如果盤踞招搖。竟成巨富。並敢為佐雜營求差使。裁害良民。致有四大寇二十八嚙囉名目。該省吏治豈復可

問。江西為該督兼轄省分。不難密查得實。儻胡懷符等實有盤踞舞弄情弊。胡升聞等實有大寇嘍囉名目。著即據實奏。分別疏革。驅逐。毋稍瞻徇姑容。以肅官方。而除積蠹。如查奏有不實不盡之處。別經發覺。則惟該督是問。將此諭令知之。尋奏遵查。謝固齋人尚謹飭。但心存姑息。一切案件。皆由胡懷符經手。各州縣頗有煩言。胡老七等皆伊親屬。尚無招搖撞騙情弊。亦無四大寇二十八嘍囉名目。胡升聞等均有查拏鴉片煙被控之案。請將胡懷符。胡老七。驅逐回籍。胡升聞等斥革。從之。又諭有人陳奏南昌府署幕友胡懷符等。與臬司幕友謝固齋勾結播弄一切。從九品胡升聞等。向其營求。查夜差使。鋪戶畏其裁害。私給銀錢。實為江西省之害等語。各省幕友佐雜。最易滋弊。若如所奏。劣幕之盤踞把持。佐雜之播弄訛索。致有四大寇二十八嘍囉名目。尚復成何事體。周之琦到任

未及一年。無所用其回護。著即實力訪查。按名從嚴懲辦。以除積蠹。而肅官方。毋稍姑息。儻因循消弭。存化大為小之見。將來科道奏。或經朕別有訪聞。則惟該撫是問。將此諭令知之。尋奏。謝固齋等無互相勾結撞騙情弊。惟被人指摘。自係平日不能謹慎。應一併驅逐回籍。胡升聞等性近躁妄。庸劣應予斥革。下部議從之。以在京捐賑。賞廣東刑部郎中潘仕成舉人一體會試。以拏獲搶劫盜犯。予兵馬司副指揮張玉藻升用。辛未。諭軍機大臣等。那彥寶等奏官兵疊勦夷匪。清溪縣境肅清。一摺。覽奏俱悉。此次夷匪滋擾。經提督桂涵密派將備帶兵馳往沙坪。及几子山。水桶溝等處截擊。官兵行至沙坪。三路並進。奮勇攻擊。該匪踞險抵敵。我兵火箭槍破齊發。殺斃賊匪一千餘人。生擒十六名。燒斃及撲斃死者甚多。奪獲器械無算。零匪分散。次日桂涵移營富林汛。扼住要隘。聞山

後香樹頂。亦有賊匪派兵馳勦該匪踞山擲石官兵左右兜擒。施放槍礮殺賊百餘人。轟斃亦多。餘匪奔竄。迨官兵進剿。几子山該處係賊匪眷屬藏匿。聚匪無多。旋赴水桶溝探捕。該處係馬林住居寨堡。山梁險峻牆垣堅厚。隨放槍礮擊斃賊匪二三百人。馬林房屋當即焚燬。又有阿吾一支夷匪約千餘人。占踞山梁。前來攻撲。官兵三路繞道前進。槍礮火箭齊發。轟斃落巖無算。餘匪從後山逃

實錄卷五十三

天

竄官兵難以窮追。引隊歸營。臬司花杰提訊各犯。據供馬林等意欲奪回漢民地畝。分給耕種。我們亦因漢民太多。占住地方。是以隨同焚搶。其馬林一犯。僉供各自逃散。不知竄往何處。至清溪縣避難。人漸次歸里。照常復業。該匪等並不占踞屯集。沿途禾苗亦未蹂躪。辦理迅速。頗合機宜。前經降旨令那彥寶前往督辦。清溪縣境現已肅清。那彥寶可以無庸前去。惟馬林一犯。必應嚴拏務獲。從

清 實 錄 道光十三年二月下

重懲辦。該夷匪竄匿之處。雖係層巒疊嶂。路徑紛歧。著該提督督率將備。躡探賊蹤。設法擒拿。首犯馬林等。以淨根株。勿留餘孽。其阿吾地方。亦須屯兵。以遏分竄之路。勿任漏網。亦斷不許宕延時日。其大樹堡夷匪畏懼斂跡。我邊一路。現已派兵防堵。俟清溪夷匪殲除。即往查辦。俾夷疆一律震讐。又另片奏。此次調集漢土官兵。應需口糧。當飭附近州縣。在常監倉內碾米撥供。其應支鹽菜製辦軍

實錄卷五十三

天

火。及駁運腳價等項。先經花杰在司庫存貯義倉。餘穀變價項下。借撥銀五萬兩。以備支發。此項未便再撥。請於司庫備貯軍需銀兩。款內動撥等語。該官兵等應支鹽菜等項。著照所請。准其在司庫備貯軍需銀兩項下。動撥銀十萬兩。以備軍需支用。事竣覈實報銷。將此諭令知之。○旌表守正捐軀山東鄆城縣民石興家妻王氏。安徽宿州民徐宗禮媳趙氏。○修浙江東西海塘柴石各工。從巡撫

四八三

十餘號駛來林鳳儀等迎截駛攏圍捕槍礮並施擊破匪船一隻夥匪落海三十餘名都司余清生擒大頭目楊就富併獲夥匪礮械餘匪竄逃官兵追至夷洋青藍山殲斃渠魁馮生疔瘕及夥匪王亞狗等又打破匪船三隻獲船四隻生擒頭目梁尚添等二十餘名擊傷匪黨李亞吉等落海淹斃又據商船宋敬利等追入夷洋認係盜首陳加海船越南夷目亦帶兵船趕到匪夥落海淹斃過半追

實錄卷一百三十三

二

至霧水洲陳加海船撞礁擊破殺著名兇盜吳三狗及段俚賊併餘匪多名陳加海帶妻屬夥伴十餘人逃入深山其勝發黃亞喜二船打壞後望南駛脫該土目擒賊匪潘亞八取供移送其盜首莫亞吉潛回東莞亦經拏獲解送所辦迅速可嘉陳加海雖經逃逸已如釜魚阱獸不日當可就擒黃亞喜勝發兩船雖被槍礮擊傷現已望南駛脫除惡務盡必須絕其本根亦著隨時偵拏勿任漏網所

清 實 錄 道光十三年三月上

有盧坤照會該國王咨文尚為得體現將師船漁船收回內地照常各守邊界並稽查澳甲漁戶毋許越界採捕滋事所辦均妥提督李增階在洋屢次遭風幾至沈溺飄入瓊州昌化港始得收泊幸獲生全其參將林開疆遭風擊損師船飄至瓊州澄邁縣收泊覽奏稍慰其督標中營二號米艇陽江右營二號米艇尚無下落著盧坤等飛飭沿海州縣探明具奏其在事文武員弁俟定案時擇其尤

實錄卷一百三十三

三

為出力者覈實保奏候朕施恩毋許冒濫將此諭令知之○癸酉

上詣

大高殿行禮

時應宮拈香○還宮諭內閣訥爾經額等奏湖北寶武局鼓鑄錢文委員採辦滇銅因輾轉改委羈遲請照案暫時就近採買商銅濟鑄一摺湖北寶武局每年鼓鑄錢文額配滇銅二十三萬餘斤原應按年採買交局濟

四八五

鑄利川縣知縣王汝澎委辦道光十一年滇銅因前委各員均有事故輟轉改委以致羈遲與他運委員不同若此時責令領價赴滇恐採買需時緩不濟急有誤鼓鑄既據該員訪得各口岸商販銅斤充裕請照案改買商銅以資接濟自係實在情形著照所請所有該員應買道光十一年分寶武局需用正耗餘滇銅二十三萬二千九百九十九斤零准其在於附近各口岸購買商銅並照准銷銅價運腳雜費等銀按數給發即以領銀之日起勒限一年陸續買運交局事竣造冊報部覈銷如有不敷價值亦著照案由該員自行措辦以歸覈實○諭軍機大臣等據瑚松額由四百里馳奏抵臺後探詢大略情形一摺覽奏均悉臺灣南路鳳山阿里港等莊分類械鬪先經該道平慶副將謝朝恩帶兵彈壓獲犯無多現經提督馬濟勝帶兵前往查辦如果該處餘匪尚敢滋擾必應盡法懲辦該

將軍等務當剴切曉諭令粵籍總董人等早將首夥各犯按名交出償估惡不悛即當痛加勦捕彼時後悔無及反覆開導俾各莊居民不敢容隱至閩粵各莊既有夙嫌恐將來乘機復發必須妥為解散使彼此日久相安方為久安長治之策儻或畸輕畸重稍涉瞻徇難保日後不再滋事端其起釁根由前屢經降旨令該將軍等詳查著仍遵前旨秉公查明務得確情據實具奏又片奏前任提督王得祿情願親往嘉義聯莊捕匪俾免餘灰復燃該提督急圖報效著准其前往如果始終勤勉著據實具奏至閩民呈遞呈詞控告粵莊進士黃驥雲串通舉人曾偉中監生李壽起釁滋事等情是否屬實或另有別情斷不可將就了事著該將軍等一併詳查據實具奏將此由四百里諭令知之尋春在籍主事黃驥雲彼時在郡城海東書院教讀並未回鄉且經函寄粵人勸其不可攻莊滋事即

粵莊各生監於官兵到莊時亦多有指拏兇犯者似可信其未經同謀報聞○以陝西承辦兵差出力予候補知縣朱大源等議敘有差○旌表守正捐軀陝西郃陽縣民王有河妻楊氏○以湖北搭運歸還截留漕糧准加給旗丁行月銀○甲戌諭軍機大臣等興科等奏博窩生番滋事委員查辦一摺察木多屬迤西之碩板多汛邊汛鄂博外生番部落博窩不歸唐古特管屬向來尚屬安靜道

實錄卷一百五

六

光元年該處頭人宜瑪結布故後未遺親丁屬下小頭人扎木旺魯二人各占地土致起釁端連年爭競互有殺傷上年秋間該生番爭執不休經商上揀派卓呢爾羅桑堅參前往查辦詎該生番妄生猜忌竟將卓呢爾羅桑堅參並邊垣番官殺斃以致屬下頑夷藉勢在碩板多邊垣所管地方搶掠牛馬糧食騷擾番民現派駐防前藏遊擊孫如藻揀帶弁兵四千名督同噶布倫敦珠卜多爾濟策

墊奪結等各帶所屬土兵數十名馳往查辦等語唐古特界外生番部落甚多蠻觸相爭原可置之不問若擾害番民必應嚴行懲辦以儆兇頑該生番因爭奪頭人構釁滋擾歷任大臣因循未辦此次膽敢殺斃番目屬下頑夷藉勢出巢在邊垣碩板多地方擾害該處係進藏通衢為往來文報必由之路豈容該生番在彼出沒設使擾及塘汛或至釀成別故尚復成何事體著該大臣等嚴飭該遊

實錄卷一百五

七

擊孫如藻等迅即前往碩板多邊垣適中地方妥速查辦隨地撫綏務使邊界肅清生番畏法尤不可稍滋擾累致生事端前降旨令興科來京補授山海關副都統此時如尚未起程著暫留該處會同隆文辦理儻業經起程即著隆文速將此案查辦完竣不必俟徐錕到任致有稽延至該生番每年夏間出巢市易一事亦著該大臣等明定章程妥議具奏將此諭令知之○直隸總督琦善奏順天

府屬糧價得旨已屆穀雨未獲甘霖春麥秋田何能播種覽各屬糧價增多減少今歲若再荒歉可憂處不堪設想也朕曷勝焦切之至 乙亥

上耕藉詣

先農壇行禮更服至藉田所

躬耕三推復加一推

御觀耕臺命鄭親王烏爾恭阿莊親王奕劻怡親王載垣各五推吏部左侍郎奕經戶部右

宣宗實錄卷二二三

八

侍郎李宗昉禮部右侍郎文慶兵部右侍郎奕紀刑部右侍郎鄂順安工部右侍郎姚元之都察院左都御史昇寅通政使司副使李振祐大理寺少卿果良額各九推畢順天府府尹率農夫終畝賞賚農夫耆老如例詣闕帝廟拈香○幸圓明園○詣綺春園問

皇太后安○丙子

上幸靜明園詣

龍神廟拈香○幸萬壽山詣

廣潤祠拈香○諭內閣前據給事中吳敬恆奏安徽鳳陽縣驛務廢弛當交鄧廷楨查明據實具奏茲據奏遵委妥員嚴密抽查所有鳳陽縣三驛馬匹尚無缺額及通融擾累等弊國家設立驛站馳遞緊要文報關繫甚重自應如數足額妥為餵養不准上下站通融調集致滋弊竇經此次飭查之後仍責成該撫隨時認真察訪實力稽查如各驛站有前項弊端立即嚴參懲辦儻查訪不力任聽管

宣宗實錄卷二二三

九

驛各州縣因循欺飾有意姑容將來別經發覺或科道指參惟該撫是問決不寬貸○又諭富俊奏請將各部院衙門條例定議畫一俾知遵守並請飭臣工認真辦公一摺各部院衙門例案隨時酌量增改自須各定專條俾知遵守原不應界涉兩歧致書吏得以藉端舞弊嗣後各衙門於纂修則例時務須悉心酌議將兩歧例案悉予刪除總不得彼此通融互可援引致令不肖吏胥從中舞弊庶

足以前畫一。又所稱臣下辦公不當虛應故事。如有顛預怠玩者。當即懲儆等語。現在諸大臣中認真辦事者。並不乏人。即偶有未能振作者。朕亦隨時訓飭。未嘗稍事姑容。諸大臣尤須體朕勵精圖治之心。實力奉公。各盡厥職。以熙庶績。而臻上理。諭軍機大臣等。有人陳奏直隸災區急需輸運接濟。奉天所屬錦縣於正月二十九日具詳封禁。並知照寧遠馬頭積糧之處。全行禁止。除許裝買油

實錄卷一百三十五

十

糧之外。一概不准運販等語。直隸現當青黃不接之時。米價增昂。全賴鄰省通商。以有濟無藉資生計。若以本境向不外糶。概行停運。乏食貧民。何所仰給。該處是否封禁。不准運販著奕顯等酌量現在情形。如何設法辦理之處。迅速據實具奏。將此各諭令知之。允大學士盧蔭溥致仕。加太子太保。賞全俸。○
丁丑
上詣

黑龍潭神祠拈香。○以大學士曹振鏞為會試正考官。協辦大學士雲貴總督阮元。兵部尚書那清安。工部左侍郎恩銘。為副考官。○以理藩院尚書博啓圖。署兵部尚書。吏部右侍郎桂輪。署京營右翼總兵。鑲紅旗蒙古都統哈琅阿。署鑲藍旗漢軍都統。肅親王敬敏。署正藍旗滿洲都統。○以工部尚書朱士彥。為國史館副總裁官。○戊寅。諭內閣。盧坤等奏。請將捕務懈弛之知州。先行撤任。並責成

實錄卷一百三十六

十一

地方官。會營督拏匪犯一摺。廣東連平州界連江西。匪徒結夥出沒。最易藏奸。近日該州之輓坑等處。盜劫之案滋多。查有挾嫌捆縛差役等事。該州知州陳廷達。捕務廢弛。或竟有縱役庇匪情弊。必當徹底查明。分別叅奏。陳廷達著即解任。交該督等確查究辦。連平州緝捕緊要。該督等已另派幹員署東安縣知縣文晟。馳往接署。並著飭令該管知府楊希銓。署惠州副將明昌。會同江西委員嚴行

按緝至和平縣屬匪徒亦著飭查首夥各犯
名姓責成該管營縣兇擒截拏務將著名匪
黨悉數捕獲毋使一名漏網以戢奸宄而靖
地方尋奏楊希銓督同陳廷達率領兵勇拏
匪一百數十名又派員於始興縣韶州等處
按山獲犯多名報聞命通政使司副使李
振祜翰林院侍讀學士胡達源稽查青白口
飯廠乙卯諭內閣昨因

太廟五品官缺出輪用休致人員經太常寺擬

定正陪由吏部帶領引見朕見擬正之海興
阿步履維艱幾至不能起跪已將擬陪之豐
伸祿補放矣此項人員雖例以休致各員間
缺補用惟

壇

廟地方均有稽查守護之責亦必精力未衰拜
跪如常者方可勝任嗣後遇有此等缺出輪
用休致人員時著太常寺堂官詳慎揀選不
得以衰頹之員濫行保送又諭前據琦善

奏請酌調陝甘曾經行陣之員前赴直隸俾
資教練當經降旨允行茲據楊遇春奏所調
王國輔等五員俱已飭赴直隸惟向榮一員
係陝西金鎖關營都司並非遊擊現任寧羌
營遊擊係彭太禮應將何員調往之處請旨
遵行等語向榮現經該部奏請擬補甘肅鎮
羌營遊擊著該督仍飭令該員前往直隸補
用遇有該省遊擊缺出即由琦善酌量題補
送部引見諭軍機大臣等本年挑挖九門

護城河並內城河道係屬以工代賑之舉開
工後貧民赴工就食者較多將來工竣時若
任其逗留京師該貧民等無處傭趁恐其流
離失所兼慮滋生事端著何凌漢等豫行議
定章程具奏俟工竣時每人酌給資送錢文
俾得回籍耕作不致失所為要所需錢文即
在藩仕成等捐助賑銀項下易錢動支務令
實惠及民不得假手吏胥致滋剋扣將此諭
令知之庚辰諭內閣御史徐培深奏運倉

黑豆不堪久貯請飭查辦一摺各倉存貯豆石自應一律乾潔此次大通橋運到舊太倉豆十車據稱該倉監督查驗均係潮潤紅朽不堪入倉當經倉場侍郎等查驗屬實等語此項黑豆是否車戶經紀攙和作弊抑係沿途受潮以致微變著該侍郎等確切查明據實具奏○諭軍機大臣等本日據陳嵩慶奏海塘險要情形請飭籌備一摺國家經費有常此時籌款甚難不能給例外之用然如該

學士所奏及早趕辦椿石皆可采用尚屬料省工輕若再遷延聽其潰敗杭嘉湖蘇松常鎮七郡皆在下游東南財賦之區恐盡為斥鹵不毛之地民命懸於呼吸患且不可勝言是海塘關繫甚鉅又為該省刻不可緩之工此項工程據陳嵩慶奏不過一千餘丈估計需銀二十餘萬兩著富呢揚阿迅速體察情形據實具奏不許稍涉含混又另片奏七郡中紳士殷商及附近江浙處所有急公好義

者准其輸資捐辦是否可行亦著富呢揚阿一併議奏候旨遵行陳嵩慶摺片並著鈔給閱看將此諭令知之尋奏塘工緊要亟應興修請照道光四年奏辦嘉湖水利成案借銀三十二萬六千兩於仁和等十六州縣民田內分八年攤徵歸款並諭江浙各府屬紳富量力捐助下部議從之○辛巳祭

先蠶之神遣妃恭代行禮○

上御閱武樓閱火器營操命乾清門頭等侍衛

貴成在御前侍衛上行走餘賞賚有差○諭內閣貴慶等奏查明運倉豆石難以久貯酌量辦理一摺各倉收貯豆石自應一律乾潔茲據查明舊太倉未收黑豆一萬四千二百九十四石現經該監督等稟稱查出潮濕攙雜情形大約相同此項豆石在石壩驗卸時均屬乾潔何以運到倉門忽形潮濕攙雜顯係經紀代役車戶人等沿途作弊若責令挑瞭必致耽延運務此次姑允所請所有前項

豆石著撥給經紀五千三百石車戶八千九百九十四石即在奏准該經紀等承買黑豆數內撥抵該侍郎等仍嚴飭坐糧廳大通橋監督查明起意作弊之人即行從重責處以示懲儆現在漕糧接續抵通該經紀等承運糧石為數甚多該侍郎等務當隨時認真查察儻再有前項弊端著即從嚴究辦毋稍寬縱巴里坤鎮總兵官國勒明阿因病解任以直隸督標中軍副將啓倫為巴里坤鎮總

兵官○旌表守正捐軀河南南召縣民高若眉妻李氏○除直隸灤州被水衝塌田四頃三十三畝有奇額賦○壬午

孝賢純皇后忌辰遣官祭

裕陵

上詣綺春園問

皇太后安○御含輝樓閱侍衛騎射○諭內閣蘇成額奏請將推升都司之守備暫留一年一摺漕標員弁向有取巧應缺之弊前經降

旨衛守備中遇有催漕出力奏留漕標升用者先行開缺給予升銜在營候補不准仍留衛守備本任茲據該漕督奏稱江蘇興武衛守備推升直隸玉田營都司任錫五江淮衛守備推升陝西長武營都司牛斗南均係辦漕熟手現屆新漕緊要之時若全行更換差委難期得力請於各衛中揀選明幹備升數人責令任錫五等帶同隨漕習練以期通曉各幫利弊河道情形自係為慎重漕務起見

姑允所請所有守備任錫五牛斗南均准其暫留本任一年以資熟手將來一年期滿不准再行保留嗣後漕標各員亦不得援以為例除牛斗南現有經徵地丁錢糧未完之案應將推升之處扣除外其任錫五現升都司一缺著該部另行銓選○諭軍機大臣等直隸地方上年雨澤愆期收成歉薄前經降旨令該督體察各屬情形將該省義倉實存穀石就近在各州縣村莊分廠覈賑並令順天

府於定福莊等處賞給京倉粟米分設粥廠以惠窮黎近聞各廠領飯貧民聞風遠至人數較前更多采育龐各莊二處每日竟放至一萬五千名之多紛至沓來日增一日直隸全省係該督統轄地方究竟該省煮賑作何辦法京城附近粥廠係屬一時權宜之計且祇能嘉惠附近畿輔災黎勢不能使外來遊民全資果腹所謂以君養民則不足也現在節逾穀雨尚未得霑雨澤小民嗷嗷待哺朕

心甚為焦切轉瞬四月天氣炎熱斷難再行煮賑將來粥廠一停此盈千累萬之民散無所歸又將如何辦理至京倉所存粟米本屬無多而例應搭放兵米豈能常川為賑濟窮黎之用自不能不從長計較著該督通盤籌畫悉心迅速妥議具奏毋稍延緩將此諭令知之○以熱河捐輸煮賑予民人吳方明等議欽○癸未諭內閣國家設兵衛民所以戰奸禁暴凡有將帥之責者訓練於無事之時

固宜技藝精良足資捍衛尤須講明紀律俾之有勇知方庶為節制之師克備干城之選乃近日臺匪不靖調派河南等省官兵進剿旋因首犯就擒餘匪殆盡中途停撤尚未臨陣殺賊而沿途滋事之案業已層見疊出如御史周濤所奏河南征兵行至宿州毆斃人命撤回時又攜帶幼童至十七名之多福建兵丁勒折夫價毆斃夫頭遊擊庚音保任聽兵丁定期不行開單令地方官應付千總李

福祥勒借番銀又有兵丁強搶鹽館之案種種不法皆由平日訓練不明因循廢弛以致恃強藐法罔知顧忌甚至帶兵員弁通同需索似此驕縱又何以戢奸禁暴乎所有滋事弁兵業經飭交該督撫等從嚴懲辦嗣後各將軍都統督撫提鎮務須申明紀律實心教導示以法無可寬令不可犯偶有點鷺不馴者即隨時懲創毋稍姑息作其果敢之氣戢其獷悍之心使一律精純悉成勁旅儻仍前

廢弛必將管轄大員懲處不貸慎勿視為具文以副朕整飭戎行諄諄誥誡之至意將此通諭知之○諭軍機大臣等本日據荊州副都統善英奏查閱營馬短少一千四百九十四匹詢之協領等僉稱此項馬匹每年總少一千匹其馬乾銀兩向充公用該副都統查知積弊具摺入奏應用印文署將軍那當阿不肯用印等語荊州駐防設立營馬本有定額豈容稍為缺短若如該副都統所奏以額

馬有定之帑銀為營員無名之濫用如果屬實大干法紀必應徹底查明據實叅奏著派訥爾經額會同麟慶傳詢協領都隆阿等十員嚴切確查每年查額馬短少實數若干匹其馬乾銀兩藉詞充公究係何項動用始自何時該督等務當秉公詳查不得稍事顛預瞻徇致有不實不盡並查明那當阿不肯用印是何意見一併據實叅奏訥爾經額赴湖南閱伍計將竣事麟慶由黔來京請覲無論

行抵何處著即前赴荊州俟訥爾經額到時會同查辦事竣再行來京請訓可也清字摺二件著鈔給閱看將此各諭令知之○甲申諭內閣戶部奏順天府所領賁賑粟米米質不能飽湛性復發黏折耗甚多該倉場侍郎於順天府領米時何以不行確查將乾潔粟米撥發是否該倉有攙和情弊著倉場侍郎查明據實叅奏按成分賠此項粟米如係新糧驗收時何以不認真查驗著一併查明分

別奏辦○又諭李振祐等奏青白口飯廠賁賑請酌改散米一摺青白口所屬村莊距賑廠較遠道路崎嶇就食貧民未免艱於跋涉著照所請所有青白口賑廠係大口三合小口減半煮飯散放應改為散米五日一放至四月二十日截止李振祐等務當認真稽察嚴禁吏胥從中剋扣滋弊俾貧民均霑實惠○又諭琦善奏懇將熟悉地方情形之遊擊留省升用一摺直隸為畿輔重地前降旨准

調經歷行陣數員俾資教練茲據該督奏稱督標後營遊擊郝永泰曾經出師並諳悉地方情形將來遇有升缺懇由本省補用武職參將以上例當迴避本籍且應升人員概不准督撫奏留念其為整頓營伍起見姑允所請郝永泰准即留於直隸升用嗣後不得援以為例用符定制○諭軍機大臣等琦善奏體察災區情形分別設法調劑一摺據稱直隸災歉地方薊州等十州縣捐貯義穀已於

上年全數借給口糧通州等十二州縣亦已全動賚賑惟霸州等四十三州縣除酌動外計存穀八萬餘石每處自數十石至數千石不等大名順德廣平等府所屬州縣上年秋成中稔除磁州等州縣義穀於地震案內動用外共計存穀二十四萬餘石應需動穀之處所存無幾而無須動穀之處存騰轉多義穀係民捐之項與常平倉穀不同自未便以此境之有餘勒令濟鄰境之不足該督現在

普勸捐輸清苑縣自去冬捐資煮粥收養貧民至今未撤灤州等三十七州縣勸捐糧食自數百石至數千石不等勸捐銀錢自三四千串至萬餘串不等天津一縣計捐銀至五萬兩有奇所捐之項或散給口糧或設廠煮粥無業貧民藉資餬口洵為以民養民之善舉惟向來吏胥惡習每遇災賑等事多方剋扣百弊叢生此項既係民捐若輩貪黷性成未免以動用並非官帑更恣侵吞罔知顧忌

該督務當嚴飭該管道府明查暗訪有犯必懲庶捐項不至漏卮小民咸霑實惠至玉田等三十三州縣業經動支義穀分別煮賑及借給籽種口糧其餘各州縣並已倡勸捐輸如有不敷再將義穀及常平倉穀添撥湊用其上年秋收中稔各州縣或須官為平糶或應酌借籽種現亦酌量籌辦俱著照所奏辦理直隸災區甚廣全省積貯自應稍留餘地惟當實力勸捐該紳民等踴躍輸捐其急公

慕義之忱深堪加尚亦應量予獎勵著擇其捐輸最多者據實具奏此後如有動用義穀之處仍著刊刻騰黃編行晚諭俾共見共聞母令吏胥舞弊所動穀石准其循照向例造入奏冊報部將此諭令知之○以工部尚書朱士彥兼署都察院左都御史○以山西軍政年逾六十官二員精力未衰命留任修江蘇豐縣護城河隄橋座濬碭山縣減水河從總督陶澍等請也○緩徵山西山陰定襄

二縣上年歉收村莊新舊額賦○貸直隸紫荊關駐劄欽區兵丁米石○乙酉諭內閣此案已革御史奎秀等前在戶部銀庫郎中任內於道光十一年三月間聽信庫丁虛出通關舞弊得贓管庫大臣失於覺察例有應得處分據吏部查明管庫大臣長齡穆彰阿彼時俱在出差期內例得免議請將失察之管庫大臣富倭降一級留任係公罪例准抵銷該部係照例辦理惟管庫大臣職司總理禁

除弊端全在隨時稽查長齡前往喀什噶爾往返二年為日甚長著准其免議穆彰阿雖在出差期內為時未久著罰俸半年富倭著改為罰俸一年俱不准抵銷○諭軍機大臣等本日據那彥寶等奏提督因病出缺那彥寶馳往大營接署督勦夷匪並添調官兵防堵我邊要隘各一摺四川清溪一帶夷匪滋事經提督桂涵馳往勦辦疊獲勝仗清溪縣境已就肅清現復將要犯楊文斌馬新明馬

應朋等拏獲賊勢窮蹙正可勦捕竣事茲據奏該提督於二月二十八日在軍營患病出缺朕心深為軫惜桂涵業已明降諭旨加恩賜卹並將楊芳調補四川提督諭令迅速前赴新任矣那彥寶現已兼程馳赴富林大營兼署提督印務此時軍務緊要著那彥寶即督同各將弁赴此事機順利分別良莠痛加懲勦嚴拏要犯馬林務獲總期一鼓殲擒迅速肅事毋許稍有遷延以致老師糜餉至所

奏我邊廳地方要隘處所必須添兵防堵。過其竄路。著即將調赴臺灣截回之候補參將王玉林。遊擊包相卿。署都司梁有才等。帶領省標官兵八百名。馳往飭令相機堵禦。毋許一名竄逸。將此由四百里諭令知之。又諭四川提督桂涵。因病出缺。本日明降諭旨。以楊芳調補。該提督接奉諭旨。即將固原提督印信。交中軍參將護理。迅速前赴四川新任。川省越嵩廳曲曲烏夷。勾通漢奸。在大樹堡

一帶焚掠。我邊清溪兩處。亦有熟夷滋擾。經桂涵帶兵勒辦。清溪大路已就肅清。其大樹堡夷匪。聞風畏懼解散。惟要犯馬林尚未擒獲。現派那彥寶兼署提督。馳往接辦。並添調官兵防堵。我邊要隘。現在賊勢窮蹙。無難勦捕。速竣。該提督久經行陣。渥受厚恩。著即兼程馳赴富林軍營。接篆任事。一俟到營。即傳旨諭知那彥寶。回成都將軍本任。所有勦捕一切事宜。著該提督迅速妥辦。以專責成。如

要犯馬林尚未就獲。必當設法擒拏。並將餘匪蕩埽淨盡。勿留遺孽。毋許稍有遷延。致糜帑餉。方為不負委任。該提督未抵軍營以前。此旨務宜慎密。不可宣露。致有洩漏。是為至要。將此由五百里諭令知之。又諭前任直隸提督齊慎。上年因病假回籍。現在調理日久。自必已就痊可。著楊國楨派員前往看視。傳旨詢問。該提督如宿疾已痊。著即迅速來京。陛見。將此諭令知之。○調甘肅提督胡超

為固原提督。○贈故四川提督桂涵太子少保。賞銀五百兩。予祭葬。諡壯勇。○丙戌諭內閣。王瑋慶奏。查出續領賑米。撓和穀粒。以致堅硬折耗一摺。此項米石。若運到時。未能潔淨。該倉場何以驗收。若煮賑時。書吏從中舞弊。該順天府何以未經查出。著順天府倉場侍郎。各將撓和緣由。徹底查明。據實具奏。○諭軍機大臣等。戶部奏。阿克蘇加增養廉鹽菜銀兩。應由本城歲額糧內折支。並查上屆

軍需餘糧一萬五千石。該城歷年奏銷原冊收祇一萬二千六百二十五石零。此項糧石是否短收抑另有別項支用。著誠端查明專案報部覈辦。至該城請調加增銀二千七百兩。應由葉爾羌將應撥糧折銀兩項下撥解該城。到時即收入正項。於下屆該城應調經費銀兩內。如數扣除。一併專案報部查覈。將此諭令知之。○又諭前因壁昌奏各城大臣官員加增養廉鹽菜銀兩。請由經費支領。當經降旨令軍機大臣會同該部議奏。茲據奏此次善後案內。議將葉爾羌建設重鎮添駐滿漢官兵。所需一切糧料。較前加增。壁昌請將葉爾羌原徵四城加增養廉鹽菜糧折銀兩。改增本色。留充該城兵食。以致本款無項可支。請由百分裁二項下動用。惟前會議酌裁增兵以歸節省。其贏絀尚難懸定。未便另撥銀款查葉爾羌等城應徵回戶新舊糧額。每年除支用外。向有贏餘。如果儘數支食。足

備官兵一歲之需。況南八城大臣官員加增一項本係奏准以餘糧折抵。不得因有百分裁二一項遂置餘糧於不議。現據各城冊報喀什噶爾英吉沙爾二城應徵糧三萬八千三百餘石。歲需三萬二千九百餘石。加增養廉鹽菜折糧在內。尚存五千餘石。和闐應徵糧一萬六千餘石。歲需一萬五千餘石。加增養廉鹽菜在內。尚存一千餘石。該三城均係現支各本城糧石。請仍循其舊。至由葉爾羌餘糧改徵折色分撥支領。僅係阿克蘇烏什喀喇沙爾及葉爾羌本城四處。經壁昌奏改本色。若復易徵銀兩未免朝更夕改。查該城應徵糧四萬一千餘石。加以前項餘糧改徵留支九千餘石。共計五萬有奇。除歲需外尚存二萬數千餘石。以之折抵加增。不過需糧二千六百七十二石。餘糧尚不止二萬。約計可敷裁贖增兵糧料。其移駐參贊大臣應加折糧一千石。應於裁撤喀什噶爾節省糧內

照案變價解交支領阿克蘇應徵糧一萬一	千餘石合計歲支並官員加增廉菜折糧共	需一萬八百餘石該城前存軍需餘糧一萬	五千石現據長清奏報支竣除另行查明片	奏外所有該城加增折糧二千六百四十石	應於歲額糧內支銷烏什應徵糧一萬餘石	除歲需外尚存三千餘石該城原折加增廉	菜糧一千八百五十六石應以餘糧抵支其	喀喇沙爾一處糧額僅數歲用所有原折加	增廉菜糧二千八十石應於葉爾羌額調銀	內撥給一千四十兩仍由該城應領餘糧照	數變價歸款等語著長清覆加查覈通行照	辦如有不敷支用之處再於百分裁二餘騰	項下專案報部酌撥此外不得請動正項所	有壁昌前經奏調道光十三年葉爾羌各城	加增廉菜銀兩應令各該城於解到後查明	銀數報部統於下屆經費內聲明扣除少調	以歸覈實至片奏內稱葉爾羌換防滿洲營
-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------

清 實 錄 道光十三年三月上

官兵所騎馬匹援照成案每馬一匹日支料	三倉升春冬二季全數收槽夏秋二季四分	在槽六分出青並免扣原銀馬乾之處著准	其一體照辦將此諭令知之○修山東運河	等廳埽壩從河道總督吳邦慶請也○展五	城飯廠煮賑一月
-------------------	-------------------	-------------------	-------------------	-------------------	---------

四九九

大清宣宗效天符運立中體正至文聖武智勇
仁慈儉勤孝敏成皇帝實錄卷之二百三十四

皇太后聖訓 宣宗實錄卷之二百三十四 宣宗實錄卷之二百三十四

宣宗實錄卷之二百三十四 宣宗實錄卷之二百三十四 宣宗實錄卷之二百三十四

宣宗實錄卷之二百三十四 宣宗實錄卷之二百三十四 宣宗實錄卷之二百三十四

宣宗實錄卷之二百三十四 宣宗實錄卷之二百三十四 宣宗實錄卷之二百三十四

宣宗實錄卷之二百三十四 宣宗實錄卷之二百三十四 宣宗實錄卷之二百三十四

秋分

道光十三年癸巳三月丁亥諭內閣前因戶

部奏順天府所領奏賑粟米折耗甚多當經

降旨令倉場侍郎查辦茲據該侍郎等奏稱

此次奏賑粟米據大興等縣書役赴倉具領

並出有均屬乾潔斛面無短切結是倉場撥

發之米並無攙和何以米石到廠奏賑數日

始以米性發黏等情稟請辦理著順天府即

將所領米石因何折耗及攙和作弊之人確

切查明據實具奏至昨據王瑋慶奏賑米攙

和折耗降旨令順天府倉場侍郎查覆著順

天府一併查明辦理該侍郎等毋庸再行覆
奏尋順天府奏續領粟米不免折耗請將領
米書役及興平倉花戶交刑部審辦得旨著
派長齡會同軍機大臣查訊○己丑

上詣

安佑宮行禮○詣綺春園問

皇太后安○御含輝樓閱侍衛騎射○諭軍機

大臣等本日據戶部奏請採買鄰省米糧以

資協濟等語直隸及京畿各地方本年入春

以來雨澤未經霑足米麥價昂民虞食貴自

應廣籌接濟著奉天府府尹山東河南巡撫

各就該省情形分別收成厚薄糧價低昂即

行酌撥庫銀照依時價奏明採買若干石不

得任聽吏胥科派地方尤不許短發價值致

滋勒捐等弊所動價銀准其作正開銷儘各

該省現在糧價亦形昂貴並著於各州縣常

平倉穀內體察情形除酌量留備外其餘儘

數動碾派委妥員運赴災區以濟民食仍俟

年豐穀賤動項買補以符舊額而實倉儲將此各諭令知之○又諭本日據戶部奏請興修直隸水利城工以工代賑等語直隸連年亢旱所有附近民田之溝渠陂塘應即擇要興修以資灌溉其應修城垣亦可擇要修補著該督即行派委熟諳水利工程大員督率各州縣確切查明如係刻不可緩之工剋日興修以工代賑儻有吏胥從中侵漁等弊即著據實奏辦並著祝麟迅速將本年應交水利生息銀十一萬兩先行照數提出委員解交直隸藩庫應用現在京師河道工程將次完竣在京貧民即應資遣回籍該省工作既興小民亦得藉資果腹該督務當妥為籌辦毋令流離失所將此諭知琦善並傳諭祝麟知之○庚寅諭內閣京師及畿輔一帶自二月初七日得雪數寸後雖有小雨總未溼霈甘霖今節逾立夏農田望澤甚殷朕心深為憂惕此時雖未至

雩祭之期謹恪遵乾隆九年聖諭先期敬謹祈求以冀甘膏速降惠我農人著禮部順天府設壇七日遴選僧眾在闕帝廟祈禱道眾在城隍廟祈禱均於二十二日開壇○遣惠郡王綿愉詣密雲縣白龍潭祈雨○禮部以宗室會試中額請得旨取中三名○以因病告替青海扎薩克郡王達錫忠孺子達錫旺扎勒襲爵○貸奉天錦州府駐劄歉區兵丁倉米○展緩山東節年帶徵正雜額賦○辛卯上幸萬壽山詣廣潤祠拈香○諭內閣吳榮光奏銅鉛鼓鑄錢文足數搭放兵餉請緩買滇銅並免補鑄額卯一摺湖南寶南局所鑄錢文向供搭放兵餉道光四年因搭放不敷量為變通奏明錢價或有增長即隨時妥籌辦理茲據該撫查明錢價較前有減無增未便加數搭放致

絀兵丁生計。且錢局存錢足供十餘年兵餉之用。所請將道光三年至二十四年應買滇銅。停其採買。並將歷年缺卯。及十三年至二十四年應鑄額卯。一併免鑄。俱著照所請辦理。至道光二十五年應用銅斤。著於二十一年。再行委員赴滇豫買。俾資接鑄。○以兵部左侍郎鐵麟署戶部左侍郎。貝勒奕繪署管理欽天監事。○貸湖南乾州古文坪。保靖永綏鳳凰五廳縣款收屯丁苗佃倉穀。○展緩長蘆山東各商應交加價銀。○癸巳諭內閣。據瑚松額等奏。查明十總許荆山於土庫地方遇賊。不知督兵擒拏。竟於斗六門被攻時。首先逃走。劉廷斌原稟有許荆山被賊追趕。不知下落之語。自係得之傳聞。迨經陳繼昌投遞遺稟後。已知許荆山帶兵逃逸。該提督於前次奏摺內。並不據實參究。但含混聲敘。實屬朦朧。劉廷斌著交部議處。尋議劉廷斌降三級調用。得旨改為降五級留任。不准抵

銷。○諭軍機大臣等。據瑚松額等馳奏。查明提鎮道府勦捕守禦情形。及殉難員弁並家屬幕友。請加獎卹各摺。此次臺匪滋事。嘉義縣縣丞方振聲。臺灣鎮標千總馬步衢。把總陳玉威。並家屬幕友等。同時遇難。激烈捐軀。覽奏墮淚。可嘉可憫之至。即有恩旨分別優加獎卹。以勸忠義。其馬濟勝。劉廷斌等。制勝擒渠。守城拒賊。茲據瑚松額等查覈功績。覽奏甚屬明晰。該提督等現在分路搜捕餘匪。著瑚松額等督飭上緊緝捕。勿留餘孽。事竣候旨。沛予恩施。至賊匪窺覲嘉義縣斗六門時。該縣監生張彩五。即張紅頭。經千總馬步衢令其雇募鄉勇。張紅頭既不允從。輒敢起意糾集無賴。幫同圍攻。致賊勢既潰。復熾。又朋謀設計。欲圖填塞濠溝。經把總陳玉威乘賊未備。用大器擊禦。乃千總許荆山首先畏怯。當夜砍開營後竹圍逃遁。賊匪乘間攻入守城之方。振聲等均被戕害。許荆山張紅

頭二犯實屬可惡。許荆山係屬武弁。身應禦賊之人。臨難先逃。致賊匪得肆荼毒。其罪惡尤擢髮難數。劉廷斌僅以許荆山不知下落稟報。除明降諭旨。將該提督交部議處外。著瑚松額等嚴飭緝拏許荆山及張紅頭。迅速就獲。其許荆山一犯。著與逆犯張丙陳連陳辦詹通四犯。派委妥員。一併解京。盡法處治。用昭國憲。而快人心。又據片奏。研訊該匪等起釁根由。係以貪官汙吏妄殺無辜。為詞呂

志恆邵用之。是否激變。前經降旨飭查。茲據奏。邵用之辦理吳贊包送米石出境。詹通等聚眾擄搶等事。人心不服。業已得有端倪。其曾否得受吳贊賄銀。該將軍等傳提人證。切實研究。自可水落石出。至呂志恆有無激變情事。亦須查訪明確。據實具奏。毋稍含混。其劉廷斌所稱正法兇犯二人。平慶之奏。張阿凜之供。委員之所訪查。俱未符合。究竟係何名姓。是否應行正法之犯。著該將軍等提到

許坡等質訊明確。勿使稍留疑竇。又據查明馬濟勝劉廷斌節次奏報各摺。實由洋面風信。以致遞送遲速不一。覽奏均悉。所有該提督等各摺片。業於正月初旬均已遞到矣。將此由四百里諭令知之。○旌表守正捐軀四川奉節縣民許作興妻陳氏。○甲午。諭內閣瑚松額等奏。查明殉難最烈之員弁並家屬幕友同時從難一摺。上年冬間福建臺灣逆匪張丙等戕官圍城。賊黨窺覷斗六門。屢肆

攻擾。署守備馬步衛築建圍柵。開濬溝濠。與縣丞方振聲協力抵禦。把總陳玉威乘賊未備。施擲火器。以遏賊勢。賊眾當夜縱火。蜂擁而入。馬步衛等持刀巷戰。各殺斃數賊。力竭遇害。方振聲之妻張氏並其幼女。暨陳玉威之妻唐氏。幕友沈志勇與其子沈聯輝及跟隨家人江承惠等同時死難。馬步衛方振聲張氏唐氏因罵賊致被剗割鼻舌。罹禍尤為慘烈。覽奏墮淚。可嘉可憫之至。現經官軍勦

捕首從各犯均就職擒。按緝餘匪。剋期藏事。因念該故員弁等盡心守禦。效節死綏。其家屬幕友人等深明大義。從難捐軀。允宜特沛恩施。俾昭激勸。方振聲著加恩。照陣亡知府例賜卹。賜諡義烈。賞給騎都尉世職。伊妻張氏。賜諡節烈。誥贈淑人。馬步衛著加恩。照遊擊例賜卹。賜諡剛烈。賞給騎都尉世職。陳玉威著加恩。照都司例賜卹。賜諡勇烈。賞給雲騎尉世職。伊妻唐氏。賜諡節烈。誥贈恭人。沈志勇賞給六品職銜。伊子沈聯輝賞給七品職銜。均著加恩。照衛賜卹。方振聲馬步衛陳玉威俱著入祀京師昭忠祠。張氏唐氏俱著建坊旌表。該故員弁等所賞世職俱著加恩。世襲罔替。即令長子承襲。著查明方振聲馬步衛陳玉威有子幾人。一併具奏。並著程祖洛於斗六門擇地建立專祠。前層設方振聲馬步衛陳玉威牌位。後層設張氏唐氏牌位。並設沈志勇沈聯輝牌於前楹配位。設方振

聲之幼女牌於後楹配位。其從難家人江承惠等四名俱著設牌從祀兩廡。地方官春秋致祭。以慰忠貞。所有該故員弁等應得卹典著各該衙門察例具奏。用示朕獎勵盡忠。褒嘉節義至意。○又諭上年撥給京倉米麥豆石平糶業內五城暨大興宛平並通永霸昌二道所屬通州等八州縣均各承領。自係一面平糶。一面實收錢文。該民人等並無拖欠。其出糶價值錢文自應遵照例限如數解部。乃半年之久。除五城解過制錢六萬一千五十串。通永霸昌二道解過制錢四百六十八串零外。其餘各員均未解交。並有未經造冊報銷者。經部八次嚴催。尚未解交清楚。實屬任意耽延。著都察院順天府府尹查明。即飭令迅速交納。仍將逾限職名送部議處。○以大理寺少卿卓秉恬為太僕寺卿。○禮部議准。江西巡撫周之琦疏報。採訪廬陵縣貞節婦女劉羅氏等二百十三口。請建總坊旌表。

從之。○乙未諭內閣張井奏革員賠修壩工請借項趕辦等語。已革留工通判張慰祖賠修林家西壩係保固限內衝塌之工自應措資趕辦。豈有豫冀借領之理。該河督先行飭駁。所論甚是。迨准揚道以該革員變產未能濟急。代為稟請借項趕辦。該河督即暫行借給。殊屬非是。賠修之工何可借項辦理。該河督不能秉公持正一味討好屬員代為巧辦。大負朕望。且該河督非河員出身甘蹈河工

惡習。朕復為該河督惜之。所有該革員應賠壩工斷不准借項賠修。又開一條門路。著張井即嚴飭該革員趕緊賠修。勒限於本年湖水盛漲以前一律完竣。並著張井親往驗收。儻有草率偷減或因是堰貯有故。張慰祖即當治以重罪。朕惟該河督是問。亦不能仰邀寬貸也。懍之。○禮部以會試中額請得旨滿洲取中八名。蒙古取中四名。漢軍取中五名。直隸取中二十一名。奉天取中二名。山東取

中十八名。山西取中十名。河南取中十名。陝甘取中八名。江蘇取中十八名。安徽取中十四名。浙江取中二十一名。江西取中十八名。湖北取中十名。湖南取中七名。福建取中十一名。廣東取中十名。廣西取中五名。四川取中八名。雲南取中九名。貴州取中五名。○丙申。

上詣綺春園問

皇太后安。○諭內閣盧坤等由驛馳奏生擒越

南巨盜陳加海匪巢盡掃華夷洋面肅清一摺。此案越南國奸民陳加海即阮保與內地遊匪楊就富均在夷洋狗頭山嘯聚陸續擄逼多人入夥。共船三十六隻。四出行劫。先經遊擊林鳳儀等帶領兵船駛赴夷洋圍捕。都司余清生擒楊就富併獲夥匪多名。其陳加海船撞礁擊破。帶妻屬夥伴逃入深山。茲據奏稱越南土目稟報生擒陳加海即阮保並匪黨阮文軍等男婦十一名口押回州屯檻

禁。並據商船壯勇宋敬利陳金發知首犯已獲。隨轉至青藍山。擒獲餘匪陳亞福等七名。新匪目黃矮二王亞二首級。起獲大銅礮一門。鐵礮一門。及環刀挑刀七把。大藥一箱。通判陸向榮等。擒獲逃匪逸犯王亞春。覃大業二名。署瓊州鎮謝德彰等。在竹山一帶。獲解匪犯黃沅沈等十餘名。其文武委弁獲解匪黨張亞德等二十餘名。並經廉州府知府張靖春。究出此股洋匪。尚有出海為盜主謀之

林致雲。現在冠頭嶺外洋遊奕窺伺。又經該府等密飭員弁前往躡拏。獲解來府。提同各犯質證。究出行劫實情。尚屬能事。提督李增階。現駐儋州。督飭參將林開疆等。會同文武緝獲吳亞麟等十七名。並船隻鐵礮越南國藤牌等件。賊巢已塌。渠魁就獲。華夷洋面全就肅清。辦理甚為妥速。覽奏欣悅。著盧坤等即提集現獲首從各犯。嚴訊確情。按律從重定擬。毋稍寬縱。其在事出力文武員弁。著盧

坤等擇其尤為奮勉者。東公酌量保奏。候朕施恩。毋許冒濫。○大學士長齡等奏。各倉米色。本有新陳不同。順天府先領儲濟倉米三千石。皆係陳米。每斗得飯三十三杓。續領興平倉米七千石。乃新收之米。每斗僅得飯二十三杓。是米質使然。該倉監督花戶及順天府書役等。均無弊竇。王璋慶未經體察物理。所奏應毋庸議。至順天府續領之米。應准其以七折報銷。從之。○旌表守正捐軀廣東歸

善縣民張亞閏妻陳氏。○丁酉諭內閣。昨據鍾祥奏。江西摺弁行抵恩縣。被賊搶去銀物。受傷身死一案。已降旨將署知縣榮緒等革去頂帶。勒限嚴緝究辦矣。國家設立營汛。星羅碁布。凡以緝捕盜賊。護送行人。近年捕務廢弛。不獨山東一省為然。即如上年浙江摺弁行經江蘇宿遷。被匪徒截搶刀傷。失去批回各摺。本年陝西塘丁行至山西閭喜。被搶公文包袱。疏防各案。層見疊出。實出情理之

外。甚至江西差弁。竟受傷身死。尤為僅見。幸而摺件尚未遺失。若使事關重大。奏摺亦被盜劫。尚復成何事體。摺弁如此。則尋常商販行李。尤易疏虞。官塘如此。則僻徑羈人負擔。尤難保護。似此盜賊公行。恬不知恥。其諱盜為竊。抑勒不報者。更不知凡幾。朕亦安用此不肖員弁為耶。嗣後各直省督撫。務須嚴飭所屬文武員弁。認真稽查。如有宵小潛蹤立拏究辦。儻仍有摺弁中途被劫。及商旅被盜。

情事。除將該省縣營各員弁先行撤任交部嚴加議處。留該地方協緝務獲正賊究辦外。其督撫亦一併懲處。決不寬貸。毋謂誥誡之不早也。將此通諭知之。○又諭英額等奏查明積存糧石。等令照常販運一摺。前因奉天所屬各處積糧禁止外難。當經降旨交奕額等酌量情形。設法辦理。茲據奏稱錦州地方因民食不敷。僅止酌留高粱粟米三萬餘石。此外尚有雜糧十二萬餘石。並未概行停運。

現在直隸糧少價昂。不能不仰給於鄰省。該將軍等務即出示曉諭。將前項糧石除留備本處民食外。餘俱照常船運。其牛莊蓋平二處海口。現存各色雜糧五十餘萬石。及復州岫巖等處海口囤積之糧。著一併通行各地。方官諭令糧棧鋪商。遇有鄰省商船到口。概准買運。毋得任聽奸商稍滋抑勒。庶商販流通。而乏食貧民亦資接濟。○諭軍機大臣等。本日據都察院奏寶坻縣民人耿雙唐玉麒。

呈控史維等拆廟毀像招集匪眾一案。已明降諭旨交琦善督同臬司陳崇禮親提查辦矣。此案據該民人等所稱該縣已革阜頭史維。已革壯頭之子史緯。串同出入衙門之劉泳貴。橫行鄉曲。膽敢將神廟拆毀改建伊家房屋。又將銅身各像毀作器具。其往來親戚多係邪教教內之人。時常招集匪徒二百餘人。夜聚曉散。俱在史維家內出入。每夜派人瞭望。防人窺探。不知所作何事。並霸占房產。

姦淫婦女。種種惡跡。伊等疊經赴縣呈告。至今不為究辦。等情。案關邪教橫行。晝夜聚眾。必須徹底查辦。著該督遴委妥員。前赴該處嚴密訪查。如果屬實。即行密速掩捕。按律懲辦。以警兇邪。儻再似上年尹老須之案。訪查不實。將來別經發覺。朕惟該督是問。懍之慎之。將此諭令知之。尋奏。史緯等訊無聚匪習教。毀像情事。惟史緯占毀廟房。斂錢肥己。強買房間。奪充車領屬實。擬發極邊充軍。史維曾充阜役。屢次誘賭。擬流。耿雙越訴重事不實。擬徒。下部議從之。○命鎮國公奕湘。輔國公。有麟。在委散秩大臣上行走。○戊戌。諭內閣。每年各直省輪應查閱營伍之期。經兵部開單請簡。朕念由京員派往各省。不免供億之煩。且各省督撫。皆朕所信任。一經特簡。即與欽差無異。是以即派該省總督及兼提督銜之巡撫查閱。原係曲加體恤。推誠不疑。乃近來營伍廢弛。教誡不嚴。如廣東兵丁。竟吸

食鴉片煙。河南兵丁。行至安徽。毆斃人命。攜帶幼童。福建兵丁。勒折夫價。又有強搶鹽館之案。總緣各該省督撫。希圖見好。虛應故事。並不認真簡校。紀律不肅。職此之由。夫兵可百年不用。不可一日不備。似此因循疲玩。尚望其有勇知方。備國家干城之選耶。嗣後各直省督撫。平日當破除情面。認真校閱。務使營伍整肅。一兵必得一兵之用。方為不負委任。將來兵部奏請時。朕不論何省。仍照舊例。特派公正大員前往。如查有訓練不精。軍實不齊者。惟該督撫是問。從重治罪。決不寬貸。毋謂言之不豫也。將此通諭知之。○己亥。諭內閣。孟魁奏。所有考驗山海關等五處官員軍政。或俟興科到任後。再行考驗。抑或派伊考驗。等因。請旨一摺。興科到任。尚需數月。此次考驗。山海關等五處官員軍政。著即派孟魁考驗。軍政為激揚大典。孟魁到任未久。不惟考驗各員騎射。必須秉公。將各該員平日

大清宣宗效天符運立中體正至文聖武智勇
仁慈儉勤孝敏成皇帝實錄卷之二百三十五

監修總裁官經夏日該起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管明

天府府事務隨帶加五級紀錄十八次。歷實績總核官經建旗官吏部尚書領監護漢軍都統管理新營城內官房大臣稽察內

七倉大臣稽察會同四譯館事務加一級隨帶加六級單功加三級紀錄五次臣花沙納經筵講官天淵閣纂修閣事六部四書經

內務府大臣鑲白旗滿洲都統穆春內七倉大臣管理家人府銀庫左翼副官學 監壽富圖明恩等處精技營御茶膳房御藥房六

醫院造解處事務隨帶加十八級臣阿塞阿刺鑾職官經道驛官兵部尚書隨帶加六級紀錄二十次臣周祖培等奉

執修

道光十三年癸巳夏四月辛丑朔享

庚子年

太廟遣惇親王綿愷恭代行禮○遣密雲副都

統佈勒亨詣

白龍潭謝雨○壬寅○

上詣

南郊齋宮齋宿○調湖北巡撫鄂順安為山西

巡撫山西巡撫尹濟源為湖北巡撫○調福

州將軍慶山為烏里雅蘇台將軍烏里雅蘇

台將軍樂善為福州將軍○癸卯常雩祀

天於

圍丘

上親詣行禮○幸圓明園○詣綺春園問

皇太后安○甲辰諭內閣何淩漢等奏賑廠煮

飯請改散米一摺順天府屬固安縣設廠煮

賬距廠較遠村莊就食貧民僕僕道途且天

時較熱。煮飯易於變味。著照所請。所有固安

縣賑廠准其改放口糧仍按大口三合小口

減半五日一放何凌漢等督飭該縣妥為散

放嚴禁吏胥從中剋扣滋弊俾貧民均霑實

寶錄卷一百三十五

惠○又諭特依順保等奏審明拏獲毆傷驛

站兵丁搶擄馬匹之哈薩克賊犯等分別辦

理一摺。哈薩克賊犯張霍卓。膽敢糾約薩圖。

托胡勒等入卡毆傷驛站兵丁。搶去馬匹。實

屬目無法紀。經特依順保等審明。即將正賊

張霍卓正法從賊圖爾棍拜發往煙瘴地方

所擬甚是。其在逃之賊犯薩圖托胡勒圖爾

敦默特托胡達齊齊罕拜等著嚴拏務獲並

查明張霍卓等係由何卡所入即將失察各

員參奏○又諭前據御史梁萼涵奏參宛平縣知縣唐宗泰審案草率疲玩當派富俊朱士彥確切查明具奏茲據奏孫秉善等控告劉二即劉際濬亂倫謀殺一案賈龔氏控告田茂德喝毆斃命一案情節較重著交刑部嚴審按律定擬具奏至於周氏控告于柱親屬搶奪一案事係錢財著交順天府尹親提審斷均著於定案時將該縣唐宗泰審理草率遲延附案參奏以為審案玩延者戒○乙

實錄卷之三

三

已撥蘇州藩庫地丁銀八萬兩濟故因災不敷養廉等款○丙午諭內閣前因給事中孫蘭枝奏江浙兩省錢賤銀昂商民交困並腫陳受弊除弊各款當經降旨交陶澍等體察情形悉心籌議茲據陶澍林則徐酌籌利民除弊事宜分晰具奏所稱洋錢平價民間折耗滋多惟當設法以截其流一條洋錢行用內地既非始自近年勢難驟禁要當於聽從民便之中示以限制其價值一以紋銀為準

不得浮於紋銀庶不致愈行愈廣至官局議請改鑄銀錢太變成法不成事體且銀洋錢方禁之不暇豈有內地亦鑄銀錢之理所稱鴉片煙來自外洋以土易銀嚴查洋船進口夾帶一條鴉片煙由洋進口潛易內地紋銀為害最甚全在地方官實力稽查且恐此挈彼竄或於大海外洋即已勾串各處奸商分路潛銷仍屬不能淨盡該督等務當嚴飭沿海關津營縣於洋船未經進口以前嚴加巡

實錄卷之三

四

邏務絕其勾串之源復於進口時實力搜查毋許夾帶如有偷漏縱越情弊一經查出即將牟利之奸商得規之兵役一併追究加倍重懲法在必行方可杜根株而除弊害所稱紋銀出洋請明定例禁一條刑部律例祇有黃金銅鐵銅錢出洋治罪明文於紋銀未經議及奸商罔知儆畏著刑部悉心酌定具奏纂入則例頒發通行所稱收繳小錢鉛錢請不及斤者一併隨時收買一條私鑄小錢鉛

錢向來設局收繳。惟以斤計算。其不及斤者。恐民間仍私行攙用。嗣後各省收繳小錢及斤者。仍照例給價六十文。不及斤者。小錢二文。抵大錢一文。鉛錢及斤者。亦照例給價二十文。不及斤者。鉛錢五文。抵大錢一文。俾民間隨時收買繳官。閭閻市肆。咸知與大錢價值懸殊。小錢鉛錢。不能攙混。奸徒本利俱虧。自不肯輕於犯法。庶私鑄可期淨盡。以重錢法。○又諭奕訢奏請將盛京協領奇成額部

議革職之處。可否改為革職留任一摺。奇成額近因商民買空賣空之案。並未解交地方官辦理。即行擅自審辦。實屬錯謬。業經兵部議將奇成額照犯私罪例革職矣。從前扎布扎納。恆慶善魁等。俱因失察降一級調用。即阿爾松阿革職一案。亦因失察殃及。均非奇成額處分可比。且本年解京。均係照前交納。毫無錯誤。可見該務。豈僅恃奇成額辦理耶。奕訢請將奇成額留任。殊屬非是。所奏

實錄卷三三五

五

十

著不准行。○諭軍機大臣等。鍾祥奏請照舊案動碾倉穀。運送接濟一摺。前因直隸及京畿各地方。糧價昂貴。諭令鍾祥體察情形。動碾常平倉穀。運赴災區。以濟民食。茲據奏請。循照舊案。在沿河州縣及附近水次各屬。酌量派撥。計可動倉穀十四萬石。著照所請。即將此項穀石。迅速動碾。一面雇備民船。並將開外幫船。催回備運。如尚不敷。即將東省鹽船封雇裝載。遴委妥員。分起運赴天津北倉

實錄卷三三五

六

存貯。所需運腳等項。准其由司庫動支。事竣覈實報銷。將此諭令知之。○贈故太子少保前任伊犁將軍玉麟太保。予祭葬。諡文恭。入祀賢良祠。賞銀一千兩治喪。並賞其子候補員外郎恆昌服闋後即補。○丁未。諭內閣。本月初三日。恭舉

常雱大祀。朕親詣行禮。並因畿輔一帶雨澤尚
未優渥。默籲

吳緯。冀得甘霖速降。惠普羣生。茲於初六日即

獲甘膏滂沛。入土極為深透。現在油雲布雨。勢猶濃。仰惟

昊穹昭格

靈貺渥施。朕心倍深寅感。恭查嘉慶十八年五月。

皇考仁宗睿皇帝親詣

地壇行禮後。澍雨優霑。朕欽承

聖諭。虔申報謝。此次自應遵做舊章。敬謹祀謝

仰答

實錄卷一百五十五

七

天庥著派定親王奕紹於初八日進城齋宿。初

九日寅刻恭詣

皇穹宇行祀謝禮。著太常寺照例敬謹豫備。○

貸盛京西路歉收各驛本年應領不敷馬乾

銀。○戊申諭內閣。史譜奏官兵中途折回。請

將原領俸賞等銀分別扣免一摺。此次調往

臺灣之西安滿洲及綠營官兵三百一十二

員名。中途撤回歸伍。據該撫查明拮据情形。

援照成案。懇請恩施。著照所請。所有該兵丁

原領賞裝銀兩。概免繳還。其官弁所領俸賞

行裝及借項銀兩。並兵丁借項。均分作四年

於廉餉內按季扣還。該官兵內如有從前出

征口外。借支銀兩尚未扣完者。俟前項扣完

再行接扣。以示體恤。該部知道。○命成都將

軍那彥寶來京。調盛京將軍瑚松額為成都

將軍。吉林將軍寶興為盛京將軍。以熱河都

統保昌為吉林將軍。漕運總督蘇成額為熱

河都統。○以倉場侍郎貴慶為漕運總督。調

實錄卷一百五十五

八

工部左侍郎恩銘為倉場侍郎。理藩院左侍

郎松筠為工部左侍郎。轉理藩院右侍郎。聯

順為左侍郎。以內閣學士賽尚阿為理藩院

右侍郎。○以吏部右侍郎桂輪兼京營右翼

總兵。○調正黃旗蒙古都統博啓圖為正藍

旗滿洲都統。以正藍旗滿洲副都統奕顯為

正黃旗蒙古都統。○調鑲白旗漢軍副都統

文慶為正藍旗滿洲副都統。鑲白旗蒙古副

都統鐵麟為鑲黃旗滿洲副都統。○以鑲黃

旗蒙古副都統忠山為正白旗護軍統領○
乙酉

上御勤政殿聽政○諭軍機大臣等前因直隸
地方糧價騰貴降旨令裕泰等撥項採買並
動碾倉穀運京協濟茲據查明奉天各海口
積存糧石內高粱最多粟米僅有二萬餘石
未便採買現在各廳州縣倉貯粟米實存十
二萬六千八百餘石除酌留備用外籌撥米
六萬石派員運赴災區接濟等語直隸所屬

宣統元年五月

九

地方曾否得雨一律深透著琦善體察情形
如現在尚需協濟即一面奏明一面循照成
案派委妥員雇備船隻前赴奉天海口將該
處籌撥米石裝載撥運以期迅速濟用儻已
得透雨糧價漸平小民無虞食貴著即據實
具奏並飛速行文該省停其動碾撥運以重
倉儲將此諭令知之○又諭那彥寶奏連次
焚剿賊巢擒獲要犯清溪全境肅清並移兵
勦辦越嵩大樹堡一摺覽奏均悉此次滋事

地方界連三廳縣除分撥官兵越嵩我邊兩
路堵禦外又因清溪大股賊匪尚未殲除不
能同時並舉經該將軍飭將賊匪巢穴逐處
殄擒其悔罪來投者量予招撫並飭將首逆
馬林羅木則二犯務獲又飭各夷部落如縛
獻給予重賞儻敢窩留移兵勦辦旋據副將
馬光宇於三月初六日分兵三路該副將由
中路直抵所角老林賊眾先將道路壅塞該
副將等站住山包用槍礮轟擊時將昏黑賊

宣統元年五月

十

眾竟敢擁撲署遊擊李德溥營盤勢頗猖獗
經署守備馬登祥率勵漢屯官兵奮不顧身
用連環槍礮向賊叢眾處轟擊三路官兵乘
勢並進一日一夜擊斃甚多初七日五更後
我兵奮勇爭先乘勝追壓三處殲斃賊匪及
窩石河赴水撲巖者約一千餘人該逆羅木
則阿耳基等出投叩求免死縛送大營解省
審訊副將馬光宇又於十一日分帶漢屯土
兵進搗上下板牙溪等處將四堡之賊分股

焚勦賊眾望風奔竄共斃二百餘名又於二十三日遊擊王進忠等帶兵分勦四嶺等處署遊擊馬慶封等連日分投截勦已將馬林羅木則二犯所屬夷堡十一處悉行燒燬擒獲活賊數十名訊明正法所辦尚妥署遊擊李德溥帶傷守備馬登祥受傷較重現俱在營調養日內當已全愈其傷亡屯兵二名及受傷漢土官兵著楊芳查明分別辦理其出力員弁著楊芳擇其尤為出力者保奏

實錄卷一百五十五

十一

候朕施恩毋許冒濫馬林係此案要犯於官兵未到之前逃竄過河潛往黑嗎溪及窩石河等處著即跟蹤追捕嚴拏務獲以伸國法而快人心現在那彥寶已派副將馬光宇帶兵一千五百名擒捕零匪那彥寶已移營大樹堡分勦越嵩夷匪楊芳此時想已趕到昨已降旨令那彥寶來京陛見楊芳務須剋日進兵一鼓殲除迅速肅事其裁邊一路續調官兵八百名足數堵禦越嵩辦竣後即分兵

兩路前往夾擊愈速愈妙切勿稍留餘孽以副委任將此由四百里諭知楊芳並諭那彥寶知之○命吏部尚書潘世恩為大學士管戶部事調工部尚書朱士彥為吏部尚書以都察院左都御史白鎔為工部尚書戶部左侍郎湯金釗為都察院左都御史調吏部右侍郎何凌漢為戶部左侍郎戶部右侍郎李宗昉為吏部右侍郎兵部左侍郎張鱗為戶部右侍郎兼管錢法堂事務仍留福建學政

實錄卷一百五十五

十二

任以都察院左副都御史朱為弼為兵部左侍郎○調鑲藍旗護軍統領裕誠為正白旗護軍統領正白旗護軍統領忠山為鑲藍旗護軍統領○以右翼翼尉伊拉清阿為鑲白旗蒙古副都統散秩大臣綿岫為鑲白旗漢軍副都統○以詹事府少詹事受慶為詹事

○庚戌以恭修

永陵 啓運殿先期遣官告祭

永陵及

后土之神○

上奉

皇太后幸慎德堂進膳○諭內閣給事中郭泰成奏州縣官赴任不准私債糾纏並請嚴定章程一摺所奏非是州縣為親民之官潔已愛民方為稱職近來不肖州縣在京需次即任意揮霍從而稱貸到任後非虧短倉庫即朘削閭閻所在多有總在督撫大吏正已率

宣宗實錄

三

屬破除情面有犯必懲自不至為害地方若如該給事中所奏州縣驗看之先令其呈遞並無重累甘結領憑到省時督撫令其具結方准赴任試思劣員有累何肯自認一經出結即可惟所欲為豈非徒增具文甘結不可取信必有隱飾自不待言矣出仕之始先論一利字國家有此政體乎郭泰成太不曉事所奏煩瑣無益徒滋案牘斷不可行著毋庸議○諭軍機大臣等前因直隸地方糧價昂

貴降旨令奉天府府尹山東河南巡撫撥項採買並動碾倉穀運赴災區接濟昨據裕泰等奏籌撥米石備運已諭令琦善酌籌辦理矣茲據楊國楨奏稱籌撥彰德衛輝懷慶三府屬並開封河南許州三府州屬倉穀二十萬石計共碾米十萬石於該省楚旺水次設廠候兌先由豫省派員赴山東一帶雇船起運五萬石餘俟直隸委員雇備船隻前往領運又前據鍾祥奏稱在沿河州縣及附近水

宣宗實錄

四

次各屬酌碾倉穀十四萬石雇船運赴天津北倉存貯各等語直隸所屬地方得雨是否一律深透著該督體察情形如現在尚需協濟即一面奏明一面派委妥員雇備船隻前赴該處將籌撥米石裝運以期迅速濟用儻已得透雨糧價漸平小民無虞食費著即據實具奏並飛速行文各該省停其碾運以重倉儲將此諭令知之○以都察院左副都御史德春為繙譯會試知貢舉大學士長齡為

滿洲繙譯會試正考官。兵部右侍郎奕紀為副考官。工部左侍郎松筠為蒙古繙譯考官。○以工部左侍郎松筠署正黃旗蒙古都統。○以前任直隸古北口提督齊慎為甘肅提督。○以捐辦城垣書院河渠出加予安徽知州徐青照等升敘有差。○辛亥展緩直隸通三河武清寧河固安東安大興宛平昌平順義天津遵化涞水香河良鄉房山懷柔密雲平谷定興薊霸永清懷來唐容城宛安滄安

肅新城延慶赤城涿保安文安廣昌易新河蔚清苑交河雄津軍四十四廳州縣被旱村莊新舊額賦。○壬子諭軍機大臣等據孟魁奏查閱關門有大車一輛車夫二名男女六名。於三月十一日行抵山海關。因有嵩惠畫押名單。次日查驗放行。東三省官員之眷屬僕婦車輛落後留單驗放出關。向來事所常有。惟嵩惠究竟有無落後車輛。所留畫押名單一紙著孟魁即行封咨嵩惠辨認。是否

係其親筆。單內開載男女名口姓氏。是否係伊眷屬僕婦。因何行走落後。其中有無別情。著嵩惠據實明白覆奏。毋稍含混。將此各諭令知之。○又諭昨據署山海關副都統孟魁奏發往黑龍江之宗室全煜。於三月十二日未刻出關。是日辰刻有大車一輛車夫二名男女六名。稱係嵩惠落後僕婦車輛。有嵩惠畫押名單一紙。傳問原解官驍騎校色楞額據稱解送全煜至關外邊牆馬家店內。見有家眷車一輛。次早先後起程。訊之開店馬姓。結稱全煜曾與眷屬接談。查閱單內僕婦四名。宗軋氏。沈宗氏。張宗氏。三名。不惟與全煜家人軋得安姓氏相似。且出關後同宿旅店接談。顯係全煜眷屬。詭計朦混出關等語。當交宗人府確查。茲據奕紹等奏查訊全煜家內。竟有攜帶婦女。私往配所情事。是否傭雇。抑係典買。伊妻並不知情。全煜係發往黑龍江交該將軍嚴加管束之犯。未經起解以

前。疊向宗人府呈請攜帶眷屬。駁斥後復敢私帶婦女。朦混出關。似此膽大妄為。怙惡不悛。必應徹底查明懲辦。著寶興親提全煜。嚴切根究。務期水落石出。毋任狡飾。訊明後即行據實具奏。將此諭令知之。○以大學士潘世恩為國史館總裁官。○以理藩院左侍郎聯順署鑲白旗護軍統領。○緩徵山西朔崙嵐五臺寧定襄五州縣歉收村莊新舊額賦。○癸丑諭內閣陶澍奏軍政被劾遊擊列款

實錄卷三三五

七

稟許該管總兵請分別革職解任提訊一摺。江西南贛鎮中營遊擊黃廷榮上年補行軍政。叅劾降調。茲列款稟許該鎮總兵張佑溪演戲乘輜。十一十二兩年並未校閱官兵。徒領操賞銀兩。該遊擊屢次規勸以致獲咎等情。事關屬弁稟許該管總兵虛實均應徹底根究。惟該遊擊不稟揭於未劾以前。至叅劾後始行具稟。此風亦不可長。黃廷榮著革職。張佑溪著解任交陶澍提至江寧省城將所

稟各情秉公逐一研訊明確據實具奏。毋稍徇縱。○以捐辦淮南災賑出力予鹽大使錢同謨等優敘。○以挑濬江寧內河出力予候補知州馮思澄等先補升敘有差。○甲寅上詣綺春園問

皇太后安。○諭內閣戶部奏江蘇省驛站餘賸銀兩延未解清報撥屢催罔應查該撫送到前任江蘇藩司桂良交代冊內蘇州所屬欠解各年驛站餘賸銀兩竟積至十九萬六千

實錄卷三三五

六

九百十二兩零之多。似此應行報撥銀款積存屬庫並不實力催提殊非慎重錢糧之道。著陶澍林則徐即飭江蘇藩司將所屬未解各年餘賸驛站銀兩勒限一箇月按數提解報部。儻該州縣仍不解清即查明據實照例叅辦。其江寧欠解驛站餘賸銀兩亦著一體嚴催提解司庫。仍先行查明確數造冊報部以備查覈。毋許再有延宕。○旌表守正捐軀山西五臺縣民周泰來妻劉氏。廣西平南縣

民盧觀淙妻黃氏○濬山東恩縣等境四女
寺支河並修壩座從巡撫鍾祥請也○乙卯
諭內閣奕顥等奏敬謹保護清寧宮情形一
摺盛京清寧宮前經勘估修理據奏挑換枕
梁未經採獲現在情形較重各處所自應用
木妥為保護惟清寧宮供奉

神櫃攸關綦重著奕顥等敬謹恭移崇政殿內
存貯俟工竣後再行移請安奉以昭慎重○
又諭盧坤奏潮橋商力疲敝懇請展限奏銷

一摺廣東潮橋鹽務日就敝壞茲據該督查
明道光十一年分引餉應於本年六月奏銷
惟積引之內仍有商墊未經收回餉款兼之
該年額引甫經開折數月之間斷難拆辦全
年之引且現在籌辦疲懸卑務條目繁冗自
應稍寬期限以紓商力加恩著照所請所有
潮橋十一年分引餉奏銷准展限六箇月該
督即督飭所屬照例造報毋稍貽誤仍著按
照展限成案以後每年提前一月奏報以復

原限而符定制該部知道○又諭成格奏請
籌撥軍需尾案墊辦銀兩一摺烏魯木齊軍
需尾案所有供支凱撤官兵各項銀兩據奏
均於鎮迪道迪化州二庫滿洲餉經費項下
共借墊過銀十二萬一千兩此項借墊銀兩
俱係急應支發之款著楊遇春迅將前項墊
辦銀兩如數籌撥以備歸款支發毋得久懸
○又諭成格奏營員自戕請將捏報之遊擊
等分別審辦一摺托克遜軍臺陝安鎮屬孝

義營把總史學顯自戕身死據吐魯番同知
保忠驗係因傷殞命該遊擊王洪謨等何以
於史學顯扎傷後遲至二十二日之久始行
捏報病故其中顯有情弊必須徹底查辦以
成信讞遊擊王洪謨都司王玉成俱著先行
解任委筆帖式德清額經制外委馬重俱著
斥革即交成格親提全案人證卷宗秉公研
訊確情按律定擬具奏該領隊大臣如有瞻
徇回護別情著即據實嚴參毋得稍有容隱

尋奉史學顯委因歲暮用項無出酒醉自戕王洪謨不即轉報本城大臣委員查驗始則意圖消弭繼復心存回護咎無可辭吐魯番領隊大臣賡音岱並不駁查叅辦應一併交部嚴議尋議遊擊王洪謨都司王玉成革職領隊大臣賡音岱降三級調用從之○又諭長清奏更換喀什噶爾駐防官兵並支發鹽糧一摺此項換防官兵係由伊犁派赴喀什噶爾應援征兵揀留防所扣至本年三月已閱二年有半應即另派更換該官兵等本係以征留防茲換撤歸伍所需路行鹽菜口糧等項著加恩仍照征兵分例支給歸於該城常年造銷冊內作正開銷以示體恤該部知道○又諭長清等奏葉爾羌等處換防官兵請照例按年分次等語葉爾羌烏什新增滿洲營官兵著即照伊犁換防喀什噶爾滿洲營之例定為二年班滿分作兩次更換以符舊制○諭軍機大臣等長清等奏查詢霍罕

遣使求立商頭抽收貨稅情形一摺覽奏俱悉此次霍罕伯克遣額爾沁密爾雜阿依普進卡照料貿易並求在葉爾羌等城自派安靠夷目充當商頭抽取行用費錢自可俯順其情准令仍舊設立至請別部落夷人入卡貿易由該商頭抽收貨稅自不當允其所請該參贊等所見極是惟措詞總宜得體當諭以大皇帝撫綏藩服大公至正一視同仁並無偏向所有外夷貨稅一律恩免爾霍罕既已免稅其別部落貨稅亦在應免之列辦理斷不能兩歧本參贊本大臣何敢冒昧陳奏令爾等抽收別部落貨稅爾等當告知爾伯克務當照常貿易可以長受大皇帝厚恩如此明白曉諭該夷使自不能妄生希冀總期令霍罕夷使心悅誠服毋庸剖晰利害怵以天威張大其詞俟夷情帖然即照例筵宴賞賚再令護送出卡可也將此諭令知之○免喀什噶爾葉爾羌年班伯克應進道光十一

十二年分額貢。○以廣東潮州鎮總兵官張大鵬操守平常。降為都司。留粵差委。以江西南昌城守營副將李廷鈺為潮州鎮總兵官。○修廣東巡洋師船。從總督盧坤請也。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百三十五

寶錄卷二百三十五

二

清實錄
道光十三年四月下

大清宣宗效天符運立中體正至文聖武智勇
仁慈儉勤孝敏成皇帝實錄卷之二百三十六

人府尹事孫開帶加五級紀錄十八次臣等補授該官經歷縣官文淵尚書總監督漢軍都統管理新舊營城內官居大臣族屬內
七次大臣稽察四回稽察事務加一級開帶加六級軍功加三次臣等授該官文淵尚書總監督開帶加六級開帶加六級開帶加六級
內務府大臣錢色額滿洲都統將察內大臣管理理安人內務庫查算四官等 案奉旨開帶加六級開帶加六級開帶加六級開帶加六級
醫院解事孫開帶加八級臣等開同總辦官經歷縣官長新尚書開帶加六級紀錄二十次月開帶加六級

執修

道光十三年癸巳四月丙辰諭內閣嗣後凡

遇各項考試。派出閱卷大臣。試卷內如有違式錯誤等處。俱著黏簽註明進呈。○諭軍機大臣等。本日召見新授潮州府知府誠善。見其人尚老實。惟潮州府係廣東衝繁難兼三要缺。伊雖曾任福建汀州府知府。能否勝海疆繁缺之任。尚須試看。著盧坤、朱桂楨於該員到省後。留心察看。是否勝任。據實具奏。將此諭令知之。尋奏誠善樸實醇謹。先委護惠潮嘉道篆。辦理無誤。嗣飭赴本任。罷免從公。

操守謹飭報聞。○禮部尚書崇文門監督者英等奏。直隸古北口牛販赴京。並無官設稅局。難保無繞道偷漏等弊。請於密雲縣所屬穆家峪地方。添設稅局。以資查覈。從之。○丁巳。

孝端文皇后忌辰。遣官祭。

昭陵。○補行道光十二年軍政。山東卓異官四員。年老官一員。才力不及官三員。分別議敘處分如例。○戊午。禮部以繙譯會試中額請。

得旨。滿洲取中三名。蒙古一名。○修伊犁惠遠城。並濬護城河道。從將軍特依順保等請也。○己未。引見壬辰科散館人員。得旨。此次散館之修撰吳鍾駿。編修李芝昌。業經授職。其清書二甲庶吉士高人鑑。賈臻。漢書二甲庶吉士蔡錦泉。汪振基。戴熙。易長楨。李光鴻。單懋謙。李星沅。黃廷珍。周銘恩。宗室善燾。朱慶祺。花沙納。嚴良訓。羅傳球。朱楷。王立中。方錯。邵燦。陸應穀。駱秉章。雷成樸。秦春榮。李方。

趙德濟。勞崇光。陳熾。瑞常。許乃安。郭柏蔭。舒興阿。張星燦。俱著授為編修。清書三甲庶吉士趙長齡。漢書三甲庶吉士吳文林。俱著授為檢討。陳慶鏞。丁彥儔。姚福增。宗室慶安。郭利賓。陳本欽。張道進。沈玉麟。吳光業。胡增瑞。鍾保。曹琳。堅。潘鐸。方城。吳珩。李湘。蔭。俱著以部屬用。汪道森。趙縉。劉榮桂。王朝樞。原珩。俱著以知縣即用。○吏部以大學士潘世恩。應定何殿閣請。得旨。著為體仁閣大學士。○以。

理藩院尚書博啟。圖署工部尚書。兵部尚書。那清安。署翰林院掌院學士。鑲藍旗漢軍副都統哈琅阿。署鑲白旗滿洲都統。○賞會試年老舉人王家棟等十名。編修檢討學正職銜有差。○補行道光十二年軍政。山西卓異官六員。罷輟官一員。年老官二員。才力不及官一員。分別議敘處分如例。○庚申。諭內閣。恩銘等奏。南糧幫船行走遲滯。請嚴行催趲。一摺。本年南糧首幫。此時甫經挽入直隸汛。

境約計過關抵通尚需二十餘日。比較上三屆無閏之年。行走已屬遲滯。且本年係全漕之年。兼有搭解米石。糧數較多。若不及早催趲。俾軍船接續前進。恐致臨期周章。著直隸山東各督撫。嚴飭地方官及司漕各員。一俟南糧幫船入境。即實力催趲前進。毋許片刻停留。亦毋許一幫脫空。僅沿途河道間有橫淺處所。必須加夫刮挖。添備剝船。以速運務。而免遲滯。○又諭刑部奏擬遣官犯李相清

越獄脫逃。外省監獄不能小心防範。致有監犯逸出。已非尋常疏忽可比。況刑部重地。且李相清係已革頭等侍衛。擬發烏魯木齊充當苦差官犯。乃不嚴加看守。任令脫逃。恐另有賄縱情弊。實屬從來未有之事。足見該堂官等平日漫不經心。不以公事為重。玩泄已極。著先行交部嚴加議處。值宿提牢主事富海。司獄馬常柱。著即革職。交大學士軍機大臣嚴行審訊。並提同禁卒人等研究確情。按

律定擬具奏。○諭軍機大臣等。前因荊州副都統善英奏。查閱營馬短少。馬乾銀兩藉詞充公一案。當降旨交訥爾經額。麟慶會同查辦。現據楊國楨奏。麟慶之母在河南省寓病故。麟慶例應丁憂。該河督自黔赴楚。無論行抵何處。該督即行知令其赴豫穿孝。迅速回旗。所有營馬短少一案。即責成訥爾經額秉公詳查。據實參奏。不得稍涉顛預。儻有不實不盡。惟該督是問。將此諭令知之。○以大學

士富俊。戶部尚書王鼎。吏部右侍郎李宗昉。兵部左侍郎鐵麟。朱為弼。刑部左侍郎史致儼。工部左侍郎吳樛。內閣學士恩。棣為殿試讀卷官。○以告病江南河道總督張井。暫署江南河道總督。○以捐辦熱河粥廠經費。予候選教諭牛昌錄等。升敘有差。○辛酉。

上詣綺春園問

皇太后安。奉

皇太后臨視

皇后疾。侍送。

皇太后還綺春園。○策試天下貢士許楫等二百二十二人於太和殿。制曰。朕寅紹鴻圖。撫綏寰宇。勤政宵旰。兢業不遑。仰承

蒼昊垂庥。邊陲底定。疆圉乂安。惟益慎儉思艱。期無一夫不獲。茲當臨軒策士。式殷延訪。用集嘉謨。選士興賢。治之大要。古者選舉獻貢。以德行道藝教之。然後予以明揚。何時改為設科較藝。漢代惟賢良得人為最。制猶近古。

至九品官人法立。而古意寢失。損難貽譏。何歟。唐制科之外。擇人者尚有四事。較漢魏為益詳。宋之三科。以直言經學吏理為目。其後增以三科為六科。又增以四科為十科。條目若何。得人以何者為盛。夫專引知識。則嫌於私。止循資序。未必皆才。司馬之言善矣。又何以建十科之議。而不果於行。蓋代有賢才。才皆資世。用里選。則才由里選而出。用科目。則才由科目而出。此所重之勢則然。士人砥行

立名。宜如何端志潔身。以應旁求之典。考課之法。代有不同。上古之課臣以實政。既選天下之賢。專莅一職。而不置可否於其間。又設為考績黜陟。以課其官。官之長各自課其屬。故法簡易行。漢迄明之課臣也。以名。事無大小。一聽於法。雖豪傑不能自主。較之以資。取之以望。是以名勵天下。而準之以法也。然得其人。則考察必當。非其人。則舉劾失宜。甚且有借以伸恩怨者。豈任法非公。抑任人不易。兩得之道。將何所從。今謂善最不同。等差攸別。何以儒館之才。亦勝錢穀。諫諍侍從之職。亦任刑獄邊防。將通才之易得。或求備之無妨。夫賢否彰明。則政治畢舉。儒者學古入官。何以備數言試功之典歟。訓練士卒。莫詳於振旅。芟舍治兵大閱之文。周制所以卓越前古者。合在於是。西漢京師州郡。皆立教試法。其後何以州郡不行。唐三時勸農。一時講武。猶古制也。何以自昭義步兵後。至宋代均未

有州郡訓練之條。蓋練卒道在懷以恩義。一以號令。庶幾臨敵能得其力。練將道在待以誠信。運以機權。庶幾任使克盡其心。然或始則法密而人知微。繼則法玩而勢易怯者何故。今校閱之時。果能明貴賤。辨等列。順少長。習威儀。養奇傑之氣於禮義之中。使嫺夫坐作進退之節。安之而不懾。則統馭有方。止齊有序。雖決勝於萬里之外可也。豈第行乎一州一郡而已。明刑所以弼教。易言刑者五卦。

噬嗑言明罰。而不言折獄。中孚言議獄緩死。而不言赦過宥罪。賁與旅何以一則無敢折獄。一則不留獄。可分晰歟。刑獄起於訟。而訟何以不言刑。皋陶刑官也。而教民祇德。伯夷禮官也。而折民惟刑。此何說也。自虞書有金作贖刑。周官乃有鈞金之入。議者疑非聖人之法。抑有解歟。虞書之五刑。與周官之五刑。秦之五刑。與後世之五刑。同乎異乎。春秋書肆大眚。其義例若何。漢有任出之詔。魏有權

行之議。宋有貼放之名。可一一舉其詞歟。樂有律。而刑亦有律。於義云何。獄者生人之大命。蕩滌瑕垢。以彰至治。豈非為政之急務歟。夫明試以達賢能。考察以熙政績。教練以簡軍旅。欽恤以重民生。胥制治保邦之要圖也。多士稽古有年。其各陳謨論。毋有所隱。朕將親覽焉。○諭內閣。前因直隸糧價昂貴。降旨令奉天。河南。山東。籌撥米石協濟。已據奉天暨河南山東等省覆奏。或籌撥存倉米石。或

動撥倉穀碾運。復經降旨。令琦善察看各屬。如已得有透雨。糧價漸平。即行停止撥運。茲據琦善體察情形具奏。所有奉天籌撥存倉粟米六萬石。尚未碾動。著即停止。山東省籌議碾運倉穀十四萬石。河南省籌議撥碾倉穀二十萬石。先行撥運十萬石。該二省或已起運。或已碾竣。著各儘已經碾動之數。運赴直隸交卸。該督即遴派明幹大員。督飭地方官。將運到米石。在沿河之故城。景州。吳橋。文

河東光南皮滄州青縣靜海天津近河各州縣常平倉內酌定米數俟該二省米船過時就近分卸嚴飭各州縣加謹收貯不准因公動用一二年後或須出陳易新應令以米易穀以期經久如有虧缺照監守自盜律治罪仍按市價著追俾知儆畏○又諭鍾祥奏動碾各屬倉穀運赴直隸協濟所有裝運官米各船經過臨清天津各關請免徵船料等語山東省籌議碾運倉穀十四萬石運赴直隸各屬接濟著該撫即派委委員押赴直隸沿河州縣分卸收貯其裝運米石各船經過臨清天津各關准其援案免徵船料○又諭吳榮光奏續行密訪文武舉人私設水卡勒索販米船隻請褫革衣頂一摺湖南寶慶府屬土匪結夥索擾商旅先經該撫密委員弁拏獲各犯分別訊辦茲訪有新化縣文舉人毛蔚武舉劉岳潛通書役劉巨高民人劉偉烈等在寶慶之上渡江處所私設小票阻米索

錢同謀得贓為害商旅實屬目無法紀毛蔚劉巨高曾錦堂楊洗峯劉獅子等俱已緝獲到案查拏甚屬認真必應嚴行懲辦文舉人毛蔚武舉劉岳均著褫革衣頂交該撫提同案內人犯嚴審定擬在逃之劉岳及劉偉烈等著嚴飭地方官迅速緝獲歸案辦理毋使一名漏網其餘未獲之土匪二名一併趕緊拏獲勿稍疏懈○又諭多爾濟喇布坦等奏俄囉斯固畢爾納托爾將從前張格爾滋事時由喀什噶爾搶擄脫逃之班濟布等三人解到審訊錄供或照前次辦理交楊遇春審訊抑或解往各該處約束等因請旨一摺著多爾濟喇布坦等即委員將班濟布等三人由彼解往甘肅交楊遇春審辦俄囉斯固畢爾納托爾將此脫逃三人察出即資助衣服等物妥為護解甚屬恭順固畢爾納托爾著仍照前次賞給○又諭前據特依順保奏伊犁撫民同知員缺請以德恩調署當經降旨

准行。昨復據楊遇春請以寶鏐升補伊犁撫民同知。自係未奉到前降諭旨。所有伊犁撫民同知一缺。著仍遵前旨以德恩調署。寶鏐著即撤回本任。嗣後伊犁所屬地方。遇有缺出。著該將軍與陝甘總督揀選合例之員。會銜具奏。不得先後各自陳請。致有參差。該部知道。○直隸總督琦善議覆禮科給事中握克精額條奏買補倉穀章程。直隸連年中稔。又遇偏災。倉穀短缺。尚非各員有心延誤。現

查常平社義三倉。共存穀六十一萬六千三十餘石。折交穀價銀十二萬二千八百九十兩零。俟歲稔價平。再飭買補。下部知之。○塔爾巴哈台領隊大臣遊盛德因病解任。以二等侍衛額勒亨額為塔爾巴哈台領隊大臣。○以捐修廣西靈川縣城垣予知縣倪良耀等議敘加銜有差。○免湖南幫丁賠補因風漂沒米石船隻。賞卹淹斃人口如例。○貸湖南新田縣上年被難民糴籽種。○壬戌

上幸萬壽山詣

廣潤祠拈香。○諭內閣。原任福建臺灣府知府呂志恆。原署嘉義縣知縣邵用之。於上年逆匪分股肆擾。前往追捕。先後被戕。當降旨交部照例賜卹。嗣以該逆匪等起釁之初。輒以貪官汙吏妄殺無辜為詞。以致人言籍籍。特諭令瑚松額。程祖洛將該故員等有無激變情事。確查具奏。茲據奏原任臺灣府知府呂志恆居官尚屬能事。而果於自用。臺灣道

平慶。以原署嘉義縣知縣邵用之不協輿情。飭令呂志恆前赴嘉義。將其撤任。呂志恆並未遵辦。轉以邵用之可靠申覆。又因駁下苛刻。出納是吝。遂致謠言四起。並無別項劣跡。原署嘉義縣知縣邵用之。到任甫及半載。不能約束家丁胥役。民間嘖有煩言。亦無貪婪實據。所奏甚為明晰。是該故員等平日實未有貪污凌虐激變情事。現已確鑒可信。呂志恆邵用之。先後被賊匪戕害。以死勤事。情堪

軫惜均著加恩依部議照傷亡例賞給雲騎尉世職。所有應得卹賞各該部照例辦理。用示朕褒獎忠藎善善從長至意。○又諭福建臺灣逆匪滋事。提督馬濟勝劉廷斌會同勦辦。殲擒賊匪多名。曾降旨將該提督等賞戴雙眼花翎。交部優敘。茲據瑚松額等查明上年冬間逆匪張丙等聚黨分股戕害官弁。惟時全臺官兵有一萬四千餘名之多。劉廷斌嬰城固守。請調兵三萬速赴救援。馬濟勝帶兵二千渡臺接仗。所向克捷。賊匪紛紛潰散。各股逆首陸續就擒。大局戡定。現在探捕零匪剋期蕝事。全臺得臻安謐。朕思上年湖南廣東勦辦強匪。提督羅思舉余步雲俱屬奮勇出力。特沛恩施。加以懋賞。但湖南強匪滋事。彼時有總督盧坤駐營調度。即廣東強匪勦撫妥速蕝功。亦係欽差大臣禧恩瑚松額等會同籌度。指示機宜。茲者臺灣一役。當瑚松額等未經渡臺以前。若非馬濟勝身先士

卒。有勇知方。能以少勝多。殺賊致果。則全局事勢不堪設想。是馬濟勝之功較之羅思舉余步雲二人尤為偉鉅。必當優加懋獎。篤眷酬庸。馬濟勝著加恩賞給二等男爵世職。以示朕論功行賞權衡至當之意。○又諭各關徵收課稅。無論正額盈餘。豈容絲毫虧短。茲據戶部奏查前任山東臨清州知州降調縣丞葉肇枬少收臨清關稅銀二萬九千五百一十八兩零。原任安徽道汪恩少收蕪湖關稅銀八千六百六十九兩零。前署江蘇常鎮道錢俊少收揚州關稅銀一萬九千八百兩零。現任廣西布政使鄭祖琛少收九江關稅銀除已完繳外。尚未完銀二千六百八十二兩零。現任山東兗沂曹濟道徐受荃少收蕪湖關稅銀除現據完繳外。尚未完銀二萬六千一百一十兩零。均屬定限已逾。未據全數完繳。實屬任意懸宕。著雲南浙江廣西山東各巡撫並順天府府尹即將各該員應賠前項銀兩

各按途程遠近。於文到日。勒限一年。嚴催完繳報部。儻仍逾限不完。即著嚴叅懲辦。又另片奏。前任山東臨清州降調知州汪如潮。應賠銀四萬三千二百七十四兩零。應在伊子汪世楷河南主簿任內著追。現已丁憂回籍。著浙江巡撫。飭令降調知州汪如潮之子汪世楷。即將前項應賠銀兩。迅速措繳。並將完不足數。已回浙江原籍之前署江蘇常鎮道錢俊。未完銀一萬三千六百七十五兩零。飭

令歸數全完。以清款項。其前署山東臨清州已故知州黎溶。應賠銀四萬三千九百七十兩零。前署山東臨清州已故知州商載。應賠銀五十七兩零。經該部節催各該員原籍。均未咨覆。著廣東巡撫。順天府府尹。即將黎溶。商載。二員有無子嗣。及有無官職之處。查明據實咨覆。以便照例辦理。○諭軍機大臣等。長清奏訪查喀什噶爾情形一摺。據稱喀什噶爾有無業游民。滋擾回眾之事。該參贊現

因霍罕懇設商頭。及減撤防兵各事宜。尚未完竣。一時不能分身。俟議定後。即馳赴該處查辦等語。所論極是。喀什噶爾為極邊要地。連年遭擾。已形拮据。亟應撫卹輯綏。以復元氣。當此善後甫定。豈容奸民肆行滋擾。若無業游民。竟行誘賭誑騙。甚至索詐強占等弊。尤屬為害地方。該參贊於事竣後。馳赴該處。親身巡查督辦。務將宵小匪徒嚴拏重懲。俾回眾各安農業。不致銜怨。使其心悅誠服。回

情帖然。斯為綏靖邊疆之道。將此諭令知之。○又諭。那彥寶奏。拏獲首逆松坪土司馬林。並家屬等。委員解省。及籌辦各情形一摺。此次夷匪滋事。前經勦辦。清溪一帶。全境肅清。各要犯均已就獲。惟首逆馬林。竄往黑嗎溪等處。茲據那彥寶奏。帶兵前赴越嵩大樹堡。探知馬林確在黑嗎溪藏匿。該處係煖帶密宣慰土司嶺華封所管部落。即檄建昌鎮總兵萬榮傳到嶺華封。諭以生擒馬林。將功抵

罪該土司懾遵辦理。復恐馬林黨羽眾多。中途劫奪。派署遊擊馬慶封等帶兵八百名。尾隨防範。並派熟悉夷情兵丁五名。改裝潛同嶺華封派往夷人直達黑嗎溪。暗中監察。於三月二十七日。該將弁等督率嶺華封將首逆馬林。並伊妻女家屬共八名。口拏解到營。訊取大概供詞。即於四月初三日。派委署守備向仲清解省審辦。該逆夷肆意焚劫。分擾各境。並敢傷陷官兵。設險抗拒。實屬罪大惡

極。茲首逆及從逆各要犯。全經擒獲。並無一名漏網。著該督即將該逆及家屬等訊明。就地辦理。以彰國憲。而快人心。其曲曲烏野夷。是否隨同滋事。大樹堡一帶各夷堡餘匪。尚在揔捕。已飭楊芳趕緊前往查辦。迅速竣事。勿留餘孽。將此由四百里諭令知之。○又諭。據那彥寶奏。拏獲首逆馬林。並家屬等。委員解省。及籌辦各情形。已有旨諭令鄂山訊明。就地辦理。所有首從各要犯。業已全數擒獲。

惟曲曲烏野夷。是否隨同滋事。著楊芳於勦辦我邊夷匪時。順道查明辦理。現在越嵩大樹堡一帶夷匪。據那彥寶探明滋事各夷堡。均係黑嗎溪恰路果果臨日河。上下甘窩。仰天窩。菩薩崗。嗎呷山。大維山。西街。片馬。泥母。豬。西羊腸。舒允沙。得一帶熟夷。烏合蟻聚。並無一定頭目。計有四五百人。該匪等自如罪大惡極。掘路守險。抵死抗拒。那彥寶已派副將何占魁等帶兵分路進勦。連次克捷。惟山

深林密。將士攀援崖壁而進。必須揔清一路。再勦一路。大營官兵。現駐獅子山。調度策應。與各路聲息相通。楊芳業經馳往川省。自必沿途偵探。明確趕赴該處大營。著即督飭將弁。痛加懲勦。掃除淨盡。妥速竣事。勿留餘孽。毋許稍稽時日。將此由四百里諭令知之。○又諭。據那彥寶奏。清溪縣全境。漢夷雜處。土地參錯。夷民現受土司之累。俱願改隸漢籍。請將清溪夷地。盡歸地方官管轄。漢夷一體

編聯保甲。交糧納課。毋庸再設土司等語。邊夷設立土司。原為約束夷民。各安住牧。今馬林。羅木則等。竟敢首先倡亂。夷民受其逼脅。乘機蠢動。肆行焚殺。自因土司權能差調。易於煽惑所致。惟改歸地方管轄。必須妥策萬全。方可久安長治。著鄂山楊芳。即將此事歸入善後章程內。一併妥籌辦理。務須布置得宜。杜絕夷患。以綏邊圉。將此附報。便諭令知之。○以光祿寺卿祁寯藻為內閣學士兼禮

部侍郎銜。○以新授塔爾巴哈台領隊大臣額勒亨額母老。命留京。以乾清門頭等侍衛扎勒罕泰為塔爾巴哈台領隊大臣。○以臺灣守城出力。賞福建知府托渾布。同知沈欽霖。知縣陳炳極。參將珠爾松阿。遊擊托克托布。花翎。典史張繼昌等。藍翎。餘升敘有差。○癸亥。諭內閣。鄂山奏典史撫款詳揭。知縣牽涉營升。並典史旋即因病出缺。請旨分別革職解任審辦。此案署鹽源縣事試用知縣鄭

望溪於該縣典史沈秉銓經營鹽井。何得率准竈長等稟詞。違例圖賣酒水。假公濟私。因該典史向阻。將其推毆。並勒索銀兩。該營把總任國珍串同過付。並據該典史所揭各款。如果屬實。大干法紀。該典史因爭賣酒水。經該署縣推毆之後。甘心付銀。並不即時具詳。事後何以又復撫款詳揭。該把總身任武職。亦不應干預其事。案關營私勒索。虛實均應徹底根究。以成信讞。並該典史因病出缺。有

無別故。總須嚴訊究辦。以期水落石出。不得稍從寬縱。鄭望溪著先行革職。任國珍著解任。交鄂山提同沈秉銓家屬。及全案人證。嚴審確情。按律定擬具奏。尋奏。查得該縣鹽井。向係正月停煎。各竈戶送典史規費銀三百兩。上年該縣紳士稟請正月開煎。以所得之錢。修建書院。該縣即傳沈秉銓至署。向商。該典史負氣走出。託把總任國珍轉懇該縣停煎。未允。初七日。該典史自至縣署。願捐銀三

百兩修理書院。鹽井照舊停煎。該縣允行各散。嗣沈秉銓因無故耗費。每懷忿憾。寫成詳文。欲行稟揭。嗣即病故。伊妻因貧乏起意。將伊夫寫就詳文。雇人至省投遞。以冀斷追洩忿。今鄭望溪業經革職。沈秉銓病故。應無庸議。任國珍訊無串同過付情事。應飭回任。餘按問如律。下部議。從之。○諭軍機大臣等。昨據那彥寶奏。四川清溪縣夷地。請改歸地方官管轄。毋庸設立土司。當經降旨交鄂山。楊芳歸入善後章程妥籌辦理。茲據鄂山奏。清溪我邊兩處夷戶。係嘉慶三十九等年。改土歸流。既因圖占田地起釁。必須詳查戶口。將漢夷田土劃清界址。並將漢夷交涉事件。嚴立章程。俾公平交易。不致久而生釁。至並未滋事良夷。及甫經投首夷人。均須妥為安插。取具保結。其越舊廳熟夷。支派甚眾。土司管轄堡寨。亦多逼近野夷巢穴。若將土司概行裁汰。恐無統率。必致勾串猓夷。潛出滋事。

已令臬司花杰督同地方各員周歷查辦等語。夷民懶於耕作。田土悉給漢民耕種。久之漢民據為己有。夷民生計日蹙。無業漢奸。勾結滋事。漸至熟夷假充黑猓。晝夜搶掠。地方官相距寫遠。責令土司查緝。類多推卸。野夷為歷久相沿。鋼習。此次夷匪滋事之始。乃藉稱曲曲烏野夷焚搶。及獲犯訊明。始行據實供出。現在勦辦將次完竣。必須杜絕爭端。掃除積弊。務令漢夷相安。方為經久之道。著鄂山仍會同楊芳體察情形。通盤籌畫。悉心議定章程具奏。總須因地制宜。俾得久安長治。以綏邊圉。將此諭令知之。○又諭。前因大學士軍機大臣會同兵部等部。叢議回疆經費。請將巴爾楚克移駐葉爾羌。喀什噶爾防兵各一千名。先行裁撤。各城防兵內。並請酌裁二千名。當降旨諭令長清將巴爾楚克分駐葉爾羌。喀什噶爾防兵二千名。即行裁撤。茲據長清奏稱。此項官兵到防未久。旋又撤回。

未免跋涉增勞。查葉爾羌和闐二城舊設防兵一千四百餘名。現屆班滿應須更換之期。請即在此項裁撤防兵內儘數扣留充補。尚有應裁六百餘員名。飭令此次撤回之將備分起管帶各歸營伍所辦甚是。即著依議辦理。至各城酌裁防兵亦著照長清所奏俟一二年後察看夷情實在帖服再行統計各城兵額酌量奏請裁減。該參贊務當通行各城大臣督飭訓練毋稍疏懈。總期在防官兵有

勇知方悉成勁旅俾一兵得收一兵之用是為至要。將此諭令知之。○又諭穆彰阿無論行抵何處接奉此旨著即來京。吉地工程已另派阿爾邦阿去。將此諭令知之。○雲南開化鎮總兵官鶴凌阿因病解任以服闋總兵官托克托布署開化鎮總兵官。○甲子。

皇太后臨視

皇后疾

上跪迎於天地一家春宮門外侍送

皇太后還綺春園。○御勤政殿召讀卷官入親閱定進呈十卷。甲第。○諭內閣本日殿試新進士前十本進呈。經朕親定已拆彌封填寫名次矣。其餘二甲三甲進士卷著原派之收掌官四員在內閣嚴密關防並著監試御史各二員每日輪流在內稽察不許豫先宣洩。俟二十九日前十名進士帶領引見後再行拆閱彌封填寫金榜。其新進士朝考著改於五月初六日在保和殿考試。○又諭吏部奏

議處刑部堂官疏防官犯越獄一案。李相清以擬遣官犯膽敢於刑部重地越獄脫逃該堂官等漫不經心玩泄已極現在該犯尚未弋獲吏部請將該堂官等均議以降三級調用。本屬咎所應得姑念一時簡用乏人所有戶部尚書管理刑部事務王鼎刑部尚書明山戴敦元左侍郎凱音布史致儼右侍郎姚元之均著加恩改為降四級留任不准抵銷。○鑄給塔爾巴哈台哈薩克等佐領圖記從

參贊大臣布彥泰請也。○乙丑。追予貴州嘉慶二年苗疆殉難士民胡萬章等七十四名口旌表如例。○以安徽桐城望江等縣被災。緩徵撥建德縣漕米二千九百石有奇。協濟本年應解江寧駐防八旗兵糈。從巡撫鄧廷植請也。○丙寅。

上詣綺春園問

皇太后安。○諭內閣。陶澍奏各省漕船行走遲滯。請嚴行催趲等語。本年係全漕之年。各省幫船自應及早趲運。上年曾經降旨飭令有漕各省。早兌早開。總於四月初十日以前。全數趲至清江。渡黃北上。本月據恩銘等奏。請嚴行趲提。前已有旨飭催矣。現在禦黃壩外。清高於黃。正可乘此機會。銜尾北上。茲據該督奏稱。江南蘇松太倉等屬。碾兌不易。兼有搭運買補糧石。船多且重。勢難跟接長行。浙省情形。亦復相似。江西湖南各船。經歷江湖間。因風暴。未能迅速前進。漕糧為天庾正供。

經過地方。不容片刻停留。著沿途各督撫嚴飭文武員弁。不拘幫次。遇船即提。斷不准藉詞延宕。務要催趲不遺餘力。勒令於夏至以前。全抵壩口。僅再玩延。著即據實嚴參懲辦。毋稍怠玩。致滋貽誤。懍之。○旌表守正被戕直隸多倫廳民楊三堂弟媳郅氏。○丁卯。諭軍機大臣等。御史帥方蔚奏。直隸各州縣。每當夏秋之間。大雨時行。田畝多被淹浸。道路亦且淤阻。或遇雨澤偶愆。又復難資灌溉。皆由溝渠不立所致。今南方民田陂塘渠堰。多係民修。直隸水利事宜。亦可令民間自行修建。勢不能盡仰官辦。現在停賑之後。應令民間次第修舉。其赴工就役。各視地畝多少。為差。大小溝渠。相度地勢。隨宜疏濬。務令水有所歸。不使漫溢為害等語。國家久停力役之征。至開挑溝洫。乃因利利民之道。總在各該地方官。平日留心講求。董率有方。自然旱澇有備。著琦善察看地方情形。是否可行。悉心

妥議具奏。該御史摺著鈔給閱看。將此諭令知之。尋奏直隸連值災歉。民困未蘇。未便遽事興作。將來如果秋成豐稔。俟農隙時察看情形。勸諭疏濬。聽民自便。亦毋庸按地派夫。致滋擾累。得旨。所奏是著依議行。○又諭。有人陳奏。福建全賴臺灣米石。從前籌議。兵米十餘萬石之外。聽商人運米進口。內地每米一石。制錢不過二千上下。近來兵米多改折價。進口之米已少。商人運米到口。弁兵等以

稽查私貨為名。百般橫索。其不遂意者。指為掛欠船稅。登記簿內。下次進口。按年苛算。歷年商人欠稅者。多視為畏途。片帆不至。民間米價。每石制錢六七十文不等。該撫不能查察海口。遇有歉收。向浙江江西等省採買。舟車運載。費用浩繁。況江浙連年大水。米價昂貴。一經採買。其昂愈甚。又臺灣之商。既困於閩中海口。勢必遠載謀利。其運至浙江乍浦江蘇上海者。尚可寬裕民食。或接濟重洋。勾

通盜賊。為害不可勝言等語。臺米為福建民食所需。况荒歉之區。米船到關。例得免稅。該地方官何得任聽胥吏橫索。致令商販不前。近年兵米何以多改折價。以致進口米少。如果屬實。不可不嚴行飭禁。至江浙亦係連年荒歉。一經採買。其困更甚。自係實在情形。著程祖洛魏元烺會同悉心妥議。出示曉諭。廣為招徠。臺商運米到口。可否免其船稅。照驗放行。並嚴禁弁兵索詐諸弊。僅查有接濟盜

賊情事。即嚴行懲辦。毋稍寬縱。將此諭令知之。尋奏米船進口。例不徵稅。商販皆知。近年進口米少。實因臺灣生齒日繁。糧價較昂。又上年匪徒滋事。商船多雇載兵餉。米販益稀。是以請赴浙江江西買米。以備協濟。嗣米船陸續進口。業經奏明停減。至閩省數十年來。米價賤至二千餘文。貴至四千餘文。亦無貴至六七千之事。此後仍當遵旨出示曉諭。廣為招徠。並嚴禁各口岸兵胥。毋許稍有留難。

一面分飭上游各府。勸諭藏穀之家。源源運糶。俾商情踴躍。民食充裕。報聞。○以甘肅鎮海協副將清安。為山西大同鎮總兵官。○旌表守正被戕四川高縣民鄭維綱妻孫氏。○戊辰。諭內閣。敬敏等奏請將此次考驗之八旗宗室章京。及世襲官員。擬定等第。照例分別辦理一摺。著照所請。所有列為三等之騎都尉。永奎著罰俸一年。交該旗嚴加訓練。連病三次之鑲紅旗漢軍恩騎尉朱田廷。正藍旗滿洲恩騎尉福明。著即勒令休致。遲誤二次之正紅旗頭等奉國將軍春惠。連病二次之正黃旗奉恩將軍秀良。鑲黃旗蒙古雲騎尉穆克登布。正黃旗滿洲一等輕車都尉兼一雲騎尉長清。正白旗滿洲一等男舒隆阿。恩騎尉景明。正紅旗滿洲雲騎尉永泰。正藍旗滿洲雲騎尉圖明。額著交該旗照例辦理。其餘列為二等之七百二十八員。俱著照舊供職。○旌表守正捐軀直隸霸州民王大水。

妻孔氏。○己巳申刻。

皇后崩。

上臨視悲痛。差總管張和赴綺春園請

皇太后安。奏聞。酉刻。至澹懷堂。

大行皇后梓宮前奠酒。○諭內閣。本日申刻。

皇后薨逝。回思嘉慶十三年二月奉

皇考仁宗睿皇帝恩命。作配朕躬。嘉慶二十五

年奉

聖母皇太后懿旨。立為皇后。正位中宮。事朕二

十六年。柔嘉維則。孝敬無違。此宮中府中所共知者。今抱沈疴。竟成長逝。失此內佐。痛何忍言。著派惇親王綿愷。總管內務府大臣禧恩。禮部侍郎文慶。工部侍郎裕誠。總理喪儀。其餘典禮。著各該衙門察例辦理。○又諭。御史宗室炳輝等奏。請飭令外河認真查驗。以專責成一摺。漕糧為天庾正供。自應一律乾潔。豈容稍有潮溼攙雜之弊。如該御史所奏。弊不在沿閘。而在外河。若但於沿閘防範。而

大清宣宗效天符運立中體正至文聖武智勇
仁慈儉勤孝敏成皇帝實錄卷之二百三十七

監修總裁臣等謹將宣宗成皇帝實錄卷之二百三十七
天爵府等處各官加五級紀錄十八次並有補遺等事並有補遺等事
七次大行皇帝加四級紀錄一次並有補遺等事並有補遺等事
內務府大臣等謹將宣宗成皇帝實錄卷之二百三十七
監修總裁臣等謹將宣宗成皇帝實錄卷之二百三十七

道光十三年癸巳五月辛未朔

上詣綺春園問

皇太后安○至澹懷堂

大行皇后梓宮前奠酒○至丙子皆如之○諭內
閣各部院等衙門政事殷繁遇有應奏事件
若因在素服不辦事期內不行陳奏勢必積
壓著各部院等衙門於一切應奏事件仍隨
時呈遞毋稍稽遲○至引見各官員著於五月
二十六日後各衙門照例帶領引見○又諭
理藩院轉奏御前行走喀喇沁扎薩克貝子

瑪哈巴拉率伊子三等塔布囊多爾濟喇布
坦呈請穿孝等因請旨一摺瑪哈巴拉聞
大行皇后薨逝率子呈請穿孝係伊誠惻殊
屬可嘉惟伊病甫愈而現屆夏令天氣炎熱
若令伊久居京師於伊身軀未便瑪哈巴拉
著毋庸穿孝即率伊子回原游牧安心調理
用示朕體恤蒙古臣僕之至意○又諭昨貝
子瑪哈巴拉來京謝恩適遇

大行皇后薨逝呈請穿孝朕未允所請茲念

各蒙古王公聞

大行皇后薨逝未免紛紛入都請安並叩謁
大行皇后梓宮惟該王公等均素居游牧現
屆夏令炎熱詎能耐受至駐京呼圖克圖等
或告假回牧或出口避暑今欲冒暑進京於
伊等殊多未便著理藩院通諭各蒙古王貝
勒貝子公及呼圖克圖等均著毋庸來京用
示朕曲加體恤之至意○賜一甲汪鳴相曹
履泰蔣元溥三人進士及第二甲司徒煦等

一百人進士出身。三甲陰豐潤等一百十七人同進士出身。○以承辦軍需尾業報銷出力。予伊犂章京錫拉善等升選有差。○命陝甘總督楊遇春撥銀一萬八千一百四十兩解往烏什。備道光十四年經費。○壬申諭內閣。訥爾經額奏。復查湖南徭地善後事宜。酌量變通。增議章程一摺。朕詳加披閱。如准贖頂當山場田土。編查徭境流寓民人。嚴禁巧占樹木。勸種木棉。嚴束匪徭。及勸設義倉義

塾六條。均屬妥善。惟經理地方。要在得人。除理徭同知姚熊飛。可期勝任。毋庸更換外。其永桂通判蔡泉。才具中平。人地不甚相宜。著即撤任。該督即會同該撫。秉公另揀幹員升調。以重地方。○以山海關副都統所屬軍政年逾六十官七員。精力未衰。命留任。○修湖北鍾祥縣隄。從總督訥爾經額請也。○癸酉。

孝誠仁皇后忌辰。遣官祭。

景陵。○諭內閣。前據孟魁奏。查閱關門。有大車一輛。男女六名。口稱係嵩惠落後僕婦車。輻並有畫押名單一紙。當降旨令孟魁將名單咨交嵩惠辨認。並令明白覆奏。茲據奏稱。在京起程時。有素識之宗室全煜。差人持畫押名單。託該侍郎留在關門。照單驗放。名單並非親筆等語。全煜係怙惡不悛。發往黑龍江交該將軍嚴加管束之犯。未經起解以前。疊向宗人府呈請攜帶眷屬。駁斥後復敢私帶婦女。朦混出關。嵩惠乃聽其囑託。將伊所帶僕人名單。留關放行。實屬膽大妄為。嵩惠著交部嚴加議處。即來京聽候部議。○調盛京兵部侍郎德興。為盛京戶部侍郎。以都察院左副都御史德春。為盛京兵部侍郎。○免調往福建臺灣中途撤回河南兵丁應繳賞項行裝銀。○甲戌。

上詣綺春園問

皇太后安。○諭軍機大臣等。本日據步軍統領

衙門奏。拏獲李相清之弟李恆清。訊據供稱。伊五兄李輔清。現在山東東昌府候補未入流。恐投奔山東。尋投伊兄藏匿等語。李相清以已革頭等侍衛。膽敢在獄脫逃。實屬目無法紀。著鍾祥即飛提李輔清到省。嚴詰李相清脫逃後。是否藏匿該員寓所。勒令交出。飛速解京。以憑訊辦。或該革員未到山東。此外尚有可以藏匿處所。亦令李輔清據實供吐。以便緝拏。將此諭令知之。○乙亥。夏至。祭

地於

方澤。遣鄭親王烏爾恭阿。恭代行禮。○兩江總督陶澍等奏。堵緝閩私章程。○江西金谿縣原設石門卡。請於石門下游許灣地方。及臨川縣黃巷口。各建卡房。派委文武添撥兵役駐緝。○南城縣之硝石萬年橋卡。請仍分為兩卡。建立卡房。改由九江鎮委千總由省委佐貳。添帶兵役巡緝。○新城縣廬家嶺。南豐縣百丈嶺。應添鹽快各十名。○南豐縣盤湖

等卡緝私文員。應改歸建昌府同知南豐縣縣丞輪流接緝。以均勞逸。從之。○以雲南鹽法道劉韻珂為浙江按察使。○丙子。諭內閣。皇后佟佳氏德徽勳門。敕成世族。俛天作配。廿六年。壹政聿修。應地承庥。十三載。坤儀懋著。建事

皇考克盡孝思。上奉

聖慈深蒙

垂愛。佐憂勤而裏內治。允洽椒庭。極愉婉而得

歡心。欽承

寶錄卷三三七

六

萱殿表珩璜之度。淑慎其儀。協圖史之規。柔嘉維則。仁風逮下。慶衍螽斯。厚德視躬。祥徵麟趾。禮修蘭館。總九御以垂型。化洽睢洲。統六宮而敷教。克相肅雍之雅。久孚澣濯之風。綜地道。婁道以攸宜。為宮中府中所共式。茲於道光十三年四月二十九日崩逝。睽惟內佐久藉贊襄。追湖懿規。良深痛悼。宜加優諡。昭茂典於禕衣。特著徽音。播遺芳於宮史。著內

閣翰林院擬奏應行典禮該部詳察議奏○
展緩江蘇清河鹽城銅山豐沛睢寧常熟新
陽華亭婁南匯十一縣及徐州衛積歛莊屯
新舊額賦○丁丑

大行皇后梓宮前行殷奠禮

上至澹懷堂奠酒○諭內閣理藩院奏

大行皇后大事照例請旨派員頒給達賴喇

嘛班禪額爾德尼詔書令其率經一摺著照

上屆辦理即派道慶倭什訥前往其司員二

實錄卷一百一十五

七

員領催二名著理藩院派出喇嘛等著毋庸

派往所有頒給達賴喇嘛班禪額爾德尼詔

書及所賞物件著各該處辦理所賞銀兩准

其在於藏庫動支○戊寅

上至澹懷堂

大行皇后梓宮前奠酒至庚辰皆如之○諭內

閣喀爾喀蒙古親王車登巴咱爾聞

大行皇后薨逝馳赴京師在理藩院具呈懇

請照例穿孝等語係伊誠悃著照所請准其

穿孝惟念車登巴咱爾年歲尚幼且每屆夏
今均在該蘇魯克地方住慣伊脫孝後著仍
回蘇魯克地方用示朕體恤之至意○又諭
恩銘等奏請嚴飭催趙幫船一摺本年南糧
幫船行走遲滯首幫甫經到通而次幫即不
能跟接起卸其在後之幫節節脫空是各該
地方官受兌遲延及沿途催趲不力咎無可
辭著有漕省分各督撫將受兌遲延之糧道
及州縣各員先行據實嚴參以儆怠玩並著

實錄卷一百一十五

八

江南山東直隸各督撫嚴飭沿河各將弁等
無分晝夜實力催趲務使幫船銜尾跟接不
得稍有脫空毋許片刻停留依限抵通俾免
遲誤並著查明是否渡黃之前業已脫空抑
係渡黃之後始行脫空分別查取職名送部
議處○諭軍機大臣等本日據楊芳奏現已
馳抵軍營並擬分兵勦辦夷匪一摺此次越
舊大樹堡迤東一帶夷巢經將弁等在哈白
堡一帶疊次勦戮賊勢雖已解散而兇惡匪

徒潛匿山嶺。必應分兵深入。以次撙捕。據奏越舊一路有兵六千八百餘名。經副將何占魁已將夷巢殲除過半。其餘數處夷匪亦多竄匿。因阻雨水。尚未周歷。擬留兵二千名。責成該副將帶領撙捕遺孽。復撥兵三百名。令遊擊楊麟帶往大樹堡迤南之寧越營地方。交建昌鎮總兵萬榮。合計原帶兵丁五百名。共八百名。飭令在彼處鎮靜彈壓。其大樹堡為積貯糧石。接應各路著重要隘。並防河岸。留兵二千一百餘名。責成前任甘肅金塔協副將馬光宇帶領遊擊陳占先。都司馬慶封。大樹堡經歷彭先華。修堡築牆濬濠建礮。為居民捍衛。通共留兵四千九百餘名。足資分遣。抽出新疆松潘漢屯官兵一千九百名。歸併義邊。為進剿之用。是該處兵力不為不厚。楊芳現已馳抵軍營。自應妥速籌辦。不得以時值雨水。跋涉艱難。藉詞延玩。至鄂山現將清溪滋事首從各犯提省。詳訊起釁根由。且

成都省城地方緊要。亦須該督駐省彈壓。鄂山著無庸前往。將此由四百里諭令知之。○廣東按察使楊振麟因病解任。以安徽寧池太廣道郭承恩為廣東按察使。○禮部議准湖南巡撫吳崇光疏報。採訪湘潭縣貞節婦女周宋氏等一千六十八口。請建總坊旌表從之。○己卯諭內閣。前因荊州副都統善英奏查閱營馬短少。馬乾銀兩。向充公用等情。當經降旨交訥爾經額會同麟慶徹底查明。據實奏。茲據奏稱查覈該營節年奏咨滿漢檔案。及買馬放餉各冊。傳集該營協領都隆阿等十員確切查詢。此項馬匹。經前任將軍宗室弘豐於嘉慶五年奏裁二千匹。以節省乾銀。貼補實馬餵養。及添設餘兵官學經費之用。以後各任將軍副都統亦俱照此辦理。雖係體恤兵丁。尚無剋扣侵冒情弊。惟動用帑項。充公調劑。總應奏明辦理。乃事經三十餘年。歷任將軍等並未具奏。均屬不應著

將嘉慶六年十一月起。至善英具奏之日止。歷任將軍副都統協領交部查取職名。與現署將軍左翼副都統那當阿現任協領都隆阿雙興甘露王順星額特依序柱順格同升。斐呈額穆騰額等均照例分別議處。至前任將軍宗室弘豐原議再減馬一千匹。以資添兵辦公等用。著新任將軍蘇勒芳阿會同左右翼副都統體察情形。妥議具奏。覈實辦理。尋奏。荊州駐防生齒日繁。物價昂貴。兼之地

方潮溼。馬匹易於倒斃。兵丁受累無窮。自嘉慶六年。節省一千匹馬。乾銀兩貼補餵養實馬及添補公用。兵力稍裕。其馬價仍存旗庫。以備調撥。時就近買補。惟今昔情形又復不同。應請查照弘豐原奏章程。再減一千匹。以資添兵辦公等用。仍扣存馬價銀一萬六千兩。連前共三萬二千兩。封存旗庫。遇有調撥。即將此項買補。既符定制。亦裕兵丁下部議。尋議減馬添兵及就近購馬。均應如所請行。

惟旗庫未便存銀。應請將二次扣存馬價銀解交湖北藩庫。以昭慎重。從之。○撥寧夏滿城外養贍孤寡地七頃六十畝。作為駐防兵丁瑩地。另貸營庫銀一萬兩。發商生息。養贍孤寡。從將軍和世泰等請也。○旌表守正被戕雲南霑益州民陳各學妻侯氏。○庚辰上詣綺春園問

皇太后安。○諭內閣。鄧廷楨奏縣役雇備差馬釀成人命。請將知縣解任嚴究一摺。安徽鳳

陽縣知縣廖大闢。前因豫陝赴閩官兵過境。飭差添雇車馬支應。該役陳堂等向振榮號何鐸雇備。何鐸遣夥徐五往雇。自己進城守候。即在陳堂家住宿。詎待至半夜。恐誤差情。急自縊身死。此次兵差過境。該縣站設馬匹不敷。自須寬為雇備。如果向民間發價和雇。何至累及閭閻。况何鐸係由廩生報捐訓導。並非應充行戶之人。縱使代雇遲誤。何至情急輕生。且何以住宿差役陳堂之家。業情種

種支離顯係差保藉端科派私押詐贓致釀人命且恐該縣有知情徇縱情事必須嚴加審究鳳陽縣知縣廖大聞著先行解任交該撫提同差保人等徹底嚴究以成信讞尋奏查訊何鐸向開振榮號行戶因雇馬遲延差役陳堂之子陳培將伊鎖押加以逼嚇以致情急自盡雖非詐贓究屬玩法應將陳培發極邊煙瘴充軍鳳陽縣知縣廖大聞失察差役釀命請交部議處下部議從之○辛巳

大行皇后梓宮前行初祭禮

上至澹懷堂奠酒釋服○諭內閣盧坤奏師船在洋遭風日久查無下落請照會越南徧加查訪等語廣東提督李增階統帶將弁林開疆等巡洋捕盜於上年十二月內在西路洋面遭風先後收港惟提標中營二號米艇一隻配駕弁兵七十名並軍火礮械查無下落欽州竹山洋面與夷洋接連除盧坤已飛飭欽州飭令該州判移文該國萬寧州土官在

境內洋面探查外仍著照會該越南國王飭令沿海鎮目徧加查訪如該米艇漂收該境迅即知照飭屬護送內地查明有無受傷受困奏明照例辦理○以理藩院左侍郎聯順署鑲藍旗護軍統領○故伊犁將軍玉麟柩到京命內閣學士慶敏前往迎護○撥廣東陸路提標存貯穀價銀三千兩發商生息備兵丁緝盜解犯公費從總督盧坤請也○展緩直隸寶坻盧龍獻東光寧津南皮慶雲宣

化定大城十州縣被旱村莊新舊額賦○壬午辰刻

大行皇后梓宮前行啓奠禮

上至澹懷堂奠酒酉刻

皇太后臨奠

上跪迎於舊園侍送

皇太后還綺春園復至澹懷堂奠酒○諭內閣

此次王以下有頂帶官員以上均著百日後薙髮期年內停止宴會音樂軍民人等均著

一月後雜髮百日內停止宴會音樂○刑部覆奏兩江總督陶澍等議覆給事中孫蘭枝條奏紋銀出洋請明定例禁一條查白銀一項雖非銅鐵製造軍器者比惟內地物產應供內地之用若私運出洋則內地轉形支絀應如該督所議另立治罪專條嗣後紋銀出洋一百兩以上請照偷運米穀一百石以上例發近邊充軍一百兩以下杖一百徒三年不及十兩者杖一百枷號一箇月為從知情不首之船戶各減一等問擬並請纂入則例永遠遵行從之○以貴州遵義協副將慶昌為巴里坤鎮總兵官○以勦辦福建臺匪出力賞總兵官竇振彪副將謝朝恩參將溫兆鳳遊擊保芝琳守備關桂花翎把總蘇得升等藍翎遊擊王明巴圖魯名號餘加銜升擢議敘有差○癸未

上至澹懷堂

大行皇后梓宮前奠酒○奉移

上 行皇后梓宮於觀德殿○遣官祭

關帝廟○諭軍機大臣等楊芳奏督勦越蕩夷匪情形分兵前赴我邊一摺覽奏俱悉此次越蕩大樹堡迤東一帶夷匪經副將何占魁帶同漢土官兵直進老林堡茶林周火山等處按捕零匪殲除百十餘人並將所搭草棚燒燬四月十九日令遊擊陳占先等率領官兵在西街駐劄該副將何占魁帶同漢土官兵裹糧令土司嶺華封導引躡路直抵恰

落果果臨日河地方該匪在果果對山抵拒於二十日兵分三路署遊擊李德溥等由果果溝翻山越嶺至老林複背自上壓下參將唐永清等由左前進該副將帶同都司陳啓貴等帶兵由右前進黎明三路會合攀藤附葛直抵夷巢奮力攻擊火箭槍礮齊施夷匪擁至臨日河邊殺斃及跌崖撲河者不計其數賊堡百餘間悉行焚燒奪獲牛羊器械糧食分賞兵丁難民又追入老林生擒賊匪十

名訊明正法。其未滋事各夷隨時撫馭。仍安耕鑿。其逃難民人因被兇徒殘害。隨同大兵奮力殺賊。現尚有特險深匿之匪。自應逮捕窮挖淨其萌孽。不許延宕。其已勦寨堡。本係漢夷雜處。今夷已投誠。民既歸業。著即剴切曉諭。嗣後不准民人挾怨讎殺。再生枝節。有犯即懲。現在我邊一路。屢被賊匪潛出突殺。楊芳自應帶兵啓程。馳赴該處。將該廳夷匪剋日蕩除。時屆夏令。雨水方興。尤宜迅速。嚴

功以安邊境。斷不准遷延時日。老師糜餉。是為至要。所奏署遊擊李德溥守備馬登祥受傷俱已全愈。照常在营出力。覽奏深慰廕念。其傷亡屯兵及受傷漢土官兵著楊芳分別卹賞。照例辦理。所有前次出力員弁已明降諭旨分別施恩矣。鄂山前經降旨在省城辦事。其辦理夷務固屬楊芳專責。而其安插善後各事宜。楊芳亦當與臬司花杰隨時認真妥籌。仍咨商鄂山詳覈具奏。務須和衷商榷。

籌出萬全。僕嗣後官兵一撤。夷匪又有出山滋擾之事。鄂山係統轄全省之人。固不能辭其責。而楊芳花杰乃特旨交辦善後之員。身臨其地。耳目切近。責無旁貸。將來如稍失機。宜則惟該提督臬司是問。恐不能當此重咎也。懷之其另片奏清溪縣境甫經戡定。如有遊手好閒窮極無聊之漢民。覬覦夷人產業。冀圖霸占。及懷挾宿讎。妄行擅殺。勢所必有。此一條所見甚好。斷不許稍事姑容。著楊芳

即督同臬司花杰確切究明。按律嚴辦。又另片密奏熟夷性懶耕作。漢民利其佃種。近年耕闢漸廣。土地益腴。任意盤剝。又復拖欠租資。夷人生計日蹙。憤情久熾。攘臂一呼。羣起肆應。此次尤為猖獗。積年以來。但言涼山內之野夷為患。不知實係涼山外之熟夷為患。養成錮疾等語。臬類桀驁。總由歷任因循所致。此時清溪肅清。俟越舊我邊一律完竣後。鄂山等須力改從前積習。將善後妥為籌辦。

務期經久。為一勞永逸之計。以副委任。將此諭知楊芳。並諭鄂山知之。○盛京熊岳副都統和福。因病解任。調鑲白旗蒙古副都統伊拉清阿。為熊岳副都統。○以勦辦四川清溪夷匪出力。賞副將馬光宇。遊擊王進忠。守備馬榮耀。花翎都司李德溥。巴圖魯名號。遊擊王連元等。并敘有差。○甲申。以理藩院右侍郎賽尚阿。兼鑲白旗蒙古副都統。○丙戌。上詣綺春園問。

皇太后安。○諭內閣。前據孟魁奏。查閱關門。有大車一輛。男女六名。口稱係嵩惠落後僕婦車輛。傳問原解官。供稱全煜至關外。見有家眷車一輛。次早先後起程。難保非全煜眷屬。詭計朦混出關。當經降旨交寶興親提全煜。嚴切根究。據實具奏。茲據奏提訊全煜供稱。將契買之使女二人。隨帶服侍。因與嵩惠係屬至親。隨寫家人二名。婦女四名。口名單。交伊留在山海關。以便出關等語。全煜係怙惡。

不悛。發往黑龍江。交該將軍嚴加管束之犯。乃敢私帶婦女。朦混出關。實屬膽大妄為。著交宗人府刑部。將全煜罪名。定議具奏。尋奏上。得旨。宗室全煜。著交黑龍江將軍重責四十板。永遠鎖禁。並著該將軍。飭知沿途地方官。將全煜私帶之家人婦女等。小心押解回京。交該旗分別辦理。○又諭鍾祥。奏越獄官犯。拏獲解京一摺。李相清現已就獲。解到京日。著大學士。軍機大臣。嚴審定擬具奏。尋奏。

訊得李相清。係聞伊母在山東伊兄候補未入流李輔清。寓內病重。情急越獄往省。隨就近詣聊城縣投首。此外委無別情。請於原擬充發烏魯木齊罪工。從重改發伊犁充當苦差。從之。○以兵部左侍郎鐵麟。管國子監事。內閣學士文慶。管光祿寺事。○丁亥。上至觀德殿。大行皇后梓宮前奠酒。○幸圓明園。○倉場侍郎劉彬士。因病賞假。以兵部左侍郎朱為弼。

署倉場侍郎○以奉宸苑卿倭什訥為內閣學士兼禮部侍郎銜○戊子諭內閣前經降旨王以下有頂帶官員以上均著百日後薙髮期年內停止宴會音樂軍民人等均著一月後薙髮百日內停止宴會音樂本日惇親王綿愷文慶來圍奏事朕俱召見據惇親王綿愷面陳與禧恩等共商軍民人等薙髮停止宴會之處於義未協引用百姓如喪考妣四海遏密八音之說惇親王等既有此語自

應再議

皇后喪儀乾隆十三年

皇祖妣孝賢純皇后大事固不敢踰嘉慶二年皇妣孝淑睿皇后大事尤不敢過著再交大學士軍機大臣會同禮部詳查例案悉心妥議具奏又諭現在

大行皇后薨逝明年正月未逾一周所有明年應行年班之伊犁四班土爾扈特間散二等台吉喇特納巴咱爾等三班青海扎薩克

多羅郡王達錫旺扎勒等均著停止來京作為後年年班前來陛見又諭前據昇寅奏保送滿洲御史請照漢御史之例一體考試當降旨交軍機大臣會同吏部議奏茲據奏稱嗣後宗室滿洲蒙古保送御史時請以清漢文分別考試以昭覈實御史職司風憲必須文義優長方能通達事理庶遇具摺陳奏能自為之惟各部院宗室滿洲蒙古人員內科甲及繙譯出身者較少其有無室礙難行之處著軍機大臣會同吏部再行悉心妥議具奏尋奏滿洲御史例不計出身與其試於保送之後不如辨於保送之先請令各部院堂官慎擇所屬試以文義明白通順者方准保送俟記名簡放後仍飭都察院堂官隨時甄別如有文理荒謬者將該員撤回候補原官並將原保官議處從之○賞老病告休陝西西安鎮總兵官劉鳳翥全俸○以禦災捍患封廣西賀縣神陳王為福佑伯從巡撫祁

頃請也。○旌表守正捐軀河南衛輝縣民陳得魁、文明妮。○己丑諭軍機大臣等：楊芳奏，剿除我邊倡首夷匪一摺。我邊廳屬河北一路夷匪鹿畜根、桑樹格、木鷄子、毛喀、哈只格等倡首，嘯聚羽黨，分起燒殺二十六地，雜處漢民。現在盤踞牛磨落一帶山峒，數十戶至三四百戶不等。該提督於四月二十九日冒雨帶兵馳赴松坪，訪得牛磨落一帶山峒五處奇險異常，連夜分兵出其不意，先奪大峒要隘，分阻旁峒去路，杜絕應援。三十日天色將明，各路官兵搶到大峒，賊目桑樹格等陡見兵到，力拒峒門抵敵。標弩齊發，千總幹庭耀等聯臂撲擊，大金屯千總倉旺恩、甲繼進受傷，賊匪亦多倒斃。參將樊豐年等帶兵抄至南岸山腰，分兩隊接應，守備羅應升等帶同官兵攻克旁峒三處，割獻賊目哈只格首級，生擒活賊約密格等四十五名。據報殺賊五十三名，飛崖跌斃約二百餘名口，抄出賊

匪眷屬十二名口，賊目鹿畜根、木鷄子亦經槍斃，割取首級一賊捧獻，俯地求饒，意圖遷延。昏暮，縋懸逃逸。該提督獎勵將士，努力夜戰，至三鼓賊匪標矢已盡，始得一擁攻入飛崖，跌斃男婦約二三百名口，生擒賊目桑樹格、毛喀、夥賊木牛等八十七名，男婦犯屬大小一百三名口。訊據桑樹格等供稱：我邊河北一帶係該匪等五人為首。今鹿畜根、木鷄子、哈只格三人已經殲斃，脅從夥黨俱各逃散。所辦尚為妥速。牛磨落三峒與大深溪原係清溪，我邊交界夷地，山深箐密，人跡罕到。該提督督飭弁兵分路潛襲，竭兩晝夜之力，掃蕩險窟，威懾羣惡。河北二十六地自可迎刃而解。河南十二姓亦必聞風震懼。惟該處地當險要，深山窮谷，教化難周，所設土司不能鈴束，更復勾串滋擾。此後應如何添官設汛彈壓，並叛產田房查明辦理之處，著楊芳督同臬司花杰歸入善後案內妥為籌辦，並

咨商鄂山。詳覈具奏。所有在事各員弁。著該提督確切查明。分別最為出力。其次出力。據實保奏。候朕施恩。毋得稍滋冒濫。將此由四百里諭令知之。○舉行道光十二年大計。江蘇卓異官十一員。才力不及官一員。年老官六員。浮躁官二員。江西卓異官十一員。浮躁官一員。不謹官一員。年老官五員。分別議敘處分如例。○庚寅。諭內閣。向來奏事處遇有奏摺。總當接收。其摺中所陳何事。原不應問。惟遇形跡可疑。亦當留心盤詰。將遞摺之人扣留。以憑訊辦。本日有不識姓名人。擅遞封章。並將摺匣封口。事屬創見。奏事處率行收受。並未將遞摺之人扣留。以致杳無蹤跡。難憑究辦。太不成事。非尋常疏忽可比。與保著交部嚴加議處。哈琅阿著交部議處。尋議請將興保降四級調用。哈琅阿降二級調用。得旨。興保著改為降三級調用。退出奏事處。哈琅阿著加恩改為降二級留任。均不准抵銷。

○禮部議准。河南巡撫楊國楨疏報。採訪光州貞節婦女彭氏等二百八十口。請建總坊旌表。從之。○辛卯。諭內閣。昨因奏事處率行接收。不識姓名人。擅遞封章。已降旨將哈琅阿。與保分別議處。嚴議矣。嗣後奏事處應如何妥立章程。著御前大臣。軍機大臣。會同妥議具奏。尋奏上。得旨。據長齡等議。嗣後奏事官接收奏章。宮內辦事之日。著於寅刻在內左門外九卿直房接收。圓明園辦事之日。在出入賢良門外朝房內接收。如遇臨幸各處。即在該處宮門外朝房內接收。每日接遞之際。著奏事官先接尋常摺奏。再按封奏。務當逐件詳審檢明。其聯銜封奏及尋常奏摺。均著各衙門出具印片。交該遞摺官員等隨摺交奏事官。以憑覈對。至單銜遞封章者。自親王以至御史。均著親身呈遞。該奏事官如有查出匿名章奏。及形跡詭詐。實在可疑之人。除將呈遞之件存留。一面指令黏杆處該班

侍衛等將遞事之人嚴行看守一面回明御前大臣查明奏辦。僕奏事官無故吹求。有將奏摺應接不接者。即著呈遞之人回明御前大臣叅辦。○以通政使司副使李振祐為光祿寺卿。○壬辰。

上詣綺春園問

皇太后安。○諭內閣前因惇親王綿愷文慶來圍奏事。朕俱召見。據惇親王綿愷面陳與禧恩等共商軍民人等雜髮停止宴會之處。於

義未協引用百姓如喪考妣。四海遏密八音之說。惇親王等既有此說。是以降旨再交大學士軍機大臣會同禮部詳查例案。悉心妥議具奏。茲據大學士長齡等會奏。朕詳加披閱。內稱乾隆十三年五月二十三日奉

皇祖高宗純皇帝諭旨。

孝賢皇后大事。一切典禮。朕皆斟酌古今。務協其宜。蓋皇后體制原尊。然以天子之禮視之。則節文亦自有別。縱令伉儷恩篤。亦不可

事事從而加厚。以致失之太過。即或情誼稍有未洽。亦不宜事事從而貶抑。以致失之不及。朕於

孝賢皇后情隆誼重。固天下臣民所共知。而經紀喪儀。從不肯以一毫私意稍紊典常。考明代嘉靖七年。孝潔陳皇后之喪。閣臣張璠援據古禮。以為喪服自期以下。諸侯絕。特為旁期言。若喪妻本自三年報殺為期年。固未嘗絕。上宜為后服期等語。其折中頗為允當。

今據大學士等議奏。禮儀內如升殿作樂一節。凡屬大朝祀典。自當照例。朕以今年內尋常升殿。但鳴鐘鼓樂懸而不作。庶為合宜。至來年正月。將屆期年。一切典禮。著照康熙十四年之例。如常儀。欽此。仰見

聖諭煌煌。斟酌盡善。後世子孫。總當恪遵

成憲。不敢以私意紊典常。是以朕前降諭旨。

皇后喪儀。乾隆十三年

皇祖妣孝賢純皇后大事。固不敢踰。嘉慶二年

皇妣孝淑睿皇后大事尤不敢過與

皇祖高宗純皇帝諭旨不致失之太過不致失之不及二語實相符合茲惇親王綿悌引用百姓如喪考妣四海遏密八音之語殊屬不倫蔡沈集傳註云遏絕密靜也八音金石絲竹匏土革木也言堯聖德廣大恩澤隆厚故四海之民思慕之深至於如此也儀禮圻內之民為天子齊衰三月圻外之民無服今應服三月者如喪考妣應無服者遏密八音註

意深切著明豈惇親王等全未寓目不加體察乎况虞書二語係指帝堯而言並非指帝堯之后不學無術信口亂談惟恭查乾隆十三年六月初九日奉

旨副都統海昌奏熱河官兵接奉部文副都統以下官員以上俱穿二十七日孝服兵丁摘纓二十七日俱過百日薙髮所辦甚是等因欽此此次既經長齡等詳查例案妥議著仍遵前旨王以下有頂帶官員以上均著百日

後薙髮期年內停止宴會音樂軍民人等均著一月後薙髮百日內停止宴會音樂其在京旗人著照乾隆十三年熱河兵丁之例俟百日後薙髮其餘東三省暨各省駐防及京城外之寶坻縣滄州等處小八旗兵丁俱仍著一月後薙髮無庸更改至惇親王綿愷來圍具奏時痛哭流涕並奏稱四人共商意見相同妄加援引朕若將伊等照大不敬律治罪伊等自思能當此重咎乎惇親王綿愷禧

恩文慶裕誠著交宗人府吏部嚴加議處此係朕姑從寬典僅予薄懲將此通諭中外知之又諭恩銘等奏修船剝船草率各員請旨分別懲處一摺北運河額設官剝船隻每年漕前修船必應一律完固備用茲據該侍郎等查明此項剝船已船者多有滲漏裝運糧石以致潮溼於倉儲殊有關繫著將修船草率之通州滄州知州靜海武清吳橋南皮交河等縣知縣及朦混驗收之楊村通判嵇

承廉一併交部查取職名議處。嵇承廉著先行摘去頂帶。責成該員督催各州縣等將滲漏船隻。剋期修補完固。所用銀兩。不准開銷。並著添雇民船赴楊村備用。儻仍前滲漏。補修遲延。或所雇民船短少。不敷撥用。貽誤漕運。即將各該員等據實嚴叅。以儆玩泄。此外各州縣剝船。著天津道督飭承管之員。各自查明。趕緊修船。如再有滲漏。亦著查取職名交部議處。又據片奏查出船戶萬貴等三

名。年俱幼穉。尚未成丁。難保非船頭串通匪徒。故將幼穉濫充偷竊米石。冀免刑責。且每船載米二百餘石。由楊村抵通州。經行五六日不等。以糧運重載。付諸十餘歲幼穉之手。辦理種種草率。該侍郎等。已飭該通判將刁惡船頭枷責。併驅逐幼穉另選壯丁充補。該通判如再奉行不力。即著嚴叅示懲。該部知道。○又諭。已革驍騎校舒興泰。既係因病具呈告退。何以不候批准開缺。遽私自出京。迨

出家當道士後。既改名舒義振。何以緣簿內又書寫辛義振之名。蹤跡甚為可疑。雖經刑部訊明。據供實因病體虛弱。不能騎射。恐被叅劾。急於就醫。隨即出京。復以許願病痊出家。至陝西華山病愈。即在該處雷祖廟拜鞏仁潮為師。至辛義振之名。亦係隨手書寫。並非屢改姓名。亦未向人募化。妄無不法等語。所攜書本。亦查無違悖字跡。惟該犯身係六品旗員。年力正強。無故私赴華山出家。所供

並無不法之處。已難憑信。且舒興泰與鞏仁潮。既非素識。何以遠涉拜師。鞏仁潮亦不問明來歷。率行收伊為徒。難保無輟轉聽糾。傳習異端邪術等情。著將舒興泰遞解陝西。交史譜詳細查明。該犯是否在華山出家。拜鞏仁潮為師。有無不法別情。切實審訊。奏明辦理。尋奏查鞏仁潮廟內。皆係尋常經卷。委無異端邪術。至舒興泰因素聞華山清淨。是以遠涉拜師。此外亦無不法別情。惟係已革旗

員未便任其在外為道士。應請勒令還俗。交伊家領回管束。至鞏仁潮雖無不法。但率收旗員為徒。究有不合。應照不應輕律。笞四十。納贖。下部議。尋議。舒興泰已經銷除旗檔。未便仍交伊家領回。應交順天府轉飭宛平縣編入民籍。嚴加管束。餘均應如該撫所奏。行從之。○以雲南景東廳屬保甸土巡檢陶鎮子翊廷襲職。○禮部議准。河南巡撫楊國楨疏報採訪安陽縣節婦陳胡氏等十口。請建

總坊旌表。從之。○癸巳

孝恭仁皇后忌辰遣官祭

景陵。○以通政使司通政使奕澤為都察院左

副都御史。○甲午。以廣西思恩府屬興隆司

土巡檢韋柱姪彩基襲職。○乙未

大行皇后梓宮前行大祭禮。

上至觀德殿奠酒。○臨故伊犁將軍玉麟第賜

奠。○幸圓明園。○諭軍機大臣等。鄂山奏親

往越雋廳體察情形。籌辦善後等語。此次夷

匪圖占漢民地畝。糾眾焚搶。經官兵痛加兜勒。而犬羊性本無常。善後事宜必應妥為籌辦。現將清溪首犯馬林等按名拏獲。其裁邊滋事之土約等。提督楊芳督兵勦捕。當可拏獲。懲辦。該二處均隸熟夷。距涼山猓夷較遠。肅清以後。即應清查漢夷戶口。劃清界址。妥議章程。便各安住牧。至越雋境內熟夷。逼近涼山。最為黠猾。歷年勾串猓夷。假冒搶掠。本管土司嶺華封等。不能認真鈐轄。以致肆無忌憚。該夷匪雖經勦捕。而窮兇極惡之徒。逃匿深山老林。若不跟蹤追捕。恐餘孽復滋。且該夷巢路通涼山。種類不一。必須設法將為首各兇夷悉行拏辦。以淨根株。楊芳現飭將備分兵撥拏。並飭花杰督同委員分投查造清溪一帶戶口清冊。計彼處辦理完竣。著鄂山即起程前往。親歷該廳縣境。相度形勢。指示機宜。與楊芳妥商。並督同臬司花杰悉心籌辦。至省會地方緊要。該督趕緊辦畢。即作

速回省。毋稍遲留。將此諭令知之。○旌表守正捐軀河南新蔡縣民宋全妻韓氏。○丙申諭內閣。何凌漢等奏請將捐輸銀兩分貯道庫一摺。上年順天直隸秋收歉薄。各紳士等捐賑銀兩。現在於順天府陸續呈交。茲據奏稱順天府屬錢糧。自歸併直隸藩司之後。庫房年久失修。且無庫官庫吏。將來捐輸銀數愈積愈多。無憑收貯。所有現在各紳士捐賑一項。除業經動用外。實存銀十六萬八千三

百四十一兩零。著於順天府所屬霸昌通永二道庫。妥行分貯。將來續有捐項。亦即酌量分交。即飭該道等派員領運收貯。此項存貯銀兩。將來非經奏明奉旨支撥。不得率行那用。以昭慎重。○諭軍機大臣等。瑚松額等奏。新任臺灣鎮總兵張琴業經渡臺。請令接印任事。劉廷斌卸事後。仍責令緝拏張成等務獲等語。張琴著飭令接印任事。劉廷斌著暫緩前赴廣東新任。責令緝拏股首張成。逃弁

許荆山務期必獲。本日又據魏元懷奏升任總兵臬許官更。請將該總兵留閩備質一摺。此案升任臺灣鎮總兵劉廷斌以閩省營員。不第有買官買缺之風。且得項亦不照例。多所弊混。具稟事關官吏私法營私。亟應徹底嚴究。著派瑚松額。程祖洛秉公查訊。劉廷斌既經具稟。自必確有其人。確知其事。現令緝拏張成。許荆山。扣留在臺。著瑚松額等就近訊明。飭令將買官買缺者。究竟何官何缺。買

者何人。有何贓證。朦混舞弊者。係何衙門幕友。是何姓名。內地不按例拔擢者。係何缺何員。營員得項對分。抽四抽二者。係指何衙門何人。其鄉宦說情。鄉宦何人。所說何事。並何事化大為小。何事以小作大。何事何人信致京中。散謠。逐一切實指出。確據嚴行懲辦。務令水落石出。毋許稍有含混。俟訊明具奏後。劉廷斌赴粵省候旨遵行。將此諭令知之。○以上默特扎薩克達爾漢貝勒濟克默特扎

布子那遜鄂勒哲依襲爵。○予勦辦福建臺匪陣亡縣丞朱懋護副將周承恩守備張榮森祭葬加等世職如例。被戕廩生古嘉會陣亡武生許亮邦民人洪啓榮祭葬世職如外委例。○丁酉諭內閣本日吏部會同宗人府嚴議惇親王綿愷等分別降調罰俸俱屬咎所應得。前據惇親王綿愷面奏與禧恩等共商軍民人等薙髮停止宴會音樂之處於義未協並未體察註義妄加援引不學無術信口亂談糊塗紕繆已極朕若將伊等照大不敬律治罪伊等能當此重咎耶。試觀現在大行皇后之事較之嘉慶二年儀文已有過當之處因時制宜實不得不然耳朕心深覺不安而抱慟且朕孝養皇太后時祝無疆之慶即朕之春秋亦未甚衰乃綿愷等噉噉以天下應百日不薙髮爭辯是何肺腑實出情理之外。惇親王綿愷著革去內廷行走並革去都統罰親王俸十年分

作二十年坐扣每年仍賞給親王半俸禧恩著革退御前大臣戶部尚書所有總管內務府大臣印鑰交耆英佩帶並耆英管理奉宸苑事務禧恩無庸管理文慶係翰林出身虞書二語註義深切著明若竟不知則學問亦太淺薄若知而不言大臣遇此等事不肯開誠布公隨聲附和尤屬非是文慶著革去副都統降為三品頂帶裕誠著革去護軍統領退出乾清門禧恩文慶裕誠部議降三級調用之處俱著加恩改為帶降四級留任六年無過方准開復此係朕姑從寬典僅予薄懲惇親王綿愷等當知感知懼勉圖後效無負朕諄諄訓誡之至意。○以大學士長齡管戶部事潘世恩管兵部事調工部尚書穆彰阿為戶部尚書理藩院尚書博啓圖為工部尚書以革退戶部尚書禧恩為理藩院尚書。○調正黃旗蒙古都統松筠為鑲藍旗滿洲都統以正紅旗滿洲副都統敬徵為正紅旗

蒙古都統○調正紅旗漢軍副都統奕禮為
正藍旗滿洲副都統以署鑲藍旗護軍統領
聯順為正白旗護軍統領○命御前侍衛不
入八分公載銓科爾沁郡王僧格林沁在御
前大臣上學習行走○戊戌

上詣綺春園問

皇太后安○諭內閣此次新進士謝恩狀元著
穿補服諸進士等緯帽常服其餘執事人員
均著緯帽常服不掛珠所有狀元衣帽等件

實錄卷一百七

光

及諸進士等表裏著照例頒賞○又諭訥爾
經額等奏叅知縣被控故勘捏報請撤任查
辦一摺湖南鄱縣知縣沈道寬訊詳戴升秀
控告鍾賢主使子姪用鳥槍打傷戴三古身
死一案先據安仁縣知縣代驗係屬鐵器戮
傷與該縣訊係鍾榮祀施放鳥槍所致供傷
已屬兩歧且既審出鍾慶傳係屬頂兇自應
嚴加看管何以任令自盡鍾慶傳既願代認
死罪即審出頂兇罪名轉輕何致畏懼輕生

清 實 錄 道光十三年五月

案情閃爍支離該縣現經被控難保無故勘
情弊自應徹底根究以成信讞沈道寬著即
撤任調省交該撫親提全案犯證秉公嚴審
務得確情按律定擬具奏如訊明該縣實有
故勘等弊著即據實嚴叅毋稍徇隱尋奏戴
升秀與鍾賢等因贖產起釁致鍾慶傳鍾榮
祀將戴三古戴賢沈等槍傷戴三古死在保
辜限外伊父恐不能致兇手於罪私用鐵塊
加毆致傷骨塌陷隨赴縣控告適該縣沈道

實錄卷一百七

中

寬公出由府委安仁縣知縣胡筠代驗未及
細辨驗為鐵器所戮鍾榮祀係武生恐被斥
革因賄囑鍾慶傳概行承認迨沈道寬回署
審出代認實情鍾慶傳恐以用槍抵罪又恐
不能得賄憂懼莫釋乘看押睡熟潛行自縊
此外委無故勘捏報別情胡筠誤驗業據自
行檢舉沈道寬失防押犯自盡均有應得處
分應照例議處鍾慶傳業經身死應毋庸議
鍾榮祀依律發極邊四千里充軍戴月傳毀

五五七

傷伊子屍身擬杖下部議從之○調銀藍旗漢軍副都統達哈布為正紅旗滿洲副都統兼署鑲藍旗護軍統領○以前鋒統領蘇清阿署武備院卿內閣學士慶敏署奉宸苑卿○己亥

大行皇后滿月致祭

上至觀德殿奠酒○幸圓明園○諭軍機大臣

等楊芳奏廓清義邊河北二十六地滋事夷匪及移兵渡河辦理十二姓地方情形一摺

宣宗實錄卷三三七

聖

覽奏均悉此次楊芳查明同時滋事分起為首各堡兇頑尚有甘戶移等先經搬運糧食眷口哨聚老木孔山峒囑嚕崖老林派遊擊王連元等帶領漢屯弁兵先赴山峒擒拏該匪膽敢施放矢石抵禦薄暮相持復派參將樊豐年等激勵士卒奮力攻撲因峒形紆曲攀藤附葛搶近峒門拋擲大彈火箭時近黃昏濃煙熏逼該匪力不能支乘勢擁入山峒生擒甘戶移等四犯殺斃賊匪玄狗兒等五

十六名擄出男婦大小一百三十六名口懸崖跌斃者七八十名又派遊擊包相卿帶兵往囑嚕崖夷巢該匪或於高山飛石墜擊或於深林暗施標弩將備等連日奮力分投兜截生擒越時保等二名男婦大小六十四名口格斃九十三名畏罪自縊自刎並撲崖跌斃一百餘人所有老木孔及囑嚕崖二地首惡悉行殲除其甘戶移等六犯訊係同時分起焚搶首犯均著就犯事地方斬梟以昭炯戒其萬家石等十二地熟夷攜眷投誠復經楊芳開導令其自行指出實在殺人放火之犯萬家石摘出萬文星等五犯磨礱摘出木落子等四犯納姑姑摘出母義兒一犯立即正法其投首男婦大小四百五十三名口俱各省釋所辦均屬妥協著楊芳督飭臬司花本逐堡清查編造戶口細數妥為撫馭其正法各犯家屬俱照例緣坐屏之遠方毋稍姑息其磨礱等處除兇夷別翅子約落根業經

正法外。楊芳等當查拏奸宄。撫字良善。督同	臬司花杰。一律撫輯。又據奏。連日大雨。銅河	異漲。雨威暑熱。官兵染患時疫。楊芳現撤患	病兵丁二百五十餘員名。添修船隻。進勦河	南十二姓。著即迅速辦理。毋令老師糜餉。此	為至要。又片奏。曲曲鳥野夷。是否隨同滋事。	擬將我邊掃蕩後。即由該處前進查辦等語。	著楊芳順道查明辦理。再赴越嵩。專力擒捕。	勿留餘孽。以靖邊圉。將此由四百里諭令知	之。○以內閣學士道慶為正紅旗漢軍副都	統。內務府大臣克蒙額為鑲藍旗漢軍副都	統。○以甘肅督標中營副將武光琳為貴州	威寧鎮總兵官。○以太常寺卿帥承瀚為通	政使司通政使。仍留順天學政任。								
----------------------	-----------------------	----------------------	---------------------	----------------------	-----------------------	---------------------	----------------------	---------------------	--------------------	--------------------	--------------------	--------------------	-----------------	--	--	--	--	--	--	--	--

實錄卷一百一

聖

大清宣宗效天符運立中體正至文聖武智勇	仁慈儉勤孝敏成皇帝實錄卷之二百三十七																		
--------------------	--------------------	--	--	--	--	--	--	--	--	--	--	--	--	--	--	--	--	--	--

實錄卷一百一

四

大清宣宗效天符運立中體正至文聖武智勇
仁慈儉勤孝敏成皇帝實錄卷之二百三十八

監修總裁官親王日親也居法寶太子太保體仁閣大學士文淵閣領閣事管理戶部事務上書房總辦翰林院掌院學士兼管順

天庖廚事務隨事加五級紀錄十八次臣曾補職監官鑒通謀官吏部尚書錄監祿漢漢都統管理新營房城內官房大臣稽察內

七倉大臣精舍會同四譯館事務加一級隨帶加六級軍功加三級紀錄五次臣花沙納經羅謀官文淵閣提舉閣事去部尚書總管

內務府大臣陳白瑞、歐洲郵政總局內七倉大臣管理三人、府銀庫在莫斯可、寧嘉賓、開國等、精製、御藥房、

醫院通判處事處署加十八叙臣阿寶阿喇德實官經道旗官兵部尚書隨帶加六次紀錄二十次臣周振鶴等奉

教修

道光十三年癸巳六月庚子朔日食○諭內

大正十三年三月

—

閩。何凌漢等奏賑餘米石。請留貯縣倉一摺。順天府所屬大興等六縣。所領賑米。據何凌漢等查明京畿一帶。雨澤優霑。農民得所。現已毋庸散放。所有大興縣存餘米一千二百九十八石零。宛平縣存餘米七百三十石零。良鄉縣存餘米十九石零。懷柔縣存餘米十八石零。固安縣存餘米五十二石零。及寶坻縣已領未用米八百石。著即貯各該縣倉內。加謹收存。非奏明不准私動顆粒。至大興宛平

兩縣尚有未領米石。著毋庸再領。卽照數扣還京倉。並著將各州縣已放米石。查實造冊報部覈銷。○命大學士潘世恩。戶部尚書穆彰阿。教習庶吉士。○授一甲一名進士汪鳴相。為翰林院修撰。二名進士曹履泰。三名進士蔣元溥。為翰林院編修。○以前任貴州安義鎮總兵官德印。年力就衰。命休致。○以正藍旗蒙古副都統舒凌阿署正紅旗漢軍副都統。○辛丑。諭內閣。著自本月初三日為始。

寶錄卷一百三十八

2

王公大臣官員等一體換戴緯帽穿尋常袍青褂○又諭楊國楨奏豫省碾運協濟直隸米石雇用船隻經由臨清等關請免徵船料等語前經山東巡撫鍾祥奏請將裝運米石各船免徵船料當降旨允准豫省事同一例所有由豫運直隸米石經由臨清等關著准其免徵船料○倉場侍郎劉彬士因病解任調兵部左侍郎朱為弼為倉場侍郎轉兵部右侍郎王楚堂為左侍郎以都察院左副都

御史龔守正為兵部右侍郎○貸河南永城縣濬減水溝榮澤縣築禦黃民埝銀○展緩河南河內夏邑祥符陳留延津息永城虞城八縣被水被雹村莊新舊額賦○壬寅以正白旗滿洲副都統安福署鑲白旗蒙古副都統○撥吉林伯都訥倉穀二萬石運赴齊齊哈爾黑龍江墨爾根城分貯備用○癸卯諭內閣長清等奏查明備用官駝倒斃情形援案擬定銷賠分數一摺此次阿克蘇軍需存

實錄二百五十八

三

駝一隻曾經奏撥各城作為備用官駝葉爾羌巴爾楚克撥駝八百隻喀什噶爾撥駝二百隻阿克蘇撥駝五百隻均各交給營員派兵牧放茲據長清等查明此項駝一隻已倒斃八百二十五隻現僅存駝六百七十五隻皆因水土不宜又缺口食致多倒斃該官兵等措繳十分之二其餘無力攤賠自係實在情形著照所請准其援照成案報銷六分追賠四分覈計倒斃駝隻內准銷駝四百九十五

隻應賠駝三百三十隻照例價共賠銀五千九百四十兩除該營員繳出銀二千餘兩外其不敷銀三千餘兩在長清興德誠端烏珍泰養廉項下周悅勝唐俸鹽菜項下按作二年攤扣賠繳歸款其現存駝六百七十五隻著照烏魯木齊估變酌減之例每隻作價銀十二兩六錢速售歸款仍造冊報部查覈○諭軍機大臣等長清等奏開導霍罕夷使輸服筵宴賞賚護送出卡一摺霍罕伯克前遣額爾沁密爾雜阿依普進卡求立商頭並欲向別部落抽稅經長清等派章京會同阿奇木伯克等隨時前往開導反覆曉諭該夷使自知理屈無可置辯適因交易事竣懇求出卡並稱以後遵照舊章貿易不敢妄求長清等又傳見宣諭以爾等既知悔過姑且免究並令告知霍罕伯克以後當知感懼畏長受厚恩斷不可以非理之事妄生希冀該夷使伏地碰頭自認糊塗甚為帖服隨即筵宴

實錄二百五十八

四

酌賞元寶綉緞茶葉等物。差派弁兵伯克回子護送出卡。並以該夷人現雖恭順。似無變更。究竟犬羊性成。其心叵測。不可不時加防範。以絕其覬覦。所見甚是。該夷使既經輸服。歸諭該伯克。以後自可安靜。照常貿易。萬一覬覦復萌。稍存窺伺。難保不別滋事端。該參贊等務須督率將弁。操演兵丁。巡查卡倫內外。仍通行各城辦事領隊大臣等。一體勤慎操防。並豫籌儲蓄糧餉。務期兵精糧足。以逸待勞。聲勢聯絡。互相應援。方為有備無患。將此諭令知之。○修浙江東西兩塘柴埽盤頭各工。從巡撫富呢揚阿請也。○甲辰。諭軍機大臣等。有人陳奏。上年江西崇仁河內。有南城縣人。裝載客貨。被地方棍徒。指稱按米。強搶斃命之案。臨川李家渡地方。亦有搶殺斃命之案。宜黃春夏之交。饑民待哺甚眾。公集資本。官給照票。往南昌府之吳城鎮買米。運至臨川縣之上頓渡地方。有棍徒趙春俚。傳

茂俚。邱三百斤等。向在該處私立渡頭。總關名目。倡聚數百人。洗搶米船數隻。至九十餘石之多。迄今首犯無獲。案懸不辦等語。地方偶遇歉收。本處米糧既少。勢必藉資鄰近。乃無賴棍徒。輒敢藉端阻撓。一都設私關數處。一關糾暴客多人。銜役汎卒。勾結為奸。日則明訛。夜則搶劫。該地方官形同木偶。所司何事。臨川等縣如此。恐他處亦復不免。著周之琦。迅飭該縣嚴拏趙春俚。傳茂俚。邱三百斤等。務獲究辦。並訪拏崇仁臨川斃命各案。按律懲辦。以儆刁頑。若再玩延。致令科道叅奏。或經朕別有訪聞。則惟該撫是問。將此諭令知之。○命服闋翰林院編修田嵩年。仍在南書房行走。乙巳。上詣綺春園問皇太后安。○諭內閣。國家設立營伍。專以嫺習弓馬為事。操防騎射。是其本分。總在平日習勞。不許稍耽安逸。自將軍副都統提鎮以至

將備。宜如何振刷精神。無事則士盡干城。有事則人思敵愾。方為無忝厥職。從前乾隆嘉慶年間。因將弁偷安坐轎。並不乘馬。節經頒發。

諭旨。嚴行禁止。煌煌

聖訓。自應永遠欽遵。朕臨御以來。諄諄誥誡。猶前志也。即如原任福建提督許松年。身行間。乘坐肩輿。特降旨革職懲辦。不少姑息。仍恐日久生懈。不可不防其漸。總在督撫大吏。

嚴行查察。有犯即參。方可整飭戎行。日成勁旅。夫兵可百年不用。不可一日不備。身為武員。而憚於乘騎。必致開驕惰之端。而啓廢弛之漸。安望其整軍而經武乎。著通諭各直省將軍副都統提鎮將備等。除高山峻嶺。逼仄崎嶇。或稻田水曲。不能乘騎者。准其乘坐竹兜外。其餘均不准坐轎。喧耀街衢。儻違例乘坐。該督撫即行查參。毋稍瞻徇。經此次訓誡之後。仍敢陽奉陰違。將來科道奏。或經朕

別有訪聞。除本員照例從重治罪外。定將該督撫嚴行懲處。決不寬貸。○引見新科進士。得旨。一甲三名汪鳴相。曹履泰。蔣元溥。業經

授職外。司徒煦。李恩慶。朱憲。曾。朱麗宮。宗室崇文。宋延春。郭樟。黃慶昌。焦友麟。武新亨。王芳。何元杰。鄧爾恆。廖維勳。翟惟善。汪元方。唐潮。福濟。張邦佺。葉觀儀。史佩璿。花讌春。黃鍾音。黃贊湯。孔繼勳。王清選。邱景湘。蔡宗茂。車克慎。姚憲。曾。周有篋。王兆松。鄭輝堂。胡正仁。

蕭良城。楊培。黃炳光。黎光曙。劉得陳。文嵩韓椿。胡嵩年。曾克敬。徐耀。王樹滋。董作梅。李樾。譚廷襄。夏廷桀。博迪。蘇喬邦。憲。劉德熙。黃廷璫。溫子巽。何家駒。劉用賓。孔昭慈。杜淙。許本塘。俱著改為翰林院庶吉士。沈映鈴。楊文定。史策先。許楣。吳煒。鄒新照。陳宗元。林廷禧。施介曾。吳世驥。程葆。宗室保清。杜寶辰。方大淳。許謹身。舒鼎。王恩慶。安詩。車瀛。蔣宗麒。徐文燦。董平章。楊寶樹。陰豐潤。存葆。盧同伯。唐簡。

郭維鍵。毓科。蘇呼訥。吳湘。宋載。廖德齡。宗室英瑞。徐清。張集鑑。張鵬翼。李維藩。蔣瑾。楊蔚春。吳保臨。陳景良。文秀。俱著分部學習。孟毓蘭。王積順。福暉。華廷標。陳應聘。陳光緒。唐金榜。費公彥。曹銜達。許捷。張煦。萬應新。韓曜。吳開陽。楊開會。張熙宇。王景銘。劉體舒。金雲門。羅象晨。戴齊松。金樹本。沈秉荃。姚承恩。左喬林。周瑞圖。盧琳。汪培基。吳守仁。徐寶森。范鏞。彭作籍。彭元海。張炳。王猷。陶春。元廣。李思霖。李烈文。吳士俊。王恩霖。王蘭新。高樞。吳頤鴻。張鏡淳。王汝和李翰昌。葉儒昌。杜錫衍。談素勳。封躬。董暈。端木國瑚。周其慤。章業戴。鴻恩。桂超。萬羅衡。陳鎔。雷崙。溫廷獻。何森林。張齡。吳林光。陳芝齡。郎盼。張崇恪。德成。詹璣。馬逢臯。王丕顯。林上砥。袁銘泰。黃懋祺。晏承付。唐金鑑。朱其榮。盧贊虞。朱士廉。董正官。徐啓宇。高步蟾。魏玉峯。文在瀛。洪玉珩。王麟瑞。李步瀛。童輔。王鳳翥。蘇蘭第。王紹曾。張涵。施壽。

椿。王錫九。王槐。孔昭然。福昌。阿蔣士麒。蘇元義。張樹本。翟宮槐。康孔昭。俱著交吏部掣籤。分發各省。以知縣即用。候選郎中狄聽著以六部郎中即行選用。戶部學習員外郎樊椿著以六部員外郎即行選用。餘著歸班銓選。○禮部議准。山東巡撫鍾祥疏報。採訪萊陽縣貞節婦女李周氏等十二口。河南巡撫楊國楨疏報。盧氏縣節婦靳許氏等十一口。請各建總坊旌表。從之。○丙午。引見各衙門保送御史人員。得旨。韓榮光。許球。鄭世任。朱能作。劉誼。章煒。俱著記名。以御史用。○以翰林院侍講學士福保充日講起居注官。○丁未。諭軍機大臣等。本日據伊里布奏。思茅土司舍目扶私互訐。撥兵防範。並派員查辦一摺。此案思茅廳所屬車里土司刀繩武。藉狝子生事。集練往巡。聽信浮言。即以所集之練。向土舍刀太康尋釁。攻闢互鬪。致六困等處夷民逃散。鎮道酌撥營兵前往思茅。督率彈壓。

刀繩武欲請官兵為助。經阮元等調回刀繩武。解息弭釁。刀繩武總以疑忌刀太康。仍復逗留麻栗坪等處。於三月內又率練向刀太康攻打。被刀太康之練抵逐潰敗。現於要隘遙為防範等情。前據阮元在京時曾經奏及此事。並稱迤南道胡啓榮向為該土司所信服。計此時阮元將次回任。胡啓榮亦可將次到滇。沿邊土司舍目擾攘互鬪。本所時有此等蠻觸相爭。原可不問。斷無用天朝兵力偏助之理。至地接緬甸。尤不可輕開邊釁。轉致別滋事端。惟該土司舍目同室操戈。結釁不休。難保無漢奸刁夷從中扛幫。及好事於民附和之事。必須密查嚴辦。以淨根株。現據伊里布將護道福敬撤回本任。派熟悉邊情之署開化鎮副將錫麟會同普洱鎮邱奉岐護道林樹恆前往查辦。胡啓榮如已到滇。亦著迅速前往。阮元伊里布當督飭鎮道確查起釁根由。及互鬪情形。清理解息。鎮靜妥辦。不

許張皇用兵。務期杜絕釁端。以靖邊圉。將此各諭令知之。○戊申。以故奉恩將軍多羅鑾子瑞慶襲職。調甘肅布政使光聰。詣為直隸布政使。以甘肅按察使色卜星額為布政使。廣西左江道戚宗彝為甘肅按察使。○調伯都訥副都統長德為三姓副都統。三姓副都統吉勒通阿為伯都訥副都統。旌表守正被戕四川彭水縣民吳傳品妻冉氏。戶部議准。浙江巡撫富呢揚阿疏報石堰長亭永嘉海沙四場開墾塗田草蕩六頃六十六畝有奇。照例升科從之。○己酉。諭內閣理藩院奏。明年輪應年班之內外扎薩克蒙古王公台吉塔布囊回子伯克等。可否豫行咨調前來叩賀年節一摺。孝慎皇后大故。明年正月尚未逾週。所有御前行走之蒙古王公及應行年班之內外扎薩克。乾清門行走之蒙古王公並內廷行走之蒙古王貝勒貝子公台吉塔布囊回子伯

克等俱著停止來京。○又諭惠銘等奏查驗米色未淨請先搭放一摺江蘇鎮江後幫旗丁李振海等所運載漕米三千二百八十四石零經該侍郎等查驗米色未能潔淨係沿途風晾不勤所致該幫運弁所司何事楊邦榮著交部嚴加議處總運通判蔡紹武未能督飭幫丁勤加風晾著交部議處此項米石現雖篩曬乾燥究恐難以久貯著照所請交北新倉另廠收存咨明戶部先行搭放以重

倉儲。○又諭兵部奏請將虧短馬匹那用馬乾銀兩充公並未奏明辦理之荊州副都統協領等均議以降三級調用毋庸查級議抵實屬咎所應得姑念事關多年該署將軍等率行照舊辦理尚無剋扣侵冒情弊署荊州將軍左翼副都統那當阿於善英具奏時不肯用印是其私心畢露著實降二級即回旗候補協領都隆阿雙興甘露玉順序柱順格同陞斐星額穆騰額均著加恩改為降五級

留任六年無過方准開復協領星額特依業經休致著革去頂帶。○轉荊州右翼副都統善英為左翼副都統以青州協領穆精阿為荊州右翼副都統庚戌諭內閣富呢揚阿奏體察錢賤銀貴情形籌議便民除弊事宜一摺紋銀出洋刑律無治罪專條前已降旨交刑部酌定具奏纂入例冊頒發通行浙江省寧波乍浦一帶海舶輻輳前赴廣東貿易者難保其不以紋銀易貨著該撫即將刑部

奏定條例出示徧行曉諭嗣後內地民人赴粵貿易祇准以貨易貨或以洋銀易貨不准以紋銀易貨外洋夷人在粵貿易亦祇准以貨易貨或以紋銀易貨不准以洋銀易貨洋銀塞其來源其用不禁而自絀紋銀斷其去路其價不減而自平儻奸商仍前情弊一經查出即照刑部新定罪名懲治俾知儆畏至私鑄私販既壞錢法又增銀價亦須從嚴懲辦著該撫查照從前成案通飭所屬設局收

鐵。徧行曉諭。無任吏胥藉端訛索。總期實力查禁。法在必行。地方官如視為具文。陽奉陰違。因循玩泄。即當據實奏懲。勿稍徇隱。以便民用而除積弊。○旌表守正捐軀山東夏津縣民王一清母蔣氏。○除江蘇吳縣捐置義冢田地二十一畝有奇額賦。○辛亥諭軍機大臣等。有人奏。江西福建交界處。所會匪橫行。宜黃縣之譚坊地方。鄒姓兄弟二人。有梁王松王名號。設立天罡會。新天罡會。會內復編仁義禮智信字號。各有黨羽六七百人。每月皆有會期。文武生監書吏衙役。多有入會者。經監生鄒江文首告。鄒姓兄弟賄串刑書熊元良。班頭鄒松等。連名具保。地方官畏不稟究。自此益肆猖獗。界連宜黃之寧都州橫石地方。亦有蕭都管與鄒姓兄弟聲氣相通。時在寧都。時在福建。立有真君會。又名鐵尺會。會內亦有千餘人。置有田產。設立名冊號簿。有金匱走關各名目。又有食齋之徒。名曰

一字教。與真君會朋比為奸。其福建之永安沙縣交界地方。有匪徒數百人。擄人勒贖。炮炙行人。令其子弟環觀。有往拏者。該匪據險擲石。多致受傷。地方官置諸不問。與江西會匪交通信息。尤為行旅之害等語。匪徒聚眾立會。勾結二省。肆擾閭閻。為害行旅。該地方官形同木偶。所司何事。著陶澍遴派明幹道府大員。密速前往查訪。是否實有其事。據實奏聞。不可稍存瞻徇。朦混含糊。以致養癰貽

患。釀成巨案。該督總轄江西。斷不能辭重咎也。將此諭令知之。○又諭。有人陳奏。江西省之宜黃縣譚坊地方。有鄒姓兄弟二人。為匪黨渠魁。兄號梁王。設立天罡會。弟號松王。設立新天罡會。名下各有六七百人。天罡會內編有仁義禮智信字號。刻有印信。遇有事件。先呈頭目。持伊印票往召。各字號如約而至。每月皆有會期。並無定日。在會者有文武生監。有書吏衙役。經監生鄒江文首告。鄒姓兄

弟以重賄買申刑書熊元良班頭鄒松等連名保結。地方官不敢稟究。自後益肆猖獗。上年十二月間。伊等在岱六七都等處地方。以查賊為由。逐戶按檢。勒索銀錢。逼獻婦女。貧民畏之如虎。不敢呈告。其在寧都州橫石地方者。為蕭都管。界接宜黃。與鄒姓兄弟聲氣相通。蕭都管時在福建。時在寧都。會中有千餘人。名曰真君會。又曰鐵尺會。置有田產。設立名冊號簿。貯簿之所。名曰金匱。通信之人。名曰走關。橫掠鄉里。又有食齋之徒。名曰一字教。與真君會朋比為奸。而福建之永安沙縣交界地方。又有土匪數百人。擄人勒贖。炮炙行人。令其子弟環視。無不股栗。有往拏者。高山峻嶺。莫敢上前。土匪拋擲大石。多有受傷。地方官置之不問。該匪與江西會匪信息交通。尤為行旅之害等語。似此匪黨橫行。大千法紀。若不早日究辦。必致釀成巨案。著周之琦督同臬司程懷環密速掩捕。毋任渠魁。

聞風遠颺。其在寧都州橫石地方之蕭都管。時在福建。及福建之永安沙縣等處土匪。亦著程祖洛魏元烺無分畛域一體嚴拏懲辦。如能將為首匪犯迅速捕獲。置之典刑。脅從者立即解散。則從前失察之咎。尚可量為寬貸。僕一味回護。或意存諱飾。陳奏稍有含混。以致養癰貽患。經朕訪聞。或別經發覺。必將督撫及該地方官從重治罪。決不寬恕。懍之慎之。將此諭知程祖洛魏元烺周之琦並傳諭程懷環知之。○除陝西寧陝盤摩鄜三廳縣移建衙署。占用民地三頃五十九畝。有奇額賦。○壬子。上幸萬壽山。詣廣潤祠拈香。○詣綺春園。問皇太后安。○以緝獲要犯。予安徽試用府經歷張文斌儘先補用。○癸丑。諭內閣。本日據盧坤等由驛馳奏。越南國呈覆。照會捕盜咨文。並報知漂失師船。已在該國收泊。款給修整。

送回一摺。上年十二月二十五日。廣東提標中營二號米艇。配坐官兵七十員名。遭風漂流越南國茶山洋面收泊。經該國王迎救。抵次。優給供頓資用。代修船隻。在彼閱四月之久。外委梁國棟。因遭風受瘴身故。復為遣官料理。祭贈有加。及師船起程。各兵又有賞賚。並撥醫隨行。派兵幫駕。添械防禦。已於本年五月初四日。駛進虎門。越南國遠隔重洋。素稱恭順。今該國王因內地兵船遭風飄收到

實錄卷一百一十八

六

境。優待款留。種種周詳。曲到虔恪盡禮。可嘉之至。著降敕褒獎。並賞賜該國王蟒緞四匹。閃緞四匹。米緞四匹。素緞四匹。以示寵嘉。此次該國帶有壓艙貨物。及將來出口貨物。俱著加恩免其納稅。仍循照舊章。先行開船起貨銷售。俾免稽遲。所有頒賞該國王緞匹。著禮部於本年該國貢使七月來京回國之便。帶往。其該國差官黎文謙等。亦著該督撫優加賞賚。交該國王頒給。該部先行文該國王

知之。○又諭。武忠額等奏。請將審案不合之同知理刑官。分別交議一摺。前因多倫諾爾同知萬保。辦案專擅。降旨交武忠額等審訊。茲據該都統等奏。該廳員承審賊犯穆全等案。未與該旗理刑官雙福等會辦。係因清文譯漢。誤會文義。尚非有意專擅。又提訊各案。該廳員亦尚無賊私情弊。但未能究出實情。究屬不合。萬保著交部議處。理刑官雙福。札米彥。會訊賊犯穆全等案。初未能究出實情。

實錄卷一百一十八

五

雖經據情報明。咎亦難辭。雙福。札米彥。著交部察議。○禮部議准。江蘇巡撫林則徐疏報。採訪金壇縣貞節婦女湯氏等五百二十九口。請建總坊旌表。從之。○甲寅。禮部議准。前護貴州巡撫麟慶疏報。採訪古州。都江台拱。三廳貞節婦女易劉氏等十一口。請各建總坊旌表。從之。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百三十八

守錄卷二百三十八

主

秋修

道光十三年癸巳六月乙卯諭內閣成格奏

守錄卷二百三十九

參牧廠虧馬過多請將總理牧務之遊擊革職。拏問一摺。所參甚是。巴里坤牧廠。截至道光十一年六月底止。共挑應變殘廢馬三千九百四十一匹。迨至去年六月。冊報倒斃六百五十二匹。乃自七月以後。迄今未及一年。復有倒虧馬二千三百二十六匹。統計二年之內。共倒虧馬二千九百七十八匹。該廠員如果小心經牧。何至虧短如許之多。更難保無串通舞弊情事。巴里坤右營遊擊兼署左

營遊擊彭玠著先行革職。拏問。交該都統提同案內經牧人等徹底根究。按律定擬。該革員原籍家產。及任所資財。一併查封備抵。所有牧長千把總等員。亦著照該遊擊一律辦理。尋奏上。得旨。管理巴里坤東廠牧務遊擊彭玠等。於應變殘廢馬內。虧額過多。當經降旨革職。拏問。茲據該都統查明該廠所虧馬匹。實因大雪不時被凍。生災所致。並查明應留正額之馬。俱已如數挑足。所虧殘廢馬匹。

軍機處

二

本應照例變價。該革員等於未經定案之先。業將應賠馬價銀兩。全行完繳。尚知愧奮。所有總理牧務之已革巴里坤鎮標右營遊擊彭玠暨頭羣牧長署左營千總武舉楊世貴。二羣牧長右營把總高登榜。三羣牧長左營把總路興。四羣牧長中營把總芮貴章。五羣牧長城守營把總盧全德。均著加恩。悉予開復原官。仍交部照例議處。其五羣牧長之外。委王永年。唐文智。丁福。王化成。魏希賢。均例。

不賠銀。著各捆責四十棍。以觀後效。○又諭御史朱嶠奏請慎重名器一摺。所奏甚是。可嘉之至。國家設科取士。三年大比。錄其文藝優長者。試於禮部。量才而後官之。並於正科之外。開設恩科。原以嘉惠士子。甄拔真才。以備朝廷任使。上年畿輔荒旱。收成歉薄。節經賑糶頻施。而春雨未透。百姓嗷嗷待哺。該地方官倡議勸捐。適有直省紳士捐輸。經該府尹等奏請。朕因花翎以待軍功。未便率行賞

軍機處

三

給。而該員等不分畛域。急公好義。亦不能不量予獎勵。是以倣照年老諸生未經登第。賞給舉人副榜之例。分別辦理。姑允所議。原係一時權宜。未嘗著為定例也。若如該御史所奏。未登仕版者。將可報捐中書。已列部曹者。又將保送御史。甚至買通關節。雇倩槍替。識趣日卑。術業漸廢。生富人僥倖之心。阻寒儒進修之志。亦不可不防其漸。嗣後各直省督撫及順天府尹等。偶遇水旱偏災。如有抒誠

捐輸。應須嘉獎之處。在士庶或酌給扁額。或議敘職銜。在官紳或准其加級。或予以升途。概不准請賞舉人。即使援引成案。妄行瀆請。亦斷不能仰邀允准。其已經賞給者。如有關節槍替等弊。國法具在。亦不能因加恩在先。概予寬宥。朕於勸善之經。求賢之道。總期並行不悖。該士子等務須經明行修。敦崇實學。自然登進有階。無妄生冀倖之心也。將此通諭知之。○又諭御史常大淳奏請禁州縣買

實錄卷三三九

四

補倉穀各弊一摺。各省額設倉穀。原期實惠及民。固不可擾及閭閻。亦不容稍有短絀。若如該御史所奏。地方官採買倉穀。往往不遵定例。藉端肥橐。任聽書吏在本地按名勒派。每穀一石。發官價銀四五錢不等。家人胥役里保等復多方需索規費。以致有力之家。輒賄求書吏匿報。其承領者。並不上穀。惟加倍繳價入官。名為幫費。至零星花戶。無力繳費。則差役逼詐。委員勒追。種種騷擾。在所不免。

其不肖州縣。只圖斂費入己。究未買補還倉。及至交代後任。僅以官價作抵。一遇動撥。並無實穀可供支放。似此各種弊端。殊屬不成事體。著直省各督撫嚴飭所屬。於應行買補倉穀年分。務遵定例。領價赴豐稔市集採辦。如查有向本地勒派及書吏串通需索等弊。立即嚴叅。從重懲辦。其各州縣交代倉穀。責成該管道府隨時盤驗。於州縣領價後何時買足歸倉。據實加結申報。儻有逾限虛懸。即

實錄卷三三九

五

時嚴行查辦。毋稍徇隱。以期民無擾累。而倉有實儲。將此通諭知之。○又諭御史郭鳴高奏。請飭審理案件。依限斷結一摺。向來詞訟案件。審結本有定限。若如該御史所奏。地方官於尋常軍遣流徒等犯。累月積年。不能定案。即事涉細故。罪止枷杖者。亦任意積壓。禁押日久人多。或越獄鬪毆病斃。皆勢所必至等語。如果屬實。殊干功令。著通諭各直省。及在京審理事件各衙門。於一切大小案件。務

宜遵照例限。隨到隨審。隨審隨結。毋使囹圄久禁。致生他虞。以慎刑獄而絕弊端。○以辦理烏魯木齊軍需尾案出力。予知州瑞書等升選有差。○禮部議准。前護貴州巡撫麟慶疏報。採訪古州。丹江清江三廳貞節婦女。王陳氏等三十三口。湖南巡撫吳榮光疏報。湘鄉縣李氏等七百六十一口。四川總督鄂山疏報。成都等府傅張氏等四百七十口。請各建總坊旌表。從之。○丙辰。諭軍機大臣等。楊

實錄卷九

六

芳奏。十二地熟夷投首。我邊全境廓清。擬即進兵曲曲烏石園子。勦辦野夷情形。一摺。據稱前派遊擊王連元。包相卿等。分路進兵。並抵鹽井溪。該夷匪旋即遁入石園子老林。該提督率領參將樊豐年等。帶兵渡河。至鹽井溪。包相卿等。帶領夷人男婦一千數百名。口俯地跪迎。形甚惕懼。道經順江場等處。目擊焚殺情形。甚堪髮指。慮及夷性狡黠。兵來投誠。兵撤復叛。若驟加洗斂。又恐其情急投匿。

朋比抗拒。先密派義勇。潛入曲曲烏夷巢。宣示利害。又密遣投誠熟夷。潛入二十六地。曉諭恩威。散其黨羽。該夷匪見兩路官兵同時抄到。踞其腹心。又見先來投誠之賊目海潮。舉等未加誅戮。遂出投誠。念其尚知悔懼。且尚有竄入曲曲烏石園子等餘匪。或意存觀望。自應網開一面。因將巨憨海色汪等十數人扣留。隨營聽差。暗為管押。另差千總向仲清等督率兵壯。它修道路。伐木搭橋。權作羈

實錄卷九

七

縻。擬即進兵曲曲烏石園子。擒捕餘匪。以期剷淨根株等語。該夷匪海潮舉海色汪及鹽井溪投首之夷匪等。雖已投誠。然狼子野心。殊難深信。其前次順江場等處。慘殺居民。它掘墳墓。又戕害兵丁。周國棟等多名。實屬窮兇極惡。且並未經官兵大加懲創。雖出投首。難保其不終反覆。此時權示羈縻。即義勇周大定卓秉乾。鞠芬等。亦不可不加意防範。該提督久歷戎行。其於料敵制勝。自必能情偽。

畢知務須力加鈐束。隨時密為體察。無致稍有疏虞。至現在進兵曲曲。烏石園子等處。該夷匪等。如果冥頑梗化。自應迅速勦辦。不得稍有遲延。以致老師糜餉。是為至要。將此諭令知之。○補行道光十二年軍政直隸卓異官八員議敘如例。○丁巳諭內閣。上年湖南江華縣勦辦逆裔。所有陣亡鄉勇一百四十餘名。傷亡鄉勇五十餘名。著照步兵例議卹。受傷鄉勇一百三十餘名。著按其受傷等第。照兵丁打仗受傷例減半卹賞。○戊午諭內閣。恩銘等奏糧船米石虧短。責成運弁等完交一摺。漕米為天庾正供。顆粒不容短少。即節賜耗米。亦應全行交納。茲據該侍郎等查明。江蘇鎮江後幫等十二幫。虧短正米七千九百六十石。零耗米六千七百五十三石。零之多。自應從嚴懲辦。所有該幫領運千總楊邦榮。高峯。雲王。斯年。杜芎。峯。楊毓。林。單。繼。善。李清。華。石。元。龍。楊。榮。慶。張。彭。壽。胡。松。阿。石。生。

全等十二員。著先行革去頂帶。留於通州責成。各總運督同該運弁。並該船正丁等。按照虧短米數。實力追交。仍飭該管糧道周繼圻。嚴行督催。償逾限不完。及完不足數。按律分別從嚴辦理。以重倉儲。○諭軍機大臣等。昇寅等奏。山東寧陽縣孀婦甯周氏。具控伊夫甯繼祖。因探親路過杜其溫飯鋪。見有差役白明玉等聚賭。與伊口角起釁。被白明玉揪住兜毆。因甯繼祖嚷罵。復被糾眾拖出。綁在拴馬椿上。用鐵大條鉗口。將繩繞繫從腦後緊勒椿上。不能轉動。氣閉身死。因有繩勒痕跡。捏稱自縊。移屍馬洪軒樹上。報縣驗訊。要證杜其溫據實供明。甯周氏親見頸脖磨擦。傷重皮開。脫落牙齒一箇。本縣庇護差役。照自縊辦理。各衙門未能申雪。前經赴都察院呈訴。奏交山東巡撫審辦。訊與所控無異。忽被盡役侯明堂串商見證。王襄改供。仍照摺脫後自縊辦理。於鐵條鉗口用繩繞勒一層。

並不深究。且將要證杜其溫藏匿。刑逼伊夫堂弟甯繼林具結了案。該氏不肯遵依。情願具結開檢。復被掌責。不准開檢。今早役按住伊手畫供。案結無人抵命。是以來京憑訴。情願開檢。為夫雪冤等語。已降旨交該撫督同臬司蘇廷玉。親提開檢。秉公訊辦矣。此案據該氏所供情節。內鐵條鉗口一層。最為此案緊要關鍵。何以該撫咨結原文內。始終均未聲啟。且杜其溫係初供要證。何以任其匿不到案。該氏出具情願檢驗切結。何以不准開檢。是否承審官有心朦混。著該撫等詳細研訊。務得確情。不得以訊明咨結在前。稍存回護。如能平反此案。不致冤抑莫伸。則前次失於覺察之咎。尚可量加寬貸。儻有不實不盡。始終固執。仍以一奏了事。經朕訪聞。或別經發覺。惟該撫及該臬司是問。再此案提省時。著另委委員承審。所有前次派審各員。不准再派。將此諭知鍾祥。並傳諭蘇廷玉知之。尋

奏。遵派未經承審之道府等官。及前次並未經手之仵作。覆行檢驗。甯繼祖委係毆後自縊。甯周氏因屍有傷痕。及門牙搖動。疑為鐵條鉗口所致。且經與勒情形相似。是以懷疑復控。杜其溫係隨地覓食。現因畏累逃走。無從查拏。但此案干證四人。三人供已相符。即杜其溫前供亦無異。該氏業已輸服。應將甯周氏擬滿流加徒。照律收贖。餘分別問擬杖徒。下部議。從之。○以收養近畿貧民。予兵馬司正指揮許惇書等議敘有差。○補行道光十二年軍政。西安將軍所屬卓異官三員。年老官一員。有疾官一員。才力不及官四員。分別議敘處分如例。○己未。

上詣綺春園問
皇太后安。○諭內閣。鄂山奏遵旨截回調赴閩省官兵。請將支過俸賞行裝等項銀兩。懇照案分別扣免一摺。此次調赴閩省官兵一千五百餘員名。於行出川境後。經該督遵旨截

回飭令省標官兵八百名順道馳赴我邊廳協同防堵夷匪其重慶鎮川北鎮屬各營官兵均前後回營歸伍惟該官兵等前次調派起程時當將應得俸賞行裝銀兩按例支給若因其未到軍營於折回後責令一時全繳在兵丁力有所不能即官弁亦難免竭蹶著准其援照前案加恩將此次馬兵每名所得賞銀十兩步兵每名所得賞銀六兩免其繳還其官弁俸賞及兵丁借項著照例無論官兵分作四年在於廉餉按季扣收此內如有道光六年及十年出師甘省回疆借支銀兩尚未扣完之官兵俟前項扣完再行接扣以紓兵力該部知道○四川總督鄂山奏查辦社濟兩倉虧短糧石設法補墊以裕儲備得旨務須實力查辦斷不准有名無實也母忽○以宗人府府丞潘錫恩為都察院左副都御史○補行道光十二年軍政湖廣卓異官九員不謹官一員年老官一員浮躁官一員

才力不及官一員分別議敘處分如例○修湖北水站差船從前任巡撫楊懌曾請也○庚申諭內閣貴慶奏重運漕船上聞失事沈溺米石請分別辦理一摺本年清水來源甚旺暢注黃河惠濟福興等閘直接洪澤湖口門溜勢湍急尤非常年可比所有鳳中二幫旗丁楊關孫船漂淌交倉平米八百七十八石零大河二幫旗丁崔廷重船漂淌交倉平米七百五十三石零著照所請准其援照嘉慶十一年成案免其賠補其江淮七幫旗丁周樹堂代辦快丁陳平瑄船虧折交倉平米六百五十五石零該旗丁力難一時賠補著自今冬起分限三年買補運交以紓丁力本年清高於黃惠濟等閘水力湧猛各該幫加裝緩漕較多船身笨重此係朕格外施恩嗣後凡有在該閘漂沈船糧仍應照常賠補不得援以為例該部知道○以工部左侍郎松筠為閱兵大臣○辛酉

上幸靜明園詣

龍神廟拈香○以光祿寺卿寶善為通政使司通政使○禮部議准湖南巡撫吳榮光疏報採訪桂東縣貞節婦女黃胡氏等三百三十九口請建總坊旌表從之○壬戌遣官祭火神廟○諭內閣據吏部奏陶澍等請以陳煦補授江蘇鎮江府知府查鎮江府係請旨要缺例不准在外奏補前出有江西瑞州府選缺既據該督等扣留以陳煦擬補應即照

例具題茲復請補鎮江府知府前後那移顯為擇缺起見請將陳煦撤回等語所駁甚是陳煦著即撤回該督等仍照原題另疏請補瑞州府知府以符定例所有陶澍林則徐違例奏請之處著交部議處○予福建出洋淹斃外委謝得高祭葬卹廕兵丁王富才等一百三名受傷額外外委曾旭徐秀營兵丁王士魁等一百四十名分別賞卹如例○旌表守正捐軀陝西清澗縣民惠添德兒妻朱氏

○修福建出洋遭風戰船並補沈失軍械從巡撫魏元烺請也○癸亥諭內閣七月初一日舉行孟秋時饗

太廟典禮例遣親王恭代所有在

廟承祭執事之人自宜蠲潔將事以肅明禋況祭時朝服樂章一切如常未便仍留長髮從事現在派出承祭之定親王奕紹及

廟中執事官員俱著於齋戒前一日先行薙髮用申誠敬其陪祀各員俱著毋庸薙髮○旌

表守正被戕直隸晉州民劉義保妻孟氏○

甲子諭內閣福建陸路提督馬濟勝上年帶兵二千渡臺勦賊以少勝眾十戰成功前經賞戴雙眼花翎交部優敘並賞給二等男爵世職用獎忠勤茲據程祖洛奏該提督所帶漳泉兵丁素稱勇健每多桀驁不馴該提督訓練有方善於駕馭自渡臺以來迄今半年未聞一卒滋事於此益見該提督之忠勇嚴明可嘉之至朕特親書忠勇嚴明四字扁額

頒給該提督祇領。以為著績。戎行認真整飭營伍者勸。○又諭程祖洛奏臺灣營務情形一摺。據稱臺灣營務大弊在於不勤訓練。不守汛地。上年護遊擊周進龍等督兵擒捕匪徒。中途遇賊。官兵開礮不能出聲。以致為賊所乘。如果平時訓練精熟。臨陣何至於此。又劉廷斌在任多年。竟未知城守營右軍守備應駐下加冬地方。其各營兵房。又多倒塌。兵丁賃居民房。竟有離汛貿易。倩代當差值宿種種不法情弊。劉廷斌以專閫大員。沿習相循。罔知振作。所司何事。實屬辜恩溺職。著交部嚴加議處。○又諭瑚松額等奏鳳山縣粵莊在籍主事黃驥雲上年十月經臺灣道平慶諭令寫信曉諭莊民不可生事。適粵人李受糾眾攻打閩莊。該莊難民聞該員寄信回莊。疑其串謀。互相播告。連呈首控。該員因心跡不明。將妻子送郡監禁。自隨官兵親赴各莊。出資購線。擒捕匪犯。不遺餘力。又捐買穀

石。散放粵莊失業貧民。三月之間。正兇悉就捕治。閩粵二莊均皆安帖。現在全案完竣。不敢沒其微勞等語。黃驥雲著交吏部存記。俟該員服闋來京。由該部帶領引見。聲明請旨。○諭軍機大臣等。據程祖洛奏查明臺灣民風盜源營務情形一摺。據稱臺灣民情雖狡險喜鬧。動輒糾眾焚搶。然地方文武帶兵趕至。亦即解散。尚不難設法化導。至水師營渡載班兵之哨船。間有無照客民附搭來往。即難保不違禁私帶貨物。必當為之厲禁。以杜絕之。又營務之弊。在於不勤訓練。不守汛地。上年擒捕匪徒。竟有官兵遇賊開礮不能出聲。為賊所乘之事。可笑可恨。又劉廷斌在任多年。尚未知城守營右軍守備應駐下加冬地方。其各營兵房倒塌。兵丁賃居民房。以致有離汛貿易。倩代當差。種種不法情事等語。所奏公正明晰之至。現已明降諭旨。將劉廷斌嚴加議處矣。閩省各營。據稱惟漳泉兵最

為勇健。亦多桀驁不馴。如果駕馭得宜。訓練有方。原可悉成勁旅。上年提督馬濟勝所帶二千餘名。悉是漳泉人。屢戰成功。且自去冬至今半年。未有一卒滋事。於此益見馬濟勝之忠勇嚴明。可嘉之至。可見將帥得人。不患兵不用命。著該將軍等將化導臺民。杜絕盜源。稽防私渡。操練兵丁。各事宜。及內地點驗班兵。嚴禁雇替。查懲搭載。遴造軍械章程。詳悉妥議具奏。並將臨陣無勇之護遊擊周進

龍不駐汎地之守備陳福龍與守禦疏懈各官。就案訊明。分別奏請革職治罪。以示懲創。不可姑息。仍責成張琴督飭各將領。會同地方官修建兵房。勒令各弁分守汎地。按期操演。考其勤惰。以冀營伍漸有起色。將此由四百里諭令知之。○又諭臺灣道員缺。本日已明降諭旨。將劉鴻翔調補。該員在江蘇服官有年。該督前任江蘇巡撫時。其才具能否克勝此任。諒已稔知。此時臺灣逆匪蕩平。一切

善後撫綏。亟須得人經理。現已另降旨諭知盧坤等飭令該員迅速赴臺任事。該員抵任後。著該督再行詳加察看。是否勝任。據實具奏。不可因特旨調補之員。稍存遷就。將此諭令知之。尋奏察看劉鴻翔廉正實心。可以深信。似可勝臺灣道之任。報聞。○又諭臺灣道員缺緊要。本日已明降諭旨。將劉鴻翔調補。現在臺灣逆匪蕩平。一切善後章程。亟資經理。該員計已抵粵。著該督等即飭令迅速前

赴新任。毋稍遲延。儻該員由江蘇交卸赴粵。尚在途次。該督等即飛咨沿途地方官知照。該員無論行抵何處。趕即赴臺任事。以專責成。劉鴻翔前於吏部彙奏保舉人員單內。圈出調取引見。此時臺灣地方緊要。著暫緩來京。將此諭令知之。○以廣東南韶連鎮總兵官曾勝為提督。山東臨清城守營副將蔭齡阿為南韶連鎮總兵官。○以拏獲福建臺灣逆首。並防勒出力。賞參將靈德同知王蘭佩

知縣李廷璧花翎候選知縣李晉等藍翎餘升敘有差。○乙丑諭內閣陶澍等奏驗收武進縣境內三河挑工並籌備歲挑經費一摺江蘇常州府屬武進縣孟瀆得勝澡港三河據該督等奏稱通工挑竣驗收如式惟該河身尚須間年擇段疏挑俾資通暢此項工費民力不能屢捐自應豫為籌備所有原估銀二十萬六千七百餘兩除現在通工用過工費等項銀兩外計節省銀一萬一百二十二

兩零著照所請准其仍照原估銀數攤徵歸款即以此項節省之銀歸於武進陽湖二縣發典生息將息銀解存司庫作為該河歲修經費俾運道農田永資利賴其孟瀆河超瓢港新口及護城河各處完廢民田著查明字號畝數將額完課銀咨部豁免以省虛糧之累該部知道。○諭軍機大臣等寄諭四川總督鄂山四川夷匪於上年冬間滋擾清溪等處地方經前任提督桂涵帶兵前往迅將清

溪一路廓清楊芳調任接辦後節次馳奏殲擒幾邊逆首十二地熟夷均出伏地迎降惟著名捻惡野夷尚在曲曲烏石圈子處所藏匿擬即進兵勦捕本月十七日與本日該提督奏報進兵情形大略相同並將在事出力人員奏請鼓勵已明降諭旨均如所請行矣兵行貴在神速該夷匪等如果冥頑梗化自應迅速進師將著名兇惡各犯立就殲擒其投誠夷眾亦應妥速分別安撫辦理乃事閱

半載有餘尚未了結若再曠日持久糜餉勞師朕不獨將楊芳治罪即該督亦不能辭重咎該督接奉此旨即飭該提督迅速籌辦不得以路徑崎嶇雨水阻滯藉詞延宕將此諭令知之。○又諭楊芳馳奏勦辦野夷情形並保舉出力人員一摺除明降諭旨加恩鼓勵外據稱十二地著名捻惡野夷現有逃至曲曲烏石圈子等處藏匿該提督進營木城岡派兵開挖道路督兵翻越山梁乘雨至立利

灣駐紮。查明野夷中尚有立利灣。奶奶包等處。或三二百戶。百數十戶。十數戶不等。向無土司鈴束。言語不通。山水兇惡。隨令義勇卓秉乾等帶同夷目。逐處曉諭。查出搶掠焚殺之熟夷八十餘名。並避難土民五十九名。另行辦理。其嚕溪板濛坡。它拖布益頭二三道溝腦等處。為進兵要隘。節節梗阻。該夷匪密傳木刻。糾約遠近夷眾。抵拒大軍。隨派參將樊豐年等奮力奪過山梁。將夷屋焚燬。現在

嚴催糧餉。以俟進兵等語。從來兵貴神速。該夷匪如果恃險負隅。始終抗拒。自宜奮力洗勦。如或震懾兵威。陸續自出投首。亦應分別妥為安撫。此案夷匪滋事。已逾半載。該提督進剿以來。亦為日不少。務須迅速辦理完竣。不可再有遲延。若再藉詞延宕。曠日持久。老師糜餉。或勦撫未合機宜。以致稍有貽誤。朕必將該提督從重治罪。決不寬貸。懍之慎之。將此諭令知之。○以前任湖南布政使恩特

亨額署盛京工部侍郎。兼管奉天府府尹事。○以攻克四川牛磨落山峒。賞守備梁有才。劉中林。閔正鳳。倉旺諾爾布。阿浪格。要木太。倉旺恩。甲。千總馬龍。幹廷耀。花翎。外委楊國順等。藍翎。參將甲木楚。士占。江參。阿木穰。阿爾烏。巴圖魯。名號。餘加銜升補有差。○以押解臺灣逆犯來京。賞義首職員吳廷。簾等。藍翎。並予加銜。○以濬江蘇孟瀆得勝。溧港三河。並建設開座出力。予知府汪河等加銜升

補有差。○福建臺灣逆犯張丙。詹通。陳辦。陳連。伏法。○丙寅。諭內閣。御史周開麒奏。請查禁部中書吏與外省官吏交通。潛滋弊竇。一摺。內外各衙門設立書吏。以供查覈例案。繕寫文卷。近年來書吏觀法營私之案。層見疊出。疊經飭諭該管官實力稽查。並將役滿書吏勒令回籍。不准在京逗留。勾通舞弊。立法不為不密。茲據該御史奏。部中書吏與外省各衙門書吏交結往來。遇事串詐需索。賁緣

為奸並有不肖員弁與部中書吏素相認識者即代一省官弁包攬賄贖一切引見赴選及解運銀物各員並皆藉其囑托傳遞消息百弊叢生似此錮習相沿必應嚴行禁絕著再明切申諭各部院堂官督飭司員隨事隨時嚴加防範其各省大吏遇有此等情弊立即徹底查究從嚴懲辦務使奸萌永絕有犯必懲庶作奸犯科之徒咸知儆畏至督撫藩臬鹽漕河關各衙門書吏與地方文武員弁交通聯絡賄囑公行並著一體認真查辦杜絕弊端毋得稍事姑容仍蹈前轍以懲奸猾而肅官方○丁卯

上詣綺春園問

皇太后安○諭軍機大臣等興科等奏辦理博窩生番滋事一案現據委員孫如藻稟稱查得毗連博窩諸處隘口皆係深山密箐道險雪深該生番並無一人出巢大道塘汛地方極為安靜文報無滯行旅如常惟各邊界商

屬番民間有遷徙均已妥為安撫照常耕牧並據博窩頭人扎布汪魯專人來營稟稱該部落素知畏法不敢滋事前因爭奪頭人起釁以致無知生番殺傷番目滋擾商屬番民頭人等實不知情今蒙檄諭實在害怕願將滋事兇夷押解來營聽候懲辦等語該頭人等畏罪之心已可概見現在塘汛行旅既無阻滯該番等蠻觸相爭原可置之不問著隆文徐錕嚴飭委員孫如藻等示以恩威誠信務令該頭人將兇夷獻出訊究明確分別懲辦使生番畏法邊界肅清並不得稍有稽延致滋擾累其每年出巢市易一事著飭令就近確查情形酌量妥議章程奏明辦理將此諭令知之尋奏扎布汪魯均已指獻兇夷並賠繳搶去牛馬邊界肅清嗣後該夷定於每年五月初一日出巢十月底回牧由商工指定博窩路南地方不准越界並派兵巡查以杜爭端從之○修山東登州萊州武定沂州

四府沿海墩房。從巡撫鍾祥請也。○戊辰大行皇后二滿月致祭。

上至觀德殿奠酒。○幸圓明園。○諭內閣。上年臺灣逆匪張丙等分股滋事。原任臺灣府知府呂志恆原署嘉義縣知縣邵用之俱被戕害。該二員平日官聲甚屬平常。姑念其以死勤事。是以加恩照例賜卹。臺灣道平慶統轄全臺。乃於呂志恆果於自用。邵用之不協輿情。未能先事豫防。早為查辦以致釀成巨案。

動煩兵力。已難辭失察之咎。至原任臺灣鎮總兵劉廷斌在任多年。不勤訓練。營務廢弛。罔知振作。該道係加按察使銜。例有奏事之責。乃並不據實舉劾。貽誤地方。實屬有乖職守。平慶著交部嚴加議處。○又諭瑚松額等奏續獲餘匪。審辦完竣。並將應行緣坐人等婦數擬結一摺。覽奏均悉。此次續獲張丙旗首蘇定等四犯。何泉等五犯。已據該將軍分別凌遲斬決。示矣。此次漏網要犯。尚有張

成黃七二名。該督等務飭所屬文武嚴密躡捕。隨獲隨辦。其張阿凜本係被搶事主。既經控縣。復因陳辦聞拏逃。焚其房屋。並誤牽陳實牛隻作抵。致陳辦藉口攻莊。張阿凜復糾眾回攻。未便因被賊滋擾。稍從末減。應與隨同陳辦攻雙溪口之吳萊發極邊足四千里充軍。生員吳贊即吳化育雇募義勇協守嘉義。並捐助賞番銀二千圓。本可錄敘微勞。惟以生員代人包送米石。被搶後並不查明

搶犯。輒將張丙牽控。激成事端。實為此案肇釁之人。著革去生員。從寬免其置議。餘俱著照所議完結。○諭軍機大臣等。前據大學士等訊問該逆張丙等。惟詹通供出有父詹經。餘俱供無親屬。今據該將軍等訊出張垂係逆首張丙之子。張狗係張丙胞弟。可見該逆等情詞閃爍。不足憑信。著程祖洛就近查明辦理。並據張丙供出賊匪大股首二十七股。小股首十四股。共四十一股。所有各股首應

行照例緣坐各犯該督等務須實力訪拏毋任一名漏網臺灣營伍廢弛已極許荆山臨難先逃賊匪得肆其荼毒其罪尤擢髮難數僅任令逃在內地擒獲較難必須就臺灣嚴拏務獲如已就擒亦不值遠道解送即著程祖洛傳集各營將領弁兵及斗六門陣亡官兵家屬將該犯先行重責四十板即行斬決仍傳首斗六門懸竿示眾以昭炯戒將此由四百里諭令知之○又諭據魏元烺奏查明閩省並無朱毛俚蹤跡亦無偽封官職及湖查接遞信函緣由一摺前因江西寧都州知州王泉之在安徽稟稱朱毛俚在安徽勾結山東河南匪徒滋事並接准新建縣轉進賢東鄉等縣信稱教頭朱毛俚在逃應通飭嚴拏等情當經鄧廷楨奏請根查嚴緝茲據魏元烺奏稱密派幹員周咨查訪並無朱毛俚影響亦無偽封官職之事其三次信函沿途傳遞並非印文亦不存卷無由細查等語

朱毛俚係嘉慶十九年間江西逆案内通緝要犯日久未獲王泉之所稱接遞三信本難憑信且該州從前相驗無名男屍檢獲假票腰牌蓋有偽印似篆非篆不能辨認是該州所稱非朱毛俚潛謀煽惑即有別項匪徒謀為不軌本係臆度之詞上年所稟竟指假票腰牌為朱逆之物前後已相矛盾且據江西查明與朱毛俚案內偽封官職龍文憑票均不相同如果逆夥潛匿州境是該員失於查察已非一日及至檢獲牌票迄今九年之久尚不能訪查的實獲犯破案乃忽稱安徽潁州府為朱毛俚遁逃之藪又稱閩省汀州建陽為朱毛俚潛匿熟徑究竟遁跡何方又不能切實指明一味浮詞通稟其意何居著陶澍即將王泉之調赴省城將所稟各情逐加研詰務得確據毋任稍有支飾據實具奏將此諭令知之○又諭據瑚松額等奏臺灣鎮總兵張琴先委充翼長經理一切悉合機宜

迨接任鎮篆。整頓營務。摺獲餘匪甚多等語。臺灣現當逆匪蕩平之後。武備尤須加意整飭。該處營務大弊。在於不勤訓練。不守汛地。歷任總兵沿習因循。罔知振作。上年逆匪張丙等分股滋擾。該鎮之兵竟不足恃。必待馬濟勝帶兵渡臺。始行平定。是以前將劉廷斌交部嚴加議處。以為營務廢弛者戒。張琴甫經接任。無所用其瞻徇。著即嚴飭各營將弁勤練兵丁。申明紀律。行清莊之法。嚴巡海之

實錄卷百十九

五

禁。務使一兵得一兵之用。如有不遵約束者。即行從嚴懲辦。毋稍姑息。現在瑚松額程祖洛暫駐臺灣。該總兵辦理營務。尚屬認真。將來程祖洛回省之後。該總兵尤當實心訓練。毋稍疏懈。儻始勤終怠。仍蹈因循積習。經朕別有訪聞。則劉廷斌覆轍具在。斷不能曲為寬貸也。懍之慎之。將此附四百里報便諭令知之。○廣西提督蘇兆熊。福建汀州鎮總兵官明玉。因病解任。以湖南鎮算鎮總兵官陳

階平為廣西提督。湖南寶慶協副將王錫朋為汀州鎮總兵官。調巴爾楚克換防總兵官唐倬。為鎮算鎮總兵官。○以福建助勦臺灣逆匪出力。賞義首增生陳廷祿等藍翎。餘加銜升選有差。○緩徵直隸獻縣被雹村莊新舊額賦。貸博野蠡獻三縣災民籽種。○撫卹琉球國遭風難夷如例。

實錄卷百十九

五

大清宣宗效天符運立中體正至文聖武智勇仁慈儉勤孝敏成皇帝實錄卷之二百三十九

拏問從重治罪。決不寬貸。母謂訓誡之不早也。將此通諭知之。○調山東登州鎮總兵官成玉。為雲南臨元鎮總兵官。○賞故兵部侍郎上書房行走陳萬全孫貢生汝楨舉人一體會試。○庚午。諭內閣御史趙敦敦詩奏請禁奔競以維氣節一摺。國家設官分職。長以率屬。相見皆有儀注。從前乾隆嘉慶年間。節經明降

諭旨。遇有公事。祇應侍立回堂。母許屈膝請安。

實錄卷三

三

以肅體制。乃近來又復相習成風。堂官不肯明正其非。司官不知自厲其節。於吏治大有關繫。本年京察屆期。各部院堂官。尤宜洗心滌慮。破除積習。遴選心地醇正。才能出眾。平素能知自重者。列之上考。不得以奔競之員充數。庶足維氣節而肅官常。至摺內稱各部司員。遇堂官生辰喜慶等事。遞送如意。即有公正堂官。礙於覲面。不便駁斥等語。該御史既列彈章。定有所指。著即將遞如意者何人。

收受如意者何人。公正堂官不便駁斥者何人。據實陳奏。毋稍隱飾。○又諭。本日據兵部嚴議前任福建臺灣鎮總兵劉廷斌。請照溺職例革職。劉廷斌以專閫大員。歷任多年。並未知城守營右軍守備。應駐下加冬地方。其各營兵房倒塌。兵丁賃居民房。竟有離汛貿易。倩代當差。值宿情弊。沿習因循。罔知振作。及至逆匪張丙等分股滋擾。該鎮有兵二萬餘人。不能登時撲滅。迨馬濟勝帶兵二千渡

臺。立即蕩平。是該鎮兵數雖多。竟不足恃。上年廣東猖匪滋事。已革提督劉榮慶。平素不能整頓營伍。致兵丁臨時不能得力。朕即將劉榮慶革職。發往伊犁。充當苦差。此案劉廷斌。平日不勤訓練。營伍廢弛。本應比照劉榮慶從重治罪。姑念其守城數月。尚有微勞。著照部議革職。免其遣戍。○又諭。本日據受慶

奏。此次太廟孟秋時享。東班陪祀。祇伊一人。鴻臚寺序

班王姓既不導引。輒以受慶站立錯誤。口出不遜。並稱該寺堂官俱未到班。著禮部都察院堂官查明東班陪祀各員。何以祇受慶一人。據實具奏。其鴻臚寺堂官除董淳現有期服不到外。其餘堂官因何不到。著明白回奏。並著該寺堂官傳到序班王姓。面加詢問。一併覆奏。○以助勦臺灣逆匪。加在籍提督王得祿太子少保。○辛未。諭內閣。昨據御史趙敦詩奏。各部司員。過堂官生辰。遞送如意。當降旨令該御史據實指出。茲據奏稱。道光十一年三月。在戶部山東司。見有賣玉器安姓。持如意數柄求售。當向查問。據稱尚書禧恩生日。有司官要買如意。備送壽禮。迨五月初間。見安姓復持如意進署。聞係侍郎李宗昉之父生日。戶部司官多在伊宅遞送如意。禧恩等是否收受。無從得知。其安姓住址。在正陽門外珠寶市。事聞二年。移居與否。現未查悉等語。著禧恩李宗昉明白回奏。○又諭本

年八月初十日。著停止行禮筵宴。王公百官俱著穿蟒袍補服一日。○壬申。諭內閣。本月初一日。太廟孟秋時享。鴻臚寺堂官除有事不到。及例不陪祀之員外。吉勒章阿。葉紹本。均應敬謹將事。茲據奏。是日該二員將職名投遞後趨入。業已上祭。未能陪祀。實屬遲誤。吉勒章阿。葉紹本。著先行交部嚴加議處。○癸酉。諭內閣。昇寅等奏。此次太廟孟秋時享。東班監禮之御史並未將陪祀不到人員。參奏。請先行交部察議。御史費開綬。帥方蔚。既見東班陪祀之員。祇有受慶一人。理宜據實參奏。乃該御史並未詳查。陳奏殊有不合。著先行交部議處。○又諭。吳邦慶奏。工需緊要。請酌減銀數。循例添撥。以資修防一摺。東河伏秋大汛。向准添撥防險銀兩。茲據該河督奏。稱豫省埽工林立。例撥銀兩支發早完。伏汛甫過。秋汛方長。不得不豫籌

儲備。請在河南藩庫添撥銀二十五萬兩。以資接濟。著准其照數動撥。該河督務當督率工員覈實估辦。事事親查。以期用無枉費。仍俟霜降後。將用過銀數覈明據實奏報。如有餘存。奏明歸還原款。此項添撥防險工需。雖經減至二十五萬兩。國家經費有常。總宜酌量情形。可減即減。嗣後尤當實力撙節。不得動援成案。歲以為常。任聽工員浮冒。務期工歸實用。帑不虛糜。以重度支。而昭覈實。○又

諭上年臺灣逆匪張丙等滋事。該道平慶統轄全臺。未能先事豫防。早為查辦。以致釀成巨案。已難辭失察之咎。且該道係加按察使銜。例有奏事之責。乃於劉廷斌廢弛營務。並不據實舉劾。貽誤地方。實屬有乖職守。茲據吏部遵旨嚴議。請將該道平慶照例革職。實屬咎所應得。惟念平慶前在臺灣道任內。據程祖洛察看操守清廉。官聲尚好。且逆匪滋事。該員守禦郡城。亦有微勞。平慶著加恩以

六部主事用。○諭軍機大臣等。盧坤奏粵東省交代倉庫情形一摺。據稱粵東省各州縣雖不甚充裕。較之虧累省分尚覺差勝。倉庫銀穀自從前勒限彌補清完後。並無續虧。每年額解錢糧隨時提解。並無未解部款。其攤捐一項。按照向定章程。以缺分之優劣。定銀數之多寡。並有絲毫不捐者。雖未明立調劑之法。已隱寓調劑之道。可以毋庸議減。倉穀亦隨時結報。依限買補。均係實貯在倉。尚無

私行碾動。虛懸無著之事。前給事中握克精額所奏各情弊。原難保其必無。若竟通行清查。恐不肖州縣虛報虧空。轉滋流弊等語。自係實在情形。著該督等嚴飭藩司。將各州縣錢糧隨時依限提解。如有違延。撤任查辦。仍以交代為盤查。照例著落該管道府及監盤官督同接手之員秉公稽覈。如有虧短。捐款則扣留留在省勒追。正款則據實叅辦。儻有將虧短銀穀流攤折交等情。一經發覺。除交接

各員叅辦外。並將知情之道府及監盤官嚴叅究治。務須實力稽查。不可視為具文。以期力杜虧缺。剔除積弊。並嚴飭道府州縣。毋得陽奉陰違。有名無實。各自顧惜考成。知所儆懼。不致扶同徇隱。庶倉庫均歸實貯。將此諭令知之。○撫卹貴州古州興義都江下江四廳縣被水災民。○甲戌。

上詣綺春園問

皇太后安。○諭軍機大臣等。據吳傑奏。四川夷

匪滋事。經前任提臣桂涵進剿。連獲勝仗。生擒首犯楊文斌等。清溪一路肅清。迨新任提臣楊芳到營。首逆馬林業已就擒。越嵩夷寨旋即焚毀。僅餘戕連一處。地勢較窄。叛夷不過數支。又無土司從逆。易於得手。該處一交夏令。大雨時行。難於登陟。兼之河水盛漲。濟渡尤難。楊芳馳抵戕連。即宜防其竄入山巢。立時撲滅。乃迄今三月。尚未竣功。必係餘匪逃入山巢。水潦已降。不能深入。恐楊芳貽誤

事機。又不敢以實在情形陳奏。遷延濡滯。糜餉老師。於邊務所關匪細等語。著鄂山嚴密詳查。楊芳現在進兵何處。所剿何夷。前後奏報有無捏飾。將實在情形。確切具奏。並妥速籌畫。務令剋期告竣。又據稱勦撫兼施之法。必勦以懲反側。而後可撫以安善良。川省將弁積習。畏難苟安。專事招撫。若未勦而撫。良莠不分。兵至則相率投誠。兵退則復萌故智。上年十二月征調各兵。於本年二月初五日

始行到齊。夷匪習知情形。故一時蜂起焚掠。使我兵猝不及防。今既厚集兵力。必須大振軍威。且夷匪中濟惡逆犯。恐不止馬林等數人。亟應確切訪查。芟除務盡。俾各夷震懾。兵撤之後。不致再滋事端。又稱善後之最要者。一曰除漢奸。遊手無業之民。潛居夷地。野夷槍人勒贖。聚眾焚掠。避槍礮。拒官兵。皆漢奸教之。現在漢奸楊文斌等業已懲辦。恐此外尚有其人。必應逐一拏辦。凡住居夷地之漢

民即屬善良。亦遞回原籍。責成土司土舍各諭所部。毋許容留一漢民。熟夷如有不遵。惟土司等是問。並飭營汛弁兵嚴加邏守。絕漢民潛入之路。一曰清地界。漢民耕種夷地有年。熟夷見地土漸腴。思欲奪回耕種。是此次肇釁之由。地界一日不清。熟夷覬覦之心。一日不息。必應逐一清釐。漢民所種夷地。強占者勒令退給。佃種者飭予贖還。如墾荒已久。搭棚造屋。已成村落。未便遷移。應即斷為漢界。毋許漢民再行進占。總須劃清界址。漢民不得進耕夷地。夷人不得覬覦漢田。則爭端永息。又稱越嵩廳民夷雜處。設撫民通判一員彈壓。但官非撫夷。熟夷皆受隸於土司。該通判並無專責。營汛員弁又均非所轄。每遇重大夷案。督拏巨匪。呼應不靈。應改為撫夷通判。自千把總外委以下。均受節制。庶事權歸一。可專責成。以上各條。著鄂山一併詳查。是否可行。妥議覆奏。又另片奏楊芳所保文

員。冤寧縣知縣魏煜。南充縣主簿蔡成。輅官聲素好。在軍營出力。眾見共聞。至原任彭水縣巡檢朱維垣。係應回原籍候選之人。並非川省官員。該員逗留在川遊幕。不知何時潛往軍營。夤緣求進。免選巡檢本班。以府經歷縣丞儘先選用。未免過優。恐楊芳受人慫恿。首列聲望素孚之魏煜等。即將朱維垣廁入其內。並此外所保文武員弁。未必盡歸確實。著鄂山確切查明。如有冒濫。著嚴行甄汰。另行覈實具奏。將此諭令知之。○以故雲南定遠縣土主簿李純子本善襲職。○乙亥。諭內閣。前據御史趙敦詩奏。請禁奔競以維氣節。據稱各部院司員。謁見堂官。多有屈膝請安。其遇堂官生辰喜慶等事。遞送如意。即有公正堂官。礙於覲面。不斥其非。當即明降諭旨。申明舊定儀注。司員謁見堂官。祇應侍立回堂。毋許屈膝請安。並令該御史將遞送如意者何人。收受者何人。公正堂官何人。據實陳

奏。即據奏稱。道光十一年三月。在戶部山東司。見有賣玉器安姓。持如意數柄求售。詢係尚書禧恩生日。司官要買如意。備送壽禮。迨至五月初間。復見安姓持如意進署。聞係侍郎李宗昉之父生日。戶部司官多在伊宅遞送如意等語。一面令禧恩李宗昉明白回奏。一面飭步軍統領衙門查傳安姓。並令軍機大臣詢問該御史。據伊親筆登覆。買遞如意何人。實不能記憶清楚。如前任戶部郎中今升山西大同府知府珠瀾。戶部候補郎中黃立誠。外間傳說遞送如意。旋據禧恩李宗昉先後覆奏。均無收受司員如意之事。復令軍機大臣傳到該御史。復詳加詢問。婉言開導。並將賣玉器之安姓令其識認。據安姓供稱。道光十一年。曾在戶部賣售如意。該御史向伊詢問。信口答應。尚書禧恩生日將近。想來必有司官購買如意。該御史稱亦相同。詢以何人曾買安姓如意。是否向禧恩呈遞。該御

史則稱並未目擊。復據安姓供稱。賣買姓名物件。俱登賬簿。徧加查覈。既無珠瀾黃立誠買過如意。並無伊二人姓氏列入簿內。該御史乃稱珠瀾黃立誠遞送如意。及李宗昉之父生日。司官在伊宅遞送如意。均係風聞。俱與安姓無涉。復詢以戶部司員甚多。何以獨指珠瀾黃立誠。據稱伊與珠瀾曾同在福建司行走。見向賣玉器人評論如意價值。又見賣玉器人往廣東司售賣。詢係黃立誠需買。至買過與否。無由得知。亦不知此外再有何人買過如意。詢以賣玉器人既非安姓。係何姓名。則又不能指出。是該御史以毫無指證之事。捕風捉影。妄登奏牘。及再三詢問。一味含混其詞。牽拉支離。終無指實。朕用人行政。惟知一秉大公。事事務歸確實。禧恩李宗昉身列一二品大員。於君父之前。諒不敢一字含混。自蹈欺飾。如果該御史確有指證。不難再傳人證。嚴行究詰。乃僅以安姓信口問答。

之詞。遽登白簡。豈能憑此臆說。加罪臣工耶。
趙敦詩著交部嚴加議處。○丙子。

上御勤政殿聽政。○諭內閣。前據御史趙敦詩奏。參司員呈遞堂官如意之事。經軍機大臣查詢。該御史毫無實據。禧恩李宗昉回奏。俱無人呈遞如意。珠瀾黃立誠亦無買如意實據。已降旨將該御史交部嚴加議處矣。朕思禧恩李宗昉俱列一二品大員。於君父之前。諒不敢一字欺飾。自取罪戾。是以深信不疑。

而在廷諸臣。交際往來。亦不能保其必無實。不可不防其漸。朕勤求上理。惟日孜孜。常思躬行節儉。為天下先。十數年來。兢業常如一日。屏纖華而弗御。卻綺麗而勿珍。一切服食起居。崇儉乎。尚奢乎。上有好者。下必甚。宜其知所嚮往矣。嗣後各部院大臣。總宜各知自愛。正己率屬。滌慮洗心。平日以公事為重。勿尚酬應虛文。懷四知於影衾。嚴一介於瓜李。方為不負委任。其各部院寺司官。亦當勤慎。

趙公勿事奔競。夤緣。以維氣節。庶幾大法小廉。各揚其職。吏治蒸蒸日上。朕實有厚望焉。將此通諭知之。○又諭。前據御史趙敦詩奏。稱在戶部山東司時。見有賣玉器。安姓。持如意數柄。來司求售等語。朕思部院各衙門。為辦公處所。理宜整齊嚴肅。豈容閒雜人等。溷跡署內。近來稽查疏懈。竟有攜帶貨物。來署售賣之事。各該衙門辦理公務。遇有緊要事件。即書吏皂役人等。尚須嚴密關防。慮有疏

漏。若此等閒人。任其出入署內。或有假充賣物。探聽消息。甚至遺失稿件。此等弊竇。均所不免。不可不嚴行查禁。嗣後著責成六部司務廳。及各該衙門廳員等。督飭門役。隨時認真查察。毋許再有買賣人等。闖入署內。並著每月月終。將並無閒雜人等入署之處。出具切結。解一存稿。呈堂書畫。以備稽覈。經此次訓誡之後。儻仍玩視。致有前項弊端。一經發覺。定將該廳員等從重懲處。不稍寬貸。○又

諭寶興等奏。請將墾荒租息。分撥給賞。以資津貼一摺。烏拉涼水泉開墾荒地。據該將軍等查明。共七萬三千九百餘晌。著准其自二道河以東。撥出二萬晌。以七成賞給烏拉總管衙門。三成賞給協領衙門。招佃收租。以為該兩營津貼官差獎賞兵丁之費。其餘五萬三千餘晌。著作為官荒。將來吉林如需撥用。再行奏明辦理。該將軍等即責成該營。隨時嚴查。儻有私行侵占。惟該總管協領等是問。

○調戶部右侍郎何凌漢為吏部右侍郎。仍兼署戶部右侍郎。管錢法堂事務。禮部左侍郎桂齡為戶部左侍郎。轉禮部右侍郎。陳用光為左侍郎。以內閣學士陳嵩慶為禮部右侍郎。○以大理寺少卿卓秉恬為太常寺卿。○以因病告替貴州獨山州豐寧下司土官楊盛名子治平。甘肅西寧府洞巴族百長卓特巴色布騰子扎希敦住布。故洞巴族百長噶爾楚克子却什羣納木加立。噶爾麻納木

扎爾子恭布旺加爾蘇魯克族百戶索諾木春比爾子彭錯克拉布堪各襲職。○丁丑。諭內閣。御史金應麟奏。請查禁銅船遲延積弊一摺。各省運員。領運銅斤。必須依限趨行。方可無誤鼓鑄。近年運京銅斤。不能源源接濟。疊經降旨飭催。並令沿途各督撫。查明奏。若如該御史所稱。運員雇船裝運。有全不給價。或減半給價者。輒向船戶言明。任其在途逗留。訛詐商船。以償運費。並令家丁幫同恐

嚇。從中分肥。凡銅船停泊處所。橫篙繫纜。阻礙商船。甚至將銅板擲置。指為搶去。或捏稱撞損船板。勒令賠償。商人畏之如虎。致有銅天王名號。更有不法水手。四出偷盜。商民等目覩真贗。不敢理論。迨州縣偶經查詢。運員即以銅斤被竊為詞。反向訛詐。船戶水手人等。恃有運員包庇。明目張膽。橫行不法。似此種種弊端。不獨擾害商民。且任意遲延。屢催罔應。必致鼓鑄逾限。所關匪細。向來銅船經

過地方。責成藩臬大員實力查催。本不應任其遲滯。致滋弊竇。嗣後各督撫遇有銅船經過該省地方。嚴飭藩臬兩司認真稽查。如有前項情弊。立即從嚴懲辦。毋稍徇縱。經此次諄諭之後。該藩臬兩司儻不能破除積習。任意姑容。一經發覺。除將該運員等嚴行究辦外。並將該藩臬一併懲處不貸。將此通諭知之。○又諭御史周開麒奏。五城近日保舉過多。請防濫冒一摺。五城捕務關繫緊要。曾經

降旨令將各坊官拏獲鄰境逃犯奏請議敘者。必須確查本任有無承緝要案。隨案聲明。若無承緝未獲之案。方准送部引見。近日五城屢以司坊官拏獲鄰境要犯奏請鼓勵。且有一員而疊邀薦剡者。各該員本任緝捕。自必勤能。方有餘力留心鄰境。若如該御史所奏查覈五城緝捕之案。報獲寥寥。間有緝獲不過贓物細微。藉以塞責。其贓數較多。情節較重者。迄無偵獲。是各坊官本任緝捕疏縱

甚多。豈有才優於事。越境留心之理。即使果能越境留心。而職任廢弛。即不得稱為能事。似此本任之案。不能弋獲。而拏獲鄰境要犯數名。即可僥倖保舉。濫邀甄敘。若司坊各官相率效尤。舍己芸人。於本任職司轉多曠廢。殊非整飭捕務之道。嗣後五城御史務當恪遵前旨。凡有拏獲鄰境要犯之員。必確覈本任緝捕。並無未獲之案。方准酌請鼓勵。仍於摺內隨案聲明。儻將本任緝捕漏不敘入。即

係違例保奏。著該部概行議駁。並將該御史議處。以昭覈實而杜冒濫。○又諭本月初一日。太廟孟秋時享。應行陪祀各員。除查明到班之奕澤藩錫恩。受慶續齡。圖善葉志。訖宗室順平外。其內廷行走。並例不陪祀。及文武衙門是日值日進班出班。亦無庸議。其餘應行陪祀不到人員。著吏部兵部都察院衙門查取職名。照例議處。○又諭此次

太廟孟秋時享。應行陪祀人員。到者甚少。據禮部奏稱。派員查收職名。在門外接收七十二條。多係遣人投遞。殊屬不成事體。嗣後應如何查覈之處。著宗人府吏部。禮部。兵部。都察院。鴻臚寺。會同妥議章程具奏。尋奏。宗室世職章京。由宗人府於章京筆帖式內各派一員。文職。吏部派滿漢司官各一員。武職。兵部派滿漢司官各一員。禮部派滿漢司官各一員。都察院派滿漢御史各一員。率筆帖式二人。各攜查齋名冊。查收職名。凡應行陪祀之員。一體親身投遞。如遣人投遞者。概不接收。鴻臚寺堂官。不必拘定向例東班陪祀。應分班在兩邊稽查。鳴贊序班等。如有不到。即行叅辦。次日。禮部將所收職名數目造冊分送吏兵二部覈對。王公世職章京。仍由宗人府繕單具奏。如查有陪祀不到者。即行叅奏。若接收職名之員。瞻徇情面。不據實呈明者。亦一併叅劾。至陪祀各員。如於祭日有病服等

事。一面呈明查收職名各官。一面呈報本衙門。以備稽覈。若查明捏詞藉飾者。即照陪祀不到例叅處。從之。○諭軍機大臣等。有人奏安徽六安州有曾任雲南尋甸州知州陳心一。捐納出身。行止卑汙。自告病回里後。與本州門丁胥役。私行往來。遇事生風。藉端訛詐。前任知州孫靈府與之訂交。該員以餽送孫靈府為名。私斂富戶銀兩。自五六百兩至數十兩不等。遂致孫靈府不協輿情。經該省上司以才力不及劾叅。陳心一與土棍熊姓聲勢相等。不相和協。熊姓有姦通民婦之案。陳心一使人誣告熊姓搶奪婦女。已據案犯供明。而地方官以該員曾任州牧。礙於情面。並未根究等語。案關劣紳把持鄉曲。出入衙門。如果屬實。大干法紀。著陶澍鄧廷楨。明查暗訪。如陳心一實有私斂銀兩餽送孫靈府之事。務令水落石出。從重懲辦。以儆官邪。毋存化大為小之見。其熊姓犯姦一案。並著親提

人證卷宗。秉公嚴訊。務得確情。毋稍徇縱。將此各諭令知之。尋奏查陳心一自告病後。在州署附近開設錢店。該州門丁胥役。時常在彼處交易。又每逢年節。進州署拜謁。以圖體面。並無斂錢情事。素與監生熊耕易不相能。熊耕易因姦搶民婦張氏。被本夫控告。疑為陳心一主使。是以迭控不休。現已訊明。照例辦理。陳心一以告病知州。開設錢店。實屬行止卑汙。應請革職。下部議從之。○戊寅。

孝懿仁皇后忌辰遣官祭

景陵。○諭內閣。奕額等奏。請將偷打鹿茸拒捕各犯。解部嚴審一摺。此案賊犯張碌等。約會七十餘人。議定越邊偷打鹿茸。經佐領胡孫布。烏斯泰。暨見追緝。膽敢糾眾抗拒官兵。毆傷職官。實屬膽大惡極。該防守尉等督兵拏獲。所辦甚好。張碌子悅良。范成子大。四犯著即解交盛京刑部。嚴審明確。照例加等定擬具奏。該將軍等。即嚴飭該地方官等。馳赴各

處。務將案內行兇要犯。及夥犯。按名嚴緝。務獲。歸案審辦。毋任一名漏網。又另片奏。廣寧防守尉伊克精額。佐領胡孫布。兩月之間。拏獲偷砍木植人犯十七案。私打鳥槍人犯六案。現又拏獲偷打鹿茸人犯張碌等四名。尚屬奮勉。伊克精額。胡孫布。著加恩交部議敘。以示鼓勵。○諭軍機大臣等。長清奏。馳抵喀什噶爾。察看地方情形。並辦理遊民滋擾一摺。覽奏俱悉。前此無業遊民滋擾。經長清委

員查辦。所有為害匪徒。全行拏辦。並將前次失察之官弁。分別責懲示儆。現在地方安靜。貿易如常。深慰廑注。長清現無應辦事件。即可回葉爾羌本任。惟喀什噶爾。地處極邊。為外夷出入門戶。一切興販商賈雲集。最為衝繁緊要之區。奸民奸回。易於溷跡。今雖查辦清楚。仍須不時密探卡外情形。務期確實。以防不虞。而大要尤在操防。並飭西朗阿。周悅勝。不時教練。總須營伍整齊。技藝精熟。以期

慎固邊疆。有備無患。長清係葉爾羌參贊大臣。有總理八城之責。非特喀什噶爾葉爾羌應行操防。即英吉沙爾和闐。巴爾楚克烏什阿克蘇庫車喀喇沙爾等處。均須責令辦事大臣。及領隊大臣等。勤加操演。刁斗相聞。首尾相應。以壯聲威。庶幾士盡干城。人思敵愾。斷不可稍形疏懈。如有訓練不精。即著長清據實嚴參。儻意存徇隱。此數城中。但有一城廢弛。經朕訪聞。不特將該城辦事大臣。及領

隊等嚴行治罪。並將長清一併嚴懲。決不寬貸。懍之慎之。將此諭令知之。○乙卯。旌表守正捐軀安徽宿州民吳作義妻楊氏。○禮部議准。山東巡撫鍾祥疏報。採訪濟寧州貞節婦女孫趙氏等二百九十四口。請建總坊旌表。從之。○修直隸保定府西關外吳家灣泊岸。從總督琦善請也。○庚辰。諭內閣。恩銘等奏。江蘇省江淮興武等幫米色不純。親往查看情形一摺。本年江蘇二進漕糧。未經起卸

之興武四等三幫。及業已起卸之江淮頭等七幫米色多欠潔淨。該倉場侍郎查明。為數太多。不能遽請先行搭放。會同抽查御史監督等。查出夾雜灰暗之米。共一千七百八十六石。雖未發蒸微變。均係灰土未淨。中途遇雨。未及苫蓋所致。已將承辦經紀責懲。並飭各倉監督。將新收之米。五日挑晾一次。現飭坐糧廳認真查驗米色。並據查明。本年江蘇省蘇州松江兩屬米色較次。詢係上年雨水

過多。受兌時不無潮嫩。以致形色灰黯。本年兌運新漕在邇。著漕運總督有漕各省督撫。嚴飭各糧道。務須認真督率查驗。米色有不乾潔者。先行斥駁。不得恃有節晾交納。復濫行兌收。如有此等情弊。即將該管糧道叅處。以重倉儲。○又諭。戶工寶泉寶源二局。鼓鑄錢文。據該侍郎等援照成案。請採買商銅。以裕鼓鑄。著照所請。准其在於部庫借支銀六萬八千兩。戶局暫行採買銅三十萬斤。工局

暫行採買銅十五萬斤。俾資配鑄。此項銀兩。由各該局牌仰五城招商。驗明銅斤成色。分別公平兌收。陸續由部庫支領發給。仍令滇省將前運員沈溺銅七十餘萬斤。刻出四十五萬斤。無庸再行買補。其現在所用價銀。在於運員等名下。查照定例。將應行著追歸款者。即行著追報撥。應行覈數豁免者。即行作正開銷。造冊報部查覈。○辛巳。

上詣綺春園問

皇太后安。○諭內閣。瑚松額等馳奏臺灣逆匪蕩平一摺。覽奏欣慰之至。此案臺匪滋事。始於十二年閏九月。當嚴冬寒烈之時。海上文報遲滯。所調官兵。或候風久泊。或遭風漂散。不能及時登岸。自瑚松額。程祖洛先後渡臺。人心鎮定。督同馬濟勝等。接捕餘匪。和衷共濟。將帥用命。復出示曉諭。散其脅從黨羽。又擒獲大股首並賊目多名。分別辦理。全臺安堵。於本年五月。全功告竣。各莊仍復舊業。官

兵陸續凱撤歸伍。迅速蒞功。實堪嘉尚。瑚松額著施恩。賞加太子少保銜。程祖洛著施恩。賞戴花翎。仍各交部從優議敘。以示獎勵。○諭軍機大臣等。本日據瑚松額等馳奏臺灣逆匪蕩平。餘犯盡數懲辦。覽奏欣慰之至。已明降諭旨。施恩將瑚松額加太子少保銜。交部從優議敘矣。此時全臺居民。各歸各莊。安堵如常。官兵亦陸續配渡。凱撤回營。該將軍現無應辦之事。即由鹿仔港內渡。所有欽差

關防。著交魏元烺派委妥員。赴京恭繳。該將軍前已簡調成都將軍。現在四川。勦辦夷匪。曲曲烏石圈子處所。尚未竣事。楊芳駐師立利灣。鄂山亦赴清溪越嶺等處。會籌善後事宜。省垣現無大員。該將軍接奉此旨。著即馳驛迅速前赴四川省城。接印任事。將此由四百里諭令知之。○又諭本日據瑚松額等馳奏臺灣逆匪蕩平。覽奏欣慰之至。已明降諭旨。將程祖洛賞戴花翎。並交部從優議敘矣。

現在臺郡業已安堵。各莊仍復舊業。官兵陸續凱撤回營。惟尚有未獲要犯張成黃七二名。著該督嚴飭所屬文武。迅速躡捕。務獲懲辦。毋任漏網。並著該督自行體察。如無應辦事件。即一面具奏。一面渡臺回省。將此諭令知之。○以前任成都將軍那彥寶署正黃旗蒙古都統。○以勦辦臺灣逆匪出力。賞知府周彥黃綬誥。同知許原清。驍騎校輔元。協領特依順。千總顧德銘。花翎。知縣張錫純等。藍翎。餘升補議敘有差。准投營效力。已革總兵官孫得發。留閩以遊擊補用。○以臺匪滋事。戰守無方。革休致都司周進龍職。遣戍新疆。並革守備陳福龍等職。○以捐修四川中江縣文廟。予監生胡志大等議敘有差。○補行道光十二年軍政。廣東廣西卓異官十四員。不謹官一員。罷輟官四員。年老官六員。有疾官五員。才力不及官四員。浮躁官一員。分別議

敘處分如例。○賞借順承郡王春山俸銀五萬兩。修理祖塋。○壬午。予故都統銜休致副都統色爾棍。祭葬。賞銀二百兩治喪。諡勇壯。○癸未。中元節。
上詣
安佑宮行禮。○遣官祭
永陵。
福陵。
昭陵。
昭西陵。
孝陵。
孝東陵。
景陵。
泰陵。
泰東陵。
裕陵。
昌陵。○遣官祭
孝穆皇后殯宮。○遣官詣

大行皇后梓宮前祭奠○遣官祭

端慧皇太子園寢○諭內閣前降旨於本月十六日大考翰詹茲據翰林院奏編修嚴良訓呈請病假投結後即啓程回籍雖在未經降旨考試之前究屬不合嚴良訓著交部議處又據奏少詹事史評侍講學士福保右贊善福祿現俱患病委驗屬實應俟病痊之日奏請補考該員等現既不能隨同考試一切差使俱無庸伊等充當遇有應行升轉缺出

實錄卷五十四

聖

著吏部即將該員等扣除如六箇月後各員內尚有病未痊愈不能補考著吏部即行開缺以杜規避○又諭刑部奏請酌改逆案緣坐犯屬條例一摺所奏未能允協此等叛逆荼毒一方並有官員親屬全家被害者實屬罪大惡極其子孫不概予駢誅貸其一死已屬寬之又寬若如刑部所議到配後禁其婚娶不過徒托空言有名無實必致孽種潛生殊非所以示懲創再向來緣坐成丁之犯發

往新疆給官兵為奴而年未及歲者加以開

割辦理亦屬兩歧其應如何畫一立定章程之處著該部再行妥議具奏尋奏嗣後逆案律應問擬凌遲之犯其子孫訊明實係不知謀逆情事者無論已未成丁均請照乾隆五十四年之例解交內務府開割發往新疆等處給官兵為奴其年在十歲以下者令該省牢固監禁俟年屆十一歲時解交內務府照例辦理再行發往此次臺灣逆匪張丙等家屬即請照辦並纂入則例從之

實錄卷五十四

聖

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十、

寶錄卷二百四十

11/14/2017

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十一

監修總纂官趙超居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級記錄十八次臣賈禎總裁官經筵講官吏部尚書錄監族漢東都察管理新營府城內官序大臣積勞力

七倉大臣梅察會同四譯館事務加一級隨帶加六級軍功加三級紀錄五次臣花沙納照舊謀官天開閣提舉閣事吏部尚書總管

內務府大臣鑲白旗滿洲都統稽察司七倉大臣管理宗人府銀庫左翼幼官學
寧壽宮圓明園萬善成德堂御茶膳房御藥房太

醫院造解處事務關帶加十八級臣阿璽阿副總兵官經定議兵部尚書定帶加六級紀錄二十次臣周祖蔭等奉

教修

道光十三年癸巳七月甲申大考翰林院詹

事府各官於圓明園正大光明殿○庫車辦

事大臣常格奏查庫車沙雅爾所屬有新墾

地五萬餘畝。請分給無業貧回耕種。俟三年

後徵糧貯倉備用從之○庫車辦事大臣常

格因病解任。賞前任甘肅按察使慶林三等

侍衛為庫車辦事大臣○以督辦庫車沙雅

爾開墾地畝出力予章京文瑞等議敘升補

有差○貸河南汝寧府修築城垣霸岸銀○

乙酉諭軍機大臣等本日步軍統領衙門奏

山西太原駐防馬甲銖隆阿等控案已明降諭旨交鄂順安督同臬司龔綬秉公嚴訊矣。此案銖隆阿等以廳營通同舞弊。飢法侵蝕兵糧。應放兵米。勒出使費制錢二百二十串。本年五月。無力出費。攬合據報。如不具領。即行責革。經巡撫批飭並不究辦。勒令和息。並牽控滿洲營應領公費印房筆帖式文淵等。剋扣及防禦佈勒哈達例請咨保送綠營官員。驍騎校塔爾哈隱瞞年歲。擅改戶冊。其費

揚阿佈具控城守尉挑缺不公。委署驍騎校一缺。將達文補放。防禦佈勒哈等扣留教習技藝公費。領催達文竊使公項控經城守尉稟明巡撫。理事通判不為公斷等情。案關廳營通同舞弊。侵蝕兵米。挑缺不公。如果屬實。大干法紀。著鄂順安督同臬司龔綬親提全案人證。嚴切根究。務得確情。據實懲辦。此係特交案件。該撫即與欽差無異。總須破除情面。不許存化大為小之見。儻顛項了事。一經

翻控。則惟該撫及該臬司是問。懍之慎之。原呈二紙。並著發給閱看。將此諭知鄂順安並傳諭龔綬知之。○丙戌。諭軍機大臣等。鄂山奏越舊清溪戕邊等廳縣夷匪滋事。調集漢土屯官兵八千六百餘員。每月約需鹽菜馬乾夫價等項銀二萬八千兩。需用浩繁。前請酌撥義倉餘穀變價銀五萬兩。司庫備貯銀十萬兩。已將次撥用完竣等語。已明降諭旨准其在備貯項下再酌撥銀十五萬兩。

以備支發矣。所有此次續撥銀十五萬兩。務須撙節支用。事竣之後。覈實造冊報銷。如有存贖銀兩。撥還原款。毋許冒濫。其漢土屯官兵八千六百餘員。除陸續撤退病乏官兵六百餘員名外。現在戕邊全境廓清。著鄂山楊芳體察該處勦辦情形。所有漢土屯官兵可撤則撤。期於數用而止。再兵貴神速。此次夷匪滋事。已逾半年。必當迅速完竣。不許曠日持久。以致老師糜餉。若再遷延。不獨將楊

芳從重治罪即鄂山亦必懲處不貸試問該二人能當此重咎乎懍之慎之將此各諭令知之○戊子

上詣綺春園問

皇太后安○諭內閣程祖洛奏福建金門廈門一帶沿海奸民有私造小船多裝划槳一名白底舳一名草烏船藏有礮位軍械沿海伺劫販運違禁貨物其疾如飛官兵逼攏岸旁即棄船入水而逃人船難以並獲並有闖入

粵浙洋面之事該督訪知同安縣屬之潘塗等鄉素為賊巢即亟致提臣陳化成並密行興泉永道周凱督飭水陸文武官將剋期搗穴四面兜拏該匪等望見官兵早已逃逸挖起船隻鐵礮大藥銖子烏槍藤牌等件獲犯陳園等三名又在官浔鄉起獲匪船擡礮等件尚有柏頭等鄉亦為匪藪等語該匪等膽敢私藏礮位軍火窩頓海濱駕船伺劫實屬罪不容誅現在巢穴雖已搗毀起獲匪船共

有數十隻而匪犯止獲三名恐柏頭鄉等處尚有匪類餘船另為窩頓互相勾結情事著該督即行知照該巡撫提督飛飭該鎮道並通行沿海各營縣分咨粵浙兩省一體實力堵拏凡屬沿海島嶼責令水師營將按處探尋迅速追捕務將人船並獲不使一犯漏網一船藏匿陳化成統轄水師尤屬責無旁貸儻捕治不力獲犯仍屬寥寥竄往浙粵等省別經拏獲惟該督等是問懍之慎之其匪犯

陳園等著即飭臬司提省嚴究根追夥黨窩家姓名人數船隻有無窩藏另處及礮位軍火來歷務得確情嚴行審辦員弁中如實有奮勇出力准酌量保舉不許冒濫儻有玩忽疏縱即查明指名嚴叅毋稍徇隱○又諭程祖洛奏叅庇縱庸懦之劣弁請旨分別革職治罪以肅營伍一摺所辦甚是福建臺灣北路中營千總護理淡水營都司陳起鳳於匪徒李受等焚搶閩莊目擊兇橫既不立時擒

治。又不諭以利害。使之解散。並不將通番要隘嚴密堵禦。輒因向李受等講和不成。遂株守營盤。致令勾引生番。攻莊焚搶。慘殺多命。該弁庇惡縱兇。罪無可逭。陳起鳳著即革職。發近邊充軍。到配折責安置。臺灣鎮標中營把總署理南路營石井汛把總陳高山。於逆匪滋事時。調駐埤頭。既不能小心護守。縣治屢次派出巡哨。又毫無斬獲。且先有被控盤剝利債。準折貨物之案。伊子南路營外委陳

光隆於該弁赴郡考驗。子代父防。擅受私押。被人控發。此等不肖劣弁。均難稍事姑容。陳高山陳光隆著一併革職。仍各重責四十棍。驅逐回籍。以昭炯戒。該部知道。諭軍機大臣等。寶興等奏訪拏傳習一炷香如意教人犯。審訊大概供情一摺。據稱訪獲流民闕希令習教傳徒。旋即密拏到案。起出符鎮書一部。鈔單呪語數十紙。多係荒誕不經。並有真空無生字樣。供係熊庭雲傳授。熊庭雲傳自

南宮縣人陳恭。熊庭雲又傳寧遠州民徐凡。並平頂山住的王三。又有撫寧縣人崔惠民。臨榆縣人李俊傑。旗人董成。有吉林城西關住的徐梁柱。王桂。劉信等。均拜闕希令為師。每按三月初三。七月十五。九月初九。十月十五等日。聚會燒香念呪。當將徐凡。崔惠民。李俊傑。拏獲。並民婦張丁氏。首告董成。有到案。復拏獲陳恭。供認傳習一炷香如意教。念八仙呪。給人治病屬實。有灤州人裴雲卜。裴俊

義。拜伊為師。裴俊義又傳教於熊庭雲。高登。王士春。趙全。高朋。程趙全又傳教於李洪燦。自裴雲卜病故。裴俊義犯案被獲後。陳恭復傳教於劉現邦。該犯陳恭係還俗道士。立教傳徒。到案初供。熊庭雲。李洪燦等均拜伊為師。後又供拜伊徒弟為師。李洪燦一犯供係遼陽州臥子屯人。陳恭在伊家存住多年。據該州覆稱。並無其人。現在陳恭係在臥子屯李國發家拏獲。姓氏屯名相符。是否更名隱

飾應行詳查等語。此等奸民倡立邪教拜師傳徒，必應隨時懲辦，勿留餘孽，方不致養癰貽患。該犯所供僅止燒香治病傳教數人，顯係避重就輕。其中恐有不實不盡，必須徹底根究。毋稍顛預。李洪燦既經各犯供出，自己確有其人，是否即係李國發更名隱飾，必須詳查。毋任漏網。所有供出之直隸灤州趙格莊人熊庭雲、馬家莊人高發、任家莊人王士春、河灣人趙全、離先莊人高朋、程廣平縣彰

鹿莊人劉現、邦奉、天遼陽州旗人李洪燦、著盛京將軍奉天府尹直隸總督派員嚴密查拏，不得令其聞風逃遁。亦不准任聽差役藉端騷擾。累及無辜。總期按名拏獲，歸案審辦，以除邪慝而安善良。將此各諭令知之。○予福建從征病故把總蔡長珍、邱瑞鳳、曾湧潮、外委李朝棟、蔡葬卹廕。○己丑諭內閣：此次考試翰詹各員經閱卷大臣校閱進呈，朕復詳加披覽，親定等第一等五員、二等四十八

員、三等五十八員、四等五員，不列等三員。其考列一等之編修田嵩年著升授侍講學士，編修羅文俊著升授庶子，編修季芝昌著升授侍讀，編修王植賈楨俱著升授侍講。吳文鎔、周祖培、轉補侍讀所遺侍講二缺，即以王植賈楨補授。二等之編修戴熙著升授贊善，編修杜受田著升授中允。現未有缺，著先換頂帶。遇缺即補。侍讀許乃普著升授侍講學士，侍講全慶著升授侍讀學士，侍讀學士胡

達源著升授少詹事，侍講吳文鎔檢討溫葆淳、二員均著照例記名遇缺提奏。編修勞崇光、朱蘭、羅繞典、李星沅、王玙以上七名著各賞小卷，綴四匹。編修張集馨、賈克慎、單懋謙、周銘恩、李儒郊、李嘉端以上六名著各賞小卷，綴二匹。編修朱其鎮、侍講周祖培、編修蔡賡、廳徐經、王廣蔭、許乃安、右贊善邢福山、編修孫日萱、龔維琳、龍琪瑞、常侍講學士宗室惟勤、侍講侯桐、編修王篤以上十四名著各

賞小卷綴一匹其考列三等之侍講學士毛樹棠著降補侍讀侍讀張日章著降補贊善沈馬宗室德誠著降補贊善侍講學士許應藻著降補侍講侍讀學士明訓著降補沈馬左庶子松峻著降補侍講左中允廣林著降補贊善左贊善保善著降為編修左庶子龍元任著降補中允侍講學士李煌著降補庶子侍讀鄂恆著降補贊善侍讀學士宗室保瑞著降補主事李煌鄂恆宗室保瑞編修徐

繼奮陸應穀檢討趙長齡編修桑春榮俱著各罰俸半年考列四等之編修李國樞修撰李振鈞俱著各罰俸二年侍讀胡開益著降為編修右庶子奎著降補主事仍各罰俸一年編修汪振基著罰俸三年其不列等之編修魏敬中著降為七品小京官少詹事悟勒喜淳侍講鐵林俱著休致餘俱照舊供職該員等其各勤學砥行以副朕崇實黜華培養人材至意○又諭本年大考翰詹少詹事

史評侍講學士福保右贊善福祿均經告病不能一體考試著即開缺嗣後凡遇大考之期如於降旨後始行告病者即行開缺俟病痊補考後再行補缺○又諭多爾濟喇布坦等奏現由西藏迎接哲布尊丹巴呼圖克圖其跟隨教經之喇嘛羅布桑扎木延等可否照前賞給名號鼓勵請旨一摺哲布尊丹巴呼圖克圖之教經師傅喇嘛羅布桑扎木延引導該呼圖克圖指教經藝甚屬勤奮伊叔

喇嘛伊什格勒克照料呼圖克圖亦屬盡心羅布桑扎木延著加恩賞給諾們汗名號伊什格勒克著加恩賞給綽爾濟名號以示鼓勵○又諭楊芳奏疊次攻克險隘石峒曲曲烏等處野夷繳械投首全境廓清一摺覽奏欣悅此次野夷滋事業將清溪越窩義邊等處勦捕完竣經楊芳帶兵進剿曲曲烏石園子野夷由窪拖至大坪林箐茂密道路險削連日攻克布益頭二三道溝腦趕至大坪山

梁進破窩石爬崖偏崖各峒直抵烏斯坡峒。即曲曲烏夷地。該夷尚敢抵死抗拒。我軍奮勇攻擊。搶過險隘。一擁直前。擒勒賊匪多名。滾崖跌斃男婦甚眾。捺獲刀矛器械悉數焚燬。糧石牛羊。分賞將士。各野夷聞風震懾。石園子夷目里維保。先後帶領該夷一百五十餘名。曲曲烏頭人甲興等帶領該夷一千一百四十餘名。並率領附近曲曲烏之新津古等夷。分起繳械投首。該提督諭令各降夷自

行指證。將隨同熟夷焚搶之阿黎羊書等一百三十餘名。提出訊明。並將賊目逃兇一同正法。該夷等環視行刑。咸知畏服。所辦甚屬可嘉。楊芳著賞給白玉翎管一件。白玉搬指一箇。黃瓣大荷包一對。小荷包四箇。並發玉柄小刀六把。象牙柄小刀四把。大荷包十對。小荷包十箇。著分賞出力將士。所有攻克險隘石峒之奮勇弁兵及轉運各員。著鄂山會同楊芳查明。擇其尤為出力者。酌量奏請鼓

勵。毋許稍有冒濫。傷亡弁兵。並著查明具奏。○諭軍機大臣等。據楊芳馳奏。曲曲烏等處野夷全境廓清。即擬移兵越窩。捺捕餘孽。與鄂山會籌善後事宜。覽奏欣悅。所辦甚屬可嘉。已明降諭旨。頒賞矣。昨據鄂山奏。此次調集漢土屯官兵八千餘員。名月給鹽菜等項。需用浩繁。再酌撥銀十五萬兩。以備支發。當降旨允准。並諭知該督等。樽節支用。並將此項屯兵。可撤則撤。期於敷用而止。現在石峒

險隘業已攻克。曲曲烏等處野夷全境均經戡定。該提督移師越窩。不過捺捕餘孽。所帶官兵。自己足敷遣派。剋期竣事。不致多糜帑餉。各該處及外來兇頑。經官軍痛加翦除。羣賊聞風微畏。石園子夷目里維保等二十二。人。曲曲烏夷民。茲鐵等四十六名。先後投誠。該督鄂山。行抵越窩之大樹堡。聲威愈振。於六月十七至二十七日。各夷頭人帶領生夷。分起投誠。繳出刀矛弓弩等械一千八百餘

件並據投誠各夷眾供出素行兇橫及曾附熟夷滋事之兇犯阿黎羊書等一百三十餘名與賊目逃兇一同正法傳首各本寨示眾垂儆並派文武員弁分投逐堡安插楊芳知會花杰率同振旅渡河與鄂山會合一處著該督等將善後一切事宜悉心籌畫妥速辦竣斷不准再事遷延致糜帑餉亦不得僅圖卸責草率蔽功僅兵撤之後或再滋生釁端尚復成何事體必當通盤籌計俾夷眾永消

反側於邊務方有裨益至楊芳摺內所稱此次攻險將士及轉運各員均尚著有勞績著鄂山會同楊芳秉公覈實酌量保奏不許冒濫將此諭知鄂山楊芳並傳諭花杰知之○以戶部左侍郎桂齡兼鑲白旗漢軍副都統前任葉爾羌參贊大臣壁昌署鑲藍旗蒙古副都統○命候補庶子翰林院編修羅文俊提督山西學政○庚寅諭內閣御史黃爵滋奏殺銀洋銀應並禁出洋務絕做鑄之弊並

嚴科罪之條一摺著刑部再行妥議具奏尋奏前經酌定黃金白銀出洋均請照私運米穀出洋例治罪茲該御史奏稱紋銀出洋有禁而洋銀出洋無禁內地做鑄洋銀者多誠恐不能盡絕偷漏自應另定治罪專條惟做鑄洋銀究與私鑄銅錢不同未便遽問擬重辟請嗣後內地奸民有摹造洋板銷化白銀做鑄洋錢圖利者一經當場拏獲如數在一百圓以上者即照白銀出洋一百兩以上例

發近邊充軍一百圓以下杖一百徒三年不及十圓者枷號一箇月杖一百為從者各減一等纂入例冊永遠遵行至該御史請將洋銀並禁出洋於海洋交易事宜有無窒礙應請飭下沿海各督撫酌覈得旨據刑部將做鑄洋銀明定治罪科條具奏著照所議辦理其禁止洋銀出洋是否可行著沿海各督撫體察情形妥議章程具奏○禮部議准湖南巡撫吳榮光疏報採訪淑浦縣貞節婦女夏

丁氏等四百三口。貴州巡撫嵩溥疏報銅仁府楊向氏等十四口。銅仁縣楊萬氏等四口。請各建總坊旌表。從之。○辛卯。以冊諡。

大行皇后。遣官告祭。

太廟後殿。

奉先殿。○以因病告替雲南大理府十二關長官司副長官李龍文子世鴻襲職。○修福建臺灣府艋舺營在洋風損兵船。從巡撫魏元烺請也。○壬辰。

上至觀德殿。

大行皇后梓宮前奠酒。○還宮。○御太和門。命肅親王敬敏為正使。順承郡王春山為副使。齋冊寶詣觀德殿冊諡。

大行皇后冊文曰。德合坤元。萬國仰璇閨之化。治襄泰運。千秋增彤管之輝。緬懿行之堪徵。永懷蘭寢。播徽稱而允著。式煥芝函。禮典攸崇。褒揚莫罄。惟

皇后祥鍾勳閎。慶衍名宗。性秉溫恭。動表珩

璜之度。體含純粹。靜諧琴瑟之聲。十三載位正中宮。佐旰宵而布澤。廿六年政修內治。宜禴翟以垂型。每殷定省。問安歡承。

萱殿。尤謹齊明率訓。親事桑壇。達誠悃以薦馨香。禮克修。夫繁祉。揚頌聲而周嬪御。仁益洽乎椒塗。載稽壹惠之文。宏宣鳳綵。爰綜平生之懃。茂晉鴻名。孝行克諧。篤至情之愛敬。慎修罔懈。影素志之儉勤。聲實胥符。彝章肅具。茲以冊寶諡曰。

孝慎皇后。於戲。信今傳後。四教克協。興情蘊美。含章兩言。可賅眾善。炳丹青於勿替。共溯芳規。垂竹帛於無窮。彌昭令聞。祇承寵渥。默鑒哀榮。○幸圓明園。○越南國使臣陳文忠等三人。於西安門內瞻觀。○癸巳。

仁宗睿皇帝忌辰。遣官祭。

昌陵。○

上詣。

安佑宮行禮。○以冊諡。

孝慎皇后禮成頒詔天下詔曰朕維坤極含章
典冊紀觀型之嫩泰符乘運宮闈資佐治之
猷修內職於椒庭永貽淑譽表徽音於蘭掖
懋舉隆儀

皇后佟佳氏德備璇閨慶鍾瑤牒月華闈曜
祿綸毓瑞於勳門雲簡流輝圖史徵型於世
族當覩天而作配早叶安貞迨應地以承庥
彌昭柔順逮事

皇考仁宗睿皇帝恪恭盡禮誠敬摠忱珩佩雍

容每肅問安之節蘋蘩馨潔時殷追遠之思

上奉

聖母恭慈康豫安成皇太后善體

歡心深蒙

慈愛

萱幃衍慶職益謹於晨昏芝殿延和容倍彰夫
愉婉閱廿六年之久內教克襄溯十三載以
來母儀懋著統宮庭而示儉翟衣存潄葛之
風總嬪御以規勤爾館及條桑之月仁恩逮

下化啓螽麟厚德禔躬祥徵瓜瓞聿協黃裳
之吉備揚彤管之芬綜地道妻道以攸宜為
宮中府中所共式今道光十三年四月二十
九日崩逝睽惟懿範洵符孝德之無愆緬厥
芳猷悉本慎修之罔懈夫議謚特隆其典原
非朕意所能私而考行克稱其名實屬羣情
所允愜爰諮禮職詳考彝章祇告

太廟以本年七月二十四日冊謚為

孝慎皇后於戲播遺徽於萬國丕著嘉稱垂

令聞於千秋亶昭奕禩頒示天下咸使聞知

○諭內閣工部奏查明開採鉛斤逾限未經
足額請飭查辦一摺甘肅省安西州地方開
採鉛斤係備供通省各營配兵操防要需前
於道光二年經該督以該省所貯鉛斤為數
無多題請定限六年開採鉛五十萬斤限滿
未經採足茲據該督咨部以曾經通飭各屬
招商試採未據報有產鉛之地咨商鄰省酌
議採買亦未覆到而各營近年操演均動營

中貯備之款。現在操演無鉛。請將督標等營寄存川楚軍需案內用贖鉛斤並哈密營庫收存乾隆元年交到雍正年間軍需案內贖鉛。分別動撥應用。俟採辦購運到日再為給發還款等語。此項備貯鉛斤原為貯備緩急之項。該省各營操演。如因採辦維艱。即應先期妥議章程。題明辦理。乃遲至五年之久。竟未設法採辦。以致各營操演無鉛。歷年均於貯備鉛內動用。茲復請以備貯軍需案內贖

鉛動撥應用。著兵部覈議具奏。並著楊遇春速議採辦章程。具題報部辦理。即查取採辦此案鉛斤遲延及督催不力文武各職名。送部覈議。所有該省採辦未經足額鉛斤。即著如數籌補。並將歷年動用各營備貯鉛斤一併補足還款。毋得再有遲延缺額。以實軍儲。○廣東巡撫朱桂楨因病解任。調廣西巡撫祁項為廣東巡撫。以福建布政使惠吉為廣西巡撫。四川按察使花杰為福建布政使。調

山東按察使蘇廷玉為四川按察使。以雲南糧儲道牛鑑為山東按察使。○甲午諭內閣。烏爾恭阿等奏。盤查內庫情形。請飭管庫大臣查驗一摺。此次派出王大臣盤查內庫。並三庫據稱內庫西起第四間北前檐坍塌。計寬一丈四尺五寸。進深一丈七尺。實係木植腐朽所致。存貯各桶均屬封固。惟第四第六桶每桶鎖二把。其左邊一把未經鎖上。封皮未動。著富俊、穆彰阿前往查驗。再加封條。並

前項房檐。係於何時坍塌。查明後即行知照。工部趕緊估修。以昭慎重。○又諭盧坤等奏。請將藉端肇釁之州同及袒護縱兵之營弁革職審辦一摺。此案廣西西隆州分防八達州同祥泰因營兵業屠不移。請該管官訓斥。輒以其刁抗祭祀差使。擅拘枷責。實屬任性妄為。著城守營千總事把總劉朝相袒護兵丁。於兵屬聚集向州同衙署滋鬧。不行彈壓約束。若更與陳鴻誥吹螺喝令。則縱兵生事。

罪尤難逭。祥泰劉朝相俱著革職。交祁項提同滋鬧兵丁及全案人證。嚴訊確情。分別按律從重定擬。署遊擊陳殿鼐。守備邱亮。失察兵丁充當屠戶。已有應得之咎。若查明有心徇縱。著即從重叅處。毋稍姑容。尋奏查八達州同祥泰。因開張肉鋪。之兵丁吳克賢。張大林。不肯領辦祭祀豬羊。該州同出示禁業。屠而吳克賢仍舊宰賣。該州同將張大林並吳克賢之子吳配。傑帶回枷杖。吳克賢與隊

目徐應鵬。吹螺糾聚兵丁。前往州同衙門滋鬧。並有署遊擊陳殿鼐之姪陳鴻誥。在場附和。惟時陳殿鼐並護篆守備邱亮同時公出。尚非縱兵滋事。署千總劉朝相。雖未吹螺附和。而縱兵生事。實屬罷輒無能。州同祥泰。擅將兵丁拘案加責。亦屬任性妄為。均已革職。應無庸議。陳鴻誥照例擬徒。業經差傳解府。行至中途。經其叔陳殿鼐遇見截回。以致脫逃。獲日加等辦理。陳殿鼐有心庇縱。復於聞

伍之年。違例告病。請即行革職。隊目徐應鵬。照例發邊遠充軍。吳克賢擬杖徒。張大林革糧管束。下部議從之。○又諭著於八月初三日起。王公百官俱穿石青褂掛朝珠。○乙未上詣綺春園問

皇太后安。○諭內閣載銓等奏。請將擅用關防圖記報部之參佐領。交部嚴議。此次

太廟孟秋時享陪祀。不到人員。前經降旨查取職名議處。茲據載銓等查出輕車都尉兼佐

領毓秀。係屬遲誤之員。該管佐領兼副參領董啓祥。擅用圖片將毓秀並未遲誤之處。徑報兵部。迨經吏部行查文員。該參領魯景韶。又因董啓祥已報兵部。妄用關防附會咨覆。均屬朦蔽。魯景韶董啓祥俱著交兵部嚴加議處。○又諭富俊奏。請禁陋習。以端仕進。一摺。國家鄉會兩試。原係求賢大典。其主考同考官。官特經簡派。於文藝之優劣。即可知其品學之高下。使得士皆砥行立名。方合以人

事君之道在獲中者感主司知遇拜認師生原屬例所不禁衡文者總當以品學相規不得徒以恩情相接若如該大學士所奏科甲所認師生凡遇一切事件無不暗為關照及門生外升道府州縣於師生同年處所必須留贈銀兩名曰別敬以致不計利息重輕甘受奸商盤剝是服官之始已負重累尚安望其能清白自守克為廉吏耶至在京部院司員經堂官保薦京察簡放外任及外任各員經督撫保舉皆當秉公遴選務在得人其拜認師生久經嚴禁僅以保舉為市恩酬報地步是受爵公朝拜恩私室此風斷不可長嗣後內外臣工於考試所取之士及保舉所屬人員務當破除情面力挽頹風如有仍前餽送別敬者一經發覺定予嚴懲決不寬貸至簡放外任各員既已別無糜費則資斧易於措辦且例准在部借支養廉但能節儉自奉即可無需負債著步軍統領順天府五城各

衙門出示嚴禁如有奸商出放官債者除將該員照例議處外並將重利盤剝之人治以應得之罪仍追銀入官庶儉可養廉吏治蒸蒸日上朕實有厚望焉將此通諭中外知之○諭軍機大臣等鄂山奏上年招撫各支猥夷選充大頭人鈐束夷眾頗為安靜恭順惟瓜惹支夷之什別花甲及松光林支夷之什別等三頭目不能約束娃子時在芭蕉背川東溝一帶擄搶遇有傳喚該頭人推病不出又拏獲夷匪必哩等二十三名訊係土舍嶺登富之頭人啊叻於本年三月間糾眾焚搶乾海子燈草坪吊腳米臭水坪兩河口瓦勒等處經官兵堵剿均已分散等語該夷等前乘大樹堡一帶夷匪滋事輒敢糾約眾夷出巢滋擾似當示以兵威永遠安靜於邊務方有裨益著鄂山楊芳悉心會籌相機辦理楊芳現在移師過越嵩廳接捕逸匪道經猓猓溝著即就近察看情形斟酌辦務使該夷

等羣知震懾永消反側之萌並堅歸嚮之志
 方為妥善將此諭令知之○以盛京協領布
 彥圖為西安左翼副都統○予四川勦夷病
 故知州張海瀾祭葬卹廕○禮部議准江蘇
 巡撫林則徐疏報採訪上海縣貞節婦女包
 陳氏等一千四百十四口請建總坊旌表從
 之○丙申兩廣總督盧坤奏南澳鎮總兵官
 沈鎮邦捐造大草烏船配緝洋匪得旨總要
 洋面肅清因時妥辦斷不可日久生懈仍歸
 有名無實勉之又勉○以翰林院侍讀學士
 全慶侍講學士田嵩年侍講侯桐王植右春
 坊石中允倭仁翰林院編修花沙納善肅充
 日講起居注官侍講賈楨署日講起居注官
 ○丁酉
 孝慎皇后三滿月致祭遣官行禮○諭內閣奕
 顯等奏修理
 啓運殿工程完竣諷吉恭請
 神牌還

御以昭敬謹一摺著欽天監於本年九月內敬
 謹選擇吉期具奏○又諭綿清等奏
 裕陵牌樓門暨
 景陵牌樓門南甬路泊岸等處現有亟應修理
 情形著派湯全釗奕紀前往敬謹查勘具奏
 ○又諭林則徐奏查明江蘇各屬積欠驛站
 餘贍銀兩懇請分限提解一摺江蘇省驛站
 餘贍銀兩延未解清前經戶部奏准勒限嚴
 催提解茲據該撫查明此項銀兩欠歷多年
 官非一任均有應抵之款與虧空無著者尚
 屬有間姑著照所請所有江寧藩司所屬欠
 解銀一萬三千九百四十五兩零予限半年
 全數提清蘇州藩司所屬欠解銀一十四萬
 三千三百零予限三年按各年應解之數分
 限提清報部撥用此次分別予限之後該撫
 務當督飭各該藩司認真催提如限全完不
 許絲毫列款作抵藉詞延宕以致有名無實
 僅屆限未清再行瀆請展緩斷不能邀允准

必將該州縣從嚴懲辦。即該撫及各該藩司均亦不能辭咎。勉之懷之。○諭軍機大臣等。本日據綿清等奏。牌樓門泊岸等處。現有應修工程。已明降諭旨。派員前往查勘矣。陵寢重地。凡遇殿門各名。理應遵照會典書寫。畫一。以昭嚴恪。綿清等所奏。牌樓門是否。即係龍鳳門。相沿舊稱。著查明據實覆奏。將此諭令知之。尋奏查各衙門事案。並歷年奏修工程稿件內。

孝陵係書寫龍鳳門

景陵

裕陵係書寫牌樓門。實係相沿舊稱。得旨嗣後俱著書寫龍鳳門。以昭畫一。○又諭吳邦慶奏。東省蜀山湖水勢異漲。居民盜它石隄。並未過水。業已搶護平穩。一摺。據稱七月初六日子時。突有蜀山湖鄉民數十人。由湖駕船十餘隻。駛至湖隄。手持長槍。施放鳥槍。攔截行人。動手它隄。署鉅嘉汛主簿俞皋在彼防

守。立刻鳴鉦。齊集兵夫。前往查拏。奸民等遙見鎗光。即上船放槍。四散逃竄。當查嘉字十七號隄頂。它長五丈五尺。深五尺二寸。並它去大石一丈一尺。裏石四丈五尺。石縫間有滲漏。該廳聞報。趕到。即時填築。不致宣洩。湖瀦。該管運河道敬文。因衛河陡長。先赴臨清。聞信。馳回履勘。已飭該廳汛速將被它石工。照舊賠補。詳詢近處居民。僉稱湖之東北有邵家莊。及汶上縣各村莊。地皆窪下。或係該處民人所為。等語。國家歲費數百萬帑。金修理河湖。通漕利運。保衛民居。上年南河于家灣有奸民聚眾。強它官隄之事。迄今首犯陳端尚未獲辦。此次東省蜀山湖復有奸民糾眾持械。乘夜盜它。該湖為運河東岸最大水櫃。宣濟北行軍船。每年請帑興修甚關緊要。若非立時知覺。趕緊賠修。必致湖瀦陡瀉。貽誤重運。並據另片奏。東省捕河廳屬壽東汛運河東岸滾水石壩外。該廳捐資加築土圍。

堰一道。六月初九日夜間。有壽張縣民人張聞雅。私將土堰它開。登時拏獲。枷責究辦。甫經堵築。於是月二十六日。復有西岸鄉民。率眾持械。蜂擁強它。衝塌過水。並將該廳自辦料束蘆纜。縱火焚燒。圍堰之設。既為慎重。漕行擡汶敵衛起見。豈可任聽鄉民自行擅動。廳員自購之料。即非請帑。亦係官物。豈容恃眾焚燬。奸民暨不畏法。幾至相習成風。總因陳端未能立即梟示。河干所以東省層見疊

實錄卷四百五

十

出。亦有此等情事。可惡之至。著鍾祥嚴飭該管州縣。即將盜它蜀山湖石隄及壽東汛強它土堰焚燒料束各犯。勒限密速訪拏。通飭所屬一體查緝。務將各犯迅速就獲。分別首從。嚴行懲辦。不得以湖隄尚未過水。漕行無誤。稍涉鬆懈。儻日久無獲。致令遠颺。即將該地方官嚴叅懲處。該撫亦不能辭重咎也。懍之慎之。將此諭令知之。○命山西布政使岳良來京。以雲南按察使何煊為山西布政使。

清 實 錄 道光十三年七月下

甘肅蘭州道圖明額為雲南按察使。○以盛京及各城軍政年逾六十官六十二員精力未衰。命留任。○戊戌諭內閣。本年各省重運軍船開兌遲延。於七月二十一日始行全數挽出。黃林莊境前經降旨諭令沿途各督撫實力催趲。迅速抵通。各軍船北上交卸已較歷屆遲延。必應將速補遲俾得早日回空。受兌著倉場侍郎隨到隨驗。收飭令迅速開行。毋任稽延停泊。並著漕運總督暨直隸山東各督撫嚴飭文武員弁。無分晝夜催令挨次過行。毋許中途逗留。藉詞延宕。務與重運經臨無異。不得稍涉鬆懈。行抵江南境內著該督撫與河督體察情形。豫行籌辦。一俟幫船抵壩。即令銜尾渡黃。毋致臨事周章。稍有阻滯。渡黃後仍著沿途暨有漕各督撫上緊催提。及早歸次。勿誤冬兌。冬開期限。儻督催不力。以致守凍需時。查係何處耽延貽誤。即將該督撫嚴懲。決不寬貸。該漕督職司挽運。

實錄卷四百五

五

六一七

督催尤其專責。儻任聽旗丁水手人等沿途帶銷貨物任意玩延。斷不能辭重咎。其各懷遵毋忽。○山東巡撫鍾祥奏。拏獲盜宅湖隄各犯訊辦。得旨務要嚴拏逸犯。從重懲辦。不可以于家灣之案。首犯至今未獲。看汝辦理何如耳。勉之。○以故廣西思恩府下旺司土巡檢韋應弼弟應贊襲職。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十一

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十二

[illegible]

道光十三年癸巳八月己亥朔諭內閣前因

甘肅省採辦鉛斤逾限未經足額以致各營操演無鉛歷年均於貯備鉛內動用並據該督咨部請將備貯軍需案內騰鉛動撥應用經工部查明具奏請飭查辦當降旨交兵部覈議具奏茲據該部奏稱該省歷年操演動用各營鉛斤並未隨時報部雖係暫時動撥亦當趕緊採辦歸還原額乃該督以定限採辦之鉛延至五載未經採足以致動用各營存貯之款並不如數歸額所辦已屬非是茲

復請用軍需贍鉛作為平時操演設有要需
又將何項籌撥辦理均屬不合著該督即將
採辦未經足額之鉛並動用各營存貯之款
勒限半年以內全數籌足詳細造冊報部以
備動用其軍需案內贍鉛著永遠存貯不准
動撥○又諭豫堃奏請扣繳管關養廉抵補
賠項一摺許墅關監督豫堃短收額外盈餘
按日勻攤應賠銀一萬三千餘兩著遵照奏
定章程按限照數完繳所請以養廉扣抵著

不准行○諭軍機大臣等本日據伊里布奏
越南國內開現飭巡防邊界一摺前據伊里
布奏思茅土司舍目挾私互訐當降旨諭令
阮元等督飭鎮道鎮靜防範不許張皇用兵
致開邊釁茲復探有越南國內開之事據稱
越南所管之水尾土州於四月間夷匪蜂起
土州帶練攻逐探係越南黎維祁之族人黎
維煥先受封職被殺黎維良黎維然等與北
勝土司郭必功郭必在等要結土民由清化

地方起事直趨興化富春因之各處土夷煽
惑該國調集陵兵禦捕開化沿邊與越南水
尾及都竜等處接壤臨安府亦與越南相接
現在分飭文武酌撥弁兵目練協同汛卡巡
查要隘督率邊民互為防範廣南府亦通越
南並令一體巡防等語外藩自相擾亂曲直
是非天朝原應不問惟土夷煽動在該國水
尾地方密通邊界恐致乘隙竄入且黎維良
等夥黨亦恐事敗潰散逃入邊疆開化臨安

邊地廣袤均與該國犬牙相錯廣南亦路徑
相通必應嚴密巡防勿令竄越阮元此時諒
已行抵滇省著即會同伊里布嚴飭沿邊地
方文武員弁督率兵練稽查要隘小心防範
嚴防漢奸乘間煽惑如有夷匪及越南兵練
追逐至境立即驅逐攔截不准一名竄入亦
不准妄殺一人儻該地方員弁邀功妄殺以
致另滋事端定當從重治罪如有叩關請兵
情事即應正詞拒絕天朝撫御萬邦一視同

仁斷無相助之理該督等務當嚴切曉諭該管鎮將道府等鎮靜防範固不可稍有疏懈亦不許稍涉張皇如辦理不善致開邊釁惟該督撫是問懷之慎之將此諭令知之○免甘肅平番縣被水衝坍地應徵額賦○庚子遣官祭

文昌帝君廟○諭內閣魏元烺奏請將稟報征兵騷擾之知縣及屢審不承之營員分別革職解任一摺此次臺匪滋事調撥內地官

兵前往勦捕帶兵員弁自應嚴行約束毋許絲毫騷擾茲據奏稱署永定縣知縣徐煌稟報遊擊綽拉歡等乘輜抵縣縱兵搶奪勒索毆傷丁役等事現經屢審不承是否該遊擊等有意狡賴抑該縣所稟各情亦有不實不盡之處必須徹底根究以期水落石出福建汀州右營遊擊綽拉歡署汀州右營守備事候補守備世職雲騎尉藍聯芳汀州中營千總世職恩騎尉林向榮均著革職卸署永定

縣事已補屏南縣知縣徐煌著暫行解任交程祖洛提同全案人證嚴審確情按律定擬具奏尋奏查調赴臺灣汀州鎮兵六百名係右營遊擊綽拉歡總帶緣汛兵廖俊雄上年因案經該署縣徐煌責革後經復充惟時恃係征兵憶及責革之嫌遂糾約兵丁等赴縣索詐並將縣役毆傷搶去錢銀綽拉歡等因雨雪乘坐竹輜向該縣多索人夫又因該縣供應飯食不足令守備林向榮將辦差家人

黃榮帶交下站地方官責處復向索詐銀兩現經審明除首犯廖俊雄業經在監病故守備林向榮業經革職應毋庸議請將已革遊擊綽拉歡發往新疆效力贖罪下部議從之○諭軍機大臣等福建閩安水師營所轄洋面上年五六月間有船戶劉秀利沈興泰被劫兩案當降旨責成海壇鎮總兵萬超督率將弁認真巡緝一載以來緝限已滿而兩案盜犯尚未全獲所轄外洋續又屢次失事本

年二月至五月閩安右營都司所轄又有船戶劉成裕等被劫各案是該總兵萬超不能督率調度已可概見程祖洛內渡後即嚴飭護副將遊擊張朝發率同各弁嚴緝各盜案務獲究辦外並著察看該總兵萬超是否能勝海疆總兵之任據實覆奏如果營伍廢弛即著嚴叅毋稍徇隱將此諭令知之○以捐修陝西延安府城垣河隄予知府邱煌等議敘○予福建出洋遇賊被戕兵丁蕭勇等二

名落水受傷黃友生等三名漂失無著陳國裕等十名賞卹如例○旌表守正捐軀江蘇蕭縣民劉保義妻杜氏○辛丑

孝慎皇后百日大祭

上至觀德殿奠酒○幸圓明園○修黑龍江木城並墨爾根城

開帝廟從將軍富僧德等請也○壬寅上詣綺春園問

皇太后安○准江蘇浙江幫船應交餘米耗米

分限帶交○癸卯諭內閣御史彭玉田奏請飭禁州縣濫差書役一摺州縣相驗命案例應輕騎減從自備夫馬飯食尋常詞訟不得濫派差役致滋需索若如該御史所奏近來州縣遇有相驗濫帶長隨書役與從人等動輒數十人而書役長隨又各帶夫馬一切飯食工資草料取給民間差役復向被告多方嚇詐其路斃人命則串同地保逐戶挨派勒取場規數百千文或百數十千文而進城取

保打點書差費又不一致鄉曲愚民遇有命案輒隱匿不報以圖省費奸猾地棍從中引誘射利或說合賄和或包庇移屍種種情弊皆由此起至尋常詞訟往往差至五六人及七八人復有捕役經承互相勒索稍不遂意凌辱百端致吏役謀差家丁賣票以閭閻有限之脂膏供奸猾無窮之剝削良善之民多有因此輕生者似此弊實叢生民受重累不可不嚴行飭禁著各省督撫藩臬道府於所

屬州縣隨時查察凡有相驗事件除聚眾械鬪人犯眾多之案准酌添差役拘拏外其尋常人命概行嚴飭遵例輕騎減從不准濫帶多人勒派供給場規如眾證已明案無疑實應摘釋者即行摘釋應完結者即行完結免致進城守候致滋訛索儻查有州縣不恤民瘼任意擾害地方該管各上司一經訪聞立即嚴叅懲辦如徇情容隱查出一併叅處毋稍姑容以省擾累而安民命○又諭會典內

載皇后母家例俱應封公爵其不係嫡后及誕聖推恩所封侯承襲時請旨等語若是轉致參差不能畫一且無限制嗣後嫡后之父及誕聖推恩所封者俱著封為三等承恩公其不係嫡后者著封為一等承恩侯皆世襲罔替並著將此旨纂入會典則例永遠遵行○以故四川建昌道屬大鹽井土百戶葉朝棟弟朝青襲職○戶部議准浙江巡撫富呢揚阿疏報仁和場接漲寔田五頃有奇照例

升科從之○甲辰遣官祭黑龍潭

昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○諭內閣張井前因患病懇請開缺當降旨以麟慶補授江南河道總督麟慶旋

丁母憂仍命張井署理現在麟慶已百日孝滿著即前往署理江南河道總督張井著俟麟慶到任後再行回籍調理○諭軍機大臣等據鍾祥奏七月二十二日有夷船一隻飄至山東日照縣洋面該縣知縣音德查看船內共十一人載有煙葉等物言語啾唧內有一人書寫字樣係琉球國首里內泊村人永張等姓六月二十六日從該國放洋七月初二日遭風飄至內洋該縣酌賞錢文食物擬

俟風勢稍息。即令收口寄旋。次日東北風更大。該夷船即乘風南下。該撫已咨行江南浙江福建各省。飭令沿海文武一體巡探。並將未能攔阻。聽候奏辦之知縣。參奏當降旨。將音德交部議處。該夷船乘風南駛。自必由閩洋回國。該督等著。即通飭沿海文武員弁。認真巡探。如該夷船到閩。即令速回本國。並知照該國王。於該夷船回國時。查明是否。係伊國內商船。何時回國。即行咨覆。閩省督撫查照。遇便覆奏。將此諭令知之。○直隸總督琦善奏。各屬秋收分數。得旨。回思去歲景象。覽今年秋收之分數。朕兢惕之餘。惟有叩感天恩。於無既矣。○以故貴州貴定縣大平伐土司宋安遠子恩蔭襲職。○旌表守正捐軀河南延津縣民王文舉妻劉氏。○乙巳遣官祭關帝廟。○旌表守正捐軀河南溫縣民侯鳳鳴姪媳岳氏。○丙午

上奉

皇太后幸慎德堂進膳。○以青海副盟長貝子喇特納什第為左翼盟長。輔國公珠爾默特都布丹車凌為副盟長。○丁未
太宗文皇帝忌辰。遣官祭
昭陵。○祭
先師孔子。遣大學士潘世恩行禮。○以詹事府詹事何彤然為內閣學士兼禮部侍郎銜。○戊申祭
大社
大稷。遣鄭親王烏爾恭阿恭代行禮。○秋分夕月於西郊。遣莊親王奕劻行禮。
萬壽節。遣官祭
太廟後殿。○遣官祭
福陵
昭陵
昭西陵
孝陵
孝東陵

景陵	泰陵	泰東陵	裕陵	昌陵○遣官祭	孝穆皇后殯宮○遣官詣	孝慎皇后梓宮前祭奠○遣官祭	顯佑宮	東嶽廟	城隍廟	上詣	安佑宮行禮○詣綺春園	皇太后前行禮○己酉	太祖高皇帝忌辰遣官祭	福陵○以辦理福建臺灣府撫卹出力予知縣	王益謙等選補議敘有差○庚戌遣官祭昭	忠祠○辛亥	上詣
----	----	-----	----	--------	------------	---------------	-----	-----	-----	----	------------	-----------	------------	--------------------	-------------------	-------	----

安佑宮行禮○加賞五城樓流所備用銀二千	六百兩○壬子	上詣綺春園問	皇太后安○癸丑諭內閣奉	皇太后懿旨全貴妃鈕祜祿氏著晉封為皇貴	妃一切服色車輿俱著查照大清會典則例	服用併著攝六宮事於明年十月舉行冊后	典禮各該衙門豫期查例具奏○又諭奉	皇太后懿旨靜妃著晉封為靜貴妃彤嬪著晉	封為彤妃一切應行事宜各該衙門查例具	奏○諭軍機大臣等雲南鶴麗鎮總兵高明	德上年由浙江處州鎮調補該鎮為邊疆要	地高明德抵任以來辦理營務能否整頓年	力是否衰頹著阮元詳加察看據實具奏不	可稍有遷就將此諭令知之尋奏查高明德	雖已年逾六旬精力尚健於稽查糧餉訓練	弁兵及督率屬員皆能認真營務足資整頓	報聞○調巴爾楚克總兵官唐倬為甘肅河
--------------------	--------	--------	-------------	--------------------	-------------------	-------------------	------------------	--------------------	-------------------	-------------------	-------------------	-------------------	-------------------	-------------------	-------------------	-------------------	-------------------

州鎮總兵官。河州鎮總兵官向尊化為湖南鎮軍鎮總兵官。○甲寅吏部等衙門議奏。

太廟孟秋時享。應行陪祀不到文職六十七員。武職九十九員。處分得旨。著各罰俸一年。不准抵銷。○以翰林院侍講瑞常充日講起居注官。○命候補中允翰林院編修杜受田。提督陝甘學政。○賞借貝勒奕綺俸銀二萬五千兩。修理祖塋。○乙卯諭內閣。鍾祥奏。擊獲盜犯。蜀山湖首從各犯。提省審辦。一摺。此案

山東蜀山湖石工。因水勢異漲。該處鄉民膽敢糾眾盜竄。雖未漏洩湖瀦。玩法已極。當經降旨勒限飭拏。茲據該撫奏派委各員前往躡緝。即將邵方有等七名。拏獲。並續獲首犯邵廣成。及從犯邵廷升等四名。緝拏認真。甚屬可嘉。著該撫即將已獲各犯。親提審訊。嚴行懲辦。在逃從犯。仍著迅速飭拏。按名務獲。此次獲犯出力之委員。泰安府通判董承恩。署陵縣知縣。縣丞袁傳。襄候補知縣。招子庸。

現補泰安府知府王鎮。俱著加恩。交部議敘。以示鼓勵。至該省壽東汛鄉民。擅挖土堰一案。獲犯業已及半。並著該撫。提同看守弁兵人等。將燒燬料束各情。嚴訊明確。分別定擬。毋枉毋縱。○又諭庫倫地方。俄囉斯公館。房間無多。且年久坍塌。德勒克多爾濟。情願將伊父舊建房間一所。作為俄囉斯使臣公館。誠悃殊屬可嘉。著將此五十七間房屋。賞收作為俄囉斯使臣公館。德勒克多爾濟著加

恩賞銀三百兩。○諭軍機大臣等。湖南新化縣阻米勒索一案。前降旨。將在逃之武舉劉岳巖。飭緝獲歸案辦理。茲據鍾祥奏。接准湖南咨文。即飭東昌府知府祝慶穀。於東昌衛守備署內。將劉岳拏獲。訊稱探親來東。並無阻米勒索情事。該革武舉係案內要犯。斷不可信。其狡飾。著該撫。即將劉岳解往湖南質究。沿途毋稍疏虞。將此諭令知之。尋湖南巡撫吳榮光奏。據山東省將劉岳解到。提同案

內前擬軍徒之劉偉烈等質竄據供道光十二年有外來客商及本地民人在新化等處販米毛蔚與劉岳劉偉烈商議在上渡江河內分段攔阻索詐劉岳又令毛蔚刊刻木戳刷印小票給已出錢米販作據放行先後得錢花用眾供確鑿而劉岳狡不承招應援照眾證明白即同獄成之例辦理請將劉岳照律發極邊足四千里安置下部議從之○江西巡撫周之琦奏擎獲臨川縣匪犯趙春俚

等得旨案既破矣若仍不實不盡試問封疆大吏膺朝廷之重寄者可如是乎諒汝亦必不至此勉之尋奏訊明邱三百斤趙春俚等在臨川縣上頓渡疊次訛詐米船鄰稅明等在崇仁縣河內訛詐致米賈黃進保失足溺斃均無私設總關勾結兵役別情應分別首從問擬軍流徒杖各該地方官先經查辦應免置議下部議從之又奏妥議查辦會匪章程批江西吏治武備俱形廢弛已非一日汝

必須振刷精神破除一切積習情面以公以勤勉力整頓方為不負委任若依舊因循苟且日後自有分曉也懷之○調陝甘學政杜受田提督山西學政山西學政羅文俊提督陝甘學政○丙辰以倡捐放賑妥協予陝西知州恆亮等加銜升敘有差○丁巳

上詣

大高殿行禮○還宮○以勸捐辦賑出力予直隸知州李德等議敘有差○戊午諭內閣程

祖洛奏查明嘉義官紳並無變服避難各情暨體察臺灣盜案情形一摺覽奏均悉臺灣辦理盜案向多姑息養奸據該督查明致弊之源不在入室把風之殊罪而在豫謀糾劫與臨時行強之異例其有踰牆入內開門放進羣盜者地方官輒因其無撞門情形遂定為臨時行強迨至獲盜凡在外把風者無不避重就輕供為不知強情雖入室之犯罪無出入而在外各盜則輕重懸殊廢法縱奸此

風斷不可長該督請將臺灣臨時行強之案除實係起意糾竊在外把風之犯距內室甚遠無由知其強情者准照竊盜辦理其在外把風距事主內室甚近聲息相通即與在外接贓之犯悉照盜案例分別入室把風接贓辦理不准仍以不知強情依竊盜本律計贓科罪即強劫各案亦不准率定數人為入室挖贓其餘概科情有可原之罪所議甚是嗣後該鎮道務當督飭承審官悉心研究確供

互證定讞固不可任意從嚴尤不可存救生之見概事姑容養癰貽患僅原審官有意開脫該鎮道即審明更正將原審官照故出例叅處以期執法持平免煩知所儆畏○以續獲臺灣逆犯賞福建副將葉長春花翎義首布政司理問銜沈國興藍翎餘升補有差○予東河搶工淹斃記名外委龔慶瀾兵丁朱起標祭葬卹廕如外委例○予福建渡洋淹斃未入流沈世奇把總林鳳外委陳開榜董

連高及軍營病故把總林文輝祭葬卹廕○已未諭內閣給事中金應麟奏河工賠項銀兩久不交納請旨飭查一摺據稱道光七年南河關孟兩灘切灘工程辦理不善琦善張井各應賠銀十一萬六千五百餘兩又琦善前在河南巡撫任內堵築馬營壩漫口應賠銀九萬二千五百餘兩均未呈交國家經費有常凡應賠應交之項豈容任意延宕著工部即將琦善張井名下應賠前項工程銀兩

現在已完若干未完若干抑係全未呈繳詳晰查明具奏至南河關孟兩灘切灘工程亦係前任江南副總河潘錫恩任內之事該員亦有應賠款項曾否將賠項全完之處著該部一併查明據實具奏○諭軍機大臣等有人陳奏貴州省買鉛運鉛每年六員該省以此為調劑每當鉛員離省出有苦缺令美缺者署理而美缺則改委他人出有美缺令苦缺者署理而苦缺則又委佐雜近來求調劑

者愈多。遂於鉛員之外。將著名美缺。輟轉差委。本任之員。令其署理他缺。而此缺另委調劑之員。如大定府屬之畢節縣。黔西州。安順府屬之清鎮縣。遵義府屬之遵義縣。貴陽府屬之修文縣。鎮遠府屬之天柱縣。以及仁懷直隸。同知等缺。皆轉相差委。不令久留。併將並無鉛差之佐雜各缺。亦在調劑之列。如貞豐州之冊亨州。同定番州之大塘州。判羅斛州。判興義縣之捧鮑巡檢。鎮遠縣之印水縣。

丞等缺。每屆年終。即須更易。等語。國家設官分職。各有攸司。如果人地實在相需。原准各督撫奏調。若如所奏。量缺肥瘠。計年久暫。因人擇缺。一年一換。半年一換。尚復成何事體。不肖州縣。勢必遇有命盜案件。託言要證。不到沈攔。不辦其行兇擾害者。前任出示訪拏。藏匿年餘。即可復出。作奸犯科者。前任不能鑽營。一經卸事。即可謀幹。其不肖州縣。於將屆卸任時。將錢糧稅契各項減價收納。坐得

盈餘。或更有稟求調劑情事。於該省吏治殊有關係。著阮元。嵩溥。據實查明。該省辦理鉛運章程。是否屬實。其輟轉相差委各缺。是否起於近年。抑或循照歷屆舊章。辦理其佐雜差委。何以必須年年更易。若為人材起見。尚無通融情弊。僅為調劑見好地步。國家有如此政體。耶該督等務須破除情面。秉公考覈。實力稽查。據實覆奏。不許稍有含混。將此各諭令知之。尋奏查黔省運鉛。擔險多勞。人皆視

為畏途。故揀擇勤慎之員。當堂掣籤。派委。但視其人之能否勝任。並不問其缺之美惡。即候補人員。亦可掣委。迨省領運。酌派六員。前運未回。後運繼往。每歲出十餘缺。加以升調事故。缺出。均須委署。候補無人。不得不酌委實缺。正印無人。不得不酌委佐雜。黔省佐雜多係苗疆。半有地方之責。遇有缺出。慎選委署。如經理得宜。即令久於其任。否則立即撤回。原不拘定一年半年之限。俱係循照多年

舊章辦理並非起於近年亦並非為通融起見報聞○庚申諭內閣貴慶奏籌議回空軍船速歸水次一摺本年重運抵通時日太遲節經降旨嚴催俾得迅速回空毋誤歸次茲據該漕督奏稱近年新定章程沿途添派漕屬備弁按查私鹽為向來所未有糧船經過查鹽處所各幫停候按緝即遇風色順利之際亦不能不守候稽延自天津至山東子家堡等處漕屬備弁共十八員添設以來報獲

私鹽寥寥有名無實且隨帶跟役難免滋擾似此滯運累丁轉滋流弊自當仍照舊章辦理著該漕督即將近年添設查私各備弁全行撤回各幫丁舵人等既無可藉詞延宕務令迅速進行毋許稍有遲滯至鹽務正當整頓之時緝私最關緊要直隸山東江南等處本皆設有關津查緝違禁貨物沿途地方文武均有緝私之責如果照例查辦私鹽來源自絕著各該督撫督飭所屬認真查緝各關

監督一體實力稽查毋許稍涉鬆懈○辛酉世宗憲皇帝忌辰遣官祭

泰陵○諭內閣向來海疆巡洋定例各省皆以總兵為統巡其次有總巡分巡委巡隨巡名目遇有失事應與該管洋面之專汛兼轄統轄人員一併開叅分別議處勒緝賊盜原冀眾志協同各齊心力以肅洋政近來閩浙二省海洋失事之案往往祇叅專汛兼統一二

人餘悉置之不議迨兵部飭查始行開叅而限期已逾案多懸宕並有積至數案而始開叅者以致案多遺漏巡洋人員遂以議處不及漸生懈弛之心海洋寥廓匪船易於竄逸不分責於協緝而欲以一二專汛兼統之力肅清海面勢必不能嗣後閩浙督撫提鎮暨有洋面地方各督撫提鎮凡遇有海洋失事將專汛兼轄統轄巡總巡分巡委巡隨巡各員弁均照例按限開叅勒令緝賊不得一案祇叅一二人亦不得積至數案始行開叅

儻仍蹈前轍。即將該督等交部照規避徇庇例嚴叅議處不貸。○壬戌。

上詣綺春園問

皇太后安。○幸圓明園。○遣官祭賢良祠。○諭內閣奕顥等奏審擬屢次犯法之發遣宗室一摺。此案宗室祥佑前因糾搶各案實發盛京茲復用假錢票購買陳重文貨物並持腰刀威嚇致將陳重文砍傷實屬怙惡不悛祥佑著實發黑龍江交該處將軍嚴加管束。○

癸亥諭內閣鄧廷楨奏審擬續獲逆匪案內逸犯一摺。此案郭泮前於道光二年拜魏景海為師並赴河南參拜教首邢名章日久在逃未獲茲據該撫飭屬拏獲審明該犯僅止拜師習教並未傳徒因知邢名章蓄意謀逆託詞走回並未隨同滋事郭泮著即發回城給大小伯克及力能管束之回子為奴刺字發配該撫仍嚴飭各屬躡緝逸犯張成思等務獲究辦以絕根株。○甲子諭內閣昇寅等

奏揀發中城正指揮王鈺揀調南城今調北城副指揮金世琛屢經拏獲案犯今復會同拏獲鄰境罪應斬決軍徒各盜犯緝捕尚屬勤能等語王鈺著遇有正指揮缺出儘先補用金世琛著遇有副指揮缺出儘先補用此項人員既經獲犯多名自當予以鼓勵惟近來各城保奏各坊官拏獲鄰境逸犯請加鼓勵者多係揀發之員而實缺人員獲犯者甚屬寥寥是各坊官候補之時留心緝捕專為

冀圖補缺地步一經補授實缺即志滿意得不復巡防於本任捕務反多疏懈尚安望其留心鄰境耶嗣後著都察院堂官等嚴飭各司坊官務須勤加巡緝揀發之員固當認真緝捕其實缺人員尤當實力巡查盡心捕務不得以業經補缺意存鬆懈儻有始勤終怠即著據實嚴叅毋稍徇隱。○以山西蒲州協副將滿德坤為湖北鄖陽鎮總兵官。○旌表守正捐軀山東壽光縣民張來隴妻王氏。○

乙丑諭內閣伊古制治經邦揆文必兼奮武
國家設兵衛民水師與陸路並重際此承平
日久尤宜整頓水務實力講求上年廣東省
廉瓊二府所屬外洋毗連越南處所有內地
遊匪楊就富與越南奸民陳如海勾串劫掠
本年福建又有閩安水師營洋面屢經失事
之案可見水師將弁甚難其人夫水師兵丁
與陸路不同陸路以漢仗弓馬為能水師則
以水戰為事全在能識風雲熟知沙線嫺習

乎搶風折戣神明乎破浪操舟自然行陣整
齊錢駛利便槍礮聯絡施放噴筒火藥皆能
有準猝遇盜船出奇制勝惟所納之無不如
志即有盜匪窮蹙入海逃逸者亦能追擒殲
斃庶幾鯨鯢浪靖海不揚波近來水師廢弛
徒有出洋之名而無出洋之實盜劫之案層
見疊出甚至夷船泊近內洋毫無覺察朕思
從前海洋如朱潰蔡牽總由捕務廢弛釀成
大患似此因循疲玩將來儻又有此等小醜

跳梁不靖尚復成何事體將弁為兵丁領袖
總須練習有素方可指揮士卒操縱得宜其
考覈兵丁固須以技藝之優劣為拔補之等
差尤當以捕務之勤能分等第之高下水師
保送俸滿千總尤宜詳慎以為儲才地步水
師提鎮向歸督撫考覈著通諭沿海督撫等
嗣後務當嚴飭水師提鎮實心訓練實力緝
捕無事則以訓練之精儲緝捕之用有事則
以緝捕之效驗訓練之精遇有盜劫等案破

除情面據實參奏毋許徇隱儻仍有遊匪出
劫及洋面失事等情該督撫膽徇不奏經朕
訪聞則惟該督撫是問決不寬貸毋謂誥誡
之不早也○又諭前據給事中金應麟奏河
工賠項銀兩久不交納請飭查辦當降旨令
工部查明具奏茲據奏稱關孟兩灘工程琦
善張井潘錫恩各應賠銀十一萬六千五百
餘兩例限未逾均未完繳又琦善應賠馬營
壩漫口工程銀九萬二千五百餘兩例限未

逾亦未完繳。又琦善前在河南巡撫任內應賠上南等廳嘉慶二十四年漫工銀一萬三千四百餘兩。又應繳曹考廳補還限工賠四銀五百餘兩。又應賠蘭儀廳漫工銀三千九百餘兩。均已逾限。又應繳嘉慶二十五年儀封上汛漫工銀四萬六千餘兩。本年十一月限滿。以上各款為數不多。何以置若罔聞。均未完繳。該員等身任總督。總河大員。受恩深重。於此等逾限賠項。自應作速完繳。即未逾

限之款。亦應趕辦。以清積欠。而重國帑。乃任意延宕。疲玩。至於此極。天良何在。試問於心安乎。著即趕緊措繳。毋許耽延。致干咎戾。並著該部查明此等賠項逾限不完。應得處分。詳晰具奏。此外應賠各員。並著工部逐一查明。嚴催毋任懸宕。○丙寅。改鑄直隸故城縣管河縣丞兼巡檢條記。從總督琦善請也。○禮部議准。江西巡撫周之琦疏報採訪廬陵縣貞節婦女戴彭氏等二百七十四口。宜黃

縣吳黃氏等一百三十八口。山東巡撫鍾祥疏報滋陽縣王伍氏等三百四十二口。請各建總坊旌表。從之。○丁卯。上詣綺春園問

皇太后安。○

孝慎皇后梓宮前月祭。遣官行禮。○諭內閣。富俊奏秋審招冊斬罪情實人犯情輕法重一摺。據稱河南省秋審冊內李喜行竊拒傷事主身死一案。該犯行竊劉全真鐮刀。並未用

強劉全真瞥見追捕該犯棄賊逃走。經劉全真追及將該犯揪住。用拳疊毆。該犯負痛情急。用頭向撞。適傷劉全真臍肚倒地。移時殞命。在該犯冀圖掙脫。初無致死事主之心。可否改為緩決等語。秋讞大典大學士九卿會審。原期詳慎研求。折衷至當。輕重各得其平。李喜一犯。既因行竊起釁。及事主追捕。復因該犯撞傷殞命。刑部為執法衙門。例有明條。自應照例定擬。該部擬照竊盜棄賊逃走。被

事主追逐拒捕因而殺人者新例擬斬監候秋後處決援引定例實與案情符合如可寬其一線朕臨時自有權衡所有李喜一犯仍著照刑部原議辦理富俊所奏著毋庸議○四川總督鄂山覆奏遵旨詳查楊芳於四月二十八日統領漢屯官兵前赴義邊因夷匪藏匿深山腰峒督令兵勇設法攻破並節次擊獲首逆桑樹格等數名迨移師十二地夷人率眾乞降楊芳詳加開導所有倡亂夷匪十餘名先行設法羈縻令其運糧修路以為招服曲曲烏等支夷之計嗣楊芳戡定曲曲烏後隨將倡亂各夷匪誅至曲曲烏石園子等處夷匪楊芳督兵進攻殲殺甚多該夷眾始行乞降楊芳密查滋事夷匪一百二十餘人招撫後將該夷匪等傳至大坪軍營正法其間阻雨阻水造橋修路不無少延時日實非有意濡滯前後奏報亦無不實情弊現在帶兵由新建橋前赴越嵩之探探溝查辦

滋事各案並按捕大樹堡一帶逸匪遵即飭催該提督速籌竣事至吳傑所奏除漢奸清地界改官制數條誠為善後要務統俟籌辦善後章程再行參酌議奏又楊芳所保各員查原任彭水縣巡檢朱維垣本非四川省官員即寬寧縣知縣魏烜等勞績較之此次派委供辦糧餉清查夷地戶口各員辛勤究有未逮容將文武各員詳加確查再行覈實具奏報聞○禮部議准河南巡撫楊國楨疏報採訪舞陽縣貞節婦女袁氏等四十一口請建總坊旌表從之○免調赴福建臺灣中途撤回貴州兵應繳賞裝銀官弁原領俸賞行裝及兵丁借項分年扣繳○給貴州都江下江古州獨山四廳州被水衝署兵民房屋修費加賑都江古州兩廳災民一月

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十二

寶錄卷二百四十二

三

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十三

藍梓煥載官經是日擢赴屠注官太子太保體仁朗大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣雲梯總督官經廷議宣吏部尚書饒廷樞漢軍都統管理新營房城內官房大臣稽察內

七倉大屋積聚會同四庫館事務加一級隨帶加六級軍功加三級紀錄五次匪花沙納烟庭據官文淵閣提舉關事兵部尚書總管

内務府大臣饒白旗滿洲都統孫家內七倉大臣管理宗人府銀庫左翼幼官學 室壽堂圖明園等處捐投燈棚茶膳房御膳房太

醫院副院長事務隨帶加十八級臣阿靈阿副總兵官藍廷謀官兵部尚書隨帶加六級紀錄二十次臣周祖培等奉

救修

道光十三年癸巳九月戊辰朔禮部議准貴

州巡撫嵩溥疏報採訪銅仁縣貞節婦女萬楊氏等六口。請建總坊旌表從之。○己巳以

奉移

孝慎皇后梓宮於田村行啓奠禮。

上至觀德殿奠酒。○還宮。○申刻復至觀德殿。

奠酒。○諭軍機大臣等張井奏。洪湖漲水見

消堰盱石工平穩。黃河兩岸各工鑲修穩固。

並籌辦各事宜一摺。據稱外南廳禦黃壩內

外塘河。因伏秋汛內灌。放重運漕艘。及銅鉛

船隻。彼時黃水盛漲。挾沙甚重。受淤一丈餘尺。回空恐有淺滯。即於船隻過竣。將臨清臨黃兩壩堵合。開放涵洞。洩乾塘水。覈實估挑。派員趲辦。勒限月內完工。如果黃水再消。湖水尚大。即可啓壩通漕等語。本年回空軍船時日已迫。現在銜尾南下。一經抵壩。必須連檣放渡。方可無誤。進行黃水自秋分後。業已遞消。順黃壩誌椿。現存三丈六尺三寸。瞬息霜降安瀾。勢必日益消落。所有估挑塘河處

所。此時自己趕辦完竣。回空軍船到彼。諒無阻滯。著麟慶體察情形。如果清高於黃。即當啓壩放行。不特軍船得以迅速歸次。河身淤墊日高。藉此清水暢出。挾溜攻沙。正可刷深通暢。該署河督總當通盤籌畫。務使河漕兩利。如能啓壩最為善策。近年倒塘灌運。祇一時權宜之計。究非正辦。斷不可年復一年。因循遷就。致失事機也。又據另摺奏稱運河廳宿汛西岸。未估長隄坡腳。間有民人偷種菜

蔬之處。實屬有干例禁。現將失於防範之該汛把總蔣永。協防劉鶴年。撤任查辦等語。沿河隄堰。最關緊要。即未估坡腳。亦豈容偷種菜蔬。若不嚴行禁止。設立章程。隨時防範。小民趨利若鶩。恐禁止於一時。日後又復偷種。漸次開墾。或至沿及隄身。於隄防殊有關繫。著麟慶詳查明確。妥議章程具奏。又據另片奏葦蕩兩營。十一年所採柴束。比較定額。互有增減等語。葦蕩左右兩營。每年估採柴束。

本有定額。據稱十一年分左營蕩地潤澤。所採增多。右營地高灘老。歷被旱傷。竟至短絀。蘆葦為工程必需之物。麟慶到任後。務須覈實照額收足。不准受人欺蔽。該署河督身膺重寄。蒞任伊始。一切無所用其回護。總當隨事隨時。留心查訪。破除情面。杜絕弊端。務令河湖順軌。永慶安瀾。方為不負委任。勉之慎之。將此諭令知之。○以大理寺少卿張岳崧為詹事府詹事。○旌表守正捐軀甘肅岷州

民婦蘇許氏女代花子。○禮部議准安徽巡撫鄧廷楨疏報。採訪含山縣孝子汪洪慶等六名。貞節婦女蔣羅氏等八百五十口。山東巡撫鍾祥疏報。鄒平縣李田氏等二百七十口。河南巡撫楊國楨疏報。濬縣王周氏等二百五十五口。各請建總坊旌表。從之。○庚午。

孝慎皇后梓宮奉移田村。

上至觀德殿奠酒。目送。○幸圓明園。○遣官祭

都城隍之神。○諭內閣。責慶泰。湖北三幫軍船少米。請在天津道庫借銀買補一摺。本年易州等處

陵米。經倉場衙門派撥湖北三幫前往兌卸。該幫軍船三十九隻。共少米一千二百石零。經接辦千總藍名著查出。自應借款購補。著照所請。准其在天津道剝價款內。動銀三千九百兩。發交幫弁督丁迅速購買足數交卸。除藍名著甫經任事。應免置議外。其玩誤之湖

北糧道李源。湖北總運安陸府同知德芳。俱著先行交部分別嚴加議處。並著該漕督提集旗丁等嚴審有無盜蝕情弊。定擬具奏。所借銀兩。仍著落該道李源。該同知德芳。及已故千總盧朝用家屬。照數分賠歸款。儻延玩不交。即嚴叅懲辦。如回空軍艘。稍有阻滯。即將現任重運空運千總一併嚴辦。尋奏。訊據旗丁供稱。在次受兌。過淮簽盤。均未短少。因沿途起剝。並被水挑晾。以致虧短過多。實無盜蝕情弊。至所借天津道庫銀兩。如照原奏。著落糧道等賠交。轉令短米各丁置身事外。恐將來恃為案據。虧缺更多。應令一律分賠。以昭平允。下部議從之。○辛未。諭內閣。前因戶部捐納房貼寫蔡繩祖等。私辦假照一案。特派大臣究出。首從各犯。立置重典。各該司員等毫無覺察。漫不經心。降旨將革職各員永不敘用。降調各員停其升轉。本屬咎所應得。姑念事隔數年。人數眾多。此中不乏人材。

若概予廢棄。尚覺可惜。因令將降革各員開單呈覽。除已故十二員。及德成額另案革職。唐方煦上年在湖南軍營著有微勞。已開復原官儘先補用。均毋庸議。外奉天府府尹烏爾恭額著加恩開復頂帶。原任翰林院修撰朱昌頤著加恩准其捐復主事。其革職之陸以烜等五員。降四級調用之呈麟一員。降三級調用之李韞英等三員。降二級調用之重謙等三十七員。降一級調用之恆景等十四員。

○國子監降一級調用之榮第等二員。降一級留任之瑞慶一員。俱著加恩准其捐復。補缺後並准其一體升轉。此係朕格外從寬。特加曠典。該員等其各知感懼。激發天良。勉圖後效。無負朕澄敘官方。愛惜人才之至意。○緩徵甘肅西寧縣被電村莊新舊額賦。○壬申。

上至田村

孝慎皇后梓宮前奠酒。○諭內閣。陶澍奏遵旨

審擬被劾遊擊列款稟訴該管總兵一摺。此案江西南贛鎮中營遊擊黃廷榮。因軍政被劾。率行稟訴該管總兵張佑溪演戲乘輿。徒領操賞三款。經該督訊明。雖皆事出有因。惟於被劾降調之後。列款稟訴。此風斷不可長。黃廷榮著即革職。飭令回籍。南贛鎮總兵張佑溪前因黃廷榮辦事遲鈍。列入軍政劾降。並非挾嫌妄揭。其被訴各款。亦俱逐一究訊明確。並無違例營私情弊。張佑溪著即飭令回任。該部知道。○又諭陶澍奏委員拏獲立會設教要犯。現飭該員在江西省訊辦等語。此案江西宜黃縣諱坊地方。有土棍鄒姓兄弟。寧都州橫石地方。有蕭都管與鄒姓聲氣相通。朋比為奸。勾結肆擾。不法已極。茲據陶澍奏委員全行弋獲。自應就近訊辦。周之琦現已陞見來京。著交桂良。程懷璟。親提犯證。緝拏夥黨。嚴訊聚匪橫行確據。按律定擬具奏。毋稍不實不盡。致干咎戾。○以工部左侍

郎松筠署戶部右侍郎兼管錢法堂事務○江南壽春鎮總兵官湯占先因病解任以山東沂州協副將果勒明阿為壽春鎮總兵官○癸酉諭內閣奕劻奏請借俸銀修理伊父莊襄親王綿課墳塋綿課前於道光二年借支俸銀十萬兩尚有未完銀二萬兩又道光八年罰賠工程銀十萬兩尚有未完銀四萬五千兩奕劻於應扣應繳之項均未完款茲復率請借支親王俸銀十萬兩著不准行○

甲戌

上詣綺春園問

皇太后安○諭內閣此次病痊補行大考詹事府少詹事史評著附入二等仍以少詹事候補○又諭前據程祖洛奏臺灣水陸各營所出遊擊都司備弁各缺分別遴員開單請補當交兵部議奏茲據兵部查明分別准駁開單呈覽係屬照例辦理惟臺灣甫經戡定水陸營伍亟資整頓該督於熟悉風土各員中

擇其曾經著績及人地實在相需者酌量奏補自應稍寬成例俾之任用得人所有升補拔補各員弁均著准其陸續送部引見澎湖協水師副將員缺著該督內渡後另行揀補其軍營出力未經升用各員弁著准其將內地各營截至該督回省日止所出各缺無論應補何項人員儘歸軍營出力將弁遞行奏請升拔不積各營班次此係因臺灣地方緊要營務久形廢弛訓練需人該督所請升拔各員弁多係軍營出力之員是以格外加恩概准升補他省不得援以為例該督務當嚴飭該鎮督率將弁認真操練一洗從前廢弛積習俾水陸兵丁悉成勁旅用副朕策勵戎行綏靖海疆至意○又諭吳邦慶奏酌定估拋碎石章程一摺碎石防護險工經該河督奏准四成辦料六成辦石茲請於每年霜降後查明兩岸各廳應存碎石若干方拋用若干方開列工名段落分別已成未成造冊咨

部查覈其已拋未成工段如往後仍須加拋准俟拋成後隨案聲敘著自本年為始通飭各工實力遵行至本年專案辦石據該河督奏僅有三廳而現在拋石則係七廳除已用六千餘方外尚存九千餘方以石覈價計已節省銀十萬餘兩可見碎石一項如果覈實辦理歲料自可歸節省惟此項工程既可濟急更不宜輕費妄拋儻非溜勢實在險急總以保隄守埽為正辦該河督務當嚴密稽查

逾年酌減以期用所當用儲備日寬緩急有恃以慎帑項而濟要工該部知道○撥山東閒款銀四千七百三十兩有奇發商生息備兗州登州曹州三鎮標修補營械從巡撫鍾祥請也○乙亥諭內閣楊芳奏撥勘越嵩生熟各夷三廳縣地方一律肅清撤兵歸伍一摺四川夷匪滋事清溪我邊及曲曲島石圈子等處疊經剿撫完竣惟越嵩廳屬逃匪兇夷及河外野春曾經出巢滋事必應按捕淨

盡俾各知震懾永消反側之萌經提督楊芳馳抵越嵩督飭將弁搜獲兇賊窩列等二十四名正法梟示其著名兇夷多於河外野夷地方藏匿該提督查明野夷中已姑阿路二支兇頑最著該夷巢山險路歧為眾夷出入門戶稔惡熟夷藉為通逃淵藪勾串搶掠窩藏分肥當即移營渡河徧傳安分之吉施等十九支頭目先行安撫已姑阿路二支畏罪後到對眾數其罪惡眾夷願為嚮導請兵剿

洗即派參將王玉林等帶兵進剿已姑殺賊三十七名生擒賊目阿別等及男婦大小多名飛崖撲河不計其數搜出被擄漢民六名奪獲牛羊馬匹分賞出力弁兵復派副將何占魁等帶兵分路夾擊阿路一支該夷奔竄老林分投邀截滾崖跌落河甚眾房屋糧畜焚燬殆盡殺賊五十餘人生擒男婦七十餘人搜出漢民婦稚十二名口該頭目必却曾經率同眾百戶自行投見縛獻兇夷尚知

畏罪。貸其一死。交土百戶嚴加管束。吉施土百戶等。自獻兇夷十六名。內嘯基則等父子二人。為黑嗎溪滋事首犯。並送回漢人十七名。松光林什別一支。該頭目患病。亦遣其妻等出巢迎見。極為畏懼。業將所獻兇夷分別正法。暫留兵丁一千五百名。分布彈壓。其餘漢土官兵。全行撤回歸伍。此次大加懲創。撫其馴服。誅其犷悍。各夷感懾恩威。不致復行滋事。所辦甚好。楊芳著加恩晉封為一等果勇侯。仍交部從優議敘。升任福建布政使花杰。率同委員。辦理安插漢夷戶口事宜。業經清查完畢。著加恩賞戴花翎。所有善後章程。著該督等詳晰妥議具奏。○丙子。遣官祭歷代帝王廟。○諭內閣。楊國楨奏。藍禁犯女。應否開釋一摺。劉春女之父劉惻。有雖曾習教。並未從逆。例不緣坐。將來劉成章就獲時。尚有劉崔氏可以質認。該女無須待質。自無庸久繫囹圄。劉春著即行釋放。○丁丑。修

浙江東西兩塘坦水柴埽各工。從巡撫富呢揚阿請也。○戶部議准。廣西巡撫祁項疏報。天保縣開墾水田九埧一伯。照例升科。從之。○給江蘇上元。江寧。句容。江浦。儀徵。丹徒。六縣被水災民一月口糧。○戊寅。諭內閣。漕糧為天庾正供。節經降旨。令有漕各省督撫。早兌早開。剋期渡黃。不許延緩。乃本年漕船。遲至六月二十四日。始行全數渡黃。以致回空尾幫。遲至八月二十九日。始催過天津關。疲玩已極。現在節交霜降。水勢漸消。著該漕督及沿途督撫。嚴行催趲。晝夜銜尾前行。不准停泊。庶幾以速補遲。及早歸次。至來年辦理新漕。必須迅速兌開。趁黃水未漲之前。趕早完渡。著有漕各省督撫。飭各糧道。早允早開。總令於四月初十日以前。全數趲至清江。剋期抵壩。以便渡黃北上。毋許稍有延誤。儻仍因循疲玩。漫不經心。致逾期限。必將誤漕督撫。嚴行懲處。決不寬貸。將此通諭知之。○又

諭各部院寺衙門應用印鑰。皆係筆帖式輪流請送。本年遺失印鑰之案。已有四次。實屬不成事體。總緣向來處分太輕。致多疏忽。非嚴定處分章程。不足以懲怠玩。著吏部將遺失印鑰。鑰牌處分。分別從嚴定議具奏。尋奏請嗣後將遺失印鑰。鑰牌之員。議以降一級留任。不准抵銷。遇有應行升轉之缺。概行停其升轉。三年無過。方准開復。纂入例冊遵行。從之。○以兵部右侍郎龔守正。知武舉。工部

尚書白鎔。為武會試正考官。詹事府少詹事胡達源。為副考官。○己卯。諭軍機大臣等。有人陳奏。湖南匪犯曾之馥。及胞弟曾在林。住居湘潭縣桃子沖地方。販私窩盜。劫殺客商。府縣案據疊疊。該犯積財既富。又善扶制官長。在省城窩頓流倡。勾致鹽道幕友陳鬍子。即陳胡子。並邵四。稽文。汪門。丁傳石柱等。飲酒往來。該幕陳姓聲名尤劣。平時常於所屬勒薦徒黨。擅作威福。該道胡鑄。被其誑惑。顛

倒黑白。漫無覺察等語。案關私梟劣幕。朋比為奸。該道廢法容奸。如果屬實。大千法紀。著訥爾經額。遵派明幹道府大員。前往湖南。將曾之馥等。按名嚴密查拏。毋稍漏洩風聲。致令該犯等遠颺。該督即提集人證。嚴訊確情。分別懲辦。不許瞻徇。將此諭令知之。尋奏。訊明曾之馥。販私窩竊。曾在林勒索客商錢文。按律擬軍。陳鬍子。即陳衡。平日安分。查無劣跡。邵四。係長沙縣幕友。與鹽道家丁傳石柱

宿倡屬實。鹽道胡鑄。尚無任聽幕友顛倒黑白情事。惟不能禁戢梟匪。並失察家人宿倡。請交部議處。下部議。從之。○禮部奏。十月初十日

皇太后聖壽節。應行禮儀。得旨。是。照例行禮。奉皇太后懿旨。停止筵宴。其在外福晉命婦進內行禮之處。並著停止。○署正黃旗蒙古都統那彥寶。以年老休致。○庚辰。

上御洞明堂。勾到新疆雲南貴州廣西情實罪

犯停決新疆絞犯二人雲南斬犯六人絞犯二人貴州斬犯十八人絞犯六人廣西斬犯七人餘七十二人予勾○辛巳

上詣綺春園問

皇太后安○河東河道總督吳邦慶奏報秋汛

安瀾命詣

河神廟祀謝並下部議敘出力員弁升敘有差○以直隸永定河防汛出力予縣丞王根等升用有差○旌表守正捐軀江蘇蕭縣民

劉幹母許氏○禮部議准河南巡撫楊國楨疏報採訪淇縣貞節婦女王孫氏等九十五口請建總坊旌表從之○壬午諭內閣長清等奏請將總兵唐倬暫留巴爾楚克等語唐倬現已補放河州鎮總兵著暫留巴爾楚克督辦城工屯田照例支食總兵鹽菜銀兩俟事竣後即飭令前赴新任唐倬未到任以前河州鎮總兵員缺著楊遇春派員署理○兵部以武會試中額請得旨滿洲蒙古取中四

名漢軍取中三名奉天取中一名直隸取中六名陝甘取中三名廣東取中四名河南取中三名山東取中四名江蘇取中一名安徽取中一名山西取中二名湖北取中一名湖南取中一名四川取中二名廣西取中一名福建取中一名浙江取中一名江西取中二名雲南取中二名貴州取中二名○阿克蘇辦事大臣誠端因病解任以葉爾羌幫辦大臣興德為阿克蘇辦事大臣哈密辦事大臣薩迎阿為葉爾羌幫辦大臣山海關副都統興科為哈密辦事大臣兼正藍旗漢軍副都統調正藍旗漢軍副都統孟魁為山海關副都統○旌表守正捐軀河南祥符縣民丁成玉妻宋氏○癸未

上御洞明堂勾到四川情實罪犯停決斬犯五十三人絞犯十八人餘九十五人予勾○諭內閣盧坤等奏賞給軍功頂帶數與原奏逾額二名等語上年勦辦連山猺匪曾經奏定

賞給軍功頂帶。不得過三十名。茲據該督等查明。余步雲前已造冊咨送楊國鈞等二十六名。現辦理善後全竣。曾勝復造送熙春等六名。姑念逾額僅止二名。熙春等著准其賞給軍功頂帶。該部知道。○諭軍機大臣等。據都察院奏。山西太原民人周泳盛。以縱兇捏報。護詳不驗等詞。赴京呈控。已明降諭旨。交鄂順安督同臬司龔綬親提嚴訊矣。此案民人周泳盛訴稱。伊弟周泳德因與李和善郭有洸等。追索驪儻。趕至村外劫殺身死。報縣相驗。該縣硬令伴作驗報。自戕捏詞詳報。該民人不肯具結。橫被逼押。伊姪周鳳鳴赴京呈控。當經交該省審辦。適有徐溝縣拏獲盜犯六虎頭郭二。王旦子武彥云等。亦解至省。六虎頭供稱。向住郭有洸家。上年四月初三日。曾與李和善等夥同殺害周泳德。六虎頭按頭武彥云捺腳。郭有洸借六虎頭之刀下手。現在兇刀衣物均經起獲。係徐溝縣捕役

張方李泳輝。向伊告知。詎該縣始終回護。承審官不肯開檢。僅照捏報情形。作為實據。是以來京控訴等語。民人周泳德身死不明一案。既有徐溝縣盜犯六虎頭等解訊在省。六虎頭曾有夥同殺害周泳德之供。正可提同李和善郭有洸等。三面質訊。根究確切。且屍親既未輸服。情願開檢。何以承審官不肯檢驗。僅照原報情形。作為實據。難保無扶同隱飾情事。案關夥殺人命。必須嚴切根究。務期水落石出。著該撫督同臬司親提犯證人等。秉公悉心研訊。以成信讞。不准稍有瞻徇。不實不盡。將此諭知鄂順安。並傳諭龔綬知之。尋奏。訊明周泳德因李和善誣稱驪係竊賊。欲行控告。氣忿自戕。李和善按律擬杖一百。流三千里。郭有洸隨同附和釀成命案。減等擬徒。周泳盛砌詞具控。罪有應得。惟因痛弟情切。旋供吐實情。尚屬可原。擬杖八十。下部議從之。○兩廣總督盧坤等奏。連山綏徭善

後事宜。辦理全竣。得旨。務要日久。遵行無懈。方為妥善。爾督撫亦應隨時稽查。如有不能實力奉行。者。須秉公覈辦。不准姑容。懷之。○以阿克蘇辦事大臣興德。兼鑲藍旗蒙古副都統。○以勦辦廣東連山。強匪出力。予布政使吉恆等。升敘有差。○予軍營立功病故廣東知縣李士璧。湖南知州張鴻咸。蔡昇。卹廕。○旌表守正被戕。陝西長安縣民張自明。女張氏。○緩徵山東鄒平。鄒滕。汶上。河澤。曹濮。范堂。邑。清平。魚臺。濟寧。金鄉。東平。東阿。陽穀。壽張。單。聊城。在平。冠。高密。夏津。武城。蘭山。沂水。壽光。臨朐。濰。昌。邑。三十州縣暨德州。東昌。臨清。三衛。被水被雹。莊屯。新舊額賦。○緩徵河南。滎澤。安陽。湯陰。臨漳。內黃。延津。滑。滑。封邱。考城。陳留。杞。太康。扶溝。通許。中牟。原武。陽武。武陟。新蔡。息。三十一縣。被水村莊。新舊額賦。○甲申。

上御勤政殿聽政。○諭內閣。御史俞焜條奏營

伍事宜一摺。國家設兵衛民。修明武備。必中倣於無事之時。以期緩急足恃。據該御史奏稱。營汛分防。各有定額。邇來各營積習。或以虛名坐扣。丁糧。或以家僕濫充伍籍。並有離汛貿易。雇替當差。宜覈兵額。以杜虛冒。馬步等兵。遞行甄拔。入營之始。遴選務精。乃市井游惰。亦得投充。衰懦不免姑容。稚弱藉供廝役。遂致掛名冊籍。規避差徭。宜汰疲弱。以簡精壯。承平日久。將士多未歷戰陣。必須認真

操演。務令悉成勁旅。宜豫教練。以昭軍實。遇事徵調。弁兵臨陣。恒怯。甚至沿途滋事。皆由平日誠令不嚴。罔知節制。宜申軍律。以肅政紀。至墩臺之設。關繫巡防。近來水陸營汛。兵房多有坍塌。以致疏於防緝。屢有搶奪公文。劫擄行旅之案。宜一律繕完。實力巡察。以靖奸宄。所奏五條。均係營伍中久行定例。朕屢經誥誡。凡有訓練之責者。自應一體懷遵。乃日久玩生。如該御史所奏前項情弊。在所不

免著通諭直省將軍督撫提鎮等隨時整頓
剔除弊端務期兵歸實用帑不虛糜以副朕
整肅戎行至意○諭軍機大臣等前據貴慶
奏糧船例帶食鹽買自長蘆官店前因越境
有妨淮課是以嚴禁近歲江廣軍船不敢夾
帶鹽斤已歷三年旗丁苦累日漸難堪請於
江廣回空軍船行抵天津准於例帶食鹽外
酌予增買每百斤一包購帶四十包船到揚
州計包交課給予印票收執放行以長蘆輕
課之鹽納淮南之課於正額既有贏無絀揚
州收此銀兩即作為淮南額課准其抵算亦
昭平允並籌議章程五條開單呈覽當經降
旨交戶部議奏茲據戶部奏長蘆兩淮各分
引地例不准越界銷售鄰省之鹽多占一分
本地之鹽即少銷一分非固守藩籬不足以
防浸灌該漕督所奏固為體恤運丁起見惟
以長蘆之鹽交兩淮之課究屬越界行銷長
蘆引不加增恐啓因販售私之弊兩淮課由

外納恐有場鹽壅滯串通舞弊之虞所稱每
船帶鹽不過一艙不及淮南額引百分之一
抵次即可獲利回空必更迅速覈與陶澍前
奏回空軍船帶鹽幾及淮引全綱之數沿途
逗留售賣冬杪尚未歸次之語不符近年兩
淮奏銷銀數較之庚寅以前多至一百數十
萬兩儼因增買蘆鹽有妨淮引將來墮課之
員轉得有所藉口惟該漕督所稱旗丁苦累
難堪及今不為調劑則侵蝕正糧拆賣船器

皆所不免亦不能不豫為區畫等語國家鹽
漕並重淮綱積年疲敝甫有轉機固不可因
調劑旗丁轉致顧此失彼旗丁日形苦累亦
應量予變通總之更易章程必須將兩處情
形通盤籌畫方可無虞窒礙兩江總督管理
兩淮鹽務江廣漕船過境亦有督飭稽查之
責著陶澍屏除意見悉心妥議務期鹽漕兩
利方為妥善貴慶所奏章程五條著鈔給閱
看將此諭令知之○兩江總督陶澍著江南

河道總督張井奏報秋汛安瀾命張井詣河神廟祀謝陶澍張井並下部議敘出力員弁升敘有差○以太常寺卿卓秉恬為宗人府府丞通政使司副使元祿為光祿寺卿奉天府府丞龔鐸為太僕寺卿○以翰林院侍講學士田嵩年為奉天府府丞兼提督學政○賞廣安門外普濟堂煮賑小米三百石○乙酉諭內閣魏元烺奏閩省積欠錢糧請展限徵完一摺丁賦為歲入正供關繫度支必應年清年款不容絲毫短絀福建正雜錢糧積欠銀一百八十六萬三千餘兩前經戶部奏准勒限二年埽數全完茲據該撫查明已屆限滿僅徵完銀二十四萬四千餘兩催徵各員嚴加叅處實屬咎所應得惟該省環山瀕海零畸丁戶歷年掛欠積少成多合十餘年並通省統計欠數遂鉅又值臺灣匪徒兩次蹂躪之餘民力拮据未能依限徵完尚非催科不力加恩著照所請所有該省積欠正

雜錢糧銀一百六十一萬九千一百餘兩准其展限二年以奉旨之日起責成程祖洛魏元烺督率藩司道府嚴飭所屬於限內一律埽數全完此係朕軫念濱海民戶疲瘠特寬其年限俾令從容措納經此次加恩展限之後該地方官務當實力徵催並不准以完作欠藉詞延宕儻限滿仍有未完即將經徵之州縣督催不力之上司一併嚴叅懲處不能再邀寬貸該部知道○諭軍機大臣等前因有人陳奏江西宜黃縣寧都州地方有土棍鄒姓兄弟及蕭都管朋比為奸肆行不法當經降旨諭令該督撫委員密速訪拏疊經陶澍周之琦具奏委員全行弋獲周之琦業已陞見來京當降旨交桂良程懷璟親提犯證緝拏夥黨嚴訊聚匪橫行確據茲據周之琦奏續據委員於鄒良俚夥犯鄒履和等家內搜出號簿四本係分產數目會簿五本開載祀神賬目印章一紙書畫常用並非印信鈔

寫殘缺道經五紙亦無違悖不法字句詢之江蘇派委知府李昭美所訪情形相同該撫親提鄒良俚鄒松俚研訊據供該犯等平日為人強橫賭博訛詐人皆畏懼因名良俚松俚是以鄉鄰稱有梁王松王綽號家中供有天罡星神牌位常時焚香叩禱並無符呪經識遇有患病請治約會族人鄒皆云等七八人或十數人不等扛擡天罡神牌各執鐵叉問明病人常走道路沿途吶喊收魂不准行

人攔道有人遇見都說天罡會或說鐵叉會來了各自躲避委非自取會名病愈酬謝酒飯並不收斂錢財鄒松俚亦無設立新天罡會名目蕭都管即蕭愛子供居住寧都州橫石村向有真君廟道光十一年五月內起意邀同現獲之蕭祥占及未獲之蕭茂英等二十九人設立鐵尺會會內人被竊幫同捉賊每人各置鐵尺並給牛皮腰牌各書名字字蓋用木戳以為記認立有會簿用描金櫃裝貯

每年八月十二日各出錢一千文在真君廟拜會又名真君會本年三月會內人沈唐姑子家被蕭蘇仔偷竊器物該犯與蕭祥占蕭眉青蕭昔求沈唐姑子蕭元英尋獲蕭蘇仔用木棍打折腳骨身死擡往山內掩埋與鄒良俚等向不認識等語會匪橫行不法最為地方之害鄒良俚鄒松俚賭博訛詐鄉鄰至有梁王松王之稱其強橫已可概見且設立天罡神牌扛跑治病其為自立會名無可置

辦該犯指為他人所稱顯係希圖諉卸蕭都管設立鐵尺會各置鐵尺並將竊賊致死平日不法可知即鄒松俚所供並無設立新天罡會蕭都管所供立會捉賊與鄒良俚等向不識認俱未可盡信此外有無另有夥黨及不法重情必須逐一根究該撫已將供出各犯嚴飭查拏務獲並查起蕭都管腰牌木戳會簿金櫃鐵尺等件起驗蕭蘇仔屍傷確切嚴究著桂良程懷璟仍遵前旨親提嚴訊窮

治罪狀。母任避重就輕。並緝拏夥黨。務淨根株。固不可累及無辜。尤不可養癰貽患。稂莠不去。嘉禾不生。總當除惡務盡。方足以消邪慝而安善良。僕辨此案。稍有不實不盡。經朕訪聞。或別經發覺。惟桂良。程懷璟。是問。恐不能當此重咎也。懷之慎之。將此諭知桂良。並傳諭程懷璟知之。尋奏。鄒良傑等扛擡天罡神牌。結黨多人。執又吶喊。為人收魂治病。不許行人攔道。致人稱有天罡會。鐵叉會名目。復疊次賭博。訛搶擾害。應分別首從。問擬軍流。徒杖。失察職名。查取另參。蕭都管案。俟閩省咨覆到日。另結。下部議從之。○又諭本日據盧坤等奏。廉州府屬之欽州水陸地方。俱緊連越南邊界。雷瓊二府外洋。亦與越南洋面毗連。夷洋盜匪。雖已掃穴擒渠。惟內地採捕漁戶。蜚民常漂出夷洋。難保無失利之徒。續聚為匪。近日風聞越南國境內。有用兵討叛之事。查詢護送兵船來粵之行。价等據稱。

本國有故臣左軍屬下。因罪降官。心懷不服。占住衆奈。勾結匪徒。滋生事端。現在三路進兵攻討。並據欽州稟報。近聞越南國傳有前黎王後裔。與左軍屬下交通滋事等語。此事前據伊里布奏到。當經降旨。飭阮元等鎮靜防範。外藩自相擾亂。曲直是非。天朝原應不問。且黎阮兩姓。乘釁構兵。事亦常有。惟當靜鎮自嚴。邊備兩粵邊圉。均與該國連疆。恐彼國奸徒。被勦窮蹙。或致竄近粵省邊界。自應加意豫防。著盧坤。祁項。李增階。余步雲。蘇勒。當阿等。嚴飭沿邊文武。不動聲色。稽查要隘。慎密防範。並嚴防漢奸勾結。乘間煽惑。仍隨時確切探訪。相機籌堵。如有夷匪及越南兵練。追逐至境。立即驅逐攔截。不准一名竄入。亦不准妄殺一人。僕該地方員弁。邀功妄殺。致滋事端。定當從重治罪。如有叩關請兵。情事。即應正辭拒絕。斷不許稍涉張皇。亦不可稍存大意。致有疏虞。僕辦理不善。致開邊釁。

惟該督撫及提督是問懷之慎之將此各諭令知之○蠲緩江西南昌新建進賢湖口德化清江鄱陽餘干星子建昌德安瑞昌彭澤廬陵泰和萬安豐城新淦峽江吉水萬年都昌二十二縣被水村莊新舊額賦有差給南昌新建進賢湖口德化鄱陽餘干星子建昌德安瑞昌彭澤十二縣災民一月口糧加賑南昌新建進賢湖口德化五縣災民○丙戌上御洞明堂勾到廣東福建奉天情實罪犯停

決廣東斬犯七人絞犯四人奉天斬犯三人絞犯一人餘一百十三人予勾○以詹事府詹事張岳崧為湖北布政使○以阿克蘇辦事大臣興德仍為葉爾羌幫辦大臣葉爾羌幫辦大臣薩迎阿仍為哈密辦事大臣調烏什辦事大臣常恆為阿克蘇辦事大臣哈密辦事大臣興科為烏什辦事大臣○以勦捕廣東洋匪出力賞遊擊余清花翎餘升敘及開復處分有差○丁亥諭內閣八旗官員人

等前因

孝慎皇后梓宮暫安觀德殿或不敢舉行嫁娶今既奉移田村暫安其有未經嫁娶者著照常舉行○又諭本年十月武傳臚升殿著照例作樂至

大祀親詣行禮之日還宮時所有導迎樂著設而不作自明年元旦後照常作樂○又諭楊遇春奏營員規避防差不遂輒捏款具稟意圖挾制請旨查辦一摺甘肅梨園營都司葉

昌泰兩次回疆軍需均未出征經該督派往烏什換防該員並不前往輒敢到省請差赴部已屬規避迨飭令趕緊赴防仍敢於途次以派差辦事不公捏款具稟楊遇春公忠體國實心膂股肱之臣朕所深信該都司意存挾制無知妄為可惡已極葉昌泰著先行革職現在行抵何處即著楊遇春截回派委妥員同款內案卷一併解交刑部嚴行審訊定擬具奏○戊子

上詣綺春園問

皇太后安○朝鮮國使臣李止淵等三人於大

紅橋瞻謁○己丑禮部議准河南巡撫楊國

楨疏報採訪信陽州貞節婦女孫徐氏等四

百三十六口請建總坊旌表從之○庚寅

上御洞明堂勾到陝甘湖廣浙江情實罪犯停

決陝甘斬犯十七人絞犯四人湖廣斬犯三

十七人絞犯七人浙江斬犯十人絞犯三人

餘六十六人予勾○諭軍機大臣等給事中

章沅奏嚴杜私禁以平糧價慎儲奏款以備

賑需一摺據稱江蘇上元縣等處本年八月

間江湖異漲城鄉均被淹浸該處山鄉尚多

成熟惟向來有收各處私禁米穀出鄉即業

戶之田坐落他境及滁和等州界內者所收

穀石輒被本境阻遏不准運回歛區匪徒因

而肆搶滋生事端省城市價由此騰踊民食

愈形支絀鄰境遇災遏糶向干例禁况以業

戶之田所收穀石輒因坐落他境不准運回

阻遏肆搶其情較之把持行市為害尤甚如

果屬實必應嚴行禁止著陶澍查明剴切示

諭遇有率眾阻截及藉端搶奪各犯嚴拏懲

辦並飭委員弁將私囤米穀提出本境俾豐

歉遠近咸得流通以平糧價毋得任其囤積

致災區有食貴之虞又據奏稱該給事中於

道光十一年間在籍與運司伍長華等董辦

捐輸義賑賸存捐銀六千兩合之嘉慶十九

年捐賑原存本息銀共四萬六千兩經該給

事中等呈請發典生息永為城廂備荒之用

毋許他項那移如遇災荒令紳士將息銀酌

提或糶米或煮粥作為義賑現聞承領典商

希圖輕減存息慫恿縣官出示指名修理圩

隄等項顯預提用此項本係捐輸義賑餘存

銀兩該紳士等因城廂饑民例不給賑呈請

發典生息作為備荒專款上年七月間經陶

澍具奏當經降旨允行並著嚴飭地方州縣

不許因他項那移動用何以不遵照辦理是

否該給事中得自風聞抑或實有其事。如果
顯預提用。則義賑存銀。列為官款。無以折富
戶之心。城廂災戶。因此向隅。無以餬貧民之
口。著陶澍確切查明。秉公覈辦。毋稍徇隱。將
此諭令知之。尋奏。上年滁和一帶。曾有阻米
出境之事。本年高田早稻。尚多成熟。鄉閭無
須遏糶。偏查各衙門。亦無呈控被搶被阻之
案。至修理圩隄。尚未興工。並無提用存典捐
款情事。報聞。○添購直隸永定河備防稻料。

仍增歲修稻料。運腳銀。從總督琦善請也。○

辛卯。以恭修

永陵

啓運殿成。遣官告祭如儀。○諭軍機大臣等。本
日鄂順安奏。守備於被揭後。稟訴本管參將。
請革職嚴審一摺。已明降諭。旨將守備李逢
春革職。交該撫提同全案人證嚴審矣。此案
參將唐武塞。稟揭李逢春私扣馬乾。並那用
糧米等款。業經李逢春供認。倒斃營馬。並不

即時買補。那移馬乾銀兩。修理教場等項。又
將收貯喇嘛口糧。借給兵丁。不即買補。已有
應得之咎。是否私扣侵吞於前。串捏支飾於
後。尤應徹底查辦。至李逢春所訴該管參將
唐武塞出差跟役。攤派眾兵盤費。服中買妾。
私役兵丁。侵吞腳價租穀。收買兵米。取利不
令經管錢糧。以致被竊各款。唐武塞雖已病
故。人證具在一經確切研訊。無難水落石出。
如李逢春所訴屬實。斷不可因唐武塞已故。

遂將稟訴各款。為之開脫。僅歸罪於李逢春。
亦不可因唐武塞已故。將稟揭李逢春各款。
遷就了結。轉歸過於唐武塞。該撫務當一秉
大公。破除成見。嚴審確情。按律定擬具奏。以
肅營伍。而儆官邪。毋許稍有徇縱。將此諭令
知之。尋奏。訊明已革得勝路守備李逢春。經
管兵馬錢糧。輒敢冒支倒斃馬乾。那用徵收
米價。因被該管參將唐武塞。稟揭復挾嫌反
噬。列款告訴。應於誣告徒罪。加所誣罪三等。

杖一百流三千里罪上再加一等發附近充軍唐武塞攤派兵丁盤費屬實業已身故應毋庸議下部議從之○以長蘆鹽運使李恩繹為廣東按察使○壬辰諭內閣前因河工欠交賠項降旨交工部逐一查明具奏茲據奏通查各河人員共未交賠項者四百七十七員未完銀二百五十八萬九千八百餘兩屢經該部隨案催繳並於道光七年奏明嚴催迄今尚未清繳每屆限滿應行查叅該河督等又以著追各款多半逾限同時查叅恐致貽誤修防為詞此等應賠銀款必應依限完交豈可任意拖延藉詞懸宕現在積欠竟至二百五十餘萬兩之多似此日漸增加款項何時完繳疲玩已極著各該河督查照工部單開數目即將各員應賠之項勒限嚴追已逾限者照例查叅未逾限者亦飭令趕辦以清積欠各員內有升遷外省因事在籍及已故者各河督行文各該督撫一體照例辦理

務當激發天良認真催繳有不趕緊完交者隨時糾叅毋得藉詞耽延時日致帑項久歸無著又南河外追款項道光十年該河督造冊送部該部查明冊內所開一員名下有應繳數款者併數起限與例不符咨令另造妥冊迄今尚未造報實屬藐玩著該河督即將外追各款一面按限著追一面造冊送部以憑查辦毋許再有稽延○又諭前因琦善等應賠銀兩逾限不交降旨交該部查明此等賠項逾限不完應得處分詳晰具奏茲據奏例載分賠代賠處分專指屬員於督撫總河大員未經議及現在酌定議處專條奏明遵辦督撫總河身為大員其應賠銀兩皆示罰之款項具有天良自當趕緊措繳乃以例無議處明文從前亦無辦過成案遂至相率玩延幾至徒有著賠之名並無賠交之實自應查照例限覈計應賠銀數明定議處章程俾知儆惕惟所議處分尚覺稍寬不足以示懲

做嗣後各省總督巡撫總河等官遇有此等應賠銀兩逾限不完數在一千兩以下者著罰俸二年一千兩以上者著降一級留任五千兩以上者著降二級留任一萬兩以上者著降三級留任五萬兩以上者著降一級調用十萬兩以上者著降二級調用其各限應賠銀兩仍令照數完納著吏部即纂入例冊永遠遵行○諭軍機大臣等穆彰阿等奏酌擬龍泉峪栽種樹株請查照舊章辦理一摺

龍泉峪各項工程規模已立其應栽儀行樹株經穆彰阿等派員履勘後寶山及左右內砂山至下馬牌碑亭甬路兩傍至五孔橋前抵案山俱請栽松檜楊樹按儀行排種共應用樹四千八百六十三株寶山後一二層大山連左右護山外砂山併妃衙門後山圍牆左右及儀樹外空地除現有樹株不動外均請以松柏檜與雜樹稀疏間種共應用樹六千五百七株所有前項應栽樹株著該管大

臣等於明春先栽儀行楊樹其實山及左右內砂山至案山儀行松樹先於

三陵海樹內詳細查勘擇其枝棵壯嫩者若干株奏明籤記明年冬令移栽其如何移種補栽及如何培養澆灌著責成奎照實心經理務期一律蕃茂至採辦樹株及一切應用錢糧數目分限辦理章程並著詳細查覈奏明遵辦所種樹株僕栽種灌養未能如法以致乾枯惟奎照是問將此諭令知之○熱河都

統蘇成額因病解任以漕運總督貴慶為熱河都統貴州巡撫嵩溥為漕運總督調陝西巡撫史譜為貴州巡撫以陝西布政使楊名颺為巡撫調山西布政使何煊為陝西布政使以大理寺卿徐鏞為山西布政使○以倉場侍郎恩銘署漕運總督刑部左侍郎凱音布署倉場侍郎○癸巳修浙江上虞縣余埭巷柴塘從巡撫富呢揚阿請也○甲午孝慈高皇后忌辰遣官祭

福陵○

上詣綺春園問

皇太后安○諭內閣孟魁奏此次山海關等五處兵丁操演全數校閱惟查歷屆冊檔有僅閱大半及五六十名者因兵丁內有籤病等故該協領等不將全數送閱恐有捏飾規避等語山海關等五處額設駐防兵丁責成協領等平日勤加演習副都統以時簡閱必應全數開送一律考校俾技藝悉臻嫻熟無稍

曠廢嗣後副都統校閱時如兵丁有籤病二次者著照京城八旗各營軍政之例將該兵丁即行革退該管官儻有扶同捏飾一併叅懲以杜規避差操至該副都統所請兵丁內中箭三枝量加獎賞之處著依議辦理○諭軍機大臣等本日據阮元等奏昆明等州縣同日地震查辦情形一摺已明降諭旨交該督等迅速查賑動用鹽課溢餘銀兩並將被震成災之嵩明等十州縣應徵本年錢糧概

行蠲免矣○摺內聲稱七月二十三日已刻省城震動時動時止究竟地震幾次何時止息歷時久暫若何雲南等四府屬昆明等十縣情形最重安寧等十八州縣及武定直隸州暨所屬祿勸縣情形甚輕是否確實此外有無被震處所不可稍有諱飾著逐一查明詳晰覆奏至鹽務溢餘課銀為數若干是否足數賑卹之用必應覈明辦理該省如此重災小民顛沛流離朕懷實深憫惻該督等務當

嚴飭所屬認真履勘妥速撫卹斷不可稍事遷延尤不可任聽吏胥侵漁浮冒總期實惠及民無使一夫失所方為不負委任將此諭令知之○命陝甘總督楊遇春撥銀七萬四千一十四兩解赴葉爾羌巴爾楚克備道光十四年經費○旌表守正捐軀直隸衡水縣民張世法妻張氏○賑雲南昆明嵩明宜良河陽尋甸蒙自晉寧江川阿迷呈貢十州縣地震災民給房屋修費及埋葬銀並免本年

額賦○乙未

上詣

大高殿行禮○還宮○諭內閣綿清等奏

裕陵龍鳳門並

景陵甬路西邊泊岸等工現經緩修請酌加保

設等語此項保護工程著俟派出本年勘估

東陵歲修工程之大臣一併敬謹查勘具奏○

調貴州古州鎮總兵官李龍彪為鎮遠鎮總

兵官以山東文登協副將范樹桐為古州鎮

總兵官○旌表守正捐軀直隸宣化縣民張

世昌女翠姐○禮部議准江蘇巡撫林則徐

疏報採訪青浦縣貞節婦女黃氏等一千三

百八十九口湖南巡撫吳榮光疏報常寧縣

彭陳氏等五百三十五口山東巡撫鍾祥疏

報海陽縣劉益氏等四十口河南巡撫楊國

楨疏報正陽縣鄒郭氏等一百八十四口各

請建總坊旌表從之○以孟冬時享

太廟自是日始齋戒三日○丙申

孝敬憲皇后忌辰遣官祭

泰陵○

孝慎皇后殯宮月祭遣官行禮○諭內閣前據

長清奏參贊大臣請仍循舊制駐劄喀什噶

爾一摺當交大學士軍機大臣會議具奏茲

據長齡等會議喀什噶爾極邊要地現在霍

罕通商外夷聲息相通夷使亦可隨時接見

請如所奏仍行改歸舊制富俊另摺陳奏參

贊移駐葉爾羌總理八城居中節制深合居

重取輕之道喀什噶爾領隊大臣不足以資

彈壓請改設辦事大臣毋庸移駐參贊等語

從前長齡玉麟辦理善後事宜因喀什噶爾

逼近外夷兩遭兵燹每遇徵調後路距阿克

蘇二千餘里鞭長莫及葉爾羌扼要適中人

稠地廣既可多駐官兵回子亦能用命是以

移駐參贊俾成犄角之勢用壯聲威自移駐

以來霍罕恭順籲請通商回民安堵喀什噶

爾即有奸邪溷跡各城原歸參贊統轄自可

飭令該城大臣隨時懲辦。且距葉爾羌僅止六站。該參贊亦可以時巡閱。前既經長齡、玉麟籌定邊圍又安。竟可毋庸再議。更制所有參贊大臣著仍照長齡、玉麟前議駐劄葉爾羌。毋庸移駐喀什噶爾。其喀什噶爾領隊大臣亦著仍照前議。毋庸改為辦事大臣。○丁酉諭內閣。御史宗室炳輝等奏。剔除漕弊一摺。軍糧交兌。本有定額。據稱近來州縣恐旗丁受兌刁難。往往浮收。豫為折色地步。旗丁向州縣折色。將糧數包給舵工。並置買貨物。售賣圖利。其漕運總督以下各衙門。及督運總運領運各員。弁書差人役。以至沿途催趲各關挽運。到通交納規費浩繁。旗丁因此受累。不得不折色津貼。一經折色。糧數必虧。不特沿途逗留買補。甚且勾通地匪奸商。偷買回漕老米。又或賄串經紀。代起潮溼。攪雜朦混。運行百弊叢生。皆由折色所致。著漕運總督及有漕省分督撫。將如何剔除積弊之處。

妥議具奏。至所稱撥船二千五百隻。向係各州縣分管。無如船戶多係雇覓。無賴遊民。旗丁即極力防閑。斷難禁其偷漏。通州一帶。又有奸商開設大斗鋪。偷買偷賣。囤積回漕。並豫備攪雜各物。以供船戶作弊之用。一經查出。輕則甘受枷責。重則棄舟潛逃。無弊不生。實為漕務倉儲之害。該御史等請飭各州縣。每五船設一船頭。每十船設一總船頭。令地方鄉保擇其向有家業生理者。方准充當。船戶互相糾察。遇有偷竊逃走等事。惟船頭是問。至油艙務令堅完。糧已入撥。即用席片遮釘。再加封條。以防偷漏。著直隸總督倉場侍郎嚴行查禁。並體察情形。妥議章程具奏。○又諭陶澍奏查緝漕船夾私。正以速趲回空。未便任帶蘆鹽。致使鹽漕兩誤。一摺。所議甚。是前據貴慶奏。籌議江廣回空軍船酌增食鹽。給票交課章程五條。朕即覺其不可行。惟以鹽漕並重。不厭精詳。當交部議。旋據戶部

奏增買蘆鹽有妨准引降旨令陶澍悉心妥議茲據該督於未奉諭旨之先接該漕督咨文即力陳誤鹽亦且誤漕甚為明晰漕船回空帶私為歷來之痼弊並有隨幫風客除本分利坐占淮南數十萬引綱額勾引梟匪肆行無忌漕船停泊買私尤有誤於趲運前經陶澍派委文武大員於黃河南北及淮揚等處嚴密迎查並令漕員會同押空幫弁於直隸山東隘口認真堵緝即寓催趲於查緝之中回空歸次亦較前迅速糧私既絕官引自銷江廣等省雖連值水災銷數尚增本年漕船實由兌運艱難以致稽緩儘可嚴行催趲以速補運若將漕弁撤退則幫丁舵水人等俱知禁令已弛必至放膽買鹽明縱透漏既害釐綱欲速反遲尤誤漕運至該漕督請於例買食鹽四十斤外請在長蘆加買過揚納課不但有誤回空並且有誤重運況漕務水手素稱桀驁加以順帶官鹽必有梟犯出資

附和以天庾正供之船為聚集匪黨之藪且所銷盡長蘆之私所缺盡淮南之課實為自壞藩籬至丁情苦累准帶土宜津貼以釐綱為丁舵沾潤之計國家無此政體著直隸總督山東巡撫長蘆鹽政天津鎮總兵仍嚴督沿河營汎州縣查拏梟匪窩囤堵截私鹽透上漕船並著署漕運總督恩銘仍派幹練漕弁於各要隘會同幫弁堵截按查其有已經議撤者仍行添設不准帶私停留務期迅速南下其楚西綱岸不致於歉歲滯銷之後再受糧私侵占並著責成陶澍實力整頓以期鹽務日有起色不至滯銷庶鹽漕均有裨益

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十三

平素人志也

東

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十四

照修職官從從日擢起屬注官太子太保體仁閣大學士文淵閣領閣事管理戶部事務上書唐魏師傳翰林院掌院學士兼管順

天府府尹事再隨帶加五級紀錄十八次。臣實損題。言。題。建。撰。官。吏。部。尚。書。錄。註。冊。字。號。現。管。理。新。營。房。城。內。官。房。大。臣。攝。容。內。

七倉大臣播磨會同四譯館事務加一級隨帶加六級軍功加三級紀錄五次臣花沙納總督譯官文淵閣提舉閣事兵部尚書總管

內務府大臣鑲紅旗滿洲都統毓察內七倉大臣管理宗人府銀庫左翼幼宮學
宣壽堂圖明間等處侍衛營御茶膳房御藥房太

醫院通判成事尋國事加十八級臣阿靈阿副總管官總廷議官兵部尚書尋尋加六級紀錄二十次臣周祖培等奉

教修

道光十三年癸巳冬十月戊戌朔享

寶錄卷之十四

太廟。

上親詣行禮。○遣官祭

永陵。

福陵

昭陵

昭西陵。

孝陵

孝東陵

景陵。

泰陵。

泰東陵。

裕陵。

昌陵。○遣官祭

孝穆皇后殯宮。

孝慎皇后殯宮。○遣官祭

瑞慧皇太子園寢。○頒道光十四年時憲書。

○以吐魯番屯田豐收。予員弁議敘。賞兵丁

一月鹽菜銀。○己亥。

賞銀奉旨

上幸圓明園。○詣綺春園問

皇太后安。○庚子。諭內閣。史譜奏。

嶽廟全工告竣。請頒額聯一摺。陝西

華嶽廟。自三代以來。即為望秩之地。規模宏

壯。體制尊崇。溯查康熙四十二年。

翠華西幸。

發帑興修。工竣之日。曾經

御書扁額。洎乾隆四十二年。

發帑重修。又復

御書額聯。

堯文。

義畫炳耀輝煌。實足增重名山。昭垂萬世。朕寅

紹丕基。恪遵

成憲。聿新

廟貌。用答

神庥。自應特製額聯。恭懸

琳宇。茲照該撫所開尺寸。御書額聯。另行頒

發。著該撫祇領。敬謹懸掛。以昭崇規。而光秩

賞銀奉旨

祀尋頒

御書扁額曰。靈通帝座。聯曰。碧峯三峯。膚雲同

泰嶽。黃流九曲。掌露潤坤維。○以右春坊右

中允王煒署日講起居注官。○蠲緩直隸曲

陽。三河唐景故城。滄鹽山。永年大名。隆平。寧

晉。十一州縣。被水被雹。村莊新舊額賦。有差

賑曲陽縣災民。○緩徵陝西葭神木府谷榆

林。綏德清澗米脂吳堡漢陰安康平利。洵陽

白河。石泉紫陽寧陝孝義。十七廳州縣災歉

村莊新舊額賦。辛丑諭軍機大臣等。有人陳奏浙江杭州府屬有不安本分士子。恃符滋擾。名曰韓黨。其眾著者。則有舉人徐廷策。廩生邱宗憲。附生龔潤。吳必祥。職員許祖興。吏員吳葆生。即小漁。尤為鄉閭側目。此輩或藉詞因公。聯名挾制。或事非干己。挺身扛訟。或先後互尋其讐。或彼此相助為攻。或陰為挑唆。陽為調處。或名為息事。實為埋根。甚至設為影射之詞。汙蔑婦女之名節。巧構株連

宣宗實錄

四

之局。傾覆良懦之身家。地方官循謹者。惟恐攪其鋒。而公事為之掣肘。其貪墨者。且將利為媒。而從中恣其勒索。猾吏奸奴劣幕。聯為心腹。請將著名韓黨密切究辦等語。案關士子干預教唆。最為惡習。事隸浙省。該撫富呢揚阿。忠厚有餘。剛斷不足。朕所稔知。若交該撫懲辦。雖不敢化有為無。必致受屬員朦蔽。程祖洛現任總督。浙江亦所兼轄。接奉此旨。不必親往杭州。於所屬各員中。不拘道

府廳縣。總須結實可靠之人。密行派往。暗訪明查。是否實有其人。實有其事。如有確據。即將韓黨指名查拏。按律懲辦。毋稍姑息。此外各州縣各案。如舉監生員及捐職人等有干預教唆者。一律懲治。以儆刁風。而清訟源。將此諭令知之。尋奏。正在遵委妥員查辦。適浙撫已經訪拏。查明龔潤是錢塘縣舉人。訊係附生龔自泰。託名嫁禍。餘俱按名弋獲。究出滋擾訛詐多案。請照辦訟棍例。發極邊煙瘴

宣宗實錄

五

充軍。下部議從之。又諭據御史朱達吉奏。湖北連年被水。必有致患之由。該省之水。江漢為大。欲治江漢之水。以疏通支河為要。隄防次之。近日支河淤塞。諸湖受水之區。其洲渚亦多被民間侵占。以致水無所容。江水橫決為災。請疏江支河。使南匯於洞庭湖。疏漢水支河。使北匯於三臺等湖。並疏江漢之支河。使分匯於雲夢七澤之間。隄防自可漸固。水患亦可稍息。聞前任總督盧坤曾議開

濬支河。委員查勘。已有端緒。因經費未裕。未及奏辦。有案可稽等語。洞庭湖界北南二省。為眾水聚匯之地。江漢支流有所匯歸。自不致衝決為患。該御史所奏開濬支河。以工代賑。亦屬一舉兩得之計。盧坤前在湖廣總督任內。是否委員查勘。因經費不充。未及辦理。著訥爾經額。尹濟源。吳榮光。體察情形。遴委明幹大員。相度地勢。諮訪輿情。清出支河故道。儘查明亟應興修。即在該督等前請撥鄰省銀二十五萬兩內。趁此水落歸槽之際。擇要興工。以工代賑。庶於水利民生兩有裨益。將此各諭令知之。尋訥爾經額。尹濟源。奏虎渡口支河。即前督盧坤議開之河道。先經勘明興修。嗣又查出黃梅縣各地方潰隄十九處。及各屬應修隄。分別著賠。毋庸動款。前撥餉銀。除放賑外。尚餘十萬兩。有奇。應請封存備用。吳榮光奏查湖南湘。澧。沅。蒸。鼎。資。瀟。七水歸湖之道。尚無壅潰。惟近湖私垵。不免

增築占礙。仍應飭屬嚴勘。均報聞。○壬寅。蠲緩山西代。應陽。曲。懷。仁。岢嵐。五州縣被水被電被霜村莊新舊額賦有差。給代州災民一月口糧。○癸卯。上詣。安佑宮行禮。○甲辰。上詣綺春園問皇太后安。○諭內閣。凱音布等奏南糧掛欠。續行交納一摺。本年頭二三進南糧多有掛欠。前經降旨分別催追。茲據該侍郎等查明三進南昌前等四幫。揚州頭一幫陸續補交正耗米五千七百三十一石。著准其收納。轉運進倉。其未完及完不足數各丁。著交該署漕督恩銘實力追比。以清掛欠。○貸廣州駐防官兵修理衙署兵房俸餉銀。○以廣東省城被水糧價增昂。撥司庫銀采買廣西米石。並購洋米平糶。免各關津米稅。展緩墨爾根。齊齊哈爾。黑龍江。呼蘭。布特哈。特木得。黑博。

爾多七處款收兵丁舊欠銀糧給黑龍江額
玉爾墨爾根三處兵丁銀糧○乙巳旌表逼
嫁捐軀安徽靈璧縣民劉學先妻王氏○丙
午

上奉

皇太后幸同樂園進膳並賜內廷王大臣等食

○丁未

皇太后聖壽節遣官祭

太廟後殿

奉先殿

上率王公大臣文武官員詣綺春園行慶賀禮

奉

皇太后幸同樂園進膳並賜內廷王大臣等食

○諭內閣瑞郡王奕約著加恩在內廷行走
伊年尚幼俟及歲時再行隨班當差○又諭
瑞郡王奕約著施恩改名奕誌以示引而近
之意○戊申禮部議准河南巡撫楊國楨
疏報採訪伊陽汲柘城三縣貞節婦女杜劉

氏等三百七十九口請建總坊旌表從之○
己酉旌表守正被戕直隸玉田縣民崔勇子
妻馬氏○庚戌諭內閣理藩院奏內外扎薩
克蒙古等因界址不清互相爭訟請旨就近
派員勘辦一摺西蘇尼特扎薩克郡王布爾
呢錫哩喀爾喀王拉蘇龍巴咱爾及接壤之
四子部落王伊什齊當三旗交界自嘉慶六
年經察哈爾都統寶興查明之後近年以來
俱各恪遵奉行因何復以界址不清互相爭

九

訟著察哈爾都統武忠額帶領妥幹文員輕
騎減從前往兩旗交界逐細丈量查明是否
與嘉慶六年所辦相符務須秉公妥為定擬
俾兩造人等俱各心服出具甘結永息爭端
該院將原摺鈔錄一分發給武忠額查辦○
諭軍機大臣等朕勤恤民隱惟日孜孜遇各
省水旱該撫等奏請撫卹無不立沛恩膏分
別蠲緩給賑第思國家曠典所以惠黎元而
非以飽谿壑如果實惠及民雖多費帑金朕

亦何吝。乃近來江蘇安徽山東河南江西湖北等省。雖豐歉有時。幾於無歲不饑。無年不賑。為大吏者。遇有災歉。匪不以聞。誠非為民父母之義。惟國家經費有常。豈容以展緩曠典。年復一年。視為相沿成例。此必不肖之州縣。不堪之胥吏。希圖沾潤。於勘不成災者而報災。即於例不給賑者而捏賑。視災區為利藪。藉民瘼為身圖。任意侵吞。以完作欠。而該督撫等又不肯為國任怨。不以國計為亟。是

國家徒有加惠之名。而百姓無受惠之實。無非官吏私充囊橐。大吏博取聲譽。尚復成何事體。嗣後遇有水旱偏災。該撫等務須遴派結實可靠道府大員確查。並責成藩司認真稽覈。斷不可諱災。亦斷不准捏報。僅以展緩殊恩。視為奉行故事。一經科道奏。或經朕別有訪聞。惟該撫等是問。懍之慎之。將此各諭令知之。○以光祿寺卿李振祜為太常寺卿。○以河南麥收歉薄。暫行改徵粟米。○蠲

緩安徽懷寧靈璧鳳臺泗和含山。無為壽宿定遠。天長。潛山。太湖宿松宣城。南陵青陽建德。巢蘆江合。肥建平。霍邱。潁上。阜陽。亳。舒城。寧國。太平。銅陵。當塗。蕪湖。繁昌。貴池。懷遠。桐城。東流。望江。五河。鳳陽。盱眙。十二縣暨屯坐各衛軍民。銅陵。當塗。蕪湖。繁昌。貴池。懷寧。桐城。東流。望江。五河。鳳陽。盱眙。十二縣暨屯坐各衛軍民。給銅陵。當塗。蕪湖。繁昌。貴池。懷寧。桐城。東流。

實錄卷一百一十五

十一

望江。五河。鳳陽。盱眙。懷遠。靈璧。鳳臺。泗。和。含山。十八州縣暨屯坐各衛軍民一月口糧。○辛亥。諭內閣。各省督撫。身膺封疆。重寄。臬司為刑名總匯。遇有民間控告人命重案。無論虛實。必應立時親提。隨到隨辦。遵照定限。依期完結。俾死者不致含冤。待質人證。亦不至牽連拖累。乃近日各省民人。來京控訴紛紛。其中不無刁健之徒。捏詞聳聽。亦實有迫於不得已。遠涉長途。冀伸冤抑。即如本日步軍

統領衙門奏據廣東民人陳兆熊以伍振際等兩次爭奪山水殺害九命。歷控該省督撫臬司衙門。俱未親提。案懸十一年之久。尚未訊辦。該省如此。恐他省亦所不免。總由地方大吏不能認真覈辦。遇有控訴案件。輒委屬吏。因循玩延。案懸莫結。殊非實心任事慎重民命之道。該督撫及臬司凡遇刑名重案。不即親提。悉心研鞠。經時累歲。輾轉稽延。以致沈冤莫雪。拖累無辜。國家設立大員。為民恤

命之謂何。自問於心。安手否乎。經此次飭誠之後。各當振刷精神。盡心庶獄。毋再仍前玩泄。自罹罪譴。將此通諭知之。諭軍機大臣等。本日據步軍統領衙門奏廣東民人陳兆熊以伍振際等兩次爭奪山水殺害多命。向該省上司衙門歷控。俱未親提。是以來京呈訴。已明降諭旨交盧坤祁墳親提嚴訊矣。據該民人控稱伍振際等於道光三年十一年兩次爭奪山地灌田之水。伍振際主使伍維

喬伍惠萑等將伊叔陳緝茂陳學齊並族人陳崇簡陳業經陳定用陳渠勇陳益勇及在山砍柴人梁亞紅黃潮毓先後殺傷斃命。該民人及伊叔母陳梁氏歷赴督撫臬司控訴。伍振際先匿拒捕。迨拏獲飭發南海縣訊辦。該犯供認兩次主謀殺害多命。復捏報年老希圖卸罪。其下手之夥犯伍惠萑等亦仍匿不到案。歷控督撫臬司俱未親提等語。案閱十一年之久。先後殺傷斃命至九人之多。似

此人命重大之案。該督撫臬司竟不親提。立時究辦。所司何事。著盧坤祁墳迅即親提案卷。並將主使及下手夥犯按名拏獲。嚴行究辦。毋使稍有不完不盡。將此諭令知之。尋奏正兇伍惠萑業經身故。餘犯現已就獲。應督同臬司從嚴審辦。報聞。壬子。諭內閣前據吳榮光奏湖南安鄉縣官田誤作私垵。查明奏請更正。並請嗣後遇有偏災。仍照官田一律查辦蠲緩。當交戶部議奏。茲據奏安鄉一

縣私垵二十餘處。半係嘉慶年間所定。不得盡誣之道光七年委員查勘之誤。至該縣額徵除存留驛站等項實徵起運正耗錢糧。不過八千數百兩。若如該撫原奏私垵二十餘處。錢糧四千餘兩。已居該縣闔境錢糧之半。既稱不准蠲緩。何以道光十一十二兩年該縣蠲免銀三千數百兩。緩徵銀四千數百兩。實在徵收正耗。祇有八百餘兩。其所稱不准蠲緩之四千餘兩。既云輸將無誤。則歷年徵存銀兩。何以不造入奏銷冊內。儻查有隱漏情弊。即應按年追繳。豈得以更正為名。豫為邀免地步。著訥爾經額將該部指駁情節。逐一分晰確查。是否十一十二兩年。違例奏請蠲緩。抑係蠲緩之後。該縣竟有隱匿侵蝕情弊。致災區百姓無受惠之實。紛紛稟求展緩。該督務當一秉大公。破除情面。認真覈辦。據實覆奏。○福建道御史彭玉田奏請嚴飭稽察州縣侵隱契稅。得旨著戶部議奏。尋議偷

賣契尾。應飭各督撫嚴飭各藩司於用印事件。密加防範。毋任弊混從之。試中式武舉雅爾胡善等四十五名於太和殿前。○癸丑諭軍機大臣等。盛京為根本重地。風俗素稱淳樸。從前因有演戲宴會之事。特降諭旨。飭令該將軍等力加整頓。將盛京城內外所有戲班雜劇。概行驅逐。以端習俗。乃本日據御史豫泰奏。遼陽海城等州縣。近有奸民倡興花會。又名觀音會。編立三十七門。有合同紅春極品三道等名目。誘眾聚賭。謂之壓會。甚至局中奸儉。為婦女代寫出注。輸贏傳信。謂之跑風。結羣聚黨。晝夜開場。集夥眾多。且恐流為竊盜等語。花會聚賭。大干例禁。陪都地方。尤不容奸徒結黨。誘惑良善。此種積習。始於何時。並恐不止遼陽海城二處。著該將軍府尹等實力稽查。嚴拏倡會匪犯。及一應夥黨。按律懲辦。並分飭各屬詳查密緝。務期根株淨盡。永杜奸萌。不准日久生懈。儻查拏不

力經朕訪問。或別經發覺。惟該將軍等是問。將此諭令知之。以故奉恩將軍純粹子謙光襲職。甲寅。

上詣綺春園問

皇太后安。諭內閣前據貴慶奏籌議江廣回空軍船酌增食鹽給票交課章程五條調劑旗丁當降旨交陶澍體察情形悉心妥議該督於接到該漕督咨文即力陳誤鹽且致誤漕議駁明晰特降旨令直隸總督等仍嚴飭

沿河營汎州縣查拏梟匪窩匿堵截私鹽透上漕船其已撤撥查漕弁仍行添設不准帶私停留茲復據陶澍奏旗丁得項不為不厚揆其苦累之由多緣旗丁任意消糜且受兌開行以至通倉交卸均不免受人勒索如果禁絕諸弊漕務少消耗之數則丁力自舒不但淮鹽藉免充塞即弁丁挑斥米色橫索幫規亦可斂戢儻旗丁中有刀玩之徒敢於侵蝕正糧折賣船器必當執法嚴懲豈可慮有

此弊而豫為調劑事事請益時時議加不但國家無此政體必致不肖旗丁特有調劑不知止足是除弊而轉益滋弊現在回空軍船陸續抵入江境該督即遵委道將帶同廉幹員弁沿途堵緝糧私並於揚州以至蕪湖九江等處實力查拏有犯必懲著漕運總督督同各糧道通計每年經費量入為出自淮迄通確查積弊嚴禁弁委胥役之勒索並著倉場侍郎通飭各倉監督嚴查經紀人等指勒

苛求務期弊端淨絕不使旗丁有所藉口以肅漕政而杜糧私。○緩徵兩淮富安安豐梁垛東臺何垛丁溪草堰劉莊伍佑板浦中正臨興十二場被旱田地新舊額賦及竈戶積欠口糧。○乙卯。

上詣

大高殿行禮。

時應宮拈香。○還宮。○御紫光閣閱中式武舉馬步射。○丙辰。

上御箭亭。閱中式武舉技勇。御乾清宮。引見中式武舉。親定甲乙。諭內閣。朕本日殿試中式武舉弓刀石。內滿洲隆山。廣西歐陽豹二名。俱弓不符。著罰停殿試一科。補行殿試之滿洲郭興阿。陝西王文裕二名。俱弓不符。著再罰停殿試一科。除郭興阿。王文裕。原圖監射較射之王大臣。業於前此議處外。此次中式武舉隆山。歐陽豹。原圖監射較射之王大臣。著交部議處。覆試之王大臣。著交部察

議。○諭軍機大臣等。特依順保等奏繕諭飭覆霍罕伯克。即將該夷使護送出卡。並諭單呈覽一摺。霍罕胡什伯克於本年九月間。遣使進卡。懇將附近伊犁卡倫遊牧之哈薩克等。驅逐出境。以便收取馬租。該將軍等以哈薩克等既非在霍罕界內遊牧。何得越界勒租妄行嚇詐。務當各守舊界。長受天朝厚恩。至哈薩克內有給爾霍罕馬者。亦不顧問。所論固屬正當。使霍罕顧名思義。自知理屈。不

敢越界向哈薩克等嚇詐勒租。自可相安無事。儻狡焉思啓。竟以索取馬租為名。於哈薩克等恃強欺凌。該將軍等即當飭諭哈薩克等。爾等向在特木爾圖淖爾海池。西及吹塔拉斯等處遊牧。皆係天朝戡定地界。每年應交納租馬數十匹。仍當照常輸納。其霍罕向爾等索取馬租。願給與否。係爾卡外之事。天朝概不顧問。若哈薩克等因被霍罕欺凌。逃避卡倫附近地方。即當盡數截回。毋許進卡。

該將軍等總當鎮靜撫綏。妥為經理。切勿稍生邊釁。是為至要。本日另降清字諭旨。將布彥奏調任伊犁參贊大臣。該參贊到任。即同該將軍悉心商榷。隨時妥辦。以副委任。將此諭令知之。○先是葉爾羌參贊大臣長清等奏葉爾羌喀什噶爾二處糧餉章京員缺請改用六部司員。得旨。大學士軍機大臣議奏。至是奏查乾隆年間舊例。回疆各城糧餉章京。專用賞銜起廢人員。道光九年。經吏部議

准廢員內揀派乏人。改用筆帖式。今該大臣等奏請改用部員。部中得力之人。該堂官自必留辦公事。恐派出者仍係中材。在廢員固無由自贖。即邊陲亦未見得人。所奏應毋庸議。從之。○調伊犁參贊大臣常德為塔爾巴哈台參贊大臣。塔爾巴哈台參贊大臣布彥泰為伊犁參贊大臣。○予故伊犁將軍玉麟。入祀惠遠城祠。從將軍特依順保等請也。○丁巳。

上御太和殿傳臚。賜殿試武舉一甲牛鳳山。孫和平。張協忠。三人武進士及第。二甲段應元等三人武進士出身。三甲金廷試等三十二人同武進士出身。○幸圓明園。○諭軍機大臣等據御史許球奏本年九月初三日。前任漕運總督貴慶奏。江廣回空軍船請每船准帶蘆鹽四十包。每包百斤。給票至揚交課。貴慶一面具摺。一面即鈔摺行文。通幫無不知曉。各幫丁久不沾帶私之利。自有撤回幫弁

之奏。已有躍躍欲試之心。及奏請帶鹽。遂敢公然售買。並聞每船捆運竟有不止四十包者。現奉旨堵截。其隨幫風客。一經查出。自應嚴辦。若實係旗丁水手正身。與自行起意販私者。究有區別。幫丁均係愚民。甚至多方借貸。冀沾餘潤。現在照舊稽查。伊等購買之資。均歸烏有。利未獲而轉觸科條。法既行而全虧資本。兩江總督原以緝私為重。但新漕全局。亦宜熟計通籌。若一味濟之以猛。是貴慶籌議恤丁。非徒無益而又害之。殊不足折服幫丁之心。江廣幫船人數眾多。萬一鋌而走險。另起釁端。必至大費周章。貽誤歸次。請飭總督陶澍署漕督恩銘。妥速籌商。務令鹽漕兩利等語。前據貴慶奏。江廣回空軍船。請每船准帶蘆鹽四十包。並未降旨准行。何以通幫遽行知曉。是否貴慶一面具摺。即一面鈔摺行文。並擅行出示曉諭各幫。抑或該幫丁見貴慶八月中撤回查私幫弁之奏。竊疑禁

令稍弛。即公然私自攜帶。著陶澍恩銘秉公確切查明。據實覆奏。其隨幫風客及出資附和梟匪。一經查出。自當從嚴懲辦。儻各幫丁實有多方借貸。冀沾餘潤。貼補長途轉運實情。該督等應如何妥行設法。相機辦理。固不可任蘆鹽占礙淮綱。尤不可令幫丁滋事。致誤新漕兌運。將此各諭令知之。○又諭據御史劉誼奏。湖北自襄陽以下。濱江一帶。竟有宵小乘間出沒。乘坐漁舟。或十餘隻。或七八

隻。遇有往來商船。輒敢於白晝攔江肆劫。宜城所屬之小河流。水溝鍾祥所屬之轉斗灣。周家嘴。其風更甚。又宜城鍾祥交界之豐樂鎮。鍾祥所屬之寇家林。龔家集等處。向為盜賊淵藪。其盜竊民間耕牛驛馬。竟敢明目張膽。設立窩棚。勒令回贖。不遂其欲。即行宰殺。更有一種地方棍徒。假稱饑民。聚集多人。肆行劫搶。百姓深受其害。地方文武各官。多畏其強橫。不往查拏。即控告到官。率皆化劫為

竊。規避處分。遂致盜風日熾等語。國家設立地方文武員弁。原以緝奸究而安閭閻。若如該御史所奏。該省漢水濱江各處。盜賊橫行。商旅視為畏途。居民深受其害。詰奸禁暴之謂何。安賴此地方員弁為耶。訥爾經額。尹濟源。俱係朕特擢之人。深加信任。應如何激發天良。嚴飭所屬確切查明。如實有其事。務須嚴密查拏。速行緝獲懲辦。以儆兇頑。儻不認真辦理。將來釀成巨案。惟該督撫是問。將此

諭令知之。尋奏獲犯一百八十餘名。仍嚴密躡緝。以絕根株。得旨務須認真飭辦。斷不可稍有疏縱。○戊午。以太常寺卿李振祜兼署大理寺卿。○修乍浦水師船隻。從副都統成順請也。○蠲緩湖北武昌黃梅。江陵。公安。石首。嘉魚。漢川。黃岡。咸寧。蒲圻。大冶。漢陽。黃陂。孝感。沔陽。蘄水。廣濟。鍾祥。京山。潛江。天門。雲夢。應城。監利。松滋。枝江。荊門。江夏。興國。二十九州縣及屯坐各衛被水村莊新舊正雜額

賦有差。加賑漢川、黃梅二縣及屯坐各衛軍民。給武昌、嘉魚、黃岡、江陵、公安、石首、六縣及屯坐各衛軍民一月口糧。○己未。諭內閣。向來武會試內場取中試卷。先於雙好字號內選取。如不足額。再於單好字號內選取。是以各武舉試卷彌封後。仍送外簾御史。各照原箭冊印明雙單好字號。馬箭地毬步箭弓刀石。於各卷面上分六項填註。移送內簾。以憑去取。此定例也。武科之設。以外場為主。其弓

力強弱。尤足定其優劣。至馬步箭本有一日之長短。第能合式。自可命中。即如朕御紫光閣試中式武舉馬步箭。其能全中者。再閱時未必仍能疊中。至默寫武經。又其餘事。斷不能憑此為去取。本科會試。特派白銘、胡達源為正副考官。宜如何認真考覈。為國求材。乃殿試後。特命軍機大臣覆覈箭冊。除貴州本無雙好。此次中式單好武舉王家燮、陳正坤。應無庸議外。辰字團福建武舉。現有雙好一

名。取中單好許逢時一名。陝甘有雙好四名。除呂廷魁、丁定國二人中式外。取中單好馬興臨一名。宿字團滿洲蒙古有雙好五名。除慶喜隆山、雅爾胡善三人中式外。取中單好烏和哩一名。列字團山東有雙好六名。除紀冠軍、唐汝藩、樓夢麟三人中式外。取中單好楊雲鳳一名。廣東有雙好五名。除韓南輝、何如啟二人中式外。取中單好李達元、池化鰲二名。此數人俱僅開十力弓。惟烏和哩開十

二力弓。及派員覆試。又復不符。其馬興臨許逢時二人。覆試弓亦不符。尤不可解。究竟該考官等置雙好而中單好。以何為憑。若以中箭多寡為辭。則陝甘雙好中。均係馬步全中。何以舍此取彼。若以默寫武經為去取。則是重其所輕。伊等有心支吾欺飾。強詞奪理。其咎更重。至內簾監試御史蘇芳阿給事中黃爵滋試卷原不寓目。亦不應干預考官取中之事。第現有雙好字號。考官取中單好。出闈

後即應據實劾奏。何竟緘默不言。亦安用此監試為耶。白鎔胡達源蘇芳阿黃爵滋俱著單銜各具摺明白回奏。不准會商連銜。○庚申。

上御洞明堂。勾到江西安徽江蘇情實罪犯。停決江西斬犯十三人。絞犯一人。安徽斬犯十三人。絞犯四人。江蘇斬犯九人。絞犯十人。餘七十二人予勾。○諭內閣黑龍江呼倫貝爾之人。身材強健。步射嫺熟。且能施放鳥槍。此

朕素所深知。乃昨據前鋒統領護軍統領等帶領黑龍江呼倫貝爾所遺護軍校二缺。該將軍等擬送正陪之領催等四名引見。弓力較輒箭枝無準。轉不如在京之滿洲人等。可見該將軍副都統平日未能實心訓練兵丁。而於揀選之時。顯又草率擬送。似此因循日久。地方兵丁技藝全行廢弛。該將軍等所司何事。殊屬非是。所有將軍富僧德副都統敦良副都統兼總管博多歡俱著傳旨嚴行申

飭。惟念程途較遠。伊等俱係貧窶兵丁。其擬正之領催達蘭岱阿喇布坦。仍補授護軍校。其擬陪之沙木巴那穆勒圖。仍記名。嗣後該處咨送引見人員內。儘再有此等之人。不惟將該官兵飭回不放。定將該將軍等一併懲處。決不寬貸。將此通諭東三省將軍副都統知之。○調伊犁領隊大臣奕山。為塔爾巴哈台領隊大臣。以正藍旗蒙古副都統舒凌阿。為伊犁領隊大臣。○賞湖南等省壬辰科鄉

試年老諸生羅經盤等九名副榜。○辛酉。上詣綺春園問

皇太后安。○御洞明堂。勾到河南山東情實罪犯。停決河南斬犯十二人。絞犯六人。山東斬犯十人。絞犯七人。餘七十六人予勾。○諭內閣本科武會試正副考官白鎔胡達源。取中武舉。有置雙好而中單好者。監試御史蘇芳阿。給事中黃爵滋。出閣後並未據實劾奏。昨降旨令白鎔等各具專摺明白回奏。茲據白

銘等先後奏覆。白銘自認錯誤。強為說辭。衡材大典。斷不容稍紊舊章。任意去取。似此錯謬。非尋常疏忽可比。白銘著先行開缺。交部嚴加議處。胡達源則稱伊所取中之卷。並未置雙好。而中單好。惟於白銘中卷錯誤。未能查覈更正。正副考官。皆朕特加簡任。必應公同商酌。中卷如此錯謬。亦屬咎無可辭。胡達源著一併交部嚴加議處。至蘇芳阿。黃爵滋。均稱未能查明奏。實屬不合。俱著交部議處。○又諭慶山等奏。訊出台吉等偽編聖旨。撞騙欺人。私雕印信。詐取銀兩。牲畜大概情形。一摺。各處蒙古。舊俗向來淳樸。乃四等台吉。廣果爾。膽敢拜認原任台吉車登扎布為師。偽編聖旨。且又先後私雕將軍盟長扎薩克等假印十顆。刁詐羊駝馬匹並銀五百兩。實屬膽大不法。已極。車登扎布之子協理台吉都沁多爾濟。於伊父在日如何私雕印信之事。供稱不知。亦屬可惡。著即照慶山等所

奏。廣果爾著革去四等台吉。拏問。協理台吉都沁多爾濟著即解任。務須秉公逐件徹底嚴究。有無別情。按律定擬具奏。毋稍姑容。草率完結。尋奏。訊明廣果爾不法已極。應照私刻假印。編寫假旨。為首。斬監候律擬斬監候。都沁多爾濟。子為父隱。情尚可原。惟於伊父病故後。並未銷燬。仍留圖詐。亦屬不法。應照同夥者杖一百。流三千里。律擬杖一百。流三千里。下部議從之。○以都察院左都御史湯金釗。為工部尚書。刑部左侍郎。史致儼。為都察院左都御史。○以正紅旗漢軍副都統舒倫保。署正藍旗蒙古副都統。正藍旗滿洲副都統聯順。署正紅旗漢軍副都統。○壬戌。諭內閣。揀發河工學習之戶部主事盧毓嵩。應歸河督察看。現在京察屆期。原衙門毋庸註考。各衙門揀發河工學習各員。俱著一體辦理。各部郎中。截取知府及截取後。選授知府降旨。仍回郎中本任各員。與外任道府改補

京職事同一例。俱不准保送一等。其由丁憂回旗內用各員。每屆京察。仍准保送。○轉刑部右侍郎姚元之。為左侍郎。以江寧布政使趙威奎。為刑部右侍郎。湖南按察使楊翼。為江寧布政使。廣東惠潮嘉道趙炳言。為湖南按察使。○以捐修湖南常寧縣城垣出力。知縣范上組等。下部議敘。賞童生劉太和等八品頂帶。○癸亥。

上御洞明堂。勾到山西直隸熱河情實罪犯。停

—
宣統三年

手

決山西斬犯十一人。絞犯七人。直隸斬犯九人。絞犯十二人。熱河斬犯二人。絞犯二人。餘七十七人予勾。○諭內閣鄂山奏恭運

天壇

地壇望銓桿木。起程進京日期一摺。據奏四川石砮廳同知長唐。領運兩案採辦木植。經該督檄飭沿江州縣妥速護送出川。所有辦運經費。查照歷屆成案。在於通省文職知縣以上官員攤廉歸款。毋庸造報開銷。著俟前攤

木植扣完。接續起扣。至該員領運木植出川境後。由江南瓜洲進口。著江南山東直隸暨漕運河道各督撫轉飭經過地方。一體照料催趲。與明歲漕船插幫前進。俾臻妥速。而免疏虞。○又諭大學士富俊。年逾八旬。著加恩毋庸進內大臣班。秋審勾到日期。亦著免其入班。○又諭戶部奏。回疆軍需第三案內。查有未經造銷供支進征並凱撤官兵鹽菜馬乾車駝腳價及接運軍火等項銀五十七萬三千五百九兩零。口糧麵二百一萬八千三百十五斤零。節經奏咨嚴催。據該都統覆稱。予限半年。即可歲事。現在期限已逾。仍未將銷冊送部。帑項攸關。豈可任意久懸。致啟新舊那移之弊。且銀數既多。難保無浮支濫應及違例請銷情事。儻經手人員。遇有事故。輟轉咨追。尤非慎重經費之道。著烏魯木齊都統迅速妥籌清冊。務於年內送部題結。並著陝甘總督轉飭各該員弁。上緊查造。咨送覈

覆。母許再事玩延。以清款項。○諭軍機大臣等。新授廣東惠潮嘉道李本榆。官聲素好。召見時。察伊精神亦未衰頹。惟該員年歲究係望七。於地方公事。能否照料周到。不致貽誤。著該督撫於該員到任後。隨時留心察看。據實具奏。不可因特旨簡放之員。稍存遷就。將此各諭。令知之。尋奏。李本榆明白老練。實力實心。精神甚好。必不致有貽誤。報聞。○展八旗兵丁應扣借支庫銀限期兩月。○甲子。諭

內閣。

孝慎皇后升祔典禮。著豫期於明年在暫安處舉行。○又諭。本年各直省辦理秋審人犯。經刑部由緩改實者。貴州八起。江蘇山西各五起。該撫及臬司等於秋獻大典。未能慎重詳覈。致有失出多案。俱著交部查明分別議處。嗣後各直省督撫督率臬司。務當虛衷定讞。斷不可惑於救生不救死之說。意存寬厚。故從輕減。亦不可有心刻覈。過於嚴峻。總期

無縱無枉。各當其罪。用副朕執法用中至意。○又諭。御史富彰奏。漕船回空遲滯。請加整飭。辦理一摺。漕糧為天庾正供。節經降旨。令有漕各省督撫。早兌早開。毋稍延緩。致逾期限。本年回空幫船。令該漕督及沿途督撫。催趲前進。俾得及早歸次。毋誤來年新漕。茲據該御史奏。有漕各省。陋習相沿。一切章程。並不照例辦理。以致幫丁有所藉口。著有漕各省督撫。嚴飭各該州縣。於收漕時。一律揀選

米質乾圓潔淨。收足受兌。斷不准任聽漕書家丁。勾串糧戶。攪和使水。並不准藉稱糧戶擁擠。遲至幫船到次。尚未收足。停泊待兌。務於每年十月開倉徵收。冬兌冬開。以符例限。儻因例限已迫。以隨收隨兌為詞。將就收倉。經領運弁丁驗看米色。有糠土廩穀米質潮溼者。攪雜其間。慮中途微變。不肯受兌。必致彼此爭執。百弊叢生。甚或買賄易換。輾轉批查。則幫船受兌開行。必多遲滯。至三關五壩。

沿途耽阻。據該御史奏。每船需費多銀。該旗丁例得錢糧。豈容任聽。關纜夫頭等多方需索。輾轉稽延。著該漕督嚴飭各漕員實力催趲。認真整頓。不准開兌遲滯。沿途耽阻。僱夫頭人等有需索情弊。即行查出重懲。俾各幫銜尾趲行。毋稍遲延。致逾期限。以速漕運。○又諭嵩溥奏幕友在州同署內受傷身死。請將該州同及原驗之知州一併解任質訊一摺。此案貴州三腳坐州同宋大齡幕友鄭超

瀛受傷身死。既在該州同署內。何得諉為不知。署獨山州知州周孚作前往驗訊。僅據屍役羅升供詞。定為因瘋自戕。現審供情。又復游移。屍母鄭張氏呈控該署州賄囑捏詳。從前相驗時。何以不傳鄭張氏到案。率將屍身殮埋。案情種種可疑。宋大齡周孚作著一併解任。交該撫提同全案人證質訊明確。按律究辦。如果鄭超瀛非由自戕。該員等實有賄徇串囑情弊。必當秉公根究。嚴叅懲治。勿稍

有不實不盡。尋奏鄭超瀛實係因瘋自戕。伊母尚在原籍。是以未經傳到。惟周孚作任意添改供情。使信讞轉成疑竇。宋大齡未能覺察防範。究有不合。請交部嚴議議處。從之。○又諭陶澍等奏報拏獲兇犯歸案審辦一摺。上年江蘇桃南廳十三堡奸民兇掘河隄。首犯陳端因該地方官未能即時查究。密速掩捕。致令日久在逃。朕屢降嚴旨責令上緊緝拏。勿視為海捕具文。茲據該督等由驛

馳奏正兇就獲。洵足大快人心。可嘉之至。署安徽懷寧縣知縣趙仁基於奉旨通緝要犯留心盤獲。緝捕實屬勤能。趙仁基著加恩賞戴花翎。以直隸州知州即行升用。先換頂帶。用示獎勵。其協緝各員弁著該督等查明尤為出力。酌保數員。候朕施恩。該犯陳端係兇隄案內首要重犯。漏網年餘。始經就獲。著陶澍於該犯解到時。即親提嚴訊。並將待質案犯陳欽劉開成等提出。三面質審。務當根究

明確盡法懲治。一面押赴犯事地方即行辦理。一面奏聞。以伸國憲而昭炯戒。蠲緩湖南安鄉華容武陵龍陽沅江澧巴陵七州縣及岳州衛被水莊屯新舊額賦有差。賑安鄉華容二縣災民。並給一月口糧。給安鄉縣災民房屋修費。○乙丑。諭內閣。本日據吏部奏。嚴議武會試正副考官白銘等。分別降調。降留均屬各所應得。歷科武會試內場取中試卷。先於雙好字號內選取。如不足額。再於單

好字號內選取。此定例也。本科會試。特派白銘胡達源為正副考官。自當認真考覈。以備千城之選。乃置雙好而中單好。至有六名之多。及至派員覆試。許逢時馬興臨烏和哩均以弓力不符停科。其未經停科之楊雲鳳李達元池化鰲均以衛守備用。可見此次中式單好武舉六名。技藝俱極平常。其外場監射較射王大臣。考校尚屬秉公。並未屈抑人才。而白銘等悍然不顧。以千人共見之技。竟至

上下其手。實不平允。朕不為己甚。姑勿深究。白銘著降補大理寺卿。胡達源著降補翰林院侍講。以示薄懲。御史蘇芳阿給事中黃爵滋部議降二級留任之處。均著加恩改為降一級留任。不准抵銷。此係朕量從寬典。該員等當知感懼。勉圖後效。嗣後武會試揭曉後。宜如何倣照文會試之例。派員將取中各武舉。比對監射較射各冊。覆加磨勘之處。著兵部妥議章程具奏。○又諭前因楊國楨奏。

請將領運豫漕之千總。由豫省糧道考覈。當經降旨交該部議奏。茲據潘世恩等奏稱。該運弁等三年甄別。五年軍政。均由該管糧道出具切實考語。申詳漕運總督覈辦。運弁之優劣勤惰。全在本管官平日留心稽察。豫省漕糧。向係直隸山東江南三省之通州等十幫協運。其領運之弁。每年由本管糧道會派出考。報部查覈。豫省道員。不過每年九月受兌領運時。知其一時之勤惰。其平日優劣。未

能周知。况運弁每年更換。考覈具有定期。若以一運之考語為據。則三年甄別。五年軍政。必致礙難辦理。如該弁等實有偷安怠玩等弊。豫省糧道原可揭叅。其出考之本管糧道。亦有應得處分。定制相維。自足以懲懈玩。所有該撫前請將領運豫漕之十幫現運千總。年終甄別。及軍政通完等案。由豫省糧道考覈之處。著毋庸議。至該撫所稱運弁以豫省糧道非其本管。易啓怠玩之漸。並以臨時叅

軍機處

奏

揭。委代猝難其人。恐誤漕運。著署漕運總督恩銘體察該省情形。有無實在掣肘之處。詳悉查明。妥議章程具奏。尋奏三年甄別。五年軍政。應仍照舊辦理。毋庸再議。其沿途抗玩誤公各幫弁。應由豫省糧道就近詳請河南巡撫覈辦。毋庸申詳漕運總督。以免遲誤。又押空千總。應由漕運總督揀選明幹之弁。先期派往以備差委。該空運是否得力。亦由豫省糧道隨時考覈。分別辦理。下部議。從之。

諭軍機大臣等。前據特依順保等奏。霍罕胡什伯克遣使祈將附近卡倫遊牧之哈薩克等驅逐出境。以便收取馬租。已降旨諭知。特依順保等妥為撫馭。勿生邊釁矣。朕思邊防最關緊要。霍罕犬羊成性。貪黷無厭。其請驅逐附近卡倫遊牧之哈薩克。並敢有親帶二萬人往索馬租等語。是竟包藏禍心。覬覦附近伊犁遊牧。亦未可定。從來撫馭外夷。道在羈縻。彼霍罕妄自尊大。罪不容誅。然得其地

軍機處

奏

不足為富。臣其眾不足為武。朕反覆思維。哈薩克恭順有年。雖收其馬貢。並不准其入卡。此即推而遠之。不肯棄之之義。立法之初。意至深遠。經此次飭諭之後。霍罕照常恭順。固可相安無事。儻再遣使來書。詞或形悖慢。即當明諭大義。以哈薩克臣服已久。其在附近伊犁遊牧。本係天朝地方。係大皇帝恩賚。是以納馬為租。爾霍罕與哈薩克爭競。則是爾自外生成。不畏德威。妄思覬覦。務當遵守舊

界長受厚恩。其哈薩克內有願給爾馬者。亦不過問。尤不可以誇大虛詞。向其恐嚇。致起釁端。並諭哈薩克等。以爾在特木爾圖淖爾海。迤西及吹塔拉斯等處遊牧。皆係天朝戡定地界。每年應交納租馬。仍當照常輸納。其霍罕向爾等索取馬租。願給與否。係爾卡外之事。與天朝無涉。若哈薩克被霍罕欺凌。爾八卡倫。欲天朝幫助。斷無是理。即當盡數截回。該將軍等一面明白曉諭。一面嚴飭沿邊

一帶卡倫。時加防範。斷不許輕出卡外邀功。其尋常蠻觸相爭。天朝原可不問。哈薩克係我卡外藩籬。勢難任霍罕欺凌。致損國威。儻敢帶兵以驅逐哈薩克為名。犯我卡倫。該將軍等當審時度勢。可守則守。可戰則戰。若竟擅入卡內。則不得不示以兵威。痛加剿戮。如逃出卡外。則窮寇莫追。萬勿墮其奸計。是為至要。長齡於道光六年簡任伊犁將軍。伊在朕前。曾奏索倫錫伯兩營。最為驍勇。其餘各

營。亦當一律精銳。特依順保久經行陣。布彥泰在伊犁日久。自當熟悉該處情形。該將軍參贊必須大加振作。和衷共濟。認真操演。務令一兵得一兵之用。使哈薩克心有所恃。不致被霍罕引誘。而霍罕又知官兵精壯。聞風生畏。自不敢妄生希冀。當以戰守為實務。訓練為先聲。以逸待勞。首尾相應。嚴行防備。勿稍疏虞。再朕聞伊犁糧米出卡甚多。官兵度日拮据。所關甚鉅。著該將軍等嚴行禁止。並

查其出卡之由。認真辦理。欲使官兵精壯。必須用度寬裕。撫之以恩。誼申之以紀律。庶幾萬里長城。同心敵愾。該將軍等其善體朕意。馬。將此諭令知之。尋布彥泰奏參贊大臣常德。正月初十日後可以到任。即當馳赴伊犁。與特依順保斟酌情形。相機辦理。報聞。○又諭朕患愛黎元。惻隱在抱。各直省偶遇水旱偏災。一經該督撫等奏到。無不立沛恩膏。不使一夫失所。惟國家經費有常。豈容以蠲緩

賑濟曠典。視為相沿年例。一切弊端。不加查察。竟至有名無實。是以前經降旨。令江蘇等省各巡撫認真查覈。不准視為具文。任聽吏胥舞弊。以期實惠及民。茲據給事中金應麟奏稱。積貯之利無窮。補救之利有限。被災地方。窮民最苦。而豪棍最強。富戶最憂。而吏胥最樂。有攬和糠粃。短缺升斗。私飽己橐者。有派累商人。抑勒鋪戶。令其幫助者。有將鄉紳家丁佃戶。混入丁冊。希圖冒領者。有將本署

貼寫卑班。列名影射者。有將已故流民乞丐。入冊分肥者。有將紙張飯食車馬派累保甲。作為攤捐者。有將經紀貿易人等。捏作饑民。代為支領者。甚至將已經報荒之地。水退不。准耕種。以待州縣履勘。名曰指荒地畝。百姓漸至逃亡。而奸狡之徒。以災荒為得計。賑糧到手。猶復隨眾扳號。本境已完旋即改居他邑。米船過境。設卡截留。典鋪未開。邀人爬搶。生監把持。婦女喧嚷。種種惡習。不可勝言。州

縣略加懲處。吏胥即串同土棍。開堂毀辱。上司慮生事端。予以撤任。於是相習成風。冊籍付之糧吏。銀米委之劣衿。今歲已賑。明歲復然。真正饑民。全無實惠。加以疲憊州縣。剋扣賑糧。彌補虧空。病國病民。尤堪痛恨。從前乾隆嘉慶年間。捏災冒賑之案。無不盡法處治。今十數年來。各省督撫。未有叅劾及此者。豈今之州縣。勝於前人乎。總緣各上司。憚於舉發。故雖百弊叢生。終不破案。實為近來痼習。

嗣後各督撫。府尹。務當激發天良。力除積習。於稔收處。所積存穀石。不准僅留例價。於歉收處。所訪查各弊。不得稍事姑容。儻不能實力實心。認真查辦。再有前項弊端。經朕派員查出。或別有訪聞。定當從重懲處。決不寬貸。勿謂言之不豫也。懍之慎之。將此各諭。令知之。○又諭。有人陳奏。江西候補縣丞潘鈐景。耀等。訛詐一案。曾於本年二月間。奉旨交陶澍周之琦查辦。嗣據該督撫奏覆。將潘鈐等

革職完案。查陶澍摺內稱潘鈐按查鴉片煙被人控告。該縣丞亦性耽鴉片煙。景耀亦有結騙之事。喧傳人口。周之琦摺內則稱潘鈐等性情躁妄。予以革職。並稱景耀先已告假回旗。查無被控案據。不予處分。與陶澍所奏不同等語。潘鈐以私吸鴉片之員。按查鴉片煙。訛索多方。實出情理之外。陶澍既稱該縣丞性耽鴉片。周之琦近在同城。豈無聞見。何以未經入奏。況官員私吸鴉片。例應杖徒。如不將賣煙人供出。即應加等擬流。豈予以革職所能完結。至景耀以官員結騙。尤應嚴叅。陶澍遠在兩江。尚能訊知其事。予以叅革。周之琦身為巡撫。豈有不知此案之理。何以與該督所奏不相符合。著陶澍即將潘鈐私吸鴉片煙。景耀結騙各案。再行詳查妥擬。據實覆奏。該督務須破除情面。認真查辦。毋得心存回護。避重就輕。方為不負委任。將此諭令知之。尋奏潘鈐吸食鴉片。景耀誑借衣服賣

錢。係從密訪得實。分別入奏。周之琦係憑該衙門現在控案辦理。是以兩歧。報聞。○命鎮國公奕興在散秩大臣上行走。○蠲緩江蘇上元。江寧。句容。溧水。高淳。江浦。六合。丹徒。江都。儀徵。桃源。長洲。元和。吳縣。江震澤。常熟。昭文。崑山。新陽。華亭。奉賢。婁金山。上海。南匯。青浦。川沙。武進。靖江。丹陽。山陽。阜寧。清河。安東。鹽城。高郵。泰東。臺。甘泉。興化。寶應。銅山。豐沛。蕭。錫山。宿遷。睢寧。海。沭。陽。贛。榆。無錫。江陰。宜興。荆溪。金壇。太倉。鎮洋。嘉定。崇明。六十一廳州縣及揚州。大河。蘇州。淮安。徐州。鎮海。太倉。金山。八衛。被水莊屯。新舊正雜額賦有差。賑上元。江寧。句容。溧水。高淳。江浦。六合。江都。儀徵。九縣及揚州衛軍民。給桃源縣及大河衛軍民一月口糧。○丙寅上詣安佑宮行禮。○孝慎皇后殯宮月祭。遣官行禮。○諭內閣。前因

武會試正副考官白銘等。置雙好而中單好。屈抑人才。已降旨將白銘等降黜矣。朕查閱直省未中雙好各武舉內。陝甘雙好武舉馬步霄。馬上中七矢。步下中六矢。刀石俱係頭號。較之單好中式。罰科之馬。與臨實為過之。朕不忍任其屈抑。致令向隅。馬步霄著加恩。以營守備用。附於本科武進士之後銓選。其未補缺以前。仍准其一體會試。又諭盧坤奏省河鹽課奏銷。懇恩展限一摺。兩廣鹽課例係歷年奏銷。前於道光十年十二月奏銷九年引餉。因行銷遲滯。奏准展限三箇月。並聲明遞年趨早一箇月。計至道光十三年年底。復歸原限。茲據該督奏稱。本年行銷十二年分引鹽。因值夏秋大雨。潦水漲發。埠銷遲滯。又值一年兩次奏銷。商力不逮。尚屬實在情形。著照所請。所有兩廣省河各商。道光十三年應完道光十二年分課餉。著展至道光十四年三月底奏銷。以紓商力。仍照原議遞
--

年趨早一月。至道光十六年年底。復歸原限。嗣後該督務須督飭運司。實力催商趕運。銷售。斷不准援案再請展限。以符定例。而肅疆網。

實錄卷一百四

聖

大清宣宗效天符運立中體正文聖武智勇仁慈儉勤孝敏成皇帝實錄卷之二百四十四

是如不破除情面認真辦理一遇緩急兵將皆不可恃豈止誤國先自誤矣諒汝不至如此不明事理然朕所諄諭者期勉之又勉耳○命陝甘總督楊遇春撥銀七萬八千九百一十三兩解赴喀什噶爾英吉沙爾備道光十四年經費○戊辰

上詣

大高殿

壽皇殿行禮○奉

皇太后還宮○以伊犁領隊大臣舒凌阿為涼州副都統涼州副都統壽昌為伊犁領隊大臣兼正藍旗蒙古副都統○修河南山東黃河兩岸隄堰壩餞添購上南中河儀睢商虞曹河五廳碎石及河南十三廳山東二廳米年稽石從河道總督吳邦慶請也○己巳

上詣

皇太后宮問安○賞順天壬辰科鄉試年老諸生王瑤等三名副榜○追旌殉難捐軀江蘇

無錫縣贈大學士嵇永仁妾蘇氏○採買寧夏滿洲營來年兵糧從總督楊遇春請也○貸福建南靖縣修沿河長隄銀○庚午

上御懋勤殿勾到朝審情實罪犯停決斬犯九人絞犯六人餘十九人予勾○諭內閣本日朝審勾到情實罪犯內奎秀福英阿一起常犯庫書史禹亭一起法無可寬均已予勾處決矣此案奎秀福英阿身任庫官均有監臨之責聽信戴雲峯等虛出通關截留侵蝕各分用銀一千兩庫書史禹亭膽敢勾串官吏舞弊婪贓刑部定案時有完贓不准免罪字樣不得不執法懲治以儆貪邪前經刑部奏該犯等均於定案後陸續完贓銀彼時若不准其呈繳恐豫先漏洩風聲因而畏罪自戕轉致倖逃法網是以未經駁斥第法不可廢不能以業已完贓稍從末減今各該犯均已明正典刑所有奎秀福英阿史禹亭完贓賊銀均著擲還交其家屬領回○以太常寺

少卿徐忻兼署光祿寺卿。○辛未。鑄給四川穆坪分管魚通長官司鈴記。從總督鄂山請也。○除江蘇常熟縣坍沒蘆地一百七頃九十一畝有奇額賦。○壬申。諭軍機大臣等。本日據鄧廷楨奏。職員被控。因訟行賄。牽涉門丁書吏。請將該縣革職審訊一摺。已明降諭。旨將該縣劉虎文革職。職員管慎修斥革。交該護撫審辦矣。此案職員管慎修。輒至申陳氏家飲酒。迨被王嵩等訛詐。情願出錢了事。

又復串囑李賡光捏控搶毆。而李賡光既聽囑誣控在先。復自行呈首牽控行賄於後。顯有訟棍播弄輾轉串唆情事。管慎修所繳銀兩。如果實係捐項。必有捐簿可查。何以不由董事催收。而交縣書送署。况係願捐在先。自應早行呈繳。何以適當被控之時。始行繳案。恐該縣劉虎文實有因事勒索借捐影射情弊。案關職官因訟行賄。必應徹底根究。以成信讞。著佟景文即行提集全案人證。秉公嚴

審。按律辦理。該護撫務當破除情面。斷不許稍存徇庇回護之見。致有不實不盡。將此諭令知之。尋奏霍邱縣捐辦工程。向係繳存歸庫。陸續領用。此次管慎修實係捐辦挑河。劉虎文於收捐後。即經稟府立案。訊非藉捐行賄。惟控案未結。遽爾收捐。致滋物議。究屬錯誤。管慎修照官吏挾伎飲酒律擬杖。業經革職斥革。均毋庸議。李賡光。王嵩俱照律擬杖。下部議從之。○以右春坊右中允王煜充日

講起居注官。翰林院編修李儒郊。署日講起居注官。○以河南淮寧縣捐賑出力。予紳士白玉堂等議敘有差。○癸酉。諭內閣。御史許球奏。外省州縣淹禁人犯。請嚴行查禁一摺。監獄之設。原以收禁重囚。輕罪人犯。不准濫行收禁。其故禁淹禁者。律有治罪明條。即必應監候待質之犯。例內亦有一定年限。屆期即應分別決罪取保。並須將待質緣由。先行咨部查覈。立法至為詳慎。乃日久玩生。州縣

內竟有恣意遷延多年淹禁。如該御史所奏。上年閏九月間。四川總督鄂山奏。查明收禁人犯。從前漏未咨部。積有七起之多。其中慶符縣梁貴一起。自嘉慶三年監禁後。在監三十五年。經鄂山提訊明確。問擬杖徒。復經刑部議覆免罪。是梁貴係一無罪之人。縲絏半生。殊出情理之外。其餘各起。或係命案。或係劫竊人犯。均於嘉慶二十五年道光元年四年五年先後監禁。歷久不為清理。前任四川

總督琦善查出石泉縣淹禁一起。始行飭屬通查。陸續發覺。若以為監禁各犯。均係案情膠轕。難於剖斷。何以一經鄂山提訊。立即審結五起。可見前此之等候要證。顯屬該廳縣藉詞延宕。漠不關心。其不行詳請咨部。更難保無有心隱漏。似此玩視庶獄。不可不就其情節尤甚者。從嚴懲處。以儆其餘。所有四川查出淹禁人犯。並不詳請咨部之各廳縣。其年分較淺者。姑從寬交部照例議處。其慶符

縣梁貴一案。並非命案正犯。任聽差役賄供。查無兇器。輒將無罪之人。沈繫監獄三十五年。不為訊斷省釋。歷任慶符縣知縣。尤屬怠玩不職。著吏部查取職名。按其在任時日久暫。分別嚴加議處。俾有監獄之責者。知所儆惕。四川一省如此。他省恐亦不免。淹禁之業。經發覺者如此。其未經發覺者。又不知凡幾。著各省督撫嚴飭臬司道府詳查各屬。儻有似此淹禁人犯。不行咨部。或但詳請咨部。並

不趕緊審辦者。隨時分別叅劾。勿稍姑容。州縣例設循環簿。填註每日出入監犯姓名。按月申送上司查閱。如果認真考覈。何致淹禁如此之多。總因該管上司視為具文。遂至相率因循。獄多沈滯。此次訓諭之後。該督撫等務各激發天良。飭屬清釐庶獄。毋許稍有遷延拖累。波及無辜。若查有仍前情弊。必將有獄官及該管上司。一併從嚴懲處。決不寬貸。將此通諭知之。○直隸總督琦善等會奏議

覆御史炳輝條陳漕弊。查剝船運米幫丁親押。例有明文。嗣後均照本年坐糧廳議定章程。於米石上船後。將重席苫蓋。用竹片釘實。黏貼單油印封。以杜偷竊。仍飭通判妥擇船戶。不准以無賴濫充。到壩時。由坐糧廳驗明啓封。原奏添設船頭總船頭之處。應毋庸議。得旨。所議尚屬周到。然總在行之以實。不可一奏了事也。○先是江西道御史那斯洪阿奏。條陳國用事宜。得旨。大學士軍機大臣會同該部東公叢實。悉心詳查。妥議具奏。至是奏。○叢實鹽課。各省奏銷。均令按期題報。如不足額。將督催經徵官。照初叅復叅例議處。至銃引賠課。向無處分。嗣後如有援案申請。銃引一半賠課者。照鹽引不行題明。擅自那撥例。該管官降一級調用。鹽政降一級留任。兼管之督撫罰俸一年。若通綱銃賠分限。該管官降一級調用。鹽政降二級留任。兼管之督撫降一級留任。○節制冗費。請將近三年

內有例有案有定數之款。有例有案無定數之款。有案無例之款。各為一單。再加裁減。由戶工二部另行具奏。餘毋庸議。從之。尋戶部奏有額之項。無可節省。隨時動用之款。如河工海塘軍需賑濟一切。少有虛糜。即應駁削。亦難豫為裁減。惟查各省雜支留支之項。有可覈實減除。及酌量改動者。司庫積存銀兩。有向未入撥。可行令入冊報撥者。俾司庫少存閒款。免致虧那。工部奏京外工程。非關緊要。無不停辦。准修各項。有例者照例覈銷。無例者據案覈銷。其中或有例價不符做法不合者。均經隨時裁減。嗣後惟有加意鉤稽。遇有應行裁汰之款。極力撙節。以杜浮冗。均從之。○以捐修廣西貢院號舍。並新建考棚書院。予紳士馬東良等議敘有差。○甲戌

上詣

皇太后宮問安。○遣官祭

先醫之神。○兵部議奏請自乙未科武會試

起照文會試例。奏派大臣專司磨勘。榜發次日。令提調司員檢齊各圍監射較射箭冊。交該大臣公同比較。或該省本無雙好。准於單好內取中。但單好內弓刀石三項。亦須比較。強弱不得僅憑中箭多少。以為去取。違例奏參從之。○乙亥。諭內閣。直省考試武場。總以挽強命中為主。弓刀石自當並重。督撫學政有衡校之責。如果秉公考閱。認真挑取。必能開出號弓。堪登上選。以備千城之任。若僅

以技勇為重。殊不足定優劣。至技勇不過平等。或其人狀貌魁梧。馬步箭多中者。即憑以錄取。尤屬虛浮習氣。試思馬步箭本有一日之短長。第能合式。即可命中。再試時未必仍能疊中。况狀貌魁梧。豈必勇力超羣。以此取材。甚非覈實之道。嗣後各直省武場考試。務當以弓力強弱。分別去取。弓力既能挽強。技勇又復優嫻。自稱上選。如此認真校閱。庶可拔真才而杜倖進。○又諭。前任淮關監督文

連廣亮賠項較多。並未依限完繳。甚屬延緩。此次龍泉峪栽種初限。二限樹株。即派文連廣亮承辦。不准開銷。所有一切移栽灌溉。及保固年限。悉照奎照所奏章程辦理。○諭軍機大臣等。有人奏陝西南山地方緊要。連歲歉收。請飭豫為防範一摺。據奏陝西省漢中興安二府。界連川楚。其山田半係外來遊民開墾。又有木廂紙廂各商販聚眾尤多。即官兵素稱勁旅。其沾染鄉勇新兵習氣。不安本

分者。恆十數人結為兄弟。倚勢欺虐居民。遇有兵民交涉事件。地方官動形掣肘。嘉慶十一年。有新兵滋事之案。十八年。又有饑民滋事之案。皆因年歲荒歉所致。上年南山一帶。包穀歉收。本年秋季雨過多。收成歉薄。南山五方雜處。最易藏奸。請飭豫為防範等語。陝西南山地方緊要。前據該撫以災歉情形奏請緩徵。當即降旨允准。惟念該府廳所屬災歉頻仍。百姓待哺嗷嗷。必應加意撫卹。其漢中

陝安等鎮。支放兵糧。尤恐胥吏作奸。或因米色攙和。斗面剋扣。即難保無匪徒聚眾。藉端滋事。著該督等嚴查密訪。遇有此等情弊。必應分別重懲。至兵民交涉事件。務飭該鎮道等和衷商辦。兩無袒護。儻辦理不得其宜。致滋事端。惟該督等是問。懍之慎之。將此各諭令知之。尋奏。山內官兵。川楚邊界廂販商人。均各安分守法。支放兵糧。向用折色。胥吏人等亦無攙和剋扣等弊。報聞。○又諭。有人陳

奏。江西湖廣各州縣。官鹽價昂。每斤制錢六十文至七十餘文。而私鹽每斤不過三十餘文。民間杆法食私。地方文武員弁。任聽該商昂價漁利。絕不禁止。其為得規庇縱無疑等語。商人私擡鹽價。本干嚴禁。近年一切陋規浮費。概行裁革。商本既輕。鹽價即可平減。若如所奏。官鹽價昂。幾及私鹽一倍有餘。私梟乘間而入。勢必官引滯銷。課款不能足額。著陶澍等嚴飭各該地方文武員弁。於新定章

程。實力奉行。不得仍前收受商人陋規。任聽昂價。儻查有得規庇縱情弊。即行嚴叅懲辦。並著照現在銀價。覈定每鹽一包。應值制錢若干。通行曉諭。不准踰越。俾鹽價平減。官引暢銷。以期鹺務漸復舊規。將此各諭令知之。尋陶澍奏。湖查嘉慶六年。奏定江廣鹽價。水販轉運。例准按程加增。自道光十一年酌減部價二成之後。偶有增長。隨即復原。本年場竈被淹。成本較重。商情竭蹶。屢次援案請復

部價。均經剋切駁斥。現在湖廣售價尚平。江西銷市更滯。仍嚴飭地方文武。無許得規包庇。報聞。裕泰奏。湖廣兩省食鹽。均由漢岸分運。水販總售。鋪戶零賣。准有工伙運腳餘息。歷經奏明。載在鹽志。現在各屬起價。未踰奏定之數。無從覈減。嗣後擬覈定價值。出示曉諭。仍令各屬按月稟報。如查有賣價與報價不符。即行嚴叅。以肅鹺政。得旨。務要認真妥辦。○又諭。龍泉峪各處地面。栽種初限二限

樹株。本日已另降諭旨派文連廣亮前往承辦。奎照即將奏定章程。交該二員妥為料理。其如何購買及移種補栽澆灌培養均責成伊二人辦理。奎照自可毋庸經管。至栽種後恐有偷竊剗挖情事。著奎照隨時稽查。妥為防護。將此諭令知之。○以江蘇布政使陳鑾兼署按察使。○禮部議准湖南巡撫吳榮光疏報採訪零陵縣貞節婦女胡氏等四百一十二口。請建總坊旌表從之。○

上以冬至祀

天於

圓丘。自是日始。齋戒三日。○丙子。諭軍機大臣等。昨據奎照奏。酌擬龍泉峪種樹章程一摺。已降旨派文連廣亮前往承辦。並令奎照將奏定章程。交該員等妥為料理。○三陵海樹。已據奎照擇其枝棵壯嫩。堪以移種。七尺至九尺者。共一百二十株。敬謹籤記。恐該員等拘泥不敢移種。著奎照俟文連

廣亮到彼。即詳細告知。於明年冬令。敬謹移栽寶山。及左右內砂山至紫山等處。並將採辦樹秧。按地面如數補種可也。將此諭令知之。○戶部議准雲南巡撫伊里布疏報陸涼。祿勸二州縣開墾田四頃三十三畝。有奇。照例升科。從之。○丁丑。

上詣

南郊齋宮齋宿。○戊寅。冬至。祀

天於

圓丘。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后殯宮。

孝慎皇后殯宮。○遣官祭

端慧皇太子園寢。○停次日朝賀。○詣

皇太后宮問安。○諭內閣本日

南郊大祀。贊禮郎廣昌禮節嫻熟。著加恩賞給

大緞一匹。嗣後遇朕親詣行禮祀典。著派元

祿廣昌輪流贊引。○又諭前據御史許球奏。

風聞江廣回空軍船。有夾帶私鹽之事。當經

降旨令恩銘等查明覆奏。茲據該署漕督奏

稱。貴慶於八月十八日。奏請裁撤漕弁查搭

私鹽。具摺後。即鈔錄摺稿。咨行各督撫鹽政

及糧道運司等查照。是貴慶未經接奉諭旨

之先。輒即鈔摺行文。各該督撫鹽政等。令其

查照辦理。實屬冒昧。貴慶著交部議處。○諭

軍機大臣等。本日據盧坤由驛馳奏。探報越
南近信。嚴密防堵情形一摺。覽奏均悉。此次
越南國黎氏後裔黎維良糾合北勝土司勾
結土民。在清化地方起事。又據該國諒平巡
撫黃文權稟有保樂州農文雲聚黨謀匪。國
王派兵征剿。誠恐奔竄。請乞拏究等情。現飭
署太平府知府慶吉前往巡查。探聞該國保
樂州阮有魁帶兵攻打牧馬。九月初諒山鎮
夷官黃文權帶兵救援敗績。沿途雖設有排

柵。地方遼闊。兵力少單。已飭龍州等處雇募
鄉勇。並派兵前往隘口。嚴密防禦。其與越南
毗連龍憑。爐。三營。地廣兵單。現檄署新太
協副將周應麟。會同慶吉親赴各關察看。相
機慎防。實力堵禦。以期嚴密。其龍憑營所屬
各隘水陸塘汛。長三百餘里。與越南犬牙相
錯。各隘防兵。僅止二百八十餘名。該督即飭
該都司等嚴堵內奸外匪。乘間竄越。並飭沿
邊各土司一體督率兵勇。會同官兵嚴密防

堵。毋稍疏懈。該督仍飭署太平府知府慶吉。泗城府知府興仁。鬱林州知州王彥和等。隨時防範。仍遵前旨。如有夷匪竄近邊圉。立即督率兵勇嚴行堵截。毋使一名闖入。總不許越疆妄殺。致滋釁端。又另片密奏。該國王不能自存。竟至叩關請兵。即當正詞拒絕。惟該國王恭順有年。不便直言拒絕。所有盧坤請以官弁兵丁。於該國道路水土。未能服習。到彼即染瘴癘。斷難深入。徒勞該國供頓。惟有

整旅境上。遙為聲援。該國王當臥薪嘗膽。招集本國忠義匡復。而天朝之兵。斷不為此。深識大體。可嘉之至。儻該國王竟有叩關請兵情事。該督等即照此辦理可也。將此諭知盧坤。祁墳。李增階。余步雲。並傳諭署廣西提督文哲珽知之。○己卯。

聖祖仁皇帝忌辰遣官祭

景陵

上詣

壽皇殿行禮。○庚辰。諭軍機大臣等。前據特依順保等奏。請弛商民販運鹿茸之禁。納稅以資河工修費一摺。當交大學士。軍機大臣議奏。茲據奏稱。伊犁錫伯等四愛曼所獲鹿茸。售與商民轉販內地。其在章程未定之先。商民自知私販鹿茸。違禁犯法。不敢向蒙古勒買。既經奏定之後。即與奉官收買無異。輒向各愛曼減價收買。日久或帶同獵戶。私打牲畜。侵奪蒙古食用之資。亦不可不防其漸等

語。事關蒙古生計。著特依順保。布彥泰覆加詳覈。果能永無流弊。不至有苦累四愛曼蒙古之處。據實覆奏。再行覈議。將此諭令知之。○浙江學政陳用光奏。浙江士習好訟。而嘉湖尤甚。嘉興有紅帽子。湖州有白帽子之議。謂嘉興則生監。湖州則鄉民也。先事訪聞。已時加諄誨。得旨既有紅白帽子之稱。必應擇其最不安分之徒。隨時懲辦。以一儆百。空言諄誨。何益之有。朕看汝德有餘。而才不足。嗣

後務當加以振作。勿徒博寬厚也。○賞還三品頂帶直隸總督琦善頭品頂帶。○賞八旗兵丁一月錢糧。○辛巳。諭內閣。向例盡役嚇詐致斃人命。不論贓數多寡。問以絞監候。其差役因公逼斃人命。及差役子姓親屬私代辦公。逼斃人命之案。作何治罪。律例並無明文。因思人命至重。必期按律定斷。用昭詳慎。若以罪無正條。援引比附。恐致畸輕畸重。易啓高下其手之弊。內外大小衙門。書吏差役。

藉稱因公。輒自拘押罪人。多方嚇逼。儻其人罪不至死。因而斃命。即使訊無得受賄贓。其情甚屬可惡。至吏役子姓親屬。本身並未充當。乃私代辦公。逼斃人命。更出情理之外。尤屬可惡。著刑部詳查例案。酌定條款。將來引用時。庶免枉縱。奏准後。纂入則例。永遠遵行。尋奏。應請嗣後差役逼斃人命。俱照盡役詐贓例減一等。杖一百。流三千里。代辦逼命。訊係非詐贓者。俱實發雲貴兩廣極邊煙瘴充

軍從之。○緩徵吉林三姓歉收兵民新舊銀穀。○壬午。諭內閣。前據盧坤等奏。廣東潮州鎮總兵張大鵬。操守平常。考拔不公。信任鎮標右營守備段正聲。迎合。以致嘖有煩言。當經降旨。將張大鵬降為都司守備。留粵候補。段正聲先行勒休。並令該督等查明該員有無營私實跡。茲據查明。張大鵬祇係偏於好惡。考拔未能盡愜人心。段正聲因上司優待。附和逢迎。實屬鄙陋不堪。尚無假公營私劣

跡。張大鵬著仍遵前旨降為都司守備。差委候補。以觀後效。段正聲業經休致。著即勒令回籍。○又諭。巴雅爾綽克托。前因在紫禁城內值班未到。業經部議折罰世職半俸十二年。免其降調世職。著加恩仍留委散秩大臣之任。○以正白旗漢軍都統奕繪。著鑲藍旗滿洲都統。○緩徵甘肅皋蘭金靖遠隴西寧遠安定會寧平涼張掖東樂武威平番寧夏寧朔靈中衛平羅秦雨當成涇崇信靈臺鎮

原固原寧安化二十七州縣暨鹽茶同知沙泥州判所屬被雹被水被蟲災區新舊額賦○蠲緩浙江海寧仁和錢塘德清武康開化富陽臨安於潛烏程歸安長興餘杭新城十四川縣被水村莊新舊額賦有差除開化縣水衝沙壓田地額賦並給災民房屋修費免海寧州被潮衝淹田本年額賦○癸未月食○諭內閣楊國楨奏知縣被控之案原告與官吏供情不符請旨解任質審一摺河南桐

柏縣知縣甯飛漢於縣民羅甫興販私一案並不照例科罪擅准罰贖難保無營私染指情弊又縣民郭化遠京控一案所獲竊犯二名在押病故日久延未詳報其原告所指已獲正賊絕無索據亦屬可疑均應徹底根究桐柏縣知縣甯飛漢著先行解任交該撫提同兩案人證嚴行質究以成信讞而儆官邪○又諭特依順保等奏請將塔爾巴哈台副將及糧員印房章京等就近提訊一摺塔爾

巴哈台換防副將金和詳揭參贊大臣布彥泰以該處貧民於本年三月間在廟撞鐘聚眾聲稱麪價昂貴即同糧員往稟參贊赴廟查看該副將先派能言兵丁扮作貧民答應參贊因將冬季應磨糧石每磨令豫領三石一面暫借與磨戶商戶京石糧一千三百餘石一面逢五逢十日期賣與貧民六月二十日停止後磨戶隨將所借糧石如數歸清其麪價購買糧石磨麪交倉九月間參贊以該

副將那移官糧取具親供令印房章京查例參辦該副將並稱因公辦公毫無錯誤不知參贊是何居心詳請該將軍奏辦等語貧民撞鐘聚眾如果屬實有干例禁該副將何以不行彈壓輒私派兵丁扮作貧民向參贊答應至出借糧石既經稟明何以事後欲參辦該副將那移官糧且取供時又何以不當面稟訴種種情節甚屬支離案關屬員詳揭上司虛實必應徹底究辦副將金和糧員常興

印房章京穆精阿著一併解任。交特依順保親提秉公嚴訊。按律定擬具奏。○又諭特依順保等奏。伊犁索倫部落之間散餘丁。俱未成丁。難以續挑馬甲。可否照前成案。由錫伯挑選一百戶。移居索倫部落。以備挑選馬甲。請旨一摺。伊犁各部落兵丁。該將軍自應勤加訓練。現在索倫部落之間散餘丁。俱屬年幼。難以續挑馬甲。著照所請。即由錫伯挑選一百名。閒散餘丁。併戶移居索倫部落。以備

挑選馬甲。至此次所移錫伯之間散餘丁一百名。俱在壯年。尤當各將技藝。妥為操練。該領隊大臣等。務須一體認真。嚴加教訓。俾成勁旅。斷不可任此項兵丁。終歲空食糧餉。以致邊備漸廢。○又諭陝甘督標前營遊擊王洪謨。陝西潼關協中軍都司王玉成。於所屬把總自戕重案。並不即時詳報本城大臣。派委地方文員驗訊。迨該把總史學顯因傷殞命。遲至二十餘日。乃將外委馮重所驗傷單。

私意增添。捏報傷已平復後。忽發狂症身故。雖非始終隱匿不報。實屬玩視人命。有心捏飾。王洪謨。王玉成。均著照部議。即行革職。吐魯番領隊大臣副都統銜賡音岱。明知史學顯自戕成傷。並不委員驗訊。及至該遊擊等捏報病故。又不認真駁查。迨經廳員驗明通詳。復隱匿不肯指名參辦。雖無故意贍徇情弊。實屬不諳表率。賡音岱著照部議降三級調用。毋庸查級議抵。○以捐修城垣河道驛

路。予河南知縣徐勳等議敘有差。○旌表守正被戕山西寧遠廳民智喜成。仔妻麻氏。○甲申。諭內閣。御史尚開模奏。請飭禁幕友濫邀議敘一摺。朝廷甄敘之典。所以鼓勵人材。其襄理幕務。由本官自行延請。與在官供職不同。朕曾通諭各督撫鹽政等。概不准將幕友保列。以杜冒濫。前據盧坤奏。請將襄辦文案出力之幕友。候選州同宋緒。加以獎勵。朕因係五品虛銜。與受職稍有區別。是以降旨

准行。今據該御史奏此端一開。各省相率效尤。將有職人員延入內署。商推公事。以為將來保薦地步。其需次各官。藉此夤緣招搖。均所不免。實不可不防其漸。所有候選州同宋緒。賞給五品銜之處。著即撤銷。盧坤違例奏請。並著交部議處。嗣後各直省督撫。概不准以本省屬員入幕襄理。如再有以幕友濫行邀請議敘者。著吏部查明叅奏。以重名器。而肅官常。○以鑲紅旗蒙古副都統法豐阿為

吐魯番領隊大臣。理藩院右侍郎賽尚阿。著鑲紅旗蒙古副都統。○以圍場總管巴雅爾。為鑲白旗漢軍副都統。○貸江西南昌新建。進賢清江。德安。五縣水衝圩隄修費。並緩節年借修未還銀。給德化。湖口。瑞昌。三縣水衝房屋修費。○乙酉。

上詣

皇太后宮問安。○諭內閣琦善等奏請緩期採買一摺。順天府屬各州縣常平社義等倉舊

存穀石。自上秋以來。陸續散放出借。際茲年穀順成。自當乘時買補。以裕倉儲。昨據御史劉誼奏。請將順天府捐輸案內存貯銀兩。採買穀石。當經降旨。令琦善何凌漢吳傑會議具奏。茲據奏察看現在情形。順天府屬產穀無多。各州縣同時並買。恐商販居奇。市價騰長。貧民有食貴之虞。若齎帶銀兩。通省採糴。河道現當凍阻。陸運又糜腳價。懇請暫緩舉。行採買一事。關繫倉儲。酌盈劑虛。視年歲之

豐歉。分採買之緩急。全在地方大吏督飭州縣及時妥為籌辦。俾官倉得有儲備。又不致穀賤傷農。至為良法。琦善等既稱現在難以採買。著俟來年秋成後。該督會同順天府尹察看收成。妥為酌辦。屆期據實具奏。○諭軍機大臣等。御史劉誼奏。湖北漢水濱江隄。連被衝決。該處士民在籍呈請建立開墾。請飭查辦理一摺。據稱湖北所屬之安陸府。濱臨漢江。向有隄塍一道。為京山等縣保障。近

年連遭潰決。漢水泛溢。沿河兩灘。日漸淤墊。隄塍內外居民。均受其害。該處士民。由地方官呈請建立閘壩。挑濬河道。以洩水勢。由鍾祥之海子湖。鄭家橋。直接京山之盧家寨。永樂河。天門縣河。入三臺湖。出涇口。仍會漢水。以達於江。其盧家寨以下。向俱疏通。惟鍾祥所屬河道。不無淤塞。疏濬亦易為力。一切經費。該縣向有籌備生息銀兩。存貯藩庫。專為該縣隄塍而設。現積有十餘萬兩。即動用此

項銀兩。不必別籌款項等語。安陸府濱江隄塍。衝決被害。若如該御史所奏。建立閘壩。挑濬河道。不惟下游免衝突之患。上游亦無淹浸之虞。著訥爾經額。尹濟源。遴派明幹道府大員。詳加查勘。並查明鍾祥縣是否向有此項籌備生息銀兩。存貯藩庫。積存若干兩。及建立閘壩。應如何估計興工。悉心妥議。據實具奏。將此諭令知之。尋奏。查傳具呈士民。令其指出所請建閘之處。即係董家壩潰隄之

處。自董家壩至永樂河一百三十五里。間有河形斷續不接。又自永樂河至三臺湖。舊河僅寬數丈。祇可宣洩溪流。斷難分消漢水。就使開它寬暢。而三臺湖不能容納。仍由涇口遞達入江。其間湖河交錯。稍有阻滯。必致汎濫四溢。是建閘疏河。實與下游大有妨礙。至鍾祥縣籌備隄工銀。係歸司庫經管。自乾隆五十六年發商生息。前後共收過銀十一萬三千三百餘兩。除動支外。現在實存二千餘

兩。均有奏咨案據可憑。該處隄塍。歲修所需夫工。或別籌款項生息。或今受益業民攤交工費。應另議章程辦理。其應堵築之潰口。並下游王家店險工一段。均須挽築月隄。估需銀一萬五千四百餘兩。請將現存本工息銀二千餘兩。儘數動用。不敷銀兩。在於別案隄河生息款內。先行湊發。報聞。○調鑲白旗漢軍副都統巴雅爾。為鑲藍旗蒙古副都統。鑲藍旗蒙古副都統關福。為鑲白旗漢軍副都

統○丙戌

大高殿設壇祈雪

上親詣行禮○以貴州巡撫史譜為光祿寺卿
刑部右侍郎裕泰為貴州巡撫調盛京工部
侍郎恩特亨額為刑部右侍郎以奉天府府
尹烏爾恭額為盛京工部侍郎兼管奉天府
府尹事雲南按察使圖明額為奉天府府尹
長蘆鹽運使錢寶琛為雲南按察使○以陝
西按察使李義文為四川布政使廣西右江

道莫爾賚阿為陝西按察使○裁東河榮澤
縣北岸主簿汲縣縣丞堂邑縣永通開闢官
三缺從河道總督吳邦慶請也○修山東運
河加河二廳隄閘從河道總督吳邦慶請也
○丁亥諭軍機大臣等孝順岱奏查明科布
多屯田牛隻積餘情形請酌定章程辦理一
摺據稱科布多現存抵補倒斃餘牛請即照
依市價全數變價銀兩入庫存貯以備偏災
買補牛隻動用之款官為經理分晰造冊報

部查覈並嚴飭辦理屯務之員妥為收放於
每年領出例倒牛隻擇其口輕者抵補足額
將口老耐耕作者擇出報驗另廠牧放等語
此項積餘牛隻歷屆辦理總期於農務耕牛
及該官兵等均有裨益茲據奏通盤籌畫另
行分別定擬章程惟係更改舊章與歷屆辦
理成案不符著該將軍體察情形是否可行
悉心詳查妥議具奏將此諭令知之○以正
黃旗滿洲副都統奕紀兼署正白旗滿洲副

都統○熱河都統貴慶因病解任調察哈爾
都統武忠額為熱河都統以刑部左侍郎凱
音布署察哈爾都統理藩院右侍郎賽尚阿
署刑部左侍郎兵部左侍郎鐵麟署倉場侍
郎○戊子予江西故太僕寺卿盧浙入祀鄉
賢祠從總督陶澍等請也○修浙江海塘並
築挑水壩從巡撫富呢揚阿請也○己丑諭
內閣前據御史劉誼奏請嚴定直省州縣虧
缺章程當降旨交該部議奏茲據該部詳查

定例及道光七年奏定章程立法已為周密該御史所奏著毋庸議至各直省所參虧缺之案往往參之於事故離任之後並不揭參於在任之日殊於經費大有關係著通諭直省各督撫嗣後州縣倉庫無虧即責成知府照例出結造冊詳報仍令不時盤查一有虧缺立即揭參儻通同徇隱不行據實揭報即查照定例從嚴參辦並著各督撫藩司覈實盤查認真整頓儻屬員有虧那情弊該督撫藩司意存徇庇不行據實參劾一經科道指參或別經發覺必將該督撫等從重懲處決不寬貸○引見各衙門保送御史人員得旨何其興蔡子璧文柱劉萬程俱著記名以御史用○以翰林院侍講毛樹棠著日講起居注官○命正黃旗蒙古都統奕顯正紅旗蒙古都統敬徵吏部左侍郎杜墀在紫禁城內騎馬○庚寅

上詣

宣仁廟
凝和廟拈香○辛卯
上詣
壽康宮前殿行禮後殿問
皇太后安○儀郡王綿志因病請開所管各缺允之○改鑄福建臺灣水師副將關防臺灣府知府印信斗六門縣丞條記從巡撫魏元烺請也○禮部議准安徽巡撫鄧廷楨疏報採訪宿松縣貞節婦女汪楊氏等一千四百五十四口請建總坊旌表從之○壬辰兩江總督陶澍等奏審明罔隄首犯陳端押赴桃源縣龍窩汛地方正法下部知之○以協緝罔隄首犯予安徽知府胡調元等議敘○癸巳旌表守正捐軀四川中江縣民周添譽姊二妹○甲午諭內閣麟慶奏查明運河廳宿汛西岸隄坡偷種菜蔬一案分別擬議並酌定章程一摺此案民人馬文舉因隄坡受雨衝淋地被壓入私占坡腳種菜非尋常侵占

官地可比。馬文舉著於本律杖八十上的加枷號兩箇月。即枷示運河廳宿汛西岸。滿日責放。以示懲儆。撤任把總蔣永協防劉鶴年。訊無受賄故縱情弊。究屬失察。現已開缺。著罰令充當苦差。俟三汛安瀾後酌量降補。再黃河大隄灘地。向以裏四外六丈量。共寬十丈。歸官栽種柳草。以護隄根。其河北運河隄堰。則內外灘地。多係民業。自應劃分官民界限。以重隄防。著做照黃河大隄留寬十丈之

例。減定為留寬二丈。將河北之運河。中河南廳所屬運河兩岸。自隄根起。內外各留寬一丈。其應完錢糧數目。由地方官查覈分別豁免。禁止耕種。歸官栽植柳株。非特可以護隄根。並可備河工採料之用。經此次定立章程之後。該署河督總須實力奉行。斷不可有名無實。並著責令汛員隨時稽查。如再有侵越盜種者。拏解地方官審辦。儻有隱匿不報。及弁兵自行偷種者。一經查出。將該管官嚴叅

示懲。○乙未。

孝慎皇后殯宮月祭。遣官行禮。○諭軍機大臣等。有人奏。江漢修防事宜一摺。據稱楚北隄工。有官徵土方紳士領修者。有民間自為修理者。有官督民修者。俱不能無弊。而惟官督民修之弊為尤甚。不若改為官修。以專責成。至既改為官修後。必應定考課之法。請做照河工經歷三汛後。督修承修官。應如何分別勸懲。嚴定章程。每年由道府覈實結報。督撫

具奏。並請將同知通判等官事務較簡者。酌改為江漢二防廳員。所屬州縣中有隄工較長者。令其分段管理。一切修防事宜。及三汛考課。均照州縣之例。又楚北隄工。並不豫備土牛。應於每年勘估時。即將土牛一併估計。向例所納蘆課。改徵柴束。以濟工用。並每三里設隄正隄夫。飭令巡防。又宜相度情形。於內面近隄本有河港者。因而開通之。原可分洩之支河。疏濬之。其潰隄難堵者。順勢利導。

之。務使水分其勢。不致壅遏為患。各等語。湖北頻年水災。下游各省均受其患。必應及早修防。永資保護。著訥爾經額等將所奏四條。與該省現在情形。悉心體察。詳細妥議具奏。務期水利民生。均有裨益。將此各諭令知之。尋奏。民修隄工。概改為官修。按地徵費。情同加賦。書吏浮派苛索。草率偷減。均不能免。於隄工實為窒礙。堆築土牛。應歸現在奏辦培築隄工案內。一律趕辦。有隄之處。並非皆有

蘆課。改徵柴束。運赴工所。須籌腳價。應毋庸議。虎渡支河。已於本年正月興挑。調弦口一河。亦擬次第疏濬。江漢支河。及洞庭湖港汊。應俟勘齊籌辦。險要處所。應令試用佐雜。候補備弁。分段巡防。毋庸另改廳員。報聞。○又諭。據給事中金應麟奏。浙江海塘工程緊要。亟宜釐剔弊端。大要有二。一在隨報隨修。該塘遇有坍塌。工員詳報。上司多不即時勘估。及至愈刷愈寬。萬不得已。始行查勘。亦祇以

原報之丈尺為斷。自此詳請領銀。又復遲遲給發。其輾轉衝刷。數與原報丈尺更屬懸殊。遂至工員以原估之銀。彌補續坍之數。不得不將就了事。一在實領實用。工員領銀之時。藩運兩司以至巡道衙門。均有規費。領銀到手。復又假手門丁胥吏。包與工頭。除各項剋扣。已去十分之半。而工員之希圖自肥。更無底數。宜其草率偷減。尺寸不符。工程日壞等語。浙江海塘。現經該撫奏請動項興修。所有

該給事中奏稱釐剔弊端二款。是否切中時弊。著即查明妥議具奏。將此諭令知之。尋奏。塘工餉護。或時值大汛。或事係大工。須俟奏明動款興修。並非勘估遲延。至額修銀內。每兩酌扣三分。原係以公濟公。備隨時搶築築壩之用。此外實無絲毫剋扣。報聞。○又諭。有人奏苗疆侵吞擾累各積弊。請飭按款據實查辦一摺。據奏湖南鳳凰乾州永綏古丈坪保靖五廳縣為苗疆要地。該處界連黔蜀。距

省最遠。該管道廳各員。恃督撫見聞難確。弄巧營私。扶同隱飾。復有本地充當屯長之劣衿。迎合舞弊。以致屯苗事宜。諸多敗壞。即如鳳凰廳額設備戰練勇一千名。挑取三百名。作為教習。歲需加賞銀一千餘兩。近來辰沅道翟聲煥並不遵照辦理。報銷時捏造足額報部。此外侵吞各款。如修葺沿邊各碉卡。及修理各項水衝沙壓田土耕工銀兩。並修復占叛田土。修復苗弁等呈出田土各項內報

銷穀石。以及各廳縣完解屯糧。巡閱五廳縣苗寨准銷賞號穀石。均經該道任意冒銷。又苗疆設立屯長苗官等。近來但知迎合廳縣。借勢朶削。如永綏廳總屯長候選未入流楊濬。為前任廳員劉重霄。由永豐任內採買苗兵口糧。均係串合苗守備龍八月歐得勝。石記三龍。擬吾石冬保等折發售賣。以致苗兵生計日蹙。又苗疆均屯案內。奏准屯丁以屯田為世業。不許外來之人攪雜占補。近來各

廳員挑丁授田。聽從賄囑。擅紊舊章。如前署永綏廳同知胡廷儀任內。即以本署差役改名充補屯丁。該廳員署任最久。倚信書役。肆擾訛索。有苗舉人石永魁。以縱盜殃民等詞。在本道具控。並未究辦。又前任永綏廳同知劉重霄任內。以在署充當縫匠之九溪人充補屯丁。又如永綏廳收支所總屯長楊濬。捏名報充屯丁至四戶之多。為該道所信任。交結廳員。藉端科斂。尤為民苗切齒。又苗人推

牛祭鬼。本干例禁。如上年署保靖縣知縣謝元模任內。因向寶窠寨苗外委吳姓。苛斂陋規未遂。輒派役串同該管苗守備梁士金。將該苗外委鎖拏押禁。該寨苗人積憤聚眾。該道委試用未入流高以莊。到縣說和。釋放息事等語。鳳凰五廳縣屯苗。自嘉慶年間奏定經久章程。歷次籌添未盡事宜。立法至為周備。總由該地方官奉行不力。以致日久弊生。必應力加整頓。著該督撫即遴派明幹大員。

將苗疆侵吞擾累各情弊。按款逐一訪查。據實具奏。從嚴覈辦。如果實有此等情弊。必應分別重懲。毋稍徇隱回護。致干咎戾。懷之慎之。將此諭令知之。○山東道御史常大淳奏。湖南苗生鄉試。宜與違卷漢文生隔別號舍。以杜代倩。下部議行。○四川道御史達鏞奏。請飭各衙門考察等第。嚴明舉劾。並將候補人員隨時甄別。下部議。尋議查各項學習人員。三年期滿。分別咨留。奏留後。如有始勤終怠者。原聽各堂官隨時甄別示懲。該御史條申明舊例。應如所奏辦理。至各衙門題選缺出。均於合例人員內揀補。京察一等。向以賢否勤惰為憑。非拘缺分之題選。滿洲主事題缺。曾於嘉慶十一年奏明暫時調劑。一升一補。後復仍照舊例。由該堂官酌量保題。所奏一等筆帖式與進士分班輪用之處。應毋庸議。從之。○丙申。濬直隸河西務汛運河。從總督琦善請也。○除江蘇靖江縣坍沒田六項。

二十八畝有奇額賦

大清宣宗效天符運立中體正至文聖武智勇仁慈儉勤孝敏成皇帝實錄卷之二百四十五

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十六

臣等謹將宣宗成皇帝實錄卷之二百四十六

臣等謹將宣宗成皇帝實錄卷之二百四十六

臣等謹將宣宗成皇帝實錄卷之二百四十六

臣等謹將宣宗成皇帝實錄卷之二百四十六

臣等謹將宣宗成皇帝實錄卷之二百四十六

敬啟

道光十三年癸巳十二月丁酉朔禮部奏明

年元旦應行禮儀得旨是照例行禮奉

皇太后懿旨停止筵宴其在外福晉命婦進內

行禮之處並著停止○盛京將軍寶興等覆

奏近來歷有拏獲花會匪徒懲辦各部現在

境內實無花會得旨隨時認真訪查斷不可

置之度外○命熱河總管阿靈阿副總管長

良查勘旱河工程○戶部議准浙江巡撫富

呢揚阿疏報龍泉縣開墾荒田一項八十八

畝有奇照例升科從之○禮部議准河南巡

撫楊國楨疏報採訪祥符延津寶豐三縣貞
節婦女馬司氏等七百六十九口請建總坊
旌表從之○戊戌

上詣

皇太后宮問安○諭軍機大臣等本日據兵科

奏山海關協領六十一等稟訴副都統孟魁

一案已明降諭旨派寶興賽尚阿會同查辦

矣寶興於十一月二十三日自盛京起程計

此時當已進關途中接奉此旨無論行抵何

處即著折回山海關俟賽尚阿到彼會同秉

公逐款查訊無稍含混所有六十一等原呈

一件孟魁摺二件俱交賽尚阿帶往將此諭

令知之○調直隸大名鎮總兵官海凌為正

定鎮總兵官○正定鎮總兵官馬金魁為大名

鎮總兵官○停閱本年八旗內務府三旗冰

技仍給半賞○戶部議准浙江巡撫富呢揚

阿疏報象山縣開墾蕩田一項四畝照例升

科從之○禮部議准陝西巡撫史譜疏報採

訪咸寧高陵咸陽安定膚施保安甘泉扶風寶雞郿岐山南鄭洋翰林懷遠葭府谷大荔韓城華陰朝邑郃陽磚坪白河洵陽石泉平利淳化乾武功郿中部洛川清澗米脂吳堡三十六廳州縣孝子義民王永勉等一百三十七名貞節婦女王李氏等八千六百七十五口遭寇殉難士民婦女蕭騰蛟等二百四十九名。請各建總坊旌表從之。○己亥諭內閣武忠額奏西蘇尼特王布爾呢錫哩喀爾喀王拉蘇龍巴咱爾等互爭界址一案現因冰雪礙難查大請移交新任接辦等語此案著凱音布到任後俟明年春融即行前往查辦。○以禮部右侍郎文慶署刑部右侍郎鑲黃旗護軍統領安福署鑲紅旗蒙古副都統。○緩徵浙江坐落江蘇下砂頭下砂二三青村三場歉收竈田新舊額課。○展緩浙江德清縣歉收村莊舊賦。○庚子諭內閣綿清等奏總管期滿請暫行留任一摺寶華峪原

設總管業普肯五年期滿著暫留原任俟孝穆皇后梓宮奉移後再行奏明請旨。○緩徵江蘇太倉鎮洋嘉定寶山四州縣及太倉鎮海金山三衛歉收莊屯新舊額賦。○辛丑諭內閣本日召見福建陸路提督馬濟勝年屆七旬精神強固朕心甚為嘉悅上年冬間臺灣逆匪張丙等聚黨滋事分股肆擾戕害官弁惟時全臺官兵一萬四千餘名不能得加該鎮等嬰城固守請調兵三萬赴援馬濟勝經魏元烺派往獨帶兵二千渡臺接仗身先士卒所向克捷以少勝眾十戰成功各股賊匪紛紛潰散逆首陸續就擒不煩內地兵加當瑚松額等未經渡臺以前全局戡定厥功甚偉前經賞給御書忠勇嚴明四字扁額二等男爵世職雙眼花翎茲來京陛見允宜優加懋賞篤眷酬庸馬濟勝著加恩賞晉二等子爵世職在御前侍衛上行走紫禁城騎馬並賞御書福壽字各一方寶藍緙絲蟒袍

一件纓緯兩匣大卷八絲緞兩件大卷江紬
兩件頒給祇領以獎忠勤再臺灣一役福建
巡撫魏元烺於奏請調兵時稔知臺灣府城
為根本重地一面奏聞一面派馬濟勝帶兵
前往迅奏膚功辦理甚合機宜魏元烺著加
恩賞戴花翎仍交部從優議敘以示朕論功
行賞權衡至當之意○命升任刑部右侍郎
江寧布政使趙盛奎暫留江蘇辦理災務○
以修伊犁河隄並添築大河柴壩予領隊大

臣端多布等開復賞賚有差○以阿克蘇屯
田豐收予員弁議敘賞兵丁一月鹽菜銀○
賞故郡王銜貝勒葉爾羌阿奇木伯克阿布
都爾滿銀五百兩命其子頭等侍衛邁瑪特
受孜斯以三品伯克留葉爾羌候補○壬寅
孝惠章皇后忌辰遣官祭

孝東陵○諭內閣

孝慎皇后神牌著於道光十五年春間敬製
俟奉安後再行升祔典禮○又諭昨日兵部

將貴州邊俸俸滿古州營守備伍國祥一員
帶領引見該員於陳奏履歷後忽奏稱嘉慶
八年八月在孫子坪古佛洞地方生擒頭目
張思從未經得有獎賞當交兵部查明具奏
並派軍機大臣提傳該守備訊問據供張思
從係四川白蓮教頭即在四川太平縣古佛
洞拏獲該員受傷數處因前在達州城門上
看見懸賞告示如有拏獲張思從者賞戴花
翎賞給巴圖魯名號賞銀一千兩伊拏獲後

未經得賞是以於引見時陳奏又據兵部查
明該員季報冊內嘉慶七年二月在太平縣
屬古佛洞地方生擒首逆張思從節次攻克
開縣關口坪等處進剿太平縣屬團包梁打
仗被賊矛傷右手膀傷列三等與該員所供
年月不符等語該員於引見時忽稱屈抑實
屬膽大妄為兵部請將該守備革職交刑部
治罪本係咎所應得姑念該員生擒首逆著
有微勞從前懸立賞格未經給賞係當年帶

兵大員辦理不善其傷列三等實有其事尚非捏造伍國祥著加恩免其革職治罪從寬降為把總以觀後效○以捐修陝西咸陽縣城垣予知縣陳堯書等加銜議敘有差○癸卯

上詣

皇太后宮問安○諭內閣恩銘奏籌畫來歲重運漕船請不論幫次先後隨時行走以期迅速一摺來年起運新漕節經降旨令有漕各

省督撫早兌早開剋期渡黃銜尾前進毋許稍有延誤道光六年經琦善奏請各省漕船不論幫次提前過淮趲挽前進俟全數渡黃後於邳宿一帶仍按照原定省分次序順幫行走當降旨允准是年全漕重運於四月二十二日埽數渡黃北上為期較早是不論幫次提前過淮辦理已屬著有成效茲據該署漕督奏不論幫次先後趕先兌開漫越前進者將該運弁等隨時存記奏請鼓勵遲滯者

分別責懲將已漫之幫於渡黃後無論江浙江廣徑行前進直抵津關不必拘泥幫次等語漕船不論幫次沿途漫越不獨輕改舊章且恐丁舵水手等攬越爭先至啓漫幫勒索之弊滋生事端所奏著不准行該署漕督著仍遵前降諭旨將各省漕船不論幫次提前過淮渡黃後於邳宿一帶仍照原定省分次序順幫行走並著有漕各省督撫督飭各糧道迅速兌開於四月初十日以前全數趲至

清江剋期抵壩渡黃北上毋稍延緩不得以渡黃後各歸省分次序停讓守候未能行走迅速為詞儻漫不經心任聽沿途逗留遲滯致逾期限必將該漕督撫等嚴行懲處決不寬貸懍之慎之○以江南江安蘇松道屬糧價增昂緩買各幫丁行月等米○甲辰

上詣

大高殿行禮

時應宮拈香○命翰林院侍讀李芝昌提督

山東學政○修直隸通州果渠村壩埽各工
從總督琦善請也○乙巳

上御乾清門聽政○諭內閣阮元等奏查明土
司妄謬不職請先褫革一摺雲南普洱府思
茅廳所屬車里土司刀繩武前被擄入緬甸
本屬獲咎之人嗣回內地復充土職自當安
靜勉圖後效迺以猜忌成嫌疑慮未釋與其
叔土舍尋釁互鬪怙惡不悛其蠻觸相爭尚
係同室操戈而欲妄求兵助挾制官長縱夷

激釁不聽招諭經兵威彈壓始就敝弱實屬
妄謬不職刀繩武著即先行革去土職如知
悔罪自投再行按其情節覈辦儻仍竄匿滋
事即著嚴拏從重治罪所遺土職著該督等
另行辦理○諭軍機大臣等本日據昇寅等
奏已革湖南試用縣丞王慶元遣子武生王
印度抱告以功過未明下情壅蔽等詞來京
具控已明降諭旨交惠吉於路過湖南省城
時提集人證卷宗秉公審訊矣此案已革試

用縣丞王慶元遣抱告呈稱上年二月間奉
調軍營值新田縣知縣王鼎銘陣亡委伊代
巡伊自帶鄉勇會同武岡州知州王景章暨
營員晝夜防守三月間提督羅思舉由新田
進兵王景章隨營辦事伊一人應付兵差運
送錢米四月間王景章自大營糧臺發回新
田土糧一千七百餘名辦理安插內有首逆
家屬從逆要犯改換姓名王景章並未審出
概行誤放經伊審明首逆之子趙幅銀等及

黨逆要犯共計三十四名口押解衡州訊辦
現有各犯口供印稟為憑王景章心懷嫉忌
以冒功壅蔽証稟上司並新田防守時出力
人員均被抑置僅將隨己數人詳請鼓勵致
伊審出逆犯微勞未敘伊於保舉單內前經
奉旨免補本班以應升之缺升用嗣以因公
那移倉穀叅革實已照數賠補防守新田兩
月審出逆犯多名委解赴部現在功歸他人
實難甘服大吏意存回護具稟不為申理等

語並據鈔稟親供內稱伊有借墊鹽菜口糧二款王景章私自報銷短交伊印領銀二百兩又軍需局發交接署新田縣揭啓德轉交伊印領銀五百兩亦被揭啓德勒指並伊所具印領均未交還等情案關揭稟軍營功過未允並有冒勒軍需情事虛實均應徹底根究以期水落石出著惠吉即就湖南省城提集人證卷宗悉心研鞫秉公覈辦毋許瞻徇回護稍有不實不盡俟此案審結具奏後再

行前赴廣西新任將此諭令知之尋奏訊明王慶元前因那移倉穀革職不准開復係咎所應得乃撫拾呈控應照越訴科罪惟審出逆搖多名究有微勞應毋庸議王印庭聽從父命應免置議王景章辦理疏忽請交部議處下部議從之○又諭據哈豐阿奏籌造糧礮一百尊俟造成時在二千備戰兵內揀選督操等語糧礮為軍中得力之器與廣東地勢尤屬相宜該將軍等現在會商悉心籌造

係於何款內動用摺片內未據聲敘明聯著哈豐阿將製造糧礮一百尊需用若干動何款項之處詳晰具奏俟奏到時再降諭旨將此諭令知之○以光祿寺卿史譜為詹事府詹事○丙午

上詣

皇太后宮問安○諭內閣祝麟奏長蘆引課奏銷埽數全完並陳山東正課兩次奏銷商力竭蹶情形一摺長蘆本年十一月應徵銀五十七萬五千四百三十三兩零升任運使李恩繹僅徵銀一萬六千餘兩經署運司天津道李振翥署任不及兩月接徵銀在五十餘萬兩以上頗能實心任事李振翥著交部議敘其東商本年輪值兩次正課奏銷商力拮据尚係實在情形著照所請所有未完正課九萬八千八百餘兩俟明年十一月正課奏銷時隨同一律全完仍歸原限此係朕格外施恩該商等務當激發天良屆期埽數全完

以清款項毋再妄生希冀再請展限如屆期不完該鹽政即當立予叅辦毋稍姑容致干咎戾○以故二等子玉慶子聯陞襲爵○撫卹琉球國遭風難夷如例○丁未

上詣

皇太后宮問安○戊申

上詣

皇太后宮問安○諭軍機大臣等本日步軍統領衙門奏河南貢生李上林民人王同林呈

控王元亨等習教一案已明降諭旨交楊國楨督同臬司經額布查拏究辦矣此案據步軍統領衙門訊據王同林供稱向在本縣豆溝地方妻父王元亨家做工上年十月間見王元亨住屋內有素識的戴義劉榮徐興芳劉運新四人在屋內王元亨同妻其子王泳清等給戴義等四人磕頭戴義劉榮二人手持書本同眾人念誦王泳清說是習天竹教戴義是老師父總頭目劉榮徐興芳等共十

八人俱是戴義徒弟王元亨家存有鳥槍二十桿腰刀四把劍四把上年十二月王元亨又叫鐵匠張全製造擡槍一桿鐵礮二箇買火藥三百三十九斤在家存貯本年三月王元亨將鳥槍擡槍送到家內叫我收藏我報知地方王鈞式王元亨聞知煩武生蕭振太說合給我大錢三百二十二串地契三張想要買出所存鳥槍擡槍我假意應允詎到地契赴縣控告鐵匠張全也赴縣投首慶知縣

將我看押五月二十八日傳到王元亨過堂說鳥槍擡槍是看家使用之物地契是我偷的知縣將我掌責我無奈具結完案六月初十日我到戴義家誰他書本他說劉榮家有我找到劉榮家劉榮母親說書本在徐興芳家我向徐興芳的女人誰出書本找貢生李上林看他說必須呈報是以來京呈告的訊據李上林供稱本年九月初一日有王同林找我拏出錦囊寶卷書二本五女傳道書一

本我見書詞悖謬隨寫呈詞與王同林來京呈告的等語案關著民習教傳徒如果屬實大干法紀戴義既係老師父何以邪書轉存徐興芳家王元亨家藏鳥槍訊係看家使用何以收買火藥至三百三十九斤之多且呈出書本語多違悖難保無聚眾習教謀為不軌情事虛實均須徹底根究該犯等各居住址王同林均係認識楊國楨訊有端倪即派臬司經額布親往唐縣地方不動聲色嚴密

查拏將案內一千人犯迅速掩捕毋任一名漏網務令水落石出以懲邪惡而淨根株將此諭令知之尋奏訊明王元亨之子王泳清買得廢鳥槍三桿為防夜之用王同林藉此訛詐經縣訊明責處結案先是唐縣人戴義曾於道光八年拜已故之楊三宰把為師習天竹教為人念呪治病陸續傳徒十二年冬王元亨偶患手足不仁經戴義治痊王元亨王泳清王同林均各從戴義入教迨王同林

訛控被責又欲將習教為訛索之端商同李上林呈首希圖賄囑除戴義習教傳徒罪應擬絞業已監斃外王同林王泳清等照傳習邪教為從例擬發回城為奴李上林唆控雖已得實惟証指案外無辜多人實屬險惡擬杖一百徒三年王元亨年老殘廢減等擬軍下部議從之○以詹事府詹事史譜充日講起居注官○除直隸樂亭縣水衝地一項二十畝有奇額賦○己酉

上詣

皇太后宮問安○諭軍機大臣等本日據嚴烺奏海塘工程緊要請飭籌款興辦一摺浙省海塘為杭嘉湖三府及江南蘇松常鎮四府田廬保障關係匪輕近年坍損過多愈形危險據嚴烺奏東防廳所屬本年兩次請修塘工一千二百餘丈外尚有應修者三千餘丈西防所屬亦有險要之處請飭勘估籌辦等語此項工程本年五月間據該撫奏稱擇其

尤險者先行修築估需銀五十一萬二千餘兩十一月間又稱限內限外各工俱已掣坍估需銀十九萬四千餘兩添建挑水壩尚須在外先後均經降旨允准現在估需銀兩該撫通盤籌辦自己足敷應用惟此項工程關係緊要務期一勞永逸堪資保障嚴煩所奏情形是否均應及時興修著富呢揚阿悉心體察究竟需費若干確切估計據實具奏將此諭令知之○直隸總督琦善奏訪獲教匪

多名得旨必應留心之事嚴密查辦有惡必除安良無擾慎防欺蔽勉之○以故奉恩將軍博楞額子鍾秀襲職○以巡防疏懈革浙江温州鎮總兵官李恩元職○以捐修陝西蒲城等縣書院義學予光祿寺署正銜王紱等議敕有差○庚戌

上詣

皇太后宮問安○諭內閣鄂山等奏勦辦夷務全竣並將緝獲各犯分別審辦一摺四川清

溪等三廳縣逆夷滋事旋就廓清所有續經訪獲各犯除情罪重大之黃大五等業經訊明正法外餘俱著照所擬完結該處夷人經此次懲創之後畏威懷德益堅向化之忱該督等請將前留防兵一千五百餘員名減撤一千一百名暫留官兵四百餘員名分布要隘權作添補汛防之用將來著察看情形隨時減撤以節糜費至此次夷人出巢滋事不過小醜跳梁且一經勦辦即行誓服為時不

久該督請在省設局清查軍需動用糧餉著即督同司道趕緊清查造報不准絲毫冒濫浮銷將來局務完竣亦斷不准再將局內各員奏請鼓勵又另片奏逆夷家屬請照夷人犯罪遷徙家口之例將該犯屬等分撥六百里外營縣安插著照所議行將來夷匪案內續有緝獲犯屬亦照此一律辦理該部知道○又諭鄂山奏確查牛磨落山峒出力員弁分別甄汰一摺前因楊芳所保文武員弁未

免過優降旨令鄂山查明具奏茲據奏稱已將出力各員密訪詳覈分別甄汰著照所請前任四川彭水縣巡檢朱維垣隨往戡邊因攻克牛磨落山峒官兵連夜堵擊該員運送乾餉水囊不避艱險但非四川現任官員前經以府經歷縣丞儘先選用未免過優即著以巡檢本班歸部儘先選用仍飭令回籍候選寬寧縣知縣魏煜隨同周歷夷寨深入險阻較之供辦糧餉清查夷地戶口各員辛勤究有未逮前以同知直隸州知州升補亦屬過優著即註銷以府屬知州外用南充縣主簿蔡成輅未入流李襲葉廷樞余光溥等均係佐雜微員自備資斧深入夷地著仍照前旨免其甄汰其參將樊豐年等各將備及兵丁義勇等皆係效力疆場且以後又攻勦曲曲烏暨河外涼山野夷等處均屬不遺餘力尚無冒濫惟兵丁楊崑藍三錫陳宗耀三名於攻克牛磨落之外並無超著功績前經賞

戴藍翎之處實屬過優著即撤銷此外大小金屯弁等均著無庸甄汰該部知道○四川總督鄂山等奏籌議善後章程十條下部議尋議○酌撥兵弁應准於寧越營屬添設三汛移外委三員駐劄越嵩營屬添設二汛移千總把總各一員駐劄撥建昌鎮標額兵二百四十三名○安設屯練應准於越嵩臨日河一帶挑熟夷精壯八百名立為三屯改夷目為屯把總外委統領每歲每名給銀三兩六錢由本省攤捐至居民集團自衛仍聽其便○添築碉堡應准於大堡敵腳戶汛耳子廠大巖碓等處建築石碉土堡各八座○劃清界址應准明立石碣清溪以阿吾為界戕邊以木城岡為界越嵩以馬日損為界不許漢民攬入亦不許夷人私行招種界內零星漢戶一律查明遷出○斷明產業應准查明漢買夷業確有契據驗定四至照舊管理如係典當及以債抵押夷人力不能贖者亦照

數酌斷地土另立賣契以杜葛藤至佃種納租仍聽其便僅有抗欠不交即照數折算退佃逐出。酌改官制應准改越嵩撫民通判為撫夷同知由外升調定為邊要題缺歸寧遠府考覈仍於通省題缺同知內擇其事務較簡者奏改一缺歸選以符定制至雷波通判清溪縣知縣如必應改題缺亦應於通省題調缺內酌改二缺歸選。酌改營制應准改普安營參將馬邊營遊擊守備千總阜和

右營都司千總越嵩營參將守備左右哨千總寧越營都司千總安阜營都司千總義邊左營守備千總為邊俸題缺。酌改處分該處土司三品七品頂帶大小不同向來報案開叅例止計俸罰米不足示儆應准嗣後責令該廳文武嚴行稽查稟報如一年內報案至三四起者降頂帶一級拏獲別案亦准抵銷應議降級留任積算至五案者革職另襲諱匿不報一經查出從重治罪。添設夷官

應准於清溪之撒角木須松坪一帶各設夷長一人夷目一人在阿吾地方稽查夷漢出入峩邊之曲曲烏設立夷長二人夷目二人在木城岡地方稽查夷漢出入涼山以內上土司所管另立夷長二人夷目一人遇有案件歸同知審理營汛員弁不准擅理夷案。定地交易應准飭該廳縣各定趕集日期清溪之撒角一帶酌定在馬烈交易峩邊之曲曲烏一帶酌定在鹽井溪交易越嵩之臨日

河一帶酌定在馬日損交易初二十六一月兩次該管文武親往彈壓越嵩所屬之涼山以河為界初二為期一月一次附近馬日損鋪戶距敲脚河尚有六十餘里每逢交易日期飭鋪戶運物往售責令上土司帶領野夷頭人在敲脚河邊代為交易夷人仍不准過河其漢人向入夷地開設木筍等廠永行禁革違者治罪如遇官為採辦木植仍照常給與山價著令土司辦理以杜弊端從之。○以

勦辦四川清溪夷匪出加賞總兵官萬榮道員文綸遊擊陳占先都司張富守備李明祥土遊擊包良琮多結饒丁土都司四郎澤登星星格宗羅布土守備江錯登舟土千總阿達窩日長官司甲木參彭錯故宣慰土司甲木參多結子甲木參齡花翎把總王廷揚等藍翎餘升補議敘有差○辛亥諭軍機大臣等寄諭兩江總督陶澍本日林則徐奏查明常州府屬各縣被雨歉收懇恩酌予緩徵一

摺據稱常州府屬之武進等七縣本年十月以後連被陰雨該撫親加查勘均係由豐轉歉懇恩無分輕重區圖將武進陽湖二縣本年新漕各於通縣普緩十分之二無錫縣普緩十分中之二分六釐金匱縣普緩十分中之二分四釐江陰宜興荆溪三縣各普緩十分中之二分五釐又據稱該七縣被歉田畝既係無分區圖一律普緩所有區圖頃畝斗則圖冊即無從分別查造應請免其造送等

語各省府廳州縣由各該督撫奏請緩徵無論成災及勘不成災所有應緩錢漕均係覈計分數奏明辦理即請緩十分中之幾分幾釐更須查勘明確以歸覈實且稱被歉田畝無分區圖一律普緩所有區圖頃畝斗則圖冊率請免其造送試思請緩災區不行造具詳晰圖冊報部何從查覈鈎稽難保無吏胥朦混高下其手該撫不即查勘明確率行奏請著該督即將常州府屬續請緩徵各縣應緩十分中之幾分幾釐切實查勘及圖冊免造有無朦混之處一併確查據實奏聞仍將請緩各災區頃畝斗則圖冊分晰造報迅即查明具奏俟奏到時再降諭旨將此諭令知之○江蘇巡撫林則徐覆奏江蘇辦賑尚無假冒給事中金應麟所言係從前積弊非近來覈實情形惟土棍之悍潑生監之包攬吏胥之弊混均所不免欲清其源首在察吏得旨遇有查辦災賑之事第一要得其實貪官

重

清實錄
道光十三年十二月下

國將軍鎮國將軍恆晉子文義三等輔國將

軍。四等侍衛。輔國將軍愛新子廉志。三等奉國將軍。四等侍衛。奉國將軍永范子綿標。綿鸞子奕慶。哲麟子奎定。奉恩將軍。○以拏獲廣東盜匪。予署副將秦裕昌等升敘有差。○撥安徽涇青陽建德寧國太平五縣漕米二萬石。濟放災缺兵匠等米。○癸丑。以捐修湖北隄工。並防汛出力。予知縣唐樹義等加銜升敘有差。○甲寅。予故江蘇海州學正翁咸封。安徽霍邱縣知縣劉廷槐。宣城縣知縣陳受培。江西信豐縣知縣武穆淳。入祀名宦祠。江蘇故陝西道御史任大椿。順天文安縣主簿端木心寅。山東故四川合州知州陳廷銑。陝西故興平縣監生楊岫。入祀鄉賢祠。從巡撫林則徐。鄧廷楨。周之琦。鍾祥。史譜。請也。○禮部議准。安徽巡撫鄧廷楨疏報。採訪和州貞節婦女陸鄭氏等一千二百六十口。請建總坊旌表。從之。○乙卯。

上詣

皇太后宮問安。○諭內閣。現在誠禧皇貴妃薨逝。著派多羅郡王僧格林沁穿孝。於首七日釋服。○又諭。孝順岱奏。科布多筆帖式色布通額。可否賞給主事職銜。幫辦事務一摺。承平日久。生齒日繁。在在皆然。非僅科布多一處。歷年以來。該處事務。俱係作何辦理耶。且設官本有定制。豈容任意增添。萬一各處互相效尤。成何事體。孝順岱所奏。著不准行。○又諭。裕誠等奏。勤鑪停限屆滿。請照舊開鑄。並請飭催途次銅斤一摺。寶源局前因銅斤短絀。節經奏准停鑄。勤鑪明年四月停限屆滿。應行開鑄。現查局存銅斤。連已過天津將次抵京之興善。宋紹恩。二運銅斤。祇足敷明年四月至十一月鼓鑄之用。其辛卯年加運張汝詢一起。甫入直隸境。壬辰年正運邱翰元一起。加運任芬。王銑。二起。尚在兩江四川地面。癸巳年六運。僅報正運一起。汪之旭。自滇起程。其餘正加五起。尚未

咨報委運。必須明年冬間全行解到。始能接濟。所有戶部奏提江蘇局銅五十五萬斤。著江蘇巡撫於新漕北上以前。照數趕緊解京撥用。並著沿途各督撫。遴派幹員。會同沿途文武員弁。查明各該運銅船。現在行抵何處。實力嚴催趕運北上。毋任藉詞逗留。務令按限抵京交納。以資鼓鑄。毋許遲誤。○以太常寺少卿徐炘。為光祿寺卿。○以科布多屯田豐收。予員弁議敘。兵丁賞賚有差。○旌表守

正捐軀河南武陟縣民趙興姪女賢姊。○丙辰。諭內閣。綿清等奏。請將拆卸寶華峪各房間存廢物料。分別酌留估變一摺。寶華峪應行拆卸之大小園營房。及工禮部八旗房間。並周圍圍牆。各座院牆。隔斷牆。所有拆下甓瓦石料。俱著交石門工部。一併存貯備用。毋庸招商估變。餘依議。○又諭。前據保昌等奏。吉林三廳紳士捐資建立考棚。請令學臣按臨考試一摺。朕即覺其不可行。當交禮部議

奏。意該部必將該將軍等所奏議駁。方為正辦。乃本日據禮部奏。該處自設立學額以來。現在民字號及滿合字號。應試生員若干名。童生若干名。均未詳細聲明。僅人數較少。驟令學臣前往考試。不獨往來跋涉。尤屬徒擾驛站。所有該處各廳。現在捐建考棚及讀書應試者。共有若干人。應飭交該將軍查明。分晰開單。咨送到部。再行覈議等語。殊屬非是。朕恭閱

列聖實錄所載。俱以我滿洲根本。騎射為先。若八旗子弟。專以讀書應試為能。必將輕視弓馬。怠荒武備。其各省官弁子弟。不准廢騎射本業。該將軍副都統等。通行飭諭。訓課子弟。以騎射為首務。其攻肄舉業者。仍當嫻習騎射。務臻純熟。毋得專尚文藝。

聖諭煌煌。久已垂為成憲。自當恪守舊章。況吉林為我國家發祥之地。非各省駐防可比。尤宜以騎射為重。何得

專以應試為能。轉致拋荒弓馬舊業。即謂有民人與試。而國家承平百數十年。吉林民風古樸。正見其不染習氣。何必以攻習舉業為臻上理耶。今欲添設考棚。無論文風未必遽優。即使絃誦日增。而弓馬轉致輟弱。大非朕教育旗人之意也。保昌等率為此奏。殊屬忘本。關繫不小。保昌倭楞泰。禮部堂官。俱著傳旨申飭。所奏著不准行。嗣後吉林士子。仍著循舊例。令其附奉天省寄棚考試。總須恪遵

聖訓。以嫻習騎射為當務之急。毋得習尚文辭。轉漓淳樸。以副朕黜華崇實之至意。將此通諭知之。○署江南河道總督麟慶奏。查閱下游海防等廳工程。並據上游外南廳稟報水落。儻或清高於黃。即當啟壩放水。得旨。相機妥辦。如能啟壩刷黃。不可失機。此乃正辦也。○展賑安徽銅陵。當塗。蕪湖。繁昌。貴池。懷寧。桐城。東流。望江。五河。十縣及屯坐各衛被水被旱軍民。並加給銅陵。當塗。蕪湖。繁昌。貴池。

懷寧。桐城。東流。望江。五河。鳳陽。盱眙。懷遠。靈璧。鳳臺。泗。含山。十七州縣及屯坐各衛軍民一月口糧。○貸江寧八旗及江南泰興。青山。二營駐劄災區兵丁餉銀。○丁巳。上至吉安所。

誠禧皇貴妃金棺前奠酒。○諭內閣寶興等奏查辦山海關協領於該副都統叅奏後列款誣揭一案。分別定擬一摺。此案山海關協領六十。托克通額。於該副都統奏叅後。輒

敢列款誣揭。意圖抵制。且所揭各款內。惟指稱該副都統將和盛阿防禦違例擬正。情節為重。經寶興等逐層根究。尚無弊實。審屬虛誣。自應按律加等問擬。六十。托克通額。均著革去協領。發往軍臺效力贖罪。托克通額。雖據供母老丁單。不准留養。防禦德慶。訊無朋比謀缺情事。惟於犯案擬流折枷後。朦混起用。著革去防禦。照例發近邊充軍。折枷發落。防禦和盛阿草創摺稿。經該副都統添改。

語句尚非其罪。惟於伊弟和通阿挑取馬甲時。當眾叩謝。究屬不合。臨榆縣知縣蕭德宣。於修理關柵。未能如式。俱著交部照例議處。副都統孟魁雖無違例保送及挑甲受託情弊。惟所叅協領托克通額管轄廢弛。本年軍政考語。又填註事務謹慎管轄整肅字樣。且叅奏摺內。言過其實。復於教場挑缺之日。負氣摔牌。種種謬妄。著交部嚴加議處。餘俱著照所擬完結。所有臨榆縣南北水關木柵。飭令該縣趕緊修理完固。至東三省進貢車輛。著山海關副都統嗣後於貢車到關。務須查對印照。開載輛數。驗無夾帶私貨。方准進關。以杜弊混。又山海關佐領德克登額。於進關車輛等件。不能實力稽查。經該部議降四級調用。著加恩改為降四級留任。○山東巡撫鍾祥奏。密陳鎮司道府考語。得旨。看汝於各官所出之考。益見汝是一精明公正不苟之人。朕心頗悅。嗣後諸事更須加勉。得人難。遭

際尤難。朕有厚望於汝也。萬毋自棄。識之。○減免直隸河間。新河。隆平。寧晉。任。五縣積滯地畝。本年額賦有差。並緩徵節年舊欠雜款。○戊午。以吏部尚書朱士彥。都察院左都御史史致儼。充經筵講官。○緩扣湖廣荊州。荊左。荊右。沔陽。岳州。五衛被水屯丁。應還借款。○己未。諭內閣。程祖洛奏。叅總兵營伍廢弛。並巡洋情誤之守備。請一併革職。辦理一摺。福建海壇鎮總兵萬超。身任專閫。素耽安逸。所屬洋面。劫案頻仍。除前此魏元烺查叅各案不計外。據程祖洛續經查出。在洋被劫至十二案之多。且督率無方。種種乖謬。必應從嚴懲辦。海壇鎮標右營守備陳承恩。情誤巡洋。致多失事。亦難寬貸。萬超。陳承恩。著一併革職。仍將萬超留於閩省。責令隨同舟師巡緝。勒限三箇月。將被劫各案全數弋獲。再准回籍。如屆限無獲。即將萬超在海濱枷號一箇月。滿日釋回。以示懲儆。○諭軍機大臣等。

本日據祁項奏。訪察越南黎氏。勾結保樂土州。乘釁起事。現在保樂兵勢較強。三岐牧馬兩鎮及文淵州。皆為保樂所據。諒山鎮亦被圍困。該國北通廣西之路。已屬阻隔。如被攻窮蹙。非西赴雲南。即航海而東。赴廣東欽州等語。此次越南內訌。尚未探得真實消息。勝負情形。現尚未定。惟廣西太平鎮安二府。與該國犬牙相錯。必應嚴杜奸匪乘間竄越。該撫等務須嚴飭沿邊地方文武員弁。加意防

範。毋稍疏虞。若彼國匪徒被勦。逃竄近邊。立即驅逐攔截。不准一名竄入。亦不准妄殺邀功。另啓事端。設或該國叩關請救。即應正詞拒絕。至該國貢使回抵廣西時。暫留太平府等待。該撫等察看情形。酌量妥為辦理。將此各諭令知之。○又諭寄諭閩浙總督程祖洛。本日已降旨將謝得彰簡任海壇鎮總兵矣。謝得彰籍隸福建。以本省人任本省水師專閫。與例原無不可。但海壇地方。距該員原籍

究竟在五百里內外。該員操防調度。是否相宜。有無窒礙之處。並著於該員到任後。察看才具能否勝水師總兵之任。著該督一併查明。據實具奏。又另摺奏。查明施六害等聚眾搶奪閩堂一案。原辦尚無不實不盡。所有該管文武各員失察處分。均著仍照部議准予寬免。將此諭令知之。○又諭昨將參贊大臣常德布彥泰。互相對調。惟是塔爾巴哈台領隊大臣扎勒杭阿。甫經到任。而蘇布通阿。又

經身故。布彥泰暫且不可離塔爾巴哈台之任。將此寄知常德。飭伊接奉此旨。即速起程。前往塔爾巴哈台。布彥泰俟交代後。再往伊犁。○以廣東順德協副將謝得彰。為福建海壇鎮總兵官。○展緩福建鹽商溢課銀。○庚申。諭內閣。前降旨令陶澍將王泉之調赴省城。將所稟各情。逐加研詰。茲據陶澍奏。該知州並非張揚邀功。不過欲圖獲犯。自附急公。所稟雖非無因。究屬冒昧。王泉之。著交部察

議○辛酉。

孝莊文皇后忌辰遣官祭

昭西陵○

上詣

慈寧宮。

壽康宮前殿行禮。後殿問

皇太后安○

孝慎皇后殯宮豫行歲暮木祭並月祭。遣官行禮○諭內閣富僧德等奏前由黑龍江咨送

引見之領催達蘭岱等弓力較輒箭枝無準。接奉申飭諭旨。自請交議。此案係屬初次。是以僅將該將軍等嚴行申飭。茲據富僧德敦良。自請交議之處。著加恩寬免。嗣後揀選咨送人員。僅仍似此庸劣。定將該將軍副都統等交部議處○諭軍機大臣等。麟慶奏近年河湖交敝。欲復舊制。不外古人蓄清刷黃一法。其關鍵全在運口。本年空運。仍用灌塘。自屬權宜濟運。但河底淤高。非清莫刷。湖水連

年北行。祇以運河為熟路。一旦黃水落低。開展束清。禦黃二壩。暢放湖水。運口無所箝制。古人引導清水濟運。刷黃全在致力磨盤埽。自廢棄後。河務漸壞。嘉慶年間。建築蓋壩。旋又塌短。不能得力。今擬隱復磨盤埽舊制。以備引清刷黃之用。至湖堰水寬工險。臨湖各壩。蓄水之時。多封柴土。至盛漲動輒損壞。另建糜費不貲。應做照滾壩成法。分別勘辦。又山盱五壩。分消湖水下游。車邏等五壩。分洩來源。河水長符定制。即次第啓放水。勢一定。亦即堵合。至於黃河情形。查工時體察平險。節可緩之埽段。辦緊要之土工。以收刷深實效。漫灘暗險。用堵截支河之法。飭屬照辦。至黃河底淤。非人力所能強刷。疏濬器具。祇可備運河挑挖之用。黃河惟儲備料土。遇險即搶。以防為治等語。所論頗為正當。該署河督務當體察河湖大局情形。相度機宜。隨時妥辦。至河身淤墊日高。如果清高於黃。即當啓

放禦黃壩。扶溜攻沙。以資刷滌。嗣後務須酌量情形。於盛漲以前。或將禦黃壩早放數月。即多收數月之功。至秋冬以後。水勢歸槽。更宜相機啓放。俾河身日益深通。近年倒塘灌運。究非正辦。斷不可年復一年。因循遷就。致失事機。又另摺奏查明葦蕩右營產柴短絀情形。並籌議築圩蓄水。以期足額。蘆葦為工程必需之物。右營蕩地荒廢。額柴不足。亟須設法蓄水。俾免斥鹵之傷。且得滋潤之益。據

該署河督籌辦。擬就右營地勢較低之處。培築圩堰。並估填港槽八道。所有估需方價銀一萬五千餘兩。著即分年籌款辦理。毋庸另行請撥。該署河督身膺重寄。莅任伊始。即能隨事隨時。悉心查訪。擇要籌辦。日久果能得效。不止汝為一代名臣。能承朕思。而朕亦獲知人之明。勤實慎勉。而外。朕無可諭矣。勉之。識之。無負委任。將此諭令知之。○署漕運總督恩銘覆奏。御史宗室炳輝等條陳漕弊。查

旗丁折色受兌。本干例禁。其所以有恃無恐者。非請緩交曬颺。即請緩交餘米。甚至捏報遭風虧涇。購買回漕彌縫。應請飭禁諸弊。從之。○湖南巡撫吳榮光奏本年七月間。查出劣幕周大鎔。魯二。徐月樵。江次園父子五人。遞籍管束。又查辦不法長隨胡滿等十二名。現又陸續查出各屬包串生事丁書差役王一等一百一十五名。嚴飭究辦。得旨嚴行審訊。勿受欺朦。勿聽狡展。尋奏先後拏獲王一

等七十二名。內尹玉等十名。分別問擬流徒。咨部在案。周芳等十三名。問擬枷杖。遞籍嚴行約束。又查明鍾元等十五名。實已病故。樊輝等二十二名。先已革退。餘仍飭各屬務獲究辦。報聞。○以喀喇沙爾屯田豐收。予員弁議敘。賞兵丁一月鹽菜銀。○壬戌。諭內閣保昌等奏審明習教各犯。分別定擬一摺。吉林同知錦珠勒。協同各該管官。將各犯訪護審辦。失察職名。准免開叅。此案首犯陳恭。即陳

攻玉。係嘉慶二十年直隸審辦傳習三元教
會首犯。在逃十九年之久。該同知究出該犯
曾到吉林匿跡。邀同各犯聚會燒香。聞拏逃
逸等情。迅即差役偵緝獲案。訊明定擬。辦事
尚屬認真。錦珠勒著加恩准其送部引見。○
又諭。程祖洛等奏請銷採買浙米不敷價腳。
並截撥漕糧。請免買補交幫一摺。上年臺匪
滋事。福建缺米。降旨准撥浙省米石。以濟濱
海窮黎。所有採買米二萬石。由海運受潮勢

難久貯。業經照中米價值。共糶銀四萬五千
四百兩。較浙省冊報原價。尚不敷銀一萬一
千九百九十九兩零。著照所請。浙閩二省用
過運腳等項。一併作正開銷。其截撥浙省十
二年分漕米五萬石。浙省購買維艱。搭運不
易。除三萬石支給內營兵食。抵撥臺灣征兵。
及撫卹口糧。已准作正開銷外。其二萬石業
已糶濟貧民。本應解浙買米交幫。姑念購運
不易。並著加恩准免浙省買補交幫。所收糶

價銀四萬五千兩。扣除閩省動用運腳。咨部
覈銷外。餘銀儘數造報候撥。其浙省所用運
費一切。仍由浙省報銷。該部知道。○又諭。恩
銘奏請將遲誤漕船之備弁等分別議處。一
摺。徐河前後兩幫協運豫漕。應造船隻。自宜
妥速辦理。茲據該署漕督查明。臨清距兌漕
之楚旺鎮。水程僅四百餘里。計日可到。乃新
船於十月十八日始行造竣下河。挽行十數
日之久。不及百里。即被凍阻。以致另雇民船

裝運。該備弁等辦理實屬延誤。所有成造漕
船之徐州衛守備胡泉押運木料之徐河前
幫千總陳永清。領船赴次之委運徐河前幫
留標千總玉強。後幫千總杜如桂等。均著交
部照例分別議處。○又諭。恩銘奏請將本年
抵通掛欠漕糧之糧道總運。先行議處一摺。
漕糧為天庾正供。豈容顆粒短少。本年南糧
抵通。各該幫丁等掛欠累累。現在發南追比。
尚未全完。該糧道總運等所司何事。所有本

年抵通掛欠漕糧之江安糧道周繼圻。蘇松糧道陶廷杰。前任江西糧道廖鴻藻。及鎮江府總運前任通判蔡紹武。署常州府總運通判鍾其恕。蘇州府總運通判清平。江西總運定南廳同知廣宣。俱著交部照例分別議處。仍著該署漕督嚴飭各該糧道暨該幫新舊千總。上緊比追欠丁買米價值。迅速購備兌收。同正漕一律搭運到通交倉。毋任再有延宕。該部知道。○撫卹朝鮮國遭風難夷如例。

○是日。甲午年立春。順天府進土牛春山寶座。○

上以歲暮裕祭

太廟。自是日始。齋戒三日。○癸亥。諭內閣。御史劉誼奏。請嚴禁直省鄉試積弊一摺。直省鄉試。為掄才大典。必須嚴剔弊端。拔取真才。如該御史所奏。近來州縣調簾入省。並不遵照定例。徑赴公所。往往在外居住。以致不肯士子。夤緣干謁。拜為師生。私通關節。並賄囑禮

房。勾通內簾收掌書吏。豫傳紅號。竟將某卷直送某房。以便呈薦。且該書吏等當未揭曉之先。輒窺探消息。寄信出聞。私相傳播。似此積弊相沿。殊屬大干法紀。士子之夤緣干謁。總由州縣之防檢不嚴。即書吏之窺探舞弊。亦由州縣之轉相賄囑。若不嚴行飭禁。何以肅功令而拔真才。著通諭各直省督撫。於明年舉行甲午正科。遇州縣調簾入省。務令遵照定例。徑入公所。不得在外居住。與人交接往來。致啓士子鑽營之習。如該州縣不知檢束。或招致士子。私通關節。或賄託書吏。指認紅號。該督撫當不時查察。一經發覺。即嚴叅懲辦。至入場監臨之日。尤當飭令提調暨內外監試各員。慎密關防。嚴查弊竇。以杜倖進。用副朕興賢育才至意。○諭軍機大臣等。據御史朱達吉奏。附近京城之采育村。及河西務。武清。東安。寶坻等縣。城市村莊。有外省游民。什百為羣。往來絡繹。聚散不常。率有數百

人之多。沿途丐乞。口稱欲往口外及京城內覓食。內有攜帶家屬者。亦有空身游手。併無錫具者。其中良莠不齊。屢有攘奪偷竊之事。地方正印及巡檢等官。彈壓不止。勸令各鋪戶斂錢助給盤費。送出本境。又往他處索擾等語。此項游民。是否實係外省猝被災歉。乏食貧民。前來覓食。抑或有土棍匪徒。夾雜其內。藉端擾害。必應分別查辦。著直隸總督。順天府尹等。迅即查明據實具奏。毋任棍徒

勾串騷擾。以致別滋事端。是為至要。將此各諭令知之。尋總督琦善奏。上年九月十一月間。有湖北沔陽州民求乞到境。當經資助遞送回南。該民人經由處所。多係棲止寺廟之中。各州縣撫卹彈壓。交替護送。不致滋事。現復分飭各入境首站。如遇外省貧民。即一體就近截留。酌量送歸。得旨。妥行飭辦。○又諭。御史朱達吉奏湖南平糶案內出力義勇。獎賞未均。請飭查一摺。據稱上年湖南錦田逆

猖滋事。賊匪將竄入九疑山。其時驟傷提臣。附近之寧遠縣。存城兵僅止千名。不敢抵禦。賴有寧遠義勇石光陞。李家雋等。團聚鄉勇。攻逐守禦。賊始退出深山。易於勦捕。迨賊攻破新田縣城。戕官城陷。惟時趙逆等勢甚猖獗。賴新田義勇多人。守禦出力。並有零陵義勇梁元連等。協同官兵進剿。收復新田。及羅思舉兵到。旋即撲滅。凱旋之日。保舉文武員弁至數百人之多。而鄉勇之出力者。僅給以

六品虛頂。本年十一月內。吳榮光始將義勇梁元連。石光陞等六人。開單補請議敘。又但稱其捐資募勇。不列戰功。恐出力者不止此數。聞功竣後。以至近日。屢有向督撫紛紛辯訴等語。信實必罰。為軍務之至要。該義勇等果有微勞。自應於鼓勵將弁之外。據實查奏。酌加獎勵。不當以事後礙難覈辦。致義勇等紛紛向隅。著訥爾經額。即將各該縣義勇從征始末。確切查明。是否實有勞績顯著。未蒙

甄飲之人詳晰具奏。不容再有遺漏。亦不准稍有冒濫。將此諭令知之。尋奏查明開單請獎。下部議。尋議請將新田縣武生李茂文等四十五名。分別給與頂帶。從之。○甲子。以歲暮裕祭。遣官祭

太廟中殿

後殿。○諭軍機大臣等。有人陳奏。安徽廬鳳潁一帶。有匪棍郝啓倡從前本係梟匪。綽號巡河大王。占據馬頭。非其夥黨。不容販賣。又號

攔河大王。近年官行票引。該匪即借票商為名。帶領拽刀匪徒。夾帶販私。往來廬鳳潁等處。公行無忌。斂派鹽販錢文。動輒數百千。旋即分散。要結人心。黨羽益眾。上年欲入六安州境。該處紳士商民。稔知其惡。在州呈請驅逐。該匪知眾心不附。自行退回。惟緝拏李容孜案內。地方官曾用該匪為眼線。乃官資其力。匪勢益張。罔知顧忌。又匪棍劉崇仁居住合肥縣壽州兩境接壤之吳山廟地方。凡犯

案匪徒。向彼投匿。兵役即不敢拏。該匪與合肥縣蠹役沈姓戚好。消息相通。犯案疊疊。地方官隱忍不辦等語。棍徒聚黨橫行。最為地方之害。郝啓倡借票商行私。劉崇仁交通蠹役。若不及早懲辦。必致釀成巨案。著鄧廷楨督同臬司蔡世松。派委幹員嚴密查拏。務獲究辦。以除邪慝。而靖地方。不許洩漏風聲。致該犯等遠颺漏網。將此諭知鄧廷楨。並傳諭蔡世松知之。尋奏蠹役沈姓。係合肥縣革役

沈崇璧。前因事拏獲在案。劉崇仁現亦拏獲究辦。報聞。又奏。郝啓倡訊明。即郝運開。曾隨同官役協獲梟匪。輒假冒鹽巡名目。訛詐官鹽船隻。賄放私販人犯。並節次興販私鹽。應從重發極邊煙瘴充軍。下部議。從之。○又諭給事中金應麟奏。漕船訛詐。滯運累商一摺。據稱江浙內河一帶。長互七百餘里。每年漕船歸次之後。凡商民船隻經過。小則訛詐錢文。大則肆行搶奪。其訛詐之法。或將漕船橫

截河中。往來船隻。非給錢不能放行。名曰買渡錢。或擇河道淺窄之處。兩船直長並泊。使南北船隻俱不能行。必積至千百號之多。阻滯至三四日之久。有沿河地棍。名曰河快。向各船科斂錢文。給付漕船。令其抽單分泊。以便各船行走。名曰排幫錢。迨至受兌開行。又另以捉船駁米為名。如遇重載商船。該水手用糧米一斗。傾入艙內。非給費不能前行。否則加以搶糧名目。人船並鎖。藉稱送官究治。

即可得錢。設遇無貨船隻。即留為分載私貨之用。直須送至清江交卸。始得放回。並有豫結數人。故與商船尋釁。不法水手。從旁搶奪。船戶稍為理論。即擲棄水中。毫無顧忌。商民以州縣不肯查拏。未敢上控。州縣以兌米畏其挑斥。置若罔聞。其訛詐之處。如嘉興府東門外之宣公橋。蘇州府胥門外之虎銜。許墅關之市河。常州府之東西兩埠。鎮江府丹陽縣之市河。丹徒縣之月河。閘諸婆灘。都天廟。

大開口等處。最為受累地方。其所訛錢文。每幫均有總頭收掌。除彙總分派各船之外。領運員弁之家丁差役人等。多有分肥等語。江浙兩省漕船。較他省為多。水手之強悍。亦較別幫為甚。若如該給事中所奏。漕船水手。沿途訛詐。擾累商民。種種不法情弊。必至遲誤重運。為害地方。不可不嚴行懲辦。著林則徐富呢揚阿。嚴飭所屬於內河地方。凡漕船停泊經行之處。訪查各弊。嚴行申禁。如仍有前

項弊端。即責成地方官隨時懲辦。其徇縱之運弁。立予叅革。以肅漕政。而除民累。將此各諭令知之。○以伊犁解送烏魯木齊馬匹。予員弁議敘。賞兵丁一月鹽菜銀。○乙丑。裕祭

太廟。

上親詣行禮。○遣官祭

永陵。

福陵。

昭陵。

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○遣官祭

太歲之神○閩浙總督程祖洛覆奏遵查升任臺灣鎮總兵劉廷斌稟許各款多係遠年已結舊案今劉廷斌已故益無從質證應請毋庸置議此後惟有申明禁約實力稽查見弊即除遇案即辦以期大法小廉兵輯民安瑚松額已遵旨馳赴成都將軍任不及會辦得旨祇可如此著無庸議嗣後當如何督率嚴查卿其盡力勿復蹈故轍也懍之○以催

課出力予兩淮試用鹽大使帥宗榆儘先補用○緩徵江蘇桃源高郵寶應三州縣減則窪地額賦○貸江蘇撫標左右蘇州城守高資南匯孟河江陰七營駐劄歉區兵丁一季銀米○朝鮮國使臣曹鳳振等三人緬甸國使臣每麻牙咱覺等四人於午門外瞻觀○丙寅命盛京將軍寶興在紫禁城內騎馬○是年旌表孝子安徽等省王宜相等六名孝友福建劉炳等五名孝婦湖北等省劉閔氏等二口孝女江蘇等省朱氏等五名守節合例滿洲烏永額妻巴雅拉氏等一百三十六口蒙古清泰妻巴佳氏等三十三口漢軍張永祿妻梁氏等三十九口內務府安住妻祁氏等六口各省駐防臨欽妻卜氏等一百九十九口奉天等省張國升妻田氏等一千四百六十三口夫亡殉節直隸紀樹蔭妻張氏等四十五口未婚守志滿洲玉英聘妻陳氏等二十五口百歲壽民婦廣東等省馮隆緒

等十六名口。五世同堂貴州等省彭繼昌等
三十三家。各給銀建坊如例。○一產三男直
隸等省曹振恆等六家。○會計天下民數穀
數。除福建湖南未報外。直隸等省。通共大小
男婦三萬九千八百九十四萬二千三十六
名口。存倉米穀三千五十五萬五千七百一
十五石六斗三升三合六勺。

實錄卷二百四十七

天

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十七

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十八

監修 臣 等 謹 將 宣 宗 成 帝 實 錄 卷 之 二 百 四 十 八
天 府 事 務 總 局 加 五 級 記 錄 十 八 次 宣 宗 成 帝 實 錄 卷 之 二 百 四 十 八
七 全 大 臣 傳 會 同 四 譯 館 事 務 加 一 級 記 錄 十 八 次 宣 宗 成 帝 實 錄 卷 之 二 百 四 十 八
內 務 府 大 臣 領 白 旗 滿 洲 都 統 穆 爾 察 內 七 全 大 臣 傳 會 同 四 譯 館 事 務 加 一 級 記 錄 十 八 次 宣 宗 成 帝 實 錄 卷 之 二 百 四 十 八
醫 院 總 辦 處 事 務 總 局 加 十 八 級 臣 等 謹 將 宣 宗 成 帝 實 錄 卷 之 二 百 四 十 八 次 宣 宗 成 帝 實 錄 卷 之 二 百 四 十 八

校 修

道光十四年甲午春正月丁卯朔

實錄卷二百四十八

上 詣

奉先殿行禮。○詣

堂子行禮。○遣官祭

太廟後殿。○率王以下文武大臣詣

壽康宮慶賀

皇太后禮成。御太和殿受朝。作樂宣表如儀。○

詣

大高殿。

壽皇殿行禮。○諭內閣。大學士長齡曹振鏞富

俊俱年在八旬內外。裹贊綸扉。精神強固。朕心實深嘉悅。長齡歷任封圻。由大學士總理部務。前在回疆宣力。克奏膚功。並辦理善後事宜。俱臻妥協。數歷中外。懋著勳勞。曹振鏞由乾隆年間供職詞垣。嘉慶年間洊擢至大學士。朕御極之初。簡授軍機大臣。承旨詳明。倍加勤慎。富俊前在將軍任內。宣力有年。迨朕簡畀大學士。耿介公勤。克稱厥職。均經歷事。

三朝為朕股肱心膂之臣。念其夙夜趨公。宣勤佐治。允宜特沛殊恩。以節勞勩。長齡曹振鏞富俊均著加恩。在紫禁城內乘坐車轎。用示朕優禮耆臣至意。○以科爾沁扎薩克郡王僧格林沁不入八分輔國公載銓為御前大臣。○戊辰。

上以上辛祈穀於

上帝。自是日始齋戒三日。○乙巳。

高宗純皇帝忌辰。遣官祭。

裕陵。○庚午。

上詣

南郊齋宮齋宿。○展緩直隸曲陽博野蠡安肅。獻懷安三河唐景故城滄鹽山永年大名隆平寧晉十六州縣上年被雹被水村莊舊欠額賦展賑曲陽縣災民一月。○緩徵山東滕鄒汶上陽穀壽張荷澤曹濮范濟寧魚臺十一州縣並東昌衛上年被水被雹莊屯上忙額賦及各項銀米。○加給江蘇上元江寧句

容溧水高淳江浦六合桃源八縣上年災民一月口糧。○貸山西朔代陽曲應懷仁岢嵐寧武壽陽交城神池十州縣上年被旱被雹被霜災民倉穀。○貸陝西葭神木府谷榆林綏德清澗米脂吳堡寧陝孝義定遠佛坪磚坪平利十四廳州縣上年被旱被雹災民口糧。○辛未。祈穀於

上帝。

上親詣行禮。○詣

皇太后宮問安。○以正黃旗領侍衛內大臣文孚。為內大臣。御前大臣載銓。為正黃旗領侍衛內大臣。○以

祈穀大祀。禮節嫺熟。賞太常寺贊禮郎廣昌五品頂帶花翎。○給浙江海寧。德清。武康。開化。四州縣上年被水被霜災民一月口糧。○給江西南昌。新建。豐城。進賢。清江。新淦。峽江。廬陵。吉水。泰和。萬安。鄱陽。餘干。萬年。皇子。都昌。建昌。德化。德安。瑞昌。湖口。彭澤。二十二縣上

年被水災民籽種。貸南昌。新建。進賢。建昌。德化。湖口。六縣災民一月口糧。○貸湖北武昌。嘉魚。漢川。黃岡。黃梅。江陵。石首。黃陂。孝感。咸陽。廣濟。鍾祥。潛江。天門。雲夢。監利。松滋。枝江。十八州縣及屯坐各衛上年被水軍民籽種。○貸湖南澧。安鄉。沅江。華容。四州縣上年被水災民籽種。○貸甘肅皋蘭。伏羌。平涼。隆德。鹽茶。寧秦。兩當。成。九廳州縣上年災民口糧籽種。○壬申。諭軍機大臣等。臺灣遠隔重洋。

人情浮動。前年逆匪張丙等滋事。甫經平定。一切善後事宜。均須次第籌辦。該地方積習。疲玩。營伍廢弛。必須專閫大員。實力整頓。時刻留心防範。方可為長治久安之策。該鎮張琴。由四川調往。伊抵任時。程祖洛尚未內渡。曾督飭該鎮周歷履勘。其能勝任與否。諒已得其大概。仍當隨時察看。究竟能否勝任。據實覆奏。不可稍有將就。將此密諭知之。○癸酉。

世祖章皇帝忌辰。遣官祭

孝陵。○諭內閣。桂良奏。參疏防過境武弁被劫。拒傷斃命。延未獲犯之該地方文武各官。請先行摘去頂帶。勒限嚴緝一摺。此案廣東高州鎮右營千總羅咸安等。自粵赴京。上年十月行抵江西新淦縣鳳山地方。被賊駕船行劫。起捕拒傷。羅咸安旋即因傷斃命。既據現獲船夥。訊出盜犯余觀音等姓名。何以月餘尚未獲犯。該地方文武各官。所司何事。被劫

者係官。且因傷身故。非尋常疏防可比。此等無用之地方官。必當從重勒限緝拏。何待限滿無獲。始行叅革耶。新淦縣知縣李彥。典史王鴻緒。外委李連勝。均著先行革職。勒限三箇月。工緊緝拏首夥盜犯。務獲究辦。儻限滿無獲。著即照例嚴叅懲辦。毋稍寬縱。○甲戌。諭內閣。前據孝順岱奏。請將辦理科布多屯田馬兵韓廣忠。坐補該省把總。當經降旨准行。茲據兵部查明。道光五年新定章程。科布

實錄卷二百四十八

十

多屯兵收穫糧石。在十三分以上之大犂頭。以經制外委保用。如續因出力保用把總。仍著先補外委。隨營學習一年。俟弓馬熟悉。再行拔補把總。纂入則例遵行。該大臣並未詳查定例。遽請將屯兵以把總坐補。實屬與例不符。韓廣忠著仍以經制外委補用。所有該大臣請將該兵丁坐補把總之處。著不准行。○又諭。富呢揚阿奏。兩浙場鹽缺產。請借買蘆鹽以資接濟一摺。兩浙杭嘉紹松四所各

場竈。上年夏秋晴少雨多。本無存湫。復因冬雪連綿。以致土滴不起。無以供煎。民食堪虞。自應量為接濟。著照所請。准其借買長蘆官鹽五萬引。即援照歷屆借鹽各章程。由浙江省委員帶領浙商與蘆商前赴各場。照價收買。仍按浙江省引斤捆包。並著長蘆鹽政祝麟。一俟浙江委員到境。即委員作速秤掣。給發照票。無稍遲誤。此項鹽斤。即由海運至浙江乍浦等處收口。該商等照例先在運庫完

實錄卷二百四十八

十

課。並繳買鹽帑本。給與限帖。分運各岸銷售。惟念該商等資本微薄。若令將五萬引鹽價一時湊足。商力恐有不逮。著加恩准其先在運庫暫行動撥。統俟蘆鹽到後。即行歸款。該撫仍隨時察看。如此後浙鹽稍旺。即不必運足五萬引。儻尚有不敷。再行量予增買。庶於民食額課。兩有裨益。該部知道。○禮部奏現纂科場條例。擬改六條。一。房考誤用墨筆。請定為罰俸一年。一。試卷內有墨筆添改者。主

考官降三級調用。因脫落一二字代為添註者。罰俸一年。一文內字句有疵者。罰停一科。一卷內有它補擡頭者。罰停二科。一卷內謄錄漏寫姓名者。將該書更責革。謄錄官罰俸一。試卷於應擡字樣。不行擡寫者。罰停一科。其雙單擡偶誤者。免議。得旨禮部奏酌改科場條例六條。詳閱單內。請將它補擡頭者。定為罰停二科。朕思該士子等草茅新進。體例未必盡諳。若以無心錯誤。概予從嚴。殊非愛惜人才之意。嗣後中式墨卷。有於擡頭處它補者。著仍照它補數字之例。罰停一科。餘依議。○修浙江東塘坦水各工。從巡撫富呢揚阿請也。○緩徵江蘇武進陽湖無錫金匱江陰宜興荆溪七縣上年被雨歉區額賦。○乙亥。享太廟。遣惇親王綿愷恭代行禮。○遣官祭太歲之神。○丙子。上詣

大高殿行禮。○幸圓明園。奉皇太后居綺春園。○詣安佑宮行禮。○丁丑。上詣綺春園問皇太后安。○諭內閣。朕於三月初八日啓鑒。十二日祇謁西陵。禮成後。於十五日旋蹕圓明園。所有應行典禮。著各該衙門敬謹豫備。○又諭慶山等奏酌議科布多屯政情形一摺。前據孝順岱奏屯田積餘牛隻。請酌定章程辦理。當降旨交慶山體察情形。妥議具奏。茲據慶山等查明科布多屯田積餘牛隻。若皆變價存庫。備將來偶遇偏災買補牛隻之用。恐該管屯官兵等藉免賠累。心生懈怠。於屯政諸多未便。自應仍照舊章辦理。以專責成。現在積餘牛隻。著照所請全數變價存庫。以備屯營公用。嗣後每年由官廠領出例牛。除抵補倒斃外。所有積餘牛隻。積至百頭時。即著照此次奏

定章程辦理。每年仍將所餘牛隻數目咨報烏里雅蘇台衙門就近查察。以歸覈實。○伊犁將軍特依順保奏遵旨認真操演。查閱各營技藝。現揀選滿營前鋒馬甲四百八十名。教以連環馬槍。並吉林馬隊之法。又揀選察哈爾額魯特兵丁二百名。演習鳥槍馬隊。馬甲步甲四百名。操練擡礮長矛砍刀。得肯所奏操演情形。甚屬得法。總要認真訓練。務期一律精熟。勿懈。○戊寅。諭內閣。楊遇春奏。甘

省各營歲需操演鉛斤。俱係動用川楚軍需案內存貯贍鉛。其哈密官庫存貯軍需贍鉛。亦係口外各滿洲營按年操演動用等語。此項動用存貯鉛斤。既係各年俱有奏銷。並非永遠備貯不准動用之項。著將此項鉛斤歸補之後。將來按年動用抵銷。仍著查照成案辦理。該部知道。○諭軍機大臣等。楊遇春奏籌補缺額鉛斤一摺。據稱甘肅省各營歲需鉛斤。前經奏准在於安西州所屬之普城山。

定限六年採鉛五十萬斤。以供領用。嗣因限滿未能足額。所有動缺鉛斤。現經奉旨勒限歸補。未便分年採買。請由黔省產鉛之區。照數代辦黑鉛五十萬斤。搭附來年額解運送湖北漢陽官局。即將存局黑鉛先行照數撥給。咨明甘肅省委員赴楚領運。以補動缺。一面嚴飭西安州。並通飭各屬。徧行躡勘。如有鉛苗旺盛之地。即奏請招商採辦等語。甘肅省近年操演。均動營中備貯之鉛。所有動缺

鉛斤。前經降旨勒限半年全數籌足。現據該督設法籌辦。試採需時。刻難歸補。請由黔省產鉛之區。照數代辦。著納爾經額。尹濟源裕泰體察情形。是否可行。悉心詳查。妥議據實具奏。其甘肅省應行採買各鉛斤。仍著該督嚴飭安西州。並通飭各屬。躡勘鉛苗暢旺之處。即行招商採辦。俾省採買運脚之費。以濟要需。而供營用。將此各諭令知之。尋湖廣總督訥爾經額奏甘肅省所需買補缺額鉛斤。

應請即於局存五十二萬四千餘斤內酌撥四十萬斤。按每百斤例價銀三兩七錢九分一毫五絲計算。由甘肅省解價赴楚。兌交起運至甘肅省尚有不足應補動缺黑鉛一十萬斤。現查黔省各廠產鉛未能豐旺。實難再行代辦。應由甘肅省另籌足額。從之。○以廣西鎮安協副將善陀保為福建建寧鎮總兵官。○賞故緬甸國貢使聶鈕耶公那牙他銀三百兩。○己卯。截撥江蘇蘇松等屬熟田漕糧四萬一千石有奇。濟放災缺兵匠行月等米。○庚辰。諭內閣盧坤奏黎匪出掠查辦緣靖一摺。此次儋州生黎符小二等因饑出掠。由於外來匪黎及漢奸勾串滋事。經該督選派文武幹員前往妥辦。緝獲黎漢奸匪宣示聲威。閱時未及兩月。二十六村黎眾悔罪具結輸誠。縛獻奸匪。不煩兵力。黎境胥戢。辦理尚屬妥速。所有在事出力各員著該督酌保數員。候朕施恩。毋許冒濫。○免廣東巡洋師

船弁兵應繳節年浮領口糧銀。○辛巳。上詣。安佑宮行禮。○壬午。調福建布政使花杰為廣西布政使。廣西布政使鄭祖琛為福建布政使。○癸未。上詣綺春園問皇太后安。○甲申。閩浙總督程祖洛等覆奏。擊獲永安沙縣等處土匪。訊認擄人勒贖。現已照例辦理。並無與江西會匪交結緣由。得旨。務須隨時認真查辦。斷不可因循玩弛。致成後患。勉力為之。○以浙江杭州嘉興湖州三府上年災歉。免許墾闢赴浙商船米稅。○緩浙江幫丁應繳餘米變價銀及搭運失風曬颶米。○乙酉。步軍統領衙門奏。逆犯尹老須之子尹明義。監禁後不服看管。實屬臂不畏法。請改遣遠戍。得旨。尹明義著改發回疆。起解。不准疏枷。到戍後仍永遠枷號。○浙江巡撫富呢揚阿奏。杭州湖州兩府屬有漕各州

縣因本年秋收時連遭霜雨多成災歉米色未能一律純潔請照例紅白兼收私種並納俾小民便於輸將得以隨收隨免依限開行從之○丙戌諭內閣楊國楨奏懇恩賞假馳赴甘肅省親一摺楊國楨親母田氏在陝甘督署患病服藥業已有效自可調治就痊惟高年抱恙未免念子情殷該撫服官有年於伊父楊遇春亦已久疏定省楊國楨著賞假四十日馳往甘肅督署省視伊母並可藉此

宣宗實錄

十四

趨侍伊父俾伸愛慕之忱假滿後仍即迅回本任所有河南巡撫印務即著栗毓美暫行護理○諭軍機大臣等據富呢揚阿奏請將被控知縣撤任等語已明降諭旨將該縣疏簣撤任交該撫督同臬司秉公審訊矣此案餘姚縣民章禮慶控稱該縣知縣疏簣將伊姪女大姑有夫之婦價買為妾以縣令而買有夫之婦為妾如果屬實殊干法紀是否該民人捏詞聳聽逞刁妄控抑該縣知縣實有

此等不法情事虛實均應徹底根究該撫等務當虛衷研鞠秉公審辦不准意存回護稍有不實不盡總期水落石出以成信讞毋枉毋縱將此諭令知之尋奏黃樂安籍隸餘姚遷居上虞自幼領娶章禮上之女為妻因貧難度捏稱弟媳孀居憑金文相說合賣與餘姚縣疏簣為妾嗣欲探望借貸無人引領轉思呈告詐錢覓妻叔章禮慶言明原委出名赴臬司衙門具控批府飭查疏簣因查知黃

宣宗實錄

十五

樂安係屬部民囑伊堂弟疏得祿承認娶計希圖規避處分雖非事前知情然辦理種種荒謬該員業於虧空案內奏請革職應歸彼案從重完結下部議從之○丁亥

孝穆皇后忌辰遣官祭

殯宮○諭內閣據何凌漢等奏職員係屬要證抗不到案請飭交刑部審訊前據給事中寅德奏大興縣民李調元呈控曹允芳誣伊曾祖係曹姓家奴一案武清縣知縣延不審結

當降旨交順天府查明具奏。茲據該兼尹等奏。大興縣舉人候選員外郎李政和。係案內要證。該員抗不到案。未能訊結。案關分別良賤。斷難任其延宕。著交刑部迅即傳提審辦。尋奏。訊據李政和供稱。李調元之祖李幅。係曹姓家奴。伊弟李政寬與李調元之父李學儒認為同宗。李調元應照隸卒子孫朦混應試。報捐斤革杖一百例。折責發落。李政和意存回護。延未到案。雖訊無扶同捏飾別情。究

實錄卷一百八

十七

屬不合。應照不應重律杖八十。照例納贖從之。○命大學士潘世恩。在軍機大臣上行走。○戊子。諭內閣。三載考績。大典攸關。滿漢諸臣中。有為國宣勤。盡心職守者。允宜甄敘。年老而精力未衰者。仍應留任。本年京察。吏部將京外各大員具題請旨。朕詳加酌定。大學士長齡。功宣絕域。同德同心。大學士曹振鏞。久任軍機。克勤克敬。年登八耋。精力如常。大學士富俊。宣力有年。公勤清慎。年已八十有

六。精神頗健。洵為盛朝人瑞。協辦大學士文孚。戶部尚書穆彰阿。主鼎承旨。精詳。匡襄是賴。禮部尚書耆英。管理步軍統領事務。諸事認真。頗知振作。兩江總督陶澍。辦事實心。兩淮釐務。日有起色。陝甘總督楊遇春。中外宣勞。功勳懋著。俱著加恩。交部議敘。工部左侍郎松筠。年過八十。精力大減。著以都統銜休致。餘著照舊供職。○又諭。戶部奏請嚴追廠欠等款。應賠銀兩。雲南省銅務項下廠欠銀

實錄卷一百八

十七

兩。覈計未完各官共六十五員。節年應賠銀數至四十一萬九千餘兩之多。該部節次咨追。並未完解。殊屬玩延。所有此項各員應賠銀兩。著各該旗籍任所。按照單開銀數。速飭催追完繳。如再延宕。即將承追督催應議各員。據實叅辦。並著戶部查明案由。按員分款行文著追。以清積欠。○又諭。本年輪應查閱山東。河南。江蘇。安徽。江西。營伍之期。山東。河南著派昇寅。奕紀。馳驛前往。江蘇。安徽。江西。

著即派陶澍。逐一查閱。務各認真簡校。如查有訓練不精。軍實不齊者。即將廢弛將弁。據實叅劾。毋得視為具文。○諭軍機大臣等。祁墳奏續探越南國保樂夷匪情形等語。覽奏均悉。據稱署太平府慶吉等。於上年十一月二十八日。巡察至水口關。忽有百餘人偷爬關旁柵牆。意圖潛入。經該員等攔阻盤詰。傳令客民認識。始知悉皆夷人。該客民顧大利。並指稱內中一人。即係七泉夷州知州阮克

實錄卷二四八

六

和。投順保樂。帶兵交戰。因被勦情急。商同許充內地民人。求放入關。全活性命。該員等示以大義。告以爾等夷人。自相內訌。與天朝無涉。斷難放進。並嚇以若久纏不去。祇可鄉交夷官。該夷匪等始行退回。遠去。所辦尚好。惟此次夷匪既已詐冒來關。難保無續行前來情事。該撫等務當相度機宜。妥為籌辦。即督飭文武各官及委員。帶同兵壯。並守隘弁兵。實力巡查。嚴密防範。務期邊境悉臻綏靖。毋

實錄卷二四八

七

稍疏懈。至該國諒山鎮文淵州。為貢使往來經由之路。前據祁墳奏。請將該國貢使暫留太平府等待。該撫察探情形。酌量辦理。現在諒山鎮既已解圍。文淵夷州又已收復。此時該貢使等計已到省。該撫等屆時察看。如諒山鎮一路照常安靜。即令該貢使等仍出鎮南關。取道回國。以符定制。將此諭令知之。○轉工部右侍郎裕誠。為左侍郎。調理藩院右侍郎賽尚阿。為工部右侍郎。兼管錢法堂事務。仍兼署刑部左侍郎。以都察院左副都御史奕澤。為理藩院右侍郎。○調鑲黃旗漢軍都統耆英。為鑲藍旗滿洲都統。以慶郡王綿懋。為鑲黃旗漢軍都統。○己丑。

孝聖憲皇后忌辰遣官祭

泰東陵。○

上詣

恩慕寺。

恩佑寺行禮。○先是閩浙總督程祖洛奏臺灣

善後事宜二十條。得旨軍機大臣會同該部議奏。至是奏上。一。禁偷渡以杜盜源。嗣後渡臺民人。照例由地方官給票驗放。臺內管口廳員驗收。私給照票者。照知情賣放例革職。口員照內地例參處。一。行清莊以除盜藪。查臺灣清莊章程。與保甲略同。兼寓團練之意。嗣後每年秋收後。由臺灣鎮道委員編查一次。一。嚴連坐以杜包庇。清莊後。如有來歷不明。為匪犯法之人。該總董莊耆保甲鄰右並

聖諭廣訓

卷二

不隨時捆解。發覺到官。一併連坐。一。禁搬徙以免窺伺。臺灣人情浮動。奸徒憑空造謠。聞者紛紛遷徙。嗣後如有此等情事。先將該總董等枷號示眾。再嚴拏造謠之人。照例治罪。一。實力化導以挽頹風。嗣後責令臺灣鎮道府廳縣及駐防鄉鎮之縣丞巡檢等官。每逢朔望。傳集耆耆。敬謹宣講。

聖諭廣訓並責成各學教官。於農隙時周歷稽查訓蒙之人。是否皆堪為後生矜式。明示獎

罰。一。修建城牆竹園礮臺。增設月城兵房。以資捍衛。請於臺灣府城之西北以訖西南。擴

一外城。將西門外市集民居。悉行圍繞在內。擇要建造礮臺。並於各城門添築月城。城上各垛增蓋兵房。其沿海地勢低窪之處。開挖濠溝。栽種薊竹為城。其嘉義縣城垣礮臺。亦應分別修築。一。劃勻臺灣嘉義二縣疆界。以資維制。請將嘉義縣新港溪迤北至灣裏溪二十餘里。西極海濱。東竟番界。劃歸臺灣縣

聖諭廣訓

卷二

管轄。所有戶口錢糧郵驛應行改撥之處。俟該督妥議。分別題咨覈辦。一。酌議裁改汛防。以資巡查彈壓。請撥原防加溜灣汛外委一員。兵六名。大武壠汛兵十七名。舊社汛兵四名。以二十名隨同外委一員。移駐蕭壠。為蕭壠汛。七名駐西港仔。歸蕭壠汛外委管轄。撥原防舊社汛外委一員。並城守營兵二十名。駐茅港尾汛。移貓霧揀汛千總一員。兵八十五名。駐葫蘆墩。葫蘆墩汛外委一員。兵四十

名駐大墩。改為大墩汛。撥大安口汛外委一員。並大甲塘兵二十名。駐吞霄。為吞霄汛。移下淡水營。隨防把總一員。存營兵六十九名。駐阿猴。為阿猴汛。撥南路營存城把總一員。石井汛兵二十名。駐阿里港。撥下淡水營隨防額外外委一員。東汛兵十五名。新園汛兵五名。駐九塊厝。歸阿里港汛管轄。改枋寮汛歸南路營守備管轄。並撥兵二十名。移原設枋寮汛外委一員。兵三十名。再撥新園汛兵十名。駐潮州莊。為潮州莊汛。其改鑄移駐各員弁關防條記。及修建衙署兵房等項。由該督分別題咨覈辦。一。修築土堡衙署兵房。以資戍守。請於扼要汛地。添築土堡。將衙署兵房圍繞在內。一。練習技藝。以臻熟諳。請責成各營千總等弁。就所管兵丁。各按所習技藝。分日輪操。每半月由專營將領親考一次。送該鎮抽調考驗。一。按期會哨。以資巡緝。請責成各汛弁於兩汛交界處。無分風雨寒暑。五

日會哨一次。一。駐防汛弁。不准任意更調。儻實在人地未宜。由該鎮詳報該督批准。方准調防。違者照移駐規避例叅處。一。酌更營弁調補內地章程。調臺各弁。實在訓練有方。緝捕勤能者。於三年期滿時。准該鎮道稟請留臺。其循分供職各弁。三年調回。擇其才技尚堪造就者。補缺。其次降等補用。再次斥革。其各弁升補班次。千總把總期滿。論俸請升。如無期滿留臺之員。由內地調補。一。酌減臺募兵數。以資約束。請嗣後臺募兵丁。召募土著入伍。不得過二十分之一。其緝捕得力。量予甄拔者。亦不得過二十分之一。一。考校班兵。以杜頂冒。嗣後班兵到口。由督撫提督按名閱看技藝。察出頂冒情弊。查係該營派撥者。將原派員弁斥革。如中途更換。將帶領員弁究革。一。選製軍器。以收實用。嗣後責成水師提督。於將備中擇其熟諳可靠者。委令監造。一。清釐屯務。以示體恤。而資調遣。嗣後春秋

二季。由理番同知會同地方官周歷各屯。按名散放屯餉。仍將放過銀數造冊詳報該督。一。整復隘口。以杜勾番滋事。查臺灣近年有不法奸民。學習番語。偷越定界。散髮改裝。謀娶番女。名為番割。請嗣後拏獲番割。除實犯死罪外。但訊有散髮改裝情事。分別充軍。無散髮改裝情事。杖一百。徒三年。交刑部纂入則例。一。嚴硝磺之禁。以杜私煎。奸民私煎硝磺。無論已未興販。照附近苗疆五百里以內煎它窩頓興販硝磺例。分別杖徒充軍。三百斤以上。及合成火藥十斤以上者。照私鑄紅衣大小礮位例處斬。妻子緣坐。財產入官。與生番交易貨物。及偷漏出海者。均以通賊論。知情不舉者。連坐。失察各官。比照議處。交刑部纂入則例。一。嚴申鐵禁。以防偷漏。私販偷運。應將內地口員。訊明是否故縱。分別革職治罪。販賣接運之人。從重究治。班兵夾帶。加等問擬。其原有鐵店二十七戶。悉移府廳縣

城中。不准在鄉市及沿山沿海地方。私開一鋪。私設一廠。從之。○以福建延平協副將王忠貴為浙江衢州鎮總兵官。○截留江南東臺合肥廬江舒城巢五縣熟田漕糧二萬九百石有奇。濟放江安糧道所屬災缺幫丁行月等米。○貸江蘇江都縣修築河隄江埂銀○庚寅。
上詣綺春園問
皇太后安。○朝鮮國王李玠遣使表進方物。命年貢照例賞收。其
萬壽冬至元旦三大節貢物。准抵下次正貢。賞賚如例。○緬甸國王孟既遣使表進方物。賞賚如例。○調鑲黃旗漢軍都統綿懋為正紅旗蒙古都統。正紅旗蒙古都統敬徵為鑲黃旗漢軍都統。○辛卯。諭軍機大臣等。前據步軍統領等獲形跡可疑來京燒香各犯。當交刑部審訊。茲據訊明李有軍郭經之二起。係河南林縣及安陽縣人。取名堆金杜張德潮。

係直隸邯鄲縣人。取名遶山會。劉起幅。程路。張新杰等五起。俱係成安縣人。取名關爺會。周東凌一起。係安平縣人。取名平安會。該犯等或自嘉慶二十五年。或自道光二三年至十年間。各自糾人積穀存錢。以為燒香資本。本年正月間。各自來京燒香。李有軍一起。帶有紅邊小白布旂。張德潮一起。帶有藍邊紅綉旂各一面。書寫朝山進香及燒香人姓名。據李有軍供稱。伊因族人李文恭。李加滿早年來京燒香。伊借族人李興文與伊前赴湖北武當山燒香。舊用旂子。將同社七人姓名書寫旂上。伊兄李有道另立堆金社。李文澄係屬會首。亦曾赴武當山燒香。張德潮供稱。伊向同會劉文明之父劉俊生借用旂子。旂上所列劉俊生。楊添桂。李瑞麟。李邱孟四名。均已物故。至起獲小馬圖七張。係李有軍等敬神時所用。神像一包。爆竹十九箇。係張德潮。劉起幅等燒香焚化點放。又據程路供稱。

於嘉慶七年間。與同村現獲之張丙文。趙元士。及未獲之李英華。劉自富。宋第四。劉中賢。吳友。張老慶九人立會。嘉慶二十四年。來京燒香一次。除劉中賢病故外。餘犯尚存。張丙文。趙元士。業已來京兩次。李建和之父李泳安。曾同已故族人李六。李大李二。於嘉慶十餘年間來京燒香一次。現在李泳安尚存。劉起幅同會之張幅成。劉二忙。牛子。李親名同會之高大中等。此次俱未來京。並究出張新杰。於早年充當道人。曾拜臨漳縣人王致坤為師。誦習經卷。伊師業經還俗。村人李汝思素善治病。令伊燒香等語。愚民報賽酬神。事所恆有。何以各該犯等先後起意來京。跋涉千里。其始不約而同。其繼不謀而合。且各犯等多係直隸河南兩省鄰縣之人。所居村莊近或二三十里。遠亦不過百餘里。其取立社會名目。及敬錢章程。眾供如出一口。難保無豫先糾約。及事後捏飾別情。著琦善督同臬

司陳崇禮。稟毓美督同臬司經額布。各迅派幹員。馳赴各該縣。即將單開李有軍。張德潮等起各犯姓名籍貫。確實查明。並將李英華等七犯嚴密查拏。解京質訊。其劉自富等四犯。李文恭等七犯。著該督撫等就近傳案。訊取確供。報部覈辦。並搭查各起會首家。有無往來書件。收藏經卷。務須不動聲色。密速確查。不准稍有含糊。亦不准稍事張皇。擾累地方。原單著鈔給閱看。將此各諭令知之。尋護

實錄卷一百六

文

河南巡撫栗毓美奏。訊據王致坤供稱。幼時曾與成安縣泰山廟道士為徒。學習經呪。應解交刑部候質。餘皆安分鄉民。並無不法情事。下部知之。○壬辰。諭內閣。特依順保奏。訊明塔爾巴哈台副將詳揭參贊大臣一案。請旨分別交議一摺。此案塔爾巴哈台副將金和。因窮民聚集乞糧。於稟明布彥泰後。辦理平糶。所借糧石。均已如數買補交倉。惟於布彥泰取供時。並不當面詳悉稟訴。堅不具供。

率行詳揭。金和著交部嚴加議處。參贊大臣布彥泰辦理平糶。出借糧石至二千一百石之多。未經具奏。且既與金和商辦於前。復欲叅辦於後。實屬辦理前後不符。布彥泰著交部議處。○引見京察三品以下京堂。得旨。太僕寺卿寬明。鴻臚寺卿多恆。蔣祥輝。內閣侍讀學士宗室榮慶。欽天監監正司鴻英。均年力就衰。著以原品休致。餘俱著照舊供職。○直隸總督琦善奏。訪聞通州監犯。有凌虐同

實錄卷一百六

文

囚。嚇詐錢文情事。業經審明擬罪咨部。並通飭各府州縣一律查禁。以重監獄。得旨。查辦甚好。必須通飭查禁。有不認真陽奉陰違者。從嚴究治。○湖廣總督訥爾經額奏。遵旨查辦苗疆廳縣占補地丁。朶削科斂各弊。查湖北武昌道邵甲名。辦事精細。曾任湖南學政。熟悉該省情形。現委赴湖南。會同撫臣委員。按款訪查。研究覆奏。得旨。所委甚好。但總要汝給伊主張。俾伊得盡其長。方於公務有裨。

其留意焉。○甲午諭軍機大臣等。前據步軍統領衙門續獲形跡可疑各犯。當降旨交刑部審訊。茲據訊明陳發等五起內。楚心成等一起。楚心成係直隸寧晉縣南官莊人。據供現在本省因案涉訟。帶同族姪楚煥。表弟張寶來京。欲行具控。所帶結盟小摺內。開寫楚文楨。楚文楷。友在京貿易之河南安陽縣人。張懷秀。三人姓名。至陳有祥一起。據供係直隸武邑縣戴興村人。該處與立北山會。伊係會首。於本年正月起。意來京燒香。被官拏獲。其陳發一起。據供係河南湯陰縣石家莊人。素聞該縣狗頭山有賊匪劉善洪在彼藏匿。時出搶奪。並有惡丐偷竊田苗。名為紅門社。牛至山一犯。據供係直隸深州牛家莊人。該處數年前。興立善會。斂錢修廟。有村人牛老立等各為會首。柳磬一犯。據供係直隸肥鄉縣白落堡人。許願燒香。來京被獲等語。該犯柳磬。長途遠涉。酬願燒香。陳有祥等糾集多

人。斂錢祈福。難保無為匪不法重情。陳發。牛至山二犯。均係隻身行乞來京。形跡詭秘。難保無負罪潛逃情事。供出之劉善洪。牛老立等。是否實有其人其事。均應徹底查究。楚心成一起。業在本省涉訟。自必有案可稽。著琦善督同臬司陳崇禮。栗毓美督同臬司經額布。迅即各派幹員。馳赴各該縣。於各該犯家嚴密按查。訊明該犯等平素在籍。有無滋事別情。取具切結。並查明有無劉善洪開拏潛逃。牛老立等斂錢修廟。並楚心成是否在本省控告。將地畝賣錢措資。及楚文楨。楚文楷。張懷秀三人如何結盟之處。迅速確查。詳細聲敘報部。以憑覈辦。總須不動聲色。密速查辦。不准稍有含混。亦不准稍涉張皇。致滋擾累。原單著鈔給閱看。將此各諭令知之。尋直隸總督琦善奏。楚心成之父楚臯。前以趙泳青等吞使工價。赴步軍統領衙門呈告。甫於上年十一月咨回。俟訊明分別解京質訊。護

河南巡撫栗毓美奏陳發一犯訊據伊兄陳興。陳旺。並地鄰人等。僉供於本年正月間因貧外出。並無為匪情事。湯陰縣並無狗頭山。亦無劉善洪其人。惟林縣有狗驚山。俗呼為狗頭山。上年八月曾經訪獲匪徒劉三紅糾搶婦女。並審出殺死開州人楚得功棄尸滅跡之案。善洪三紅。土音略似。俟提該犯來省再行確訊辦理。查該縣向有丐匪。用瓦片劃傷頭面。惡討乞食。土人呼為紅門丐。已飭地方官查禁。現在並無此等丐匪。楚心成摺內所開安陽縣人張懷秀。徧查並無其人。其與楚文楨。楚文楷。如何結盟之處。無從查訊。均下部知之。○以故翁牛特鎮國公烏呢濟爾噶勒子桑噶巴拉。襲爵。○旌表守正捐軀直隸天津縣民楊杰妻盧氏。○乙未。	孝儀純皇后忌辰遣官祭	裕陵。○	上詣
--	------------	------	----

大高殿行禮。○還宮。○	孝慎皇后殯宮月祭。遣官行禮。○旌表守正捐軀直隸東安縣民崔克興妻趙氏。○以祭社稷壇。自是日始。齋戒三日。	實錄卷二百六	三	大清宣宗效天符運立中體正至文聖武智勇仁慈儉勤孝敏成皇帝實錄卷之二百四十八
-------------	---	--------	---	--------------------------------------

大清宣宗效天符運立中體正至文聖武智勇
仁慈儉勤孝敏成皇帝實錄卷之二百四十九

監修總纂官臣日講起居注官太子太傅禮部尚書臣等奉 上諭著將翰林院掌院學士兼管

天府府尹事務隨帶加五級紀錄十八次著將總纂官兼理漢軍副都統臣等奉 上諭著將

七倉大臣等會同理藩院加一級隨帶加六級紀錄五次著將總纂官兼理漢軍副都統臣等奉 上諭著將

內務府大臣等會同理藩院加一級隨帶加六級紀錄五次著將總纂官兼理漢軍副都統臣等奉 上諭著將

醫院總辦處事務隨帶加十八級臣等奉 上諭著將總纂官兼理漢軍副都統臣等奉 上諭著將

敬修

道光十四年甲午二月丙申朔諭內閣長清

實錄卷二百九

等奏屯田試種有效請定則升科一摺巴爾
楚克之毛拉巴什賽克三一帶荒地前經奏
准開墾茲據長清等奏查明該處統計開田
二萬四千餘畝共招種地民人三百六十餘
名水暢土肥夏秋二禾收成均在九分以上
請自十四年起按畝升科所辦甚好著照所
請所有巴爾楚克新墾地畝准其依照北路
升科則例及民屯認墾各成案酌中輕定科
則同喀什噶爾屯田均自道光十四年啓徵

以供兵糈並著造具新招屯民年歲籍貫認
種地畝總數清冊咨部備查所有辦理巴爾
楚克喀什噶爾兩處屯田各員著長清等將
認真出力者覈實具奏量予鼓勵毋許冒濫
此次開墾屯田試種業有成效所辦尚屬認
真惟此外可墾之地尚多該參贊等務飭委
辦各員設法招徠妥為經理俾認墾之民源
源踵至庶草萊日闢田畝日增足以實邊儲
而壯聲勢毋許日久懈怠致令屯務廢弛以

實錄卷三百五

收寓兵於農之實效勉之又勉○諭軍機大
臣等長清等奏卡外色呼庫勒回莊被賊滋
擾現在辦理情形據稱葉爾羌所屬卡外色
呼庫勒回莊於上年九月被霍罕頭目諾爾
巴依帶領布魯特五百餘人前來擄掠並稱
欲向該莊收稅維時霍罕額爾沁弔噶爾拜
已至葉爾羌即令阿布都爾滿向伊責問該
額爾沁極口分辯懇求遣人出卡曉諭驅逐
該頭目諾爾巴依稍有解散尚有數十人駐

紮該莊附近地方。經長清等派令伊斯瑪依爾復向詢問。據額爾沁稱。遣人回霍罕告知該伯克。將該回莊眾人撤退。並留額爾沁為質。等候回信等語。此次該額爾沁前來送出裏脅兵民回子。一聞色呼庫勒莊被霍罕頭目率眾滋擾。即遣人出卡曉諭。並懇求遣人回霍罕告知該伯克。將滋擾該回莊眾人自行撤退。尚屬明白恭順。此時滋擾回莊各眾。如該霍罕已行撤回。自可相安無事。儻仍未

撤回。該參贊等務當曉以大義。今額爾沁遣人先回。諭令該霍罕遵守舊界。長受天朝厚恩。貿易通商。妥為約束。屬人。不准妄生覬覦。復滋事端。即留額爾沁在此為質。俟該霍罕伯克回覆到時。再行奏明辦理。該回莊遠處卡外夷人反覆靡常。該參贊等務令該伯克豫為戒備。加意隄防。並通飭各城嚴巡各卡。倫一體小心防範。不許輕出邀功。以免疏虞。而弭邊釁。將此諭令知之。○吏部尚書朱士

彥。乞假省親。允之。以工部尚書湯金釗兼署吏部尚書。○以修建巴爾楚克城垣。賞故阿奇木伯克阿布都爾滿子頭等侍衛邁瑪特愛孜斯花翎總兵官唐倬等。升補議敘有差。○丁酉祭

先師孔子。遣大學士潘世恩行禮。○諭內閣烏爾恭額奏。請將相驗不實之員解任質審一摺。此案代理新民廳事務奉天府經歷傅鍾瑒。於相驗民人趙銀。毆傷王世寬身死案

內。刑件受賄匿傷。毫無覺察。若非明知故縱。何至被吏役朦蔽。一至於此。且恐該經歷之家丁。亦難保無通同舞弊情事。傳鍾瑒著解任。交烏爾恭額親提丁胥人等。暨全案犯證。徹底根究。嚴行鞠審。務得確情。勿使一名漏網。按律分別定擬。該經歷如有得賄舞弊之處。著即據實叅辦。不可徇隱。○閩浙總督程祖洛奏。陳提鎮司道知府密考。或觀其材識。或證以官聲。大約中材居多。而有猷有為有

守者僅見。浙省不免一疲字。尚能率由舊章。聞省則疲而兼玩。惟有因地因人。隨時隨事。勤加訓誡。以挽頹風。得旨。所論兩省吏治營伍。俱極詳明。可見卿到處留心。胸中既有成竹。必當分緩急。辨重輕。實心督飭。實力整頓。一切破除情面。力挽積習。固不可操之過急。反失真當。亦不可因循遷就。更成難返之勢。務須振刷精神。以副重寄。勉之又勉。○以戶部左侍郎敬徵。工部左侍郎吳椿。署經筵講官。○戊戌祭

大社

大稷

上親詣行禮。○遣官祭

文昌帝君廟。○兩廣總督盧坤奏。水陸捕盜情形。得旨。查拏水陸盜犯。乃海疆第一要務。須一力督辦。文武有不認真用命者。斷勿姑息。奮發有為者。務當獎勵。必期水陸肅清。安閭閻而弭後患。方為至善。勉之又勉。以副重

寄。○以捺捕賊犯出力。予廣東通判穆克登。安等升敘有差。○己亥。以舉行仲春經筵。遣

官告祭

奉先殿

傳心殿

上御文華殿經筵。直講官穆彰阿。潘世恩。進講中庸故君子之道。闇然而日章。講畢。

上宣御論曰。易曰。天地相遇。品物咸章。又曰。含章可貞。謂當含晦其章美也。晦不終晦。其志

厚者其義章。此中庸引詩得闇之旨。而知君子之章本此也。君子為己之學。存之為心。成之為道。道也者。明而能闇者也。揚於外。無以足乎內。則內念已夸。炫於人。無以持乎己。則己意先馳。故物不闕其華。情每遷於偽。事不行吾素。性必動於浮。而欲其相得益章也可乎。君子不自置於表暴之地。而白賁无咎矣。君子不自失其渾穆之懷。而黃中通理矣。愈收斂斯愈發。越平淡之內。絢爛自生。有篤實

斯有輝光質樸之中。精英自炳。貞正而固。積厚而流。美在其中。而暢於四支。發於事業。美之至也。此可知詩之尚絅故聞然。衣錦故有日章之寶。下學立心之始。其可忽諸。直講官禧恩史致儼。進講書經好問則裕。自用則小。講畢。

上宣御論曰。人君撫臨區夏。咨岳牧。詢芻蕘。舍己從人。不自私其功。蓋欲羅四方之英俊。而急親賢之為務。非徒恃一己之聰明。而誇予

知以自雄也。此商書仲虺之誥。所由重好問。而戒自用。試申論之。今夫天下之大。萬民之眾。非廣諮博訪。無以窮治亂之根源。非兼聽並觀。無以辨邪正之心術。故前席而問之。使從容敷奏。而不辭。亦臨軒而問之。俾剴切直陳。而無隱。是以德尊而業廣。則綽綽乎有餘裕矣。夫好問者。合天下之人。以為用也。而豈愚而好自用乎。嘉謀嘉猷之入告。自用則等於自專。羣策羣力之相資。自用則甚於自棄。

將所云用作礪。用作舟楫。用作霖雨者。皆以有用之用。而置諸無用之用。猶欣欣然以自用為得計。其反為人用也。何事能治。不亦小乎。仲虺舉古人之言。謂之自得師者。真知己之不足。人之有餘。委心聽順。而無拂逆之謂也。好問則求有餘師矣。自用則欲其附己矣。昔大知如舜。察邇言而好問。執兩端而用中。所為不自用。而取諸人者。其即此義也。夫禮成。

上幸文淵閣。賜講官及聽講諸臣茶。復賜宴於本仁殿。○諭內閣。前因阮元等奏。昆明等州縣地震。請蠲免本年錢糧。未將已未成災之戶分晰敘明。當經降旨。飭令查明具奏。茲據奏稱。此次該處被災。係查照乾隆年間成案。各州縣錢糧。初奏全行蠲免。及後來秋收豐稔。仍分別有災之戶蠲免。無災之戶不免。現在昆明等十州縣。年額應徵錢糧銀米。約計合銀八萬餘兩。此中應免者。大約數不及半。

必須分別查明。再行具奏等語。被災地方。應免錢糧。必應確查分晰辦理。所有昆明等十州縣額徵錢糧銀米。合銀八萬餘兩。該督等即督飭各地方官逐戶挨查。將有災無災各戶。應免銀數若干。應輸納銀數若干。詳晰覈明具奏。務使災黎均霑實惠。無任奸胥蠹役。從中涉手。致不被災各戶。稍有影射。以昭覈實而免浮冒。○諭軍機大臣等。本日據祁項由驛馳奏。接據越南國來文。勦辦夷匪完竣。

一摺。覽奏俱悉。上年十月間。該國保樂州夷匪儂文雲等。分路攻破三岐牧馬等鎮。及文淵州。又圍攻諒山。勢甚猖獗。迨十一月間。該國王於收復三岐後。又調派夷兵招募土人。分兩路勦捕。一潛越山嶺。占奪保樂州城。一由黎京直趨諒山鎮。救援夷匪勢力不敵。諒山圍解。退據牧馬地方。旋探越南國阮藩派統領軍務官吳文嘯。參贊官武文清帶兵三千餘名。前至九封牧馬一帶征勦。於九封噲

噲地方接仗。保樂夷匪大敗。復乘勝攻打牧馬。該夷匪阮祐謹。阮祐旋等窮蹙。即將牧馬倉庫燒燬逃散。現在諒山九封牧馬等處。均已收復。諒山已立墟市。並有新放夷官到任。惟農文雲無獲。尚未撤兵。恐該匪勢窮內竄。經護右江鎮滿承緒撥兵三百名。分布各要隘。並據阮藩咨稱。生獲匪目。供稱農文雲攜挈妻小夥匪百餘人。向雲南邊地投竄。呈懇雲南省拏解等語。越南國稱藩納貢。恭順有

年。茲夷地既已肅清。邊境又安。朕心實深欣慰。夷匪農文雲既向雲南邊地逃竄。自應嚴行拏緝。著阮元。伊里布。盧坤。祁項。惠吉。嚴飭各邊界一體堵緝。毋令匪徒一名逃入。並嚴諭沿邊居民。不得容留面生可疑之人。致滋混跡潛藏。儂農文雲潛逃內地被獲。該督等一面奏聞。一面轉交該國。自行懲辦。將此諭令知之。○又諭。據阮元等奏。已革土司刀繩武。不知悔罪。猶復勾結邊夷滋釁。經弁兵追

捕刀繩武達逸無蹤等語。刀繩武啓不畏法可惡已極。現雖卡破練散。不致滋事。斷難容其潛匿在邊。致貽後患。著阮元伊里布嚴飭該鎮道委員追蹤緝拏。務獲懲辦。將此諭令知之。○以詹事府詹事史譜為內閣學士兼禮部侍郎銜。○以查辦災賑出力。予雲南同知姚延之等加銜升敘有差。○免雲南銅廠民欠無著工本銀。○庚子諭內閣鄂順安奏審訊已革馬甲銖隆阿等京控一案大概情

形。請將被控之員並狡展之武舉分別解任。斥革一摺。此案銖隆阿等所控廳營舞弊。侵蝕兵糧重款。業經該撫審屬子虛。復據供稱大盈倉米石向係米鋪包攬。每以兵丁應領之米抵兌花戶應完之米。並不出倉。又據費揚阿佈供稱。城守尉將未經中箭之馬甲慶瑞挑補領催。雖為原控呈內所無。均應徹底根究。以期水落石出。太原駐防鑲藍旗滿洲防禦佈勒哈。驍騎校塔爾哈。印房筆帖式文

淵俱著解任。委署驍騎校達文。武舉費揚阿佈俱著斥革。交鄂順安督同臬司龔綬親提全案人證。嚴行質訊。按律定擬具奏。尋奏傳訊米鋪僉供伊等遇徵糧時。花戶多買米完納。從未買過旗人應領之米抵換。銖隆阿亦並無證據。慶瑞挑補領催。據城守尉覆稱。慶瑞差使奮勉。是以挑補。防禦佈勒哈驍騎校塔爾哈。僉供慶瑞中箭二枝。費揚阿佈自認妄控。應請將銖隆阿費揚阿佈照例擬杖徒

折枷。下部議從之。○引見各衙門保送京察一等人員。得旨。此次京察一等圈出人員。著各該堂官再行出具切實考語。交吏部帶領引見。圈出之滿洲蒙古中書筆帖式等官。著歸入理事同知通判內。遇有缺出。與舊記名人員一體帶領引見。其漢軍漢人著交部以撫民同知通判分別選用。兵部主事明諒光祿寺署正烏勒登布。劉光啓。倉場監督中倉刑部主事沈彥方。詹事府主簿蔣國琳。通政

司經歷陳鼎治國子監助教富明阿沈學誠鴻臚寺鳴贊覺羅福升鑾儀衛鳴贊鞭官那瀛太俱著交部照例以應升之缺升用翰林院侍讀周祖培侍講王植俱著准其一等吏部郎中清平禮部郎中久祥俱著改為二等其餘內閣侍讀烏金布等二百五十六員俱著准其一等加一級○調正黃旗蒙古副都統王蘭為西安右翼副都統以刑部右侍郎恩特亨額兼正黃旗蒙古副都統○辛丑

上幸圓明園○詣綺春園問

皇太后安○福建臺灣道劉鴻翱奏報到任得旨汝係朕特旨簡調之人海疆緊要一時一事不可疏忽公勤清慎服膺勿失朕惟知賞功罰過而已懍之勉之○以鑲藍旗漢軍副都統壁昌署正黃旗漢軍副都統○壬寅孝淑睿皇后忌辰遣官祭

昌陵○禮部議准安徽巡撫鄧廷楨疏報採訪桐城縣貞節婦女張丁氏等三千一百六十

三口河南巡撫楊國楨疏報固始縣王周氏等六百七十口原武縣婁張氏等十七口密縣孫張氏等八十一口孟津縣蔡李氏等七十九口各請建總坊旌表從之○癸卯以戶部左侍郎敬徵署都察院左都御史○以鄭親王烏爾恭阿署正紅旗漢軍都統鑲白旗滿洲副都統裕誠署鑲白旗護軍統領○旌表守正捐軀直隸定州民魏胖兒妻齊氏逼嫁捐軀四川閬中縣民權三讓妻任氏○甲

辰遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○遣官祭

先醫之神○調安徽按察使怡良署江蘇按

察使。○修浙江東塘魚鱗石塘。從巡撫富呢揚阿請也。○乙巳。

上奉

皇太后幸慎德堂進膳。○遣官祭

關帝廟。○遣官祭昭忠祠。○諭內閣程祖洛

等奏參玩視要案之署州牧。請旨革審一摺。

所參甚是。福建前署永春直隸州事泉州府

馬家港通判烏竹芳。於州民林偶等糾眾焚

搶拒捕奪犯重案。虛實自應徹底根究。按律

定擬。以成信讞。乃該員在任一載有餘。未經

審擬詳辦。直至將次交卸之時。率以理處明

白。詳請銷案。化有為無。教刁縱惡。莫此為甚。

烏竹芳著即革職。交該督等提齊全案人證

卷宗。嚴審確情。照例究辦。○予福建凱撤內

渡遭風淹斃外委蘇淨雲祭葬卹廕。○釋遣

戍新疆已革協辦大學士兩廣總督李鴻賓。

廣東提督劉榮慶回籍。○濬熱河旱河。從總

管阿靈阿等請也。○丙午。

孝康章皇后忌辰。遣官祭

孝陵。○諭內閣上年節經降旨。令有漕各省督

撫。早兌早開。務於四月初十日以前抵壩渡

黃。不准稍有遲誤。茲據林則徐奏。江蘇漕糧

除江北各幫已經兌竣開行。其蘇松等屬。因

冬間雨雪連綿。收米寥寥。現在嚴飭各州縣

加緊設法催徵等語。漕糧為天庾正供。豈容

少有延誤。現距渡黃定限。為期較近。該撫務

當嚴飭催兌。趁早開行。不得藉詞晴少陰多。

漕穀難以上驚。少有遲延。亦不得以幫船搭

運部撥銅斤。喫水稍重。任聽幫丁沿途逗留。

致逾限期。總須隨兌隨開。嚴行催趲。以速補

運。毋誤抵壩渡黃定限。儻仍前鬆懈。以致逾

期。必將該撫嚴行懲處。決不寬貸。○諭軍機

大臣等本日據敬徵等奏。直隸民人楊萼。趙

宗樸。在都察院衙門具控慘斃四命一案。又

民人王寬。具控結會行兇。威逼賄和一案。俱

明降諭旨。交琦善督同臬司秉公嚴審矣。據

稱訊據樂亭縣民人楊萼等供詞緣楊萼之妹楊氏嫁與趙宗樞為妻與伊堂兄趙希樞隔院居住素與堂嫂趙張氏不睦因出外貿易楊萼之母王氏前往作伴上年冬間趙楊氏患病楊萼甥女李閻氏亦往探病至十一月十九日楊萼胞弟楊榮往看被趙希樞義子韓宏勸令送祟是晚楊榮回家至二十日趙希樞報稱趙楊氏病重楊萼急往看視見伊母楊王氏伊妹趙楊氏甥女趙銀姐暨李

閻氏俱作自縊情狀身死楊王氏與趙銀姐身帶傷痕當即查知是日早晨有水夫送水往後院被趙張氏攔阻等情屋內銀錢衣物均被盜去經地保報縣詣驗刑仵報作縊死控經該府委員覆驗仍前朦報不為確究是以與趙宗樞聯名來京滙訴又訊據昌平州民人王寬供詞緣民人之父王明榮上年冬冬間被土豪現充里保劉添錫暨石連瑞王章劉勇等糾眾立會屢邀入會不允喝令夥

黨劉竣等攢毆多傷越日殞命並將在旁觀看之宋二立時毆斃經伊胞伯州役王明富報州驗明劉添錫等復糾眾強搶將家存契紙衣物搶去嗣因劉添錫等設計賄和伊不肯賄結被北路廳門丁白十誘至沙河劉添錫串同伊伯暨甄三等恐嚇逼結伊伯受賄多賍兇徒縱逸伊父無人抵命是以赴案滙訴各等語此兩案如楊萼等具控慘斃四命一案韓宏果無圖謀情事何以勸令送祟即

於是夜四命齊斃若係自縊何以身有傷痕趙張氏若不知情何以攔阻水夫趙希樞既經趙明告知身死情形何以送信時祇稱病重且又失去多賍難保非圖財串害其王寬具控結會行兇威逼賄和一案事關糾眾結會逼脅毆斃丁役串勒賄和如果屬實殊干法紀兩案情節俱重必應確切嚴訊究辦該督等務將各案情虛衷研鞫秉公嚴審總期水落石出以成信讞不准稍有含混亦不准

為地方官規避處分。諱飾回護。以重人命而懲奸蠹。毋枉母縱。將此諭令知之。尋奏訊得趙楊氏先有病磨難忍。欲行早死之言。楊王氏等或因痛女情深。或因失所依倚。或因境遇難堪。各萌短見。蒸檢楊王氏尸骸。委係自縊身死。身上傷痕。係自縊時挫墊。趙楊氏各尸棺。據尸夫趙宗樞等以懷疑已釋。懇求免驗。並查明趙宗樞家失物。係趙楊氏生前借與族人等質當。其非圖財謀害已確。至趙楊

氏等已死。趙希樞報稱病重。亦屬鄉愚畏事之見。伊妻趙張氏攔阻水夫。祇係各顧門戶。並無別故。韓宏勸令送祟。亦係習俗相沿。實無邪術符咒。惟楊萼誤執傷痕。致屍遭蒸檢。依律擬杖徒。趙宗樞隨同附會。依律擬杖。至王寬之父王明榮。因該村每至秋熟時。按地攤錢。禁竊禾稼。名為青苗會。劉添錫保王城接充首事。王明榮宋連如斥其所保不公。劉添錫情急。令王城等動手。將王明榮宋連如

毆傷。因此殞命。王寬因捏稱劉添錫糾眾結會。將伊父逼脅毆斃。令伊伯現充廳役之王明富在州控告。王明富被拖日久。不能供役。因向劉添錫借錢。作為殯費。令王寬具結息訟。是青苗會並非邪教。劉添錫亦因情急喊助。尚非豫謀主使。事後給錢。亦非串囑行求。王寬自認捏控。請將王城依律擬絞監候。劉添錫。王寬。擬杖徒。均下部議從之。○引見內務府保送京察一等人員。得旨。此次內務府

三院等處京察一等圈出人員。著各該堂官再行出具切實考語。帶領引見。圈出之主事。中祐存。營內管領舒興。委署庫長常經。六品庫掌基。溥。筆帖式。景昌。德毓。明善。安。慶年。吉惠。景泰。八。穩。常維。福恩。苑。副椿齡。俱著交吏部記名。照例選用。所有一等官員筆帖式。達他。等。俱著准其一等加一級。其年已逾歲之郎中福紹。員外郎成鑄。內管領舒泰。六品司庫觀音保。筆帖式。花沙布。長宜。廣儲司司

庫德陞年力就衰俱著以原品休致○以御前侍衛阿勒罕保腿曾受傷安福年已逾歲命在大門上行走○以捐修安徽潁州府城垣並濟貧民口糧予知縣朱履等加銜議敘有差○以江蘇蘇州松江等府糧價增昂免許墅關商販米稅○丁未春分朝

日於東郊遣肅親王敬敏恭代行禮○復引見各衙門京察一等圈出人員得旨此次京察一等復帶引見各員除常譽博通阿松林無

庸記名外烏金布英桂易鏡清周祖培龔文煥汪日宣黃士瀛李裕堂劉源灝李恩繼王允中高容聲拖克西圖愛崇阿錫麟任樹森管通羣多齡文光吉年何其興張晉熙萬貢珍嵩岫恆泰陳修鼎齡椿趙珥彤文桂耿自檢陽金城楊慶琛豐林玉崑訥蘇經額怡昌劉萬程保岱查克丹炳奎吳俊民文康鄂克敦布瑞福朱嚙伊克精額馮贊勳費開綬重豫豐紳布俱著交軍機處記名以道府用○

戊申諭內閣本日據盧坤由驛馳奏學政因事故出缺查訊家屬所供情形並請旨簡放一摺廣東學政李泰交於本年正月十八日在署內自縊殞命該督等親往看視查閱該學政遺筆字跡內稱幕友聞知縣何正機捏款入控幕友家丁與何正機通同一氣等語既據該學政親屬呈出廉州府寄信字有牽涉何正機之處必應調省確切查訊以期水落石出著該督即將署合浦縣知縣何正機

調取到省並該學政幕友家丁等一併質訊明確是否另有情弊徹底根究據實具奏毋稍含混○命翰林院侍講王植提督廣東學政未到任前以光祿寺少卿前任廣東高廉道許乃濟留粵代辦考試事○己酉諭內閣吳邦慶奏詳議查泉章程以備蓄水濟運一摺東省運河本無來源全恃引泉儲蓄泉河通判現准復設查泉事宜自應酌定據該河督妥議各條朕詳加披閱內泉務宜遵舊例

責成道府兼管。山東有泉十七州縣。非泉河通判所屬。嗣後仍責成兗沂曹濟道。兗州沂州泰安各知府兼管。就近督率各州縣實力妥辦。並令隨時抽查。於泉務更為有裨。其地方管泉佐雜等官。除東平州同寧陽主簿嶧縣縣丞向歸運河道廳管轄外。其濟寧州同泰安沂州二府經歷。汶上鄒縣滕縣泰安滋陽各縣丞。及新泰縣巡檢。著照所請。俱歸泉河通判管轄。所有管泉佐雜十二員。嗣後均

責成該廳。於春秋查泉時。察其勤惰。分別功過。該河督會同巡撫三年覈計。始終奮勉。優加鼓勵。始勤終惰者。歸入甄別辦理。其廢弛不職者。隨時撤叅。○復引見內務府京察一等圈出人員。得旨。此次內務府三院等處京察一等復帶引見各員內。除光裕福清無庸記名外。明倫松栻瑞廷。福泰慶倫英誠。文祥。那崑文蔚英敏。俱著交軍機處記名。○達賴喇嘛之呼畢勒罕遣使呈進貢物。賜敕褒獎。

賞賚如例。○以故青海扎薩克貝勒那木喀旺扎勒子車稜諾爾布襲爵。○賞還三品頂帶禮部右侍郎文慶二品頂帶。○甘肅按察使戚宗彝因病解任。以廣東鹽運使伍長華為甘肅按察使。○旌表守正捐軀山東益都縣民黃春生妻凌氏。○修山東運河泇河。捕河三廳開壩石隄各工。從河道總督吳邦慶請也。○以湖北武昌漢陽二縣糧價增昂。貸司庫銀招商赴四川湖南買米平糶。免各關

津米稅。○庚戌諭內閣。朕此次恭謁

西陵。啓鑒後著派定親王奕紹。大學士長齡。曹

振鏞。尚書湯金釗。留京辦事。○辛亥。

上詣綺春園問

皇太后安。○以通政使司通政使寶善為都察

院左副都御史。○緩扣江西幫丁上年借支

天津道庫銀。○貸江西鄱陽星子建昌德化

四縣修築圩隄銀。並緩節年未還借項。○以

貴州都江廳上年被水。命平糶倉穀。貸古州

應災民籽種。○以江西南昌新建二縣上年被水。命撥各屬倉穀平糶。○壬子。諭軍機大臣等。本日據車林多爾濟奏。兵部郎中景善私給監內罪人羊隻。又給蒙古金頂戴。用凡有蒙古事件。並不同堂。私與驍騎校吉隆阿任意辦理。將情節告知慶山。亦無可如何。請將景善撤回等語。已明降諭旨。交凱音布審辦矣。此案兵部郎中景善果有劣跡。車林多爾濟自應會同將軍慶山。參贊祿普據實

叅劾。何以單銜具奏。該將軍等並未列銜。是否該郎中實有其事。抑或另有別情。凱音布接奉諭旨。即馳驛前往烏里雅蘇台。提集人證。秉公查訊。務得確情。據實具奏。車林多爾濟原摺。著鈔給閱看。將此諭令知之。○以工部尚書博啓圖。御前侍衛哈喇阿。為總理行營事務大臣。○以建修福建永福縣

文廟。予知縣包幹臣等加銜議敘有差。○甲寅。大學士富俊因病請解任。命安心調理。以

正黃旗蒙古都統奕顯。署鑲紅旗滿洲都統。○以肅親王敬敏。署鑲藍旗蒙古都統。○旌表守正捐軀四川崇慶州民蘇洪藻妻王氏。蓬谿縣民婦吳張氏媳陳女子。○乙卯

上幸萬壽山。詣

廣潤祠拈香。○諭內閣。琦善奏。訪獲習教傳徒各犯。請將歷任文武各官從前失察處分寬免等語。奸民倡設邪教。最為地方之害。該管各官。必應嚴密訪拏。毋任蔓延滋事。此次

周承宗等習教傳徒一案。據該督奏稱。係由河間府暨深冀二州河間。肅寧二縣會同營員訪獲究辦。俾該犯等數十年來所傳各徒黨。得以同時弋獲。不致再有蔓延。且係該地方官先自緝獲。功過尚足相抵。所有此案歷任文武各官從前失察處分。俱著加恩寬免。○以太僕寺卿龔鏜。為內閣學士兼禮部侍郎銜。○修直隸良鄉縣河道橋座。從總督琦善請也。○丙辰。諭內閣。訥爾經額等奏。請將

丁憂試用未入流革職嚴審一摺。湖南丁憂試用未入流吳鰲因案撤銷儘先補用。乃事隔半載有餘。忽稟許前署江華縣已革知縣林先樑家丁有賣放逆黨之事。稱係該縣幕友韓姓告知。並未指明賣放究係何犯。是何名姓。案關許告賣放逆黨。必應徹底根究。吳鰲著即革職。交訥爾經額調集全案人證。從嚴審辦。已革知縣林先樑著即扣留備質。並飭令吳鰲指出幕友韓姓住址。查提到案。以

便覈對虛實。按律定擬具奏。毋稍含混。尋奏查江華縣及軍需總局臬司衙門所存拏辦強匪卷宗。逐細覈對。人數無不相符。提訊幕友韓姓即韓輝亭。堅稱並無向吳鰲告言賣放逆黨之事。幫辦縣事之縣丞鄒颺廷亦稱實無其事。吳鰲自認妄稟。應請照律擬杖徒。林先樑業經另案革職。毋庸議。下部議。從之。○諭軍機大臣等。前據哈豐阿奏籌造擡礮一百尊。未據將需用若干動何款項之處。聲

敘明晰。當降旨令詳細具奏。再降諭旨。茲據奏稱旗庫存貯款銀俱係隨時動用。並無閒款。所造擡礮一百尊。需用工料銀一千七十六兩零。係該將軍與倫忠左廷桐會商捐辦。不敷銀兩。由該將軍如數捐足。現已製造完備。其操演擡礮。配用火藥。在於存城大礮十位內撙節備用。所需鉛丸。照子母礮例。歸入右司存貯。籌備修補軍裝項內支銷。由理事同知備辦。如數領用等語。此項捐辦銀兩。該

將軍等歲支廉俸之外。別無餘資。無庸捐辦。即著中祥於粵海關稅內。照數撥給銀一千七十六兩零。作正開銷。交該將軍等支領。此項製造擡礮。為軍中得力之器。必應挑取兵丁認真演練。一歸嫻熟。不可有名無實。將此各諭令知之。○以大學士長齡署鑲白旗滿洲都統。○烏什辦事大臣興科因病解任。以鑲藍旗漢軍副都統壁昌為烏什辦事大臣。○以禮部右侍郎文慶兼正藍旗漢軍副都

統○以翰林院侍讀學士陳官俊為詹事府詹事○江西巡撫周之琦因病賞假以布政使桂良暫護巡撫○命陝西西安鎮總兵官劉允忠前往喀什噶爾換防○以承辦甘肅蘭州軍需總局報銷予知府陳士楨等升補議敘有差○禮部議准河南巡撫楊國楨疏報採訪鄆陵縣節烈婦賈劉氏等四十五口商邱縣王李氏等四口通許縣董朱氏等六十九口各請建總坊旌表從之○修湖北潛

江縣護城隄從總督訥爾經額等請也○丁巳諭內閣御史劉誼奏請嚴禁越境燒香一摺前據步軍統領衙門拏獲形跡可疑人犯經刑部訊係直隸河南山東進京燒香之人此等無知愚民不明福善禍淫之理以為敬神進香可邀福庇即難保無奸宄之徒從中煽惑為會首者藉此斂錢聚眾必至滋蔓難圖實不可不防其漸業經獲案自難置而不問朕思懲之於後不若禁之於先著直隸山

東河南各督撫轉飭地方官出示剴切曉諭該民人等各安本業即可受福斷不許結隊成羣越境來京燒香如仍蹈前轍即將為首之人嚴拏究辦總責成該地方官平日善為化導端其趨向齊其心志庶幾經正民興日臻上理朕實有厚望焉將此通諭知之○欽差都察院左都御史昇寅等奏報查閱營伍開考日期得旨固不可過事吹求斷不准將就了事其共識之○以鑲白旗漢軍副都統

綿岫署正黃旗漢軍副都統○以科爾沁扎薩克郡王僧格林沁管上虞備用處事鑲紅旗滿洲副都統吉勒通阿管工部火藥庫事○戊午以修建江蘇海門青浦華亭金山四廳縣文廟文昌廟及考棚書院等工予知縣徐麟趾等獎敘有差○己未上詣綺春園問

皇太后安○御勤政殿聽政○遣官祭

歷代帝王廟○遣官祭賢良祠○諭內閣特依順保奏遵旨詳查弛禁鹿茸並無流弊一摺前因特依順保等奏請弛商民販運鹿茸之禁納稅以資河工修費當交大學士軍機大臣議奏曾經降旨令該將軍等覆加詳覈果能永無流弊不至有苦累四愛曼蒙古之處即著據實覆奏茲據奏稱四愛曼蒙古等多以打牲為業如蒙弛禁將來所獲鹿茸即可隨時赴城售賣自無從前訛詐之弊實於蒙古生計有益至各愛曼向不准商民前往貿易定例極嚴將來所獲鹿茸係各蒙古攜至城中交易且既係奉官不禁亦不肯被商民減價收買商民向不准私赴各愛曼獵戶更不敢私打牲畜是弛禁鹿茸之事於蒙古等生計尚無流弊著即依議辦理經此次議准之後該將軍等務當嚴飭各領隊大臣理事撫民同知認真稽查毋致日久生懈如查

有商民等減價收買及私打牲畜等事著即隨時懲辦斷不准回護原奏意存消弭致滋流弊○又諭據順天府奏朝鮮國領時憲書齋咨官金學勉呈報起程回國在途遺失物件此案既據該齋咨官指明失物之處係屬三河縣所轄事涉外夷必應上緊緝拏著順天府嚴飭該道廳督飭州縣選差丁役分投偵緝無論是否失是竊務須獲贓給領無許玩延○又諭本日據倉場侍郎鐵麟等奏查出

太平倉那移廠座各弊並據署查倉給事中薩霖將該監督擅行分貯米石各情形據實奏奏太平倉監督壽昌文明俱著暫行解任交刑部提同經手書役人等歸案審訊○諭軍機大臣等特依順保奏喀什噶爾換防官兵請由貢古魯克道路更換一摺本年係喀什噶爾官兵應行更換一半之期前據玉麟等奏巡查邊界仍照向年規制查至特木爾圖淖爾為斷其喀什噶爾換防官兵自不便

太平倉那移廠座各弊並據署查倉給事中薩霖將該監督擅行分貯米石各情形據實奏奏太平倉監督壽昌文明俱著暫行解任交刑部提同經手書役人等歸案審訊○諭軍機大臣等特依順保奏喀什噶爾換防官兵請由貢古魯克道路更換一摺本年係喀什噶爾官兵應行更換一半之期前據玉麟等奏巡查邊界仍照向年規制查至特木爾圖淖爾為斷其喀什噶爾換防官兵自不便

仍由那林行走。亦未便仍由冰嶺行走。著照所請。本年伊犁應換喀什噶爾一半官兵。即由伊犁西南之哈布哈克卡倫直通烏什貢古魯克卡倫捷徑行走。此路前經那彥成奏明封禁。俟官兵經過後。仍行封禁。伊犁責成巡查邊界領隊大臣。就近兼送至距伊犁九站南廓羅地方。喀什噶爾班滿一半伊犁官兵。由協領佐領等官送至烏什。統派烏什幫辦大臣。送至距烏什五站南廓羅地方。互相更換。又另片奏。前經原任參贊大臣容安奏准。將貢古魯克道路每年九月伊犁將軍。烏什辦事大臣。確加查覈。由報便具奏一次。今既每年由此路換防。所有容安奏每年九月巡查具奏一次。即著停止。將此諭令知之。○又諭。富呢揚阿奏。參擅受及衰病之通判一摺。已明降諭。旨將王文瀾等分別革職休致矣。王文瀾以捐納通判。不知自愛。言動浮躁。聲名平常。又不能約束丁役。近有擅受民婦

金陳氏之案。已被控發。既據該撫查明。著即親提全案人證卷宗。秉公審訊。務得確情。儻該員實有營私舞弊劣跡。並此外尚有不知謹飭之處。即行據實參辦。以儆官邪。不得因該員業經革職。稍存徇縱。將此諭令知之。尋奏金陳氏具控丁役串詐。並非虛捏。惟金陳氏因向嵇家幅索取押租錢文未還。拏取院內衣物作抵。已屬不合。迨嵇家幅指控。慮及審虛受責。赴審時私帶雜刀。自劃情更刁猾。應請從重依犯罪待對故自傷殘律。擬杖照例收贖。王文瀾丁役洪聚等。因金陳氏懇其釋放。輒向索詐洋錢。依律擬杖一百。徒三年。王文瀾訊未指使丁役求索。此外亦無營私舞弊劣跡。惟擅受控詞。以致丁役索詐。實屬有乖職守。業經革職。應毋庸議。下部議。從之。○閩浙總督程祖洛奏。臺灣鎮總兵張琴。人甚精細。任事認真。得旨。該總兵果能如此勝任。朕心慰矣。然卿總當隨時察訪。不可大意。

○以故扎賚特扎薩克貝勒瑪錫巴圖弟拉木棍布扎布襲爵。○調福建海壇鎮總兵官謝得彰為浙江溫州鎮總兵官。福建福寧鎮總兵官程恩高為海壇鎮總兵官。以閩安協副將邵永福署福寧鎮總兵官。○修浙江山陰縣宜橋。宋家淩等處塘坦各工。從巡撫富呢揚阿請也。○庚申。諭內閣御史俞焜奏請申明例禁。以培風俗一摺。自來民俗之淳漓。由於平時之漸染。國家型方訓俗。必將孝弟

忠信禮義廉恥大為之防。方可正人心而維風俗。如該御史所奏近來傳奇演義等書。踵事翻新。詞多俚鄙。其始不過市井之徒。樂於觀覽。甚至兒童婦女。莫不飫聞而習見之。以蕩佚為風流。以強梁為雄傑。以桃薄為能事。以穢褻為常談。復有假託誣妄。創為符咒禳厭等術。惑愚無識。易為簧鼓。刑訟之日繁。奸盜之日熾。未必不由於此。嗣後各直省督撫及府尹等。嚴飭地方官實力稽查。如有坊肆

刊刻及租賃各鋪。一切淫書小說。務須撥取板書。盡行銷燬。庶幾經正民興。奇袤胥靖。朕實有厚望焉。將此通諭知之。○辛酉。孝昭仁皇后忌辰。遣官祭

景陵。

上詣

大高殿行禮。

時應宮拈香。○還宮。○諭軍機大臣等。寄諭

直隸總督琦善。本日據寶興奏。擊獲傳習紅

陽教人犯。請飭查辦一摺。據奏稱現在拏獲

直隸玉田縣民人王進和。在伊寓所起出鈔

錄紅陽經一卷。看香占病書一本。醫藥丹方

一本。並究出曾收開原縣民人趙玉為徒。訊

據王進和供稱。伊因自幼多病。喫齋。道光四

年。出關探親。在開原地方傭工。七年回籍。聽

從同屯民人王平諾學習紅陽教。並有王連。

王添貞。王教貴。亦隨同王平諾習教。王平諾

旋經物故。王進和於十二年十月。攜帶紅陽

經卷。並治病符咒等書。赴開原昌圖等處。給
合治病。因趙玉略識數字。欲傳授治病符咒。
囑其認伊為師。趙玉應允。嗣因識字無多。未
能學習符咒等語。習符治病。久干例禁。該犯
王進和。違赴奉天。誘人漁利。習教傳徒。所供
王平諾業經病故之處。殊難憑信。自應嚴切
根究。以淨根株。著該督遵委委員前往該處。
查明王進和之師王平諾。是否實係病故。王
連。王添貞。王教貴。如何。隨同習教。該犯王進

和。先在原籍。有無授徒不法別情。確切訪查。
據實覆奏。將此諭令知之。○調工部尚書湯
金釗。為吏部尚書。禮部尚書汪守和。為工部
尚書。以都察院左都御史史致儼。為禮部尚
書。吏部右侍郎何淩漢。為都察院左都御史。
仍管順天府府尹事。調戶部左侍郎桂齡。為
吏部右侍郎。轉戶部右侍郎張鱗。為左侍郎。
調工部左侍郎吳椿。為戶部右侍郎。兼管錢
法堂事務。轉工部右侍郎廖鴻荃。為左侍郎。

以內閣學士程恩澤。為工部右侍郎。兼管錢
法堂事務。○以吏部尚書湯金釗。工部右侍
郎賽尚阿。為國史館副總裁官。戶部右侍郎
吳椿。為武英殿總裁官。○以辦理淮北票鹽
出力。予知縣王澄等敘補有差。○壬戌。清明
節。遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后殯宮。

孝慎皇后殯宮○遣官祭

端慧皇太子園寢○癸亥

上耕藉。詣

先農壇行禮。更服。至藉田所。

躬耕三推。復加一推。

御觀耕臺。命睿親王仁壽莊親王奕劻惠郡王

綿愉。各五推。吏部左侍郎奕經。戶部右侍郎

阿爾邦阿。禮部右侍郎陳嵩慶。兵部右侍郎

龔守正。刑部左侍郎姚元之。工部左侍郎調

戶部右侍郎吳椿。都察院左副都御史文蔚。

通政使司副使穆馨阿。大理寺少卿王瑋慶

各九推畢。順天府府尹率農夫終畝。賞農夫

耆老如例。○詣

關帝廟拈香。○幸圓明園。○詣綺春園問

皇太后安。○甲子。

孝慎皇后殯宮月祭。遣官行禮。○諭內閣。御史

趙光泰。請飭拏地匪奸商。以除漕弊。一摺。漕

糧為天庾正供。關繫綦重。糧艘聚集之區。豈

容奸商匪徒。糾約勾通。視為利藪。茲據該御

史所奏。近年通州一帶。多有地匪奸商。於沿

河開設銀錢字號。名為大斗鋪。有興隆萬隆

等號。交結糧幫丁舵。及撥船水手。重利盤剝。

平日稱貸。專指糧到清償。通同作弊。偷買偷

賣。囤積回漕。又恐糧數虧短。收買麥標穀秬。

糠土藥物。豫備各船潮涇攪雜之用等語。現

值新漕將次抵通。儻有前項弊端。必應嚴行

查拏。實力驅逐。著順天府府尹。倉場侍郎。即

飭令通州知州。及坐糧廳監督責成。地方官

嚴密訪查。如有奸商匪徒。於沿河開設大斗

鋪。偷買偷賣。囤積回漕。豫備雜物攪和等弊。

立即嚴拏。從重懲辦。不准稍有疏忽懈弛。致

滋蠹害。以清積弊。而肅漕政。○乙丑。諭軍機

大臣等。本日據都察院具奏。河南桐柏縣民

人羅世俊。上控桐柏縣知縣甯飛漢。設立鹽

廠。以稽查為名。過秤取稅。令本地監生王太

和等經理其事。門丁耿二等強搶羅甫興鹽

車二輛。前後兩次勒索羅甫興多贓。又盜殺民人楊元。獲盜不辦。楊元之妻王氏上控。給錢和息。羅甫興控經巡撫衙門委員審訊。不為公斷。勒認誣告。刑責跪鍊。在監斃命。令羅儒林出具病故甘結各等情。案關知縣藉端婪索。盜案不辦。委審官勒供妄責。監斃無辜。虛實均應徹底根究。著昇寅、奕紀於閱兵到豫時。提集全案人證。虛衷研鞫。務期水落石出。無枉無縱。以重民命而肅法紀。將此諭令知之。○命工部右侍郎賽尚阿、乾清門侍衛文輝、舒倫保恭詣

西陵查看紅椿。○大學士富俊卒。贈太子太傅。命成郡王載銳帶領侍衛十員往奠茶酒。賞銀二千五百兩治喪。予祭葬。諡文誠。入祀賢良祠。

大清宣宗效天符運立中體正至文聖武智勇仁慈儉勤孝敏成皇帝實錄卷之二百四十九

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十

監修總纂官日講起居注官太子太師禮部尚書文淵閣總纂修官理藩院卿學士兼管通

天府府尹等處學政加五級紀錄十八次臣等謹將宣宗成皇帝實錄卷之二百五十

七次大臣等奉旨加五級紀錄十八次臣等謹將宣宗成皇帝實錄卷之二百五十

內務府大臣等奉旨加五級紀錄十八次臣等謹將宣宗成皇帝實錄卷之二百五十

軍機處總辦等奉旨加五級紀錄十八次臣等謹將宣宗成皇帝實錄卷之二百五十

纂修

道光十四年甲午三月丙寅朔諭內閣給事

中黃爵滋奏請剔除州縣倉儲積弊一摺各
直省常平義社等倉原為借給平糶濟荒備
賑之用豈容有名無實日久竟成具文如該
給事中所奏州縣倉貯穀數往往有簿無穀
印官交卸虛出通關祇取倉書一結後任若
以接收為難監臨轉嫌其挑剔其久任之員
遇上司認真盤查則那東墊西支吾湊款卸
事之日輒據冊結為憑上官避失察之咎新
任畏委盤之累相蒙相忍總以違去為幸至

倉穀既不敷額不但散給變價歲捏支銷或
遇放賑開倉動碾平糶往往虛增戶口開除
穀銀又或申造花名虛冊捏稱開賑歸來是
以報銷之巧遂其乾沒之私偶遇接濟別區
輒又那移社倉勒捐富戶及至奉文買補又
復藉端抑派民墊賠解官收價銀以至胥役
吏書將有糧之家逐戶索求爭營免買而良
農之苦累不堪至於社倉分建各鄉聽民春
借秋還原以濟常平之不及其有不應借而

私給並不願借而勒領有司不加查察所報
正副社長率多故名頂充任聽圖差里保鄉
約牌頭私相遞交或有倉無穀或倉穀俱無
僅存冊籍甚至變穀為錢並無加息收放之
事間有穀尚存倉蠹役聳官託言釐弊將社
穀盡移入城以為那墊之地又義倉多係民
捐或買或輸存以備賑不准借糶其初承管
者身家頗裕才識較長迨經歷有年歲積羨
餘垂涎染指非官吏授意即借此寅緣朋分

捏報。巧為支銷。或託稱徵變。或添置田畝。竟至價虛穀蝕。有契無田。盡歸烏有。似此種種弊端。實為倉儲之害。著各直省督撫。府尹確切訪查。飭令各道府親加查覈。一有虧那。從嚴叅辦。毋任委員通融了事。並嚴飭各州縣認真董戒。儻有侵蝕。立予究追。毋稍徇隱。庶以釐積弊而裕民生。將此通諭知之。○又諭御史許球奏。實缺人員告假開缺。請嚴出結。官處分。以杜捏飾一摺。京外實缺人員。遇有告病終養等項事故。請假開缺。例取同鄉同城官印結。方准辦理。原所以杜趨避而防捏飾。乃日久視為具文。遂至弊端百出。如該御史所奏。近日告假人員。竟有因員缺痛苦。或經手事件艱難。藉詞規避。似此進退自由。已非實心供職之道。甚至有員缺較優。恐遇丁憂事故。將來起復另選他缺。藉端告假。豫為日後坐補原缺地步。並有得受頂升頂補之員。賄囑。騰缺讓入者。其詭詐營私。尤於官方

大有關係。必應嚴行飭禁。嗣後京外實缺人員。無論何項請假開缺。著該管上司詳查確實。並責成出結。官出具並無規避營私甘結。方准開缺。儻有捏飾情弊。或因事發覺。或經科道糾叅。即將出結官照本員應得處分。一律懲處。俾內外官員。恪共乃職。無所施其趨避。以昭覈實而肅官方。○諭軍機大臣等。有人陳奏福建延平一帶。盜賊公行。最著名者。有居住延平府地方之江和尚。該匪等並非起自近年。其始盤踞河干。向建河往來船隻。勒索巡更錢文。拂其欲者。輒遭劫竊。近年以來。陸路則於山徑崎嶇之地。遇有損夫運送行李。白晝搶奪。水路則遇停泊船隻。公然查問船戶。凡挾重資者。無論官商。入夜每至失事。其匪黨散布搶劫。幾無虛日。以致報案累疊。地方兵役。通同一氣。官商視為畏途。多繞越他府行走。江和尚時往來於延平府城。遇事招集徒黨。以竹埽帚埽街為號。罔知顧忌。

該府縣恐查拏肇釁。且懼一經發覺。轉罹失察處分。雖經上司嚴飭。不肯據實稟報。惟以海捕了事。匪黨蔓延。深恐養癰貽患等語。延平為閩浙兩省水陸通衢。該匪夥黨既眾。兵役多被勾通。又附近該省封禁山地方。亟宜查拏淨絕根株。以靖地方。著程祖洛不動聲色。即密派妥幹文武員弁。設法購線。將該匪江和尚嚴拏務獲。不許走漏消息。致令聞風遠颺。並須窮治夥黨。無任一名漏網。再朕聞

該省營伍廢弛已久。沿途塘汛。或竟無兵役。或僅存一二人。專汛員弁。往往私離汛地。故盜賊得以肆行。並著該督嚴定章程。以清盜源。而肅營制。將此密諭知之。○丁卯。諭內閣。楊遇春奏請減會哨次數。以節糜費一摺。甘肅沿邊一帶地方。山多路雜。易於藏奸。向派甘州涼州西寧肅州各提鎮。並副參遊擊等員。各帶弁兵。按月前往各要隘處所。分別會哨。統計每年會哨十二次。茲據該督查明沿

邊地方。連年頗屬乂安。其扼要之扁都口外。又設有察漢俄卜營制。足資彈壓巡防。所有每年會哨次數。自應酌量裁減。著自道光十四年為始。每年春季三月。提鎮會哨一次。夏季六月。永安洪水鎮番鎮夷甘標各營遊擊會哨一次。秋季九月。鎮海永固永昌金塔甘州城守各營副將參將會哨一次。冬季十二月。仍令永安洪水鎮番鎮夷甘標各營遊擊會哨一次。統計每年會哨四次。其餘八箇月。

仍責令各該營。各於所管地方。照舊派令妥幹弁兵。按月周歷巡查。儻敢怠玩從事。致有奸匪潛匿境內者。立即嚴參懲辦。毋稍寬貸。○諭軍機大臣等。前據寶興等奏。拏獲習符治病之王進和等。當經降旨交直隸總督確切查明。據實覆奏。本日據琦善奏稱王進和一犯。本係直隸省訪聞容緝之人。現已將隨同習教之王添貞獲案。僅據供認喫齋習教。並未供及王進和在籍時。有無授徒不法別

情。必須王進和到案質訊等語。著寶興等迅速派委委員。即將王進和解赴直隸。歸案審辦。以便窮究徒黨。淨絕根株。將此諭令知之。○以巡洋不力。革廣東署達濠營守備曾繼珍。海門營把總邱雄職。○戊辰上詣綺春園問

皇太后安。○己巳祭

先蠶之神。

皇貴妃親詣行禮。○以詹事府詹事陳官俊充

日講起居注官。○以山東濟寧金鄉魚臺單四州縣糧價增昂。命平糶倉穀。○庚午諭內閣。前據盧坤奏。將勦辦文案出力之幕友候選州同宋緒。懇恩賞給五品銜。實屬違例。業經降旨撤銷。並將盧坤交部議處。茲又據奏查明定例。據實直陳。並將該幕友勦辦軍務。與尋常幕務不同。且非本省屬員。率以五品虛銜與受職有間。曉曉瀆請。甚屬非是。國家賞以勸功。所以策勵人材。懋獎勞績。然賞不

可濫。務當一秉至公。使人心翕服。不應將佐幕私人。濫行列入。妄希恩澤。殊非循名責實之道。該督身膺疆寄。於地方應辦事件。自應實力整頓。豈容存市恩干譽之見。輒以督署私幕。濫廁薦章。宋緒無非勦辦文案之人。有何起眾出力之處。如此瀆請。朕實不解。博取名譽。汎愛眾。是該督短處。當戒之母忽。以副朕告誡成全之意也。至於保題議敘。原以獎勵勤儆。鼓勵人心。設遇有事差委。設官分職。

文武各有攸司。必要濫用不干之人。非出自黃緣。希圖保薦而何。此係外省最可惡之惡習。朕所深知。正欲力除此弊。該督尚執迷耶。嗣後務當痛湔積習。斷不可徇情濫保。違例邀恩。所奏著不准行。盧坤著傳旨嚴行申飭。○刑部尚書明山因病解任。以烏魯木齊都統成格為刑部尚書。兼正黃旗漢軍都統。未到任前。以兵部尚書那清安署刑部尚書。貝勒奕繪署正黃旗漢軍都統。○以葉爾羌參

贊大臣長清為烏魯木齊都統。賞葉爾羌幫辦大臣興德提督銜。為參贊大臣。調哈密幫辦大臣慶福為葉爾羌幫辦大臣。以四等侍衛長明為哈密幫辦大臣。○旌表守正捐軀江蘇睢寧縣民王學沅妻宋氏。○辛未諭內閣。所有內大臣戴花翎穿黃馬褂之處。會典並未載明。該大臣礙難奉行。嗣後遇有補授內大臣人員。俱著准戴花翎。至行在隨鑾之內大臣。俱著准穿黃馬褂。如離內大臣之任。

仍著毋庸戴花翎穿黃馬褂。○又諭富呢揚阿奏請借運鹽引。以濟民食等語。據稱長洲等縣。為銷鹽最旺之地。現在浙鹽尚缺。未能相運。前請借買之蘆鹽。又緩不濟急。設有脫誤。不特額課短絀。抑且民食堪虞。著照所請。准其飭令該商自備鹽本。借買淮北票鹽一萬引。由浙省委員前赴淮鹽入浙之鎮江地方。逐加掣驗。仍令各配商認運鹽數。開冊呈送。各按兩浙科則完課。領程齋交鎮江委員。

驗明程引鹽斤相符。飭商領運趕辦。用備接銷。務須認真辦理。以杜弊混。○又諭富呢揚阿奏參辦理服制重案。驗訊錯誤之縣令。請旨革審一摺。州縣承審命案。全在相驗屍傷。及爭毆日期。無稍舛錯。方成信讞。乃浙江署青田縣事試用丁憂知縣龐祖榜。辦理蔡承銓毆傷大功堂兄蔡承森身死重案。於顛門左有傷之處。未經驗出。轉將腦後無傷之處。驗作有傷。且毆打日期。亦未究明。種種錯謬。

非尋常驗訊不實可比。更恐書役從中朦蔽。均應徹底根究。龐祖榜著先行革職。交該撫提同全案人證。嚴究確情。按律懲辦。務期水落石出。毋稍枉縱。尋奏訊明件作蔡標。因屍親蔡張氏等指定傷在合面。以致誤驗。龐祖榜並不細心推鞠。率聽信屍子捏情供報。實屬昏愴。業經革職。應毋庸議。下部議從之。○又諭長清等奏操演官兵。火藥不敷撥運。酌議通融辦理一摺。據稱回疆各城。每年操防。

應需火藥。歷經辦理。均未短缺。自兩次軍需後。兵雖增添。而操防火藥。俱未籌計。現查明各城除備貯外。每年操演。實不敷用。各城回戶熬採硝磺。配造火藥。僅足原額之數。未便再行加添。請於各城備貯火藥內。暫行那用數千斤。仍酌量回力。上緊督催採辦等語。回疆重地。各城操防。最關緊要。現在操演官兵。火藥不敷撥運。必應通盤覈計。作速籌備。著准其於各城備貯火藥內。暫行那用數千斤。以資操演。此項火藥。向係各城存貯。以備緊急之需。祇可暫時通融辦理。那用後。急須彌補完足。該參贊等務須酌量回力。上緊督催採辦。仍按年將動存歸補之處。由各城造冊報部覈銷。又另片奏。查明阿克蘇擬撥火藥二萬二千餘斤。內已用過六千餘斤。照部限半年內。不能籌補足數。請予限二年。上緊採辦等語。此項動用火藥。著予限二年。上緊採辦。歸補封貯。斷不准再有遞延。又請展限。以

重操防而昭覈實。○以故奉恩將軍定柱弟定桂襲職。○修浙江仁和海寧三州縣東西柴石塘工。從巡撫富呢揚阿請也。○壬申。

上詣綺春園問

皇太后安。○諭軍機大臣等。御史章煒奏安徽鳳陽府屬之壽州。潁州府屬之亳州。蒙城。廬州府屬之合肥一帶地方。民風强悍。遇事忿爭。往往號召多人。持械格鬪。又近安徽泗州之洪澤湖內。為梟匪出沒之所。行旅視為畏

途。請飭查辦嚴禁等語。安徽鳳潁地方。風俗强悍。如該御史所奏遇事忿爭。持械格鬪。此風斷不可長。又洪澤湖內。為梟匪出沒之區。行旅視為畏途。尤宜亟加整頓。著鄧廷楨督飭各屬嚴行查禁。如有前項匪徒。立即嚴拏懲辦。並出示曉諭壽州一帶地方。不准私藏火槍及各項器械。務令當官繳銷。儻藏匿不報。一經訪獲到官。從重治罪。並曉諭鐵鋪工匠。除民間常用之物。其餘違禁器械。概不准

代為私造。如查有各項違禁器械。從嚴懲辦。儻有前項匪徒。藏匿滋事。地方官規避處分。隱忍不辦。或存畏難之見。恐滋事端。不肯實力查拏。目前稍事姑息。以致養癰貽患。將來別經發覺。或被科道糾參。惟該撫是問。懍之慎之。將此諭令知之。尋奏鳳潁各屬。民風獷悍。屢經嚴禁工匠。私造烏槍火器。復於審案時。突出匪徒。專習火器。名為槍手者。奏請另立專條治罪。至洪澤湖著名匪盜馬茂柏等。

雖已拏獲懲辦。究未淨絕根株。上年經督臣奏明。改設洪澤湖都司。駐劄江蘇安徽兩省交界之老子山。以資鈐轄。又做照保甲之法。將湖內漁船。逐隻編號。給牌懸掛。匪船易於辨識。冀可漸就肅清。得旨認真督辦。斷不可奉文了事。○改河南夏邑縣縣丞為夏邑商邱永城三縣分防縣丞。睢州州判為分防州判。均定為簡缺。從巡撫楊國楨請也。○以捐修江蘇銅山縣。

文廟。知縣王文炳等下部議敘。○予因公淹斃伊犂披甲果仁布。吉勒占。賞卹如例。○貸江蘇蘇州。松江。太倉三府州屬。潘劉河。白茆河銀。○癸酉。

上啟鑒。恭謁。

西陵。○至田村。

孝慎皇后殯宮奠酒。○詣盧溝橋。

龍神廟拈香。○免蹕路經過地方。本年額賦十分之三。○是日。駐蹕黃新莊行宮。○甲戌。

駐蹕半壁店行宮。○乙亥。駐蹕秋濶行宮。○

丙子。

孝賢純皇后忌辰。遣官祭。

裕陵。○諭內閣。常恆等奏額收大麥不敷支放。請變通改徵一摺。烏什每年額收大麥七百一十餘石。自歷次增添官兵馬匹之後。共不敷馬料大麥一千二百餘石。自應酌量變通。以歸實用。著照所請。准其將烏什每歲額收小麥並糜穀共八千七百餘石。除支放官兵。

口糧外。所餘小麥一千四百餘石。照辦過成案。自本年。起。改徵大麥一千三百石。在屯工回戶。應交糧內。均勻攤派。以供支放。該部知道。○諭軍機大臣等。本日據成格奏患病未能速痊。請開缺調理一摺。成格前已降旨補授刑部尚書。未到任以前。著那清安兼署。其烏魯木齊都統。已將長清補授。成格著安心調理。毋庸開缺。計長清到任時。成格當已全愈。即著回京供職。將此諭令知之。○又諭本

日據常恆奏景昌患病情形。又據景昌奏請開缺調理各一摺。已明降諭旨賞假兩箇月。令景昌在任調理矣。常恆前已調補阿克蘇辦事大臣。新授烏什辦事大臣璧昌。到任尚需時日。烏什地方緊要。著長清酌量委員迅速前往署理。將此諭令知之。○又諭常恆前已調補阿克蘇辦事大臣。該處現有烏珍泰在彼署理。烏什地方緊要。璧昌到任尚需時日。常恆著暫緩交卸。俟委署有人。再赴新任。

將此諭令知之。○賞蹕路經過看守各行宮。升兵半月錢糧。○是日。駐蹕梁格莊行宮。○

丁丑。

上恭謁

泰陵。

泰東陵。

昌陵。俱未至碑亭。即降輿慟哭。步入

隆恩門。詣

寶城前行禮。躬奠哀慟。王以下文武大臣官員

均隨行禮。○諭內閣。陶澍奏請將快丁運造銀兩。籌捐生息。以資經費一摺。江蘇六合縣快丁額船一百四十九隻。內除四十二隻。運造各費。均有所出。毋庸籌辦外。所有自運獨運朋運項下船一百七隻。據該督查明丁情疲乏。自應籌議調劑。現經該縣督率董事。會集各快丁。自籌捐本。交典生息。按年解抵運造之需。著准其依照成案辦理。此項捐銀。現據陸續繳解銀四萬一千一百六十二兩零。

已經發典生息。又繳存縣庫銀一千七百一十五兩零。即飭由道解發。給商領運。其未繳銀六萬七千四百餘兩。著自道光十四年起。分限五年完繳。至該縣各丁節年積欠運造費銀。亦著援照成案。在於減半餘息項下劃抵。嗣後如遇編審之年。仍造具丁名戶口。以免脫漏。該督即飭司道議立章程。俟捐項繳足後。一併咨部備覈。務使官丁相安。一勞永逸。以資經費而蘇積困。該部知道。○補造江

南狼山鎮右營遭風擊碎唬船。從總督陶澍請也。○是日回鑾。駐蹕秋瀾行宮。○戊寅。駐蹕半壁店行宮。○己卯。駐蹕黃新莊行宮。○庚辰。

上還圓明園。○詣綺春園問

皇太后安。○補行道光十二年軍政。福建卓異官十員。不謹官一員。罷輟官三員。年老官一員。有疾官一員。才力不及官二員。分別議敘處分如例。○辛巳。以詹事府詹事受慶為通

政使司通政使。○壬午。

上臨故大學士富俊第賜奠。○還圓明園。○諭內閣。富呢揚阿奏。參試用人員。妄冀補缺。混行具稟。請旨革職一摺。浙江試用鹽經歷何照。綸於鹽經歷陳克鈺卸署縣事。應回本任。謂為藉差規避。有礙該員得缺之階。越分妄言。甚為荒謬。試用鹽經歷何照。綸。著即革職。以為居官躁妄者戒。○兩江總督陶澍奏。拏獲糾搶鹽包張南枝等從嚴辦理。得旨。必當

如此認真查拏。可嘉之至。○予故大學士富俊子一品廕生恩成。服闋後以六部員外郎補用。○以捐修陝西興安府護城隄工。予署知縣王以銘等升敘有差。○修浙江會稽縣桑盆一帶石塘。從巡撫富呢揚阿請也。○緩浙江停減幫船應繳司道各庫銀。○癸未。上詣

安佑宮行禮。○諭內閣。烏爾恭額奏。請將相驗不實之員革職一摺。此案奉天府經歷傅鍾

瑒代理新民廳事務。於相驗民人趙銀毆傷王世寬身死。刑件得贓舞弊。毫無覺察。以致將緊要傷痕。被吏役朦蔽。未經驗出。雖訊無別情。究屬有乖職守。僅予照例議處。不足以懲儆。傳鍾瑒著即革職。○諭軍機大臣等。訥爾經額奏。京控殺斃四命重案。犯供狡展。請飭河南嚴拏正兇懲辦一摺。此案河南鄧州僧人覺盛等。以糾殺四命等情。在都察院呈控。當降旨交訥爾經額審訊。據該督訊出。

耿三。籍隸鄧州。與其長兄耿士秀。及堂姪耿大鬧。平日本不安分。其耿家堂即延壽菴。起首僧人姓耿。俗家叔孀施舍菴產。內設耿僧及其叔孀牌位。該菴漸圯。經住持本德募化修整。贖回典產。先是耿三欲與本德俗兄時玉柱。結親未遂。疑本德阻撓。道光九年三月。內耿士秀等見菴業修復。心生覬覦。冒稱施主後人。欲送祖牌入菴。藉占財產。耿三糾約族人耿士傑等。及不知姓名匪徒共十二人。

各執刀棍。將牌位送菴。本德亦邀施主攔阻。耿三等見人多難敵。仍將祖牌擡回。是年六月十八日。本德與徒覺山。徒孫昌琥。及本德胞弟僧時六。均被扎死。旋據另廟僧屬澄題供。指本德素無仇人。惟耿士秀等曾送祖牌入菴。耿三又有結親未遂之事。當查耿士秀與其子耿大商。業已逃逸。杳無弋獲。據耿三堅供該犯欲送祖牌入菴。與本德爭鬧屬實。委無同謀殺害之事。前在省承認一人獨殺。

四僧。實係畏刑妄認。祇求拏到耿士秀等質審。質之耿士灝。供稱伊兄耿士秀。同三弟耿三。堂姪耿大鬧。從前送祖牌入菴。被本德攔阻。耿士秀曾說要與本德拚命。迨本德等於六月十八日被殺。伊因充當兵丁。在良莊塘汛住。耿士秀於二十日早晨赴汛。告知本德等被殺。本州已拏耿三。耿大鬧。他要逃走。託伊照應妻小。詢其是否與耿三等所做之事。耿士秀祇是歎氣。即便出門。不知現逃何處。

以慘殺四命重案。懸宕五年之久。非緝獲耿士秀等質究明確。不足以成信讞。著楊國楨督同臬司經額布嚴勒緝限。飭鄧州前後各任。分投兜拏耿士秀耿大商父子務獲究辦。如逾限不獲。即予嚴叅。耿三一犯。同牽連人證。俱著解回河南備質。其姚八一犯。因疊劫被獲。自知身犯重罪。無由擺脫。聞同監有僧人被殺之案。起意捏造情節。作為案證。希圖遷延時日。並可常索耿三酒食。經本州追問。

該犯又捏供裴二因劉姓與菴僧妬姦。雇人殺害情節。委係該犯自己捏混作證。希圖延案。並非耿三串囑脫罪。尤為可惡。姚八係罪應斬決重犯。豈容任其捏造案情。倖稽顯戮。應同另案命犯施潮勤。蕭小禿解回河南。各歸本案從重究結。將此諭知楊國楨。並傳諭經額布知之。○以順天府府丞吳孝銘。為太僕寺卿。○補行道光十二年軍政。浙江卓異官四員。不謹官一員。罷輟官三員。分別議敘。

處分如例。○以辦理廣西徭山善後事宜。並倡捐義學。予署知府耿省修等升選有差。○旌表守正捐軀河南嵩縣民王有祿妻張氏。○貸福州水師旗營修官署兵房俸餉銀。○甲申。諭軍機大臣等。本日據昇寅等奏接奉諭旨。現有交審案件。一到豫省。即赴省審案。再行查閱各營一摺。昇寅等統計山東各營兵數。需至四月下旬。方能閱畢到豫。所奏時日

久稽。恐有情託串供等弊。亦不可不先事豫防。著俟山東閱竣後。先派隨帶司員徑赴豫省審辦。羅世俊控案。嗣後天氣漸暑。水潦將降。弓力易輟。火器亦難施放。昇寅等即趕緊閱伍。務於六月初十日以前。全行竣事。再行赴省。將控案審訊奏結。將此諭令知之。○乙酉。

上幸靜明園。詣

龍神廟拈香。○諭內閣。訥爾經額等奏局鑄

額配滇銅。請照案就近購買一摺。湖北寶武局每年鼓鑄錢文。額配滇銅向係按年委員赴滇買運。嗣因滇省產銅不旺。歷經奏明。湊買附近各口岸商銅。以資鼓鑄。茲據查明。現在滇省產銅。仍不豐旺。兩運委員接續前往撥運。有需時日。自應通融籌辦。俾局鑄得以無誤。著准其援照成案。將委員鄧應羅應買寶武局道光十三年正耗餘滇銅二十三萬二千九百九十九斤零。即在本省附近口岸

購買商銅。以領銀之日起。勒限一年。陸續運局交收。所需銅價腳費等項銀兩。照芳給銀三萬三千四百三十一兩零。事竣覈實報銷。其鄧應羅所買商銅。著即提作十二年卯額。王體名運回滇銅。即作為十三年額鑄。嗣後仍按年委員赴滇辦運。以符舊章。該部知道。○諭軍機大臣等。本日據孟魁奏遵旨放出流民占種官荒。及藉詞朦混出關。請旨查禁一摺。所見是山海關自准令貧民出口之日

起。共放出四千六百餘名口。俱係前赴盛京吉林所屬地方謀生。上年係豐收年分。杳無一戶回籍進關。皆由邊外地盡膏腴。俱各耕種營生。雖前定章程。應於成熟後飭令回籍。而該貧民等安居樂土。不但不肯回籍。抑且呼朋引類。日積日多。驅逐不易。盛京吉林。乃國家開基根本之地。風氣素淳。此等流民。趨之若鶩。勢須占種官荒。不免滋生訟端。且恐會匪蔓延。藉此詭計弊混。著琦善鍾祥迅即

通飭所屬府州縣。徧行剴切出示曉諭。俾窮鄉僻壤咸使聞知。不可輕去其鄉。毋得惜然前往。徒勞往返。嗣後除貿易探親。及實係貧民。形同乞丐。極負而至。雖攜帶妻子。仍准照例發給執照出關外。其藉貧民名目。遷徙眷屬。乘坐大小車輛。前往奉天吉林種地營生者。概行截回。以杜朦混。將此諭知琦善鍾祥。並諭孟魁知之。○以故一等輔國將軍明咸子祿志襲職。○丙戌諭內閣。郭山泰前後藏

堪布進京。在途屢被搶劫。遵旨酌議行走。章程一摺。據稱西藏喇嘛遣使堪布入都進貢。向不由川省地方經過。其失事之區。每在西寧所轄通天河一帶。行劫之賊。往往係川省果洛克賊番所為。亦有甘肅西寧不安住牧之番眾。出而肆搶。歷經按起飭獲賊。奏明懲辦。果洛克無業番民。每因打牲遠出遊奕。該堪布等貪圖便捷。攬帶客貨。由小路行走。以致屢有搶失之事。若由川省遣派官兵。長

途探護。不特虛糜帑餉。且恐徒費周章。著即責成三果洛克之該管土千百戶。多派土目。按戶嚴行管束。實力稽查。不准各番民藉打牲為名。遠離巢穴。並嚴飭該管鎮將轉飭該管土千百戶。嚴束番眾。儻有抗違遠出。准令該土司指拏送究。盡法懲治。儻土司徇庇縱容。即由該鎮將稟請參辦。仍於每年責成該管參將選撥勤能妥弁。嚴密稽緝。俾各番夷愈知儆畏。其川省阜和協屬之挖樹色爾塔

格爾次等處。距通天河較果洛克稍近。著該督嚴飭阜和協副將一體稽查。鈐束辦理。並著駐藏大臣。西寧大臣。陝甘總督。審量地方情形。如何責令該堪布不得額外攬帶貨物。及照例由大道行走。作何照料防範。悉心覈議具奏。至該堪布等此次被搶包馱。前據呈報係被果洛克賊番所搶。並稱盜首係阿崇斡等番人。現據該督奏稱。飭查川省。並無前項番夷部落。是否西寧所轄。糾結夥搶。著即

飭催該鎮將派委熟悉夷務員弁。緝追正賊。真贓務獲。嚴審究辦。○又諭。凱音布奏。喀爾喀遊牧被災。請緩期查勘互爭地界一摺。蒙古地方。以牲畜為業。喀爾喀遊牧等處。上年雨澤愆期。又兼冬令嚴寒。風雪較大。牲畜倒斃。業已成災。所有喀爾喀王拉蘇龍巴咱爾等互爭地界一案。著照所請。准其緩至秋季。水草蕃暢。再行前往查勘。以示體恤。○又諭。蘇勒芳阿等奏。前將記名防禦順昌坐補佐

領並未具奏。僅止報部。自請交部議處一摺。順昌係記名軍政卓異人員。遇有應升缺出。自應具奏補放。乃蘇勒芳阿等僅止報部。即行坐補。辦理錯謬。蘇勒芳阿。善英。穆精阿。俱著交部議處。○禮部議准。河南巡撫楊國楨疏報。採訪滑縣貞節婦女靳胡氏等六十一口。請建總坊旌表。從之。○戶部議准。陝甘總督楊遇春疏報。烏嚕木齊蘆草溝開墾地三頃。西河開墾地四頃二十畝。照例升科。從之。

○免四川清谿。越。舊義邊。三廳縣並寧越。越。舊兩營上年被夷滋擾災區正雜額賦。○丁亥。

上詣綺春園問

皇太后安。○諭內閣。御史沈鏞奏。請嚴禁通壩積弊一摺。漕糧為天庾正供。幫船抵通。必應依限起卸。豈容奸胥蠹役。藉端勒索。積弊叢生。若如該御史所奏。幫船初到。舍人查驗米色。勒索驗費。遇有米色不純。規費既足。亦即

代為隱瞞。稍不遂意。即乾潔之米。亦必斤為潮雜。至呈驗坐糧廳時。往往高下其手。名為帶彩。經紀打載斛米。其費更多。名為後手錢。若不滿意。即監督驗明可收。亦必稟請停斛。風節。百般刁難。迨起卸後。又復串同水手。私竊米石。名為貼皮子。俟過撥船後。用水攪和。以冀發漲補數。復有經紀收受幫丁折價。代為虛報米數。空填驗單。名為滾條子。他如科房年規。斛頭陋規。種種浮費。不可悉數等語。

奸胥蠹役。勒索規費。實為幫丁之累。至其串竊隱蒙。於倉儲尤有關繫。現在漕船節次抵通。必應嚴行查禁。以絕弊端。著倉場侍郎嚴飭坐糧廳監督。認真稽查。如有前項各種弊端。務即嚴拏懲辦。毋許稍有疏忽。以肅漕務。而重倉儲。○旌表守正捐軀甘肅皋蘭縣民馬重剛妻黃氏。○禮部議准。河南巡撫楊國楨疏報。採訪汝州貞節婦女魏梁氏等一百五十九口。林縣崔丁氏等二十三口。請各建

總坊旌表從之。○修熱河坍塌兵房。從都統武忠額請也。○戊子。諭內閣。祝麟奏蘆商加價全完。東商加價未能足數。請勒限催徵一摺。據稱蘆商應徵加價銀兩。全數徵完。其帶徵緩徵等款。未完銀兩。查照上年成案。請分卯勒追。歸於五月奏銷造報。又東商加價奏銷。近數年均經奏明展限。並據將加價一半歸公銀兩。如數徵完。其未完歸商銀兩。因春運喫緊。一時周轉不及。請勒限兩月。設法徵

完。尚係實在情形。著照所請。所有蘆商帶徵緩徵等銀。除叅追及已徵在庫外。尚未完銀六萬三千三百四十一兩零。准其援照上年成案。於五月奏銷案內一律全完。以符年清年款。東商加價一半歸公銀兩。照數全完。無誤撥解。其未完歸商銀七萬五百餘兩。著勒限兩箇月。該鹽政督飭該運司。趕緊催徵全完。以符定限。僅稍有拖欠。即據實嚴叅。並將該商人查抄治罪。不准姑息。致滋延宕。自干

罪戾。○以故烏珠穆沁扎薩克和碩車臣親王多爾濟濟克默特納木濟勒子彭蘇克納木濟勒。浩齊特扎薩克額爾德尼郡王額林沁諾爾布弟吹精扎布。各襲爵。○禮部議准。河南巡撫楊國楨疏報。採訪鞏縣貞節婦女韓梅氏等二十九口。盧氏縣車楊氏等十五口。考城縣王宋氏等一百五十六口。祥符縣屠謝氏等三十二口。請各建總坊旌表。從之。○己丑。諭內閣。兵部奏福建省歷年題咨船

隻遭風兵丁。請賞遲延各案。請旨飭催。並開單呈覽。福建省咨報在洋遭風。辦理遲延。應議職名。自道光元年起。至十三年止。共三十餘件之多。遲至四五年至十餘年之久。節經該部飭催。率不登覆。似此疲玩。實屬不成事體。著閩浙總督。福建巡撫。嚴飭各營員弁。照兵部單開遲延各案。迅速查明。分別違限月日。開具職名。送部議處。並將現在咨送臺灣班滿換回兵丁議卹一案。辦理遲延各職名。

一併送部覈議。毋許再有延宕。自干咎戾。諭軍機大臣等。本日據奕湘等奏。

泰東陵寶城東面西北面均有皴裂之處。北面裂縫三道。寬一寸有餘。或七八分不等。東面十餘丈。皴裂尤甚。並

明樓下東面臺幫皴裂。前經入於歲修案內暫行抹飾。茲據覆行查看。皴閃較重。西面臺幫皴塊。亦有酥酥等語。

陵寢要工。亟應修理。以昭慎重。著穆彰阿。阿爾

邦阿。於工次前往敬謹查勘。將此諭令知之。○先是御史蔡慶龍奏請酌議販運粗米出城罪名。下部議。至是奏嗣後京城粗米。概不准販運出城。如有違例私運者。除訊有回漕情事。即照定例辦理外。若實係僅圖買回食用。或轉賣漁利者。自一石至五百石以上。分別問擬枷杖軍徒。米石變價入官。各門失察者。官弁議處。兵丁杖一百。知情故縱者同罪。受財計贓以枉法從重論。請纂入則例遵行。

從之。○調鑲黃旗蒙古副都統忠山。為鑲紅旗滿洲副都統。正白旗蒙古副都統常恆。為鑲黃旗蒙古副都統。以散秩大臣盛貴。為正白旗蒙古副都統。○以鑲白旗蒙古副都統舒倫保。為正紅旗護軍統領。○贈故鑲紅旗滿洲副都統吉勒通阿都統銜。予祭葬。賞銀三百兩治喪。○旌表守正捐軀江蘇蕭縣民蘇尚訓妻張氏。○庚寅。直隸總督琦善奏。三月十五日赴宣化鎮閱兵。二十日行抵宣化

府城。是夜密雨雪濡。農事大有裨益。得旨。京師亦於二十一日辰刻下雨。二十二日子時方止。入土極為深透。朕同卿共深慶幸也。○辛卯。河東河道總督吳邦慶奏。馬營壩夾塘深廣。自創為車庫並行之法。上年春間。水已消去三分之一。涸出地畝。皆種麥苗。芄芄長發。現檄飭各屬。如有情形相同者。即倣照辦理。得旨。相機妥辦。○以禮部右侍郎文慶署鑲藍旗蒙古副都統。○禮部議准。湖南巡撫

吳榮光疏報。採訪益陽縣貞節婦女郭氏等六百五十八口。請建總坊旌表從之。○貸湖南乾州鳳凰永綏古文坪保靖五廳縣歉收丁佃口糧籽種。○壬辰。

上御含輝樓。閱侍衛騎射。○諭內閣特登額奏。擊獲偷砍樹枝人犯一摺。此案雙隆等以內務府幼丁。輒敢將海地叢生松樹下旁枝。私用鐮刀砍伐至三十根之多。實屬習不畏法。雙隆奎喜西蘭俱著解交刑部審擬治罪。經

制外委張儒係本汛官弁。未能先事豫防。雖經擊獲賊犯。究屬疏失。張儒著革去外委。降為兵丁。汛兵張凱主珠著各重責四十棍。所有專管之內管領慶全兼轄之郎中三多。並特登額應得處分。著俟定案後再降諭旨。○諭軍機大臣等。程祖洛奏。察究夷船遊奕。並查辦兩省洋盜情形等語。據稱福建省洋面。向有私造草鳥等船匪徒。出洋伺劫。最為民害。該督嚴飭查拏。先後報獲匪犯三百十一

名。匪船一百五隻。辦理認真。甚屬可嘉。夷船詭名不一。陽以求市為名。實則圖販鴉片。復有內地奸民。駕船接濟。彼此獲利。夷船之來日多。甚有奸民之貿易廣東者。習學番語。即在澳門交接夷人。勾引來閩。地方文武各官。不知認真查察。遇有夷船往來。僅以一報了事。近來嚴禁鴉片。較前查拏甚緊。該夷船不能獲利。又素聞奸民通信。以內地官員驅逐夷船。不肯用火器轟擊。遂致心存藐玩。有不

遵驅逐之事。而夷船一見官船。轉敢施放槍礮。肆行拒捕。向來內地營員驅逐夷船。曾經降旨不准用礮轟擊。原期於示威之中。仍寓以懷柔之義。乃該夷船遇有官船驅逐。膽敢施放槍礮。且該夷人船隻較大。外洋路徑。本所熟悉。官兵駕駛小船。洋面不能徧識。又復遵旨不敢擅用火器。其應如何妥為防範之處。該督務當隨時察看情形。斟酌盡善。以肅洋面而杜私販。至現獲奸民王略。僅據供認

在廣東澳門生理常與夷人交易其上年駛入閩洋之噶喇吧國船隻係伊勾引來閩售私至蘇祿國一船及金門鎮總兵所稟夷船二隻究係何國夷船從何處勾接是否專為販賣鴉片而來供詞均不足據該督即設法將其供出夥犯追拏一二名到案並提到接受噶喇吧國夷書之楊妹妹等與王略同夥三面質對務得確情毋任狡展該督仍當嚴飭水陸文武各官認真巡哨毋許夷船闖入

內洋並飭嚴查口岸不准一人一船行駛出口攏傍夷船接濟販買僅稍有疏縱官則枷號海濱兵役及本犯當場梟示從嚴懲辦毋稍姑容至浙江洋面防範巡拏本較閩省稍易上年拏獲裝載鴉片煙土之船戶王贊等八名後未據報有夷船闖入浙洋之案其盜劫一事自上年至今先後報獲匪犯多名惟所獲各犯尚未審結著即嚴飭承審各官速行審究從重擬辦不准藉詞開脫將此諭令

知之尋奏訊明王略屢經勾引夷船代為運送鴉片煙土並代夷人收買樟腦查樟腦為製造火罐火箭必需之物即與硝磺無異王略應比照將違禁等物圖利賣與進貢外國者為首斬監候律該犯勾引夷船不遵驅逐情罪較重審明後即行處斬仍傳首海濱示眾林金條出洋販運煙土並開設煙館誘惑愚民在逃多年應擬絞立決餘分別問擬流徒楊妹妹訊係捕魚窮民實無勾引接販情

事即行保釋下部議從之○又諭本日據著英等奏河南滑縣民人江合貴呈控該縣快役史連仲挾嫌擾害一案已明降諭旨交昇寅等提訊矣此案據該民人供稱史連仲因挾索詐不遂之嫌率同段文得等十餘人將伊子江文濬用刀砍傷並將兩眼剜出報經該縣僅將李得學一人拏獲餘犯不究後史連仲又率領一百餘人各持刀槍聲言殺害伊母驚病身死歷控府道臬司委員審訊並

未對質。勒令具結。本年正月。控經巡撫批交該府。伊並未赴府投審等語。案關蠹役糾眾。擾害閭閻。虛實必應徹底根究。著昇寅等於審訊羅世俊一案時。即就近將此案人證卷宗。一併提集。究出確情。按律定擬。具奏。將此諭令知之。尋奏訊明。江文澄與已革縣役李得學爭毆。剜目成廢。江合貴業已報縣訊明在案。乃因訟師張金鐸挾仇。唆令誣告史連仲。並牽控多人。應將張金鐸。李得學發極邊充軍。江合貴杖一百。徒三年。下部議從之。又諭。本日據步軍統領衙門奏。河南湯陰縣民田和呈控匪徒劉三紅等一案。已明降諭旨。交該撫督同臬司審辦矣。據田和供稱。林縣地方有匪徒劉三紅。郭老紅。與衛輝府汲縣匪人劉老長三人聚集。不知姓名賊人。在林縣狗頭山不法。被林縣官兵查訪。劉三紅將衛役褚大功殺死。經官兵將劉三紅並夥黨十數人拏獲。審問。如今湯陰縣又有陳四

凡盤李三大漢。紅第四黨倖遲老白五人。與劉三紅一黨。伊等常嚷說。要往林縣獄中搶奪劉三紅等犯。現在該縣小座村聚賭偷盜。搶奪不法等情。此案劉三紅等犯。前據栗毓美奏稱。業於上年訪獲。審明該犯有搶奪傷人各案。尚未擬結。茲田和呈控。復有湯陰縣陳四凡盤等五人。與劉三紅係屬夥黨。必應嚴切查辦。以淨根株。著楊國楨遴派妥員。前往湯陰縣地方。將陳四凡盤李三大漢。紅第四黨倖遲老白五犯。嚴密訪查。務獲歸案審辦。毋任聞風遠颺。將此諭知楊國楨。並傳諭經額布知之。尋奏訊明。劉三紅一犯。先因糾搶妓女。並故殺楚得功。擬斬。並無毆斃褚大功之事。嗣緝獲黨倖遲等。及直隸解到陳四凡盤。逐加質訊。均與劉三紅素不認識。委無商謀劫獄情事。惟究出黨倖遲搶奪女孩。轉賣一案。旋准直隸知會原告田和。中途脫逃。弋獲無期。自應先行擬結。除劉三紅在監病

故外黨俸遲起意糾搶。應依聚眾搶奪與販婦女已成為首律擬絞監候。餘分別問擬軍徒下部議從之。○贈故刑部尚書明山太子太保。予祭葬。○癸巳鑄給山東兗州府泉河通判關防。從河道總督吳邦慶請也。○甲午上詣綺春園問

皇太后安。○御含輝樓。閱侍衛騎射。○

孝慎皇后殯宮月祭。遣官行禮。○乙未諭內閣。訥爾經額奏查明湖南私垵情形。並錢糧徵

解全完。亦無違例蠲緩侵隱情弊一摺。前據戶部奏駁。吳榮光請更正安鄉縣官田誤作私垵各情節。當降旨交訥爾經額逐一分晰確查。據實覆奏。茲據該督奏稱。安鄉添園等私垵二十六處。與各官垵本屬相連。所有應徵十一十二兩年地丁正耗銀四千四十兩零。即在該縣解支存留驛站兩項錢糧之內。實未違例蠲緩。私垵錢糧亦無蠲緩後私徵侵隱情弊。請將私垵錢糧仍照舊案。與官垵

湖田一律蠲緩。著照所請。湖南安鄉縣私垵錢糧。嗣後遇有災歉之年。准其與官垵湖田一律查辦蠲緩。並著湖南巡撫將道光十三年私垵被淹田畝。覈定蠲緩錢糧確數。專案奏明請旨。刊刻謄黃。徧行曉諭。至安鄉縣私垵二十六處。均有應完錢糧。如仍循私垵之名。易致混淆。著將免毀禁修之添園等二十三處。改為民垵。並將業已創毀私埂之景港等三處。歸入低窪湖田。一併造冊送部備查。其他濱湖州縣內。如有完糧私垵。亦著照此辦理。○以故科爾沁扎薩克圖郡王敏珠爾多爾濟子索特納木倫布木襲爵。

五

太廟遣定親王奕紹恭代行禮。○諭軍機大臣等。御史帥方蔚奏。蘆商於浙江借買場鹽。把持牟利一摺。前據富呢揚阿奏。兩浙場鹽缺產。請借買蘆鹽。當降旨著長蘆鹽政祀麟。俟浙江委員到後。即作速秤掣。給發照票。毋稍遲誤。茲據該御史奏稱。浙省委員商人。已於二月間行抵津門。迄今月餘。買鹽章程。尚未議定。緣各場竈戶原積有灘鹽。每斤值銀二釐。有奇。價甚輕減。蘆商則欲令浙商在伊等

所存坵鹽內售買。坵鹽每斤四釐有奇。較之灘鹽貴至加倍。浙商因坵鹽價貴。不欲承買。以致日久逗留等語。借引濟民。事關緊要。不容稍有延緩。若如該御史所奏。蘆商居奇專利。任意刁難。浙省委員等抵津已久。若不令其趕早買運。必致遲誤。著直隸總督會同長蘆鹽政秉公查辦。毋任蘆商阻撓。把持牟利。迅速令浙江委員等買掣。及時運行。以濟民食。至浙商向有夾帶灌包諸弊。此次借買蘆鹽。價值懸殊。該商等惟利是圖。難保無藉端影射情事。著長蘆鹽政嚴行稽察。毋令乘機滋弊。以肅鹺政。將此諭知琦善。並傳諭祝麟知之。○旌表守正捐軀山東高密縣民喬得中女順嫚。○丁酉。諭內閣。鐵麟等奏陳明清查太平倉積弊。部議格礙難行。請仍以放代盤一摺。太平倉虧缺米石盈餘參差不一。必應徹底清釐。以清弊混。茲據該倉場侍郎等奏。通盤量驗。人夫扛運斛量。工飯所費甚鉅。

米石又多損耗。至丈量覈算。現已查明有那移多寡之弊。即難保無堆墊遮掩之虞。於盈虧實數。易滋蒙蔽。若照常輪流支放。該倉一時未能放竣。即不能生派新漕等語。著照所請。准其以放代盤。自六月為始。八月放竣。如彼時該倉尚未騰空。應進新糧。著於附近之裕豐萬安儲濟等倉暫行寄貯。俟陳糧放竣。再飭進運。以符定例。並責成該倉場侍郎等嚴行查察。不准那新掩舊。以防弊竇。又另片奏。該倉現貯米石。粳米較多。其不敷搭放之米。應於別倉抵放之處。著該部照例辦理。○又諭。本日據倉場侍郎鐵麟等奏。續行查出太平倉米石虧缺。並盈餘參差不一。復據署查倉給事中薩霖奏。續經查出廩座不清。米石虧短各情形。據實奏。解任太平倉監督壽昌。文明。俱著革職。交刑部提同節次送部之花戶李經武等嚴行審訊。按律定擬具奏。至鐵麟等請於例放甲米內。將米數較多。

之旗分。劄行太平倉按月接放。於七月底將該倉實貯之米。埽數放竣。著戶部覈議辦理。尋刑部奏。李經武身充花戶。於放米時向闖米人捏稱米色不好。併票賣米。欺詐取財。請從重發往伊犁充當苦差。李文貴。馬達等。代買俸票。分得錢文。請分別問擬流徙。壽昌得受李經武錢財。請從重發往烏魯木齊效力贖罪。文明訊未得贓。惟於書役屢次舞弊。均未查出。實屬昏憤。業已革職。應毋庸議。從之。

○又諭。給事中黃爵滋奏。綜覈名實一摺。朕詳加披閱。如書院所以育材。今州縣書院。率多廢圯。或以無品無學之人。濫充山長。保甲所以察奸。今則州縣率以虛冊申報。任聽胥吏需索門牌錢文。近年東南各省。水患特甚。總由隄防失修。或修築不能堅固。常平義社等倉。地方官侵挪掩飾。虧缺既多。荒歉無備。營弁剋扣兵餉。私役兵丁。又何以約束訓練。海洋巡邏兵卒。率多勾通夷商。偷漏違禁稅

物。私自貿易。上官於屬員不能盡心教導。難期振作。國家陳綱立紀。治具彰明。至為詳備。必須實力奉行。方能百事畢舉。斷不容因循苟且。視為具文。以致漸形廢弛。著通諭各直省督撫。嚴飭地方官興復書院。選擇山長。稽查保甲。不得任聽胥吏騷擾。修復水利。費歸實用。籌備積貯。以備偏災。毋許稍有虧缺。嚴禁扣餉派兵積弊。閱兵時尤應稽覈兵數之虛實。查究巡兵偷漏洋稅。嚴禁紋銀出洋。及

私鑄洋銀。並盡心教導屬員。加意造就人材。總須實心督飭。實力整頓。有弊必禁。有禁必嚴。要在隨時講求。認真查辦。斷不准以奉行虛文了事。務期吏治民風。蒸蒸日上。無負朕諄切誥誡之至意。○旌表守正捐軀山東蘭山縣民李拔妻王氏。○戊戌。

上詣

時應宮。

昭顯廟拈香。○還宮。○江蘇巡撫林則徐奏。

上年災區較廣。經官紳捐錢施粥。收養童孩病丐。並捐修各工代賑。民情漸有起色。得旨覽奏稍慰。○以捐修江蘇常熟。昭文。二縣城垣。予前任道員額騰伊等升敘有差。○除直隸樂亭縣水衝官地五畝租銀。○貸江蘇蘇州。松江。常州。鎮江。太倉。五府州屬災缺漕項銀。○撫卹琉球國遭風難夷如例。○以常雩祀

天於

圍丘。自是日始。齋戒三日。○己亥。諭內閣。麟慶奏請定減洩黃河盛漲水誌。並修濬十八里屯等閘下河堰一摺。據稱南河徐州地方。設有減水閘壩。分洩異漲。現惟北岸之蘇家山南岸之天然閘。十八里屯等三處。尚皆可用。向以徐州府城北門工誌椿存水丈尺。為啓放準則。嘉慶二十四年。經黎世序奏明。定以一丈八尺為度。道光六年。復經張井等奏明。改定為二丈七尺。茲據該署河督察看情形。

所有啓放準則。請照黎世序原奏加增七尺。較張井等前議酌減二尺。著照所請。定為二丈五尺。嗣後責成徐州道府就近察看水勢。總須長逾定誌。始準啓放。一經水落。即行堵閉。俾合機宜。而昭信守。現在除天然閘下河道毋庸估挑外。所有十八里屯頭閘起至虎山腰止。河底淤墊。著酌量挑濬展寬。其東西東水隄。及天然閘下東堰。均著擇要幫培。並照舊酌拋碎石。以衛民田。而利水道。該署河

督務督飭該管道搏節估計。覈實辦理。○軍機大臣會同戶工二部議奏。湖廣總督訥爾經額等奏請酌展籌備事例。今在湖北報捐。借充工用。查湖北隄塍。向係民捐民修。如有不敷。借款墊辦。分年攤徵。又各省辦理隄工。保固限內潰塌。著落原辦之員賠修。至軍民如願捐修。即可援案奏請議敘。所請應毋庸議。從之。○緩徵江蘇上元。江寧。句容。溧水。高淳。江浦。六合。山陽。鹽城。阜寧。清河。安東。高郵。

秦東臺汪都。甘泉儀徵。興化寶應。銅山蕭宿遷沛。豐碭山。邵。睢寧。海。沐陽。贛榆。泰興。三十。二州縣暨淮安。大河。揚州。徐州。四衛積歎莊屯正雜舊賦。○庚子。

上詣

南郊齋宮齋宿。○命禮部右侍郎文慶理藩院右侍郎奕澤。內閣學士恩桂。通政使司通政使受慶。大理寺卿容照。詹事府少詹事惟勤。翰林院侍讀學士明訓。光祿寺少卿文溥。乾

清門侍衛文輝。慶興敬謹查看

天壇及

各壇樹株。○辛丑。常雩。祀

天於

圜丘

上親詣行禮。○幸圓明園。○詣綺春園問

皇太后安。○諭內閣。祝麟奏遵查浙商買運蘆鹽情形。前據御史帥方蔚奏。蘆商於浙江借買場鹽。把持牟利。當交琦善會同長蘆鹽政

祝麟秉公查辦。茲據該鹽政奏稱。此次浙商借買蘆鹽。先據浙江巡撫咨請於存坨鹽內收買。緣各場產鹽之灘。分列沿海。既不能令船就灘裝載。且散漫無稽。易滋勾通透漏等弊。現在浙商於三月初五日先後到齊。其管解銀兩之運判鍾秀。於十七日始到。即於二十三日。經蘆商浙商公同議定價值。每斤祇三釐有奇。並無四釐有奇之數。且坨鹽涵盡。可免傷耗。比之赴場收買。較為便利。天津海

船於江浙水線不熟。惟南來沙船。可以裝運。著俟沙船駛抵天津。該鹽政即嚴飭所屬趕緊秤掣。裝運開行。無稍遲誤。至浙商向有夾帶淮包諸弊。該鹽政務當嚴加查察。儻有前項弊端。著即從重究辦。毋得稍有姑息。以濟民食而肅鹺政。○壬寅。諭內閣。前據姚元之奏。請將絞犯劉雙慶改擬罪名。當降旨交大學士軍機大臣會同刑部侍郎趙盛奎議。具奏。茲據查明。請仍照刑部原議定罪。所議

甚是。此案劉雙慶因戲蹬傷王錦。越兩日身死。刑部原奏。科以戲殺之罪。尚與律意相符。若僅照過失殺律收贖。殊未允當。况律文一定。案情萬端。如舍律引案。是正律之外。又增援情之條。條例太多。易滋弊竇。所有劉雙慶一案。著仍照刑部原議辦理。本日姚元之奏。請再議之處。著毋庸議。○又諭。訥爾經額等奏。遵旨審明擾累苗疆各款。並請將辦理不善各員。分別嚴議。議處一摺。此案湖南署保

靖縣知縣謝元謨。於捐辦書院考棚。既以捐錢最多之胡光國等詳請議敘。給予扁額。其捐錢至五十千以上者。並不按其銀數多寡。照例獎勵。妄立崇義堂名目。設牌致祭。實屬有乖體制。謝元謨著交部嚴加議處。辰沅道翟聲煥。於巡閱賞號。未經覈實給發。並失察謝元謨妄立崇義堂。致祭捐輸之人。又於石求旺等控案。未能認真究辦。實屬草率疏忽。翟聲煥著一併交部議處。○以詹事府少詹

事惟勤。為詹事。○命伊犁領隊大臣華山泰來京。以鑲黃旗蒙古副都統那桑阿。為伊犁領隊大臣。○章嘉呼圖克圖。因母故請假回原遊牧。允之。並賞銀三百兩。○癸卯。諭內閣。恩銘奏。過淮幫船米石短少一摺。漕糧為天庾正供。不容顆粒短少。茲據署漕督恩銘查明。安徽池州幫第十五號旗丁王本標船。短少米一百七十餘石之多。各幫修脣船身。置備器具。本有應得錢糧可領。該丁既將津貼

米六十三石。向漕書折給錢文。足數修脣等項之用。何至又向該縣豫借米一百石。顯有折色侵肥情弊。該幫領運千總王大用。於該旗丁借米扣還。及折色盜賣等事。毫無覺察。形同木偶。王大用著即革職。王本標著革去從九品職銜。其扶同出結之舵工王文啓。著枷責革役。不准復充。該署漕督即責令該弁王大用。仍照舊督率該丁王本標。管押赴通。俟該幫船糧全數交倉後。再行離任。並將王

本標革運。遞解原籍。押令歸屯。另僉殷丁接充。儻交倉米石仍有短缺。即將該并丁從重治罪。至建德縣知縣費開榮。豫借旗丁米石。既屬私自通融。輒復扣留正供。以致上船米石短少。殊屬辦理不善。惟究係該旗丁一面之詞。是否屬實。著安徽巡撫詳細查辦。其監兌總運官池州府通判姜昱。所管幫船米數虧短。亦難辭咎。著交部議處。○又諭盧坤奏韶州府屬文武各員。藏檢盜匪多名一摺。此

案盜匪蒙叫化等聚黨二百四五十人。結盟搶劫。擾害閭閻。經韶州府屬文武各員督飭兵役。注意窮搜。將蒙叫化並其夥黨先後殲擒多名。惟尚有要犯吳亨仔等未獲。著該督仍嚴飭各該文武員弁上緊搜拏。務在必得。以絕根株。其所獲各犯。或已解道府。或分解各縣。若按名提省。道遠人多。且此等積惡盜犯。非就地審辦。不足以儆匪類而快人心。該督一俟祁墳到省。交卸撫篆後。赴南雄韶州

一帶查閱營伍。著即順道至彼。親督該道府等詳晰審訊。就近分別懲辦。以昭炯戒。○以本年鄉試考試。應開列試差人員於圓明園正大光明殿。○以故奉恩將軍綿遵子奕成襲職。○以正藍旗滿洲副都統奕禮兼署鑲黃旗蒙古副都統。○甲辰諭軍機大臣等。寄諭河南巡撫楊國楨。本日據步軍統領衙門奏。浙江金華縣民人劉正字即劉西山。呈稱分發河南候補縣廖漢章。係伊親戚。廖漢章

之胞姪廖慶禧。率領伊叔躍滄。德彰。並伊叔祖秋發。及祥符縣生員王雋。入毛里教。此教盛於閩浙之間。而在河南僅廖慶禧及王雋等數人。互相倡和。著該撫細加察訪。該省是否實有其人。實有其事。如果屬實。即著將案內人證。派員解往浙江。交富呢揚阿等歸案審辦。將此諭令知之。○又諭。本日據步軍統領衙門奏。稱浙江金華縣民人劉正字即劉西山。呈稱分發河南候補縣廖漢章。係伊親

戚。廖漢章之胞姪廖慶禧率領伊叔躍滄德彰並伊叔祖秋發及祥符縣生員王雋入毛里教。此教無男女長幼之別。聚眾燒香。謂之點臘。互相淫黷。謂之碰緣。為首者謂之佛祖。每歲除夕。用紅紙大書值日功曹免見。諸神免參。謂之示優。能勸十人入教者。則升一級。給有檀木印信。廖慶禧之印。去夏五月二十八日。伊兄慶楨已為帶回浙江蘭谿。其相見禮。以先入教者為尊。親長亦甘侍立。此風盛

於閩浙之間。而在河南僅廖慶禧及王雋等數人互相倡和。去冬十一月。廖漢章差遣公出。廖慶禧高坐說法。廖秋發聽講。違弟子禮。廖慶禧肆行毆打。將其髮辮揪落。並立有服罪字據。伊曾經勸說。反觸伊怒。絕其飲食等語。案關傳習邪教。虛實均應徹底根究。著該撫等派委妥員。詳晰查訪。該地方是否實有習教各情。廖慶楨曾否帶回檀木印信。一併確切查明。即督同臬司劉韻珂。提集案內人

證悉心研鞫。務期水落石出。毋枉毋縱。以成信讞。而淨根株。將此諭知富呢揚阿。並傳諭劉韻珂知之。尋巡撫烏爾恭額奏。准河南巡撫楊國楨。將被控人等解浙。訊明廖慶禧等並無習教傳徒。及揪毆廖秋發情事。均免置議。劉正字挾嫌編造名目。赴京越控。擬發邊遠充軍。下部議從之。○兩廣總督盧坤奏。據署儋州知州諸鎮等。會議辦理黎匪善後事宜八條。一。酌留弁兵。以慎防閑。一。團練鄉勇。

以資守禦。一。搜捕餘匪。以斷根株。一。查拏漢奸。以絕煽惑。一。設立墟場。以通有無。一。禁越界往來。以杜勾串。一。講求水利。以免荒旱。一。籌撥經費。以備緩急。俟與撫臣祁項會商籌辦。得旨。總要行之有益。持之以久。方為妥善。○以辦理廣東黎匪安速。予知州諸鎮等升敘有差。○予故科爾沁扎薩克多羅扎薩克圖郡王敏珠爾多爾濟烏珠穆沁扎薩克和碩車臣親王多爾濟濟克默特納木濟勒。浩

齊特扎薩克多羅額爾德尼郡王額林沁諾爾布。葉爾羌阿奇木伯克郡王銜貝勒阿布都爾滿。祭如例。○修廣東外海內河水師各營戰船。從總督盧坤請也。○除直隸固安縣水衝沙壓地十六頃四十二畝有奇額賦。○乙巳。

上御含輝樓。閱侍衛騎射。○諭軍機大臣等。富呢揚阿奏。現審革員。摭拾舊案。希圖挾制。請旨懲辦一摺。此案已革蕭山縣縣丞卞同春。

於被叅後。經該撫將該革員違例擅受陞維。積控賭一案。提省就質。該革員明知案已審虛。應究串詐。軌摭拾年久已結舊案。並別項不干己事。妄行具稟。實屬逞刁挾制。且羅織事外各官。冀免究問已罪。情尤險譎。官員被該上司叅劾。若率聽其逞刁挾制。以冀倖免。即難保無不肖劣員。紛紛效尤。不惟無此政體。且此端一開。於吏治營政。士習民風。均屬大有關係。刁風斷不可長。著富呢揚阿即將

卞同春於案已審虛後。慮究串詐之罪。如何逞刁挾制之處。悉心研鞫。秉公審辦。如該革員於擅受一案。情罪較現犯為輕。即按律定擬具奏。儻另有貪贓枉法重情。即從重定擬。嚴行懲辦。總期水落石出。以成信讞。無枉無縱。將此諭令知之。尋奏卞同春所控各案。一無憑據。僅以空言爭辯。得旨卞同春發往新疆當差。○命太僕寺卿吳孝銘。光祿寺少卿文溥。往楊村查驗新增剝船。○以乾清門二

等侍衛齊克唐阿為御前侍衛。○修浙江西湖防廳海塘。從巡撫富呢揚阿請也。○丙午。諭內閣。昨據琦善將閱過直隸提標各屬將弁。應行降補勒休各員。開單呈覽。朕詳加披閱。技藝生疏。弓馬平庸者。至十六名之多。國家設兵衛民。全在地方無事之時。各該督撫提鎮等督率將弁。竭力振作。認真操演。冀成勁旅。方為有備無患。茲古北口各營將弁。中不能振作者。至十六名之多。各兵技藝。半屬生

疏。固由該將弁等意存懈玩。不能整飭。總由該提督薛陞平時不能認真督飭訓練。獎勵做情。破除情面。任怨任勞。以致該將弁等相率因循。周知振作。薛陞著交部議處。尋議上。得旨。薛陞降二級留任。不准抵銷。○禮部議准。河南巡撫楊國楨疏。報採訪光山縣貞節婦女孔李氏等六百七口。武安縣郭韓氏等一百四十五口。上蔡縣安司氏等四十五口。遂平縣蕭趙氏等一百九十九口。陳留縣劉

杜氏等三十口。請各建總坊旌表。從之。○以

江西南昌新建等縣糧價增昂。命平糶倉穀。

○丁未。

上詣綺春園問

皇太后安。○命惠郡王綿愉帶領侍衛十員。往奠故儀郡王綿志茶酒。賞銀二千兩治喪。予祭葬。諡曰順。○朝鮮國使臣洪敬謨等三人。於大紅橋瞻覲。○戊申。諭內閣。察罕喇嘛綽爾濟係由國初投效來京。且在西藏軍前效

力。現在之察罕喇嘛。駐京有年。既在喇嘛印學習行走。著撤銷綽爾濟。賞給呼圖克圖職銜。至該察罕喇嘛轉世之後。並准其作為呼圖克圖。此係念其從前著有軍功。從優賞給。其他不得援以為例。○旌表守正捐軀河南中牟縣民李安仁妻賈氏。○免湖北黃州衛遭風沈沒軍船應賠漕米。○己酉。

上御勤政殿聽政。○諭內閣。前因步軍統領衙門拏獲囤運米石人犯高清吉等一案。當降旨交順天府。將武清霸州一帶。有無囤積回漕情事。查明具奏。茲據何凌漢等奏稱。派委候補知縣歐陽學等。分赴各該州縣嚴密訪查。並會同該牧令親履沿河一帶村鎮。逐細確勘。尚無囤積回漕情事。現在漕船陸續抵通。此等弊竇。究難保其必無。著該府尹嚴飭該沿河地方官隨時密查。有犯必懲。勿令稍有鬆懈。並著倉場侍郎督飭坐糧廳。不時親往查察。務使積弊肅清。自此次嚴查之後。儻

仍有前項弊端。或被人叅奏。或因案發覺。不獨將該地方官等從嚴懲辦。並將該侍郎府尹等一併懲處不貸。所有在逃之何姓。仍著緝拏務獲。歸案審辦。○諭軍機大臣等。本日據都察院奏。吉林民人于登賢控稱。伊弟因向盧祥索欠不回。經素識之周有文告知。伊弟被人毆打。伊聞信趕往。伊弟向伊告知。因與盧祥要錢分爭。盧祥喝令盧彥凌。盧二用鐵尺打傷。性命不保。囑為鳴冤。旋即殞命等語。案關毆傷斃命。既經報明。自應迅為驗訊。且時方夏令。該理事同知錦珠勒。何以遲至半月之久。始委巡檢往驗。已屬遲延。復將所控鐵器傷痕。俱以拳腳踢打呈報。該同知提訊。又不嚴行究辦。輒將盧二及于登賢指出見證之蘇文斗。均行釋放。迨于登賢赴吉林將軍衙門呈控。批廳訊辦。該同知復嘆上控之嫌。將于登賢掌責管押。迄今五月。兇手尚未治罪。所控各情。如果屬實。殊出情理之外。

著保昌即將盧祥。盧二等行提到案。親加嚴訊。務使水落石出。儻該同知錦珠勒另有別情。即嚴行叅辦。毋稍徇縱。將此諭令知之。尋奏。于登魁實係被盧彥凌踢傷身死。盧祥無喝令盧彥凌等毆打情事。仍照原議辦理。于登賢所控虛誣。因痛弟情切。並無挾嫌誣告情事。應毋庸議。下部知之。○調正黃旗蒙古都統奕顥。為鑲紅旗滿洲都統。以克勤郡王承碩。為正黃旗蒙古都統。○以詹事府少詹事史評。為內閣學士。兼禮部侍郎銜。大理寺少卿溥治。為太僕寺卿。○添設喇嘛印務處。貼寫筆帖式二員。學習筆帖式四員。從理藩院尚書禧恩等請也。○庚戌。

上奉

皇太后幸慎德堂。進膳。○諭內閣。寶興等奏。查勘昭陵圍城應修工程一摺。據稱現查情形。必須趕緊興修。抑或暫行保護。俟明春方向合宜。

再行修理。著欽天監即選擇日期。奏明敬謹辦理。○又諭。裕泰奏特參濫刑斃命之吏目。並稟報不符之知州。請分別革職解任一摺。此案貴州署平遠州吏目試用從九品陳承恩。因生員鄭國璽將王庚等刃傷。拏住後不候該州旋署究辦。違例擅自訊問。疊責手心至二百之多。致鄭國璽因傷殞命。難保無藉端故勘情事。平遠州知州嚴昌鈺身任地方。使本地生員與署內幕友。因請託不遂爭毆。

致吏目濫刑斃命。其平日漫無約束。已可概見。且起釁根由。據該州原稟係鄭國璽侵那喻汝成稅銀。而屍母鄭張氏控詞。則稱王庚等以稅銀抵還該州之弟嚴昌錦欠項。質之鄭國璽供詞。雖稱鄭張氏所供各情。係屬捏砌。惟稅銀則稱係喻汝成自行短解。並非鄭國璽侵那。種種情節。均屬不符。必應確切根究。陳承恩著即革職拏問。嚴昌鈺著即解任。交該撫提同案內人證。嚴行審訊。務期無枉。

無縱。不准稍有。不實不盡。以成信讞。尋奏。訊明鄭國璽侵那稅銀。央求州署幕友王庚。轉懇緩追不允。將王庚砍傷。陳承恩訊問擅責。致鄭國璽斃命。請將陳承恩從重發往新疆充當苦差。知州嚴昌鈺。年力就衰。平日又漫無約束。請勒令休致。下部議從之。○貴州巡撫裕泰奏。遵義興義兩府。時有匪棍出沒。且有川匪混入勾結擾害。必須嚴拏懲治。得旨。除著安良。必須實力。外省之規避諱飾畏難。

姑息諸惡習。實堪痛恨。若能力挽頹風。方為不負委任。不可始勤終怠也。又奏。批發州縣審辦案件。勒限訊明詳結。其自理詞訟。亦即隨到隨審。隨審隨結。不使差役羈押。人證守候。批所見甚是。然總要得一實字。方是為政之道。一切勉力而行。不可一奏了事。○禮部議准河南巡撫楊國楨疏報。採訪榮澤縣節烈婦王劉氏等二百五十三口。偃師縣姬王氏等七十五口。輝縣牛秦氏等十口。盧氏縣

杜郭氏等八口。請各建總坊旌表。從之。○辛亥。山東巡撫鍾祥奏。嚴禁流民潛往盛京吉林等處。得旨。認真曉諭辦理。不可奉文了事。○湖南巡撫吳榮光奏。嚴拏興販鴉片煙人犯。並查廣東至湖南僻路紛歧。迅催營縣嚴緝私越。從重懲辦。得旨。必當認真辦理。○壬子。

孝端文皇后忌辰。遣官祭。

昭陵。○伊犁參贊大臣布彥泰。以病乞解任。允。

之。○調正黃旗蒙古副都統恩特亨額。為鑲紅旗滿洲副都統。以內閣學士慶欽。兼正黃旗蒙古副都統。○以葉爾羌幫辦大臣賡福。為巴里坤領隊大臣。巴里坤領隊大臣關福。為葉爾羌幫辦大臣。○以拏獲鹽梟出力。賞江南守備冠麟書花翎。○免伊犁各營失察回犯脫逃官三十二員罰俸銀。○貸山西岳陽。渾源。廣靈。左雲。陽城。遼。榆。社。沁。武鄉。保德。隰。和林。格爾。十二廳州縣。歉收貧民倉穀。暫。

緩買補右玉。靈邱。天鎮。山陰。寧武。定襄。應。渾源。大同。朔。平。魯。代。五。臺。繁。峙。保。德。臨。汾。聞。喜。垣。曲。霍。靈。石。和。林。格。爾。清。水。河。二。十。二。廳。州。縣。節。年。動。缺。倉。穀。○癸丑。諭內閣。楊國楨奏。勒限緝拏命案重犯一摺。此案耿士秀。與子耿大商。係河南鄧州僧人覺盛等京控殺斃四命案內重犯。前經諭令楊國楨等勒限嚴緝。務獲究辦。茲據奏稱。耿士秀脫逃。為時已久。節經嚴密兜拏。迄無弋獲。自應定限嚴飭分投緝拏。前任鄧州知州易良倣。現任鄧州知州徐柱臣。均著勒限一年。將耿士秀等訪緝務獲。歸案究辦。如逾限不獲。即照承緝接緝各例。分別嚴叅。以示懲儆。○以捐修湖南宜章縣城垣。並募勇防堵。匪。予知縣王雲裁等議敘有差。○修建湖南錦田。楊家鋪。新田縣。藍山縣。文武衙署。及倉廩廟宇。兵房監獄軍裝各局。並製永州鎮新兵軍械。從總督訥爾經額等請也。○甲寅。

上臨故儀順郡王綿志第賜奠。○還宮。○浙江巡撫富呢揚阿奏查勘海塘情形。請另建鱗塘一道。需銀九十萬二千兩。惟工段縣長。物料人夫。驟難湊集。應俟按年陸續請撥。其改建坦水。接築條塊石塘。加幫土餞各工。共需銀五十餘萬兩。請迅即照數籌撥。下部議行。○以故儀順郡王綿志子奕綱襲貝勒。○修浙江鎮海及念里亭汛海塘。從巡撫富呢揚阿請也。○乙卯。

上御太和殿視朝。王以下文武升轉各官謝恩。○幸圓明園。○詣綺春園問皇太后安。○福建臺灣鎮總兵官張琴等奏。擊獲嘉義縣播謠伺劫。妄稱偽號匪犯許翹成等。審明正法。得旨。所辦妥速。可嘉之至。○命庫爾喀喇烏蘇領隊大臣察隆阿來京。調伊犁領隊大臣那桑阿。為庫爾喀喇烏蘇領隊大臣。以前任伊犁領隊大臣華山泰。為伊犁領隊大臣。○丙辰。諭內閣。長齡等奏。四川烏

坡銅廠。自奏定開採後。不過七年。產銅驟減。幾及百萬。自此每年遞減。現在月報不過一萬餘斤。又該廠八分官買銅斤。係奏定供滇省採買。協濟京運之項。八年以前。餘存官銅三百三十餘萬斤。近年滇省並未據報委員採辦。節次行查。該督始以買供本省鼓鑄。咨覆。歷查該省銷冊。並無聲明買過烏坡廠銅之語。著四川總督嚴飭該管各官。迅將烏坡廠道光五年以後採獲銅斤。據實查辦。不得仍聽該廠員以多報少。致有透漏營私。並將八年以前未歸滇省採買銅三百三十二萬六千餘斤。查明著落何所。併九年至十二年該廠應存八分官買銅九十七萬餘斤。一體分晰確查。迅速報部覈辦。毋任徇隱遲延。以裕課額而昭覈實。○又諭。前據車林多爾濟奏。郎中景善各款。當降旨交凱音布前往查訊。茲據查明覆奏。車林多爾濟奏景善各款。均無虛誣。並究出景善與驍騎校吉隆

阿。有得受餽送情事。暨慶山等未經會同參奏各情。此案郎中景善。給予監犯羊隻。訊係自出己資。並非動用公項。尚無不合。其給蒙古幼童里克丹戴用金頂。實屬妄為。並收受台吉色德巴扎爾餽送馬價銀兩。雖據訊明並無需索情事。惟以辦理蒙古事務人員。接收台吉餽送。實屬不知檢束。景善著交部嚴加議處。驍騎校吉隆阿。不應收受餽送馬價銀兩。吉隆阿著交部議處。台吉色德巴扎爾致送景善等馬價銀兩。究有不合。著交理藩院議處。至慶山於景善被參各款。本有失察之咎。經車林多爾濟將參劾摺稿。給伊閱看。既不列銜。又不自行參奏。慶山著交部議處。車林多爾濟未經商令慶山列銜同奏。亦有不合。著交部察議。祿普因病未經會商。著毋庸議。○考試應開列試差二三品以下京堂各官於上書房。○賞借貝勒奕繪俸銀二萬五千兩。卜築墳塋。○丁巳諭內閣。文輝等奏

恭查

天壇

各壇樹株完竣。著太常寺造具清冊。咨送工部備查。其內外圍各處。除實存各樹外。所有風損回乾倒木。及缺空處。所應否補種樹株。著即行知該管衙門查明酌量補種。嗣後並著太常寺隨時派員稽查。毋致短少。以昭敬慎。○命刑部右侍郎趙盛奎。前任河東河道總督嚴烺。馳往浙江。會同巡撫富呢揚阿。籌

辦海塘工程。○以鑲紅旗滿洲都統奕顥。兼署鑲黃旗漢軍都統。○戊午。

上詣

黑龍潭神祠拈香。○諭內閣。給事中金應麟奏。驛站弊端一摺。國家設立驛站。馳遞緊要文報。關係甚重。若如所奏。驛馬半皆缺額。存者亦疲瘦不堪。且有強留前站之馬。今其支應差使。名曰打過站。其馬匹並不餵養。致倒斃益多。例支馬乾等項。上下分肥。視為常例。

州縣於豫備車馬之時。先期令胥差傳拏協濟鄉車。多至數百輛。令其自行餽養。不准出入。給與銀錢。方行放走。甚至差使已過。而仍不放走者。民間不堪其苦。至於摺差包送銀兩。屢次失事。上差往來。借用夫馬。兼有餽送並幕友長隨。於私書家信。擅用印封。馳遞公館之陳設。供應之侈靡。家人之多索。門包。廝養之私乘驛馬。種種弊端。實屬郵政之害。著責成各督撫等。隨時認真稽察。嚴行訪查。一經查有前項弊端。立即嚴參懲辦。若任管驛州縣。因循欺飾。別經發覺。或科道指參。惟該督撫等是問。決不寬貸。將此通諭知之。又諭祁項奏。參玩視毆官重案。不行拏究之知縣。及事隔年餘。始行稟報之巡檢。請旨解任。究辦一摺。此案廣西雒容縣江口鎮巡檢錢潤。會同雒容汛把總張正明。查緝匪徒。竟有刁徒聚眾奪犯毆官之事。案情甚重。自應徹底嚴究。迺署雒容縣知縣王淑元。既接據該

巡檢稟報。並不立即拏究。通詳覈辦。該巡檢所稟。係十二年十一月內之事。如果縣官推諉不究。早應稟出。何以含忍年餘。始行通稟。難保非擅行查拏。藉端索詐。致肇釁端。亦應逐一嚴究。署雒容縣事試用知縣王淑元。江口鎮巡檢錢潤。俱著解任。交惠吉提齊人證。卷宗。秉公嚴訊。按律定擬。無稍含混。以成信讞。尋奏錢潤因方役捏稟。韋一清之父韋老養。奪犯前往查拏。韋一清將該巡檢毆傷。依部民毆雜職官例。擬以滿徒。錢潤擅行稟差率往查拏。以致被毆。並疑該縣有意推延。率行具稟。實屬任性妄為。業已革職。應毋庸議。署知縣王淑元。因人證不齊。半年有餘。始行稟解。究屬遲延。請交部嚴議。下部議從之。○諭軍機大臣等。有人奏風聞山東省城。自州縣以下。至幕友家丁等。挾妓包倡。視為常事。凡外來妓女。投靠府縣差役包庇。名曰包家子。州縣佐雜。今差役引線到彼。名曰拉紅緯。

妓女得與官員結納。遇有地方詞訟案件。即為開說。名曰開瓜。省城因有一箇官兒一箇瓜之謬。該處菜園子堆花巷。石灰巷等處地方。俱為妓女窩藏之所。官員等於謁見上司之後。輿從紛紜。一聞至彼。懽呼達旦。恬不為怪。並有攜帶稿件。在彼票發者。以致幕友家丁。浼情納賄。無弊不作。如前任歷城縣今升武定府知府湯世培。年老多病。不能振作。致幕友家丁勾引其子常宿妓女家。撞騙招搖。

無所不至。迨遷任武定。伊子將妓女芙蓉寄放幕友鄧老五家內。官員時至鄧老五家聚飲。闢說公事等語。省城為地方總匯。官員輳集。豈容不肖官吏任意妄為。挾妓包倡。習為故常。恬不知怪。匪惟有玷官常。實屬有闢風化。現任武定府知府湯世培。前在歷城縣任內。年老多病。茲在武定府任內。年力自益衰老。能否勝任。幕友家丁有無勾引其子宿妓包倡。及招搖撞騙情事。著鍾祥即嚴密訪查。

據實具奏。不准含混。鍾祥經朕不次擢用。簡任巡撫。年力精壯。正振作有為之時。於所屬地方吏治民風。均應實力整頓。不避嫌怨。該省城官吏。是否實有挾妓包倡。敗壞風俗等情。著鍾祥確切訪查。從嚴懲辦。斷不准瞻前顧後。有意因循。致負委任。儻查辦不力。將來別經發覺。或被科道糾參。朕惟知執法從事。該撫自問能當此重咎乎。懍之慎之。將此諭令知之。○以閩浙督標中軍副將謝朝恩。為

江南狼山鎮總兵官。○補行道光十二年軍政。福建卓異官一員。罷輟官一員。分別議敘處分如例。○以革退廣西恩府屬定羅司土巡檢徐典章嗣子千治襲職。○己未兩廣總督盧坤等奏。請將借築南海。順德。二縣桑圍。圍基歲修銀。免息攤徵。分限五年扣還。從之。○以右春坊右庶子麟魁充日講起居注官。翰林院侍講學士李煌署日講起居注官。○庚申。諭內閣。前據給事中琦琛奏。請嚴禁

部胥勒索解員使費。並銀庫交項。無憑查覈。當降旨交戶部會同三庫大臣議奏。茲據長齡等查明。銅鉛交局兌收。例令監督生秤彈兌。運員家人提包上秤。不得假手吏役秤夫。人等。任意輕重。著嚴飭承辦司分。遇有解員投具文批。務當嚴行約束胥吏。不准需索使費。並著戶工錢法衙門併工部一體嚴禁。以杜弊端。責成該侍郎等不時親往查察。儻有前項情弊。別經發覺。不特將承辦司員及監

督等從嚴究辦。並將該侍郎等一併懲處不貸。至猾吏棍徒。以及銀號人等。包攬承交。吏役從中分肥各弊。著順天府五城步軍統領衙門一體出示禁止。儻有前項情弊。即嚴拏治罪。如稍有徇隱。必將該府尹等一併嚴懲。嗣後各省解員。如被胥吏勒索。及庫內多索添平銀兩。准其據實呈首。以憑究辦。○又諭給事中薩霖等奏請更定捐納房磨對捐冊日期一摺。該給事中等稽查銀庫。例應每月

初十日。赴戶部捐納房。會同各衙門將上月捐納官生名冊。公同磨對一次。惟每月逢十日。係銀庫兌收常捐卯期。該給事中等有覈查銀數。監視平兌之責。若於是日分一人前赴捐納房磨對。則僅止一人在庫稽查。照料難周。著將該給事中等每月赴捐納房磨對捐冊之初十日日期。改於十二日。會同各衙門磨對。並著戶部通行吏部禮部兵部戶科江南道國子監等衙門。即自本年五月十二

日為始。一體遵照辦理。○禮部議准湖南巡撫吳榮光疏報。採訪藍山。江華。新田。常寧。四縣遇賊殉難民。徭男婦黃人恩等二百二十三名口。請建總坊旌表。從之。○免塔爾巴哈台被雪凍傷額魯特應賠倒斃官畜。並卹賞傷斃人等有差。○辛酉。

上詣綺春園問

皇太后安。○諭軍機大臣等。據昇寅等奏。山東兗州鎮總兵富森泰所轄各營官兵。弓力輟

弱者居多。陣式紀律。亦久講求。自係該總兵平日督率不嚴所致。請交部議處等語。總兵係專閫大員。訓練是其專責。如果難資整飭。未便稍事姑容。致營務廢弛。著昇寅等將該總兵年力精神。是否堪勝總兵之任。據實覆奏。將此諭令知之。○又諭。有人奏廣東州縣私設班館。監獄非刑凌虐。請飭懲辦一摺。據稱廣東省城南海縣私設班館。有起雲倉惠福巷二處。其惠福巷一所。本為該縣典史衙

署。今占為班館。名收管所。又改名曰署左。典史反賃民房居住。又有添設署前一所。在該縣署照牆之左。又有三間一處。在頭門之內。馬鞍街仙湖街等處。俱有該縣役私館。凡十餘處。番禺縣之班館。則在該縣署前後左右一帶廟內為多。而頭門內有六間一處。尤其甚者。則大堂前之西邊巷直東榨粉街為最。順德縣署之東。有支欄亭一所。又名知過亭。凡被虐將斃之人。置此待死。又該縣照牆之東。

有衙役聚會處。所名曰蘭堂。頭役白役串同土棍訟師。日夜聚集其中。嚇索愚民。又西街全是差役私館。標其名曰一羈二羈三羈四羈五羈六羈七羈八羈。香山縣署內有大班館五所。該縣照牆外。及縣前街拱辰街等處私館亦十餘所。三水縣署內有左右班館二處。該縣典史亦於堂側私設一處。俱安設木閘。中開數孔。將訛索不遂之人。禁錮其中。引其手足從孔穿出。加以鎖鑰。致令不能生臥。

又有幽之囚籠者。令人不能屈伸。有閉之煙樓者。拘人樓上。樓極狹小。四不通風。以火煙從下熏灼。令人不能呼吸。尤慘者用鐵桿三尺餘長。豎立於地上。頂喉頸。周身捆縛。鎖鐐手足。作盤踞狀。欲坐不能。欲起不得。名曰餓鬼吹簫。又有將人倒懸牆上。鞭撻拳毆。名曰壁上琵琶。或將一手指一足趾用繩從後牽弔。名曰魁星踢斗。種種非刑。難以枚舉。差役狠毒為心。不遂其欲不止。需索洋銀。動以尺

稱洋銀一百圓。謂之一尺。凡需索者動輒議十餘尺。數尺不等。尤可恨者。鄉曲愚民。家頗饒裕。本不犯案。而臺役垂涎。串同土棍門丁。捏造案情。拘繫班館。任其訛索。謂之種松摘食。即尋常案件。發一票。差一役。縣閹利其所得。非有賄求。不行籤差。謂之買票。臺役將犯傳來。先押班館。肆意飽索。私行釋放。案延不結。多由於此。該管官懵然不知。反派家丁巡查各館。愚民見其一至。慄慄危懼。賄賂不行。不能免其荼毒。至監獄內。每遇應行監候之犯。初入監時。該禁卒率領舊監犯。將其拳毆三次。謂之見禮。又謂之發利市。其訛索之數。動以千百計。謂之燒紙錢。又曰派監口。舊犯之在監。有稱大哥頭者。所訛之銀。竟有不肖典史從而分肥者。如新犯不肯給予。即橫加凌虐。徧用非刑。謂之打燒紙。本人既蕩產傾家。親友亦惶恐欲助。儻不遂其訛索。直打至死而後已。該管官規避處分。直令倒填年月。

日。先期告病。裝為病故。掩滅其跡等語。地方私設班館。監獄凌虐罪囚。均屬有干例禁。粵東獄訟繁興。此風尤甚。若如所奏種種弊端。藐法殃民。殊堪痛恨。著該督撫等嚴密訪查。如果實有其事。即將各州縣著名蠹役。立行拏究。按法懲辦。所有私設班館。盡行折毀。不准復設。其監獄中有老犯自稱頭目。勾串禁卒。肆行訛索者。一併嚴治其罪。儻各州縣徇庇容隱。及司獄官從中分肥。立即從嚴叅辦。毋得稍事姑容。該督撫等如不能實力查禁。將來再有前項弊端。別經發覺。或被科道糾叅。惟該督撫等是問。將此諭知盧坤。祁項。並傳諭李恩。繹知之。尋奏廣東並無私設班館。匪徒竊賊。擬另設公所收宿。差役寓所。不准押收。飭令有獄各官按月結報。得旨。查議尚妥。務須令行禁止。日久不至有名無實。犯則必懲。方為妥善。若一奏了事。一如往昔。於事何益。勉之。○又諭。現已降旨。令博多歡回京。

當差。著富僧德或由總管或協領內。派委妥幹一員。署理呼倫貝爾總管事務。令博多歡回京。朕思博多歡之父阿那保。現年已逾八旬。博多歡在任多年。未得回籍。著加恩令博多歡交代後。即由彼處回籍省親。家居數日。再回京當差。將此一併曉諭博多歡遵行。○以右翼前鋒統領蘇清阿為伊犁參贊大臣。正藍旗護軍統領桂輪為右翼前鋒統領。工部左侍郎裕誠兼正藍旗護軍統領。正紅旗

滿洲副都統達哈布兼署鑲白旗護軍統領。○以科爾沁郡王僧格林沁管善撲營事。○禮部議准。河南巡撫楊國楨疏報採訪葉縣貞節婦女張李氏等三十一口。尉氏縣韓沈氏等二百五十口。商水縣高苗氏等二十八口。請各建總坊旌表從之。○壬戌諭內閣。楊遇春等奏。酌議護送前後藏貢使章程一摺。據稱夷使堪布往返。向由西寧口外草地行走。歷年派兵在通天河附近地方接送。惟果

洛克等族番。窺伺搶劫。習為常技。堪布等人少。馱多。行走未能迅速。一遇搶劫。又不能抵禦。自應妥為照料防護。以便妥速過境。嗣後堪布往返行走。著派察罕托洛亥防所官兵一百員名。護送至扎素拉青海界外。以防搶劫。並著駐藏大臣豫期密會。以便派兵在通天河等候接送。並諭知該堪布等。不准額外攬帶貨包。以免逗留。○又諭。驍騎校吉隆阿以辦理蒙古事務之員。收受蒙古台吉餽送

馬價銀兩。雖無需索情事。實屬不應。著照部議降三級調用。該員係新疆換防之員。現已撤回本任。毋庸照新疆例留於該處效力。將軍慶山於景善等被參各款。失於覺察。迨車林多爾濟將參劾摺稿給伊閱看。並不列銜。又不自行參奏。部議降三級調用。實屬咎無可辭。姑念其均係公罪。著加恩改為降三級留任。參贊大臣車林多爾濟業經查出揭參。雖未商令慶山列銜。惟曾將參劾摺稿給令

閱看。且所奏皆實。所有部議罰職任俸一年。著加恩寬免。台吉色德巴扎爾。因郎中景善等體恤伊父私情。致送馬價銀兩。雖有不合。然究非餽送贓款可比。所有原議折罰四九牲畜。著改為折罰二九牲畜。○諭軍機大臣等。據陶澍等奏。訟案牽涉賄囑。請將知縣典史解任備質。此案周森所供。已革巡檢謝遵銘藉案索借。捏稟咆哮一節。雖據謝遵銘供稱。周森向其吵鬧屬實。並非捏稟。亦無向借銀錢之事。惟該巡檢遷延聲譽。即難保無藉案需索情弊。至周森所供。經該縣知縣趙本敷提案責押。有素識之陳錫祥。勸令伊子周書勳用銀送給巡檢典史。可以轉求釋放。並稱須給該縣官親門上使費。共銀六百五十兩。周書勳果欲為父賄求。自必告知其父。何以周森供係先不知情。直至伊弟周森外歸。始行查出告發。語不近情。殊難憑信。惟周書勳曾否將銀交給陳錫祥營求。陳錫祥果否

代為行賄。抑或指官撞騙。雖據陳錫祥堅供並無其事。一面之詞。尤不足信。至該縣趙本敷。既將周森提案。押令交出伊姪周書頤審辦。周書頤並未交案。何以又將周森釋放。且控涉所屬佐雜及官親門丁受賄營私。虛實均應徹底嚴究。著該督親提人證。逐加研鞫。務將謝遵銘有無捏稟需索。陳錫祥曾否代為賄囑。該縣官親門丁有無收受使費各情節。確切根究。務期水落石出。不准稍有徇縱。以成信讞。將此諭令知之。尋奏。訊明係代書潘聯森指稱縣署官親門丁。向陳錫祥撞騙。擬發邊遠充軍。陳錫祥串同分肥。復經逃匿。應加等擬流。謝遵銘訊無藉案索借事。惟遷延聲譽。業經革職。周森亦革去監生。均無庸議。趙本敷失察潘聯森指官撞騙。應飭聽候部議。下部議從之。○又諭。據隆文等奏。駐防千總捏詞控告。請飭審辦。此案駐防前藏千總閔應魁。經四川總督派令伴送廓爾喀夷

使赴藏。接駐防缺。據該大臣等奏稱。該弁忽於正月十四日。令其跟丁民人王榮。託徐銳衙門值差兵丁李仁榮。向徐銳管門家人孫成言說。願送銀兩。懇求不調防缺等情。正在查辦間。該弁復又呈遞訴稟。內稱伊前次曾稟駐藏守備張英。濫銷錢糧。署千總田溥。冒領截曠。浮折番兵等事。均經具結了案。伊接防後。又被委員前任拉里徐糧務改換案結。伊無奈畫押。又孫遊擊有言辭退遊擊。有稿

房把總田溥。議擬將伊作為候補守備。又聽聞田把總代夏糧務求保同知職銜。曾給田把總使費銀五百五十兩。現又田把總經保辭退遊擊一缺。伊亦欲託田把總求得實缺。免作候補。交給陳榮使費銀兩。囑令送交田把總轉送。不料陳榮將銀誤送。徐大人窺見。嗔怒。行札追究。伊本交給陳榮有銀。請將此銀如數退還。照求保職銜之夏糧務一律懲辦等情。經該大臣等派員按款訊詰。據王榮

即陳榮。供稱。閔千總令其託人懇求不調防缺。許送銀子是實。並未交給銀兩。李仁榮供亦相同。遊擊孫如藻。前管前藏糧員夏夢鯉。俱詢無告退營謀保舉各情事。惟該弁原呈所控南溪縣知縣徐懋。把總田溥。俱已回省。未便紛紛傳質。請交四川總督就近審辦等語。案關職官列款。許訴以財行求。並牽控本管大臣。若不逐款根究。徹底訊明。不足以折服其心。著鄂山俟該弁等解到時。即親提全

案人證。秉公嚴審。務將該弁所控各款。逐加細鞫。並將兵丁李仁榮。民人王榮。即陳榮。嚴行追究。閔應魁行賄銀兩。交付何人。如果徐銳家人孫成。實有聽囑代稟情事。即將孫成一併提案究訊。務期水落石出。不准稍有含混。將此諭令知之。尋奏閔應魁捏造賊私。誣告人罪。且許給李仁榮銀兩。囑謀升缺。汗蟻本管大臣。集訊明確。復敢抗不服罪。請從重發往新疆充當苦差。陳榮。李仁榮。聽從行求。

事雖未成。均照不應重律。擬以杖枷。下部議從之。○以正白旗蒙古副都統盛桂。兼署正紅旗蒙古副都統。○旌表逼嫁捐軀河南禹州民李秀林妻王氏。○癸亥。諭軍機大臣等。本日據都察院奏。海州監生劉培餘。在該衙門具控。伊兄劉培芹。於道光十一年八月間。因差役孫洪孫魁等。查緝地棍。扶嫌鎖拏。捏稟該州知州委員試用從九品孫豐。逼勒承招。執用竹箒責打二千餘下。身無完膚。復用鹽浦徧灑。全刑收禁。旋即在監斃命。移屍出監。裝點取保。後病故情節。安東縣知縣往驗。不令屍弟前赴屍場。應控淮海道。兩江總督並在該州屢次呈催。總未究辦。以致冤沈四載等語。案關非刑拷責。冤斃無辜。如果屬實。犬干法紀。必應徹底根究。著該撫即督同臬司。親提全案人證。悉心研鞫。秉公審辦。並究明該州委員孫豐。有無濫用非刑情事。總期無枉無縱。以成信讞。不准稍有含混。至該監

生呈內所稱。該州蠹書私設關卡。勾通市儈。包攬客載。繞越淮關。偷漏稅課。現當整頓關務之時。豈容奸胥市儈。交結勾通。包攬偷漏。著該撫等一併查明。如果實有前項情弊。從嚴究辦。將此諭令知之。尋奏。訊明劉培芹。聽從劉春強截。孫必傳。米船勒錢朋分。在州供認不諱。因病取保。委員驗訊通報。並非監斃。所控州書勾通市儈。私設關卡。偷漏稅課。查無其事。劉培餘。應革去監生。量擬杖徒。下部議從之。○以翰林院編修李嘉端。為雲南鄉試正考官。汪振基。為副考官。左春坊左贊善德誠。為貴州鄉試正考官。翰林院編修李熙齡。為副考官。○加築山東捕河廳。壽東汛石壩外土堰。從河道總督吳邦慶請也。○甲子。孝慎皇太后初週年忌辰。上至田村。殯宮奠酒。○廣西巡撫惠吉。奏。拏獲越南國煽亂內竄夷匪阮克鏢等。解回該國自行辦理。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十一

寶錄卷之五十一

衆

清實錄
道光十四年五月

監修總政官廳庶民課長田島謙三、田島大次郎、田島領、關東軍管區司令部第一常務總務課長、神戶林院、院學士、兼常務、
天府府、府事務課長、帶加五級、紀録十八次、臣、曹、順、成、武、官、記、是、海、官、吏、部、司、書、順、監、議、漢、漢、都、院、管、理、所、管、務、課、司、官、度、臣、發、發、國、
七、倉、大臣、臣、務、會、同、四、時、錄、事、格、加、于、順、隨、帶、加、于、級、軍、功、和、三、級、紀、録、五、次、臣、花、沙、崎、總、監、官、文、淵、閣、提、舉、關、東、兵、部、司、書、總、務、
內、務、府、大臣、臣、由、無、漢、洲、警、備、隊、警、官、八、倉、大臣、臣、理、字、八、房、錄、序、左、見、其、官、等、事、要、官、官、明、國、府、廣、益、給、役、給、役、司、基、務、所、紀、録、序、
警、官、是、辦、處、事、務、關、幕、加、十八、級、臣、阿、塞、阿、則、總、武、官、總、監、講、官、兵、部、司、書、關、幕、加、十八、級、紀、録、二十、次、臣、周、祖、壽、等、奉、

較修

道光十四年甲午五月乙丑朔諭內閣成格

奏。墊發滿餉經費銀兩。請飭撥歸款一摺。烏魯木齊供支喀什噶爾撤回以防改征各營官兵。鹽菜夫折馬乾草束。及車駝腳價等銀。共一萬一千一百八十一兩零。均係在鎮迪道庫貯滿餉及經費項下借動墊發。自應調撥還款。著陝甘總督迅將前項借發銀兩。如數籌撥解交。以清墊款。○丙寅諭內閣。禮部奏本年十月冊立皇后。應舉行加上。

八二

皇太后徽號典禮。所有應行事宜。著各該衙門敬謹辦理。○改江蘇山盱廳通判為同知。海安廳撫民同知為通判。從兩江總督陶澍請也。○撫卹琉球國遭風難夷如例。○丁卯。

孝誠仁皇后忌辰。遣官祭。

景陵。○烏里雅蘇台將軍慶山等奏。參贊大臣車林多爾濟因病乞假三箇月。在冷泉地方調理。允之。○朝鮮國王李玪遣使恭進冊諡孝慎皇后賀表。並貢方物。命留抵下次正貢。○

戊辰。

上詣綺春園問。

皇太后安。○以兵部左侍郎王楚堂署戶部左侍郎。○補製甘肅各營軍械。從總督楊遇春請也。○己巳。以漕運總督嵩溥署兵部左侍郎。○庚午。諭內閣。楊名颺奏。請崇祀典一摺。據稱陝西省城舊有。

西嶽廟基。久經傾圮。現在捐廉督辦。一律鼎新。請做照太白終南兩山列入省城春秋致。

祭等語。此事原可俞允。况

嶽廟並非淫祀。自宜茲芬肅薦。以重明禋。著照所請。准其於省城專祠內春秋致祭。惟封疆大吏。總在察吏安民。興利除弊為要務。若專重祈禱。以修建廟宇為獲福。非朕所望也。懍之慎之。○諭軍機大臣等。本日據耆英等奏。拏獲販賣鉛錢之張三等一案。已明降諭旨交刑部審訊矣。此案據張三等供稱。所買鉛錢一百一十吊。係由天津鼓樓北恆豐煙鋪之張小鳳代為置買。並說明賺錢均分。張小鳳雇覓高姓幫同扛至京中。將鉛錢交給張三等寄存呂六家內。高姓就回天津。張小鳳並未跟同來京等語。與販鉛錢本干例禁。張小鳳既代張三等置買至一百一十吊之多。難保無開鑪廣鑄情事。著琦善嚴飭該縣。即將在天津開設恆豐煙鋪發賣鉛錢之民人張小鳳嚴密查拏。解交刑部歸案審辦。至該犯如何發賣。並有無私鑄情事。著一併詳細

查明。徑行知照刑部。以憑究辦。將此諭令知之。尋刑部奏。訊係陳八壺起意私鑄鉛錢一百六十餘千。依例問擬絞監候。韓得相聽從幫鑄。張三等商同販賣。依例問擬杖流。呂六寄存張三鉛錢。訊無知情分肥情事。究屬不合。照不應重律擬杖。在逃之張小鳳並扛錢之高姓。飭拏另結。從之。○以鑲紅旗滿洲都統奕顥。管健銳營事。散秩大臣綿岫。管火器營事。○辛未。旌表守正被戕直隸遷安縣民

張春妻劉氏。○壬申。諭軍機大臣等。本日據都察院奏。承德府建昌縣民人李瑞具控謀殺頂兇。慘遭蒸檢一案。已明降諭旨交保昌親提審訊矣。此案該民人李瑞控稱伊子李元魁向在吉林長春廳興隆鎮地方租種荒田。嗣向攬頭趙景升等租定哈拉海城荒田一處。緣所租之田。與該廳代書金斌。並伊戚鄭亮。由土相連。金斌等意圖侵占不遂。屢次爭競。起意謀殺。於上年三月。率領多人。將伊

子殺害斃命。伊堂弟李明報官相驗。吉林理事通判常存。初驗係自傷身死。覆驗係屬受傷。並驗出木器傷六處。並非自傷。至十二月內。該通判因金斌翻控。復行蒸檢。該屍親並未執定傷痕。出具情願蒸檢甘結。檢驗傷痕又有不同。兇手反覆不實。傷痕多寡不符。謀殺正兇。不為究辦。無辜被害。復遭蒸檢等語。案關謀殺頂兇。慘遭蒸檢。初驗係自傷身死。既據覆驗係屬受傷。自應究辦正兇。何以時

閱數月。復行蒸檢。該屍親並未出具情願蒸檢甘結。且前後所驗各傷。多寡不符。兇手亦經屢易。案中要證劉旺。復任聽差役縱放。不傳到案。是否屬實。必應徹底根究。著保昌親提全案人證。悉心研鞫。秉公嚴審。總期水落石出。以成信讞。無枉無縱。不准徇庇回護。稍有含混。將此諭令知之。○黑龍江將軍富僧德奏。查閱呼倫貝爾與俄囉斯交界處所。設立卡倫報聞。○以刑部左侍郎凱音布。為察

哈爾都統。轉刑部右侍郎。恩特亨額。為左侍郎。調盛京刑部侍郎。祥康。為刑部右侍郎。以病痊。都統貴慶。為盛京刑部侍郎。○調正藍旗漢軍副都統文慶。為正白旗滿洲副都統。以散秩大臣綿岫。為正藍旗漢軍副都統。○修呼蘭齊齊哈爾。各城運糧船隻。從黑龍江將軍富僧德等請也。○癸酉。免雲南昆明。嵩明。宜良。河陽。尋甸。蒙自。晉寧。江川。阿迷。呈貢。十州縣上年地震村莊額賦。○甲戌。

上幸靜明園詣

龍神廟拈香。○命齊齊哈爾副都統敦良來京。以光祿寺少卿文溥。為齊齊哈爾副都統。○禮部議准。河南巡撫楊國楨疏報。採訪鄉縣貞節婦女宋聶氏等三百三十六口。閩鄉縣杜王氏等三百二十二口。湯陰縣陳蘇氏等一百七十五口。陝州張趙氏等六十八口。鄧州尹黃氏等四十口。裕州張徐氏等一百三十七口。靈寶縣亢許氏等三十九口。沈邱

縣邢韓氏等一百九口。新鄭縣李樊氏等一百十一口。鄭州李魏氏等二百十六口。西華縣胡李氏等五十五口。請各建總坊旌表。從之。○乙亥。

上詣綺春園問

皇太后安。○諭軍機大臣等。本日據德順奏。上年湖廣漕船到九江關。例外多帶木植。應納稅銀一萬六千五百四十八兩零。除交納外。內湖北欠交銀七千一百九十六兩零。湖南欠交銀六千四百兩。經該監督咨明各該省糧道。勒追趕解。並委員前往守催。僅據湖南糧道交到銀一千兩。下欠之銀。咨明分限四年解交完款。至湖北欠項。分釐未解等語。漕船跨帶木植。照例納稅。自應隨時完繳。不容稍有掛欠。何以湖北湖南漕船欠解木植稅銀。延不完交。任催罔應。以致關項久懸。著訥爾經額。尹濟源。吳榮光。嚴飭各該糧道。即將前項應交稅銀。趕緊催提。如數解繳。毋許再

有延宕。將此各諭令知之。○又諭。本日據德順奏。上年湖廣省漕船多帶木植。應納稅銀未據完繳。本年湖北漕船。於三月初四日。據領運千總何世昇等。到關開呈竹木清單。並不聽候查驗。即於初五日黎明闖關直下。無分晝夜。至初七日全幫均已闖過。前後一百十九隻。各船跨木較上年更多。倚恃船多人眾。不服截留。各幫運弁目擊情形。不行禁止。該糧道李源。延至初十日始行到關。事越五日。各船早已出境。無從查驗等語。漕船多帶木植。本干例禁。且敢徑直闖關。運弁明知故縱。若不嚴行查辦。不但各幫丁毫無忌憚。將來必致木商以木植包給漕船。任意偷漏。包帶愈多。漕行更形遲滯。於關稅漕運均有關係。著該署漕督即將湖北漕船行抵九江關。何以不候查驗。徑行闖越。該糧道李源。何以於幫船過關後。遲至五日始行到關。各幫運弁何以目擊情形。不行禁止。確切查明。據實

具奏。將此諭令知之。○又諭。鍾祥奏請將私債未清之知縣撤任開缺。豫杜虧那一摺。據稱山東德平縣知縣劉鐸。私債孔多。追呼頻至。雖經該管知府查訊。並無違例之項。而既經控索。難免不迫切求償。又新泰縣知縣達齡。阿所欠私債。現雖未被告追。而訪聞實有來任索欠之事。知縣俸廉所入。斷不能盡數為償欠之資。右絀左支。總恐那及公項。請將該縣等撤任開缺等語。所辦是。惟該縣等係屬借欠私債。礙難降旨。著鍾祥即將該縣等平日辦理地方公務。有無貽誤。經手倉庫錢糧。有無那移虧短情弊。其才具是否能勝知縣之任。逐一確切查明。據實具奏。俟奏到時再降諭旨。將此諭令知之。○以大理寺少卿王璋慶。為光祿寺卿。○修直隸正定縣廣濟石橋。從總督琦善請也。○丙子。以翰林院編修朱蘭。為廣東鄉試正考官。工部郎中徐璣。為副考官。翰林院編修王慶雲。為廣西鄉試

正考官。刑部主事朱國淳。為副考官。翰林院修撰吳鍾駿。為福建鄉試正考官。編修李國杞。為副考官。○丁丑。

上詣

大高殿行禮。○還宮。○遣官祭

關帝廟。○以夏至祭

地於

方澤。自是日始。齋戒三日。○戊寅。諭內閣。前據給事中續齡等奏。戶部貴州司付交左翼稅

銀。疊催不到。當經降旨。交戶部查明具奏。茲據查明。由該左翼遲延。雖事屬有因。究屬不合。左翼監督松筠。著交部議處。嗣後遇有應交款項。著於投文後。遵限五日。赴庫交納。倘仍遲逾。著查庫御史。即行嚴參懲辦。○庚辰。夏至。祭

地於

方澤。

上親詣行禮。○幸圓明園。○詣綺春園。問

皇太后安。○諭內閣。孝順岱奏。科布多屯田緊要。請寬留弁兵。以資熟手一摺。科布多承種屯田弁兵。該大臣因值弁兵換班之期。恐全行更換。該處情形。難以遽易生手。有誤屯田。自應豫為籌畫。著照所請。准其將此次應換弁兵一百六十六員名內。將上屆留駐兩班弁兵六十三員名。全行更換。將現駐一班兵一百名內。酌留六十名。應換官弁六員內。擇其熟悉農務者。暫留三員。教引新換官弁耕種。俟一二年間。教引熟悉。即將該弁等全行撤回。所留兵丁。仍不得過兩班。以符定制。該大臣即將新到換防官兵。挑撥學習。嗣後不得藉詞再留。○諭軍機大臣等。保昌奏。伯都訥副都統吉勒通阿。具報任意咆哮公堂之協領。請旨交部議處等語。詳閱此摺。協領額凌額。惟將該副都統所交官員職名。併將該司關防印鑰。一併置放棹案而去。一節承認。其餘事件。俱未承認。吉勒通阿原報某件屬

實。某件過當。額凌額因何概不承認。雖該副都統協領無對質之例。豈當時旁聽無一人乎。若即如此含混交部議處。反不足折服額凌額之心。著保昌務須逐件秉公詢明。據實奏到時。再降諭旨。斷不可稍存庇護。將此諭令知之。○撫卹琉球國遭風難夷如例。○辛巳。

上至田村

孝慎皇后殯宮前奠酒。○諭內閣。長清等奏。查

明巴爾楚克。喀什噶爾屯田應升科則。酌定章程辦理。據稱巴爾楚克。喀什噶爾兩處屯田。自開辦以來。設法招徠。認懇之民。源源踵至。試種屯民。急公向義。請自十四年起。納糧升科。惟回疆距口內較遠。茲當創辦之始。祇有民人到屯認墾。尚無攜眷而來者。若倣照北路招民開墾成案辦理。每畝糧額輸納八升。科則稍重。未免無所區別。非所以廣招徠而示體恤。所有該處屯田應升科則。著照所

請。按每畝徵收小麥三升。俾屯民易於輸將。倍加踴躍。該參贊等務督飭委辦各員認真經理。不得於額外浮收。如查有弊端。即行嚴參懲辦。並出示曉諭認墾屯民。廣為招集。如有內地無業貧民。攜眷踵至者。撥給地畝。令其開墾謀生。妥為安撫。其喀什噶爾屯田。即著該城大臣等一體照辦。總期草萊日闢。田畝日增。兵食攸賴。足以壯聲勢而實邊儲。毋許日久懈怠。辦理廢弛。勉之又勉。以副朕慎

固邊陲軫恤羣黎至意。○壬午。諭軍機大臣等。有人奏。風聞浙江紹興府屬山陰縣捐納教職。辭維清在府城開設訟局。包攬呈詞。與伊族人住居松林地方之辭樸堂朋比訛詐。辭樸堂曾在江蘇藩臬衙門作幕。與府署幕友鄒姓聯絡。凡有控案。無不由伊經手。被控累累。又蕭山縣地方葉淦即葉七。平素兇橫。與訟棍王蓮溪即王石渠。聯為一氣。葉淦帶領朱阿六。鄭阿太。朱阿大等。到處訛索。其強

占產業。窩藏姦賄。被人訐告之案。不一而足。該匪棍等與縣令及門丁胥役等。無不交通。鄉里受其魚肉。近來伊等同族。亦遭擾害。上年十二月間。葉淦因訛錢不遂。將伊服孀王氏拳毆成傷。並將王氏之子葉永佳。關禁家內。刑拷數日。勒寫欠票。該氏控縣未究。本年三月間。葉淦又將小功服叔葉懋熙。拳毆數處。控經該縣驗明傷痕。以丁役為之解釋。遂不提究等語。浙省紹興府屬之山陰縣等處。地方。訟棍土匪。朋比為奸。肆意橫行。如果屬實。殊為閭閻之害。該地方官所司何事。著富呢揚阿督同臬司劉韻珂。嚴行訪查。提案懲辦。毋許疏漏。除莠所以安良。該撫等當實力查辦。不准為地方官規避處分。諱飾回護。稍有含混。將此諭令知之。尋奏。訊明辭維清。並無與薛樸堂開設訟局。朋比為奸之事。鄒希倩在府署。關防嚴密。與薛樸堂素不相識。葉淦亦無與王蓮溪勾結。毆傷尊長。窩藏姦賄。

等事。因鍾介周挾嫌唆告。請革去監生。坐誣問擬杖徒。下部議從之。○以故奉恩將軍哲崇額子廣瑞襲職。○癸未。諭內閣。盧坤奏。撤審知縣供情狡執。請暫行革職。審辦一摺。廣東學政李泰交在署自縊一案。前降旨著該督將署合浦縣知縣何正機。調取到省。並該學政幕友家丁等。一併質訊明確。據實具奏。茲據奏。提到何正機。疊次研鞫。恃無質證。任意狡卸。所稱家丁蔣貴告假回京之處。難保非有心匿混。虛實均應確究嚴辦。除將該已故學政現在幕友家丁。訊取確供外。其回籍之幕友許子松。張廷文。及家丁雙貴等。並在粵就幕之高振璠。均應提集質究。以期水落石出。揀發知縣何正機。著暫行革職。並著貴州巡撫將貴筑縣廩生許子松。貴陽府舉人張廷文。迅飭各原籍地方官查提。派委妥員押解赴粵。交該督提同應訊人等嚴訊確情。徹底究辦。毋稍含混。致有不實不盡。○又諭。

阮元等奏查辦思茅土職滋事始末情形。撤回兵練。並已革土職遠逃未獲。另擇承襲一摺。雲南思茅廳所屬已革車里土司刀繩武。因輕聽奸徒播弄。屢次集練。向其叔土舍刀太康鬩關。諭令解息。藐抗不遵。甚至脅兵求助。縱夷激釁。謬妄不職。前據該督等奏明業降旨將刀繩武土職褫革。嗣因其不知悔罪。仍復勾結猺夷。始終抗玩。經內地派弁兵攻捕。卡破練散。帶印潛逃。是刀繩武先之同室操戈。猶為可恕。後之糾結外夷。脅官跋扈。騷動內地。實屬罪無可逭。現據該督等飭令該鎮道委員分飭兵練。追蹤緝拏。諒已革土司遠逃邊外。不能再滋事端。自不值令兵練深入窮追。祇須責令沿邊隘目。留心偵查去路。密為購緝。並諭外域近邊土目。如逃入即行拏送內地治罪。其附和刀繩武之漢奸夷奸。幫唆聲釁。情殊可惡。雖據截獲王瀛等數犯。解省審辦。此外恐尚有倖逃法網。匿跡潛蹤。

必須密速訪拏。從嚴究辦。仍一面出示明白曉諭。不准此等奸徒妄肆雌黃。搖惑生事。所有前調兵練。著即撤回。其所遺車里土司世職。現在刀繩武既經負罪。帶印竄逃。家屬法應另徙。其子照例不准再襲。茲據該督等取具宗圖冊結。另擇合例之人。奏請承襲。著照所請。准其以土舍刀太康之長子刀正宗。繼與刀太和為嗣。承襲車里土司世職。以專責成。所有應行另頒銅印。著該部照例辦理。至車里極邊荒遠。接壤外夷。土司新襲。該督等務飭令該鎮道督飭該應襲土司暨土舍刀太康。各猛土弁等。慎守土職。內安外和。遇有應辦事宜。飭遵辦理。永靖邊圉。不得稍有貽誤。另啓釁端。致干罪戾。○以辦理雲南思茅廳邊務妥速。予知府林樹恆等升敘有差。○甲申。諭軍機大臣等。本日據都察院奏。沛縣生員張近思等。違控強究官隄一案。已明降諭旨交陶澍親提審訊矣。此案徐州府沛縣

生員張近思。童生張精一等。遣抱告蔣玉控。稱沛縣縷隄一道。上衛城池。下護民田。道光十二年七月內。有孫貫蘭。楊志孟。呂偉等。率眾各持槍鋤。疊次強挖官隄二十餘丈。後衝刷至四五十丈不等。並將護隄人毆傷。以致隄北居民。田廬被淹。當經拏獲幫同挖隄之孫俏。送縣供認屬實。乃增生梁雲。附生吳元宗等。捏詞插訟。竟將已獲各犯。任令保釋脫逃。疊經上控。延至十三年。僅獲呂道宗解往

徐州道審訊。行至中途。被呂道宗之兄呂道瑞。呂道賢率領多人。持械毆傷差役。將呂道宗劫去等語。案關盜挖官隄。自應嚴拏究辦。何以遲至數年之久。案懸莫結。且呂道宗既經拏獲解審。何以復被呂道瑞等糾眾劫去。殊出情理之外。著陶澍親提嚴訊。徹底根究。務令水落石出。並督飭所屬。將應訊各犯嚴拏務獲。歸案審辦。毋再延宕。致干咎戾。將此諭令知之。尋奏。說明隄係衝決。並非盜挖。張

精一誘令蔣玉等裝傷喊驗。並捏填張近思等姓名。砌詞京控。復因情虛逃匿。飭令嚴拏務獲。擬發邊遠充軍。蔣玉照不應重律杖責發落。張近思等訊不知情。應免置議。下部議從之。○乙酉。諭內閣。積貯為民食所關。各省倉儲。務令足額。原為地方偶有水旱。得資接濟。秋成之後。照數買補。出陳易新。法至善也。乃近年有司奉行不善。積弊相沿。一經動用。多視買補為具文。每於交代時折價抵穀。而

積貯遂至有名無實。直省額設倉穀。多至二三百萬石。少亦百餘萬石。如果實貯在倉。何至一遇荒歉。即至左支右絀。總由各地方官不肯認真經理。豫為籌畫。獨不思民間既鮮蓋藏。而倉庾又無儲備。一旦年穀不登。其何賴以無恐乎。著直省各督撫嚴飭各州縣。將額設倉穀現存若干。據實報明。其私行侵那者。固法在必懲。即有因公動碾者。亦著於每年所報收成分數摺內。查其年歲豐稔。立令

買補還倉。並將實存數目。隨時造冊報部。庶於各省倉儲多寡。瞭如指掌。一遇賑糶之需。即可由部照冊指撥。經此次訓諭之後。各督撫務當隨時稽查。盡心釐剔。儻仍有虧短虛懸等弊。一經查出。不特將各州縣嚴行治罪。並將各督撫從重懲處。決不寬貸。懷之慎之。將此通諭知之。○諭軍機大臣等。有人奏。川省倉儲漸致虧短一摺。據稱四川瀘州。為產米最饒之區。其社倉捐存社穀。計本地大斗一萬五千石。合京斗四萬餘石。本貯鄉間。嘉慶二十一年移入城中。其時據倉書具稟。實有大斗九千餘石。約京斗二萬七千餘石。外有折價制錢六千四百餘千文。又有將民田抵償社穀二百九十餘石。歷年並無借放支銷。今僅存京斗八千四百餘石。計虧短二萬餘石之多。至折價之錢。及抵穀之田。均歸烏有。又該省勸捐義倉。該州名為濟倉。經閬州士民捐銀一萬七千餘兩。置買良田。每歲收

租穀大斗五百三十餘石。合京斗一千五百餘石。歷今十五年。應存京斗二萬一千餘石。乃有蠹衿戀管把持。捏買谷成昌一業。有契無田。並無租收。道光十二年米價陡昂。民食維艱。該州士民請發濟倉。該知州又以賑民之穀。改而為糶。即以所糶之數計算。又短穀三千餘石。迨經該州士民。以社濟兩倉穀右虧短。疊控督藩道府。委員確查屬實。但以回省稟明歸結一語了事。至今穀尚虛懸等語。

各省社倉。為糧戶借放而設。義倉專為賑卹之需。民食攸關。豈容或有短缺。若如所奏。存倉穀石。任意虧短。甚至折價之錢。抵穀之由。均歸烏有。而改賑為糶。虧數仍多。迨經士民具控。又復延不究辦。如果屬實。尚復成何事體。著鄂山親提人證卷宗。徹底清查。如有侵那情弊。立即從嚴叅辦。毋稍姑容。並查明通省州縣。儻有似此虧短。著一併嚴行叅究。以重倉儲而裕民食。將此諭令知之。尋奏。瀘州

社濟兩倉。實有虧缺。現提經手人等質審明確。從嚴叅辦。至通省倉穀。有不免虧短之處。據各廳州縣具報追補採買。尚未足額。仍嚴催趕緊買補。不准續有虧缺。報聞。○兩江總督陶澍等奏。紳民捐資疏濬吳淞江。練湖。添建滾壩。加築圩埝。並修築華亭寶山二縣海塘。報聞。○禮部議准河南巡撫楊國楨疏。報採訪新安縣貞節婦女邵劉氏等一百十四口。淮寧縣趙蕭氏等三十二口。寧陵縣王李氏等五十七口。南陽縣雷房氏等三十六口。請各建總坊旌表從之。○貸江蘇蕭縣濬減水河銀。○丙戌。

上詣綺春園問

皇太后安。○諭內閣。上年十月間。因富僧德等咨送補放呼倫貝爾之護軍校人等步射平常。已將富僧德等嚴行申飭矣。惟念路途遙遠。且係初次。仍將擬正者補放。擬陪者記名。嗣後儘再有似此者。不惟將咨送人員不放。

定將該將軍副都統等一併懲處等語。所降諭旨極明。孟魁豈竟未見此旨耶。昨由正藍旗滿洲帶領孟魁咨送補放山海關佐領擬正之慶泰。擬陪之卓凌阿。步射均極生疏。箭太無準。離靶亦遠。騎射為滿洲根本。似此相沿日久。武事必至廢弛。所關綦重。慶泰卓凌阿著即駁回本處。所遺佐領員缺。著孟魁另揀步射嫺熟者。咨送該旗帶領引見。至訓練該管官兵騎射。係該副都統分內之事。乃孟

魁竟將此平庸之人揀選咨送。殊屬非是。孟魁著交部議處。○諭軍機大臣等。有人奏近聞喚咭喇國大船。終歲在零丁洋。及大嶼山等處停泊。名曰躉船。凡販鴉片煙者。一入老萬山。先以三板艇剝赴躉船。然後入口。省城包買戶謂之審口。議定價值。同至夷船館兌價給單。即雇快艇至躉船。憑單交土。其快艇名快蟹。亦名扒龍。礮械畢具。每艇壯丁百數十人。行駛如飛。兵船追拏不及。各洋呢羽等

貨稅課較重。亦多由躉船私行售買等語。海防例禁綦嚴。豈容夷船逗留。售私漏稅。且鴉片煙流毒內地。屢經降旨嚴行飭禁。自應實力查拏。務使根株淨盡。若如所奏。躉船之盤踞不歸。快蟹之飛行遞送。灌輸內地。愈禁愈多。各項貨物。恃有躉船售私。紋銀之出洋。關稅之偷漏。未必不由於此。著該督等飭屬即將躉船設法驅逐。快蟹嚴密查拏。勿任仍前停泊。致啓售私漏稅等弊。該夷船如或驅此

泊。彼巧為避匿。即責成巡哨水師認真巡緝。從嚴懲辦。勿得稍有諱飾。將此諭知盧坤。祁墳並傳諭中祥知之。○予故阿巴哈訥爾扎薩克貝勒巴勒楚克。祭如例。○丁亥。

孝恭仁皇后忌辰。遣官祭。

景陵○諭軍機大臣等。巴爾楚克。喀什噶爾。兩處屯田。前據長清等奏稱開辦以來。認墾之民源源踵至。請酌定應升科則章程。當經降旨允行矣。屯田為兵食攸關。果其草萊日闢。

原足以壯聲勢而實邊儲。惟思此項屯田。是否盡係荒地。抑係侵占回民產業。如以荒地招民試墾。俾貧民既可謀生。兵食亦可有賴。固屬籌邊要務。然亦必當計及久遠。民人日聚日眾。必有室家妻孥。即耕種無礙於回田。人既眾多。回民能否相安。亦當豫為料及。儻假開荒名目。竟將回民產業。強行侵占。將來內地無業貧民。紛至沓來。易滋擾累。不但回民生計日蹙。恐至別生事端。不可不防其漸。

著該大臣等確切查明。所有現在試墾屯田。如實係荒地。即劃清界址。撥給開墾。儻查有回產在內。趁此試辦之初。清釐尚易。該大臣等務須認真查勘。早為辦理。現在試墾業有成效。可否即以回易民。令其就近承種。尤可日久相安。彼時即可將認墾民人陸續妥遣回籍。亦屬一勞永逸。庶無後患。再屯田事務。本係派委周廷芬等承辦。此後如須遣送民人回籍。及改令回民接種。仍著責成周廷芬

等一手經理。如果始終奮勉。諸臻妥善。再行量予恩施。該大臣等若徇一時之小利。辦理不能妥協。日後致啓釁端。朕必將該大臣等從重治罪。決不寬貸。所有現在查辦情形。著長清、興德立即詳細查覈。毋庸會銜。各自切實具奏。毋稍含混。將此諭令知之。○調庫爾喀喇烏蘇領隊大臣那桑阿為伊犁領隊大臣。伊犁領隊大臣華山奏為庫爾喀喇烏蘇領隊大臣。○修築山東運河。加河上河。捕河。

下河。五廳土埽石壩。從河道總督吳邦慶請也。○戊子。諭軍機大臣等。本日據都察院奏廣東貢生邱時成違抱告邱駿具控拒殺擄搶一案。已明降諭旨交該督撫督同臬司親提嚴審矣。此案據該貢生控稱。被兇匪蕭緝嬉蕭吐白等。於嘉慶二十二年間。因索找屋價不遂。壘搶租穀。拒殺邱錫九。邱又新。二命。銃傷挑夫四人。控經該縣責令蕭姓房長蕭我贈交出兇犯。竟敢庇匿。至道光元年。始將

蕭緝嬉拏獲。解府病故。其正兇蕭吐白等。並未拏獲。統計前後。被擄禁男婦五次。截劫傷人三次。當官搶犯三次。搶割攔租。搶貨霸收。不計次數。其餘擄害不可勝言。歷控一十七載。據該抱告結稱。控經本府八十九次。本道三十三次。藩司九次。臬司十九次。巡撫十六次。總督十一次。批府提訊一次。均未親提。案關拒殺沈冤。擄搶肆害。積案疊疊。強暴公行。事關一十七載之久。歷控督撫藩臬道府。次

數如此之多。均未親提。該地方官究竟有無聞見。所司何事。似此匪犯逞兇。肆無忌憚。不獨為地方擄害。且恐釀成事端。况積案延捺不辦。一任其銜冤迫切。瀆訴曉曉。天良安在。著盧坤等迅即提集全案人證。悉心研鞫。秉公審辦。其未獲各犯。務即密速查拏。虛實均應徹底根究。以期水落石出。斷不准為地方官規避處分。稍有含混諱飾。致干咎戾。其歷經具控並未親提之督撫藩臬道府。著將歷

任職名。一併查明。據實具奏。將此諭令知之。尋奏。蕭緝禧因向邱時成索找屋價不遂。挾恨糾同蕭吐白等將邱錫九。邱又新。致傷身死。蕭緝禧等經縣緝獲。先後監斃。惟蕭吐白等在逃。嗣邱蕭兩姓疊次互控。族人尋釁滋鬧。與邱時成案無涉。邱時成牽敘京控。應革去貢生。杖一百。搶割田禾之蕭永敷。擬杖一百。徒三年。餘按律分別問擬。歷任各官。查取職名照例叅處。下部議。從之。○己丑補行道

光十二年軍政。福州駐防卓異官一員。年老官一員。分別議敘處分如例。○庚寅。命山東兗州鎮總兵官富森泰。來京引見。○修山東曲阜縣

至聖林廟。及泰安縣

泰山神祠。從巡撫鍾祥請也。○辛卯。諭內閣。敬敏等奏。庫項不敷應用。懇恩撥借銀兩。交商生息。以濟賞卹一摺。此項恩賞銀兩。既據查明不敷應用。自應豫為籌辦。著照所請。准

其於部庫閒款內酌撥銀十萬兩。發交長蘆鹽政。賞借該商人一分生息。每年應得利銀一萬二千兩。以四千兩歸還戶部。原借及宗人府庫。並盛京豫支之項。以二千兩添入盛京賞卹之用。餘銀六千兩。並閏月加增。添入在京宗室覺羅賞卹之用。俟將原借豫支之項歸完後。此項利銀。均添給在京宗室覺羅。及盛京宗室覺羅賞卹不敷之用。統計所借庫項十萬兩。及盛京豫支銀一萬八千餘兩。

宗人府庫豫支銀一萬三千餘兩。共銀十三萬二千餘兩。分作三十三年。埽數歸清。此項新息未到以前。仍照舊案。自下季為始。分作四季。每季支領銀一千五百兩。歸入在前發交兩淮生息銀四十八萬兩利銀內。一併按季在部支領。所添盛京銀二千兩。仍照前案扣留部庫給發。用示朕篤念宗支。有加無已之至意。○宗人府奏。近來宗室覺羅婚娶。無論繼至數室。皆得給賞。未免毫無限制。請嗣

後宗室覺羅三娶及休妻再娶者不准給與至祿稍較優之鎮國將軍輔國將軍外任城守尉本身妻室子女紅白賞項擬應裁減其曾經犯案折園釋放本身婚喪事件亦應裁減自溺者往往託詞失足應一概不准支領從之○以翰林院編修李星沅為四川鄉試正考官宗人府主事彭作邦為副考官翰林院編修徐雲瑞為湖南鄉試正考官許乃安為副考官○壬辰諭內閣御史翔鳳等奏請

查禁漕務積弊一摺上年江蘇江西各幫漕船抵通交卸多有虧欠共計三萬六千餘石之多總由丁力疲累各弊叢生據該御史等奏稱州縣收漕半由折色及兌漕時令積慣包漕家人向米鋪賤價買備低潮米石恐眾丁不肯受兌勾通各幫頭伍刁丁暗中議給每石津貼銀四五錢不等刁丁吞蝕大半散給懦丁者不過十之二三懦丁因開行限促勢不自由所入者少則水次各項開銷難於

敷衍不得已從而折乾或數十石或百餘石不等是受兌之時已形虧短兼之潮米入船經風晾乾米粒益小交卸之時焉得不欠又各幫領運千總每船需索陋規之外或藉言生日或婚嫁等事演戲設席斂取分金頭伍刁丁又復從中冒濫開銷格外添派扣去應領水腳銀兩竟至百餘金之多空運千總其費較少然亦不免苛派擾累又漕船行抵內河提溜打開頭伍刁丁勾串運弁及漕標員

弁各開夫頭虛報人數冒開夫價批定傳單向各船勒取每大開夫價用至二十餘千之多丁力因之益疲又漕船各幫皆有走差之人因水次及沿河大小衙門有與漕事相涉者其家丁書役人等無不向幫船索取使費眾丁未能認識皆倚走差之人為耳目其人即沿途包攬科斂分肥大為旗丁之蠹又漕船挽入天津或於楊村河西務一帶將米寄載撥船每軍船一隻其糧須分撥船二三隻

雖經旗丁派人看管。無如撐駕撥船。多係無賴之徒。攜妻帶子。乘隙偷竊。繼恐米數短少。則用藥水灌漲。復攙以糠土。又賄商經紀。朦混交卸。漕米之潮離。大率由此。又漕米由外河撥入裏河。經過五閘。時而用船裝載。時而用夫搬扛。口袋易致破損。迨至二三進時。破損尤甚。必須勤加縫補。乃撥船一隻。裝至四百餘袋。祇仗代役一人。既防船戶偷漏。又須縫紉口袋。勢難兼顧。漕糧為天庾正供。顆粒不容短少。若如該御史所奏種種弊端。糧石之虧。旗丁之累。胥由於此。不可不嚴行查禁。著有漕各督撫。及漕運總督倉場侍郎。轉飭該管各官。將以上各項弊端。實力稽查。認真釐剔。務期於倉儲丁力。兩有裨益。以除積弊。而肅漕政。○又諭給事中金應麟奏各省相驗闖殺之案。填註含混。各省秋審案件。金刃闖殺者最多。凡應實應緩。無不以屍傷為憑。而詳覈屍傷。又無不以屍格為據。若如該給

事中所奏。近來外省填註屍格。有統填刀傷者。有扎劃不分者。甚至將骨損者亦填劃傷。該州縣於相驗時。凡帶劃者深不遁分。與扎傷本自迥異。萬無不能分晰之理。其意以為屍格一填。即須詳報。不如犯供之可以隨時改易。故統填刀傷。則後日之認扎。認劃。問官皆得自主。其賢者惑於救生不救死之說。使犯供避重就輕。不過意存姑息。而不肖之徒。乘機作弊。教供串改。受賄營私。無所不至。更

有一種州縣。憚於遠行。轉委佐雜。該佐雜不敢擅專。籠統填註。以待印官審鞫。夫相驗之時。印官親率吏件。傳齊鄰佑。眼同屍親。當場喝報。勢難遮人耳目。即有疑似之處。不難指示分明。免滋藉口。乃於此時含混填註。轉欲以犯供為憑。迨至定案以後。或改裝情節。或具結請檢。輾轉呈訴。拖累多人。歷時既多。屍遭蒸檢。胥役從中訛詐。訟師因而教唆。各種弊竇。勢所不免。殊非慎重人命之意。嗣後著

各該督撫飭令各該州縣於相驗時詳細辨認。務將扎傷劃傷分晰註明。不得統填刃傷。以杜牽混。儻不肖州縣。有性耽安逸。弔屍驗視。及厭其穢惡。不敢近前。並率准疏遠屍親。混行攔驗。以致作作人等滋弊者。俱著各該管上司隨時訪查。遇有前項弊端。立即據實從嚴叅辦。無稍姑容。以重民命而息訟端。將此通諭知之。○又諭慶山等奏請酌留換防弁兵一摺。烏里雅蘇台綠營弁兵。每屆五年

期滿更換。並酌量留駐弁兵一半。以資熟手。茲據奏稱。該弁兵等扣至道光十五年。五年期滿。例應更換。著照所請。准其於額設換防守備千總把總外委六員內。擇其年力精壯。差使奮勉。通悉蒙古語言者。留駐三員。由馬兵保舉。已得實缺把總外委六員內。留駐三員。馬步兵二百四十名內。留駐一百二十名。俾資熟手。其餘弁兵。全數更換。至此次所留弁兵。俟下屆換班時。著即全行更換。以符定

制。○諭軍機大臣等。有人奏四川總督鄂山署內。有門丁楊姓。並幕友楊姓兩人。朋比為奸。在外招搖。又有內署服役之僕婦馬氏。即馬二奶。交通作弊。指稱內線。受賄營私。該省有三楊開泰一馬騰空聯句。上年有馬邊廳同知趙岳蘭。謀幹瀘州美缺。稔知丁憂已滿。延不回籍之候補從九品段崇善。與督署家人高五。及馬氏等交好。趙岳蘭令伊弟浼其說合。給付銀一萬兩。嗣因瀘州知州不肯騰

缺。趙岳蘭向其退贓。段崇善在府首告。督臣以楊姓幕友身故。令高五送柩回陝。該府吳秀良。係督臣保奏之員。將高五姓名訛寫。備文關傳。未能到案。遲延半年。欲令說合。督臣又未將馬氏交出。並不奏明迴避。以致物議譁然等語。鄂山身任總督大員。家人幕友。自應嚴行約束。不許干預公事。若如所奏。門丁楊姓。與幕友楊姓。朋比為奸。甚至僕婦馬氏。指稱內線。交通舞弊。同知趙岳蘭。欲謀美缺。

免段崇善用銀一萬兩。向家人高五及馬氏等說合。迨至缺未騰出。控府退贓。該督輒稱楊姓幕友身故。高五送柩回陝。該府吳秀良又復訛寫高五姓名。故令延不到案。以為說合地步。該督又未將馬氏交出。如果屬實。殊出情理之外。著鄂山明白回奏。並自行確查。據實究辦。務期水落石出。不許稍有諱飾。儻意存消弭回護。致有不實不盡之處。將來經朕派員查出。抑或經人控告。鄂山自問當得

何罪。慄之慎之。將此諭令知之。○戶部議准陝甘總督楊遇春疏。報靖遠縣新墾旱地四頃九十八畝有奇。照例升科。從之。○癸巳

上詣綺春園問

皇太后安。○

孝慎皇后殯宮月祭。遣官行禮。○諭軍機大臣等。裕泰奏。護送貢使知府在黔自盡。雲南普洱府知府成斌。護送緬甸貢使自京回滇。行至貴州省城。在歇店自縊身死。據該撫派員

驗訊。並率同在省司道親往看視。據該故員之家人李升。呈出遺筆一紙。係謗污過甚。欺辱難堪。不孝不孝。此顛倒車里土司之報應也。二十三字。又訊據該家人李升及陳魁張興。供稱伊主自京轉回。行至黔省黃平州地方。忽稱胸膈悶脹。不能飲食。此後精神昏亂。言語恍惚。常稱有人辱罵。並稱在思茅廳做官多年。不能辦理妥當。以致車里土司鬧事。擾累百姓。必有惡報。又思念老母在滇。不能

即時見面。時常歎氣。稱欲早死。連日忽明忽昧。伊等時加防守。四月二十四日到省。住歇恩榮店內。又稱店中有鬼。二十六日。伊主服藥後。聲稱困倦欲睡。令伊等出房。即在房內用麻繩拴繫牀架上自縊。伊等進房驚見。解救無及。當在懷內檢出遺筆一紙。伊主在路上並無與人口角等情。復傳同護貢使之武定直隸州知州金澈查詢。亦稱該故員在途時有痰迷形狀。並無別故等語。案關知府大

員在途自戕。必應徹底查訊。著阮元、伊里布、即親提該故員隨行家。人李升、陳魁、張興等。並案內應訊人證。確切根究。務將該故員遺筆內所稱謗污過甚。欺辱難堪各情。究明係何人謗污。何人欺辱。至該故員在思茅廳任內。辦理車里土司。如何顛倒。關繫吏務。尤須逐一確查。該督等務當秉公審訊。認真辦理。不得因該員業經身故。稍存諱飾之見。致有不實不盡。將此諭令知之。尋奏傳問護送貢

使同行文武各員。俱稱成斌因疾引邪。昏迷自盡。並無別情。至車里土司事務。係由該鎮道公同商辦。非一同知所能顛倒。得旨。既無別情。無庸置議。○以正藍旗漢軍副都統綿岫署正黃旗護軍統領。○改安徽鳳陽府同知為鳳廬分防同知。定為題調要缺。移壽春鎮標中營右哨千總駐下塘集。作為分防千總。下塘集額外外委駐朱家港。從兩江總督陶澍請也。○甲午。諭軍機大臣等。多爾濟喇

布坦等奏。謹將俄囉斯額爾口地方固畢爾納托爾各覆該王大臣等清書俄囉斯原文呈覽一摺。我中國於界連各外國部落地方。凡有各行事件。俱應遵照舊章辦理。毋許稍有更改。此次理藩院咨行俄囉斯薩納特衙門文書。多爾濟喇布坦等。並未照例派員齎送薩納特衙門。祇交恰克圖齎送俄囉斯瑪玉爾。又未將途遇大雪之處。於文內聲明。致令俄囉斯等轉為言及。殊屬不成事體。此事

實係該王大臣等辦理錯誤所致。若云雪大西北邊界狂風大雪。比年皆然。此亦顯係藉口之辭。多爾濟喇布坦。廉敬。多爾濟納木凱。俱著嚴行申飭。嗣後如有與俄囉斯交涉事件。務須查照舊章。悉心妥辦。斷不可如此任意。致令外藩輕視。將此諭令知之。○江蘇巡撫林則徐奏。緝獲藉荒滋擾匪犯及圖財謀殺漕船水手多名。按律懲辦。得旨。猛以濟寬。當時之亟務。勉力勿懈。以副簡任。○戶部議

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十二

敕修

道光十四年甲午六月乙未朔諭軍機大臣

等。本日據訥爾經額等奏。叅妄拏釀命之通判。請旨革職審辦一摺。已明降諭旨交該督等嚴行審訊矣。此案兼署湖北荊州府通判事理事同知恆敬之門丁胡升。因素識之邵文希告知劉慶雲販賣鴉片煙土。可以訛詐圖利。哄令恆敬查街。先囑火夫廖忠赴棧買出煙土。差役朱正明等將棧夥楊和貴等。並劉師友拏獲。將劉師友踢傷臍肚。拖走帶署。恆敬因劉師友不認販賣。杖責交保。越二日

身死。既據廖忠供認胡升給錢赴棧買得鴉片煙土。胡升亦供認串商圖詐屬實。難保非夥串栽誣。案關職官妄拏釀命。不可不確切根究。恆敬業經革職。著訥爾經額。尹濟源。親提人證卷宗。嚴切究明。如何串詐妄拏毆踢刑訊。劉師友實因何傷致死。並究明廖忠所買鴉片煙土確實來歷。是否係劉師友販賣。抑係胡升廖忠等夥串栽誣。務須詳細確查。無稍含混。將此諭令知之。尋奏說明胡升誘

買劉師友吸贖煙土索詐不遂。將劉師友踢斃。依律擬斬。朱正明。廖忠。邵文希。夥同串詐致斃人命。均依為從擬流。恆敬訊無授意妄拏情事。業經革職。應毋庸議。下部議從之。○以故阿巴哈納爾扎薩克貝勒巴勒楚克子彭楚克桑布襲爵。○以盛京工部侍郎烏爾恭額幫辦邊務。兼管移居宗室事。○禮部議准。河南巡撫楊國楨疏報。採訪武縣貞節婦女劉周氏等二百二十二口。汝陽縣穆劉

氏等八十四口。獲嘉縣陶李氏等一百九十三口。虞城縣王黃氏等三十九口。請各建總坊旌表從之。○修熱河平泉州監獄。從都統武忠額請也。○准江南蘇州鳳常淮安三幫軍船沈溺米石分限買補。○丙申諭內閣。蘇勒芳阿奏。伊胞兄分賠關稅銀兩。無力完繳。懇恩代賠一摺。前任福州將軍薩秉阿。於短收閩海關稅額外盈餘銀兩。應分賠銀四千五百七十四兩零。經戶部議准。著落分賠。勒

限二年完繳。茲據該將軍奏。伊胞兄一介戎行。素無蓄積。請令胞姪固慶就近呈繳銀五百七十四兩零外。其餘銀四千兩。於伊應領將軍養廉銀內。每年扣繳一半。須歷七年。方可扣清。此項分賠銀兩。帑項攸關。既經部議勒限著追。該將軍率以胞兄身後無力完繳為辭。將伊養廉按半攤扣。七年始清。殊與部限不符。且各關稅務。甫經戶部新定章程。甚為嚴明。自當遵照辦理。若因該將軍一人變

通部議。非所以示限制而慎帑項。此項銀兩。仍著依限完繳。該將軍所請。著不准行。○又諭。明倫奏。准開漏課。惟青口易於繞越。查禁難行。該處並無關口。來往稽查。不能得力等語。關稅為國用攸關。均係久經酌定數目。相沿徵解。豈容以今昔情形不同。藉詞繞漏。病權。不思設法查禁。輕議變通舊章。上年慶琛以准關稅課。惟青口繞漏病權最大。奏請試行。設口徵收。補還漏課。當經戶部議駁。現在

該監督以准關漏課。幾成積重難返之勢。雖據稱水荒災歉。南北商貨滯銷。總在該監督體察情形。設法整頓。實力稽查。將各種弊端逐一剔除。總期便民順商。於權稅自大有裨益。並著陶澍。林則徐。會同明倫。熟商妥辦。嚴密稽查。以期關稅日有起色。毋許藉詞漏課。辦理稍有不善。致干咎戾。懍之慎之。○諭軍機大臣等。長清等奏。查明烏什有安集延進卡情形。經該大臣等開導曉諭。該夷甚屬帖

服。並屢經遣人出卡偵探。附近布魯特各愛曼亦皆安靜。並據飭令伊斯瑪依爾。向霍罕現住葉爾羌之弔噶爾拜詢問。該伯克有無欲向布魯特抽收馬稅之事。據稱並無其事。體察該夷現在情形。尚知恭順。此次前來烏什之安集延。伊斯瑪依爾等七人進卡。帶來霍罕頭目伊薩字據。或係無知匪徒。假捏撞騙等語。外夷撫馭道在羈縻。該夷人如能照常恭順。必應明諭大義。開誠布公。不特彌縫

其釁。自當折服其心。此次前來烏什之安集延。該大臣等奏稱。無知匪徒。假捏撞騙。所料不差。該夷現在情形。既准通商。並免抽稅。自愈當感激恭順。遵守舊界。長受厚恩。該大臣等並諭知該夷等。似此安靜貿易。絕不滋事。大皇帝深知該夷恭順。格外喜歡。爾夷等始終不渝。自可永承恩賚。總須明白曉諭。加意懷柔。俾該夷盡絕猜疑。潛消反側。即伊等前來通商貿易。亦當加之體恤。以示天朝寬大。

自可歷久相安。至各城應飭邊備。總當於無事之時。格外留心。該霍罕現在恭順情形。諒無他慮。惟夷人犬羊成性。反覆無常。不得扭於目前。稍疏防範。各城兵丁務須隨時操演。一律精銳。以樹先聲。俾外夷知官兵精壯。自然聞風生畏。不致妄啓釁端。至於各城回眾。尤須妥為撫馭。一視同仁。斷不可稍事苛求。致生怨懟。其沿邊一帶卡倫。必須時加防備。嚴密稽查。固不可怠玩因循。致奸宄潛生窺伺。亦不可張皇喜事。輕出邀功。總期慎固邊陲。鎮靜撫綏。妥為經理。是為至要。將此各諭令知之。○改廣東連山綏徭廳司獄為要缺。合浦縣珠場司巡檢為簡缺。從總督盧坤等請也。○添製湖南江華縣錦田鄉新設防兵礮位軍械。從總督訥爾經額等請也。○蠲緩葉爾羌喀什噶爾英吉沙爾三城回戶舊欠糧石有差。並免喀什噶爾英吉沙爾二城動缺備貯糧石尾項。○丁酉。河東河道總督吳

邦慶奏。丈量黃運兩河官隄民堰。劃清界址。建立石碣。查禁居民偷種麥菜。得旨。此乃因循日久。苟且從事。汝能逐漸清釐。整飭。不愧委任。可嘉之至。勉力為之。勿懈。○以拏獲福建臺灣逆案餘匪。並播造謠言匪犯。予千總伍應龍等升補有差。○修福建水師提標中營右營並澎湖水師協標左營戰船。從總督程祖洛等請也。○修廣東內河三路巡船。從總督盧坤等請也。○以福建省城米價昂貴。

命平糶倉穀。○庚子。

上詣綺春園問

皇太后安。○諭內閣。琦善奏。監犯嚇詐同囚。凌虐受贓。分別定擬一摺。此案直隸通州監犯童三。因毆斃人命。審擬絞候監禁。膽敢在監號充牢頭。私開鑪鑪。詭索錢文。商同監犯梁三。設立兜三折等項。非刑名目。屢次將同囚張斌等恣意凌虐。嚇詐多贓。實屬兇惡顯著。梁三係強姦幼女已成。擬斬秋審入實。遇赦。

改緩監候之犯該犯自稱鎖頭因童三向其商謀訛索同囚執授以磨折之方幫同虐詐雖訛索係童三起意究由該犯教令童三設立種種非刑厥罪惟均童三即童憫俊著照該督原擬絞決即行絞立決梁三即小梁三該督原擬將該犯依原犯斬罪趕入本年秋審情實將來秋審時亦必予勾梁三著改為斬立決○又諭本日據琦善奏審擬監犯嚇詐同囚凌虐受贓一案已降旨將該犯童三等分別立正典刑矣各省地方設立監獄原以羈禁罪囚毋令滋事至一切刑具本有一定豈容年久監犯私立牢頭鎖頭名目造作非刑任意凌虐藉以訛索錢文難保非禁卒人等勾通授意影詐分贓種種弊端總由有獄管獄各官漫不經心玩視監獄所致國家刑章之設以懲有罪果其情真罪當原不得稍事姑容若似此縱容兇惡罪犯凌虐同囚是各犯既受法中之罪又罹法外之刑該地

方官所司何事乃竟毫無覺察一至於此直隸如是想他省亦所不免著各直省督撫府尹等嚴飭所屬各府州縣等官認真稽查儻有前項弊端立即將禁卒監犯人等從重懲辦毋稍徇縱至失察處分果由各該地方官自行查出隨時究辦尚可加恩量為寬減如平日漫無查察以致禁卒罪囚人等膽敢創立非刑恣意嚇詐一經發覺定將該地方官重治其罪並將該管各上司從嚴懲處決不寬貸勿謂誥誡之不早也將此通諭知之○

修直隸無極密雲谷城阜城正定懷柔六縣並南路廳監獄無極密雲深澤臨城涿大城長垣趙滄九州縣倉廩從總督琦善請也○濬湖北沔陽天門二州縣牛蹠支河漢陽縣通順支河並修築濱臨江漢各隄從總督訥爾經額等請也○減江蘇丹徒縣水衝蘆田十八頃九十五畝額賦科則○辛丑諭軍機大臣等本日據富呢揚阿奏海塘工程前請

捐辦大盤頭一座。業於四月上旬趕辦完竣。經歷四五月望朔兩汛。頗能挑溜中趨。尚屬得力。如果抵禦伏汛。屹然不動。當相度地勢。再建數座。以禦頂衝等語。海潮逼近塘根。必須抵禦有資。方免衝刷。既據該撫查明。所建大盤頭一座。實為得力。著趙盛奎嚴煥富呢揚阿體察情形。悉心妥議。此項大盤頭工程。如果實能挑溜中趨。歷久無弊。俾通塘大局。日有轉機。即著相度地勢。據實奏明。再行添建數座。以資捍禦。總期於工程實有裨益。而帑項不至虛糜。方為妥善。將此諭令知之。○修浙江石塘坦水各工。從巡撫富呢揚阿請也。○壬寅。

上御勤政殿聽政。○諭內閣鍾祥奏遵查省垣官吏。並無挾伎包倡情事。前據給事中金應麟奏。山東省城伎女。投靠府縣差役。得與官員結納。甚有攜帶稿件。在彼票發者。現在武定府知府湯世培。年老多病。其子常宿伎家。

撞騙招搖。寄妾幕友。鄧老五家。以致官員聚飲。關說公事。當經降旨交鍾祥嚴密訪查。據實具奏。茲據查明。省垣官吏挾伎包倡一節。所稱拉緯闊爪。及一箇官一箇爪等項。混名皆係二十年前舊語。現在實無其事。此時省垣各衙門相率儉約。所屬正佐各官。服食用度。尚形支絀。侈靡遊蕩之風。不待禁而自禁。亦從無攜帶稿件。在此等處所票發之事。至所指菜園子等處。為倡伎窩藏之所。現在查

按無獲。其關廂靜僻處所。訪獲倡婦王孫氏等。再三究訊。實無衙門中人來往。又查武定府知府湯世培。前在首邑三年。並未暫請病假。現在該府耳目清明。步履健壯。精力一切如常。實非衰病。湯世培共有三子。一名臣萊。現在署肄業。並不交接外人。一名臣鵬。捐納從九品。於道光六年分發四川。惟伊長子臣尹。隨任歷城。管理家事。年少性浮。素喜外務。曾經買妾王氏。實非倡伎芙蓉。湯臣尹已於

十年病故。至湯世培在歷城武定兩任。查無幕友鄧老五其人。祇有歷城任內所延幕友滕鏞。行五業於十年辭館。現經傳訊。稱無勾引招搖情事。提訊伊家丁俱供。湯臣尹專管家務。不能干預公事。無從關說。臣尹早已病故。無憑再為質究。省會地方人煙輻輳。良莠不齊。必須實力稽查。方足以挽回風俗。至官吏挾伎包倡。藉以夤緣囑託於治道官常。尤有關係。既據鍾祥逐細訪查。稱無其事。但防微杜漸。更當認真查察。有犯必懲。嗣後該撫務須督飭藩臬兩司。嚴申禁令。時刻稽查。如各官稍有蕩檢踰閑之事。即行據實劾參。從嚴懲辦。不准稍有徇隱。以端風化而肅吏治。至該撫摺內數稱湯守並未書名。大屬非是。著嚴加申飭。○又諭楊國楨奏營貯火藥轟發。請將該管將備解任提訊一摺。河南懷慶府城之北門月城城樓。向貯左營火藥。適因雷火轟擊。被燒火藥一萬六千八百斤。惟轟

發時傷斃居民八人之多。而看守兵丁竟無受傷。且正值欽差到彼閱兵。查驗軍儲之時。難保無平時虧短。恐被查出。裝點被焚情弊。該管之署中軍遊擊黃振陞。守備陳繩佐。均著暫行解任。交該撫提同看守兵丁。確切研訊。據實具奏。尋護巡撫栗毓美奏。訊明實係雷火轟發。並無裝點別情。下部知之。○又諭御史曾望顏奏。外省州縣玩視過境餉鞘。並不照例撥給夫役護送一摺。各省餉鞘過境。該地方官應付夫役。文武衙門各派防護官弁兵役。沿途催趲。不許逾限。定例綦嚴。所以防疏虞而免遲誤。若如該御史所奏。廣東差官張元慶。胡允珍。陳樹極等。領解粵海關餉銀。均逾限三箇月始行到京。方士俊領解太平關餉銀。逾限四箇月始行到京。此外尚有逾限一二月不等。查詢遲延之故。均係沿途地方撥給夫役。不敷運解。有一人而兼二人之役者。而文武衙門應派防護弁兵差役亦

常缺少。且有躲匿不前。竟無一兵一役護送者。遇有雨雪道路難行之時。各夫役紛紛逃散。竟至無人約束。外省州縣於過境餉鞘。並不照例撥給夫役。迅速運送。而應行防護之弁兵差役。亦任其躲匿不前。猝有意外之虞。咎將誰屬。近來疏失餉鞘之案。層見疊出。若不嚴行整頓。何以懲怠玩而儆將來。著直省各督撫嚴飭所屬地方文武各員弁。嗣後遇有餉鞘過境。務須恪遵定例。如數撥給夫役車馱。迅速運送。並按額委派弁兵差役。責令小心防護。如查有前項情弊。雖餉鞘不至疏虞。亦必從嚴懲辦。儻各州縣漫不經心。仍前玩視。准該解員於到京日據實呈首。以憑查叅。如各解員扶同徇隱。別經發覺。即著一併叅處。○又諭陳樂山前因誣告擬軍。不知悔改。輒脫逃來京。呈遞詩冊章疏。雖未封口。亦無違悖字句。但以不干已事列入疏內。妄行控告。實屬不安本分。著照例實發極邊煙瘴。

充軍。該犯恤刑疏內。牽控安徽太湖縣捕役潘玉等。誣竊私拷各案。著將該犯並鈔錄章疏。一併遞解安徽。交鄧廷楨訊明查辦。並查明該犯在配有無為匪不法別情。照例辦理。至該犯疏內所稱四川巴縣華陽縣捕役設卡淹禁。致斃多命。及擅用鴨兒鳧水等非刑名目。並安徽太湖縣卡房禁死軍犯賊犯多名。及捕役蔣元等行竊誣竊。私拷釀命各情。事關捕役私立卡房。非刑凌虐。必應確查嚴禁。著鄂山、鄧廷楨嚴查究辦。無稍寬縱。朕因該犯在配潛逃。擅遞詩冊章疏。是以治以應得之罪。疏內所稱各弊。亦不可以人廢言。更不可以該犯業經治罪。概置不問。該督撫等務當飭屬嚴行查禁。如果實有其事。即當奏叅懲辦。以儆蠹役而重民命。尋鄂山奏查明巴縣華陽縣捕役並無設卡淹斃多命。及擅用非刑情弊。得旨。稽查此等弊病。最易受人蒙蔽。非有發奸摘伏之手段。難得其實。汝其

勉之又勉。鄧廷楨奏。訊明蔣元曾充太湖縣捕役。因事革退。寓留乞丐何三行竊。量擬杖徒。潘玉訊無誣竊私拷。詐逼斃命等情。惟事主自將賊犯宋滿江拏獲。聽人勸釋。潘玉知情匿粟。先已革役。照不應重律杖責發落。下部議從之。○諭軍機大臣等。有人奏廣東首府辦災勒捐。虛飾賑糶。有名無實。民怨沸騰。一摺。已降旨派昇寅。賽尚阿。馳往查辦矣。據稱上年廣東省六七月間。被水衝決基圍。漂

沒田廬。傷斃人口。倒塌房屋。被災之初。巡撫朱桂楨親往巡視。民情安帖。迨該撫去任。一切皆廣州府知府金蘭原身任其事。委令佐雜人員。督同紳士。先向各殷戶。暨洋鹽二商勸捐。又派令珠玉綉緞棉花茶布等行。分股攤捐。並勒令在省鋪戶。概捐一月租銀。有不從者。即時禁押。以致物議紛騰。怨聲載道。且七月被災。遲至十二月始行議賑。又須極貧之民。方准散給。除殷戶自為賑卹。及窮民轉

散四鄉外。計待賑者不滿萬人。此次民捐之銀。不下四十萬兩。而賑卹所需。不過萬金。至奏報倒塌官民房舍。約計四千餘間。每間議給銀五錢。亦不過需銀二千餘兩。又何須勒捐至數十萬兩之多。該知府巧為掩飾。將銀委員發商。買米平糶。徒令市僧假手。貪民輟轉漁利。各處衝決基圍。已有借支籌備隄岸銀兩。發給修築。無須撥用捐項。該知府勒派捐輸。而議賑則有名無實。平糶則苟且無益。

民間怨讟。至稱該知府為剝皮金等語。各省偶遇偏災。官紳商民。情殷桑梓。踴躍捐輸。原屬善舉。豈容地方官任意勒派。致滋擾累。至散賑平糶。貧民賴以餬口。尤須認真經理。若如所奏。該知府金蘭原。始則借災勒捐。繼乃虛飾賑糶。難保無任意開銷。侵吞入己情事。自應徹底清查。以期水落石出。昇寅接奉此旨。俟河南查辦事竣後。著奕紀來京覆命。昇寅即隨帶司員。由河南馳驛前赴廣東。會同

賽尚阿秉公審訊。務將所指各情節。確切訪查。詳細根究。如果實有其事。即著從嚴叅辦。按律定擬具奏。斷不准瞻徇情面。曲為開脫。致有不實不盡。方為不負委任。原摺著鈔給閱看。將此諭令知之。○以工部左侍郎裕誠署錢法堂事務。內閣學士倭什訥署鑲紅旗蒙古副都統。○准山東已革大學士孫玉庭重赴鹿鳴宴。賞四品頂帶。○癸卯。

上幸靜明園。詣

龍神廟拈香。○諭內閣。御史鄭世任奏。請嚴禁各關積弊。據稱各關補放監督。攜帶家丁。派令分稽小口。該家丁等倚勢作威。小則需索飯錢。大則得規賣放。種種弊端。無所不有。又書役盤踞各關。客貨到關。倩人包攬。名曰包戶。亦曰攬頭。實則本處地棍。結交該關書吏。代為說合。其稅銀即交書吏代納。串通巡關簽量人等。以多報少。百弊叢生。上年安徽巡撫奏報。查抄蕪湖關書吏趙思孝侵漁借

款一案。即其明證。查部頒商人親填簿。原為防弊而設。近則視為具文。近來各關小口。竟有將應納貨稅減半賣放。並不交官。名為小進。此項銀兩。書吏藉以分肥。奸商因之漏稅。缺額之由。大率因此。又客貨到關。簽量捆載數目。按則納稅。無難立時覈辦。近聞外省各關。竟有貨船到岸。遲至五六日及七八日。始行簽量者。難保無奸胥猾吏。勒索刁難情事。又各關稅課按期起解。定例極為周密。近查粵海關道光十年至十一年。關稅尚未解部銀一十四萬四千五百餘兩。十一年至十二年。關稅尚未解部銀四十二萬六千五百餘兩。其十二年至十三年。關稅僅解到銀七萬二千兩。尚未解到銀九十六萬八千一百餘兩。新舊延壓。難保無那掩情弊等語。權稅為經費所關。豈容積弊叢生。致形虧短。若如該御史所奏。各種弊端。不可不嚴行飭禁。著各關監督嚴密訪查。無論大關小口。所派家丁。

務擇誠幹可用者。方准酌留。仍令各口輪流更替。儻查有情弊。立即嚴行懲辦。毋稍姑容。其客商大小貨載。概令押送大關。照例報稅。親填稅簿。以杜侵隱。貨物到關。隨到隨驗。兌收稅課。即飭放行。毋許留難阻滯。至粵海關報解稅銀。何以未解到銀至九十六萬八千一百餘兩之多。必須上年稅項全數解清後。始准將本年稅銀。按關期滿後三箇月內起解。以免積陳壓新之弊。其各關稅課。亦著依

限起解。毋許遲逾。經此次飭諭之後。各關監督等務須激發天良。認真稽察。以期稅課日裕。各弊肅清。儻再有前項弊端。一經發覺。朕必從重嚴懲。決不寬貸。將此道諭知之。○諭軍機大臣等。有人奏貴州興義等府一帶苗疆。俱有流民混跡。此種流民。聞係湖廣土著。因近歲水患。覓食維艱。始不過數十人散入苗疆。租種山田。自成。熟後獲利頗豐。遂結蓋草房。搬運妻孥前往。上年秋冬。由湖南至貴

州一路。扶老攜幼。肩挑背負者。不絕於道。均往興義等處。應行查禁等語。安邊莫要於除奸。撫夷貴安其生業。上年四川義邊等處夷匪滋事。係因流民占種夷田。肇釁地方官果能及早查禁。何至釀成事端。若如所奏貴州苗疆一帶。外來流民租種山田。絡繹不絕。愚民惟利是圖。趨之若鶩。將來日聚日眾。難保無狡黠之徒。始以租種為名。繼且據為己有。苗民受其盤剝。目前即倖相安。日久必滋爭

奪。甚或占據開墾。煽惑苗民。種種弊端。均所不免。不可不嚴行飭禁。著阮元。訥爾經額。裕泰。尹濟源。吳榮光。各飭所屬確切查明。現在貴州地方。外來遊民。有無租種苗田之事。是否均係湖廣土著。民人。一經查出。即行設法妥為遣歸原籍。交地方官管束。毋許一名逗留。致滋弊竇。並著該督等。即妥議章程。據實具奏。將此各諭令知之。○禮部議准。河南巡撫楊國楨疏。報採訪舞陽縣貞節婦女蔡劉

氏等一百六十口。睢州宋郝氏等十口。護河南巡撫栗毓美疏報。澠池縣周盧氏等三十一口。臨漳縣呂齊氏等一百八十七口。西平縣萬鞏氏等五十三口。請各建總坊旌表從之。○甲辰諭軍機大臣等。武忠額等奏。拆修廟宇工程一摺。據稱熱河布達拉廟大紅臺門罩木植朽。頭停坍塌。地腳沈陷。普寧寺山門外琉璃牌樓三座木植朽歪閃。情形較重。均請拆卸改修。酌量辦理等語。此二項

工程。既據查看情形。勢難保護。自應分別拆卸。著武忠額等另行勘估。據實具奏。至所稱於拆卸門罩外。將地盤沈陷之處。築打灰土補砌石面。照式修砌牆宇。及拆卸三面牌樓。改安木柵欄門之處。既經拆卸。改修活計。殊可不。著無庸另行辦理。此外各廟殿宇情形。將來並著武忠額等留心查看。可保護者。斟酌保護。儻或勢難保護。即可將殿內供奉佛像。歸併別處廟內供奉。總須臨時體察情

形。斟酌辦理。將此各諭令知之。○乙巳諭內閣。奕湘等奏。特參廢弛營房規制。致有僧人毆傷總管之翼長防禦驍騎校等各員。請交部嚴議一摺。此案該總管巴圖魯善。被屢經犯案。借營中居住之僧人。本真挾被逐之嫌。伺隙兇毆。受傷甚重。殊出情理之外。該翼翼長防禦驍騎校等各員。於犯案僧人來往營中居住。且將伊姪女與旗人長姓結親。即應查明稟報。早行驅逐。何致釀成此案。既經該

總管於五月二十九日飭令驅逐。即應於當日將僧人驅逐出營。仍復怠忽。因循。殊屬膽玩。此等兇惡僧人。若不從嚴懲治。何足以儆將來。該僧人本真。及旗人長姓。併一切卷宗。俱著解交刑部。嚴行審辦。巴圖魯善於此事起釁之由。為整頓營規起見。即是日便衣出營。並非前往茶館酒肆。係查看圍牆樹株。致遭兇惡。本無不合。惟於應行驅逐之僧人。本真。業經查出。並不交該翼長等派人看守。一

面飭令查明旗人長姓向奕湘等稟明辦理是其疏忽既經猝遭兇惡被毆成傷所請交部察議之處著加恩寬免至於守護

陵寢營房理宜清肅何至廢弛如是總緣歷任暨現管之貝勒貝子公兼總管內務府大臣等漫不經心形同木偶所致且該處官兵俱係同居一營迥非似京城旗人散處者可比有何難於稽查所請察議之處未免過輕奕湘有麟奎照等均有失察之咎著交宗人府

吏部議處其歷任失察之貝勒貝子公兼總管內務府大臣及總管翼長防禦驍騎校等著一併查取職名分別議處○撥江南南陵合肥定遠東臺泰興化青陽建德八州縣漕米一萬七十六石有奇給江安各屬幫丁災缺行月等米○修江蘇沿江各州縣水汛營房從總督陶澍請也○展緩兩淮板浦中正臨興三場節年災歉竈戶積欠折價銀○丙午諭內閣御史那斯洪阿奏倉庾重地宜慎

選人才畀以久任以收實效而除積弊一摺朕詳加披閱實屬窒礙難行京通各倉為天庾正供該管監督出納攸司職任自最關緊要各衙門保送監督秉公選擇定為三年更換之例且自道光四年間明定激勵章程所以祛積弊而慎倉儲者立法已極詳備總在該倉場侍郎等實心整頓剔除弊竇俾在任者責無諉卸接任者事有稟承該監督等俱當激發天良不敢意存玩泄如果振刷精神

謹遵成法辦理自臻妥協不在變通舊章若如該御史所奏倉差定以年限難於得人請變通三年更換之例將各倉監督倣照倉場侍郎鹽務河防等官亦皆定為專缺且謂各省州縣有倉庫之守畀以久任倉庾重地必須久任等語倉差三年更換原以慎防弊竇賢否易於稽查若久於其任更事既熟則玩泄易生必至通同作弊牢不可破且外省州縣經管係一省之倉庫京通各倉關係天下

之倉儲其事之輕重責之大小所不待言。何得援州縣久任以例倉差妄議更改成法。總之近來通弊在於有治法而無治人。若辦理不善徒思變易舊章以為補偏救弊恐除弊適以滋弊也。該御史所奏甚謬著無庸議。○禮部議准浙江學政陳用光奏宋臣孫覲品行有虧出處至不足道請將奉祀生裁汰從之。○丁未

上詣綺春園問

皇太后安。○諭軍機大臣等本日桂良奏特參已革知縣稟許苛索陋規之前任告病知府陳輔成已降旨革職交該撫提同案證秉公嚴審矣。此案該革員梁惠祖以本管前任知府陳輔成苛索陋規於該府告病去任並該革員甄別勒休被後任詳揭虧空後具詞稟許如果陳輔成平日潔已奉公何致平空被該革員稟許苛索規禮至一萬七千兩之多。梁惠祖既陸續餽送何以在任時不行具稟

於事後始行稟許難保無挾制情事且餽送收受均有經手丁役必應提案徹底嚴究以期水落石出著該撫秉公嚴訊務得確情如陳輔成苛索屬實固難寬縱僅梁惠祖誣訴亦應加重治罪總期無枉無縱以成信讞不准稍有含混諱飾將此諭令知之尋奏訊明陳輔成在任曾向梁惠祖借貸銀兩請從重發往軍臺效力贖罪梁惠祖虧空庫項請發往新疆充當苦差下部議從之。○以戶部侍郎吳椿為浙江鄉試正考官翰林院編修徐寶善為副考官太僕寺卿吳孝銘為江西鄉試正考官掌山東道御史常大淳為副考官翰林院侍讀學士侯桐為湖北鄉試正考官編修張集馨為副考官。○戊申諭軍機大臣等程祖洛等奏省城上游溪水驟漲查辦大概情形一摺據稱福建省城地方本年五月初十十一十二等日陰雨連朝上游溪水漲溢又值海潮頂阻宣洩不及以致沿河低

窪處所。暨省城西南二門東南之水部門。城廂內外積水丈餘及四五尺不等。各處廟宇營房塘汛火藥庫。閩縣侯官二縣衙署監獄倉廩。沿河各鄉民居田園道路橋梁俱被淹浸等語。此次水由驟至猝不及防。現經該督等率同司道親赴查看。淹斃人口幸尚無多。且天氣旋即放晴。積水漸退。已據派委幹員分別設法查辦。全活甚眾。民情安謐如常。至上游侯官所轄之竹崎五縣寨三巡檢所管

地方。及閩清縣溪水經由之區。衙署縣監均。有衝塌。田禾俱被淹浸。已委卸任之福州府知府戴嘉穀馳赴勘辦。其古田縣沿溪一帶。及延平府屬之南平縣等處。亦有被淹處所。自應一律查辦。該督等既委候補同知彭邦望前往確查。著即將此次溪水究從上游何處長發。務探其源。僅上游被水各縣有應行撫卹之處。即隨地隨時督飭各該地方官酌量被災情形。分別妥辦。據實具奏。又另片奏

稱省城米價昂貴。該督等先經委員赴近省尚幹等鄉。勸諭各殷戶認糶穀五千三百餘石。又廈門地方客販臺米較多。民食有餘。現在由廈門運省共米一萬九千六百餘石。又由省城泉州兩處商販臺米不下一萬餘石。該督等因恐省城平糶原撥米石運不足數。已撥古田縣倉穀一萬石。福清縣倉穀二千石。運省備糶。是現在省城穀米不為不多。足資接濟。著該督等飭屬認真經理。以濟民食。

至試用訓導周維翰將買到臺米三千石。助入糶廩減價售賣。又另備資本赴臺購米。運省散賣。以平市價。洵屬急公好義。如果力行不倦。著該督等查明具奏。量予恩施。將此諭令知之。○又諭樂善等奏福州駐防旗營官兵房屋被水情形一摺。據稱福州省城河水漲溢。城廂內外較低處所。俱被水淹浸。八旗滿洲營地面。在城內東北一帶。官兵房屋地勢較高。尚無妨礙。東南一帶。地勢較低。及臨

河居住各官兵房屋亦被淹浸該處兵丁攜眷四百餘口避處城上該督撫按日散給粥米該將軍等亦計口捐給麪餅等項妥為撫卹均尚安帖其福州三江口駐防水師旗營地臨海濱距省城較遠水勢易於分洩尚屬無虞等語該處省城猝遭水患情殊可憫現據該將軍等查明五月十七日以後天氣晴霽水勢消退被浸戶口漸次仍回旗營所有被淹官兵房屋著該將軍等親往查看確切勘明一面會同該督撫等酌量辦理一面據實具奏將此諭令知之○己酉

上詣

黑龍潭神祠拈香○諭內閣昇寅等奏審明羅世俊控案一摺此案河南桐柏縣解任知縣甯飛溟既經查拏羅甫興販私寄頓乃不照例科罪輒擅准贖釋放雖贓非入己後復獲犯惟故出人罪實屬謬妄甯飛溟著革職發往軍臺效力贖罪其殺斃民人楊元之在

逃兇盜著該撫轉咨鄰境各督撫一體實力督緝嚴密查拏務獲究辦至桐柏縣設立鹽廠是否應行裁撤抑或照舊辦理著楊國楨詳查情形妥立章程據實具奏○以兵部右侍郎龔守正兼署戶部右侍郎兼管錢法堂事務○旌表守正被戕山西高平縣民王秉忠妻任氏○庚戌諭內閣麟慶奏查明道光十二年徐州等四道屬另案工用銀數比較開單呈覽一摺南河徐州淮揚淮海常鎮四道屬另案各工連培隄築壩拋石修補石底挑河等案經該署河督查明共用銀三百四十八萬二千八百九十九兩零比較道光十一年計多用銀一百零八萬一千零九十兩零比較道光十年計多用銀八十五萬四千六百六十七兩零比較道光九年計多用銀九十七萬三千一百六十兩零國家經費有常豈容任意開銷况南河連歲安瀾于家灣缺口工程尚未列入比較而工用銀數加增

至一百餘萬暨八九十餘萬之多。似此逐歲增加。年復一年。伊於胡底。該署河督等務須激發天良。力加撙節。嚴飭承辦各工員。覈實經理。不得任意增多。總期歲需工項。有減無增。於工程實有裨益。而帑項不至虛糜。經此次訓諭之後。僅各工員有仍蹈從前積習。希圖浮冒支銷者。該署河督即當破除情面。立行叅辦。如稍存徇隱。一經查出。不特將各工員重治其罪。並將該署河督從重懲處。決不寬貸。

○又諭周之琦奏各屬被水情形一摺。江西省自五月以來。大雨時行。濱臨江湖一帶。低窪田地民居。多被水淹。據該撫奏稱。南昌府屬之南昌。新建。豐城。進賢。瑞州府屬之高安。臨江府屬之清江。新淦。峽江。吉安府屬之廬陵。建昌府屬之廣昌。南康府屬之建昌等縣。各報被水衝坍田廬圩隄。淹斃人口。間有城垣監獄倉庫驛馬被淹之處。著該撫遴委幹員。詳細確查。所有被災較重之區。先由

司庫籌撥銀兩。令監司大員攜往督同該地方官照例覈實撫卹。毋使一夫失所。僅查有不肖州縣藉辭捏報。立即嚴叅懲辦。毋稍姑容。此外尚有被水未據報到者。亦著一併查明辦理。臬司程懷璟前經允准來京陛見。現在被災著暫留彈壓。以重地方。俟災務辦有端倪。再令交卸北上。○諭軍機大臣等。據周之琦奏稱風聞贛州府屬之龍南縣因糧價偶增。設廠平糶。將多事之縣役枷號。有奸民

糾眾肆鬧。搶奪枷犯。並將官役毆傷。該府所屬地方民風素悍。遇災滋鬧。藐法辱官。毫無忌憚。以致正署人員視為畏途。多方趨避等語。所奏甚屬含混。該縣知縣因糧價增昂。設廠平糶。該縣役何以膽敢多事。所稱多事究係何項事件。且既經枷號。該處奸民何以膽敢糾眾肆鬧。搶奪。並將官役毆傷。至該處地方偶遇偏災。刁民如何藉荒滋鬧。其正署人員又何至視為畏途。多方趨避。著該撫即將

起釁情由認真確查據實具奏毋得稍有徇庇化大為小致長刁風將此諭令知之○辛亥封閉甘肅安西州普城山鉛洞從總督楊遇春請也○壬子諭內閣昨據御史海濂奏監督收貯米石並不先期呈報當交軍機大臣傳訊茲據訊明該御史於到倉之日曾囑該監督收放米石先期知照乃該監督等於本月十二日收稔米二千八百餘石遲至次日始行呈報實屬不合萬安倉監督安恆祥

麟著交部議處嗣後各該倉收放米石應如何稽查畫一辦理之處著倉場侍郎妥議章程具奏尋奏倉門啓閉收放米石係監督專責查倉御史職在稽查例於收放米石日期逐日到倉查察遇有查出弊端知會倉場侍郎奏聞並無收放米石俟御史到倉方准開倉眼同收放之例所奏應毋庸議從之○又諭前據都察院奏已故宗室崇慶之妻洪佳氏呈請回繳世職當交宗人府查明具奏茲

據查明洪佳氏係已故奉恩將軍恆瑾之長媳恆瑾所襲之職係因伊胞兄薩彬圖於嘉慶八年失察宗室慶成保滋事案內革去世職令恆瑾承襲嗣於嘉慶十六年薩彬圖與恆瑾分家由該衙門奏明辦理又於道光十年恆瑾之子五人分家亦由該族辦理報府有案均屬平允該氏遽稱伊子興瑞承襲伊祖恆瑾之職祭田租項入不敷出請將世職繳回覈與成案不符至薩彬圖之子福崑病

故以克勤郡王尚格之姪崇光承繼為孫並無次序不符支輩不合且薩彬圖與恆瑾分產時應各得隨甲四十三副今薩彬圖之孫祇崇光一人應仍食隨甲四十三副恆瑾有子五人以五人而分當日原分之四十三副隨甲故該氏之子興瑞名下應食隨甲八副該氏原呈所稱情節均屬不實所有洪佳氏藉口祭祀缺乏呈請回繳世職之處著不准行○諭軍機大臣等彥德奏民人私租蒙古

牧地拒捕傷官。請旨查辦一摺。據稱達拉特旗台吉人等。並驛站蒙古。各將牧地招民私種。其私種驛站草地之民人。因與達拉特旗境地毗連。越界侵種該旗遊牧。經該旗員子親往驅逐。被該民人恃眾持械砍傷二等台吉薩音吉雅。並毆傷跟隨人等二十餘人。該管驛站主事哈朗阿。托克托城通判盛福。並神木部員松阿禮。於蒙古民人交涉緊要案件。並不即時前往會辦。輒以專管承辦。及分

案查辦。互相推諉。延請簡派大員。徹底查辦等語。此等奸民。在蒙古遊牧地方。串通開墾。越界侵種。既據該旗將種地民人拏獲數名。送交薩拉齊廳。即應重懲示儆。乃延未究辦。致該奸民等不聽驅逐。拒傷台吉。毆傷隨從多人。該管者若即時查辦。何至有此情事。且蒙古民人交涉。案關緊要。此等奸民。必應立即查拏。從重懲辦。乃該將軍並不嚴飭該管各員。及早前往徹底查辦。任聽該主事通

判部員等顛項推諉。殊失撫馭蒙古之道。看該將軍竟是一糊塗之人。舍本逐末。有如此辦事之理耶。著鄂順安即遴派明幹道員前往該處。會同惠顯迅將此案確切查明。從嚴究辦。其奸民等如何私租牧地。倚眾持械拒捕傷官。必應按名嚴拏。大加懲創。不准草率完結。致蒙古民人復滋事端。其延不究辦之該管各員。著據實參奏。不准含混。將此各諭令知之。尋鄂順安奏。委歸綏道瑞福冀寧道

王青蓮。保德州知州林樹雲。前往歸化城會同副都統惠顯。將奸民田四驛孜等按名拏獲。從嚴懲辦。報聞。○引見翰林院及各衙門保送御史人員。得旨。袁文祥。孫日萱。王明。黃仲容。呂溶。劉夢蘭。沉澄。董宗遠。程川佑。易鏡清。俱著記名。以御史用。○以協辦大學士吏部尚書文孚。管戶部三庫事。○旌表守正被戕四川廣元縣民樊榮陞女寅娃。○癸丑諭軍機大臣等。據惠吉奏稱。探得越南撤兵後。

農文雲仍占住高平所轄之農通地方。該國現復調集夷兵駐劄扶桑。擬由農通進剿。農文雲亦自派兵防堵要隘。該處與小鎮安廳所屬之平孟隘魁來卡毗連。已飭各隘卡嚴密巡防。沿邊照常安靜各等語。越南與農文雲結怨已深。兵端勢難遽解。該國現又集兵進剿。應由小鎮安平孟等處經過。該國恭順有年。內外疆界分明。自無逾越之事。惟蠻觸相爭。勢難中止。既宜鎮靜撫馭外夷。尤須嚴密稽查內匪。當師行密通。或有兵丁書役及內地漢奸乘間混出。附和滋事。難保必無。且兵丁書役有數。按冊可稽。漢奸潛蹤匿跡。逞其伎倆。暗中指使。尤屬難於稽查。儻若勾通農文雲。詭計播弄。或至受其偽職。尚復成何事體。所關甚大。著惠吉等嚴飭所屬小心防範。實力稽查。毋許容留竄匪。及形跡可疑之人。務期內奸外匪無從竄越。以嚴控制而靖邊隅。是為至要。將此各諭令知之。○又諭。前

據武忠額等奏。拆修廟宇工程。當降旨著另行勘估。既經拆卸。不必改修另辦。此外各廟殿宇情形。並著將來留心查看。臨時體察情形。斟酌辦理。茲據覆覈具奏。除普寧寺柵欄門撤去不安。並大紅臺之四圍看牆宇牆亦無庸修補。惟將沈陷地盤。挖至根腳。出清渣土。另行築打。上砌石面。以便喇嘛僧眾等行走出入。其拆卸門罩。並牌樓等二項工程。及築打沈陷地盤灰土等工。極力撙節。共估計銀三千八百二十五兩零等語。此二項工程。既經拆卸。不必改修。前降諭旨甚明。該都統等祇須將拆卸錢糧覈實估計。其沈陷地盤築打灰土等工。俱屬無庸辦理。茲據該都統等所奏。總在工用之多寡講究。未明朕意也。其沈陷地盤處所。雖據稱為喇嘛僧眾等出入。不得不量為修整。實則此項拆卸工程。已屬糜費錢糧。不必再為修整。其喇嘛僧眾等棲止廟宇。如實係坍塌。即可歸併別廟棲止。

並此外各廟殿宇情形。將來仍著留心查看。如實係勢難保護。即將殿內佛像歸併別廟供奉。其喇嘛僧眾如何歸併辦理之處。已著理藩院議奏。該都統等總須臨時體察情形斟酌辦理。將此各諭令知之。○湖南巡撫吳榮光奏。永桂理猺通判所屬楊家鋪距猺山止數十里。請籌動差費餘息銀募設土兵五十名。按日防守。責成該處把總一律操演。仍歸該通判管帶。下部議行。○廣西巡撫惠吉

奏委員督辦各屬它捕蝗蝻得旨認真督飭按捕。如有不實心實力者。不准姑容。嚴參具奏。○烏魯木齊都統成格奏捐修昭忠祠。請將回疆兩次軍興陣亡各官兵人祀得旨允行。○甲寅

上詣綺春園問

皇太后安。○改鑄廣西平樂府分駐鍾山鎮理猺通判關防。從巡撫祁項請也。○禮部議准。護河南巡撫栗毓美疏報採訪溫縣貞節婦

女張李氏等二百六十一口。魯山縣谷陳氏等二百六十五口。太康縣吳柳氏等五口。湖南巡撫吳榮光疏報桂東縣黃李氏等八口。各請建總坊旌表從之。○貸直隸司庫銀一萬兩發商生息給通州協務關路二營弁兵催漕盤費。從總督琦善請也。○乙卯諭軍機大臣等有人奏風聞江蘇金山縣洙涇鎮。盛行一教有女大不嫁。養老終身者。浙江平湖縣有大被教。燒香集眾。夜聚曉散。不分男女。同被共宿。此外恐尚有別項習教名目。請飭嚴拏等語。奸民習教傳徒。聚眾燒香。蠱惑鄉愚。最為地方之害。不可不嚴行查禁。著陶澍。林則徐富呢揚阿。各於所屬查明。金山縣之洙涇鎮。有無邪教盛行。是何名目。浙江平湖縣。有無傳習大被教。聚眾燒香。並此外有無別項習教名目。務各飭所屬密訪嚴拏。如果實有此等情事。即將各教會匪徒。從重懲辦。務期盡絕根株。毋任遠颺漏網。除著所以安

良。仍須嚴飭差役奉公守法。不准妄拏無辜。藉端擾累。將此各諭令知之。尋奏查明江蘇洙涇鎮並無女老不嫁。及傳習邪教等事。浙江平湖縣亦無大被教。及別項習教名目。報聞。○欽差刑部右侍郎趙盛奎等奏。遵查浙江海塘工程。分別緩急趕辦。得旨覽奏均悉。俟望汛查勘明確。細心妥議具奏。○以內閣學士恩桂。順天府府尹吳傑。監臨順天鄉試。○裁甘肅皋蘭等九州縣津貼公費銀一萬一千八百兩。備安西州採買草價。從總督楊遇春請也。○丙辰。戶部議准。山西巡撫鄂順安疏請。將豐鎮廳屬豁賴溝順承郡王府馬廠。與正紅旗卓素圖等處地畝兌換。計墾地九百二十頃五十畝。照例升科。並將新設村莊撥歸豐鎮廳司獄兼管。從之。○丁巳。遣官祭火神廟。○以兵部右侍郎龔守正為江南鄉試正考官。掌廣西道御史趙光為副考官。翰

林院編修孫日蒼為陝西鄉試正考官。戶部員外郎況澄為副考官。○以捐修山東武城縣文廟書院並置地添助膏火。予八品頂帶王信等議敘有差。○禮部議准。護江西巡撫桂良疏報。採訪廬陵縣貞節婦女李劉氏等一百六十三口。護河南巡撫栗毓美疏報。項城縣鄭郭氏等二百十三口。封邱縣邊張氏等七十三口。四川總督鄂山疏報。涪州劉陳氏等四百三十口。郫縣彭吳氏等一百二十八口。井研縣王周氏等三口。忠州戴賀氏等三口。富順縣羅倪氏等二口。榮昌縣葉張氏一口。璧山縣黃雷氏一口。雅安縣彭李氏一口。新寧縣張劉氏一口。各請建總坊旌表。從之。○旌表守正捐軀山西太原縣民閻碩俊妻原氏。○戊午。諭內閣。本年八月十六日起。朕閱看前鋒營護軍營委護軍參領以上章京等步射。著兩翼前鋒統領。八旗護軍統領。每

日計排十七八員豫備○己未以刑部左侍郎姚元之兼署戶部右侍郎兼管錢法堂事務吏部右侍郎桂齡兼署兵部右侍郎○庚申。

上詣綺春園問

皇太后安○諭軍機大臣等有人奏前任廣東雷州府知府王玉璋終日以飲酒唱曲聽戲為事聲名甚屬平常該員前在廣東歷任多年現因起復仍發原省候補其在任果有挾

優飲酒行止不端等事斷難掩人耳目著昇寅賽尚阿行抵該省後密加察訪務將該員王玉璋向來居官聲名若何有無前項劣跡確切查明據實具奏毋得稍有隱飾此係密交查辦之件諒昇寅等自必倍加慎密斷不敢向盧坤祁墳告知致滋漏洩有負委任將此諭令知之○予勦辦四川清溪等處夷匪陣亡守備楊宗彪雲騎尉吳懷清把總屈懷貴外委張偉祭葬世職○辛酉

上詣

大高殿行禮○還宮○以孟秋時享

太廟自是日始齋戒三日○壬戌諭內閣前據隆文等奏請鼓勵達賴喇嘛正副師傅一摺當交理藩院議奏茲據查明該達賴喇嘛正師傅薩瑪第巴克什前已得有衍宗禪師名號著再加恩於原得衍宗禪師名號內賞加翊教二字副師傅嘉木巴勒伊什丹貝嘉木磔著加恩准賞給諾們汗教書印信其副師傅噶勒勒丹舊池巴阿旺念扎著加恩賞給班第達以示鼓勵至嘉木巴勒伊什丹貝嘉木磔之商卓特巴依什因布據稱代為約束屬下甚屬安靜係屬分內之事該大臣等請將該商卓特巴依什因布賞給達賴喇嘛職銜之處未免過優且與定例不符著該大臣等自行量予鼓勵○實授恩銘漕運總督鐵麟倉場侍郎轉兵部右侍郎奕紀為左侍郎以漕運總督署兵部左侍郎嵩溥為右侍郎○禮

部議准河南巡撫楊國楨疏報採訪舞陽縣貞節婦女王郎氏等六十六口。沈邱縣李張氏等六口。請各建總坊旌表從之。○癸亥。孝慎皇后殯宮月祭。遣官行禮。○調鑲白旗蒙古副都統賽尚阿。為鑲黃旗滿洲副都統。以刑部右侍郎祥康兼鑲白旗蒙古副都統。○以吏部右侍郎桂齡管咸安宮官學事。禮部右侍郎文慶管國子監事。兵部左侍郎奕紀充國史館清文總校官。○以緝獲江蘇洪澤湖盜匪。子都司黃琴等升敘加銜有差。○以緝獲安徽匪棍。子試用直隸州知州王恩植等儘先補用。○貸江蘇銅山縣修濬天然閣下河堰銀。○以貴州威寧州糧價昂貴。命平糶倉穀。

宣宗實錄卷三五四

四六

大清宣宗效天符運立中體正至文聖武智勇仁慈儉勤孝敏成皇帝實錄卷之二百五十三

宣宗實錄卷三五四

四七

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十四

監修總纂官臣等謹將宣宗成皇帝實錄卷之二百五十四
八府所屬各縣志卷之二百五十四
七倉大使等官同知縣志卷之二百五十四
內務府大臣等謹將宣宗成皇帝實錄卷之二百五十四
醫館通志卷之二百五十四

敬修

道光十四年甲午秋七月甲子朔享

太廟

上親詣行禮○幸圓明園○詣綺春園問

皇太后安○以達賴喇嘛班禪額爾德尼呈進

佛尊哈達降旨獎賚○乙丑諭內閣前據御

史許球奏請杜回漕積弊當降旨交戶部議

奏茲據奏幫丁抵通米石無故虧短定例發

南追賠限次年搭運交納原不准在通州天

津買米抵補况通州天津並非產米之區其

幫丁虧短米石名雖收買餘米實則影射回

漕弊混所滋於畿輔糧價最有關係嗣後遇
有幫船米石無故虧短著倉場侍郎照例將
欠糧旗丁拏交運官發南追賠勒限次年搭
運赴通交納母任拖欠以杜影射而符定制
至漕務法久弊生近年虧短之案層見疊出
既不准留通買補恐不肖旗丁恃有毋庸留
通勒追之條轉得僥倖苟免於目前以致任
意虧短於日後尤不可不防其漸著有漕各
省督撫轉飭各該管糧道於幫船受兌時如

有旗丁需索折色等弊立即拏究並嚴飭押
運員弁沿途加意防範母任稍有偷漏攙雜
仍責成漕運總督於幫船過淮時認真盤驗
不許顆粒短少儻到通後仍有虧欠除照例
發南追比勒限完交外仍將旗丁從重治罪
並將總運押運各員據實嚴叅至京城販戶
偷米出城本屬大干法紀著步軍統領衙門
順天府五城一體嚴拏究辦並著直隸總督
轉飭通州天津一帶沿河州縣嚴密訪查如

有奸商私販米石。接濟回漕。隨時拏究懲辦。以重漕儲而杜積弊。○又諭烏魯木齊道光六年軍需第三案內有未經造銷供支進征並凱撤官兵鹽菜馬乾車駝腳價及接運軍火等項銀五十七萬三千五百九兩零口糧麵二百一萬八千三百十五斤零前經降旨著該都統迅速妥繕清冊送部題結並著陝甘總督轉飭各該員弁上緊查造咨送覈覆毋許再事延玩茲據戶部查明該都統自奉旨之後迄今又逾半年仍未將銷冊送部似此任意延擱致令數十萬帑金日久虛懸殊非慎重經費之道著長清即遵前旨迅速妥繕官兵銜姓花名供支銀糧細數清冊送部查覈題銷如再玩延即著戶部嚴行叅辦前任都統成格延擱多年著交部先行議處○以戶部尚書穆彰阿正黃旗蒙古都統奕顥為閱兵大臣○丁卯諭內閣博啟圖等奏查出新挑馬甲百福保即董祥壽係大興縣民

人並非馬甲成安親生之子頂名冒挑錢糧經博啟圖等查傳到案備質之後旋即逃走董祥壽以民人濫入旗檔希圖分食錢糧殊非安分良民顯係懼罪脫逃著即革退馬甲銷除旗檔並著步軍統領衙門順天府五城一體嚴拏務獲交刑部審辦馬甲成安身係旗僕膽敢違例過繼民人之子為嗣族長驍騎校清安與伊胞兄成安商同舞弊均屬藐法已極成安著革退馬甲清安著解任一併交刑部嚴審定擬佐領額勒金泰印務參領塔清阿副參領保恆雖係自行查出究屬未能先事豫防著交部分別議處博啟圖等失於查察著交部察議○以正黃旗蒙古都統奕顥署工部尚書○以鑲紅旗蒙古都統哈琅阿署正藍旗滿洲都統○以御前大臣僧格林沁署正白旗領侍衛內大臣○以拏獲鹽梟出力予江南都司陳秉元升用並賞花翎○戊辰諭軍機大臣等本日據興德泰稱

霍罕伯克因准令通商免稅。實深感激。遣額爾沁愛連巴依等恭齋表貢。懇求年班入覲等語。該伯克謹備表貢。遣使入覲。實屬恭順。自應准其隨同年班各伯克進京瞻覲。額爾沁愛連巴依等行抵葉爾羌時。該大臣即照例筵宴賞賚。妥為辦理。務使悅服。並將起程日期。先行具奏。所有張格爾後裔及兩次用兵各情節。均不准向額爾沁愛連巴依等提及一字。至將來定有行期。例應派員護送。除

哈密辦事大臣。陝甘總督另行寄諭外。其餘由葉爾羌啓程經過各城地方。著該大臣即將該處現辦情形。行知各該大臣等一體遵照辦理。並派員沿途妥為照料。毋稍疏忽。又另片奏。上年九月間。有霍罕頭目諾爾巴依帶來之布魯特等搶奪之事。曾令額爾沁弔噶爾拜等差人出卡。曉諭驅逐。現在色呼庫勒地方。安靜無事。弔噶爾拜既經該霍罕伯克令其回去。自應派員護送出卡。至額爾沁

愛連巴依帶出裹脅索倫兵一名。民人一名。及喀什噶爾回子十六名。既經訊係被脅出卡。並無從逆情事。著即查照成案。分別遞回管束。照舊安置。惟所稱索倫兵一名。究係何處索倫兵。著查明照例辦理。將此諭令知之。○又諭寄諭哈密辦事大臣薩迎阿。幫辦大臣長明。陝甘總督楊遇春。本日據興德奏稱。霍罕伯克因准令通商免稅。實深感激。遣額爾沁愛連巴依等恭齋表貢。懇求年班入覲

等語。現已准其隨同年班各伯克來京瞻覲矣。該額爾沁愛連巴依等由葉爾羌啓程來京。所有經過哈密陝甘各地方。著該大臣並該督等照例妥為辦理。並派員沿途護送。務使安靜悅服。其入境出境各日期。仍著隨時具奏。將此各諭令知之。○己巳。

上幸萬壽山。詣

廣潤祠拈香。○諭內閣長齡等轉奏據博多歡呈稱。伊父阿那保年老。家中乏人照料。懇

將伊子遣回原籍。照料侍養等因。請旨一摺。阿那保年逾八旬。現時家中無人照料。著加恩。博多歡之子巴凌阿。准其辭退雲麾使。遣往原籍。交該將軍遇有對品缺出。令其坐補當差。俾得奉養伊祖阿那保。○又諭鐵麟等奏。請豫籌三進剝運無誤。以速回空一摺。本年南漕到壩。較上年為尤遲。必須迎剝起卸。以速補運。方不誤回空例限。茲據該侍郎等奏稱。本年除起剝二進漕糧。毋庸添雇民剝船外。其三進漕糧。全數在津迎剝。共計四十幫。米數一百六十六萬餘石。較之上年寄剝之米。多至一倍有餘。自應寬為雇備民剝船隻。以資轉運。而速回空。著該侍郎等。即豫飭天津道分飭沿河州縣。多備民船。妥為經理。並著直隸總督一體轉飭豫備。以期漕運無誤。又另片奏。天津北倉地勢低窪。難以久貯米石。惟該倉近在水次。如剝船未能應手。即將米石就近暫寄。俟船隻齊備。再行起運赴

通等語。此項米石。係就近暫為寄貯。非截卸北倉可比。著直隸總督督飭所屬。即將該倉豫為埽除潔淨。以便南糧暫寄。俾軍船得以迅速回空。○又諭鐵麟等奏。請將續查米石。另廠存貯。先行搭放一摺。本年南糧抵通。經該倉場侍郎等查明。揚州頭幫廬州二幫。江淮二幫。江淮四幫。米石灰暗。不堪久貯。所有該四幫。洪斛粳米。共二萬四千四百五十四石。著准其按數均勻改派倉口。歸於八九等月分輪放。甲米之倉。另廠存貯。勤加挑晾。先行搭放。以重倉儲。此項米石灰暗。限於天時。且經該漕督先行奏明。尚非受兌草率。及沿途不加挑晾所致。各該幫總運運弁。應得處分。均著加恩寬免。此係格外施恩。不得援以為例。嗣後著漕運總督暨有漕省分各督撫。嚴飭該管各糧道。收兌漕糧。務須一律乾潔。不准藉口天時。稍滋弊混。儻再有灰暗紫朽夾雜等弊。著倉場侍郎查明嚴叅。定將各該

幫總運運弁等嚴行懲處。斷不能再邀寬典也。○以京畿道御史許球為河南鄉試正考官。翰林院編修李光涵為副考官。大理寺少卿朱嶸為山東鄉試正考官。右春坊右庶子麟魁為副考官。翰林院編修劉源灝為山西鄉試正考官。易長楨為副考官。○賞遣戍釋同己革協辦大學士兩廣總督李鴻賓翰林院編修。○庚午。諭內閣鍾祥奏。地方官訪獲松棍。請免處分一摺。地方官失察訟棍。教唆。

例有罰俸處分。惟自行訪獲。應予寬免。山東臨清等州縣。現據訪獲訟棍井文沅等二十四名。或係該州縣官自行訪拏。或因提審究出。教唆原委。該州縣官能將被唆之人訪獲。解質定讞。破案雖有不同。查辦均尚盡力。非漫無覺察可比。所有該地方官失察處分。均著加恩寬免。○諭軍機大臣等。巴爾楚克喀什噶爾兩處屯田。兵食攸關。本屬籌邊要務。朕思此項屯田。必當計及久遠。民人日聚日

眾。必有室家妻孥。即耕種無礙於同田。人既眾多。同民能否相安。亦當豫為料及。方可日久無弊。前經寄諭長清興德查照辦理矣。著蘇清阿接奉此旨。即親赴巴爾楚克至葉爾羌。周歷履勘。體察情形。現在試墾屯田。是否盡係荒地。抑係侵占同民產業。並於同民生計有無妨礙。日後有無流弊之處。詳細查明。據實具奏。再此項屯田民人。如須撤回。蘇清阿到葉爾羌時。即詢問興德等。如可以同易

民。令其就近承種。該參贊即詳細查看。傳詢福奎。周廷芬等。將應如何辦理之處。再行奏聞。又思屯田民人。皆係自備資斧前往。如一時撤回內地。路途遙遠。盤費無出。著即照撤回官兵之例。沿途按城給與口糧鹽菜。派令妥員護送。以示體恤之恩。並可稽查沿途落後。逃回之弊。至周廷芬本係廢員。招聚屯田之人。今若撤回民人。必須該廢員一手辦理。方能得力。是以前次諭旨內。有如果周廷芬

始終辦理妥協。再為奏請加恩。儻該員前此辦理屯田事務。稍有不妥之處。刻下不必追究。總俟遣撤回民完竣之後。再為查辦。此節蘇清阿不可宣露。到彼詢問喀什噶爾回務章京兵部員外郎福奎後。酌量辦理。再赴伊犁本任。所有前寄長清與德諭旨一道。著鈔給閱看。將此諭令知之。○又諭據鍾祥奏東省文場外關。請酌量添調府廳州縣數員。俾得稽查周密等語。鄉試為抡才大典。稽查防

範。原不可稍有不嚴。既據該撫查明現須添調。著准其揀擇明幹可靠之員。酌量調用。以期慎密。惟各該地方官均有本任之事。若紛紛調派入關。轉致拋荒本任。亦不可顧此失彼。況稽查防弊。總在得人。而不係乎人數之多寡。若以添派為成例。將來必至有名無實。視為具文。鍾祥此次既經添調。嗣後總當相機妥辦。可撤即撤。不得援以為例。以昭覈實。而專責成。將此諭令知之。○辛未。

上詣綺春園問

皇太后安。○諭內閣。巴哈布等奏請將辦理立繼案件錯謬之佐領。並失察之該管各官分別嚴議。議處一摺。此案馬甲文明。過繼堂兄安順次子富拉洪阿為嗣。當時佐領倭星阿漏未呈請專報。率行繕入丁冊。現因該旗協領到任。逐細查問。始行檢呈。又復推諉前任。及查道光元年該管之署佐領巴彥圖等。均經出缺。顯係狡飾推諉。心存朦混。再查該佐

領所呈本年丁冊。文明有親生之子富勒洪額。現年十五歲。計其過繼富拉洪阿之時。其親子已有三歲。何得立繼。迨該將軍等詢究。該佐領又稱富勒洪額實係現年十一歲。是該佐領辦事荒唐。種種錯謬。倭星阿著交部嚴加議處。防禦強強阿於道光四年到任。歷經三次造送丁冊。未能查出。疏忽已極。驍騎校慶順到任將及一載。並未查出。咎亦難辭。正藍旗驍騎校安順將伊次子富拉洪阿過

繼與堂弟文明為嗣。當時該管官員漏未呈報。安順並不稟請呈報。扶同隱混。亦有應得之咎。強強阿慶順。安順均著交部分別議處。所有領催族長馬甲文明等俱著照例分別責革。馬甲文明於道光二年立繼富拉洪阿。惟富拉洪阿自過繼至今十餘年來並未歸附文明家內。皆隨其生父安順過活。是有立繼之名。無撫養之實。當日該佐領亦並未按照過繼之例辦明。且文明親生之子富勒洪

額現已十一歲。此時若再補報過繼。殊與義例不符。富拉洪阿著仍歸伊生父安順名下為子。以歸覈實。○以捐貲接濟災民並修建書院考棚。予前任山西巡撫尹濟源等議敘。○壬申諭內閣琦善奏請將緝獲教匪之該管各官寬免處分等語。此案劉起旺等傳習紅陽教已三十餘年。現由玉田縣並遵化州薊州寶坻縣會同營員同時訪獲究辦。功過尚足相抵。所有歷任文武各官從前失察處

分著加恩准其寬免。○又諭程祖洛奏辦理閩洋巨盜情形。及審明浙省積年未結洋盜。請將原審官交部嚴議等語。閩洋著名積盜劉連姑劉四二犯。茹刑不吐。刁惡已極。該督即因眾證明白。將該二犯立置重辟。以快人心。正當如此懲辦。猛以濟寬。此之謂也。又浙洋林司一犯。確係事主任維華被劫案內正盜。乃前署寧海縣知縣現任孝豐縣知縣陳文治偏聽犯供。以致案懸數載。雖非有意開

脫。與不能審出實情無異。陳文治著交部嚴加議處。閩浙洋面為盜匪出沒之地。全在該管官實力查辦。除莠安良。乃近來承審府縣遇有在洋肆劫盜犯。非訊作良民。即欲化劫為搶。以上盜為被脅。致令武員藉口情緝。此等惡習。已非一日。朕早有所聞。因無實據。難以懲辦。該督不避嫌怨。將陳文治叅處。如此整飭。可嘉之至。嗣後如有不肯認真緝獄者。著該督隨時叅革。以示懲儆。○諭軍機大臣

等特依順保奏酌擬沿邊巡查會哨章程一摺。據稱伊犁沿邊大小卡倫七十餘座。周圍地逾數千里。各卡相離數十里至百餘里之遙。每卡僅設弁兵十餘名及三十餘名不等。惟按月周巡。可期聲勢聯絡。其索倫錫伯察哈爾額魯特四營。每月派總管副總管佐領等官一員。各帶本營兵丁三十名。於該管卡倫挨次行查。至各營交界會哨。其中隔大山無路可通。及所管各卡倫隸於境內者。均毋

須巡查會哨。統計各營每月各派官兵會哨一次。如該官兵巡見哈薩克等私越開齊。即當追逐懲創。惟不准追出卡外。希冀邀功。至冬末春初。冰雪封山。收入卡倫時。即行裁撤。仍令本管卡倫官兵自行會查。以後按年照辦。所有出差官員兵丁。各令按月輪派。仍令各領隊督率巡防。認真查察。如有會哨誤期。及虛報巡查等弊。查明叅辦。各官兵每歲應需鹽菜口糧銀二千四十兩。照例於稅租項

下支領。歸併造銷。再每歲稅租除支發外。餘騰銀一千餘兩。不敷支放。請將此項稅租歷年積餘備存銀一萬兩。發本處鋪商。按月九釐生息。每歲計獲銀一千八十兩。以之貼補。毋庸另動正項等語。伊犁地處極邊。外與哈薩克布魯特各愛曼相連。內倚索倫錫伯察哈爾額魯特四營為衛。向來沿邊各卡倫隸於四營管轄。各有定界。特恐地方遼闊。稽察難周。該將軍所奏巡查會哨章程。固屬防私

越偷盜之弊。儻各官兵於會哨時因事起釁。輕出邀功。轉非綏靖邊夷之道。邊外夷情。務俾懷德畏威。固我藩籬。即以戢其心志。不特稽查防範。尤當鎮靜撫綏。以示有備無患之意。著蘇清阿接奉此旨。詳細閱看。會同特依順保體察情形。悉心籌畫。妥議具奏。總期酌定章程行之。無弊。方為妥善。至所稱稅租積餘銀兩發商生息。該處鋪商是否可靠。將來不至虛懸無著。詳細查明。一併具奏。又據該

將軍另片奏。哈薩克等夷情莫測。應嚴加防範等語。該夷如乘間入我卡內。肆行滋擾。自應嚴行勦捕。以儆頑夷。總當相度邊情。臨時酌辦。著蘇清阿於到伊犁後。一併會商妥議。無庸在途中先行具奏。將此諭令知之。○調甘肅涼州鎮總兵官周悅勝為直隸大名鎮總兵官。以雲貴督標中軍副將長年為涼州鎮總兵官。○以察哈爾額魯特兩部落牧放牲畜臚壯。予領隊大臣忠泰等議敘。○撥河

南司庫銀二十五萬兩。備東河搶險。從河道總督吳邦慶請也。○修浙江東西海塘。從巡撫富呢揚阿請也。○免福建淡水臺灣鳳山嘉義彰化五廳縣被賊搶失抄叛各產租穀。○撫卹江西南昌新建豐城進賢清江峽江廬陵萬安吉水建昌德化德安上猶十三縣被水災民。○癸酉。

孝懿仁皇后忌辰。遣官祭景陵。○諭軍機大臣等。據趙盛奎等奏。浙江塘

工應用條石。為數甚多。除已派工員承辦。趕速運工外。覈計其數。仍有不敷。援照乾隆四十五及四十八等年。由江蘇採辦協濟。所用銀兩。即由江蘇報銷成案等語。著林則徐即派委妥員。於蘇州洞庭一帶。採辦寬一尺二寸厚一尺長四五尺六面見方之條石四萬丈。務於來春全數解交浙江工次。以資應用。此項條石尺寸。係照定例辦理。如辦有不足。著驗收之員。即行駁回。承辦者不准掇交。驗

收之員。亦不准任意刁難。如違著即嚴參懲辦。總期採辦迅速。無誤工需。是為至要。將此諭令知之。○又諭趙盛奎等奏。籌議保護海塘工程一摺。並將辦工事宜。條議章程。開具清單。繪圖貼說。一併呈覽。朕詳加披閱。此次籌議保護海塘各工。東南兩潮頂衝之地。現以念里亭汛為最險。除捐建盤頭六座。擇要添築盤頭三座外。其餘改修柴埽埭前照案拋護塊石。以資保護。其念里亭汛迤西鎮海

戴家橋兩汛為次險之工。除擇要添築盤頭四座外。其餘概改用竹箕塊石。較之修復坦水更為得力。此外西塘烏龍廟以東舊工本係條石鱗塘。一律接築。以昭慎重。其海寧繞城石塘。一律加高縱橫條石兩層。於保障城垣更為有益。其尖山汛迤東塘下舊基。潮不當衝。無庸改建坦水。祇須護以塊石。又韓家池改建條塊石塘。戴鎮念尖等汛三次奏修鱗塘。念里亭汛塘後加幫土戩。均係應辦之

工。著照富呢揚阿原奏辦理。所有節次奏請修復鱗塘並土戩各工。由富呢揚阿嚴催剋期完竣外。其現議興辦柴埽盤頭竹箕塊石鱗塘等工。著照所請分別勒限如式估辦。如有遲延草率。立即嚴叅。務期帑不虛糜。工歸實濟。此次奏請修建塘工銀兩。統計共需銀一百九十一萬八千餘兩。覈之富呢揚阿三次請銀二百五萬八千餘兩。計節省銀十四萬兩。惟原奏各工。係分年辦理。現已另建鱗

塘銀九十萬二千兩。俟興工按年陸續請撥。今埽石各工。統限年內及來年七月以前一律完竣。除前請豫借十五六年歲修額款並未收監餉銀共十八萬兩。先於報撥款內如數借支。俟收有成數。由富呢揚阿覈明具奏外。其未撥鱗塘工需。現請改修埽箕各工銀共七十七萬五千兩。請飭部如數籌撥。於本年八九月全數解浙。已著戶部速議具奏矣。至辦工事宜章程七條。遴派公正道府丞倅

人員。總催分催。驗料查工。務派公正誠實諳練之員。層層稽覈。有弊必除。支發錢糧。設立總局。由該藩司總其成。著富呢揚阿隨時稽查。仍派公正精細道府一二員幫同稽覈。毋得假手吏胥。致滋弊竇。其應用條石。協濟採辦。此次估需條石二十餘萬丈。除派員承辦外。約少條石十七八萬丈。仍著分派紹興等三府領銀採辦。趕速運工。不敷條石四萬丈。已另飭江蘇巡撫按照浙省現辦條石尺寸。

採辦協濟矣。至椿木柴束等料。酌委妥員。遠近分辦。埽石各工。取用土方。分別官地民地。酌量辦理。鑲埽簽椿。酌添料物。選派熟手。率同妥辦。以期堅穩。嚴禁包料包工。以期工歸實用。均著照所議章程。覈實辦理。又另片奏。埽工兩年保固限滿。不無歲修之費。以西塘柴工七千餘丈。歲修十萬兩之數計之。每年需費不過七八萬兩。東塘例有歲修坦水銀五萬兩。現已將該塘改用竹簾。每年添拋塊

石。較之歲修坦水。大可節省。即留為歲修柴埽之用。如有不敷。每年酌增銀兩。至多不得過五萬兩之數等語。東西兩塘每年歲修。究竟為數若干。現在西塘據稱每年歲修需費不過七八萬兩。東塘例有歲修坦水銀五萬兩。現議酌增銀兩。是否即係節省坦水銀兩。抑係在常例歲修之外。此時妥議章程。酌定限制。將來是否仍有歲修之項。不至再為增添。著詳細查明。據實具奏。海塘工程。現派烏

爾恭額。嚴煥。會同富呢揚阿。妥為辦理。此項工程。關係甚鉅。務須斟酌妥辦。為一勞永逸之計。儻辦理稍有不善。以致帑項虛糜。工無實濟。惟烏爾恭額等三人是問。朕言出法隨。不能稍從寬貸也。趙盛奎著俟接奉此旨。會同籌議覆奏。後再行來京覆命。將此各諭令知之。○以盛京刑部侍郎貴慶。兼署盛京工部侍郎。盛京戶部侍郎德興。署管理奉天府府尹事。○甲戌。諭內閣。河南糧鹽道黎學錦

休致一缺。前經吏部奏稱。係奉特旨休致之缺。與在外奏請休致。微有區別。聲明請旨。茲據查明。此次引用江寧鹽道議駁一案。係應行查銷之件。承辦司員未經詳查。輒將先標入例。後經改銷之案。援引具奏。實屬不合。自行檢舉。所有承辦司員及吏部堂官。著一併交都察院分別議處。銓選河南糧鹽道之淡春臺著撤回。遇有道員缺出。即行選用。所遺河南糧鹽道員缺。著慶林補授。未到任以前。

著楊國楨派員署理。○諭軍機大臣等據瑚松額等奏。辦理夷案。延玩之署。參將樊豐年等。已明降諭旨。著先行摘去頂帶矣。該省我邊廳十三支赤夷內雅扎等支夷。因夷地荒歉乏食。並因所管娃子竊它漢民竹筍。致被毆斃。藉圖報復。膽敢出巢滋擾。勾結馬邊廳支夷。糾集焚搶。殊屬目無法紀。必應嚴行懲辦。以示震懾。現在楊芳既經親往督飭樊豐年等趕緊查拏。此等尋常搶擄夷案。諒不

難將首從兇夷按名弋獲。剋日肅事。惟我邊廳等境。漢夷雜處。全在該地方官撫綏得力。措置有方。設辦理失宜。以致出巢滋鬧。地方官具有控制之責。所司何事。著查明據實奏。若再事宕延。更屬不成事體。此次已經拏獲之夷匪。母格等十餘名。現在解省審辦。務將起釁根由。確切訊究。分別定擬。其遁入巢穴。尚未就獲之首從各兇夷。務須按名弋獲。趕緊及早懲辦。儻或辦理再有遲延。該夷匪

等復行勾結。四出滋擾。搶劫逞兇。惟瑚松額等三人是問。朕惟知執法從事。該將軍等自問能當此重咎耶。懍之慎之。將此各諭令知之。○綏遠城將軍彥德奏。辦理民人私租蒙古牧地。拒捕傷官一案。拘泥失當。自請交部議處。得旨。當事不知輕重。毫無主見。祇知奏請議處。甚無謂也。嗣後看汝辦事何如耳。○賞已革總兵官多隆武藍翎侍衛。為庫車辦事大臣。○以捐修四川綦江縣城隍廟宇等

工。賞知縣鄧仁堃知州銜。餘議敘有差。○乙亥。以庫車辦事大臣多隆武。為古城領隊大臣。○古城領隊大臣國椿。為庫車辦事大臣。○丙子。諭軍機大臣等。據寶興等奏。山水陡發。衝失鹿角木植等語。

永陵周圍原設鹿角一千七百九十二架。因六月間大雨。山水陡發。衝去鹿角五百六十八架。

明堂前土隄泊岸上樹株。衝倒數百棵。安設鹿

角地基以及大路均有衝成坑坎之處其備修清寧宮木植二百六十四件內衝失二百零九件民房間有坍塌

陵寢重地緊要攸關現尚陰雨連綿

殿宇等處不無滲漏寶興等已親往敬謹詳細確查應如何勘估修理並衝倒樹株是否尚可扶植抑或全應補種務查明現在方向及年月有無妨礙其民田廬舍有無被淹之處一併詳查據實具奏烏爾恭額此時計已會

同履勘完竣前經派往浙江查辦海塘著接奉此旨後即行馳驛來京請訓將此諭令知之○調禮部尚書耆英為工部尚書以都察院左都御史昇寅為禮部尚書未到任前以正黃旗蒙古都統奕顯署理以戶部左侍郎敬徵為都察院左都御史調吏部左侍郎奕經為戶部左侍郎轉吏部右侍郎桂輪為左侍郎調兵部左侍郎奕紀為吏部右侍郎轉兵部右侍郎嵩溥為左侍郎以都察院左副

都御史寶善為兵部右侍郎○調正藍旗蒙古都統敬敏為正藍旗滿洲都統實授僧格林沁正白旗領侍衛內大臣兼正藍旗蒙古都統○贈故工部尚書博啓圖太子太保命御前侍衛哈琅阿帶領侍衛十員往奠茶酒賞銀五百兩治喪予祭葬諡敬僖○丁丑上詣綺春園問

皇太后安○諭內閣凱音布等奏請揀放總管一摺察哈爾總管缺出現在該處無可保送之員著值年旗於在京八旗蒙古頭等侍衛前鋒參領護軍參領驍騎參領內慎加遠選或通曉滿洲蒙古文義或能蒙古語者揀選二三員帶領引見候旨補放儻將來該員等不曉公務致辦理未能妥協朕惟保送之該大臣等是問嗣後俱著照此揀選不可日久疏忽○調正藍旗漢軍副都統綿岫為鑲藍旗滿洲副都統以兵部左侍郎嵩溥兼正藍旗漢軍副都統吏部右侍郎奕紀兼正黃旗

護軍統領。鑲紅旗蒙古副都統博多歡。為鑲
白旗護軍統領。○以鑲紅旗蒙古都統哈琅
阿。為閒兵大臣。○戊寅中元節。

上詣

安佑宮行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后殯宮。

孝慎皇后殯宮。○遣官祭

端慧皇太子園寢。○己卯。諭內閣。武忠額奏。
清查州縣交代款項。請勒限追解一摺。錢糧
交代。國帑攸關。豈容稍事稽延。含糊結報。熱
河道所屬六州縣。交代款目糾紛。遲延不結。
經該都統飭令該道督同承德府逐款覈算。
查明各州縣積欠攤捐銀兩。半屬道庫之墊。
款實與正項無異。計未歸銀尚有一萬六千
餘兩之多。亟應提解歸款。惟攤捐庫墊牽混
不清。各前任因差繁缺苦。借項辦公。各後任
因恐擔承受累。不允接收。以致互相推諉。日
事遷延。雖官非一任。事閱多年。究屬遲逾例
限。所有該都統請將各州縣從前交代遲延
處分暫行寬免之處。著不准行。即著查明各
州縣從前交代逾限職名。交部照例議處。該
都統即督同該道府調齊各案卷據。徹底清
查。其業經調齊會算者。以奏奉諭旨行知之
日為始。其尚未調齊者。以前後任同抵熱河
之日為始。務於限內算明結報。毋任再延。儻

各州縣查有虧欠正項銀兩。無論為數多寡。即究明據實具奏。專案叅追。其有攤捐業經墊發。有闕庫款。即將某任借墊若干。分晰劃清。數在五百兩以下者。勒限四箇月。數在五百兩以上至一千兩者。勒限六箇月。數在一千兩以上至二千兩者。勒限一年。先從原借之各州縣名下嚴追歸款。如逾限不交。即奏明從重治罪。儻州縣實係無力完繳。或業經故絕。即著落准借之道員全行代賠。仍按前定限期。分別勒追。如逾限不交。即將該道員一併奏請嚴懲。如實係無可著追。即由後任道員設法彌補。以清庫項。至未解攤捐。無闕庫墊之款。仍覈明有著無著。分別咨追。至歷任承德府那墊稅銀。輾轉抵交。未經提解各款。多與州縣交涉。著一併歸於案內。分任查明。勒限追解。經此次清釐之後。該都統督同該道府。務須通盤籌畫。力加撙節。其以前攤款。有非實在必需者。全行裁減。必使入足敷

出。以歸實用。而杜虛糜。並嚴定章程。嗣後道庫銀兩。不准絲毫借墊。其攤捐名目。亦不得稍有增添。庶庫項均歸實貯。交代亦免輟輻。其前任熱河道阿霖等。未清庫項。共一萬餘兩。著即咨追解繳。分別歸款。○以辦銅逾額。賞雲南知府廣裕道銜。○以捐建安徽涇縣書院等工。予前任知縣趙仁基等議敘有差。○庚辰。以翰林院侍講學士李焯充日講起居注官。右春坊右中允龍元任署日講起居注官。○贈福建辦理臺匪積勞病故知府沈欽霖道銜。予祭葬卹廕。○辛巳。予河南追捕擒匪被戕把總李奇峯祭葬世職。○壬午。河南巡撫楊國楨。以母病乞養。允之。以江西布政使桂良。為河南巡撫。未到任前。以布政使栗毓美護理。以江蘇按察使怡良署江西布政使。湖北荆宜施道裕謙。為江蘇按察使。○命雲南布政使潘恭辰來京。以河南按察使經額布。為雲南布政使。前任廣東按察使楊

振麟為河南按察使。○以荊州協領順格為成都副都統。○癸未。諭內閣御史陸堯松奏。開放甲米遲延。米車趕不進城。請旨飭催一摺。京倉開放甲米。自應按日早放早完。以杜弊端。據該御史奏稱。本月十六七等日。俱係太平倉開放甲米之期。該倉距崇文門不過十數里之遙。乃甲米趕不進城者。十六日竟有一百十石。十七日九十六石有零。自係該倉開放遲延所致。著倉場侍郎即嚴飭各倉

監督。務令每日早放早完。毋任米車逗留城外。致滋弊竇。如再有遲延。惟該侍郎等是問。決不寬貸。○諭軍機大臣等。前因有人陳奏四川總督鄂山署內有門丁楊姓幕友楊姓。並內署僕婦馬氏等交通作弊。案關職官營私謀缺。當降旨交鄂山明白回奏。並自行確查究辦。茲據奏上年十一月間。聞有刁徒假稱熟識衙門。招搖撞騙之事。當經飭令兩司嚴查究辦。旋據該府吳秀良。以段崇善在府

首告馬邊廳同知趙岳蘭等用銀謀缺等情。隨即飭司親提審辦。究出曾在該督署內打雜跟役高五等知情。並因高五已回陝西原籍。密拘到案。訊係緣民人鄭瑞聞有調劑州縣之說。起意詭騙。託詞謀缺。商允段興等假立銀票一萬兩。意圖詭令趙岳蘭寫立借約。並稱高五等知情。段崇善聞知此事。即向雷爾驥等挾制索詐。在府具控。經該司等嚴訊各犯。實止詭騙未成。並因高五等聽從杜興

榮囑探信息。實無夥同撞騙情事。已經按例從嚴懲辦。罪止擬徒。是以據詳咨部。未經奏明迴避。現因接奉諭旨。即將楊升馬氏專交新任藩司提案嚴鞫。仍遵旨自行確查究辦等語。案關職官營謀署缺。囑託探信。既有廝役人等招搖生事。無論情事大小。總當奏明辦理。方能服眾而免私嫌。乃鄂山見不及此。將就了事。以致人言遠播。實該督自啓之也。即以此事而論。在該督無非咎止失察。有何

緊要乃如此含糊結案。反中一私字。朕為該督惜之。現在全案人證。既據提集從嚴訊鞫。不難徹底根究。著交瑚松額督同藩司李羲文秉公嚴審。務得確情。按律定擬。李羲文係新任藩司。到任未久。又非原審之員。無所用其同護。該將軍近在同城。諒有聽聞。此事自應究悉原委。務當悉心研鞫。以期水落石出。不准稍有諱飾。意存消弭。致有不實不盡。案內情節。雖據該督審擬罪名。照例咨部。仍應

研究明確。執法嚴懲。無枉無縱。將此諭令知之。○兩廣總督盧坤奏報查閱南韶營伍得旨。果能營伍改觀。悉成勁旅。方為不負委任。但不可徒作侈言也。總在一實字。○以鑒儀衛冠軍使錫麟署鑒儀使。○以竿獲盜匪多名。予廣東道員蔣明遠等升敘有差。○甲申上詣綺春園問皇太后安。○諭內閣。瑚松額等奏遇有成都協領缺出。可否不計兩翼滿蒙旗分一體揀選。

之處請旨一摺。協領有統辦旗務之責。若計兩翼旗分揀選。佐領無多。不甚得人。自係實在情形。茲據瑚松額等奏請照盛京各省之例辦理。尚屬可行。著照所請。嗣後成都協領缺出。即不計兩翼滿蒙旗分。由八旗佐領內一體揀選。送京帶領引見補放。○命刑部左侍郎恩特亨額太僕寺卿卓秉恬馳往陝西查辦事件。○乙酉。諭內閣。寶興等奏恭謁

地方山水陡發。

永陵鹿角木植間被衝失。經寶興等敬謹查得啓運門。

西配殿俱有滲漏。椽頭亦有虧朽。

方城西北角城身殿門一段。其前下馬牌以南。自東至西。衝出水溝一道。長一百八十丈。鹿角衝失五百六十八架。護隄河柳間段衝倒六百餘株。並

陵西泊岸。共衝刷一百六十丈。鹿角以外地面。

亦有衝刷溝坎之處。各項被衝情形。必須敬謹估修。以昭慎重。惟

陵寢重地。風水攸關。著欽天監即行選擇吉期具奏。交該將軍等敬謹興修。俟選擇定期後。即遴派通曉堪輿之員。前往相度取土方向。其鹿角以外衝刷溝坎之處。著即飭旗民地方官趕緊平整。至備修清寧宮木植。現據撈獲八十件。究竟官封木植被衝若干件。有無續行找獲。現存木植是否足敷應用。如須添

備。著寶興等詳細查明。即行採辦備用。此外東堡旗民住房被衝。及附近田禾被淹之處。著地方官查明照例辦理。又另片奏西堡以西一里餘曹家屯地方。山水驟發。靠南河身淤塞。水勢北衝。將泊岸並御路經過之處。衝刷成河。如再平整砌築。所費浩繁。著於御路以北毗連旗地一段。改設御路。並著通曉堪輿之員。詳慎相度。於風水有無妨礙。其被衝刷處所。即妥為鑲安。仍將靠南河身挑濬。以

期鞏固。○諭軍機大臣等。據吳榮光奏。坐選湘潭縣丞胡濬。以曾之馥等誣告該員得受私鹽陋規。勾串李青雲尹本和。捏造讞語。賄串鹽道丁幕傅石柱等陷害一案。督臣不為據實奏辦等情。赴該撫衙門呈遞稟揭一件。案內登覆親供等四件。前經降旨交訥爾經額提訊。已將曾之馥等分別問擬軍杖。胡濬違例擅受。交部議處。該縣丞於結案後。已將半年。忽又具稟呈告。其呈內所稱湖北李糧道委赴湖南。行提該員來省面訊。並單開案情。令該員一一登覆。該員到湖北省後。武昌府知府裕謙等。始則勸伊改換供情。繼則用言嚇唬。並將伊差押武昌府官廳。凍餓三日。內署造出避重就輕。化為小化。有為無。各假供。勒令畫押。並允許不將伊處分。及總督過堂時。云我留你功名。不可多事。不料訥總督前在湖南臬司任內。與胡鹽道換帖相好。以致委審各官。偏袒胡鹽道及其丁幕。並不

查訊伊親供原案實情。按律治罪。反將前湘潭縣魏榮批訊尹本和告莫如學之案。為伊擅受。交部議處。伊認真辦事。不合憲意等語。該員既經畫擅受民詞之供。處分豈能寬免。如有屈抑。當時何肯聽問官逼勒。是否係被叅情急。妄思造言反噬。希冀開復原官。抑係實有冤抑。若不徹底究明。不足以折服其心。著昇寅賽尚阿。於廣東審案完竣後。即馳赴湖南省城。提集全案人證卷宗。秉公研訊。務

得確情。毋任稍有諱飾。致有不實不盡。以成信讞。吳榮光原摺。並胡濬原稟。俱著鈔給閱看。將此諭令知之。尋奏鹽道胡鑄委無聽受丁幕慫恿。及恃勢抑勒等情。武昌府知府裕謙承審此案。並未勒勒畫供。該督亦並無瞻徇情面之處。湘潭縣縣丞胡濬。訊無得規包庇。其違例擅斷。莫如學控案。業經該督奏明議處。復又列款稟揭。本應治以誣告加等之罪。惟該員被誣被飭。旋即告病。不無冤抑。雖

稟詞不盡得實。究出於情迫難已。鹽道胡鑄。雖無抑勒胡濬告病等情。而於門丁傅石柱抗差滋事。漫無覺察。又未能督緝。曾之額等究辦。致令復出。窩匪擾害。咎實難辭。胡濬胡鑄。應請一併交部議處。餘均應照該督所奏擬結。下部議從之。○又諭有人奏湖南湘潭縣知縣靈秀。前署龍陽縣時。曾娶捕快之妻為妾。及到湘潭任後。凡命案呈報。並不及時親赴屍場相驗。往往遲至十餘日。屍身腐爛。

擡至城外就驗。該縣民人陳德歆。陳青山等。塘內有人失足溺斃。親屬領埋月餘。該縣忽將保甲拘案。嚴刑勒取有傷供給。旋拘地主到案。責押班房。詐銀二千兩。寢息其事。其他田土錢債。一經控告有案。靡不勒索賄私。如此貪劣之員。不知該省上司。何以列入卓異保薦。又湖南候補通判署攸縣知縣葉起鵬。到任後即以生日為名。派令城鄉保正代為散帖。橫索紳民壽禮。斂費至數千餘兩之多。

收納漕米。每石折價大錢五六千文不等。有
余譚二姓情願完米。不肯折價。即以抗漕阻
餉毀破公堂。通稟上司。及委員赴攸查訊全
虛。竟罰令出銀五千兩。該員又復親自下鄉。
以催徵錢糧為詞。隨帶書役多人。按戶索錢。
謂之過山禮。復縱令夫役勒索錢文。謂之草
鞋錢。稍不遂欲。即遭鎖拏等語。州縣為親民
之官。必應潔己奉公。方為無忝厥職。若如所
奏。該二員貪污酷虐。劣跡累累。於吏治民生
大有關係。著昇寅審尚阿於廣東審案完竣
後。同至湖南。提集案卷人證。秉公查訊。如果
屬實。即著據實嚴參。毋稍瞻徇。以懲貪墨而
肅官箴。原摺著鈔給閱看。將此諭令知之。○
賞貝勒奕綱三眼花翎。命仍在散秩大臣上
行走。○旌表守正被戕直隸大興縣民李長
興妻劉氏。○丙戌。

上幸靜明園詰

龍神廟拈香。○以吏部右侍郎奕紀兼總管

內務府大臣。○丁亥。命吏部右侍郎奕紀。禮
部右侍郎文慶。兵部左侍郎嵩溥。查勘京城
內外護城河道工程。○旌表守正被戕河南
上蔡縣監生任殿元女娟姐。○戊子。
仁宗睿皇帝忌辰。遣官祭
昌陵。○
上詣
安佑宮行禮。○諭軍機大臣等。本日據鍾祥奏
衡水異漲。臨清壩口捫阻。惟有蓄汶敵衛。以
利漕行。因河汛朱家灣官隄。姓墊過水。難資
蓄汶。現在派員勒限趕緊堵合。俟漫口合龍。
即責成運河道敬文。督同河間各員。設法蓄
汶。其閘口現經該州等盡力疏濬。但得衡水
稍低。即可放船無阻。至朱家灣隄工。經修之
員。是否已逾固限。由河臣吳邦慶查明覈參。
博平縣知縣。與有防守之責。能否於限內幫
同堵築。另行照例分別參辦等語。本年重運
渡黃。較常年已逾例限。現據查明未出臨清

開糧船尚有三十七幫。其衛河異漲。據稱設法蓄汶敵衛。即可放船無阻。並屆時隨到隨放。不致有稽。同空該撫務相度情形。設法辦理。俾重運尾幫。屆時出關。期無阻滯。並同空軍船南行。亦不致稍有稽遲。其朱家灣漫口之處。著該撫即親往督飭各員。勒限嚴催。趕緊妥辦。剋日堵合。不准稍任遲緩。致有貽誤。至朱家灣隄工。著即行知吳邦慶查係何員經修。是否已逾固限。據實覈奏。博平縣知縣

楊祖憲。與有防守之責。現飭幫同堵築。如限內不能完工。著該撫一併據實奏。將此諭令知之。○旌表守正捐軀直隸安平縣民崔服女辰姐。○修直隸永定河旱口隄埽各工。從總督琦善請也。○己丑。

上奉

皇太后幸觀瀾堂進膳。○諭內閣。恩銘奏。全漕尾幫。催入山東境。日期一摺。據稱全漕湖南三尾幫。催入山東境。尚俱跟接。不任片刻滯

延。現在八開水雖溜急。幫船加緯挽行。可期連絡。其滕縣境內之十字河。最易淤墊。現飭該管河員竭力疏濬。並飭地方官雇備剝船起用。該漕督前赴該處相機籌遣等語。本年南漕尾幫。埽數渡黃。較常年已逾例限。現既催入東境。其朱家灣漫口之處。已諭令鍾祥妥辦。剋日堵合。所有幫船。必應趕緊迎提。設法籌趨。以速補遲。不可再有稽滯。著山東巡撫直隸總督及該漕督等嚴札該管河員。於

淺澀處及早疏濬。並督飭催漕各員弁。上緊提催。俾各幫船銜尾前行。不准脫幫在途停泊。况本年三進漕糧。全數在天津迎剝。以速同空。較往年抵通起卸。已屬省力。必須嚴緊催趨。加倍速行。俾重運交卸同空。各幫及早歸次。庶新漕辦理。無誤開兌之期。儻漫不經心。任令在途延緩。及停泊脫幫。同空守凍。致誤期限。惟琦善鍾祥恩銘等是問。決不寬貸。懍之慎之。○以南河搶險出力。賞同知祝豫

知府銜。予淹斃。經制效用徐祥祭葬卹廕。如實缺人員例。○庚寅。諭內閣。御史尚開模奏。佐雜擅訊釀命。請通飭嚴禁一摺。國家設官牧民。各省自督撫以至州縣。俱有教養之責。自當實心愛民。廉平為政。凡遇民間詞訟。各大吏應嚴飭地方正印官。衡情剖斷。豈容佐雜微員。擅行收審。道光元年。曾經降旨通諭。自應恪遵辦理。茲據該御史所奏。近日擅受濫刑之案。層見疊出。總由正印官性耽安逸。不知慎守牧民之義。即尋常訟獄。不為速行審結。輒批發佐雜丞倅等官。以致肆意按求。濫差橫索。迨釀成命案。州縣先規避處分。意存袒護。上司復曲為開脫。諱飾瞻徇。玩法虐民。莫此為甚。其由各大吏認真查出。指名叅辦者。民命已受其荼毒。此外含糊了結。未經發覺者。不知凡幾。他省似此等劣員。違例擅受者。又不知凡幾。酷烈成風。草菅人命。深堪痛恨。嗣後著各省督撫。務嚴飭所屬地方官。

遇有詞訟案件。恪遵前降諭旨。虛衷聽斷。不准佐雜等官擅行收審。致釀人命。如有仍前擅受釀命者。將該佐雜等官照例治罪。並將該地方正印官一併叅奏。著吏部於此等案件。不將正印官一併叅奏。著吏部於此等案件。議處時。覈實查叅。以肅功令。而重民命。將此通諭知之。○又諭。前據御史陸堯松奏。太平倉開放甲米遲延。米車趕不進城。請旨飭催。當經降旨著倉場侍郎嚴飭各倉監督認真辦理。茲據鐵麟等奏稱。各倉領放甲米。向有限定時刻。稍有遲延。將該監督等分別照例議處。並於道光九年通飭各倉。於黎明時開倉。隨時放給。片行稽查御史查覈。惟該監督等開放有無遲滯。該章京等支領是否稽延。稽查御史未能悉知。若不明定章程。必致互相推諉。嗣後著倉場侍郎嚴飭該監督等。遇開放甲米之日。於黎明開倉時。先將於某日某時刻開倉門之處。片行御史查覈。再將本

日放米確數。並該旗領米章京等何時何刻到倉。米石何時何刻放竣。一併片行稽查御史查覈。以專責成。至各該倉並無派役催提押送之責。所有各該旗領米務須及早到倉領米。後迅即按時陸續進城。著各該旗都統嚴飭辦理。又另片奏太平等倉甲米進城行走各城門。請嗣後夏秋間開放城外各倉甲米。太平倉萬安西倉進東直門。萬安東倉儲濟倉裕豐倉。仍進崇文門。免致稽延。著照所請行。○諭軍機大臣等。前據寶興等奏。永陵鹿角木植間被衝失。並各項應辦工程。必須敬謹估修。以昭慎重。當降旨著欽天監選擇吉期具奏矣。至取土方向。必需通曉堪輿之員。已派戶部郎中萬貢珍馳驛前往。俟該員到彼。著寶興即帶領敬謹相度。務臻妥善。將此諭令知之。○給湖南武陵龍陽沅江益陽安鄉華容六縣及岳州衛被水軍民一月口糧。並房屋田畝修費。○辛卯。

上詣綺春園問
皇太后安。○江西巡撫周之琦奏查明龍南縣設廠平糶。奸民鍾茂仔等滋事情形。得旨切實從嚴根究。斷不可稍有含混。被人蒙蔽。以挽頽風。是為至要。尋奏鍾茂仔等十九人同赴米局肆搶。該署縣程鼎會營往拏。鍾茂仔拾石擲傷兵役。均各逃散。路過縣署。見素識之康獻孖李遇明。枷號署前。毀枷放逃。經程鼎督拏。鍾茂仔等復將程鼎擲傷。鍾茂仔擬斬立決。梟示。餘按律問擬。下部議。從之。○命前任齊齊哈爾副都統敦良。以原品休致。○壬辰。
孝慎皇后殯宮月祭。遣官行禮。○諭軍機大臣等。前據瑚松額等奏。該省裁邊廳十三支赤夷內雅扎等支夷。因夷地荒歉乏食。並因所管娃子竊它漢民竹筍。致被毆斃。藉圖報復。膽敢出巢滋釁。勾結馬邊廳支夷。糾集焚搶。楊芳既經親往督飭該署參將樊豐年等趕

緊查拏。此等尋常搶擄夷案。諒不難將首從兇夷。按名弋獲。剋日肅事。該提督啓程馳往。迄今已一月有餘。何以尚未見辦理全竣之奏。朕思義邊等境。漢夷雜處。全在該地方官撫綏得力。措置有方。設辦理失宜。以致出巢滋事。地方官具有控制之責。所司何事。且上年楊芳奏報三廳地方。一律肅清。義邊二十四地。皆所親歷。並稱撫其馴服。誅其獷悍。不致復行滋事。何以未及半年。即有此等焚搶

李林李李李

李

之案。著該將軍等務將此案迅速辦竣。其遁入巢穴尚未就獲之首從各兇夷。必須按名弋獲。趕緊及早懲辦。不准稍有遲延。尤不准將就了事。儻或辦理草率。將來該夷匪等再有勾結滋擾。搶劫逞兇情事。惟瑚松額等三人是問。該將軍等其各謹懍。毋得自干咎戾。將此各諭令知之。○又諭本日據都察院奏。已革福建候補縣丞秦師韓。以恃權袒酷任性欺朦等詞。遣抱告李百祿赴京控告。趙盛

奎接奉此旨。著即由浙江馳驛前往福建。會同張麟提集人證卷宗。將秦師韓所控各款逐一確查。秉公嚴訊。是否該革員果有屈抑之處。抑係逞刁妄訐。計圖挾制。均須徹底根究。務得確情。不准稍存含混。致有不實不盡。所有都察院原摺。暨鈔呈並秦師韓原稟清摺。均著發給閱看。將此諭令知之。○兩廣總督盧坤奏報。節次查辦鴉片煙情形。得旨。實力查辦。斷不可任聽屬員奉文了事也。○廣

實錄卷三

東

東學政王植奏報到任日期。得旨。朕看汝品學皆好。不可染於習俗。得人難。汝其勉之。○調廣東瓊州鎮總兵官陳步雲為浙江溫州鎮總兵官。溫州鎮總兵官謝得彰為瓊州鎮總兵官。○以故廣西南寧府屬歸德土知州黃學濬子為錦襲職。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十四

實錄卷之五

四九

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十五

監修禮部官經筵日講起居注官太子太保體仁閣大學士文淵閣領閣事掌理戶部事務上書房總師傅翰林院掌院學士兼管順

天爵府尹事蔭隨季加五級紀錄十八次臣貴植總親軍經提議宣吏部尚書張蔭孫漢軍都統管理制臺居城內官房大臣舊塞內

七、各大臣稽察會同四譯館事務加一級隨帶加六次軍功加三級紀錄五次俟花沙喇總領事官文淵閣提舉隨事兵部尚書總管

内務府大臣鑲白旗滿洲都統龍鳳內七倉大臣管理宗人府銀庫左翼加富參 武義宣國明國等處稽覈營務處參議房卿華唐太

醫院造辦處事務隨帶加十八級生阿剌德親官應運旗官兵部尚書隨帶加六級紀錄二十次臣周祖培等奉

救修

道光十四年甲午八月癸巳朔甲午。

上御勤政殿聽政遣官祭

文昌帝君廟諭內閣程祖洛等奏營弁串改失事洋面請將授意之護理總兵解任質訊一摺浙江鎮海縣船戶黃泰昌舵工杜良元赴福建烽火門營呈報在浙江三星洋面被盜行劫拒傷水手朱家瀧落水身死一案嗣經訊明舵工杜良元指認失事處所實在烽火門營所轄之大嶺山北首七星山之西離三星洋尚遠係外委龔發等串改今其呈

報復經詰訊龔發等改寫三星洋面係參將潘世標授意並又究出潘世標因水手朱家瀧被殺家有老母曾賞給番銀為伊養贍又因杜良元求索盤費亦給番銀此中情節可疑不可不徹底根究護理福寧鎮總兵事前任烽火營參將升補澎湖協副將潘世標著即解任調省交該督歸案質訊如實有授意賄串情事即行奏參懲辦尋奏潘世標訊無授意串改亦無賞給番銀情事惟於洋面失事屬弁營書設計誣卸不能先事查出揭報實屬失察請交部議處下部議從之○諭軍機大臣等盧坤等奏暹羅國本年屆當例貢之期該國王鄭福如期遣使恭齋表文方物入貢並謝上次賞賜如意緞匹之恩現已行抵粵東等語暹羅國王恪共藩服如期遣使入貢誠悃可嘉該貢使現已抵粵著即派委委員伴送使臣今其於本年封印前到京其帶來壓艙貨物照例免稅至該國大庫所請

將貢船先行回國修整之處著照所請行將此諭令知之○命翰林院侍讀學士吳文鎔提督順天學政兵部右侍郎龔守正提督江蘇學政內閣學士史評提督浙江學政翰林院侍講學士許乃普提督江西學政太僕寺卿吳孝銘提督福建學政翰林院編修朱蘭提督湖北學政編修龔維琳提督湖南學政戶科給事中趙光提督河南學政兵科給事中李振庸提督四川學政翰林院編修李嘉端提督雲南學政編修賈克慎提督貴州學政安徽學政沈維鎬山東學政李芝昌山西學政杜受田陝甘學政羅文俊廣東學政王植廣西學政池生春奉天府府丞兼學政田嵩年仍留任○乙未貴州巡撫裕泰奏查明外來流民分別辦理得旨悉心妥議奏辦不可存目前苟安之見以致積重難返責有攸歸矣懍之○新授四川學政兵科給事中李振庸以兩耳重聽回原衙門行走命翰林院

編修王篤提督四川學政○貸甘肅臯蘭秋道靖遠鹽茶西寧碾伯六廳州縣被旱災民倉糧○丙申諭軍機大臣等據御史曾望顏奏廣東平海營參將賴英揚所屬之中軍守備即為其子賴恩爵並不申請迴避又水師提標後營遊擊現經題補新會營參將盧必沅係江西南昌人於上年署順德協副將任內今其子盧良弼冒認廣東肇慶府籍貫即在順德營充伍食糧不及數月即拔補外委

又將左哨千總余得剛詳奏開缺將右哨把總蔣大彪拔補將其子盧良弼拔補蔣大彪之缺各等語營衛武職官員有錢糧盜案考覈賢否之責凡在親屬例應迴避乃賴英揚父子同營盧必沅令其子冒籍充伍徇私拔補違例妄為巧於營鑽該管上司未經參辦難保無有心徇庇著昇寅等據實查明嚴參懲辦毋得不實不盡致干咎戾原摺著鈔給閱看將此各諭令知之尋奏查明賴英揚父

子並未同營應毋庸議盧必沅將伊子盧良弼出繼無服族弟廣東高要縣民盧多聲為子在籍入伍未請迴避實屬昏愎應請交部嚴議報聞○又諭有人奏粵東沿海地方械鬪頂兇之案相習成風莫如潮州為甚而械鬪之最甚者莫如連鄉糾眾總由土棍訟師勾串播弄等語著盧坤祁墳嚴飭該府屬地方官密速查拏從嚴懲辦遇有械鬪頂兇之案務究明首禍及主唆之人嚴緝確查盡法

懲治不得以抵命有人即置主謀之首犯於不問致與定例不符儻地方官不行審出究辦著該督撫嚴參治罪務須逐案嚴查衡情定讞俾此等積惡兇徒咸知儆畏以除奸蠹而安善良至該省械鬪案內受雇烏槍手既經犯案必應嚴定科條以懲兇惡其被獲後如何治罪之處著該督撫詳議章程奏明辦理原摺著鈔給閱看將此各諭令知之尋奏查受雇之烏槍手專以助鬪為業實為風俗

之害請嗣後鳥槍手傷人及致斃人命仍照本例定擬其雖未傷人但經幫毆者即於定例自號教師演弄拳棒滿流罪上加一等杖一百發附近充軍雖未幫毆而學習鳥槍手已成即照教師例杖一百流三千里下部議從之○給盛京蓋州海城興京三處被水旗民一月口糧並房屋修費○給浙江建德淳安二縣被水災民一月口糧並房屋修費○丁酉祭

先師孔子遣大學士潘世恩行禮○諭內閣寶興等奏敬謹詳查應修各工請分年修理以合吉方一摺本年盛京地方山水陡發永陵鹿角木植被水衝失前據寶興等敬謹查勘奏明辦理已由欽天監選擇吉期具奏並派通曉堪輿之戶部郎中萬貢珍馳驛前往交寶興帶領敬謹相度取土方向茲據寶興等奏衝失鹿角現由該部照例估辦於本年迅即補造安設其衝倒樹株已飭該地方官

趕緊扶植尚可無庸補種惟

永陵

啓運門

西配殿

方城西北角城身以及泊岸河淤平墊

明堂前水溝改修御路並現在敬謹查得

福陵

隆恩殿三間頭停滲漏飛檐廊柱油飾暴露木

植間有虧朽月臺周圍闌干等石歪斜海墁

亦有沈陷

二柱門西邊石望柱向西沈陷至閃所有各項工程均關緊要惟同時興修現屆秋令趕辦不及且均與本年方向有礙著派奕經馳驛前往帶同前派往之萬貢珍敬謹相度與本年方向有無妨礙此項工程即著奕經會同寶興等先行勘估如本年方向不宜即著就明年方向再行選擇開工吉期奏請辦理其興修

福陵

隆恩殿著於開工前奏請選擇吉期恭移

神牌在

東配殿安奉以昭敬謹此項工程佑辦應需木植砍工運腳銀兩即著於盛京戶部動用辦理又諭御史伊克精額等奏役滿書吏久踞京城聞擎藏匿請旨飭緝並請將辦事玩延之署副指揮文議一摺所奏是役滿書吏盤踞京師久干例禁該御史等查明前充吏

部文選司經承之魯佑人久經考滿潛住京師經該御史等面諭現署副指揮揀發指揮顧文光嚴密傳案以憑訊究乃該指揮逾越多日杳無回覆難保無有心庇縱署中西坊副指揮揀發指揮顧文光著先交吏部議處以為玩延者戒至已滿吏部書吏魯佑人是否實已遠颺抑尚在京藏匿著步軍統領衙門順天府五城一體嚴拏務獲送部究辦以除積蠹而肅部務又諭保昌奏吉林地方

清 實 錄 道光十四年八月

被水情形並漂失官船一摺本年六月間吉林地方江水陡發沿江旗民房地均被淹浸並水手營額設糧船二隻槳船四隻亦被漂失經該將軍等派員履勘並據該營員等呈請將漂失船隻賠補吉林水手營四品官張政等於所管船隻因江水驟至致被漂失尚屬有因現據該員等呈請賠造所有應得處分著加恩寬免仍著該將軍飭令趕緊賠造完竣後切實驗收其打牲烏拉等被災處所

應否蠲緩接濟之處著迅速查明覈實具奏以正白旗滿洲副都統安福署左翼前鋒統領以刑部右侍郎祥康署鑲黃旗滿洲副都統以理藩院左侍郎聯順署京營左翼總兵戊戌祭

大社

大稷遣惠郡王綿愉恭代行禮

上詣綺春園問

皇太后安諭內閣程祖洛等奏請將降調人

八八三

員。改為降級留任。免其實降。留闕效力等語。福建降調知縣袁曦。業經李拱辰、丁文燾或因失察習教降調。或因錯擬罪名降調。均屬咎所應得。自應遵照部議。開缺該督等竟請改為降級留任。免其實降。留闕效力。一時委用乏人。固屬實情。但為二三人難開此端也。所請不准行。○直隸總督琦善奏報永定河水勢情形。並搶護險工。均臻平穩。得旨。辰下連朝晴霽。河工自可無虞矣。然亦不可大意。

○以戶部尚書穆彰阿為順天鄉試正考官。禮部尚書史致儼、工部尚書汪守和、刑部左侍郎姚元之為副考官。○以理藩院尚書禧恩署鑲白旗滿洲都統。○以捐修陝西灞澂二橋。予同知白維清等加銜升敘有差。○旌表守正捐軀河南泌陽縣民禹進一妻陳氏、滑縣民孫林法妻劉氏、弟婦賈氏。○己亥遣官祭

關帝廟。○庚子

上奉

皇太后幸同樂園進膳。賜王公大臣及蒙古王公等食。○辛丑

太宗文皇帝忌辰。遣官祭

昭陵。○諭內閣。鐵麟等奏。三進幫船中途阻滯。豫籌速運一摺。本年三進漕糧。尚有三十七幫。計米一百餘萬石。均因山東臨清捫口阻滯。開河將來一經啓板。必致蜂擁而來。自應豫籌趕辦。庶免臨時竭蹶。有誤回空。著准其

查照成案。於通州石壩就近囤貯二十萬石。俾得迅速轉運。該侍郎等即督飭該廳等購備席板繩索等項應用。所有囤費銀兩。先由通濟庫墊發。務使輓轡轉運。以速補運。無誤回空例限。○又諭鐵麟等奏。請將續查二進各幫米石。先行搭放一摺。本年南糧抵通。經該倉場侍郎等查明儀徵幫泗州後幫。泗州前幫。大河二幫。淮安四幫。太倉前幫。江淮七幫。江淮五幫。興武六幫。米質受傷過重。不堪

久貯所有該九幫洪斛梗米共三萬八千四百四十二石零著准其按數均勻改派倉口歸於本年九月以後輪放甲米之倉另嚴存貯勤加挑晾先行搭放以重倉儲至此項米石既係限於天時且經兩江總督等先行奏明尚非受兌草率及沿途不加挑晾所致該九幫總運運弁應得處分均著加恩寬免此係格外施恩不得援以為例嗣後著漕運總督暨有漕省分各督撫嚴飭該管各糧道收

兌漕糧務須一律乾潔飽湛不准藉口天時稍滋弊混儻再有夾暗紫朽夾雜等弊著倉場侍郎查明嚴叅定將各該幫總運運弁等從重懲處斷不能再邀寬典也諭軍機大臣等寄諭漕運總督恩銘本日據倉場侍郎鐵麟等奏稱現因山東臨清捫口三進漕船尚有三十七幫阻滯聞河探明七月二十六日尚未啟板因回空例限已迫查照成案豫籌於通州石壩暫行囤貯二十萬石以期迅

速轉運所有購備席板繩索等項銀兩先由通濟庫墊發應在遲滯省分分賠毋庸籌款等語漕船北上例應迅速趕行無稍遲滯現距霜降前十日回空例限僅止三十三日其阻滯臨清守候啟板者尚有三十七幫之多若不設法嚴催將來必致凍阻北河不能回空關繫匪輕著該漕運總督飭所屬嚴行催趕不准再有停泊脫空等弊並查明現在情形軍船是否可以迅速北來不致有誤回空之

處迅即覈議具奏至此次在後軍船係因臨清捫口守候已近一月所有因費銀兩若僅在遲滯省分按幫分賠未免偏枯著該漕運總督即會同河東河道總督山東巡撫確切查明究由漕船行走遲滯抑因山東臨清捫口之故據實具奏著落該處官員並河東河道總督山東巡撫照數分賠以昭平允將此諭令知之尋奏軍船加緊催趲不致凍阻北河而漕行遲滯其抵臨守閘者僅有七幫餘幫抵

臨在啓板通舟之後不盡關乎臨清捫口之故因貯費用俟截數後分別攤賠報聞○士寅		萬壽節遣官祭	太廟後殿遣官祭	福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵遣官祭	孝穆皇后殯宮	孝慎皇后殯宮遣官祭	顯佑宮
-------------------------------------	--	--------	---------	----	----	-----	----	-----	----	----	-----	----	-------	--------	-----------	-----

東嶽廟	城隍廟	上詣	安佑宮行禮詣綺春園	皇太后前行禮○御正大光明殿王以下文武大臣官員蒙古王公等行慶賀禮○幸同樂園賜王公大臣及蒙古王公等食○癸卯	太祖高皇帝忌辰遣官祭	福陵○甲辰遣官祭黑龍潭	昭靈沛澤龍王之神玉泉山	惠濟慈佑靈護龍王之神昆明湖	安佑普濟沛澤廣生龍王之神密雲縣白龍潭	昭靈廣濟普澤龍王之神○遣官祭圓明園	惠濟祠	河神廟○乙巳	上詣	安佑宮行禮○淮安徵前任廣東守備楊邁前
-----	-----	----	-----------	---	------------	-------------	-------------	---------------	--------------------	-------------------	-----	--------	----	--------------------

任兵部差官鄭邦樑重赴鷹揚宴賞楊邁都司銜鄭邦樑守備銜丙午

上詣綺春園問

皇太后安諭軍機大臣等本日據長齡等奏請飭緝要犯並行提案內應行質訊之道員歸案審訊此案吏部役滿經承魯佑人實為緊要人犯必須嚴拏到案質訊究辦現據提到魯佑人之子魯佩芝等訊據供稱魯佑人於六月初十日帶同雇工李升車夫徐三出

京由楊村探親後旋赴保定至伊塔甲子科舉人候補教諭鄭奎雄寓所魯佑人長子佩蘭現任山東武定府利津縣豐國鎮巡檢次子聖傳現任河南汝州郟縣典史三子錫庸現任直隸磁州吏目等語該犯魯佑人現經各衙門查拏尚未弋獲恐聞拏潛逃藏匿伊子伊塔等任所寓所該犯長子魯佩蘭任所現降旨飭令鍾祥密速查拏矣其次子聖傳河南典史三子錫庸直隸吏目各任所並伊

塔舉人候補教諭鄭奎雄保定寓所著琦善栗毓美迅即分派幹員密赴各該處將魯佑人嚴拏務獲迅速押解送部歸案審訊勿任

聞風遠颺漏網候選道淡春臺於河南道員撤任後是否業已起程並著琦善栗毓美查明該員經過處所派員迅即護送解部歸案質訊將此各諭令知之○又諭魯佑人長子佩蘭現任山東武定府利津縣豐國鎮巡檢著鍾祥迅即派員密赴該處將魯佑人嚴拏

務獲安速押解送部歸案審訊勿任聞風潛逃遠颺漏網將此諭令知之○又諭寄諭兩江總督陶澍江蘇巡撫林則徐安徽巡撫鄧廷楨江西巡撫周之琦浙江巡撫富呢揚阿吏部役滿經承魯佑人現經嚴緊緝拏恐匿跡潛蹤聞風遠颺各該省亦未可定著各該督撫等迅即飭屬嚴拏安速解部歸案審訊勿任遠颺致令漏網將此各諭令知之○戊申遣官祭昭忠祠○諭內閣各直省將軍督

撫等遇有應奏事件自應隨時陳奏以免積壓。近來萬壽年節等日各省奏章甚少。迨數日後紛至沓來。轉形擁擠。朕日理萬幾。縱奏章全集。披覽固不憚煩。然該將軍督撫等觀望揣摩。任意延擱。必致漸滋叢脞。嗣後各省奏章務須隨到隨遞。不得因值萬壽年節等日稍存成見。儻仍前拘泥。意為遷就。是不能仰體朕懷。殊失覈實辦公之道也。將此通諭知之。又諭趙盛奎等奏籌議海塘歲修銀

數一摺。浙江海塘歲修銀兩本有定額。經該侍郎等查明東塘柴埽竹簾兩項連盤頭十三座共工長七千餘丈。現辦埽工坐當頂衝潮猛溜急較之西塘情形尤重。自應籌款辦理。以濟要工。著照所請。准其於該省捐監項下每年提銀五萬兩存貯藩庫備添東塘歲修之用。俟將來籌有生息銀款仍將監銀全數報撥。該部知道。又諭嚴烺等奏海塘要工差委之員請遣派南河人員來浙一摺。著

陶澍麟慶於南河所屬候補丞倅佐雜內遴選四五員。派令赴浙聽候分派工竣之日。此項人員仍回南河本工。不准奏請留浙補用。至海塘埽簾石工皆以籤椿為要務。現在浙省並無熟手。籤釘不能如法。並著陶澍等於所轄河營內酌派千把總一二員。選帶熟諳椿埽兵丁一百五十名。攜帶雲梯天礮各器具。即日赴工率同力作工竣仍令回營當差。諭軍機大臣等本日據嚴烺奏海塘首險

要工先行趲辦一摺。浙省辦工本少諳練之人更多疲緩之習。據稱現在石工孤立潮汐可危。前經奏明擇要鑲埽添建盤頭自應趕緊妥辦。乃時將市月未據該管杭嘉湖道桂莒派員興修。著烏爾恭額富呢揚阿查明桂莒因何興修遲延。如係有心疲玩即著據實嚴參。並即嚴飭總局司道刻速派員分投趲辦其餘應辦各工亦著轉飭次第興舉。不准稍有觀望。至烏爾恭額嚴烺現駐浙省專辦

要工所需夫船薪水等費著富呢揚阿悉心籌畫既不可令伊等自備尤不可累及地方致將來有所藉口將此各諭令知之已酉諭內閣富呢揚阿奏北海塘工衝坍商民攤捐改修一摺浙江蕭山縣東北一帶濱臨江海山陰會稽兩縣地居蕭山之南勢處下游該三縣民田商竈全賴北海塘工捍衛現在被潮衝坍情形危險該紳士等請將頂衝之調字號至水字號土塘二百八十丈改築條

石塘以資抵禦玉字號至鹹字號土塘四百三十五丈增高培厚兼施捷石以期完固其收字號至呂字號柴塘一百七十八丈與調字等號緊連尤為受衝要區亦一律改建石塘以資聯絡又宿字號至秋字號原修石塘一百五十六丈形勢卑矮亦須加高三層以免漫溢共約需工料銀五萬七千餘兩計錢七萬四千餘串請在於三縣境內按畝攤捐共錢六萬餘串尚不敷錢一萬三千餘串約

需銀一萬兩已據各鹽商等捐足以濟工用著照所請准令攤捐改建免其造冊報銷該撫即出示曉諭飭令自行經理不假書役之手以期堅實而垂永久至該處塘工向係動用南塘專款官為經理此次因改建石工需費浩繁准令捐辦嗣後如有應修工程仍著照例動項修築該部知道○又諭訥爾經額等奏湖北漕船掛欠木稅請分限完繳一摺上年湖北漕船到九江關例外多帶木植欠

交應納稅銀七千一百九十兩零延不交納前經諭令該督等飭屬催提茲據查明欠稅各丁或已減歇在次或已革運退運軍田連年被水若同時如數提繳丁力實有不逮所有前項銀兩著准其自道光十五年新運為始每屆漕船過九江關時分作六限帶解歸款至漕船額外多帶木植例應起卸入官若准其納稅幫丁惟利是圖即難保無包帶漏稅情弊且負重行遲必致有誤漕運嗣後漕

船經過各關務令將額帶木植赴關報明該管監督即親往關口查驗如有多帶木植即一面奏聞各交漕運總督覈實照例懲辦以肅權務而重漕運○直隸總督琦善奏報秋收分數得旨雖秋雨頻仍間有淹浸處所通省收成尚獲七分有餘深慰朕懷○庚戌工奉

皇太后幸慎德堂進膳○諭內閣御史富爾洪阿奏請豫勘溝渠以備修濬一摺輦轂之下

道途最宜整飭若如該御史所奏近年以來偶值夏秋霖雨大小街衢多有積水巷口亦間有壅塞之處其最甚者如西長安牌樓街一帶及宣武門內城根等處一經大雨時行所聚之水深至數尺皆由溝瀆不通無處洩水每年春令開溝既不見積水之處至夏秋積水又非當修理之時著值年河道溝渠大臣趁此積潦未消之時逐處查明知照工部俟明年挑挖官溝時按地疏濬以便往來而

除壅滯○旌表守正捐軀四川碁江縣民李洗發妻楊氏○辛亥諭內閣保昌奏查明任意咆哮公堂之協領請交部議處一摺此案協領額凌額因該副都統未將伊所保人員點派輒敢咆哮公堂殊屬浮躁額凌額著交部議處副都統吉勒通阿於上年之事並未隨時報奏亦屬不合吉勒通阿著交部察議保昌因前奏摺內稍涉含混自請交部議處之處著加恩寬免○順天府以宗室鄉試中

額請得旨取中六名○以詹事府詹事惟勤為都察院左副都御史○賞安徽壬辰科鄉試年老諸生蕭文顯副榜○壬子以廣東廣州協副將經文泰為雲南昭通鎮總兵官○癸丑秋分夕

月於西郊遣莊親王奕劻行禮○

上詣綺春園問

皇太后安○烏里雅蘇台將軍慶山因病解任以熱河都統武忠額署烏里雅蘇台將軍兵

部左侍郎嵩溥為熱河都統調理藩院左侍郎聯順為兵部左侍郎轉理藩院右侍郎奕澤為左侍郎以駐藏辦事大臣隆文為理藩院右侍郎以內閣學士倭什訥兼正藍旗漢軍副都統○甲寅諭軍機大臣等人奏廣東前署東莞縣知縣今升南雄州知州吳毓鈞前在東莞縣任內廢弛不職各款迨升任南雄州知州縱役殃民較前更甚又前任南澳同知張鈞丁憂後逗留省城關說公事

該省有二鈞同惡之謬該員曾否回籍有無劣跡一併請旨飭查嚴辦等語州縣為親民之官必應潔己奉公方為無忝厥職豈容任性妄為廢弛公事若如所奏該二員均屬有玷官常於吏治大有關係著昇寅賽尚阿悉心查訪吳毓鈞各款劣跡是否屬實傳提到省面加訊鞫毋任稍有隱匿諱飾如果屬實即據實嚴參其張鈞曾否回籍在任有無劣跡一併查訊明確據實參辦毋得瞻徇情面

曲為開脫原摺著鈔給閱看將此諭令知之○以內閣學士慶敏署理藩院右侍郎○以成都軍標中軍副將尚政華為山東兗州鎮總兵官○調盛京副都統國祥為熊岳副都統○賞都察院左副都御史文蔚副都統銜為駐藏辦事大臣命駐藏幫辦大臣徐錕來京賞鴻臚寺卿嵩濂頭等侍衛為駐藏幫辦大臣○以故雲南曲靖府平彝縣屬土縣丞海沛沅子朝宗襲職○乙卯

世宗憲皇帝忌辰遣官祭

泰陵○

上詣

安佑宮行禮○諭軍機大臣等昨派文蔚嵩濂赴藏辦事惟西藏極邊地方甚屬緊要若一時二人俱行更換似不相宜將此寄知隆文徐錕俟文蔚等到任後徐錕先行起程回京當差隆文仍駐一二月將彼處諸事情形明白詳細告知文蔚嵩濂使文蔚等於任內諸

事略為熟悉。隆文再行回京當差。湖廣總督訥爾經額等覆奏查禁流民。潛赴苗疆並籌議收養招徠章程。一步壯遊民。遠赴苗疆租種山地。亟應嚴行查禁。已赴外省乞食之民。應截留押送回籍。一逃荒已出本境之民。應令附近州縣妥為收養得旨。所奏尚屬妥協。務須實力行之。如奉文了事致滋後患。或被入糾參。朕惟汝等是問。決不姑貸。懷之以鳳凰城城守尉閻普通武為盛京副都

統。丙辰諭內閣武忠額奏園場兵丁隨缺地畝不堪耕種。請將附近官地另行籌撥一摺。園場兵丁向不關領米石。全賴隨缺地畝收納租糧。以資養贍。茲據查明右翼四旗兵丁前撥隨缺地畝七十五頃。實係沙積日深。不堪耕種。該兵丁等徒有受地之名。不獲食租之利。生計未免拮据。著准其援照成案。在於附近園場之豐寧縣入官地內擇其上中二則土性饒沃者撥給七十五頃。作為該兵

丁等隨缺地畝自行議租收糧。以裕兵食而示體恤。該都統即分飭熱河道承德府轉飭該縣查明辦理。並造冊咨部備案。該部知道。新授雲南昭通鎮總兵官經文泰因病解任。調福建建寧鎮總兵官普陀保為昭通鎮總兵官。以前任貴州鎮遠鎮總兵官孫掄元為建寧鎮總兵官。丁巳諭內閣程祖洛等奏請將怠玩依違之守令分別撤任革職一摺。所參甚是。閩省饑商疲乏。私債積弊通省

皆然。惟邵武府之光澤幫為尤甚。經程祖洛等設法清釐。責令各還各欠。並停息歸本。從道光十六年起。勻作八年分還。其各鋪戶前立議約載明公還均令嚴飭吊銷。本年五月間經該督等札行。而該縣滕子玉復有斷令商夥換立公還票據之事。該幫監生何騰蛟自號總櫃夥。以公櫃名目向各鋪戶借銀一萬五千餘兩。放債之人藉有公櫃票據。勒令現商代償。不顧場鹽缺產之時倚眾恃強硬

索希圖轉販漁利。各商夥恐接濟不及。滋生事端。紛紛避匿。該縣滕子玉並不彈壓。轉以商夥逃散等詞。朦混稟府。押回一味依違。泄沓。竟置上司之文檄於不問。實屬膽妄。該府劉學厚既不遵札趕辦。又於該縣謬妄之處。不即嚴查叅辦。直待商夥逃散。始委員往查。亦屬督率無方。邵武府知府劉學厚著摘去頂帶。先行撤任。代理光澤縣事候補知縣滕子玉著暫行革職。一併留於光澤縣。勸限一

箇月。將現商丁長暉等所欠私債。逐戶清釐。另立各還各欠票據。其前立公還約票。盡行吊銷。並查明究係何人從中把持。嚴拏到案。如有別情。必當從嚴究治。斷不准曲為開脫。又諭訥爾經額等奏代辦知縣與舉貢職員互相訐稟。請一併革審。一摺。湖北代辦石首縣事縣丞鍾文選。散放該縣地方撫卹銀兩。如果毫無弊端。何以不將應撫戶口出榜曉示。且該縣原領銀數。與劉經邦等續控

散放數目。多寡懸殊。恐實有剋扣侵蝕情弊。至貢生徐衷超等。或奪取印冊。或攔截災民。今將領票蓋用圖章。雖據供並未挾制圖詐。難保非捏飾狡避。耿耿之等果未捏名冒領。何致陳復元路過廩所。無端被書差鎖押。舉人張孝槩。先以必須安頓之言。赴縣關說。因被申飭。即挾忿上控。其於徐衷超等紛紛阻鬧。未必無勾串主使情事。案關剋減冒領。官吏紳民。互相稟訐。必應徹底根究。嚴行懲辦。

縣丞鍾文選著革職。舉人張孝槩捐貢徐衷超。生員劉經邦。耿敬之。職員陳復元。俱著一併暫行斥革。交該督等親提全案人證。秉公嚴訊。務得確情。按律定擬。具奏。斷不可任其狡展。尤不可被人弊混。勉之尋奏。鍾文選散放撫卹銀兩。不將被災戶口榜示。僅傳災民赴領。已屬辦理不善。迨經紳士阻鬧。停廠不放。復致災黎待哺。實屬乖謬。請發往軍臺效力贖罪。捐貢徐衷超。商同鄭潮等。攔截災民。

復以剋減等詞上控。妄為滋事。擬杖一百。徒三年。舉人張孝槩。挾鍾文選申飭之嫌。輒藉詞控告。照律杖八十。開復舉人納贖。生員耿敬之等。訊無串關情事。均免置議。下部議從之。浙閩總督程祖洛。奏報辦理閩省鹽務情形。得旨。務須實力整頓。安立章程。避怨二字。置於度外。祇知為公。為國。方為不負信任。勉之又勉。鑄給東河榮原北岸管河主簿條記。從河道總督吳邦慶請也。禮部議准。

前任河南巡撫楊國楨。疏報採訪息縣貞節婦女任吳氏等二百八口。請建總坊旌表。從之。戊午。諭軍機大臣等。新授福建寧鎮總兵孫掄元。前在貴州鎮遠鎮總兵任內。經阮元奏稱該員才具究久開展。難勝苗疆專閫之任。請以副將補用。前經來京引見。因其年力未衰。降旨仍以總兵用。昨有旨將普陀保調補雲南昭通鎮總兵。所遺之缺。已簡放孫掄元矣。總兵有統率將弁。整飭戎行之責。

必須明察有為。庶足以資訓練。本日召見孫掄元。看其人不甚明白。雖精力未衰。而年已逾六十。著程祖洛俟孫掄元到任後。隨時察看該員於操練兵丁。整飭營伍。是否尚堪勝任。儻不能得力。即著據實具奏。毋稍徇隱。將此諭令知之。又諭。新授山東兗州鎮總兵尚政華。前由副將升任建寧鎮總兵。旋經丁憂服闋。復補副將。朕因其曾升任總兵。是以補授今職。總兵有稽察將弁。統率營伍之責。

必須明幹有為。方足以資整飭。連日召見尚政華。看其人甚老實。又未著有勞績。著鍾祥於該員到任後。留心察看該員於訓練兵丁。催趲糧船。是否實能勝任。如果不能得力。即著據實具奏。無稍徇隱。將此諭令知之。尋奏。尚政華賦性老實。外任多年。營務猶屬練習。就現在查看其於訓練催趲。均尚勤勉。似可勝任。報聞。己未。遣官祭賢良祠。廣西巡撫惠吉等奏報越南內訌未靖。遵旨防範稽

查並沿邊關隘照常安靜得旨所奏甚悉辦理頗合機宜但彼國兵連禍結未知何時能靖彼一日不靖我一日不可無防也務飭沿邊文武斷不准日久生懈致有疏虞朕料該國講和之說斷不能久一國之中豈能並大必有一敗耳庚申

上詣綺春園問

皇太后安諭內閣本日據盧坤等由驛馳奏越南國差官護送廣東遭風師船弁兵回粵

一摺本年三月二十六日廣東左營外委陳子龍在瓊州府廠領駕左營一號撈船一隻兵丁共二十七人遭風漂到越南清華省地方經該處官目接引入港資給錢米復經該國王派官前往設宴款待分給外委弁兵銀米等物並將船隻器械代為燂洗修補旋派差官李文馥等駕船護送回粵越南遠隔重洋素稱恭順今該國王因內地兵船遭風漂泊到境優給供頓種種周詳雖據該使人

稟稱此係分內應辦之事上年護送水師提標遭風米艇回粵該國王仰沐厚賞心已不安此次不必具奏該督等即傳諭該國王現已奏請恩施大皇帝聞汝拯救師船資贍送回度恪盡禮可嘉之至自應優加獎賜以廣懷柔著降敕褒獎並賞賜該國王各樣緞匹此次該國帶有壓艙貨物及將來出口貨物俱著加恩免其納稅仍循照舊章先行開艙起貨銷售俾免稽遲所有頒給該國王賞件

著該督等先行文該國王知之俟敕諭發下即將賞件一併交兵部由驛遞往廣東遇有該處船隻之便該督等即飭令攜帶回國如無便船則移交廣西巡撫酌量妥寄至該國差官李文馥等亦著該督等優加賞賚交該國王頒給該部知道又諭瑚松額等覆奏辦理夷案完竣情形一摺四川戡邊廳十三支赤夷內雅扎等支夷因夷地荒歉乏食並因所管娃子竊挖漢民竹筍致被毆斃藉圖

報復出巢滋釁勾結馬邊廳支夷糾集焚搶經楊芳前往督同將備按名查拏茲據該將軍等查明楊芳函稱我邊廳屬十三支赤夷內惟雅扎一支與烏拋家石畢等向不安分現在赤夷十二支頭人俱來投首情願將各本支附和滋事娃子自行清出捆獻雅扎與石畢等為此案起事首犯恃其地險抗不出見經楊芳調兵派令將備分路直搗巢穴殲斃賊匪三十餘名並將雅扎賊首哈兒立時

殺斃生擒黑骨頭夷目雙甲等其烏拋賊首石畢亦經義勇隨同官兵一併擒獲其餘未投各支聞風知畏陸續投見願同十二支赤夷公舉夷長各自鈐束娃子永保安靜是此次夷案業已辦理完竣其各犯起釁根由著訊明分別定擬並將該地方官查明一併據實叅奏朕思我邊等境漢夷雜處全在該地方官撫綏得宜方可邊圉永靖乃楊芳上年奏報三廳地方一律肅清我邊二十四地皆

所親歷並稱撫其馴服誅其獷悍不致復行滋事何以未及半年即有此焚搶之案且此次趕緊辦理調派兵將已閱數月之久若能杜絕萌芽不致再肇釁端方為辦理妥善儻經此次懲創之後該夷等再有勾結滋擾搶劫逞兇情事更屬不成事體楊芳兩次在彼督辦情形是所熟悉瑚松額鄂山具有控制之責著悉心籌畫設法防範毋貽後患方為不負委任如辦理草率閱時未久復有夷匪

滋事該將軍等不能當此重咎也○諭軍機大臣等盧坤等奏英咭喇國夷情謬妄請旨辦理並現在籌備情形據稱該國夷人自公同散局各自貿易事無統攝本年六月內有該國夷目啤嘮啤來粵稱係查理貿易事務攜帶眷屬寄住澳門兵船該夷目換船至省外夷館居住當即飭令該洋商查訊該夷目不肯接見旋即呈遞致盧坤書信一函係平行款式混寫大英國等字樣盧坤等以體制

攸關。申明例禁。俾該夷人遵守舊章。反覆曉諭。該夷目違抗不遵。隨飭委員等面加查詢。該夷目總不將辦理何事。說明原委。又不將兵船開行回國。屢次違抗不法。請照例封艙。將該國買賣。暫行停止。量加懲抑。如果夷目改悔。遵守舊制。即准其奏請開艙。該夷人除礮火以外。一無長技。現在密派員弁在省城內外及澳門一帶。分投布置。鎮靜防範。仍飭該府縣訪查漢奸。嚴拏懲辦。並查明該商等

有無情弊。嚴參究處。其澳門附近洋面等處。所有密派弁兵。豫為籌備。俟察看夷情安靜。即行撤回。等語。所辦尚妥。所見亦是。映咭喇國夷人。素性兇狡。向與中華不通文移。惟化外蠢愚。未諳例禁。自應先行開導。令該商等傳諭飭遵。茲該夷目既執拗頑梗。不遵法度。自當照例封艙。稍示懲抑。俾知畏懼。如該夷目及早改悔。照常恭順。懇求貿易。即准奏請開艙。祇期以情理之真誠。化犬羊之桀驁。但

能無傷大體。即無庸過事苛求。儻該夷人自恃船堅礮利。陰蓄詭謀。不聽約束。犬羊之性。急則反噬。則驅逐出省。不能不示以兵威。其省城內外及澳門一帶。大興山礮臺等處。務須密派弁兵。加意巡邏。不動聲色。鎮靜防範。至外夷在內地通市。如能照常安靜。自當一視同仁。曲加體恤。況天朝嘉惠海隅。並不以區區商稅為重。該國貿易百數十年。諸事均有舊章。豈能以該夷目一人之執謬。絕商舶

之往來。總當通盤籌畫。設法整頓。自未便任聽該夷目固執。致各散商紛紛向隅。務隨時察看情形。酌量辦理。固不可於國體有妨。稍事遷就。亦不准令邊夷啓釁。稍涉張皇。至該夷目膽敢抗違。有無內地漢奸。暗中唆使。必應嚴飭該府縣密速訪拏。從重懲辦。其外夷貿易。係洋商專責。茲該夷目來粵。該商等既不先行稟報。節飭傳諭。又無一能為殊屬玩忽。著該督等查明有無情弊。嚴參究辦。其現

在籌備防範各處該督等當約束弁兵密飭稽查防守以備不虞不准輕啓釁端致煩兵力俟察看夷情安靜即行撤回仍將辦理情形隨時據實具奏毋稍含混將此各諭令知之○辛酉

孝慎皇后殯宮月祭

上親臨奠酒○諭軍機大臣等前因巴爾楚克喀什噶爾兩處屯田為籌邊要務回民能否相安必當計及久遠斟酌妥辦當降旨諭令

長清興德詳細查數無庸會銜各自切實具奏並諭令蘇清阿親赴該處詳細履勘現在試墾屯田於回民生計有無妨礙可否即以回易民令其就近承種日後有無流弊之處查勘明確酌量辦理據實具奏續據興德覆奏查明該兩處屯田情形巴爾楚克所開之田在毛拉巴什賽克三地方本係荒地可以招民開墾並無熟地可占所墾之地距坡斯坎木哈爾喀里克等回莊在數百里以外與

回地並未毗連無從侵占且以地勢論之將來續增屯民儘有餘地可墾不致有妨回眾生計並查喀什噶爾屯田約二百餘頃開墾試種立定界牌並未侵占回地此外並無可開之田是以無人續行認種等語近因總兵唐倬陞見來京朕於召見時詳加詢問據稱該兩處屯田喀什噶爾所開之地本係立定界牌並未侵占回地此外並無可開之田其巴爾楚克賽克三一帶屯田俱係開墾荒地距回莊在數百里以外與回地並未毗連無從侵占即將來日聚日眾亦不致有妨回眾生計與興德覆奏情形大略相同現在蘇清阿計可到彼著會同興德體察情形妥為辦理不必因奉有諭旨在先稍存成見總須通盤籌畫計及久遠如果日後永無流弊即可無庸更動此次辦理屯田為籌邊經久之計該大臣等務當悉心商辦以重邊陲方為不負委任蘇清阿著俟會奏拜摺後即赴伊犁

卑

清實錄
道光十四年九月上

救修

道光十四年甲午九月癸亥朔諭內閣近日

朕看八旗前鋒護軍各營章京步射見其一
體穿用藍色袍服由此觀之率多競尚虛文
何所取意夫八旗營員惟期技藝嫻熟衣服
無關緊要著管理八旗各營大臣等明白曉
諭所屬官兵嗣後遇有射布靶及引見人員
惟期騎射嫻熟弓箭齊整所穿袍服紬布俱
可不必再拘顏色縱使不甚鮮明亦無不合
之處該管大臣等務今所屬章京兵丁各期
騎射精強操練衣服毋尚奢華以副朕敦本

崇實之意。將此通諭遵行。○貨福州駐防官兵修理衙署兵房俸餉銀。○甲子。諭軍機大臣等。前據盧坤等奏。喚咭喇國夷情謬妄。當經降旨。令盧坤等鎮靜防範。儻該夷目陰蓄詭謀。不聽約束。即行驅逐出省。示以兵威。本日又據哈豐阿等由四百里馳奏。八月初五日。有夷人巡船二隻。乘風闖入內河。該處礮臺。放礮攻擊攔截。該夷船膽敢抗拒。施放連環大礮回擊。現經左廷相統帶左司協領海

明楊承震二員。水師旗營佐領二員。驍騎校四員。兵三百五十名。於八月初十日。駕船前往獵德隘口。會同綠營將弁。實力防堵等語。此次喚咭喇夷人。肆嘯。自稱夷目。來粵查理貿易事宜。不領紅照。擅自來省。率遞書函。既經盧坤等傳諭封船。停其貿易。自應悔悟。恭順。俯首認罪。何以膽敢闖入內河。我兵放礮攔截。該夷船竟敢放礮回擊。彼此有無傷損。迨經帶兵防堵。該夷船現在停泊何處。且

盧坤既與該將軍等面商。撥派水師兵船。妥為堵禦。何以此次摺內。盧坤等並不會銜。外夷准令通商。本係天朝體恤。喚咭喇夷人。犬羊性成。心懷叵測。由來已久。此次夷船僅有二隻。夷人亦不過四百。若不乘此加以威懾。俾知畏懼。將來釀成巨患。重勞兵力。尚復成何事體。著盧坤暨該將軍等。悉心會商。通盤籌畫。倍加留意防範。切勿輕視。既不可稍事遷就。致滋後患。亦不可過涉張皇。聲容邊釁。

盧坤等接奉此旨。即著迅速查明。並將現辦情形。由四百里據實覆奏。將此由四百里各諭令知之。○乙丑。諭內閣。本日據盧坤等由驛馳奏。喚咭喇兵船闖入內河。調兵驅逐一摺。此次喚咭喇夷目。肆嘯。來粵貿易。不遵法度。該夷兵船二隻。番梢共三百數十人。寄泊外洋。經該督於六月間。即咨會水師提督李增階。派委參將高宜勇前往海口防範。並檄行提標將弁。督飭礮臺。嚴密看守。迨該督

等照例封船以後。又復咨令防堵。勿任夷船進口。乃竟疏於防禦。致該夷兵船。於八月初五日乘潮水漲發。闖進海口。各礮臺并兵開礮轟擊。該夷船放礮回拒。隨拒隨行。於初九日駛至離省六十里之黃浦河面停泊。現經該督等調派水師。嚴行驅逐。廣東水師提標中軍參將高宜勇。於六月間。即經派往海口堵禦。執任該夷兵船駛入內河。已屬疏玩。復據稱夷船乘潮駛風。阻擋不及。更難保非有

心掩飾。高宜勇著先行革職。如號海口示眾。仍著該督查明。如有玩縱掩飾情弊。即行從嚴叅辦。再降諭旨。所有守臺怠玩各弁。既經派人接替。俱著先行枷號。各礮臺示儆。仍查明疏縱情形。一併嚴叅。水師提督李增階。海防是其專責。乃該夷船闖駛入口。徑行越過各礮臺。守臺各弁兵。於兩隻夷船。不能擊退。殊堪痛恨。看來各礮臺俱係虛設。武備廢弛。一至如是。該提督平日所司何事。李增階既

因病請假。亦斷不堪起用。著先行革職。事定後再降諭旨。兩廣總督盧坤。既稱於六月間咨商防堵。並非措手不及。事出意外者。可比自應遣派得力將弁。嚴行備禦。何至任令該夷船駛入內河。不能防阻。是該督無謀無勇。各無可辭。有損國威。深負委任。盧坤著革去太子少保銜。拔去雙眼花翎。先行革職。暫留兩廣總督之任。戴罪督辦。如果辦理迅速。諸臻妥協。尚可稍從末減。儻因循貽誤。致滋後

患。定當以軍法從事。決不寬貸。懍之慎之。○諭軍機大臣等。本日據盧坤等由驛馳奏。喚咭喇夷船闖入內河。調兵驅逐一摺。已明降諭旨。將該督等分別懲處矣。此次喚咭喇兵船停泊外洋。本年六月間。即經盧坤咨會水師提督李增階嚴密防範。果能實力堵禦。何至闖入內河。乃於八月初五日。該夷兵船乘潮水漲發。闖進海口。各弁兵開礮轟擊。膽敢放礮回拒。且虎門橫檔等處礮臺。已被闖越。

並於初七日直過大虎礮臺。初九日駛至離省六十里之黃浦河面停泊。看來各礮臺俱係虛設。兩隻夷船不能擊退。可笑可恨。武備廢弛。一至於此。無怪外夷輕視也。現據該督等奏稱。調用大船十二隻。每隻用大石塊十萬斤。橫沈水內。用粗大錨纜繫掣。復用木排在水面阻塞。堵其入省水路。並調集提標大帥船二隻。軍標大小帥船六隻。及新會順德各營縣內河巡船二十餘隻。配兵備械。嚴密巡防。又調撥督標兵丁三百名。撫標兵丁三百名。提標兵丁七百名。府縣壯丁三百名。整備槍礮。在兩岸陸路防備。其大黃滘支河。派委參將盧必沅。帶領巡船二十餘隻。在彼攔截。並用大木排堵塞河面。又於對河建設木閘。委都司洪發科率領督標精銳兵五百名。水師兵一百名。運帶撞礮及劈山威遠大礮。以一百五十名防守礮臺。以三百五十名紮營策應等情。盧坤恐澳夷西洋人為喫咭喇。

夷人所惑。飭委副將秦裕昌會同文員曉諭布置。並一體防範。不致疏虞。該西洋夷人極為恭順感激。情願自行防守。極應如此辦理。又另片奏。此時前路兩處全行堵塞。後路亦在長洲崗地方購備大石。派永靖營兵丁三百名。今遊擊王祿管帶防守。一俟礮石等處。師船駛入。即將大石堵塞河內。該夷船即無出路。並豫備大小船百數十隻。暗藏硝磺柴草引火之物。為火攻之計。等語。喫咭喇夷人桀驁性成。心懷叵測。由來已久。此次夷船僅有二隻。番梢亦不過三四百人。果能絕其進出之路。阱獸釜魚。何難頃刻掃蕩。惟該夷目畔嘮畔。既稱來粵貿易。何以一經封船。狡焉思逞。竟敢闖入內河。放礮回拒。殊出情理之外。恐尚有別項船隻。遂為接應。必須確切查明。通盤籌計。該督等接奉此旨。務即悉心會商。妥速辦理。如該夷目一經懲創。計窮力竭。俯首認罪。尚可寬其一線。即飭洋商曉以利。

害責其擅進兵船擅用礮火並詰以因何來省之故。儻仍執迷不悟頑抗如前該督等即整飭戎行相機驅勦務令該夷目震懾天威悔悟恭順該督等儻仍前玩愒釀成巨患朕惟知執法從事斷不能倖邀寬典也懍之慎之將此由五百里各諭令知之○以江南蘇松鎮總兵官關天培為廣東水師提督○丙寅諭內閣鍾祥奏訪拏鄉試舞弊人犯請將教職營員等革職嚴審一摺鄉試為抡才大

典防閑周密方可選拔真才豈容奸偽之徒勾通舞弊茲據該撫查出該省鄉試竟有包攬傳遞並私雕假印包辦飛卷等弊即於場前訪獲究辦查拏認真可嘉之至所有德平縣捐職訓導信會來歷城縣捐職從九品鈕華庭撫標左營世襲雲騎尉候補守備馬德俊右營候補把總朱士傑俱著革職邱縣舉人王敬敷著即斥革交該撫提同案內各人犯嚴行審訊勿任其狡展勿有意開脫務得

確情按律定擬其在逃之浙江舉人王洽著浙江巡撫即速飭拏務獲歸案辦理並飭各該縣即將逸犯姜瀚生等按名弋獲解省審辦尋奏訊明起意包攬私雕假印之經咸宜依例擬斬監候朱士傑馬德俊等發近邊充軍鈕華庭等杖流王敬敷信會來杖責下部議從之○追封禮親王全齡生母王氏為故禮親王錫春側福晉○以江南京口協副將田松林為蘇松鎮總兵官○丁卯

上詣騎春園問

皇太后安○以清江蘇劉河出力予通判周岱齡等加銜升敘有差○蠲緩直隸宛平大興固安東安永清武清六縣被水村莊新舊額賦有差並加賑災民給房屋修費○己巳諭內閣程祖洛等奏酌籌撥解臺灣道庫貯備銀兩一摺福建臺灣一府孤懸海外必須庫貯充裕方可緩急足恃據該督等查明請由收捐監生銀兩歸補本省封貯項下酌撥十

萬兩發交道庫。以為備公要需。著照所請。准其如數酌撥。此項銀兩。著責成臺灣道專款加謹封貯。不得與府庫糾纏。致滋弊混。如遇重大緊要事件。著該道一面酌撥。一面自行具奏。並報明督撫藩司存案。事竣分別歸補。此外尋常事件。及疊放官兵俸餉等項。照舊由臺灣府自行籌撥。概不准擅動。遇有新舊交代。責令從任盤查結報。造冊詳報客部。儻有那移短缺。據實參追。如遇將軍督撫提督渡臺巡閱。照督撫年終盤查司道庫款例。覈實盤查。於奏報巡閱事竣摺內。聲明有無虧短。分別究辦。○又諭程祖洛等奏。參許稟知縣之典史。及延不審揭提解之守令。請分別革職。撤任訊辦一摺。福建將樂縣事主全可柳被搶受傷一案。據該縣知縣黃樹本原詳內。並未聲明典史代驗。乃該縣典史栗萃鳳供係代驗刀傷。並以無賊無據之事。指為搶奪拒捕正賊。其為私擅驗訊。濫刑逼認。已屬

顯然。復以獲犯不辦。稟許該縣。該典史並無稽覈縣卷之責。何故鈔存事主在縣所遞呈詞。且賊犯鍾鄉應曾經脫逃。該典史稟內匿不提及。顯有誣許扶制情事。栗萃鳳著即革職。將樂縣知縣黃樹本。於事主初報搶奪時。如果飭委典史代驗。原詳已屬不實。復率任典史擅訊濫刑。並不據實詳揭。轉被許稟。實屬疲輓無能。延平府知府彭邦峻。於所屬典史稟許知縣之案。不即揭參。迨批飭提審。又復延宕。難保無彌縫徇庇情弊。黃樹本。彭邦峻著一併撤任。交該督等提同全案入摺。徹底研究。分別懲辦。黃樹本著先行開缺。延建邵道祥翼。近在同城。不能督率審揭。著於定案時據實覈參。該部知道。尋奏訊明栗萃鳳代訊供詞。概任意責打。迨賊犯鍾鄉應等脫逃。復心存疑慮。混行通稟。實屬乖謬。業已革職。請免置議。黃樹本因賊無賊據。不肯扶同枉斷。惟不能早訊詳揭。彭邦峻歷取供詞。尚

非玩擱。但未能迅速定案。應請分別議處。下部議。從之。○又諭。本日據給事中明奎等奏。本月初六日。該城吏目呈出連封呈詞一件。稱係正太差局人。持豐紳佈名帖。在該衙門投遞。內係指控張廣發。張廣財。二人多年教匪。在都藏匿。經該吏目派役密訪。張廣發實有其人。現在不知何往等語。並將原遞書函呈詞等件。一併呈覽。又據給事中恆青等奏。拾獲匿名揭帖。千條重情。當即派員查有張

廣發。張廣來等。即將帖內所指張廣發等二名。交坊暫行看守。請旨辦理等語。張廣發等著交刑部審訊。其張廣來是否即張廣財。訊明辦理。所有投遞揭帖之人。著步軍統領衙門順天府五城一體嚴拏務獲。按律懲辦。○賞前任荊州左翼副都統那當阿三等侍衛。為駐藏幫辦大臣。○禮部議准。江蘇巡撫林則徐疏報。採訪奉賢縣貞節婦女張顧氏等五百三十六口。安徽巡撫鄧廷楨疏報。青陽

縣鮑吳氏等三千一百四十一口。前任河南巡撫楊國楨疏報。偃師縣袁蘭氏等七十九口。孟縣張李氏等三百三十二口。各請建總坊旌表。從之。○蠲緩山西太原縣被水村莊額賦有差。○庚午。

上御演武廳。閱健銳營操。○以禮部尚書奕訢為滿洲鑄譯鄉試正考官。刑部右侍郎祥康為副考官。禮部郎中已彥達賴。兵部郎中文德和為蒙古考官。○貸廣東廣州肇慶二府

被水災民籽種。○辛未。諭軍機大臣等。前據盧坤等奏。喚咭喇國夷目啤嘮啤。於本年六月內。生載兵船。攜眷來粵。至省外夷館居住。妄遞信函。並不遵守舊章。陰蓄詭謀。屢次違抗不法等情。當降旨諭令照例封艙。如果改悔。即准奏請開艙。並著密派員弁。在省城內外及澳門一帶。嚴加防範。仍飭查拏漢奸。並查該商等有無情弊。嚴參究辦。續據哈豐阿等及盧坤等先後馳奏。該國夷船二隻。於八

月初五日。乘潮闖入內河。該處礮臺放礮攻擊攔截。該夷船施放連環大礮抗拒回擊。直越各礮臺。於初九日駛至離省六十里之黃浦河面停泊。現據該督等調用大船十二隻。裝載大石塊橫沈水面。並用大錨纜繫挽。及木排堵塞該夷船進出之路。並調撥弁兵。整備槍礮。建設木閘防守。礮臺豫備大小船百數十隻。暗藏硝磺柴草等物。為火攻之計等語。當降旨諭令該督等會商妥辦。夷船僅有二隻。番梢不過三四十人。此時兩路堵塞。何難頃刻掃蕩。恐尚有別船接應。必須確切查明斟酌辦理。如該夷目窮威認罪。尚可寬其一線。儻仍執迷不悟。即相機驅剿。毋得仍前玩愒。致貽巨患。連日未據該督等將辦理如何情形。陸續奏報。朕心甚為懸系。嗟咭喇國夷人。素性兇狡。特化外蠢愚。未諳例禁。該國貿易百數十年。諸事均有舊章。何以此次經該督等疊飭申諭。違抗不遵。且居住夷館。不

將辦理何事。說明原委。該夷人心懷叵測。由來已久。該省外夷通市。向係洋商經理。豈無傳聞確見。據該督等奏。該夷因公司局散。欲向各夷船抽分稅銀。隨後尚有兵船來粵。或係為挾持夷商起見。以為傳言不足深信。該夷即犬羊成性。數萬里遠涉中華。種種受制。歷來通市。辦理俱有舊章。豈能無故反噬。必當究明原委。庶有以折服其心。天朝嘉惠海隅。並不以區區商稅為重。但外夷通市。不能絕商舶之往來。總須徹底查明。迅速設法辦理。至外夷在省貿易。兵船不准擅行入口。且六月間該夷兵船。在外洋停泊。如有心闖入內河。為時尚隔兩月。該夷目正在夷館。肆無忌憚。屢諭不遵。該省豈無防備。該夷兵船。豈能偷越海口。絕無信息。且海口以內。各處俱有礮臺。望見該夷兵船。即應一面申報。一面攔阻。何至任其乘潮駛進。直越各礮臺。闖入內河。至其進口時。各礮臺弁兵。曾否開礮轟

擊該夷船如何放礮回擊。隨拒隨行。及越過大虎礮臺時。該將升等是否用大礮轟擊。抑或全行躲避。致令該夷船如入無人之境。至其於入省水路。及大黃澤支河河面兩處。全行堵塞。並後路長洲崗地方。購備大石。派撥弁兵防守堵塞。所用船隻。錨纜及石塊木排。分投布置。兵備戒嚴。並調撥大小船隻。豫備火攻。如果諸事整備。壯我聲威。該夷目力威計窮。俯首知懼。悔罪乞命。尚可寬其一線。儻

頑抗如前。即應相機驅剿。該督等是否悉心調撥。布置得宜。抑係先事疏防。臨時籌備。著昇寅等暗察邊情。明訪輿論。將該督等於辦理此案節次情形。如何措手。及現在夷船停泊內河。如何辦理情形。詳細查明。據實具奏。此係密交查辦之件。諒昇寅等自必倍加慎密。斷不敢稍滋漏洩。致負委任。將此由四百里諭令知之。○壬申遣官祭都城隍之神。○以故回部郡王銜貝勒阿布

都爾滿子邁瑪特愛孜斯襲爵。○貸江蘇碭山縣潘利民永定二河銀。○癸酉諭內閣本日據哈豐阿等由驛馳奏。喚咭喇兵船夷目均已押逐出口。一摺。喚咭喇夷目。肆嘯。來粵貿易。不遵法度。該督照例封船。該夷目又不請牌照。擅令兵船二隻。闖入海口。進至內河黃浦地方。經該督調派文武員弁兵丁。並谷調旗營提標師船。及新會等縣內河巡船。分布前路。及兩岸扼要處所。該夷兵船人等。

見水面木排橫互。槍礮如林。大小師船排列數里。陸路亦處處駐兵紮營。聲勢聯絡。軍威嚴整。該夷目等伏處舟中。內外消息不通。進出無路。惶恐悔罪。懇求給牌下澳。該督因該夷目違禁膽玩。若即准其出省。來去自由。不足以懾服夷情。飭令洋商伍敦元等嚴加詰問。該夷目因何不領牌照。擅將兵船闖入內地。意欲何為。且於兵丁開礮轟擊時。輒敢放礮回拒。今其明白登答。方准出省。旋據該夷

商咖啡咭等覆稱。啡啤係屬夷目。與大班不同。不曉事體。兵船進口。實因商船封船。保護貨物。緣海口兵丁開礮轟擊。夷兵亦放礮自護。深知悔錯。且該國商稍數千人。俱以該夷目不遵法度為非。無一附和之人。該督等因該夷目啡啤。既已認錯乞恩。眾散商節次籲求。自應寬其一線。逐令出口。即准該商等赴粵海關請領紅牌。該督派委文武妥員。於八月十九日。將啡啤押逐出口。該夷兵船二隻。亦於是日開行。押出虎門海口。所有調防各處水陸官兵。概行撤回。分別歸伍。歸巡。當該夷進退兩難之際。何難立行勦滅。但此等外夷。趨利若鶩。其不諳例禁之處。不值與之深較。朕亦不為己甚。玩則懲之。服則舍之。該督等辦理此案。尚合機宜。前因該督等不能先事豫防。致令該夷兵船闖入內河。勞師驅逐。是以降旨分別革職示懲。今既將該夷目等押逐出口。是該督等始雖失於防範。

終能辦理妥善。不失國體。而免弊端。朕頗嘉悅。盧坤著加恩賞還太子少保銜。並給還雙眼花翎。其前此疏防。亦難辭咎。著仍帶革職留任。所有海防各營汛。乃水師提督專轄。前任水師提督李增階。業經革職。現已事定。著毋庸議。即令回籍。已革水師提標中軍參將高宜勇。著俟加滿一月後。即行釋放。其看守礮臺。怠玩各弁。著一併加滿釋放。此係朕格外施恩。該督等惟當知感知懼。力加振作。於營務海防。隨時認真訓練。務將從前積習。痛行肅除。俾士卒悉成勁旅。以壯聲威。而副委任。○諭軍機大臣等。本日據哈豐阿等由驛馳奏。喚咭喇兵船。均已押逐出口。一摺。覽奏均悉。已明降諭旨。分別加恩。並賞還盧坤太子少保銜。雙眼花翎矣。此次喚咭喇夷目啡啤。來粵貿易。不遵法度。並將兵船二隻。闖入內河。經官兵開礮攔截。膽敢放礮回拒。節經盧坤將該夷船進出之路。全行堵塞。該夷

目瞭見柴草船隻。惟恐火攻。實形惶恐。現據該國散商咖啡哈等投稱。嘩嘩自認不諳。倒禁。是以未領牌照。兵船實因護貨。誤入虎門。自知錯誤。乞求恩准下澳。兵船即日退出。求准出口。該督派文武妥員。於八月十九日。將嘩嘩押送出口。該夷兵船。業於二十二日。押出虎門海口。並將所調官兵。撤回歸伍。辦理尚為妥善。該督等務嚴飭所派將弁。加意防範。不得因該夷船業經出口。稍存怠玩。

又另片奏。該省水師營伍。人材甚少。俟新任提督到粵後。從長商辦。又各處礮臺。有無應行更定事宜。俟親往查勘。酌量辦理。至該國公司既散。仍應另派大班管理。方可相安等語。啖咭喇夷人。與內地通市。向來不通文移。然必須有統攝之人。專理其事。著該督等即飭洋商。令該散商等寄信回國。另派大班前來管理貿易事宜。以符舊制。至沿海各處礮臺。尤當力加整頓。不可有名無實。著該督於

校閱營伍時。親往虎門一帶。逐加查勘。如有應行更定事宜。務當悉心妥議。總期有備無患。實在得力。方足以壯聲威。而資防禦。其營務海防一切章程。著俟新任提督關天培到粵後。該督等會同籌商。設法整飭。力除從前怠玩積習。俾該將弁等有勇知方。悉成勁旅。至關口進出稽查。全在粵海關監督廉以飭躬。嚴以馭下。方能懾服諸番。著該督等會同新任監督彭年。將廢弛積弊。痛加整頓。其如

何釐剔弊端之處。著即商酌詳議。釐定章程。據實具奏。將此諭知。盧坤祁墳並傳諭彭年知之。○禮部奏。十月初十日。

皇太后聖壽節。應行禮儀。得旨。是。照例行禮。奉皇太后懿旨。停止筵宴。其在外福晉命婦進內行禮之處。並著停止。○以司經局洗馬邢福山翰林院編修丁善慶署日講起居注官。○命翰林院修撰吳其濬。仍在南書房行走。○修浙江海塘柴工。從巡撫富呢揚阿請也。○

緩徵奉天承德遼陽二州縣被水民地額賦
給海城遼陽新民承德四廳州縣及牛莊鳳
凰城二處旗民一月口糧並牛莊遼陽州旗
民房屋修費○命五城於冬春二季設廠煮
賑○甲戌

上詣綺春園問

皇太后安○御洞明堂勾到新疆雲南貴州廣
西情實罪犯停決新疆絞犯二人雲南斬犯
五人絞犯二人貴州斬犯十一人絞犯四人

廣西斬犯三人餘六十六人予勾○以通政
使司通政使受慶為都察院左副都御史○
撥烏什試種熟地五百頃作為新添伯克養
廉從領隊大臣常恆等請也○乙亥諭內閣
瑚松額等奏藏擒夷匪辦理全案完竣一摺
四川戡邊廳屬十三支赤夷內惟雅扎與石
畢等為滋事首犯經楊芳調派弁兵直搗巢
穴藏擒首從各犯多名業經降旨令該將軍
等訊明起釁根由分別辦理矣茲據奏稱雅

扎一支與烏拋之石畢恃險抗傳楊芳就近
調兵分投進剿業將雅扎賊首哈兒立時殲
斃又殺死餘匪三十餘名擒獲夷目雙甲並
烏拋賊首石畢其餘畏斃跳崖斃死者約有
八九十名畏罪投首及擒獲來營者共一百
二十三名除首要各犯解省審辦外苟可貸
其一死者交各頭人領回管束餘即就地正
法仍撥拏未盡餘匪並安撫追回被擄民人
現據十二支赤夷各出具木刻自行鈴束娃
子並於各支內舉出誠實老成之頭目二十
六名每年酌給犒賞按月輪流在文武衙門
聽差藉以羈縻復於地勢要隘酌派汛防兵
丁以資巡緝其毗連之馬邊雷波等處各支
夷一體設立夷目保守界址等語此次夷匪
雅扎石畢等出巢滋釁勾結焚搶提督楊芳
帶兵擒剿悉數就擒辦理尚屬妥善著交部
議敘該將軍等仍遵前旨即提集現獲各犯
訊明起釁根由分別定擬具奏其失察夷匪

滋事之該地方文武各員并著查取職名。交部議處。此項夷人與漢民雜處。往往因爭地索租。肆行搶奪。此次痛加勦辦。全就肅清。並准各支公舉頭目。在文武衙門聽差。給以犒賞。復添兵巡緝。益昭周備。其毗連各支。亦設頭目。保守界址。果能實力奉行。認真查察。自可永靖邊圉。該將軍等惟當嚴飭所屬文武員弁。隨時防範。杜絕萌芽。庶不致再肇釁端。重煩兵力。儻敢仍前怠玩。閱時未久。該夷等

再有勾結滋擾。搶劫逞兇情事。朕惟該將軍等是問。不能當此重咎也。○諭軍機大臣等。本日據瑚松額等奏。藏擒夷匪。辦理全案完竣。一摺。已明降諭旨。令該將軍等提集首從各犯。查明起釁根由。分別辦理。並將楊芳交部議敘矣。又另片奏。該省番夷部落眾多。其隸越嶲。我邊馬邊。雷波等廳所屬夷寨。周圍涼山數千餘里。直與滇黔二省夷界毗連。涼山以外。漢夷雜處。搶奪之案。事所常有。全在

地方文武各員隨時懲辦。即可了結。乃向來該省遇有夷案。該文武各員往往張大其詞。希冀用兵。以為邀功地步。每有搶奪。浮言四起。此等惡習。最為可恨。該夷匪等犬羊之性。出沒無常。搶掠人畜財物。擾害良民。若不加懲創。恐積久生玩。釀成巨案。儻厚集兵力。將各夷種類。悉行殲除。得其地不足以養民。且大軍深入。水土不宜。糜餉勞師。實屬不值。該將軍等惟當嚴飭所屬文武員弁。平時勤

加約束。務使相安。遇有搶掠之案。認真稽查。隨時懲辦。既不可因循貽誤。尤不可過事張皇。如有不肖員弁。撫馭失宜。仍蹈從前積習。即著據實嚴參。毋稍姑息。經此次辦理完竣之後。儻閱時未久。該夷等再有勾結滋事等情。朕惟該將軍等是問。恐不能當此重咎也。將此各諭令知之。○以故奉恩將軍璽方叔成熙襲職。○以御前大臣僧格林沁為後扈大臣。貝子濟克默特為學習後扈大臣。○巴

里坤領隊大臣慶福因病解任賞伊犁協領阿精阿副都統銜為巴里坤領隊大臣○丙子諭內閣漕糧為天庾正供節經降旨令有漕各省督撫早兌早開剋期渡黃不許稍有遲滯乃本年重運漕船不能剋期抵壩有逾例限遲至六月十九日始行全數渡黃其重運尾幫必須趕緊回空無誤歸次現在節屆霜降水勢漸消若再遲延必逾回空例限明年新漕又安望及早受兌耶著該漕督及沿途督撫嚴行催趲無分晝夜銜尾前行不准藉詞停泊庶幾以速補遲如期歸次至來年辦理新漕必須迅速兌開赴黃水未漲之前趕早完渡著有漕各省督撫嚴飭各糧道早兌早開總令於四月初十日以前全數趲至清江剋期抵壩跟接渡黃北上無許延誤儻仍因循怠玩以致臨事周章有逾期限定將該漕督及各督撫嚴行懲處決不寬貸將此通諭知之○丁丑諭內閣栗毓美奏查明桐

柏縣前設鹽廠請旨裁撤一摺河南桐柏縣設立鹽廠二處應否裁撤前經降旨著該撫體察情形妥立章程據實具奏茲據該護撫查明桐柏縣行銷河東路鹽與行銷淮鹽之信陽確山及湖北棗陽隨州接壤鹽價懸殊易致浸灌該縣舊設卡房六處復於道光十一年在於接壤淮網之鍾家岡等處添設卡房十一座是該縣路通淮網地方共有新舊卡房十七座足資巡緝原設公廠二處本可無需且董事紳士經手過秤藉收用錢徒滋紛擾著即行裁撤以符定制其界連湖北之棗陽隨州等處著該督撫嚴飭所屬一體嚴密堵緝以肅鹽政○又諭琦善奏勘估堵築漫口工料並挑挖引河銀數一摺本年永定河北中汛漫口原寬三百五十丈據該督查勘情形應將東岸旱灘一百六十三丈補築土隄餘存口門一百八十七丈必須一律賴鑲進占接下丁頭大埽背後幫築餞隄臨河一

面鑲做護埽其引河自漫口迤下至南八工下汛尾間之單家溝止間段估挑共長二萬七千四百五十六丈五尺所有一切正雜料物共約需銀十三萬兩著准其籌款動撥解赴工次交該道張泰運收存備用國家經費有常該督此次所撥款項亦不為少矣務須派委誠實之員專司稽覈並嚴飭承辦各工員認真經理力加撙節於工程實有裨益而帑項不至虛糜如有餘賸銀兩即留為善後

中錄卷一百六

五

工程之用該督即飭令分段趕緊挑挖相機進占以期及早蒞事仍於進占時親赴工次督飭妥速辦理無許草率偷減工竣覈實報銷○諭軍機大臣等前任廣東巡撫朱桂楨於上年告病開缺八月內交卸巡撫篆務回籍調理朕曾諭令一俟痊可即速來京計在籍年餘當可就痊著陶澍親往看視朱桂楨於回籍後曾否調理日就痊可如精力復元即行據實具奏將此諭令知之尋奏遵往看

視見朱桂楨精神妥頓當囑妥為調養俾得迅速復元趕緊進京報聞○以詹事府詹事明訓為內閣學士兼禮部侍郎銜

實錄卷一百六

五

大清宣宗效天符運立中體正至文聖武智勇仁慈儉勤孝敏成皇帝實錄卷之二百五十六

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十七

監修總裁官經筵日講起居注官太子太保體仁閣大學士文淵閣領閣事管理戶部事務工部房總師傅翰林院掌院學士兼管

天府府尹事修隨帶加五級紀錄十八次在官積隨歲乞經筵講官吏部尚書預選漢軍部統管理新營營城內官房大臣稽察內

七名大臣稽宴會四譯館事於加一級隨帶於六級軍功加三級紀錄五次臣花沙納經廷議旨文淵閣提學閣事兵部尚書總

內務府大臣鑲黃旗滿洲都統壽泰內七倉大臣管理宗人府銀庫左翼初官掌
憲專宮以明園善處稱說嘗御茶膳房御樂房

醫院通辦處事務簡章加十八級並阿靈阿副都統官經延稟官兵部尚書隨帶加丹城紀錄二十次並周祖塔等奏

救修

道光十四年甲午九月戊寅諭內閣御史郭

鳴高奏。各部院衙門引用舊案。請定章程。以杜弊混。一摺。各衙門辦理事件。纂定則例。本極詳明。或例無明文。引用舊案。原不得以近似之案。牽混援引。其舊案業已註銷者。則當全行塗抹。以絕弊源。茲據該御史所奏。近日吏部錯選道員一案。實由已銷稿竈未經塗抹所致。嗣後著各部院堂官飭令各司員將辦過成案。逐一詳查。其有引例未協。及例文不載者。細心考覈。分別如何當存。如何當銷。

註明緣由。簽貼稿面。俟各該堂官校閱已定。即將當銷之稿。全行塗抹。仍將堂行簿大書銷字。則所銷之案。確鑿易見。自不致朦混引用。至於存稿。向祇鈐蓋司印。著於司印之上。加蓋堂印。另立一簿。開載事由。每頁亦鈐蓋堂印。遇有例所不載。援引成案。辦理事件。承辦司員持稿及簿。呈堂閱看。現辦之案。與舊案是否確對。該堂官自可一目了然。書吏自不得以近似之案。牽混比喻。致啓弊端。至於

各衙門釐定章程原所以防弊混務當徹底詳查不可稍有舛錯遺漏轉致日後朦混引用弊生於所防之外總在各部院堂官督飭各司員悉心稽查覈實辦理俾存銷各案朗若列眉毋任書吏以近似之案牽混援引以肅部務而清弊源○以國子監祭酒桂森為詹事府詹事己卯

上御洞明堂。勾到四川情實罪犯。停決斬犯三十一人。絞犯十人。餘八十五人。予勾。諭軍

機大臣等本日據步軍統領衙門奏拏獲私遞信函形跡詭譎之華泳祥並盤獲形跡可疑之華金印陳大二犯已降旨將華泳祥等俱交刑部審訊矣此案華泳祥先浼房山縣人閻姓在該衙門番役家內齎送書信指稱該縣張坊村有人起蓋妖廟習學邪術等語閻姓已回房山縣當經該番役等將華泳祥訪獲到案訊據該犯供稱係內務府正黃旗人在房山縣屬張坊村居住道光七年間有

民人張文郁樊贏在該村中林禪寺廟內修塑邪神村人王隴之妻王龔氏孀婦蔡氏指稱猴相三郎頂香治病畫符念呪賺錢使用八年間在涑水縣北莊村見民人董黑子之妻家中供奉猴相在各處看香治病畫符念呪該縣宋各莊申姓之妻名為散災聖母看香治病妖言惑眾又房山縣北白帶村民人蘇金蘇貞並蘇全之子蘇眉山在村北蓋廟名為黃姑它有蔡氏看病廟內塑有邪神每

逢朔望招聚多人燒香治病去年該縣知縣在北正村康姓家拏獲紅陽教匪七名監斃二名現在五名仍行監押有案該犯本欲首告是以在番役處浼長溝莊閻姓投送書信等語又訊據華金印等供稱華金印係內務府正黃旗人在房山縣屬張坊村居住八月內經堂叔華清太即華泳祥帶至涑水縣集上隨雇閻姓上京欲告北白帶村蘇太蘇二北莊董黑子張坊村王隴之妻宋各莊韓姓

之妻說他們俱是看香治病並要告他們紅陽會九月初四日在良鄉縣遇見堂叔華泳祥並陳太跟同來京初六日華泳祥進城交給包袱一箇初十日被官人盤獲包袱內搭出桃木牌一塊上有混元教主黑首位字樣係華泳祥的質之陳大供亦相同復訊華泳祥木牌原委稱係已故堂姪華金樑之物等語該犯華泳祥所供各情節案關學習邪術既欲首告即應赴各衙門呈遞乃使人信致

番役形跡殊屬詭譎。續獲之華金印等。僉稱來京首告。亦難憑信。其隨帶桃木牌所書字樣。尤為可疑。華泳祥所指各犯。俱在房山涑水二縣。著何凌漢、吳傑、琦善迅即派委妥員。前赴房山等縣各村莊。將該犯指稱情節。詳加偵訪。如果屬實。即按名查拏。解部審辦。其代華泳祥送信之間。姓著即拏送刑部。歸案審訊。至各該村莊民人等。是否學習邪術。與華泳祥所供相符。必應確切訪查。嚴拏懲辦。

毋任遠颺漏網。但不得縱容差役。妄拏無辜。致滋擾累。將此各諭令知之。○予故休致廣州將軍八十。卹祭葬。○緩徵山西五臺縣被水災民借欠倉穀。○庚辰諭內閣。盧坤等奏。叅知縣阮縱家丁。知府辦理延率。委員被票招搖。請分別革職。解任一摺。前任廣東會同縣丁。憂知縣趙榮。不能約束家丁。劉六犯姦。被本夫告發。經該府行提。延不解審。已屬阮縱。迨劉六被府差拏獲。該縣之弟趙二。即趙

謝。解放逃走。該縣豈能諉為不知。如果撕毀該府印票。授意縱逸。希圖消弭。尤屬荒謬。所稟府署官幕李中杰招搖。既稱係出自馮十之口。又不將馮十交審。顯係有心狡展。候補從九品洪作舟。在該府當差。果與李中杰無交通招搖情事。何致被該縣平空稟揭。瓊州府知府富爾崇阿。於該管知縣阮縱家丁。並不即時稟揭。叅辦。直至該縣呈請終養。經藩司行查。始行稟請撤任。已屬遲延。所稱該縣

餽送規禮。係撥補該縣捐款之處。難保非託辭掩飾。趙榮、洪作舟均著革職。富爾崇阿著解任。交盧坤等提同全案人證卷宗。徹底根究。務得確情。按律定擬具奏。毋得意存消弭。蹈官官相護陋習。致有不實不盡。○以浙江紹興協副將達洪阿。為貴州威寧鎮總兵官。○以捐修廣東海豐縣礮臺。予捐職都司林光佩議敘。○辛巳上詣綺春園問

皇太后安。○壬午遣官祭

歷代帝王廟。○諭內閣鐵麟等奏請減通州石壩囤米十萬石。並籌追囤費一摺。本年三進漕糧到壩過遲。前經降旨允准於石壩附近囤米三十萬石。以期剝船迅速往返輪載。茲據奏稱石壩囤米已足二十萬石。現在各幫米石全數起剝完竣。自係實在情形。所有續請再囤十萬石之數著毋庸續囤。以節糜費。至囤米每石費銀四分。計囤米二十萬石

實需費銀八千兩。此項銀兩係於通濟庫內先行墊發。應照嘉慶十五年成案著落山東省經管河員分賠歸款。著東河河道總督山東巡撫責令各河員分別追賠。解交通濟庫以清帑項。又另片奏浙江溫州後等幫多有短交梗米。請以稜米抵交。惟梗稜例價不同。每石飭按例裁銀一錢等語。著照所請。所有應交裁價銀兩。即覈明數目。行知該管糧道於本年冬間各丁應領新運錢糧內照數扣

繳。次年搭解來通。入於奏銷案內。併飭坐糧廳收兌。後於將來奏銷冊內註明此項米石係以稜抵梗字樣。庶免與漕冊兩歧。○諭軍機大臣等。本日據蘇清阿奏途遇霍罕貢使求還抄獲田地各情一摺。所見皆是。據稱霍罕貢使額爾沁愛連巴依向該大臣面稱從前抄獲田地皆係安集延回子用銀買的。懇求代奏賞還等語。現經該大臣諭以此項田地當日滋事之後。人俱逃散。房屋拆毀。所贖

荒地全無業主。是否係安集延之田產。無從查辦。且外夷在內地貿易。例不准置買田地。該貢使既經俯首無詞。自無庸再行查辦。致滋紛擾。況此項田地早經變價充公。事隔多年。若任其空言指認。勢必至喀什噶爾地方將來悉成外夷界址。既恐有礙體制。且多窒礙難行。現在民回屯田地界尚須確查。恐貽後患。若再以安集延認還之地糾纏其間。於時勢諸多不便。該大臣慮及久遠。實為妥協。

至該貢使所稱從前蒙恩赦回發遣各處為奴男婦回子。如今回去一半。還有一半。未經放回。再有逃散各回子留下妻女。多被內地民人分娶為妻。懇求斷回等語。即著該大臣移咨葉爾羌參贊大臣興德等。轉行各該城大臣等。即將斷離回婦。並尚未釋回緣坐逆犯之子女。如詳查原委。分別辦理。除事閱數年。實係無從查辦外。其尚可查出者。即由各該大臣傳到該回婦子女等。面加詢問。如果情願放回。其如何資送出卡之處。務須斟酌情形。妥為設法辦理。將此諭令知之。○又諭寄諭葉爾羌參贊大臣興德等。本日據蘇清阿奏。途遇霍罕貢使額爾沁愛連巴依。向該大臣面稱。從前該處蒙恩赦回發遣各處為奴的男婦回子。如今回去一半。還有一半。未經放回。再有逃散各回子留下的妻女。多被喀什噶爾內地民人分娶為妻。懇求斷回等語。當經該大臣諭以俟查明辦理。該貢使聞言。

感激。所有此項斷離回婦。並尚未釋回緣坐逆犯之子女。現據該大臣移咨葉爾羌參贊大臣轉行各該城大臣確查辦理。著各該城大臣等接奉此旨。即將前項回婦子女。確切查明。是否係遵照奏引霍集占之案。交各城伯克管束為奴。未經釋回。抑或另有別情。務即詳查原委。惟人數既多。事閱數年。除實係無從查辦外。其尚可查出者。即傳到該回婦子女等。面加詢問。是否情願放回。該大臣等即酌量情形。設法妥辦。如何資送出卡之處。務須斟酌盡善。將此各諭令知之。○又諭寄諭湖廣總督訥爾經額。湖北巡撫尹濟源。有人奏審擬圖財斃命之船戶。未能得實。請旨飭查一摺。此案山東舉人王餘枚。在湖北漢鎮地方。帶同僕人龍祥婢女桂女。並衣箱行李。搭坐汪之華米船。由蘇州回原籍山東。行至中途。王餘枚龍祥先後被船戶汪之文等謀斃。丟棄入水。並攫取銀兩衣物暨婢女桂

如漢陽縣知縣福克精阿原訊各供。歷歷如繪。迨原審之員卸事。接任知縣稟請委員會訊。該犯等忽翻異前供。該巡撫遂據後詳定案。咨明刑部。因思龍祥如果實係失足落水淹斃。王餘枚自應在船喊救。何以該犯等供詞內竟未提及王餘枚一語。至王餘枚即因上岸迷失道路。迄今數年。何以杳無音耗。况桂女年已十三。儘可訊取端倪。何以未向桂女研究。且前據漢陽縣知縣起獲王餘枚衣箱行李。並婢女桂女。贓據確鑿。初訊時並未刑求。即據該犯等供認圖財害命。不諱。何以委員覆訊。任令翻異。若謂王餘枚龍祥屍身未獲。無從定案。俟關會下游州縣打撈務獲。再行辦理。則大江之中。波浪洶湧。豈有時閱數年。尚能打撈之理。再該省咨文內既稱王餘枚上岸未回。殊非情理。而又以汪之華等業已病故。請將汪方蔭等擬徒監禁。試思汪之華初供汪方蔭等即係商同謀命之人。現

在汪之華等兄弟雖已拖斃。而汪方蔭等尚存。且有桂女指證無難推究得實。若如該省所咨完結是數年之後。汪方蔭等即可以徒罪發落。殊不足以成信讞。而洗沈冤。著該督等即親提人證卷宗。秉公研鞫。務得確情。按律定擬具奏。不得因該省現已咨結。並刑部業經照覆。稍存回護之見。以致兇徒漏網。死者含冤。儻敢意存消弭。稍有不實不盡。將來別經發覺。或被人控告。朕惟該督等是問。將此諭令知之。尋奏龍祥係自行落水。曾有焦同興接救。現在到案可證。王餘枚在蕪湖上岸未回。亦有陳上暹目擊為據。眾供鑿鑿。委非捏飾。現在船戶水手業已監斃四命。惟江正太一人在案。既已究明並非圖財害命。該犯僅止聽從汪之華隱匿。王餘枚遺存財物。並圖將桂女嫁賣。應請仍照原擬杖一百徒三年。惟王餘枚數載不歸。是否迷失道路。抑係別有事故。該舉人籍隸山東。係在安徽蕪

湖地方上岸未回。應請旨飭下山東安徽巡撫飭屬密加訪查。王餘枚實在下落。移楚覈辦。桂女亦照被誘之人減等滿徒例擬徒收贖。給王餘枚親屬具領餘俱照原咨辦理。下部議從之。○命陝西巡撫楊名聰來京陛見。以布政使何煊護巡撫。○以修理庫車城垣兵房賞六品頂帶回子王素普等藍翎。餘升敘有差。○旌表守正捐軀山東齊東縣民劉應浩妻姜氏。○命陝甘總督楊遇春撥銀七

萬七千六百三十兩有奇。解赴葉爾羌巴爾楚克。一萬三千七百兩。解赴和闐。借道光十五年經費。○修山東運河上河兩廳閘工橋壩。從河道總督吳邦慶請也。○癸未

上御洞明堂。勾到廣東陝西福建情實罪犯。停決廣東新犯五人。絞犯二人。陝甘斬犯六人。絞犯二人。福建絞犯一人。餘七十三人予勾。

○諭內閣。前據寶興等奏敬謹詳查

永陵

福陵應修各工。請分年修理。以合吉友當經降旨。派奕經帶同派出之司員萬貢珍前往敬謹相度。並會同寶興等先行勘估具奏。茲據奕經等奏。將敬查水道情形。並勘估各工。分別應修應緩。開單呈覽。

永陵柳林內草倉河。因本年山水陡發。河身淤塞。長八十丈。自應挑挖深通。速歸故道。又下馬牌南

明堂圓屑下衝出水溝一道。長一百八十丈。現

在水已全涸。亦不甚寬深。亦應一體墊平。惟挑挖墊平各河身。均在南方。本年方向不宜礙難辦理。現經奕經等遵照欽天監所擇九月初八日吉期。由盛京工部派員。先將新衝河道。由柳林西與舊河身相近之處。攔歸故道。其新衝河口。並斜流向丁方之處。均用荆國石子設法堵塞。暫行變通辦理。著欽天監於明歲春間選擇吉期。一面挑挖。一面墊平。務於春水漲發以前。迅速歲事。以復舊規。其

挑挖舊河身之土即就近為填補新衝溝坎之用毋庸另行取土又曹家屯前一帶泊岸御路經過之處衝刷一段計長七十丈著於曹家屯後改修所有被衝泊岸及改修御路均在虎沙之外去

陵較遠並無妨礙其泊岸工程著即暫緩一二年俟明歲夏秋盛漲之後察看情形再行奏明辦理至

陵西泊岸間段衝刷共一百六十丈情形較輕

著工部於歲修時加意鑲護

永陵

啓運門正脊向南至門頭停滲漏

西配殿檐頭周圍滲漏均應趕緊修理惟

西配殿明歲方向不宜現已於九月初八日先

將琉璃瓦揭動數處以應吉期著於明歲一

律辦理

福陵

隆恩殿三間頭停滲漏西間後坡爪柱亦有沈

墜情形著即照估興修至

永陵方城西北角城身並

福陵二柱門西邊石望柱及欄杆石花版石海墁等工情形尚輕均著緩修所有應修工程除

永陵

西配殿外餘均於本年方向不宜且趕辦不及著欽天監於明歲春間敬謹選擇吉期次第修理至

福陵

隆恩殿開工以前著一併敬擇吉期恭移

神牌在

東配殿安奉以昭敬謹所有各項工程著工部

覈算錢糧後奏請欽派大臣前往敬謹承修

其所需琉璃甍瓦等項該將軍等即查照成

案飭令各該處務於今冬趕運工次所需木

植砍工運腳等項銀兩即在盛京戶部動用

工竣覈實報銷○甲申諭內閣吳榮光奏查

明湖南漕船掛欠木稅未能全數交納請旨辦理一摺前因湖南漕船上年掛欠九江關木稅未能全數交納降旨令該督撫等嚴飭該糧道催提解繳並將因何延不交納之處確查具奏茲據覆奏查明此項掛欠銀兩實係連年被水屯困丁疲無力全繳尚非督催不力所有道光十三年湖南漕船欠交九江關木植稅銀除完繳外尚欠銀五千四百兩著准其分限四年於各丁應領生息項下扣

解完款以紓丁力而清關項至漕船多帶木植例禁綦嚴如違例多帶仍准納稅則丁商惟利是圖勢必每年加增幫船行走遲滯於漕運殊有關繫嗣後漕船經過各關如查出例外多帶木植著仍遵前旨即行起卸入官並將押運員弁及丁商等分別叅處治罪俾幫丁不敢例外包攬而漕運益加迅速○湖南巡撫吳榮光奏查禁流民潛越苗疆並籌議章程一嚴查流民來路以清其源○嚴禁

流民去路以遏其流○嚴禁流民潛入苗疆地方租種山田○嚴禁湖面土棍漁戶勾引流民潛匿滋事得旨所奏四條尚屬周妥要在行之以實若一奏了事何益之有○以詹事府詹事桂森充日講起居注官○乙酉上御洞明堂勾到奉天湖廣江西情實罪犯停決奉天斬犯二人絞犯一人湖廣斬犯十四人絞犯二人江西斬犯八人絞犯一人餘七十三人予勾○諭內閣已革道員淡春臺因

河南糧鹽道一缺經該省扣留輒託德禧董作模查案照應事後酬謝並囑託承辦書吏倣照商辦以致事後被騙即與央浼營幹無異且以監司大員輒與匪人交結自應從重辦理著發往新疆效力贖罪已革吏部漢掌印郎中德禧瞻顧同年情面並不詳細查明即行援引已銷舊案雙請入奏雖事後得受淡春臺謝銀於法已為枉斷解任吏部郎中董作模聽受淡春臺囑託商同德禧援引雙

請復於未奏之先鈔寫稿內出語送給淡春
臺閱看事後亦得受謝銀與德禧厥罪惟均
著即行革職與德禧均著發往新疆效力贖
罪其失察書吏事後詐贓之滿洲掌印員外
郎重熙暨缺科本股滿洲司員著交都察院
查取職名照例議處失察之吏部堂官著交
都察院嚴加議處其奏請飭拏前充吏部書
吏魯佑人之巡城御史伊克精額給事中鮑
文淳俱著交部議敘尋議吏部尚書文孚湯

金釗侍郎奕經桂輪杜壻桂齡擬以降三級
調用得旨俱著加恩改為降四級留任不准
抵銷○諭軍機大臣等前據趙盛奎等奏籌
議保護海塘工程並將辦工事宜條議章程
開單繪圖貼說一併呈覽朕因此項工程關
繫甚鉅當降旨允准特派烏爾恭額嚴煥會
同富呢揚阿斟酌妥辦茲據烏爾恭額單銜
具奏現在查詢海塘應修各工實在情形內
以此次改築柴埽竹篾塊石等工較之修復

坦水多用銀至四十八萬餘兩又係更改舊
制向嚴煥等詳詢是否相宜保護能否經久
再四熟籌連日會同商酌嚴煥富呢揚阿初
皆以為實有把握可資得力嗣因工關緊要
富呢揚阿以為遵旨妥辦仍應逐細講求嚴
煥仍執前議是烏爾恭額在工與嚴煥意見
既有不合均係特派辦工之員確有所見自
不能不據實直陳本日朕特派敬徵吳椿前
往會同烏爾恭額嚴煥富呢揚阿將此項工

程詳加履勘應如何辦理妥善為一勞永逸
之計務各廣諮博採悉心講求於要工有濟
如意見相同即聯銜具奏儻有意見不同之
處不妨將情形緊要有無裨益各自據實直
陳總期於工程實有裨益折衷一是敬徵等
俱係朕信任有素務須從長計議不避嫌怨
以期安定章程及時趕辦斷不可依違遷就
致誤要工所有趙盛奎等原摺與烏爾恭額
奏摺著鈔給敬徵帶往與吳椿一同閱看將

此各諭令知之○賞借慶郡王綿懋十年俸銀修理墳塋○命陝甘總督楊遇春撥銀五千六百六十七兩解赴喀喇沙爾備道光十五年經費○加賑直隸霸州被水災民蠲緩霸大城涿新城雄獻天津寧晉保定良鄉房山清苑安肅唐博野容城蠡祁安高陽河間肅寧任邱景故城青滄靜海南皮鹽山正定藁城南和平鄉鉅鹿任永年難澤大名赤城冀南宮新河武邑衡水趙隆平深饒陽安平

宓深澤五十二州縣被水村莊新舊額賦給赤城縣災民房屋修費○丙戌以正黃旗蒙古都統奕額署都察院左都御史○以宗人府右宗正仁壽署鑲黃旗漢軍都統○以御前大臣戴銓為後扈大臣貝子德勒克色楞為學習後扈大臣○命英吉沙爾領隊大臣棍楚克策楞來京賞伊犁協領塔們布副都統銜為英吉沙爾領隊大臣○調鑲藍旗漢軍副都統烏什辦事大臣璧昌為涼州副都

統涼州副都統舒浚阿為鑲藍旗漢軍副都統烏什辦事大臣○丁亥賞故哈薩克公薩拉特銀三百兩以其子阿布都拉襲爵仍戴寶石頂雙眼花翎○河東河道總督吳邦慶奏報秋汛安瀾命詣河神廟祀謝並下部議敘出力員弁升敘有差○戊子

上詣綺春園問

皇太后安○諭軍機大臣等鍾祥奏拏獲回空

糧船滋事水手首從各犯嚴行審辦一摺據稱廬州二幫水手向分老安石安二支結有夙嫌本年八月該幫回空糧船行抵清平縣官窰口地方石安支內水手王汶舉等糾眾將老安水手殺斃多命現經該撫派委道員陳嘉樹署參將副將廣泰帶領兵役督同府廳縣營各員弁按名擒捕將首從各犯王汶舉閔仔富等五十九名同時拏獲並續獲周成富常麻子等六名一併解省審辦水手恃

眾逞強最為惡習。况兇殺多命。不服拘拏。以致在後各幫。畏其兇橫。行走稽遲。膽大藐法。可惡已極。必當從嚴懲辦。以儆兇頑。使他幫亦知畏懼。該撫務督飭司道等。將現獲各犯。究明如何起釁。糾眾滋事。分別首從。按律定擬。無稍輕縱。如尚有未獲從犯。作速查拏。毋任遠颺漏網。該幫運弁馬丙祥著即扣留東省。聽候質訊。該幫各船。既據暫委衛弁代押南行。著即行知恩銘。另委押帶歸次之員。交替前進。該幫水手。現不敷用。著即由東省州縣代為覓雇。其廬州以後回空各幫。既因該幫水手滋事。擋阻數日。著嚴飭趨行。無分晝夜。銜尾前進。不准稍有濡滯。庶幾以速補遲。無誤歸次。至漕船係漕督專責。已另降旨交恩銘嚴行催趨。趕緊辦理。將此諭令知之。尋春拏獲石安教內人犯王汶舉等。訊明定擬。將王汶舉。閩仔富。照械鬪糾眾四十人以上。致斃十命例。新決梟逆。從犯于三等絞決。朱

洪志等。問擬軍流。下部議從之。○又諭本日據鍾祥奏廬州二幫回空糧船水手糾眾殺斃同夥多命。經該撫委員帶領兵役將首從各犯拏獲審辦。該幫各船在山東省清平縣地方。水手逞兇滋事。已降旨諭令鍾祥從嚴懲辦矣。該幫運弁馬丙祥。既飭扣留東省。聽候質訊。該幫各船。經該撫暫委衛弁代押南行。著即另飭押帶歸次之員。交替前進。該幫水手不敷應用。現由東省州縣代為覓雇。其廬州以後回空各幫。雖因水手滋事。被阻數日。現經東省嚴飭趨行。著恩銘即飭令漕委各員弁。沿途催趨。無分晝夜。銜尾前進。不准稍有濡滯。庶幾以速補遲。無誤歸次。現在節過霜降。各幫船已逾回空例限。若非設法嚴催。必致沿途凍阻。有誤新漕開兌之期。關繫匪輕。該漕督務即加緊嚴催。實力實心。妥速辦理。無負委任。將此諭令知之。○又諭本日步軍統領衙門奏盤獲張忠許三攜帶鳥槍

四桿線槍五桿鐵葉三片已明降諭旨將該民人等交刑部審訊矣據張忠供係武清縣人。在本縣小王村居住許三供係東安縣人。在本縣大北尹村居住俱係種地度日民間私造私藏軍器例禁甚嚴其有應需守禦者亦應報明地方官將所造槍支編號立冊該民人等私自來京置買鳥槍線槍至九桿之多實屬膽大案關私置軍器不得以鄉愚不諳例禁稍事寬縱且恐另有別情必應徹底根究著何凌漢等迅速查明該民人等是否實係安分良民徑報刑部以憑究辦務須認真查明毋得不實不盡將此諭令知之○山海關副都統孟魁奏酌定該處旗營章程下軍機大臣會議尋議一揀選兵缺以技藝嫻熟者拔取一均勻撥派散差兵丁一兵丁練習酌改為三八等日一八旗間散家口籌給養贍銀兩一揀選官員之缺不得以年長充數一四門四堆添派弁丁稽察一挑選官員

之缺兼試文義騎射○委署驍騎校缺出請在本翼四旗內秉公揀選○兵丁升遷開革缺出支領餉銀分別裁汰均應如所請行其所請八旗兵丁每月領到餉銀加派章京帶同領催易錢分散眾兵諸多窒礙應毋庸議應照京營夾放兵餉之例散放從之○以宗人府左宗人綿恩兼署正藍旗漢軍都統○以巡緝鹽卡出力與江西知縣岳桂等升敘有差○以吐魯番屯田豐收予員弁議敘賞兵丁一月鹽菜銀○旌表守正被戕直隸博野縣民孫牛兒妻張氏守正捐軀山東單縣民王紅妻劉氏山西朔州民郭更奎妻高氏○賞廣安門外普濟堂煮賑小米三百石○緩徵山東歷城章邱齊東鄒平濟陽齊河平原禹城德臨邑博平館陶冠惠民商河臨清夏津武城魚臺益都樂安臨朐壽光平度高苑博興二十六州縣及德州東昌二衛被旱被水被蟲被雹莊屯新舊額賦○己丑

孝慈高皇后忌辰遣官祭

福陵○

上詣

大高殿行禮○還宮○諭內閣裕泰奏前獲解審脫逃絞犯審非正身請將原拏錯誤之署理各知府分別革職解任一摺此案黎平府民王潰生因毆傷無名乞丐身死擬絞解審脫逃嗣經該署都勻府協獲訊擬解勘現據審明該犯實係王開祥並非王潰生王開祥

係求乞平民猝被府役梁貴誣為脫逃絞犯何竟甘心誣認自取死罪况王潰生一案係該署府王應模承審犯逃未久真偽一覽可知梁貴豈不慮及該署府識破膽敢妄拏無辜教供塞責該署府何竟被其朦混難保非規避處分授意梁貴賄囑頂兇至王開祥既經都勻府役首先拏獲及梁貴將其解至府署又係該署府李安中會同審訊亦難保無知情串囑之事均應逐一究明據實嚴辦署

黎平府事同知借補都江通判王應模著先行革職署都勻府事台拱同知李安中著一併解任交該撫提同案內犯證研訊究辦再此案前據臬司招解該撫亦未能審出實情咎無可辭裕泰著先行交部議處尋春訊明王應模於王潰生之案並未照例覆審以致不能記清王潰生面目將王開祥認為正犯事後又毫無覺察實屬溺職業已革職應無庸議李安中會同審訊並不悉心研鞫應交

部議處升任貴陽府楊以增按察使楊殿邦失入絞罪未決後經自行查出獲犯審正請照例議處下部議從之○以緝捕勤能予河南知州王彬等升用加銜有差○改鑄湖南衡永郴桂道江藍同知永桂通判各關防從巡撫吳榮光請也○以孟冬時享

太廟自是日始齋戒三日○庚寅以翰林院侍讀學士功普充日講起居注官兩江總督陶澍等奏報秋汛安瀾命署河道總督麟慶

詣

河神廟祀謝陶樹麟慶均下部議欽出力員
升升欽有差○予四川越舊廳等處陣亡屯

土升兵沙甲等三百四十四名賞卹如例○

辛卯

孝敬憲皇后忌辰遣官祭

泰陵○

孝慎皇后殯宮月祭遣官行禮○諭內閣寶興

奏

昭陵回乾樹標擇吉補栽一摺

昭陵

隆恩門外四配房前配樹八棵內西配房回乾
樹一棵年久風雨吹殘樹皮脫落著寶興即
飭令該管官豫為選覓暢茂樹株以備補栽
並著欽天監於本年十月內選擇取去樹根
並補栽新樹兩次吉期奏明行知該將軍等
敬謹辦理○又諭順天府現獲之張文郁等
十二犯及房山縣續拿之孫三一名俱著交

刑部審訊其涑水縣拿獲之董黑子及妻鄭
氏並綽號老窩瓜之申目齊等著一併迅速
解交刑部歸案訊辦尋奏訊明華泳祥挾張
文郁等攆逐出廟之嫌並因向蘇貞索借不
遂串同番役訛詐迨被獲後即捏以蘇貞村
內廟塑猴像陳蔡氏在廟燒香治病並董鄭
氏王龔氏畫符治病等詞在步軍統領衙門
具供現經訊明王龔氏申陳氏等曾經為人
治病所控尚屬有因而董鄭氏陳蔡氏等均
係全誣華泳祥擬杖一百發附近充軍餘按
律定擬從之○貸打牲烏拉被水旗民倉穀

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十七

實錄卷之七

主

清實錄
道光十四年十月上

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十八

監修職官題處、日講起居注官太子太保贈仁閣大學士文淵閣領閣事管理戶部事務上書房總辦傅翰林院書院學士兼管

天府府尹事傳隨帶加五級紀錄十八次臣實預應或官煙道該官之命尚書鑒茲孫漢家都統管理新營房城內官房大臣稽察內

七倉大臣稽奉會同口譯館事務加一級隨帶加六級軍功加三級照錄五次重花翎總巡撫官文洞開提舉隨事兵部尚書總管

內務府大臣領白旗滿洲都統楊崇山七倉大臣管理宗人府銀庫左翼副官曹家驊常川明問子處科健堂御茶膳房御藥唐士

醫院進料處事務應增加十八限在阿靈阿副總教習要領官兵部尚書隨帶加六限紀錄二十天在周祖培等奉

教修

道光十四年甲午冬十月壬辰朔享

~~Washington~~

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后殯宮

孝慎皇后殯宮○遣官祭

端慧皇太子園寢○頒道光十五年時憲書

○以時享

太廟太常寺學習讀祝官隆寬聲音洪亮命遇

缺即補先換六品頂帶○貸直隸故城縣鄭

家○獻縣子牙河修築民隄銀○癸巳

上幸圓明園○詣綺春園問

皇太后安○甲午諭內閣前因御史曾望顏奏

廣東首府辦災勒捐虛飾賑糶一案當經降

旨派昇寅賽尚阿前往查辦茲據昇寅等奏

稱前署廣州府知府金蘭原承辦災務尚無

任意支銷侵吞入己情事惟於勸捐已有成

數復聽信紳士張業南等倣照佛山鎮派捐

鋪租之言輒派令省城各捐一月鋪租雖經

奉上司明文並無抑勒而省城鋪戶不比佛

山殷實該署府一律照派以致不協輿情辦

理不善咎無可辭金蘭原著交部嚴加議處

兩廣總督盧坤前任巡撫朱桂楨布政使吉

恆升任鹽運使伍長華督糧道鄭開禧於金

蘭原派捐鋪租未能先事覺察均著交部察

議○又諭前因御史曾望顏奏發往原省候

補之前任廣東雷州府知府王玉璋終日以

飲酒唱曲聽戲為事聲名甚屬平常當降旨

交昇寅賽尚阿盧坤等細心體訪據實具奏

嗣據盧坤等奏稱該員性近浮華不知節儉

屬員亦不畏服茲又據昇寅等查明該員素

好飲酒唱曲且不嫻於吏治各等語王玉璋

身為知府既未能以慎勤率屬又未能以明

斷服民難勝知府之任著即勒令休致○又

諭盧坤等奏查明番船販賣鴉片及查辦情

形一摺廣東夷船私帶鴉片多在外洋售賣

即有內地匪徒勾串販運經盧坤等嚴飭舟師將在洋停泊夷船隨時催令開行並禁民船蜚艇與夷船交易嚴拿走私土棍但洋面眾船聚集之時難分玉石惟有於各國商船回帆以後查明如有在洋躉私船隻即調集水師大加兵威嚴行驅逐仍飭令該管將弁派撥巡船二隻在夷船灣泊洋面常川巡查一切民蜚艇隻均不許攏近夷船私相交易以杜接濟儻有土棍駕駛快艇向夷船興販

鴉片及私買貨物即查拏解究從重治罪並責成內河營縣派撥巡船在各海口及一切通海港汊分定段落晝夜輪流巡緝如有奸販偷越進出即行拏解各關口一體實力嚴查無論外海內河拿獲走私漏稅人賊船艇即照例奏請分別獎勵僅員弁疏於查緝或兵役得規故縱除兵役照例治罪外將該管官從嚴叅辦仍飭地方官訪拏開設窩口土棍查抄嚴懲如不認真辦理別經發覺從重

叅處並令洋商傳諭喚咭喇夷商互相查察如有一船偷漏即將眾船一概不准貿易使其彼此自相稽察防閑更為周密盧坤等遇有此等案情有犯必懲不准姑息更不可日久生懈視為具文又另片奏夷情惟利是圖其私販已久必不甘心舍棄或伺官兵撤後復來或窮蹙竄駛他省等語該督等務當嚴加約束外則巡以舟師內則謹防海口使不致行銷無忌亦不致越駛他省總期相機妥

辦嚴行禁絕方為不負委任○又諭盧坤奏審擬被劾千總誣揭上司併請將違例之署任副將交部嚴議一摺此案已革廣東順德協右營千總余得剛因軍政被劾扶忿誣告署副將盧必沅填官賣爵將稟求同寅公幫之項指為盧必沅行賄求息經該督審係虛誣實屬刁詐余得剛著照擬杖一百發附近充軍前署順德協副將事新會營參將盧必沅訊無行賄情事其劾叅余得剛係由軍政

公同考覈並無舉劾不公。即盧良弼先補外委後拔把總及蔣大彪浚拔千總皆因獲盜著績確有案據該把總亦非並未成丁惟盧良弼係該參將之子雖自幼出繼總屬父子例無署事人員毋庸迴避明文該參將署理副將時任在所轄營分當兵迨拔補外委把總時又不據實呈請迴避實屬糊塗盧必沅著交部嚴加議處○諭軍機大臣等有人奏粵商近增私稅拖欠夷錢請定章程杜絕弊端等語外夷與內地通商本係天朝體恤所有應納稅課果能按額徵取該夷商等自必樂為輸納日久相安若如所奏近來粵商頗多疲乏官稅之外往往多增私稅奸人又於其中關說牟利層層剝削甚有官商拖欠夷錢盈千累萬以致釀成釁端是粵商等假託稅課名目任意勒索甚至拖欠累繫該夷商等不堪其擾無怪激生事變即如本年暎咭喇夷目嘒嘒等不遵法度將兵船闖入內

河夷情狡獪惟利是圖未必不因粵商等多方婪索心有不甘遂爾校焉思逞若不明定章程嚴加飭禁何以服夷眾而杜弊端著盧坤等確切查明儘有前項情弊立即從嚴懲辦毋稍徇隱並著悉心籌議將如何稽覈之處妥立章程據實具奏總期夷情悅服而奸商不敢恣其剝削方為不負委任將此諭知盧坤祁項並傳諭彭年知之○欽差禮部尚書昇寅因病請假命俟來京覆命後賞假一

月○正白旗蒙古都統鄭親王烏爾恭阿因病賞假以正藍旗蒙古都統僧格林沁署正白旗蒙古都統肅親王敬敏署鑲紅旗漢軍都統○乙未諭內閣程祖洛奏查明延平一帶盜賊情形設法勒拏一摺前因有人陳奏福建延平一帶盜賊公行最著名者有居住延平府地方之江和尚一犯當經降旨令該督密速查拏茲據該督奏稱密派地方文武員弁設法躡緝在於延建一帶逐細察訪實

無江和尚其人。經該道祥璽以江和尚恐係江湖上之訛。密行稟覆。並查出南平古田建安三縣交界處所有地名南山大壩處萬山之中有巨盜曾阿保即吳阿保陳志孝即尤溪陳二犯。膽敢以江湖上為名。招集徒黨。公行竊劫。擾害水陸地方。現在雖已散夥。而拐竊小匪。總未盡絕。是該匪等一日不除。則地方一日不靖。著該督即速派得力員弁多購眼線。分投偵緝。務期必獲。並將夥黨窩家按名擒獲。徹底根究。從重懲辦。以淨根株。前署延平協副將劉廷榜現署古田縣知縣宋炳垣均在任一年有餘。所獲匪犯甚屬寥寥。未便令其置身事外。劉廷榜已升台州協副將。應行送部引見。著暫行扣留。宋炳垣已補建陽縣知縣。亦著暫留古田縣署任。均責令協同南平建陽文武各官限三箇月內嚴拏曾阿保陳志孝務獲。如逾限不獲。即著分別嚴叅。毋稍徇縱。至閩省營伍廢弛已久。沿途塘

汛多有兵弁擅離之事。其偏僻處所竟有無兵無弁。或僅存汛兵一二人者。實屬不成事體。著該督確查各塘汛情形。通盤籌畫。並將大壩山中應如何巡哨防緝之處。一併嚴定章程具奏。○又諭各關應徵稅銀。無論正額盈餘。豈容絲毫虧短。司權之員。辦理不善。致有缺額。尤不可不依限完繳。以清賠款。茲據戶部奏查現任山東兗沂曹濟道徐受苓應賠蕪湖關少收稅銀。除已完繳外。尚未完銀九千六百一十兩零。又絲毫未繳之前署江蘇常鎮道錢倭應賠揚州關少收稅銀三萬二千六百八十四兩零。該員告病回浙江原籍。原任山東臨清州知州汪如潮應賠臨清關少收稅銀四萬三千二百七十四兩零。伊子汪世楷河南虞城縣縣丞原任安徽道汪恩應賠蕪湖關少收稅銀八千六百六十九兩零。伊子汪鼎雲南鶴慶州知州前任山東臨清州降調縣丞葉肇楫應賠臨清關少收

稅銀二萬九千五百一十八兩零該員等經上年四月該部奏催予限一年全完自應趕緊措交乃奏限已逾仍未完繳清款實屬任意延宕該管上司並不實力嚴催殊非慎重帑項之道著浙江福建河南山東江蘇各巡撫即將各該員應賠前項銀兩立即嚴催飭令埽數全完各按程途遠近再予限一年完繳報部僅屆期仍延不完交即行嚴參懲辦再原任江蘇常鎮道王逢源應賠揚州關少

收盈餘銀三萬一千九百八十兩零除催據該家屬呈出房產地畝變價抵補外尚未完銀一萬二千六百六十二兩零迄今統限已逾著江蘇巡撫嚴飭該家屬予限一年埽數全完並查明該故員子嗣有無官職報部覈辦○諭軍機大臣等據程祖洛奏稱閩省封禁山坐落浦城崇安二縣境內者皆係高峯峻嶺無路可通必須由江西之上饒廣豐二縣境內尋徑取道方能入山自道光二年江

閩兩省會勘定議增汛添兵聲勢已極聯絡且有浦城崇安二縣按月分巡該管道府每季入山會查一次建寧鎮總兵與江西九江鎮總兵每年會哨一次歷年以來附近封禁山地方尚無匪徒出沒擾害之事等語山徑崎嶇之地匪徒最易潛蹤前因有人奏該處積夫運送行李竟有白晝搶奪之事是以降旨令程祖洛查拏懲辦茲據查明自增汛添兵並分巡會查會哨以後近來尚屬安靜惟

此項匪徒聞該處查拏嚴密則暫行潛藏稍一疏懈未必不復出滋事全在認真偵緝不致日久生懈庶匪徒知所敬畏不敢仍前擾害著陶澍程祖洛周之琦傳諭建寧鎮總兵普陀保九江鎮總兵施聯科於循例會哨之時周歷封禁全山細加梭查如有人跡及砍伐樹椿即行飛稟以憑會同查辦僅敢視為具文以致有名無實將來仍有匪徒出沒別滋事端朕惟該督撫總兵等是問懷之慎之

將此各諭令知之○丙申。

上御勤政殿聽政○諭內閣本年十月二十一

日加上

皇太后徽號所有宣讀

冊

寶恭捧接受著派大學士長齡潘世恩協辦大學士文孚署禮部尚書奕訢○又諭富僧德等奏漢軍愛曼人員誤入滿洲旗分升用請將該管各員交部察議一摺防禦台僧阿驍

騎校托克托布原係漢軍人員該佐領等誤入滿洲旗分升用雖據自行檢舉究屬疏忽所有佐領佛爾洪阿驍騎校烏凌阿俱著交部察議除將台僧阿等八戶人丁駁回該旗辦理外嗣後各該旗如有似此者著該將軍查明駁回各該愛曼旗分一體辦理○展緩黑龍江等處歉收旗人上年借支口糧銀○丁酉上詣

安佑宮行禮○諭內閣車林多爾濟等奏據科

布多年滿糧餉章京委署主事承謨稟計參贊大臣孝順岱私易倉穀請派員查辦一摺邊地倉穀最為緊要顆粒不容短少乃參贊大臣孝順岱私易盈餘倉穀殊屬非是其中難保無侵蝕等弊著武忠額祿普會同前往科布多查明據實具奏斷不可稍涉瞻徇委署主事承謨著仍回科布多備質○命哈密幫辦大臣長明來京調駐藏幫辦大臣那當

阿為哈密幫辦大臣賞陝西潼商道慶祿副都統銜為駐藏幫辦大臣○蠲緩吉林十旗打牲烏拉八旗被水地畝新舊額賦有差給旗民口糧及房屋修費除水衝地一項十三畝額賦○戊戌

上詣綺春園問

皇太后安○諭內閣昨日健銳營官員引見衣服樸素一洗向來惡習箭皆中靶崇實務本不失滿洲舊風其各員中有勞績者固屬技

藝精熟挽強命中其未著勞績者弓力亦俱在六力以上而又能命中總由該管大臣等平日認真教導董率有方各該員等專心練習著有成效朕心嘉悅之至所有管理健銳營大臣長齡文孚載銓奕顯俱著加恩賞加一級該營翼長溫哲琿德爾泰霍隆武伊清額等四員著加恩各賞大卷緞一匹以示獎勵嗣後益當練習精勤勿染浮華習氣以副他日干城之選此外各營果能相觀而善一

力抑奢崇儉務求技藝精嫻即平日教演兵下自然紀律嚴明俾各知騎射為滿洲根本無或廢棄本業永久飭遵何患技藝不精舊風不復也其各實心實力勉勵毋怠○又諭鍾祥奏查明知縣交代案內均有未完賠款請開缺飭追一摺山東德平縣知縣劉錚新泰縣知縣達齡阿前經奏請撤任開缺飭令查明具奏茲據查得該員等任內虧缺正項銀兩俱已依限完補惟劉錚尚有應賠漏接

前任雜款銀一千五百餘兩達齡阿亦有應賠漏接前任各役孤貧小建等款銀二千四百二十兩零均未交清交代期限現已屆滿款項不容虛懸劉錚達齡阿均著即行開缺飭追毋任輾轉那掩如能將應賠各款按數完繳再行奏明辦理○諭軍機大臣等據陶澍等奏訪獲青浦縣例貢生周國琛主使監生陸鼎京控信據當經該縣將周國琛捉獲拆閱原信情形詭譎無非訟師伎倆至信內

所稱三叔在京照料及與芝亭商議必係訟棍窩藏在京亦應追出姓名查拏等語訟師教唆最為民害不特詐訛恐嚇播弄鄉愚甚至捏造情節捕風捉影俾地方安分平民無辜受其拖累此等積惡棍徒必應嚴拏懲辦現據該督等將周國琛訪獲提省究辦訊據私信為主使陸鼎京控情節顯然至信內所稱三叔及芝亭兩犯自係積慣訟棍豈無籍貫姓名即窩藏在京當有的確住址著陶澍

等即就現獲之周國琛並京控之陸鼎兩犯確切訊究信內所稱兩犯籍貫姓名及在京住址迅速奏聞密拏嚴辦毋任聞風潛匿遠颺致令漏網將此諭令知之○濬江蘇睢寧縣護城隄河並修園橋從總督陶澍等請也○貸山東臨清州堵築新河口民埝銀○緩徵河南榮澤中牟安陽湯陰臨漳內黃濬祥符陳留商邱永城鹿邑虞城夏邑考城武陟原武息十八縣被水被雹村莊新舊額賦○

准庫倫棟廓爾呼圖克圖羅布桑濟克默特楚勒特木入都瞻覲○庚子

上奉

皇太后幸同樂園進膳賜內廷王大臣等食翼日如之○翰軍機大臣等中祥奏截清新舊關餉已未完銀數移文新任並查明商欠實在情形一摺據稱粵海關徵收稅銀向來奏報銀數係就每年應徵數目開報以符部限各商須俟貨物賣出陸續完繳自道光四年

以後各洋行因攤賠麗泉等四行餉欠夷帳至壬辰年稅餉屆限無完奏明分限帶徵十年東生洋行又復倒閉統計前後倒閉五行餉欠夷欠共二百六十餘萬兩均歸現開各行攤賠清楚商力轉輸竭蹶致餉項不能依限全完經該監督疊次勒限催徵甚至銷押比追並密加體訪該商等實係力不能完並非有心延玩現與新任監督商酌辦理並自請交部嚴議等語關餉催徵起解向有一定

例限該監督中祥自道光九年到任後至今已閱五年即應體察情形一力催徵隨時設法妥為辦理若以餉務掣肘為詞致餉欠夷欠任令各商輾轉攤賠商力既不得展舒而餉項日歸延宕似此年復一年課帑虛懸實屬不成事體著盧坤確切查明商欠實係起自何年因何延宕會同新任監督彭年悉心妥議將課款如何繳清商力如何充裕通盤籌畫酌量情形妥立章程設法辦理據實具

奏總期杜絕弊端實與公事有裨方為不負
委任中祥自請嚴議之處俟該督等奏到時
再降諭旨將此諭知盧坤並傳諭彭年知之

○辛丑

皇太后聖壽節遣官祭

太廟後殿

奉先殿

上詣綺春園率王公大臣官員等行慶賀禮○
貸西安滿洲營修理衙署兵房俸餉銀○壬

寅以吏部右侍郎桂齡為順天武鄉試正考
官內閣學士龔鐸為副考官○以捐修浙江
長興縣城垣賞知縣劉禮章知州銜○修浙
江東塘魚鱗石工從巡撫富呢揚阿請也○
甲辰以大學士曹振鏞年登八秩賞其孫紹
櫛舉人一體會試○乙巳諭內閣前據步軍
統領衙門奏盤獲違例攜帶鳥槍線槍之民
人張忠等當降旨交刑部審訊並著何凌漢
等查明是否實係安分良民徑報刑部以憑

究辦茲據查明該民人張忠所買線槍鳥槍
據伊母妻供稱秋收完畢欲打取野禽營生
並生員李松雲等託伊帶買鳥槍以為防夜
之用至許三一犯雖查無不法實跡但所帶
線槍供指伊叔許成江託伊置買查已外出
多年所供顯有遁飾等語民間置買線槍鳥
槍既未報明地方官編號立冊即屬違例私
置且該民人等即為防夜及打取野禽之用
亦不應一人置買至四桿之多至許三供指

之許成江託伊置買線槍何以查係多年外
出雖據查訪該民人等平素均屬安分尚恐
另有別情著刑部徹底根究悉心研鞫以期
水落石出毋任稍有不實不盡○以右春坊
右中允龍元任充日講起居注官○大學士
曹振鏞八十生辰頒賜

御製詩章

御書扁聯福壽字並珍玩文綺○丙午

上詣

安佑宮行禮○諭內閣前據麟慶奏籌辦要工四款請撥銀三十八萬七千九百餘兩當降旨交戶部議奏茲據該部查明高堰山盱兩廳石工一款原估未撥銀兩除覆估應減外應撥銀六萬五千兩數與欽差尚書朱士彥等勘定分年辦理要工及前河督張井覆奏確估各原案相符著准其於淮安關稅銀內如數動撥該監督於文到日即派委妥員解赴河庫其山盱廳屬義河擬改河頭一款前經欽差覆勘案內奏明該河金門兩金剛牆並無跌損情形兩岸土高河流直下形勢亦順若改挑河頭則石牆石底均需另行創造與開山無異斷難改移並經該署河督估定改拋碎石坦坡等工奏准撥項辦理茲署河督仍請將義河擬改河頭估需銀十七萬兩數與勘估情形懸殊且據奏稱改挑河頭試放一二年後察看土性堅結即無庸修砌石工或必須建築滾壩再行覈議是該署河督

於此項工程尚未確有定見徒以十數萬帑金姑為嘗試殊非一勞永逸之計著該署河督再行詳細查勘如必須改挑河頭於河形無礙開挑將來深資保護不致再有糜費即行具奏辦理其中河廳加幫南北兩岸緯隄一款上年曾經該署河督奏請撥項辦理茲據奏稱隄坡殘缺應行擇要幫寬加高此項工程甫經估辦何致殘缺即使必需補修亦當於歲修案內估計辦理其添建石閘一款據稱該閘北孔有損跌形跡本年專用南孔濟運無誤是此項工程原可暫緩即欲添建單孔以資擎託並便於輪替起見亦應歸常年另案款內動用俱著不准籌撥○又諭林則徐奏京控案內有指引遞詞之訟師請飭拏解訊等語青浦縣監生陸鼎京控一案據該撫訊係該縣捐貢生周國琛主使已將周國琛拏獲審訊茲據陸鼎供稱在京遞呈時有何芝亭代為斟酌指引何芝亭係浙江人

先在刑部後在戶部當差。現住前門外牛血
衚衕著步軍統領衙門順天府五城一體嚴
拏務獲解往江蘇歸案審辦。○諭軍機大臣
等保昌等奏。新城局拖欠庫貯正款錢租銀
兩延不解繳請確查叅辦一摺。據稱降調伯
都訥理事同知博爾豁任內會同協領佐領
等經徵新城局錢租覈查道光十三年分應
徵大租錢文拖欠二萬三千五百餘兩。年終
並不報明辦理。延至十四年九月始行查報。
顯有情弊。此項租錢係奏明搭放俸餉之項。
未便任意拖欠。又該屯民佃等應行回繳蓋
房鑿井銀兩前經勒限半年追繳歸款。茲逾
限年餘尚欠交銀九百九十餘兩。情節尤屬
支離。是否實欠在民事關庫貯正款必應徹
底清查。保昌現已奏明前往確查著將該局
按年應徵錢租如何拖欠及民佃等應行回
繳歸款銀兩何以屢催尚行欠繳確切查明
是何情弊務期水落石出不可稍事姑息亦

不准稍有含混如有那移侵吞情弊即據實
嚴叅懲辦毋得瞻徇諱飾致有不實不盡又
另片奏該城庫內除動支搭放俸餉銀兩外
現在計應存銀六萬餘兩迄今未據報解來
省等語著保昌一併徹底清查覈實辦理將
此諭令知之。○蠲緩湖北黃梅。公安。松滋。嘉
魚。漢川。黃陂。沔陽。廣濟。鍾祥。京山。潛江。天門。
應城。江陵。石首。監利。枝江。漢陽。孝感。荊門。武
昌。咸寧。蒲圻。興國。黃岡。江夏。二十六州縣暨
屯坐各衛被水被旱村莊新舊額賦有差給
黃梅。公安。松滋。三縣暨屯坐各衛軍民一月
口糧。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十八

宣宗實錄

卷之

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十九

宣宗實錄卷之二百五十九

宣宗實錄卷之二百五十九

宣宗實錄卷之二百五十九

宣宗實錄卷之二百五十九

宣宗實錄卷之二百五十九

敬修

道光十四年甲午十月丁未

上詣

大高殿

壽皇殿行禮○奉

皇太后還宮○直隸總督琦善奏堵築北中汎
漫口現在挑河進占得旨天氣漸寒及早嚴
事方好然亦不可輕率勉之○命刑部右侍
郎祥康馳往順天府密雲縣查辦事件○以
禮部右侍郎文慶署刑部左侍郎○戊申以
冊立

皇后先期遣官告祭

天

地

太廟

社稷

上親詣

奉先殿行告祭禮

孝穆皇后案前命御前大臣載銓行禮○詣

皇太后宮問安○諭內閣本年十月冊立

皇后恭上

皇太后徽號所有應頒朝鮮國詔書著俟該國
年班貢使到京即交該使臣敬謹齋回○己
酉

上御太和殿宣制冊立

皇后王公大臣官員行慶賀禮命大學士長齡
為正使署禮部尚書奕額為副使持節齋冊
寶冊立

皇貴妃鈕祜祿氏為

皇后冊文曰朕聞正位乎內實開王化之基先

齊其家用肇人倫之始惟安貞而應地表範

蘭闈斯柔順以承天升華芝檢式循茂典聿

展彝章咨爾皇貴妃鈕祜祿氏勳族鍾祥名

宗毓粹夙嫺禮法克符圖史之規素秉溫恭

爰協珩璜之度侍

慈顏而歡心允洽愉婉欽承立壺教而仁意丕

昭儉勤懋著特頒鳳綵資淑德以凝麻載舉

鴻儀闡徽音而儷極茲仰奉

宣宗實錄

三

皇太后懿旨以金冊金寶立爾為皇后爾其佐

萱庭之孝養愛敬摠忱樹椒殿之休聲肅雖布

化恩周丹掖交推賢輔於宮中吉叶黃裳普

示母儀於天下永綏多福祇迓洪禧欽哉○

追封

皇后父故乾清門二等侍衛世襲二等男頤齡

為一等承恩侯謚榮僖母烏雅氏為侯妻一

品夫人于祭一次賜其孫名瑚圖哩命襲爵

並擡入鑲黃旗庚戌

皇太后御慈寧宮升座。

上率王公大臣官員行慶賀禮○以冊立

皇后禮成御太和殿王公大臣文武官員行慶

賀禮。頒詔天下詔曰朕惟乾坤合撰爰成幃

載之能日月重光聿衍升恆之象粵稽往典

載溯前徽。鵲觀型佐垂裳於虞陞洽陽起

化綿卜世於姬宗惟令德之劬勩。嫺昭宮掖

斯仁風之翔洽。化被家邦朕誕膺景運寅紹

丕基每資一德於彤幃藉贊萬幾於黼扆昨

以中宮虛位內治需賢欽奉

聖母恭慈康豫安成皇太后懿旨以皇貴妃鈕

祜祿氏華胄鍾祥璇閨備德秉芳規於圖史

夙夜維勤協雅雅範於珩璜言容有度整躬示

則儉早嫔於葛覃逮下流慈仁更符於樛木

克襄蘋藻允升

九廟之馨用美輦綸俾攝六宮之事茲當吉月

維良恭值

慈闈稱慶祥凝

萱殿景

愛日之彌長祉集椒庭喜徵音之克嗣祇遵

懿命特舉崇儀敬考典章式昭位序謹告

天

地

宗廟

社稷於道光十四年十月十八日冊立皇貴妃

鈕祜祿氏為皇后龍章作繪捧金冊而倍著

徽柔鳳軫揚輝贊瑤圖而永登康阜既成嘉

禮特沛恩施所有事宜開列於後一岳鎮四

瀆廟宇該地方官查有棟椽傾圯藻飾未完

者奏明修葺以致誠敬一親王福晉以下至

奉恩將軍妻室等俱加恩賜一民公侯伯以

下二品大臣以上命婦俱加恩賜一從前恩

詔後官員有升職改任及加級改銜者照其

職銜給與封典一八旗滿洲蒙古漢軍婦人

年七十以上者照例分別賞賚一內務府三

旗婦人年七十以上者照例分別賞賚一各

省老婦有孤貧殘疾無人養贍者該地方官加意撫卹毋令失所。除十惡及謀殺故殺不赦外犯法婦人盡與赦免。於戲應地承麻王化必基於中壺普天同福母儀共戴於寰區合陬蒞以臚愉徧臣民而錫祐布告天下咸使聞知。○貸甘肅臯蘭金安定會寧固原安化涇靈臺八州縣被旱被雹被水災民口糧。○辛亥以加上

皇太后徽號遣官告祭

天

地

太廟

社稷

上禮服御中和殿恭閱奏書畢

上升輿由右翼門至永康左門降輿大學士捧

奏書由中路前行至

慈寧門

上由東階升至門下東旁立

皇太后禮服御慈寧宮升座儀駕全設中和韶樂作

上詣正中拜位跪大學士捧奏書在左旁跪進

上受奏書恭獻授右旁大學士跪接置正中黃

案上宣讀官捧起跪宣奏書曰

徽音懋著祥和裕教孝之模

懿範光昭福祉啓延洪之慶

尊養克修夫常禮闡揚益著於彝倫欽惟

聖母皇太后

撰協乾元

厚符坤載襄

九重之宵旰燕翼攸隆備百順之

顯榮鴻規式煥臣禮成璇室仰荷

仁帡敬奉琅函用彰鉅典伏冀

聖慈俞允俾展微忱宜子孫千億以儲祥備沐

崇恩之保佑

膺福祿康強而逢吉允符嘉頌於升恆臣不勝

惓惓之至謹奏

上率王公大臣官員行禮禮成
皇太后還宮○詣
皇太后宮問安進膳○壬子恭上
皇太后徽號冊寶
上禮服御太和殿恭閱
冊
寶畢奉安於綵亭前行
上升與隨後由右翼門至永康左門
上升與行至
慈寧門外東旁立安
冊
寶於正中黃案上
皇太后禮服御慈寧宮升座儀駕全設中和韶
樂作
上詣正中拜位跪左旁大學士捧
冊
寶依次跪進
上受恭獻授右旁大學士跪接置正中黃案上

清 實 錄 道光十四年十月下

宣讀官捧起跪宣冊文曰
聖慈垂裕八紘瞻厚德之敷
顯號揚麻萬國仰徽音之播歡聲騰乎海宇喜
氣藹於宮庭欽惟
聖母恭慈康豫安成皇太后陛下
德備倪天
道隆矩地佐
皇考重華之治內政襄勤啓國家奕葉之祥
春暉錫義屬舉中宮之茂典正位椒塗共趨
長樂於
萱幃承
歡蘭膳懋晨昏之肅肅儀型遵
懿訓之昭親
色笑而愉愉盥饋備
怡顏之奉合六宮而邀
慈蔭總百祿以荷
仁帡祇上
崇徽肅稽經禮謹告

九四五

天

地

宗廟

社稷率諸王貝勒文武羣臣恭奉

冊

寶上

徽號曰

恭慈康豫安成莊惠皇太后伏願

琅函永煥

寶牒常輝

崇燕喜於日月山川蕃釐畢集

被鴻名於圭璋琮璧景貺咸宜仰託

洪慈

篤祐延萬年之祚長隆

尊養陳詩備五福之徵臣誠懼誠忤稽首頓首

謹言

上率王公大臣官員行禮禮成

皇太后還宮○詣

皇太后宮問安○癸丑以恭上

皇太后徽號

上御太和殿王公大臣文武官員行慶賀禮禮

成頒詔天下詔曰朕惟禮隆孝養總百祿以

恆綏義重尊親合八紘而共戴肇閨門之雅

化慶典方成愜海寓之歡心榮名載奉詳徵

彝憲宜備顯揚欽惟

聖母恭慈康豫安成皇太后地道同符坤元協

撰迪

前光之佑啓治洽睢麟仰

令德之敷宣祥昭暉翟

鴻圖贊化宸區躋樂利之祿燕翼詒謀京室篤

恩勤之誼爰逮丕基寅紹

彝訓親承暉映恆春祇奉

宸慈於禁掖瑞凝長樂欣修常職於晨昏勅庶

務之幾康疇咨載切軫羣黎之教養誨迪彌

殷幸逢嘉會之昌期允極闡揚之盛典仰遵

懿旨爰立中宮同申潔養於蘭陔敬嗣

徽音於萱殿依

瑤階之愛日景貺頻臻晉

璆冊之隆稱蕃釐懋集宮庭流慶宙合輸誠祇

告

天

地

宗廟

社稷於道光十四年十月二十一日率諸王貝

勒文武羣臣恭奉

冊

寶加上

恭慈康豫安成皇太后徽號曰

恭慈康豫安成莊惠皇太后

莊徵祇敬肅雍垂宮壺之型

惠溥恩施熙洽錫家邦之福式敷閭澤特沛溫

綸所有事宜開列於後一內外公主以下縣

君以上俱加恩賜一從前尚過公主格格之

額駙等照伊等品級著加恩賜一滿漢孝子

順孫義夫節婦該管官細加訪確具事實

奏聞禮部據實以憑旌表一貢生監生在監

肄業者免坐監一月一各省橋梁間有損壞

行人勞苦交與地方官查明驗勘該督撫奏

明隨時修理一各省民人有孤貧殘疾無人

養贍者該地方官加意撫卹如無室廬棲處

該地方官酌設棲流所以便棲處於戲輝彰

寶冊星雲呈紉縵之華祐薦

璿闥日月永升恆之頌布告天下咸使聞知○

甲寅諭內閣御史帥方蔚奏領運皇木之委

員夫役等訛詐滋擾請嚴飭查禁一摺此等

差務由各該省派員領運豈容倚藉差務名

目隨處逗留怙勢擾累罔知法紀若如該御

史所奏本年領運皇木之湖南委員署常德

府同知胡纘高四川委員石砭廳同知長庚

所在滯留州縣苦其需索及至運河一帶縱

容夫役攔截滋擾任意說索該員等毫無約

束顯有故縱分肥情事等語著直隸山東江

南各督撫於沿途經過地方嚴行查禁如有倚藉差務名目訛詐滋擾即據實嚴參隨時懲辦以靖地方而肅功令○又諭凱音布奏口外公事請揀員隨同辦理一摺據稱辦理口外各事宜語言多未能通曉請於章京筆帖式中揀派通曉蒙古語言文義者數員作為通事官責成該員等輪流隨同經理察哈爾八旗並羣牧臺站各事務等語該都統自為慎重職守設法經理起見惟揀派各員隨

同經理事件斷不准輕信偏聽致令在外招搖撞騙轉滋弊混該都統仍不時明查暗訪有犯必懲儻能始終勤奮不避嫌怨三年後酌量奏請鼓勵毋得徇情濫保違例乞恩○緩徵安徽懷寧桐城潛山太湖宿松望江青陽銅陵東流當塗蕪湖繁昌無為壽宿鳳陽懷遠定遠靈璧鳳臺泗盱眙天長五河和南陵貴池建德舒城巢縣上霍邱亳含山三十

賦○乙卯諭內閣烏爾恭額等奏塘工外銷銀款請照例覈扣一摺浙江海塘現在興辦大工設立總局所有在局在工各員並官弁兵丁一切薪水盤費口糧及局書飯食紙張需費浩繁俱應酌量支給據烏爾恭額等查明乾隆二年間經前督臣秦淮辦料銀兩每兩扣留平餘銀五分以一分二釐解交工部充公餘銀留外豫備公用迨嘉慶十一年間戶部行知以各項工程每銀百兩扣平二兩爾時外用無多即於前項通扣平餘銀內劃出二分報部其餘一分八釐留為柴壩等項外銷用度此次興舉鉅工應給各項公費覈與乾隆年間同一繁多若將續奉戶部行知應扣之平餘二分仍於原定五分內劃出報解支用實有不敷自應各扣各款以濟公用著照所請准於工員所領工料銀內每兩另扣平餘銀二分造報戶部此外循照向例通扣五分仍以料銀內所扣一分二釐解歸工

部充公其餘銀兩統作前項在局在工例外支銷之用此項外銷銀兩向不報部此次仍照舊章著免其造冊報銷○又諭瑚松額奏審明督署幕友家丁並無交通作弊原審誣騙未成一案亦無不實一摺此案四川前任馬邊廳同知趙岳蘭之弟趙岳蕙被民人鄭瑞誣騙寫立借約營謀署缺經鄂山訪聞有所役人等招搖生事僅止咨部完案並不奏明辦理當降旨交瑚松額督同藩司李

義文東公嚴審茲據奏稱鄂山署內幕友家丁訊無交通作弊情事並鄂山於訪聞此案之後尚無徇私回護惟案內既有干連已逐所役並不奏明辦理僅止照例咨部不自引嫌鄂山著交部嚴加議處前任馬邊廳同知趙岳蘭訊無知情謀缺情事惟不能約束其弟與匪徒往來致釀事端亦著交部嚴加議處尋議鄂山降四級調用趙岳蘭革職得旨鄂山著改為降五級留任趙岳蘭著革職○

又諭訥爾經額奏委員審案偏袒被控刑逼認誣請撤任審辦一摺湖南武岡州升補郴州直隸州知州王景章著衡州府事現補桂陽直隸州知州陳同治經該督委審衡陽清泉二縣戶糧收書被控浮折錢漕及差役墊完勒索各案並不嚴究盡書等如何浮收勒折致被刁民挾制訛詐從嚴懲辦輒謂該劣生刁民等控告書役十餘案盡係聽人主使誣告書吏給錢出於畏累概置不究竟將出

名具呈之人全行坐誣顯係意存偏袒並據收禁之張旭鍾等各違抱告以該委員非刑勒結等詞隨詳控告難保非該委員等有心故勘自應徹底根究以振玩習王景章陳同治著即先行撤任交該督督飭湖南藩臬兩司親提案內被控紳衿書役秉公研審收書包戶如何浮折分肥該縣是否知情投意及原審各員有無非刑逼認因何將到案原告十三人一律問擬徒罪務得確情嚴參懲辦

毋稍姑息。至衡陽清泉二縣徵收漕糧積弊已深。著該督卽飭藩司糧道遴委幹員前往會同衡州府知府督飭該地方官務將積弊全行革除。並籌定章程妥協徵兌。免致再滋事端。該部知道。○又諭據奕紀等奏查勘京城內外護城河道工程覈對原冊丈尺均屬相符。惟城外西便門進水閘迤南阜成門迤南德勝門迤東安定門迤東各段沿河兩岸經雨水衝注多有浪窩浮土隨溜入河。以致

河身間有淤墊等語。著原修大臣於來歲春融之時將各河身淤墊之處逐加挑濬。務須一律深通。毋得再有阻塞。○修直隸良鄉縣水衝監獄衙署驛傳暨雄縣瓦濟橋從總督琦善請也。○鑲建浙江上虞縣余埭巷等處塘隄從巡撫富呢揚阿請也。○丙辰

上詣

時應宮拈香。○諭軍機大臣等有人奏廣東澳門夷商有自築礮臺訓練番哨情事。請嚴

飭該省大吏設法拆毀驅逐一摺。據稱廣東省澳門地方距省城三百餘里。向有夷商攜眷寄住。已歷二百餘年。各國夷人恭順奉法。惟嘆咭喇夷情狡悍。該夷等於澳門自築礮臺六座。曰東望洋礮臺。置礮七位。曰西望洋礮臺。置礮五位。曰娘媽角礮臺。置礮二十六位。曰南環礮臺。置礮三位。曰噶斯蘭礮臺。置礮七位。其最大者曰三巴礮臺。置礮二十八位。各貯火藥於左側。此外尚聞置礮百餘位。

約計置礮共二百餘位。有大礮六十餘位。餘礮差小。其最大者重三十斤。長二丈。礮口能容蛇行而入者三人。又有番哨三百餘人。皆以黑鬼奴為之。終年訓練。無間寒暑。詭形異服。彌滿山海。加以奸民貪利。被其唆誘。導之陵轍居民。蔑視官法。該夷中如嗎啡成等。通曉內地語言文字。粵省虛實情形及官民動靜無不確知。本年該夷目啤嘮啤擅令兵船闖入海口。若非見澳夷終年練兵。該省地方

官漫無查察。特為聲援。安敢出此。該澳夷安居內地。築臺列礮。日練夷兵。如謂自備洋盜。有內地沿海文武衙門代為巡防。即謂該夷兵寄居內地。萬無能為。但內地邊疆。豈容外夷設險屯兵。置之不問。該省歷任文武大員。從未以此情奏聞。請嚴飭該省大吏。務將澳門地方該夷自築礮臺礮位。拆卸銷毀。驅逐番哨。盡行回國等語。夷人遠涉重洋。在內地通商貿易。自為牟利而來。但犬羊之性。反覆

無常。全在地方官辦理妥善。申明法制。曉諭飭遵。懾其玩心。奪其所恃。威信既布。各夷自俯首帖耳。惟命是從。不徒折服其心。並可柔馴其性。儻漫無查察。致啓玩侮之心。任令在內地設險屯兵。置之不問。該地方文武大員。徇於目前。因循怠玩。不思潛除芽孽。消患未萌。設縱恣不法。勢不能容。必至振我國威。大加懲創。彼時即治以辦理不善之罪。亡羊補牢。於事何濟。該督等務將澳夷自築礮臺訓

練番哨情形。確切查明。是否屬實。如果通省皆知。地方大員。豈能毫無聞見。若知而不言。於意何居。天良安在。撫馭外夷之道。柔之以所貪。尤必制之以所畏。該督等迅將該澳夷實在情形。設法辦理。據實具奏。如稍有含混諱飾。不認真查辦。將來激生事端。釀成後患。惟該督等是問。試問能當此重咎耶。懍之慎之。將此各諭令知之。○添備河南十三廳山東曹河糧河二廳豫防稽石。從河道總督吳

邦慶請也。○蠲緩湖南安鄉華容武陵龍陽沅江益陽澧巴陵八州縣及岳州衛被水莊屯新舊額賦有差。給安鄉華容益陽三縣及岳州衛軍民一月口糧。並緩永綏廳被蟲屯田租穀。○丁巳。

上詣

皇太后宮問安。○御懋勤殿。勾到浙江安徽江蘇情實罪犯。停決浙江斬犯五人。絞犯二人。安徽斬犯四人。絞犯一人。江蘇斬犯六人。絞

犯四人。餘六十八人予勾。○諭軍機大臣等。據何淩漢等奏。現在順天府屬之密雲三河二縣地方。有湖北沔陽州民人入境覓食。請飭沿途截留。就近資送回籍等語。湖北沔陽州地方。連年被水。該處民人什伯成羣。覓食異鄉。幾成習慣。上年業經該府尹等飭屬妥為資送。本年復又踵至。此等民人。非盡赤貧。或藉資送以作生理。亦未可知。儻其中夾雜一二不肖之徒。因而勾串土棍匪人。別滋騷擾。京畿地方。理宜肅清。豈容該流民等任意逗留。或至生事。各處流民入境。例應送回原籍。與其由順天折回。不若先就較近各地方截留資送。尤為便捷。且原籍地方官。果能妥為安頓。該民人等何至輕去其鄉。著直隸總督河南巡撫。即飭屬查明現在各該地方。如有覓食民人入境。即照例就近截留。妥為資送。飭其速回原籍。毋令跋涉遠來。以致畿輔地方。日積日眾。別生事端。並著湖廣總督湖

北巡撫。飭令各該地方官。遇有乏食貧民。務即設法安頓。毋任流離轉徙。散漫四出。庶各省既免資送之煩。而流民亦免饑驅之累。於肅清畿輔。安集窮黎之道。兩有裨益。將此各諭令知之。○展八旗兵丁扣還庫銀限期兩月。○戊午。

上御懋勤殿。勾到河南山東情實罪犯。停決河南斬犯五人。絞犯四人。山東斬犯十人。絞犯五人。餘六十二人予勾。○諭內閣。本科武鄉

試正副考官桂齡龔鏗。於內場取中試卷。有單好中式。雙好未經取中。與例不符。當經監試御史劉萬程。於出闈後。單銜據實叅劾。茲據派出之磨勘大臣奕勳等。將各圍監射較射監試箭冊。內場取中試卷。公同覈對。箭冊內尚有雙好武生三十四名。未經中式。內趨豐年等九名。或中箭較少。或技勇力弱。雖挑取雙好。未經取中。其岐鳴等二十五名。馬步箭技勇。尚屬合式。內場亦未取中。雖覈對內

場試卷取中單好武生三十三名。馬步箭技勇六項均無違式。並非於雙好字號內選取。如不足額。再於單好內選取。與例究有未符。衡才大典。豈容任意去取。上年武會試正副考官白鎔。胡達源。於取中試卷。置雙好而中單好。辦理錯謬。曾經降旨分別示懲。並著兵部於武闈揭曉後。將取中各卷。比對監射較射各冊。妥議章程。覆加磨勘。桂齡龔鏜。豈未之見耶。此次復蹈前轍。殊不可解。似此錯謬。

實屬咎無可辭。桂齡龔鏜。俱著交吏部都察院嚴加議處。監試御史既經查明。自應叅劾。其不具摺叅奏之監試御史八十二。亦屬不合。著交部議處。○又諭御史章煒奏請查禁糧船水手恃眾不法一摺。各省糧船數千號。水手不下數萬人。必須實力稽查。咸知儆畏。方不致沿途滋事。據該御史奏稱糧船水手。向有老官教名目。在途恃眾行兇。遇有同幫水手一言不合。輒即自相讎殺。近日山東東

昌府境內廬州幫水手聚眾械鬪一案。致斃數十餘命之多。且糧船所過地方。時有折體斷肢。飄流水面。皆由水手戕害所致。地方官因無尸親報案。無憑追究。置之不問。督運各員恐激成事端。致誤漕運。往往姑息養奸。明知故昧等語。此等積習。自宜亟加整頓。嗣後糧船所過地方。著沿途各督撫遴派職分較大之營員。酌帶兵丁。一路接遞巡查。遇有水手滋事。立即嚴拏。有犯必懲。毋令一名漏網。

其督運各員失於查察。著嚴行叅辦。毋稍寬貸。以儆兇頑而肅漕政。○以修建廣西永淳縣

先農壇

文廟。河隄考棚等工。並置義穀田畝。予知縣楊時行等議敘有差。○旌表逼嫁捐軀山東濰縣民魏丙汰姪媳張氏。守正被戕。廣西歸順州民岑宏泰妻黃氏。○庚申。

孝慎皇后殯宮月祭。遣官行禮。○諭內閣本日

據戶部奏直隸省領運奉天米豆海船並不遵照奏定例限辦理。經該部飭查並疊次咨催。該督未將遲誤緣由隨時聲覆。此項米豆上年甫經該部奏定例限。本年即復因循。實屬不成事體。况應運米豆一經守凍不免微變折耗之虞。著琦善即將領運船隻因何遲誤緣由迅速查明報部。以憑覈辦。並照例將承辦遲延職名先行送部議處。以儆玩延。嗣後每年雇船著該督嚴飭承辦各員遵照例

限於四月內全抵奉天。儻有稽遲即由該部奏參懲辦。並著盛京戶部奉天府尹嚴飭經徵各員每年將米豆儘數徵完。一俟海船到齊刻即裝載。務於限內運通。以速轉輸而符定制。至直隸雇船出口既不派員督押。祇令縣役數名押往。致該船戶任意耽延。難保無賣放包攬情事。嗣後海船出口應如何添派員弁押赴奉天。以專責成之處著該督妥議章程奏明辦理。○以堵合直隸永定河漫口

出力予通判胡侍丹等升用有差。○加培直隸永定河大壩新土並築越隄。從總督琦善請也。○辛酉。

上詣

壽皇殿行禮。○諭軍機大臣等據給事中瞿溶奏近年各關課稅錢糧節次虧短。固由年歲之歉薄實因偷漏之過多。欲除偷漏之弊必須設法整頓。道光六年禦黃壩未開其舊冊無名各商置販貨物者准其於婁齊門暫納

錢糧。由江海關行走。該處每年新添兼納之稅不過三千餘兩。而淮揚臨清各關課稅因此虧絀者何啻倍蓰。現在內河已通婁齊門兼納之錢糧尚未停止。在許關祇圖稍為貼補而淮揚各關實隱受其害。至許關之西有烏溪港稅口離大關二百餘里屬常州府荆溪縣與浙江毗連更有附近烏溪港之四安山與長興縣交界民間新開山路直達金陵不過百里該二處偷漏之稅更多其應作何

稽查之處該省尚未議及等語各關課稅皆有定額。豈容任聽奸商巧為偷漏。自應嚴立章程。力加整頓。著陶澍等即將該給事中所有奏各情確切查明。體察情形。悉心妥議。據實具奏。總期課額充盈。商民俱便。方為妥善。該給事中原摺著鈔給閱看。將此諭知陶澍林則徐。並傳諭松桂知之。○又諭據趙盛奎等奏。查辦已革縣丞秦師韓控案大概情形。一摺。所有該革員列控各款。現經查明均屬虛

妄。其所控程祖洛各款。亦皆空言居多。惟該督應覆各節。尚未據檢案覆送。其在臺灣人卷。又遠隔重洋。風信莫必。著即嚴催迅速調齊。逐一究訊確實。至秦師韓鈔摺後附錄揭帖歌詞。大略與列控各款暗合。其所稱揭帖係鈔自臺灣學宮牆壁。殊不可信。著即飛飭臺灣道細加察訪。歌詞究由何人編造。何處張貼。再向該革員切實嚴究。如果確有指證。必應據實參辦。不准稍涉顛預。儻訊係該革

員自行編造。或有人代為編造。隨口污蔑。居心險詐。更應加等治罪。趙盛奎等務當秉公悉心研究。總期水落石出。無枉無縱。以成信。○署江南河道總督麟慶奏。向空首進漕船渡黃完竣。得旨回空軍船。灌渡尚妥。又無須繞湖行走。可期迅速。究未能啓壩直行。不滿意耳。○兵部尚書那清安。因病解任。以都察院左都御史敬徵為兵部尚書。署禮部尚

書。奕顯為都察院左都御史。仍兼署禮部尚書。○以伊犁參贊大臣蘇清阿為鑲藍旗漢軍都統。未到任前。以刑部尚書成格署理。○命烏什幫辦大臣景昌烏魯木齊領隊大臣阿保。伊犁領隊大臣忠泰。和闐辦事大臣常豐。來京。以吐魯番領隊大臣法豐阿為和闐辦事大臣。賞內閣學士明訓副都統銜。為吐魯番領隊大臣。伊犁協領業普銓額副都統銜。為烏什幫辦大臣。二等侍衛武永阿頭等

處。茲據奏請將桂齡龔鏜降四級調用。八十
二降二級留任。桂齡著降為從三品候補。龔
鏜著降為正四品候補。其不具摺奏奏之監
試御史八十二著降二級留任。不准抵銷。○
又諭。祥康奏審擬駐防馬甲呈控本管副都
統剋餉蓋房等情一摺。此案密雲縣駐防馬
甲樂海胡克什布呈控副都統佈勒亨各款。
當降旨交祥康馳驛前往查辦。茲據奏稱逐
款審究。或事出有因。或無証可坐。惟該副都

統於公送扁額。事後並不退還。又不將衰老
疾病之員隨時叅劾。實屬不合。至興修各工。
尚係以公辦公。佈勒亨著加恩改為交部議
處。古北口防守尉明慶年逾七十。步履維艱。
著即勒令休致。餘著照所擬完結。○諭軍機
大臣等。前因御史帥方蔚奏廣東前署東莞
縣知縣今升南雄州知州吳毓鈞廢弛不職。
縱役殃民各款。前任南澳同知張鈞。丁憂後
逗留省城。關說公事。當降旨交昇寅等查訊。

具奏。昨據將所叅各款逐一查明。並查出刑
部郎中盧應翔有挾嫌唆告情弊。已明降諭
旨將盧應翔革職解往廣東。交該撫提案質
訊矣。本日復據御史帥方蔚回奏原叅吳毓
鈞各情。係因本年正月間。有在原任廣州府
知府胡方朔署內作幕之胡伯初寄來一信。
信內皆言廣東吏治廢弛。吳毓鈞在署東莞
縣任內種種貪縱。胡伯初係安徽桐城人。並
將原信一件呈覽等語。著祁墳即速查拏胡

伯初到案。將信內所指各情逐一加確訊。令其
據實供指。毋任狡飾。儻胡伯初業回原籍。即
飛咨安徽巡撫迅速訪拏解粵。歸案審辦。昇
寅等奏摺暨胡伯初原信。並著發給閱看。將
此諭令知之。尋奏咨查胡伯初業經回籍病
故。查吳毓鈞係十三年十二月到南雄州任。
胡伯初信尾注明癸秋月發。尚在吳毓鈞未
到任前。而信內已有聞到南雄更甚之語。其
中顯有虛捏。但業已病故。無從根究。報聞。○

以前任倉場侍郎劉彬士為吏部右侍郎內閣學士恩桂兼鑲白旗漢軍副都統○贈故兵部尚書那清安太子太保予祭葬諡恭勤○甲子遣官祭

先醫之神○命協辦大學士吏部尚書文孚為正使禮部右侍郎文慶為副使持節齋冊寶晉封

靜妃博爾濟吉特氏為

靜貴妃冊文曰朕惟治始二南佐職播睢麟

之化班崇九御升華彰禕翟之輝寅承夙懷夫規箴申命宜昭夫典策咨爾靜妃博爾濟吉特氏醇和蘊性敬順持躬協令舉於詩篇儀襄蘋藻肆芳型於禮教度式珩璜淑範丕昭叶吉允符乎燕喜榮封載晉頒恩祇荷乎龍章茲仰奉

皇太后懿旨以冊寶封爾為靜貴妃爾其珠佩宣勤勉副休稱於紫掖玉璫贊潔彌膺蕃祉於彤闈欽哉○命署禮部尚書都察院左都

御史奕額為正使內閣學士恩桂為副使持節齋冊印晉封

彤嬪舒穆魯氏為

彤妃冊文曰翊中宮而修教克佐蘋蘩奉內職以宣勤宜光綸綍爰申令典用晉榮封爾彤嬪舒穆魯氏毓本世家訓嫺禮法分絲栢館聿昭敬慎之儀頒采鞠衣彌懷謙沖之志副蘭闈而選德吉叶鴻庥褒芝檢以升華輝增象服茲仰奉

皇太后懿旨冊封爾為彤妃爾其祇承嘉命益彰綸翟之光式迓蕃釐允贊睢麟之化欽哉○以內閣學士史譜署兵部右侍郎○乙丑諭內閣栗毓美奏幕友具控當商牽涉知縣請解任查辦一摺此案河南署原武縣典史魯兆慶幕友潘元淦呈控當商張德懷因挾知縣陳兆慶勒索當規之嫌從憑魯兆慶稟揭該縣放賑捏造戶口並地畝斂錢等情詳請未批復詭稱為幕友潘元淦指使潘元淦

即以張德懷任意推誣並行使小錢等情呈告。又有縣民王松華叔姪爭訟。該縣陳兆慶詐贓釀命等款。案關侵賑斂錢。詐贓釀命。情節重大。必應徹底根究。以期水落石出。原武縣知縣陳兆慶著即解任。並檄提魯兆慶到省。交桂良提同原被應訊人證質訊明確。如果屬實。即行從嚴叅辦。○又諭特依順保等奏。審辦越卡竊馬拒捕戕官之布魯特一摺。所辦是。此案布魯特姜噶什糾約烏魯斯佳

海等。率領三百餘人。商同入卡竊馬。當經卡兵瞭見追捕。該犯等膽敢恃眾拒捕格鬪。適巡卡官兵踵至。協力擒拏。箭射槍擊。佳海等均各受傷先逃。經委官斌巴下馬捕捉。並拏獲托爾罕一名。該犯姜噶什用矛戳傷斌巴。越日身死。並盜去馬三十三匹。該將軍等飭派佐領吉魯木圖前往勘查。旋經出卡督同布魯特博鑾拜前赴黑底克愛曼。將賊首姜噶什弋獲。並追獲劫去馬匹。該犯姜噶什等

業經該將軍等分別正法發遣。並檄拏在逃各逸犯。照例辦理。吉魯木圖前因失察所屬卡倫失竊馬匹。奏叅議處。此次愧奮出力。功過尚足相抵。所有應得處分。著加恩寬免。六品委官斌巴。捕賊傷亡殊堪憫惻。著交部照例議卹。又另片奏博鑾拜平素恭順。此次一經檄諭。即導引該佐領等前赴黑底克愛曼。將逞兇首犯。指名弋獲。並掇起全數馬匹。頗知大義。博鑾拜著加恩賞給三品頂帶。並賞

戴花翎以示鼓勵。○刑部奏遵議黑龍江將軍富僧德奏。披甲色克進保囑託協領金寶柱。事後收受馬匹。審明定擬。得旨齊齊哈爾鑲藍旗協領金寶柱前署呼倫貝爾副都統銜。總管關防任內。於披甲色克進保等收受馬匹。雖經諭令退回。惟事前既輕聽請託。事後又不查究。所送馬匹有無退回。致令該犯等撞騙得贓。即與知情無異。金寶柱著革職。發往烏魯木齊效力贖罪。○調工部尚書汪

守和為禮部尚書。禮部尚書史致儼為工部尚書。○禮部議准前任河南巡撫楊國禎疏報採訪濟源縣貞節婦女何顧氏等二百五十二口。鞏縣董路氏等八十九口。盧氏縣孫李氏等五十口。睢州陳符氏等二十口。登封縣王周氏等五十二口。請各建總坊旌表。從之。○丙寅。以戶部尚書穆彰阿管咸安宮官學事。禮部右侍郎文慶為武英殿總裁官。添派吏部左侍郎奕經總理工程處。○命刑部尚

書成格都察院左御史何淩漢在紫禁城內騎馬。○修河南山東黃河兩岸隄堰壩。○從河道總督吳邦慶請也。○丁卯諭內閣。本日據祝麟奏稱署長蘆鹽運司候補道海忠詳請調劑蘆商。通網為之搖惑。請另行委員接署。長蘆鹽務數年以來。疊經整頓。俱係年清年款。現在正課帑利加價等項。正應趕緊辦理。海忠倡議率請調劑。顯係受商人慫恿。著來京交吏部帶領引見。再降諭旨。○又諭

烏里雅蘇台喀爾喀地方牧養駝隻。孳生至一萬三百有餘。若解往達哩剛。愛難保達次。倒斃。著將此項駝隻內揀存佳者六千隻。照舊孳生外。其餘四千餘隻。著分給該處蒙古官兵。所折價銀。著於伊等鹽菜銀內分年坐扣。以備修理城垣等工。○緩徵江蘇上元。江寧句容高淳江浦常熟昭文崑山新陽上海南匯青浦川沙溧陽山陽阜寧清河桃源安東鹽城高郵泰甘泉寶應銅山豐沛蕭陽山

邵宿遷睢寧太倉鎮洋崇明海沐陽海門。長洲元和吳吳江震澤華亭奉賢婁金山武進陽湖無錫江陰宜興荆溪靖江丹徒丹陽金壇嘉定寶山。五十九廳州縣暨淮安大河徐州太倉鎮海金山蘇州七衛歉收莊屯新舊額賦。○戊辰

上詣

皇太后宮問安。○添備直隸永定河豫防稽料。仍增歲料運腳銀。從總督琦善請也。○禮部

議准江西巡撫周之琦疏報採訪新昌縣貞節婦女陳蔡氏等一百六十四口請建總坊旌表從之○緩徵甘肅皋蘭河狄道渭源金靖遠安定會寧平涼靜寧隆德張掖武威平番寧夏寧朔靈固原中衛平羅碾伯大通秦涇靈臺鎮原禮二十七州縣暨沙泥州判鹽茶同知所屬被雹被水被旱歉區新舊額賦○乙巳

上御懋勤殿勾到山西直隸熱河情實罪犯停

決山西斬犯五人絞犯一人直隸斬犯十四人絞犯九人熱河絞犯一人餘六十人予勾○庚午護湖南巡撫惠豐奏報接篆得旨雖係暫署不可疏忽汝才具本屬中平如能以公勤自勵勉加振作或可無誤懷之○辛未

上詣

宣仁廟

凝和廟拈香○諭內閣前因麟慶奏請改挑義字河頭當降旨令該署河督再行詳查具

奏辦理茲據奏稱山旰廳屬義字引河歷經啓放近值連年湖水盛漲力甚猛迅壩底自由身以下逐段跌深至三四丈不等堵閉時繞避深塘向外圍越不特倍增艱險抑且多費不貲若改挑義字河頭河形雖稍灣曲一經順勢興挑開放可期暢順既據該署河督查勘明確自應迅速改挑以護堰工而資宣洩著戶部於該省就近藩關各庫撥給銀十七萬兩迅即解工俾資趕辦該署河督即督

飭所屬認真辦理務使工堅料實毋任草率偷減工竣親往覈實驗收造冊報部覈銷○修福建福寧鎮水師戰船從總督程祖洛請也○壬申諭內閣伊薩克前在軍營著有勞績茲來京當差已閱數年該郡王年逾六旬在京患病自係不習水土著加恩馳驛即回本處調養以示體恤病痊後由庫車辦事大臣奏明再行賞給差使○河南巡撫桂良奏報接印日期得旨着汝才具人品必能成就

萬勿自棄。勉之又勉。以副朕得人之願也。○命欽差工部右侍郎賽尚阿馳往湖南查辦事件。○實授奕額禮部尚書。以漕運總督恩銘為都察院左都御史兼鑲紅旗漢軍都統。倉場侍郎朱為弼為漕運總督。調兵部左侍郎王楚堂為倉場侍郎。轉兵部右侍郎龔守正為左侍郎。實授史譜兵部右侍郎。○贈故禮部尚書昇寅太子太保賞銀三百兩治喪。予祭葬。諡勤直。○癸酉。

上詣

皇太后宮問安。○御懋勤殿。勾到朝審情實罪犯。停決官犯一人。斬犯五人。絞犯二人。餘七人予勾。○刑部尚書戴敦元因病解任。以工部尚書史致儼署刑部尚書。服闋尚書王引之署工部尚書。○以緝捕奮勉賞江南參將德本花翎餘加銜升用有差。○展緩兩淮丁溪草堰劉莊伍佑新興廟灣六場歉收田地舊賦及竈戶前借口糧。○甲戌。

聖祖仁皇帝忌辰遣官祭

景陵

上詣

壽皇殿行禮。○詣

關帝廟拈香。○乙亥。以修湖北江漢隄工出力。予同知張實榮等加銜升補有差。○丙子。諭內閣壁昌等奏請幫築城垣一摺。烏什為臨邊緊要之區。其四面城垣均多頽裂鬆腐。處所急宜幫築。並須較原築城牆加高加厚。

方資保障。惟該城地處偏隅。回戶均係屯種納糧之家。並無閒散回戶可用。亦無餘糧散給。勢不能不動用公項。據該大臣等查該城庫貯歷年紬緞變價房地租錢。曾經奏明作為備貯之二千串。未便動用。仍應備貯外。其自十三年起。截至今年底止。陸續積存紬緞房租錢一千三百餘串。著准其提出動用。該大臣等即揀派妥實之員。於明歲春融雇覓民夫。趕緊加築。務期工堅料實。毋許草率偷

減所有動用錢項尤須撙節辦理工竣覈實報銷○又諭蘇清阿等奏覆查巴爾楚克等處屯田實在情形請分別辦理一摺前因巴爾楚克喀什噶爾兩處屯田為籌邊要務疊經降旨令該大臣等體察情形務須計及久遠斟酌妥辦茲據覆查具奏巴爾楚克屯田原屬荒地距回莊較遠與回民毫無妨礙現於毛拉巴什賽克三引用玉河之水墾種二萬餘畝已於本年升科納糧如於馬尾巴沙

虎爾引用渾河之水則開地益多招墾愈眾不惟屯糧可供兵糈且於邊防有裨所有該處屯田著即照舊辦理無庸裁撤至喀什噶爾屯田地畝查係以入官叛產易換回田與開荒者有間現雖依界耕種並未侵占回田恐久後不無膠轕自應乘興辦之始早為裁撤所有該處屯民著自明歲麥收後陸續遣散其實在無力貧民酌給口糧遣至巴爾楚克交委員周廷芬撥給地畝妥為安置俟也

民撤竣後再將喀拉赫依屯地給還原莊之回子認種其原換叛產地畝即交阿奇木伯克作霍爾敦撥給無業回戶耕種照例納租至遣散屯民仍責成委員周廷芬等一手經理如果辦理妥協再行酌量奏請鼓勵○諭軍機大臣等與德奏查明霍罕夷使稟求各事奏明辦理一摺霍罕夷使額爾沁愛連巴依前因途遇蘇清阿稟求奏請賞還抄獲田地茲據與德查明喀什噶爾阿克蘇英吉沙

爾抄獲安集延各房產地畝均經變價充公計銀一萬餘兩於道光十二年間辦理給還奏明有案此係專指驅逐十年以內安集延田產應行賞還其六年從逆案內抄獲叛產不應給還著毋庸查辦至該夷使所求發遣各處為奴回犯尚有一半未回懇求釋放茲據查明六年逆回滋事案內發遣烏嚕木齊等處回婦子女並分賞出征官員為奴各回犯均經釋回其伊犁發遣回婦子女及分賞

為奴各回犯除釋回外現存三十六名均經奏明報部有案該夷使所稱尚有一半未經釋回之語係屬假捏亦著毋庸查辦至從前逃散各回婦現據查拏五十餘口分撥達莊安置其民人私娶回婦雖據稱實無其事恐遠近各莊尚有藏匿該大臣已督同辦事領隊大臣西朗阿等派委將弁分赴各回莊搜查其查出無業無票遊民及回婦等分別妥為辦理一面取具各伯克並無藏匿遊民甘

結仍著該大臣等督率將弁隨時嚴密搜查有犯必懲務使地方肅清俾外夷知法紀嚴明益加恭順毋得稍有辦理不善致該夷有所藉口將此諭令知之○又諭據蘇清阿奏喀什噶爾現設辦事領隊大臣一員管轄滿洲兵五百名總兵一員統轄綠營兵三千五百名此二員各守其職不相統屬實於公務無益且喀什噶爾為回疆最要之區僅設一辦事領隊大臣不足彈壓葉爾羌現設參贊

一員幫辦一員領隊一員應請裁撤一員參贊雖不能移駐喀什噶爾仍須添設辦事大臣一員統轄滿漢一切事宜於邊防大有裨益等語喀什噶爾原設領隊大臣一員總兵一員數年以來尚堪相佐為理若再添設辦事大臣一員諸事轉難畫一或即將現設之辦事領隊大臣改為辦事大臣統轄滿漢一切事宜亦足以資控制仍歸葉爾羌參贊大臣統轄於回疆事務有無裨益著特依順保

等悉心妥議具奏將此諭令知之○命塔爾巴哈台參贊大臣常德來京賞英吉沙爾領隊大臣棍楚克策楞副都統銜為塔爾巴哈台參贊大臣○以捐修山東平原縣

文廟予候選知府張敷等議敘○命陝甘總督楊遇春撥銀十萬三百兩解赴喀什噶爾英吉沙爾二城備道光十五年經費○緩徵湖北黃岡縣及蘄州黃州二衛被水民屯新舊額賦○丁丑以堵築南河林家莊壩工完

竣。開復道員文麟等降革處分。○戊寅。
上詣

皇太后宮問安。○諭內閣惠吉奏請將承審命
案延不詳辦。復被控門丁詐贓釀命之知縣
解任嚴審一摺。據稱廣西平樂縣知縣林縉
光。於前署縣致祥訪獲客民吳濟湘因賭博
起釁。砍傷伊姪吳棕明身死。有捐職州同吳
鴻宗主令私埋匿報一案。並不即時究辦。案
懸數載。犯證疊經病斃。現據吳鴻宗之妻吳

蕭氏。控稱該縣門丁衛五張春等藉案索詐。
致將伊子吳之賢鎖押斃命等語。林縉光著
即解任。交該撫提同該縣門丁暨全案人證。
卷宗嚴審確情。並將吳之賢是否押斃命。
詐贓銀數實有若干。曾否入手。該縣原詳取
保病故。有無故縱捏飾情事。務須徹底究明。
以期水落石出。按律懲辦。無稍枉縱。○又諭。
科場條例內外簾筆色。例有一定。其戳記薦
條應用何色。例無明文。此次山東山西河南

陝西四省硃卷。經履勘大臣等查明薦條戳
記。或用紫色朱色藍色。殊屬參差。嗣後應如
何畫一辦理之處。著禮部酌定章程具奏。尋
奏。嗣後房考第幾房次第統用紫戳薦條用
藍戳。內收掌戳記用藍色。外收掌受卷彌封
膠錄對讀各官戳記用紫色。印用錯誤。照例
議處從之。○諭軍機大臣等。惠吉奏續探越
南國內訌情形。仍飭加意嚴防一摺。據稱該
國官兵克復牧馬。農文雲退回保樂。現聞該

國剋期分路進剿。太平府一帶相距尚遙。鎮
安府屬邊境去保樂較近。該國用兵已有年
餘。雖未擾及邊境。惟蠻觸相爭。勝負無常。該
國集兵進剿。意在必除。農文雲以烏合之眾。
一經戰敗。難免分投逃竄。恐假冒內地民人。
潛行混入沿邊一帶。亟飭加意嚴防。以杜竄
越。儻農文雲果敗逃內地。被獲即遵奉前旨。
縛交該國自行辦理等語。所奏尚為周密。該
國兵連禍結。一日不靖。則內地不可一日無

防况農文雲結怨已深勢無兩立萬一戰敗逃竄如果逃至內地被獲著即遵前旨縛送該國自行辦理惟邊地毗連必應加意嚴防慎重彈壓誠恐農文雲於敗逃之時或假冒內地民人潛行混入尤須逐細稽查以昭嚴肅務使外匪內奸無從竄越仍一面嚴飭該府廳將弁等分段巡防並沿邊各關隘一律修整實力防堵不可稍涉大意俱當不動聲色嚴密辦理毋得日久生懈致有疏虞將此

諭令知之○命禮部尚書奕訢工部左侍郎裕誠會同盛京將軍寶興盛京刑部侍郎貴慶敬謹興修

永陵

福陵殿座各工○添派協辦大學士吏部尚書

文孚查估

萬年吉地工程○己卯實授史致儼刑部尚書王引之工部尚書○以詹事府詹事陳官俊為內閣學士兼禮部侍郎銜○贈故刑部尚

書戴敦元太子太保子祭葬諡簡恪○賞順天等省鄉試年老諸生王緒等八十八名舉人副榜有差○庚辰諭內閣敬徵等奏會勘海塘工程酌議辦理一摺據稱此次修理塘工前議由念里亭汎甲字號起至尖山汎石字號止於石塘外改築柴工現在已鑲柴工尚能抵溜惟塘身緊要應乘此柴工外護將此內坍卸石塘即時修整完固著速飭工員趕緊興修以資保障至鎮海汎啓字號起至

戴家橋汎積字號止原議改建竹簔塊石工程本係前人成法自乾隆四十五年以後迄無辦過成案而保護鱗塘之法以修復條石坦水較為得力烏爾恭額遵旨會同履勘仍與前次情形相同嚴煥稱坦水與竹簔均係海塘成法富呢揚阿請仍修坦水現據敬徵等公同商酌意見相同所有原議改建竹簔塊石處所著仍照舊制修復條石坦水二層以護塘基限於明年四月內將頭層坦水修

整堅固。其二層坦水。接續趕辦。統限於明年九月內竣工。著烏爾恭額吳椿不時稽查。如有草率偷減情弊。立即嚴參懲辦。惟各項工程。未能同時並舉。著將烏龍廟以東原奏添建鱗塘。限明年七月竣工者。暫為推緩。俾專辦坦水椿木條石。以濟要工。其海寧繞城三層坦水。及原議繞城塘工加高二層。著俟明年大汛時察看情形。再行奏明辦理。至請修坦水段落。除賠修不計外。應修條石坦水三

千五百三十九丈零。共需銀二十一萬三千九百餘兩。著即照所議辦理。柴埽工段業經興辦。著限於本年十二月內完工。又另片奏。自尖山汎鉅字號起。至嘉字號止。又索字號起。至獸字號西十二丈止。一律修建條石坦水二層。又獸字號起至誰字號止。並獸字號東八丈起。至道字號西十三丈七尺止。舊有塊石坦水。著照式修補。以資保護。並著於該汎適中之地。添建盤頭一座。以挑溜勢。其盤

頭工料銀兩。著按例覈實估辦。至前項坦水工程。除舊料抵用外。計需銀九萬八千二百餘兩。較原議全拋塊石銀數並無增多。亦著照所議辦理。又另片奏。東防一帶石塘。經烏爾恭額等逐細履勘。亟須分別情形。覈實修墊。共估需銀一萬三千四百兩零。著准其於協撥塘工節省銀兩內。如數動用。俾工員趕緊修填。以裨要工。○諭軍機大臣等。本日已明降諭旨。吳椿著留浙江。會同烏爾恭額辦

理海塘工程矣。惟以欽派大員駐浙會辦大工。所需夫船薪水費用較繁。不可令伊自備。尤不可累及地方。著烏爾恭額即飭總局司道在於該省扣收平餘項下。每月支給銀三百兩。以資辦公。嚴烺已有旨無庸在工督辦。或來京。或留本籍。聽其自便。將此諭令知之。○又諭本日已明降諭旨。敬徵著來京覆命。吳椿著留浙江。會同烏爾恭額辦理海塘工程矣。敬徵所帶司員戶部郎中張晉熙。工部

郎中毓衡著吳椿酌量即將該二員留於工次或酌留一員如無須司員隨同辦理即俱令回京當差至海塘工程緊要務當會同烏爾恭額和衷商辦督率認真以為一勞永逸之計是為至要將此諭令知之○以盛京工部侍郎烏爾恭額為浙江巡撫浙江巡撫富呢揚阿為盛京工部侍郎兼管奉天府府尹事

上以冬至祀

天於

圓丘自是日始齋戒三日○辛巳旌表逼嫁捐

軀山西靜樂縣民郭克治姪媳韓氏○壬午

上詣

南郊齋宮齋宿○蠲緩浙江建德淳安桐廬分

水麗水新城遂安縉雲仁和海寧富陽德清

武康烏程歸安十五州縣暨杭嚴衛被水莊

屯新舊額賦有差除建德淳安桐廬分水麗

水五縣及杭嚴衛衝決田地額賦給麗水縣

災民一月口糧○緩徵浙江坐落江蘇下砂頭二三場歉收蕩田新舊額賦○癸未冬至祀

天於

圓丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后殯宮

孝慎皇后殯宮○遣官祭

端慧皇太子園寢○停次日朝賀○詣

皇太后宮問安○甲申諭內閣特依順保奏遵

旨籌添巴燕岱滿洲營八旗壯丁以資差操

一摺巴燕岱八旗生齒日繁其不能得食錢

糧之壯丁日事曠閒自應酌籌生計以收實

用著准其將巴燕岱新獲租銀二百三十餘

兩並舊有租銀五百九十兩每歲共獲租銀

八百二十餘兩照依惠遠城添設壯丁章程

每旗佐領下添設壯丁三名十六佐領共添

壯丁四十八名每名月給公費銀一兩合計

一年需用銀五百七十六兩仍於所餘銀內

覈定撥給每佐領銀十兩以敷公用餘銀八

十四兩作為閏月壯丁口費之用俾所設壯

丁藉為挑選馬甲先資以裨差操而裕生計

該將軍仍飭該協領等於該城地畝設法疏

引水渠以廣灌溉俾獲租銀照依惠遠城添

設壯丁一律辦理此項地租責令該城協領

隨時稽察按季取結呈報以杜弊端而昭覈實○諭軍機大臣等本日據特依順保奏籌

添巴燕岱滿洲營八旗壯丁自因巴燕岱八

旗生齒日繁其不能得食錢糧之壯丁日事

曠閒准將該城地租銀兩酌量變通以資差

操而裕生計但每旗添設壯丁月給公費銀

兩自為教養有資實於差委有益並非專為

各丁壯不能得食錢糧以為養贍之計該將

軍等務飭各該旗佐領等勤加訓練按期操

演俾各丁壯習於勤勞專心技藝勿令遊惰

偷安以期營務日有起色一兵得一兵之用

斷不准玩愒從事日久懈生仍致有名無實

將此諭令知之○賞八旗兵丁一月錢糧○

乙酉諭軍機大臣等本日據吳邦慶等奏請

估挑運河淤淺各工已明降諭旨准其動款

興挑矣運河為漕船往來要道必須一律深

通方免漕行阻滯惟十字河一帶積沙最深

尤易淤淺若待臨時挑挖恐誤漕行著吳邦

慶鍾祥親往查勘設法疏濬務須先事豫籌乘時趕辦免致漕船入境停泊待挑有誤逾期行期限鍾祥如能分身前往即會同該河督悉心籌議飭屬辦理儘省中公事緊要即遵派妥幹大員前往詳細履勘豫期興辦以免臨事周章將此各諭令知之○兩廣總督盧坤奏嘆咭喇兵船回國日期得旨海洋寥闊夷船雖報歸帆仍當加意查探毋再生事不可坐受欺誑也慎之○命惇親王綿愷工部

尚書王引之禮部右侍郎文慶敬謹承辦奉移

孝穆皇后梓宮至龍泉峪典禮○濬山東上河捕河運河加河四廳塘長各河從河道總督

吳邦慶請也○丙戌

上詣

壽康宮前殿行禮後殿問

皇太后安○諭內閣保昌等奏職官任性刁健請交部議處一摺此案吉林佐領巴彥保誣

執同知衙門差房即係私設班館袒護劣兵潰稟稱冤始而上堂頂撞繼而請票進京並敢將已飭革之甲兵劉勇財仍留差使抗不革退種種刁健殊屬可惡巴彥保著交部議處參領依凌阿於該屬佐領大肆頂撞時默無一言又任其抗不革退甲兵實屬罷輟無能依凌阿著一併交部議處同知福廣不照向辦移提旗人徑行差傳以致該佐領曉曉不休福廣著交部察議餘著照所議辦理吉

林素稱淳樸該將軍平日果能約束旗伍整飭官方何至有任性刁健目無長官之佐領且該佐領上堂頂撞時即應從嚴叅辦乃僅以記過完結迨該佐領再三潰稟該將軍始行叅辦於後究未免輕縱於前事後請議何如遇事有為保昌著交部議處嗣後必當大加振作以肅旗伍而儆官邪斷不可如此姑息疲輓致負委任也○諭軍機大臣等有人奏川省地方疊役尤橫大州縣或千餘人小

州縣亦數百人百餘人不等。遇有民間詞訟事件。官准一案。差派數役往傳。以致差役勒索多方。動輒破產至緝捕竊盜。亦向事主索發腳錢。私取乞丐導至富家詐贓。以飽私橐。真賊反令遠颺。誣扳有隙之家。逐戶磕索。以乞丐送官搪塞。此等差役相繼承充。良民受累。又川省文武衙門書役弁兵。多於衙署側近設局招賭。名曰廳子。而武署為尤甚。每日招引城鄉富民。並土豪地棍設局賭錢。抽頭分利。破家蕩產。貽害匪細。又川省佐雜等官。皆設有書役多人。串唆擅受。需索多贓。牽連貧民受累。並不肖生監。盤踞說合。及至卸任。將牌票稿件。概行燒燬。一無憑證。擅受之巧。無過於此。故川省謂佐雜官為買賣衙門等語。此種地方積弊。全在有守土之責者嚴行查禁。實力整頓。衙蠹盛則良民傷。賭風盛則富民敗。擅受多則平民擾。必應設法汰除。痛加懲創。著瑚松額鄂山將各項情弊。逐細按

查無任稍有朦混匿飾。有弊必除。有犯必懲。設法妥立章程。據實具奏。斷不准以空言塞責。一奏了事。於地方仍無裨益。原摺著鈔給閱看。將此諭令知之。尋鄂山奏查川省遞解人犯及護送銅鉛船隻。差事太繁。額外多設差役。在所不免。經前督臣全行裁撤。准於額設外量添幫役。大缺不得過二百名。小缺一百五十名。嚴定稽查章程。恪遵辦理。茲復嚴飭廳縣實力奉行。仍責成該管道府就近查察。至開廳聚賭。現查尚無其事。仍飭屬嚴行查禁。文官自道府以下。武官自副將以下。滿城弁兵。責令該管協領佐領以下。均於年終出結申送備案。設再有開廳聚賭等弊。查出嚴辦。出結官立予揭參。擅受之風。臣到任時已通檄飭禁。並以佐雜無鞫問之權。明示民間。又叅辦數案。各知儆畏。現再申明例禁。責成該管道府廳縣。有犯揭參以肅功令。得旨立法何難。患在不能實力奉行耳。當勉之又

勉○命協辦大學士吏部尚書文孚為大學士管吏部事戶部尚書穆彰阿為吏部尚書協辦大學士調工部尚書耆英為戶部尚書兵部尚書敬徵為工部尚書禮部尚書奕訢為兵部尚書以領侍衛內大臣載銓為禮部尚書○予故工部尚書王引之祭葬諡文簡○展察哈爾右翼牧羣官兵扣繳餉銀限期○丁亥兩江總督陶澍等奏提催回空糧船得旨務要竭力盡人事以理之不可藉口諉

為天時水勢也勉之○以都察院左都御史何凌漢為工部尚書戶部右侍郎吳椿為都察院左都御史調刑部左侍郎姚元之為戶部右侍郎兼管錢法堂事務吏部右侍郎劉彬士為刑部左侍郎戶部左侍郎張麟為吏部右侍郎兵部左侍郎龔守正為戶部左侍郎以內閣學士沈岐為兵部左侍郎○工部左侍郎廖鴻荃因病解任以都察院左副都御史沈維鐸為工部左侍郎仍留安徽學政

任○移江蘇金山縣知縣典史駐涿涇鎮涿涇鎮巡檢駐舊治衛城從總督陶澍等請也○以捐辦江蘇白茆河開墾予知府張綬組等升補議敘有差○戊子准山東被旱被水各屬緩買常平社倉穀石○己丑旌表守正捐軀直隸大名縣民宋洪信女四姐○庚寅孝慎皇后殯宮月祭遣官行禮○命熱河總管阿靈阿副總管長良估挑旱河工程

大清宣宗效天符運立中體正至文聖武智勇仁慈儉勤孝敏成皇帝實錄卷之二百六十

大清宣宗效天符運立中體正至文聖武智勇
仁慈儉勤孝敏成皇帝實錄卷之二百六十一

臣等謹將宣宗成皇帝實錄卷之二百六十一

臣等謹將宣宗成皇帝實錄卷之二百六十一

臣等謹將宣宗成皇帝實錄卷之二百六十一

臣等謹將宣宗成皇帝實錄卷之二百六十一

臣等謹將宣宗成皇帝實錄卷之二百六十一

臣等謹將宣宗成皇帝實錄卷之二百六十一

臣等謹將宣宗成皇帝實錄卷之二百六十一

道光十四年甲午十二月辛卯朔諭內閣御

致

史承光奏請飭禁廢員攻訐上司一摺據稱
近來各省已革廢員挾制上司捏款上控之
案層見疊出查其心跡實非為公或勒借盤
費或訛索捐復銀兩稍不遂意即行攻訐各
上司受其挾制暗中消弭以致此風日熾請
嗣後有列款控告原奏上司者無論虛實概
行飭禁等語國家設官分職大小相維為大
吏者果能潔己奉公嚴明御下則屬員平日
羣知敬畏遇案糾參自可折服其心無敢置

辦方今朝野清明上下一體即間有一二不

肖劣員因案叅革後膽敢誣攀捏造挾嫌洩

忿或交各督撫親提審訊或特派大員前往

查辦其鬼域伎倆無難立時破露重治其罪

即被訐之各上司始雖受其誣讟迨經審斷

立即昭雪又何必畏首畏尾多方消弭轉予

該革員以挾制之端釀成刁健耶嗣後各省

大吏平日於屬員之賢否留心考察遇案叅

劾一秉大公自不致被叅劣員有妄行控訐

之事儻舉劾任意不足服眾又安能禁被枉

之員不行控告至屬員被枉本有准揭部科

之條若不肖劣員被叅之案本無不公或因

需索不遂臚列多款圖洩私忿一經審出虛

誣情弊定當照例加等治罪決不寬貸以懲

刁頑而肅官方將此通諭知之○吏部以大

學士文孚應定何殿閣請得旨文孚著為東

閣大學士○禮部奏道光十五年元旦應行

禮儀得旨是照例行禮奉

皇太后懿旨。停止筵宴。其在外福晉命婦進內行禮之處。並著停止。○貸直隸駐劄災區旗緣各營兵丁餉銀。○壬辰。

上詣

皇太后宮問安。○諭軍機大臣等。有人奏風聞自江南揚州至直隸天津運河一帶。水陸衝途。時有棍匪數十為羣。身藏利刃。每遇糧艘銅船木筏北上。輒沿路隨行。託名跟差。混雜水手。緝夫隊中。於居民鋪戶。過往船隻。任意

訛索。稍不遂意。輒倚恃人眾。肆行搶奪。糧艘銅船水手。亦利與勾結。隨同嚇詐。或時無糧艘銅船過往。該匪等窺伺往來客船。攔截搶劫。請飭查拏嚴辦等語。各省水陸衝途。行旅絡繹。務俾地方肅清。遇有棍匪等沿途擾害。全在地方法文武員弁。不分畛域。一體嚴拏。認真懲辦。何至任令該棍匪等假託跟差名目。引類呼羣。肆行無忌。蔓延日甚。必至釀成巨案。於地方所關匪細。著琦善等嚴飭所屬文

武員弁。各於管轄地方。遇有此等棍匪。一體密訪嚴拏。從重懲辦。以期盡絕根株。儻各地方官有諱飾推諉情弊。一經查出。或別經告發。立即嚴叅。示懲。無稍徇隱。將此各諭令知之。○又諭有人奏廣東廉貢生劉光桐。本年在京鄉試後。由通州雇船回籍。於十月初五日。行至直隸故城縣屬離城十餘里二望地方。突遇賊匪十餘人。手持刀械。蜂擁下船。揪按事主。將其家人斬傷。砍開衣箱。劫去紋銀

四百兩。錢十餘千。及手釧布匹等物。經事主呈報該縣知縣吳孝愉。意存規避。不即會營緝拏。不為事主家人相驗傷痕。又不令事主引勘地方。反先囑該船戶具供被劫之地。係山東武城縣所轄。以為誣卸地步。遲至十日。外始移知武城縣會勘。而武城縣知縣龔璣。則以該河面及西岸。係故城縣所轄。與伊無涉。彼此互推。盜賊任其遠颺等語。地方盜劫之案。全在該管官不分畛域。迅速查拏。方足

以做兇暴而安行旅如係所轄界內尤不應稍存推諉任意遷延以致盜匪達竄無蹤著琦善鍾祥迅即委員前往該處會同勘明劉光桐被劫地方確係何縣境界即將規避推諉之知縣從嚴叅辦並查取疏防各營弁職名先行交部議處仍勒限務將此案賊犯全行緝獲按律懲辦毋任延縱以肅法紀而儆疲庸將此各諭令知之○癸巳諭內閣保昌等奏查明新城局拖欠款項據實叅辦一摺

伯都訥新城局拖欠庫貯正款錢租銀兩延不解繳前據該將軍等奏叅當諭令確查懲辦茲據查明該局拖欠款項均係實欠在民惟此項租錢該管局員並不實力督催輒以新補舊虛出通關以致歷年積欠至二萬餘吊之多自應照例懲處所有新城局自道光十二年起承辦局務之現任佐領哈豐阿巴克坦保筆帖式蘇勒通阿常慶連仲阿等及自十三年起承催租錢之獎賞藍翎富伸保

額爾德呢驍騎校兆先保吉隆阿等均著先行摘去頂帶責令同緣事降調之總理協領額凌額同知博爾豁等將民佃田盈等陳欠租錢三千一百餘吊按名催交如追交不全即與民佃等欠交蓋房鑿井銀九百五十三兩一併著落額凌額博爾豁哈豐阿巴克坦保蘇勒通阿常慶連仲阿並與十年十一年在局之總辦承辦各員等按在局年分久暫一律依限計成攤賠其民佃新欠租錢一萬

七千五百餘吊嚴飭十二年起局員等督飭催交務限於本年年終分別趕緊追賠如能全完再行奏請開復儘逾限不完即照逾限一年例辦理其催徵之富伸保額爾德呢兆先保吉隆阿等亦限於本年年終各於所管字號各屯所欠並前欠租錢依限交齊准予開復仍記過一次如不能交齊即照違限一年之上律懲辦副都統吉勒通阿亦有督催不力之咎儘局限催收不齊一併報部察議

至該副都統衙門前報已收部駁地畝案內錢文因未取有遵結是以將錢暫未入庫現經取有遵結報稱貯庫著即解交省庫報部查覈所有承辦各員著免其置議○又諭楊遇春奏匪徒滋事拏獲審辦一摺此案甘肅臬蘭縣匪徒鄭曼年等膽敢糾約百餘人在督署大門持械放火撲壞滋鬧並將查夜之都司袁貴砍傷落馬復將該員內室焚燒經外委陳芝桂擒斃一賊該匪徒等畏懼逃赴

東門殺傷守門兵丁蜂擁竄出旋經官兵差役陸續追拏按獲訊據鄭曼年得供稱係挾都司袁貴不准攬作軍火麻繩之嫌又因裁汰老兵心懷氣忿起意糾同鄭曼年等起事復憶及都司葉昌泰待伊有恩俱可藉此報讎訊之葉昌泰堅供委不知情等語此等匪徒殊堪髮指倉卒之間幸不致有傷大體但葉昌泰上年因規避防差具稟挾制部議降調回至甘肅後經該督屢次傳見託病不至且

鄭曼年曾向該員告知有人為其報讎之語即不得諉為不知且鄭曼年所持腰刀又係該員之物聚眾之斗母宮復與該員住處相近是鄭曼年斷非無端供吐種種可疑自應徹底根究以期水落石出葉昌泰著即革職先行收禁交該督督同臬司伍長華親提全案犯證與葉昌泰質對明確細心嚴鞫不可輕脫按律定擬具奏至該督自請交部嚴議之處著候諭旨○又諭特依順保等奏拏獲

竊馬賊犯分別審辦一摺此案姜那伯克膽敢糾夥私進開齊偷竊卡倫馬匹哈薩克阿哈拉克齊拜哈達木訪查該賊犯藏匿蹤跡帶引官兵將該賊犯拏獲不顧同類為讎洵屬恭順可嘉著加恩賞給六品頂帶藍翎以示獎勵○又諭瑚松額等奏提臣辦理夷案不善據實叅奏一摺四川我邊夷匪本年出巢焚搶經提督楊芳統率官兵團勇前往籌辦乃甫及月餘該夷匪又復出巢搶擄輒以

求釋前獲之雙甲為詞。是楊芳辦理不善。以致夷人復出。從前所稱事有把握。全不足信。楊芳著交部嚴加議處。即來京聽候部議。瑚松額鄂山雖未親往查辦。惟率據楊芳之言會奏。未能控制合宜。均著交部議處。○諭軍機大臣等。瑚松額等奏參提臣辦理夷案不善一摺。已明降諭旨。將楊芳等分別嚴議處矣。本年裁邊廳支夷。因竊窆竹筍。肇釁焚搶。本屬尋常夷案。果能痛加勦戮。示以兵威。

然後相機招撫。庶可使該夷等畏威懷德。日久相安。楊芳久歷戎行。統兵籌辦。自必計及久遠。何以該提督前致瑚松額等函內。率稱事有把握。即可完竣。乃九月十九二十一日。雅扎等支夷。復於夜間至雙溪卡。白沙河兩處。擄去男婦大小六十餘丁口。迫經派員查明。該兩支娃子。因恐前獲解省之雙甲問罪。故潛搶漢民作富。欲求換釋。現經派出之城守營參將唐永清。諭以恩威。業據陸續獻

還漢民二十四丁口。其餘亦據該夷目自請立限悉數退回。並按名擒獻。充夷。此外各夷支與漢地居民。均照常安業。此項夷人。素以搶劫為事。楊芳統兵籌辦。政事甫及月餘。復敢出巢滋事。搶掠人口。是從前所辦。未能合宜。已可概見。自無庸再令親往。惟所擒漢民。尚未全數獻還。滋事充夷。亦未按名擒獻。瑚松額等所派參將唐永清。都司毛萬里。前往催辦。究竟派何人督辦。是否能資得力。務即

嚴飭該委員等。確查起釁根由。並趕緊追拏各夷匪。從重懲辦。斷不准觀望遲延。仍蹈前轍。又另片奏。楊芳業已啓程北上。即責成委員專辦等語。該將軍等已飭委馬騰龍到省。接署提督篆務。總當督飭所屬。認真籌辦。務使附近各夷支。與漢民均可相安無事。以清邊圉。而杜後患。將此諭令知之。○又諭興德等奏。葉爾羌所屬卡外色呼庫勒地方。有霍罕前來。欲行侵占一摺。據稱本年八月二十

一日。色呼庫勒阿奇木伯克庫爾察克稟稱。霍罕勒什噶爾胡什伯克差派邁買西里普等帶領安集延回子四十名。來至塔哈爾瑪莊駐劄。並稱霍罕伯克現派勒什噶爾胡什伯克管理色呼庫勒地方。勸令庫爾察克歸順。當派五品伯克皮魯斯出卡查探。並傳諭安集延呼岱達派人會同前往曉諭。皮魯斯面見霍罕差來之邁買西里普。諭以該處乃葉爾羌所屬。向設阿奇木伯克及伊什罕伯克等官。爾等不應侵占地方。乃邁買西里普一味狡展。不肯輸服。旋據霍罕勒什噶爾胡什伯克差人遞稟。現仍派令皮魯斯出卡偵探等語。色呼庫勒孤懸卡外。為葉爾羌咽喉要地。該夷於上年藉稱向布魯特收稅。妄肆搶擄。經該大臣等飭令額爾沁弔噶爾拜派人出卡曉諭。現在又遣人前來。直欲強占地方。披閱該夷稟詞。實屬狡強可惡。若不嚴切曉諭。絕其覬覦之心。恐由此益無忌憚。於邊

疆大有關繫。該大臣等擬寫諭帖。甚合機宜。著即將帖交阿奇木伯克伊斯瑪依爾轉行寄知。仍飭令該伯克另行寄諭霍罕伯克。不准任聽所屬之人。侵占地方。並傳諭色呼庫勒阿奇木伯克庫爾察克等。加意防守。不可稍有疏失。俟皮魯斯查探實在情形。旋回時。即行據實具奏。將此諭令知之。○撥湖北襄陽道庫銀二千九百兩。調劑武昌武左黃州蘄州襄陽德安六衛疲乏幫丁。並撥銀二萬兩。發商生息。備襄陽衛造船經費。從總督訥爾經額等請也。○貸江蘇桃源縣濬河建閘銀。○甲午。諭軍機大臣等。昨據瑚松額等奏。參提臣辦理夷案不善。致夷人復出滋事。已降旨分別嚴議。議處。並著楊芳來京聽候部議。該將軍等現飭委馬騰龍接署提督篆務。馬騰龍在川省有年。平日操防訓練。整頓營伍。是否堪勝四川提督之任。著該將軍等據實由驛覆奏。將此諭令知之。尋奏察看馬騰

龍似不能勝川省提督之任。報聞。○丙申。
孝惠章皇后忌辰。遣官祭。

孝東陵。○諭內閣。四川裁邊夷匪出巢滋擾。上年即係楊芳督辦。據奏三廳地方。一律肅清。裁邊二十四地。皆所親歷。並稱撫其馴服。誅其犷悍。不致復行滋事。未及半年。該夷匪仍肆焚搶。復經楊芳統兵團勇。前往勦撫。於本年八月間。函致瑚松額等。率稱事有把握。即可完竣。其餘支夷。永保安靜。乃甫及月餘。該

夷匪又復出巢擄搶。輒以求釋前獲之雙甲為詞。是楊芳節次辦理此案。總未妥善。毫無把握。鋪飾妄奏。本應照部議革職。姑念前在回疆著有勞績。稍示懲儆。以觀後效。楊芳著降為二等侯。革退御前侍衛。以總兵前往甘肅候補。毋庸來京陛見。瑚松額鄂山部議降二級留任。本屬咎所應得。念其於該夷匪滋事。雖未親往督辦。於楊芳辦理夷案不善。尚不瞻徇情面。據實參奏。著加恩改為降一級。

留任。不准抵銷。○戶部議准。雲南巡撫伊里布疏報陸涼州開墾地一項九十五畝。照例升科。從之。○丁酉。

上詣

皇太后宮問安。○諭內閣。訥爾經額等奏請查禁通省私錢一摺。湖北為各省水陸通衢。商販雲集。私錢最易攬用。經該督等奏明飭拏之後。荊門州等處訪獲私鑄等犯八起。民間存留私錢。亦據設局收繳六千餘串。辦理尚

屬認真。所拏私鑄各犯。俱係各州縣本任自行拏獲。俱著免其議處。其各前任失於查察。亦著加恩免其查議。惟該省此時查辦緊嚴。該犯等自必各知斂跡。若稍形懈弛。難保不再行鑄販。該督等務當隨時委員密訪。儻各州縣始勤終懈。以致私錢充斥。即當照例嚴參。至道府為州縣親臨上司。耳目較近。嗣後每屆年終。各州縣查明境內有無私錢。照例出結後。由該管道府覆查。確實加結。詳覈具

奏如有結報不實。一經查出。即將該管道府一併叅處。以示懲儆。該部知道。○刑部議駁前任浙江巡撫富呢揚阿疏報民婦沈氏搭傷前夫童養媳王女身死。依律擬絞監候一案。王女係沈氏童養之媳。與改嫁後伊子自行聘娶者不同。難置姑媳名分於不論。况毆故殺乞養子婦。按律註尚得與毆故殺子婦同科。今該氏之於王女。其恩義較乞養子婦為重。其罪名不能較乞養子婦加嚴。應令另

行妥擬具題。得旨部駁。甚是。依議。尋烏爾恭額奏改照故殺乞養子婦律。擬杖一百。流二千里。准收贖。下部議從之。○修湖北省城驛路橋隄。從總督訥爾經額等請也。○戊戌

上詣

大高殿行禮

時應宮拈香。○以烏魯木齊阿克蘇屯田豐收。予員弁議敘。賞兵丁一月鹽菜銀。○科爾沁扎薩克土謝圖親王諾爾布林沁等七人。

喀爾喀車臣汗阿爾塔什達等三人。巴林扎薩克郡王那木濟勒旺楚克等二人。喀喇沁扎薩克郡王那木濟勒旺楚克等三人。奈曼扎薩克郡王阿宛都瓦第扎布。敖漢郡王幹咱巴拉。阿巴噶郡王那木薩。喇多爾濟等二人。於隆宗門外瞻覲。○己亥。諭內閣。前據御史曾望顏奏。廣東康貢生劉光桐。在二望運河被劫一案。當經降旨。令琦善等查明失事地界。並將推諉疏防各員。弁先行叅處。茲據

該督奏稱。二望地方。東岸屬山東武城縣。西岸屬直隸故城縣。訊據船戶與事主供詞互異。必須三面質明。始可查叅。現既獲有案犯。不難訊得實情等語。地方遇有盜劫之案。全在該管官不分畛域。迅速查拏。豈容任意推諉遷延。致令盜匪遠竄。第該員等既互執於前。自不應交令審辦。著該督即將拏獲之買贓人路洛有等。及船戶水手。一併解赴山東。交鍾祥咨提江南所獲夥盜趙二。與夏津縣

緝獲之吳禿子。歸案審訊明確。分別叅辦。以歸覈實。其未獲各逸犯。仍著該督撫等勒限嚴拏。務獲究辦。尋奏訊明吳禿子起意糾同趙二行劫致傷船戶。依不分首從律。將吳禿子趙二擬斬立決。故城縣知縣吳孝愉辦理錯誤。請交部議處。下部議從之。○又諭前因已革福建候補縣丞秦師韓以恃權袒酷任性欺朦等詞。遣抱告李百祿赴京控告。當降旨派趙威奎前往會同張麟查辦。茲據該侍

郎等查明。秦師韓前在署嘉義縣大武壠巡檢任內。經該督程祖洛以張丙等滋事戕官。該員不知竭力抵禦。有辜職守。奏請革職。該革員被叅後。心懷不平。輒敢撫砌多款。逞刁誣訐。冀圖報復。現俱訊未得實。且牽控提鎮道府等至二十餘員名之多。其揭帖歌詞。雖訊非自行編造。然亦填砌款後。以為證據。是其居心險詐。圖洩私忿。此風斷不可長。若僅照例擬軍。不足以懲狡健。秦師韓著發往新

疆效力贖罪。以為被叅人員逞刁妄訐者戒。李維鎬為秦師韓修改稟詞。並未增減情節。著杖一百。徒三年。解交原籍定地充徒。到配折責安置。李百祿收受盤費。聽從抱告。著杖八十。折責發落。至各直省督撫幕友。屢經降旨不准邀請議敘。雖此次幕友陳時等五員名俱係遠涉重洋。襄辦軍務。與尋常在署襄理文案者稍有不同。惟究係各衙門幕友。非在官供職者可比。該將軍等率行保列。實屬

不合。瑚松額程祖洛俱著交部議處。所有幕友陳時監生顧蕙生劉心印候選州同陶時亮候選從九品王銳前經加恩之處。俱著該部撤銷。○旌表守正捐軀直隸撫寧縣民陳貴媳梁氏。盧龍縣民左貴妻葉氏。河南商水縣民康太淋女秀姐。○修直隸通州果渠村壩埽各工。從總督琦善請也。○以硃老山空封閉廣西永寧州鐵廠。從巡撫惠吉請也。○減免直隸河間新河隆平寧晉冀南宮安仔

八州縣積水地畝額賦有差○庚子以順天府府尹吳傑為內閣學士兼禮部侍郎銜服閩都察院左副都御史毛式郇為都察院左副都御史山東按察使牛鑑為順天府府尹未到任前以吳傑兼署以陝西督糧道程楸采為山東按察使○展緩陝西榆林葭神木府谷綏德清澗米脂吳堡八州縣上年被旱被雹村莊額賦○辛丑諭內閣武忠額等奏查明科布多糧餉章京承謀稟計參贊大臣

孝順岱糶易倉糧並無虛誣虧缺等弊一摺此案科布多參贊大臣孝順岱於上年三月間到任後既經查出倉貯糧石微變自應據實奏奏何得擅派官員開倉糶易兌換麪斤即欲修理城垣監獄何以不俟奏請率行辦理雖訊無侵肥情弊實屬辦理不合孝順岱著退出乾清門交部議處其易麪贏餘糧石自應折價入官至修理城垣各工用過麪斤即著落孝順岱作價賠補委署主事刑部筆

帖式承謨身任糧餉章京倉庫錢糧是其專責倉積微糧六百餘石並不呈請奏辦且既甘心賠補於前及出糶微糧又不稟阻事閱一年之久乃於年滿時始行稟計顯係意圖挾制實屬刁健承謨著革職即飭令迅速回京交該旗嚴加管束濫行出結之委署主事穆津筆帖式色布通額與奉派糶易倉糧之把總朱清吉王澤宣候補外委楊成保著一併交部分別查議以示懲儆○諭軍機大臣

等本日據盧坤等奏饒平縣知縣張文化應行迴避原籍請以周家俊對調已降旨准行矣饒平縣係海疆題調疲難中缺周家俊現年七十二歲精力能否勝任著盧坤祁墀隨時留心察看儻該員精力已衰於地方一切公事或有貽誤著即據實具奏毋稍容隱將此諭令知之○賞庫倫幫辦大臣多爾濟納木凱副都統銜在乾清門侍衛上行走○以前任哈密幫辦大臣長明為科布多參贊大

臣○調貴州威寧鎮總兵官達洪阿為福建漳州鎮總兵官。漳州鎮總兵官松青為威寧鎮總兵官。○以查拏山東鄉試舞弊人犯予知縣李恩霖等加銜升補有差。○以捐建廣東陽江縣義學予知縣朱庭桂等議敘。○以伊犁屯田豐收予總兵官錫霖等議敘。賞兵丁一月鹽菜銀。○貸江寧八旗官兵兩月米折餉銀。○壬寅。

上詰

皇太后宮問安。○御乾清門聽政。○以宗人府府丞卓秉恬為內閣學士兼禮部侍郎銜。大理寺少卿朱導為詹事府詹事。太僕寺卿溥治為通政使司通政使。○癸卯。諭軍機大臣等有人奏廣東匪黨掘墳勒贖一摺。據稱博羅縣貢生聶裕生員殷式妻墓皆被賊匪掘發。歸善一縣被掘者多至五百餘家。南海縣監生謝廷璣母墓亦復被掘。廣州首府所屬為尤甚。其勒贖之法匪徒乘夜黏帖於事主

門首限以某月某日指定事主戚友家中富而年高者一人隻身攜銀往某山代贖。儻或多人而往或所往非所指之人盜在山巔遙見早便逸去。又或逾所約之期或不足所勒之數立將骸骨投之污穢付之水火被掘之家雖甚多報官之案則甚少。緣未贖之先一經告官恐賊匪將骸骨毀滅迫贖回之後地方官輒以骸骨既得概置不理即或准理而門丁書差層層索費反致盜挾告官之恨重

掘別墳小民畏事每至忍氣吞聲匪黨見目前有必得之利日後無捕究之患盜風因而日熾等語匪徒盜掘墳墓大干例禁前經明降諭旨令該督撫等嚴拏究辦若如所奏近來其風日熾是該地方官玩視民瘼形同木偶既不能嚴禁於前又不能力緝於後即有事主控告祇以候緝一批了事又何怪賊匪明目張膽肆為民害生者破產傾家死者拋骸露骨該地方官忝居民上乃竟漫不經心

毫無聞見。殊堪痛恨。該督撫有轉移風化之責。宜何如倍加整頓。力挽頹風。著即嚴飭所屬各府州縣營弁。即將現在指出被掘各案。確切查拏。按律懲辦。毋稍輕縱。此外已經告發者。設法拏究。未經告發者。留心訪緝。毋使兇徒一名漏網。庶足以淨根株而戢強暴。儆仍前怠玩。無論事主曾否控告。別經發覺。或經科道糾叅。定將該督撫及地方官從重懲處。決不寬貸。以為縱盜殃民者戒。將此諭令

知之。○命教漢郡王幹咱巴拉子頭等台吉丹色哩特里克忠在乾清門行走。○甲辰命杭州將軍富祥來京。調西安將軍桓格為杭州將軍。黑龍江將軍富僧德為西安將軍。以戶部左侍郎奕經為黑龍江將軍。吏部右侍郎奕紀兼左翼前鋒統領。轉京營右翼總兵。桂輪為左翼總兵。以兵部左侍郎聯順兼京營右翼總兵。○以詹事府詹事朱嶠充日講起居注官。○乙巳。以故一等誠嘉毅勇公博

啓圖子景慶襲爵。○調吏部右侍郎奕紀為戶部左侍郎。禮部右侍郎文慶為吏部右侍郎。兵部左侍郎聯順為禮部右侍郎。○調鑲藍旗護軍統領忠山為正黃旗護軍統領。以散秩大臣綿岫為鑲藍旗護軍統領。調鑲白旗蒙古副都統祥康為鑲黃旗滿洲副都統。以塔爾巴哈台參贊大臣棍楚克策楞為鑲白旗蒙古副都統。○禮部議准。江西巡撫周之琦疏報採訪永豐縣貞節婦女蕭李氏等

三百九十口。崇仁縣呂鄒氏等一千四百十六口。河南巡撫栗毓美疏報永城縣蕭王氏等四十八口。各請建總坊旌表從之。○修直隸容城新城。二縣萬年倉。從總督琦善請也。○緩徵山西山陰縣積歉貧民舊借倉穀。○丙午。諭內閣。哈豐阿等奏操演擡礮。並籌備軍械一摺。粵省地處海濱。毗連南越。訓練操防。尤為要務。前經賞給關稅銀兩。製造擡礮。茲據該將軍等奏。如數造成。後飭令各兵勤

加操演。惟各兵自備步弓戰箭。以及舊製矛槍。均有未能得力之處。該將軍等另造火漆纏筋戰弓六百張。前鋒領催暨甲兵每名配足戰箭一百枝。其矛槍一項亦更改式樣。務令便捷合用。此項增改備製軍械。不無需費。著即由粵海關稅內。賞給銀五百兩。該將軍等即飭交委員。將各項軍械一律製造完全。務須認真訓練。不可有名無實。用副朕整飭戎行有備無患之至意。又據另片奏查理事

同知經管軍器局內。舊貯銅礮六位。礮身甚屬完固。著即撥備旗營存貯局庫。隨時操演。並著每年隨同大礮十位。運赴燕塘。在於搏節大礮火藥內。量為勻演。配用彈子。由該同知與大礮彈子一律撥用。遇有緩急。其應配帶藥斤彈子。統歸理事同知如數備辦。詳請覈銷。○諭軍機大臣等。楊遇春等奏本年西藏進貢堪布人等。被四川果洛克番賊糾眾搶劫。飛咨緝辦一摺。該堪布等齎載貢包。於

十一月內。自西寧起程赴京。已降旨飭令楊遇春等咨行經過各省。一體照料。妥為護送前進矣。此次該堪布等於本年七月。行至前藏扎噶布山地方。被四川果洛克番賊糾眾將包馱五起搶去。並殺傷番人。續於九月初十間。行至塞若松多地方。復被果洛克番三千多人。將貢包並眾番貨包。牛隻馬匹。全行搶去。殺斃藏番七名。行至貢額爾蓋地方。復被賊番搶去貨包。經楊遇春等飛咨四川

省。在於被搶各該處。趕緊查拏嚴辦。並嚴飭該駐防副將。帶領官兵。分投偵緝。貢額爾蓋地方。復行搶奪貨包。究係何處賊番。迅速弋獲究辦。此項番賊。肆行無忌。膽敢糾眾數千。搶劫貢物。實屬膽大惡極。若不從嚴究辦。必至西藏道路不通。著瑚松額等趕緊派委將弁。在於扎噶布山及塞若松多地方。將搶劫貢物之果洛克番賊。悉數查拏。務獲究辦。並將正餘貢包。貿易貨包。及牛隻馬匹等項。全

數追出。將該番賊等從嚴懲辦。以儆將來。將此諭令知之。○廣東水師提督關天培奏報到任謝恩。得旨。廣東風氣浮而不實。加以歷任廢弛。水師尤甚。朕看汝頗知向上。尚有幹濟之才。是以特加擢用。務要激發天良。公勤奮勉。實力操防。秉公去取。一洗從前惡習。海疆務期靜謐。勉益加勉。毋忽。○以因病告替三等男安德子成齡襲爵。○調盛京副都統闊布通武為正紅旗蒙古副都統。庫倫辦事

大臣正紅旗蒙古副都統察隆阿為盛京副都統。○以內閣學士倭什訥管上虞備用處事。○丁未

上詣

皇太后宮問安。○以故二等宣義伯文恆子樂英三等子該哈蘇子永恰布各襲爵。○以故察哈爾頭等子喇特納希底子巴扎爾嘎爾襲爵。○戊申。予故湖北襄陽府知府鄭敦允雲南學政汪如洋顧範入祀名宦祠。四川

故安徽和州州同何飛鳳舉人鄒楠直隸元城縣知縣王應鵬湖北故貴州開泰縣知縣張錫穀江蘇故通政司右通政任嘉宏山西冀寧道呂昌際廩生許重炎陝西故山西翼城縣知縣閻亮閣監生陳九鶴河南故山西太谷縣知縣呂崇謐江南江安糧道李師舒廣西故安徽涇縣知縣楊崇光雲南姚州知州王夢弼兵部主事李來章入祀鄉賢祠。從總督訥爾經額鄂山巡撫伊里布尹濟源林

則徐楊名颺栗毓美惠吉請也。○己酉。兵部奏遵議科布多參贊大臣孝順岱並將辦事迎合之筆帖式等分別議處。得旨。此案科布多參贊大臣孝順岱於該處糧餉章京承管倉糧微變並不據實奏。竟自開倉糶易。兌換麪斤。至修理城垣監獄亦不奏請辦理。經部議以降三級調用。實屬咎所應得。惟尚無侵肥情弊。著加恩賞給二等侍衛。在大門上行走。筆帖式穆津色布通額均著革職。把總

朱清吉王澤宣均著罰俸六箇月不准抵銷。餘依議。○以修建順天府房山縣義倉書院。知縣楊鉅源等下部議敘。○予廣東出洋淹斃把總傅文韜等祭葬卹廕。○修浙江蕭山縣西江塘工從巡撫富呢揚阿請也。○庚戌諭內閣奕湘等奏參贊讀等官請嚴議懲辦一摺。所奏是。

西陵贊讀官慶海惠霖隆山等任性妄為率行稟請兼辦部務並誣稟禮部司員朦混舞弊

有心挾制此風斷不可長慶海惠霖隆山著交部嚴加議處嗣後贊讀等官幫辦部務著永遠裁撤以符舊制而專責成該部知道。○諭軍機大臣等盧坤奏查辦粵海關商欠餉銀大概情形一摺前據中祥奏截清新舊關餉已未完銀數並查明商欠餉款至二百六十餘萬兩之多當降旨交盧坤確切查明據實具奏茲據奏稱向來洋行倒歇有將該商餉欠查辦攤賠之案道光四年以後麗泉等

五行相繼開歇現商代賠欠項多至二百餘萬兩又值比年洋貨滯銷以致拖欠餉項疊與中祥所奏尚屬相符關餉催徵起解例有定限不得藉口攤賠轉致徵解遲延現經該關監督彭年奏請將欠數最多之商人梁承禧李應桂革去職銜同其餘欠餉各商均勒限三箇月完繳已於具奏後繳過銀十一萬二千八百兩零所有未完銀兩仍著上緊嚴追勒令於限內埽數全完不准稍有帶欠儼

逾限完不足數即按欠數多寡分別正雜查抄追賠務使帑項均歸有著至前任監督中祥等於道光十年奏裁起解之限原期較舊例更為提早乃竟無一年全完何以欲速反遲攤賠本為清源之道各商攤賠之數多寡亦不盡一有無偏枯著該督詳察確查會同現任監督彭年通盤籌畫設法妥議章程據實具奏務俾商力不致日疲餉欠不致懸宕辦理方為妥善將此諭令知之。○以翰林院

侍講德誠充日講起居注官。○展緩廣東南海番禺花三水高明四會鶴山高要清遠九縣被水村莊新舊額賦並貸圍基修費買秧資本銀。○辛亥諭內閣孟魁奏委員護解貂皮一摺吉林所屬三姓進貢貂皮二箱委員佐領額勒金到關因病不能前進該副都統揀派佐領豐伸布帶同原解兵丁護送所辦甚是。此項貢物沿途例有護解兵丁總聽原解官親率呼應。儻派出解官或有患病等

故無人彈壓嗣後盛京吉林黑龍江等處派員護解貢物除揀派解官一員外著添派佐領以下官一員責令小心護解庶沿途足資彈壓以免疏虞。○賞教漢公烏爾占扎布花翎。○蠲減直隸天津文安二縣被水窪地額賦有差。○壬子。

上詣

皇太后宮問安。○諭內閣前據御史許球奏兩淮鹽務辦理支飾情形當降旨交戶部查覈

具奏茲據奏兩淮歷年題報額徵課款覈算癸巳綱徵完銀數較辛卯綱實少徵銀二十三萬餘兩較壬辰綱實少徵銀四十四萬餘兩其自癸巳綱起停止加帶配割正引未完正雜課銀仍有三十餘萬兩並未能多交銀一百七十八萬兩較辛壬兩綱又少完加斤銀四十餘萬兩覈計自嘉慶十二年至道光六年牽算每年解過銀四百餘萬兩道光七年解過銀六百萬兩覈與該御史所奏比較

各款銀數均屬相符至帑利等銀向係分解京外各衙門之款總未據造冊報部現據在京各衙門均有奏催之案著陶澍仍遵前旨迅即按款造報以備稽覈又據查該御史所奏趕銷積引毋誤奏銷並籌及票鹽各情形均係淮鹺緊要關鍵覈計壬癸未運各引實已積至一綱有餘現在已屆年終儻尚有未清積引勢必年復一年愈積愈多又聞牽混之門永無清釐之日更復成何事體兩淮鹽

課奏銷例有定限。前據該督將辛卯奏銷奏請展限。經該部議覆。予限四箇月。自應運清積引。依限奏銷。並逐漸提歸二月原限。斷不可再有遲延。又滋輟轉。著該督即將未清積引。埽數銷完。其新綱奏銷。仍確遵奏定限期。不准稍有遲逾。以正綱分。而免積壓。至淮北現行票鹽。該督前奏試行有效。並請推廣辦理。若如該御史所奏。現在搶案紛紛。疊出。與該督前奏情形迥有不同。儻稍滋流弊。因

鹽務而累及地方。所關甚鉅。著該督認真查辦。將如何稽查防範。不致滋生事端。併現在有無搶案。疊出之處。據實具奏。毋稍含混。兩淮鹽務。改歸總督兼轄。疏銷緝捕。呼應較靈。且裁革浮費。清釐積欠。截前杜後。永斷葛藤。正應剔除弊端。年清年款。提歸每年二月奏銷原限。乃正雜各課及帑利等銀。逐年短絀。舊欠未完。新虧又積。年復一年。伊於胡底。朕綜理庶政。惟知賞功罰過。視乎其人之自取。

從前曾燠張青選福珠隆阿福森辦理不善。立予罷斥。即係前車之鑒。該督如有天良。即當實力疏銷。通盤籌畫。振刷精神。勉圖自效。儻稍存回護。混飾彌縫。苟且一時。毫無實效。帑課攸關。豈容因循貽誤。朕惟有執法從事。治以應得之罪。斷不稍為寬貸。懷之慎之。○又諭戶部奏辦供京銅低潮。請酌覈改煎章程。此次滇省癸巳年正運一起。委員汪之旭所解京銅。戶工二局共挑出低銅六萬一千

餘斤。值此銅務喫緊之際。若不嚴予參處。則此後辦供京運勢必至每運攬有低潮。著吏部將該委員及滇省承辦銅務各員查取職名。分別加等議處。以儆將來。嗣後到京各運。如挑有低銅。再行覈參。所有此次挑出低銅。俟戶工二局彙同從前節次低銅煎煉後。覈計逾折火耗等項銀兩。著落滇省各員分賠歸款。至每年挑出低銅。在京煎煉。不若即由滇省改煎。可免賠累。如謂改煎需時。恐誤起

運著即將該廠貯備他省應領高銅先儘協供京運而以續行改煎之銅通融補撥自可兩無貽誤其應如何相機辦理之處著雲貴總督雲南巡撫會同妥為籌畫勿任銅色仍前攪雜亦勿令款項少涉虛糜總期歷久可行永杜低潮而資鼓鑄○以鄭親王烏爾恭阿慶郡王綿懋工部尚書敬徵兵部尚書奕顯鑲紅旗蒙古都統哈琅阿為內大臣命克勤郡王承碩貝勒奕細都察院左都御史恩銘黑龍江將軍奕經散秩大臣盛貴在內大臣上行走○濬湖北石首潛江漢川三縣支河從總督訥爾經額等請也○癸丑大高殿設壇祈雪

上親詣行禮○御瀛臺勤政殿賜蒙古王貝勒貝子公額駙台吉及外藩使臣等宴並賞賚有差○閱冰技○以禮部尚書載銓兵部尚書奕顯工部尚書何淩漢吏部左侍郎桂翰充經筵講官○賞喀爾喀貝子貢格多爾濟

雙眼花翎翁牛特鎮國公桑噶巴拉郭爾羅斯輔國公阿勒坦鄂齊爾科爾沁扎薩克土謝圖親王諾爾布林沁子公銜頭等台吉色登端嚕布科爾沁水圖郡王林沁扎勒贊子頭等台吉阿玉錫哩花翎命色登端嚕布在乾清門行走○命土默特扎薩克貝子德勒克色楞在紫禁城內騎馬○布古爾三品阿奇木伯克邁瑪特等四人喀什噶爾四品商伯

克密爾哈色木等二人葉爾羌五品阿奇木伯克呢雅斯等二人賽哩木五品噶雜納齊伯克阿布都勒依木等二人沙雅爾五品商伯克斯底克等二人伊犁五品噶雜納齊伯克鄂斯滿等二人吐魯番協理旗務伯克愛哈特巴和依等二人霍罕伯克愛連巴依等二人朝鮮國使臣李翊會等三人琉球國使臣向如山等二人暹羅國使臣呷雅唆滑里巡段呵叭臘車突等四人於西苑門外瞻觀

○甲寅協辦大學士雲貴總督阮元奏遵議
流民租種苗田章程。外省流民私佃苗田
應嚴明立禁。客戶勾引流民續入苗寨應
嚴行究辦。近苗客戶不得續行當買苗產
一。續來流民豫宜盤詰遞送稽查遊棍以安
苗境得旨覽所議原屬周妥但有治人無治
法務須行之以實持之以久苗人果能樂業
永無釁端方為不負委任若一奏了事徒成
紙上空談日後稍有不靖朕惟爾督撫是問

懷之母忽○乙卯

孝莊文皇后忌辰遣官祭

昭西陵○

上詣

壽康宮前殿行禮後殿問

皇太后安○

孝慎皇后殯宮豫行歲暮大祭並月祭遣官行

禮○諭軍機大臣等前據陶澍奏請繳辛卯

綱未用活計銀兩並遇有傳辦活計即由造

辦等處採買其現在咨取楠木或由工部或由內務府採買當交總管內務府大臣議奏茲據奏稱乾隆年間奏定章程兩淮每年應徵傳辦外支兩款共銀十萬五千四百餘兩除交辦活計動支外如有餘騰解交內務府自丙戌以及庚寅應解之款未據報解道光三五兩年傳過楠木二次該鹽政如何採辦未據咨報現在無案可稽本年鑾儀衛應修五輅需用楠木經造辦處咨行該督辦運自

應遵照乾隆年間奏定章程動款置辦等語楠木非北方所產若由京委員赴南購辦不特更張舊制且亦無此政體此次傳辦楠木需價不過四百餘兩何難就近發價採辦應用著陶澍即由傳辦外支款內照數動用採買運京至辛卯年應徵之款遲至本年始行奏解殊屬延玩嗣後務當按年解到庶遇有承辦活計不致墊用別款將此諭令知之○丙辰諭軍機大臣等前據特依順保奏酌擬

沿邊巡查會哨章程。當降旨著蘇清阿於到伊犁後。會同體察情形。悉心妥議。茲據特依順保等會議覆奏。意見相同。請按照原奏章程辦理。並據稱各邊卡倫。相去遙遠。中間舊設瞭墩。間有坍塌。不足以資守望。各卡馬匹。向係散牧荒灘。難以固守。請飭令各卡修理馬圈。朝放暮收。加意隄防。將各卡瞭墩。隨時嚴整。照依向例。令該管卡員。派令健壯兵丁。輪流坐守。不許刻離。見有賊跡。立即稟報。如

各卡官兵稍有疏懈。立予嚴懲。其應行修整之處。飭令該領隊大臣。督率各營認真查辦。仍嚴飭管領巡兵之員。選派精壯兵丁。各帶鳥槍器械。按期會哨。遇有私越賊犯。協同守卡官兵。就案擒拏。不准輕出。以杜弊端等語。該將軍等。自為沿邊遼闊。加意防範。務須認真辦理。期於邊務實有裨益。現既酌定巡卡會哨章程。立法俱屬妥善。其選派兵丁坐守瞭墩。逐日輪流防範賊匪。事匪朝夕。如果行

之有效。永無流弊。方可歷久遵行。似此暫時辦理。不難力求整頓。俾各兵丁專心守望。但日久兵丁有無苦累。或致有名無實。該將軍等亦當計及久遠。隨時細心體察。不可以陳奏在先。稍存回護。如有變通。不難據實再奏。其歷年積餘稅租銀兩。發商生息。既係照案辦理。將來不至虛懸無著。即著照所議行。至哈薩克等夷情。現屆冬令。均屬安靜。總須加意防備。相度邊情。臨時酌辦。鎮靜撫綏。期於有備無患。方為不負委任。將此諭令知之。○

上以歲暮禋祭

太廟。自是日始齋戒三日。○丁巳。諭內閣。吳椿等奏請將辦工疏忽之縣令摘去頂帶一摺。浙江海塘興舉大工。全在承辦各員認真經

理茲據吳椿等查明。石塘一丈。例應於塘底釘椿一百五十根。其椿數及圍圓尺寸。俟委員驗明合例。方准砌石。署秀水縣知縣劉禮章承修經府二號石塘四丈。於釘椿齊全後。尚未稟候查驗。率任匠人累石修砌。雖非意存偷減。究屬疏忽。劉禮章著先行摘去頂帶。責令立時拆起。聽候驗椿。再行另建。儻仍不知愧奮。並工程不能如式。即著據實叅辦。該部知道。○又諭桂良奏豫省本年請緩新舊

糧賦各縣。查無那移捏飾情弊一摺。所奏是。本年河南請緩新賦者。安陽等六縣。請緩新漕者。滎澤一縣。據該撫查明。所緩銀米。與被水地畝應徵銀數。覈對俱屬相符。內惟湯陰縣被水各村。實應緩徵未完民欠銀四千一百餘兩。該縣誤報七千八百餘兩。銀數舛錯至三千餘兩之多。雖經該縣稟請更正。辦理究屬疏率。湯陰縣知縣黃樹烈著交部議處。以為玩忽公事者戒。該省各州縣向於查辦

緩徵時。先祇查報應緩村莊。即由該撫據情入奏。迨各屬陸續查齊戶名。項畝銀數。已將屆奏銷之期。為時過久。易啟那移牽混之弊。嗣後該省設遇有請緩之處。著將被災戶名。與村莊一併開報。該撫即遵委明幹大員。督同地方官詳細查勘。分別辦理。俟奉旨後。即將應緩項畝銀數。勒限覈實題報。不准再蹈因循積習。該撫務當督令各州縣實力催科。儻仍催徵不力。即查明照例叅辦。毋稍姑容。

該部知道。○諭軍機大臣等。本日據程祖洛奏。請以王忠貴調補福建建寧鎮總兵。孫掄元調補浙江衢州鎮總兵。已明降諭旨。准其對調矣。孫掄元前經召見。朕看其人。不甚明白。因寄諭該督。隨時察看。是否尚堪勝任。據實具奏。茲據奏稱。該員行抵省城。經該督詢以營伍地方事宜。對答尚無舛謬。惟建寧鎮一缺。責任綦重。孫掄元乍到閩省。人地生疏。現已年逾六十。恐精力不能周到等語。總兵

有統率將弁整飭戎行之責。衢州鎮一缺。雖較建寧鎮事務稍簡。治理較易。然操練兵丁。鈴束備弁。在在均關緊要。儻精力衰頹。不能振作。尚望其緝捕巡防。諸資得力耶。該督務當隨時隨事。留心體察。如孫掄元精力就衰。不堪勝任。即著據實具奏。毋稍容隱。致滋貽誤。將此諭令知之。尋奏。孫掄元前在福建省城三月。驗其精力不衰。現飭赴衢州任事。尚不致貽誤。報聞。○調浙江衢州鎮總兵官王

忠貴為福建建寧鎮總兵官。建寧鎮總兵官孫掄元為衢州鎮總兵官。福建福寧鎮總兵官邵永福為浙江溫州鎮總兵官。溫州鎮總兵官陳步雲為福寧鎮總兵官。○以喀喇沙爾屯田豐收。予員弁議敘。賞兵丁一月鹽菜銀。○戊午。以歲暮。祫祭。遣官祭

太廟中殿

後殿。○賞鄂爾多斯郡王巴保多爾濟三眼花翎。阿巴噶貝子德木楚克達什。喀爾喀貝子

阿第雅科爾沁貝勒達爾瑪扎布雙眼花翎。命達爾瑪扎布在乾清門行走。○以拏獲東河焚燒料垛首犯山東知縣方長春下部優敘。○己未。祫祭

太廟

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵。○遣官祭

孝穆皇后殯宮。○遣官祭

端慧皇太子園寢○遣官祭

太歲之神○庚申。

上御保和殿筵宴朝正外藩科爾沁巴林奈曼
鄂爾多斯阿巴噶喀喇沁土默特喀爾喀烏
喇特翁牛特郭爾羅斯蘇尼特克什克騰教
漢浩齊特青海土爾扈特和碩特王貝勒貝
子公額駙台吉塔布囊及朝鮮琉球暹羅國
正副使等隨文武大臣依次就坐諸樂並作
上進酒召左翼科爾沁扎薩克土謝圖親王諾

爾布林沁科爾沁卓哩克圖親王巴圖巴林
扎薩克郡王那木濟勒旺楚克奈曼扎薩克
郡王阿宛都瓦第扎布科爾沁扎薩克郡王
林沁扎拉贊阿巴噶郡王那木薩喇多爾濟
喀喇沁扎薩克貝子理藩院額外侍郎瑪哈
巴拉科爾沁扎薩克貝子濟克默特土默特
扎薩克貝子德勒克色楞右翼喀爾喀車臣
汗阿爾塔什達喀爾喀扎薩克圖汗瑪呢巴
咱爾喀爾喀扎薩克親王車登巴咱爾喀喇


沁扎薩克郡王布呢雅巴拉喀爾喀扎薩克
郡王托克托瑚圖噶車凌棍布圖克濟扎布
浩齊特扎薩克郡王吹精扎布至

御座前賜酒成禮○是年旌表孝子直隸等省
邊兆吉等二十一名孝義山東等省王文謙
等三名孝友福建等省李傳安等十五名孝
女直隸等省孫氏等十一口守節合例宗室
佐領奎秀妻佟佳氏等二十五口滿洲護軍
海明阿妻瓜爾佳氏等一百一十三口蒙古

領催穆克德柯妻唐氏等三十八口內務府
披甲德春妻趙氏等十六口漢軍筆帖式安
保妻于氏等二十六口各省駐防閒散張永
富妻鄭氏等二百十三口直隸等省任綵氏
等一千三百九十四口未婚守志滿洲領催
彭齡聘妻宗室瑞安女一口滿洲清連聘妻
富氏一口漢軍韓家煊聘妻羅氏一口黑龍
江駐防蘇爾通阿聘妻博爾克佳氏一口直
隸等省賈汝愈聘妻盧氏等二十五口夫亡

殉節直隸等省舉人張淦妻王氏等三十九口。百歲壽民婦。浙江等省唐德錫等二十八名口。五世同堂。浙江等省丁源等三十八家。各給銀建坊如例。○一產三男直隸等省宋立綱等六家。○會計天下民數穀數。直隸等省通共大小男婦四萬一百萬八千五百七十四名口。存倉米穀二千九百九十一萬四千七百七十六石八斗九升五合。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百六十一



統一書號:11018·1355—35

定 價: 56.00 元